

7. 1. 11

Evening
Lulu
Rygi
B.M.
on

IACOBI
SALIANI
 AVENIONENSIS
 E SOCIETATE IESV,
DE AMORE DEI
 LIBRI SEDECIM,

*Diliges Dominum Deum tuum ex toto corde tuo, & ex tota
 anima tua, & ex tota fortitudine tua. Deut. 6. 5.*

Synopsis totius Operis post Præfationes religioso
 Lectori exhibebitur.




LVRETIAE PARISIORVM.

Sumptibus SEBASTIANI CRAMOISY, viâ Iacobæâ,
 sub Ciconiis.

M. DC. XXXI.

CVM PRIVILEGIO REGIS.

*Eremitarum Coenob.
 dulci eremi monachi
 Regii Conceptionis
 B. M. V. ad Vierge.
 am*





DIEO OPTIMO MAXIMO.

DIVINI AMORIS FONTI
VBERRIMO, AC MVNIFICENTISSIMO
Largitori, Sacrum.



Hoc quoque opus, quod Diuini
Amoris inuitamenta, laudésque
pollicetur, Tibi, Deus Opt. Max.
cupio esse consecratum: nimi-
rum vernaculum tuum, natum
eductumque in domo, & familia tua; quód-
que nunc primùm, officiosissimè obstetrican-
te manu tua, suauissimam lucem aspexit,
quamuis longissimè ab ea perfectione, & ab-
solutione distet, quam infinita maiestas tua
meritò postularet, & tanti dignitas argumen-
ti. Neque enim beatissima illa sola terrarum
vltimarum, ac ne cælestes quidem illi orbes,
cælitésque omnes, quidquam habent in bonis
suis diuino Amore diuinius; adeò vt si Dei
Amor in cœlo, à Dei contemplatione, diuina


vi secerneretur , vt seiungi cogitatione possunt , optabilius esset Deum amare , quàm intuiti. Hæc quippe visio , rei creatæ bonum est ; ille autem Amor fertur in bonum tuum , quem sincere diligit , cuique infinita illa sua bona gratulatur. Hic Amor vnum te procreatorem agnoscit ac parentem , quo maximè exhilaratur coelum , quo terra immortalibus verissimisque diuitiis locupletatur. Sacrum tibi esse , desidero ; imò sacrum tibi esse , planèque tuum palam profiteor , omnique iure ac ratione tuum : neque gratiæ vox ista est , aut beneuolentiæ , sed iustitiæ & æquitatis. Fructus enim arboris , quam seuisi in horto tuo , alteri seculo fortasse profuturam , tui omnino sunt , sicut & arbor ipsa , ipsumque solum , quo sustentatur & viuit. Tui sunt , inquam , fructus isti , & à te expetunt , expectantque copiosam benedictionem , cuius mirifica efficacitate , non inanem in populo iactationem habeant , sed in nobis primùm ipsis , deinde in animis dilectorum tuorum egregiam sementem faciant , vnde læti quamprimùm , vberèsque fructus colligantur. Eam gratiam si nobis fueris impertitus , iidem fructus pulchritudine placebunt intuentibus , manus iucundo odore perfundent , & animi palatum gratissima dulcedine commouebunt.



Clarissimo, ornatissimoque Domino,
D. IACOBO HALÆO,
REGIO CONSILIARIO,
ET INTEGERRIMO REGIARVM
Rationum Magistro S.

DIV à te desideratum, atque expectitum opus de Amore Dei, idemque multis nominibus, quæ me pudor tuus recensere vetat, tibi iampridem debitum, iurè ad te recundèque proficiscitur. Et proficiscitur illud quidem iure meritòque, tanquam ad virum diuini Amoris amantissimum; cui nihil sit antiquius illo amore, qui pridem honestissimum in eius corde domicilium collocauit, qui omnia quæ ad ipsum quoquo modo pertinent, legitimo imperio, suauissimòque moderatur: qui denique ne illo careat, rerum omnium iacturam æquo animo patiatur: rectè profectò. Dei enim præpotentis Amor, sine ipso Deo aut amitti, aut acquiri non potest. Verecundè nihilominus ad te proficiscitur. Conscius

quippe sum mihi, quàm longè absit ista nostra
disputatio, ab illa absolutione, quam dignitas po-
stulat argumenti; quaque ornatam esse oporteret,
ut prestanti isti sapientiae, pietati, atque eruditio-
ni par esse, & tua tuorumque necessariorum ex-
pectationi usquequaque respondere posset. Verùm
id non parum me recreat, quod planè confidam
singularem tuam erga me, constantemque beneuo-
lentiam, mihi iam pridem probatam & cognitam,
& meritissimò in Annalibus nostris populo Chri-
stiano testatam, facile omnia excusaturam, me-
lioremque in partem accepturam. Patere igitur,
Haeclarissime, ut in nobilissima bibliotheca
tua locum aliquem habeat hoc volumen; & in
numero tot egregiorum monumentorum, quae viri
sanctissimi seculis omnibus posteritati reliquere,
se gaudeat esse collocatum; ut ei sit ex tam illu-
stri societate gloria: aut medios certè Annales,
Amor Timorque Dei, ut sobolem parentes, dex-
tra, sinistraque complectantur. Vale.



PRÆFATIO
DE AVTORIS
IN HOC OPERE
instituto.

CANDIDO LECTORI S.



PERÆ precium videtur, atque, ut arbitror, ^{II}
opportunitum, religiose Lector, ut tecum fa- ^{Qua causa}
miliariter aliquid de instituto meo proloquar. ^{scriptiois}
Cum enim singulari Dei ac Domini nostri be- ^{huius.}
nignitate, & optatissimo sanctissimæ Dei ma-
tris auxilio, Annales Ecclesiasticos veteris Testamenti in
Christiani orbis theatrum spectandos ante annos aliquot
dedissemus, in quibus ex sacra, profanæque historia, res ge-
stæ ab orbe condito, ad Christi Domini natiuitatem & mor-
tem, per annos sex & octoginta, supra quater millenos di-
geruntur, & explicantur; cum hæc, inquam, pro virium
nostrarum mediocritate, aut tenuitate potius, aliquando
confecta essent, egere mecum nonnulli de fratribus, ami-
cis, ac necessariis meis, ut aliquid pij operis susciperem, quo
Dei gloriam, & animarum salutem promouerem. Affir-
mabant illi seridè, & in causa sua ponebant, hanc esse Dei
voluntatem, neque de ea dubitandum videri, quando qui
vitam, sanitatem, ac vires sexagenario dederat, ut tam mul-
tarum vigiliarum opus ad optatum finem contentioso labo-
re perduceret, easdem nunc septuagenario non vulgari be-
nignitate conseruet, utique ad aliquam Ecclesiæ suæ utilita-
tem. Quòd si literatis hominibus, ut plerique putant, in
illis Annalibus opera aliqua nauata fuerat, par esse ut in gra-

P R Æ F A T I O

riam eorum, qui literis studiisque grauioribus, aut nullam, aut modicam operam dedissent, contribuere aliquid, & in commune conferremus ad eorum pietatem, si quo modo possemus, suauiter promouendam.

II.
*Alia scri-
bendi incita-
mentum.*

Mat. 24. 46

Poterant & prædictis addere, consentaneum esse huic ætati, imminente iam dudum, vt apparet, curriculi mei metâ, illam vt nutriendâ, fouendâque hominum pietati, studiosè ac liberaliter impenderem; eadèmq; opera me ipse, ad reddendam magno Iudici, de tota antea acta vita rationem, accuratius præpararem. *Beatus enim ille seruus, quem, cum venerit Dominus eius, inuenerit sic facientem; amen dico vobis, quoniam super omnia bona sua constituet eum.* Et quamuis alia opera ad diuinam gloriam suscepta, non exigui sint meriti apud munificentissimum Deum: istius tamen modi scriptorum genus, hoc potiore conditione cæteris esse solet, quod in his elaborando, sensim sine sensu Scriptoris animus incitatur, ad plurimarum virtutum, nominatimque diuini Amoris actus eliciendos, quibus nihil est in hac vita fructuosius: quod raro admodum, scribendis Annalibus, aut Philosophicis, Theologicisque subtilitatibus inuestigandis, contingere solet.

III.
*Utilitas
istiusmodi
parum scri-
ptorum, pu-
ta de Amo-
re ac Timo-
re Dei.*

Hæ, aliæq; id genus rationes, & incitamenta perpulerunt me, vt libellos duos iam pridè sepositos, qui de Timore Dei, atque Amore scripti erant, resumerem in manus, atque recognoscerem. Rebar enim fieri posse, vt prior ille iis esset adiumento, qui de vita rectius instituenda cogitationem susceperunt, aut iam susceperunt; posterior autem iste vti esset iis, qui virtutis iter ingressi, enituntur, atque elaborant vt longius progrediantur in dies. Geminis hisce quasi rotis currus animæ nostræ versatur, perque salutis viam trahitur. Ed timor, quasi iniecta manu, improbos trahit, & corrigit: Amor exceptos, emendatosque conseruat, regit, locupletat, & ad metas felicitatis adducit. Timor dat operam ne Iudex, Magister, Dominus deinceps offenda- tur: Amor liberali famulatu Deum vt parentem obseruat, vt sponsum amplectitur, vt necessarium, optimeque de se meritum in oculis ferre solet. Timor si sumatur ex vulgari
vlu

AD LECTOREM.

usu cum hac vita terminatur; neque enim locum hic inuenire potest, ubi nihil sit formidandum, diuini Amoris nullus est terminus, nullus finis; nullóque loco præterquam Tartaro excluditur; vbique reperit dilectum suum, maximèq; in beata illa regione, in qua eum reuelata facie contemplatur, complectitur, & in omnem possidet æternitatem.

Quoniam verò, iuxta gratiæ ordinem & naturæ, timor IV.
 amorem antecedit, eique viam munit, rationi consentaneum fuit, ut quæ ad timorem pertinebant, prius emitterentur in lucem; nunc consequenter optarem, si diuinæ maiestati gratum fuerit, mortales illos ad diuinum amorem allicere, quos Dei timor, & peccati, ex Ægyptia seruitute extraxissent, *in manu forti, & brachio extento, in ingenti pa-* Deut. 26. 8.
nore, in signis atque portentis; meritò quippe peccatoris conuersio in signis atque portentis numerari potest. Vellem diuinum illud charitatis manna eis degustandum præbere, ut cibo recreati, quo nullus est in hac vita dulcior, nullus palato gratior, nullus stomacho fructuosior, non allia solum, ac porros Ægypti, sed ollas etiam carniū fastidirent. Vellem denique persuadere peccatori, eum in perpetuo deinceps luctu, ut nonnulli insipienter putant, ac timore minimè victurum; sed porcorum filiquas, ut ille prodigus, in vitulum Luc. 15.
saginatum mutaturum; si modò se prius cum illo ad pedes humanissimi parentis abiecerit, madentibus oculis, gementi pectore, & vultu pudore suffuso.

Non sum porro nescius, ut vulgari multorum obiectioni V.
 occurrā, multa huius ipsius argumenti volumina in manibus hominum versari, quæ autores habent illustres viros, *Num super-*
 huius ac superioris ætatis, facile principes, qui multo vberius *ius videri*
 riore spiritu diuinitus afflati, eodémque sibi fine proposito, *possint.*
 melioribus etiam naturæ doctrinæque præsidis instructi, de *Granat.*
 diuino Amore scripserunt, noménque suum, magno cum *Episcop.*
 animarum fructu, omnium seculorum posteritati consecra- *Geben.*
 runt; diuersa tamen operis animo concepta designatio, di- *Bonad.*
 uersaque ratio tractationis, instituto meo patrocina-
 buntur, occurret tædio, nouámque antiquæ personæ faciem inducet. Sic & infirmorum curatores, & eorum qui ciborum

P R Æ F A T I O

fastidio laborant, variis eisdem cibos apparant condimentis, diuersosque non diuersæ carni sapes ingerūt, vt ægros vtiliter, ac bono dolo fallant.

VI.

Seruator diuersis modis se nobis accommodat.

Ephes. 5.
29.

Baruch. 3.
38.

Ioan. 13. 13.
ca. 7. 46.

VII.

Omnibus factus est omnia, vt ab omnibus amaretur.

Ioan. 16. 33.
& 12. 31.
Colos. 2. 14

Ephes. 1. 22

Ioan. 15. 15.

Dominus ac magister noster Iesus Christus, Dei hominisque verissimus filius, æterna sapientia, & singulare diuini Amoris obiectum, hanc nobis industriam exemplo suo patefecit, dum nostrum in ipsum amorem tot rationibus, tamque discrepantibus inter se viis sapientissimè prouocauit. Carnem suam, vt alteram partem sui quisque diligit, nec est, Apostolo teste, qui eam odio habeat: Seruator noster, vt nostræ se infirmitati attemperaret, carnem induit, & *Verbum caro factum est*. Vitæ consuetudo, mutuæque familiaritas non mediocre vinculum est ad voluntates mortalium copulandas; ipse *in terris visus est, & cum hominibus conuersatus est*. Parentes diligimus, & consanguineos, ipse pater noster est, & futuri seculi pater, discipulosque suos appellat fratres. Magistros nostros doctoresque iure diligimus, quorum opera quidam tanto præstant cæteris hominibus, quanto isti beatis antecedunt. At Seruator, *Vocatis me, inquit, magister & Domine, & bene dicitis, sum etenim. Nunquam enim sic locutus est homo, nemo vnquam sublimiora docuit, aut sanctiora.*

Principes nostros, & qui supremo imperio pollent vltro diligimus; vicariam enim Dei potestatem in terris, gubernandis nobis exercent, nosque liberos ab hostibus, incolumésque conseruant. *Confidite*, ait Seruator, *ego vici mundum, nunc princeps huius mundi eiicietur foras*. Ipse proprio sanguine debita nostra dissoluit, deleuitque chirographum, quo tyranno illi eramus obligati, & turpissimæ addicti seruituti, asseruitque in libertatem filiorum Dei. Sponsum sponsa diligit; ipse se sponsum Ecclesiæ, sibi que dilectarum animarum sigillatim exhibet. Caput suum membra honorant, amantque: Deus filium suum *dedit caput supra omnem Ecclesiam*, quæ est corpus eius. Oves amant pastorem suum; ipse est *Pastor bonus*. Amici amicos diligunt, eisque sui cordis secreta committunt. Audi Seruatorem, *Iam non dicam vos seruos, quia seruus nescit quid faciat dominus eius. Vos autem dixi amicos, quia omnia quaecumque audiui à Patre meo nota feci vo-*

AD LECTOREM.

bis. Vitam diligimus, & quæ ad eam conferuandam valent; ipse in cibum se potumque immortalitatis conuertit; Denique ipse omnia factus est omnibus, vt omnium in se amorem conuerteret.

Itaque de amore differendum est nobis, nihil eo dulcius, VIII.
nihil amabilius; & de amore diuino, nihil eo sanctius, atque *Paulus 2^o
delectatio
huius ar-
gumenti.*
diuinius: nihil quod cum eo de necessitate possit, aut iucunditate certare; nihil quod hominem magis deceat, quem Deus ex amore condidit ac redemit, ex amore conseruat, & reddet aliquando ex amore gloriosum. Explicandus est nobis amor, non profanus ille ac vulgaris, sed sanctus ac celestis: non turpis & incontinens, sed castitatis & integritatis parës: non cæcus & agrestis, sed angelicus, & plenus sapiëntiæ *Antistheſis
diuorum
amorum.*
perspicacis; non nudus, non opum vacuus & pudoris, sed verecundia, modestiâq; tectus, diuitiisq; cœlestibus locuples; non puerulus expers prudentiæ, sed in ætate florida grâdatus; seculis quippe omnib⁹ prior, & rerû productioni æqualis: non volucer & malè pennatus amor, sed constans atque perpetuus, de quo Dominus per Prophetâ, *In charitate perpe-* *Ier. 31. 3.*
tua dilexi te, ideo attraxi te miserans, miserans inquam te, stulto & inani rerum creatarû amore perditum, ac profligatum.

Denique de amore dicendum est nobis, non qui homines IX.
mancipat stultissimæ seruituti, & qui diuos iactat impudēs, *Diuiui de
pro: hanc
victoria.*
hominēsq; triumphatos, sed qui stultû illum amorem conculcauit, cui diuulsi alas, exinaniuit pharetram, cōfregit arcum ac sagittas. Id pius quidam poëta cecinit, & nobili trophæo ad Crucifixi pedes excitato, hoc subscripsit elogium,

Dius amor postquam impurum subiecit amorem,

Fregit & in stygiis spicula nata plagis:

Imbuit innocuas rediniuo fonte sagittas,

Viniſcôque ictû corda ferire parat.

Pande sinus pia turba Deo, sacra vulnera perfer,

Vinere & ô discas faucia, vt antè mori.

Faceſſat amor noctis amator & tenebrarum, quibus occul-
tet turpitudinem suam, & oculos vitet pudoris & honesta-
tis amâtes, quales in deliciis habet diuinus Amor quo etiam
diuini verbi religosa suggesta meritò resonare possunt. Est

P R Æ F A T I O

enim argumētum ea domo dignum, quæ sacrosancta Christi corporis præsentia, & sacrificio subinde sanctificatur, piorum precibus, ac suspiciis, quasi incensis odoribus suavissimè fragrat, & dulci sanctarum lachrymarum stillicidio irroratur: dignum denique castissimis auribus, & innocentissimis oculis argumentum. Amor diuinus nullam ætatem respuit, nullum tempus excludit; nullus enim est dies, qui antiqua eius beneficia non refricet, aut noua promittat. Qui amor Deum deduxit in terras, ille idem omnia fidei nostræ mysteria perpetravit in terris, mutuūque amorem mortalium, melle verborum allexit, beneficiorum prodigiis incitauit, crudeli ac pudenda morte succendit, gloriofæ resurrectionis & ascensionis triumpho, diuinum reddidit & immortalem.

XI.

Amor diuinus legis epitome.

Deut. 6. 6. 7. &c.

Rom. 13.

10.

Matth. 22.

403

Præcepit Dominus, vt ipsius legem dies noctesque meditemur, vt oculis nostris illa perpetuò obuerferetur, neque vnquam è manibus elabatur; charitas succuse est eliquatus, & medulla suauissima diuinorum mandatorum, & summa scriptorum omnium, quæ noua veterique lege continentur, *plenitudo enim legis est dilectio: & ex Amoris præcepto vniuersa lex pendet, & propheta.* Cùm ergo hic amor sit epitome omnium, quæ Deus à nobis exigit, & liber cui studere, quem diurna, nocturnaque manu versare debemus, nonne par est vt in eo acquirendo, augendoque curæ nostræ omnes euigilent, omnia studia verbaque collocentur; donec ita sacer hic ignis accendatur, vt flamma non ad quingessimum vsque cubitum, aut ad summam cælorum cauitatem euolet, sed ad illius vsque tribunal, qui vi Amoris infinita missus est in mundum. *Sic enim Deus dilexit mundum, vt filium suum unigenitum daret.*

Ioan. 3. 17.

XII.

Ad eum nos creata omnia inuitant.

Creata omnia, quæ cælo, terræque continentur, quæ spiritu, corpore, vel vtroque constant, quæ simplicia sunt, aut pluribus coagmentata partibus, quæ vita & ratione carent, vel vtramque participant, ad hunc nos Amorem inuitant, & quoties debita nobis officia persoluunt, toties diuina in nos beneficia, quasi elata voce significant, & plena manu congerunt, totidémque sunt diuini Amoris incitamenta. Quo-

AD LECTOREM.

niam ergo rebus istis continenter utimur, terrâ, ex qua conflatum est hoc corpus, quæ illi quotidianam annonam suppeditat; quæ vita functum intra viscera, quali depositum cohibet, & in supremum diem custodit; aqua, quæ sitientes potat, æstuantésque refrigerat; igne, qui frigus calore tepescit, & omnia pene artis, ac naturæ opera perficit; ære, qui spiritu ductus alit & sustentat animantes; cœlo, quo illuminamur, quódque erit aliquando theatrû gloriæ, quam præstolamur: Angelis, qui vitam nostram, tanquam nauigium in mundi huius tempestate moderantur, docent nos, dies noctésque custodiunt, nobisque suis precibus, sicut & reliqui cælites æternam felicitatem procurant; nónne perpetuo ingrati animi crimine constringimur, si eum, cui hæc omnia famulantur, & propter ipsum nobis, cessamus aliquando diligere, eaque vel legere, vel meditari, quæ tam iustum in nobis, tamque nobilem amorem accendant?

Discunt homines, & pene à puero eas artes exercent, quas cupiunt tota vita profiteri. Pictores crebro imagines varias rudibus lineamentis informant. Medicinæ candidati herbaria simplicia inuestigant, poëtæ carmina versant, cantillantque, geometræ figuras in arena, aut lithostilbea scandula describunt; musici, concentus semper aliquos, aut alienis, aut suis auribus insufurrant; Astrologus Sphæras tractat, & Astrolabia. Denique homo literatus libris se facillè addicit, & miles armis equisque gaudet, & quidem sæpe ad exiguum tempus singuli, quia *ars longa, vita brevis*; sæpe etiam nunquam exercent, quæ diu ac laboriosè didicerunt, diuina providentia hominum studia aliò vertente, adeò ut piscatores & publicanos in Apostolos mutet, & Euangelistas; ut olim pastores pecorum in Prophetas, ac populi duces. Quidni ergo artem aliquam diuini Amoris addiscamus, quam oporteat infinitis aliquando seculis exercere?

Gemina porrò est huius tyrocinij palæstra, geminúsque istius thesauri acquirendi modus, extraordinarius vnus, Deo mirabiliter præueniente aliquos, & in nouos homines repente commutante, ut Paulo contigit, qui cum maximè minas spiraret, & cædes in Christi gregem, eius factus est se-

XIII.
*Eius scientiam
ad perpetuū
usum ad-
discenda.*

XIV.
*Rati. extra-
ordinaria
eius acqui-
rendi.*

PRÆFATIO

ſtator, propugnator, & paſtor. Legimus aliquos de Sanctis ab ipſa prima pueritia, aut etiam infantia, hoc modo diuinitus occupatos, vt ſanctiſſimum Præcurſorem, vt Nicolaum Myrenſem Antiftitem, vt Catharinam Senenſem, quam diuinis etiam viſis proleſtauit ac cepit. Nam & illiteratos aliquando, & humano præſidio deſtitutos, ſuauiſſimo gratiæ guſtu allicit ad ſe, & mirifico amore deuincit, ac copioſè locupletat. adeò vt & intellectus inſolito ſplendore illuſtretur, & voluntas hoc preciòſiſſimo monili diuinæ Charitatis abundanter ditetur. Quo in numero rectè poſuerimus ſanctiſſimum parentem noſtrum Ignatium Loyolæum, qui primo ipſo conuerſionis initio, de homine militari, literarum, & religioſarum virtutum inſolenti, repente factus eſt theodidactos, atque adeò militiæ ſpiritalis magiſter.

XV.
Via ordinaria.

Altera via ordinaria eſt, multorumq; communis, quæ propria induſtria & labore conſtat, diuinæ morioni ſtudioſius obſecundante, legendo, audiendo, meditando, orando, maximèq; diuini huius Amoris actiones frequentando, quæ huic igni accendendo, inſtar ſunt folliū. Et quia lectio nō multorū eſt pauciorum etiā accurata meditatio. Amor autem hic omnium eſſe debet, quibus quæſo rebus Concionatorum pulpita reſonare debent, quàm vocibus, & enarratione rerū, quæ ad hunc ignem, in quo vita noſtra poſita eſt, accendendum valent: Quod ſi vires ultra concioni, ac contentioni pares eſſe non poſſunt: ſcribendo iis opem ferre pulcherrimum eſt, qui eo munere fungi poſſunt: & videlicet plerique religioſis animabus, quæ cū foras prodire non poſſint, multo hoc concionatore, quantū, quoque modo videbitur, perfruentur.

XVI.
Autoris in hoc opere inſtitutum.

Supereſt nunc vt pium ac religioſum Lectorem, de noſtro in hoc opere inſtituto, per ſumma capita doceamus. Principiò, Deo noſtro, ſanctiſſimæque illius parète bene propitiis, veram amicitiam Deum inter & homines reperiri docebimus: eamque eſſe admirabilem, ac votis omnibus ambiendam, & diuinæ gratiæ fundamento nixam; quam gratiam cū dico, inæſtimabilis pretij margaritam dico, animæ ratione

AD LECTOREM.

vtentis singulare decus & ornamentum, vberem, nobilem-
que materiam, & dignam, quæ lucem aliquam popularis
scriptionis accipiat, in gratiam illorū, qui Theologicis stu-
diis minus fuerint instituti. Inde explicandum erit quinam
intra nobilissimæ huius amicitia fines admitti possint, quiq;
non possint. Hoc erit primum disputationis nostræ caput, Eiusq; par-
tes primarie
Dei amicitia.
quod duo alia consequentur, quæ sunt totidem diuini amo-
ris incitamenta, diuina scilicet pulchritudo, & bonitas, qui-
bus ad gloriosam illam amicitiam incitamus, atque impelli-
mur. Nec sunt incitamenta duntaxat, sed duo fontes vberri-
mi, ex quibus ille hauritur, scaturit, atq; ingeneratur in no-
bis; sed duo sponſi *vbera meliora vino, fragrantia vnguentis* Cant. i.
optimis: sed fornaces dux, in quibus excuditur ille amor, &
vehementius inardescit, flammâsq; suas ad empyreum vsq;
cælum vrget, ac prouoluit; sed duo ingentia maria, alterum
Mediterraneum, in quo hic piæ animæ multa cum voluptate
natant, alter est infinitus Oceanus, vbi immortales deliciis
æterni principis felicissimè absorbentur.

Dabimus igitur operam, vt hanc diuini spiritus pulchri-
tudinem, mētibus hominum non contemplandam, sed cer-
tis indiciis coniiciendam exhibeamus; idque hoc studiosius
conabimur, quo minus à Doctoribus, in hoc argumento ad
populi captum accommodando, videretur elaboratum. Id-
ipsum conabimur in diuina bonitate, tam in seipsa confide-
randa, quàm referenda ad res creatas. Eoque perfuncti mu-
nere, tanquam in theatrum deducemus Matronam princi-
pem, vocabulo Charitatem, duodecim liberorum suorum
comitatu cinctam; eosque omnes spiritali vestitu, ac my-
sticis ornamentis induemus, quæ sunt totidem Diuini
Amoris effecta, quæ singuli ordine suo accuratè explica-
bunt. Qui omnes vbi muneribus suis diligenter perfuncti
fuerint, diuinum in nos amorem per summa illa duodecim
capita recognoscemus, & hominis obligationem ad reda-
mandum Deum; totūque opus feruida sanctissimi huius
amoris postulatione claudemus.

Hoc ego nunc propositum habeo, Lector humanissime, XVIII.
& tale quodpiam munus offerre cupio diuini amoris candi- Obiectio.

P R Æ F A T I O

daris: etsi mihi ipsi sum maximè conscius, quanto interuallo ab illius amoris absolutione distem, cuius artificium quoddam explicandum suscipio; nec ignorem oportere *ex abundanti a cordis os loqui*. Plantæ enim & animalia non priùs sibi similia produciunt, quàm debitam suo generi perfectionem attigerint. Perfeutorum artificum est, opera eximiæ artis edere, tyronum, rudia & inchoata. Pictorum nouitij informem operis speciem rubrica, vel carbone designant, primumve coloris corium inducunt, vel in vestiaria pictura, aut topographica elaborant, quæ conuenientiæ potius, quàm necessitati seruiant. At pictor ipse vultum informat, magistràmque adhibet manum in extremæ operæ ductu, viuos applicat ac spirantes colores. Denique, vt verbo rem colligam, peritum omnino esse oportet artis, quam docere velis.

XIX.
*Differentia
perfectionis
nature, ar-
tis, & vir-
tutis.*

Phil. 3. 14.

Fatendum tamen est perfectionem morum non parum à naturali, aut artificiosa dissidere; ars enim & natura adeptam iam perfectionem ponunt, moralis virtus, non item. Natura quippe certis est definita limitibus, quos ultra citràve vim suam exerere non potest. Neque enim animal quouis tempore sibi simile producere potest, nec pictor quauis ætate excellere; oculi, manus, phantasia, hebetiora fiunt in dies, & languidiora, quàm vt perfecto officio fungi possint. At moralis perfectio immensum quoddam habet, infinitumque curriculum; eaque in studiosis virtutis, & diuini Amoris imprimis, tota vita augeri potest, si eam vel ad finem vsque mundi produxerint. Paulus Apostolus negat se ad illam perfectionis metam, in quàm intuebatur, peruenisse, in stadio autem decurrere: & quæ retro sunt obliuiscens, ad anteriora extendere sese, destinatumque supernæ vocationis brauium. Quid ergo ipsi de nobis statuere debemus, qui ab Apostoli perfectione, & charitate tanto interuallo distamus? Hic nimirum valet illud vulgò iactatū, hominem fieri faciendo. Valeat saltem illud in causa nostra,

---fungar vice cotis, acutum,

Reddere quæ ferrum valet, exors ipsa secandi.

Et hætenus prolocuti fuimus, nunc transgressi vestibulum; ingrediamur in ædes.

S Y N O P S I S

SYNOPSIS TOTIVS OPERIS de Amore Dei.

TRIA omnino sunt huius Operis summa capita. Primo demonstratur Deum inter & homines veram existere amicitiam; eam esse admirabilem, ac votis omnibus ambiendam, & sanctissimo diuinæ gratiæ fundamento niti; qui denique huius amicitiae finibus contineantur. His primo & secundo libro explicatis, duo alij consequentur, qui totidem diuini Amoris incitamenta declarabunt, diuinam scilicet pulchritudinem, ac bonitatem; quod est alterum totius operis caput. In tertio subiicientur diuini Amoris proprietates, effectusve duodecim, qui quasi totidem filij Charitatis, ab ea in conspectum ducentur, spiritali omnes vestitu, ac mysticis ornamentis instructi. Hæc porro sunt eorum nomina, Dulcis-Amor, Ingeniosus-Amor, Fortis, Liberalis, Mitis, Sollicitus, Vniens, siue Socialis, Actuosus, Feruidus, Æmulator, siue Zelotes, Vigil, & Officiosus; qui singuli has ipsas proprietates singulis libris ita explicabunt, vt declarata breuiter earum natura, Deum ipsum doceant amare nos, & illustribus exemplis suum in nos amorem Dulcem, Fortem, Ingeniosum, Mitem, Sollicitum, Liberalem, & ita de cæteris prodidisse: vicēque versa viros sanctos Dei amicos suum in Deum amorem, iisdem proprietatibus præditum, præclaris facinoribus, quæ ex sacris codicibus, & historia Ecclesiastica, vt quæque fuerint in suo genere illustrissima, depromemus, egregiè demonstrasse. Et vtrunque nos ad Dei optimi maximi amorem inflammari oportere. Quæ omnia librorum & capitum subiectus index studioso Lectori cumulatiùs indicabit, atque distinctiùs.

*Summa Priuilegij à Christianissimo Galliarum
Rege concessi.*

LUDOVICI XIII. Galliae & Nauarrae Regis auctoritate sancitum est, & patentibus eius literis cautum, ne quis in regno ipsius, aliisque locis eius ditioni subiectis, intra sex proximos annos à die impressionis primae inchoandos ac numerandos, excudat, vendat, excudendum vendendumque quouis modo & ratione curet librum, qui inscribitur, **IACOBI SALIANI è Societate IESV Sacerdotis, de Amore Dei libri sedecim**, praeter Sebastianum Cramoisy Bibliopolam Iuratum Parisiensem, aut illos quibus ipsemet concesserit. Prohibitum insuper eadem auctoritate Regia omnibus eius subditis, eundem Librum extra regni sui limites imprimendum curare, vel quempiam ubicumque fuerit ad id agendum impellere, ac instigare, sine consensu dicti Sebastiani Cramoisy, sub poena confiscationis librorum, aliisque poenis originali diplomate contra delinquentes expressis. Datum Parisiis 16. Ianuarij 1629.

Signatum, De mandato Regis, **SENAULT.**

Approbatio R. P. Prouincialis.

IONNES FILLÆVS Prouincialis è Societate IESV in Prouincia Franciae, potestate ad id mihi facta ab admodum R.N.P. Praeposito Generali **MVTIO VITELLES** CO, facultatem concedo, vt **P. IACOBI SALIANI è Societate IESV Sacerdotis, de Amore Dei libri sedecim**, eruditorum ex eadem Societate nostra virorum iudicio probati, typis excudantur. Datum Parisiis die 5. Ianuarij 1630.

IOANNES FILLÆVS.

Editio prima perfecta est 15. Iulij, 1631.



INDEX
LIBRORVM ET CAPITVM
DE AMORE DEI.

Praefatio de instituto Auctoris in hoc Opere, &c.

LIBER PRIMVS.
De vera Deum inter & homines amicitia.

CAPVT. I.

- Q**UAE conditiones ad veram amicitiam requirantur, pag. 1.
Cap. II. Deum inter & homines veram existere amicitiam, 4
Cap. III. Quae dubiam hanc amicitiam facere videantur, & primum defectus consuetudinis vitæ, 6
Cap. IV. Altera dubitatio de personarum, siue amicorum inaequalitate, 7
Cap. V. Tertium diuinæ amicitiae impedimentum tollitur, mutua scilicet communicationis defectus, 8
Cap. VI. Quartum impedimentum eiusdem amicitiae, ex amicorum multitudine petatum, diruitur, 10
Cap. VII. Quam admirabilis, quamque expetenda sit hac diuina amicitia, 11
Cap. VIII. Explicatio fundamenti diuinæ cum hominibus amicitiae, quæ est diuina gratia, 13
Cap. IX. De gratiæ diuinæ pulchritudine, utque ea sit singulare animi ornamentum, 16
Cap. X. Alia declaratio pulchritudinis animæ diuinæ gratia exornata, 18

INDEX LIBRORVM

- Cap. XI. *Effectus aliqui diuinae gratiae, ex eius cum aqua uiua, siue decurrenti comparatione,* 21
 Cap. XII. *Gratiæ diuinae cum luce collatio,* 25
-

LIBER SECVNDVS.

De Diuini amoris obiecto, siue,
 Quinam Diuina amicitia comprehendantur.

- Cap. I. *De Deo, ut primario diuinae amicitiae, ac charitatis obiecto,* 28
 Cap. II. *An praeceptum de amando Deo perfectè in hac vita ab hominibus obseruari possit,* 30
 Cap. III. *Praeceptum de diligendo Deo iustissimum esse, itemque nobile, facile, necessarium,* 31
 Cap. IV. *Diuinam amicitiam proximi quoque beneuolentiam suo ambitu coërcere,* 35
 Cap. V. *Multiplex amor proximi supernaturalis, & ex Charitate,* 37
 Cap. VI. *Amorem charitatis ad caelites, beatos scilicet homines Angelosque pertinere,* 40
 Cap. VII. *Angeli custodis aduersus hominem amicitia, & beneficentia,* 41
 Cap. VIII. *Verum charitatis amorem erga nos ipsos existere,* 44
 Cap. IX. *Quinam à charitate nostra excludantur,* 47
 Cap. X. *Quàm iustam sit mortalium in Dæmones odium,* 49
 Cap. XI. *Damnatorum quoque animas odio prosequendas,* 52
-

LIBER TERTIVS.

De diuina pulchritudine, primo ad diligendum
 Deum inuitamento.

- Cap. I. *Aditus ad alteram, quæ est de Diuina pulchritudine, disputationem,* 54
 Cap. II. *Generalis propositio eorum, quæ deinceps in disputatione*

ET CAPITVM.

<i>nem cadent,</i>	56
Cap. III. <i>Primum diuinæ pulchritudinis fundamentum, Cogni- tionis immensitas,</i>	58
Cap. IV. <i>Alterum diuinæ pulchritudinis fundamentum impe- cabilitas,</i>	62
Cap. V. <i>Quid sit, quibûsque ex rebus constet pulchritudo, in re- bus corporeis, & materialis,</i>	65
Cap. VI. <i>Quibus ex rebus pulchritudo spiritalis efflorescat,</i>	67
Cap. VII. <i>Quæ sit diuina pulchritudo, congruenter iis, quæ dicta sunt hætenus,</i>	69
Cap. VIII. <i>De diuina pulchritudine, ex integritate, primæ eius conditione vel parte, elicitæ,</i>	72
Cap. IX. <i>De proportionem, altera conditione pulchritudinis,</i>	76
Cap. X. <i>De diuinarum perfectionum proportionem & decore suspi- cio,</i>	78
Cap. XI. <i>De spiritali claritate tertia conditione pulchritudinis,</i>	81
Cap. XII. <i>Eadem claritas in diuinitate inquiritur,</i>	82
Cap. XIII. <i>Deus cum aspectabili luce compositus, plurimûmque consensuens,</i>	84
Cap. XIV. <i>Argumentum diuinæ pulchritudinis, ex eleganti Mundi formæ & decore elicitum,</i>	87
Cap. XV. <i>Alterum eiusdem pulchritudinis argumentum, ex cæli empyreï præstantia ductum,</i>	90
Cap. XVI. <i>Orbes quoque cælestes enarrare gloriam, & pulchri- tudinem Dei,</i>	92
Cap. XVII. <i>Elementorum decor diuinæ quoque pulchritudinis argumentum est,</i>	95
Cap. XVIII. <i>Humani corporis decor & elegantia, diuinam quo- que pulchritudinem probat,</i>	97
Cap. XIX. <i>Spiritualium rerum, & nominatum angelorum pul- chritudo diuinæ argumentum est,</i>	99
Cap. XX. <i>Naturalis animorum species diuinæ quoque argumen- tum est,</i>	103
Cap. XXI. <i>Animi ex ornamento gratiæ decor, diuinam etiam formam probat,</i>	105
Cap. XXII. <i>Dei pulchritudinem quamuis aliam eminenter con- tinere,</i>	107

INDEX LIBRORVM

- Cap. XXIII. *Ex praestantissima specie Seruatoris, diuina quo-
que pulchritudo colligitur,* 110
Cap. XXIV. *Eadem postremo ex augustissima Virginis decore
comprobatur,* 112

LIBER QVARTVS.

De Diuina bonitate, altero ad diligendum Deum
incitamento.

- Cap. I. *Aditus ad disputationem de Bonitate Dei,* 115
Cap. II. *Quid sit Dei bonitas in seipsa, quàmque amabilis,* 117
Cap. III. *De Dei bonitate ad res creatas quarum est bonum, re-
lata,* 119
Cap. IV. *Diuinam bonitatem fontem esse sui aduersus homines
amoris,* 123
Cap. V. *Maximè consentaneum esse rationi, ut mutuus sit hic
amor,* 125
Cap. VI. *Descriptio diuini Amoris & effectuum eius, siue Chari-
tatis, & filiorum eius,* 127
Cap. VII. *Reginae Charitatis ad filios suos adhortatio, cum profa-
ni amoris accusatione,* 129

LIBER QVINTVS.

De Diuini Amoris dulcedine: qui & Dulcis Amor.

- Cap. I. *Descriptio Dulcis-Amoris primi filij Charitatis, & quae sit
causa dulcedinis amoris,* 132
Cap. II. *Amorem vniuersè dulcem esse, dulciâque reddere etiam
amara,* 134
Cap. III. *Dulcis-Amor Diuini Amoris dulcedinem declarat,* 135
Cap. IV. *Diuini Amoris dulcedo in rebus ratione carentibus agno-
scitur,* 137
Cap. V. *Dulcedo diuini amoris erga hominem,* 139
Cap. VI. *Eadem dulcedo erga populum Israëliticum,* 142
Cap. VII. *Suauietas & dulcedo diuini amoris erga singulares Dei*

ET CAPITVLM.

<i>amicos in lege Mosaica,</i>	143
Cap. VIII. <i>Dulcedo diuini amoris in Euangelica lege, & primo aduersus beatissimam Virginem,</i>	145
Cap. IX. <i>Dulcedo diuini amoris erga utrumque sanctum Ioannem, Baptistam & Euangelistam,</i>	148
Cap. X. <i>Eiusdem amoris suauitas erga Apostolos,</i>	149
Cap. XI. <i>Item aduersus Lazarum, & sorores eius Martham & Mariam Magdalenam,</i>	151
Cap. XII. <i>Suauitas diuini amoris in nonnullos alios Dei amicos, eximia sanctitate praestantes,</i>	153
Cap. XIII. <i>Multiplex ac prodigiosa Dei aduersus Iosephum Anchietam suauitas,</i>	154
Cap. XIV. <i>Dulcis Dei amor aduersus S. Philippum Nerium, & S. Franciscum à Paula,</i>	158
Cap. XV. <i>Suauissima Dei beneuolentia in S. Ignatium Loyoleum Societatis IESV fundatorem,</i>	159
Cap. XVI. <i>Eadem Dei suauitas in Franciscum Xauerium aliorum Indiarum Apostolum,</i>	161
Cap. XVII. <i>Deliciae quaedam diuini sponsi aduersus sanctam Teresiam,</i>	163
Cap. XVIII. <i>Aliae rursus diuini sponsi deliciae erga S. Catharinam Senensem,</i>	166
Cap. XIX. <i>Profanum amorem, honorum, opum, voluptatum amarum esse,</i>	169
Cap. XX. <i>Diuinum Iesu Christi amorem aspera omnia, illi dulcia, ac delectabilia reddidisse,</i>	172
Cap. XXI. <i>Qui fieri possit ut Diuinus Amor res molestas dulces reddat, atque amabiles,</i>	175
Cap. XXII. <i>Res declaratur exemplo, & accommodatur Christo Domino,</i>	176
Cap. XXIII. <i>Dei ac Domini nostri amorem aspera quaeque sanctis martyribus dulcia ac suauia reddidisse,</i>	179
Cap. XXIV. <i>Sanctos quoque Confessores in mediis arumnis, hanc amoris dulcedinem degustasse,</i>	181

INDEX LIBRORVM

LIBER SEXTVS.

De Solertia Diuini Amoris, qui & Ingeniosus Amor.

- Cap. I. *Descriptio Ingeniosi amoris, secundi filij Charitatis,* 185
 Cap. II. *Amorem vniuersè ingeniosum esse, & quam ob cau-
 sam,* 186
 Cap. III. *Generali experientia ostenditur, amorem solertem at-
 que ingeniosum esse,* 188
 Cap. IV. *Diuino amore fieri homines ingeniosos, ac solertes,* 193
 Cap. V. *Diuini amoris ingeniosi ac solertis varia auita memoria
 exempla,* 196
 Cap. VI. *Alia eiusdem solertia exempla recentiora,* 202
 Cap. VII. *Deum in omnibus operibus suis Amoris sui sapientiam
 mortalibus patefecisse,* 204
 Cap. VIII. *Deum in operibus gratiae ostendisse solertiam amoris
 sui, & primum in mysterio incarnati Verbi,* 206
 Cap. IX. *Dei Verbum ingeniosum amorem in natiuitate sua pro-
 didisse,* 211
 Cap. X. *Natiuitatem Christi Domini, quamuis repugnante hu-
 mano iudicio, esse gloriosam,* 213
 Cap. XI. *Alia quaedam ingeniosi amoris inuenta in Christi Do-
 mini natiuitate,* 215
 Cap. XII. *Ingeniosum Christi amorem prodere sese, toto vite
 ipsius decursu,* 217
 Cap. XIII. *Duo alia eximia ingeniosi Christi Domini amoris in-
 uenta,* 220
 Cap. XIV. *Ingeniosus Christi Domini amor in sacrosancta Eu-
 charistia, & primum ratione affectata similitudinis,* 222
 Cap. XV. *Alterum Diuini Amoris inuentum in Eucharistia,* 225
 Cap. XVI. *Multi fines diuinae sapientiae in natura operibus, pra-
 cipueque in sacra Eucharistia,* 226
 Cap. XVII. *Alia quaedam inuenta Sapientiae in Eucharistia
 usurpata,* 229
 Cap. XVIII. *Mira quaedam amantiſſimi Seruatoris inuenta, in*
 COR-

ET CAPITVM.

- conuersionem peccatorum, & gratiam amicorum suorum, 230
 Cap. XIX. Eiusdem ingeniosus amor in aperienda sibi ad patien-
 dum via, 234
 Cap. XX. Conclafso, & congeries quedam diuinorum inuento-
 rum in salutem hominum, 235

LIBER SEPTIMVS.

De Diuini amoris Fortitudine, qui & Fortis Amor.

- Cap. I. Descriptio Fortis Amoris tertij filij Charitatis, 237
 Cap. II. Amorem uniuersè fortem ac patientem esse, 239
 Cap. III. Amoris vi vim ac morsum doloris hebescere, non planè
 tolli, 241
 Cap. IV. Quid cause sit cur Amor fortitudine præstet, 243
 Cap. V. Amorem diuinum, etiam ante legem gratia, reddidisse
 homines fortes, & casibus omnibus superiores, V 245
 Cap. VI. Insignis patientia & fortitudo Davidis, 249
 Cap. VII. Alia ex veteri lege fortissimi amoris exempla, 251
 Cap. VIII. Fortissimus septem iuuenum amor in Deum, patrias-
 que ciues leges, 253
 Cap. IX. Dei amorem, in lege gratia, homines fortissimos reddi-
 disse, 257
 Cap. X. Antiquiora quedam fortitudinis huius exempla, in pri-
 misque S. Stephani protomartyris, 259
 Cap. XI. Vis Diuini Apostolorum amoris, & nominatim Sancto-
 rum Petri & Pauli, 262
 Cap. XII. Insignis animi fortitudo, victoriæque mirabilis ali-
 quorum huius ætatis martyrum, 265
 Cap. XIII. Nobile certamen duorum equitum pro fide catholica,
 cum uxoribus & matre, filioque paruulo, 267
 Cap. XIV. Illustre specimen admiranda fortitudinis octo Chri-
 stianorum lento incendio consumptorum, 271
 Cap. XV. Diuinum Iesu Christi amorem eximiam fortitudinem
 in ortu vite sue demonstrasse, 277
 Cap. XVI. Diuini Iesu Christi amoris in progressu vite fortitu-

INDEX LIBRORVM

do,	280
Cap. XVII. Diuini Christi Domini amoris in extrema vita fortitudo & patientia,	282
Cap. XVIII. Diuinum in homines amorem fortem ac patientem reddere ipsum Deum,	292

LIBER OCTAVVS.

De Liberalitate Diuini Amoris.

Cap I. Descriptio quarti filij Charitatis, cui nomen Liberalis-Amor,	297
Cap. II. Amorem vniuersè sumptum esse liberalem,	298
Cap. III. Amorem appetitionis, siue concupiscentiæ liberalem, aut effusum potius, ac prodigum esse,	301
Cap. IV. Quibus ex causis Amoris liberalitas profecta videatur,	303
Cap. V. An diuinus Amor Dei amicos possit efficere liberales,	305
Cap. VI. Amore diuino homines, etiam ante legem Euangelicam, factos esse liberales,	309
Cap. VII. Alia quadam eiusdem temporis, ac liberalitatis exempla,	311
Cap. VIII. Diuinum amorem homines in Euangelica lege reddidisse liberales,	314
Cap. IX. Exempla quadam singularia liberalis huius Amoris, & nominatim duorum Antistitum,	318
Cap. X. Diuinum Amorem ipsummet Deum reddidisse liberalem,	323
Cap. XI. Deum aduersus hominem extitisse liberalem, Mundo hoc aspectabili, in vsum eius condito, ac donato,	325
Cap. XII. Conditio, quæ diuini erga homines amoris liberalitatem vehementer amplificat,	329
Cap. XIII. Alia quadam circa eandem liberalitatem consideranda, in primisque liber creaturarum,	332
Cap. XIV. Ceteris rebus impensa liberalitas impenditur hominibus,	335

ET CAPITVM.

- Cap. XV. Declaratio diuina liberalitatis, & gratia facta brutis
animantibus, ipsique homini, in gratiam hominū, 338
- Cap. XVI. Deum Angelos quoque suos, in gratiam hominum,
vsumque liberaliter adhibere, 341
- Cap. XVII. Egregia erga singulos homines Angelorum officia,
meritaque, 344
- Cap. XVIII. Alterum caput diuinarum liberalitatum, aduer-
sus mundum minorem, id est hominem, 348
- Cap. XIX. Diuina quaedam circa humana corpora beneficia, 351
- Cap. XX. Alia Dei beneficia, quae hominum amicos magis at-
tingunt, 353
- Cap. XXI. Summum diuinae liberalitatis donum, praedestinatio
ad aeternam salutem, 358
- Cap. XXII. De ignoratione doni eiusdem, & quibusdam fiduciae
coniecturis, 360
- Cap. XXIII. Diuina liberalitas in Sacerdotio hominibus conce-
denod, 364
- Cap. XXIV. De potestate iustitiae & gratiae peccatoribus, pereun-
dem sacerdotem restituenda, 368
- Cap. XXV. Liberalitas qua se Deus hominibus dedit, factus
homo, 371
- Cap. XXVI. Christi Domini in assumenda humana natura libe-
ralitas, 373
- Cap. XXVII. Dei Verbum in assumpta humanitate instar man-
cipij se gessisse, 375
- Cap. XXVIII. Vt se hominibus Seruator doctorem dederit ac
magistrum, 379
- Cap. XXIX. Seruatorem factum esse hominibus absolutissimum
omnium virtutum exemplar, 384
- Cap. XXX. Christum adoptatis hominibus factum esse eorum
parentem, 388
- Cap. XXXI. Explicatio spiritus adoptionis, quantumque sit
diuinum illud beneficium, 391
- Cap. XXXII. Christi liberalitas in sacramentorum institutione,
& nominatim Eucharistia, vt sacrificium est, 394
- Cap. XXXIII. Christi in Eucharistia liberalitas, vt ea conui-
uium & sacramentum est, 398

INDEX LIBRORVM

Cap. XXXIV. <i>Res alia, quæ hanc Christi liberalitatem vehementer amplificant,</i>	401
Cap. XXXV. <i>Rectumne fuerit Seruatorem ne improbis quidem negare se, in Eucharistia sumptione,</i>	403
Cap. XXXVI. <i>Eundem Seruatorem se hominibus in pretium redemptionis tradidisse,</i>	405
Cap. XXXVII. <i>Explicatio primæ partis Satisfactionis Christi Domini, pro peccatis omnium mortalium,</i>	407
Cap. XXXVIII. <i>Explicatio secundæ & tertiæ partis satisfactionis eiusdem,</i>	410
Cap. XXXIX. <i>Diuina liberalitas, quæ se Deus daturus est in premium mortalibus in immortalis vita,</i>	413
Cap. XL. <i>Quæ in re posita sit ista liberalitas, quod attinet ad intellectum,</i>	416
Cap. XLI. <i>Alia extra Deum beata hominum cognitionis obiecta,</i>	419
Cap. XLII. <i>Diuina liberalitas beatorum voluntati collata,</i>	423
Cap. XLIII. <i>Magnitudo præmij huius, ac diuinæ liberalitatis,</i>	427
Cap. XLIV. <i>Nonnulla ad exercendam liberalitatem incitamenta,</i>	430
Cap. XLV. <i>Auarorum parcitas stulta, atque irridenda est,</i>	436

LIBER NONVS.

De Mansuetudine Diuini Amoris.

Cap. I. <i>Descriptio quinti filij Charitatis, cui nomen Mitis Amor,</i>	439
Cap. II. <i>Amorem vniuersè mitem esse, atque placabilem,</i>	440
Cap. III. <i>Quæ causæ videantur mansuetudinis amoris,</i>	443
Cap. IV. <i>Diuinum amorem, etiam ante legem gratia, homines mites reddidisse,</i>	446
Cap. V. <i>Idem diuini amoris effectus in lege gratia,</i>	450
Cap. VI. <i>Exempla singularia mansuetudinis Christianæ,</i>	452
Cap. VII. <i>Eximia Deiparæ virginis lenitas, ac mansuetudo,</i>	456

ET CAPITVM.

- Cap. VIII. *Diuinum Christi amorem in homines mansuetissimum extitisse; esseque nunc quoque maximè placabilem,* 461
- Cap. IX. *Singularis mansuetudo Seruatoris aduersus eos, à quibus atroci supplicio necabatur,* 465
- Cap. X. *Admirabilis Dei lenitas & clementia aduersus Synagagam,* 468
- Cap. XI. *Probatio diuine mansuetudinis ex alio Ieremie loco,* 471
- Cap. XII. *Exempla singularia diuine placabilitatis tempore Moisaica legis,* 473
- Cap. XIII. *Alia quaedam argumenta, quae Dei mansuetudinem, & placabilitatem probant,* 477
- Cap. XIV. *Postrema declaratio diuina in parcendo facilitatis,* 479
- Cap. XV. *Rationes quaedam ac via mansuetudinis acquirende,* 483

LIBER DECIMVS.

De Sollicitudine Diuini Amoris.

- Cap. I. *Descriptio sexti filij Charitatis, cui nomen Sollicitus-Amor,* 488
- Cap. II. *Amorem causam esse sollicitudinis,* 489
- Cap. III. *Amorem diuinum Sollicitudinis causam esse: & Charitatem matrem esse Solliciti-Amoris,* 494
- Cap. IV. *Solliciti Amoris Diuini exempla ex Moisaica lege petita,* 497.
- Cap. V. *An Sollicitudo Diuini Amoris Euangelica lege prohibeatur,* 500
- Cap. VI. *Exempla sollicita Charitatis in Euangelica lege,* 502
- Cap. VII. *Exempla quaedam recentioris memoria de sollicitudine Amoris eiusdem,* 504
- Cap. VIII. *Sollicita Charitas Deipara virginis.* 507
- Cap. IX. *Sollicitus Seruatoris Amor in stabilienda fide, ac cognitione mortalium aduersus ipsum,* 519

INDEX LIBRORVM

Cap. X. <i>Alia probationes sollicita Christi Charitatis erga discipulos suos,</i>	514
Cap. XI. <i>Singularis Christi cura de Apostoli Thomae salute,</i>	518
Cap. XII. <i>Indicia quaedam solliciti, ac prouidi Christi amoris in Ecclesiam suam,</i>	520
Cap. XIII. <i>Christum Ecclesiae suae quasi instructissimo exercitui sollicitè prouidisse,</i>	523
Cap. XIV. <i>An Dei in suos amor sollicitus esse possit,</i>	527
Cap. XV. <i>Eximia Dei cura malorum à nobis auertendorum,</i>	528
Cap. XVI. <i>Peculiaris Dei prouidentia & cura aliquorum, praesertim Religiosorum,</i>	531
Cap. XVII. <i>Quae possint ac debeant esse obiecta sollicitudinis nostrae,</i>	534

LIBER VNDECIMVS.

De Vnione Diuini Amoris.

Cap. I. <i>Descriptio septimi filij Charitatis, cui nomen Amor uniens,</i>	537
Cap. II. <i>Amorem vniuersè sumptum consociandi virtute praeditum esse,</i>	538
Cap. III. <i>Diuinus Amor orationis opera iungit homines Deo,</i>	541
Cap. IV. <i>Rursum de oratione, diuinisq; colloquiis, eorumque praesentia, & utilitate,</i>	545
Cap. V. <i>Sanctos viros magna cum Deo coniunctione, praesertim inter orandum, praestitisse,</i>	548
Cap. VI. <i>Amorem vniensem religiosarum familiarum autorem ac parentem extitisse,</i>	551
Cap. VII. <i>Iesu Christi amorem vniensem in mysterio Incarnationis maxime se prodidisse,</i>	553
Cap. VIII. <i>Omnium intimam, atque excellentissimam esse unionem incarnati Verbi,</i>	556
Cap. IX. <i>Vnio Seruatoris cum ipsius matre sanctissima Virgine Maria,</i>	559

ET CAPITVM.

- Cap. X. *Amor uniens Christi Domini in sacrosancta Eucharistia declaratur,* 561
- Cap. XI. *Eadem unio Eucharistica, eiusque primarij fructus ex communi Ecclesie doctrina explicantur,* 564
- Cap. XII. *Alia quaedam singularis & realis unio Christi Domini in Eucharistia, cum selectis amicis suis.* 567
- Cap. XIII. *Conclusio unionis Eucharistica, cum querela humane circa hoc Sacramentum negligentia,* 570
- Cap. XIV. *Deum rebus omnibus à se creatis diuino amore esse coniunctum,* 572
- Cap. XV. *Singularis Dei cum amicis suis coniunctio diuina gratia interuentu,* 576
- Cap. XVI. *Suprema Dei cum amicis suis in aeterna felicitate coniunctio,* 580
- Cap. XVII. *Coniectura diuina in caelo unionis, ex ea, qua lectissimis Dei amicis in hac vita contingit,* 581

LIBER DVODECIMVS

De Actione Diuini Amoris.

- Cap. I. *Descriptio octauæ filij Charitatis, cui nomen Amor Actiuus, siue Laboriosus,* 590
- Cap. II. *Amorem uniuersè sumptū actiuosum ac laboriosum esse,* 591
- Cap. III. *Diuinum Amorem actioni deditum esse, ac labori,* 593
- Cap. IV. *Insignes Dei amicos fuisse actionis amantes, ac laboris propter Deum, & nominatim Angelos custodes,* 595
- Cap. V. *Laboriosi amoris exempla ex veteri testamento petita,* 597
- Cap. VI. *Alia eiusdem laboriosi Amoris exempla, quæ tempore legis gratia contigerunt,* 600
- Cap. VII. *Alia quaedam in viris Apostolicis laboriosi amoris exempla, & primum in S. Vincentio Ferrerio,* 602
- Cap. VIII. *Laboriosus Dei amor S. Ignatij Loyolæ, fundatoris Societatis Iesu,* 603
- Cap. IX. *Laboriosus Dei amor S. Francisci Xaverij, noui Indiarum Apostoli,* 607

INDEX LIBRORVM

- Cap. X. *Eiusdem labores in Indiis Orientalibus exantlati,* 610
 Cap. XI. *Postremi eiusdem Francisci in Iaponica peregrinatione labores,* 614
 Cap. XII. *Diuinum amorem ipsum quoque Deum reddere actuosum,* 618
 Cap. XIII. *Christi Domini vita priuata, laboriosum eius amorem patefecit,* 622
 Cap. XIV. *Publica & communis Christi Domini vita laboriosum eius amorem prodit,* 625
 Cap. XV. *Actuosus Christi Amor in usu operum misericordie,* 626
 Cap. XVI. *Misericordie opera, quae corporibus impenduntur, à Christo in sacrosancta Eucharistia usurpata,* 628
 Cap. XVII. *Spiritualia Misericordie opera à Christo in eodem sacramento exercita.* 632

LIBER DECIMVS-TERTIVS.

De Feruore ac Diligentia Diuini Amoris.

- Cap. I. *Descriptio noni filij Charitatis, cui nomen Amor Feruidus, promptus ac diligens,* 635
 Cap. II. *Amorem uniuersè sumptum promptum esse, diligentem ac feruidum,* 636
 Cap. III. *Diuinum Amorem mundanum diligentia, feruore, celeritate vincere,* 641
 Cap. IV. *Id docetur exemplis aliquot ex veteri lege petitis,* 643
 Cap. V. *Promptus Amor ac feruidus sanctorum Euangelica legis. Et primùm beatissimæ Virginis,* 646
 Cap. VI. *Alia prompti ac feruidi Amoris exempla, ex Euangelio petita,* 648
 Cap. VII. *Diuinus Amor Mariæ Magdalensæ quàm feruidus,* 650
 Cap. VIII. *Sanctorum aliquot Confessorum nonnulla feruida Charitatis exempla,* 653
 Cap. IX. *Recentiora quædam feruidi Amoris exempla,* 655
 Cap. X. *Aliquarum sanctarum feruor Charitatis insignis,* 660
 Cap. XI.

ET CAPITVM.

- Cap. XI. *Diuinum Amorem ipsum quoque Seruatorem promptum ac feruidum reddidisse,* 663
 Cap. XII. *Diuinum Amorem in Deo ipso feruidum, ac promptum esse,* 669
 Cap. XIII. *Tertius diligentis Amoris actus, in diuinorum operum perfectione maximè cernitur,* 671

LIBER DECIMVS QVARTVS.

De Zelo Diuini Amoris.

- Cap. I. *Descriptio decimi filij Charitatis, cui nomen Zelotes Amor,* 675
 Cap. II. *Vulgarem mundi amorem zelo & emulatione abundare,* 676
 Cap. III. *Diuinum Amorem nobilioris zeli causam esse, quàm vulgarem, deque variis illius formis,* 680
 Cap. IV. *Malè credi zelum diuinum, qui scientia vacuus sit, ac prudentia,* 681
 Cap. V. *Exempla diuini zeli ex veteri lege deprompta,* 684
 Cap. VI. *Exempla diuini zeli ex lege noua deprompta,* 688
 Cap. VII. *Diuini Amoris in Christo zelus, in tenera primum eius ætate,* 691
 Cap. VIII. *Zelus Seruatoris in vita ipsius progressu,* 693
 Cap. IX. *Zelus Seruatoris sub vite finem, & nominatim in sacrosancta Eucharistia,* 695
 Cap. X. *Amorem diuinum etiam in ipso Deo zelo abundare.* 697
 Cap. XI. *Quàm iusta, quàmque rationi consentanea sit Dei emulatio pro sponsis suis,* 702
 Cap. XII. *Quantam Deo sponso, sibi que ipsi animus iniuriam inferat, cum eum minùs diligit, quàm ratio postulat;* 704

INDEX LIBRORVM

LIBER DECIMVS-QVINTVS.

De Vigilantia Diuini Amoris.

- Cap. I. Descriptio undecimi filij Charitatis, cui nomen Amor Vigilans, 706
Cap. II. Vigilantia mundani Amoris brevis explicatio, 707
Cap. III. Vigilantem Amorem filium esse Charitatis, diuinum-
que amorem homines reddere vigilantes, 711
Cap. IV. Singularis quorundam sanctorum vigilantia, in sacris
literis celebrata, 713
Cap. V. Alia Vigilantis amoris exempla, ex Historia Ecclesiasti-
ca petita, 714
Cap. VI. Diuinum Seruatoris amorem fuisse vigilantem, 716
Cap. VII. Diuinum Amorem ipsum quoque Deum reddere vigi-
lantem, 719
Cap. VIII. Adhortatio ad vigilantiam, 722
Cap. IX. Quedam incitamenta mortalibus ad diuinum in se
amorem ab inertia somno excitandum, 725
Cap. X. Vigilantis Amoris de hominum somnolento torpore que-
rela, 726

LIBER DECIMVS-SEXTVS.

De Comitatu Diuini Amoris.

- Cap. I. Descriptio duodecimi & ultimi filij Charitatis, cui nomen
Amor Officiosus & comis, 729
Cap. II. Amorem vniuersè officiosum esse, ac comem, 730
Cap. III. Obsequium & comitatem Amori diuino in primis con-
uenire, 732
Cap. IV. Exempla officiosi amoris quorundam seruorum Dei,
735

ET CAPITVM.

- Cap. V. *Virum officiosus amor in Deo locum habere possit,*
738
- Cap. VI. *Dei amorem aduersus homines quàm officiosissimum esse,* 739
- Cap. VII. *Illustre ac singulare exemplum comitatis diuini amoris aduersus Hebræos,* 741
- Cap. VIII. *Alia quædam officiosi Dei amoris exempla erga singulares quosdam amicos suos,* 746
- Cap. IX. *Effusa comitas diuini amoris aduersus homines,*
748
- Cap. X. *Christi Domini amorem officiosum fuisse, & primùm in natiuitate sua,* 751
- Cap. XI. *Eundem Christi amorem in eius vita, & morte officiosum fuisse,* 753
- Cap. XII. *Comitas Seruatoris in epulo Eucharistico, ratione conuiuiarum,* 756
- Cap. XIII. *Comitas Seruatoris in conuiuio suo ratione cibi ipsius, & variorum saporum eius, & primùm subacidi saporis contritionis,* 759
- Cap. XIV. *De sapore dulcedinis & consolationis Eucharistici panis,* 761
- Cap. XV. *De austeriore sapore mortificationis, & humilitatis,*
764
- Cap. XVI. *De commiserationis gustu ex sacra Eucharistia elicito,* 766
- Cap. XVII. *De acuto sapore zeli ac feruoris, qui in Christo epulo degustatur,* 767
- Cap. XVIII. *Incitamentum memoris animi propter officiosum Seruatoris amorem in conuiuio Eucharistico,* 768
- Cap. XIX. *Compendiaria gratiarum actio diuini erga homines amoris, ex duodecim Charitatis proprietatibus, quasi totidem filiis elicita,* 771
- Cap. XX. *Hominis aduersus Deum obligatio debiti amoris dissoluendi,* 775
- Cap. XXI. *Feruida oratio ad obtinendam à Deo diuini amoris abundantiam,* 776

INDEX LIB. ET CAP.

- Cap. XXII. *Postulatio eiusdem amoris, iuxta sex priores illius
proprietates,* 779
- Cap. XXIII. *Petitio diuini amoris iuxta sex posteriores eius-
dem proprietates,* 781
- Cap. XXIV. *Querela aduersus amorem propriam, in gratiam
Diuini Amoris,* 783



PRIMA
DE AMORE
DIVINO
DISPUTATIO.
SIVE
LIBER PRIMVS,

De vera Deum inter & homines Amicitia,
eiusque fundamento.

CAPVT I.

Quæ conditiones ad veram amicitiam requirantur.



VI olim Philosophi sapientia cæteris atque eruditione præstiterunt, & Amicitia vim ac naturam accuratius perscrutati sunt, in primisque Aristoteles in libris de moribus, Plato in symposio, in Lælio Romanus orator, & post eos Doctor Angelicus, in eo facile consentiunt, vt Amicitia tribus maxime ex rebus efflorescat, vna ex parte beneuolentia, amore mutuo ex altera, quæ boni alicuius media communione iungantur; vnde existit illa definitio, Amicitia, mutua quædam relatio est inter aliquos, boni cuiuspiam nixa fundamento. Si quis aliquem amore prosequitur, priusquam ametur vicissim, dici non potest inter eos coaluisse

Num. I.

Amicitia
tribus requi-
ritur.

Lib 8. c. 9.

Beneuolen-
tiam.

amicitiam, neque illum amicitia complecti alterum, sed benevolentia, quia bene ei vult, bonumque aliquod illi desiderat. Sic parentes filios diligunt, etiam in matris utero existentes, quippe quibus destinant omnes fortunas suas. Dei quoque non amicitia, sed benevolentia est erga electos suos, siue priusquam illi nati fuerint, siue postquam mortiferi cuiuspiam sceleris maculam casuali quo contraxerunt.

II.
Mutuum
amorem,
& boni ali-
cuius com-
munionem.

Vis religio-
nis.

III.
Amicitia co-
gnitionem
requirit.

Lib. 8. Eth.
c. 1. si.
2. Reg. 18. 1.

IV.
Et vera ami-
citia virtutis
fundamen-
tum.

Cum autem qui est in amore posterior, prioris benevolentiae respon- det, & ignis vnus, amor enim ignis est, produxit alterum, extrema duo relationis existunt, quae re quapiam indigent, quae sit communis ambo- bus, qualis est sanguis, qui amicitiam consanguineorum connectit; qua- lis affinitas, qua affines inter se communicant, amantque: qualis armo- rum tractatio, sub eodem duce, inter commilitones: aut eiusdem com- munitio doctrinae inter condiscipulos: aut similis morum, ingenijque ha- bitus inter aequales. Sed procedit etiam res ista longius; nam linguae at- que idiomatis communicatio, eos coniungit amicitia, qui sunt nationis eiusdem; quod facile agnoscitur, si quando alter alterum offenderit in regione longinqua. Maxime autem virtus inter bonos, verissimas fun- dat stabilitque amicitias; sic religiosi cuiuspiam ordinis vocatio, religio- saque professio, connectit religiosos; & Christianismus ipse Christia- nos. Tantaeque in hoc genere vis est religionis, ut qui aliquam eius dun- taxat umbram retinent, vim eius aliquam sentiant, ut in Mauris ac Ma- humetanis, Iudaeis, atque haereticis cernere licet, qui sub eiusdem reli- gionis specie, mutuo amant, tuentur & iuuant.

Dixerit aliquis nihil ultra ad amicitiam requiri; duo tamen praeterea desiderat amicitia; vnum ut sit amicitia, & quoquo modo id nomen reci- piat, alterum ut vera sit amicitia, tamque sancto nomine digna sit. Ami- citia ergo requirit omnino mutuae agnitionem benevolentiae inter ami- cos. Si enim mutuus est amor, & qui vtrumque lateat, non haec amicitia est, sed fortuitus geminae benevolentiae concursus, quae est doctrina Phi- losophi. Ionathas, regio sanguine ac virtute iuuenis, diligebat Dauidem animaduerso heroico illo ipsius aduersus Goliathum animo, atque faci- tore. Dauid quoque Ionatham eximia virtute praestantem diligebat; in- ter eos tamen non prius coaluit amicitia, quam mutuum ipsi amorem colloquendo agnouerunt, quem deinceps muneribus, foedere, promissisque arctius constrinxerunt, factaque est amicitia omnibus numeris ab- soluta. Qui thesaurum ingentem iam pridem terra obrutum domi habet, sed ignotum, utique diues non est; & qui diligitur, alieni in se amoris infcius, amicum non habet; deficiente enim cognitione, nec ille the- saurum possidet, neque iste amicum.

Sed aliud etiam quiddam in vera amicitia requiritur, vero nimirum ut virtutis fundamento nitatur. Si enim amicitia virtus est, ut visum est M. Tullio, non potest in turpi, aut vitioso fundamento subsistere, quin nomen amittat amicitiae, fiatque coniuratio, qualis Catilinae cum focis

quondam fuit: qualis esse solet inter prædones, piratâsque conspiratio, & eorum qui apud Sapientem dicunt, *Opprimamus pauperem iustum, & non parcamus viduæ, nec veterani reueramur canos multi temporis. Sit autem fortitudo nostra lex iustitia, quod enim infirmum est inutile inueni- tur.* Talis fuit Absalonem iater & Achitophelem amicitia, quæ micissimi Davidis ruinam propositam habebat; talis Alcimi & Bacchidis, quæ fortissimi Machabæi spectabat interitum: talis Ionadabi & Ammonis patrui, de eripiendo Thamaris pudore turpiter contemnentium: talis denique filiorum Iacobi Patriarchæ, in mortem Sichemi, & Sichimorum vauitatem, & in fratris innocentissimi perniciem conspirantium.

Quemadmodum autem tria sunt honorum genera, alia vtilia, vt opes & copix, alia iucunda, quæ hominem sensus suauitate delinunt, vt ludi, epulæ, horti, odores, fidium concentus, cantus harmonici, aliæque id genus. Alia denique sunt honesta, in quibus principem locum virtus tenet, cui si placet scientia, quæ virtus est intellectus, addi potest; ita triplex est amor, qui ad illa fertur, emolumenti, delectationis & honestatis; sed priores duo cupiditatis sunt, tertius beneuolentiæ, qui veram amicitiam gignit, & continet. Primus amor vulgariū est hominum. Nam, vt quidam ait, *Vulgus amicitiam vtilitate probat;* Alter est eorum qui voluptati famulantur, etsi ea homini est communis cum bestiis; tertius proborum est, qui solus constantiam habet & firmitatem; cæteri caduci sunt & incerti, nec tam in nostro consilio positi, quàm in fortunæ temeritate, quæ homines ludificante, amor, qui vtilitate nititur, aut voluptate, corruiatque euanesceat; tertius perennis est, ac de ipsa quoque morte triumphat. Nam David etiam extinctum Ionathan dilexit, & amorem suum, benevolentia in Miphibosethum, qui nihil habebat amabile, nisi quod tali parente natus erat, mirificè demonstrauit.

Illud præterealiquet, vbi nulla est beneuolentia, ne amicitiam quidem ullam existere; beneuolentia, inquam, qua quis, vt fert nominis ipsa notatio, alicui bene vult, bonumue aliquod ipsi desiderat, bonitatem, sapientiam, sanitatem, formam, vires, gratiam, honores, dignitates, opes, & si qua sunt alia, quæ continentur in bonis; quæ omnia amicis desiderare possumus, si abint, aut illis de eorum possessione gratulari. At si quid amamus, cuius bonitatem ad vsum nostrum, commodumque referre velimus, vt vini suauitatem, equi vires, ædium pulchritudinem, industriam, fidemque famulorum, non est hæc beneuolentia, aut amicitia quæ in famulos, cæteraque bona referatur, sed amor cupiditatis, qui spectet nosmetipsos, quibus ea bona cupimus. Ridiculum enim est, vt ait Philosophus, dicere, aliquem bene velle vino, non sibi ipsi, cui vini bonitas naturæ lege destinatur. Ex quibus perspicuè intelligitur qualis sit multorum amicitia, qui contrahendis affinitatibus, opes duntaxat, aut voluptatem spectant, non bonum aliquod earum, quas se singulari amicitia complècti mentiuntur.

Sap. 2. 10.

1. Reg. 15.

12.

1. Mach. 7.

10.

2. Reg. 15.

3. 4.

Gen. 34.

& 37.

V.

Tria bona, totidemque amores.

Duo cupiditatis.

Cic. in Lælio.

Tertius beneuolentia.

1. Reg. 9.

VI.

Qui solus amicitiam procreat.

CAPVT II.

Deum inter & homines veram existere amicitiam.

I.
*Adest bene-
uolentia ex
parte Dei.*

Sap. II. 25.

I. Tim. 2. 4.

II.
*Sine in Deo
amor cupi-
ditatis.
Prou. 16. 4.
I. Cor. 10. 31*

*Deus ami-
cus, & finis
ultimus.*

III.
*Adest & be-
neuolentia
hominis in
Deum.*

QVA iacta sunt hactenus disputationis huius fundamenta facile de-
monstrant, veram germanamque amicitiam Deum inter homi-
nēque reperiri; dispiciamus rem propius, si placet, non enim longum
est iter ad singula; dispiciamus, inquam, Dei aduersus homines beneuo-
lentiam; ea illustrissima est, atque certissima. Id Sapiens in eius præsenti-
a confitetur. *Diligis*, inquit, *omnia que sunt, & nihil odisti eorum que fe-
cisti*, bona quippe sunt, nec bonum odisse quisquam potest: *neque ex odio
quidquam constituit aut fecit*; neque enim naturam dedisset qua sunt, aut
conseruaret: sed illis id bonum voluit, quod vitro ac sponte dedit. Quæ
autem ratione, vel intelligentia vtuntur in rebus creatis, non quoquo
modo ab autore suo diliguntur, sed ita diliguntur, vt bonum ipsis sum-
mum sempiternumque desideret. *Vult enim omnes homines saluos fieri,
& ad agnitionem veritatis venire, & vias rationesque sectari ad felicitatem
obtinendam necessarias, quæ omnia Seruatoris nostri incarnatione,
vita, ac morte, pro omnium salute obita, continentur.*

At enim, inquires, à Sapiente scriptum est, Dominum vniversa propter
semetipsum operatum esse; Cùm ergo in rerum omnium molitione, ca-
terisque suis operibus, seipsum Dominus spectauerit, omnia ad seipsum
retulerit; adeoque per Apostolum iusserit, vt *sine manducamus, sine bibi-
mus, sine quid aliud facimus*, omnia in Dei gloriam faciamus, videri po-
test eius amor beneuolentiæ non esse, sed cupiditatis. Responderi nihilo-
minus rectè potest, Deum ad hominem geminam habere rationem, &
quasi geminam sustinere personam, amici & vltimi finis; vt amicus ei bea-
titudinem desiderat, ac beneuolè procurat; vt vltimus autē finis, vult om-
nia ad suam gloriam referri, quod saluis veræ amicitiae legibus cōtingere
potest. Id enim & honestum est per sese, & ipsi amico fructuosum, vt om-
nia sua, seque ipsum referat ad vltimum finem. Hic autem ex accidente
est, vt vnus idēque & amicus sit, & supremus omnium rerum finis.

Neque verò humana deest isti amicitiae beneuolentia. Certum enim
est in Ecclesia catholica, quam rectè, ac verè appellamus sanctam, pluri-
mos sanctitate præstare, puròque Deum amore prosequi, synceròque;
quippe ipsius vnus causa, infinitæque bonitatis, qua incitatus est ad nos
beneficiis, sine vlllo suo emolumento, obruendos; sunt & qui eius amici-
tiæ non renunciarent, quamuis nullam ab eo mercedem expectarent, nec
desinerent debitis officiis Deo famulari, vt nulla esset pœna proposita de-
linquenti. Omnibus etiam seculis extitere quamplurimi, qui supremum
amoris gradum aduersus Deum demonstrarunt, sanguine proprio vitæ-
que profusa, ne eius amicitiam vlllo scelere violarent. At, constat, ipsius

Seruatoris oraculo, neminem maiorem habere charitatem eo, qui vitam, atque animam ponit pro amicis suis.

Verum, inquires, quæ bona Deo amici eius velle, aut desiderare potuerunt, qui bonis omnibus plenissimus est? cui regius psalter canit, *Deus meus es tu, quoniam bonorum meorum non eger.* Verum hunc scrupulum facile adimunt Doctores, cū aiunt diuinorum bonorum duo esse genera, quadam enim in ipso Deo, eiusque natura existunt, alia foris sunt, quæ tamen ad ipsum referuntur. In illo ordine potentia, sapientia, bonitas, pulchritudo, aliæque perfectiones numerantur, quas ipsi verissimo amore volumus, cū per placet nobis quod Deus talis ac tātus sit, cū eam segetem gloriæ, ac lætitiæ nostræ ducimus, cū gratias agimus ei propter magnam gloriam eius, paratæque sumus ad eam, si quomodo amitti posset, mille mortibus redimendam. In altero ordine sunt honor, reuerentia, obedientia, cultus, timor, amorque, quæ sunt in hominibus, à quibus Deus honoratur, amatur, & colitur; quæ bona latamur ad eum referri; gaudemus enim Deum honorari, coli, amari, vt reuera honore, amore, cultūque dignissimus est, & verbis, exemplis, omnique animi contentione conamur amorem eius, laudem, cultūque promouere; de amore autem eius, honore, cultūque violato, veri amici aut filij more, contristamur, ac gemimus.

Reperitur postremò certum ac solidum huius diuinæ amicitiae fundamentum. Deus enim cum hominibus, gratia eius interueniente, communicat, eaq; homo *diuina natura consors* efficitur, vt princeps Apostolorum loquitur, & ad statum erigitur natura humana superior; adeo vt eiusdem gloriæ, qua angeli, Deusq; ipse beatus est, particeps esse possit. Itaque nobilis ista communio, in sacris literis representatur, ea qua inter ciues ac domesticos esse solet. Ephesios enim recens ad fidem conuersos negat Apostolus esse hospites & aduenas, *sed ciues sanctorum, & domesticos dei.* Aliquando per eam necessitudinem, quæ cum fratribus atque heredibus intercedit. Nam Seruator ipse Discipulos suos appellat fratres; & Paulus Seruatorem *primogenitum in multis fratribus*, testaturque eos Dei heredes esse, vt filios, cohæredes autem Christi, vt fratres: qui ad huius amicitiae firmitatem adiecit fundamentum consanguinitatis, atque affinitatis, assumpta carne nostra & sanguine, quæ cum diuina persona coniunxit.

Reliqua itaque videtur, ad huius amicitiae integritatem, mutua cognitio beneuolentiæ amicorum: sed ea ex parte Dei clarissima est, atq; certissima, qui intima cordium cognitione peruadit, omnesque eorum motiones, cogitationes, consilia, voluntates; perspicueque videt an gratia, quam in anima ipse produxit, perseueret: & amor noster beneuolentiæne sit, an cupiditatis. Nos vicissim certò scimus nos ab eo amatum iri, si eum dilexerimus. *Si quis diligit me*, ait Christus Dominus, *diligetur à patre meo, & ego diligam eum, & manifestabo ei meipsum.* Et rursus aſſibi, *Pater amat vos, quia vos me amastis.* Et diuina Sapientia, *Ego, inquit, diligentes me diligo.* Si ergo testis nobis est conscientia, nostri in

IV.

Qui potissimus Deo bene uelle.
Psalm. 135.

Gemina Dei bona.

V.

Gratia fundamentum diuina amicitia.

2 Pet. 1. 4.

Hæc communio variè representata.

Ca. 2. 19.

Matth. 28.

10.

Rom. 8. 17.

VI.

Adest quoque mutua amoris cognitio.

Ioan. 14. 21.

Ca. 16. 27.

Petr. 1. 7.

1. Ioan. 4.
19.

eam amoris, certum est amari nos ab ea, cum illius amor nostrum, ut causa effectum, antecedit, quoniam Deus prior dilexit nos, nec poteramus eum, nisi amore eius & gratia suauiter praeueniente, diligere. Verum quidem est nos non habere cognitionem in hac vita nostri in eum amoris tam certam, ut ei falsum subesse non possit, sed habere tamen maximè probabilem, nec minorem ea, quæ hic veros inter amicos existit.

C A P V T . III.

~ *Quæ dubiam hanc amicitiam facere videantur; & primum defectus consuetudinis vitæ.*

I.
*Vita consue-
tudo ad ami-
citiam neces-
saria.*

Lib. 8. Eth.
c. 5. & l. 9.
c. 3.
1. Mach. 12.
10.

*Quæ in di-
uina deesse
videtur.*

SUNT quidem hæc omnia valde, ut arbitror, consentanea veritati, non pauca tamen sunt, quæ in hac amicitia desiderari videantur. Si quæ enim futura est amicitia longinquitas, inter amicos aliqua vitæ consuetudo requiritur, ut docet Philosophus; ipsaque experientia probat, amicitias diuturna absentia disiungi, atque interire. Cui malo amici absentes occurrunt frequentia, & quasi colloquio literarum. Id olim Ioanathas magnus Hebræorum sacerdos, & populi princeps significabat, cum literas ad Spartanos longo ex interuallo daret. Quæ autem vitæ consuetudo mortalibus cum immortali Deo: qui non nisi in cælo visitur, nos non nisi in terra versamur, neque eum vel manu tangere, vel oculis cernere, vel vlllo sensu percipere possumus. Deus spiritus est, nos nihil nisi corporis interuentu agnoscere possumus, à quo sola materiata dignoscuntur. Habitat ille inaccessam lucem in cælis, nos in terris ignorantia tenebris circumfundimur, & peccati.

II.
*Isti incom-
modo per in-
carnationem
Verbi proui-
sum.*

Ioan. 14.
9. 10.

Verum admirabilis Dei providentia huic incommodo cumulatè prouidit, mysterio sacrosanctæ Incarnationis suæ. Postquam enim Verbum caro factum est, habitauit in nobis, & vidimus gloriam eius, & in ea, quasi in crystallino speculo, Dei gloriam, perfectionesque nobilissimas, proximè ad diuinæ naturæ similitudinem repræsentatas. Id Ecclesia non obscure significat, cum in sancto Missæ sacrificio crebrè illud usurpat, quia per incarnati Verbi mysterium, nona mentis nostræ oculis lux tua claritatis infulsit, ut dum visibiliter Deum cognoscimus, per hunc in inuisibilem amorem rapiamur. Cum autem ab incarnata sapientia didicerimus filium esse in patre, & patrem vicissim in filio, & qui videt filium videre etiam patrem, certè quæ nobis est vitæ consuetudo cum filio, cum patre quoque, ac Spiritu sancto censerì meritò potest.

III.
*Et Eucharis-
tia sacra-
mentum.*

Et ne fortè suspicaremur, Christo post gloriosum de morte trium- phum in cælum recepto, amicitiam, quæ eius opera, præsentiaq; coalue- rat, per eius absentiam dissipatum iri, sub discessum discipulos suos, qui

ad vltimam vsque mundi periodum victuri erant in terris, monuit se cum ipsis perpetuo fore, non vt Deum solum, sed etiam vt hominem; instituto in eum finem diuino, planéque admirabili Eucharistia Sacramento, cuius interuentu ipsum Christi corpus, quale in cælo est, animusque gloriosus, cum ipsa diuinitate, reipsa in Ecclesiis catholicis residet, eorumque pectoribus infunditur, qui ipsum sacramenti velo tectum recipiunt. Si ergo inter amicos conuiuia celebrantes vitæ consuetudo non deest, quomodo nobis diuinæ mensæ accumbentibus, ipsumque Emanuelem intra viscera nostra recipientibus, ipsum alloquentibus, ei que nostram inopiam, infirmitatem, miseriamque omnes demonstrantibus; & ipso vice versa cor nostrum alloquente, suamque voluntatem ei patefaciente, quomodo, inquam, vitæ consuetudo deesse potest?

Matth. 28.
fin.

Et vt abesset ista familiaritas atque conuietus, vt prioribus illis seculis aberat; in illis tamen Deus amicos semper aliquos habuit in terris, vt Adamum diuinæ gratiæ restitutum, vt Abelem, primum iustitiæ & innocentiae exemplum, vt Sethum, & Enosum filium eius, qui ritu solenniore cepit innuocare nomen Domini: vt Henochum, qui cum Deo ambulasse, id est familiariter vixisse creditur, vt Noënum, Abrahamum, Isaacum, Iacobum, aliosque patriarchas, quorum plura extant etiam nunc cum Deo colloquia, sacris descripta monumētis, maximè autem cum Moyse, cæterisque prophetis quibuscum Deus familiariter versabatur, vt amicus cum amico solet, quod nominatim de Moyse scriptum, cæteris potest proportionem concedi. Quibus illud etiam non iniuria tribuerimus, quod Paulus de se, sui que similibus dicebat, *Nostra autem conuersatio in cælis est*. vbi sciicet est ipsorum thesaurus. Quod si imperfectus est iste vitæ vsus, atque familiaritas, meminerimus eam huic exilij loco conuenire, expectemusque in patria amicitiam, omnique illius delicias omnibus numeris absolutas.

IV.
Qui fac
conuersatio
cum Deo.
Gen. 4. & 5.

Exod. 33. 11.

Phil. 1. 20.
Quæ sit
perfecta.

CAPVT IV.

Altera dubitatio, de personarum, siue amicorum inæqualitate.

OBIICITVR etiam huic diuinæ amicitia magna personarum inæqualitas, cum tamen à sapientibus rectè dictum sit, maximum esse in amicitia, superiorem parem esse inferiori: & eos qui sunt in amicitia, coniunctionisque necessitudine superiores, exæquare se cum inferioribus debere: inferioribus autem minimè dolendum esse, se à suis amicis, aut ingenio, aut fortuna, aut dignitate superari. Quid habet probabilitatis Regem aliquem præpotentem amicitiam contrahere cum infimæ plebis opifice, aut diuitem aliquem epulonem, cum mendico Lazaro.

I.
Magna Dei
hominisque
inæqualitas.
Cicero Læ-
lio.

8 De Amore Dei, Liber I.

Est tamen nonnulla inter homines istos proportio; sunt enim utrique homines, sed finiti ad infinitum, quæ potest esse proportio? Hoc nimirum Davidem egit in stuporem, cum diceret, *Quid est homo quod memores eius? aut filius hominis, quia reputas eum?*

Non bene conveniunt, ait poeta quidam, & in una sede morantur, Maiestas & amor;

Amor enim vel maiestatem nimium deicit, vel nimium attollit humilitatem amantis.

II.
*Facta est
quidam in-
ter eos aqua-
litas.*

*Amicitia
eminentia.*

III.
*Quam sa-
pientes ech-
nici agno-
scunt.*

In cap. 7.
Mich.

Fatendum est quidem certè Deum inter & hominem immensam esse, infinitamque distantiam; at neque negandum est hominem ad infinitam quandam euectum esse dignitatem, quando humanitas diuinitati in persona Verbi coniuncta est, itaque factum, ut Deus homo fieret, & homo vicissim fieret Deus, matrimonio quodam mirabili, quod in maximum totius humani generis honorem redundaret. Quin & singuli homines, qui gratia diuina donantur, in statum profectò excitantur omni humanæ naturæ conditione superiorem, ac planè diuinum; ut inter Deum atque hominem reperiri queat amicitia, quam eminentiæ vocant, qualem fatentur existere inter patrem & filium, discipulum & præceptorem.

Nec illi sapientes personarum in amicitia inæqualitatem omnem excludunt, cum fatentur amicum amico ingenio, fortuna, dignitate præstare posse, sed modestiam eorum commendant, qui cum superiores sint summittunt sese. Commendant & benignitatem, qui inferiores amicos beneficiis extollunt, faciuntque suæ amplitudini suppare. Quòd si nihilominus apparet inæqualitas, valeat illud S. Hieronymi, *Amicitia pares accipit, aut facit.* Et sicut vas aureum cum terreo artificiosè inaurato æqualitatem quandam habet, sic anima quæ gratia diuina, quasi auro obducitur, aut lumine gloriæ illustratur, quandam acquirit æqualitatem, ut ad tam nobilem amicitiam cum Deo, & ad claram contemplationem ac possessionem eius admitti possit.

CAPUT V.

Tertium diuinæ amicitie impedimentum, mutua communicationis defectus.

I.
*Bonorum
communi-
catio fouet
amicitiam.*

OCVRRIT etiam aliud sanctissimæ huius amicitie impedimentum, quod inter hos amicos mutua bonorum communicatio esse non possit; quam tamen in amicitia requiri, docet iactatum vulgo pro-uerbium, *Omnia amicorum esse communia*, quod ad fortunæ bona duntaxat referri non debet, ne præcipua amicorum inter se officia, auxiliaque tollamus. Latinus certè orator his finibus in amicitia utendum arbitra-

tur, vt cū emendati fuerint mores amicorum, tum sit inter eos omnium rerum, consiliorum, & voluntatum, sine vlla exceptione communitas. Totos se amicorum suorum esse cupiunt, proptereaque munera inter se missitant, quæ sui ipsorum vice fungantur; illadque etiam addunt elo-
giū, *Hæc tibi dat, qui se iam dedit ante tibi.*

*Munus
vult.*

Si ergo pauperis cum diuite amicitia agrè coalescit, quod mutua inter eos liberalitas exerceri non possit, quomodo cum Deo possit existere, qui hominibus perpetuo dare potest, ab iis recipere nihil potest; cū ipsorum bona omnia multis nominibus Dei esse constet. *Tua sunt omnia, & quæ de manu tua accepimus dedimus tibi*, inquit Dauid, cū Deo ingentes thesauros offerret ad templum illud augustissimum diuinæ maiestati construendum.

1. Par. 29. 14

Verū nō hic quidem defectus istī amicitie officere potest. Cū enim non in solis opibus & copiis posita sit ista communitas, vt diximus, nihil vetat pauperes cum diuitibus amicitiam contrahere, & mutua liberalitate fouere; sic vt vna ex parte fortunæ bona, ex altera mentis ingenique tribuantur; iuxta illud Apostoli; *Si nos vobis spiritualia seminamus, magnum est si nos carnalia vestra metamus.* Et alibi; *Si spirituum eorum, qui scilicet sunt Hierosolymis, participes facti sunt Gentiles, debent & in carnalibus ministrare illis.* Diues ergo victum pauperi vestitūque suppeditabit, & peccata sua eleemosynis redimet; pauper illi preces apud Deū, lacrymasque tribuet; Diues eum proteget, & tutum ab improborum audacia conseruabit, pauper diuitem, colet, obseruabit, gratias agere, & beneficiū vbiq; prædicabit. Quo
fere modo Dauid & Ionathas amicitiam viuo Saulē coluerunt.

*II.
Qui diuites
cum paupe-
ribus com-
municare pos-
sunt.
1. Cor. 9. 11.
Rom. 15. 27.*

Certum quidem est nos nihil Deo offerre posse, quod multis nominibus non sit illi debitum. Quæ tamen bona ab hominibus possidentur, iusto legitimoque diuinæ donationis titulo possidentur, cum onere tamen reddendæ rationis ad eius supremum tribunal. Itaque si quando ista offerimus Deo, ea nobis ipse accepta refert, & tanquam nostra muneratur, quāuis eadem ipsa prius accepta fuerint ex thesauris eius. Quod si nihil illi largiri possumus, nihil ne illis dare possimus, qui ipsius locum tenent; de quibus tam serio dixit, *Quod uni ex meis minimis fecistis, mihi fecistis.* Ne dixeris igitur o sancte Dauid, *Quid retribuam Domino pro omnibus quæ retribuit mihi?* habes enim quibus eius nomine retribuas, filios eius, famulosque pauperes. Qui vt deessent, reddes honorem Domino, reddes cultum, laudem, gratiarum actionem. *Ernam te*, inquit ipse, & honorificabis me.

*III.
Et homines
cum Deo.*

Psal. 115. 3.

Psal. 49. 15.

CAPVT VI.

Quartum impedimentum eiusdem amicitiae, ex amicorum multitudine peti- tum, diruitur.

I. *Amicitia inter multos consistere possit?*
SUPEREST non levis difficultas in hac disputatione nostra, & quæ hoc amicitiae genus validè impugnât, quod amicitia singularitatem requirere videatur. Amor enim in plures particulas, personasque diuisus, tenui riuiulo ad singulas allabitur, itaque nec temporis longinquitati resistet, nec firmam gignet amicitiam, atque constantem. Igniculus beneuolentiae, flatu auræ leuis extinguitur, & arbor nouella rerum aduersarum torrenti facilè cedit, ac sternitur. Itaque obseruatum est ex omnibus seculis vix tria aut quatuor amicorum paria nominari, quibus ex Romana historia Scipionem & Lælium, ex sacra Dauidem & Ionatham licet adiungere; amicorum autem triadem vix est qui prodat. Cuius rei signum est quod Dionysius Siciliae tyrannus, in amicis Damonis & Pythiae tertius esse desiderarit. Denique *ita contracta res est*, inquit Tullius, *& adducta in angustum, ut omnis charitas aut inter duos, aut inter paucos iungeretur*. Multos filios pater familias utique diligit, sed vnicum multò magis. Et hæc fortassis vna causa est, cur Deus matrimonium duorum duntaxat esse voluerit.

II. *Amicitia Christiana omnes amplectitur.*
At charitas quæ est amicitia Christiana mundum amplectitur vniuersum, nec alienigenas, quamuis barbaros, neque ignotos, ac ne inimicos quidem excludit: quando legislator noster lege lata constituit, ut diligere inimicos, & benefaceremus iis qui oderunt nos. Deus autem ipse non vnum aliquem eximia sanctitate virum amicitia complectitur, sed omnes omninò bonos, & gratia diuina decoratos, quorum numerus in cælo, terræque, ab omnibus retrò seculis, maximèque à Christi Domini aduentu in terras, tantus est, ut arenam maris, & guttas oceani superare possit; præsertim cum immensus ille beatarum mentium exercitus eo numero contineatur. Quid ergo probabilitatis habet Dei amicitia cum homulo ex argilla & luto ficto, id est folio arboris, quod à vento rapitur? Quid habet, inquam, proportionis folium vnum ad syluam densissimam, & dierum aliquot amplitudine diffusam? *In populo magno non agnoscar*, inquit Sapiens, *quæ est enim anima mea in tam immensa creatura? Totum mundum aspici-te*, ait Magnus Gregorius, *de solis martyribus agens, martyribus plenus est. Iam penè tot qui videamus non sumus, quot veritatis testes habemus*. Sic magnus ille Pontifex.

III. *Multitudine nihil officere*
Nihilominus rectè affirmare possumus ac verè, ne hanc quidem conditionem huic amicitiae deesse; siue Deum ipsum, siue homines attendamus. Cum enim Dei amor, sicut & Deus ipse, sit infinitus, æquè mul-

Et millia simul atque vnum aliquem amplecti potest: sicut & innumera-
biles sanctorum legiones æque beatas reddere, atque vnum de multis
homuncionem. Quidni autem possit, cum sol ille corporeus, natura,
magnitudine, potestate finitus, nunc non minus omnes homines, qui
versantur in terris, illuminet, quam olim par illud hominum in Edenis
horto cominorantium? Neque enim vel ista lux, vel illa beatitas, aut
diuinus amor in partes distrahitur, sed toto singuli sine vlla imminutio-
ne potiuntur. Sic & Seruator eadem charitate dilectum Euangelistam
morte sua, cruciatibusque redemit, ac reliquos omnes omnium tempo-
rum regionumque mortales.

diuina ami-
citia, ex par-
te Dei.

Quod ad homines attinet, quicumque Deum vero amore prosequi-
tur; ita prosequitur, vt eius participem primario nomine faciat omni-
no neminem, sed solus Deus cor omne, viresque vniuersas animi & cor-
poris occupet; adeo vt neminem quidquam amore patiat, quod hoc
amore non includatur, aut referatur ad ipsum. Purissimus est hic amor,
solumque intuetur Deum, cui omnia sine vlla exceptione tradit, sed eo
tamen includuntur omnes, qui ad Deum pertinent, & apti sunt vt hoc
diuino amore diligantur. Pertinent autem, vt filij, vt amici, vt ab eo con-
diti, vt eius vicem gerentes: sic & amicorum nostrorum filios, amicos,
cognatos diligimus, vt qui ad eosdem amicos modo quodam pertinent,
ad eosque referuntur. Sic David Miphibosethum dilexit, quamuis alio-
qui parum amabilem, quia filius erat amici sui Ionathæ, quem in ipso in-
tuebatur, & in ipso diligebat. Atque ita fit vt vnus sit amor, qui refera-
tur ad plures, qui rationem vnus habeant, & vno primario comprehen-
dantur amoris obiecto, eique inferiores sint & subiecti.

IV.
neque ho-
minum.

2. Regum 9.

CAPVT VII.

Quam admirabilis sit, quamque expetenda hæc diuina amicitia.

EXISTIT ergo amicitia Deum inter & homines, res creatas, &
ipsarum autorem, & molitorem Deum. Quid est autem homo, vt il-
lud Davidis iteremus, quod memores eius? mirum est dignari te memi-
nisse hominis, quando ergo admirabilius est affici eum honore amicitia
tuæ? Méne amicum esse Dei! me, Dei! quis est Deus, aut quis ego
sum? fieri ne id potest? non possum, fateor, neque debeo ea de re du-
bitare. Audio enim vnum de illo ipso numero amicorum id apertè pro-
fitentem, vt qui dicat eos qui infinito sapientiæ thesauro vti sunt, parti-
cipes factos esse amicitia Dei. Audio & alterum, Nimis, inquit, hono-
rati sunt amici tui Deus, nimis confortatus est principatus eorum. Quo-
ties in admirabili illo epithalamio sponsi ac sponsæ, id est Dei & animæ

I.
Testimonia
diuina ami-
citiæ.
Psalm. 8. 5.

Sap. 7. 14.

Psalm. 1; 8. 17.

Luc. 12. 4.

Ioan. 15. 15.

religiosa, iterantur amici, dilecti, & sponsi voces, & quæ illis ex aduerso respondent? *Dico autem vobis*, inquit Seruator ipse, *amicis meis, ne timeamini ab iis, qui occidunt corpus.* & alibi rursum. *Iam non dicam vos seruos, quia seruus nescit quid faciat Dominus eius. Vos autem dixi amicos, quia omnia quaecumque audiri à patre meo nota feci vobis.* Communicatio ista, fiduciaque, veram germanamque inter personas amicitiam apertè testatur.

II.

Quam sit
mirabilis.Hom. 17. in
Euang.

Dubitare itaque non possum de ista amicitia, sed nec possum cum magno Gregorio non admirari. *O quanta est*, inquit, *miserecordia conditoris nostri! Serui digni non sumus, & amici vocamur!* Quanta est dignitas hominum, qui in amicis Dei numerari possunt! Regni proceres, principesque ipsi seruos se regis, famulósque appellant, nec satis sciret, qui regem diceret amicum suum, aut vnum de amicis suis. Quid est autem rex ad Deum, aut angelum, aut minimum eorum qui regnant in cælis? Tanti tamen sit amicitia principum, vt ad eam acquirendam aulici, adeoque Dynastæ ipsi omnem lapidem moueant. Quid dico amicitiam? imo gratiosum oculorum coniectum, amicam appellationem, aut aliquam benevolentia testificationem. Ab ea porro si casu aliquo exciderint, quid non moluntur, vt amissam gratiam recuperent, aut stabiliant labefactatam? quorum amicorum operam, industriam, solertiam, fidem, gratiam non adhibent? quamuis leui sæpe momento, ac sine culpa sua, illius gratia iacturam faciant.

III.

Querela de
huius amici-
tia contem-
ptu.

1. Ioan. 3. 1.

Ioã. 10. 18.

Quæ cum ita sint, nonne prodigiosum est plerosq; ad regis regū, ipsiusque Dei amicitiam acquirendam, vel conseruandam, ne exiguam quidē operam nauare velle? O mirabilem cordis humani cæcitatem! o mentes in rerum caducarum inanitatem demersas, ac perditas, & tanto thesauro, qui pluris est mundo vniuerso, quique hominem ad tantam euehit dignitatem, vt nulla ei conferri possit in terris, indignissimas. Dilectus ipse Christi discipulus tantam nobilitatem admiratur. *Videte*, inquit, *qualem charitatem dedit nobis pater, vt filij Dei nominemur & simus!* quidni & amici? Nam filij apud patrem familias primi amicorum iure censentur. S. Thomas agnito Christo Domino à mortuis excitato exclamauit, *Dominus meus, & Deus meus;* potuit ille, possumus & nos addere, *tu pater es, tu sponsus, tu amicus animæ meæ.*

IV.

Erat eam
adhortatio.
1. Mach. 9.
10.

Prou. 8. 31.

Cum ergo, tam nobilis amicitia in summum nostrū decus, ac gloriam singularem redundet, *ne inferamus crimen gloria nostræ*, vt dicebat olim magnanimus ille Machabæus, per ignauiam ac socordiam nostram; omnem potius animi contentionem adhibeamus, ad fouendam, augendamque diuinam hanc amicitiam. Ne desideretur, cum tam illustri tamque amabili amico, vitæ consuetudo ac familiaritas, cum liceat eum adire, alloqui, imò & cum illo quotidie epulari, nullo satellite, nullo excubitore, nullo præsidio prohibente; præsertim cum hanc ipsemet expetat familiaritatem, & delicias suas cum filiis hominum esse fateatur. Eam gra-

tiam alterna liberalitate foueamus : cūque nec sibi ipse, nec suis parcat opibus ; regiae quoque suae aulicos adhibeat ad commoda nostra, salutemque promouendam, nos vicissim ingenti studio quidquid in nobis erit impendamus, ad eius cultum, & gloriam amplificandam. Exultemus laetitia, quod tanta pulchritudine principem, tanta bonitate, praestantia, nobilitate, potentia praeditum habeamus. Triumphemus gaudio, quod tantum Deum, ac Dominum, & quod caput est, amicum intimum, nostrique studiosissimum iactare possimus. Ambiamus incrementum honoris eius & gloriae in rebus omnibus, quae eum habent, agnoscantque conditorem. Lugeamus, intoleranterque doleamus quod à plerisque mortalium amore debito, cultu, atque honore fraudetur; imò verbis factisque laceffitius continenter offendatur; nec tamen propterea suae ipsiū benignitatis tadeat, neque cesset de improbis, ingratisque bene mereri.

Ex. quomodo
colenda sit.

C A P V T VIII.

*Explicatio fundamenti diuinæ cum hominibus amicitiae,
qua est diuina gratia.*

QUOD superius attingimus, in amicitiae vi naturaeque explicanda, de virtutis istius fundamento, plenior, ut arbitror, orationem, disputationemque desiderat. Si enim id consequi dicendo possemus, ut caelestis huius gratiae pulchritudinem, pretium, dignitatem satis aestimare possemus, illam, inquam, gratiam, qua communicamus cum Deo, & diuina efficimur naturae consortes, in eius amorem sine dubio vehementer incalcesceremus, & ad eam acquirendam, tuendamque, corporis animique vires contenderemus, si non pro illius dignitate satis, pro nostra certe utilitate multo amplius; eademque opera infinitum quoddam odium in peccatum lethale conciperemus, à quo vno tantus illis thesaurus eripi potest. Dicamus ergo aliquid de vi ac natura gratiae istius, tum effecta eius aliqua, proprietatesque attingamus, ad eorum maximè captum, qui plus operae in amore Dei acquirendo, quam peruolutandis Theologorum voluminibus posuerunt.

I.
Explicatio
diuinæ gra-
tiae necessa-
ria.
2. Petr. 1. 4.

Et si autem omnia, quae diuina benignitas mortalibus impertitur, omniaque beneficia, quibus de corporibus animisque nostris bene meretur, gratiae dei possint; sicut & illae quibus, eximia eiusdem gratuitaeque beneficentiae, ab iis malis immunitatem accepimus, sub quorum pondere plerique mortales noctes diesque gemunt, & quidem praeter meritum accepimus, etsi improbum illarum usum liberalis ille dominus longe antè prospiciebat: non tamen istam hoc loco gratiae notionem accipimus, quippe quae Dei amicitiam, qua de agimus non constituit, & in multis reperitur, qui ne fide quidem cognoscunt Deum, quales sunt infideles, & ut fidem habeant, Dei tamen amorem, & charitatem non habent, ut peccatores, qui saepe sanitate, pulchritudine, viribus, corporis ingenio, industria,

II.
Diuina gra-
tia Dei ex-
tra amicitiam.

iudicio; honoribus, fortunæ commodis, gratia principum abundè potiuntur, qui nihilominus in Dei inimicis, sathanæque mancipiis numerantur.

III.

Gratia in-
fuficiens.

alia agratis
datis.

I. Cor. 12. 8.

Gratia ha-
bitualis di-
uina amici-
tia funda-
mentum.

Vide D. Th.
1. 2. q. 110.
ar. 1. ad 2.

esse accidens.

V.

Quantum
distet ab hu-
mana ami-
cicia funda-
mento.

Est princi-
pium actio-
num super-
naturalium.

Verùm naturales sunt istæ gratiæ, neque hominem supra naturæ modum aut ordinem euehunt, de quibus non est nunc à nobis suscepta disputatio, sed de his potiùs, quæ cùm naturæ minimè debeantur, eam altius attollunt, quàm ipsa se possit euehere, etiam generali superioris causæ adiuvante concursu. Talis fuit gratia illa, quæ primis olim parentibus data fuit, & iustitia originis continebatur, quæ non ipsum modò faciebat gratiosum Deo, sed vniuersam quoque illius posteritatem Deo gratam redditura erat. Talis ea quoque, qua donati sunt angeli, primo ipso suæ creationis initio, illa vt adiuti destinata sibi felicitatem promererentur. Talis denique est, quæ in animam peccatoris respicientis infunditur, qua filius Dei & amicus, Dæmonis victor, Christi membrum, & particeps hereditatis eius efficitur. Ab ea porro distinguitur, quæ quasi proprio nomine & suo *gratis data* nominatur, quæ non cadit sub meritum, & in aliorum potiùs refertur vtilitatem, quàm eius qui ea donatus est: qualis est gratia miraculorum, prophetiæ, conuersionis peccatorum, aliaque quas recenset Apostolus.

Gratia igitur, de qua suscepta est ista disputatio, singulare Dei donum est, proprium amicorum eius, qualitas diuini ordinis, more habitus animo inhaerens, quæ nos sic erigit, vt beatorum instar, diuinæ bonitatis, pulchritudinis, reliquarumque perfectionum eius participes efficiamur, adeoque ipsius naturæ diuinæ, cuius interuentu Deus nos suis amicis aggregat, imò in amantissimis filiis, & æternæ felicitatis heredibus adnumerat. Num ea substantia quædam est? minimè, adesse enim & abesse potest, absque interitu subiecti. Neque natura rei est, vel pars illius, quippe quæ ordinem naturæ transcendat. Accidens ergo est mutabilitati, in huius vitæ inconstantia, obnoxium; & quod in Deo, cui nihil accidit, substantia est, homini accidit, eiusque animæ diuinitus ingeneratur, fitque hoc ipso particeps bonitatis eius ac naturæ; sicut ferum in ardentem fornacem coniectum, quamuis graue, opacum ac frigidum, ignis calorem, leuitatem, lucemque participat; ab eodémque igne aqua calorem concipit, & motum à natura sua alienum.

Longè porrò abest ista gratia ab hominum beneuolentia mutua, quæ nihil boni in amici animum iniicit, sed ibi inuentum probat, ac diligit. Hæc autem gratia vera germanaque qualitas est, reuera inhaerens animæ diligentis Deum, quam reddit amore atque honore dignissimam, quamuis cæterarum virtutum comitatu destituta foret. Ea non euanescit, vt fulgur puncto temporis; id enim proprium est earum gratiarum, quæ rapim mentem illuminant, impellunt, excitant, subitoque præteruolant, sed in ea infidet, inhabitatque, instar virtutis aut scientiæ, redditque animum habilem ad eliciendos actus, ad quos assurgere sine gratia natura

non potest, ut sine vita corporis, vitales actus motionum, aut sensuum exerceri nequeunt; huiusmodi sunt actus fidei, spei, charitatis, religionis, aliarumque virtutum. Nec mirum; est enim gratia animi vita, ut peccatum interitus eiusdem. Est denique internus quidam in anima vigor, cuius ope illa fit habilis ac prompta ad omne bonum, fortis ac valida aduersus omnes hostium petitiones, atque insultus.

Gratia itaque non constituit hominem in senatoribus, aut patronis, in nobilibus aut dynastis, in principibus aut regibus, sed eum super vniuersum naturæ ordinem, inter cælestia collocat & diuina. Ut si quem Rex in nobilium ordinem adsciscit, eum supra plebem euehit, multoque reddit quàm antea præstantiorem; sic & doctor scholasticum insigniter eruditum, & ab illiteratorum, atque insulforum grege abductum, in doctorum ordinem cooptare solet, solenni doctrinæ testimonio donatum. Et sicut discipuli scientia specie eadem est cum doctrina præceptoris, idque opinionum ac notionum similitudo haud obscure testatur; numero tamen subiectisque differunt: sic gratia iustitiæque, quam intelligimus in Deo, alia est ab ea, qua iusti, Deoque grati reddimur, quam ipsemet producit in nobis; quæ cum diuini sit ordinis, cælestes etiam reddit ac diuinos; Idque ea Seruatoris verba significant. *Aqua*, inquit, Ioan. 4. 14. *quam ego dabo ei, fiat in eo fons aquæ salientis in vitam æternam.*

Quid est in eo fieri, in anima videlicet, intimæque illius essentia, & quasi medulla naturæ generari; ibi enim domicilium suum thronumque collocavit, sicut virtutes in eiusdem facultatibus sedem habent. Quod Doctor Angelicus hac comparatione illustrat. Sicut enim rationis naturalis lumen, in intima residet natura animæ humanæ, & naturæ ordine scientiæ omnes, virtutesque naturales antecedit, quæ in facultatibus animæ procreantur, earumque principium est, & caput. Sic & in supernaturali ordine, ad quem homo per gratiam adoptatur; ubi animam illa intimè possederit, fit ei cæleste principium, & origo virtutum omnium infusarum. Quemadmodum autem virtutes naturales hominem reddunt in statu naturæ perfectum, sic & supernaturales, illum in ordine, qui supra naturam est, præclare nobilitant, cuius gratia primum principium est, & causa.

Quando igitur animus noster huius gratiæ dignitate ita nobilitatur, ut supra naturæ ordinem vniuersum euehatur, qui fieri potest ut aliquis, tam vili abiectoque animo, reperiatur, ut turpi quæstu, aut fœda voluptate peccati, ab tanta nobilitate deijci se ac deturbari patiat? imò mutis, stupidisque animantibus aggregari non molestè ferat? Nonne id iam olim lamentabatur David, *Homo*, inquit, *cum in honore esset, non intellexit, comparatus est in mentis insipientibus, & similis factus est illis.* Num quis toto terrarum orbe reperiatur tam stupidus ac vecors, qui prandij vnus voluptate, aut centum aureorum lucro, aliòve quantouis nobilitatem suam velit plebeia conditione mutare? nonne tantam cala-

VI

Euehit hominem ad supernaturalem ordinem.

VII.

In anima essentia inheret.

VIII.

Peccator è nobilissimo statu deicitur.

Psal. 48. 13. 21.

nobilitas mitatem omnibus fortunis, vitæque ipsa redimeret: Nec tamen aliquid
quid homi- est in homine nobilitas, quàm externa denominatio, quæ nihil in animo,
ne tribuat. aut corpore ponit: nec fere quidquam in ea supra vulgus, præter poli-
 tiorem aliquam educationem, institutionemque puerilem, reperitur.
 Ecquis ergo tam ignauus sit, ac fatuus, ut pro re nihili diuinam nobili-
 tatem, quæ faciliè transcendit, quidquid in hac vita esse potest egregium,
 delectabile, fructuosum, missam faciat, & peccator fiat, id est vile pec-
 cati mancipium, quia *omnis qui facit peccatum, seruus est peccati*, Dæmo-
 nisque, qui turbidos illius animi motus vertit in laqueos, ut cum ferino
 ritu constringat, & constricto pro arbitrio suo, omnem in partem abu-
 tatur.

CAPVT IX.

*De gratiæ diuinæ pulchritudine, utque ea sit singulare
 animi ornamentum.*

I. *Gratiam*
nobilitare
atque orna-
re animam.
 EO spectabat proxima disputatio, ut animæ, quæ gratiæ diuinæ facta
 esset particeps, nobilitatem demonstraremus, nunc quàm insigne
 illa sit decus eius, & ornamentum ostendendum est. Pulchritudo no-
 bilitatem in utroque sexu fere comitatur; frons, oculi, totus oris habi-
 tus, incessus, motusque omnis, ipsæque orationis modus id faciliè testan-
 tur, ut comam, ut arma, ut vestimenta præteream, quæ omnia magna ex
 parte aliquid habent, præ vulgi conditione, præstantius, Animus quo-
 que, quem gratia diuina nobilitat, eximiam acquirit pulchritudinem, &
 decorem mirabiliter allicientem ad amorem sui, si quis oculos habeat,
 quibus eum spectare possit. Tam potentes enim radios tamque pellaces
 ei aculatur, ut Dei ipsius oculos perstringere, & cor eius vulnerare vi-
 deatur. Hinc illa suauissima, *concupiscit Rex decorem tuum, & vulnerasti*
cor meum soror mea sponsa, vulnerasti cor meum, in vno oculorum suorum,
Cant. 4. 9. *in vno crine colli tui.* Hæc eius species gratiam instillat ac decorem in
 aspectum eius, in neglectum capillum, in locutionem & incessum, in
Cant. 2. 14. omnia eius dicta, facta, cogitata. Itaque rursus dilectus eius, *Ostende*
mibi faciem tuam, sonet vox tua in auribus meis, vox enim tua dulcis, &
facies tua decora.

II. *Id exemplo*
S. Cathari-
na illustra-
tum.
 Memorix proditum est sanctissimam virginem Catharinam Senen-
 sem humum deosculari solitam, in quam diuini verbi præcones vestigia
 impressissent. Causam rogata respondit, Dominum sibi aliquando osten-
 disse pulchritudinem animæ, quæ diuina gratia ornata esset: cæque visio-
 ne exarsisse cupiditate, ut omnes animæ tam præstanti pulchritudine
 fulgerent, beatosque existimasse illos, qui isti ornandarum animarum
 officio insudarent, quales sunt qui ad populum Christianum de supe-
 riore

riore loco verba faciunt, in primisque qui fatentibus peccata sua præbent aures, qui proximè eorum conuersioni, ac sanctificationi dant operam. Quid autem mirum est eam animæ faciem, in quam Pater, Filius, ac Spiritus sanctus particulam aliquam infinitæ pulchritudinis suæ deriuarunt, admirabili decore fulgere, & posse vel ipsos Dei spectatores Angelos ad amorem sui tam potenter allicere, cum honestum, quod naturæ viribus philosophi agnoscere, atque adamare potuerunt, ea forma sit, vt si oculis cerneretur mirabiles, vt ait Plato, sapientiæ amores excitaret.

In Phædro.
Cic. in off.

Hic ornatus quibusdam similibus conici, atque explicari quoquo modo potest. Quantum discriminis est inter rudem aliquem puerum, qui, cum primum fieri potuit, & ambulare, vaccarum atque ouium assiduus custos fuit, boni æq; inicitus ac mali, vrbauitatis ac decori penitus insolens, qui nihil agere possit, quod placeat viris liberaliter educatis; quid inquam discriminis est inter insulsum hunc puerum, & nobilem adolescentem, qui vultu ipso præ se fert nobilitatem, egregiè cultum atque informatum institutione puerili, qui legere, scribere, loqui possit eleganter: nec fidum sit aut mulices imperitus, qui gratus sit omnibus, & ab omnibus ad magna natus aestimetur. Tantumdem est differentia inter animam gratia ornata, & eam quæ gratiæ ornamento destituta sit, quæ nihil agere, loqui, cogitare potest, quod Deo aut sanctis eius acceptum sit, aut teruntio valeat ad felicitatem: cum illa propter gratiæ ornamentum Deo omnibusque cœlitibus grata sit, & omnes eius, quæ ex gratia profectæ iunt, actiones, eisdem placeant, magnūmq; habeant, propter dignitatem personæ, dignitatis incrementum; denique ad omne opus bonum apta sit, meritūque felicitatis æternæ.

III.
Et multipli-
ci similitu-
dine pueri
elegantis, &
idiote.

Maius etiam agnoscemus discrimen, si res ipsas iuxta consuetam earum conditionem sumamus. Sumpsimus enim insulsum puerum ac rusticum, cuius tota malitia est lapidibus petere capras arbusculis insultantes; at qui gratia caret, peccator est, & mortiferi cuiuspiam crinnis reus, in Deum, proximum, aut seipsum perpetrati; cui Deus exprobrabit quod abominabilem reddiderit decorem suum, & foedissimarū rerum quibus adhæserit, turpitudinem contraxerit: qui, inquam, gratia caret, iuuenis est aliquis fortasse profligatus, ac perditis, ludi, gula, libidinūque mancipium, assecla ganæ & popinæ, factus ad rixas & iurgia, & turbandam contumeliis quietorum pacem: pronus ad temerè deierandum Deum, pullandos obuios, eosque vi aut fraude spoliandos, patibulo destinatus & coruis. Ille autem alter gratiæ decorus, eiusdem ope aptus est ad omnem virtutem, quidquid eius impulsu aggreditur rectum est, quidquid desiderat honestum est, quidquid agit pulchrum, decorum, ac probandum est, & ingenti mercede dignum.

IV.
Atque adeo
improbi.

Ezech. 16.
25.
Osee 9. 10.

Addamus & comparisonem aliam, quæ doceat quanto plus diuina gratia ornamentis animis afferat, quàm scientia, non solum quæ literis

V.
Scientia, &
virtus, cor-
poris des-
tus regunt.

humanioribus continetur, sed quæ disciplinis etiam mathematicis, quæ medicinz facultate, iurisque prudentia, quæ philosophicis, theologicisq; doctrinis comprehenditur, quamvis lautis, elegantibus, & exquisitis. Nam si quis aliquam adeat Academiam, ista omni, aut penè omni literarum suppellectili egregiè instructus, cuius abstrusæ sint ac reconditæ disputationes, responsa subtilia, promptæque, enarrationes apertæ & enucleatæ, oratio elegans & polita, quæ voce minimè absone, actione composita, & affectu, qui rebus ipsis congruat, animetur, si huiusce animi opibus, accedat in congressu comitate condita gratitas, & in omni vitæ consuetudine moderatio, nemo est qui talem virum honore, benevolentiaque non prosequatur, quamvis alioqui naturæ quopiam defectu, oculi puta, vel pedis labore. Animi, quippe pulchritudo, quæ multò potioris est conditionis quàm forma corporis, vitium illud occultat, atque obruit, & vulgarem contemptum in extraordinariam commiserationem mutat.

VI.

Multoque
magis gratia.

Eodem modo anima, quæ rationis primum, deinde nobilissimi huius ornamenti, & diuinæ qualitatis est compos, tum cæterorum donorum ac virtutum infusarum, quæ eam comitantur, & tanquam spiritalia monilia omnes animi facultates exornant, anima, inquam, usque adeò grata spiritalibus oculis, acceptæque redditur, exquisitæque pulchritudinis, ut quamvis cæteris animi, corporisque præsidis destituta sit, angelorum tamen oculos, ipsiusque regis ipsorum trahat ad sese, & ad eius formæ contemplationem rapiat, itaque rapiat ut generis eius & originis oblivionem inducat, & sceleris ab eius parentibus olim perpetrati. Si ergo scientia in eo prodit præstantiam suam, quod sapientum iudicio magna corporis vitia obtegere potest: quantò maior est huius gratiæ dignitas, quæ, Dei ipsius iudicio sufficit, ad defectus scientiæ, cæterorumque naturalium habituum, corporeæ pulchritudinis, sanitatis, roboris, diuitiarum dissimulandos? quin & peccata ipsa, quæ animam illam aliquando occuparunt? quia *charitas*, ut ait Apostolus, *operit multitudinem peccatorum*.

2. Pet. 4. 8.

CAPUT X.

Alia declaratio pulchritudinis anime diuina gratia exornate.

VII.

Parabola
principis
diligentis
puellam
pauperem.

PLACE T institutum nostrum, Seruatoris exemplo, declarare parabola. Si quis diceret extitisse aliquando in regione quadam tam præstanti pulchritudine virginem, ut nobilissimus iuuenis, idemque princeps sapientia, diuitiis, forma, cæterisque naturæ præsidis locuples, nuptiis eius potiundi causa, paternam domum occultus, & e mentito habitu relinqueret, & in eiusdem virginis domum seruiendi causâ insinquaret sese, quamvis illa paupere admodum, atque humili loco nata

esset, diceremus utique iuuenē hunc cæteris rebus magis, quā sapien-
tia instructum esse. Quod si minimē dubia esset eius sapientia, diceremus
certē necessariō, puellæ huius virtutem ac pulchritudinem tam excelsio
loco sitam, nihil ut ei comparari possit: neque Saram aut Rebeccam,
Rachelem, aut Iuditham, Hesterem, aut Abigailem, Thamarē, aut Su-
sannam, Helenam aut Lucretiam, neque cætera prodigia formæ, quæ
celebrauit antiquitas, esse digna quæ in istius pedilequis numerentur.
Aut postremō fateremur aliquid esse in ista narratione mysterij, quod
intelligentia consequi non possemus.

Nunc istam si placet parabolam euoluamus. Princeps hic, vnigeni-
tus est Dei opt. max. filius, cuius si pulchritudinem quærimus, *Candor est
lucis æterna, speculum sine macula Dei maiestatis. Splendor paternæ glo-
riæ, & speciosus formæ præ filiis hominum*: si nobilitatem, propheta &
euangelistæ respondebunt, eum originem ab æterno patre ducere. ab
ipso principio æternitatis. Omnes cœli ac terræ principes sunt ipsius
clientes, eūque supremum agnoscunt, directūque dominium: si
diuitias cogitamus, audi quā lautam à patre acceperit hereditatem.
Postula à me, & dabo tibi gentes hereditatem tuam, & possessionem tuam Psal. 2.
*terminos terræ, ut scriptum reliquit rex quidam potentissimus, qui ei à
secretis fuit: si sapientiam, ipse est in quo absconditi sunt omnes thesauri* Colos. 2.3.
sapientiæ. & scientiæ Dei parentis eius.

Princeps hic relictæ paternæ domo, vestem induit famularem. Nam
cū in forma Dei esset, semetipsum exinaniuit, formam serui accipiens, in
similitudinē hominum factus, & habitu inuentus ut homo, in regionem
à cœlo longē positam venit, suam illam quidem, sed tunc excussio Do-
mini sui iugo, rebellem. Quæ est ista virgo? Nōne anima rationis par-
ticeps, quæ admodum pauper est, ut quæ educata ex nihilo, nihil habet
propriū & suū, præter ipsum Nihil. Omnia mutū accepta sunt, aut
gratis accepta ab ipsius molitore Deo: Neque pauper est modō, sed
etiam ignobilis, in infimo gradu posita rerum intellectu præditarum;
& præterea arctissimo affinitatis nexu, stupido corpori ac mortali, quod
ab ipsa impotenter diligitur, coniugata. Quæ est igitur illa pulchritudo?
quod venustatis miraculum? quod ipsum Dei filium ad hanc serui for-
mam, ad hunc humanum habitum impulit, & trium ac triginta anno-
rum seruitutem, ut animæ sanctæ nuptiis & pulchritudine, quæ ab hac
diuina gratia proficiscitur, frueretur.

Est quidem in hac comparatione non exigua dissimilitudo, sed ea
partim causam nostram iuuat, partim regiam filij Dei bonitatem, in sua
aduersus animas charitate, demonstrat. In hoc porō posita est dissimi-
litudo, quod in illius parabolici principis amore, præstans illa forma ef-
fulget in virgine, priusquā diligatur, & magnetem habet in oculis, qui
vel ferreos homines ad se trahat. Animæ autem pulchritudo non est in
ipsa, priusquā à filio Dei amatore suo diligatur, sed ille officiosa be-

I I.
Christo ap-
plicatur.
Sap. 7. 26.
Psal. 44.

Psal. 2.
Colos. 2.3.

I I I.
Qui adu-
gratia ornatus
tam deperit.
Phil. 2. 6.7.

I V.
Imò nondū
ornatam.

Cant. 8.5.

neuolementia & comitate certat prior, gratiamque infundit, quæ tam speciosa sit, tam amabilis, ut angeli ipsi, qui idoneis ad hoc spectaculum luminibus præditi sunt, admirantes exclament, *Quæ est ista, quæ ascendit de deserto, deliciis affluens, innixa super dilectum suum?* Itaque Dei filius cogitatione præcipiens, & quasi in tabella intuens, quàm pulchra futura sit ista anima, ubi in eam radius ille diuinitatis affulserit, in eius amore incalcescit, eamque ipsam gratiam illi summa beneuolementia largitur.

V.

Gratia pulchritudo non cadit sub sensus.

Cant. I. 14.
& ca. 4.7.

*nec minus
tamen excellit.*

Hinc ergo facile est intelligere quanta sit diuinæ gratiæ pulchritudo, quæ reddit animam tam illustri forma præstantem, ut angelos, ut dixi, atque adeo ipsum angelorum Dominum eius sponsum, in stuporem egisse videatur, Quid enim aliud illa verba significant? *Ecce tu pulchra es amica mea, ecce tu pulchra es.* Et rursû, *Tota pulchra es amica mea, & macula non est in te.* At dicat aliquis paulo rudior, Si tanta est ista gratiæ pulchritudo, quantam iam dudum prædicamus, nonne possemus eam oculis intueri? Minimè sanè, dum animæ nostræ oculi velo corporis huius obnubentur: sed si gratiæ huius fidi amatores, & studiosi custodes fuerimus, eam aliquando, ac multo etiam præstantiora visuri sumus. Nec tamen est quod interea humiliter aliquid de ea, vel abiectius sentiamus. Ecquis enim harmonicæ musicæ concentum, aut humanarum vocum suauitatem, aut citharam, magistra manu pulsatam cernere valeat? Persuasum sit ergo nobis alias esse pulchritudines, ab iis, de quibus oculi carnei iudicare possunt, & quidem tanto exquisitiores, quanto animæ oculus, qui est intellectus, huic terrenæ moli præstat, oculisque eius. Cùm enim animus sublimioris sit ordinis quàm corpus, oportet illius proprietates ac facultates, & earum obiecta, corporeis longe multùmque præstare.

VI.

*Similia de
aduentu
vris orna-
ta.*

Quid efficit ingeniosa mens & manus nobilis sculptoris in rudi aliquo saxo, ut ex eo conficiat doricum, aut corinthiacum columnæ capitellum? Quid potest egregium ingeniosi aurificis artificium, in aspera quapiam auri vel argenti massa, ut in egregium monile, aut sacrum calicem, aut regiam coronam conuertatur? Quantum est discrimen inter annosam nucem, quæ in extremo agro, ad viam regiam sedet, distortam, nodosam, & prætereuntis populi saxis laceratam, & abacum vasarium anaglyphorum ornamentis instructâ, cæterisque toreuticæ lignariæ deliciis elegantem? Quantum differunt bombycinus glomus conuolutus, & textum aliquod bombycinæ vestis, rasæ aut villosæ, densæ vel multitiæ, vel damasceno more foliis, aut floribus illusæ, in quo præstantis opificis industria vigiliæque elaborarint? Quid denique distat lutulenta lana ouium è stabulo prodeuntium, à tapeto sumptuosi texti, magnificique operis, à phrygionio aulæorum pictore perfecto? nemo tantam distantiam satis æstimare possit.

VII.

Quod ergo sculptor in lapide, aurifex in metallo præstat, quod toreu-

res in ligno, bombycini textor in serico, phrygius pictor in lana, hoc diuina gratia in animis hominum facit. Dignam enim reddit quæ cæli columnis quasi capitellum infideat, quæ tanquam filia aut sponsa regis æterni coronetur, audiaturque, *Veni de libano sponsa mea, veni de libano, veni, coronaberis.* Anima peccatrix informe saxum est, aut metallum asperum, vel nodosum distortumque lignum, aptum incendio tartarorum; sed quæ gratia ornatur, cæterisque monilibus, quæ illam comitantur: abacus est, in quo Deus thesaurorum suorum opes explicabit. Animus reus glomus est, quem dæmones in aquis feruentibus inferorum euoluent, quem autem ornat gratia, vestis est nuptialis, qua Christus ipse vestietur, sicut vicissim illa Christum induerat, cum desideria carnis exuerat. Peccatrix anima instar est lane fordidæ, ac cænosæ, sed abluta fonte baptismatis, vel pœnitentiæ lacrymis, Christi que tincta sanguine, fiet peristroma, quo cæli aula vestientur.

Anima or-
nata gratia
accommoda-
tur.

Cant. 4. 8.

C A P V T XI.

*Effectus aliqui diuinæ gratiæ, ex eius cum aqua viuæ, siue
decurrente comparatione.*

SERVATOR mundi, qui factus homo nos reconciliauit Patri, & Dei cum hominibus amicitiam, gratiamque promeritus est, eam olim per Isaiam prophetam promittebat, sub specie aquæ viuæ, qualis est aqua fontium, cum diceret, *haurietis aquas in gaudio de fontibus Saluatoris:* qualem olim Moyses, quasi per figuram postulabat. *Domine Deus audi clamorem huius populi, & aperi eis thesaurum tuum, fontem aquæ viuæ,* quam Christus Dominus offerebat ultro mulieri Samaritanæ, *Si scires, inquit, donum Dei, & quis est qui dicit tibi, da mihi bibere: tu forsitan perisisses ab eo, & dedisset tibi aquam viuam.* Dicamus & nos omnibus Christianis, O si sciretis quale donum est, & qualis thesaurus gratiæ Dei! si satis æstimare possitis eius pulchritudinem, pretium, efficacitatem tantam, ut nihil ei in rerum natura comparari possit, quasque opes in animam congerat, maiore illam contentione animi postularetis, maiore cura ac sollicitudine seruaretis adeptam.

I.
Gratiæ a-
quæ viuæ
conferunt.
ca. 12. 3.
Num. 20. 6.

Ioan. 4. 10.

Hanc nos contentionem & curam in hominibus accendamus, si possumus, gratiæ effectis ex similitudine cum aqua viuæ consideratis. Tres primarios effectus habet aqua viuens ac decurrens, primus est expurgare sordes corporis, ut manibus pedibusve abluendis; gratia sordes animorum ablutas detergit, adeo ut sacramenta omnia, quæ delent peccata, non aliter deleant, quam gratia peccatori tribuenda. Hanc enim gratiam per Ezechielem Dominus promittebat, cum dice-

II.
Primus va-
trinsque ef-
fectus pur-
gare.

ea 36. 15. ret, *Effundam super vos aquam mundam, & mundabimini ab omnibus iniquamentis vestris.* Hanc ipsam petebat David, post geminum illud crimen perpetratum, *Amplius laua me ab iniquitate mea, & à peccato meo munda me.* Signum nobilis huius aquæ viæ apparet in oculis, lacrymarum imbre defluentibus, quas dolor de peccatis excutit, ac profundit foras, quas par est studiosè procurare peccatorem, atque ab offenso Deo postulare.

III. *Cum quadruplici differentia.*
 1. Quadruplex tamen reperitur discrimen inter aquam corpus emundantem, & gratiam animas abluentem. Principiò vulgaris hæc aqua ita sordes abluit, nullamv̄t mundiciem nouam corpori, aut vasi afferat quod emundat. At gratia peccati sordes ita detergit, vt non solum natiuam illi mundiciam restituat, sed aliam quandam supra naturæ vim afferat, vt si vas aliquod aqua rosacea mundaretur. Id videtur David significare voluisse cum diceret, *lauabis me, & super niuem dealbabor.* Nihil est quod superet candore niues; ait ergo se dealbatum iri ab hac diuina aqua, supra quam natura possit efficere. Alterum discrimen est; quod aqua nullam nouam ingenerat pulchritudinem in eo qui abluitor, sed antiquam reparat. Gratia verò non solum pristinam animæ speciem, natiuamque reddit; quæ non pœnitenda est, vtpote quæ diuino expressa est penicillo; ex prototypo diuinæ faciei; sed nouum etiam decorem affert, quo amabilis redditur, non modò vt creata res conditori suo, sed vt parenti filia; vt coniugi sponsa. Itaque aqua ista mirabilis, & mundat, & formam natiuam reponit, & simul eam illinit auro. Nec absurdum est respexisse sanctarum animarum sponsum, ad geminam hanc eorum pulchritudinem, eam dicebat, *Eccet tu pulchra es amica mea, & iteratò reperebat, ecce tu pulchra es.*

IV. *Declaratio secunda differentia.*
 Quod si inter cetera naturæ miracula, etiam fons reperiretur; cuius aqua non solum faciem, manus, totumque corpus emacularet, sed adderet etiam eximiam pulchritudinem; naturæ defectibus emendatis, quæ luridum colorem aut fuscum, in blandum ac niueum commutaret, qui vndique concursus ad eum fontem fierent? quantæ haurientium turbæ densarentur? quæ rixæ orirentur potantium, selæque protrudentium? quomodo ad eum mixti mercatoribus famuli, famulæque perreptarēt, si vel in summis alpibus, aut apennino scaturiret, modicæque stillaret? & quāti in vrbibus venderetur. Eiusmodi est diuinæ gratiæ aqua in abluendis, decorandisque animabus, quarum decor tanto intervallo speciem corporum antecedit: nec tamen ad eam obtinendam ad inaccessos montes adrependum est, aut vis ingens pecuniæ profundenda: Pœnitentiæ sacramentum eam copiosè suppeditat, si quis debitam ad illud præparationem afferat. Et tamen, pro dolor! tam multi in suis malunt computrescere sordibus, & horri esse filiis Dei, quàm tam admirabilem aquam ex fontibus Seruatoris haurire.

V. Tertium discrimen est, quod aqua vulgaris, dum emundat sæpe de-

biliter, ac deterit, vt contingit in pannis. Aqua verò gratiæ emundando corroborat, latificat, & instar aquæ quam vitalem dicunt, viuendum animum vegetumque reddit. Hæ sunt aquæ, quas gloriosè commemorat Isaïas scissas in deserto, & quasi torrentes solitudinem inundasse, eoque Dei beneficio, in Christi gratiæ auctoris aduentu, confortatas esse manus dissolutas, & genua debilia roborata. *Optimum est*, ait Apostolus, *gratia stabilire cor, non escis*, quarum hoc est munus, *quæ tamen non profuerunt ambulanti- bus in eis*, ludæis scilicet, escis sacrificiorum pacificorum vten- tibus, eiisque multum tribuentibus. Et alibi, ait se, ope Diuinæ gratiæ robur sibi tribuentis, plus omnibus laborasse. Postrema differentia est quod aqua decurrens ita emundat, vt abeat vna cum sordibus, at gratia ita purgat, vt nihilominus intimo in sinu animæ resideat, indeque in eius facultates exundet, fiatque *fons aquæ saluentis in vitam æternam*. Et Paulus ait charitatem Dei diffusam esse in cordibus nostris, *per Spiritum sanctum qui datus est nobis*. Hæc quoque causa est cur rebus permanen- tibus comparetur, vt semini, victioni, sigillo, pignori, aliisque rebus. Cum ergo ita à natura facti atque instituti simus, vt munditiā dili- gamus, nec lutum in facie quamuis innoxium ferre valeamus, ac ne in veste quidem aut cubiculo, vixque propemodum in vico nostris ædibus obiecto, quomodo peccati sordes, quibus nihil æque noxium, pestilens, execrandum ferre possumus, non in manibus aut vestimento, sed in ipsius animæ oculis, ac medulla? Quomodo non amabimus hanc aquam, quæ ita mentem emaculat, vt non solum natiuam ei pulchritudinem resti- tuat, sed cælestem insuper addat ac diuinam? quæ purgando roborat redditque indomitam labori: quæ residet constanter in nobis, Deique oculos allicit ad contuitum paternum. Indignaris culinæ notas appa- rere in fronte aut genis filij tui, & tibi non succenses, qui diaboli notas in animæ tuæ vultu circumferas, fuligine, & atro carbone terriores. Ad tam præstantem igitur aquam accurrendum est, quæ nunc candidiores reddet, & ipsis Adoniis & Absalonibus pulchriores.

Secundus aquæ effectus est reddere terram fertilem, ac fecundam, & plantis omnibus, earumque fructibus nutriendis idoneam. Quo fit vt Africanum solum aquis pluuiis destitutum, & à fluminibus longè sepo- situm sterile sit; Et contra terra sæpe venientem super se bibens imbrem, & generans herbam opportunam illis à quibus colitur, accipit benedictionem à Deo, vt ait Paulus. Hanc ipsam similitudinem videtur expressisse Dauid, cum ait virum iustum fore sicut *lignum quod plantatum est secus decursus aquarum, quod fructum suum dabit in tempore suo, & folium eius non ae- fluet; & omnia quaecunque faciet prosperabuntur*. Et alibi ait peccatoris animam esse sicut terram sine aqua Deo: quæ cumulatius ab Isaia descri- buntur. Nec aliò respiciebat idem Dauid, cum fateretur se à Deo in loco paucio, & super aquam reficientem collocatum atque educatum. Sed est in hac similitudine non exigua differentia, quæ gratiæ vis manifestè deprehendatur.

Tertia dif-
ferentia.

cap. 35.

Hebr. 13. 9.

1. Cor. 15. 10.

Ioan. 4. 14.

Rom. 5. 5.

2. Cor. 1. 21.

22.

1. Ioan. 3.

V I.

Conclusio

primæ ef-

fectus.

V II.

Secundus ef-

fectus aquæ

& gratiæ

fecundare.

Hebr. 6. 7.

Psal. 1.

Psal. 142.

cap. 35.

Psal. 21. 2.

VIII. Primum aquæ beneficio arida arbores non reuirescunt; sed potius computrescunt, nec terræ fertilitatem affert sterilitate absterfa, vt patet in arena, quæ ad ripas fluminum iacet: cum gratiæ aqua animas peccato mortuas ad vitam excitet. Audiamus enim Apostolum. *Deus*, inquit, *qui diues est in misericordia*, propter nimiam charitatem suam, cum essemus mortui peccatis, comminificauit nos in Christo, cuius gratia estis saluati.

1. Ephes. 2. 4. Deinde ita solum fertile reddit, vt suos quælibet planta fructus afferat, iuxta speciem suam & naturam, nam mala & pira, ficus & racemi ex vite nascuntur & ficu, piro & malo, non contra. Nunquid enim colligunt, aiebat Seruator, *de spinis vnas, aut de tribulis ficus*? At quos gratia diuina rigauerit fructus afferunt, qui omnes naturæ vires transcendunt, quale est Christi fidem cum vitæ, ac fortunarum dispendio proferri, futura præsentibus, & iis quæ patent sensibus, obscura atque intellecta mercari: inimicos diligere, & benefacere iis qui oderunt nos.

IX. Tertiò non est hoc positum in aquæ viribus, vt arbor quæ syluestres edit, amarosque fructus, dulces rigata proferat, atque domesticos. Quòd si contingat mutari fructus, deteriores euadunt, atque degeneres, crispatis flores simplices renascuntur, & hordeum ab it in auenam. Inde ille agricolæ gemitus:

Grandia quin etiam committimus hordea sulcis

Infelix lolium, & steriles dominantur auena.

At gratia diuina satis habet efficacitatis, vt terra nostra, quæ ipsa per se, à peccato, non nisi fructus maledictionis ferre potest, opera carnis & sanguinis, opera mortis & tenebrarum, facta Christi sponsa, & fecunditatem adepta, fructus afferat benedictionis, & æternæ vitæ, & possit cum Sapiente dicere, *Ego quasi vitis fructificanti suauitatem odoris, & flores meos fructus honoris & honestatis*. Quartò aqua non ita fecundat arborem, vt ea diuersorum generum fructus ferre possit, neque enim oliua, quantumuis cœlesti rore perfusa, oliuas, pira, mala, racemos & ficus feret, sed oliuas duntaxat. At gratia magnam fructuum diuersitatem & copiam elicit, charitatis, gaudij, pacis, patientiæ, ac cæterorum.

X. Tertius aquæ effectus in restinguenda siti, & gratiæ in ardore concupiscentiæ restinguendo consistit, & mundani amoris contemptu, vt cernere est in plurima iuuentute, quæ remisso vanitati nuncio vitam angelicam in religiosis cœnobiis viuit. Est porro nonnulla etiam in hoc effectu differentia cæque duplex, prior quod aqueum hoc elementum hic epotum non liberat ab æterna siti, vt epulo ille euangelicus experimento suo didicit, docuitque mortales: sed aqua fontium Saluatoris hausta hic, & ad vitæ finem conseruata, omnem sitis molestiam in perpetuum eripit, & hominem mirificè consolatur, vt Lazarus ille probauit. Posterior est quod aqua illa deficit atque consumitur, ideòque subinde resumenda est recurrente siti, nec sit fons in eo qui illam potat. Gratia verò fons est in homine apud Deum gratiofo, omnium bonorum operum.

rum, quibus æternæ vitæ præmia consequatur, id enim est *fieri fontem salientem in vitam æternam.*

Vide autem quàm id consentaneum sit ac congruens aquarum naturæ. Vt enim aquæ fontium quæ ex editis collibus in planiora loca deducuntur lateritis plumbæisve tubis, in tantam possunt altitudinem assurgere ex quanta descenderunt; Ita gratiæ aqua, quæ cœlitus sacramentorum quasi tubis deriuatur in terras, ad cœlum usque conscendit. Vice versa inexplabilis ille diuitiarum ardor, & sitis existit ab inferis, sicut & ipsæ diuitiæ, quas auri sacra fames pene ad inferos usque perferutando quærit iuxta illud, ---- *Itum est in viscera terra*

Quasque recondideras, stygiisque admonerat umbris
Effodiuntur opes; irritamenta malorum.

Ergo eodem illæ trahunt amatores suos, ut ad illum perveniant, cuius erat olim scelerata illa vox, *Hæc omnia tibi dabo, si cadens adoraveris me.* Nec minus qui flagitiosis libidinum sordibus volutari amant, ad ea loca descendant, ad quæ omnes mundi sordes, tanquam in cloacam, cum reprobis aliquando confluent.

XI.
Gratia fons
aqua in vitam æternam
salientis.
Aurum
defluit ad inferos.

C A P V T XII.

Gratiæ divinæ cum lumine comparatio.

CREDO equidem nullam me filii lucis molestiam asperfurum, si paulo amplius in gratiæ naturam ac proprietates excurrero, eam cum lumine componendo, quando eam sancti Patres, ipsæque sacra volumina lucem appellant. Nam S. August. in libro de Natura & Gratia, *Prævaricatore, inquit, legis divina lux deserit veritatis, qua desertus utique fit cæcus.* S. Cyprianus gratiam quam in baptismo recepit, vocat *purum lumen, de super se in expiatum pectus infundens.* S. Dionysius eam vocat *candidissima lucis processum, à patre in nos manantem.* & alibi, *luminis largitatem à patris liberalitate profectam, radium divini fontis, longe sese, lateque fundentis, more luminis à Deo nascentis, & tanquam à speculo repercussi radij, resiliens, atque emicantis.* Denique omnis mirabilis huius doctoris oratio, quæ gratiam attingit, nihil celebrat præter lumen, splendorem, radium, fulgorem, gloriam, claritatem; quæ illustribus ubique adiunctis extollit.

Christus ipse gratiam appellat *lumen vite*, quàm sequentibus se promittit. S. Iacobus Deum authorem gratiæ *patrem luminum* vocat. S. Petrus scribens ad Christianos, à lege Mosaica ad legem gratiæ conuersos, ait eos esse positos, *ut annuncient virtutes eius, qui de tenebris eos vocavit in admirabile lumen suum.* S. Paulus ait Deum, qui iussit de tenebris lucem splendescere, eundem esse, qui *illuxit in cordibus nostris*, per

I.
Gratia lux
à doctoribus
dicta.
cap. 22.
L. 2. ep. 2.
ad Donat.
de rectitud.
et. 9. de di-
uin. nom. c.
4.

II.
Et in ser-
pt ut is jan-
ctis.
Ioan. 8. 11.
Iacob. 1. 17.
1. Petr. 2. 9.
2. Cor. 4. 6

Rom. 13. 12. fidei videlicet, & gratiæ lumen. Et alibi tempus peccati noctem vocat, gratiæ autem diem, & opera temporis illius opera tenebrarum, huius autem opera & arma lucis. *Nox precessit, dies autem appropinquavit; abiiciamus ergo opera tenebrarum, & induamur arma lucis.* Eandemque ob causam Christianos Ephesios vocat lucem ac filios lucis, *Eratis aliquando tenebra, nunc autem lux in Domino.* Sic & Thessalonitenses; *Omnos, inquit, vos filij lucis estis, & filij Dei.* Denique eadem ratio est, cur discipulos suos Seruator appellet *lucem mundi*, velítque eorum lucem in hominum oculis emicare, vt inde gloria Deo tribuatur.

III. Lucem ergo cum gratia paucis quasi parallela componamus, vt intelligamus quanta sit inter vtramque affinitas. Principiò lux qualitas est omnium præstantissima, quæ sub sensum oculorum cadunt, aut subiecto corporeo hæcere possunt. Gratia qualitas est omnium, quas mortalis hominum vita capere potest, longè nobilissima. 2. Lux qualitates omnes corporum, quæ sunt infra Lunam, eminenter continet, & nobiliore modo quàm corpora ipsa; sicut regia maiestas, subiectas omnes dignitates, Ducum, Comitum, Baronum, reliquorumque dynastiarum præstantiore modo comprehendit: & sacerdotium omnes infra se positos ordines. Sic & gratia virtutes omnes potestate continet; est enim quasi commune principium, ex quo virtutes omnes producuntur, res autem in principiis suis sublimiter continentur. 3. Lux pulcherrima est oculis, quæ gratissima, & inferiorem hunc mundum, quasi vestra aurea circumfundit. Gratia pulcherrimum est animorum ornamentum, & decus, illaque vestis aurea, qua Regina Dei sponsa induitur. *Astirrit regina à dextris tuis, in vestitu deaurato, circumdata varietate*, vt canit Prophetæ regius, in spirituali suo Christi & Ecclesiæ epithalamio.

IV. Quarto iacent omnia tenebris obruta, ac sepulta, nisi inde à lumine educantur, vt cerni possint, vt quotidie contingit, quando *rebus iam color redit vultu nitentis sideris*, vt canit Ecclesia: contigitque iam in ipsa rerum origine, quando *tenebra erant super faciem abyssi*, iussitque Deus emicare lucem, cuius splendore cælum, aqua, & terra, & cætera, quæ deinceps condita sunt, cerni cœperunt. Gratia denudat opera tenebrarum; eorumque malitiæ ac turpitudinem prodit. Id videlicet causæ est, cur quæ olim à nobis, sine vlllo metu, aut religione fiebant, nunc clarescente gratiæ luce, patefacta eorum foeditate, in desuetudinem abierint. Qui est in tenebris, per cœnosa loca transit, & preciosa quæque conculcat imprudens. Et peccator in cœnosis vitiorum lacunis volutatur intrepidè, & per summam cæcitatem, res sanctas, religiosasque conculcat.

V. Quintò luminis origo, propriusque locus est cælum, & vbiunque datur aliquis cœli conspectus, ibidem aliquod lucis infunditur. In terris autem lux quodammodo peregrinatur, & alternis cum nocte regiones omnes obambulat. Gratiæ origo, propriusque locus est cælum, cuius

Lucinis & gratia parallela.

I. Ratione excellentia.

2. amplitudinis.

3. pulchritudinis.

4. manifestationis.

Gen. I.

cæcitas peccatoris.

5. Originis & loco.

ciues omnes filij sunt Dei gratia autoris, neque illic culpam vicissitudi-
ni obnoxia est gratia, quæ hic, pro dolor! peccato extinguitur, statim-
que peccator illud Davidis vsurpare potest, *Dereliquit me virtus mea*, Psal. 37. 25.
& *lumen oculorum meorum*, & *ipsum non est mecum*. Peccatum enim illi
oculos eripit, cogitque in tenebris vitam agere, obuia quæque incer-
tis manibus tentare, & subinde offendere pedibus, allidi toto corpore,
& in terram, vt fors tulerit, proruere, dum in externas inferorum tene-
bras præceps ruat.

Sextò mira est luminis fœcunditas ac beneficentia, adiecto calore
illo viuifico, quem secum lux deferre solet. Omnium enim animan-
tium corporibus vigorem præbet, dum spiritus vitales instaurat, quo fit
vt ægri melius interdiu quàm noctu habeant: plerique etiam, propius
ad nos reuertente Sole, & vernum tempus reparante, ab hybernis mor-
bis, in quibus diu iacuerant, conualescunt. Gratia mentis est sanitas,
vita, virtus, & vigor, & pro magnitudine, tenuitate, aut mediocritate
gratia, mediocris est, tenuis, vel insignis animi sanitas, virtus, & vigor:
eademque causa est cur eam Christus Dominus *vita lumen*, vt diximus, Ioan. 8. 12.
appellarit, & Paulus dixerit, *melius esse cor stabilire ac confirmare gratia*, Hebr. 13. 9.
quàm escis, quæ non profuerunt ambulanti in eis.

Postremo lumen vbique gentium velocissimè peruolat, ac mirabili
celeritate se explicat: quæ fuit D. Ambrosio causa, vt diceret à Deo pro-
ductam lucem sine pondere, numero, ac mensura. Totam suam ipha-
ram puncto temporis peruadit, quòd nihil habeat, quòd eius incitatio-
nem remoretur, aut tardet, præter ipsum corpus luminosum à quo spar-
gitur, quòd momento ferri non potest. *Nescit tarda molimina Spiritus
sancti gratia*, vt ait idem Ambrosius, in cuius rei signum, quo tempore
descendit Spiritus sanctus in Apostolos, *factus est repente de cælo sonus*, Act. 2. 2.
tanquam aduenientis spiritus vehementis. Et sicut lumen nullam in aère
præuiam dispositionem requirit. Sic Deus nulla eget præparatione in
anima; nisi quam ipse attulerit, quàm puncto temporis, quæ est im-
mensa eius potentia, producere potest. Liberum autem arbitrium, quòd
Deus vult secum agere, sibi quæque assentiri, momento temporis consen-
sum suum proferre potest. Et hæc de diuinæ amicitia fundamento dicta
sufficiant: nunc de personis, inter quas illa coalescere potest, altero vo-
lumine disseremus.

Primi Libri finis.



LIBER SECVNDVS.

De personis quas amicitia diuina complectitur,
& charitatis præcepto continentur.

CAPVT I.

De Deo, vt primario diuine amicitie, ac charitatis obiecto.

I.
*Cur Deus
amorem Dei
præcepit.*



V M diuina bonitas & sapientia statuisset amicitia complecti subditos illos suos, quos ad eam idoneos, ratione illos, atque intelligentia ornando, reddidisset, amicitia, inquam, quæ illos ad inæstimabilem dignitatem eueheret, & singularibus, verissimisq; bonis cumularer, non putauit satis esse indidisse in natura pondus, quo inclinarentur ad amandum Deum, & illi amoris admirabiles illecebras addidisse; neque voluit providentissimus pater tantum filiorum suorum bonum eorum lubrica & inconstanti permittere libertati, sed amicitiam hanc præcepti suauissimi vinculo censuit constringendam, vt tanto difficilius violari ac dissolui posset, quanto pluribus nodis, nexibusque teneretur. Ne quo igitur modo inscriptum humanis mentibus præceptum, malis moribus obsecrari, ac pene obliterari posset, illud ipsum mortalium oculis obici & Deut. 6. voluit, atque auribus insonare, dum suo ipse digito lapideis illud tabulis inscripsit, perque angelum suum electo à se populo, maximo apparatu, ingentiq; fragore recitauit.

II.
Quæ eo præcepto continentur.
Matth. 12. 37. 39. Amoris itaque præceptum in lege olim Mosaica promulgatum, & à Seruatore in lege gratiæ repetitum, probatum, propriæque autoritate firmatum, satis ostendit quosnam diuina hæc amicitia complectatur, Deum scilicet ipsum in primis, & eos qui nomine proximi continentur, quæ erit secundi huius voluminis proposita ad explicandum materia. Clarum porro est Deum in hoc mandato principem locum tenere, est enim in hæc verba conceptum. *Diliges Dominum Deum tuum ex toto*

corde tuo, & ex tota animatus. & ex tota fortitudine tua, aut, vt est apud Mathæum, in tota mente tua, Hoc est maximum, inquit Legislator noster, & primum mandatum. Secundum autem simile est huic, diliges proximum tuum, siue, vt est in Leuitico, amicum tuum, sicut teipsum. Illud autem prius, quod directò fertur in Deum, tam iustum ac rationi consentaneum est, tam nobile & excellens, tam facile ac suaue, tam vtile ac necessarium, vt ei nullum præceptum omnium, quæ vniquam data sunt hominibus, aut dabuntur aliquando, conferri possit.

Amabiles sunt fecundæ segetes, omnesque terræ fruges, quæ in subsidium humanæ infirmitatis è terra funduntur. Amabilia sunt bona corporis, robur, sanitas, pulchritudo, generis nobilitas, longitudo vitæ, quæ Deus mortalibus, sæpe ne rogatus quidem elargitur. Amabilis est scientia, sapientia, virtutes, ipsæque diuina gratia, quibus Deus in hac vita non raro filiis suis gratificari solet. Amabilis est beatitudo, quæ est æterna possessio summi boni, quod omnia bona suo complexu coercet ac continet, quæ est perfecta quies, atque expletio omnium desideriorum, portus navigationis nostræ, pugnantium præmium, corona triumphantium, tellus immortalis vitæ fruuentium, vbi Deus perpetuò expositas habet diuitias gloriæ suæ. Verùm obiectum & causa beatitudinis huius, cæterorumque honorum omnium, illa infinitis partibus excedit, cuique amabilior est. Aedium quippe Dominus plurius est ipsa domo, & omni-

III.
Deus præbo-
nis omnibus
amabilis.

Hebr. 3:3

Amabilis est vterque parens, à quibus editi sumus in lucem, qui que Dei ipsius erga nos vices gerunt, & legatariam præfecturam; Sponsio amabilis est sponsa sua, & vxori coniux, quando diuina lege vterque parentes suos deserit, vt simul vitæ consuetudinem ineant, & ad mortem vique, perpetuo nexu atque amore iungantur. Amabiles sunt, planèque suauissimi liberi, qui parentibus suis timorem, honorem, amorem, & cultum amabiliter exhibent: sunt enim coniugij finis, ac præcipuum bonum; finis autem media omnia, quæ sunt ad finem, longè multumque bonitate antecedit, vt medicinam sanitas, studium scientia, prælium victoria. Amabilis est patria, vt enim cari sint parentes, cari liberi, propinqui, familiares, omnes omnium caritates patria vna complexa est, vt ait Romanus Orator. Sed multo est amabilior Deus Opt. Max. propter quem, & in quo, cætera sunt amabilia. Interior est enim nobis cum eo arctiorque colligatio, quàm cum parentibus, fratribus, ac propinquis: ipse bonum nostrum est, vires nostræ, virtus, sapientia; ipsius est gratia quam acquirimus, ipsius gloria quam expectamus. Cætera amabilia sunt in pondere, numero, & mensura, Deus noster sine modo, sine numero, sine mensura, toto corde, tota anima, totis viribus amandus est, sic vt nullius rei amor, amorem in Deum aut exsuperet, aut exæ-

IV.
Omnibusque
personis.

1. Offic. an-
te n. ed.

CAPVT II.

*An præceptum de amando Deo perfectè in hac vita à nobis
obseruari possit.*

I. **A**T enimvero, dicat aliquis, num fieri potest vt Deum in hac vita toto corde, tota anima, totisque viribus diligamus? qui amore in cordis nostri in tam multa, quæ paulo antè dicebamus, dispertimur? Totæ illæ vires, in acquisitione potius cæterorum bonorum impenduntur, cum desiderium placendi Deo sæpenumero tam debile sit ac languidum, etiam inter sanctos ac perfectos viros, quàm ipsimet passim queruntur ac plangunt. Hæc nimirum causa est cur S. Augustinus dixerit, hoc præceptum ad vitam immortalem pertinere; huic autem convenire illud Apostoli, *Non regnet peccatum in vestro mortali corpore, vt obediat concupiscentiis eius.* Quasi dicat, resistite ac repugnete totis viribus, dum militiam huius vitæ militaris: quoniam, vt idem alibi disserit, dum inest aliquid carnalis concupiscentiæ, quod continentia freno indigeat, Deus tota anima non diligitur. S. quoque Bernardus eum secutus existimat hoc præceptum perfectè in hac vita obseruari non posse. Abit in eandem sententiam Doctor Angelicus.

II. Nihilominus cum sapientum iudicio leges & præcepta de iis esse debeant, non solum quæ fieri quoquo modo possunt, sed etiam quæ facile fieri possunt, præsertim quæ promiscuè populis, communiterque feruntur, in quibus magna pars imperfectorum est atque insipientium, minime credibile videtur Deum in hac vita, graui proposita pœna iussisse, quod à sanctis ipsis impleri non possit. Itaque idem doctor affirmat Deum ex toto corde duobus modis amari posse; primum ita, vt cor hominis continenter Deum, ac sine vlla interpellatione cogitet, & amore in ipsum feratur, & amor huiusmodi patriæ referatur; altero modo potest cor hominis ita ferri in Deum, eius gratia pectus ipsius inhabitante, nullam vt rem amabilem in contentionem cum Deo venire patiatur, & hic amor huius vitæ est, & solus in hoc charitatis præceptum cadit.

III. Facile omnino præceptum, quod & à sapientissimo legislatore datum est, & datum populo rudi, ac querulo, seruilis ingenij, nec obtrusionum insolenti. Quid quod facile esse legislator ipse apertè profiteretur? *At audatum hoc*, inquit, *quod ego precipio tibi hodie, non supra te est, neque procul positum, nec in cælo situm, vt possis dicere, Quis nostrum valet ad cælum ascendere, vt deferat illud ad nos, & audiamus, atque opere compleamus? Neque trans mare positum, vt causeris, & dicas. Quis ex nobis poterit transfricare mare, & illud ad nos usque de-*

*Non videtur
posse obser-
uari.*

*Ex Docto-
rum sensen-
tia.*

*L. de Spir.
& lit. c. ult.
& li. de per-
fectione*

*Iust.
Rom. 6. 12.
Serm. 5. in
Cant. 2. 2.
q. 44. ar. 6.*

*II. Posse obser-
uari, & quo-
modo.*

*Facile posse,
scriptura
teste.
Deuter. 30.
11.*

ferre, ut possimus audire & facere, quod præceptum est, sed iuxta te est sermo valde, in ore tuo, & in corde tuo, ut facias illum. Facile est præceptum cum Deus ipse vires ad illud obseruandū polliceatur. Circumcider, inquit, Dominus Deus tuus cor tuum, & cor seminis tui, ut diligas Dominum Deum tuum in toto corde tuo, & in tota anima tua, ut possis vivere.

Quid? Num dubitare quis possit obseruari posse in hac vita præceptum de Deo ex toto corde diligēdo, cum illud à plerisque obseruatum fuisse Scriptura testetur? Nam de Dauide Sapiens, De omni corde suo, inquit, laudauit Dominum, & dilexit Deum, qui fecit illum. Ahias propheta, imo per prophetam Deus, dum Ieroboamo exprobrat impietatem suam, eum per quandam antithesim opponit Dauidi. Non fuisti, inquit, sicut seruus meus Dauid, qui custodiuit mandata mea, & secutus est me, in toto corde suo, faciens quod placitum esset in conspectu meo. Laudat quoque eodem nomine Scriptura Iosiam. Similis illi non fuit ante eum rex, qui reuerteretur ad Dominum in omni corde suo, & in tota anima sua, & in vniuersa virtute sua, iuxta omnem legem Moysi. Quæ laus illi cum Ezechia communis est in sacris literis. In quibus illud etiam affirmatur, Asam, omnemque populum eius quæsisse Dominum Deum patrum suorum, in toto corde, & in tota anima sua, & renouato cum Deo fœdere, in omni corde suo iurasse in eius cultu, ac famulatu constantiam, denique tota voluntate quæsisse eum, & inuenisse. Candidè nimirum illi, atque ex animo sese Deo colendo, amandōque, repudiata penitus idololatria, dederunt.

v. 6.

IV.

Quæ docet à multis obseruatum.

Dauide, Eccl. 47. 10.

3. Reg. 14. 8.

Iosia. 4. Reg. 23. 25.

4. Reg. 18. 5. 6.

Ezechia. 2. Paral. 15. 12. 8cc.

Asa cum suo populo.

CAPVT. III.

Præceptum de diligendo Deo iustissimum esse, itémque nobile, facile; necessarium.

DI CEMVS aliquantò post qua ratione diuinus amor, cum aliarum rerum amore, possit integer inuiolatusque consistere. Nunc placet animaduertere quàm sit æquum, ac rationi consentaneum infinitam diligere bonitatem, quæ nos, sine vilo nostro merito, ab infinita retro æternitate dilexit, & ad immensa bona prouidentissima liberalitate destinauit, nulla ratione habita peccatorum, quæ nos in eius iniuriam patruros videbat: illam, inquam, diligere bonitatem, cui debemus quidquid habemus, quidquid possumus, quidquid sumus, quidquid boni fecimus, quidquid mali obliterauimus, quidquid præmij habituri sumus aliquando. Illam bonitatem, quæ commouit mitissima illa viscera patris misericordiarum, & Dei totius consolationis, ut mundo filium suum ynigenitum daret, ut ipsum in eo agnosceremus, eiusque operâ patris illius portento similem bonitatem digito tangeremus, qui

I.

Æquitas præcepti huius.

Deus quàm dignus amor re.

filium morti tradidit, ut mancipium liberaret: bonitatem denique, quæ ingratum hominem tanti beneficij, sceleris arguit ab omni æuo inauditi.

II. Quam iustus ergo est, ac debitus in istum ipsum filium amor? aut quid diligimus cum illum diligimus? utique filium Dei viui, Deum simul & hominem; exemplar absolutissimum diuinæ maiestatis, omniumque perfectionum, quæ cælo terræque continentur, candorem lucis æterna & speculum sine macula bonitatis ac pulchritudinis Dei, thesaurum sapientiæ ac scientiæ Dei, principem omnium electorum ciuium Hierosolymæ cælestis, cæli amores, terræ delicias. Quid diligimus cum Dominum Iesum diligimus? nisi fontem omnium gratiarum huius ac futuræ vitæ, dulcedinis ac suauitatis oceanum amicis suis, & abyssum misericordiæ pœnitentibus inimicis: Quid diligimus in illo, nisi fratrem amantissimum, imò patrem, matrem, sponsum, caput, aut si quod est hisce nominibus amabilius? Quid amamus, nisi ducem, doctorem, medicum, & capitis nostri, pretio sui sanguinis, honorisque redemptorem? Quid, nisi eum, qui delicias suas esse ducit, esse cum filiis hominum, eorum amore, ac vitæ consuetudine perfrui, illis intimè copulari, & exquisitissimo cibo continenter epulari cum ipsis.

III. Quod si ut quæque res quæ sub præceptum cadit, præstantior est, hoc nobilius est præceptum atque excellentius, cum nihil sit in terris, quod possit cum diuino amore, vel charitate de dignitate contendere, est enim omnium virtutum diuinarum atque humanarum regina, plane consequens est, quod dicit æterna Sapientia, hoc esse primum, maximumque mandatum. Charitas supremum habet atque exercet in omnes virtutes imperium, quibus eximium splendorem, pulchritudinemque tribuit, quas quodammodo aureo testorio circumuestit, & ad diuinum statum euehit. Opem ferre pauperibus, ex mero humanitatis affectu, multo vilius est atque abiectius, quam si idem ex charitate diuina fiat, quia scilicet gratum est Deo, ut famulis eius subsidio veniamus. Patientia, quæ cruciatibus, ad recipiendam sanitatem, exercetur, longissimo intervallo ab ea distat, quæ in fide ac religione propugnanda cernitur, & ita de cæteris. Qui diuinum amorem imperat, simul imperat teneri habenas currui, qui mundum, carnem, & dæmonem deuictos, afflictosque agit in triumphum, & sensus omnes corporis, animi facultates, motiones, habitus, perturbationes, pro arbitrio suo moderatur, & regit.

IV. Iam verò quam facile sit, ac suaue charitatis præceptum, ex eo facile intelligi potest, quod interiore aliqua voluntatis nostræ actione illud possumus exhaustire: voluntatem autem, eiusque actiones ita omnes habent in sua potestate, nullum ut tempus, nulla occasio, nullus locus eius imperium circumscribere, aut definire possit; non iactura vel emolumentum, non cruciatus aut voluptas, non mors aut vita, non angeli aut archangeli, non principatus aut potestates, non vlla earum rerum quæ

quæ habent atque agnoscunt molitorem Deum. Facilis & proclivis est actio, quæ nos ad obiectum trahit modis omnibus amabile : adeo ut Deum cognitum non amare multis partibus difficilius sit ; si quis rationis ingenitæ ductum sequi velit, quàm illum diligere. Valide enim ad se corda nostra, tribus quasi vncinis trahit, immentæ bonitatis, stupendæ pulchritudinis, & innumerabilium beneficiorum. Itaque Paulus aduersus ingratos iustissima indignatione commotus, *Si quis, inquit, non amat Dominum nostrum Iesum Christum, sit anathema*, id est à Deo, bonique omnibus alienus, ira iusti Iudicis, maledictionisque subiaceat.

1. Cor. 16.
22.

Istis nimirum prodigiosis hominibus graue sit ac difficile charitatis præceptum. *Si quis enim diligit me, ait idem Dominus, sermonem meum seruabit.* & quidem facile. *Vbi enim est amor non est labor, sed sapor.* Deus tamen pro eximia bonitate sua, amoris præceptum quasi in re difficili dedit, iuxta illud psalmographi, *qui super laborem in præcepto*. Quin & illi, quasi valde laborioso, mercedem addit, seipso nihilo minorem, Abrahamo enim amico suo dicebat, *Ego professor tuus sum, & merces tua magna nimis* : hec tamen incongrua. Rationi enim consentaneum est, ut ille Deum adipiscatur, qui nihil præter Deum quærebat ; sicut vice versa illi exhausti & inanes aliquando reperientur, qui graui corde dilexerunt vanitatem, & quæsiuerunt mendacium : res scilicet quæ felicitatem se daturas mentiebantur, quam tamen neque dare poterant, neque auferre.

Idiotæ contemplat. c.
4.
Psal. 43. 10.
Gen. 15. 1.

Psal. 4. 3.

Quod ad nos etiam attinet facile est hoc præceptum, cùm Deus sit centrum, ad quod sponte fertur natura rationis compos, sicut pronominis petu grauius ad mundi centrum feruntur, si suæ naturæ permittantur. *Amor meus, aiebat S. August. pondus meum ; eo feror quocumque feror.* Ipse est borealis cæli cardo, ad quem acus navigationis nostræ perpetuo vertitur, neque alibi conuiescere vsquam potest. *Fecisti nos ad te, inquit, bat idem Sanctus, & inquietum est cor nostrum, donec requiescat in te.* Electrum paleas ad se innata vi rapit, & magnes ferrum ; quanto maiorem vim habet summum bonum pertrahendi ad se corda mortalium, & sunicolis, qui sub aspectum non cadunt, constringendi, siue straminea leuitate prædita fuerint, siue ferrea duricie ac grauitate.

V. I.
Facile esse
ex inclina-
tione naturæ
12.

Difficile admodum foret amore completi aliquem, qui amore nostro, viribûque eius abuteretur, rebus asperis & perniciosis præcipiendis, quod profanis hominibus quotidianum est, quorum leges sunt, pro rebus nihili suscipere inimicitias ac fouere, quibus amplissimæ familiæ consumuntur, animæ cum corporibus pereunt ; opes & copias quo iure quæue iniuria quærere, ambitiosam loci prærogatiuam ferro tutari ac sanguine, & in vestigio occumbere potius, quàm cedere. Nónne valde luctuosum est, non paucos aliquot de fece vulgi, sed ingentes virorum nobilium turmas, tali domino, aut tyranno potius crudelissimo, famulari, qui antecos suos sicarios efficit, & gladiatores ? Cùm Deus è con-

VII.
Præcepta
monita te.
ra, & de
cibus.

tratio homini ratione vrenti, vitam duntaxat præcipiat ex præscripto rationis institutam, & armis à natura destitutum iubeat amare pacem, rixas iurgiæque defugere, nocere nemini, omnes sibi obligare beneficiis, opem ferre miseris, summo amore summum bonum, & hominem sibi similem suppari secum amore complecti; ad quæ omnia suscipienda peragendaque, natura ipsa inclinante, procurrimus.

VIII.

Divina facilitas, ex gratia auxilio.
Phil. 4. 13.
Matt. 11. 29.

Difficilis suadet, non præcipit.

Hanc porro facilitatem, etiam in natura corrupta, quæ in bonum refractaria est, & in malum præceps, mirificè amplificat auxilium divinae gratiæ, quæ in nobis residet, & nobiscum laborat, & cui nihil arduum, aut difficile factum est. *Omnia possum*, inquit Apostolus, *in eo qui me confortat*, & gratia sua, quasi oleo ad luctam, roborat. Servator quoque legem suam iugum appellat, vultque, ut illud humeris nostris imponamus, *Tollite*, inquit, *iugum meum super vos*, sed altera in parte, ad operis societatem se ipse collocat. Quod si quid occurrit corruptæ naturæ asperum, qualis est vltro suscepta paupertas, perpetua castitas, obedientia numeris omnibus absoluta, ad id satis habet hortari homines, etsi meretur obedientiam etiam, in difficillimis, asperrimisque mandatis. Et hæc tanti Domini lenitas atque facilitas demerita est sibi multorum millium voluntates sexus utriusque, ut rem consilij, arbitrijque liberi, in præcepta, ea sponte vouendo, conuerterent.

IX.

Ardua amore sunt obvia.
Rom. 13. 10.
1. Tim. 1. 9.
Rom. 2. 14.

Charitas mortificatione efficacior.

Vis videre quàm facile sit, minimèque arduum hoc præceptum? *Dilige*, inquit Augustinus, *& fac quod vis*, eodèmq; pertinet illud Apostoli, *plenitudo legis est dilectio*. Charitatis lex quam Spiritus sanctus fidelium cordibus solet inscribere, persuadet ea sponte facere, quæ lex reliquo populo imperat. Quæ causa est cur idem Apostolus dicat, legem non esse iusto positam; sed iniustis, & probos sibi ipsis esse legem quod vltro, ac natura duce ea faciunt, quæ legis sunt. Magnum porro est operæ compendium cum charitate laborare. Vides agrum spinis undique, tribuli que conuestitum? si sigillatim noxias hæc plantæ coneris euellere, non priùs ad agri finem perveneris, quàm primæ illæ repullularint, & irritum pene laborem reddiderint, quod si placet vepres vrticæque incendio populari, breui mundus erit ager. Idem pene de mortificationis labore continenti, & igne charitatis dici potest, qui puncto temporis omnes animi labes absumit, ut in martyrio, heroico supremi amoris actu, contingit.

X.

Necessitas observatio- nis præcepti huius.
Luc. 10. 16.
27.
Matt. 19. 16.
27.

Denique usque adeo necessarius est hic amor, & præcepti charitatis observatio, ut hæc vnica sit ad salutem via. Id Servator ipse aperte docuit, cum doctorem illum legis alloqueretur, à quo rogabatur quid opus esset factum, ad æternam vitam consequendam; eoque hoc charitatis præceptum recitante, responsum accepit, *hoc fac & viues*, æternam scilicet, de qua ille quæsierat, vitam. Eadem est ad illum adulescentem responsio, *Si vis ad vitam ingredi, serva mandata*; & videlicet in istis, illud maximè, quod omnia suo ambitu comprehendit, ex

huius obseruatione petitur honorum ac malorum distinctio, & hirco-
rum ab ouibus separatio, quorum hæ dexteram Iudicis, illi sinistram
occupabunt. *Nisi tantum*, ait Augustinus, *imperiatur cuique Spi-* L. 15. de
ritus sanctus, ut cum Dei & proximi faciat amatorem, à sinistra non
transfertur ad dexteram. Et sanctus Bernardus, *Perire necesse est homi-* Trin. c. 18.
nem, qui charitatem non habet, etiamsi tradiderit corpus suum, ita ut Ser. 2. de S.
ardeat; cæteraque exequatur, quæ Paulus Apostolus Corinthus co- Michael.
1. Cor. 13. 3 4
piousè & luculenter enarrat.

CAPVT IV.

*Diuinam amicitiam proximi quoque beneuolentiam suo
ambitu coercere.*

DILIGENDVS quidem est Deus toto ex corde, totaque anima,
& omnibus viribus atque facultatibus; nihilominus diligendus
est proximus, sicut nos ipsi diligimus. Necesse est nostram aduersus
Deum proximūque amicitiam instar auri mundissimi expurgatam
esse, & affectibus carnis & sanguinis denudatam, quia *caro & sanguis* 1. Cor. 15. 50
regnum Dei possidere non possunt, ut ait Apostolus. Quid David? *Elo-*
quia Domini eloquia casta, argentum igne examinatum, probatum terra
seu fictili in vasculo purgatum septuplum. Eloquia enim hominum nec
pura sunt neque sincera, sed plena calliditatis, & fraudis. Dei eloquia,
Dei promissa sunt, quæ immutabilia sunt, ut Deus ipse, & à scopo suo
aberrare non possunt. Homo autem neque apud Deum satis, neque
apud homines promissorum tenax est; notum enim est illud, *omnis ho-* Psal. 115. 2
mo mendax.

Eloquia Dei mandata quoque Dei sunt, iuxta illud Davidis, *Vidi* II.
præuariantes & tabescebam, quia eloquia tua non custodierunt. & rur- Iuxta Scri-
sus, Defectio tenuit me pro peccatoribus derelinquentibus legem tuam. pturas.
Quæ autem est ista lex, quod præceptum Dei, nisi id quo diuina lex vni- Psal. 118.
uersa continetur, diuini amoris, & charitatis mandatum, purum, ca-
stum, aduersarum rerum igne probatum, ut in aurea charitate nihil plum-
bi aut stanni, ac ne argenti quidem, nedum scoriarum remaneat. Extat
enim apud Esaiam hæc Dei promissio. *Et conueriam manum meam ad te,* ca. 1. 25.
& excoquam ad furnum scoriam tuam, & auferam omne stannum tuum,
qui est utique vanitatis amor, & superfluum, atque inutile studium re-
rum creaturarum.

Deus cupit cor nostrum plenè perfectèque possidere, quod cum sit
in triangulum efformatum, sanctissimæ Trinitati respondere potest, *qui amoris.*

Esa. 28. 20.

globo mundi huius adæquari non potest. Deus socium in lecto cordis humani ferre non potest: *coangustatum est enim, ait Propheta, ita ut alter decidat: & pallium breue, & utrumque operire non potest.* Duo patres familias, vnam domum simul rectè gubernare nequeunt, diuersa sunt eorum iudicia, voluntatesque discordes, nec famuli satis intelligunt utri debeant obtemperare; itaque tota familia, quasi in diuersorum ventorum tempestate subinde fluctuat. Quin & ipsa experientia docet homines hoc minore in Deum amore sursum ferri, quò maiore deorsum amore in res creatas degrauantur. Itaque qui animum suum ab omni amore alieno ac peregrino purgare moluntur, & Deum solum diligere, non raro anguntur animis, cum se amore parentum, liberorum, amicorum ac necessariorum sentiunt implicatos, incerti profanus ne sit amor, an cælestis; quod nobis deinceps explicandum est.

IV.

Non videtur
ferre posse
proximi a-
morem.

Apparet enim profectò Dei amorem, si cuius aliquando pectus penitus occuparit, nullum planè alium ferre posse: sicut exoriens sol, & nocti syderibus illustri succedens, suum eis fulgorem eripit: ingens tonitru, & sonoro fragore cuncta concutiens, minores tota vrbe sonos facile obscurat: eximium aliquod ac præstantissimum formæ genus, vulgarem abjicit, ac quotidianam venustatem, nullòque numero esse patitur. Grauiissimus aliquis dolor, timor, ægrotudo, minorum sensum, memoriàmque elidit. Lætitia de maximo quopiam bono, præter spem omnem acquisito, ita exundat, ut cæteras non magni momenti obruat, nec emicare sinat. Magna quæpiam deflagratio minores ignes vorat, & magnus oceanus, omnia circumquaque flumina inexplebilis exhaurit. Eadèmq; causa est, cur nec beatos in cælo luctus aliquis, nec addictos tartaro vlla lætitia tangere aliquando possit.

V.

Quod ex S.
Augustino
confirmatur.

ca. 2. n. 1.
10. 3. l. 1. c.
22.

Quis fieri ergo potest ut diuinus amor, qui in obiecto subiectoque infinitus est, cui nihil est in rebus humanis quod vllà in re comparari queat, non obscurat ac dissipet splendorem ac decus, pulchritudinem & bonitatem cuiuscunque rei creatæ, eamque inamabilem reddat? Cùm igitur tam amabile, tamque potens amoris obiectum omnes animi vires ad se, facultatesque pertraxerit, nihil ei reliquum faciet, quod amare possit, non parentes, non consanguineos, non virum, non uxorem, non liberos, non necessarios, non bene meritos de nobis. Quæ videtur aliquorum sanctorum doctrina, in primisque S. Augustini, ut suprà attigimus. Et rursum in libro de doctrina Christiana, *Hæc regula dilectionis, inquit, diminitus constituta est, Diliges proximum tuum sicut teipsum. Deum verò ex toto corde, ex tota anima, ex tota mente, ut omnes cogitationes tuas, & omnem vitam, & omnem intellectum in illum conseras, à quo habes ea ipsa, qua conseris. Cùm autem ait toto corde, tota anima, tota mente, nullam vite nostræ partem reliquit, qua vacare debeat, & quasi locum dare, ut alia re velit fini, sed quidquid aliud diligendum venerit in animum, illuc rapiatur, quo totus dilectionis impetus currit.* Sic magnus ille Doctor.

Neque verò mens huius sanctissimi viri est, proximi amorem excludere, sed negare eum sui causa diligendum esse; id enim esset eo frui, sed Dei tantum gratia, qui est finis ultimus noster proximique nostri. Itaque addit. *Quisquis ergo rectè proximum diligit, hoc cum eo debet habere, ut etiam ipse toto corde, tota anima tota mente diligat Deum. Sic enim diligens eum tanquam seipsum, totam dilectionem sui & illius refert in illam dilectionem Dei, qua nullum à se rinulum duci exera patitur, cuius derivatione minuat. Hactenus S. Augustinus.* Amor itaque noster totus fertur in Deum, nec minuitur quamvis per proximum transeat. Vtriusque enim amor in Deo terminatur, sicut & ab eo ducit initium: cuius amor per Christum deducitur ad nos, propter quem, & in quo diligimur à Patre.

Neque verò diversa charitate Deum proximumque diligimus, sed una eademque, quæ principio in Deum, tanquam obiectum primum, tum in proximum, quasi ei subiectum fertur. Sic eadem benevolentia amicum nostrum, eiusque liberos prosequimur. Sic Raguel iuniorem Tobiam complexus est lacrymans, memor senioris Tobiae cognati sui, quem tenerè diligebat, & plorans super collum eius, dixit, *Benedictio sit tibi fili mi, quia boni & optimi viri filius es.* Sic Iesus diligebat Lazarum, quia Mariæ & Marthæ frater erat. Et sicut idem est naturalis amor, quo patrem, matrem, fratres, sorores amplectimur, idem civilis quo omnes ciues, sic & idem cœlestis est amor, quo in Deum ferimur, eiusque filios & amicos, & omnino eos omnes, qui ad eandem nobiscum beatitudinem conditi sunt, ac redempti.

Itaque minimè existimandum est nostrum in Deum amorem tantum minui, quantum parentes diligimus, cognatos, affines, necessarios. Non enim dixit S. Augustinus solum, *minus te Domine amat, qui tecum aliquid amat, sed sapienter addidit, quod propter te non amat.* Propter te, non tantum quia præcepisti, ut hunc in modum alia à te diligerentur, quod ad obedientiam pertinet; aut quia ultimus es finis, ad quem feruntur omnia, qui esset actus à charitate imperatus, & non elicitus: sed immediatè propter te, & bonitatem tuam, quæ relucet in homine, quem fecisti tecum, idoneum ad participandam bonitatem tuam, & beatitudinem æternam. Denique quia ad te pertinent, te patronum clientes agnoscunt, te dominum famuli, te obærat, nexique redemptorem: plurimisque aliis titulis facti sunt tui.

VI.
Qua sit S.
Augustinus.

VII.
Amor Dei
& proximi
unus idemque
est.
Tob. 7. 6. 7.

VIII.
Nec alter al-
tero minus-
tur.

CAPVT V.

Multiplex amor proximi supernaturalis, & ex Charitate.

PRINCIPIÙ secludenda nobis est omnis amicitia, licet eam vitiosus honestasque copularint, quæ alio quopiam quàm diuino funda-

I.
Qua amicitia à vera
charitate
excludatur.

*Primus cha-
ritatis amor
in proximū.
L. I. c. I. n.*

*Cultus ima-
inum.*

mento nititur, qualis est liberorum cum parentibus, quam consanguinitas coagmentauit, aut affinium, quam iunxit affinitas, aut ciuium, commilitonum, condiscipulorum, peregrinantium, & id genus alia, quas initio attigimus. Primum ergo ex charitate diligimus proximum, quando ipsum non eius bonitate incitati diligimus, sed increata & diuina, quæ in homine ab ipso Deo creata elucet. Quo modo veneramur atque honore prosequimur imagines Christi Domini, beatissimæ Virginis, aliorumque Sanctorum, non propter earum pulchritudinem, aut materiæ præstantiam: neque enim eis venerationem negaremus, quamuis aut à materia, aut ab artificio parum commendabiles forent, sed propter solam excellentiam Seruatoris, & sanctissimæ Virginis, ac Sanctorum, quæ in imaginibus representatur; parique ratione, si qua iniuria violatæ fuerint, ignominia omnis in prototypum redundat.

*II.
Improbos ex
charitate di-
ligimus.
Rom. 5. 10.*

*Ex Dei bo-
nitate*

Hinc consequens est posse nos improbos ex charitate diligere, hæreticos, inquam, infideles, Indæos, & qui nos capitali odio prosequuntur. Nam diuinus Christi Domini amor, amorem nostrum, cum adhuc inimici essemus, anteuerit, & implicatos peccatis, clementer vocauit ad se, præbuit manum, traxit à cæno, & plagis contrucidatos, ac semimortuos reddidit sanitati. At dicat aliquis fortasse, cum bonitas quæ in Deo est non efficiat hominem bonum, qui fieri potest ut bonitas, quæ in homine non est, eum reddat amabilem, quandoquidem sola bonitas ad amandum inuitat? Respondeo in peccatore semper inesse aliquid boni, puta creatum esse à Deo, & ad illum pertinere, qui nos amicitia sua dignatur cohonestare. Et quamuis gratiæ bonitate careat, utpote peccator, ad eam tamen est idoneus, & illam ei desiderare possumus, quæ est beneuolentia singularis. Et quoties peccatorum conuersionem desideramus, & dolemus ab ipsis offendi Deum, quem rogamus ut illis oculos aperiat, nequando in morte obdormiant, charitatem exercemus, reque ipsa docemus eos à nobis vera diligi charitate, qui nos fortassis hostiliter oderunt.

*III.
Dilectio ini-
micorum ve-
rissima est
charitas.*

*Cur diffi-
lis sit.*

Vera, inquam, germanaque charitate; hæc enim omnium purissima est, ac sincerissima charitas, omnisque humani affectus expers, si inimicos diligimus, & de iis bene meremur, à quibus malè accipimur. Nihil enim est in tota natura, quod nos ad hunc amorem ferat; imo tota ab illo penitus auocat. Pugnat enim contrà propriæ amor excellentiæ, cuius natura sumus appetentissimi, si eam violant inimici: pugnat desiderium ultionis, quod pectoribus mortalium altius natura inleuit; pugnat desiderium conservandi sui, quod est in homine maximum atque antiquissimum. Amor itaque inimicorum totus è cælo est, nihil eius sibi sibi terrena decerpit; charitas est, quæ vires suggerit, redditque animosos, ad illa omnia conculcanda: purissimus Dei amor est, cuius regnum augeri cupimus, per spiritalem animarum curam, quas ad felicitatem

tem aliquando fruendam Deus amantissimè condidit. Qui autem ruinæ inimicorum potius inhiant, quàm emendationi, Deum, quantum in ipsis est, priuare cupiunt perpetua laude, quam ei pereuntes offerrent.

Secundo loco proximum ex charitate diligimus, si in statu gratiæ fuerit ac charitatis; est enim tunc supernaturalis dilectionis obiectum. Quo in ordine principem tenet locum Seruator noster, quatenus homo est, quippe qui omnium hominum & angelorum iustissimus est atque sanctissimus, omnique gratiarum genere cumulatus locuples. Inde mater eius, virgo sanctissima atque beatissima, tota pulchra, tota plena gratiarum. Deinde omnes cœli ciues, ac domestici Dei. Ad eundem ordinem pertinent boni omnes, & amici Dei, qui peregrinantur in terris, & erunt aliquando ciues Hierosolymæ cœlestis. Pertinent & paruuli baptizati, qui absconditum in animâ gloriæ semen ferunt, & pignus hereditatis æternæ. Pertinent postremo qui à peccatis, per debitam penitentiam resurgunt, & iter vitæ melioris arripiunt.

Postremo proximos ex charitate diligimus, propter eam, qua ornatæ sunt naturæ, morumve perfectionem. Etli enim bonum, quod in eis diligimus, naturale est, supra naturam tamen est id quod nos ad amandum mouet, & ab hoc principio motus, actus amoris accipit naturam suam, fitque supernaturalis. Nimirum si quam fortè personam diligimus egregiis naturæ præliis instructam, lætamurq; ea dona ad Dei gloriam cultumque promouendum impendi, aut desideramus impendi, aut dolemus illa in huius vitæ nugis ineptisque sectandis infumi, vnde erumpat ille gemitus. Quàm dolendum est tam nobile ingenium, tam eximia talenta, tot egregias animi corporisque dotes, non esse ad præpotentis Dei famulatum, à profana mundi vanitate sordibusque translatas.

Hic erat olim sensus, hoc pium S. Augustini desiderium, cùm ad discipulum quendam suum nomine Licentium scriberet. Ornari, inquit, abs te diabolus querit. Si calicem aureum inuonisses in terra, donares illum Ecclesiæ Dei, Accepisti à Deo ingenium spiritualiter aureum, & ministras inde libidinibus, & in illo Sazana propinas teipsum. Et rursum, allato S. Paulini exemplo, Vado in Campaniam, discite Paulinum egregium & sanctum Dei seruum, quam grandem fastum seculi huius, tanto generosiore, quanto humilior cervice incunctanter excusserit, ut eam subderet Christi iugo, sicut subdidit, & nunc illo moderatore itineris sui quietus & modestus exultat. Vado, discite quibus opibus ingenij sacrificia laudis ei offerat, refundens illi, quidquid boni accepit ex illo, ne amittat omnia, si non in eo reponat, à quo hæc sunt. Quid æstus, quid fluctus? quid imaginationibus mortiferarum voluptatum aurem accommodas, & auertis à nobis? mentiuntur, moriuntur, in mortem trahunt, &c. Quis hæc neget ex germanissima charitate profecta? sicut & quæ sanctus Bernardus ad Galterium Caluimontanum scribebat, docens quòd cùm cerneret iuuentutis florem, ingenij acumen, eruditionis

IV.
Alteri charitatis obiectum in proximo.

Vide Augustinum super Ieremiam, 31. de temp.

V.
Tertium, bona naturalia quomodo ex charitate diligantur.

VI.
Docetur exemplis Augustini & Bernardi. Epist. 39. in fine.

Epist. 104.

ornamenta, morum honestatem, non in Christi famulatum consecrare; à quo iis donis ornatus esset, sed in stultis ac pereuntibus mundi quisquiliis, & inanitate prodigere, atque profundere.

CAPUT VI.

Amorem charitatis ad calites, beatos scilicet angelos, hominesque pertinere.

I. **N**ULLA est dubitandi ratio, quin sancti, qui feliciter vitæ huius navigatione decursa, spei suæ anchoram in portu salutis defixerunt, in proximis nostris rectissimè numerentur, in eisque principem locum obtineant. Si enim proximi nostri sunt, Christo ipso interprete, in parabola eius qui inciderat in latrones, & S. Augustino, in primo de doctrina Christiana, qui nobis peramianter difficillimis nostris temporibus succurrunt; experientia profectò omnium seculorum docet, cœlestes, & nominatim Reginam sanctorum omnium, millies mortalium calamitatibus, precibus miserorum adductos, occurrisse. Ecclesiasticæ omnes historiæ prodigiis abundant, ad sanctorum invocationem, ubique locorum perpetratis. Quid causæ beneficentiæ istius afferri potest, præter eorum charitatem, & propensum in nos amorem, quo incitati bona nobis cupiunt, & procurant, ut olim dum nobiscum viuerent, cum charitas nunquam deficiat: idque nos ipsi in gratiam amicorum nostrorum factitamus.

II. Agnoscunt in Deo, tanquam in speculo, incommoda nostra, periculæque, & circa illa diuinæ decretum providentiæ, ad quod ita se accommodant, ut quid gratia apud Deum valeant in causa nostra demonstrent; In nostris certaminibus, in lacrymis & ærumnis commiseratione tanguntur; memores lacrymarum quas fuderunt, & ærumnarum quas pertulerunt; cum in eadem quæ nos certaminum area iactarentur. Cumque experientia ipsa didicerint magnitudinem felicitatis quæ perfruuntur, quæ fruuentium multitudine non minuiat, sed augetur potius, & diuinam voluntatem circa eorum beatitudinem intueantur, cupiuntque filij Dei merita, multitudine beatorum copiosè rependi, animosi profectò feruntur ad impellendas rotas currus, qui nos aliquando euecturus est in cælum. O quàm insani sunt hæretici, quàmque infelices, qui se tanto auxilio ultro priuant; nec vident, à principe tenebrarum execrati, quàm potens sit charitas, triumphata iam morte, ad operam ferendam viuus.

III. Iam verò quod spectat ad angelos, idem Augustinus eos proximis nostris aggregat, illa ipsa ratione persuasus, quam Samaritani parabola suggerit, unde hanc elicit conclusionem, *Manifestum est, inquit, hoc præcepto,*

precepto quo iubemur diligere proximum, etiam sanctos angelos contineri. à quibus tanta nobis misericordia officia impenduntur, quanta multis diuinarum scripturarum locis animaduerrere facile est. Respiciebat doctor iste sanctissimus ad Lothum, ab angelis à Sodomorum deflagratione liberatum; & ad Raphaëlem, iunioris Tobie amantissimum ac vigilantissimum ducem, & senioris cæcitatis beneficium depulso rem: Agarem quoque cogitabat, & Ismaëlem, alterum à morte, alteram à mortifera tristitia ope angelica liberatum: Danielis item socios in fornacem Babyloniam iniectos, in quam descendit angelus Domini, & excussit flammam ignis de fornace, & fecit medius fornacis, quasi uentum rores flantem, sic ut eos ignis omnino non tangeret, nec contristeret, nec quidquam molestie inferret.

Intuebatur quoque illum ipsum Daniele in leonum fossam demissum. Mox enim idem Propheta Dario regi affirmavit missum esse diuinitus angelum, qui ora leonum obturaret; qui rursus ei prandium Babylonem ab Iudæa usque, cum puero detulit; sicut & Helie de cibo in deserto prouidit. Nonne angelus abduxit è carcere, omnes primum Apostolos, deinde singulatim Petrum, licet uinctum catenis, & sedecim militum, & portarum ferrearum custodia circumseptum? Angeli pro Ecclesia Dei crebro decertant, Satanam constringunt, Antichristum debellant, eumque cum suo pseudopropheta, in stagnum ignis & sulphuris, uiuos spirantesque precipitant. Verum ista sufficiant; est enim infinitum argumentum: vixque villa est in sacris literis pagina, non facta beneficium, quæ homines à sanctis angelis acceperunt, in argumentum amicitie, & beneuolentie suæ erga socios suos, & eiusdem aliquando felicitatis hæredes.

1.1. de doct. Christi c. 30. S. Tho. in 22. Matt. & 2.2. q. 16 a. 10.

Quod docentur exemplis sacris.

Gen. 19. Tobie lib.

Gen. 21. ca. 3. 49. 50.

IV.

Alia exempla generis eiusdem.

Dan. 6. 21.

& ca. 14. 11.

Act. 5. 19 &

12. 4.

Apoc. 19.

20. & 20. 9.

CAPUT VII.

Angeli custodis aduersus hominem amicitia, & beneficentia.

ANGELICÆ porro amicitie ac beneficentie argumenta plurima extant, maximæque; angeli præsertim custodis in hominē fidei suæ diuinitus, diligentieque; commissum; qui singularis est Dei in nos amor & beneficentia, ut honorem taceam, quo simul ab eodem Deo. Opt. Max. affecti sumus, accepto vno ex aula eius nobilissimo principe, qui magistri, qui custodis, qui ducis, qui consolatoris, qui opportunissimi amici munere fungeretur; amici, inquā, qui à nobis nunquā ita alienus est, ut nos planè deserat, quibuscumque; sceleribus contaminatos, sed quandiu spiritus hæret in nobis, nostram procurat salutē. Quot ille nos officiis ad hanc diem cumulauit, quot beneficiis amicitiam coluit, pro quibus in eius ære iam pridem sumus. Nos autem ingrati, quanti hæcenus fecimus aut hoc Dei beneficium, aut cæti principis amicitiam, meritæque frequentissima, cum vix eius aliquando recordemur?

I. Custodis Angeli beneficentia.

II. Vix satis æstimare animo, aut credere valeamus, quot quantæque corporis animique mala is magnificè à nobis, & amanter auerterit. Quis nos in materno utero conseruauit, ne extingueremur, ne pareremur emortui, & aggregaremur iis, qui de utero transferuntur ad tumulum, sicque in omnem æternitatem diuino conspectu, summique boni fruitione priuaremur? Postea verò quàm in lucem editi rationis vsum, non secus ac mutæ animantes, nullum habebamus, ecquis nos portabat in manibus, ne ad lapidem offenderemus, aut offedentes, cadentisque, ne oculum nobis erueremus, brachium tibiãve frangeremus? Si quando in aquam ignemve decidimus, aut fallente vestigio, per scalas delapsi sumus in præceps, quis prohibuit ne mergeremur, ne periremus incendio, ne ceruices frangeremus? Ipse est qui toties iter agentes à latronibus custodiuit, in quorum alij manus delapsi, spoliati rebus omnibus, pretio redemptionis addicti, malèque multati sunt, aut etiam interfecti. Ipse est qui noctes dièsque, per somnum atque vigiliam, in cibo potuue sumendo, quin etiam Deum ipsum sceleribus violando, non destitit nos, quasi obiecto clypeo, protegere, & à certissima corporis animique perniciæ vindicare.

III. Quoties idem amantissimus custos animaduertens Deum ad peccatorum in eorum iustissimam animaduersionem paratum, & ad vitæ filum abruptum, ad eius se pedes abiecit, veritus ne malus dæmon veniam præfocandi me impetraret; crebràsque reo comperendinationes obtinuit, vt interim salutis meæ negotium expedirem, & collocarem in tuto: quo modo parabolicus ille agricola ficulnæ triennii sterili, neq; tamen noxiæ, vt differretur securis impetrauit. Ille nihilominus Dux meus, & custos meus, animosè cum Sathana luctatus, eum sæpe prostrauit ad pedes suos, de præda sibi erepta tabescentem, gaudentibus è contrario angelis super vno peccatore poenitentiam agente. Diuina iustitia sæpenu-
 Luc. 15. 7. 20 mero postulabat, vt superbia mea, amissione diuinæ gratiæ, puniretur, eamque iacturam graue quodpiam facinus sequeretur, quo oppressus nunquam resurgerem: ipse tum impetrauit vt peccandi occasiones, quibus miserè succubuissem, peramanter tollerentur. O si mihi Dominus oculos aperiret, vt quondam famulo Elisæi, vt suppetias angelorū prophetæ paratas agnosceret, viderem ipse quoque mirabilia, quæ
 Luc. 19. 42. nunc abscondita sunt ab oculis meis.

IV. Quoties preces nostræ admittæ beneuolè, quoties nonnulla opera bona clementer à diuina maiestate, & amicè accepta sunt, non tam illius merito à quo proficiscebantur, quàm eius maximè à quo ferebantur, & offerebantur Deo: sicut contigit precibus & eleemolynis Cornelij centurionis, qui cum Seruatorem adhuc ignoraret, Angelus eius patronum egit apud Deum, eique multo meliorem stipem obtinuit, ea quàm benignè in pauperes conferebat. Tantundem de Niniuitarum precibus, post prædicationem Ionæ, dici potest, quando Propheta ipse in pecca-

In auertendis
malis.

Iob. 10. 19.

Obtinenda
à Deo venia.

Et bonis peccatoris operibus offerendis.

tores illos animaduerti cupiebat, atque adeo de concessa venia tristabatur, eo timore adductus, ne vaticinium suum commentitium crederetur; eorum angeli sine dubio, qui eos ad pœnitentiam inuitarant, pœnam quoque distulerunt, & procellam vindictæ imminētis, & in diem tertium constitutæ, auerterunt.

Quot ille nobis arcana diuina patefecisset, si illius amicitiam ac familiaritatem fouere potuissēmus, facti Zachariæ similes, in quo angelus loquebatur, aut Dauidis, cūm diceret auditurum se, quid loqueretur in se Dominus: utique per angelum eius custodem, quo modo Propheta diuinitus doceri solebant. Legimus in historia Heremitarum sanctum quendam Abbatem nomine Anuphium, triduo ante mortem factum esse, iis qui ipsum diuino afflatu inuiserant, continenter se in illa solitudine angelico ministerio fuisse enutritum, sicut Eliam semel iterumque; eiusque angelum ei perpetuū assistisse, & de quacunque virtute docuisse: quod minus videbitur nouum, si quis memoria repetat arcana illa naturæ, quæ Raphaël angelus Tobiam docuit, ad tollendam oculorum albuginem, & omne dæmoniorum genus extricandum.

Quam decora, quam lata, quam utilis est ista angelorum hominumque consuetudo, quam dulcis & honorifica amicitia, quam plerique tam parui faciunt, ut de illa ne cogitent quidem, nedum eam officiis, & perpetua obseruantia foueant, & colant. Ecquid in eius gratiam fecimus aliquando, aut quo argumento vel indicio amicitiam ei nostram probauimus, quamuis eam ille studiosè ambiat: Quin potius, neglecta tanti principis præsentia, multa sæpe impotenter agimus, multa corde & lingua peccamus. Sed quomodo angelicam vereremur præsentiam, qui præpotentis Dei, Seruatorisque præsentiam vix reueremur? Itaque agimus, ut pater ille familias euangelicus sua se agnoscat expectatione delusum, cūm diceret, *Verebuntur filium meum*, tanta est famulorum istorum improbitas atque impudentia.

Magnum porro decus redundat in nos ex tam honorifica amicitia. Mortales magnificiunt amicitiam alicuius optimatis, diuitis & gratiosi; primarij alicuius in Senatu cor filiaij aut præsidis, alicuius antistitis, aut viri principis, quorum gratia sæpe magnū emittitur, & paucis diebus euanescit. Quid ergo est angelus, & quanti interest in vitam nostram, ipsamque æternitatem gratia apud ipsum valere? Angelus in supremo gradu perfectionis, nobilitatisque naturalis omnium rerum creatarum existit: & verisimile est eos cœlestibus donis gratiisque ornatos proportionemuneris sui, quod est diuinæ maiestati semper assistere, & ministrare, diuinumque illud trifagium, pro sua parte modulari; quod noster quoque exequitur, tametsi nos vbique custodiat, atque comitetur, cūm Deus vbique sit.

Vtinam insideret hoc altius menti nostræ, habere nos perpetuū adstantem nobis, ac pene affixum lateri nobilissimū cœlestis curæ iuue-

V.
Et reuelan-
dis mysteriis.
c. 1. 9. 13. 14.
19.

Psal. 84. 8.
Rufi. l. 2. c.
10.
Pallad. cap.
51. & seqq.
1 Reg. 19. 5.
6. 7.
c. 6. 8. 9.

VI.
Eius amicitia colenda.

Obseruantia præsentia.

Mat. 21. 37.

VII.
Eadem amicitia honorifica.

VIII.
Memoria præsentia excitanda.

nem, præstantissimis naturæ gratiæque donis ornatum, valde amantem nostri, & colloquendi avidum: & nos inepti insulsi que totos dies muti transcurrimus, nisi quid ei fortè obiter, & alia cogitando recitamus. Proh quantum adhuc terrena hæc massa degrauamur! quàm exigua fide illustramur! qui nisi res oculis obiectas æstimare non possumus, non item spirituales, & quas fides locupletissimè confirmat. Quomodo ergo

Rom. 7. 24. non exclamamus cum Apostolo, *Quis nos liberabit à corpore mortis huius, à quo tot mala patimur, tot bonis impedimur?*

IX.

Oratio ad
Angelos pro
pura chari-
tate.

O beatissimi angeli, omnia purissima sunt apud vos, cæli, sol, luna, quæ maculas habet non veras, sed apparentes; stellæ quoque, adeoque illa cælestium aquarum crystallæ, vósque in primis, qui ab omni concretione materiæ liberi estis, atque immunes, quæ hic radix est corruptionis & sordium. Apud nos autem quid non impurum, mixtum, contaminatum? Aqua & ignis elementa sunt cæteris rebus mundandis, expurgandisque destinata, ne ipsa quidem mortali concretione vacant. Denique ipsæ quoque animæ, etsi spiritus sunt, perturbationum tamen morbis, & scelerum mortibus obnoxia sunt; quin & ipsa eius charitas, quam sæpe vanitatis, sui que ipsius amore sordescit? Obtenete nobis obsecro purissimam charitatem, ab omni re explicatam, quæ aut Deus non est, aut

Apoc. 3. 18.

Psal. 11. 7.

non refertur ad Deum; charitatem, quæ sit *aureum ignitum, probatumum terra, purgatum septuplum.*

CAPUT VIII.

Verum charitatis amorem erga nos ipsos existere.

I.

Nos ipsi nu-
meramur in
proximis.

CHARITATIS amor, qui omnes omnino proximos, sine vlla exceptione complectitur, multo magis nos ipsos comprehendit, qui nobis propiores sumus amicis omnibus, affinibus, consanguineis, adeoque etiam iis, per quos hanc ipsam lucem cernimus, & spiritum ducimus. *Proximus ego sum mihi met ipsi*, aiebat ille. Magna ergo charitate prosequi debemus nos ipsos, quando legislator ipse voluit hunc amorem esse regulam amoris, quo cæteri diligendi sunt. *Et proximum sicut te ipsum*. Nimirum in nobis quoque, tanquam in imagine sua, divina bonitas elucet: & quandiu hic viuimus, non secus ac cæteri proximi, apti sumus ad potiundam æternam felicitatem. Si ergo causæ diligendi cæteros reperiuntur in nobis, non est quod nostri obliuiscamur; præsertim cum rectus charitatis ordo initium ducat à nobis, indeque ad alios, prout quisque nobis propior fuerit, aut virtute præstantior, diffundatur.

II.

Quid sit il-
lud, sicut
te ipsum.

Etenim illa vox, *sicut te ipsum*, non exposcit amoris æqualitatem, pari ut nobiscum amore & æquali proximum diligamus, sed similitudinem,

vt simili charitate diligamus non maiori, aut etiam pari. Eoque sponsa respexisse videtur in Canticis, cum diceret sponsum in seipsa charitatem ordinasse. Tribus autem in rebus hæc similitudo cernitur; primum vt amorem nostri, sicut & proximi, referamus in Deum. Deinde vt nihil iniusti, aut nostri, aut proximi gratia faciamus; denique vt proximum non utilitatis, aut delectationis nostræ causa diligamus, sed ipsius, vt amor noster beneuolentiæ sit, non cupiditatis, quo modo & nos amari desideramus. Quæ sunt verissimæ conditiones iusti sanctique amoris, tam in proximos, quam in nosipsos.

Verum enim vero hunc amorem quam multa cõtaminant, quam raro instar auri argentiue è fornace prodeuntis, purus est atq; defæcatus? Ad quam multa nos amor nostri cõpellit neque iusta, neque tam sancto digna nomine charitatis! Quam pauca facimus, quæ vt æquum est, ad vnũ referantur Deum? Eius vnus cultum, salutemque nostram sincere respiciant? Non iusta, inquam, sicut enim virtutes omnes iustitiæ nomine cõtinentur, sic nullum peccatum iniustitia vacat. Itaque quoties amor nostri nos ad aliquod peccatũ impellit, toties nos abducit ab eo, quod æquum & iustum est. Quod si bona quæ desideramus, quamuis cœlestia & diuina, non directò feruntur in Deum, sed ad nostram inflectuntur utilitatem, vel delectationem, non est id desiderium ex amore amicitiae, aut meræ beneuolentiæ profectum, sed cupiditatis, & germanus amoris proprii furculus, sed mollior atque tenerior. Si enim acer esset & efficax, qualis esse solet honorum, aut opum, magno profectò animo in omnes occasiones inuaderemus amplificandæ felicitatis nostræ; quod tamen minimè facimus, sed plerosque diuinos afflatus atque incitamenta, occasionesque bene agendi effluere patimur, & nobis perire, aut labore quopiam, aut humano respectu deterriti.

Sanctum porro nostri odium minimè pugnat cum ea charitate quam debemus nobis, sicut paternus filij castigandi zelus, vero patris in eum amor nequaquam aduersatur. Nec medicus fidelis suam, cum ægro amicitiam vlla ratione violat, quamuis ferro in eum, ac flamma sæuiat obarmatus, aut in morbum potiùs, quod in eius ruinam pestemque coniurauit. Ergo & sanctum istud odium cum terreo dumtaxat, ac naturali amore pugnat, neque tamen cum omni huiusmodi amore, sed effrenato atque præcipiti, qui morbus est naturalis amoris, & cum amore diuino intestinum, atque implacabile bellum gerit, eoque periculosius, quod familiaris est hic amor, atque domesticus. Externis bellis deteriora sunt ciuilia, quæ solent prodicionibus abundare: proditor quoque est hic amor cum desideriis suis, nõsque millies in fraudem inducit, nihilque admodũ lucri faceret dæmon, nisi eius ministerio abuteretur.

Felicem illum qui amorem istum prudenter agnoscit, & eum fortiter obluatus domat, illud Apostoli consiliũ secutus, *Mortificate membra vestra, quæ sunt super terram*: nec consiliũ modò, sed exemplum;

Cant. 2. 4.

III.

Verus amor
nostri inquit
natur.

IV.

Odium sui
sanctum,
cum chari-
tate non pu-
gnat.

V.

Amor sui
viciosus do-
mandus est.
Coloss. 3. 3.
1. Cor. 9. 27.

1. Cor. 9. 27. *Castigo, inquit, corpus meum, & in servitutem redigo. quod plerique sancti seculis omnibus secuti sunt, sequunturque quotidie, qui armati zelo amoris diuini atque honoris, zelo iustitiæ contra domesticum inimicum, zelo continentiae & castitatis, ieiuniis, vigiliis, diuerberatione, aliisque id genus armis, ad corporis feruorem edomandum idoneis, iuuenilem carnis contumaciam ac ferocitatem contuderunt; idque merito ac sapienter. Si enim medicis licet ac chirurgis corpus in eius vtilitatem affligere, & brachium inurere cauterio, ad noxios oculorum humores eò deriuandos eiciendosque, quomodo animorum medico non licebit, ad corporis animique perpetuam salutem, corpus ipsum, cum prudentia & moderatione, castigare?*

VI.
Exemplo
sanctorum.

Olat. 16. de
amore pau.
to. 1. in ser.
affectico.
1. 1. off. c. 16.
Serm. de iei.
iunio.

Judith. c. 8.
6. & c. 9. 1.
to. 1. 1. 1. de
doct. Chriſt.
c. 24.

Hæc sanctorum Patrum doctrina fuit. Nam Gregorius Nazianzenus, exemplo Apostoli, corporis castigationem commendat. S. Ephrem, *Nisi arum, inquit, rubiginem eraseris, non auferes maculam, & nisi carnis naturam attriueris, fugare passiones non poteris. Quid excelsius & magnificentius, inquit Ambrosius, quam exercere mentem, affligere carnem, & in servitutem redigere, ut obediat imperio, consiliis obtemperet, ut in aduertiendis lab. & diu. impigrè exequatur animi propositum, ac voluntatē?* S. Cyprianus, *Quoties viri virtutum aliquid à Deo obtinere conati sunt, ieiuniis incubuerunt & lacrymis, & pernoctantes in orationibus, ciliciis carniherentibus, supplices beneficia postularunt.* Alludit utique Cyprianus ad Iuditham, de qua hæc ipta in scriptura leguntur. S. Augustinus cum illud usurparet Apostoli, *nemo unquam carnem suam odio habuit*, ait eos qui corpus suum affligunt, non corpus suum odisse, sed corruptiones eius & pondus: subditque, *Quod autem continentia quadam, & laboribus quasi persequi videntur corpora sua, qui hoc rectè faciunt, non id agunt ut non habeant corpus, sed ut hab. cant subingatum, & paratum ad opera necessaria. Libidines enim malè utentes corpore, per ipsius corporis laboriosam quandam militiam, extinguere affectant.*

VII.
Mortifica-
tionis mor-
tum.

Vide vitam
S. Xaverij l.
3. c. 15.

VIII.
Stulti ama-
tores sunt.

Quanti autem meriti existimamus esse apud Deum hanc omnem corporis afflictionem? quibus oculis humanissimus ille ac clementissimus parens respicit prodigum illum filium suum, non solum ad eius pedes abicientem se, lacrymantibus oculis, gemente pectore, vultu pudore confuso, sed poenitentiae quoque armis instructum, siue in satisfactionem præteritarum culparum, siue ad imminentes auertendas, denudatum, inclementi diuerberatione, ignominiosam vltro multam subeuntem? aut hæc eadem pro alienis peccatis, misericordiae impetrandæ gratia facit tantem? Quis in bono ac mihi parente sensus animi foret, quæ commotio viscerum, timorum, cum filium videret humi prostratum, culpam suam, sine vlla excusatione, aut dissimulatione, agnoscentem, fatentem, accusantem, & sponte per acerba verbera castigantem?

Vbi ergo sunt amantes isti corporum suorum amatores, qui ea copioso ac superfluo cibo, potu, somnoque saginant? qui omnibus eorum deside-

ris acquiescunt? neque reformidant ne carnis petulantia compressis mordicus lupatis, eos ad gulæ dedecus & ebrietatis, ad libidinem, ad propriæ salutis contemptum, denique ad obliuionem Dei, æternamque calamitatem aliquando præcipitet. Stulti profectò amatores; qualis esset mater, quæ non ferens infantuli sui lacrymas, cultrum ei præ manibus relinqueret, quo sibi ipse oculum imprudenter effoderet. Stulti, inquam, corporum suorum aratores, aut veri potiùs hostes; *qui enim diligit iniquitatem, odit animam suam*, quæ videlicet modica delectatione, vel vilitate victa, æternum periclitatur incendium; mauultque demens, aquæ guttam, irritis perpetuò clamoribus implorare, quàm turpi & exprobranda ingurgitatione abstinere. O quanti eam empturus es infelix, quàm tristi fame, si que luiturus? Quanto sapiunt magis, qui corpus suum tractant instar fœui contumacis, qui paulò mitius habitus insolescit; & illud Sapientis audiunt, *Cibaria, & virga, & onus asino; panis, disciplina, & opus seruo.* Psal. 10. 6. Eccl. 33. 25.

C A P V T IX

Quinam à charitate nostra excludantur.

DILECTVS Christi discipulus, idemque diuini amoris doctor eximius, apertè docet quinam à nostra charitate excludantur. *Nolite, inquit, diligere mundum, neque ea quæ in mundo sunt.* Quidni autem: quia si quis diligit mundum, non est charitas patris in eo. Et meritò quidem, Princeps enim illius sceleratus est, & immortales cum Deo nostro inimicitias gerit. Eius autem subditi, aut in voluptatum cæno demersi iacent, aut insatiabilis auaritiæ ardoribus æstuant, aut tumido superbiæ fastu distenduntur, aut omnibus etiam hisce charitatis inimicis improbè famulantur. Quod si charitatem verè diligimus, cum ipsius quoque inimicis nos inimicitias exercere necesse est: ipsumque Dominum imitari, qui olim dilecto populo suo dicebat, *Inimicus ero inimicis tuis, & affligam affligentes te.* 1. Ioh. 2. 15. Exod. 23. 22.

Verùm priusquam de istiusmodi mundo plura dicamus, de corporeo hoc & materiali mundo dicamus aliquid; cum enim, cum sit diuini artificis opus, valde bonum esse, atque amabilem negare non possumus. Scriptum quippe est vidisse Deum *cuncta quæ fecerat*, & iudicasse valde bona. Tamen si autem omnia hæc quæ oculis, aut mente cernimus, ex mente conditoris sui, ad Dei gloriam honorémque referantur, non omnia tamen eam vim diuinitus acceperunt, illam vt gloriam proximè attingerent: sed vt alia aliis viæ essent & fines, inferiora superioribus, ignobiliora nobilioribus: vt in hac varietate, concordique discordia, diuini artificis sapientia illustrius coruscaret. 11. Non omnia proxime ad Dei gloriam referuntur. Gen. 1. 31.

2. Cor. 9. 27. *Castigo, inquit, corpus meum, & in servitutem redigo.* quod plerique sancti seculis omnibus secuti sunt, sequunturque quotidie, qui armati zelo amoris divini atque honoris, zelo iustitiæ contra domesticum inimicum, zelo continentiae & castitatis, ieiuniis, vigiliis, diuerbatione, aliisque id genus armis, ad corporis feruorem edomandum idoneis, iuvenilem carnis contumaciam ac ferocitatem contuderunt; idque merito ac sapienter. Si enim medicis licet ac chirurgis corpus in eius utilitatem affligere, & brachium inurere cauterio, ad noxios oculorum humores eò deriuandos efficiendosque, quomodo animorum medico non licebit, ad corporis animique perpetuam salutem, corpus ipsum, cum prudentia & moderatione, castigare?

VI.

Exemplo

sanctorum.

Oiat. 16. de

amore pau.

to. 1. in ser.

ascetico.

1. 1. off. c. 16.

Serm. de iei-

iunio.

Judith. c. 8.

6. & c. 9. 1.

to 1. 1. de

doct. Chriſt.

c. 24.

Hæc sanctorum Patrum doctrina fuit. Nam Gregorius Nazianzenus, exemplo Apostoli, corporis castigationem cõmendat. S. Ephrem, *Nisi aris, inquit, rubiginem eraseris, non auferes maculam, & nisi carnis naturam attrueris, fugare passiones non poteris.* Quid excelsus & magnificentiis, inquit Ambrosius, *quàm exercere mentem, affligere carnem, & in servitutem redigere, ut obediat imperio, consiliis obtemperet, ut in aduendis laboribus impigre exequatur animi propositum, ac voluntatē?* S. Cyprianus, *Quoties viri virtutum aliquid à Deo obtinere conati sunt, ieiuniis incubuerunt & lacrymis, & pernoctantes in orationibus, cilicis carni herentibus, supplices beneficia postularunt.* Alludit utique Cyprianus ad Iuditham, de qua hæc ipsa in scriptura leguntur. S. Augustinus cum illud usurparet Apostoli, *nemo unquam carnem suam odio habuit*, ait eos qui corpus suum affligunt, non corpus suum odisse, sed corruptiones eius & pondus: subditque, *Quod autem continentia quadam, & laboribus quasi persequi videntur corpora sua, qui hoc rectè faciunt, non id agunt ut non habeant corpus, sed ut habeant subiugatum, & paratum ad opera necessaria. Libidines enim malè utentes corpore, per ipsius corporis laboriosam quandam militiam, extinguere affectant.*

VII.

Mortifica-

tionis me-

tum.

Vide vitam

S. Xaverij l.

3. c. 15.

Quanti autem meriti existimamus esse apud Deum hanc omnem corporis afflictionem? quibus oculis humanissimus ille ac clementissimus parens respicit prodigum illum filium suum, non solum ad eius pedes abiciens se, lacrymantibus oculis, gemente pectore, vultu pudore confuso, sed pœnitentiæ quoque armis instructum, siue in satisfactionem præteritarum culparum, siue ad imminentes auertendas, denudatum, inclementi diuerbatione, ignominiosam ultro mulctam subeuntem? aut hæc eadem pro alienis peccatis, misericordiæ impetrandæ gratia facit tantem? Quis in bono ac miti parente sensus animi foret, quæ commotio viscerum intimorum, cum filium videret humi prostratum, culpam suam, sine vlla excusatione, aut dissimulatione, agnoscentem, fatentem, accusantem, & sponte per acerba verbera castigantem?

VIII.

Stulti ama-

tores sui.

Vb ei go sunt amantes isti corporum suorum amatores, qui ea copioso ac superfluo cibo, potu, somnòque saginant? qui omnibus eorum deside-

ris acquiescunt? neque reformidant ne carnis petulantia compressis mordicus lupatis, eos ad gulæ dedecus & ebrietatis, ad libidinem, ad propriæ salutis contemptum, denique ad obliuionem Dei, æternamque calamitatem aliquando præcipiter. Stulti profectò amatores; qualis esset mater, quæ non ferens infantuli sui lacrymas, cultrum ei præ manibus relinqueret, quo sibi ipse oculum imprudenter effoderet. Stulti, inquam, corporum suorum amatores, aut veri potius hostes; *qui enim diligit iniquitatem, odit animam suam*, quæ videlicet modica delectatione, vel utilitate victa, æternum periclitatur incendium; mauultque demens, aquæ guttam, irritis perpetuò clamoribus implorare, quàm turpi & exprobranda ingurgitatione abstinere. O quanti eam empturus es infelix, quàm tristi fame, sitique luiturus! Quanto sapiunt magis, qui corpus suum tractant instar ferri contumacis, qui paulò mitius habitus insolescit; & illud Sapientis audiunt, *Cibaria, & virga, & onus asino; pams, à seplima, & opus seruo.* Psal. 10. 6. Eccl. 33. 25.

C A P V T IX

Quinam à charitate nostra excludantur.

DILECTVS Christi discipulus, idémque diuini amoris doctor eximius, apertè docet quinam à nostra charitate excludantur. *Volite, inquit, diligere mundum, neque ea que in mundo sunt.* Quidni autem? quia *si quis diligit mundum, non est charitas patris in eo.* Et meritò quidem, Princeps enim illius sceleratus est, & immortales cum Deo nostro inimicitias gerit. Eius autem subditi, aut in voluptatum cæno demersi iacent, aut insatiabilis auaritiæ ardoribus æstuant, aut tumido superbix fastu distenduntur, aut omnibus etiam hisce charitatis inimicis improbè famulantur. Quòd si charitatem verè diligimus, cum ipsius quoque inimicis nos inimicitias exercere necesse est: ipsùmque Dominum imitari, qui olim dilecto populo suo dicebat, *Inimicus ero inimicis tuis, & affligam affligentes te.* I. Ioh. 2. 15. Exod. 23. 22.

Verùm priusquam de istiusmodi mundo plura dicamus, de corporeo hoc & materiato mundo dicamus aliquid; eum enim, cum sit diuini artificis opus, valde bonum esse, atque amabilem negare non possumus. Scriptum quippe est vidisse Deum *cuncta qua fecerat*, & iudicasse *valde bona.* Tamen si autem omnia hæc quæ oculis, aut mente cernimus, ex mente conditoris sui, ad Dei gloriam honorémque referantur, non omnia tamen eam vim diuinitus acceperunt, illam vt gloriam proximè attingerent: sed vt alia aliis viæ essent & fines, inferiora superioribus, ignobiliora nobilioribus: vt in hac varietate, concordique discordia, diuini artificis sapientia illustrius coruscaret. II. Non omnia proximè ad Dei gloriam referuntur. Gen. 1. 31.

III.

*Cum rebus
cognitione
carentibus
amicitia esse
nequit,*

Quemadmodum ergo Deus noluit vniuersa quæ condidit eius gloriam proximè attingere, atque celebrare, ita neque omnia ad eius gratiam & amicitiam idonea esse voluit, quæ sine cognitione, qua pleraque creata carent, esse non potuit; *neque enim omnia possumus omnes.* Itaque à charitate nostra excludenda sunt omnia, quæ cognitione carent. Charitas enim amicitia est, quæ sine mutuo amore esse non potest; neque mutuus amor sine mutua cognitione subsistere. Neque verò Deus quidquam ab illis postulat, præter obedientiam, quam sine vlla vquam tergiuersatione illi continenter exhibent, licet eis supra vires naturæ ipsarum uti voluerit aliquando. Vtitur enim igne ad comburendas animas, & aqua ad eas sanctificandas, & oleo ad roborandas. Efficit ut viua corpora in flammis integra perseuerent, utque verba quædam vim habeant, ut res inanimis in viam ac vitalem commutetur, & puncto temporis vinum non sit vltra vinum, sed sanguis, & panis absque vlla dispositione præuia in corpus dominicum conuertatur.

*ut illa Deo
pareant.*

IV.

*Neque cum
animantibus
ratione ca-
rentibus.*

Excludendæ sunt quoque ab hac diuina amicitia, animantes illæ, quæ nullam nobiscum vitæ, quæ rationis est particeps, communionem habent; quales sunt canes, & equi, aliæque domestica animalia, quæ heros suos optimè norunt ac diligunt, eosque exhilarare cupiunt, & ipsorum incunditate delectantur. Verùm hæc communicatio humilior est, atque abiectionis, quàm ut ad veram amicitiam, nedum diuinam, possit assurgere; neque homini, nisi ut animali, conuenire potest, non ut ratione videnti, at sine ratione nulla charitas, nulla virtus existit, sed umbra illius, aut similitudo duntaxat. Sic prudentiam quandam in serpente, in columba simplicitatem, in ouibus mansuetudinem, prouidentiam in formicis, in canibus fidelitatem, animi magnitudinem in leone, in turture castitatem, in apibus diligentiam, in vulpe cautionem & industriam, in gallo vigilantiam, sollicitudinem in gallina, & in aliis alias virtutum imagines agnoscimus, ac prædicamus.

V.

*Et quam ob
causam.*

*Beneficium
non confer-
tur animæ i,
sed eius Do-
mino.*

Adde quod charitas in æternæ beatitudinis communicatione fundatur, ad quam bruta, quorum mortales sunt animæ, non secus ac corpora, aspirare non possunt. Præterea, ut supra dicebamus, vera amicitia ac beneuolentia, qualis est charitas, bonum alicui desiderat, ut eo pro arbitratu fruatur, quod à mutis animantibus alienum est, quæ defectu libertatis possidere nihil possunt, nihil dare alteri, sed ab aliis possidentur. Quod si eis boni aliquid cupimus, ut sanitatem, vires, fecunditatem, non brutis eam vtilitatem, sed dominis eorum optamus; quod si brutis ex charitate subuenimus, charitas sine dubio non in boue aut asino, quos è fouea extrahimus, sed in eorum domino terminatur. Morbi quoque, aliæve incommoda, quibus pecudes affliguntur, pertinent ad hominum pœnas, ad quos illæ pertinent. Sic olim sanctissimus Iobus in ruina atque interitu suorum pecorum ab improbissimo demone vexatus est, & in eorum copia, semel iterumque à liberalissimo Domino locupletatus.

Excludendi

Excludendi præterea à charitate nonnulli, quos improbitas sua perpetuò reddidit charitatis expertes: eoque in numero censentur omnes, qui inferorum suppliciis sunt mancipati, homines angelique, siue eorum natura, quam Deus condidit consideretur, siue culpa, quæ naturam illam deprauauit, corripit, deformauit. Et quod ad culpam quidem attinet, minime dubium est aut obscurum eos, cum scelerati sint, & in deprauata voluntate obdurerint, odio dignos esse & pœna, quam ferunt, ferentque perpetuam. Qui amari cum charitate possunt, qui non solum à charitate alienissimi sunt, sed ex certa scientia, & deliberata perpetuæque voluntate autorem charitatis oderunt ipsum Deum, qui immortales cum Deo, eiusque filiis inimicitias exercent, eaque re à peccatoribus vitæ huius longè distant.

VI.
Damnati
ab amicitia
charitatis
alieni.

Quod autem spectat ad naturam, quam à Deo acceperunt, quàmque amittere, nisi Deo illos in nihilum redigente, non possunt, certum est illam natia bonitate, hoc ipso quod est, atque existit, non carere; illa tamen bonitas amari ex charitate non potest, cum qua nullum nobis unquam esse potest beatitudinis consortium: actum est, illicet; perierunt, fulmen damnationis æternæ irrevocabiliter in desperatos illos emissum est, & via mutabilitatis confecta, ad suum finem peruenere; aut ab eo potius longissimè, totòque cælo distracti, immutabiliter exciderunt. Et sicut ius falsque non fuit iustorum felicitatem incertam esse atque mutabilem; id enim cum perfecta illa beatitudine pugnat, ita rectum non fuit perditos illos incertam sententiam suppliciumque subire. Si quæ enim illis quamuis tenuissima, spes libertatis affulgeret, multum de perfecta absolutâque miseria, qualem illam oportebat esse, detraheretur. Possimus tamen cum charitate velle, ut eorum natura, sicut & cæterarum rerum, ad Dei gloriam conferretur.

VII.
Etiam quod
ad naturam
suam.

C A P V T X.

Quàm iustum sit mortalium in demones odium.

VERVM de his, si placet, paulo differamus enucleatius. Necessè est ut improbissimos demones oderimus, cumque iis apertas semipiternasque inimicitias exerceamus, idque iustissimis omnino de causis. Principiò infestissimi sunt Dei hostes, maximèque capitales. Itaque regium imitabimur Prophetam, *Nonne, inquit, qui oderunt te Domine oderam, & super inimicos tuos tabescebam? Perfecto odio oderam illos, & inimici facti sunt mihi.* Perfectum odium vocat iustum atque legitimum: & in præsentî dicit *qui te oderunt*, & non qui te olim odio habuerant; ut diabolicum illud odium designet, quod nunquam minuitur, aut immutatur; odium omnium antiquissimum, atque desperatissimum;

I.
Causa huius
odij. prima
quod Deum
oderunt.
Psalm. 138. v.

ex qua desperatione vel maximè sit vt nequissimi illi spiritus felleum semper animum in Deum, ac furiosum gerant.

II.
*Explicatur
similitudine.
Hom. con-
tra irascen-
tes.*

Nec dissimilis est pardalis, vt scribit S. Basilius aduersus hominem furor. Immanis enim hæc bellua, cum hominem, in quem rabiem suam effundat, inuenire non potest, in eius statuam, si qua illi occurrerit, impetum facit, eamque dilacerat. Perditi illi spiritus vellent nullum esse in rerum natura Deum, eumque disrumperent, si quo modo possent, aut in nihilum redigerent. Quod cum non possint, omnes ingenij vires intendunt, vt regnum eius perdant, ac pessumdent: & si Deum ipsum haberent in potestate, eum calcarent pedibus, omni que genere contumeliarum ac tormentorum afficerent. Id quia nequeunt, quod proximum est actitant; execrandis eum vocibus centies quotidie inuadunt, & tanquam rabiosi canes, cælum allatrant: cum tamen à Deo, leuius quam fert eorum malitia, puniantur. Si ergo Deum diligimus, quomodo non istos molossos oderimus, qui tam scelesto in legitimum omnium Dominum sunt animo, tamque furioso in communem mundi principem?

III.
*2. eorum in
nos odium.*

Addamus ad primariam hanc odij causam, alteram illam, quod nos odio incredibili, verèque diabolico prosequuntur, ideòque nobis summum omnium malorum procurant. Quid causæ? quia filij sumus, atque amici illius, qui eis est capitalis inimicus; qui nobis id regnū largitur, quod infelices illi perpetuò perdiderunt. Ergo infinito nos odio prosequuntur, quantum scilicet est malum, quod nobis desiderant, & bonum quod nobis eripere conantur. Nolunt illi nos Iobum æquare suppliciis & ærumnis; nolunt in sterquilino testa vlcera saniem radere: nec satis eis foret horrendis animam cruciatibus è corpore, si illis per Deum liceret, euellere, vt olim Antiocho Epiphani, vt Herodi Ascalonitæ, vt non ita pridem Hæresiarcharum deterrimo Caluino, aliisque non paucis: sed æternitatem quoque tormentorum nobis summa voluntatis contentione desiderant, ac procurant.

IV.
*Et inuidia,
quantumq;
mali nobis
contumenter
desiderent.*

Ad vnā illi ambitionem iam à mundi exordio incubuerunt, vt in nobis, qui, vt speramus, Dei filij sumus, de Deo vindictam sumant, quando cum illo congregari non possunt, vtque amantissima Dei aduersum nos decreta irrita faciant, qui genus hominum, angelis prætermisissis, redemerit, eaque inuidia tabescentes, damnationem nostram antiquissimam habent. Ardent cupiditate maxima, vt inuito Deo, inq; eius iniuriam & dedecus, ipsi quoque pereamus; immensis illis bonis, Deoque eorum largitore priuati: & vice versa suppliciis addicti, quæ dolorum magnitudine orationem omnem, cogitationemque longissime superant. Desiderio flagrant fieri nos eorum arbitrij atque potestatis. Quin hanc quoque vitam ducentibus optarent oculos effodere, truncare nares, auribus tempora populari, cor ex pectore, ex corpore animam rapere, & quod iis deterius est, ex anima diuinum amorem funditus, gratiamque

deletre. Desiderio autem non repentino ac desultorio, quod aliquis iracundia feruor excusserit; qualia nobis in hac vita contingunt, & non tandem secum poenitentiam trahunt, sed rato atque fixo, quodque auidè in executionem feratur, nisi Deus vetet, & custos Angelus obfiscat.

Itaque eos odisse ac detestari possumus ac debemus, & capitaies cum eis inimicitias exercere, primùm nihil agendo eorum, quæ p̃lis grata esse possint, sed contra quæcunque inimica & inuisa, vt eis perpetuo doleant oculi, & inuida mens extabescat. Deinde materiam omnem furori eius subtrahendo, amicos, gratiam, fauulos, quantum in nobis situm fuerit; quod est omni studio atque opera peccatorum conuersionem, salutemque procurare. Tertiò in eorum æternis malis tormentisque acquiescere, quatenus diuinæ iustitiæ satisfat, vltrixque Dei voluntas impietur. Quò respiciebat olim David cum diceret, *Lætabitur iustus cum viderit vindictam, manus suas lauabit in sanguine peccatoris*, sibi videlicet in diuina iustitia placendo, eamque approbando.

Quo portio fieri queat vt eos non oderimus, quos constat causam esse primariam omnium peccatorum quæ vnquam admisimus, vt qui carnem in nos, mundumque concitarint, eorum spicula exacuerint, quibus latera illi nostra visceraque perfoderent. Quæ cum ita sint, nōne luctuosissimum est reperiri tam multos qui improbitate vitæ, exemplisque peiustis, dæmonum conatus omni ope ac studio promouent, Dei regnum euertunt, in baratrum quàm plurimos possunt pertrahunt, ad libidinem, gulam, ebrietatem pelliciunt, seditionibus, bellis, inimicitias excitandis, inuigilant, inique omnibus studiosè perpetrandis, quæ dæmones interris, si carne induiti essent, perpetrarent. Quid horribilius dei aut fingi potest, quàm reperiri homines, qui vel curiositate illecti, aut inani delectatione victi, cum dæmonibus p̃lis scientes prudentiæque contrahunt, & ab iisdem incitati, innumerabilia scelerata admittunt, & summa cum pernicie grassantur in populis, quales sunt sagæ atque venefici, & quicumque is quasi proxeneris vtuntur, ad dæmonum execranda commercia, nihil Dei hostes, suosque reformidantes.

Vbi sunt qui per iracundiam dæmonibus opera sua, negotiaque addicunt, si quando minus ex sententia succedant? qui eis parentes, viros, uxores, liberos, inimicos dedunt. adcoque propriis ipsi corporibus animisque dæmonum tyrannidem imprecantur? Nōne gratuita ista donatio amicitia argumentum est. tantòque maioris, quanto donum est pretiosius? Seipsum ergo alteri quasi mancipium dedere, summæ arctissimæque amicitia signum est, quàm tu mortuum dementissime cum illo agitas, qui te perditum cupit, qui libens sanguinem tuum hauriat, qui gaudio triumphat in omnibus ærumnis tuis, qui tanquam leo rugiens circumiens occasionem caprat deuorandi tui. Scio equidem hæc per iram vehementiorem, quæ imminuit libertatem, effundi, sed eadem ira malam amplificat voluntatem; itaque si vna ex causa culpa minuitur

V.
Eos odisse
debemus.

1.

2.

3.

Psal. 57. 11

VI.

4.

Eis fauent
peccatores.

Magi præ
serim.

VII.

Contra im-
precatores.

ex altera exaggeratur. Sed pœnitet me illico, inquiunt, dictumque retracto. At hoc ipsum gratiæ Dei est, qui permittere potest ut rata sit donatio, utque ille te tuique, ut re sua, abutatur. Et vniuersè loquendo sermones ferere cum hostibus regis tui, proditiōis argumentum est, clandestiniquè commerciij, & crimen imminutæ maiestatis.

CAPUT XI.

Damnatorum animas odio quoque prosequendas.

I. **E**ORVM quoque animæ, qui æternis addicti sunt cruciatibus, nullo nobiscum amoris aut charitatis commercio iunguntur, nullam à nobis opem aut gratiam expectare possunt. Ignis à quo exuruntur est sicut ignis qui comburit syluam, & sicut flamma comburens montes, ut ait Propheta. Nam si quando ignis exarserit in ciuitate, domumque aliquā corripuerit, maturè opprimi potest incendium. Ad illud enim ære campano turbidè resonante vndique accurritur, aliqui aquas celeriter conuectant, quas alij longè latèque diffundunt, alij domesticum instrumentum flammis raptim eripiunt, quidam diruēdis interiectis ædibus ignium incrementa impediunt, alij denique ruina incendium extinguere moliantur. At incendium in sylua, vel montibus excitatum, homines otiosè à longè respiciunt, Deo que rem permittunt, ut illud aduersis vêtis extinguat, aut pluuiis, aut qua illi ratione visum fuerit. Sic in hac vita diuinæ iræ incendio exardescente, concionatores tubarum instar exaltant vocem suam, ad fundendas copiosè lacrymas pœnitentiæ, incendio restinguendo opportunas, populum excitant, & ad flammarum fomenta detrahenda; sed ad alterius vitæ ignes restinguendos, aut eripiendas inde animas nemo commouetur. *Ignis succensus est in furore meo, ait Dominus, & ardebit vsque ad inferni nouissima: deuorabitque terram cum germine suo, & montium fundamenta comburet, nemine quidpiam remedij afferente.*

II. Verùm enim verò, dixerit aliquis, si parentes nostri, quod auerrat Deus, essent in inferis, nobisque id certò constaret, ut qui exempli causa in hæresi, in singulari certamine, aliòve crimine subita morte oppressi fuissent, nonne natiuus noster in eos amor opem aliquam, aut auxiliij certè desiderium à nobis extorqueret? Inuitat utique ingenuus iste amor ad huiusmodi desiderium. Nam & ille Epulo, cum esset in tormentis, memor fratrum, pro iis orabat; potuerunt & fratres vicissim pro illo, nescij damnationis eius, ut sæpe contingit, preces fundere. Sed cum fides constanter doceat omnia auxiliorum genera esse inania atque desperata, prudentia quoque dictat irritum laborem suscipiendum non

esse. Adde quòd de amore charitatis suscepta est ista disputatio; charitas autem cum perditis illis coalescere nullo modo potest, quantumvis nos aut affinitate contingant, aut eximius nos pridem beneficiis obligarint; inimici enim Dei sunt, non secus ac dæmones, & instaurandæ amicitiae penitus impotentes. Inimici quoque nostri esse debent: æquum enim est nos odisse inimicos regis nostri, ideòque mutua inter nos charitas esse non potest, neque mutuum auxilium, ut alter alteri opem aliquam ferre possimus. *Magnum enim chaos inter utrosque interiectum est,* Luc 16.26. latissimûsque, & nunquam deiiciendus diuisionis murus.

Ad hanc classẽ ij omnes pertinent, qui alieni à Dei gratia è viuis abiere, in ipso criminis roatu deprehensi: cùmque vitam improbam uerent, eam priùs deseruere, quàm improbitatem. Qua in re diiudicanda iudicium temerarium, & nullo fundamento nixa suspicio, utramque in partem vitanda est. Sicut enim insignis temeritas foret suspicari virum aliquem, qui perpetua sanctitatis & innocentiae laude florisset, æternis fortasse suppliciis addictû esse, quia incertû est an in mortis articulo de sua salute desperarit. Par est omnino temeritas, si quis de homine scelerato suspicetur eû fortasse extrema illa vitæ periodo de peccatis verè doluisse, & ad Deum esse conuersum, nullo occurrente fundamento existimandi, mortem. persimilem vitæ non extitisse. Nemo ignorat, aut negat diuinam misericordiam, nec misericors esse desinet isto impio condemnato; sed ut ne iudicium sit temerarium, aut inepta suspicio, extare debet fundamentum aliquod, quo nitatur ista opinio, Deum erga huiusmodi hominem misericordem extitisse.

Quia tamen res sæpenumero dubia est, verûmne de peccatis dolorem ex singulari Dei misericordia in morte conceperint, præsertim interueniente poenitentiae sacramento, pro illis tunc orari potest, ac debet, saltem sub conditione, si habiles fuerint ad auxilium recipiendum. De cæteris, de quorum salute valde probabiles extant coniecturæ, ut maximæ Christianorum parti contingit, qui Ecclesiæ sacramenta ritè percipiunt, charitas, cum qua vita defunguntur, nos admonet ad officia charitatis illis liberaliter impendenda, ut ab iis quas patiuntur pœnis, quàm citissimè eripiantur.

III.
Et eximino
nemini in
peccatis mor-
turi.

IV.
Quid in re
dubia?

Secundi Libri finis.



LIBER TERTIVS.

Qui est altera de Amore diuino disputatio.

De diuina pulchritudine, primo ad diligendum Deum
inuitamento.

CAPVT I.

Aditus ad disputationem de pulchritudine Dei.

I.
*Transitus ad
nouam dis-
putationem.*



DEXPLICATVM est à nobis hætenus, quantum quidem ingenij huiusce tenuitas, industriæque ferre potuit, Deum inter & homines amicitiam existere, quamque ea admirabilis atque expetenda sit; quod sit illius fundamentum, quam pretiosum, nobile, ac diuinum, quamque singulare animi ornamentum. Inde progressa est disputatio ad amicitia huius obiectum, personæque declarandas, quæ hac amicitia, & præcepto charitatis comprehenduntur, aut ab ea excluduntur. Nunc res ipsa videtur postulare, vt exponamus summa quædam, ac primaria inuitamenta diuinæ amabilitatis, quæ si diligentius inspiciantur mentis nostræ luminibus, vehementer nos ad hunc amorem quotidie, si quidem velimus, amplificandum extimulare possunt. Quidni autem velimus? Nullus est enim inter aulicos tam parum prudens, aut tam negligens utilitatis suæ, cui satis sit tantillum valere gratia apud principem suum; ambit potius singularem eius familiaritatem, ambit & fiduciam, nihil vt princeps arcanorum suorum illum celatum velit. Quidni ergo ad illustriorem in dies gratiam aspirent, qui iam in cœtum amicorum, ac filiorum cœlestis parentis admissi sunt? quando & ipse immenso amore dignus est, & suos infinito quodam amore prosequitur.

II.
*Cur à pul-
chritudine
inchoandum.*

In hunc finem necessarium videtur, vt mentis nostræ oculos conii-
ciamus attentius in diuinam illam faciem, eiusque fulgurantem pul-

chritudinem contemplerur, quæ beatos omnes tanto gaudio cumulat, quantum mortalium nemo satis æstimare potest. Ab hac siquidem pulchritudine ducendum videtur initium, vt quæ prima se aperit intuenti, & prius corporis animique oculos ferit, quàm vltius ad obiecti diuini bonitatem penetremus: easque habet illecebras; quibus alliciat ad se, suauissimæque rapiat oculos hominum, & Angelorum. Deinde per otium degustanda erit æterna illa atque immensa bonitas, quæ ad voluntatem pertinet, vt pulchritudo ad intellectum, qui faciem voluntati præfert: illa, inquam, bonitas, ex qua proficiscitur quidquid bonitatis reperitur in rebus creatis, quæcumque cælo aut terra continentur. Inde enim pro suo modulo hauserunt singulæ, quidquid perfectionis habent, quidquid virtutis, scientiæ, potestatis.

Audentiores igitur nos esse oportebit Moyse, ad montem Sina oues pascende, qui audita Domini voce de medio ardentis rubi, *abscondit faciem suam, non enim audebat aspicere contra Dominum*, aut contra rubum, quem Dominus infederat: documento reuerentiæ, quæ diuinæ præsentia, sacrisque eius mysteriis debetur. Elias Propheta nobilissimus cum *sibi auræ tenuis* inaudisset, post spiritum grandem, & fortem, subuerentem montes, & conterentem petras, post commotionem & ignem, operuit vultum suum pallio, agnita diuinæ præsentia maiestate. Elías vidit Seraphinos ante thronum Dei, qui duabus alis tegebant faciem suam ne viderent, duabus inferiora corporis ad pedes vique velabant, ne viderentur, reliquæ duæ ad volandum erant expeditæ: tanta est, vel Seraphinorum, qui supremum intet omnes Angelorum choros dignitatis locum obtinent, aduersus diuinum Numen reuerentia, tanta veneratio maiestatis.

Huc referebantur olim non solum plurima illa vela, quibus vndique obuoluebatur diuinum tabernaculum, totumque ipsius atrium cingebatur, & quo sanctior locus ab atrio diuidebatur, sed illud maxime, quo oraculum ipsum siue Sanctum Sanctorum, à reliqua æde secladebatur, tam in templo Mosaico, quàm in Salomonico. Huc pertinebat denta illa nubes & caligo, quæ montem Horeb obtegebat, cæteraque omnia loca, in quibus diuina maiestas aliquod præbebat indicium præsentia suæ. Quomodo ergo ad diuinam illam faciem non reformidemus accedere? quomodo humilitas nostra coram tam sublimi maiestate non expauescet, cum in eius conspectu ipsi Seraphini, sancto Dei timore perculsi, complice alarum, & instar papilionum se esse ducant? An expectamus dum dicatur de nobis, quod de profano rege Amone à Scriptura dicitur; quem accusat quod non fuerit *reueritus faciem Domini*? Aut dum temeritatem repentina morte luamus, vt qui non ignoremus scriptum esse, *Non videbit me homo & uiuet*.

Verum idem ipse Dominus animos nobis ad eum aduendum fecit, quando, in persona vnigeniti sui, vsque ad eum abiicit dignitatem illam

III.

Audax videtur negotium.

Exod. 3. 6.

3. Reg. 19.

11. 12.

Cap. 6. 7.

IV.

Idque decia-
ratur exem-
pla.

2. Paral. 33.

25.

Exod. 33. 20.

V.

Animos facit
Christus Do-
minus.

suam, ut nos adoptaret in filios, docerétque eum agnoscere atque appellare patrem, ab eoque tanquam à parente necessaria postulare. *Vi-
de*, ait dilectus discipulus, *qualem charitatem dedit nobis pater, ut filij
Dei nominemur, & simus.* At quis filios arceat à conspectu patris, nisi
similia deliquerint Absaloni? Nónne eius voluntate velum templi scis-
sum est, à summo deorsum vsque, ut ea propalam cerneremus, quæ po-
pulo Hebræo morte proposita interdicebantur. Nos ergo alloquebatur
in primis David, cum diceret, *Accedite ad eum & illuminamini, & fa-
cies vestra non confundentur.* Clariùs etiam Paulus Apostolus, *Nos verò
omnes reuelata facie gloriam Domini speculantes, in eandem imaginem trās-
formamur, à claritate in claritatem, tanquam à Domini spiritu.*

VI.
Et Paulus
Apostolus.

Quo loco Apostolus instituit antithesin veli, quòd dixerat imposi-
tum cordi Iudæorum, & lucis, quam Christiana fides secum inuehit,
cuius auxilio speramus nos ad gloriæ lucem peruenturos. Iudæi autem
gemino velo obscurantur ne videant, nè mystèriis diuinis acquie-
scant, quæ lege Mosaica occultantur; alterum rebus ipsis infestnitur:
sunt enim allegoricæ, & ænigmatum similes; alterum cordibus eorum
obstinatione cæcatis obtenditur. Deus quidem inaccessam lucem in-
habitat, sed fides faciem manibus ingerit, ut tantum videri possit, quan-
tum mortalis hæc vita permittit. Facies eius fulgore vehementi rutilat,
ut eam mortales oculi ferre non possint. Sed Dei filius in seipso, tan-
quam in mundissimo speculo, eum spectandum præbet, iuxta illud,
Philippe qui videt me, videt & patrem meum. Noluit tamen ad alteru-
trum, nisi cum debita veneratione accedere; tametsi filius, illis nos ver-
bis ad se humanissimè vocet, *Venite ad me omnes, qui laboratis, & one-
rati estis, & ego reficiam vos.*

Ioan. 14.
8.9.
Matt. 11.28.

CAPVT II.

*Generalis propositio eorum, quæ deinceps in disputationem
cadent.*

I. **D**EVS Optimus Maximus primarium & summum charitatis ob-
iectum toto ex corde, totisque viribus diligendus est; primùm
quia ex seipso, & in seipso, sine vllò rei cuiuspiam additamento, summè
amabilis est, deinde quia summo nos amore prosequitur. Hæc sunt duo
summa capita, quæ deinceps explicanda suscepimus; & illud quidem
aliquanto breuius, quia quandiu non videmus Deum sicuti est, conten-
tos esse oportet ea cognitione, quàm de summis illius perfectionibus ex
operibus eius haurimus. Ita qui Oceani vastitatem nunquam viderunt,
eius magnitudinem quoquo modo conliciunt ex fluminum, quæ in eum
se exonerant, aut ex eo digrediuntur, amplitudine, ac multitudine,
quorum

Duo summa
capita di-
gendi Deum.

quorum neque accessione tantillum augetur, neque decessione minuitur. Et quamuis ratione nostræ imbecillitatis, atque ignorantia non desint, quibus hinc quoque agnoscere valeamus, quàm amabilis sit ipse per sese, seclusis operibus eius; tota tamen illa cognitio ex rebus creatis, quæ nobis eam suppeditant, mendicanda est; iis exceptis, quæ nobis diuina reuelatione patuerunt.

Deus porro summopere amabilis est ex seipso, propter nobilissima illa attributa, & quasi proprietates quasdam naturæ diuinæ, Vnitatem dico, Simpliciter, Immenstatem, Infinitatem, Æternitatem, Sapientiam, Bonitatem, Potestatem, Pulchritudinem, Iusticiam, Misericordiam, Prouidentiam, Beatitudinem, cæterasque quas in Deo cogitamus perfectiones; duabus tamen latius paulo diducendis contenti erimus, pulchritudine & bonitate, quæ sunt præcipua nostri in Deum amoris incitamenta. Nam & aduersus res creatas, sic affecti sumus, ut earum malitia & deformitas nos ab illis auertat, odium ingeneret, conuertat in fugam. Et contra earum bonitas & pulchritudo corda nostra mihi facie allecant, & ad se pene sine sensu, hamulis oculos fallentibus, trahunt.

Nam de bonitate nulla potest esse controuersia, quin si agnita fuerit, sit amoris mater. Idque tam certum est, ut nemo quidquam diligere possit, nisi quod vel bonum reuera sit, vel bonum æstimeretur, licet speciem tantum atque imaginem boni habeat. Nam aurum quoque & argentum, verum reperitur & adulterium, gemmæ quoque fudatæ, & lapides nomine tenus preciosi. At enim, dicat aliquis, quid de morte dicemus, quam rerum natura tantum auersatur vniuersa, quantum diligit esse, ac viuere. Sunt tamen aliqui nonnunquam qui eam desiderant, qui oblatam admittant, qui eam ultro sibi ipsis consciscant. Certum nihilominus est mortem vniuersè loquendo, non nisi malam esse posse, & naturæ, quæ sui conseruationem desiderat, inimicam, & in hominibus esse peccati pœnam. Alia tamen nonnulla deteriora sunt, ut peccatum & infernus, quorum comparatione mors non tam in bonis, quàm in minus malis numerari possit; mali autem diminutio aliquod bonum est. Itaque sancti Martyres mortem acerbissimam Dei offensæ prætulerunt. Et qui manus sibi violentas afferunt, minus esse mali in morte censent, quàm in ægritudine, aut dedecore, aut tristitia, in qua vitam infelicem trahunt. Eadè que causa est cur damnati mortem exoptent, adeoque in nihilum redigi votis omnibus appetant: ferunt enim mille mortibus acerbiora.

Quod ad pulchritudinem attinet, ipsa quoque amorem parit; est enim bonum aliquod, cui addit delectationem, ut docet Arcopagita Dionysius, & cum eo Doctor Angelicus. Reperitur autem pulchritudo, non in rebus modò corporeis, quæ oculis auribusque blandiuntur, quod sit ut pulchritudinem in humano vultu, in cœli facie, in regis ætibus,

II.
Ipsū per se,
propter as-
tributa diui-
na.

III.
Bonitatem
maximè.

An mors a-
mar possit.

IV.
Pulchritudo
alterū amo-
ris incitame-
ntum.

1.2.9.27 a.
1.ad 3. Dio-
nys. c.4 de
diu. nom.

in bene cultis, amœnisque hortis prædicemus; in fidibus quoque & cœ-
centu vocum, & lucinæ musica, omni que harmonia; sed in rebus quo-
que spiritualibus pulchritudo celebratur. Pulchram enim libertatem vo-
camus, & pulchram mortem, & consilia pulcherrima, eximiam quoque
speciem oratoris perfecti, & pulchritudinē adamamus; laudamus splē-
dorem, & pulchritudinem virtutis & honestatis. Pulchrum quoque inge-
nium vulgò dicitur, promptum & viuudum, quod & facile capiat, quæ
dicuntur, & clara cum luce alienis auribus instillet. Ita dicimus demis-
sionem animi, mansuetudinem, liberalitatē, gratiam, fidem, amicitiam,
pulcherrimas esse virtutes, omnibûsque gratissimas.

V.
*Quadam il-
lius ex Pla-
tone descri-
ptio.*

Gratūmne igitur faciemus tibi, ô amabilissima, & cœlo terraq; gra-
tissima pulchritudo, si coniectis hinc sursum oculis, non solum opatiss-
simam cœli faciem conspiciamus, quam tot ruti'antibus decorasti sy-
deribus, tot adamantibus ac piropis ornasti, qui haustā in thesauris tuis
beneficam lucem ei aculantur in terras; sed illam ipsam pulchritudinem
tuam, quæ admirabili splendore beatorum facies cōtinenter illuminat:
illam vultus tui gloriam, quæ initio & fine, accessione & decessione ca-
ret: illum decorem, non qui vna ex parte placet, ex altera displicet, vno
loco vel tempore dignitate priuatur, abundat altero; alternis angit & re-
creat; illam venustatem, non quæ cæteris rebus comparata non omni-
bus anteit, quibusdam speciosam non aliis: sed pulchritudinem illam
tuam, quæ nihil aliunde mutuatur, sed speciem omnem suam habet ex
se, & in seipsa, cuius reliquæ formæ omnes, particulæ quædam sunt
& frusta, quæ incrementum capere, decrementumque possint, sine vlla
accretionem aut decretionem istius summæ simplicis, atque vniufmodi pul-
chritudinis tuæ, vt Plato quondam, in medijs humanæ ignorantie te-
nebris, ratiocinabatur.

In Sympo-
sio.

VI
*Cum peti-
tione venia
ad eam spe-
culandam.*

Gratius fortasse foret maiestati tuæ, nostros vt oculos conuerteremus
ad agnoscendam, deplorandamq; nostram fœditatē, ad animi demissio-
nem acquirendam, vtilem ad superbix ac vanitatis nostræ rotam affli-
gendā. Spero tamen fore vt hac contemplatione charitas, quæ non mi-
nus tibi grata est, quàm humilitas, vehementius paulò incalascet. Cum
autem linea recta, rectarum sit obliquarumque iudex, dum in agnoscē-
da pulchritudine tua, nobis admodum occulta, desudabimus, quid in
nobis fœdum, murilum, distortumve sit, non difficiliter, ex dissimiliū
contentione, deprehendemus.

CAPVT III.

*Primum diuinæ pulchritudinis fundamentum. Cognitionis
immensitas.*

I.
*Duo pul-
chritudinis
fundamenta.*

CVIVS LIBET rei absoluta perfectio duobus ex capitibus necessa-
rio manat; oportet enim vt ab ea imperfectiones omnes defectûsq;

tollantur, tum vt eadē propriis ac debitis coretur ornamentis; idē-
que in pulchritudine valet. Nam si quis aulam aliquā exornare cupiat,
ex ea primū quidquid est vsquam sordium euerendum, atque ei-
ciendum est: inde aulais, pictis tabulis, preciosa si pelle stili honestan-
da est. Humana facies quamuis natua specie sit insignis, multum tamen
omnino de eius forma detrahatur, si detur pata fuligine, si squalore, aut
illuue obsita sit. Eductus est primū ē carcere Iosephus ille Patriarcha, Gen. 41. 14.
& p̄dore absterſo tonsas est; vestis quoque illa, quæ carcerem dece-
bat, in aulicam, ne regis offenderet oculos, cōmutata est. Iuditha quo- Iudith. 10.
que populi sui hostem formæ præstantia debellatura, abſiſit à seculi- 23.
cium, & exuit se vestimentis viduatis suis, & lauit corpus suum; hoc pri-
mū: deinde ad natuæ pulchritudinis incrementum, unxit se myro
optimo, & discriminauit crinem capitis sui, & imposuit mitram super caput
suum, & induit se vestimentis iocunditatis sue, & omnibus ornamentis
suis ornavit se. Eodem modo intelligendum est diuinam pulchritudi-
nem omnium primū sordium expertem; deinde rebus omnibus in-
structam, quæ pulchritudinis natura desiderat, proportionē, gratia, cla-
ritate, cæterisque id genus. Ergo prius illud caput, vt naturæ ordo po-
stulat, expendamus.

Certissimum est apud Theologos omnes, atque Philosophos, Deum
mentem quandam esse intelligentia præditam, & voluntate; segrega-
tam ab omni concretionē mortali. Huiusmodi autem naturæ nullam
maculam, aut defectum habere possunt, præter ignorantiam in intelle-
ctu, aut in voluntate peccatum: quæ vitia infinito quodam interuallo
distant à pulchritudine omnibus numeris absoluta. Dei enim natura
vsque aded à peccato aliena est, vt omnes, qui eum contemplantur, cu-
iulcumque noxæ reddat immunes. Ignorantia verò quæ possit esse in
eo, qui præterita omnia, præsentia, futura, possibilia, semper in con-
spectu habet? *Dens lux est*, ait Euangelista, & in eo tenebra non sunt
ulle, imò fulgorem lucis quaquauerſum ei aculatur, & omnes ad se
accedentes illustrat. *Accedite ad eum, & illuminamini*, ait David. I. Ioan. 1. 9.
Rectè etiam perpetuo illud vsurpet, *Qui sequitur me non ambu- Psal. 33. 6.*
lat in tenebris. Sicut autem scientia & gratia lumina quædam sunt,
ita peccatum & ignorantia tenebræ sunt, quas remoueri à se cupiebat D. Thom.
Angelica virtute atque eruditione doctor.

Primū ergo diuinæ pulchritudinis fundamentum, & quasi appara-
tus est, nulla vt ignorantia in eius intellectu sit, aut esse possit: idque
duplici ratione firmatur. Prior est quoniam Deus infinita lux est, sine
vlla admistione tenebrarum, vt aiebat Ioannes, neque vllis gradibus
limitibusve definita, vt lumina ista, quæ corporeis oculis patent, fa-
ces, inerrantes stellæ, multipliei magnitudine ac luce distinctæ, Sol-
que ipse ac Luna, quæ certum habent ac definitum modum luminis, nec

maiolem; quòd in hominum quoque, atque Angelorum spiritali luce, & quantacunque cognitione valet; neque enim sciunt omnia, possuntque in dies plura cognoscere. Nam, ut docet magnus ille ex Areopago Dionysius, Angeli superioris cuiuspiam ordinis eos illuminant, purgant, atque perficiunt, qui sibi natura & gratia sunt inferiores. Et homines alij alios humanas docent diuinâsque disciplinas.

IV
Posterior ratio.

Posterior ratio est, quoniam nihil vnquam fuit, aut est, aut esse quoquo modo potest, sine primæ atque vniuersalis causa concursu, quæ particulam quandam infinitæ potestatis suæ secundis causis subiectis-que communicat, nisi quando ipsa per se solitaria operatur, ut olim in prima rerum molitione, cœli, terræ, aquæ, Angelorum; & quotidie cum recens creatas animas infundit in corpora, eisque ad hominē producendum, in vtero matris agglutinat. Deus ergo qui intelligentia quædam est, & per intellectum agit, nullâque alia operatrice facultate indiget, perspicuè videt, cognoscitque quæ agit, siue solus agat, siue cum causis secundis. Et quemadmodum nos nihil agere possumus, dicere, cogitare, nisi anima manum, cor, linguam mouerit, quo fit ut illa absente cessent omnia; ita nihil omnium quæ sunt, aut subsistere potest, aut operari, si princeps illa causa vitam, sensum, motionem designat instillare. Quin & illud attende, si anima dum est in corpore, nullis ad functiones suas instrumentis egeret, æquè in manu atque in cerebro intelligeret: ita Deus, qui est actus purissimus, totusque intellectus, nec organis eget, sicut vbique est, ita vbique intelligit, neque aliquid ignorare potest.

V.
Humana similitudine declaratur.

Quòd si hominis alicuius eruditio, longè cæteris in aliqua scientia, arte, facultate præstantis, aut eius qui non solum in Philosophia, ac Iuris prudentia; in Medicina, disciplinisque Mathematicis, in Theologia quoque, Historia, Oratoria, ac Poëtica facultate, & multarum cognitione linguarum sit apprimè doctus; qui sit etiam picturæ, statuariæ, Architecturæ, cæteræque literaturæ bene intelligens; si, inquam, tanta, tamque multiplex eruditio, ita illum in altum euehit, apud eos qui cum ipso versantur, ut illum omnes tanquam omniscium honorent, prædicent, admittentur, omnes pulcherrimam & latissimè patentem mentis aciem commendent, omnes ab ore dicentis pendèant, eius familiaritate gaudeant; præsertim si his omnibus comitas, animi demissio, & eximia suauitas morum accesserit. Quid ergo dici potest de illo fonte luminum, artium, doctrinarum, qui pro immensa bonitate sua, vltro de thesauris sapientiæ suæ hausit omnem intellectum creatum, omnemque industriam atque habilitatem citò cōprehendendi, subtiliter inueniendi, rectè atque ordine dispensandi omnia, magnificè eloquēdi, & gratissima voce atque actione pronunciandi: quid, inquam, dici de illo possit, cui nihil est occultū eorū, quæ vsquam fuerunt, aut sunt, aut esse omnino possunt: qui illa omnia momento percipit, qui ad ipsam cuiusque rei cētū

peruadit totamque viam agendi, quam certis terminis ipse definiuit, facile percipit. Quin etiam clare videt, ac comprehendit quanta sit sua ipsius scientia, sapientia, fortitudo, quæ non nisi infinitate finiuntur, & ab infinito duntaxat intellectu capi possunt.

Non ita res habet in hominibus, ac ne in beatis quidem illis mentibus, quæ, vt lumine scientiæque maximè fulgeant, multo plus ignorantia habent, quàm scientiæ. Quin etiam, quod multo est admirabilius, si omnis mortalium atque immortalium cognitio, in vnius Cherubini intellectum diuinitus transferretur, multo plus ille nihilominus ignorantia haberet, quàm scientiæ. Nam careret etiam tum omnium indiuiduorum cognitione, puta quot folia vere primo nascuntur in sylua latissima, aut quot in autumno defluant, & quomodo singula differant inter se; quot volucres in aëre volitent, quot pisces in oceano, cunctisque fluminibus natando discurrant; quot arenæ grana vel in arenariis delitefcant, vel in littore maris iaceant, vel inquietis fluctibus agitentur, quis sit pilorum numerus in omnium animantium corporibus, quis squamarum in piscibus. Et quamuis exactè eorum omnium numerum teneret, singulorum tamen indiuiduorum accidentia propria non teneret: ac ne millesimam quidem partem cogitationum, verborum & actionum, quas Angeli hominesque seculorum omnium, ab exortu rerum, ad vltimam vsque æternitatem, fecerint, dixerint, cogitarint.

Coniciamus, si quo modo possumus, quò hæc vsque cogitationum infinitas progrediatur, cum multitudinem earum, quæ non vno anno, sed vno die, vel hora mentem nostram circumuolitant, veniunt abeuntque, capere mens nostra non possit. Et vt illuc redeam Cherubinus ille, quem diximus, omnes cogitationes ignoraret, quæ ex libertate pendent, quas nullus numerus capere possit, multoque minus illas omnes quæ esse possent, nec tamen futuræ sunt vnquam, quarum numerus multo etiam maior est atque infinitior: imo ne vnā quidem cognosceret, cum ea scientia ad illum vnum pertineat, qui scrutator est cordium. Denique ignoraret penitus quidquid latet in latissimo, immensoque diuinæ omnipotentiaæ oceano. Quales sunt species rerum innumerabiles, eisque subiectæ res singulares, quas Deus posset in mundorum infinitate producere, qui ex vno nutu pendent eius potentissimæ voluntatis.

Itaque non est in potestate nostra cogitatione capere, sed admirari potius vehementer, & summo stupore defixos consistere, circa infinitatem cognitionis Dei nostri, & gloriosissimum pulchritudinis eius fundamentum; nimirum cogitationibus, verbisque destitutos, quibus ad spirituales thesauros diuini intellectus pertingamus, cui hæc omnia, quæ cursim commemorauimus, clara sunt atque aperta, quoniam se ipse comprehendit, & obiecta omnia infinitæ potestatis suæ. Et tamen talis ac tantus Deus, Deus noster est: neque enim alium habere possumus,

VI.

Beatorum
scientia cum
diuina com-
fertur.

VII.

Quamque
diuina late-
re patet. pra-
alia quatuor-
que.

VIII.

Et quam
admirabilis.

aut optamus. Imo pater noster est, frater, necessarius, & sponsus viliū istarum animarum. O bonitatem! o pulchritudinem! o excellentiam incredibilem! o scientiam & cognitionem dignam sapientissimo rerum molitore Deo.

IX.
Atque amo-
re digna.

Si ergo scientiam, natura dictante diligimus, quomodo non exardescimus desiderio videndi, audiendi, & cognoscendi hunc infinitæ cognitionis oceanū, hoc splendidissimum scientiæ lumen immensæ pulchritudinis fundamentum; hanc admirabilem intelligentiam, cui cogitationes omnes, quas habuerunt, & habituri sunt, aut habere possent tota æternitate tot numero angeli, quot arenæ minutissimæ grana, totius firmamenti complexu, non huius mundi duntaxat, sed quinquaginta millium mundorum capi possent, omnes, inquā, cogitationes illæ notiores sunt, quā manus nostræ oculis nostris. In illis enim vix aliud quidquam præter accidentia quædam cognoscimus. Deo autem quæcumque in eis sunt, notissima sunt, substantia, accidentia, materia, forma, principia, effecta, interna externaque. Cognitione verò tam perfecta, ut ne in ipsius quidem omnipotentia situm sit illam augere. Nimirum infinitum nulla accessione maius esse potest.

X.
Eiusdem
Adoratio.

Hanc igitur admirabilem, planèque diuinam cognitionem maiestatis tuæ, Deus Opt. Maxime, quæ est ipsa diuinitas tua, colo, venerorque supplex, cum vniuerso cœtu filiorum tuorum, qui partim conspectu iam tuo fruuntur in cœlis, partim eius fruitionem, post longinquæ huius ac periculosa peregrinationis decursum, sperant, ac præstolantur. Veneror, inquā, illustrissimum hunc intellectum tuum, à quo illustrantur omnia, quæcumque patent, aut latent in rebus creatis: principium ac fontem vberissimum cognitionis omnis, quæ angelis hominibûsque communicata est: quorum aliqui cum tantam inde copiam, comparatione cæterorum hauserint, coniecturam præbent quantus sit fons, ex quo tales riuuli proficiuntur: simulque in illius honorem, cum omni animi summissione, quæso precorque, ut geminam nobis cognitionem propitius largiaris, alteram præsentia tuæ, & oculi omnia perpetuò contuentis; alteram ignorantia nostræ, malitiæ, infirmitatis, ut timor animique demissio, quæ inde efflorescent, tibi sit iuge sacrificium laudis, quo maiorem quotidie copiam promereamur sanctissimi amoris tui.

C A P V T IV.

Alterum diuinæ pulchritudinis fundamentum, impeccabilitas.

I.
Omnia de-
fectui obno-
xia præter
Deum.

TRANSEO ad alterum diuinæ pulchritudinis fundamentum, impeccabilitatem. Habet enim Deus naturam defectus omnis ita expertem, nulli ut imperfectioni subiacere possit; quæ perfectio in Deo

ita singularis est, vt in nullum alium ex naturæ suæ principiis conuenire possit. Cuius rei hæc ratio est, quod quæcunque creata sunt, ex nihilo educta sunt omnia; & suo pte nutu in illud ipsum nihilum vergunt, ex quo fluxerunt. Nam quæ ex terra profecta sunt in terram abeunt, & quæ ex corruptione orta sunt, prona sunt ad interitum, & quæ defectibus obnoxia sunt, paulatim sua sponte deficiunt, & ruinam minantur: ita quod pridem nihil fuit, potest in nihilum defluere, adeoque defluit, nisi Dei benignitate perpetuo sustentetur. At Deus exiit necessarîo semper fuit, semperque futurus est Deus. Itaque Propheta regius, *Prinsquam montes fierent, aut formaretur terra & orbis, a seculo, & usque in seculum tu es Deus.* & alibi rursum, *Quoniam hic est Deus, Deus noster in æternum, & in seculum seculi.* Deus non potest non esse, nec aliter esse quàm summè beatus; beatitas autem non potest cum peccato consilire; est enim peccatum quoddam non esse, aut esse miserum.

Præterea Deus immutabilis est, sicut ipsemet non semel testatur, itaq; immutabilis, vt ne in melius quidem mutari possit: iam enim habet illud melius, quod animo fingi potest, reuera autem esse nullo modo potest. Diuinum enim esse omnium, quæ in mentem venire possunt, beatissimū est, habetque in se, & ex seipso felicitatem omnibus numeris absolutam. Labi autem posse in peccatum, est esse valde mutabile, & omnium deterrimæ mutabilitati subiaceret. Qui ergo mutari peccando posset, statimque pulcherrimum, beatissimum, perfectissimum, in cœdissimum, miserissimum, imperfectissimum commutare? potentiam & bonitatem in malitiam & infirmitatem? hæc enim in peccato sunt omnia, talémque esse posse, non est esse beatum. Neque enim potest esse beatus, qui scit incertam esse beatitudinem suam, seque fieri posse infelicem.

Adde quod peccatum aberratio quædam est voluntatis, à recto rationis itinere deflectentis. Si ergo voluntas aliqua reperitur, quæ sit ipsa per se recta regula rationis, sicut seipsam deferere non potest, ita neq; à recta ratione declinare, quod est peccare. Huiusmodi autem est Dei voluntas, ab eaque ita rectitudo pendet, vt hoc ipso rectum sit aliquid, quia Deo placet, non autē Deo res aliqua placeat, quia recta sit. Et sancti quidem hoc dono fruuntur in cœlo, sed ex mea gratia, Deus autem ex ipsa suæ perfectione naturæ, quod est multò perfectius, & ei congruentius, qui est in totius perfectionis apice constitutus. Ex hac porro doctrina cōsequens est, eum qui perpetuo diuinæ voluntati adhæret, peccare non posse, sicut qui rectam regulam in ducendis lineis semper adhibet, obliquam ducere non potest. Quod videtur significasse Ioannes cū dicit, *Omnis qui in eo manet, non peccat.* & quæ Sol illuminat in tenebris ambulare non potest.

Et quando peccatum est summa sorditas, & macula & damnum animæ ratione ventis, cum ratione enim, quæ est eius essentia & natura, directio pugnat; sicut summum oculi malum est cæcitas, & sorditas facultatis audiendi, necesse est impotentiam peccandi, quæ

II.
Imprecabilis Dei eius immutabilitate.
Malach. 3
Num. 23. 19

III.
Quodque voluntas sit regula iustitia.

1. Ican. 3. 6.

IV.
Impeccabilitas summa diuina natura bonum.

naturæ intelligenti, ex eius naturæ perfectione conueniat, qualis in Deo est, summam esse perfectionem, & pulchritudinem naturæ diuinæ, quæ neque amitti, neque minui, neque obscurari villo modo potest. Sol quidam est, cui nulla nubes, nulla caligo, nulla corporis vllius oppositio natium lumen auferre potest; cælum est solidissimæ firmitatis, cui immensa vis ignium orbi lunæ adiacentium labem inferre nullam potest; lorica est ferrea, ita temperata, nulla vt farissa, aut catapultæ insperatorum casuum traici possit. Instar est cocci præstantis, quam nulla macula contaminat, aut nobilissimi adamantis, quem, vt veterum plerique prodidere, nominis eius notatione persuasi, neque incus, neque malleus, neque vis vlla infringere, aut domare potest.

V. Si ergo Deus cælitibus tanquam singulare priuilegium largitur, vt *Eique non aduentitia est, sed naturalis.* deinceps peccare non possint, quo vni omnium beatissimæ Virgini, suæque sanctissimæ humanitati concessit in terris, quanta in Deo debet esse ista perfectio, qui eam à seipso possidet, ex diuinæ nobilitate naturæ? Quanto peccatum deterius est malum, aut turpius, tanto præstantius est bonum non posse peccare. Eundem ad modum, quod fœdior res est, atque miserabilior desipere, furere, insanire, tanto excellentius est, tanta esse firmitate mentis atque iudicij, nulla vt ægritudine, vel casu labefieri queat. Et vniuersè loquendo, quo grauius est aliquod malum, hoc excellentius est illi oppositum bonum, præsertim si tam solidè firmiterque possideatur, vt amitti non possit. Quo pretio diuites, & ambitiosi emptam cuperent certitudinem seruandarum opum, aut gratiæ apud principes viros? Quanti emerent, qui rectè valent, longitudinem iucundæ vitæ, sanitatisque constantiam? Quanti denique amici Dei facerent eam gratiam, quæ in hac vita vltra non peccarent? quantò esset eorum anima illius accessione doni pulchrior, atque pretiosior?

VI. Hoc ergo alterum est fundamentum perfectissimæ, atque absolutissimæ pulchritudinis tuæ Deus meus, quod vim omnem cuiuscumque rei creatæ, longè multumque transcendit. Hoc ius quoddam est, & prærogatiua beatorum, fuitque olim in terris Christi domini, & sanctissimæ parentis eius, ad quam nemini præterea à rerum conditu aspirare licuit. Gaudeo vehementer, tibi que gratulor tantam dignitatem, perfectionem, absolutionem, nihil vt indignum aut indecorum nobilissimæ naturæ tuæ facere possis. Gratulor quoque generi vniuerso mortalium, quod dignatus sis nos ad participandam tantam perfectionem, tamque expectandam, aptos habilisque reddere; ne quæso patiare nos spe nostra decidere, aut consilia tua fructuosissima nobis, irrita reddere. Intuere propitius huius conditionem vitæ, quæ lubricis in locis ac lutulentis ducitur, quo fit vt labamur non raro, & inquinemus innocentiae vestem, tua nobis liberalitate concessam; eam ergo famulis hisce tuis largire gratiam, qua & hîc à peccatis celsamus, & apud te partifices efficiamur impeccabilitatis tuæ.

Excita

Excita potentius ad meliorem mentem plerisque mortales, qui propria experientia edocti, suam ad peccandum procliuatatem agnoscunt, & subinde sentiunt quantula res eos labefactet atque deiiciat; qui nihilominus hanc propensionem improborum hominum consuetudine, pessimorum librorum lectione; cibi potusque intemperantia, aliisque ad nequitiam ducibus vehementer amplificat; quo fit ut in turpia peccata subinde prolapsi, *fiant abominabiles, sicut ea quæ dilexerunt.* Infani, qui non videant, quàm sit præceps eorum amentia, qui hominem morbo ita languentem, ut vix ingredi, aut hære in vestigio possit, per lubrica glacie loca circumducunt, aut per terrifica præcipitia, quæ valentes non sine tremore conspiciunt, decurrere cogunt; fuge male sane has occasiones, hæc pericula, hæc incitamenta peccandi, quia scriptum est, *qui amat periculum in eo peritulum.*

VI.

Petitio gratia peccatoribus.

Osce 9. 10.

Eccli. 1. 17

CAPVT V.

Quid sit, quibusque ex rebus constet pulchritudo, in rebus corporeis ac materiatis.

SAPIENTIA speciosior est sole, & super omnem dispositionem stellarum; luci comparata inuenitur prior, ut ait Sapiens; iisque comparationibus haud obscure significat, nos dum corporeis hisce vinculis alligati sumus, ad diuinæ sapientiæ, vel ipsius Dei pulchritudinem agnoscendam, peruenire non posse, nisi interuentu, & proportionem rerum, quæ hinc decora specie præditæ cernuntur. Cum autem libuerit infinitæ illi bonitati finem isti nostræ peregrinationi facere, tum demum coram intueri licebit illam pulchritudinem, quam sol & luna mirantur, ut olim de formosissimo sponso suo dicebat S. Agnes. Et ille apud Iobum, *Eccle lu- na etiam non splendet, & stella non sunt munda in conspectu eius.* Illam, inquam, pulchritudinem, in cuius contemplatione omnes beatarum mentium ordines hærent admirabili stupore defixi, perpetuò attoniti, & perpetuò videre cupientes, quod semper vident. Nihil erit tum auxilij à creatis rebus emendicandum, neque iis quasi gradibus utendum, ut ad earum conditorem peruenire possimus. Quoniam autem cœlesti patriæ reservatur ista visio, neque eam hinc oculi nostri ferre possunt, modica hac cognitione, quam ex rebus istis materiatis, atque corporeis haurire possumus, contenti simus.

I.

Vnde hic haurienda diuina pulchritudinis cognitio. Sap. 7. 29.

Iob. 15. 5.

Antiqui Patres, qui olim contra Monotelitas hæreticos disputabant, facile euincebant ponendam esse in Christo domino geminam voluntatem distinctam, sicut & duplicem naturam, quarum vtrique suas habet proprietates, & facultates naturales, quæ à natura ipsa proficiuntur, inter quas est voluntas: itaque natura diuina suam secum inuehit volun-

II.

Proprietates suis naturis respondent.

tatem; inuehit etiā humana propriam & suam. Eodem modo in creatis hisce rebus aliæ spiritus sunt, aliæ corpore constant; quæ ita differunt, vt nihilominus sibi quadam proportionē respondeant, suāsque habeant perfectiones, naturis propriis congruentes. Itaque alia est angeli, alia cæli pulchritudo. Homo autem, qui vtraque ex natura coagmentatus est, corporis animique perfectionibus fruitur, sicut & naturis, & vtraque cognoscere potest, sed ita vt alteræ alteris ad cognitionem famulentur, quia omnis eius in hac vita cognitio pender à sensibus, qui nihil quidquam præter corpora sentiunt, sicut & ipsi sensiles sunt, & corporibus immergi; proportionē tamen rerum corporearum assurgimus ad spiritualia cognoscenda, quæ sunt spirituum propria.

III. Vt ergo aliquid de spiritali Dei pulchritudine cognoscamus, quæ sit
Quid sit essentia ac natura corporeæ pulchritudinis inquirendū est, vt ab ea ad spi-
pulchritudo ritalem pulchritudinē assurgamus. Sic igitur eam describamus si placet, vt sit gratia quædam, & elegans dispositio corporis, quæ visa placet, vel soni, in quo auris, interni sensus, mēsq; ipsa iucundē acquiescit. Aut si malumus in Cratylo audire Platonem. *Pulchram*, inquit, *est boni splendor, in iis quæ oculis, aure, vel mente percipiuntur*. Docet ergo philosophus hic, bonum latius patere quā pulchrum, cū illud ab omnibus sensibus percipiatur, adeoque ab iis, quæ sensu, & vita carent; pulchritudo non item. Itaque rectē dicimus terram arentem pluuiam appetere, vt rem sibi conuenientem. Et vniuersa philosophia docet omnia bonum appetere, nec tamen docet omnia pulchrum desiderare, quod Plato duobus tantum sensibus, & menti accommodat, quæ primaria sunt, & nobilissima nostræ cognitionis instrumenta.

IV. Pulchritudinem igitur non sentiunt res inanimæ, quæ cognitione ca-
Quæ eam rent, neque pulchritudine aliena, ac ne propria quidem delectantur;
percipere pos- neque enim rosa vel liliū, aurum vel argentum, aut preciosi lapides
sint, & quæ de suo nitore, colore, pretio, vel odore sibi placent: & mutæ pecu-
non possint. des, quod stupidiore sunt, hoc minus pulchritudinem sentiunt. Itaque legimus Bucephalum instructu ornatum regio Alexandrum vnum equitem admisisse, eo vero exutum, puerum stabularium non recusasse. Agnoscebat ille suum in nobili & egregio strato decorem, indeque superbia intumescerebat. Philomela quoque cognita cantus sui pulchritudine delectatur, & pro victoria cum musicis animosē pertinaciterque certat. Et inter homines, quod quis agnitione præstat, hoc facilius à pulchro trahitur. Itaque τὸ καλόν, ἀπὸ τοῦ καλόν duci volunt, quod homines ad se vocat, atque allicit. Et inter sensus, qui nobilissimi sunt, & à quibus plus quā à cæteris cognitionis haurimus, percipiunt pulchritudinem, vt ex Platone dicebamus. Cælum enim pulchrum dicimus, & pulchram harmoniam; odorem, aut saporem, aut tactus obiecta, pulchra non dicimus. Eodem pertinet quod homines, qui carni & voluptati seruiunt, pulchritudine rerum spiritualium, quam non

καλόν.

norunt, minimè delectantur, sicut nec florum pulchritudine sordidæ pecudes.

Tribus porrò ex rebus existit, atque efflorescit ista pulchritudo, Integrity rei, decora proportionē partium eius, & claritate, siue coloris suauitate. Integritytem requiri perspicuum est ex deformitate, quam infert priuatio partis alicuius, vt oculi, nasi, aurium in humano vultu. Nemo præclaram domum dixerit, cætera quidem perfectam, sed quæ tecto careat, aut tabulato; addetur enim, si esset absoluta. Clarum quoque est proportionem requiri; idèoque nemo faciem à forma commendarit, si nalis aut maior in ea, aut minor fuerit, quàm vultus magnitudo requirat, si hiatus oris diductior, si frons breuior, si acutum, aut prælongum caput. Domus quoque egregia non est, vt tota materies pretiosa sit, si fenestræ minùs commodè constitutæ fuerint, si scallæ versatiles aut refractæ parum idoneis locis positæ, si tabulata humiliora vel altiora, quàm pro cubiculorum, aut aularum modo, si officinæ domesticæ non satis ad vsum dispositæ congruenter. Iniucunda quoque harmonia est, ingratusque concentus, si absona fuerit vox aliqua vel absurda, & nisi aliis aliæ debito tenore, & æquabili commensuratione responderint. Illud quoque tertium in confesso est vultum coloris adusti, aut nigricantem, istericum aut pallentem, accensum aut rubentem, horridum visu potiùs esse quàm formosum. Sic & domus pulchra, quæ clara, quæ amœna, quæ renidens, quæ grato vbique colore perfusa; contra verò pulchritudine caret, si obscura, si fumosa, si inscripti carbone parietes, si sputis illiti, si alijs sordibus deformati. Est etiam gratia quædam, & tinnitus in sonis, qui huius coloris amœnitati respondere possit.

V.

*Pulchritudo
tribus ex re-
bus efflore-
scit.*

Integritate.

Proportione

*Coloris sua-
uitate.*

CAPVT VI.

Quibus ex rebus pulchritudo spiritalis efflorescat.

AGg nunc ad spiritalem pulchritudinem gradum faciamus proportionem corporeæ, & eandem remetiamur viam. Est igitur ipsa quoque gratia quædam & conformatio elegantis ingenij, quæ speculatricem illius intelligentiam delectat & reficit. Sic oratio pulchra dicitur, narratio elegans, pulchrum poëma, arcanum philosophicum subtile & elegans, iocandi genus elegans, vrbani, ingeniosum, facerum: pulchra libertas, affinitas, amicitia: lingua polita & elegans, aliæque id genus. Quæ omnia neque corpus habent quo placeant, neque colorem, non vocem aut sonum, quo delicatam aurem mulceant; habent tamen vnde politiores animos iucundè capiant, atque retineant.

I.

*Spiritalis
pulchritudo
à quibus
percipitur.*

Itaque animâtes, quæ quoquo modo corporea pulchritudine afficiuntur, nequeunt ad spiritalem assurgere, non magis quàm lapides aut metalla. Stupidi quoque & belluis suppare homines, scientiæ, virtutis, honoris, gratiæ pulchritudinem animaduertere nequeunt; toti ad pastum potumque, pecudum instar, abiecti, toti in libidinum cœno immersi, atque volutati.

II.

*Qualis in re
spirituali In-
tegritas.*

Proportio.

Ecc. 25. 4.

*III.
Claritas
spiritualis.*

Existit hæc quoque pulchritudo ex trium rerum concursu, & quasi symbolo, Integritate, Proportione, Claritate. Integritas, est naturæ spiritualis omnibus numeris absoluta perfectio. Est enim pulchritudo bonum quoddam. Bonum autem certum est ex integra causa constare. Disputatio quæpiam, quamvis & sententiis elegans, & florida verbis, totòque argumento ingeniosa sit, si quid ei ab initio aut fine desit, corpus videtur, capite, pedibusve truncatis. Propositum studiosæ vitæ atque laudabilis, quod sua absolutione careat, initium boni operis quod medio in cursu deficiat; vitæ innocentia, in qua coronis perseverantiæ desideretur, neque pulchra est, neque accepta immortalī Deo, neque grata mortalibus. Proportio est concinnus quidam responsus, & quasi concentus partium inter se, & cum ipso toto, qualis est in cithara fidium, aut in musica vocum: quarum singulæ mira inter se proportionem respondent. Quo etiam pertinet illa cautio, ne propylæum sit maius, aut etiam speciosius templo. Id ipsum ferè in oratione cernitur, cuius aditus, expositio, probationes, complexio, rectè verbis inter se, sententiisque congruunt, ubi nihil notari potest inter se dissonum, nihil pugnans, nihil præceptis aduersum. Sic dicimus demissionem animi consentaneam esse humili loco natis. Et si enim illustrior est & laudabilior in illustribus viris, Sapiens tamen nominatim se odisse fatetur pauperem superbum. Est enim in paupere quàm in diuitè intolerabilior superbia, sicut & mendacium in diuite, & nequitia in sene. Eodem modo dicimus belle conuenire pudorem puerili ætati, senectuti prudentiam, iunioribus fortitudinem, commiserationem fœminis, timorem infirmis, animi denique magnitudinem, in aggrediendo agendoque, principibus viris. Nemo enim negauerit huiusmodi affectus, talibus personis admodum esse congruentes.

Tertia huius conditio pulchritudinis est claritas, quæ est splendor quidam vibrans, & radios decoris illustriores in mentis oculos eiacularans; qualis est in gradu heroico splendor patientiæ, charitatis, fortitudinis, liberalitatis, cæterarumque virtutum, quibus homines nobilitantur, atque illustres fiunt, quales plerosque in historia Græca Romanaque legimus, multoque plures atque illustriores in Ecclesiastica, in sanctis sexus utriusque Martyribus, & Confessoribus: quorum illustria gesta qui intuentur, illuminantur, ut si pigeat in arduo itinere præcedere, non pigeat sequi, & in alieno vestigio pedem ponere.

In rebus corporeis in promptu est splendorem agnoscere, vt in sole, IV.
 luna, cæterisque syderibus: in auro, argento, crytallo, pretiosisque la- *Claritas*
 pidibus: suavis quoque & gratus color candidus, fuluus, rubicundus, *corporea.*
 aliûsve pro cuiusque rei conditione, vt in niue, in floribus, in humano
 vultu. In sonis quoque claritas facillè dignoscitur, qualis est vox quam
 claram, argenteam, clarisonam vocant, cuius est vt in ære tinnitus qui-
 dam, & in volucris clangor. At in rebus corpore carentibus hæc cla- *Spiritalis*
 ritas non facillè agnoscitur, difficiliùs etiam explicatur, vixque aliud di- *cognitu dif-*
 ci potest, quàm eximiam quandam esse, atque eminentem perfectio- *facilis.*
 nem rei spiritualis, quæ in conspectu, oculisque animi nostri vibrat quo-
 dammodo, scintillatque. Talem possumus in Mathematicis disciplinis
 agnoscere claritatem, quæ omnè dubitationis obscuritatem longè ium-
 mouet. Talis est claritas illustrioris ingenij, quod neque rerum difficul-
 tate obscuratur, neque multitudine opinionum aut varietate confun-
 ditur, sed inde pulchrè se expedit, & euoluit inuoluta, digeritque confu-
 sa; claram veritatis lucem è tenebris, quasi ex opaca nube fulgur, eli-
 ciens, & ostentans imperitis.

CAPVT VII.

*Quæ sit diuina pulchritudo, congruenter iis, quæ dicta
 sunt hactenus.*

HÆc necessariò posita sunt à nobis, vt iis quasi gradibus ad diui- I.
 nam pulchritudinem propius ascendamus. Sed primum necesse *Imploratio*
 est auxiliarem ab eo implorare dexteram, quæ nos altius à terra subue- *diuini auxi-*
 hat, simulque aquilinos oculos, quos in conspectu flagrantissimi Solis, *ly.*
 diuinæ, inquam, faciei, immotos retinere valeamus. Illius Solis, qui
 proprium est obiectum aquilarum cælestium, quæ nubes omnes om-
 niâque terrena transgressæ sunt; beatarum videlicet mentium, non no-
 strum, qui mortali adhuc corpori alligati, atque implicati sumus. Ita-
 que oro obtestorque te, amice lector, per illam ipsam diuinam pulchri-
 tudinem, vt quidquid tandem dicere potuerimus, mens tua multo plu- *Mens ultra*
 ra apprehendat, vteriusque cogitatione prouehatur, quàm verba no- *vim voca-*
 stra, imò linguæ omnium hominum & Angelorum ferre possint. *bulorū pro-*
uehenda.

Quod ipsum etiam in rebus humanis contingit. Nam exempli causa II.
 nomine belli non multorum dumtaxat discordia intelligenda est, in qua *Praferim*
 vtriusque ventum est ad manus; sed atrocia vulnera & cruentæ cædes, *in diuinis,*
 sed incendia & vastitates, sed expugnatus puellarum & matronarum *quod simili-*
 pudor, sed innocentium & liberorum indignissimæ seruitutes, sed di- *bus declara-*
 luuium impium calamitatum, atque ærumnarum. Eodem modo Dei *tur.*

nomine non cogitandus tantum est oculus omnia contuens, atque contemplans, ut vocabuli notatio postulare videtur, *sed* enim *ἀπὸ τοῦ θεοῦ* deducunt, sed natura, quæ naturas omnes infinita nobilitate transcendat, sed sapientia, bonitas, potentia, pulchritudo, supra id omne quod animo fingi potest, quoniam nulla cogitatio, nulla orationis vbertas, nulla verborum maiestas, aut amplitudo ad illam potest pertinere maiestatem. Sicut nullus est oculus in terris qui eum videre possit, iuxta illud, *Non videbit me homo, & vult*, nisi obscuriore fidei velo interiecto, ut solem videmus in diffusa nebula.

Exod. 33. 20

III.
Descriptio
diuinæ pul-
chritudinis.

Quid ergo est Dei pulchritudo, aut potius, quid eo nomine intelligamus? Constat enim eam reuera nihil aliud esse, quam ipsum Deum. Liceatne dicere diuinam pulchritudinem gratiam esse infinitam, & quasi habitum præstantissimum essentia & personarum diuinarum, qui summè placeat, & contemplantem perfectissima voluptate perfundat, atque absorbeat. Liceat, inquam, ita dicere, aut verius balbutire, definiendo, describendove rem, quæ infinitatem habet nullis terminis, finibusve circumscriptam. Cum gratiam dico, non illam dico qualitatem diuinam, quam Deus animis hominum infundit, ut in Dei filios adoptentur; neque fauorem illum, aut beneuolentiam, qua homines inter se diligunt, vel qua gratiosi dicuntur apud principes; sed decorem quendam, qualem in virtute, & honestate prædicamus, aut in corporis gestu motuue elegantiam, & concinnitatem; quæ bona quoque gratia vulgò dicitur.

IV.
Explicatur.

Dixi infinitam: æqualis enim est, imò eadem reipsa cum bonitate, quæ infinita quoque est, & ambæ eadem sunt cum essentia, quæ modis omnibus infinitatem habet. Omnis rerum creaturarum decor, venustas, elegantia terminos habet, & quidem ferè perangustos, quos ultra transgredi non potest; & quantacunque amplitudine distendatur, finitos naturæ suæ fines, ex qua ut principio & causa illæ proprietates manant, superare non potest. Hæc autem diuina gratia eas omnes latissimo amplexu cōprehendit: quod egregia illa apud Dauidem vox innuit, *Et pulchritudo agrum mecum est*, imò cœli & terræ, & omnium quæ illorum ambitu continentur. Percense, si potes, omnia numerando, à vilissimo vermiculo ad Archangelum Michaëlem, à materia prima ad diuinæ gloriæ theatrum, tū illas omnes pulchritudines in vnum coge, ne sic quidem ad millefimam partem infiniti illius decoris & gratiæ perueniturus es: imò ne si vniuersis istis addideris omnem speciem & venustatem, quam diuina omnipotentia ex nihilo educere potest; finitam enim omnia necessariò perfectionem habebunt, cuius nulla est ad infinitatem proportio.

V.
Circæ eam
affectus.

O gratiam, & decorem verè diuinum! ô pulchritudinem infinitam! ô dignitatē, cui nihil æquari, aut componi potest; ecquis mihi verba suggeret, quibus dignum aliquid de te eloqui possim? aut, quod optabilius etiam est, quis mihi det oculum, qui te in teipso intueri possit, & cor,

quod tui amoris ardore colliqueſcat ! O inepti caducæ pulchritudinis amatores ; fatui cultores elegantiarum , quæ ab illo perenni fonte , aut abyſſo potiùs , per tenues riuulos in hæc creata deriuantur , cur non ad fontem ipſum accurritis ? cur non immenſum illum gratiarum theſaurũ ambitis ? cur non intuemini , cum ardenti fruendi deſiderio , illam vniuerſam , ſingularem , incomparabilem pulchritudinem ? Quæ licet toti ſanctiſſimæ Trinitati communis ſit , ſine vlla tamen diuiſione , in ſingulis eſt infinita perſonis . Non enim pulchritudo Dei alicuius eſt diuinæ perſonæ proprietas , ſed omnium perſonarum , ipſiùſque diuinæ naturæ communis , ſicut ſapientia , potentia , bonitas , æternitas , cæteræq ; attributa diuina . Et ſicut humanæ animæ pulchritudo cõmunis eſt memoriæ , intelligentiæ , voluntati , ita non alia eſt pulchritudo filij ab ea , quæ patris eſt , & Spiritus ſancti , adeoq ; ne intelligentia quidem , aut voluntas .

Denique pulchritudo hæc , eſt amœniſſimum quoddam eſſe Dei , & quaſi amabiliſſimus habitus eſſentiæ , ac perſonarum diuinarum , Deo maximè proprius , maximèque conueniens : cuius tanta eſt præſtantia , tam abſoluta elegancia , tam exquisitus decor , omnes vt hominum & Angelorum ſenſus exſaturet lætitia , expleat gaudio facultates , quæ in illo deliciarum Oceano innatant , atque abſorbentur . Nec mirum : cum hic ipſe Oceanus immenſam Dei amplitudinem capere , atque explere poſſit . Neque enim Deus cuiuſquam alterius contemplatione , aut fruitione beatus eſt , quàm ſui ipſius . Itaque vna eadẽque res , & noſtræ , & diuinæ beatitudinis obiectũ eſt , idẽmq ; ſpeculũ , quod perpetua , ſummaque cum voluptate contẽplabimur aliquando . O Iacob , Iacob , qui quatuordecim illos annos , laborum moleſtiarũque pleniffimos , ad fruẽdã Racheliſtux pulchritudinẽ bene collocatos putabas : quãto maior b . moleſtiis , quanto diuturniori labore digna eſt hæc diuina pulchritudo .

O famuli Holofernis , qui Iudithæ gratiam , & mirabilem venuſtatẽ , dignam æſtimabatis veſtri aduerſus Hebræos belli mercedem , quanto dignior eſt diuina illa facies , vt pro eius contemplatione ac fruitione ſempiterna , homines vniuerſi bellum implacabile aduerſus vitia , & perturbationes animorum , contra mundum , carnem & dæmonem ſuſcipiant , totaque vita gerant ? Miſeri , inconfulti que Troiani , qui impuræ mulierculæ decorem & elegantiam non indignam cenſuiſtis , cuius cauſa indigniſſimam quinquaginta regionum filiorum cædem pateremini , regni florentiſſimi incendium & vaſtitatem , imperij denique Aſiatici luẽtuoliſſimam euerſionem ; quid reſponſuri ſumus Deo noſtro , cum nos componet vobis , & intolerandum pudorem iniiciet , quod reipſa poſthabuerimus pulchritudinem ſuam , & diuini vultus contemplationem , neſcio quibus carneis pulchri ſimulachris ; ineptis ſubitòque deſluentibus muliercularum formis , quarum cauſa , adulteri à Deo facti ſumus , & amoris illi debiti fraudatores .

Plerique mortales vt pulcherrimas , ampliſſimãſque Gallix , Italiæ ,

VI
Alia eiùſdẽ
explicatio.

VII:
Varius
affectus.

VIII.

Cum com-
parationibus
urbium.

Germaniæ, Hispaniæque ciuitates inuisant, syluas densissimas, latro-
nibus & feris formidolosas traiciant, in erectos, sublimésque Alpium,
Pirenæi, & Apennini montes adrepunt, nec periculum obrigescendi
frigore, aut sepulchri in altissimis niuib. sortiendi reformidant, non
fluctus furentis Oceani, non tempestates ventorum, non piratarum in-
sultus, non bonorum omnium iacturam, non vitæ subinde repetita dis-
crimina: vt autem cœlestem illam Hierosolymam, dominam gen-
tium, principem prouinciarum, gaudium vniuersæ terræ inuisant, per-
modico labori parcunt: ex qua tamen facile, si dignum putarint specta-
culum contemplatione sua, clarissimas, florentissimásque vrbes totius
orbis, & quæcunque in eis elegantissima, visendæque reperiuntur, in-
tueri licebit; vnde per orium, ac periculi expertes cœlites, omnia maria
terrásque, notas ignotásque retegunt; arces, castra, prouincias, regio-
nes, insulas, portus, freta, littora, flumina, paludes; denique quidquid
sol ille suum circumuectus orbem illustrat. Et nos insani, ad tanto no-
biliaris obiecti contemplationem, modicum laborem, quem postulat
Dei amor & cultus, subterfugiemus?

IX.
Et carnea
pulchritudi-
nis.

Luc. 17. 5.

Psal. 44.

O breui periture carnis decor, quomodo tantum nactus es virium,
vt Salomones quoque ad insanos amores adigeres, cum immortalis il-
la & incomparabilis Dei pulchritudo, ad inflammandos ad sui amo-
rem mortales, sapientésque efficiendos tam parum possit. Pi oh quan-
tum sensibus addicti immersique sumus! quàm tenuis, quàm exilis est
nostra fides! *Domine adauge nobis fidem*, & libera nos à tam infelici, tam-
que generali cæcitate: ne permittas nos, puerilem in morem, frustra vi-
treæ colorata, pro adamantibus, carbunculis, & smaragdis eligere; effi-
ce potius vt infinitæ, verissimæque pulchritudinis tuæ amatores effecti,
ad illius contemplationem aliquando admittamur, eius auxilio, & me-
ritis, qui *speciosus forma præ filiis hominum*, atque adeò præ filiis Dei,
omnes spectatores suos immenso gaudio, in omnem cumulabit æter-
nitatem.

C A P V T VIII.

*De diuina pulchritudine, ex integritate, prima eius conditione,
vel parte, elicitæ.*

I.
Apparatus
ad agnosce-
dam Dei
pulchritudi-
nem.
Sap. 13.

INCONSULTI olim mortales, veri Dei cognitione destituti, cum
sublatis in cœlum oculis, solis & lunæ splendorem demirarentur, ita
eo fulgore sunt excecati, illum vt falso diuinitatis titulo honorare non
dubitarent, qui tamen in res inanimas, ac sensu carentes cadere non
potest. At oportebat potius ex istarum rerum pulchritudine conicere
quanto

quanto pulchrior esset, atque præstantior is, qui architectatus illos orbes, illam eis naturam, decorémque tribuisset. Habet enim maiore cum perfectione collecta in se omnia, quæ sigillatim singulis in rebus dispersita reperiuntur; quomodo Crotoniatarum omnium puellarum venustas, in Helena Zeuxis Heracleotæ collecta visebatur. Hoc nimirum est quod, pro modulo nostro, conamur hoc tempore. Atque utinam diuina illa species eximium aliquem Zeuxin, aut Aglaophontem, aut spiritalem Apellem nancisceretur, qui summum illum decorem, quem adumbrare cupimus, & amabilem reddere, posset elegantius, quamuis longè infra meritum rei, ingenioso imitari penicillo.

I. de Inu. et.

Præcedens porro disputatio minimè perfecta est, non habita solum ratione absolutionis, quam à meliore artifice, per amplissimum diuinæ pulchritudinis campum excurrente, posset adipisci, sed habita ratione fundamentorum quæ iecimus, & graduum quibus conamur, non gigantum more, per vim cælum inuadere, sed paruulorum adhuc filiorum instar, ad magnum illum parentem videndum, atque amplectendū subuehi. Molimur enim, rerum creatarum formis, quasi quibusdam nixi gradibus, ad illam assurgere, propiusque accedere pulchritudinem, cuius amore cupimus inflammarī. Negamus enim perfectum adhuc esse hoc disputationis caput, donec in diuina pulchritudine tria illa perscrutati fuerimus, quibus venustatis natura componitur, Integritatem, Proportionem, Claritatem, quæ eodem ordine persequemur.

II
Ex rebus
creatis.

Dicamus igitur in promptu esse cognoscere, ac docere integritatem in corporum pulchritudine requiri; quæ enim corpore & materia constant, pluribus ex partibus, ad totum aliquod conficiendum, coalescunt. Si desit in vultu oculus, auris in capite, in manu digitus, pes alter in corpore, facile defectus agnoscitur, & istius causa deformitatis. At arduum est intelligere, aut aliis contemplandam præbere eandem in Angelis, aut animabus, quæ corpore partibusque carent, proportionem quadam integritatem. In Deo autem, qui est actus purissimus, longèque ab omni vel spiritali, vel corporea compositione alienus, longè difficillimum. Audax sanè negotium atque insolens, dicerem etiam temerarium, & impudens, si nostro ingenio, industriæque niteremur, & non singulari eius auxilio, ductûque, cuius spe & fiducia, vela ventis iamdudum dedimus, in hoc diuinæ pulchritudinis Oceano.

III.
Difficile capi-
tur, aut
explicatur
integritas in
rebus spiri-
taliis.

Quibus ergo vestigiis indagabimus, aut quibus verbis circumscribemus hanc in diuina pulchritudine integritatem? Num coagmentatio quædam est, & aptè consentiens, copulatio partium? Minimè gentium; nullæ quippe in Deo sunt partes, nec eius immensitas extensionem habet, ut diuidi possit in partes. Num in eo posita est ista integritas, ut omnium rerum creatarum perfectiones simul collectas obtineat, omnibus imperfectionibus, omni definitione, aut circumscri-

IV.
Inuestigatur
in Deo.

ptione seclusa? Nullo modo. Etsi enim iis omnibus cumulatissime locuples est, si tamen iis careret omnibus, non minùs propterea pulchritudo diuina suam haberet integritatem, atque absolutionem. Et quamuis multa condidisset mundorum millia, eorùque perfectiones omnes contineret vnus, ne tantillum quidem inde ad integritatem decoris eius accederet. Sicut enim omnia, quæ à Deo condita sunt, aut condi possunt, Deo addita non faciunt aliquid melius, quàm solus Deus, ita neque aliquid pulchrius: quamuis lauti mercatoris opes, regis additæ copiis, diutius aliquid efficiant; nimirum hîc vtròque finita res est, illic non item. Nam præter omnes perfectiones, quæ diuina virtute possunt existere, habet ipse præterea infinitam perfectionem & pulchritudinem increatam ipsius essentia, ac naturæ diuinæ.

V.

Varia nomina pulchrit.

Et descriptio integritatis eius.

Quid igitur est ista integritas, in eo pulchro, quòd Areopagita Dionysius vocat το καλόν, τὸ κάλλιον, τὸ πάσι καλόν, quasi dicas, Ipsum pulchrum, ipsum super pulchrum, ipsum omne pulchrum? in eo pulchro, quod Plato in Symposio vocat, πλὴν πέλαγος ὅτι καλοῦ, τὸ αὐτὸ καλόν, ὁλοκρινὲς, καθεαὶν, ἀμικτον, αὐτὸ τὸ θεῖον καλόν μογεσίδις. Magnum pelagus pulchritudinis, ipsissimum pulchrum, syncerum, purum, non mixtum; diuinum ipsum, vniùsque formæ pulchrum. Quomodo tandem hanc decoris diuini adumbrabimus integritatem? Dicamus, si placet, videri hanc integritatem, esse plenam, absolutam & vniuersam perfectionem diuinitatis, quæ eximie possideat, quidquid sapienter æstimare possumus tantæ maiestati convenire. Sicut exempli causa, si queramus, quid requiratur in principe planè perfectò, omnibùsque numeris absoluto, quæ illius idea, quæ forma sit sapientum mentibus impressa. Nolo hîc lectorem meum ad Xenophontis pædiam, aut Gucuaræ horologium, alteriùsve eruditi scriptoris commentarium amandare, sit ipsemet arbiter, eumque iis rebus instruat, quas in eo sapiens prudenter desideret.

VI.

Perquiritur similitudine principis.

3. Reg. 4. 19

Principiò cupies illum ingentes possidere diuitias, auri & argenti, facti infectique plurimum. Id aliquid est. Optabis deinde multos vt populos subiectos habeat, multam in eis nobilitatem, viròsque pietate atque eruditione præstantes, quorum opera in eorum gubernatione vti possit. Rectè. Voles fidelibus amicis, & rerum gerendarum peritis, viles fœderatis, qui plurimùm possint, longè latèque abundare. Præclare. Requires arcès ac ciuitates firmas ac florentes, rebùsque omnibus affatim instructas. Laudo hoc quoque, sed hæc externa sunt omnia, interiora videamus. Animum in eo desiderabis generosum ac regium, qui rerum aduersarum ponderi minimè cedat, aut frangatur, qui magna cogitet, desideret, prudentérque suscipiat. Magnam rem desiderasti. Optabis illi contingere, quod de Salomone in sacris voluminibus legimus. Dedit quoque Deus sapientiam Salomoni, & prudentiam multam nimis, & latitudinem cordis, quasi arenam, quæ est in litore maris, id est abundan-

ter, & sine parcimonia, non secus ac si arenam largiretur.

Velles quoque eundem aduersus Regem regum esse egregiè pium, & diuinorum beneficiorum memorem in primis, à quo vicariam potestatem acceperit; velles liberalem erga omnes atque magnificè, quoniam in virtutibus regis magnificentia magnum habet splendorem. Velles egregium iustitiæ cultorem & administrum, meritis sua præmia plena manu pensantem, & improborum audaciam & scelera castigantem. Optares præterea mitem ac clementem erga miseros & ærumnosos, & alieno præsidio destitutos: optares placabilem erga eos, qui infirmitate potius, quàm animi inductione peccassent. Et ita de cæteris dotibus perfecti principis: ad cuius exemplum non difficile erit exigere ideam boni Præsulis, Imperatoris, Senatoris, Præsidis, matronæ nobilis, religiosi viri, & aliorum. Liceat ergo proportionem cogitare perfectam ideam, & exemplar absolutissimum infinitæ maiestatis, cui nullæ omnino dotes, quæ illam deceant, nulla ornamenta desunt, non potentia, non sapientia, non bonitas, non iustitia, non clementia, non animi magnitudo. Ad sit felicitas, æternitas, immutabilitas, prouidentia, magnificentia, charitas, & quid quid Sapiens iudicauerit pertinere ad integritatē, absolutissimamque perfectionem pulchritudinis spiritualis, augustissimi huius totius mundi principis. Sed hoc ipsum placet alia quadam ratione explicare.

Si in nostra potestate foret creare aliquem Deum perfectissimi decoris atque integritatis, non ita opinor desiperemus sicut olim Egyptij, apud quos non turpissimæ solum nocentissimæque belluæ, sed & ortorū quoque olera diuinitatē obtinebāt; sed tam exca insania cōdēnata, illi naturam, solum ac fundamentū cæterorum bonorum, tribueremus, quæ naturā quamcunque perfectione transcenderet, siue elementorum, quæ oriuntur & occidunt, siue cælorum, qui crassa constant stupidaque materia, siue animarū humanarū, aut angelicorum spirituum, quæ ex nihilo prodierunt. Naturam, inquam, illi tribueremus, non ex diuersis contritamentis partibus, non aliunde dependentem, siue ut esset, siue ut illi bonè beatèque esset; illud enim totum mancum foret & imperfectum: sed naturam purissimā prorsusque simplicem, eminenter tamen continentem quidquid boni posset ex plurium rerum compositione contingere.

Isti porro tam præstanti naturæ bonitatē assignaremus, cognitionēque infinitam illi congruentem, & parem utrique potestatem, nullius opis indigentē, & cuius nulla posset obistere. Assignaremus & infinitā, atque impenetrabilem supremis ipsis mentibus, super omnia creata prouidentiam, infinitā iustitiam, misericordiam, felicitatem. Vellemus nullum esse locum, aut tēpus, quod eius præsentia careret; sic enim res melius haberet quàm secus, & præstantissimas cuiusque rei status, qui menti possit occurrere ascribendus est Deo. Vellemus æternū, immutabilem, nullis finibus circumscriptum, denique Deum omnium perfectionum choro septum, atque imbutum. Et quoniam superflua est mul-

VII.

Et eorum
quæ in eo
considerantur

Applicatur
proposito.

VIII.

Alia ex
mā exp
ratio,

IX.

Quæ in Deo
requiri pos-
set.

titudo, si id ipsum possit præstare singularitas, optaremus omnes huiusmodi perfectiones in vnâ aliquam, sine vlla imminutione coalescere, quæ non esset aduentitia Deo, vel ab eo separabilis, sed illa ipsa vis, ac natura diuina.

X.
Complexio
cum gemino
documento.

Prius.

Non habeo quod dicam accuratiùs de primo quasi fonte diuinæ pulchritudinis, pro nostra de re tanta sentiendi, loquendique iciunitate. Quod si pleraque horum non vni tantùm diuinæ formæ, sed aliis quoque ipsius perfectionibus conveniunt, minimè mirum videri debet, cum omnia Dei quæ dicuntur attributa, vnica sit singularisque perfectio, aut potius actus vnicus, idemque purissimus, simplicitatis, ac perfectionis infinitæ, vti modò dicebamus. Ex hoc porrò primo capite, & fonte pulchritudinis, duo licet capere documenta. Alterum est, nullum nobis, præter Deum, quærendum esse amoris obiectum, quando in eo quidquid amari potest, aut desiderari, integrè reperiri possit; & si ab illo discesseris, inania, falsa, & fucata sint omnia, larvæ personæque ludentium, non vera pulchri facies, ac decoris.

XI.
Posterius
documentū.

Iac 2.10.

Alterum est, si Deum volumus in animæ nostræ venustate acquiescere, ne cogitemus sat esse aliquot Dei præcepta obseruare, aliquot peccatorum species auersari, vni alterive dumtaxat virtuti operam dare, sed studendū nobis est vniuersis, nullum habendum cum quauis noxa commercium, in vniuersam Dei legem, sine vllius particulæ negligentia, incumbendum; *Qui enim in vno legis capite offendit, factus est omnium reus.* Cælum enim non secus amittet, ac si omnia legis capita violasset, quamuis minore supplicio sit afficiendus. Perfectio in virtutum omnium concursione consistit, aut in perfectione charitatis, quæ omnes amplectitur: & beatitudo in omnium bonorum complexu posita est, quæ in vno Deo reperitur. Ne continentia laborem, defectu demissionis animi, amittamus; aut ne istius mercedem, defectu patientiæ, & ita de cæteris. An putamus omnes, qui sunt in inferis, omnia admisisse peccata? omnia mandata transgressos? omnes conculcasse virtutes? vnus præcepti transgressio, vnus virtutis negligentia, vnum facinus admissum, illam dilacerat integritatem, quæ primum est pulchritudinis fundamentum, quam Deus diligit in nobis. Sed transeamus ad secundum.

CAPVT. IX.

I.
Quanti in-
ter sit propor-
tio ad pul-
chritudinē.

De proportionē, altera conditione pulchritudinis.

HOc alterum pulchritudinis fundamentum tantum habet ad illam momentū, vt quamuis singulæ partes eximio decore fulgeāt,

nisi tamen aptè inter sese, & cum ipso toto congruant, monstrosam afferunt deformitatem. Sumito leonem, si placet, Africæ totius elegantissimum, impone humano corpori illius caput, nonne horribile monstrum effeceris? Pulchritudo mundi in ordine & proportionem consistit, quæ nexus est & vinculum durationis, & omnium rerum creatarum quasi fœdus quoddam & amicitia. Deus olim in huius molitione vniuersitatis singulorum dierum opus bonum esse pronunciauit: at ubi totius hebdomadis opificium perfectum fuit, & ipse conditor omnium inter se partium conuenientiam, & quasi concentum aspexit, & singularum, qui inde efflorescebat, decorem, *vidit cuncta quæ fecerat, & erant valde bona.* Quod obseruarunt S. Ambrosius, S. Ioannes Damascenus, c. 6. & alij nonnulli.

Plato in suo Timæo, & in libro de Mundo Aristoteles, & Clemens Alexandrinus in exhortatione ad Græcos, hanc pulchritudinem, quæ ex partium inter se proportionem nascitur, ita prædicant, ut illam de summis perfectionibus, quas Deus rebus à se creatis appinxit, vnam esse putent. Nihil est rerum perturbatione & confusione deformius, qualem in Tartareo carcere esse nouimus, *ubi nullus ordo, sed s. mpiternus horror inhabitat;* quale quondam chaos ethnici fluxere, in quo

Frigida pugnant calidis, humentia siccis,

Mollia cum duris, sine pondere habent: a pondus.

denique *Omnia natura præpostera legibus ibant.*

E contrario quid pulchrius, & amœnitas ad contemplandum, illa rerum omnium cōlocatione commodissima, harmonicæque, ut fidium in lyra, concentus; & partium singularum cum suo corpore conuenientia, & opportunitas? id si placet gemino duntaxat illustremus exemplo.

Primum erit de primariis maioris huius mundi partibus, quæ insipientibus confusa fortasse videatur, aut, quo fors loco tulit, collocata: quæ tamen tam congrua proportionem posita, tamque aptè suis sedibus sunt contributa, ut perspicue prodant infinitam illius sapientiam, qui eas condidit, atque distribuit. Sapienter enim prouidit ut elementa, quæ proxima erant futura, ita ut alterum in alterius sinu complexuque moraretur, vnius qualitatis communione iungerentur. Terra omnium grauissima infinitum locum occupare debuit, & à cælo remotissimum; multum enim cæteris principiis, igni, aëri, aquæ dignitate cedit. Eadem cum aqua frigore conuenit, aqua cum aëre humorem habet communem, & hic cum igne calorem, ignis cum cælo lumen. Habent & proportionem dignitatis ordinem, tam cæli inter se quam elementa, ab empyreo cælo usque ad lunam, & ab igne ad terram usque, occupat vnumquodque locum officio, præstantiæ, & rerum conseruationi congruum.

Alterum erit de homine, quem rectè mundum minorem nuncupant, maior tamen est perfectionum multitudine & dignitate, quas in eum largè Conditor eius profudit, quæ non raro naturæ speculatores philo-

II.

*Vel eius de-
fectus ad de-
formitatem.*

Job. 10. 22.

III.

*Proportio in
maioris mū-
di,*

*Vide Co-
nim. 4. Phy.
c. 5. q. 3. & l.
1. de cœl. c.
1. q. 1. a. 5.*

IV.

*Minoris que
partibus.*

sophos, & anatomices peritos in stuporem, aut ex pectore clamores excussit, obseruantes mutuam singularum partium coniunctionem, vsum, feruitutem, conseruationem: adeo vt, quod obseruauit Romanus Orator, quæcumque in eis mutatio contigerit, illico pereat cum proportionis pulchritudo, vsusque ipse deprauetur atque peruertatur. Muta locum brachij, nasi, oculi, quid possit aspici deformius? Dimoue os aliquod è sede sua, luxa coxam, aut brachium, diffluat intestinum in locum non suum, ecquis existit, præter deformitatem, cruciatus ac dolor? Illud etiam est admirabilius, in tanto musculorum, ossium, neruorum, tendorum numero, tantæque vi partium externarum, atque internarum humani corporis, nihil addi posse, nihil detrahi, nihil mutari aut transferri, quod non malè habeat, atque deformiter.

CAPVT X.

De diuinarum perfectionum proportionem, & decore suspicio.

I. *Diuinorum
attributorū
consonantia.*
Sap. II. 11.
Aug. I. de
nat. boni c.
3. Conimb.
II. de cœle.
c. I. q. I. a. 5.

CVM ergo diuina sapientia in totius huius vniuersitatis, & singularum eius partium molitione ac structura tam decora proportionem vsa sit, vt rectè dixerit sapiens ipsum omnia in pondere, numero, & mensura condidisse, propter admirabilem rerum inter se, & cum Deo causarum, conuenientiam: dixerit quoque magnus Dionysius, Deum pulchrum dici *sicut vniuersorum consonantia & claritatis causam*, quis dubitare possit, singularem quandam proportionem inter attributa diuina, quantum quidem res capi à nobis potest, reperiri, quandoquidem omnes rerum creatarum perfectiones vnus ipse condidit, vnus amplectitur.

Psal. 63. 9. *Qui plantauit aurem non audierit? ait David, aut qui fixit oculum non considerat?* Is qui miro ordine angelorum ministeria, hominumque dispensat, qui de thesauris sapientiæ suæ nouem choros angelorum condidit, eosque supra cœlum empyreum miro ordine collocauit, num ea perfectione carere putandus est, qua res à se conditas tam sapienter locupletauit?

II. *Vt in rebus
creatis.*

Videmus in hominibus mirabilem virtutum concentum, videmus & disciplinarum orbem, quem Græci *ἁρμονία* vocant; harmonicum quoque vocum sapienter electarum, iunctarumque concentum experimur. Creditum etiam olim fuit cœlestium globorum collisionem, & constantem æquabilemque motum, gratissimum concentum efficere.

*Ex quibus
assurgimus
ad diuina.*

Quidni ergo, pro ingenij nostri modulo, sentiamus in Deo esse aliquid, quod huic perfectioni, quam rebus creatis indidit, respondeat? Sed quis illud eruet, & proferet in lucem? quis tam expertus harmoniæ musicus, quis architectus, aut pictor tam proportionū sciens, quis philosophus tam doctus, quis theologus tam sapiens, quod tam sublime inge-

nium, quæ aquila tam perspicax, quis Cherubinus tanta luce perfusus, ut eò peruadere ac penetrare possit, & ignotas illas diuitias, & complicatas euoluere? Quis patefaciet quæ convenientia sit inter summam misericordiam, summamque iustitiam, & vtriusque cum infinita bonitate; & quæ inde pulchritudo peculiaris existat? Quidquid enim de infinito illo thesauro, cum fundamento probabilitatis eruere possumus, bonum ac pulchrum est.

Quis docebit proportionem, & quasi fœdus prædestinationis cum reprobatione, & vtriusque cum diuina providentia? Quis aperiet quam efficiant harmoniam immensitas cum immutabilitate Dei, & huius cum perfectissima libertate? quam locorum omnium, temporumque sine vlla extensione præsentia? quis suggeret nobilissimum ordinem potentia, sapientia, ac bonitatis Dei? O superi! *Exaltata est hæc scientia à me, & non potero ad eam.* Non nostrum est tam sublimia audaciore volatu petere, aut hebescente visu diiudicare: nefas est in arcana alteri vitæ reservata penetrare. Permittamus istam cognitionem beatis, qui immensam Dei pulchritudinem coram intuentur, ne illud à Deo, quod olim Iobus, audiamus. *Numquid nosti ordinem cœli, & pones rationem eius in terra?*

Dicamus ergo duntaxat, & ingenuè proficeamur, in hac harmonia, & proportionem altera conditione pulchritudinis, quem in Deo quærimus, situm esse inæstimabilem decorem. O regina Saba, quæ animaduersa regis Salomonis œconomia, affecta stupore vehementi, vix halitus, verborumque compos effecta es, tandemque ad te reuersa exclamasti, *Beati serui tui, & beati viri tui, hi qui sunt coram te semper, & audiunt sapientiam tuam.* Quid obsecro diceres, viso non solum ordine Hierosolymæ cœlestis, & angelicis illis choris, atque hierarchiis, eorumque officiis ac ministeriis, sed etiam conspecta beatissima illa proportionem diuinarum perfectionum, quæ pars est infinitæ, felicissimæque pulchritudinis, ex qua tota illa cœlestis œconomia profecta est?

Si ordo ac proportio templi Salomonici, aut illius quod ab Angelo Ezechieli Prophetæ in monte monstratum est, si tamen duo, & non potius vnum atque idem fuit, ab eodem mundi architecto descriptum atque designatum, posteris, qui mirabile illud artificium obseruare potuerunt, magnum admirationis præbuit argumentum, usque adeo & singula partes decore præstabant, & vniuersæ sibi accuratissime respondebant; si arcus, porticus, propylæa, aula, exedra, columnæ, parastata, arcus, fornice, anteres, capitella, epistylia, zophori, coronides, portæ, fenestra, cæteraque omnia ædificij membra tam artificiosè digesta erant, tam apta longitudinum, latitudinum, ac profunditatum commensuratione, ut sibi singula ad palmum, ad digitum, ad lineam perfectissime responderent, ecquid obsecro de nobilissimæ huius ædis architecto, & symmetria perfectionum eius dici potest, quod non immensum iaceat infra meritum eius?

III.
Qua sunt inexplicabilia.

Plal. 138. 6.

IV.
Et continent gratiam inestimabilem
3 Reg. 10.

V.
Declaratur similibus, in templo.
Ezech. 40.
1. Paral. 28.
19.

VI. Si decora, & exacta proportio singularum partium humani vultus, cum earum integritate, & suauitate coloris, habitúque toto ad hilaritatem composito, spectantium oculos violenta delectatione rapit ad sese; si iusta commensuratio, æqualisque responsus partium singularum, aurium puta, vel genarum, labiorum, vel oculorum, quorum alter alteri magnitudine, figura, compositione, colore, sitúque ita par, vt vterque ad idem proplasma fictum esse videatur, ita reficit ac recreat, si illa, inquam, tam accurata commensuratio longitudinis oris & oculi, latitudinis frontis, cum longitudine nasi, & huius cum reliqua longitudine faciei tantam habet proportionis concinnitatem, in vultu terreno atque mortali, quam mirabilis debet esse proportio diuinæ faciei, cuius primariam imaginem duntaxat, animam videlicet, humana facies scitè repræsentat.

VII. Optamus ne contemplari aliquando nobilissimum ordinem ac proportionem, quam Deus ipse in beatissima illa ciuitate Hierosolymorum constituit? in illa regia, auro & argento, lapidibusque preciosis extructa; in illo sempiternæ felicitatis amphitheatro, in choris omnibus, ordinibus, hierarchiis, turmis & legionibus hominum & angelorum, in omnibus eorum officiis, ac ministeriis in cælo terræque: neque id solum, sed proportionem quoque quam in Deo, non sine fundamento concipimus, tanto pulchriorem quanto in conditore, quàm in re condita, in infinito, quàm in re finita perfectiora sunt omnia: optamusne, inquam, fieri aliquando spectatores rerum tantarum tamque admirabilium? Animi nostri œconomiam rectè digeramus ac dispensemus; Demus operam vt appetitus rationi obediant, eamque neque præcurrant, nec propter pigritiam, aut ignauiam deferant; ne perturbationes vim aliquam libertati afferant; ne mentem voluntas antecedit, sed contra mens gradiatur prior, fidei lumine, & diuini timoris cincta comitatu; pone subeat voluntas, quæ ad dexteram habeat Dei gratiam, ad sinistram igniculum boni desiderij; tum sequatur licet turba illa motuum animi turbidorum, quæ ad rotas applicita, quadrigam rectæ rationis impellat. Hunc ordinem in homine magnus legislator instituit, & obseruari iubet; ne si in eam curam incumbamus, vt familie negotia rectè digerantur, animæ autem ex Dei lege digerendæ cura negligatur, in eum postmodum carcerem compingamur, in quo iugis rerum perturbatio, æternæque confusio: vbi miseri perpetuo cum eiulatu conquerentur, falsò illi quidem, sed conquerentur tamen, nullam seruari inter eorum culpas, poenæque proportionem.

CAPVT XI.

De spiritali claritate tertia conditione pulchritudinis.

GRADVM faciamus deinceps ad tertium pulchritudinis caput, claritatem dico, quam in ipso met Deo, eius ope adiuti, quo modo possumus inquiramus: cuius opis non minus nunc egentes sumus, quam in præcedentibus, ne tanti fulgore luminis perstringatur oculorum acies, aut caligine obruatur. Cæterum nisi diuina pulchritudo sociam haberet claritatem, non diceret Christus Dominus in sua ad patrem oratione. *Clarifica me tu Pater apud te metipsum, claritate quam habui, priusquam mundus esset, apud te.* Ea claritas non est vtiq; corporea, ante mundum quippe conditum nulla erant corpora, sed spiritalis, quam inquirimus, quamque ope corporeæ, cui allueumus, inuenire desideramus, & si non modicum est inter vtramque discrimen, altera tamen alteri quasi face accensa prælucebit.

I.
Claritas spiritalis.

Æterna in Christo.
Ioan. 17. 5.

Prior ergo illa ab oculis nostris, cui familiaris est, percipi potest, posterior ab intellectu duntaxat agnoscitur; illa ex luminosis corporibus exilit atque emicat, hæc suas habet scintillas in animabus; illa corporea deformitate obscuratur, hæc in deformi quoque corpore splendet. Nec mirum est inter corpoream & spiritalem claritatem tantum esse discriminis, cum corporea ipsa multiplex omnino reperitur. Alia est enim Solis & reliquorum astrorum claritas, alia flammæ, alia vitri aut cristalli, alia auri & argenti & lapidum preciosorum, alia niuis & pruine. Aliam habet claritatem fluuius nitidis argenteus undis, aliam domus, quæ lumina crebris, idoneisque locis admittit; aliam in symphonia pueri vox acuta & tinnula: aliam cymbalum clarè tinniens, aliam denique humana facies æmula liliorum.

II.
Conferimus corporea.

Itaque meo quidem iudicio, fatendum est illos fuisse deceptos, qui existimarunt in transfiguratione Seruatoris gloriosam beatæ illius animæ claritatem Dei permissu, in corpus redundasse, vt splendorem candelæ in chartam laternæ circumpositam, in eoque aspectabilem factam esse; gloriæ enim lumen in anima fulgebat, quod recipi corpore, aut in eo aspici non potest. Dicamus potius dedisse Dominum sacrosancto corpori suo, ipsiisque adeo vestimentis claritatem, quæ in ea cadere poterat, sed longè omnino ab animæ claritate distantem. Istæ porro claritates omnes, quæ oculis percipiuntur, aut auribus, id habent commune, vt ex hilaratis sensibus, animi quoque nostri sinum cum iucunditate fubeant. Et quamuis actio intellectus subtiliores atque intelligibiles fiant, corporeæ tamen sunt natura sua, non spirituales.

III.
Claritas transfigurationis Seruatoris.

Nulla enim prædictarum claritatum accedit ad claritatem orationis.

IV.

Claritas
orationis, &
ingenij.

alicuius, quam dicimus claram, illustrem, splendidam, quòd ea ratione & via scripta est, vt facile intelligatur; neque tamen accedit ad eam mentis lucem, quam in præstantibus ingeniis commendamus: quæ cito capiunt quæ dicuntur, adeoque dicentis vocem præcurrunt, euoluunt difficultates atque illustrent, cogitationes suas faciliè hominum mentibus ingerunt, res sublimes, & à vulgi cognitione remotissimas, perspicuas reddunt ac pene palpabiles. Huiusmodi verè clara ac præclara ingenia, ea virtute prædita sunt, quam Græci *ειδύπνητον* vocant, quæ ab albedine, aut candore, in quo est plurimum lucis, nomen habet, dicique potest perspicuitas, claritas, euidencia. Num ergo hæc est illa claritas, quam quærimus, aut ea, qua homines vulgo clari, genere, doctrina, rebusve gestis dicuntur, qua cum gloria in hominum ore versantur, neque in tenebris ignorantia, obliuionisque delitescent: qualem Dei filius à patre humanitati suæ postulabat, vt antè dicebamus. Aliam tanè quærimus.

ἀειπύητον.

Claritas
fama.

V.

Qua est gloria.
r. a.
Luc. 24. 25.
q. 31. lib. 83.
Ioan. 5. 35.

Hæc enim claritas, re ipsa nominis amplitudo est, & gloria, de qua scriptum est, oportuisse pati Christum, & ita intrare in gloriam suam; suam vtique, grauissimisque nominibus sibi debitam, quam S. Augustinus definit, *claram cum laude noticiam*, quæ præstantes viros, quali accensas faces efficit, quibus cæteri mortales illuminantur. Sic magnus ille Domini præcursor dictus est ab ipso Domino, *lucerna ardēs & lucens*, & qui cæteris virtute & sanctitate præstant, ab eodem inuitantur ad reliquos illuminandos, & ad imitationem inuitandos. Sic luceat, inquit, *l. v. vestra coram hominibus, vt videant opera vestra bona, & glorificent patrem vestrum, qui in calis est.*

Matt. 5. 26.

CAPVT XII.

Eadem claritas in diuinitate inquiritur.

I.

Videri esse
ipsum apicē
perfectionis.

NUM ergo lux ista, gloria, celebritas, est claritas illa quam inquirimus? an quærenda potiùs perfectio aliqua, quæ non in ore hominum, sed in ipso pulchro resideat? Sit ergo, si placet, summus ipse perfectionis apex, in re spiritali, quam pulchram vocamus, & quasi vertex excellentiæ eius, qua præ cæteris, quæ illum perfectionis gradum non attigerunt, splendescit, ac vibrat; sicut de ingenij claritate iam diximus, & de præstanti ac præclaro iudicio dicere possumus, quod non solum grauissimum sit atque firmissimum, sed quod in clara mentis suæ luce negotia sibi subiecta dispiciat, ipsumque difficultatis nodum ac caput illico peruideat & peruadat; quòd res ipsas, pro sua quamque dignitate, iustissima iudicij statera ponderet, deque iis sapienter sententiam ferat, futura multo antè prospiciat, aliorum cogitationes, iudicia, voluntates solertissimè odoretur.

Ingenij ac
iudicij claritas.

Tale quondam fuisse videtur Achitophelis, qui Dauidi à consiliis fuerat, naturale iudicium, de quo hoc in sacris literis extat elogium, *Consilium autem Achitophel, quod dabat in diebus illis, quali si quis consuleret Deum.* Nihil limatius, nihil accuratius excogitari, dicere poterat, nihil rei, quæ in controuersiam venerat, accommodatius: tam insignis erat hominis prudentia, tam clarum ac perspicax lumen iudicij eius. Quando ergo, Scriptura iudice, Achitophelis responsa erant instar oraculorum diuinorum, an nimium audax futura sit illa vox, si contemneretur dixerimus, præclarum Achitophelis iudicium, clarissimo pulcherrimoque Dei iudicio conferri potuisse, illudque, quantum fert humana conditio adumbrasse? similia enim effecta à similibus causis proficiuntur. Dicamus igitur claritatem istam, fulgorémque diuinæ pulchritudinis dici posse, claram rerum omnium cognitionem, intima domus nostræ penetralia peruadentem, id est intimos cordis nostri recessus, illiusque abstrusissima secreta illustrantem, & clarius multo distinctiusque discernentem, eo ipso, qui illa cogitat, animoque designat.

Nisi forte sit aptius dicere, lucem hanc ex diuina facie fulgurantem, esse eminentissimum aliquem, & supremum diuinarum perfectionum gradum, iuxta nostrum intelligendi modum, à quo rerum creaturarum perfectiones omnes infinito intervallo distant, ne excepta quidem beatissima virgine Dei genitrice; ac ne illa quoque millies benedicta anima Domini, ac Seruatoris nostri Iesu Christi. Quidquid enim creatum aliquid, quamuis amplissimo sinu, capere potest, finitum est; finitum autem cum infinito modis omnibus incomparabile est. Quod visque adeo verum est, vt Scriptura pro nihilo ducat quidquid in rebus creatis reperitur, si qua fiat cum diuinitate comparatio. Tametsi enim certum est multa à Deo ita condita, vt morti non sint obnoxia, extat nihilominus illa Pauli vox Deum solum habere immortalitatem. Pronunciat it ipse Dominus à principio, omnia, quæ ipse produxerat, esse valde bona. Ipse tamen Seruator & boni titulum reculauit ipse, & insuper asseruit *neminem bonum nisi solum Deum.*

Omnes amici Dei sancti sunt, hoc eos titulo Apostoli afficiunt, & Ecclesia vniuersa, & vt sanctos amplissimis honoribus vbique profequitur; ipsamet tamen, in augustissimo Missæ sacrificio, subinde canit, *Tu filius sanctus, tu solus Dominus, tu solus altissimus.* Maxima pars Sanctorum, & nunc in cælo, & olim dum in terris degerent, plurima edidit miracula; fatendum tamen est de Deo, verè dixisse Dauidem, *qui facit mirabilia magna solus.* Existunt omnia sine dubio, quæ Deus exiit ex nihilo, cælum & terra, & omnia quæ ambitu eorum continentur, & tamen Deus Mosem alloquens ita se esse dicit, vt cætera esse, negare videatur, *Ego, inquit, sum qui sum, sic dices filiys Israël, qui est, misit me ad vos.* Et Iobus. Quis potest facere mundum,

II.
Declaratur
iudicio A-
chitophelis.
1. Reg. 16
23.

Fulgor diuina
pulchritudinis.

III.
Alio modo
explicatur.

1. Tim. 6 16.
Gen. 1
Luc. 18. 19.

IV
Perfectiones
rerum crea-
tarum nullo
numero sunt
ad Deum.

Psal. 71. 18.

Exod. 3.

Ca. 14. 4. & 23. 13. *nónne tu qui solus es? Et rursum, Ipse enim solus est, & nemo auertere potest cogitationem eius.* Et ita de cæteris, quæ Deo sunt cum hominibus angelisque communia, sed in istis tam vilia sunt & abiecta, ut comparata Deo, nullo loco, nullo numero esse videantur. Sed redeamus in viam.

V.
Conclusio
claritatis
diuine.

Hic ergo ille est, quem in Deo cogitamus, perfectionis apex, præ omnibus famulis eius atque subiectis, qui dat diuinæ pulchritudini claritatem, qui licet spiritalis sit, lucis tamen nobis ac claritatis nomine declaratur, siue quia lux familiaris & cognata nobis est: siue quia est omnium, quæ cerni possunt, qualitatum pulcherrima, ideoque digna, quæ usurpetur ad mentis nostræ tenebras, de mundo illo, qui sub aspectum non cadit, eiusque archetypo Deo. Opt. Max. illustrandas: siue etiam quia pleræque sunt proprietates luminis, quæ ad diuinas perfectiones alludunt, easque quoquo modo imitantur. Nonnullas supra retulimus gratiæ & luminis parallelo instituto, nunc si placet obiter alterum, Deum inter & lucem instituamus, qui non exiguam infundat præsentis disputationi lucem.

Li. I. c. 12.

C A P V T XIII.

Deus cum aspectabili luce compositus, plurimùmque consentiens.

I.
Parallelus
proprietas
lucis & Dei.

1.

2.

3.

II.

4.

PRINCIPIO lux pulcherrimum est huius vniuersitatis ornamentum, initium diuinorum operum, vestis aurea rerum corpore & materia constantium, colorum vigor & quasi anima, astrorum gloria, vita omnium, quæ ortui & interitui sunt obnoxia. Deus author est & conseruator, vita, decus, & ornamentum omnium rerum creaturarum. Lux inferiores omnes qualitates continet eminenter, sicut ipsa cælestia corpora, inferiora hæc sibi subiecta continent, & ad eorum productionem & conseruationem, tanquam generales causæ concurrunt. Deus autem nobiliori etiam ac sublimiore modo omnium, quæ vsquam sunt, aut esse possunt, pulchritudinem, nobilitatemque continet. Lux, cum cælestis motionis vehiculo, vitalem calorem toti huic inferiori mundo communicat; nobisque motu suo potentiam, splendore sapientiam, calore bonitatem diuinam repræsentat, quæ sunt tria primaria diuinarum personarum attributa.

Lux contrarium nullum habet; nam tenebræ sunt absentia lucis in subiecto idoneo, & re ipsa merum nihil; quamuis lux aduentitia quædam res sit, non substantia, quæ contrario natura sua caret; & nominatim princeps illa, supremâque substantia, quæ cuiusvis naturæ principium est, nec habet aduersum aliquid præter non esse, siue tenebras peccati,

quod illius esse perfectissimum nullo modo minuere, aut debilitare potest. Nam *lux in tenebris lucet, & tenebrae eam non comprehendunt*. Lux aërem, aquam, & terram reddit fertilem, vique sua planè admirabili vique ad ima terræ viscera peruadit, ibique aurum & argentum, cæteraque metalla producit, & his cognata fossilia, chrysocollam, cinabarim, stibium, minium, lapides preciosos; omnia quoque animantia viuaci calore imbuunt. Quid diuina illa lux: nonne *aperit manum suam, & implet omne animal benedictione*? Neque aliquid omninò est in hac tota rerum vniuersitate, quod vitam, vires, vigorem puncto temporis retinere possit, si diuina illa lux cesset influere; adeoque ei vim ac vitam, vt primo creationis momento, tribuere perseveret.

Et quemadmodum creata omnia lucis beneficio participant, præferim cœlestis, cuius si splendorem non vident, caloris tamen efficacitatem sentiant; *nec est qui se abscondat à calore eius*. Ita nemo planè est, qui se diuinæ misericordiæ penitus dicere possit exortem: *misericordia enim Domini plena est terra*. Nec est in hac vita peccator, quantumuis peruicax in obstruendo diuinæ bonitati omni aditu ad cor suum, quin radium eius aliquem per rimulam quampiàm sentiat. *Illuminat enim omnem hominem venientem in hunc mundum*. Quin etiam omnium sceleratissimi tantò maiorem experiuntur misericordiam, quantò ab eadem bonitate expectantur diutius, & ea quotidie indigniores fiunt. Denique sicut lux ab vno mundi extremo ad alterum momento peruolat, nec citius ad propinqua, quàm ad remota, ad curriculi medium, quàm ad finem peruenit. Sic Deus puncto temporis peccata dispellit, infundit gratiam, animas creat, naturas commutat, aliàque mirabilia facit. Quòd si quam moram in illuminando lux habet, ea non ipsi, sed luminoso corpori, quod motu cietur, tribuenda est; sic diuina opera, à subiecto in quo, aut per quod fiunt, quod dispositionem, vel moram requirit, ex accidente retardantur.

Non est ergo mirum Deum patrem lumen dici, ac fontem luminis, & sapientiæ; & filium Dei, lumen de lumine, Deum verum de Deo vero: & Spiritum sanctum lucem beatissimam, quæ replet cordis intima suorum fidelium. Certè diuina sapientià à Sapiente & ab Apostolo Paulo dicitur. *Candor lucis æternæ, speculum sine macula Dei maiestatis, splendor gloriæ, & figura substantiæ eius*. Filius quoque ipse Mundi se lucem vocat, qui titulus ei etiam ante humanam naturam assumptam conuenit. Est enim pulchritudo cœli, vna cum Patre ac Spiritu sancto, eique titulus hic, sicut & Sapientiæ rectè tribui potest. Sapientia enim ingeniorum pulchritudo est, decus & ornamentum singulare.

O Dei faciem infinita luce fulgurantem! O lucem increatam, perfectissimum gaudium, & felicitatem hominum & Angelorum! O beatos illos, qui hic olim fidei lumine illustrati, nunc lumine gloriæ perfunduntur, vi cuius increatam illam intuentur lucem; iuxta vulgatum illud

5.
Ioan. 1. 5.

Psal. 144. 16
Vide Lect.
de perf. diu.
l. 10. cap. 4.

III.
6.

Psal. 18. 7.
Psal. 31. 5.

Ioan. 1.

7.

IV.

Lux tribuitur
singulis
personis di-
uinis.
Sap. 7. 26.
Heb. 1. 3.
Ioan. 8. 12.

V.

Aspiratio ad
illam lucem.

Lumen gloriæ.

Psal. 35. 10.

Dauidis, *in lumine tuo videbimus lumen*. Tantus est enim fulgor, qui ex illo fonte luminis, ac pulchritudinis coruscat, ut sicut mortalis oculus splendorem solis ferre non potest, ita nec animi oculus, quamuis hac mortalitate iam exutus, fulgurantem illam lucem, illam claritatem hominem inferentem Deo, illum æternæ lucis candorem ferre potest, nisi roboretur, & eleuetur supra naturalem humanitatis conditionem. Et sicut aspectabile hoc lumen radios suos rebus corporeis, pro eorum conditione naturæ, cōmunicat; sola enim terræ superficies illustratur, aqua, aër, & cœli toti luce perfunduntur: sic & lumen gloriæ proportionē illius gratiæ distribuitur, quam quis hîc habuerit, ut cum eo lumine profundius in abyssum diuinitatis introeat.

VI.

Et inuitatio
ad eius amo-
rem.

Tob. 5. 12.

Dicamus igitur, ut finem isti argumento imponamus, rem esse admiratione dignissimam, cum Deus sit pulcherrima lux, longèque suauissima ac iucundissima; nōsque lucis amantes natura ipsa sinxerit, qui fieri possit ut in illam toto animi conatu nō feramur, quæ hac tanto pulchrior est, & amabilior. *Quale gaudium mihi erit, aiebat Tobias senior, qui in tenebris sedeo, & lumen cœli non video?* Quomodo ergo nō extabescat mœrore, qui diuinæ lucis expers, in huius vitæ caligine perseuerat, aut qui fidei lumine destitutus, illius luminis speciem non habet, cuius ope infinitam illam lucem posset perpetuò contemplari. Quantum est illud prodigium, quod à Ioanne Euangelista, aut ab ipso potius Christo memoratur; *Lux, inquit, venit in mundum, & dilexerunt homines magis tenebras quàm lucem*. id est scditatem pulchritudini, sanitati morbum, ignorantiam sapientiæ, peccatum virtuti, carnem spiritui, cœlo mundum, dæmonem & tartarum Deo, eiusque regno antetulerunt.

VII.

Isa. 7. 15.

Iere. 15. 19.

Rom. 13. 12.

Ephes. 5. 8.

Ne ita, per Deum immortalem, desipiatis, quicumque illam ingenij lucem ab eo accepistis, qua possitis *reprobare malum & eligere bonum*; ne tam insanam commutationem faciatis. Audite Deum per Prophetam dicentem, *Si separaueris pretiosum à vili, quasi os meum eris*. Audite & hortantem Apostolum, *Abiciamus opera tenebrarum, & induamur arma lucis, sicut in die honestè ambulemus*. Mementote & illud, *Eratis aliquando tenebrae, nunc autem lux in Domino, ut filij lucis ambulate*: qui nimirum conditi sunt ad fruendam, & contemplandam illam lucem, illūque diuini vultus decorem, qui æternū faciem beatorum illustrabit, & clarè patefaciet illam claritatem, illam proportionem, illam integritatem perfectionum diuinarum, ex quibus nos hîc, pro imbecillitate nostra, suspicamur diuinam pulchritudinem efflorescere.

CAPVT XIV.

*Argumentum diuina pulchritudinis, ex eleganti Mundi forma,
& decore elicitum.*

CERTVM est vniquequemque rem amare sibi simile, & procreare quantum potest. Vtriusque assertionis authores idoneos Scriptura profert, non Sapientem solum, cuius est illa oratio, *Omne animal diligit simile sibi, sic & omnis homo proximum sibi*, sed ipsam etiam Sapientiam, *Omnis, inquit, arbor bona bonos fructus facit, mala autem arbor malos fructus facit*, additque mox, ex operibus malitiam hominum, aut bonitatem agnosci. Ratio huiusce rei ex nativitate sui cuiusque amore petitur. Animal enim se vbique diligit, non in corpore solum suo, sed etiam in alieno, in quo se quodammodo propter similitudinem agnoscit; & quo maiorem in alio reperit similitudinem sui, hoc & benevolentia segetem maiorem offendit. Id in patrum erga filios amore facile cernitur, qui, ceteris paribus, erga simillimum solet esse dulcissimus. Quin etiam videtur Natura in hac ipsa similitudine non parum elaborare atque eniti.

Fortes creantur fortibus & bonis,
ait Poëta quidam,

Est in iuuentis, & in equis patrum

Virtus, nec imbellem feroces

Progenerant aquila columbam.

I.
Omnia a-
mant aut
etiam pro-
ducunt sibi
simile.
Eccl. 13. 19.
Matt. 7. 17.
& quare.

Horat.

Et peritus quisque artifex animo concipit elegantem operis designationem, & ipsum opus, quantum potest, idem suae reddit quam simillimum

Cum ergo Deus innumerabilem rerum multitudinem sponte condiderit, easque congrua bonitate & pulchritudine decorarit, recte utique possumus, & cum ratione concludere, conditorem ipsum huiusmodi dotibus insigniter ornatum, atque instructum esse. Notum est enim illud vulgo iactatum, neminem dare quod non habet. Nec illud dubium, artificem desiderare pro virili parte opus suum perfectum reddere, & suis numeris absolutum; & si quid rude, & impositum exciderit, id ei prae-ter mentem, praeterque voluntatem excidere. Cum ergo Deo nihil praeter voluntatem contingat, & potestati eius nihil possit obistere, bonitatem autem & decorem rebus omnibus à se creatis dispertierit, quantum quidem ei placuit, quantumque cuiusque rei natura postulabat; necesse est istatum perfectionum largitorem iis cumulate instructum esse; praesertim cum in singulis, imaginem aliquam, aut vestigium suae dignitatis, & decoris, & bonitatis impresserit. Puto operae pretium fore haec paulo enucleatius explicare tam in rebus spiritualibus, quam corpore praeditis; explicationis exordio ab ipso Mundo sumpto.

II.
Idemque de
Deo sensien-
dum.

III.

*Cui mundū
pulchrum
produxerit.*

*l. 3. Conf.
Met. 9.*

Et primo statim aditu, Mundi vocabulum, quod huic rerum creatarum vniuersitati tributum est, ab exquisita eius mundicie, & pulchritudine ductum est, in qua nihil habet simile præter authorem suum, qui nihil turpe condidit, nihil malum, immundum, vel indecorum. Pythagoras considerato singularum partium huius Vniuersi ornatu atque ordine, primus κόσμον siue mundum appellasse dicatur, quasi dicas ornatum, pulchrum, decorum & elegans. Quo modo & mundus muliebris dicitur, quidquid ornamentorum mulier ad ornatum suum adhibere solet. Huc respexit Seuerinus ille Boëtius, Timæum Platonis imitatus, cum diceret,

---Τὸ συνέκτα σὺπερνο,

Ducis ab exemplo, pulchrum pulcherrimus ipse.

Mente gerens mundum, similique ab imagine formans,

Perfectasque inbes perfectum absoluere partes.

significans mundum opus esse summi absolutissimique architecti, ideoque valdè absolutum esse, atque perfectum.

IV

Et pulchritudini fauet nomen.

*Eiusdem
mundi integritas.*

Cui cogitationi Aristotelica illa congruit, Quidquid, inquit, ornatum & elegans est, quidquid rectè ordinatum, atque compositum, Mundi cognomen accepit. Τότε καλὸν καὶ ἡπιοῦν μόνον ἔστι τὸ τὸ τοιαῦτον, ἔκ τὸ τοιαῦτον ἀπὸ τοῦ κόσμου λεγόμενον κεκοσμημένον. Manifesta quoque ratio Mundi pulchritudinem probat, quæ, vt supra disputatum est, ex trium concursione perfectionum existit, & in ipso Mundo absolutissime reperitur.

Nam primò eius integritas in eo posita est, quòd omnes continet existendi gradus, tam eorum quæ per se subsistunt, quàm eorum quæ rebus adueniunt. Substantias habet tum spiritales, tum corporeas, & illarum quædam compositi partes sunt, vt animæ, aliæ non item, vt Angeli; Istarum autem aliæ simplices sunt, vt elementa, aliæ compositæ, vt lapides. Aliæ vitam habent, vt plantæ; aliæ expertes sunt vitæ, vt metalla. Et viuientium quædam sensum quoque habent, vt animantia; quædam insuper rationem, vt homo.

V.

Varietasque partium.

Quanta porrò varietas in istis omnibus? In elementis quædam grauiæ sunt, & nutu suo ima petunt; alia leuitate præstant, eisque opera ad superiora celeriter euadunt, & singula ita locum sibi diuinitus assignatum occupant, vt inde, nisi adhibita vi, dimoueri non possint. Rursus eorum quædam calida sunt, alia frigida; sed ita vt partim calore summo ferueant, partim illum habeant temperatum; quod ipsum in humore valet, & siccitate Metallorum alia pretiosa sunt & rara, alia vilia atque vulgaria; quædam cum luce nitescunt, quædam aspera sunt & obscura. Quid in plantis, nonne incredibilis varietas? nonnullæ syluestres sunt, aliæ hortenses atque domesticæ; quædam peregrinæ sunt, quædam cœli huius atque soli; sunt quæ terram ament, sunt quæ malint aquas. Sunt quæ cœlo frigido gaudeant, sunt quæ calido, & quæ temperato. Aliquæ folia dumtaxat ferunt, aliæ flores & fructus, aliæ vtrisque destituuntur.

Quædam

Quædam in magnam assurgunt altitudinem, vt montanæ abietes, aliæ paululum ab humo excitantur, vt humiles myricæ, magnæque pars arborum frugiferarum. Quàm multa sunt animalium genera, quæ aëra pennis secant, quæ vndas tranant, quæ humi gradiuntur, aut repunt, quorum nullum est quod forma ac figura, membris & proprietatibus ad vsum & conseruationem suam idoneis, non sit instructum: nihil vt planè vel ipsis, vel mundo, ad quem, vt partes ad totum, pertinent, vſquam deſit.

Quod ad proportionem attinet vel singularum partium ad totum suum, vel compositorum ad ipsum Mundum, omnes sapientes, qui seculis omnibus extiterunt, amplissimam in illorum dispositione & ordine admirationis segetem inuenerunt. Itaque Trismegistus ille Mercurius in Asclepio proportionem illam harmoniæ & concentui confert, qui diuersis ex sonis, aut vocibus aptè inter se congruentibus, auribus nostris iucundissimè solet accidere. Pythagoras quoque, & secundum illum Philo Iudæus, aiebant Mundum à principio conditum fuisse, cum ea proportionem numerorum, quam lyra postea imitata est. Et S. Augustinus Mundum carmini componit, quod numerosè pedibus incedit suis, cum certis longarum breuiumque syllabarum interuallis, & animum grata voluptate, autem per amœno tinnitu reficit. Gregorius Nyssenus Mundum confert magnificentissimo palatio, cuius membra omnia sibi accuratissima proportionem respondent.

Eius denique pulchritudo neque lumen desiderat, neque amœnitatem colorum. Omnes quippe colores in magno isto corpore, iidemque aptè suis distributi locis, reperiuntur: & magna illa corpora, à quibus ambitur, copiosam vndique eiaculantur lucem. Figura quoque ad pulchritudinem conducit; rotunda enim forma Philosophi negant vllam esse pulchriorem, capaciorem, perfectiorem. Quod spectaculum iucundius esse potest tot cœlestibus globis, tanta claritate ac luce perspicuis, tanta magnitudine diffusis, tot magnis adamantibus, carbunculis, ac smaragdis illuminatis? Ecquis ergo de illius pulchritudine dubitauerit, qui in tam pulchri operis molitione, dispositione, perfectione, sex ipsos dies sponte ac libenti animo posuit, & iuxta formam atque ideam menti suæ impressam architectatus est? Aut quis de absolutissima specie exemplaris ambigat, qui imaginem ad illius imitationem effectam, videat esse tam præclaram?

VI.
Proportio
earum.

VII.
Lucis co-
rumque as-
cor.

CAPVT XV.

Alterum eiusdem pulchritudinis argumentum ex cœli Empyreï præstantia ductum.

I.
*Empyreï
cœli pulchri-
tudo.*

AG porro inuolutam hanc vniuersitatis huius molem euoluamus, & pulchritudinem nobilissimarum eius partium contemplemur. Euolemus super ingentes illos cœli fornices, qui continenter, ad vsum commoditatēque mortalium, supra capita nostra, infrāque nostros torquentur pedes, & ad cœlum illud, quod vocant Empyreum, mente ac desiderio emigremus. Inuisamus obsecro nobilissimam illam ciuitatem Hierosolymæ cœlestis, quam Deus à principio molitus est. Quis quæso decor est, quæ venustas illius regis ciuitatis, quam Rex ille regum, in sedem & domicilium curiæ suæ regis, ab æterno destinauit; in sedem, quæ foret quasi amplissimum ac frequentissimum theatrum, in quo maiestatis ac magnificentiæ suæ diuitias explicaret, fruendāque proponeret; in palatium tot regum, ac principum, quot erunt vnquam in cœlo beati; vt exterius quoque beatorum corporum gloriam augeat speciosissimo fulgore suo; vt solet aureum solium decorare principem insidentem, aut corona pyropis & adamantibus fulgurans regium caput. Sic lucidæ illæ nubes, Christo Domino, & eius comitibus honorariis, in Thaboræ monte circumfusi, eorum pulchritudinem non vulgari accessione cumularunt; sic & olim in die iudicij, eidem *in sede maiestati suæ* sedenti, eadem nubes magnum afferent additamentum decoris.

Matt. 25.

II.
*Varia pro ea
coniectura.
12. Confess.
c. 2. in Psal.
122.
S. Ignat.*

c. 11. 10.

Hoc cœlum & loco supremum, & dignitate princeps, instar cœli est inferioribus cœlis, qui quasi terra sunt illius cœli, iuxta illud Dauidicum, *cœlum cœli Domino*, interprete S. Augustino, & S. Hilario. Itaque vt seruetur iuxta proportio, tanto illud pulchrius est, & magnificentius cæteris cœlis, quanto isti vilissimo terræ elemento præstant. Si ergo meritissimo dicebat Sanctus ille, *O quàm sordet terra cum cœlum aspicio!* quanta debet esse illius cœli pulchritudo, quæ tam præclaros cœlos sordidos reddet, atque despiciatos? Illa Euangelistarum aquila, id cœlum in sua Apocalypsi describit, accommodatè ad ea quæ hic cernimus: significans nihilominus tantæ rei dignitatem nulla æquari posse maiestate verborum; etsi eius verba nihil nisi aurum & argentum, crystallum, saphyros, smaragdos, carbunculos, & id genus alios preciosos lapides sonent, exquisitas regum ac dynastarum delicias. Nec sanè alia verba vsurpare poterat, si orationem suam à mortalibus intelligi cupiebat.

Sed regustemus quæso, si placet, istam cogitationem, fructuosa enim est, & religiosæ animæ fructibus non insuauis. Si enim inferiores isti orbés tam præstanti decore fulgent, in tanto nobilissimarum gemmarum ornatu, vagarum in quâ atque inerrantium stellarum multitudine, tametsi tam proborum quàm reproborum vîsibus sint destinati, quid de eo cœlo dici vel cogitari par est, quod solis electis, solis Dei filiis cōditū est, atque destinatum? non iis qui etiamnum militant, pugnantque cum hostibus, sed illis qui glorioso pondere spoliis graues, quādo iam debellatum est, in illud laureati, triumphali quadriga inuehuntur, non anniuersarios festos dies, sed quotidianos acturi, atque sempiternos? Quid dici potest de illa regia, quam magnificentissima illa sapientia condidit, quæ probe nouit oportere media finibus proportionem respondere; quāque voluit dignam esse magnitudine maiestatis suæ, sapientiæ, potentiæ, diuitiarum, denique bonitatis & amoris in illos sui, quos elegit, antequam solem conderet, & auroram.

Salue, ô salue patria nostra pulcherrima, si tamen nostra, nemini quippe mortalium id certò constat, salue, inquam, nobilissima ædes habitationis nostræ sempiternæ. Quando, ô quando contingeret nobis illa pompa nostræ inuectionis in portas tuas! ecquando contemplabimur aulas illas sublimes atque magnificas, latis adamantibus ac pyropis alternatim pauimentatas. illas porticus longitudine atque amplitudine visendas, pilis ingentibus vtrisque nixas, ex singulis carbunculis, smaragdus; topazis; illisque impositos fornices triumphales, ex auro solido, artificio mirabili constructos. Proh quales in plateis columnæ, quæ bases & capitella, quæ epistilia, zophori, coronides, quæ pyramides, qui obelisci, qui soliorum luxus, quæ gloria coronarum, qui contextus florum ac certorum nunquam deflorescentium, quæ Deus ipse manu propria dilectissimorum filiorum capitibus imponet, quis nitor viridantium palmarum, quas victorum manibus inseret; post paternos singulorum amplexus, libatâque oscula lacte & melle dulciora.

O felices campi! ô amœna vireta fortunatorum nemorum, perpetuo florentes horti, fontes argenteis riuulorum susurris molliter obstreperantes, aër fragrantibus Seruatoris vnguentis delibutus, quando respirabimus viuacem illum & odoratum aërem! quando harmonicos illos concentus audiemus, & edemus ipsi! Sed quoniam nondum optatissimum illud tempus aduenit, quo transcribamur in cœlites, ab hoc exilio in illam patriam desideria nostra cordâque transferamus, satis superque est cor ora hîc trahere longiores moras, quantas constituerit magnus ille princeps, sed cordis, desiderij, ac delectationis expertia, perpetuôque beatissimam illam regionem spiremus, iterantes crebro illos olim peregrinorum, nunc beatorum ciuium gemitus. Quemadmodū

desiderat ceruus ad fontes aquarum &c. &c. Hei mihi, quia inuolatus meus

III.
Comparatio
reliqueturum
orbium.

IV.
Gemitus aspi-
rantis ad
illud cœlum.

V.
Cōtinuatur.

Psalm. 41. 2.
119. 5.

Rom. 7. 24.

Philip. 1. 13.

Psalm. 86. 3.

prolongatus est, multum incolatus fuit anima mea. Infelix ego homo, quis me liberabit de corpore mortis huius? Cupio dissolui, & esse cum Christo. Gloria dicta sunt de te civitas Dei.

VI.

Complexio.

Quàm amabilis ergo, quàmque admirabilis est illius architecti forma, à quo tam nobilis regia, tam eximium palatium, tam diuinum opus profectum est? Quàm fieri possit ut tam decorum principem, qui nobis regias illas extruxit ædes, perditasque mortis funestissimæ pretio redemit, non toto pectore diligamus?

CAPVT XVI.

Orbes quoque cælestes enarrare gloriam, & pulchritudinem Dei.

I.

*Cæli aspectabiles docent Dei pulchritudinem præ Em-
pyreo.*
Psalm. 18.

DESCENDAMVS interea nihilominus ex regia, nobisque statim occurreret aliud diuinum opus, quod factoris sui decorem sonora voce pronunciat, *Cæli enim enarrant gloriam Dei, & opera manuum eius annunciat firmamentum*; sed voce quæ facilius exaudiri possit, quàm illius cæli, quod paulò antè memorauimus, quod omnes latet, qui scripturarum cognitione carent. Cæteri autem, ignaris loquuntur & doctis, qui alterutrum polum vident, & quatuor incolunt mundi plagas; in omnem quippe terram exiit sonus eorum, & in fines orbis terræ verba eorum. Motus videlicet eorum, & lumen, & calor, & fecunditas quam terris impertiuntur & cæli incolis, ipsorum noticiam omnibus mortalibus afferunt; cùm Emphyreum neque suo lumine hinc agnosci possit, perpetuum enim meridiem produceret, neque motu proprio, cùm sit immobile, neque influxu, si quem habet in hæc inferiora, qui ægrè à cæterorum actione distingui posset.

II.

Eorum præstantia & pulchritudo.

Quis enim est ingenio tam hebeti ac plumbeo, qui sublatis serenæ quapiam nocte in cælum oculis, illaque pulchritudine animaduersa, illa immensitate, illa constanti vicissitudine, illa munditia & nitore maculæ omnis experte, illis astris flammantibus, illo ordine tam composito, illo motu tam rapido, illa translucente soliditate, illaque perennitate, illis fornicibus pæne ad circinum conformatis, illaque omnium pulcherrima figura; quis, inquam, est qui tam mirabile spectaculum contemplatus, non inlignem inde vim delectationis, atque admirationis hauriat? non effundatur in laudes optimi, maximi, sapientissimi, pulcherrimique architecti, qui omnia puncto temporis in sua mente descripsit, & vno verbo eduxit in lucem? Nullus est decor, nulla præstantia, nulla pulchritudo sub cælo, quæ in nobilissimis illis corporibus virtute non contineatur, quæ secundum Deum causæ sunt vniuersæ omnium corporum sublunarium, & omnium quæ ab illis proficiuntur affectionum. Itaque eminentiore modo continent omnem

ornatum, quo natura terrā solū mirabili florum varietate depinxit, qui eū in cælo sint immortales, triduo hic super suo caule flaccescunt.

Quid pretiosissimi quique adamantes, sapphiri, carbunculi, smaragdi, siue in hominum vsu ac possessione versentur, siue in visceribus terræ, siue in aquarum abyssu perdit iaceant ac sepulti, num possunt cum cælestibus illis luminibus de dignitate contendere, si vtilitatem spectes, si magnitudinem, lucem, figuram, durationem, soliditatem? Quis in sydenibus satis admirari queat diuersitatem magnitudinum, colorum, motuum, atque virium; aut mutuū illorum ordinem, proportionēque conficere, qualis in magno exercitu ad dimicandum parato cernitur. Neque enim sine causa tota illa stellarum multitudo *miliria cæli* in sacris voluminibus nuncupatur, quod sit instar exercitus in suos ordines, turmasque distributi, quamuis, ex infinita pene distantia, tota res à mortilibus oculis minus agnosci possit. Hanc enim vel præcipuam pulchritudinis partem, à tanto artifice neglectam, in opere tanto, tamque præclaro, atque adeo sempiterno, existimandum non est; aut in eo casui aliquid fortunæve permissum, quæ à diuinis operibus longè absunt.

Arbores modò frondium viriditate ornata, modò gratum floribus odorem halantes, modò fructuum pondere, copiæque curuata: camporum planicies vndantibus conuestita messibus, colles insperatæ vitibus, valles virenti peristromate longè latèque instrata, montes confertis arborum nemoribus quasi villis horrentes, præcipientes atque inaccessæ rupes glacie, niuib, crystalloque albescentes, hæc, inquam, aliæque his similia cælestis spectaculi pulchritudinem æquare non possunt. Nihil enim multiplici cæli facie mirabilius, hemisphærio subinde mutato, singulisque pene noctibus astrum aliquod vel patefaciente, vel occultante, & singulis horis ad conspectum nostrum illud adducente, vel è contrario ab oculis nostris abducente. Quid verò ad oblectationem iucundius, nisi res vsu iam ipso ac consuetudine viluisset, quam lunam radiis solis accensam, nunc totam splendescere, nunc dimidiatam; postremo ad solem propius accedentem curuari, atque in auersa cornua inflecti, dum planè tota delitescat, moxque renascens ostendet cornua vespertina mortalibus.

Quid medius ille solis orbis? nunc solem prodit æstuosum, radios lucis ad perpendicularum super capita nostra vibrantem, nunc aliosum & modico supra terram confecto cursu abdentem se, nunc lunari corpore, nunc humili nebula ita tectum, vt appareat tamen, quasi facies crispante serico velata: nunc reiectum penitus, planèque aspectabilem, aut potius reagentem omnia, & oculis subiicientem. Ille igitur artifex cui cordi fuit hos fabricari globos tam illustres, propriæque architectari manu, iuxta illud regij Prophetæ, *Quoniam videbo cælos tuos, opera digitorum tuorum lunam & stellas, quæ tu fundasti*, & scilicet vestigia pulchritudinis tuæ impressi, in vsū mortalium, nonne tum singulari pulchritudine

III.
*Præsertim
astrorum.*

IV.
*Cæli spectā-
culum terra
collatum.*

V.
Solis orbis.

Psalm. 8. 4.

prædictus est, tum amore dignus singulari? quando tam eximie beneficiæ præmium aliud, præter amorem reciprocum, nullum petit. *Diliges Dominum Deum tuum, ex toto corde tuo.*

VI.

Cælicontui

eius

Cic. Tusc.

Chrysippus

2 de nat.

Deorum.

Excitemus igitur aliquando nostros in cælum oculos. eosque tam iucundo aspectu fructuosè recreemus; præsertim cum perpetui terræ cines facti non simus, ut mutæ pecudes, sed inquilini. Quidam certè philosophi censuerunt hominem cæli contemplatorem esse conditum, rati nihil in hac vita esse melius, quia finis est quid optimum, ut illi ipsi docent. Cui poëta consentiens,

Pronaque cum spectent animantia cætera terras,

Os homini sublime dedit, cælumque videre

Iussit, & erectos ad sidera tollere vultus.

e. 5. 12. supra

l. 3. c. 13.

Et Tobias ille senior, ut supra dicebamus, magnam se mœroris causam habere significabat, quod lumen cæli videre non posset. At nos ad multo præstantiorem contemplationem nati sumus, ad quam nos cæli conspectus quasi manu ducit. Utamur admonitione Sapientis. *Vide, inquit,*

Eccli. 43. 12.

arcum, & benedic eum qui fecit illum, valde speciosus est in splendore suo.

Figura enim illius quasi circino circumducta, & lux, & colorum varietas non parum grata sunt oculis. Quod si mutabiles hæc æris affectiones, nos ad laudandum Deum inuitare debent, quanto magis solida illa constantisque cæli pulchritudo, & syderum in eo inhaerentium?

VII.

Et inde nati

affectus.

Exprimat subinde ista contemplatio è pectoribus nostris illam vocem, O quam speciosus est is, qui tam speciosum cælum fabricatus est. Quam delectabilis est illius facies, qui tam delectabilem homini cæli faciem produxit. Quam ingens est illius pulchritudinis oceanus, ex quo tam magni elegantiae fontes erumpunt. Quam pulchra est aula ista regia, cuius pavementum, quod calcatur pedibus, tam diues, tamque illustre est. Quando, ô quando inambulabimus supra coruscantes cæli fornices, mortis legibus expediti, anteaetæ vitæ rationibus explicatis summo Iudici, ac probatis; transactis cum dæmone, mundo, & corpore isto certaminibus, & in possessionem missis illius hæreditatis, quam illi nobis perire cupiebant. Nutriamus, Christiane lector, istis cogitationibus ac desideriis pectora nostra, quæ sensim ardentem mundi amorem restinguent, & diuinum accendent; radices quibus nimium terræ affixi sumus extrahent, purgabunt animos terrenis fœcibus, ut pateat illis aditus in illa palatia, quoniam nihil inquinatum, aut abominandum in ea admitti potest.

Apoc. 21. 27

VIII.

Grata inde

terrarum

contempla-

tio.

O Deum immortalem, si nihil ibi aliud nobis agendum foret, si nulla proposita esset alia delectatio, quam tuta & quieta contemplatio terrarum omnium atque marium, sinuum, fretorum, portuum, regionum, montium, insularum, cultorum ac desertorum locorum, ab vno polo ad alterum, quæ toties irritus ac funestus inuestigauit labor; contemplatio, inquam, terrarum & marium in medio mundo, re nulla sustentante, pendentium, æstorum item eorumque motionum, actionum, influxuum è propinquo

conspetus, nonne id esset satis efficax curiositati nostræ incitamentum, ad vitam ex virtute degendam, quando nullis aliis scalis eò conscendi potest. Præsertim cum illic non illa solum, sed infinita alia arcana, & in primis pulcherrima beatissimâque Dei facies cerni possit. Vt maculosam in catena tigridem, vel leopardum aut pantheram, aliâve feram videre liceat, pretio redimam, atque periculo. Cur ergo pretio vel periculo parcam, cur non vitam quoque bene positam puteim, si modò liceat beatissimum illum vultum intueri, qui omnem animorum capacitatem continenti gaudio, ac voluptate cumulabit?

CAPVT XVII.

Elementorum decor diuine quoque pulchritudinis est argumentum.

QUÆ de diuina pulchritudine à nobis disputata sunt hætenus, si rei dignitati aliquo modo respondere potuissent, nemo esset profecto tam stupidus, quin eximia lætitia, & consolatione perfunderetur; præsertim cum amor decoris sit nobis à natura ingenuus, sicut & pondus voluntatis ad amplectendum bonum. A natura, inquam, aut ipso auctore naturæ, qui concessa cuiuspiam forma aliqua, dat etiam quæ consequuntur formam, ut philosophi tradunt. Qui enim producit ignem, leuitatem quoque ad sursum euolandum, & propensionem ad comburendum producit. Tale quoque est nostrum scientiæ, felicitatis, propriæ conseruationis desiderium, aliâque id genus, quæ tam antiqua sunt in nobis, quàm nos ipsi; neque desinent, quandiu natura ista non desinet.

Inter hæc propensiones, & innata desideria rectè numeratur contemplandæ, fruendæque pulchritudinis appetitus, quem sentiunt quæcunque illam cognoscere possunt, ut de equo nuper, & luscina dicebamus, quibus & pauonē adiungere meritò possumus, qui picturam caudæ suæ pulchritudinem agnoscit, ostendatque, & ad pompam circumagitur, nec se prius versat in rotam, quàm aut versicolores plumas in collo sentiat, aut caudam oculatam, aut cristatum caput. Pueruli, qui naturæ appetitus fingere, aut celare non possunt, formosula quædam crepundia studiosè ambiunt, & pro iis obtinendis multo meliora profundunt; quæ stultitia etiam grandiores nonnunquam tenet; sed hic abusus est, nec ab auctore naturæ profiscitur, quippe qui rationem dedit, ad regendos corrigendosque animæ sentientis appetitus. Itaque si hoc formæ desiderium naturæ, ab ipsius auctore insitum est, oportet in ipso tanquam in causa, sed meliore modo, & sublati perfectionibus residere: habet enim in se, quod in effecta deriuare possit.

I.
Appetitus à
natura insi-
ti.

II.
In iis amor
pulchritudi-
nis.
L. 3. c. 3. n. 4.

Quæ est in
Deo, ut in
causa.

III.
Non tamen
eius deside-
rium.

sed fructus.

Quoniam verò formæ, vel alterius cuiuspiâ boni desiderium eius absentiam ponit, & proinde imperfectionem eius, qui illo bono caret, non potest eiusmodi desiderium in Deo, bonis omnibus abundante reperiri, eiusque locum tenet delectatio possessionis comes; cæteris id bonum non tam desiderat, quàm pro arbitratu impertitur. Hominum itaque propensio in amorem formositatis, divinæ spæciei argumentum est, quàm rebus à se conditis, pro cuiusque captu, ac conditione, dispertit, nihil imminutis thesauris suis. Decursa itaque superioris mundi pulchritudine, ab illis beatorum sedibus, & regione immortalitatis, ad habitationem mortaliū, elementarium regionem, ortui atque interitui obnoxiam descendamus.

IV.
Terra pul-
chritudo ex
humana si-
militudine.
Senec. l. 3.
nat. q. c. 15.

Est enim vel in elemento terræ, quamvis mundi centro, & basi reliquorum elementorum, nativa quædam, neque ab arte profecta pulchritudo, ut quæ sit mater perfectissimorum animantium, nec parvam habeat cum homine cæterorum principe, omnisque elegantie exemplari similitudinem, à philosophis iam pridem observatam. In eo porro posita est, ut sicut corpus humanum venis est arteriisque respersum, qui sunt quasi canales & aquæ ductus, quibus sanguis & spiritus per singula membra tribuuntur: in terra quoque sint natiui aquæ ductus, quos venas quoque nuncupamus, præter ipsum fluminis alveum, & multis in locis scaturiant, & in fontes diffluunt. Sunt & nonnullæ sub terra semitæ, quibus spiritus, ventique excurrunt, qui tumultuantur aliquando, terræque magno fragore concutiunt. Habet humanum corpus partes aliquas duriores, ut ossa, quæ attollunt fulciuntque molliores, ut carnem, & musculos, aliasque molliissimas, ut medullam, quæ in ossa influit, & cerebrum, quod cranio in summo capite continetur. Eodem modo rupes ad nubes usque terram eleuant, & à ventis fluctibusque defendunt, nec caret mistis mollioribus cera, melle, pice, resina, aliisque, quæ in arboribus, rupibusque gignuntur.

V.
Aquarum
nomen.

Quid aquas & flumina, quid paludes & maria, ipsumque oceanum memorem, fluviorum fontem & hospitem, originem nubium, pluviarum, & innumerabilis piscium varietatis parentem, commercium nationum disunctissimarum, compendiarum semitam itineris longinqui, terræ nutriticæ, plurimarum ægritudinum medicinam, cæli speculum, & imaginem politam atque pellucidam in tranquillitate, in tempestate turbulentam: oceanum terroris audacium, pœnæ fontium, paratum viventibus sepulchrum. Denique aquarum abyssus, quæ facta est materia globorum cælestium, superque firmamentum ipsum infinitis è crystallo imaginibus, formisque lussit, num pulchritudine caret, quæ divinæ vestigia pulchritudinis ostentet?

VI.
Aëris.

Aër quoque translucidum elementum, à quo voces & lumina, omniumque sensuum species sustentatur, à quo hominis anima, maximæque partis animalium fouetur, ne viscera calore suffocentur: aër ventorum, à quibus naues quoquo gentium impelluntur, parens, à quibus tecti

retri odores halitūque pelluntur, coguntur in pluuiam, & dissipantur in ferentem aërem: aëre materia corporum angelicorum, & eandem speciosissimarum, & tribunalis, quo Iudex viuorum & mortuorum insidet, palium denique honorarium electorum, decore non caret, quo factoris sui speciem imitari possit.

Id ipsum possumus de igneo elemento pronuntiare, quod in cœli cōfinio ac vicinitate versatur, quo nihil in agendo promptius, nihil efficacius esse potest. Nonne ignis primarius est artifex, & quasi architectus quamplurimorum nobilissimorumque operum artis & naturæ? quæ in te diuinam omnipotentiam imitatur, quæ res omnes molita est, atque conferuat. Ignis instructus proprietatibus omnium corporearum nobilissimis, lumine & calore, diuini amoris, pulchritudinis & sapientiæ symbolis, quæ potest carere pulchritudine, cum tantarum perfectionum, decorem ac dignitatem repræsentet?

Quantum postremo venustatis apparet in iis, quæ ex elementorum compositione constantur? Quantus est in metallis decor, si artificis ingeniosa manus accesserit? Quam pulchri colles vestiti pampinis, campi segetibus, syluæ densis arboribus, viridaria pomis, horti infinita florum pulcherrimarum varietate, colore inter se, figura, odore, virtute certantium? Quam iucundus aspectus auium aërem pennis tranantium, piscium fluctus branchiis & cauda diuidentium, & terrestrium animalium sola terrarum, cursu, saltu, incessu, tractu permeantium; & quot in his omnibus diuinæ suauitatis notæ, quot pulchritudinis argumenta?

VII.

Ipsiūque
ignis.

VIII.

Et mixtorū
corporum.

CAPVT XVIII.

*Humani corporis decor & elegantia diuinam quoque
pulchritudinem probat.*

VERVM vt hæc rerum inanimatarum, vel mutarum animantium argumenta taciturniora missa faciamus, solus homo, Dei in terris imago longè præstantissima, copiosam nobis materiam suggerit exclamandi cum Dauide, *Magnus Dominus & laudabilis nimis, & Quam magna multitudo dulcedinis tuæ Domine*, qui hominem tibi amabilem efficere voluisti, imaginem in eo pulchritudinis tuæ artificiosissimè depingendo, quantum illius corpus, animusque ferre potuerunt. Nihil in hoc aspectabili mundo pulchrius homine, aut melius cerni potest; quippe cuius causa ille conditus est, eiusque Dominus constitutus. In illo autem nihil vultu gratius, nihil à magno illo artifice concinnius elaboratum, utpote animi natiua imagine. In vultu enim maximè ille se prodit, in quo sedem habent sensus omnes externi, in quo se interni

I.

Deus homi-
nem sibi ex
pulchritudi-
ne amabilem
fecit.

Psal. 47. 2.

& 95. 4.

Psal. 30. 20.

apertè produnt, ubi omnes animi motiones, affectusque innotescunt, ut in horologii tabula horæ descriptæ. Et sicut in memoria, intelligentia, & voluntate animi diuina imago splendet illustrius. ita imago animi clarius in facie, accuratiusque picta cernitur; quantum quidem res corporea spiritalem referre potest.

II.

Facies, cuiusque partes imagines animi.

P. Richeomus in sua Valedict. animæ, c. 49. &c.

Intuere, quod ætate nostra sapienter considerauit vir egregius, ut in oculis corporis, intellectus animi oculus representatur, & istius in illorum diuersitate varietas; & mentis, in oculorum elegantia, pulchritudo: adeo ut vix insigni decore oculi, nisi in homine præstantis ingenij reperiantur, qui facile spiritalia percipit, ut illi corporata. Voluntas, in qua vis animi est, in ore cernitur, ex quo manat oratio, qua homo mundum regit vniuersum, vimque suam maximè prodit. Oris enim opus est oratio, quæ in illo quatuor præcipuis instrumentis, quasi ad proplasma, fingitur atque figuratur, lingua, dentibus, labiis, & palato, quæ imagines sunt libertatis, & animi commotionum. In auribus memoriam depictam cernit quicumque attenderit, ad vtrumque officium percipiendi, retinendique præcepta: ut enim auris sonorum, sic memoria cogitationum apotheca, & quasi armamentarium dici potest.

III.

Testes diuina pulchritudinis.

ap. mund. r. die 6. nu. 10 & seqq.

Mitto pleraque cogitata perelegantia circa faciem humanam, quorum nonnulla alibi attigimus, faciem inquam, illustre propylæum palatij animæ, & quasi parma tesseraria nobilissimi molitoris vniutque: ut hanc conclusionem, quasi versum intercalarem iteremus, mirabilem esse illius pulchritudinem, cui placuit tantum decoris in hominis vultum ingerere, quem leoni similem, aut simiæ facere potuisset Qui potuit in eodem tantas producere dissimilitudines, ut in multis milibus, qui iisdem omnino membris consent, quæ numero sibi iustæque proportionem respondeant, vix duo reperiantur non aliqua re varij. atque dispares: cum pictor eruditus vix decem vultus aut duodecim dissimiles suo Marte figurare possit. Quid illam dicam gratiam, illecebramque blandissimam, quam diuinus ille pictor, qui amat sibi similia moliri, in nonnullorum faciem tanta copia profudit, nulla ut irrepat satietas contemplandi, sicut nec beatis, in conspiciendo diuino vultu.

IV.

Peccator pulchritudine abuitur.

c. 31. l.

Peccator autem, qui parentem diabolum imitatus, in diuinis consilijs peruertendis elaborat ac defudat, in illius gratiæ ac venustatis contemplatione, non inuitamenta demitrandi colligit, diligendique medollitus immortalem Dei pulchritudinem, mortalis illius, caducæque effectricem, sed libidinum stimulos, cupiditatis ardores, incendia voluptatum, quibus & in hac vita exæstuet, & post interitum incendio tartareo torreatur. Quanto consultius faciunt, qui se ab huiusmodi obiectis fortiter abstrahunt, non minùs humanæ fragilitati periculosi, quàm blandis cupiditati: & S. illum Iobum imitantur, qui pepigerat fœdus cum oculis suis, ne cogitaret quidem de virgine, nequæ curiosi eam oculis intueretur. Cui consentiens Syracides. *Virginem, in-*

quit, *ne conspicias, ne forte scandalizeris in decore eius.* Sed iam tem-
pus appetit, vt ex decore quoque spiritualium rerum diuinam pulchri-
tudinem coniciamus.

CAPVT XIX.

*Spiritualium rerum, & nominatim angelorum pulchritudo,
diuina argumentum est.*

IN vnoquoque rerum genere inuenitur aliquid, quod principium sit, & regula cæterorum, eaque dignitate antecedit. Is est in spiritalibus rebus Deus, Sol in planetis, cæterisque cæli facibus, in simplicibus corporibus cælum, aurum in metallis, homo in animantibus, delphinus in piscibus, in auibus aquila, in feris leo. Hunc quoque gradum ignis obtinet in elementis, in virtutibus charitas, in gradibus nobilitatis regia dignitas. Quo autem quidque propius abest ab eo principio, hoc etiam in suo genere dignitate præstat; tanto enim magis ad illius principij naturam, perfectiones, ac proprietates accedit. Quo quis propius ad regis consanguinitatem, aut affinitatem pertinet, eo est etiam nobilior, calidior, quo magis fuerit igneus, & sanctior, quo maiorem fuerit charitatem consecutus. Et inter animalia illa sine controuersia præstantiora sunt, quæ ad hominis docilitatem & rationem sunt viciniore, in quibus non sine causa equi, elephantique censeantur. *Elephanto*, inquit Marcus Tullius, *belluarum nulla prouidentior.*

I.
Principium
in quoque
genere regu-
la est cæse-
rrum.

De Nat.
Deor.

Si ergo, vt par est, hac regula dirigimur, fatendum est beatos angelos, qui inter omnia creata propius absunt à Deo, pro suæ conditione naturæ, diuinas quoque perfectiones, proprietatesque excellenter participare, eoque excellentius, quò fuerint in sacris angelorum ordinibus præstantiores, pluribusve à Deo donis locupletati. Quas inter perfectiones pulchritudo non infimum locum tenet. Oportet ergo angelos, qui diuinam imaginem in se elegantius depictam ferunt, cæteris omnibus, quæ sunt à Deo condita, esse pulchriores; Deumque vice versa, qui sit primarium, eorum exemplar, esse longè pulcherrimum. Spiritalia viciniore sunt Deo qui Spiritus est, quàm materiata, ideòque nobiliora; quo autem nobiliora, hoc maiore sunt ad perfectionem facultate prædita, sicut homo præ omnibus animantibus, Deus præ omnibus rebus creatis.

II.
Sic diuina
spiritus, re-
liquorum.

III.
Opinio anti-
cipata de
Angelorum
pulchritudi-
ne.
Act. 6. 5.

Quod porro ad angelorum pulchritudinem pertinet, sacre literæ profanæque docent anticipatum esse mentibus hominum atque informatum, angelos egregia quadam forma præstare. De Stephano

protomartyre legimus, adductum eum in Hebræorum conuentum, omnesque qui erant in consilio intuentes eum, vidisse faciem eius, tanquam faciem angeli, eximij videlicet decoris & elegantiae. Vxor Manue Samsonis mater nunciatura marito vidisse se virum egregium, ait illi vultu angelico fuisse præditum. Talis erat ille iuuenis, quem Tobias iunior habuit itineris ducem, quem Scriptura vocat *iunuerem splendidum*. Regina Hester dicebat regi Assuero, *Vidite Domino quasi Angelum Dei, & conturbatum est cor meum præ timore glorie tue. Valde enim mirabilis es Domine, & facies tua plena est gratiarum*. Huc referri potest illud poetæ,

Virg. 1. Æn. *O quam te memorem virgo, namque haud tibi vultus
Mortalis, neque vox hominem sonat; ô Dea certe.*
Et rursum illud,

*Restitit Aeneas, clarâque in luce refulsit
Os humerósque Deo similis. -----*

IV. Illud quoque vulgo crebro vsurpatur, de puero scito & eleganti, eum forma similem esse angelo. Et si qui pueri dantur in theatrum, qui angelos referant, elegantissimi quique seliguntur, quod talibus illi soleant apparere corporibus, cum Dei nuncios agunt. Sic in natiuitate Christi Domini circumfusi, gloria & claritate Dei circumfulserunt. In resurrectione quoque Dominica, facies Angeli fulguris instar coruscabat, & vestimenta eius æquabant candore niues, ut aptius Domini sui gloriam repræsentaret. Neque verò difficile ipsis est huiusmodi corpora fabricari, cogendis pro arbitrato nubibus, atque figurandis; luce deinde, ac florido colore liniendis. Quod si nubes densior, radiis solariis opportunè infusa, pulcherrima, gratissimâque luce coruscat, minimè dubitandum est angelum, qui se insignius ornare voluerit, ut legatum Regis regum decorè repræsentet, corpus sibi efficturum, quod decore & elegantia singulari, mirabilem excitet amorem sui, ac venerationem.

V. Is enim qui Ioanni Euangelistæ in Apocalypsi apparuit, tanto splendore ac gloria coruscabat, ut ille ipse Apostolus, qui in Thaboræo monte Christi faciem cum itupore viderat fulgurantem, qui eundem à resurrectione, ad idque in cælum ascendentem, atque triumphantem conspexerat, sit tamen in illo angelo maiestatis agnosceret, ut Deus putari posset, & diuina adoratione dignus, nisi eum ab illo errore Angelus ipse reuocasset, ut eum locum explicat Augustinus. Si ergo Angelus ex aëre, vaporibus aqueis, & exhalationibus terræ, inmixto deinde lumine & colore, tantam potest efficere pulchritudinem, quantam demiratus Euangelistæ diuinam putabat; quid obsecro fecerit ille mundi architectus sapientiæ ac potestatis infinitæ, volens eos esse quasi epheros honorarios in aula sua, in templo suo, in conspectu suo, ut in eos primi ab eius vultu radij emicantes incurrerent?

Aliud exemplum ex Apocal.
ca. 19. 10. &
22. 9.

q. 61. in
Gen. & 1
20. contra
Faust. c. 21.

Nabuchodonosor eligi voluit in regios pueros honorarios de captiuis Israëlitarum filiis, de semine regio & tyrannorum, pueros, in quibus nulla esset macula, de oros forma, & ex istos omni sapientia, qui stare possent in palatio, & conspectu regis. Angeli tui, Domine, captiui nunquam fuerunt, nullo quippe vnquam inquinati sunt peccato, & qui peccato seruierunt, perpetuò seruiunt, neque vnquam in libertatem filiorum Dei asserentur. Nimirum res hic hęc figura humanum genus, totum, vnius hominis culpa, peccato mancipatum: quin etiam nondum filij Israël, aut contemplatores vultus tui, sicut boni Angeli tui, facti sumus; tanto tamen nos honore atque amore prosequeris, vt quosdam de nobis eligas, quos tu ipse mundas atque sanctificas, arcana mysteriorum tuorum doces, decoras gratia & virtutibus tuis, mentorum tuorum opibus locupletas, reddisque idoneos, qui astent conspectui tuo, ibique Canticum immortale resonent gratiarum actionis, *Nisi quia Dominus adiunxit me, paulo minus habitasset in inferno anima mea.*

Quales ergo condideris, ô diuina sapientia, eos quos honorarios assecras perpetuò habere voluisti, qui tantæ maiestatis dignitatem non dedecorent, qui nullam peccati maculam in fronte gestarent; quibus nulla vnquam culpa exprobrari posset: quos sacrarum tui symphoniarum elegisti, & quasi sanctioris exedræ cubicularios, oraculorum nuncios atque interpretes, filiorum tuorum moderatores & custodes; vrbium, prouinciarum, regnorum & nationum præsides, & gubernatores; motionum cœlestium causas principes: denique primogenitos Dei filios, & beatissimi eius imperij, æternæque possessionis hæredes.

O anima mea, quanto amore, quantæque veneratione prosequi debes nobilem illum principem, tibi diuinitus ab ortu datum tuo, in duces vniversæ peregrinationis tuæ, in doctorem illustrantem tenebras mentis tuæ, in patronum ac protectorem, donec te, superati Oceani huius vniuersæ procullis, moristrisque formidolosissimis Perone, Aëmonæ, Sirenibus, transferat in portum salutis, ædes patris nostri qui in cœlis est. Ibi contemplabere securus eximiam eius ac sociorum ipsius pulchritudinem, ex tribus illis, quæ supra dicebamus principiis efflorescentem, integritate, quæ est numeris omnibus absoluta perfectio spiritalis eorum naturæ: proportionem, quæ est concentus quidam harmonicus facultatum, & perfectionum ipsorum inter se: claritate denique, quæ dici potest illustris quidam apex perfectionis, intra limites naturæ creatæ.

Quam iucundum erit cum ipsis colloqui, obambulare, & alternis laudem cantica celebrare, & gratiarum actionis ei, qui ipsis largitus est quicquid habent bonitatis, gratiæ, pulchritudinis, qui quæ ipsos condidit perfectas imagines, & eximia decoris sui argumenta. Quantus existet amor, aut patebit potius, nos inter & ipsos, cuius fundamentum erit naturæ & gloriæ similitudo. Erimus enim tunc, vt testatur Seruator

VI.
Alia à simili
cor. cetera.
Dan 1.4.

Psal. 93.17.

VII.
Accommo-
datur An-
geli.

VIII.
Eorum de-
cor ex prima
cipis pul-
chritudinis.

IX
Amor in cu-
stodes Ange-
lorum.

ipse, sicut *Angeli Dei*. Cum manifestò videbimus quàm sint amabiles, quantòque nos fuerint amore persecuti, utque nos excoluerint, tanquam agrum spiritualis messis eorum, & gloriæ aduentitiæ messem. Magnus fuit amor iunioris Tobiae aduersus Raphaëlem, quem pro iuvene conductitio habebat, & quidem huiusmodi, ut illum ex animo vocaret fratrem, *Azaria frater*, inquit, *si me ipsum tradam tibi seruum, non ero condignus prouidentie tue*. Quanto iam tum maior fuisset in illum amor & reuerentia, si eum scisset Angelum Domini, ab eodem de industria, ad eius obsequium, de cœlo missum?

Tob. 9. 2.

X.
Declaratur
exemplo Ra-
phaëlis &
Tobie.

Cap. 12. 22.

Deinde autem postquam filius ac parens rei veritatem didicerunt, & stupor ille, qui tres ipsas horas attonitos tenuit, & humi stratos, remissit nonnihil, sibi que restituti sunt, vix credi potest quantus inter sanctos illos, Deumque autorem illius felicitatis suæ amor exarserit, & nominatim aduersus Raphaëlem, qui tam sapienter illum in tam longinquo itinere deduxerat, incolumemque in paternam domum reduxerat, luculentum ei matrimonium conciliauerat, qui sponsam illi diuinitus destinatam, ab infesto Asmodæo liberauerat, soceri domum immenso gaudio cumularat, pecuniam à Gabelo receperat, pupillum suum à functis draconis faucibus eripuerat, qui oculos restituerat seni, denique bonis omnibus repleuerat sanctam illā familiam. Quoties ei in suis precibus gratias egerunt, quoties quantāque cum animi dulcedine amicis omnibus accepta beneficia celebrarunt; maximè autem cum patefacta à Redemptore cœlesti gloria, Raphaëlis in cœlo societate, & colloquio frui potuerunt.

XI.
Accommo-
datur cœlo.

Cap. 9. 2.

Quanta quoque amoris flamma exardescet in cœlo, nos inter Angelosque custodes, cum illius tum decorem, tum beneficia in nos, huiusce peregrinationis tempore, collata perspicuè cognoscemus, & amantissimè colloquentes, ab illo tam multa nobis ignota, minusque obseruata discemus? Quomodo in mutuos ruemus amplexus? quàm verè, quàm ferè, quàm amanter illi cum Tobia dicemus, *Si me ipsum tradam tibi seruum, non ero condignus prouidentia tue*. Improbi autem qui non Angelos, sed dæmones dilexerunt, eorum consiliis aures prae buerunt, ad eorum arbitrium ac nutum totos se cum ipsis in Dei iniuriam accommodarunt, num ipsi quoque aliquando erunt in cœlo sicut Angeli Dei? annon potius, sicut cacodæmones inimici Dei in tartaro? ubi se mutuò lacerabunt, proscindèntque maledictis, ubi æternis inter se odiis, excerationibusque desæuient.

CAPVT XX.

*Naturalis animorum pulchritudo diuina quoque
argumentum est.*

TRANSEAMVS nunc ad alteram probationem diuinæ speciei, elicitā ex decore animæ humanæ, quæ altera est diuinitatis imago. Huius autem pulchritudinis animæ locupletissimus testis est celestis eius sponsus, cuius sapientia falli non potest. In illo enim nobilissimo ipsius Cantico auditur atque iteratur illa vox, *Ecce tu pulchra es amica mea, ecce tu pulchra es, oculi tui columbarum.* Vbi geminam animarum pulchritudinem haud obscure significat, alteram natiuam, alteram aduentitiam ex diuinæ gratiæ ornamento, vt alio iam in loco attingimus, & vtramque ad diuini vultus similitudinem expressam, ac delineatam. Prior naturæ fines non transgreditur; posterior naturam longè transcendit. Eodémque modo boni habitus ac dispositiones in anima reperiuntur, partim ingenitæ, partim etiam acquisitæ, & vtræque ad animæ ornamentum conspirant

Naturalis animi pulchritudo primùm integritatem requirit, quæ est integra atque absoluta perfectio naturæ. Et si enim animus hominis pars est vna dumtaxat, non totum quoddam integrum, atque perfectum: in suo tamen genere integritatem habet, cum & subsistere possit ipsa per sese, vt re ipsa subsistit, cum primùm corporea habitatione defuncta est, & in se habeat quidquid ad rationem vtentis animæ naturalem perfectionem pertinet, quàm à suo corpore non mutuatur; quin potius suam ab anima corpus venustatem mendicat, vt ex illius absentia notissimum est. Cùm ergo suum anima huic terrenæ moli decorem impertiat, quæ alioqui in fœdum cadauer abit, atque dissoluitur, necesse est animam istiusmodi elegantiam, licet dissimili quodam modò, prius possidere, quàm corpori largiatur. Sic pictor mente priùs conceptum habet imaginis decorem, quam eum illi tribuat; & lux dignitatem anticipat, quam coloribus infundit, sic vt neque lux coloribus, neque imagini pictor quidquam acceptum ferat. Parique modo animus corpori vitam, motum, sensum, orationem tribuit, neque ab illo accipit, quod per ipsum exercet.

Requirit secundò pulchritudo animi proportionem, qua facultates eius præclare inter se congruant, suasque functiones aptè, decore, & ordinatim exercent; sic vt in eis œconomia cōpositissimæ familiæ, aut Reipublicæ sentiatur. Itaque Plato & Aristoteles, viri in humana sapientia principes, hominem regiam ciuitatē esse dixerunt, eamque bipartitō

I.
Geminā pul-
chritudo
anima.

Cant. i. 15.

I. c. II. n. 3.

II.
Naturalis
quid requi-
rat.
Integritas in
quo posita.

III.
Quid requi-
rat propor-
tio.

Homo riv- *mundum.* Pars enim superior huius habenas Reipub. moderatur intelli-
tas regia *gentia, memoria, voluntate: inferior obtemperat, rationique famulā-*
Vide Riche. *tur, & iram continet, & cupiditatem in multas utramque motiones dis-*
in valed. c. *tributam, ordine mirabili, tam in captando, fruendoque bono; quam*
32. *in malo auersando, fugiendoque; adeo ut nulla in Reipublica solentior*
possit esse partium, aut subtilior officiorum descriptio; sed infinitior sit
oratio, si singula persequamur.

IV.
Spiritalis
anima cla-
ritas.

ingeniosa
inuenta.

Dicendum est enim aliquid de spiritali animæ claritate, quæ se in mē-
 tis eius perspicaci prudentia, solertiâque facile prodit, dum præterita
 omnia, futurâque secula permeat, atque peruat. Splendet in ea inge-
 nij lumen acerrimū, & mēs nouarum rerum excogitatrix, quas toto ter-
 rarum orbe, quasi ex vtero mirabili fecunditate profudit. Hinc enim
 tot artes, scientiæ, opificia, machinæ, industriæ, disciplinæ, quarum vel
 particulæ accuratius capiendæ, vix hominum quamuis productior vita
 sufficiat. Quantus fuit ille splendor intelligentiæ, cui ars typographo-
 rum, aurificum, architectorum; sculptorum, pictorūque peritia debe-
 tur, absolutior præsertim, atque perfectior? Quæ lux eduxit è tenebris
 ignorantix nobilissima opera textilium sericorum, heteromallum bom-
 bycinum, aut rasum densius, aut multitium, aut damascenum? quæ pā-
 nos & aulæ tam artificiosè serico, argento, aurōque illusa? quæ liquā-
 di, tenuandi, producendi, innumerisque modis figurandi metalla? quàm
 illustria fuerunt ingenia; quæ cœlestes, terrestresque globos, tam so-
 lenter imitata sunt? quæ horologia, sphæras & astrolabia; quæ geogra-
 phicas, cosmographicas, chorographicasque tabulâs, tam scitè elegan-
 tēque designarunt? quid cætera dicam instrumenta mathematicorum,
 aut virorum militarium inuenta, seruandis hominibus, atque perden-
 dis? utramque enim in partem valet ingenij humani lumen.

V.
Quæ ad Deū
quoque per-
tinet.

Et lucem
mentis eius
ostendunt.

Hæc porro tanta lux animi, tamque excellens non hebescit usu, neque
 deteritur, quamuis corporis organa paulatim minuantur atque langue-
 scant; clarescit potius, atque augetur, sicut aurea vel argentea lamina,
 quæ fit affricu lucentior, cessatione autem & quiete, rubiginem con-
 trahit. Quanta est igitur huius animæ, quā nos Deus muneratus est, pul-
 chritudo? quàm speciosus, qui ei non solum hanc speciem tribuit, sed
 tanquam causa primaria, in omnes illius actiones, inuentâque præcla-
 ra influit, influetque porro futuris seculis, tanquam animæ ipsius, inge-
 nij, manūsque molitor, artifex, conseruator; adeoque cum ipso opifi-
 ce, & inuentore, inuentor, opifex, & perfector.

CAPVT XV.

*Animi ex ornamento gratia decōr diuinam etiam
formam probat.*

QUOD si naturalis animæ venustas diuinæ pulchritudinis argu-
mentum est, tanquam naturæ ipsius authoris & architecti, quan-
to illam probabit vberius eiusdem animæ à gratia profectus decor, quæ
illam diuinæ naturæ ac dignitatis participem efficit. Alio quoque loco
à nobis hac de re dictum est aliquid, sed ipsa rei præstantia omnem vin-
cit orationem, adeo vt ne ipsos quidem Angelos putem aut cogitare
posse, aut cogitata dicendo expromere, quibus satis æstimare possimus
quanto gratia sit animabus ornamento, & ad quantam eas excitet digni-
tatem. Verum vt nulla posset alia probatio reperiri, ista certè abunde
sufficit, quod ipsemet Deus Opt. Max. prouidens præstantiam animæ
gratiæ ornamentis instructæ, non dubitauit de folio maiestatis suæ de-
mittere sese, humanam naturam assumere, & in ea facere ac pati, quæ
fecit, ac perpeffus est. Nōne hoc idoneum est argumentum omnibus
ingeniis euincendis, & ad hanc confessionem eliciendam, diuinam Sa-
pientiam negotium tam arduum, viam tam salebrosam, opus tam stu-
pendum in rem vulgarem, exiguique momenti, non suscepisse.

Viri principes non facilè iis rebus oblectantur, quibus capitur vul-
gus rusticanum; nec qui cibus horum palato sapit, illis sapit: Non du-
bitauit Augustus quendam carpere, à quo inuitatus ad cœnam, minùs
splendidè acceptus fuerat, quàm tantam maiestatem decebat; illòque
familiarem mediocritatem excusante, *Non putabam*, inquit, *me tibi esse*
tam familiarem. Quin & M. T. suam accusat audaciam, quòd Hircio
cœnam dederit sine pauone. Formæ quoque quas probant, non ex pago
sunt, mortales requirunt Deas. Quæ igitur tanta venustas, tanta formæ
dignitas esse potuit, quæ non ingeniosum aliquem, & emunctæ naris
hominem, non primarium virum, aut principem illecebris iureti, sed
ipsum in cœlo imperantem Deum, tam immemorem efficeret maiesta-
tis suæ, vt in gratiam animæ vnus, quæ diuina gratia ornata esset, pro-
bra ac dedecora inimicorum, adeoque plagas & verbera, sputa & ala-
pas, sceptrum arundineum, & spineam coronam, crucis denique pati-
bulum vltro, ac libenter ferre posset. O quàm verè dictum est à Poëta:

Non benè conueniunt, & in vna sede morantur

Maiestas & amor.---

Magnus est animæ naturalis decor, eique gratus, qui nil odit eorū quæ
fecit; is tamen non impedit, si diuina gratia defuerit, quin animam è

I.
*Animi su-
pernaturalis
pulchritudo.*
2. Pet. 1. 4.

*quàm dili-
genter a Deo.*

II.
*Viros prin-
cipes vulga-
ri non de-
lectant.*
Suet.
1. 9. ep. 20.

III.
*Quanto po-
rior sit apud
Deum gra-
tia decor, quàm*

natura.
Sap. 11. 25.

conspetu suo eiiciat, extradat, exterminet, & in teterrimū perpetuūque carcerem præcipitem agat. E contrario si ista gratia decorata fuerit, tam gratiosa est apud Deum tamque potens, ut ad eius hereditatem, & gloriam sempiternam certum ius habeat, atque legitimum. Eadem ista diuinæ naturæ participatione tantam venustatem acquirit, ut Deus illam diligat, ut pater optimos atque obsequentissimos filios, & quasi propriæ naturæ consortes; denique ut personas ad tantum dignitatis, ac nobilitatis gradum euectas, nulla ut possit in terris cum eis de dignitate contendere. Itaque ancillulæ vnius anima, vel vno gratiæ ornata gradu, apud Deum, regum omnium ac dynastarum animabus dignitate præstet, si ea fuerint destitutæ.

IV.

*Aut aliis
quævis huius
vise decor.*

Auri & argenti nitôr ad illam gratiam, terra sterilis est; lilia, rosæ, viola sordes sunt; panni auro, argento, serico, gemmisque illuminati, non admodum distant ab aranearum telis: carbunculi, smaragdi, adamantes, adeoque ipsæ stellæ in cœlo fulgurantes, vitrea fragmenta sunt, rubro, viridive colore imbuta: artes omnes, facultates, disciplinæ, quin & ipsæ quoque virtutes, ad quas humana possit industria, laborque peruenire, si gratia illa defuerit, parum prouidæ aut sanæ mentis studia sunt; quando magnus ille Iudex, & sapientissimus rerum æstimator hæc omnia nullo numero habet, nullo loco; quin potius hæc omnia fastidians ac despuens, in sterquilinum abiicit, flammisque sempiternas, in quibus doctissimi quondam Philosophi, Oratoresque cruciantur.

V.

*Ideoque pro-
digiosum est
parvi fieri.*

Nihilominus, ô rem prodigiosam, sanguineisque lacrymis deplorandam! tam parui sit à plerisque mortalium, tam facili illius iactura toleratur, quasi tam speciosum balsamum tantum infra res omnes foret, quantum supereminet vniuersas. Quàm multi sunt, qui pro re nihili peierabunt, diris sese dæmonibusque deuonebunt, simulque amissa Dei gratia, illius hostes fient? Quàm multi leues immundæque voluptates, & nunc diuinæ gratiæ, singularique animæ suæ dignitati, & æternis olim deliciis anteponunt? Quàm multi, vergente licet solenni ieiunio, ut ientaculo fruuntur, aut cœna, Deo rebus ipsis, si non verbis dicunt. Ergo nuncium remitto amicitiae tuæ, tuas tibi res habes; malo hic cum diuite epulone genio indulgere, & aquæ guttam in tartaro æternum implorare, quàm hic breui molestia ieiunij defunctus, tecum in cœlo conuiuari. Quàm multi, denique, ut cœtum aliquem malè feriotorum risu exhilarent, obscœna loquuntur, de aliena fama detrahunt, de diuinis rebus obgannunt, & insulsum ridiculum diuinæ amicitiae, & proximorum anteferunt charitati.

VI.

Adhortatio.

O insana capita, & antiqui illius draconis artificio dementata, qui in Dei præpotentis iniuriam, vestramque pestem coniuratus, rumpitur inuidia, illa vos amicitia frui, quam ille semel amissam nunquam recuperaturus est. Nolite esse tam improuidi mercatores, ne tantum animæ

vestræ dānnum, ne tantam hosti omnium capitalissimo lætitiā, ne tantam Deo vestro iniuriā inferatis; Deo, inquam, vestri amantissimo, qui factus amator pulchritudinis animæ vestræ, atq; amicitia, philtre quæ fuit ac pharmaca, multis per lanceas & flagella, per clauos tribulōsque, per vitæ suæ, ac famæ dispendia, in atroci crucis, tunc propudiosa, patibulo. Præbe amicam illi aurem, qui studiosus decoris animi tui, cum vocat ad se, non vt eum laboris acerbitate conticiat, sed vt conuiuiō nuptiali reficiat; afferit quippe delicias suas esse cum filiis hominum. Oprat in te faciem sponsæ suæ contemplari. Huc enim pertinet illa vox, *Ostende mihi faciem tuam, sonat vox tua in auribus meis, vox enim tua dulcis, & facies tua decora.* Si acquieneris roganti, ostendet illē quoque suo tempore faciem suam tibi, cum lætitiā, quam nulla seculorum longinquitas terminabit.

Cant. 2. 14.

CAPVT XXII.

Dei pulchritudinem quamuis aliam eminenter continere.

ET si bona malæ opera idoneum præbent testimonium bonitatis aut malitiæ, peritiæ aut imperitiæ authoris sui, iuxta illud Seruatoris elogium, *A fructibus eorum cognoscetis eos.* Licet specimen artis egregium, artificis præstantiam ingeniumque demonstrat, operis tamen perfectio nunquam satis ostendet, nedum æquabit nobilitatem ingenij eius, à quo profectum est opus; perfectiora enim in dies edet, atque lautiora. Corporeæ omnes vires certis definitisq; limitibus continentur. Sol, Luna, stellæ, tantum luminis præferre possunt, nec amplius. Ignis tantæ magnitudinis, tantum calorem excitat, nec ampliorem. Equus tantum stadium decurrere, tantum onus ferre potest, non maius, nisi velis eum non solum sub onere gemere, sed etiam frangi. Homo ad tantam vsque magnitudinem excrecere potest, nec minori paruitate contineri. Neque enim sandò auditum est vnquam homines extitisse, qui vel montes æquarent magnitudine, vel paruitate formicas.

I.

Mat. 7. 16.
20.Corporea
vires definitæ.
12.

Non eadem est ratio virium spiritalium, quæ infinitum pene incrementum accipere possunt, vt ipsa experientia facillè depicenditur. Quo studiosius memoria discendo exercetur, hoc facilius plura ducere, & retinere potest: nisi forte ipsa organa quibus vititur, & quæ ladi vt corporea, corrumpique possunt, aliquod impedimentum afferant. Voluntas nunquam volendi, aut desiderandi finem facit, donec ad infiniti boni complexum peruenerit. Intellectus quo altiora subtilioraq; penetrat, quōq; ingeniosiora excogitat, eo acrior enadit, prōptior, atque subtilior ad sublimiora percipienda, & perfectiora excogitanda. Pd

II.

Non sic
ital...

Theologia, Philosophiaque doctores experiuntur, in id mathematicis disciplinis, earumque instrumentis quotidianum est. Intellectus enim omnia illa inuenta, aliaque plurima continet eminenter, nec vllum eorum, ac ne omnia quidem in vnum congesta vim eius adæquant, aut inuentricem facultatem exhauriunt.

III.

*Adulterque
minus diu-
ne perfectio-
nis.*

*Cap. 40. 17.
18.
qua in Deo
eminenter
sunt, & in-
finita.*

Id si in rebus creatis verum est, quanto erit verius in ipsarum molitore Deo modis omnibus infinito? Itaque obsecro te, pie lector, per illum ipsum Dominum, ne illam cogitationem suscipias, ea quæ nos de diuina pulchritudine diximus hæcenus, ex eiusque operibus collegimus, vilo modo ad eminentissimam, planæque infinitam illius dignitatem accedere. Infinitis enim partibus omnem orationem cogitationemque transcendit, redditque omnes diuinorum operum perfectiones, quæ sunt, aut esse possunt, si cum Creatore componantur, viles, abiectas, atque despicias. Finiti enim ad infinitum est infinita distantia, Eoque illud Esaia referri potest, *Omnes gentes quasi non sint, sic sunt coram eo, & quasi nihilum & inane reputata sunt ei. Cui ergo similem fecistis Deum, aut quam imaginem poneris ei?* Tanta est ergo Dei pulchritudo, vt non solum contineat nobiliore quodam modo omnem speciem ac dignitatem rerum omnium conditarum, quæ corporis oculis, mentisque cerni possunt, id enim totum, vt ait Propheta, *quasi nihilum & inane est*, sed amplectitur præterea immensum Oceanum inæstimabilis, nec communicabilis perfectionis suæ. Omnia in eo infinita sunt, omnia vnus Deus, optimus, maximus, pulcherrimus, atque potentissimus.

IV.

*Id similibus
illustratur.*

Sic flumina omnia, quæ ex vniuersis mundi regnis atque prouinciis in mare se mediterraneum, aut Oceanum exonerant, vix aliquam tantæ aquarum immensitatis partem efficiunt; quod si casu aliquo funditus exarescerent, ne tantillum quidem minueretur Oceanus. Sic stella quælibet primæ magnitudinis, imò astra omnia toto spatia firmamento, vix instar habent aliquot gemmarum nostratum, ad vastissimam amplitudinem ipsius firmamenti, vbi fixa sunt omnia, & in quo innumerabilibus aliis spatium inane relinquunt. Sic stolo aliquis arbori adnascens, nihil est ad syluam Arduënam, aut Hercyniam, nihil quoque vna vel altera scintilla ignis, ad Babyloniam fornacem, ex qua flammarum globi, ad quadraginta nouem cubitos, cælum versus erumpebant.

V.

Verum hæc incrementa multo maiora, potioraque sunt in Deo, qui nobiliore multo, atque eminentiore modo omnem creaturarum rerum decorem continet, quàm Oceanus, aut firmamentum, quæ stellam, vel aquæ cyathum reipsa continent. Nempe quo modo si scriba egregius, graphio ritè aptato, ductus aliquot scitos & elegantes in charta describat, charta hæc habebit reipsa ductum illorum elegantiam, sed manus & mens eos continet eminenter, id est plenius multo, atque perfectius. Sic Sol calorem continet, & humorem Luna, licet neque hæc humida

fit, nec ille calidus. Quæ comparatio omnibus Dei operibus aptari potest, habita ratione facultatis quæ in eo residet, ad multo maiora melioraque efficienda, adeoque plura, quam vel oculus cernere, vel auris audire, vel odoratus olfacere, vel gustatus percipere, vel tactus deprehendere, vel imaginatio figurare, vel mens capere possit, quæ vera pulchritudine, intra vel extra cœlestes orbes, mundumque commendentur.

Cur igitur ita malè sapiā, vt caducis hīsce formis, oculos patiar, mentemque distineri, quas fere obtinere, quibus vti fruique non possum, cum possum tanto vtilius, & debeam tanto iustius, corpus & animū in dilectione tui occupare o Deus meus, dum expecto vt immensa pulchritudine tua perfruar, & simul omnium seculorum decore, qui in te cumulatissime reperitur, o æterna, o vniuersa, o incomparabilis pulchritudo, quæ sola potes restringere sitim cordis mei, extatiare omnes appetitus meos, & omnes animi corporisque mei facultates absorbere. O splendor gloriæ, o candor lucis æternæ, in cuius contemplatione immortales illæ mentes hærent stupore defixæ, incedunt omnibus lætitiis, immensa vndique voluptate perfunditur.

Quod si quando me mortales istæ caducæque formæ morabuntur, volo ac statuo iis quasi gradibus ad illam tuam ascendere, & verissimam hanc consecutionem elicere, o quanto pulchrior est, quantoque coruscet amabilius pulchritudo Dei mei, ex qua tanquam è fornace prodiit ista scintilla! quanto pluris est ipsa latissime patens auri fodina, hoc testaceo vase inaurato! quanto præstat fons aquæ viuæ exilientis è rupe, cyatho aquæ argenteæ inde haustæ! quanto potior est in altissimis montibus congesta glacies à quinquaginta seculis, & in crystallum concreta, globulo vno, poculove crystallino! Si quando videro insigne aliquod ingenij, vel artis inuentum, vel opus eximio artificio elaboratum, nonne ratio exigit vt exclamem, o pulcherrimum poëtæ vel oratoris ingenium! o eruditam egregij pictoris, aut sculptoris manum! Animaduersa igitur tam pulchrè gemmis ornata facie firmamenti, aut hortis amœnissimis tanta florum varietate picturatis, quidni exclamem, O quanta est Dei mei pulchritudo, à quo tantus decor, tantæque venustas, quasi aliud agente aut ludente producta est! Hæc enim ille obiter quasi *ludens in orbe terrarum* profudit: quales sunt excursions mentis & manus fidicinis insigniter eruditi, nobilissime pictoris, rei alicuius imaginem in artificioso carbone adumbrantis, cui, cum libuerit, in promptu est opera politissime elegantæ in lucem edere.

VI.

*Apostrophe
pro contem-
ptu terrena
forma.*

VII.

*Ab ea assue-
gendum est
ad diuinam.*

*Prou. 8. 30.
31.*

CAPVT XXIII.

*Ex præstantissima specie Seruatoris, diuina quoque
pulchritudo colligitur.*

I.
*Ut pluri est
homo apud
Deum quàm
creata om-
nia.
In Genes.
Gen. I.*

BASILIVS magnus, Ambrosius, Ioannes Chrysostomus, Gregorius Nyssenus, aliique sancti Patres obseruant in productione rerum, quæ primis quinque mundi diebus facta est, Deum satis habuisse imperare ut res illa fieret, qui mos est præstantium artificum in rebus minoris momenti, *fiat*, inquit, *lux*; *fiat firmamentum in medio aquarum*: *fiant luminaria in firmamento celi*, & *dividant diem ac noctem*; *producant aqua reptile animæ viventis*, & *volarile super terram*. At cum producendus fuit Dominus & gubernator aspectabilis huius imperij, tanquam in magni momenti negotio concilium cogit, & ait, *faciamus hominem ad imaginem, & similitudinem nostram*. Significabat nimirum se cæteris rebus producendis, tenuia quædam suæ dignitatis vestigia imprimere voluisse, & quasi obscurum sui simulacrum carbone designare: in homine autem viuam ac spirantem imaginem ostentare, in eaque tanquam in re, in qua felicia ingenia obstupescant, præstantissimos quoque diuinæ sapientiæ ductus repræsentare.

II.
*Sic Christus
quàm ceteri
omnes san-
cti.*

Idem possumus de spiritualibus dotibus ac deliciis dicere, quas magnus ille Dominus hominibus dispertit, pro dignitate finis ad quem illos, tam in hac, quàm in futura vita destinabat. Volo, inquit, illum sanctum esse, & ad tantum gratiæ, aut gloriæ gradum peruenire, & in ecclesia mea tam militante, quàm triumphante tanquam primæ magnitudinis astri splendescere; istum autem ut secundæ, aut terciæ; illum ut Solem, illam ut Lunam clarescere: in quibus non magna deliberatione opus fuisse videtur. At quando ille nouus homo, ille secundus Adam, adeoque primogenitus omnis creaturæ, ille dilectus æterno patri filius, illud mirabile specimen diuinæ sapientiæ, atque bonitatis, illud exemplar absolutissimum omnis perfectionis, illud sacrarium omnium paternorum thesaurorum, cui singulariter conuenit illud elogium, *Hic est filius meus dilectus, in quo mihi bene complacui*, tum demum, quasi coacto concilio, Verbo suo, ac Spiritui sancto dixit, *faciamus hominem ad imaginem & similitudinem nostram*. Quasi diceret, *Maiores rerum mihi nascitur ordo, Maius opus moueo*. --- cui nihil vsquam fuit eritve, quod absolute vlla comparari possit, nihil dignius patris amore singulari.

III.
*Id declaratur
tam ratione
animæ
ipsius.*

Quando igitur producendus fuit supremus secundum Deum princeps omnium electorum, idemque verissimum caput vniuersæ spiritualis, corporatæque naturæ, idem Rex aspectabilis Hierosolymæ cœlestis, idem magni concilij angelus, idem princeps facis, & autor futuri seculi:

quando augustissimum illud opulentissimūque diuinitatis templum, ipsius Dei manu condendum fuit, tunc gemum omnes valuz cœlestis ærarij apertæ sunt, effusique omnes thesauri sapientiæ & scientiæ, gratiæ, bonitatis & pulchritudinis Dei; sine pondere, numero, aut mensura: quia *Pater diligit filium, & omnia dedit in manus eius.* Oportuit omnia retro secula conferre operam suam ad prænunciandū, vel adumbrandum Regem omnium seculorum. Sancti enim Patriarchæ & Prophetæ, pro sua quisque parte, hic sapientiam eius, ille fortitudinem; hic potentiam, ille pulchritudinem; hic patientiam, ille mansuetudinem, & vniuersi particulam aliquam attigerunt immensarum perfectionum, quibus munificentissima Dei manus nobilissimam, pulcherrimam, ac beatissimam Christi Domini animam exornauit, ac ditauit. Quæ sunt igitur perfectiones, quæ obsecro thesaurorum spiritualium amplitudo eius, qui profudit hæc omnia, in amantissimum filium, sine vlla suorum diminutione bonorum?

Ioan. 3. 35.

Sed ipsum quoque corpus, externamque speciem intueamur istius *Speciosi formæ præ filiis hominum*, istius candidi & rubicundi, electi ex millibus, cuius caput aurum optimum, & comæ eius sicut elatæ palmarum. Coniciamus oculos in illam imaginem perfecti decoris, faciem, inquam, Seruatoris mundi, non qualem aliquando vidit Esaias, cum non esset ei species, neque decor. *Et vidimus eum*, inquit, *& non erat aspectus, & desiderauimus eum; despectum, & nouissimum virorum, virum dolorum, & ientem infirmitatem: & nos putauimus eum quasi leprosum, & percussum à Deo, & humiliatum.* Non qualem cernimus in cruce pendentem, & nostri causæ umbra mortis obiectum, fœdis oblitum sputis, ad sordes animi nostri purgandas, & sanguineo sudore madentem, in signum conciliatæ nobis animæ, corporisque sanitatis.

IV.

Quam corporis glorio-

si.

Psal. 44. 3.

Cant. 5. 10.

11.

Esa. 53. 2. 3. 4.

Sed qualem potius Petrus in Thaboræo monte vidit, cum gaudio de tam mirabili spectaculo extra se positus exclamauit, *Bonum est nos hic esse;* aut qualem vidit beatissima eiusdē Seruatoris mater ab inferis cum gloria redinuium, aut beati angeli in die ascensus ac triumphi sui, cuius contemplatione attonitos, mutuōque rogantes audiuit Esaias. *Quis est iste*, inquebant, *qui venit de Edom, iunctus vestibus de Bosra? Iste formosus in stola sua, gradiens in multitudine fortitudinis sue? Quis est iste princeps in veste inimicorum sanguine cruentata, iste Bosræ metropolis Idumææ populator, qui in militari chlamyde splendidus, triumphauit graditur in cessu? Qualem ergo apparuisse dixerimus, qui perpetuos Dei spectatores angelos admiratione perculerit?*

V.

Quale apparuit in Thaboræo monte, vel ascensione. c. 63. 1.

Reponite igitur ob oculos mentis vestræ, o religiosa animæ, quas castissimus amor sponsi, ac Seruatoris vestri possidet, pulchram illam Nazaræi vestri cæsariem, ad humeros vsque magnifice fluctuantem, ibique se in mille annulos sua sponte recuruantem: tum frontem illam latam atq; exporrectā, mundicie niueam, cādore alabastritem; rugæ ac maculæ

VI.

Eiusdem de scriptio.

omnis expertem, vtrunque incuruam, & quasi circino circumductam, flauo & mollicello capillo terminatam. Oculos deinde aptæ magnitudinis, acres, viuidos, grata luce, illecebrisque plenissimos: tum nasum decorè figuratum, tam latitudini frontis, quàm reliquæ faciei æqualem: os quoque corallinum gratissimæ suauitatis, ex quo verba vitæ æternæ defluebant; verba quæ animas ex inferis educebant, pullosque ex corporibus dæmones in inferos abigebant, qui animarum intima peruebant, omnesque morbos momento pellebant.

VII.

*Per partes
singulas.*

*Est exemplar
pulchritudi-
nis omnium
humanorum
corporum.*

Apoc. 21. 23

*Quid ergo
ipsum Ver-
bum diuinū*

Videte gratiam renidentium genarum, & in eis album rubore dilutum; & barbam subflauam, & comæ congruentem bipertitò sectam, totam denique faciem plenam spiritus ac maiestatis, & inclusam diuinitatem spirantem, faciem imperio cœli ac terræ dignam, amore, cultu, & veneratione omnium rerum creatarum longè dignissimam. Quid dicam totius corporis celsum & erectum statum, & membrorum omnium accuratissimam proportionem? vt meritò dici queat omnium humanorum corporum singulare prototypum, & absolutissimum exemplum; ideòque Adamus alter, priore intus ac foris longè perfectior: postremò specimen bonitatis ac sapientiæ Spiritus sancti. Sed quale pulchritudinis incrementum sumunt hæc omnia, si addiderimus aut ostensam in Thaboræo monte gloriam, aut splendorem resurgentis, aut maiestatem in cœlo empyreo ita coruscantis, vt alio sole non egeat, sed lucerna illius sit agnus? Quis intellectus à tanta gloria non opprimatur? quis amor in contemplatione talis obiecti non exardescat? multòque etiam magis in contemplatione diuini Verbi, tanto, vt de vero Deo sentire par est, omni re creata pulchrioris, quod hanc humanitatem inhabitans, super reliquas omnes spatiis extulit infinitis. Qualis est ergo, Deus immortalis, eius pulchritudo, qui diuini Verbi incarnationem molitus, tantis eam gratiis cumulauit.

CAPVT XXIV.

Eadem postremò ex augustissimæ Virginis decore colligitur.

*I.
B Virgo præ
sanctis om-
nibus orna-
ta.*

Prou. 8.

NON admodum dissimilia his, quæ de filio dicta sunt, de matre quoque Dei genitrice dici possent, de illa, inquam, augustissima cœli, terræque regina, quantum quidem nostra infirmitas intelligendi, explicandique diuina mysteria ferre potest. Sanctissimi enim Apostoli, Martyres, Confessores, cæterique amici Dei, electi reuera fuerunt à Deo, & tanquam minores natu filij, non modica bonorum cœlestium copia locupletati sunt, vt tanto parente dignum fuit. At si de illa disseramus, quæ ab initio & ante secula creata est, quæ se ab æterno fatetur ordinatam,

ordinatam, & conceptam antequam essent abyssi, aut fontes aquarum erupissent, quæ parturiebatur antequam montes graui mole consistere-
rent; quæ dum æterna sapientia præparabat cælos aderat, & quando certa lege & gyro vallabat abyssos, quando æthera firmabat sursum, & librabat fontes aquarum; quæ demique vna cum Incarnato Verbo prædestinata est vt illius parens, proh quanto maioribus diuinarum gratiarum thesauris præ illis omnibus cumulata est! quanto ad sublimiorem gloriam destinata!

Nimirum sponsa dilectissima longè maiorem sponsi amorem, potioraque dona promeretur, quàm famulus vllus, aut vniuersa omnino turba famulorum. O quantus decor & elegantia, quantus gratiarum apparatus à principio destinatus est, & in plenitudine temporum collatus illi matri pulchræ dilectionis, & sanctæ spēs, illi benedictæ inter mulieres, illi speciosæ sicut columba, quæ ascendit de super riuos aquarum, cuius vestimenta inæstimabili odore fragrant, & sicut dies verni circundant eam flores rosarum, & lilia conuallium. Par erat vtique istam angelorum reginam, proportionem regis filij sui, extra ordinem cæterorum sanctorum eligi ac prædestinari, & prærogatiua singulari ab omni macula immunem seruari; decorum erat suprema quadam sanctitate, & excellentissimis gratiarum ornamentis effuse decorari dominam ac reginam sanctorum omnium: & super omnes euectam inæstimabili gloria coronari.

Hæc est illa domina, & imperio principali mulier, quæ omnium filij sui bonorum & gratiarum facta est particeps, prænunciata per Prophetas vt ipse, & omnium illustrium fœminarum, vt ille heroum, veteris testamenti figuris demonstrata. Illa figurabat virginitem eius, ista fecunditatem; illa magnitudinem animi, hæc formositatem; illa mansuetudinem, ista patientiam singularem: fuit quæ eam sapientia sua, solertiaque adumbraret, fuit quæ magnificentia, quæ demissione animi, quæ gratitudine, quæ modestia repræsentaret, & in eo denique, quod facta est causa nostræ lætitiæ, & benedictionis æternæ. Nimirum minores erant singulæ, atque adeo vniuersæ, quàm vt eam satis pro dignitate repræsentarent.

O fœmina princeps! ô diuine infans! ô sancta mater! ô fili sanctificator. O speciosissime princeps, vnica paternæ dignitatis imago, ô nobilis heroina, imago præstantissima decoris, & gratiæ filij tui. Gemina pulchritudo, quæ longissimo intervallo anteuertit quidquid est perfectionis & excellentiæ in omnibus legionibus angelorum; quidquid est gloriæ in omnibus Patriarchis & Prophetis; quidquid est meriti in omnibus Apostolis, & Euangelistis; quidquid fuit constantiæ & magnitudinis animi in fortissimis sanctorum martyrum legionibus; quidquid fuit pietatis ac religionis in omnibus sanctis Confessoribus, Monachis, & Heremitis; quidquid puritatis & innocentie in omnibus sanctis Virgi-

II.
Vt Dei mater.
ser.

Eccli. 24. 24

Cant. 5. 12.

III.
Et in quodam
habens
in bonis suis.

IV.
Oratio ad
filium & pater-
rentem.

nibus, quidquid sanctitatis, decoris, & perfectionis in omnibus sanctis, & amicis Dei. Elaborate, obsecro, ambo in perpoliendis animabus nostris, familia quippe vestra sumus, nec decet in conspectu tam augustæ maiestatis famulos non specie liberati præditos atque eximio decore versari, nedum fædos, maculosos, stupidos ac vecordes.

V.
Et nominamus ad filiū.

Conclusio.

Nabuchodonosor ille Babylonius Imperator non aspernabatur habere in ephebis honoratis filios captiuitatis Iuda, de semine regio, ac tyrannorum; sed eos volebat esse sine macula, & regio cibo enutritos sibi assistere, ad omne obsequium, & iussionem paratos. Ecce nos filij captiuitatis sumus, filij Adæ perduellis quondam tui, quem constitueras principem orbis terrarum, quos non respuis habere famulos, qui tibi semper assistant, laudes tuas prædicent, iulla exequantur, & quos regio subinde cibo, & pane supersubstantiali educas; Da ergo quæ sumus operam ut sine macula simus ante te, ne moueamus tibi stomachum, sed decori potius acceptique tua benignitate reperiamur. Ut ergo redeamus in viam, & totum hunc locum, ad cuius peruenimus exitum, concludamus, tanta diuinissimæ Virginis pulchritudo, quæ vni Deo, eiusque Vnigenito duntaxat cedit, præterea nemini, illustre omnino dat testimonium diuinæ speciei, à qua tam Sol ille iustitiæ, quàm hæc macularum expers Luna omnem suam pulchritudinem, perfectionem, nobilitatem acceperunt.

Tertij Libri finis.



LIBER QVARTVS.

Que est tertia de Amore diuino Disputatio,

Et alterum ad diligendum Deum incitamentum,
nimirum diuina Bonitas.

C A P V T I.

Aditus ad disputationem de Bonitate Dei.



VI è mediterraneo mari ad oceanum Atlanticum; ultra columnas Herculis transmittunt, aut qui magnam eiusdem oceani partem emensi, sæuientis leonis rugitus ad bonæ spei caput audierunt, inde lecto altero Africæ littore, Arabicum sinum, Persicumque transgressi, Indos ad ortum Solis, moxque ad occasum, Americos Brasilosque animosè penetrant, iustam plerumque legitimamque reperiunt timendi materiam, dum ab vno ad alterum mare pertranseunt littoribus procul ac terris, nec periculosos insaniens oceanus fluctus deuitant, sed in periculosiores, magisq; turbulentos mutant; horrendis nimirum naufragiis infames; quamuis firmissimis nauibus, scientissimisque naucleris instructi sint, qui cursum tam arduum, tamque olim insolentem tenent. Audent tamen omnia, rati navigationem vnâ, si prosperè cesserit, omnia damna, iacturâsque compensaturam. Tam sæuum atque impotens auri sacra famæ in mortales exercet imperium.

Nobis autem, lector beneuole, in navigatione hac, non ad velus aureum, aut Peruanas opes auferendas suscepta, sed ad diuinum amorem acquirendum & amplificandum, nonne formidandum est à mari ad mare transmittentibus, & ab immenso oceano, transcurrentibus ad alterum, cuius neque litus, neque fundum reperiiri possit? Infinitus est enim oceanus diuinæ pulchritudinis, infinitus quoque diuinæ bonitatis, adeoque infinitior, si ratio nostræ cognitionis habeatur. Sed rectius dixerimus, ut arbitror, & omnia illa ma-

I.
*Transgressi-
mus exple-
cata.*

II
*Proprio ac-
commodatur
argumento,*

Omnes diuinae perfectiones sunt una eademque res;

ria esse vnum mare, vt quæ per diuersa freta, qualia sunt Gaditanum, Constantinopolitanum, Magellanicum, Anianum, & si qua sunt alia, communicant inter sese: & omnia attributa perfectionesque diuinas, vnicam esse reipsa perfectionem infinitam, vnicam essentiam, & diuinitatem, quæ satis amplum suggerit fundamentum omnium absolutiorum, quas in rebus creatis reperimus, bonitatis, pulchritudinis, sapientiae, liberalitatis, iustitiæ, misericordiæ, potentiae, gloriæ, magnitudinis, & ita de cæteris. Eadem diuinitas fructuosa est, & conueniens omnibus, & ab omnibus quasi bonitas expetitur: delectabilis est vt pulchritudo, gubernatrix vt sapientia: bona sua effusè largitur vt liberalitas, suum cuique; instar iustitiæ tribuit, succurrit miseris vt misericordia, magna opera & mirabilia perpetrat vt potentia; denique plena est omnibus bonis, talisque agnoscitur ac prædicatur, quæ vera est, germanaque gloria.

III.

A propria nobis tenuitate timendum.

Verùm vt eò redeamus, vnde modicè deflexit oratio, non exigua subest nobis timoris, in hac noua nauigatione materies, naucleo præsertim, in vitæ spiritalis oceano, parum exercitato, malèque à comæatu diuini Amoris, quem ambimus, instructo; cùm tamen hunc amorem sine ipso acquirere nequeamus. Sicut Indicæ opes, quæ magnos sumptus exigunt, sine Europæis comparari non possunt. Infirma quoque est ab ætate naui, in qua vela facimus, nec idoneis armamentis instructa: deest enim & in intellectu doctrinæ copia, & quod caput est, in voluntate eximius pietatis affectus, qualem agnosco in optimis seruis tuis, Deus meus. Quod si ventus Spiritus sancti tui vela nostra sinuare cessauerit, & contrà ventus vanitatis infuderit sese, non solum periclitabimur, ne totius nobis nauigationis labor irritus fiat, sed etiam ne naui in aliquos erroris scopulos impingat, aut humanorum respectuum arenis illidatur, aut amaris diffidentiae fluctibus obruatur.

IV.

Defensio vel excusatio.

Deo omnium rerum laudem esse debitam.

Psal. 49. 16.

Ecclesi. 15. 9.

David Psal.

143.

Daniel. c. 3.

Sed illud quoque recordare, Domine Deus meus, non vsque adeo indecorum esse, non bonos celebrare bonitatem tuam, qui experti sunt iam pridem, quotidieque experiuntur amantissimos effectus bonitatis tuæ, vel in longinquitate patientiæ erga se tuæ. Itaque ad eam prædicationem se obligatos sentiunt titulo iustitiæ, & memoriæ non ingrata. At enim, num ignoramus illud Davidicum? *Peccatori autem dixit Deus, quare tu enarras iustitias meas, & assumis testamentum meum per os tuum?* Aut illud Sapientis, *Non est speciosa laus in ore peccatoris.* Rectè sanè, si in malitia sua obdurnerit, & respuat emendationem. Itaque addit apud Davidem Dominus, *Tu verò odisti disciplinam*, vitam videlicet ex virtute, quam ore tenus simulatorum more celebrare pergis. Quæ eadem causa est cur Dei filius, ne vera quidem de se prædicare dæmones sinebat. Quod si speciosa non est laus in ore peccatoris, est tamen etiam in eius ore iusta, Deoque multis nominibus debita. Cùm autem audiamus à Prophetis creata omnia ad Deum laudandum inuitari, nos qui eo numero continemur, de Deo nec tacere possumus, nec debemus.

Scio equidē improbos laudare sui similes, sicut & diligere, nec honori-
 esse viris bonis commendationē, ex improborum ore profectam: deteri-
 potius eorum famam, & in controuersiam vocari. Sed id in virtutum
 mediocritate contingit, in bonitate communi atque vulgari. Nam tan-
 tus est aliquarum virtutum splendor, tam heroica bonitas nonnullo-
 rum, tantūque supergressa merita illorum, qui vulgō viri boni au-
 diunt, vt extincta omni inuidia, magnitudine sanctitatis, ad eorum
 commendationem, & admirationem vniuersi compellantur; ne si ho-
 mines tacuerint, lapides loquantur. Quod si id illustribus quibusdam
 sanctis contingit, quorum præsertim virtus minimē dubiis est testata
 miraculis, quanto laus illa iustior in prædicatione bonitatis infinitæ, ex
 qua bonitas omnis efflorescit, quanto minū obnoxia erit calumniæ,
 si vel dæmones omnes, vel tartareis addictæ suppliciis animæ ab inferis
 egressæ, maledicta in honoris titulos, & execrandas voces in Cantica
 laudum commutarent?

Oramus itaque te Domine, ac per illam ipsam bonitatem, quam
 celebrare cupimus, enixius obsecramus, vt in suscepto in laudem boni-
 tatis tuæ labore, & mirabilium effectorum eius, adesse propitius ne gra-
 ueris. Ne illam quæso nobis gratiam recusa, quam, vt ea seruiamus ti-
 bi, humiliter postulamus. Inice in animas nostras diuini amoris igni-
 culos, quibus mens nostra, & eorum, qui ista fortē legere voluerint,
 plenius illustretur, & voluntas ad eandem bonitatem amandam incale-
 scat, quæ nunquam pro dignitate laudabitur, aut diligetur. Nam si soli
 boni & sancti laudare te, & mirabilia tua celebrare debent, solos oport-
 rebat loqui cœlites, & vniuersis terræ ciuibus silentium imperare. Scri-
 ptum quippe est, *Non est homo iustus in terra, qui faciat bonum, & non*
peccet: & contra regius Psaltes, vtique non iniussus, imperat, vt *omnis*
spiritus laudet Dominum.

v.
 Etiam pec-
 catorum.

VI.
 Petito au-
 xili.

Eccl. 7. 21.
 Psal. 150. 6.

CAPVT II.

Quid sit Dei bonitas in seipsa, quàmque amabilis.

QVANDO QUIDEM maximum, potentissimūque nostrū in
 Deum amoris incitamentum est ipsius bonitas, amor autem in rē
 incognitam ferri non potest, aliqua nobis diuinæ bonitatis cognitio,
 scientiæque perquirenda est, aut elaborandum potius vt magnos in ea
 progressus habeamus, ne nostrā in summum illud bonum voluntatis
 motus laxus sit atque frigidus, tandēque facilē euanescat; sed in il-
 lud potius omnibus intelligentiæ, voluntatisque viribus incumbamus.
 Hæc scilicet magno quondam Augustino causa gemitum ac querela-

I.
 Ad Dei a-
 morem ne-
 cessaria con-
 gnitio boni-
 tatis eius.

Ioan. 17. 3.

rum fuit, non solum quod tamdiu vanitatem adamasset, sed quod tam antiquam, tamque amabilem Dei sui bonitatem tam sero cognouisset. Et quamvis felicitas vitæ huius in Dei amore, & charitate consistat, certum tamen est æternæ sapientiæ illud elogium. *Hæc est vita æterna, ut cognoscant te solum Deum verum, & quem misisti Iesum Christum.* Nimirum porta cæli, & aditus ad felicitatem est veri Dei cognitio, & redemptionis humanæ per Vnigenitum eius.

II.

Gemina bonitas, absoluta & relativa.

In quo sita sit prior.

Vt ergo hinc disputationis huius ducamus initium. Bonum duplici ratione considerari potest; primo in seipso naturæque suæ, sine ullo ordine, aut relatione ad quidpiam aliud extra se, secundo cum relatione quadam ad aliud, cui bonum illud rectè conueniat, de quo dicemus aliquanto post. Primum illud in perfectione, atque absolute rei in seipsa consistit. Nulli enim rei bonum est imperfectum esse; itaque natura quod in quaque re mancum est, aut mutilum auersata, integritatē quaerit. Et esse quidem, nihil præter ipsum esse dicit, bonum autem id esse dicit, quod habet quidquid illius naturæ conditio postulat, cui si accesserit ut agnoscatur, pulchritudo dicetur. Hæc bonitas in Deo summa est atque perfectissima; nulla enim perfectio, quæ diuinæ naturæ cōueniat, in eo desiderari potest; imò eas omnes, quæ animo fingi possunt, magnificè, excellentèrque continet: nec aliunde villa ratione pendet, neque ulli subest diminutioni vel incremento: omnes autem continet, vi vnus dumtaxat essentia, ac naturæ diuinæ.

III.

Vt diuina bonitas à creatâ differat.

Vide Less. de Perf. d. 1. 7. c. 1.

Contrà verò creatæ res omnes, quantamcunque bonitatem ac perfectionem habeant, ab illo primo, perfectissimoque actu pendent, tanquā omnis boni atque perfectionis inexhausto fonte; sicut stellarum lumen à solari luce pendet, quam Sol à nullo alio corpore lucido mutuatur. Et sicut Deus à nullo pendet, ita neminem habet, à quo ipsius perfectio certis limitibus finitur, aut qui ipsum certo quopiam in genere constituat; at diuina sapientia definit, ac constituit res creatas, earumque bonitatem, quantam, quoque modo illi visum fuerit. Cūque absolutissimarum creaturarum perfectio, ex multis earum actibus habitibusque, tam intellectus quàm voluntatis conficiatur, diuina perfectio in sola ipsius essentia residet, quæ nullam mutationem, nullam accessionem, vel decessionem admittit; est enim ens omnino necessarium: nostra verò bonitas omnis atque perfectio aduentitia est, itaque & crescere potest, & diminui, & omnino deficere.

IV.

Bonitas prior est quàm eius communicabilitas.
Vasq. di. 23. in pr. p. c. 2.

Hæc est bonitas, quam Deus ex seipso habet, & in se, haberetque, licet rebus creatis communicari non posset. Vt enim ponamus nihil omnino produci posse, si nihilominus posuerimus Deum, illum utique bonum in seipso, perfectumque ponemus. Magis enim necessarium est Deum esse, quàm aliqua creati posse; hæc enim creandi potentia diuinum esse ponit, ac requirit. Denique Deus bonus non est, quia conuenit rebus creatis, sed contrà, quia bonus est, conuenit rebus à se condi-

tis. Sic medicus non ideò doctus est, quia difficiles morbos curat, sed ideò grauibz morbis medetur, quia est insigniter eruditus. Neque Sol ideò magno splendore fulget, quia magnam hanc mundi molem illuminat, sed ideò lucem aliis communicat, quia lucidus est in seipso. Neque imperator ideò sapientia & fortitudine præstat, quia multis in præliis victor euasit, sed vice versa victorias crebro consecutus est, quia eximia sapientia & fortitudine præditus est.

Hæc ergo diuina bonitas cum summa sit, nec ullam habeat rerum vniuersitas, quàm illi conferre possit, summè quoque amabilis est, eoque amore, qui omnem alium amorem longè transcendat, vt diligere par est fontem ipsum inexhaustum omnis boni; amore purissimo, perfectissimo, quique nulla ratione ad amantis, aut cuiusvis rei creatæ utilitatem inflectatur, nisi quatenus illo summo bono continetur: amore quo triumphamus gaudio Deum talem ac tantum esse qualis & quantus est: quo gratulemur ei quod sit actus omnino primus, primæque perfectio, princeps bonum, quod à nullo alio pendeat, & à quo pendeant vniuersa. Gaudeamus ergo bonitatem eius & perfectionem esse capacitatis immensæ, & omnem aliam, quæ vel esse, vel animo fingi potest, completi, & omninò quam latè patet ratio entis extendi, sine vllis finibus exportigi, sine vllò modo diffundi. Mirificè illa contemplatione capiamur, quòd omnem perfectionem sola sua & simplici natura continet, sine accessione alterius cuiusquam rei. Itaque sicut sua illi natura auferri non potest, vt quæ necessariò existit, ita bonitas eius nullam mutationem, varietatem, accessionem aut decessionem pati potest. Denique mortalibus omnibus, Angelisque, adeoque rebus omnibus creatis, gratulemur de tanto, tamque admirabili Domino, ac principe: eiusque bonitatem imitantes, propter illam ipsam bonitatem boni esse conemur, nullo aut timore pœnæ, aut amore mercedis, aut alia quauis cogitatione incitati.

V.

*Est per se
summè amabilis.*

CAPVT III.

De Dei bonitate ad res creatas, quarum est bonum, relata.

CONSEQUENS esse nunc videtur, vt hanc Dei bonitatem ad res ab eo conditas relata contemplamur. Eam vt rectius agnoscamus, intelligendum est bonitatem, quæ ad aliud quippiam refertur, in quadam cum illo conuenientia positam esse; sanitas enim bonū est animalis, & oculi visus, quia & aspectus oculo rectè conuenit, & integra valetudo animali: & contra morbus malum est animalis, & cæcitas oculi. Quæ enim conueniant istæ priuationes subiectis suis, quorum naturales

I.

*Quid sit esse
alterius bonum.*

impediunt functiones? Eodem modo Solis bonum est lumen, & ignis calor, & sitientis potus, & esurientis cibus. Idemque valet in moribus. Actio enim rectæ rationi consentanea pulchrè illi convenit: itaque huiusmodi actio bonum est rationis, & quod cum ratione pugnat, malum est naturæ ratione utentis, non secus ac surditas auris, aut oculi cæcitas.

II.

*Idemque est
se geminum,
ut formam.*

ut efficienti.

Illud quoque animadvertendum est, geminum esse bonum quod alteri congruit. Vel enim qualitas quædam, aut forma est, subiecto cuiuspiam aptè congruens, ut de animalis valetudine dicebamus, & de pulchritudine faciei, aut floris dicere possumus; hæ enim formæ seipsas subiecto præbent, & seipsis illud perficiunt, bonumque reddunt: vel certè causa quæpiam efficiens est, quæ subiectum bene afficit, deque eo bene meretur, & bonum eius rectè dici potest, ut doctor scholastici bonum est, & vinitor industrius vineæ. Illa bona accidunt subiectis, ista etiam substantiis conveniunt, & utroque proprium est Appeti, quandoquidem, definiente Philosopho, *Bonum est quod omnia appetunt*, additque, unumquodque desiderare quod sibi convenit. Utroque autem modo dici potest Deus bonus rebus creatis, ut ipsarum bonum; & insuper quatenus est ultimus ipsarum finis, quem intuentur, ad quem referuntur omnes, sicut omnes ei bonitatem suam acceptam ferunt.

III.

*Per seipsum
quasi per
formam.*

*l. 8. de Trin.
c. 3. to. 3. & l.
de Cogn.
vere vitæ c.
7. to. 6.*

Quod ad priorem illam bonitatem attinet, minimè dubium est Deum non esse qualitatem, aut accidens, est tamen ex seipso, & per seipsum bonum rerum omnium. Id ita intellexit ac professus est magnus Augustinus, cum multis bonis enumeratis ita concludit. *Quid plura & plura? bonum hoc, & bonum illud, tolle hoc & illud, & vide ipsum bonum, si potes, ita Deum videbis, non alio bono bonum, sed bonum omnis boni.* Vult hic sanctus Doctor, ut Philosophorum more, actione intellectus nostri formam à subiectis separemus, & bonitatem nudam à rebus bonis segregatam atque abstractam cogitemus, talémque intelligamus esse Dei bonitatem, ab omni concretionem liberam, omnis restrictionis, & definitionis expertem; sed quæ eminenter habeat cuiusque rei bonitatem, & quælibet res suam in ipso bonitatem habeat, multo perfectiùs, quàm in seipsa.

IV.

*Et ut pater
est bonus
familia sua.*

*Deus honoris
est rebus
creatis, etiã
inanimis.*

Illam quoque ratione Deus est rerum conditarum bonum, quæ vir industrius est bonum, decus, & firmamentum totius familiæ, hoc ipso quod est illius pater, & caput, & idoneis dotibus instructus est ad bene regendam familiam, & cum res tulerit, officio patris familias præclare fungendum. Ita Deus opt. max. bonum est, decus, & firmamentum magnæ huius familiæ rerum creatarum (etiam secluso titulo beneficentissimi principis) ipsæque res ei subiectæ bonum quoddam, atque honorem quodammodo participant, quod talem habeant conditorem, & ad tantum Dominum pertineant; quod si uniuersæ id bonum cognoscere possent, lætarentur vitæque, deque eo magnificè gloriarentur, & si amare

amare possent, magno illum amore prosequeretur. Huc subobscurè videtur respexisse Protarchus, cum diceret lapides, quibus altaria constructa sunt, esse beatos, quod honorarentur, cum ceteri eiusdem generis pedibus calcarentur. Rectius illos dixisset beatos, quod proxime diuino cultui mancipati essent. Idem de auro, argentoque dicamus licet; gauderent enim hæc metalla si possent, quod tantum eis bonum contigisset, ut, diuino cultui honorique adhibita, cohonorarentur. Contra verò, si quæ eis daretur facultas, misera se ducerent ac prædicarent, quod in contumeliam conditoris sui, idolorum simulacris infunderentur: idque miserabilis crederent, quàm ad turpem aliquem usum transferri, qualis esset eius, qui sordes misero, ut ait Poëta quidam, exciperet auro.

1. Phys. c. 6.
t 59.

Aurum miserum.

Mart.

Alio quoque nomine Deus bonum est rerum creatarum, quod sit bonum hominis, in quo illæ omnes continentur. Et in homine, Dei sunt quoquo modo participes: & quæ in primò peccatore quondam inhonorata fuerant, & peruersum ad usum translata, in secundo Adamo iusto honorata sunt omnes, atque restituta. Itaque quasi in testimonium gratiæ, acceptique beneficii, Domino per horrendos cruciatus vita functo, publicum mœrorem præ se tulere; & olim sub nouissimum iudicii diem, omnes arma capient aduersus improbos. Scriptum enim est *pugnaturum cum Iudice orbem terrarum contra insensatos*, ad vlciscendam iniuriam ab illis contra Deum admissam, iis rebus ad eius gloriam violandam abutendo, quæ ad eum honorandum colendumque viui esse debuerant. Et omnino quodcumque Deo visum fuerit eis imperare quidpiam, suam in mandatis eius exequendis felicitatem ponunt. *Marce enim & venti obediunt ei. Ignis, grando, nix, glacies, spiritus procellarum, quæ faciunt verbum eius.*

V.
Et quatenus est bonum hominis, in quo illæ sunt.

Sensus quid rerum inanimatarum.
Sap. 5. 18. 21.

Matth. 8. 27
Plal. 146. 8.

Secundo loco Deus bonum est rerum creatarum, ut earum conditor & architectus, à quo vniuersa ipsarum bona profecta sunt, & quibus nunquam cessat benignè facere. Cumque illis & naturam ipsam dederit, & omnia quæ eam consequuntur, eadem omnia perpetua ac continenti bonitate conseruat. In cuius rei argumentum, *Spiritus Domini* cui bonitas attribuitur, in primo rerum ortu *ferrebatur super aquas*, aut, ut alij explicant, incubabat aquis, ut gallina ouis, impertiendo illis fecunditatem, ad aues, & pisces, aliæque producenda. Et Seruator ipse testatur se patremque suum perpetuo in rerum productarum commodum operari. Cum ergo sua cuique natura bona sit, & quæcunque eam consequuntur, facile est intelligere Deum bonum esse rebus omnibus, eisque valde conuenire, plurimumque appetendum, cum illa omnia ex eius singulari liberalitate possideant. Itaque magnus ille Arcopagita Dionysius aiebat, *Bonum dici Deum, sicut ex quo omnia subsistunt.*

VI.
Deus bonum rerum omnium causa efficiens.

2.
Gen. 1. 2.

Ioan. 5. 17.

VII.
Simili augeatur cum gemitu consolaris.

1.

Si ergo infantis pueri bonum est nater, quæ illum in lucem edidit, multaque cum cura diu noctuque in tenera illa ætate eduxit: Si totius

Q

1. familia bonum est pater, qui eam labore suo, industria, providentiâque regit, atque sustentat, ideoque vidua & orphani in personis, quæ dicuntur miserabiles, primum ferè locum tenent: duo nobis omnino fatenda sunt, alterum, Deum esse bonum nostrum, ut qui est pater noster, talémque se haberi diciq; postulat, & cum genuerit nos, omnia boni patris officia erga nos exequitur, amorémque in nos suum materno erga dilectum infantulum comparat ac præfert; alterum, nihil esse miserabilius anima, quæ peccato suo amisit Deum, qui maius illi bonum erat, quàm pater, quàm mater, quàm alia omnia. Quomodo ergo insani, tam facilè eum amittimus, atque adeò excludimus à nobis? quomodo tam negligenter redimus in gratiam? Nimirum nimis facilem, nimium mittem atque placabilem habemus Deum. Sed tempus erit, quo apprehendet arma in manus, seque tam terribilem exhibebit hostibus suis, quam nunc omnibus bonum exhibet ac clementem.

VIII. Tertia ratio diuinæ bonitatis erga creata omnia, à fine petitur; est enim supremus, atque ultimus eorum omnium finis, & ad ipsum referuntur omnia, sicut Salomone teste, *omnia propter semetipsum operatus est Dominus*. In idem pene recidunt bonum & finis, & sicut omnia bonum appetunt, sic & omnia respiciunt ac desiderant finem suum, à quo suam bonitatem mutuuntur. Media enim, quatenus media sunt, non aliam bonitatem habent, præter eam quam à fine accipiunt, ut à mercede labor, medica potio à sanitate, à scientia studium, cibus à vita. Deus itaque bonum est rerum omnium quæ ad eum, tanquam ad finem suum referuntur, siue proximè, ut homines & Angeli, siue hominis interuentu, qualia sunt quæcunque ad usum referuntur humanum, ut opes, honores, sanitas, vita, scientia, forma, vires, gratia, quæ neque bona sunt, neque amabilia, nisi quatenus ad finem obtinendum valent.

IX. Itaque quisquis ista aliò quàm ad Deum refert, aut ad opem ferendam homini ad acquirendam Deum, ea sua bonitate spoliatur, naturamque pervertit: qui autem his quasi instrumentis utitur, ut mundo, carnì, diabolo, Dei hostibus seruiat, rebellis est Deo, reumque se reddit imminutæ maiestatis eius. Quo magis deploranda est hominum peruersitas, quorum pars maxima in ista insania vivit, quibus opes, vires, forma, sanitas, scientia, ingenium & solertia, ceteraque Dei dona, tam ingenta quàm quæ sita, sunt instrumenta vanitatis, improbitatis, & nequitiae. Hæc nimirum est Dei apud Oseam querela iustissima. *Et hæc nesciuit, inquit, quia ego dedi ei frumentum, & vinum, & oleum, & argentum multiplicavi ei, & aurum, quæ fecerunt Baal*. Sacrificauerunt videlicet capitali hosti meo bona, quæ ego illis copiosè profuderam, ut iis locupletati, mihi largitori alacrius deseruirent. Verùm in pœnam huius peruersitatis, Deus ipse aliam committet. Hominem enim æternis gaudiis destinatum, æternis suppliciis mancipabit, & implebit Davidicum illud, *cum peruerso peruerteris*.

CAPVT IV.

*Diuinam bonitatem fontem esse sui aduersus homines
amoris.*

QUEMADMODUM naturalis Dei bonitas in plena, suprema, absolutissimaque perfectione diuinæ essentia consistit, quæ illi, quatenus est Deus, vnicè conuenit; ita & proprietatem illam habet, ex naturali bonitate naturaliter profluentem, vt se vltro communicet: siue quia quod admodum plenum est facillè supereffluit, atque exundat, vt patet in vasis quoque liquore plenis, aut Oceano in plenilunio æstuantis: siue quia bonitas fons quidam est, & immensa bonitas fons immensus, qui ripis cohiberi non potest, sed aquas suas vndique superfundit: siue quia, vt ait Moses, *Deus ignis consumens est*. Et Spiritus sanctus, cui bonitas tribuitur, in forma ignis apparuit, qui perpetuò ardet; & si materiam infinitam offenderet, ignem produceret infinitum. Apparuit quoque in forma luminis, quod quantum in se est, illustrat omnia, & radios lucis vndique spargit. Apparuit & sub specie columbæ, cuius est mira fecunditas, vt quæ singulis pene anni mensibus oua fouet aut excludit. Deus actus purissimus est, nihil habens admixtum passiuæ, quam vocant potentia, itaque perpetuò agit intellectu & voluntate; eaque actione naturaliter Verbum suū producit, & cum eo Spiritum sanctum.

Hic autem actus, qui Deus est, & nominatim Pater, non solum naturali fecunditate agit, intra se producendo diuinas personas, eiq; eandē diuinam naturam communicando; sed agit etiam extra se cum liber, libertate plenissima, quæ Deo negari non potest, neque debet; est enim perfectio singularis; sed illius vsus voluntarius est. Ab illius quippe arbitrio pendet producere aliquid, & nihil noui producere, & in nihilum producta redigere: pendet & tali numero, modo, & perfectione, edere in lucem, quæ volet: & earum rerum alia ipsum perfectiùs, alia imperfectiùs repræsentant; aliqua intellectu & voluntate prædita sunt, sicut ipsum prototypum, alia non item; aliqua ad videndum, amandum, & fruendum Deum excitari possunt, alia non possunt, apta tamen sunt ad opem illis ferendam, vt ad nobilissimum illum finem & beatitudinem peruenire possint. Prior illa communicatio naturalis est fecunditas, apta ad producendam diuinam aliquam personam. Hæc autem posterior, est naturalis propensio ad se liberaliter communicandum rebus, quas condere placuerit, eisq; impertiendum de bonis suis, prout eas facere voluerit ad recipiendum idoneas.

Ab hac naturali propensione Dei ad rerū productionem, & communicationē, vt sint sicut ipse, & benè ac beatè sint pro capto suo, principio statim descendit amor, qui est benevolentia aduersus aliquē. Principiò,

I.

*Proprietas
diuini amoris
communicatio,
& cur.*

II.

*Enqua sum
necessaria,
tum libera.*

III.

*Amor pri-
mum donū,
& commu-
nicationis
initium.*

1. Ioan. 4.
10. 19.

inquam, & ante omnia: quoniam amor rationem habet primi doni: nihil enim vltro cuiquam ac gratis datur, quin illi prius amor donantis traditus fuerit. Nam si munere afficis eum quem diligis, iam diligebas, & amorem dederas ei prius, quàm hoc alterum donum, sicque amor cætera omnia dona præcurrit, tacitûsque præuolat, & cæteris aditum parat. Itaque & amor ille quo Deus dilexit nos, *quoniam ipse prior dilexit nos*, vt testatur dilectus discipulus, est quasi pater bonorum omnium, quæ ab illo accepimus, creationis, conseruationis, redemptionis, vocationis, iustificationis, electionis ad vitam æternam, perseverantiæ, postremoque ipsius gloriæ largitionis, quæ priorem illum testantur amorem.

IV.
Et clavis
thesaurorum
Dei.

Ioan. 11. 3.

Tra. 49. in
Ioan.

Hic amor instar clavis est cellæ secretionis, qua diuinæ gazæ reconduntur: obtinenda est hæc clavis, quæ aditum præbebit ad hoc conclauem, in quo thesauros illos omnes habebimus in potestate. Hæc causa videtur fuisse cur sanctæ illæ mulieres sorores Lazari, cùm legationem ad Christum Dominum mitterent, hoc vno argumento vsæ sunt ad illi persuadendam profectionem, *Ecce quem amas infirmatur*, non ignorare satis esse in amore nostri virium, vt omnes animi corporisque facultates voluntati nostræ famulentur. *Sufficit vt noueris*, ait S. Augustinus, *non enim amas, & deseris*; nullus erit aut viæ labor, aut à Iudæis timor, aut discipulorum dissuasio, quæ tuum remoretur aduentum. Quod si ibi moriendum fuerit, dulcescet ipsa mors, cùm animum subierit illa recordatio, mori te pro illius vita, quem magno amore prosequeris, & à quo mutuo diligeris.

V.
Producit
mutuum
hominis
amorem in
Deum.

Psal. 103. 5.

In maximis enim bonis, quæ diuinus amor producit in nobis, non puto quidquam esse præstantius eo amore, quem vicissim ille cordibus nostris ingenerat, nisi planè ingrati sumus, iniusti, & à naturæ legibus alieni. Nam qui te sincero amore, minimèque fucato prosequitur, sine vilo ad propria commoda respectu, qualis est omnino diuinus in nos amor, te omnium pretiosissima re, corde videlicet suo, & voluntate muneratur; si tu vicissim illi non largiaris tuam, nonne ingratus sis, & inmemor honestatis? Et si ille amor iustum est ac legitimum pretium amoris tui, nonne iniustitia est pretium simul mercèsque retinere? Quod si experientia docet naturam amoris, magnetis naturam, ferrum ad se trahentis, æmulari, qui verè ex animo diligitur, nisi vicissim ad redamandum trahatur, omnem exuerit humanitatem. Et hæc nostra est vel infelicitas, vel insania, quod à Deo vehementer dilecti, mutuum illi amorem nos reponamus, sed proh dolor, *mala pro bonis, & odium pro dilectione sua*.

CAPVT V.

Maximè consentaneum esse rationi, ut mutus sit hic amor.

VT I Q V E maxima est infelicitas ista quam dixi, & ingrati aduersus Deum animi summa labes, cui vt medicinam aliquam faciamus, non mediocriter nobis deinceps laborandum est, vt Deo bene propitio, tam honesta, tamque honorifica amicitia integra sit, & vtraque ex parte perfecta. Et vt nihil missum faciamus quod isti seruiat instituto, videamus primum quantum sit in amore virum ad alterum amorem producendum; vt tanto magis nostram admiremur infelicitatem, quo nobis magis innotuerit, simulq; ad accipienda remedia reddamur aptiores. Experimur sane diligere à nobis aliquos, non magna perfectione, aut virtute præditos, eam maximè ob causam quod amemur ab ipsis, aut credamus amari: & contra frigide ac remisse quantalibet virtute præstantes, si nullus est eorum in nos amor. Si quem acceperimus in Indis esse virum sanctissimum, illustria miracula perpetrantem, non magno propterea in eum amore incalescimus: sed si audierimus nos illi notos esse, amari, & honorifico sermone celebrari, missis quoque muneribus suam illum erga nos testari beneuolentiam, & mutuae amicitiae desiderium, lapideos nos esse oporteret, aut ligneos, vt à talis viri amore abstereremus.

Si ergo efficere possum? vt luce clarius cernatur diuinus in nos amor, manùque ipsa tangatur eius de mutuo amore nostro desiderium; cum iam nobis de eius bonitate ac sanctitate certò conitet, incalescet ipsius amore cor nostrum, cuiusque munera deinceps longè alio quàm olim corde, vultu, manùque recipiemus. Sponsa in Canticis mysterium hoc probè intelligebat, cum tanta sollicitudine studebat intelligi à Sponso, quanto illum amore ipsa prosequeretur, *Adiuvo vos, inquit, filia Ierusalem, si inueneritis dilectum meum; vt nuncietis ei quia amore langueo.* Ad eum autem fouendum augendumque valent externa testimonia literarum, & munerum in primis, quæ apud amicum vicem nostram expleant, quandoquidem nos ipsos ei vtendos possidendoque, quasi res inanimas, dare non possumus; cui & ad aurem crebro, vt supra dicebamus, infusurent,

Hec tibi dat, qui se iam dedit ante tibi.

Quod si causam inquirimus, cur amor & beneuolentia idonea sit ad amorem alterum & beneuolentiam producendam, sic profectò statuemus in illo amare reperiri omnia, quæ hominem homini conciliare solent. Ea fere tria sunt, bonitas, beneficia, similitudo. Si bonitas reddit amabilem, facile nobis persuademus eum à quo diligimur esse bonum.

Q iij

I.
Amor alterius
viri amoris
parentis.

II.
Idemque Deus
in nos amor
est demonstrandus.

ca. 5. 3.

L. I. c. 5. n. 1.

III.
Amor ad amorem
gignendum est
facilius quàm
alia eius causa.

Si beneficia corda recipientium suffurantur, qui diligit nos, cor suum nobis, & cum eo quæcunque possidet, vltro liberaliterque largitur, & quantum potest confidenter vtendum præbet. Similitudo quoque amoris causa est. *Omne animal*, ait Sapiens, *diligit simile sibi, sic & omnis homo proximum sibi*. Quid causæ? An quia quisque se ipse diligit, & se in alio agnoscens, in eo quoque se diligit; similitudo enim vna quodammodo natura est in multis. Itaque qui iisdem sunt moribus, studiis, affectibus, facile inter se diligunt. Amor autem similes inuenit, aut facit.

IV.
Similitudo
aliquando
inuidia aut
odij causa.
Prou 13.10.
Eth. l. 8. c. 3.
nequis
nequis
noti, & c.
Oper. &
dics.

Casu tamen aliquando contingit, vt odium & inuidia ex similitudine gignatur, si quando illa detrimentum attulerit. Itaq; rectè Salomon ait inter superbos semper esse iurgia, quia alter alteri honorem præripere conatur, quem sibi vterque ambit. *Et figuli*, vt post Hesiodum dixit Aristoteles, *inter se corripantur*, quia alter alterius commodis obest. Vbi ergo contigerit amorem in animo suo imaginem dilecti sui quàm simillimam depingere, dilectus sese quasi in speculo in dilecto intuens, ibi quoque se, ac speculum suum amat. Cùm igitur hæc vna amoris causa reliquas complectatur, satis nobis erit eam in causa Dei diligentius explicare; in qua perpetuò reperiemus quantò potiori iure Dei in nos amor, nostrum in eum amorem mereatur ac postulet, quàm vllus cuiusvis rei creatæ in nos amor.

V.
Dei in nos
amor demonstrandus
preponitur.

Itaque Deo bene propitio, cuius infinitus est in nos amor, spero planè ac confido tam perspicuè me illum amorem demonstraturum, vt quāuis nullum in Deo aliud nostri amoris incitamentum reperiremus, licet non esset speciosissima illa pulchritudo, quæ cælum vniuersum suis capit illecebris, attonitumque reddit: aut immensa illa bonitas, fons omnis bonitatis ac perfectionis, & verissimum rerum creatarum bonum: aut vltimus ille finis, quem omnia intuentur, & in quo denique acquiescunt: aut primum principiū, ex quo cælum, & terra, & omnis rerū natura pendet, vt sit, vt agat, vt possit: licet non essemus ab eo conditi ad imaginem eius, non conseruati ad hanc diem, non redempti, & facti filij Dei, & hæredes beatæ æternitatis, sed essemus planè, si fieri posset, omnium eius beneficiorum expertes; spero, inquam, ac confido vnum hoc incitamentum eius in nos amoris, suauiter ac potenter corda nostra tracturum ad amorem sui; aut certè tantæ nos improbitatis conuicturum, vt fateri cogamur, nisi cum toto corde, totisque animi, corporisque viribus dilexerimus, nos humanam planè mentem exuisse, nec minus, quàm tygres esse humanitatis expertes, denique neque cordibus quàm alpina saxa, molliores. Causæ bonitas me audentem facit, tantumq; sursum erigit, quantum me degrauat cognitio infirmitatis meæ.

CAPVT VI.

*Descriptio diuini Amoris & proprietatum eius, siue Charitatis
& filiorum eius.*

DI V I N Æ igitur bonitatis erga nos amor demonstrandus est nobis, & quidem amor infinitis partibus maior eo, qui Dauidem Ionathæ copulauit, aut Oresti Pyladem, aut quantalibet amicorum, quos celebravit antiquitas, mutua beneuolentia. Nemo vnquam pater aut mater ita dilexit vnigenitum suum, nemo filius ita parentes suos; nemo sponsus tanto suauissimam castissimamque sponsam amore complexus est, quanto diuina illa bonitas amicos suos, nimirum incomparabili, infinito, digno Deo Optimo Maximo. Quomodo igitur hunc tantum Dei præpotentis in nos amorem ostendemus? Demonstrando videlicet omnes proprietates, quæ ab amoris natura proficiscuntur, quantum quidem hic capere mens nostra potest, aut humana lingua hominum more explicare, in Deo cumulatissimè reperiri, seseque admirandis effectis prodere. Cùm autem diuinus Amor nihil aliud sit quàm Charitas, eiusque effectus Charitatis filij rectè dici possint, iustis de causis, & nominatim ad facilius, ac delectabilius retinendam attentionem eorum qui ista legent, personarum specie animo informata, multorum omnis memoriæ sapientum incitatus exemplo, statui Charitatem hanc quasi heroinam aut reginam repræsentare lectori, & effectus illius quasi totidem filios eius; quam docendi rationem & viam nuper quoque in Timore Dei explicando, secuti sumus.

Eam docendi formam allegoricam, spero ne ab eruditis quidem hominibus improbatum iri, simplicis autem ingenij homines etiam laudaturos, vtrique enim nonnullorum exemplorum recordari poterunt, quæ sacræ literæ suggerunt. Ioannes enim in Apocalypsi Ecclesiam sub typo mulieris amictæ solæ repræsentat, quæ lunam sub pedibus habet, & in capite coronam stellarum duodecim, quæ cum cruciatu parturit, paritque denique filium masculum. Rursùmque dæmonem in magno dracone & rufo exhibet, qui capitibus septem, & decem cornibus insignitur, & cauda sua tertiam partem stellarum è cælo detrahit, recensque natum filium deuorare satagit. Paulus Apostolus apertè profitetur duo testamēta allegoricè repræsentari per Isaacum & Ismaëlem, duos Abrahamæ filios, alterum de ancilla, alterum de libera susceptos: siue synagogam & Ecclesiam, Iudæos & Christianos. Denique bona pars parabolarum Christi Domini hac ipsa forma res spirituales, sub corporearum specie tradunt. Nemo enim dubitare potest conuersionem peccatoris in filio prodigo, & Dei misericordiam in eius parente repræsentatam.

I.
*Quomodo
demonstran-
dus sit hic a-
mor.*

II.
*Allegoricus
docendi mo-
dus scriptu-
ræ.*

ca. 12.

Gal. 4. 21.
24.

Matt. 22. 27.

Matt. 22. 33.
& 45.

Nam ut omittam hominem illum regem, qui fecit nuptias filio suo, quid illum dicam patrem familias, qui post missos ad agricolas seruos suos, etiam filium misit, qui ab illis eiectus extra vineam, atque occisus est? Nonne principes sacerdotum, & pharisæi cognouerunt huiusmodi parabolam ad se pertinere?

III.
*Charitas
nobili ma-
trona simi-
lis.*

Genus eius.

Propone igitur, amice ac religiose lector, oculis mentis tuæ Matronam nobilissimam, gratia & venustate præditam singulari, coma aurea, fronte candenti, viuidis ac micantibus oculis, quos in cælum patriam suam crebro tollit, genis candidam atque rubicundam, instar sponsi sui, labiis instar vittæ coccinæ, tota facie decentissimæ proportionis, sine fūco, sine macula, vel ruga; multiplex enim eius proles, ei non senium attulit, sed vigorem. Deo gratiosa est, omnibûsque bonis; nec mirum, filia eius est, & imago bonitatis eius, soror autem fidei, spei, & gratiæ diuinæ, quæ eam perpetuò comitantur. Gestat in aurea bracteola scriptum nomen, *Charitas Dei filia, sponsa Iesu Christi*, ipsaque bracteola mitellæ, quæ cæli amor dicitur implicata est. Gestat & coronâ regiam, in signum supremi supra virtutes omnes imperij. Pendet è mitra bombycinum crispum humeros tegens, candens ac lucidum, cui nomen *Innocentia*, quod stellulis aureis cogitationum cœlestium inspersum, atque distinctum est.

IV.
*Allegoricus
eius orna-
tus.*

ca. 19. 8.

Aurea monilia duo gestat, alterum in fronte, in collo alterum, vtrumque innumeris lapillis pretiosissimis miro artificio fabricatum, & illuminatum, quæ sunt Christi sponsi eius diuina merita, per totum sanctissimæ ipsius vitæ curriculum sapientissimè sparsa. Ab hisce monilibus pendent duo nobilissimi carbunculi, vnus ad frontem, alter ad pectus, illi nomen est *Paupertas præsepis*, isti *Obedientia crucis*. Ex auribus pendent smaragdi duo, dicti *memoria diuinorum beneficiorum*. Induta est vestem nuptialem ex byssino splendido, quam Ioannes in Apocalypsi interpretatur *Iustifications sanctorum*. Cæruleus est eius color, & linguis igneis in quincuncem distributis ornatur, ut subinde memoria quinque vulnerum sponsi sui, & Seruatoris excitetur. Limbus vestis habet hoc elogium opere plumario inscriptum, *Ignem veni mittere in terram, & quid volo nisi ut accendatur?* Habet & interiorem vestem cinericij coloris, quam vocant *Odium sui*.

V.
*Reliquus
eius orna-
tus, & filij
duodecim.*

Extrema brachiorum exornant armillæ aureæ, quæ sunt opera misericordiæ; zona qua præcingitur, & sinus vestis colliguntur, est torquis aureus, cuius omnes annuli eleganti opere deuinciuntur; zonæ nomen est *Concordia*: sinistra gestat imaginem Crucifixi, dextra hanc epigraphen *Amor meus crucifixus est*. Filios habet duodecim specie elegantissima, quasi totidem angelos comites, & matre dignos, & parente Seruatore, quorum hæc sunt nomina. *Dulcis-Amor, Ingeniosus-Amor, Fortis-Amor, Liberalis-Amor, Mitis-Amor, Sollicitus-Amor, Socialis-Amor, Actiuus-Amor, Feruidus-Amor, Zelotypus-Amor, Pernigil-Amor,*

Amor, Officiosus-Amor. Singuli percupidi sunt explicandi nobis, quæ valent ad amorem optimi parentis nostri, & ipsorum excitandum, illiusque diuini præcepti de Deo, & proximo diligendo obseruationem. Singulos ergo deinceps suo tempore audiemus, si tamen prius ipsorum matrem ac reginam, eos paucis adhortantem, audiuerimus, ad amorem diuinum hominum pectoribus ingenerandum, & profanum funditus eorum cordibus extrudendum.

CAPVT VII.

Exhortatio reginæ Charitatis ad filios suos, in gratiam diuini amoris, & profani detestationem.

NEVE enim probabile est tanta sapientia principem, & in suos beneuolentia, filios in hominum conspectum quasi in theatrum producentem, non eos prius ad officium instruere, ac cohortari, in hunc fere modum. Venite filij mei, regium semen, cœli progenies, Sanctissimi Sponsi mei deliciæ singulares, date verum ac diuinæ bonitati debitum testimonium hominibus, amoris in illos sui, quo impulsore ita factus est prodigus, suum vt vnigenicum immentibus vltro largiretur. Docete quàm dulcis ac suauis sit eius amor, vt ne profani homines, deliciarum ac delectationis immodicè appetentes, illum asperum atque inuicundum putent, & tam perniciosum errorem ex eorum animis absterge. Aperite ingeniosa inuenta Dei, eiusque filij patris vestri, ad hominum amorem eliciendum. Ostendite mirabilem magnitudinem animi, patientiam, & constantiam in promouendo consilio ipsorum amicitia demerendæ.

Patefacite regiam eius magnificentiam & liberalitatem iis, qui cupidius vitæ commoda, atque emolumenta sectantur, docete quanto detrimento suo vulgares atque instabiles amicitias ambiant: præsertim cum eo neque mansuetius sit quidquam, neque pro amicis suis magis sollicitum: nemo qui eos maiore affectu complectatur, sibi que vniat, inseratque cordi. Persuasum habeant nullum vnquam amicum tantum pro amico laboris atque ærumnarum exantlassè quantum pro ipsis Sponsus meus, idque tanto fetuore quantum sudor ille sanguineus satis superque probat; neque animi vel corpore somno degrauatis, sed totis noctibus vrando traducendis. Postremo norint neminem quidem tam comem familiaribus suis, tàmque officiosum esse; eum tamen zelo iustissimo incitatum, vlscisci eorum impudentiam, qui eius neglecta amicitia, æmulum nescio quem, aut competitorum ipsi antetulerint.

Tanto porro iustior, amantiissimi filij, causa vestra est, tantòque lau-

R

I.
*Monita
Charitatis
ad filios
suos.*

II.
*Pro condi-
tione singu-
lorum.*

III.

Damna pro- dabilius hoc certamen inibitis, quanto capitalis hostis noster *Amor sui,*
fani Amoris. eiuſque filij *Amor opum, honorum, voluptatum* pernicioſiores ſunt hu-
 mano generi, atque adeo origo malorum omnium, quæ toto orbe terra-
 rum ſeculis omnibus extiterunt, aut deinceps exiſtent. Omnes enim ca-
 lamitates, quibus homines Deo ultore afficiuntur, vindictæ ſunt peccato-
 rum, quæ ab animorum perturbationibus, vitiſque oriuntur, nullaque
 alia ex radice pullulant, quàm immodici atque intemperantis amoris ſui,
 vel filiorum eius. Eſi autem dulcedinem præ ſe fert amor ille, multo
 tamen felle illa ipſa dulcedo diluitur, maximèque odio inimicorum,
 quod ad Dei uſque odium excreſcit, illo peſtiferum venenum infundente:
 influit & mœror & amaror à turbata conſcientia, & tædium & triſti-
 tia moroſior, Deo conſilia improborum in contrarium vertente. Quid-
 ni enim cogitationes diſſipet, quæ ipſius honori & gloriæ aduerſantur?

IV.

Et pernicioſa
proprietas.

Ille idem Amor innumerabiles excogitauit artes, quibus Deo &
 proximis iniuria inferretur; Hiſtoriæ loquuntur ingenioſam tyrannorum
 malitiam, ad ſanctos martyres in fraudem inducendos, aut ad eorum
 conſtantiam horriſco terrore affligendam. Experientia verò quotidiana
 docet nequiſſimorum hominum fraudes ad virginum pudorem,
 aut matronarum caſtitem expugnandam. Quid viri militares? quàm
 noua in dies ſtratagemata comminiſcuntur ad vrbes occupandas, obti-
 nendas victorias, prouincias paucis horis cædibus, incendiis que vaſtan-
 das, iuſticia belli contempta. Hic idem amor crudelis eſt & ferox, in pri-
 miſque aduerſus infirmos & humiles: qualis in Holoferne quondam
 fuit, de quo ita legimus. *Tantus metus prouinciis illis incubuit, vt uni-*
Iudith. 3. 9. *uerſarum urbium habitatores, principes & honorati, ſimul cum populis exi-*
rent obuiam venienti, excipientes eum cum coronis & lampadibus, ducentes
choros in tympanis, & tibis. Nec iſta tamen facientes eius ferocitatem pe-
ſtoris mitigare potuerunt. Nam & ciuitates eorum deſtruxit, & lucos
eorum excidit.

V.

Illustrantur
exemplis.

Quid quod pro re nihili, horribiles ſæpe ſtrages meditatur hic amor,
 editque. Vide Amanum illum ſuperbiſſimum, molientem interitum na-
 tionis vniuerſæ Iudæorum, cum iactura propria decem millium talen-
 torum, ob vnius genua ſibi non ſeſtentis delictum. Ardet idem cupidi-
 tate diuitiarum, quæ vel effrænatas eius voluptates, & deſideria exſatu-
 rent, non ignari omnia pecuniæ obedire, ſiue vt accumulatis auri & ar-
 genti aceruis inhiet, in eaque dementia penitus acquieſcat, & ſummum
 bonum ponat: opes denique pro Deo colat. Quæ cauſa Apoſtolo fuit
 vt auaritiâ idolorum ſeruitutem vocaret: parum enim intereſt ſitne
 idolum aurum ſtatuarium, aut ſignatum. Si amor iſte ſocialis eſt mono-
 polia exercet in ſocios, coniurationes in principes, publicamque liberta-
 tem: ſi ſollicitus eſt, ſi feruet, ſi vigilat, impropium aliquem occupare
 fatagit, atque opprimere, peſtem alicuius ſollicitudinis, feruidè, vigilanter ma-
 chinatur. Omnis eius comitas aduſatio eſt, *linguis ſuis dolare agebant, ve-*

Pſal. 13. 3. &
139. 4.

nenum aspidum sub labiis eorum. Zelus eius filius timiditatis est, & desperationis parens.

Date igitur operam, amantissimi filij, ut siue prodendis hisce malis, siue diuini Amoris proprietatibus patefaciendis, de sponse meo, & parente vestro Christo Domino bene mereri possitis. Exhibete hunc illi famulatum, quo neque ipsi quidquam gratius, neque mihi acceptius, neque vobis dignius, neque mortalibus vtilius, neque verissimis eorum hostibus perniciosius estis aliquando facturi. Nullam enim luculentiorrem plagam hosti illi tartareo, qui Dei odio magis, quam flammis ipsis ardet infelix, nullam carni aut mundo, qui tyranno illi militant æterni mercede supplicij, inferre potestis. Hactenus Charitas ita prolocuta est ad suos: deinceps tempus appetit ut singuli producantur quasi in theatrum, testimonium de diuino in nos amore dicturi, & ostensuri quantq suo merito Dominus nostrum in se amorem vicissim exposcat, dicens, *Diliges Dominum Deum tuum.*

VI,

Conclusio.

Quarti Libri finis.




LIBER QVINTVS.

De diuini Amoris Dulcedine, qui & Dulcis-Amor.

C A P V T I.

Descriptio Dulcis-Amoris primi filij Charitatis, & quæ sit causa dulcedinis amoris.

I.
Propositio.



SOLENT viri sapientes, qui iudiciis exercendis præsumunt, non tam eorum qui testimonium dicunt numerare sententias, quàm testium ipsorum personas ponderare, quæ cuiusque conditio, genus, fortuna, probitas: quantam rei qua de agitur cognitionem habeant, quo animo ad dandum testimonium adducti videantur. Idipsum in angelicis istis adolescentibus faciendum videtur, in causa di-

uini Amoris. Agnoscendi enim sunt vt dilecti filij tantæ matris, & per eam lectissimi filij Dei, eximiâque virtute præditi, vt gratius sit atque acceptius eorum testimonium, qui & rem ipsam probè norunt; quibus enim notior parens quàm adultis filiis? & quibus nulla causa subesse potest cur mentiantur. Quo autem fiat hoc totum argumentum planius atque illustrius, docendum erit hæc omnes proprietates, & quasi filios ad Amorem vniuersè pertinere, multoque magis ad diuinum Charitatis amorem.

II.
*Descriptio
dulcis amo-
ris.*

Hunc igitur, qui se primum nobis offert, contemplemur, qui nos decorè admodum, ac suauiter intuetur, cuius oris habitus, reliquique corporis gestus ac status pergratus est omnibus, perque incundus. Dulcis-Amor ei nomen est, ad cuius etiam nominis veritatem ipsemer eius cibus conferre videtur, mel, manna, saccarum. Nam & mellis fauim in summa virga manu gestat, quam in modum spiræ obit hoc elogium, *Spiri-*

tus meus super mel dulcis, & hereditas mea super mel & fauum. Candentem induitur tunicam xilinam, quæ dicitur *Comitas*, eaque perspersa est apibus opere plumario, ex filo serico coloris aurei, quæ sunt orationes eius concisæ, & quasi iacula, quæ breui cursu cælum petunt. Ecd. 24. 27.

Nihil porro mirum adolescentem hunc esse, haberique filium *Charitatis*, quæ tota dulcedine ac suauitate plena est, & in hoc filio similem sui in lucem edidit. Id Sponsus ille cœlestis apertè testatur, cum dilectissimam sponsam suam, quæ *Charitas* est, ita compellat. *Fauus distillans labia tua sponsa, mel & lac sub lingua tua, & odor vestimentorum tuorum, sicut odor thuris.* Et rursum. *Sonet vox tua in auribus meis, vox enim tua dulcis, & facies tua decora.* At, inquires, eadem pene idem Salomon de impudica muliere dicit, *fauus distillans*, inquit, *labia meretricis, & nitidius oleo guttur eius*; Ita sanè, sed hæc, in ista assentatrice meritoria, ficta & simulata sunt omnia, & ad modici spatium temporis composita. Audi enim quæ sequantur. *Nonissima autem illius amara quasi absynthium, & acuta quasi gladius anceps*, in furiosi hominis manu. III.
Filium esse
Charitatis.
Cant. 4. 11.
Cap. 2. 14.
Prou. 5. 3.

Istam nos scilicet querimus charitatem commentitiam; mel istud amarum est, quale in Sardinia gigni aiunt, & virulentum: quale etiam in Heraclea Pontica nascitur, quod instar aconiti torquet edentem; multum enim ibi oritur aconitum; amentes enim fiunt, ac plurimo sudore madent. Quid enim amentius homine, quem improba mulier captiuum tenet: quos sudores, quos morbos non patitur infelix. Itaque rectissimè dicebat idem Salomon. *Inueni amariorem morte mulierem, quæ laqueum venatorum est, & sagena cor eius, vincula sunt manus illius; qui placet Deo effugiet illam: qui autem peccator est, capietur ab illa.* Id tute expertus es miser, & malo tuo factus doctior, incautis terrori esse potes, ne in eandem foueam cadant. IV.
Charitas ficta, mel amarum & mortiferum.
Plin. l. 21. c. 14.
Dioscor. 1. 2. c. 75. & l. 6. c. 8.
Ecd. 7. 27.

Qui porro causæ esse dixerimus cur Amor dulcedine præstet: Apparet id contingere metu offensionis eorum quos diligimus, ne qua dissidio animorum fiat. Quin potius amicos conseruari cupimus, tanquam bonos, gratos & viles, & quasi ad genium nostrum ingeniumque factos; itaque veriti ne alieniores à nobis asperitate fiant, eos & verbis suauiter, & factis molliore manu tractamus. Constat enim experientia plerosque tam verborum quam factorum acerbitate abalienare animos, qui nolunt secum inclementer agi, & respuunt, ut ille ait, patreæ verbera linguæ. Nam & corporum asperitate offenduntur manus obuæ, vel facies improuisa; delicata verò & mollia ut sericum, ut gossipium, ut plumæ, aliæque id genus tangendi sensum demulcent. Et vniuersè Philosophi docent obiectum vehementius sentiendi organum lædere, ut ingens tonitru auditum, crebra fulgura visum, odorem violentum olfactum, sic gustum amaror, acor, acerbitas. Quæ ad internos sensus, animique facultates accommodari possunt. Itaque Deus in cælo mentes V.
Cur amor dulcedine delictetur.
Acerbitas ingrata.

& corpora roborabit, ut idonea sint ad tam sublimem delectationem, & obiectum perfectionis infinitæ.

CAPUT II.

Amorem uniuersè dulcem esse, dulciâque reddere etiam amara.

I.
*Amor uni-
uersè dulcis
est.*

Psal. 74. 9.

N I H I L est necesse in huius veritatis declarationem multa disputa-
re, neque arduum est hominibus fidem facere amorem dulcem
esse; id enim fuerit vel soli lucem inferre velle, vel calorem igni, aut ni-
ui candorem, vel dulcedinem saccharo. Atque utinam profanus amor
careret iis, quas ab ipso aditu ostentat, illecebris dulcedinis, quibus im-
prouidos inducit in fraudem, tam multæ animæ quotidie non perirent,
aut certè incōsultæ temeritatis non pœniteret, cū amaror, qui in fun-
do calicis subsedit, exhauriendus est. *Fœx eius non est exinanita*, inquit
Propheta, *bibent omnes peccatores terra*. Illud potiùs ostendamus, quod
minus in promptu esse videtur, Amorem uniuersè loquendo, nihil nunc
quidem profanum à sacro, naturalem à diuino separando, eam vim ha-
bere ut res natura sua difficiles atque acerbæ, dulces quodammodo de-
lectabilisque reddat.

II.
*Et amara
dulciâ red-
dit, ut mor-
tem.*
1. 3. od. 2.
1. offic.

Gec. 1. 17.
Eccl. 41. 1.

Audi quid Lyricus ille canat, utique verissimum, si quis attendat,
paradoxum. Dulce, inquit, *& decorum pro patria mori*. Decorum profe-
ctò atque honestum, nemo sanus negauerit. *Cari sunt parentes*, inquit
Tullius, *cari liberi, propinqui, familiares, sed omnes omnium charitates
patria una complexa est, pro qua quis bonus dubitet mortem oppetere, si ei sit
profuturus*: Rectè sanè; est enim id facinus virtutis heroicæ, iustumque
est commune bonum priuato anteferre, & brachium toto corpore du-
cere vilius. At ut tam aspera atque acerba res dulcis quoque sit, id verò
fide carere videatur. Quid est enim mors, quàm omnium animantium
terror, omnium vitæ commodorum ac delectationum, ipsiusque vitæ
acerbissima spoliatio? Rectè illam furiam dixeris, aut ab inferis profe-
ctam Proserpinam, ad humani generis interitum; rectè & gladium diui-
næ ultionis strictum in peccatorem. *In quocunq; die comederis ex eo, morto
morieis*, ait Dominus ipse; & Sapiens, *O mors quàm amara est memoria
tua, homini pacem habenti in subitania sua, & abundanti diuitiis*. Amara
est eius memoria, quanto amarius ipsum telum?

III.
Æl. 1.

Troianus tamen ille princeps, cū atroci tempestate colluctatus, & tan-
tum non fluctibus infans obrutus, exclamat:

--O tēque quaterque beati
Quis ante ora patrum Troie sub mœnibus altis Contigit oppetere?
& --mēne Iliacis occumbere campis Non potuisset--
Mortem ergo, quæ Trans adigit costas, & fortia pectora rumpit,

non solum dulcem vocat, sed terque quaterque beatam. Neque nouum est aut insolens generosum militem lamentari, non solum si in cruce pereundum sit, sed si intra linteamina mollia, non in thorace ferreo; in lanuginosa plumula, non in duro, atque honorato campo. Hec ergo mors suauior est culcitra, & gossipio, & serico, & tenuissimo lino.

Quid bellum? nonne dulce est & amabile militibus? utique, inquires, sed tyronibus, & recens euocatis ad Martis onus: iuxta illud, *dulce bellum inexpertis*. Qui enim fieri potest ut homo, quem natura nullis ad pugnandum armis instruxit, infernam illam Tisiphonem colubris armatam, dulcem putet, aut amabilem, nisi quispiam vltinæ Vulcani opifex, vel Martius tyro? Quis dulcem sentiat illam pestem omnium nationum, omnium vitiorum cloacam, omnium sentinam improborum, mortalium populatricem, verissimam imaginem Tartari. Fatendum est nihilominus ambitiosum gloriæ amorem, & lucri cupiditatem illa omnia non reddere solum tolerabilia, sed etiam dulcia: nec tyrones solum inexpertos, sed veteranos quoque ac triarios, ita pugnandi flagrare desiderio, ut vulneribus vix sanatis, cum primum tuba insonuit, vel tympanum concrepuit, plagatum immemores ad arma conuolent.

Arma amens, fremit armatoro, testisque iuuenius.

Non est hic amor, inquires, sed furor hominum capite damnatorum.

Arma amens capio, nec sat rationis in armis,

aiebat Æneas. Quid amor diuitiarum, nonne salfos Oceani fluctus dulces efficit, panem nauticum emollit, barbaros mores, linguasque mitigat, marina monstra, aggeres arenarum, rigentes scopulos, fœda naufragia, iniurias piratarum, ceteraque nauigantium damna temperat, lenit, demitigat? Quam acerbi, ac longinqui sunt matrum labores, à puerperio vsque ad ætatem grandiorum filiorum suorum, quot curis ac molestiis noctes dielque perfunguntur. Maternus amor emollit hæc omnia. Itaque pleræque matres, cum hæc curas possint in nutrices transferre, eas vltro ferre malunt, ratæ fore ut aliquando filij gratiæ huius memores sint, & ipsis dulcissimi amoris huius vicem rependant. Verum quantum hæc omnia cedant diuini Amoris dulcedini, ab ipso Charitatis filio Dulci-Amore audiamus.

IV.
Dulce quoque bellum.

Æn. 7.

V.

Aliique labores amabiles sunt.

Æn. 2.

CAPVT III.

Dulcis-Amor diuini amoris dulcedinem declarat.

PROGRESSVS paululum à fratrum cœtu Dulcis-Amor sic exorsus est. Audite vice versa non profana de amore vulgari & profano, sed diuina, de diuini amoris dulcedine testimonia. Audite Sapientem de

E
Testimonia
pro dulcedine
diuini amoris.

Spiritu Domini, qui est Amor patris & filij, loquentem, aut ipsum potius Dominum de Spiritu suo, *Spiritus meus*, inquit, *super mel dulcis, & hereditas mea super mel & fauum*. Quod expertus Sapiens exclamat, *O quam bonus & suavis est Domine Spiritus tuus in omnibus*. utique in omnibus, erga bonos dulcedinis suæ, & beneuolentiæ argumenta expromens, & malos patienter expectans, illos promouens, istos ad se conuertens. Eadē tenuit Dauidem admiratio, *Quam dulcia*, inquit, *faucibus, meis eloquia tua, super mel ori meo*. Quare autē dulcia? quare desiderabilia *super aurū, & lapidem pretiosum multum, & dulciora super mel & fauum*? Nisi quia dictauit ea Charitas, eadēque complectitur vniuersa, & Charitatis ope faciliē obseruantur. Postremò Ecclesia, ab eodem edocta spiritu, illum orat, ut cordibus amorem infundat, & perfectæ Charitatis dulcedine abundanter reficiat.

II.

Cur melli

comparetur.

Iu 1. 14. 1.

Mellis origo.

Cant 5. 2.

Georg.

III.

Aptatur

Charitati.

IV.

Manna Cha-

ritatis cibus

filiorum Dei.

Quid est autem quod diuinus amor in Scriptura sacra toties melli & fauo comparatur? An quia nihil est melle dulcius, ut illi olim Samsonis sodales, aut quia cœlestis est mellis origo, sicut & Charitatis & filiorum eius? ideoque aëreum mel, & cœlestia dona Poëta vocat. Et si enim vulgo putantur apes ex floribus collectis, & in stomacho decoctis mel conficere, indeque in fauos refundere; peritiores tamen tradunt collectis ex floribus ceram dumtaxat confici, mel autem ipsum ab apibus colligi, quod reperiunt albescente cœlo concretum, quando vicinus sol, cœlesti vi & calore, vaporem modicum ex aqua subtilēque trahit, similēsque ex terra halitus, qui permisti inter se, leuiterque matutino calore decocti, dulcem in succum transeunt, qui molliter herbas & flores arborūque folia irrorat, adeoque non villosa vestimenta, capillōsque eorum, qui sub dio matutini refederint. Quo pertinet illud ex Cantico. *Caput meum plenum est rore, & cincinni mei guttis nocturnis*. id est melle dulcissimæ Charitatis. Itaque prohibet Poëta ne errans bucula campo decutiat rorem. Quem scilicet apes ore legunt, & in fauos refundunt.

Hæc nimirum significant originem Charitatis, quæ diuinitus in corda nostra diffunditur, esse Deum iustitiæ solem; aut si mauis, spargit Deus Charitatem dulcissimam in varia opera, quæ Dei amore, & proximi sunt, quam spirituales apiculæ colligunt, qua nutriuntur, quam recondunt in tempus, quo tempore nullus erit meritis locus. Flauus quoque mellis aurum imitantis color, ad Charitatem, quæ aurum virtutum est, significandam valet. Et sicut mel dulcia reddit, quæ dulcedine carent, sic & diuinus amor, ut postea dicturi sumus. Denique mel multam nutriendi vim habet: Charitas quoque verum animæ nutrimentum est, cætera non magis eam nutrire possunt, quam stomachum ventus, inanitas, aut siliquæ porcorum.

Et sicut manna fuit olim cibus filiorum Dei, qui per Arabiæ deserta peregrinabantur, promissam patribus suis terram armis occupaturi, terram, inquam, lacte & melle manantem: ita nunc cibus filiorum Dei Charitas

Charitas est, qua in huius vitæ peregrinatione sustentantur, in qua terram viuentium bello petunt, quandoquidem, *regnum cælorum vim patitur, & violenti rapiunt illud*, terram iis pridem promissam, qui in Charitate vitam degent ac terminabunt, terram ita Charitate abundantem, vt latè diffluet per omnes vicos Hierosolymæ cælestis, vbi sempiternum Alleluia cantabitur. Et vide vt manna quoque è cælo defluat vt Charitas, eamque sua dulcedine repræsentet, sicut & lac, quod & palato dulcedinem, & stomacho præbet alimentum. Itaque Petrus Apostolus, *Sicut modò, inquit, geniti infantes, rationabile sine dolo lac concupiscite, vt in eo crescatis in salutem, si tamen gustastis, quoniam dulcis est Dominus; quando scilicet dilectos suos consolatione reficit ac demulcet, ad quam inuitat eos Dauid, Gustate, inquit, & videte, quoniam suauis est Dominus, beatus vir qui sperat in eo.*

Matt. 11. 12.

Tob. 12. 12.

1. Pet. 2. 2.

Psal. 33. 9.

Idem Propheta regius tertio quoque verbo dulcedinem, bonitatem, suauitatem Domini celebrat atque inculcat: quam tanta copia nonnumquam communicat amicis suis, vt eam cor humanum capere non possit, vt quasi vina recentia ebulliant, atque exastuent, *Memoriam, inquit, abundantia suauitatis tue eructabunt, & in eas voces prorumpent, Satis est Domine, satis est.* Nihil est quod ad dulcedinem Charitatis accedat, non mel, non manna, non vinum, non lac, non saccharum, si quando voluerit Dominus illud exequi, quod per Esaiam promittebat, *Ad vbera, inquit, portabimini, & super genna blandientur vobis.* Et videlicet vos fructu vitæ reficient, qui & visu iucundus sit, & ad vescendum suauis. Neque cum Deo dumtaxat erit illa iucunditas, deriuabitur enim ad proximos, iuxta illud Dauid, *Ecce quàm bonum, & quàm iucundum habitare fratres in vnum.*

V.

Alia testimonia dulcedinis Charitatis.

Psal. 144. 7.

Esa. 66. 12.

Gen. 3.

Psal. 132. 1.

CAPVT IV.

Diuini amoris dulcedo etiam in rebus ratione carentibus agnoscitur.

OMNIA nobilium artificum opera, auctoris sui præstantiam facillè produnt, quamuis permodica sint, aut negligenter, & aliud agendo facta esse videantur. Apellem linea vnica penicillo ducta Protogeni agnoscendū dedit, Zeuxim vna quæ fallebat auiculas, Parrhasij manum obductum picturæ siparium, quod Zeuxim ipsum induxit in fraudem, facillè demonstraui. Rudis aliqua, & inartificiosa imaginis informatio, artificem benè peritum non obscure indicat. Scriba egregius in mille calami ductibus non præmeditatis, nullum edet, ac ne elementum quidem vllum, qui non sapiat eruditum magistrum. Lyra doctor paulo in-

I.

Opus sapientiam prædicat artificis.

Plin. l. 35. c.

10.

signior, fidibus pene temerè tractandis, nullum edet non probabile, probatúmque concentum. Perfectus orator non in causis modò centumviralibus, sed in breui quoque ad amicum epistola, aut fabella narranda ex improbitò, vel acuto & imparato responso eximium sui specimen dabit. Quid ergo mirum æternam illam sapientiam, bonitatem infinitam; inæstimabilem charitatem, amorem dulcissimum, nihil quidquam vllò in opere suo agere, in quo non possumus agnoscere molitorem Deum?

II. Voluit ergo Dominus rebus omnibus à se productis bonitatem suam, & amorem, eúmque dulcissimum patefacere, utcumque viles sint atq; abiectæ. Voluit enim ut essent, id beneficiorum omnium solum est & fundamentum, gratisque dedit ut essent. *Diligis omnia quæ sunt*, ait Sapiens, & nihil odisti omnium quæ fecisti. Cur enim oderis opus tuum, quod tute iam pridem iudicasti valde bonum? *Vidit Deus cuncta quæ fecerat, & erant valde bona*. Sed voluit etiam ut singulis pro modo suo benè effet: ideoque idoneas illis proprietates & instinctus dedit, ut quæ sibi bona essent tacitè quærerent, adeptisque fruerentur. Itaque elementa omnia còmoda sibi loca, si ab eis dimota fuerint, suo pte nutu quærun, & si inuenerint, in eis placidè constantérq; acquiescunt. Arbores aridiore solo impositæ, qua parte radicibus suis humorè senserint, dilatantur, & quantum licet, folia & fructus ferunt. Vitis quæ natura caduca est, clauiculis quasi digitis quidquid est nacta complectitur, eoque adnuculo in altum confurgit, pampinisque luxuriat, & fructus fert qui, in signum diuinæ duleedinis, Deum hominèsque lætificant. Sed de multiplici hoc instinctu rerum naturis diuinitus indito, & cum natura suauissimè concessio infinitior est oratio, campúsque latissimus, in quo fœlicia multorum ingenia excurrerunt, ut minimè necesse sit actum agere.

III. De animalibus autem quid dicemus? quanta obsecro cum suauitate *aperit manum suam, & implet omne animal benedictione*? omnia quæ illis conueniunt sine vlla spe præmij aut gratitudinis, suauissimè largiendo, ut benè sit eis, ut delectentur, ut fœlicitatis quam ipsorum natura quoquo modo capit, participes fiant. Viden' ut certatim auiculæ cantillèt, ut incundè volitent cura & labore solutæ, ut saltu ramos insiliant atque transiliant, ut colludent in auariis, & se dominòsque delectent? Quid hædi tenellique agniculi, ut infestis se capitibus nondum cornutis impetunt sine felle aut iracundia? Columbæ circum præaltas turres turmatim volitant, nunc circulum integrum conficiunt, modò semicirculo contentæ iter reuertuntur; Quos autem illæ in aère ludos agitant, hos in Oceano delphini, in planicie pulli equorum sponte agitant. Quid catelli, quid paucorum mensium fœles, ut luctantur inter se, ut se mutuo deiiciunt resurguntque celeriter, ut se humi versant reuertantque, ut se morsu vexant innoxij, & mordicus impunè trahunt, aut mira celeritate in orbem acti propriam caudam dentibus petunt. Quantum voluptatis iunior felis haurit in captiuo mure? ut illum aliquando instar pilæ huc

Idque valet
in Deo ipso

Sap. II. 21.

Gen. I. 31.

Eius dulcedo
erga res inani-
mas.

Cato ma.
Iud. 9. 13.

Et animalia
Psal. 144. 16

illucque utroque pede pellit alternis, repellitque? quoties & in altum tollit, & affligit humi? ut spernit hostis infirmitatem, ut modicè progredi sinit libertatis audium, moxque saltu in eum inuolat, certatque illudere capto. Quæ omnia non ita quotidianas istorum animalium delectationes ostentant & ludos, quàm dulcedinem amantissimi conditoris, qui hanc eis iucunditatem, & quasi felicitatem insequit.

CAP V T V.

Dulcedo diuini amoris erga hominem.

EX his non difficilis est coniectura, quanta erga hominem suauitate vsus sit mundi architectus, in cuius gratiam non solum cætera animantia, sed totus hic aspectabilis mundus ab eo conditus fuit. Nec dubitandum videtur hunc Conditoris amorem etiam aduersus Angelos, qui principem inter res creatas dignitatis & antiquitatis locum tenent, dum essent in via, dulcem fuisse, sed peculiare aduersus eos amoris delicias non didicimus, nisi quod in cælo ipso empyreo conditi, insignibus naturæ gratiæque donis ornati, breuique tempore stadij sui curriculo defuncti, ad claram Dei contemplationem admissi sunt. Eos autem quos superbia sua scinditragos fecit ac perduelles, è throno Dei fulgur egrediens, eorumque ora verberans turpiter deformauit, & Tartaro in sempiternum afflixit. At humana negotia, Dei que erga homines mellitus amor, apertior nobis illustriorque est. Videnturque Dei circa istos secundo genitos amor, sicut Iacobi Patriarchæ erga Iosephum & Beniaminum, tenerior extitisse.

Ostendamus ergo prædulcem Dei amorem erga hominem, primum præsertim, & populum à Iacobo propagatum, tum erga dilectos suos longè dulcissimum, tam in Mosaica lege, quàm Euangelica. Deinde patefacta profani amoris acerbitate, demonstrandum erit quomodo diuinus Iesu Christi amor, fel omne laborum eius, cruciatuum, & proborum in dulcedinem conuerterit. Postremò quomodo idem miraculum Christi discipulis magistrum imitantibus contigerit. Amplissima rerum suauissimarum sylvæ nobis aperit: sed cohibendus erit stylus, & retinenda mediocritas, etiam in isto melle. Scimus enim à Salomone dictum, *Mel inuenisti; comede quod sufficit tibi, ne forte satiatus euomas illud.* & satietatem fastidium consequatur.

Principio dulcis Dei erga hominem amor in ipso rei ortu, tam in eo producendo quàm conseruando innotuit. Est enim in illius productione suauitatis indicium, quod cæteris rebus procreandis satis habuerit dicere *fiat*; homine autè in lucè edendo dixerit *faciamus*. Quasi diceret; quod

I.
Num qua
dulcedo di-
uini amoris
in Angelos.

II.
Propheta
deinceps de-
centiorum de
hac dulcedi-
ne.

Prou. 25. 16.

III.
Dulcis Dei
amor in ho-
minis pro-
ductione.

ad lucem attinet & firmamentum, solem & stellas, pisces & aves, satis est mihi annuere ut fiant. At cum ventum est ad *sanctius hoc animal, mentisque capacius alia, faciamus hominem*, volo ego ipse illius videri singulariter architectus: quamvis sit reuera ceterorum omnium artifex, iuxta illud Davidis. *Quoniam videbo celos tuos, opera digitorum tuorum, lunam & stellas que tu fundasti.* Cumque cura diuinæ providentiæ nullam rerum creaturarum excludat, singularem tamen erga hominem providentiam illa eius verba significant, *Instruam te in via hac qua gradieris, firmabo super te oculos meos.* Sic paterfamilias felicem quandam arbutulam, adamatam, propria plantatam manu colit, rigat, emundat, inserit, neminemque patitur, præter unum se illam attingere. O stirpis ingenuæ frutex, quantum diligeres herum tuum, si quomodo posses?

IV. Videamus ergo quo se modo erga hominem gesserit humanissimus ille hominum sator ac parens. Apparet sanè, si quis attentius Scripturam loquentem audiat, Deum ipsum per sese collegisse pulverem, in eum infudisse aquam, miscuisse, & subegisse, lutique massam confecisse, ex eaque hominis unius statuam, per singula membra, à capite ad calcem conformasse, tum halitu in faciem effuso, eundem animasse, & supra pedes suos erexisse. *Formavit, inquit, Dominus Deus hominem de limo terra, & inspiravit in faciem eius spiraculum vite, & factus est homo in animam viventem.* Nec minore erga Euam comitate usus est: educta ab Adami latere costa una, eaque materia amplificata, formavit atque ædificavit mulierem, quæ Adami socia esset & coniux, & ambo essent humanæ gentis radix ac stipes.

V. Agnosce hinc duo dulcis amoris argumenta, ut enim viro amorem ingeneraret vxoris, eam ex eius latere eduxit, quod cor primariam amoris sedem circumstat, non ex capite aut pedibus, quod æquè illi erat in promptu, ne vel occasionem viro contemnendæ mulieris, vel mulieri superbiendi præbuisse videretur. Et sicut latera brachiis subsunt, eorumque præsidio muniuntur, sic & vxor coniugi subit oportet, eiusque viribus atque industria protegatur. Accedit alterum eiusdem amoris indicium. Nam quia similitudo amoris causa est, uti diximus, quod ad corpus attinet, voluit similem esse viro mulierem, & quod ad animum, utrumque similem Deo, intellectu præditos & voluntate, libertate, immortalitate, bonitate, iustitia & sanctitate, scientia quoque, & singulari in omnia, quæ corpore constant, dominatu ac potestate, ut eum ad hominem crebro inuisendum hæc similitudo inuitaret, cum se ipse in homine, ut homo in speculo cerneret: & alioqui constet ut oculo Domini equum pinguescere, sic paternis oculis filios multo euadere meliores; amor enim patris otiosus esse non potest.

VI. Transeo ad huius hominis educationem, ut in ea dulcem ac planè paternum in illum amorem obseruem. Vbi enim illum fortem ac validum, perfectæque ætatis condidisset, noluit eo tanquam fabro ferrario,

Psal 8. 4.

Psal 138.

IV.
Videtur.
Annal. die
6. n. 18.

Gen. 1. 7.

Adami &
Eue.V.
Et in eo duo
dulcis amo-
ris argumen-
ta.VI.
Et in eorum-
dem educa-
tione.

in vstrina vti, aut lapidicida in latumiis, aut metallorum foflore in fodi-
nis, aut reorum vel ferarum ergastulario, in ergastulis: nec eum aqua &
furfuraceo pane, vel castaneis & glande nutriti voluit; sed eum illico in
Edem, amœnissimum deliciarum locum transtulit, vt in eo animi gratia
excolendo, seruandôque oblectaretur. Dominum illum esse voluit, &
super infinitam famulorum turbam, omnia videlicet animalia, obtinere
principatum: sic vt pecudum aliæ ei cibos, aliæ vestimenta suppeditarēt:
quædam illum dorso gestarent, & quo ei cumque libitum esset circum-
ferrent, aliæ illi terram proscinderent, aliæ onera gestarent aut traherent,
quædā eum iucundissima delectatione reficerent; oculos eius pauo pul-
chritudine sua, simia ridicula deformitate recrearet, vt philomela & car-
duelis musica sua, vt græculus & psittacus voce pene articulata eius de-
mulcerent auditum. Quid balsamum dicam, aut felinum sudorē? quid
moschum & rosas, & innumera genera florum odoratorum, quibus
hortus ille totus inhalabatur, vērque perpetuum ostentabat, & mirificè
tenebat odoratum. Gustatui omnes terræ arborūque fructus permisit,
vnica excepta, idque non parcimoniz causa, aut defectione beneuolen-
tiæ; sed vt se ita Dominum sciret, vt alteri nihilominus Domino se in-
telligeret esse subiectum. Denique ita abblanditus est tactui, nihil vt ei
subtraheret, quo recreari posset.

Nimirum hæc erat parentis in mollē & delicatum filium indulgentia.
Sed idem ei contigit, quod pueris blandius enutritis, qui abutentes indul-
gētia, fastidiosi iussu indulgentioris parentis negligūt, atq; contemnant.
Sunt & aliæ in hominem istum dulcioris parentis blanditiæ, vt qui eum
omnium seculorum lōginitati, aduersūq; casibus parem esse voluerit,
ipsūque adeo corpus eius, tametsi è terra. elementisq; inter se pu-
gnantibus conflatum, meræ ex gratia non morbo, non dolori, non morti
obnoxium esse permisit: omnem ab intellectu errorem & fallaciam, à
voluntate malitiam, à corporeis motionibus perturbationem, à phātasia
inconstantiam, & excursionem vagam semouerit: intelligentiæ clarita-
tem, voluntati dedit propensionem in bonum consentaneum rationi,
memoriæ facilitatem & firmitatem.

Vt autem nihil ei planè aut intus deesset, aut foris, dedit illi Dominus
custodem angelum & gubernatorem, è regia sua eductum principem,
qui curam illius, etiam admissio peccato, gereret, regeretq; illum in
omnibus viis suis; illudque impleteretur, *In manibus portabunt te, ne forte
offendas ad lapidem pedem tuum:* aut corpus defatigatione ingrauescat. Et
ne quam ei molestiam discendi qualiscumque labor afferret, quamuis
talem haberet doctorem, eoque familiariter vteretur, primū tamen il-
lum hominum omnium rerum naturalium cognitione muneratus est,
quantum necesse erat ad mundanæ istius Reipub. gubernationem; spi-
ritualium autem & diuinarum, ad quarum fruitionem conditus fuerat,
tantam habuit scientiam, quantam quatuor ipsis annorum millibus ne-

VII.

*Alia in ho-
minem deli-
tia.*

VIII.

*Maximè in
custode, &
gubernatore
Angelo.
Plal 90.*

mo posterorum; ne Salomone quidem, aut vllō Patriarcharum, vel Prophetarum excepto.

IX.
Conclusio.

Isa. 5. 4.

Iere. 31. 20.

Cū autem istæ omnes gratiæ, aut eorum certè pars maxima, omnium temporum, locorum, ætatum posteritati communes futuræ fuissent, nisi diuinum imperium fuisset à primo illo parente violatum, ecquis posset omnino maius aut certius desiderare à Deo dulcissimi erga homines amoris argumentum, aut indulgentissimi parentis aduersus filium vnigenitum benignitatem? quomodo non meritò vsurpet illud, *Quid est quod debui facere vineæ meæ, & non feci?* & rursum illud, *Si filius honorabilis mihi Ephraim, si puer delicatus, num qua maiore ergo illum dulcedine, vel indulgentia vti potuissē?*

CAPVT VI.

Dulcedo diuini amoris erga populum Israeliticum.

I.
Explicatur
comparatio-
ne multipli-
ci.

Esa 66. 13.
Exod 19. 4.
Denter. 32.
10. 11.

Hic ipse dulcis amor singulariter agnoscitur in illa suauitate, quæ vsus est Dominus erga Israëlitas, quandiu fuit populus eius, quamquam magna ex parte contentiosus, querulus, rebellis, & idolorum seruituti subinde turpissimè mancipatus. *Parasti*, ait Dauid, *in dulcedine tua pauperi Deus*, quid autem parauit? nisi quod crebriù inculcat Moses, terram lacte & melle manantem, vt eo melle corda improbi populi, & dulcis amoris expertia dulcescerent. Iis tamen erga eum blandimentis est vsus, quæ ipsemet confert blanditiis matris filiolum tenere diligentis. *Quomodo si cui mater blandiatur*, inquit, *ita ego consolabor vos, & in Ierusalem consolabimini. Ad ubera portabimini, & super genua blandientur vobis.* Quid illa? *Vos ipsi vidistis quæ fecerim Egyptiis, quomodo portauerim vos super alas aquilarum, & assumpserim mibi.* Eandem dulcedinem celebrat Moses in cantico suo moriturus. *Sicut aquila pronocans ad volandum pullos suos, & super eos volitans expandit alas suas, nubem intelligit, quæ ab ardore solis protegebantur, & assumpsit eum, atque portauit in humeris suis, denique custodinit quasi pupillam oculi sui.*

II.
Materni
amoris.
Psal. 37. 8.

Deut. 20. 4.

Num. 11. 12.

Mater non deserit tenellum infantulum; sed illū perpetuò respicit, aut si cuiuspiam illum curæ permittit, vtique fidelissimum quærit, eamq; illi studiosè commendat. *Intellectum tibi dabo*, ait Dominus, *& instruam te in via hac qua gradieris; firmabo super te oculos meos.* testis columna nubis & ignis, populum noctu diūque deducens, testis & ipsa fœderis Arca, ob quam dicebatur Dominus esse in medio populi sui. Nihilominus vide vt illum Mosi commendarat: sic enim ille gemit apud Dominum. *Cur imposuisti pondus vniuersi populi huius super me? Nunquid ego concepī omnem hanc multitudinem, vel genui eam, vt dicas mihi: Porta eos in sinu tuo, sicut portare solet nutrix infantulum, & defer in terram, pro qua iurasti patribus eorum: si flet filius aut clamet, illico accurrit mater. If-*

raëlitz ab Aegyptiis oppressi gemunt, & clamore auxilium à Deo petūt. *Exod. 2. 13. & ca. 3. 7. Esa. 63. 24. Psal. 9. 8.*
A Deo exauditur clamor, descenditque vt eis opem ferat. Ac sæpe ne clamorem quidem præstolatur. *Antequam clament*, inquit, *ego exaudiam, adhuc illis loquentibus ego audiam.*

Mater cupediis nutrit puerulum molliorem. Deus manna, cuius erat gustus suauissimus, totum hunc populum ipsos 40. annos enutrit, et si maxima pars eorum obtreccationibus subinde contra Deum indulgebat, & contra Moysen seruum eius. In eorum gratiam *eduxit mel de petra*, vt ait Moyses, *oleumque de saxo durissimo*, id est aquam instar mellis dulcem, & instar olei roborantem. Mater elegantia vestimenta filio curat, eaque studiosè conseruat. Nonne Deus affectum hunc maternum erga hunc populum patefecit? *Adduxit vos*, inquit Moyses, *quadraginta annis per desertum: non sunt attrita vestimenta vestra. nec calceamenta pedum vestrorum vetustate consumpta sunt.* Quid amabilius tanto Domino, qui cogitationem providentiæ suæ, ad calceos vique seruorum suorum demittit? Denique cum diceret Sion, *Dereliquit me Dominus, & Dominus obliuiscit me.* Respondit Dominus amantissimè. *Nunquid obliuiscer potest mulier infantem suum, vt non misereatur filio uteri sui? & si illa oblita fuerit, ego tamen non obliuiscar tui*, tanta est dulcedo amoris eius, qui seruos suos descripsit in manibus suis, sed calamo clauorum ferreorum; manus autem, quæ semper sunt obuæ, & quæcunque reperiuntur in eis obliuioni tradi non possunt; multoque minus, quæ altè in corde plusquam materno impressa fuerint.

III.
Aduerius teneros filios
Deut. 32. 13.
Theodorct.

Deut. 19. 5.
& 8. 1.

Isa. 49. 14. 15
16.

CAPVT VII.

Dulcedo diuini Amoris erga singulares Dei amicos, & nominatim in lege Mosaitica.

QUOD si tanta fuit diuini Amoris suauitas in populum, iis moribus præditum, quales fuisse Israëlitas eo tempore, sacræ literæ cumulatè docent, qualem quantòque suauiore fuisse putandum est erga præcipuos amicos, & apud se valde gratiosos? Nulla profectò dulcedinem illam explicare possit oratio, ne illorum quidem ipsorum, qui eam degustarant, vt Paulus Apostolus, vt religiosissimus Bernardus; nam ille raptus in paradysum arcana se verba fatetur audisse, *quæ non licet homini loqui*, vel quæ quis effari non possit. Huius autem sunt mellita illa cantica, *Iesu dulcis memoria, dans vera cordis gaudia, sed super mel & omnia, eius dulcis presentia.* Et rursum. *Nil canitur suauius, Auditur nil iucundius, Nil cogitatus dulcius Quàm Iesus Dei filius.* Aliæque id genus non pauca. Quin & Deus ipse aliquā earum deliciarū coniecturam in expertis dare voluit, in illo diuinissimo cantico, in quo sponsus celestis & sponsa, Deus scilicet & anima religiosa colloquētes, produnt mellifluos amores suos.

I.
Diuini amoris dulcedo.

1. Cor. 12. 4.

II. *In patriar-*
cham Abra-
hamum. Sed illa nunc quidem arcana verba parum intellecta mittamus, & illam quam quarimus dulcedinem inuestigemus in rebus ipsis, egregiis diuinæ suauitatis, & benevolentiae argumentis, quæ diuersis temporibus, locisque, amicis suis exhibuit: firmior erit probatio, & luculentior, quæ ab experientia petita erit. Dulcedo enim mellis melius linguæ ipsius experientia cognoscitur, quàm copiosa expositione verborum. Et priscis quidem illis Patriarcharum temporibus non multa huius dulcedinis exempla reperiuntur, quamuis intima cum Deo amicitia coniuncti essent, quod legi gratiæ huiusmodi gratia reservaretur; eos tamen legimus Deo placuisse, & ambulasse cum Deo, quod est non solum sanctè & inculpate viuere, & diuina amicitia frui, sed eius etiam præsentia, & familiaritate gaudere. Certè cum magnus ille Abrahamus orbitatem suam, cum familiari gemitu, & amica querela repræsentaret Deo, eum ipse amicè miseratus, statimque suauiter verbis factisque consolatus est. Nam & heredem ei promittit ab ipso genitum, & manu prehensum ut amicum peramanter educit foras, micantes in cælo stellas ostentat, & parem filiorum multitudinem pollicetur.

III. *In Moysen.*
an. mun.
2464 & 70.
n. 28. & 27. Nonne diuina aduersus Moysen prouidentia miræ dulcedinis plena est, quæ Nili fluctibus in scirpea fuscilla permissum, non liberauit solum, sed illam ipsam permissionem ad eius interitum destinatam, in eius gloriam ac salutem conuertit? Quid dulcius adoptione filiæ Pharaonis, materna educatione, institutione paterna? Quid suauius ea amicitia, quàm illa eiusdem Moysi verba demonstrant, *Loquebatur Dominus ad Moysen facie ad faciem, sicut solet loqui homo ad amicum suum*, & notas audire & reddere voces. Sed & Dominus ipse cum amici sui patrocinium, aduersus Mariam & Aaronem suscepisset, aliosque prophetas præ Mose abiecisset, *At non talis*, inquit, *seruus meus Moyses, qui in omni domo mea fidelissimus est; ore enim ad os loquor ei, & palam, & non per anigmata & figuras Dominum videt. Quare ergo non timuisti detrakere seruo meo Moysi?* Quàm dulcis est hic amor, qui iudicem vertit in patronum?

IV. *Es regem*
Ezechiam.
4. Reg. 20. Nec minorem expertus est religiosissimus rex Ezechias diuini erga se amoris suauitatem. Cum enim Dominus eius lachrymas conspexisset, quas tristis de imminente, atque immatura morte nuncius excusserat, supplicēsque illius audisset preces, quasi commotis præ teneritudine animi & commiseratione visceribus, mortis sententiam illico reuocauit; Et antequam egrederetur Isaias mediam partem atrij, factus est sermo Domini ad eum dicens, *Revertere, & dic Ezechie duci populi mei: num ignorabat Isaias Ezechiae dignitatem? nimirum blandientis est ista vox hoc loco, quæ seuerè fuerat pauld antè in mortis denunciatione præterita. Et rursum qui dixerat sine vlla honoris appellatione, Præcipe domui tue, morieris enim tu, & non viues, nunc seueri Iudicis persona deposita, mollioris amici verba, factaque repræsentat. Hæc dicit, inquit, Dominus Deus David patris tui: Audi orationem tuam, & vidi lachrymas*
tuas,

tua, & ecce sanante, die tertio ascendes templum Domini, & addam diebus tuis quindécim annos, sed & de manu regis Assyriorum liberabo te, & ciuitatem hanc, &c. vides quàm amabiliter lacrymas illas abstergat? Neq; his contentus, in eius gratiam solem iussit decem horis ad ortum retrocedere, vnâque cœlestes orbes vniuersos. Tanta fuit Dei aduersus amicum suum indulgentia.

Vide an.
332. n. 95.
& seqq.

Sub hoc ipsum tempus, non minorem, vt arbitror, expertus est Tobias vterque, eorûque amici propter eos, diuini amoris suauitatem, nullo à Deo cœlitus vno de septem principibus, qui astant throno eius, qui patris cœcitatem depelleret, qui filio dux esset & comes in regionem longinquam, qui eum de belluæ faucibus eriperet, qui felices ei nuptias & opulentam conciliaret hæreditatem, qui sponsam à cacodæmone, totâque eius familiam ab ingenti luctu liberaret, qui longius etiam quasi nuncius ad recipiendam pecuniam excurreret, qui deniq; bonis omnibus patrem, filium, sponsam, socerôsque cumularet. Quanto se beneficio affectum à rege putaret aulicus, qui ab eo prætorianum aliquem ad curanda negotia illius accepisset? Sed iam ad legem euangelicam transeamus.

V.
Et vtrumq;
Tobiam.
Tob. 12. 15.

CAPVT VIII.

Dulcedo diuini amoris in Euangelica lege. Et primò aduersus Beatissimam Virginem.

QUORVM amicitia iam ab antiquo solidissimis virtutum nititur fundamentis, minus necessariam habent lacteam quandam verborum dulcedinem, agendo inter sese. Est enim lacteus hic potus infirmitatis argumentum. *Tanquam paruulis in Christo, ait Apostolus, lac vobis potum dedi, non escam, nondum enim poteratis.* sic ille cum Corinthiis recens ad fidem conuersis. Et rursum cum Hebræis, *cum deberetis magistri esse propter tempus, facti estis, quibus lacte opus sit, non solido cibo.* Itaque Christus Dominus discipulos suos non rarè in faciem obiurgat, vt Petrum, vt filios Zebedæi, vt Thomam, vt Philippum. At discipulos Ioannis, qui alienæ personæ tegumento culpam suam fidei que defectu velabant, non reprehendit: Natanaëlem quoque quasi nouitium laudat. Itaque ne matrem quidem vnquam coram populo, aut blandè compellat, aut laudat; durioribus potius verbis vtitur, quæ amoris soliditatem, quæ amati fortitudinem exerceant, & probent: etsi tanto illam amore prosequeretur, quanto vix Ecclesiam vniuersam.

I.
Christus an
egeris cum
matre blan-
dius.
1. Cor. 3. 2.
Hebr. 5. 11.

Nihilominus si placet suauissima Sponsi verba, quæ habentur in Canticis, de hac beatissima Spiritus sancti Sponsa, cum omnium doctorum choro interpretari, facillè intelligemus hanc amoris diuini cum sacrosancta Virgine suauitatem, nulla fieri potuisse accessione maiorem; eâq; verba cum illa usurpari, quibus sponsus amantissimus sponsam alloquitur,

II.
Suauitas
amoris in
Virginem
ex Canticis.

Cant. 2. 10.
14.

ca. 4. 1. 7.

ca. 4. 9.

non secus ac cor suum, oculosque dilectam. Quod enim saccharum dulcius illis verbis reperias, *Surge prope me, amica mea, columba mea, formosa mea, & veni*. Nonne nectarea est illa vox, *Ostende mihi faciem tuam, sonet vox tua in auribus meis, vox enim tua dulcis, & facies tua decora*. Nonne spirat ambrosiam illa laus; atque admiratio. *Quam pulchra es amica mea, quam pulchra es*. Deinde singillatim enumeratis pulchritudinis vniuersarum partibus, quasi versum intercalarem iterat, aut cum epiphonemate concludit, *Tota pulchra es amica mea, & macula non est in te. Veni de Libano sponsa mea, veni de Libano, veni, coronaberis*. Nonne denique supra nectat & ambrosiam dulcescit illud, *Vulnerasti cor meum soror mea sponsa, vulnerasti cor meum in uno oculorum tuorum cōiectu, in uno crine collitis*. Num quis fauus mellitius est illis labiis, ex quibus tam mellita verba prodierunt? Sed quia facta magis amorem quam verba probant, facta quoque tangamus.

III.

Ante desponsationem eius
spiritalis delicia.

Psal. 44. 12.
Prou. 31. 29.

Principio fatendum est totā vitam beatissimæ Virginis ab immaculata illius conceptione, usque ad angelicam annunciationem, plenam fuisse spiritualibus deliciis. Sibi enim placebat Deus in lectulo regio sibi preparando, ornandoque iis monilibus, quæ erant in cælo pulcherrima, atque pretiosissima. Oportuit quippe illā fieri in oculis regis longè gratiosissimam: iuxta illud, *Concupiscet rex decorem tuum*: illudque de ea verissimè à Salomone depredicari, *Multa filia congregauerunt diuitias, tu supergressa es*, non singulas modò filias Hierosolymæ cœlestis, sed *universas*. Neque enim par erat quemquam seruorum Dei, aut ancillarū, adeoque neque vniuersos, plus aut æque gratia valere apud Dominū ea, quæ futura erat filia patris, mater filij, sponsa Spiritus sancti, *una Dei pariter filia, sponsa, parens*. O qualem duxit Virgo plus decem annis in templo vitam! quo illam oculo S. Trinitas perpetuo aspexit! quam frequentes utrimque legationes extiterunt! quanta cordis eius exultatio, cū angeli quotidianam illi annonam deferrent, aut cum spiritali gaudio in contemplatione rerum diuinarum absorberetur.

IV.

In desponsatione, & Incarnatione.

Esa. 7. 14.

Quam dulcis fuit illa providentia, qua sanctissima Virgo, viro per diuina prodigia electo, in sponsam data est, ut testis esset & custos purissimæ integritatis, ut peregrinationum dux & comes, ut calumniarum aduersus matrem ac filiū oppressor, ut utriusque, modico opificij sui quæstu, educator, ac nutritius parens. Quando autem tempus appetiit, quo à diuino Verbo assumenda fuit humanitas, & id mysterium futuræ matri patefaciendum, nonne eximia erga illā suauitate usus est, ut virginitatem Deo consecratam, cuius illam mirificè studiosam videbat, etiam concipiendo filio, patiendūque seruaret, sicque inaudito post homines natos prodigio, & virgo simul esset & parens, ut diuino quondam oraculo fuerat pronuntiatus. Ergo *Partus & integritas discordes tempore longo, Virginis in gremio fœdera pacis habent*.

V.

Infinitus profectò sum, si habenas orationi meæ laxare voluero, in com-

memoranda dulcedine, quam recens natus filius propinquit amantiſſimæ matri, quæ amabilior erat omnibus cœli ciuibus, omnibûſque terræ incolis, & à qua ſciebat gratiſſimus filius tanto ſe amore diligi, quanto nulla vnquam filium dilexit mater. Quantum ſuauiſſimæ habuerunt illi complexus, illa oſcula, aut è collo pendentiſ, aut materno in gremio reſidentiſ! vt nequibat expleri mentem, ardeſcebâtque tuendo, non inſcia quantus inſideret genitrici Deus. Quid dum virgineum lac ſugeret, & dulcem pro eo reſunderet, atque inſpiraret amorem, quanto vterque gaudio perfundebatur? Quantum dulcediniſ rependebat matri filius, dum hic ex dolore circunciftoniſ in ſinu matris, brachiûſque lachrymareretur, illâque lacrymas eiûſ abſtergeret, & quibus eum poſſet modis conſolaretur. Qui erant oculorum coniectus ſapientiſſimi infantis in parentem, dum ab ea deferretur in templum, dum ſolenni ritu offerretur Deo, dum quinque ſicliſ redimeretur, dum ſolum verteret fugitiuſ, & in fuga à matre circumferretur: eiû�que mox puer officiôſiſſima obſequia domi occuparet vltro, atque exhiberet.

Ecquis erit ſiniſ, ſi ſingula perſequamur? Ad ſinē ergo trāſcurramuſ; ſed cogitemuſ potiùſ rem quā dicam. Quæ enim lingua dicere, imò quæ mens cogitare queat, quem lætitiæ ſenſum, quam exuberantem delectationē inſuderit materno pectori reſurgens filiuſ, non oblituſ ſocietatiſ eiûſ ad crucem, atque lacrymarum. Cū enim inſomnem illa noctem in precibuſ exemplo filij traduceret, ſuūque Soliſ ortum opperiens cum Dauide diceret, *Exurge gloria mea*, amor meûſ, ſpeſ mea, conſolatio mea, & omne bonum meum, veni & diſſipa haſ tritiſtiæ nubes, refer atque reſtitue amiſſam tecum ſerenitatem, collige oueſ tuas bone paſtor, atque magnanime, qui pro eiſ poſuiſti animam tuam: cū haec, inquam, aliâque ſuauiſſimē ingeminaret, ecce dulciſ cum luce ſpirituſ ſacrum afflat cubiculuſ, ſimulque Ieſuſ cum veſte gloriæ, coram, inquit, quem quæritis adſum. Illico mater, effuſa ad eiûſ pedes, vulnerum cicatrices exoſculatur; ſed eam filiuſ erigens, *oſculetur me*, inquit, *oſculo oriſ ſui*. Hic ergo amplexuſ, hic oſcula, quæ vincunt mellis pocula, quā ſœlix Ieſu copula, vt ait Bernarduſ. At noua hæc regina Sabæ non habebat vltra ſpirituſ, in contemplando Salomone ſuo.

Reliquuſ eſt mihi expectatiſſimuſ matris in cœlum tranſituſ, atque illibatuſ delictiarum theſauruſ, quæ angeluſ ipſoſ aſſuetuſ cœli deliciis, aulicoſ æterni regiſ attonitoſ reddunt, illāque vocē plenam ſtuporū eliciunt. *Quæ eſt iſta quæ aſcendit de deſerto, deliciſ affluens, innixa ſuper dilectum ſuum?* Quidni enim admirentur perſonam tam mirabilem, in huiuſ vitæ deſerto educatam, in hoc inſœlici exilio, in hoc aculeato ſenticeto. Ecquiſ iſtaſ aſſequatur cogitatione deliciāſ, quāſ videntur ipſi angeli non potuiſſe, præ earum excellentia, reſerare? Suſpicari poſſumuſ gratiaſ non vulgareſ, ſed exquisitaſ, qualeſ ſunt in cibis deliciæ, in veſtibuſ, in amicitiā, & penituſ incomparaſileſ; qualeſ

*Delicia eiûſ.
dem cum
nato infan-
tulo.*

VI.
*Et cum eo-
dem reſur-
gente.*

Pſal. 56. 9.

Caſt. 1.

Reg. 10.

VII.
*Et in Aſ-
ſumptione
ſua*
Caſt. 8. 5.

Pro. 8. 37. innuit æterna Sapientia, quæ ait delicias suas esse cum filiis hominum. Sed, vt cæteras missas faciam, quales fuerunt in illo triumpho amoris contemplationisque delicia, cum diuinæ essentia visione coniunctæ? Si neminim quidem immortalium gaudium potest in cor hominis mortalis ascendere, quis æstimet illas delicias, quæ pectus reginæ sanctorum omnium inundarunt?

VIII. Sed vnde tibi istæ delicia, ô regina, nisi quia *innixa es super dilectum tuum*: Hæc enim origo, hic fons omnium deliciarum tuarum. Ille crebro vel cùm infans in utero claudebatur, vel cùm puerulus in brachiis ad lac sugendum gestabatur, vel gremio insidens cum Ioanne præcurfore suo colludebat, innixus fuerat supra dilectam suam, quidni vice versa nunc ipsa innitatur super dilectum suum? & impleatur illud *Astis regina à dextris tuis, in vestitu deaurato, circumdata varietate*. Sed quo fructu? Ioannes Euangelista in sacra illa cœna, innixus super dilectum suum, mœrens ipse super moriturum, hausit secreta illa profundissima, quæ mundus admiratur vniuersus; hausit spiritum amoris & charitatis, quo flagrabat totus, & quem scripta eius omnia vndique spirant: quid de matre non ultra in statu mortalitatis constituta dici par est? Maria Magdalena innixa super Domini pedes, in eosque vim lacrymarum profundens, *facta est de lebece phiala, in vas translatum glorie, de vase contumelia*, quid cogitare decet, de hoc vase aureo, de hac domo aurea, de hac turri eburnea, de hoc monili augustissimo, quod nixum super brachium Domini, & filij sui, ipsum osculabatur osculo oris sui?

CAPVT IX.

Dulcedo diuini amoris erga vtrumque sanctum Ioannem.

I. *Amor in Baptisam nondum natum.* **I**N C I D I M V S obiter paulò antè in vtrumque Ioannem, dum de dulcissimo filij in Virginem matrem amore loqueremur; nunc de vtroque seorsim dicamus aliquid, & Christi Domini prædulcem in eos amorem delibemus. Eius indicia clarissima in Præcurforem suum nondum natus edidit, & in gratiam illius in parentes eius; suæ cognitionem præsentia illi præpropere dedit, dum in materno adhuc utero versaretur, voluitque eum exultare gaudio, & anticipato rationis usu, per actum proprium sanctificari, & repleti Spiritu sancto, & multos propria natiuitate exhilarare. *Et nascens.* Illud autem quanti faciendum esse dixerim, quod illam ipsam matrem suam sanctissimam, voluerit esse Præcurforis sui quasi obstetricem, vt quæ princeps illum manibus suis ex materno primum utero prodeuntem exceperit, benedixerit, osculata sit, obtulerit Deo. Et sicut regibus solenne est, si quos singulari amore prosequuntur, eos opibus, honoribusque cumulare. Sic Sequator Ioannem suum ita gratia extulit & sanctitate, nullum vt maior inter natos mulierum aliquando surrexit.

Matt. II. 21.

Nec minor aduersus Ioannem alterum amoris Christi Domini suauitas: Ille enim ipse Euangelista de se proficitur fuisse se *discipulum illum quem diligebat Iesus*; idque rebus ipsis perspicue confirmatum est, quando permissus est supra pectus eius in cœna recumbere, quando ipsum nobilissimum Euangelij sui scriptorem esse voluit, qui altissima omnium mysteria sacrosanctæ Triados, & diuinæ humanæque naturæ consociationis, mundo luculentius enunciaret; quando regni sui, quod est Ecclesia, summos illi dignitatum gradus liberalissimè concessit, Apostoli, Euangelistæ, Prophetæ, Doctoris, Martyris quoque quantum in ipso fuit, Confessoris, & Virginis, quæ omnia cui vnquam mortaliæ contigere? Vt omittam magnitudinem & copiam, in vita longissima meritorum.

II.
Et in dilectum
discipulum.
Ioan. 21.20

Verum nescio quomodo hæc omnia alia quadam excellentissima Ioannis dignitate obscurantur: ea videlicet prærogatiua, eoque legato, quo illum Christus abiens è viuis muneratus est, matre sua illi in matrem concessa, sic vt matris augustissimæ fieret adoptione filius, & filij vnigeniti frater. O dilecte discipule quàm nobilem inuenisti thesaurum. Potes vtique negligere præ illo cætera bona tua; pluris est enim, si à Deo magistroque vno discesseris, bonis omnibus, quæ vniuersa rerum natura comprehendit. Magnus omnino fuit Seruatoris in Petrum amor, quem voluit Ecclesiæ suæ, quam vitæ suæ, sanguinique pretiosissimo antetulera, esse pastorem. Eius tamen in Ioannem amor nihil illi cessit, quando illi matrem commisit ac credidit, quam pluris faciebat, quàm reliquam omnem multitudinem electorum. Proh quale gaudium, quale Charitatis incendium, ô dilectissime discipule, in cordis tui fornace succendebatur, cum te illa Angelorum regina vocabat filium, diligebat vt filium, tractabat vt filium. Non est quoddà ultra Iacobus frater Domini nominetur, nouo Virginis filio debetur hic titulus, vt consentaneum est dulcissimo amantissimi magistri testamento.

III.
Adoptatum
in filium
Virginis.

CAPVT X.

Eiusdem amoris suauitas erga Apostolos.

QUAM dulci, quàmque amabili ex pectore aduersus Apostolos prodiit facinus illud Christi Seruatoris, cum sub finem vltimæ cœnæ, ante institutionem Eucharistiæ sacrosanctæ, calicem mero plenum accepit, eoque libato Apostolis tradidit, iussitque omnes ex eo bibere, contestatò denunciatis se vinum non bibiturum ante aduentum regni Dei, id est donec victor mortis regnaret à ligno. Ex quo perspicue intelligitur, id quod mox peracta cœna in calice bibit, sanguinem suum esse, non vinum. Siue autem is ritus fuit omnium, qui simul agnum

I.
Christus ab-
stinent ad
mortem A-
postolis pro-
ponat.
Matt. 26.29

paschalem comedebant, vt eodem ex calice omnes biberent, siue id singulare fuit suauissimi Seruatoris inuentum: nōne id eximiæ humanitatis fuit, vt vna vel altera hora dumtaxat, antequam in satellitum manus, carnificūque raperetur, valedicat discipulis suis, eisque peramanter propinet, moneatque quodammodo, vt & ipsi bibentes, magistro suo propinent.

II.
Admirum
amorem in-
uitat.

Luc 22. 17.

An & Iuda
propinat?

O mitissime, atque humanissime Iesu, quā amabili ex corde prodiit illud, *Accipite & diuidite inter vos*. Quasi diceret, h. neli estote mecum beneuolentia, & mutuo inter vos ac fraterno amore, sicut in hac porione iungimur. Recordamini mei in vos amoris, quem vobis hoc ipso in triclinio, in quo vltimū comedimus & bibimus, humanissimē patefeci, eūque mihi mutuum reddite; quamuis imminente, iam iamque ingruente in me, vósque omnes tempestare, quæ vos à me violenter auulsos, huc illucque differat, atque difficiat. At enim, ô dulcissime Iesu, nōne animaduertis lupum illum inter oves errantem, nec earum aliquam, sed pastorem ipsum viperino morfu lacerare cupientem? Animaduerto vtiq̃ue, inquit, sed ego nihilominus in aurem cordis eius hæc insufurrabo. Tu me prodixi ô Iuda, ego nihilominus hunc tibi calicem propino. Vendidisti me dudum inimicis meis, qui dulces mecum tanquam familiaris ac necessarius, capiebas cibos. Nunc autem, vt vale tibi dicam, & cor tuum ferreum mea dulcedine molliam, propino tibi, & gratiam, si qua residet in te, pronoco.

III.
Somnum
Apostolis
ironicè per-
mittit.

Marc. 14. 41

Matt. 26. 45

Fateor sentire me tenerum cordis motum, in cogitando illo altero facinore suauissimi magistri, erga discipulos suos, in Oliuetano monte, ipso vehementius orante, dormitantes, quando secundò excitatos, eorum miseratus tristitiam, (S. enim Lucas fatetur eos somno tristitia degrauante consopitos) iucundo eam verbo subleuare voluit, & somnum importunum excutere; cum tamen ipse longè maiore tristitia, & mœrore mortifero affligeretur, & proximè sanguineo sudore manasset, vltimum denique expirantis hominis discrimen adiisset. Cum ergo immineret hostis, nec vltra iactum lapidis ab ipsis abesset, ironicè illis & pene subridens ait, *Dormite iam & requiescite*. Quasi diceret, nunc scilicet tempus est dormiendi; statimque serio, atque asperiore sono, *Sufficit*, inquit, satis dormitum est, *surgite eamus, ecce qui me tradet prope est*. Et quidem tam prope, vt adhuc eo loquente, adfuerit Iudas cum hostili turba.

IV.
Thoma vo-
luntati sua-
mister ac-
quiescit.

A prædulci quoque amore Seruatoris in suos, profecta est illa gratiā in Apostolum Thomam; qui cum magistrum à mortuis excitatum credere nollet omnino, nisi ea lege, vt manum suam in Dominilatus immitteret, & digitos vacuis clauorum locis insereret, conditionem accepit mitissimus Dominus, vt hominem in ruinam inclinantem erigeret, videndum illi se, imò palpandum obtulit, vltroque cunctantem accersuit. Necdum enim animosam illam vocem Thomæ ad condiscipulos

erat oblitus. *Eamus & nos, & moriamur cum illo.* Ergo incredulum suauiterque monitum pristinae fidei, sociorumque collegio restituit. Fuit hoc necessitatis opus, quod alio quoque loco non minus opportunè referetur. Adde hinc alterum non necessitatis, sed comitatus dumtaxat, & dulcedinis exquisita. Vidit Petrus magistrum aquis inambulantiem, & mox, *Domine, inquit, si tu es, iube me ad te venire super aquas,* & Dominus, neque curiositate arguens, nec iubens susceptum iter naui perficere, venire permisit. Quid non amicorum suorum temporibus facturus est, qui tam beneuolè in petitionem minimè necessariam consensit?

Ioan. 11. 16;

Et petitioni
Petri.

Matt. 14. 29.

CAPVT XI.

*Dulcis eiusdem Domini amor in Lazarum, & sorores eius
Martham, & Mariam Magdalenam.*

LOCUPLES huius dilectionis testis est dilectus discipulus, *Diligebat,* inquit, *Iesus Mariam, & sororem eius Mariam, & Lazarum.* Testis & utraque soror, quatum est illa ad Christum legatio, *Ecce què amas in-* *firmatur.* Et meritò sanè. Erat enim illi apud eos hospitium frequens atque liberale, assidueque de eo benè merebantur, totaque familia innocentia ac religione præstabat, tota cælo destinata, tota addicta promouendo eius honori, & gloriæ; fidei, & salutis mortaliū Lazarum autem, qui toti familiæ instar erat parentis, priuatim diligebat: quod eum elegerat in quo miraculum ederet, quo nullum præstantius in aliena persona patrauit. Testes amoris singularis fuerunt dulces illæ lacrymæ, quas in eius funere profudit, quibus commoti Iudæi dicebant, *Ecce quomodo amabat eum.* Dulces lacrymæ, eisque suppres, quas in eorum commiseratione fudit, quos amoris sui flamma calefacere, & sub alis protectionis suæ, ut gallina pullos, fouere cupiebat.

I.
Christi in
Lazarum
dilectio.
Ioan. 11. 3.

v. 36.

Amoris porro istius suauitas magis enituit in ea, quæ quondam fuerat in ciuitate peccatrix, quam Dominus concionibus suis à prioris vitæ for-
dibus abductam, in eius detestationem atque horrorem adduxerat. Is ipse fuit, qui in corde eius maximum contritionis ac doloris ignem accendit, qui ora gemitibus, lacrymis oculos, vultum pudore confuderat. Ipse ait magnus Gregorius, *per misericordiam traxit intus, qui permansuetudine suscepit foris.* Ipse est, qui ex aduersario eius factus est aduocatus, contra Phariseum in corde suo obstrepentem: & mox aduersus discipulos de vnguenti effusione querulos, docuitque illam iacturam ex amoris abundantia fuisse profectam. Neque verò ille se eo vinci passus est, sed multo copiosorem in eam charitatem refudit: & impletum est illud Apostoli, *ubi abundauit delictum, ibi superabundauit gratia.*

II.
Et in Mag-
dalenam in
eius conuer-
sione.
Homil. 33.
in Euang.
Matt. 26. 10.Rom. 5. 20.
III.

Ipse fuit, quæ vehementius Seruatoris viscera labefecit, ad fratris excitationem è mortuis, cum se ad eius pedes humiles abiiecisset, &

Et oratione
pro fratre.
Ioan. 11. 32.

lacrymantibus oculis, ingemisciente pectore, & facie luctu conturbata dixisset, *Domine, si fuisses hic non esset mortuus frater meus*; neque enim animū tuum aduersus preces, lacrymāsque nostras obfirmare potuisses, sed cessisset infractus, ad vitam conseruandam amantissimo seruo tuo, fratri nostro, firmamento familiæ nostræ, & secundum te, amicorum optimo. *Iesus ergo, ait Euangelista, ut vidit eam plorantem, & Iudeos, qui venerant cum ea plorantes, infremuit spiritum, & turbauit seipsum, & lacrymatus est. Nec mirum: commota enim iam fuerant viscera eius, in acerbo luctu viduæ, ad Naim, funus vnigeniti prosequentis. Non minor hic eius sensus fuit, sed multo plus obligationis & amoris ostendit quàm suauissimæ lacrymæ testabantur.*

IV. *Et à resurre-
ctione.* Hæc ipsa suauitas Dominicæ Charitatis, post ipsum vitæ redditum, non obscurius patefacta est, cū Maria foris extra monumentum amissum magistrum amarissimo fletu prosequeretur, & cognatis, discipulisque ad sua redire permissis, ipsa ad sepulchrum perstabat plorans. Cū Seruator lacrymarum dilectæ suæ misertus, longiores cum matre, quam consolabatur, contraxit moras; & quamprimum repetito sepulchro, mulierem plorantem adiit, & primò cum dissimulatione congiescit, *Mulier*, inquit, *quid ploras?* Sed mox abiecta olitoris persona, consueto pridem atque amabili tono *Maria*. Quæ vox illi dolorem omnem funditus abstergit, arefecit lacrymas, & semimortuam vitæ restituit. Tunc enim illa de more ad magistri pedes, vbi salutem suam pridem inuenerat, abiecit sese, cum suo illo *Rabboni*, quod interpretatur Magister, primæque discipulis dilectum suum reditum nunciavit.

V. *Et ad san-
ctam Salyo-
rum rupem.* Sed modica sunt hæc omnia, si mentis oculos coniciamus in illas delitias, quas ab ascensu dilecti sui in cælum experta est in illa spelunca, ad quam in reliquam vitam pœnitentiæ ergò secesserat; in celsa illa augustaque rupe, quæ illi sorte ad contemplationem obuenerat, illa scilicet parte, de qua dixerat Dominus. *Maria optimam partem elegit, quæ non auferetur ab ea.* O specus sacrosancta, ô nobilissima rupe, ô columna beatissima, quanta veneratione digna sunt loca omnia, quæ tu gloriosa Magdalena, habitatione tua sanctificasti, rigasti lacrymis, & orationum tuarum balsamo odora reddidisti, & vnguentis grata nobilioribus, iis quæ ebore quondam, & alabastro includebas. O loca religiosissima, terreno illo paradiso deliciosiora, in quo Cherubinus flammeum versat gladium; cū è contrario mille Seraphini rupem tuam, Cantica suauissima tecum Deo, & sponso tuo concinentes, inambulant, perque totos triginta annos, septenis quotidie vicibus; noua nuncia de dilecto tuo referant. O Salyj quanto vobis honori, quantoque præsidio sunt sacrosancta lipsana tantæ heroinæ, quæ perfugium est grauissimorum quorumque peccatorum, quæ tantum gratia valuit ac valet apud communem Dominum, ac magistrum. Proh quàm diuites estis thesauro isto quàmque fortunati. Neque enim tanto tempore

Dominus

Dominus ad scelerum vestrorum clamores obsurduisset, nisi hæc sancta peccatrix, pro impetranda vobis misericordia, suos quoque clamores sustulisset.

CAPVT XII.

Suauitas diuini amoris in nonnullos alios Dei amicos eximia sanctitate prestantes.

MVS IC I illi Angelorum cantus, qui sanctissimum Magdalenz pe-
ctus incredibili quotidie voluptate demulcebant, sanctum Nico-
laum Tolentinatem in memoriam reuocarunt, qui eximie quoque be-
nevolentie argumento, totis sex mensibus ante obitum suum, singulis
noctibus admirabilem percepit Angelorum concentum, maturè prægu-
stator effectus cœlestium gaudiorum, vt tanto cupidius crebriusq; apo-
stolicū illud elogium vsurparet, *Capro dissolu, & esse cum Christo*. In quo
si quis diuini amoris suauitatem non videt, nihil profectò videt. Videat
certè in duobus & sanguine & charitate germanis, sanctos dico Bene-
dictum atque Scholasticam. Nam ille adhuc adolescentulus, in gratiam
nutricis suæ, precibus à Deo obtinuit, vt fictile vasculum contractum
diuinitus restauraretur. Non erat vtique tanti illa isctura, vt prodigio
illò reparari mereretur, sed tanti erat dulcissimi in dilectum puerum a-
moris demonstratio.

Scholastica verò nonne breui oratione à Deo obtinuit totus vt aër
conturbaretur, & inductis nubibus de sereno pluuius fieret, vt fratrem
suum vel inuitum apud se retineret ea nocte, vt de diuinis rebus diutius
differenter audiret. Obtinuit à Deo mulier, quod à fratre obtinere non
potuit, dulciior nimirum ac faciliior est in diuino pectore, quàm in humano
diuinus amor. Sed quid mirum perturbatum diuinitus aërem, ad vber-
riorem ancillæ suæ consolationem, cum perturbatos sciamus, aut retar-
datos omnes cœlestium orbium motus, ad primam Iosue imperantis
vocem, *obediēte Domino voci hominis*, integram optantis eo die de hoste
victoriam, quam nihiloominus postredie obtinere potuisset: sed ita fa-
ctum oportuit, vt claudus intelligeretur, quàm lenis ac facilis sit diuinus
amor in gratiam amicorum suorum. Scriptum est enim, *voluntatem ti-*
mentium se faciet; nunquid & amantiū?

Sed placet minus notam Dei aduersus rusticum hominem audire
suauitatem. Is fuit S. Isidorus agricola, sanctorum albo nuper inscri-
ptus, & in patronum Hispaniarum assumptus, cui ita non raro Domi-
nus abblandiebatur, vt cum tardius ad opus veniret, orationis diutur-
nitate eum remorante, Angeli mox simul cum ipso aratrum regerent,
tanta dexteritate & promptitudine, vt multo plus quotidiani operis per-

I.

In quibus S.
Nicolaus
Tolentinus.

Phil. 1. 23.

S. Benedi-
ctus.

II.

S. Scholastic-
ca.

Iosue.

Ios. 10. 12 13.

Psal. 144. 19.

III.

S. Isidorus:
l. de vita
ipsius c. 6. &
7.

liceret, quàm eius æmuli, qui apud herum eius inertiam, ut sit, inuidiosè criminabantur. Idem cum aliquando precibus eliet vehementer intentus, curriculum venit ad eum nuncius, à quo euocabatur ad opem equæ ferendam, quæ ab inuadente lupo periclitabatur; ille nihilominus in oratione perseverauit, qua perfectâ venit ad certamini locum, reperitque equam incolumem, & lupum ad eius pedes extinctum. Nimirum bonus Angelus, suauissimi Domini iussu, orantis Isidori vicem, beneuolè libenterque suppleuit.

CAPUT XIII.

Multiplex ac prodigiosa Dei aduersus Iosephum Anchieta suauitas.

I.
Nouus
Thaumaturgus.
Lugd. editus l. 2. pag. 77.

Ei abblandiuntur aues
pag. 110.

II.
Panthera
eidem innouata.
Pag. 113.

TRANS EO ad alterum proximè præteriti seculi Thaumaturgum, minus quàm pro viri sanctitate, atque admirabilitate cognitum, tanta verò, tamque suauis, & constanti apud Deum gratia, fidem ut omnem superare videatur. Sed grauissimis prodita firmatâque testimoniis, & in publicas tabulas relata nunciamus. Extat aureolus de Iosephi Anchietae vita liber, qui eum è Canarinis insulis oriundum refert, & è Societate Iesu religiosum. Is obseruatus est non rarò, dum diuini officij pensum persolueret, insidentem habere miræ pulchritudinis auiculam, multa colorum varietate distinctam, quæ nunc in eius humeros, nunc in brachia, mox in sacerdotale breuiarium festinè ac familiariter insiliret, in testimonium innocentissimæ vitæ, & dulcedinis diuinæ erga ipsum beneuolentiæ. Semel autem cum die Pentecostes concionem haberet ad populum, auicula quædam persimilis Canarinis, ad ipsum aduolauit, neque gestu concionantis, neque voce deterrita, & in sinistrum eius humerum insedit, vnde dimissa suauiter, etiam secundò reuersa est.

Idem cum aliquando per Brasiliam iter faceret, iuxta locum cui nomen Caput frigidum, in quo multæ pantheræ stabulantur, quarum, vel magno Basilio teste, incredibilis est feritas, & in humanum genus odium. Hic ergo Iosephus vrgente nocte castrum cum sociis erigit; quibus post modicum cibum somno oppressis, exit ipse ad orandum Deum. Ecce autem pantheræ duæ hominem placidæ adeunt, oranti comiter assident, illoque tugurium repetente, affectantur euntem; ubi pater sumptis quibusdam fructibus, siue racemis, quos Brasiles *bananes* vocant, eos proiecit foras, dicens lingua brasilica, *Accipite comites meos, vos quoque ista participabitis*. Tum rogatus à socio, quibus, tam intempesta nocte bananes daret; *comitibus*, inquit, *meis*. Mane autem facto animaduersa sunt humi vestigia duarum pantherarum, quæ sunt fœminæ Leopardæ.

dorum, quæ sancto viro multa de nocte oranti astiterant.

In eodem terræ tractu offendit aliquando idem pater viperæ quoddā, aut colubri genus nocentissimum; ad cuius conspectum socij eius omnes diffugere. Quos cum reuocasset pater, viperam quoque accersit ad se, illa obtemperat, eamque manu captam sanctus in sinum immittit, eique abblauditur manu, cumque diu apud socios de diuina potentia in subiiciendis animantibus arbitrio famulorum suorum differuisset, colubrum impertita illi benedictione dimisit. Cumque alio quodā die aliā rursus viperam inuenisset, nudo illam pede conculcat, prouocatque, ut eum, in pœnam peccatorum suorum, morsu inuadat. At coluber hac illacque agitans caput, nunquam ausus est Dei seruum contingere. Denique monitum ne noceret hominibus, illum placidè uti priorem dimisit.

III.
Et viperæ.
l. 2. p. 123.

Sæpè nudis pedibus Apostolico ritu iter conquirendis animabus conficiebat pater, & quidem per scabra loca, & saxis aspera, celeritate mirabili. Cumque contingeret aliquando ut Deum ex itinere semotis arbitris orare vellet, subsistebat ipse, sociis in suscepto itinere progredi iussis, dum cum ultra à tergo respectantes videre non possent, ipsum tamen aliquo post tempore longè antegressum videbāt, cum nusquam iuxta se trāseuntem vidissent. Nimirū custos eius Angelus diuinæ voluntati, suauissimæque amicitiae famulatus, inuisum immortūq; transtulerat, ne quid ei per orationem aut laboris cresceret, aut itineris deperiret. Sed ecce aliud in alio genere mirabile diuinæ dulcedinis argumentum.

IV.
Transfertur
ab Angelo.
l. 3. p. 130.

Cum semel in castro quodam acceptus fuisset hospitio, Castellani rogauit, ut cum eius bona venia, liceret ei exire orationis causa, ad proximum Virginis Oratorium. Fit voti compos, in sacellum deducitur, ibique nocturnis in tenebris, prout optabat, derelinquitur. Reuersi ad quietem se omnes recipiunt, moxque obdormiscunt. Vigilaui tamen Castellani filia, quæ, magni luminis splendore animaduerso, maritum excitauit;ambo ad fenestram adeunt, vidētq; totum Oratorium magna vndique luce resplenderis, audiūtque, quasi è vicino loco, misticæ concentum longè gratissimum. Hic maritus Sacellam adire cupiens, sentit se quasi inuisa manu retineri, tantoque horrore perfundi, ut ei coram pene subigerentur. Ergo subsistit, diūque mirabili spectaculo fruitur, discitque postredie mortalium neminem in Sacellum lumen intulisse. Itaque Patrem tota de re studiosè vterque interrogat; isque post nonnullam tergiversationem, illos obtestatus est, & tanquam spiritalis pater præcepit, nullum ut verbum ea de re facerent, quandiu esset ipse in viuis, nec aliud ipsi ab eo vllis precibus discere potuerūt. Eo mortuo res corā Generali Vicario in vrbē S. Sebastiani euulgata est 5. Non. Octob. ann. 1603.

V.
Magna luce
personatur
pag. 185.

Anno æræ Christianæ 1584. cum pagos & paræcias eidem vrbī circumpositas inuississet, & sinum maris in edicta traiceret, magno solis ardore cum socio vexabatur, nullo penitus assilante vento. Cum ergo

VI.
Ante eum in
aspeu protegit
l. 4 p. 217.

socium, nomine Petrum Leitenum æstuantem vidisset, & tres quatuorve aues, Guaracies accolæ vocant, magnitudine gallinæ, colore gratissimo flauum inter atque purpureum, vicinæ arboribus sidentes, sic eas sermone brasílico affatus est. Ite, aduocate socias vestras, vt nos alarum vestrarum tegumento inumbretis. Illæ subito ratam se habere iussione, tum inflexione capitis & colli, tum sono vocis significantes, abeunt, & quamprimum turmatim redeunt, alas super nauim latè expandunt, & squamatim exporrigunt, factaque testudine eundem cum naui cursum conficiunt aliquot passuum milibus, donec modico confurgente vento, pater signo dato eis fecit abeundi potestatem, illæ vicissim signo lætitiæ cantu dato, quòd magno Dei famulo gratificatæ fuissent, audierunt. Viuo Iosepho res tota latuit, mortuo ab eodem Leitano iurato cognita est.

VII.

Æstus Oceani ei pareit.
l. 4. p. 129.
& 130.

Minus fortasse mirabitur hanc tam nouam, tamque suauem volucrum obedientiam, qui surdos Oceani fluctus viro sancto didicerit obsecundasse, eiusque pedes cum veneratione allambisse. E collegio S. Sebastiani die quodam cum sociis piscatum abiit S. Pater, cumque interea secessisset ipse ad vacandum Deo, socius eius, post tres quatuorve horas, eum in littore sedentem inuenit illo ipso tempore, quo æstuans Oceanus influebat in terras; cumque iam hinc & inde æstus longè latèque progrediretur, medius locus, in quo erat sanctus, penitus ab aquis erat immunis, nam in altum erectæ vndæ aëreo pariete suspensæ tenebantur, maris Erythræi, Iordanisque prodigio renouato. Animaduerso patre socius, nec in locum vacuum adire ausus, quantum poterat clamabat à longè, & strepitum edebat, si quo modo posset patrem dulci contemplationis somno oppressum excitare, sed fremitus æstuantis Oceani clamorem eius, strepitumque longè superabat, & reddebat inutilem.

VIII.

Eiusque socii.

Necdum miraculi finis. Quid faceret iuuenis, qui & patri timebat & sibi, nec in eum locum penetrare audebat, in quem vndæ ipsæ influere formidabant. Statuit tamen denique periculo permittere se, & adire Patrem, itaque fecit. Monet ergo aduersperascere, abeundi tempus esse. Acquiescit pater, præitque interritus viam, pone subit socius, sequuntur & vndarum volumina, quæ comitis allambunt talos. Is præsentem vel opinatum potius periculo territus, institit rogare patrem vt se antecedere pateretur. Castigatum ille iuuenem de modica in Deum fiducia præiubeat, & meminisse se in illius esse manu, de quo scriptum est, *quia venti et mare obediunt ei.* Nec ei maris vndæ duntaxat, pluuiæ quoque non minore miraculo pepercerunt.

Matt. 8. 17.

IX.

Pluuia illi famulatur.
l. 4. p. 132.

Piscatione perfecta iubet pater reditum parari in sequentem diem; Vesper erat, & ingens pluuia cælo ruebat, densæque nubes perpetes tota nocte pluuias minabantur. Tum socius eius. Commodam, inquit, mi pater, elegisti tempestatem ad reditum. Tum ille, Vtinam, inquit, tantum in nobis esset virtutis, quanta est in Deo cura de nobis. Non enim

solum nihil nobis molestia afferet crastina pluuia, sed iam nunc totum iter, quod cras nobis conficiendum est, immune est à pluuia. Postridie dant se itineri versus pagum S. Barnabæ inde trium leucarum itinere dis-
situm, & quacunque transeundum erat, triginta pedum latitudine, ter-
ram prorsus arentem reperiunt, tota reliqua terra nocturna pluuia sta-
gnante. Sic nimirum antiquum Gedeonis miraculum multo cum fœnore
redintegratum est: sed & instar illius geminatum. Cum enim semel per
montes iter faceret, ingenti pluuia inundante, omnibus eius sociis aqua
manantibus, vestes quibus erat indutus pater, aquæ gutta non attigit. O
virum cælo, pluuiisq; mirabilem, sed multo etiam magis dilectum Deo!

Iud. 6. 37. 38

In Bayano collegio quidam de fratribus vehementi morbo & stoma-
chi omnia respuentis intemperie laborabat, inuisit eum vir sanctus, rogât-
que ecquem tandem cibum libenter sumeret, *Ego verò*, inquit æger, *su-*
illa perna libenter vesceretur. Cum autem huiusmodi cibi nihil tum esset
domi, Pater partem piscis assi rescindit, & ad ægrum defert, sed in per-
nam conuersam, quam æger appetentiùs esitauit, & stomacho placidè
retinuit. Cumque mox æger infirmorum curatorem argueret, quòd illi
frustum pernæ negasset, quod ei dederat bonus pater. Nunc, inquit ille,
videbis quam tibi pernam attulerit pater. Et statim resectum ex illo ipso
pisce frustum ad ægrum defert, sed nouo miraculo, ac redintegrata meta-
morphosi, in suillam conuersum; eius vtique meritis, qui obtinuerat
priorem.

X.

Gemma me-
tamorphosi.

Hæreo diutius in hoc beato atque admirabili viro, & diuinis erga il-
lum amoris deliciis, quòd cum in nouo illo orbe floruerit, minus adhuc
in antiquo & Europæo innotuit, quem verè, vt dixi, appellare possumus
alterum huius seculi Thaumaturgum; vnum tamen duntaxat facinus
publicè cognitum, solemniterque testatum ab iis ipsis, qui miraculi fuere
participes, referam, addamque præcedentibus. Iter faciebat pater Pira-
tiningam cum Antonio Segueria & tribus quatuorve aliis: habebatque
cucurbitam, lagenæ loco vino mellito plenam, ex qua omnes triduo aut
quatrinduo ad satietatem biberunt, cum ter quotidie cibum sumerent; iu-
bebat autem vt cibo sumpto cucurbita repletetur aqua, quæ illico in
optimum vinum vertebatur, & quidem communi iudicio, melius eo,
quod primum inditum fuerat. Itaque decem duodecimve factæ sunt
mutationes aquæ in vinum, totidemque miracula, & probationes diui-
næ bonitatis atque dulcedinis aduersus eum, quem singulari beneuolen-
tia prosequatur.

IX.

Rursum alia
multiplex a-
qua in vinum.

CAPVT XIV.

*Dulcis Dei amor aduersus S. Philippum Nerium,
& S. Franciscum à Paula.*

I.
*Excitatio
mortui.*

SPERO non fore me vobis grauem, si paulo diutius in mellifluo hoc cibo remoratus fuero: religiosarum quippe animarum pietatem vehementer fouet ac nutrit, & cæterarum appetentiam prouocare potest. Cuius enim animus nō afficiatur intimis sensibus, non colliquescat amore illius, qui se tam profusè amabilem præstat amicis suis: Vnicum proferram de S. Philippo Nerio exemplum, sed planè mirabile diuinæ dulcedinis argumentum, ex diplomate Pontificio, quo ascriptus est in sanctorum numerum depromptum, quòd de aliis quoque, quæ mox subiiciam, intellectum volo. Anno 1583, fuit Romæ quidam adolescentulus nomine Paulus annorum quatuordecim, qui cùm febre continente ad quinque & sexaginta dies iugiter laborasset, ad extrema deuenit. Eum quotidie visibat S. Pater, rogatque parentes pueri, vt cùm animaduernerent illum ab vltima necessitate propiùs abesse, se accerferent. Ea cùm adesset ex condicito euocatur Pater, cum eo nuncio, vt si quidem illum vellet adhuc spirantem cernere, veniret actutum. Sed diuina prouidentia factum est, vt tum celebraret pater, & interea puer abiret è viuis.

II.
*Ad breue
tempus.*

Post horæ dimidium cùm se accersitum accepit Pater, venit ad ægrum, mortuum reperit, ad spondam se lecti recipit, & ad semiquadrantem orat, cum insigni feruore animi: tum lustrali aqua faciem eius aspergit, & nonnihil ex eadem in os eius infundit, faciem afflat, fronti manum admouet: inde elata voce semel iterumque vocat nominatim Paule, Paule. Hic puer quasi à somno excitaretur, aperit oculos, respondetque, Pater mi. Et mox, Exciderat, inquit, memoria peccatum vnum, itaque velim confiteri. Iubet ergo secedere paululum vniuersos, eumque auditum beneficio absolutionis impertit. Tum denum omnes cubiculum repetunt. Puer autem cum viro sancto cœpit agere de matre ac sorore sua dudum vita functis, spatio dimidiatæ horæ, & quidem ita agere, quasi nullo antea morbo fuisset affectus. Sed nondum hic admirationis finis.

III.

Quærit ab eo sanctus, libenterne moriturus esset, ille affirmat: secundò etiam idem rogatus, respondit se libentissimè moriturum, vt in cælo sororem inuideret, & matrem. Hic cùm illi benedixisset pater, *Vade*, inquit fili mi, *Deus benedicat tibi, & ora pro me.* Statimque puer sereno vultu animam iterum reddidit in manibus sancti viri; cuius Deus voluit hac consolatione permulcere senectutem, vt eius inter manus adolescentulus, quem habebat charissimum, amissam animam secundò reciperet, redderetque suo creatori. Quid suauius hac Dei indulgentia in famulum

suum. Sed occurrit etiam alia iucundior aduersus alterum eius famulum, in cuius gratiam Deus videtur eius contemptoribus pulchrè insultasse. Is fuit S. Franciscus à Paula, qui cùm aliquando cuperet cum socio è Calabria in Siciliam traicere, nec haberet vnde naulum nauclero solueret, in littore derelictus est. Sed illi Deus eam mentem iniecit, vt pallio detrito pro naui vteretur. Expandit ergo supra fluctus palliũ suum, quãuis socio minimè malo suggerente, vt suum potiùs minus detritum contra vim fluctuum sibi substerneret. Ergo Deo duce & angelo remige vela facit, traicitque mare, attonitis nautis, & iam, vt par est credere, duritiam in sanctum virum atque inhumanitatem incusantibus.

*Maris in
pallio traiecit.*

CAPVT XV.

*Suauißima Dei beneuolentia in S. Ignatium Loyolaum,
Societatis Iesu fundatorem.*

OCCURRIT alia, in non dissimili culpa causaque, multo seuerior Dei animaduersio, in gratiam famuli sui Ignatij à Loyola. Is enim cùm Hierosolymis Italiam bruma sequente peregrinus pannofuscusq; repeteret, in Cypro insula tres reperit naues, quæ mox sublatis anchoris in Italiam vela facturæ erant; vna Turcica erat, altera Veneta, firma rebûsque omnibus instructissima, tertia inualida & cariola, in quam Veneta exclusus, se recepit Ignatius: cùm enim eius amici sanctitatis illius consicij, precibus apud Nauarchum agerent, vt precario admitteretur in nauim, vir utique sanctus, in cuius gratiam Deus cursum esset fortunaturus. Irrisit ille, & scuti in dicacitate; si sanctus est, inquit, nihil ei opus est naui, fluctus calcabit impune. Nec tamen ipse tulit impune dicacitatem. Cùm enim omnes illæ naues eodem die portu soluissent, sæua sub vesperam tempestate exorta, Turcica fluctibus hausta funditus petiit; Veneta iusta Cyprum alisa, & conuallata est, saluis ægre vectoribus: sola illa & vetus & semilacera, quæ vehibat Ignatium, cursum tenuit, Venetâsq; medio Ianuario peruenit, anno vigesimo quarto supra millesimum & quingentesimum.

*I.
Semilacera
nauis in
hyme &
tempestate
cursum te-
nes.*

Sed mitiora videamus. Quanta dulcedine à Domino perfundebatur Ignatius, quando de diuite fortique bellatore, peregrinus factus est & mendicus; totaque nocte Deum orans, vberimèque perfusus lacrymis, Christianæ militiæ suæ suauissimè prælusit? Quanta vis erat diuinarum consolationum, quantaque copia in illius pectore, cui, præ illarum abundantia & suauitate, septenæ horæ singulis noctibus in oratione positæ prædulces erant, dulcis in frigida humo somnus, dulces tertio singulis diebus repetitæ cû catena ferrea diuerberationes, dulce cum zona ferrea, alpe iū atq; inmitte cilicium, quãdo, in prælonga quadã extasi, oblata illi est visio

*II.
Diuine visi-
tationes ac
visiones.
Ex lib. de
Canoniz.
c. 2. & 3.*

Pa. 18.

Sanctissimæ Trinitatis, tanta cum mentis illustratione, tantoque gaudio; ut illa absoluta toto die à suauissimis lacrymis abstinere non posset, neque multis postea diebus alios ferere, quàm de diuinissima Triade sermones; quin etiam librum eo ipso tempore de tanto mysterio scribere non dubitauit, nullo alio usus doctore quàm ipso Deo. Quanta dulcedo comitata est plus triginta visiones Christi Domini, eiusque amantissimæ matris, dum nouum militem suum animarent, asperrimosque Minoressanæ pœnitentiæ labores mitigarent, in quibus totum ferme annum perseuerauit, & alibi postea, etiam in Hierosolymitana peregrinatione repetiit.

III.

Raptus eius-
dem Ignatij.
Ex eod lib.
c. 8. p. 37.

Excitatio
mortui.

Quibus à Deo gaudiis mulcebatur cùm Barsinone studeret ipsis Grammaticæ rudimentis, ubi sæpius nocte obseruatus est se ad orationem ita componere, ut modò genibus niteretur, modò totum se humi proster-neret, modò facie cœlum versus erecta staret, & sensim abduceretur à terra ad vlnas aliquot, facie interea claritate radiante, & ore verba hæc cum ardore seraphico iterante, *Dominus meus, & Deus meus, amor anima mea. O si homines te cognoscerent!* Ibi quoque sub idem tempus à diuina bonitate obtinuit, ut sententia damnationis æternæ, quæ in hominem ferebatur, qui sibi suspendio manus intulerat, aliquandiu differretur, dum ille rediret ad vitam, & admissa crimina confessione, veloque animi dolore expiaret. Ea peracta, morte iura sua repetente, abiit ille: iterum è viuis, in eum locum, ubi non irritis suppliciis, peccatorum suorum lueret pœnas.

IV.

Deus Pater
Ignatium
suosque filio
commendat.

Extat & aliud eximium dulcissimi erga Ignatium Dei amoris indicium in Romanæ vrbis aditu patefactum. Cùm enim in sacellum aliquod semirutum Dei afflatu ex itinere fuisset ingressus, ibique pro se suisque Deum oraturus, humi procubisset, sensit illico cor sibi quodammodo commutari, viditque internis oculis Deum Patrem cum Christo Domino crucem supra humeros gestante, animaduertitque Patrem ad filium conuersum, magno affectu Ignatium sociosque eius illi commendantem: moxque filium beneuolè ad Ignatium conuersum, hæc ipsa illi verba dixisse: *Ego vobis Roma propitius ero.* Quæ verba illi incredibile gaudium, & ingens pro Christo patiendi desiderium attulere, quando ipse, qui cruce onustus apparebat, significare videbatur crucem pro eo ferendam esse. Visione perfecta redit ad suos. eaque relata, nescio, inquit, crucésne Romæ an rotæ nos maneant, id certo scio Christum nobis Romæ fore propitium. Nec falsus est expectatione sua. Propitium enim quàm maximè expertus est, tam in admirabili confutatione atrocium calumniarum, quibus ibi appetitus est, quàm in confirmatione instituti sui in nouum Ordinem Religiosum, anno à Christo nato 1540.

27. Sept.
V.

Habet in po-
restate la-
crymas.
cap. 14.

Huc referri etiam potest illa teneritas, suauissimisque deuotionis gustus, qui in alios ipsius gratia copiosè redundauit. Episcopus enim à quo factus est sacerdos cum sociis, testificatus est, se quidem sacros or-
dines

dines multis sæpenumero contulisse, parem autem dulcedinem in conferendis ordinibus istis Christi pauperibus, nunquam animo percepisse; Itaque credidit hunc esse riuium ex illa deuotionis copia deriuatum, quæ eximios illos Dei seruos liberaliter inundabat. Denique in eiusdem patris obitu, cum periculum erat ne, in tali tantæque iactura, filij omnes metu conciderent, illo ipso tamen articulo temporis steterunt omnes animis, nouoque spiritu fortitudinis imbuti sunt, præter eximiam & insolentem diuinæ consolationis dulcedinem. Denique usque adeo Sanctus hic deliciis spiritualibus abundauit, ut propter copiam lacrymarum periculum adiret amittendorum oculorum. Itaque amicorum, maximèque filiorum precibus fatigatus, illam à Deo petiit, obtinuitque facultatem, ut lacrymis pro arbitratu habenas laxaret atque retraheret, & eas sine ulla sensus interni diminutione retineret; quo tanto copiosius perfruebatur, quo maiore desiderio ferebatur crucis eius perferendæ.

CAPVT XVI.

*Eadem Dei suauitas in Franciscum Xauerium, alterum
Indiarum Apostolum.*

SED de illustri ac glorioso eiusdem Ignatij socio Francisco Xauerio, I. Quod ad præsens institutum attinet, dicamus aliquid. Quid autem dicemus de hoc altero Indiarum Apostolo, & consolationibus quibus exundabat pectus eius, quod rem ipsam exæquare possit? Volebat enim Dominus Davidicum illud in ipso comprobare: *Secundum multitudinem dolorum meorum in corde meo, consolationes tue latificauerunt animam meam.* Scribit ipsemet in epistola quadam, in qua socios suos Europæos ad similes labores atque certamina inuitat, tantum liquidissimæ voluptatis affluere diuinitus operariis Indicæ vineæ, nullam ut usquam gentium parem reperiri posse arbitretur; id autem propria doctus experientia dicebat. Auditus est enim aliquando, cum solum se esse crederet, & cœlestibus vndique deliciis diffunderet, istis ad Deum uti vocibus, *Satis est Domine, satis est, aut me hinc abducito in domum tuam.* *Abundat consolationibus.*

Vix credi potest quantum laborum hic sanctus, quantumque ærum- II. natum, atque vitæ discriminum exantlarit in Insulis, quæ Mori vel Maurorum vocantur, regione horrida, atque horribili, verissima imagine inferorum, populis omnium tunc orientalium immanissimis, regione rebus omnibus vitæ humanæ necessariis planè destituta, populis crudelitæ & barbara feritate nobilitatis. Quæ cum sociis scriberet, adiecit. Hæc scripsi vobis, ut intelligeretis quanta cœlestium consolationum copia abundant istæ insulæ: quoniam ærumnæ istæ omnes atque pericula, totidem thesauri sunt, maximis diuinisque consolationibus referti, adeo *Maximè in Insulis Mauriciis.* *L. 3. c. 3.*

ut videantur hæc insulæ amittendis oculis idoneæ, propter suauissimarum copiam lacrymarum. Ego quidem certè non memini expertum me aliquando tantas aut tam continentes animi voluptates; adeo ut iis malorum omnium loci huius, atque miseriarum sensus faciliè obruatur. Hæc fere Romam scribebat vir ille sanctissimus.

III. Viri principes non faciliè petentibus aliquid negant, & iis quos habent in deliciis omnia vltro largiuntur. Talis fuit gratia miraculorum, quam Deus isti dilecto suo, fidelissimòque famulo largitus est, non solum expellendorum demonum, cæcorum illuminandorum, morborum quorumcumq; curandorū, sed andarum tempestatū, futurorum prænunciandorum, secretorum cordis enunciandorum; gratiam loquendi linguis omnibus, efficiendiq; ut cum vno idiomate vteretur, variarū linguarum populi eum nihilominus intelligerent, perinde ac si lingua singulorum vteretur: gratiam satisfaciendi vnica responsione pluribus dubiis admodum inter se diuersis; verum etiam gratiam, quæ summa non immeritò creditur, mortuorum excitandorum. Qui enim mortuo vitam restituit, cæco visum, surdo auditum, & vsu omnium membrorum destituto omnia membra restaurat, totidem ut prodigia, quot sunt intus aut foris in homine membra, vnico prodigio contineantur.

IV. Quot ergo miracula fecerit, à quo viginti quinque mortui suscitati referuntur, quæ in actis rerum ab eo gestarum Cocini, Malacæ, Goæ, Bazaini, regniq; Iaponicis perscripta, probatæque continentur. Restituit vitæ puerum, qui multis horis in puteo iaeuerat mortuus, quem libitinarij ad sepulchrum deferebant, visceribus eius ad matris lacrymas conturbatis. Excitauit & alium, qui ipsas viginti quatuor horas linteo fuerat obuolutus, in quo sepulturam præstolabatur, dato vtrique præcepto, ut in nomine Iesu Christi resurgerent. Comorini cum ad infideles conciones haberet, iique in suis erroribus pertinaces, veritati resisterent, mortuum pridie sepultū in omnium oculis humo extrahi iussit: & euolui sindone, qua inuolutus iacebat; voluit & ab omnibus cerni probariq; mortuum. Hic cum breui oratione vsus esset Xauerus, mortuus surrexit ipse per sese, cum somno Christianorum gaudio, & infidelium stupore, qui conuersi ad Christum omnes, & ab eodem sancto viro baptisati sunt.

V. Quidam Antonius Miranda dum somno oppressus iacer, à serpente in altero pedum mordetur, ex morsuque mox, tanta erat veneni præsentissimi vis, extinguitur: mansitque tota illa nocte mortuus, & postridie vsque ad meridiem, quo tempore Xauerus venit: cumque locum morsus salua liniuisset, paululumque orasset, mirandam vitam Mirandæ reddidit. Malacæ pia quædam mulier filiam amiserat, & mandauerat sepulturæ. Cum autem Franciscus Malacam post triduum appulisset, eisdem audiuit gemitus & lamenta, quæ olim Lazaro mortuo à sororibus eius Christus Dominus. Respondet matri Pater filiam eius non mortuam esse, sed viuere. Itane, inquit illa, at scito pater illam iam triduum esse sepul-

Gratia mi-
raculorum
insignis.
Compen-
sitæ Ital. c.
13.

ca. 15.

Etiam mor-
tuorum ex-
citandorum.

Ad viginti
quinque, &
quidem infi-
gnes.
ca. 13. p. 83.

p. 84.

Alij mortui
ab eodem ad
vitam exci-
tati.

cura traditam. Iubet nihilominus Frāciscus mulierem adire sepulchrum, ibique mortis experientem filiam inuenturum. Credidit mulier, sepulchrum adiit aperiri iubet, & viuum reperit, quæ triduo sepulta iacuerat.

Hæc ergo puella vitæ restituta est, cū triduo in terra defossa iacuis-
set. Sed ecce sancti eiusdem facinus alterum excitati pueruli, qui triduo
marinis fluctibus obrutus fuerat. Cū enim Malaca Chinas peteret,
cum Mahumetano mercatore, cui nomen Sarangua, quinquennis eius fi-
lius in mare delapsus, fluctibusque absorptus non comparuit. Pater sum-
mo dolore affectus, suam viro sancto calamitatem exponit. Spondet ille
se parenti viuum filium redditurum, si statueret Iesu Christi fidem, de-
serto Mahumeto complecti, conditionem admittit pater, & ecce post
triduum sub exortam auroræ apparet puer viuis in asserculo residens,
qui ferebatur ad nauim: ad eamque cum omnium stupore acceptus est.
Stetit promissis pater, cuius exemplum mater & ancilla sunt secutæ, fue-
runtque omnes cum puerulo, cui Francisci datum est nomē, aquis lustra-
libus expiati. Quantum valebat gratia apud Dominum suum iste san-
ctus, qui tanta miracula tam facili ab eo impetrabat? Quanta in famulo
fides, quanta in Domino dulcedo, facilitas, indulgentia?

Libet aliud quoque in diuerso genere miraculum præcedentibus ad-
iungere, quod suauissimam Dei erga Xauerium suum amicitiam decla-
rat. Sanctus hic Amboino insulam petebat nomine Balauolam, cū in-
gens tempestas exorta est; sed eam Franciscus breui sedauit, cū pau-
lulum orasset Deum, & mare, signum Crucifixi, quod appensum collo-
gebat, manu tenens, benedixisset. Sed dulcissima Dei prouidentia fa-
ctum est, vt Christi signum manibus elapsū demergeretur, patremque
de iactura sua afflictum relinqueret. Postridie in destinatum locum per-
uenit; cūque in terram exscendisset, & subtristis ad lictus inambularet
cum socio, ecce apparet astacus marinus, littori propinquat, signum
crucifixi manibus tenens, quod quadraginta inde millibus in mare deflu-
xerat: tenebat autem elatū ex aquis, & cursu properabat ad virum Dei;
ad quem vbi peruenit substitit, expectans dum ille accederet propius, &
crucifixum suum caperet. Quod vbi factum est, carcinus munere per-
functus suo recessit, reliquitque patrem dulci consolationis nectare de-
libutum, & per dimidiam horam laudantē amabilem dulcedinem Do-
mini sui, qui ad se crucifixum suum, nūcio tam extraordinario remisisset.

VI.

VII.

*Carcini pis-
cis famula-
tus.*

CAPVT XVIII.

Deliciae quædam diuini sponsi aduersus S. Tereſiam.

ET si vereor ne in hoc argumento prætergrediar mediocritatis fi-
nes, non possum tamen quin aliquid referam de duabus amantiſsi-

I.

*Sexus mu-
liebris addi-
tior preterit.*

X ij

Compend.
vitæ eius ad
canoniz. ed.
Romæ c. 4.

mis Christi Domini sponsis, Teresa, & Catharina Senensi. Est enim hic sexus pietati fere, demissioni animi, simplicitati, & mansuetudini additior, quarum virtutum Deus amantissimus est, ideoque in eum maximè prodit dulcedinem amoris sui: & tanquam sponsas mirum in modum dilectas, admirandis ornat gratiarum prærogatiuis, orationis in primis, ac contemplationis. Didicit enim à sponso suo S. Teresa quatuor gradus altissimæ contemplationis, quos illa stylo ac subtilitate mirabili, in vita sua, quam à superioribus suis iussa perscripsit, persecuta est, quos vel intelligere res est minimè vulgaris; in quibus illa se cælestis sapientiæ donis valdè locupletatam prodit.

II.
Extasis pri-
ma S. Tere-
sia.

Primis illis initiis, quibus eam Deus ad se traxit, cum in paterna domo adhuc versaretur, extasim passa est quatuor ipsos dies, quando illi, tanquam ultimum cum morte decertanti, extremæ vñctionis sacramentum administratum est, eiq; vt mox è viuis abituræ sepultura præparata. Post diem quartum virgo rediit ad se, dolens se à tam suavi somno fuisse excitatam. Retulit autem se eo tempore, post visas inferorum pœnas, in paradysum admis- sam fuisse: addiditque patrem suum, & quandam sibi familiarem, nomi- ne Ioannam Suarez, sua opera salutem consecuturos, se in sanctis nume- ratum iri, aliâque id genus, quæ postea facta grandior studuit occultare, per animi demissionem, & deliria vocitare. Huiusmodi nihilominus ex- tases, raptusque, quos sponsi dilectam suam ad se euocantis amplexus appellare iure possumus, tam insignes passa est tamque frequentes, vt ad eos cohibendos magnam omnino vim adhiberet, etiam manibus in cla- thros ferreos, aliâve rem obuiam cui adhæresceret, iniectis.

Et alia fre-
quentissima
præter eius
voluntatē.

III.
Frustra im-
pediuntur ab
officijs pietat-
is.

ca. 5.

Ergo cum insignes quidam viri hæc eius visa suspecta haberent, ipsiq; à dæmonum illusionibus timerent, autores fuerunt ei qui sanctæ virginis erat à confessionibus, vt illam à perpetua illa orationis solitudine auoca- ret, nec ei tam frequenter sacre Eucharistiæ vsum permetteret. Quæ cum ille iussisset, virginem habuit obtemperantem, magno licet cum dolore animi. Sed adfuit ei in isto luctu Dominus, eique apparens, *Ne timeas*, inquit, *filia, Ego sum, tibi adero, neque te deferam*. Qua voce ita roborata est, vt nulla deinceps eam impugnatio, nulla æmulatio, nullum aduersan- tium studium perturbaret. Cum aliquando confessarius eius, qui parum fidei hisce visis adhibebat, artesque dæmonis suspectas habebat, iussisset, vt cum ea se offerret, signo crucis muniret se, ad inimicum repellendum, aduenit sponsus: illa memor obedientiæ, paret, nec abit propterea, aut loco absistit Seruator, sed illi se potiùs familiariùs addidit. Cumque illa vltra id signum edere non posset, manu prehensam crucem toto visionis tempore tenuit. Tam porro grata fuit sponso eius ista obedientia, vt cum illam crucem ei de manibus aliquando abstulisset, illam mox ei reddidit: sed ornatam quatuor maximis ac preciosissimis adamantibus, quos illa deinceps perpetuè in eadem cruce lignea sola vidit.

IV.

Sic ergo Dominus Iesus omnes æmulationum, calumniarum, re-

ramque aduersarum fluctus, maiore consolationum influxu suauissimè varia eiusdem consolationes.
 obruebat, eiusque animus passis ad cœlestem portum velis decurrebat, cœli magis quàm terræ ciuis. Die quodam vidit sponsum suum insigni splendore circumfusus, qui eam tenero affectu demulcens, Ne dubita, inquit, quin ego veritatem sim patefacturus, & aduersarij tui consilia in melius mutaturus. Ea visio ac promissio tantam in corde eius amoris flammam accendit, tam exuberantem infudit lætitiā, vt subinde anima eius ex sui corporis ergastulo euolutura videretur. Indèque frequentissimi raptus etiam publicè contigerunt, quibus promissionis diuinæ veritas confirmabatur.

Sub extremum autem vitæ illius tempus, vidit aliquando iuxta se ad sinistram Angelum Domini cœlesti pulchritudine præditum, & ardenti facie fulgurantem, quem ipsa Seraphinum esse iudicabat. Is sagittam gestabat manu, aurea cuspidē insignem, ex qua flammula quædam emicabat: cūque eo telo cor illius repetitis ictibus compungeret, illud sibi particulatim foras extrahere videbatur, partēsque ipsæ illi flammæ cuspidi adhærescere: quæ res summum illi dolorem, summumque simul gaudium afferebat. Denique raptu quodam mirabili absorpta in Deum, & cum sponso suo Christo Iesu amantissimè colloquens, mortifero vulnere diuini amoris saucia, in manus sponsi sui animam reddidit. Ipsamet enim postmodum reuelante cognitum est, ipsam vehementiori quodam amoris æstu animam exhalasse, prærogatiua, quæ virgini matri concessa primùm, per paucis aliis postea creditur contigisse. Anima porro ipsa instar candentis columbæ ex eius ore visa est proficisci.

Nolo præterire silentio diuini sponsi dulcedinem, qua erga corpus Tereziæ suæ, sanctissimæ dilectissimæ animæ receptaculum usus est. Nam illi mortuo primum admirabilem impertitus est pulchritudinē, quamuis ad ætatem octo & sexaginta annorum peruenisset, & ieiuniis, laboribus, vtròque susceptis corporis afflictationibus esset exhaustum. Candore enim instar alabastris perfusus est; nullaque deinde apparuit in vultu macula, nulla ruga. Odor præterea tantus tamque mirabilis ex eo corpore exhalabatur, vt longè latèque sentiretur, & omnibus eius vestimentis, imò rebus omnibus, quæ illud attingerent communicaretur. Quin etiam, mirabile dictu, post nonum à sepultura mensem, tantus odor in sanctissimo illo corpore perseverauit, ipsam vt terram ingentiæque saxa peruadens, circumfusus aërem suauissimè perfunderet. Deinceps quoque cū saepius trium annorum spatio terræ mandatum, rursumque eductum fuisset, perseverauit idem odor, cum precioso liquore, quem sacrosancta membra fundebant, quæ tanto tempore corruptio non est ausa contingere, tanquam purissimum Spiritus sancti tēplū, & illius animæ beatissimæ, quæ instar fulguris coruscantis, ab alio quodam per cubiculi fenestras visa est transuolare. Quibus ergo deliciis beatam perfundit animam is, qui erga corpus demortuum tam suauem se prodit amatorem?

CAPVT XVIII.

*Alia rursum diuini sponsi delicia aduersus Catharinam
Senensem.*

I.
*Ab infantia
visis à Chri-
sto ad se al-
licitur.
Apud Suriū
in vita eius
c. 2. p. 916.
217.*

BEATISSIMÆ Catharinæ Senensis vita omnis fuit, eritque seculis
omnibus singularis admirationis argumentum: & gratiæ quibus
eam præuenitis, qui eam sibi in sponsam dilectissimam destinarat, ple-
nissimæ sunt admirabilitatis. Ab ipso enim sexto ætatis anno affectum
cuius omnem, amorem, cogitationem sibi rapuit, affixitque, adeò vt illa
neque dicere quidquam, neque cogitare, nedum amare posset aliud ab
eo, à quo iã tunc amantissimè tractabatur. Cum enim iuxta Ecclesiam
S. Dominici cum fratre aliquando transiret, vidit supra illam in aëre re-
giam exedram pulchritudine visendam, & claritate radiantem, in eã-
que Seruatorem imperiali throno insidentem pontificio apparatu, &
thiaram pontificiam, quam regnum appellant, in capite gestantem, cu-
ius latera stipabant Sancti Petrus, Paulus & Ioannes. Quæ cum puella
summa cum delectatione spectaret, intuitus eam Seruator illi suauissimè
arrisit, extentoque brachio dextero, ei benedixit. Cùmque illa tota
expers sui, nihil extra se audiret, aut cerneret, frater manibus appren-
sam ad se trahens, ad se redire oculosque deicere cum illa voce compu-
lit. O si vidisses, quæ ego vidi, mi frater, superiora nihilominus respe-
ctans nihil vltra vidit, iam transacta visione. O si vidissemus & nos! O
si huiusmodi quopiam spectaculo nos ad se dulcissimus Iesus pelle-
xisset!

II.
*Ab eodem de
vitis patrum
enocetur.
desertur ab
Angelis.*

Sub hoc ipsum tempus infantie puellaris, Seruator ei vitam & insti-
tutum sanctorum patrum Ægyptiorum reuelauit, vnde factum est vt so-
litudinis amans in speluncam se abderet, vbi orans, à terra in sublime
ad concauum speluncæ fornicem ferebatur, vnde etiam monitu Serua-
toris reuertit ad suos, sed inde ad portam vsque ciuitatis est transuecta
diuinitus. Domi quoque cùm per gradus ascenderet aut descenderet,
Angelorum manibus delata, ne gradus quidem ipsos pedibus attinge-
bat. Tunc etiam eodem præceptore didicit Virginem Dei matrem om-
nium principem, voto emissio suam Deo virginitatem consecrasse, quod
ipsa quoque magno Charitatis ardore imitata est, oblata matri filioque
virginitate, quem, cum bona matris venia, sponsum habere cupiebat.
Id votum ambo acceptissimum habuerunt, filius in primis, cuius maxi-
mè interesse videbatur, quique illi eam instillauerat voluntatem. Et
ille ipse erat, qui tantam huic virgini delectationem in loquendo de
Deo, rebusque cœlestibus infundebat, vt si nacta fuisset auditores, cen-

tum ipsos dies cibi somnique expers, in eo sermone sine defatigatione p. 911.
positura esset, imò tanta cum voluptate, quantam mortalis hæc vita
ferre posset.

Eodem ipso magistro ac doctore, didicit quæcunque ad vitam reli- III.
giosam pertinent, & nominatim quo discrimine secernantur visiones, *Spiritus di-*
à spiritu bono malove profectæ, ne fortè à nequissimo spiritu puella *uersitatem à*
simplex induceretur in fraudem. Ab eoque tempore tam crebræ erant *sponso addi-*
diuini sponsi visitationes, tanta cum sponsa dilectissima familiaritas, vix *ssst.*
vt homines duo reperiri possent, tanta inter se vitæ consuetudine, vi- *p. 913. 917.*
que coniuncti. Itaque inter orandum, legendum, meditandum sponsus
aderat: vigilando, dormiendo, colloquendo etiam cum aliis, non care-
bat fructu iucundissimæ consuetudinis eius. Ergo colloquia illius cum
hominibus extremorum erant labiorum, animus cum Deo versabatur,
qui multiplici raptu sensuum vsum illi sæpius adimebat. Cùmque in *Mutua vita*
corde illius iugiter habitaret, horribilium tentationum victorias illi cō- *consuetudo.*
ciliabat, & gratulabatur adeptas, & maioribus gratiis magnificè mune-
rabit; ac ne à verborum quidem blanditiis, ritu dilectissimorum con-
iugum, abstinebat; quam enim prius in sponsam acceperat, filiam suam
Catharinam appellabat.

Cùm autem duris illam rebus, asperisque tentationibus probasset, IV.
longiora erant amantium colloquia, cùm sponsus matrem secum ali- *Aliqua de-*
quando comitem haberet, aliquando vnum aliquem de cœlitibus, sæ- *licita mira-*
pius tamen solus cum sola fermocinabatur, inambulabat in eius cubi- *biles.*
culo, & alternatim cum ea psalmos recitabat, quos ipsam, ab ea rogatus,
antè docuerat. Nec hic deliciarum finis. Virgo illum sæpè rogauerat,
vt eximium ipsi fidei donum largiretur; cùm apparuit ei Christus Do-
minus, Virgine matre, aliisque Sanctis comitantibus, vt sponsaliorum
illa quodammodo autor fieret, isti testes. Ergo in eorum oculis illam
solenni ritu ducit in sponsam, hortaturque vt animosè incumbat in res,
quæ ad Dei gloriam, & animarum salutem promouendam valent. Cùm
igitur tali sponso Catharina frueretur, multaque apud eum gratia, &
autoritate polleret, non vtique mirum hanc virginem tantam miracu-
lorum gratiam fuisse consecutam, quantam probatissima vitæ ipsius hi-
storia testatur.

Verùm haud scio an plus admirationis mereantur heroici quidam V.
virtutum actus, quos illa aduersus aliquos pessimè de se meritos exer- *Ad sponsa la-*
cebat, aut gratiæ quibus illa vicissim à sponso amantissimo afficiebatur. *cus potatur.*
Cùm enim cyathum sædi fœtentisque puris plenum generoso animo *p. 933.*
exhausisset, quem tamen suauissimus sponsus illo ipso tempore, in po-
tionem gratissimam, suauiterque fragrantem conuerterat; apparuit ei
nihilominus nocte sequente, eiusque ore ad vulnus lateris sui applicito,
liquorem illi dedit in potum, quem nullus sermo explicare possit: ex
eoque dulcissimi amoris prodigium natum est alterum, vt deinceps eius

*Moxque sola
vixit Eu-
charistia.*

Stomachus nullū cibum terrenum retinere, neque ore accipere sine gra-
ui dolore posset; excepta dumtaxat aliquantula aqua, & sacrosancta Eu-
charistia, quæ æquè corpus eius, animūque nutriebat; quæ res tam
nova, tamque insolens, & multas illi ab hominibus molestias peperit,
& pulcherrimas patientiæ coronas cumulauit.

VI.
*Cor cum
Domino cō-
municat.*

Orauit Deum aliquando magna animi contentione Catharina, vt
ipsi cor suum, omnemque propriam voluntatem auferret. Quas cū il-
la funderet preces, visa sibi est venientem sponsum cernere, sinistrum
ipsi latus aperire, inde cor extrahere, & secum abeuntem auferre. Post
aliquot deinde dies, cū exire vellet ab Ecclesia, obuium habuit spon-
sum suum magno fulgore radiantem, & cor rubrum & coruscans ge-
stantem, qui propius illam adiens, illud in eius latus immisit, simulque,
dilectissima filia, inquit, tu cor meum habes loco tui; statimque clausit
eius latus; in certius tamen veritatis argumentum, clausi apertique la-
teris cicatricem in eo reliquit, quam eius sodales frēquenter à se visam
testatæ sunt. Ab eo tempore maximis fruebatur gaudiis, in communio-
ne maximè, aut visa dumtaxat sacrosancta Eucharistia, aded vt cor illi
exiliret in pectore, cū eo sono, quem vicinæ sodales clarè exaudirent.
Ipsa quoque fatebatur confessori suo, mirari se animam suam in corpo-
re posse subsistere, tanto calore æstuantem, ipsa vt flammæ frigere vi-
derentur.

VII.
*Omnia ab
ipso obrinet.
pag. 924. &
936.*

Obtinebat illa à sponso suo quidquid optasset, quantumuis arduum.
Itaque fratri Remundo confessori suo insignem spiritum contritionis
rogata impetrauit, & Patri suo, vt purgatoriis pœnis immunis, cœlum
recta peteret, & conuersionem duorum fontium, qui cū ignitis forci-
pibus discerperentur, sacrilegis Deum vocibus impetebant, multo-
rumque aliorum, qui in suis sceleribus callum vetustatis obdixerant.
Et cuidam religioso nomine Thomæ, qui dudum illi à confessionibus
fuerat, cū nihil minùs tum cogitaret, tam vehementem sensum de-
uotionis obtinuit, vt negaret se illi similem vnquam sensisse. Rogata
quoque ab eodem Thoma petiit à sponso suo, vt ille idem pater, & ali-
quot alij æterna aliquando vita fruerentur, quod & impetrauit. Sed ad-
didit idem sponsus auctarium admirabile, quod doceret quanti sint me-
riti apud ipsum dolores pro ipso tolerati, quàmque vera sint indicia sin-
gularis eius in suos beneuolentiæ, quando Catharinam suam tantis do-
loribus exercitam vitam ducere voluit, quamuis innocentia præditam
singulari.

VIII.
*Quam ta-
men dolori-
bus exercet.*

Nam vt mittam dolores, quos continenter pro anima patris sui tota
vita tolerauit, inuisibilem à sponso suo plagam accepit in manu dextera,
quæ illi perpetuum inferebat cruciatum, nec dubitabat ipsa, quin Chri-
stus Dominus illam vulneris sui participem esse voluisset, præsertim
postquam id vulnus, in magna quadam extasi, quatuor reliquorum ac-
tione cumulatum esset. Fatebatur autem confessori suo, tantum sibi
ab

ab illis inferri cruciatum, ab eo præsertim quod in latere patiebatur, ut negaret, nisi eo dolore mitigato, animam in corpore retineri posse. Postremò diuini amoris flamma cor eius cōsumpsit, vitamque ad quatuor horas eripuit, quam illi sponsus eius, ad salutem multorum & meritò incrementum, redintegrait. Habetis hīc satis amplam exemplorum copiam, quæ vel peruicacibus fidem faciant dulcissimi Dei amoris aduersus dilectas sibi animas, doceantque quā verè de Spiritu Dei canat Ecclesia, *Consolator optime, dulce hoc est anima, dulce refrigerium*. Habeo sanè, inquam, copiam exemplorum, quæ tepidos tam amabilis tamque dulcis Domini amatores extimulet, & ad Sanctorum imitationem validissimè inuitet.

CAPVT XIX.

Profanum amorem honorum, opum, voluptatum esse longè amarissimum.

ABITE ergo nunc, ait Dulcis-Amor, abite inconsulti mundi amatores, persuadete vobis iter, quo Deus deducit filios & amicos suos ad gloriam, asperum esse, inuium, iniucundum, dumis horridum, & obseptum spinis: aut eorum vitam opaca & atra tristitiæ nube semper obscuratam. O quanto in errore versamini, quā perniciosam in fraudem estis inducti. Si quod enim solidum est in hac vita gaudium, si qua vera delectatio, ea ipsi vni perfruuntur: non vos quos nulla tangit lætitia, cui dolorum vis ingens, etiam in hac vita, non appendatur, quæ tristissimis euentis non obruatur. Quod videtur significare Iobus ille sanctissimus, cum de impio, *Dulcedo*, inquit, *illius vermes*; vna dulcedo, multi vermes, multi conscientiæ, sibi malè consciæ aculei, multa putredo vitiorum, multi acerbissimi casus pro vna dulcedine rependuntur. Itaque profanis hominibus contingit, ut mortis arborem plantent, cuius præter naturæ ordinem radix vitæque dulcis est, fructus autē amari.

Quot felleas potiones propinat ambitio superbis, dum superiora meritis ambiunt, aut ex alto deiici timent, & in ordinem redigi, aut quem sequuntur honorem assequi non possunt? Huius rei doctor idoneus esse possit superbus ille Aman, fructum vanitatis adeptus, qui tragicis theatris rectè celebrari possit. Quis enim dolor acerbior, quis mæror maiore sensu fodicare possit ambitiosi hominis pectus, quā cogi inimicum hominē deducere in triumphum, quē ipsemet ad patibulum destinaret? Quā atroci peresus est pudore, cum in regis oculis, à Regina audacissimæ crudelitatis accusatus, ac conuictus est: cum misericordia quam quærebat, & submissio, qua abiciebat se, tra: sit in nouum crimen? Etiam regiam, ait Assuerus, *vult opprimere, me præsentem, in domo mea?*

I.
Mundi amor amarus

c. 24. 20.

II.
Ambitionis amarus.

Esther 7. 8.

Quæ denique desperatio hominis de altissimo honorum folio deturbati, bonis omnibus euerſi, & ad eandem damnati crucem, quam paraue-
rat inimico, in qua etiam decem eius filij pependerunt?

III.

Quos animi cruciatus aulici pariuntur, dum honoratam aliquando quietem aucupantur? & dum per ſcalas vanitatis in altum connituntur, quantum inuidiæ ſecum trahunt? quot calumniis appetuntur? nonne ſiunt perpetuum obtreccionum argumentum? Nonne ſexcentos habent in excubiis inimicos, intentos dum meliore loco ſint, vt eorū ſpes inanes efficiant, & è ſummo deſideriorum ſuorum vertice, ad ima ſubſellia timoris ſui deiiciant. Nonne quaſi è ſublīmi ſpecula perpetuò inuigilant actionibus inuidorum, aut apologiis conſcribendis, aut conſtabiliendo fauori, aut æqualibus euertendis, aut minoribus, ne emergant, aditu obſtruendo; quorum nihil eis ſine multis contradicentium aculeis, contra-
que pugnantium turbis, & necopinatis euentis contingere ſolet. Quid ſpinofus ambitioſorum vita, quæ ſæpè ſingulari certamine terminata, corporis inuehit, animique peltem, atque interitum ſempiternum.

IV.

Et amoris
opum.

Quantum fellis ſecum trahit auara cupiditas immenſarum opum, & ſuperfluorum vitæ commodorum, quæ ſummo cum ardore animi deſiderantur, inſatiabili cum fame deuorantur, incredibili cum ſollicitudine conſeruātur, & furioſa cum deſperatione perduntur. Quanta fuit Acha-
bi regis ſitis vineæ Nabothi, cū ea morbum inuexerit, & cibi ſuſtule-
rit appetitum? *Proiciens ſe in lectulum ſuū, auertit faciem ſuam ad parietem, & non comedit panem.* Sed eam ſitim vlti ſunt canes, ſanguinem lam-
bentes, qui ex mortifero vulnere defluebat. Huic ſiti par erat rabida illa Iſabelis fames, qua & vineam, & illius herū, & heredes abſūpſit; itaque
& iuſto Dei iudicio à canibus fame percitis lacerata morſibus, atque
abſumpta eſt. Hi enim ſunt illi *peccatores terræ* quos memorat Dauid,
amatores terræ, qui calicē diuinæ iracundiæ ad fœces vſq; exhauriēt, *Fax
eius non eſt exinanita, bibent ex cœno illo turbido, omnes peccatores terræ.*

Pſal. 74. 9.

V.

Seruitus auarorum.

Dulcis admodum res eſt, & quantiuis pretij libertas, & iuribus natu-
ræ conſentanea; Itaque rectè quidam,

Non bene pro toto libertas venditur auro.

Peccati pœna eſt ſeruitus, Deus enim hominem liberum procreauit. Quam amara igitur eſt ſeruitus auarorum; eorum ſcilicet qui diuitias non poſſident, ſed ab eis poſſidentur; vt meritò eos Propheta regius non viros diuites, ſed *viros diuitiarum* vocet: quos ait dormiſſe ſomnum ſuum, ſed negat euigilantes quidquam inueniſſe in manibus ſuis: nul-
lam ſcilicet laborum ſuorum accepiſſe mercedem, non ſecus ac manci-
pia, quæ ſui iuris non ſunt, & ſine vlla mercede pecudum inſtar heris fa-
mulantur. Rectè eos quidam canibus ad præſepe comparat, qui neque
hórdea comedunt, neque eſurientem equum comedere patiuntur. *Quis
ſibi inuidet*, ait Sapiens, *nihil eſt illo nequius, & hac redditio eſt malitia
eius*, ſic videlicet Deus illum in hac vita punit. Bona ſua inſcélis habet
quaſi depolita, illa vt attrẽctare non audeat. Ne panem quidem ad ſatie-

Pſal. 75. 6.

Eccl. 14. 6.
& ſeqq.

catem sumit, & instar Tantalī mediis in vndis epulisque, fame perit & siti. *Non satiabitur*, inquit idem, *pane indigens, & in tristitia erit super* v. 9. & 10. *mensam suam.*

Nequaquam aberrauit à vero æterna Sapientia, cū diuitias spinis comparauit, & rubis, qui non vestimenta, sed ipsa viscera foliicudinum aculeis dilacerant; non attrectantium manus, sed cupidorum corda discruciant, ac cruentant. Cū enim auarus animaduertit aut tempus, aut occasionem bene gerendæ rei elapsam è manibus, aut fures domesticos externosve fuisse ipso cautiores; annonam morâ corrumpi: ignem villas absumpsisse, domum à milite direptam, merces periisse naufragio, debitores datam fidem fefellisse, aut cessisse bonis, tunc videlicet imminētis paupertatis metu, & rerum aduersarum impatientia; timens quoque ne ludibrio sit inimicis suis, indignatione tumens confugit ad laqueum, qui stultissimæ, atque amarissimæ vitæ finem imponat. Hæ sunt deliciæ, hæc vita, atque interitus multorum auarorum, hæc consolatio, quàm illis amor diuitiarum, ruta amarior atque fuligine procreat.

VI.
Spina diuitiarum.
Luc 8. 14.

Age nunc voluptatis dulcedinem cogitemus, amarissimo molestiarum felle delibutam. Vide obsecro quàm amara sit puellæ vita, quæ honesto loco nata, honori non pepercit suo, quàmque verè dictum sit, delectationem vnā mille secum dolores inuehere. Primò aculeos conscientia morisq; patitur, quibus acerbiorē multò pudore perfunditur, quàm mille testibus; atque adēdō tanquam à totidem serpentibus noctes diēsque corroditur. Deinde sæua, sed iusta irreparabilis damni tristitia cruciatur, nam lugeri id damnum potest, restaurari non potest. Tertiò vehementiùs reformidat ne facinus innotescat, eiūque infamiae nota, nulla temporis diuturnitate obliteranda, inuratur. Accedit quartò etiam alius timor, ne fortè concepto fœtu vterum ferat, & quotcumque coniecturis in eam opinionem adducitur, totidem aculeis cor eius, animusque lacerantur.

VII.
Fœl. impura uoluptas.

Quòd si de nata in vtero prole sine vlla dubitatione constiterit, quā anxia atque atroci sollicitudine premitur, ad facinus obtegendum, celandamque turpitudinem suam? inopsque consilij centies quotidie maledicit vitæ suæ, centenisque votis expetit mortem suam, quæ tamen inductam labem obliterare non potest. Videt se factam quasi scopum in quem tela paternæ indignationis meritiſſimò torqueantur: videt se obuiam perpetuo fore consanguineorum probris, inimicorum irrisionibus, atque maledictis: familiam pudore ac dedecore vndique perturbatam, se perpetuo contemptui, atque exprobrationi obnoxiam fore; iraque desperatione fracta inuit scelerata consilia violentæ mortis, siue suæ, siue infantis, certissimi testis impudicitia maternæ. Hæc vncia, hæc dragma, hoc granum lutulenti mellis, num centenas absynthij, felisq; libras æquare potest?

VIII.

IX.
Amarities
intemperan-
tie.

Quid cibi potúsque intemperantia, nihilne habet amaroris admixtum? quale probrum est illius, cui verè obiiciatur in iurgio, abdomen insaturabile, gurgēs, ingluviēs, abdomini natus? Quod decus est pustulati vultus, impuri & fœtentis halitus ex indigesto cibo, stomachi erupulam exhalantis? nōne hæc idonea materies est amarissimæ exprobrationis, & pudendæ subfannationis? taceo stuporem capitis, tremorem pedum, incessum dubium, linguam titubantem, & multo in mero natantem, cæterosque gurgustiorum & popinarum fructus, cum sanitatis, ac longioris vitæ iactura. Vix ausim addere iacturam gratiæ tuæ Deus meus. Isti enim helluones minoris faciunt diuinam amicitiam tuam, quàm patinam avidæ gulæ blandientem, aut haustum vini preciosi. O insana iudicia hominum, quos ebrietas, & gula turpissimè dementarunt: quomodo, qui naturæ ductu gustûque diligitis dulcedinem, tam amarā, tamque præposterā delectationem amare, aut ferre potestis? quomodo tam acerbū æternæ mortis poculum exhaurire non dubitatis?

CAPVT XX.

Diuinum Iesu Christi amorem aspera omnia, illi dulcia ac delectabilia reddidisse.

I.
Diuinus amor
amarus
reddit dul-
cia.
cap. 5. 20.

Vobis, aiebat olim Esaias, qui dicitis malum bonum, & bonum malum, ponentes tenebras lucem, & lucem tenebras, ponentes amarum in dulce, & dulce in amarum. Illis utique conuenit hæc prophetica infœlicitatis denunciatio, de quibus proximè dicebamus, quibus peccatum dulce est, & amara diuina lex. Illis contra fœlicitas præparata est, qui diuini ardoris opera, amaras atque aduersas huius vitæ res in dulcedinem vertunt. O nobilissimam Chemiæ scientiam, ô desiderabilem metamorphosin. O præstantem condituram, qua cœlestis ille ignis, quem detulit Seruator in mundum, non solum natiuam fructuum asperitatem adimit excoquendo, sed eis saccharum etiam & mel instillat, ut fiat cibus Angelorū, qui diuinæ mensæ inferatur. Hic deinceps Dulcis-amoris effectus, in Seruatoris primū persona, deinde amicorū eius explicandus est nobis, quod hoc facilius erit, quod iam persuasum est, *Dulce & decorum esse pro patria mori.*

II.
Id Dei filius
suo docet ex-
emplo.

In hac itaque re maximè ostendit Deus mortalibus dulcedinem amoris sui, quam etsi olim in rerum molitione copiosè probauerat, voluit tamen etiam patiēdo patefacere. Id cū in natura diuina non posset, factus est homo, ut ostenderet tantum esse in suo amore dulcedinis, quā-

tum opus foret ad omnes huius vitæ labores, molestias, & cruciatus, non solum mitigandos, sed mellita etiam dulcedine condiendos. Itaque dulce illi fuit durum ac vile præsepium, dulce stabulum, vel antrum derelictum leprosis, qui vrbibus excluduntur; aut lupis cæterisque nocturnis feris. Et in signum lætitiæ, qua illic Dominus mundi perfundebatur, eius famuli mirabili concentu canunt, *Gloria in excelsis Deo*, mundumque vniuersum ad Seruatori recens nato congratulandum inuitant. Nisi enim animo gauderet ipse, indecora vtique foret lætitia subditorum: ipsique angeli in hac inuitatione, officio parum officiosè fungerentur.

In nativitate.

Dulcis ei fuit circumcisio, quamvis nocentis in innocente vestigium. Dulcis fuga in maternis vlnis, & exilium in barbaras idololatrarum terras: dulcis quoque obsequiosissimus ille in paterna domo famulatus, ad aliquod parentis vtriusque leuamentum, quamvis vniuersis angelorum legionibus, ad eius obsequium, atque obseruantiam destinatis. Dulcis obedientia, subiectio, labor pueritiæ, adolescentiæ, iuuentutis. Hæc enim omnia in bonum amicorum vertebantur. Dulce quoque quadraginta dierum ieiunium, cibi, potus, humanæque consuetudinis experts. Dulce in nocte frigida pernoctare sub dio, nunc flexis genibus orando, nunc facie sanctissima, totoque corpore in terram prostrato; sic enim amicis suis præbebat exemplum, simulque illis veniam impetrabat, & gratiam. Dulce cum publicanis & peccatoribus manducare & bibere, quamquam à moribus suis, & innocentia longo intervallo distantibus, ideoque odio non amore dignis, castigatione & pœna, non benevolentia singulari.

III.
Reliquaqua
vita.

Dulce illi fuit pedibus iter facere, & fortasse nudis aliquando, dum labore fatigatus & siti, non molli iaceret in culcitra, sed federet sic supra fontem, & aquam precariò à muliere non optima postularet. Dulce in templo & synagogis habere conciones, edere miracula, aliisque sanctis operibus ad vespërâ vsque, vires Hierosolymis exhaurire; nec inuenire quemquam, qui ei frustum panis in cibum, aut calicem aquæ frigidæ offerret in potum. Id enim haud obscurè Marcus Euangelista significat, cum ait, *Et circumspexit omnibus, cum iam vespèra esset hora*, & videlicet cœnæ tempus appeteret, *exiit in Bethaniam cum duodecim*. Denique dulces illæ lacrymæ, non solum quas in gratiam demortui Lazari amici sui profudit ad sepulchrum, sed illæ quoque dulces lacrymæ, quas commiseratione Hierosolymitanæ ciuitatis effudit, quæ occidebat Prophetas, & ipsum Dominum Prophetarum egit in crucem.

IV.

Ca. II. II. 19

Sed hæc modica fortasse videantur. Obiciamus diuino isti Amori aduersarium, quem possimus inuenire grauissimum; mortem videlicet, sed tormentis atrocibus, omnique ignominia & dedecore cumulatam. Inueniemus autem dulcissimum Seruatoris amorem, huiusmodi mortem non solum tolerabilem, sed valde etiam optabilem, dicam etiam delectabilem reddidit. Alioqui enim in die magnificentissimæ gloriæ

V.
Diuinus amor dulcem reddidit Domino passionem.

- Luc. 9. 31. suæ, in Thaboræ monte, cum primariis amicis suis nequaquam de excessu quem completurus erat in Ierusalem, verba fecisset. Nam sicut, *Eccli. 12. 6.* authore Sapiente, *musica in luctu importuna narratio, ita comparatio musicorum ornamento est conuiuii vini.* Quid sibi vult illud, *Desiderio desideravi hoc pascha manducare vobiscum*, qui erat vltimus ad mortem transitus? Nemo magnopere desiderat, nisi quæ magnopere diligit, nec quisquam rem tam ingratam acerbamque diligit, quam ingrata est crudelis atque ignominiosa mors, nisi eam dulcem amor effecerit. Itaque rectissime Augustinus, *Omnia seua & immania prorsus facilia, & prope nulla reddit Amor.*

Serm. 9. de
verb. Domini
ca. 3.

VI.

Hic ipse amor fructum iucunditatis colligebat in pedibus teterrimi proditoris sui abluendis, & ore sacrilego deosculando: in sudore sanguineo, & extrema pene lucta spiritus abeuntis. Hic amor veri Samsonis nostri, brachia manûsque, veris istis Philisthæis immaniter ligantibus, permittebat; quin & genas cædentibus, & pulcherrimam faciem fœdè conspuentibus, oculos sydereos obnubentibus, & aures vocibus execrâdis continenter pulsantibus. Illa ipsa suauissima charitas tua, suauissime Iesu, spinarum quibus adorandum caput tuum circumquaque perfodiebatur, aculeos retundebat, & atroces virgarum ictus, quibus membra innocentissima pulsabantur, non auertebat ille quidem, sed mollebat, ut pretiosissimus sanguis, non sine acerbo dolore, sed sine cordis acerbitate copiosè deflueret, imo cum sensu commiserationis interitus eorum, à quibus immaniter, ac sine vlla misericordia torquebaris.

VII.

Psal. 21. 7.

Eadem illa charitas fel propinatum lenibat, & demitigabat acetum; pudorem, contemptum, contumelias regi gloriæ à nebulonibus illis irrogatas, quasi honorificè acceptus esset, amplectebatur, factus opprobrium hominum, & abiectio plebis. Ille idem amor dulcissimus inauditam hactenus illam vocem, sed omni melle & nectare dulciorem, in gratiam eorum, à quibus tam atrocem accipiebat iniuriam, ex diuino pectore profudit, *Pater dimitte illis, non enim sciunt quid faciant.* Ille idem sensit dulce lignum, dulces clauos, dulcia ferens pondera; molliuit videlicet Amor perdurum lectulum crucis, & crudelem clauorum violentiam, quibus perfossæ manus ac pedes hærebant stipiti. Leue denique reddebat corporis pondus, quando natiua membrorum grauitas deorsum propendens, perfossas lacerabat manus, si pedibus parcere voluisset; aut pedes amplificato vulnere cruciabat, si sacrosanctas manus tantillum cuperet subleuare.

VIII.

Postremo dulcis amor Seruatoris diuinam illam animam eduxit ex eius corpore, & iuxta sanctissimam suauissimamque filij voluntatem, transtulit in paternas manus; quoniam ad parentis imperium *dulce & decorum est pro patria mori*, non patria illa ingrata, & crudeli Hierosolyma, quæ magnis vocibus eius crucem, mortem, sanguinem vlulans appete-
bat, sed illam electorum ciuitatem, illam cœlestem Hierosolyman, il-

Iam societatem cœlesti gloriæ destinatorum, illam Ecclesiam triumphantem, cuius ipse caput est & princeps, quæ eius morte redempta, eius ornata meritis, cum eo in omnem regnabit æternitatem.

C A P V T . XXI.

*Qui fieri possit vt diuinus amor res molestas dulces reddat,
atque amabiles.*

Hic ego, obsecro, inquam, vt tantillum interrumpam cursum orationis tuæ, simulque rogem qui fieri possit vt Charitas, res natura sua molestas atque acerbis, quasque nemo non auersatur, dulces efficiat, quasi saccharo, aut melle conditas. Num potest aut ingrati obiecti natura mutari, aut subiecti ab illo abhorrentis? Neutrius, inquit Dulcis amor, naturam mutatur. Neque enim absynthium in saccharum vertitur, neque homo in marmoreum aliquod signum. Sed amantis naturale fastidium rerum acerbis, vehementer subleuatur forti illa cogitatione, quæ clausis, aut auersis ab amaritie tantisper oculis, rem vt medium ad obtinendum quod diligit, intuetur. Dilectus finis efficit vt media, quæ ad illum consequendum valent, acriter appetantur. Itaque mutus amor, quem Amans vehementer desiderat, ac magnificat, mediis ad illum necessariis suam bonitatem communicat. Nam sanitas tetram atque inamabilem potionem non modico auro gratiorem facit; Scientia studentium vigilias, labores, animique contentionem attemperat suauitate sua. Quod si mediorum istorum acerbitas hoc maius habet ad finem consequendum momentum, quo fuerint acerbiora, tanto etiam fient optabiliora ac dulciora; quales sunt labores, ærumnæ, tormenta, quæ amicus in gratiam amici pertulerit. Nonne aiunt amorem cœcum esse? Ergo neque album à nigro distinguit, neque lucem à tenebris, neque facile à difficili, sed cœco impetu conicit se in medium rerum omnium certamen atque discrimen.

Denique Amor hic ignis est ab eo Spiritu ortus, qui sub specie ignis descendit in Apostolos; Sumamus ergo ligna quantumuis scabra, aspera, tortuosa, aut spinas quamuis rigidas & aculeatas, vtraque ignis in cineres redigit, quibus nihil est mollius ad tractandum. Nihil videtur rigido saxo aut silice durius, ferro impenetrabilis est, calybeam retundit aciem, eius incussu diffiliunt cuspides malleorum, cruentant ac lacerant atrectantium manus, resonant ad malleorum ictus, & quasi ex ira crepitus edunt, scintillasque iaculantur. Mittantur in ardentem fornacem, in calcem abeunt, & perseverante igne rediguntur in puluerem. Ipsum etiam ferrum & calybs, quibus tandem durissima saxa do-

I.
*Quomodo
amore res
acerba dul-
cescant.*

*Cum sumi-
tur vt me-
dia.*

II.
*Amor igneus
domat om-
nia.*

domantur, in igne mollescent, & pene instar arundinis omnem flectuntur in partem, denique incendij ardore tabefacta, igneum in flumen colliquefcent. Quid ergo mirum si igneus ille amor, qui flagrabat in pectore Seruatoris omnem laborum asperitatem, duriciem, amarorem conduiit, emoluit, læuigauit?

III. His ergo consequens ac consentaneum est, si nobis molestum est ieiunium, si ingrata malè partorum restitutio, si acerba calutas, si difficilis reconciliatio cum iis, à quibus acceperimus iniuriam, eò diuini amoris ignem inferendum esse, totamque difficultatem, acerbiteriam, molestiam, voluntario sacrificio Deo mactandam, & consecrandam esse. Ita fecisse Christum Dominum ex regio Prophetarum liquet; illius enim est ista vox, *Voluntariè sacrificabo tibi, & confitebor nomini tuo Domine, quoniam bonum est.* Decretum efficax sacrificandi Deo patri, ad hominum expediendam salutem, crucis iter complanauit. Caluariatæ collem campis exæquauit, & naturæ deuicit infirmitatem, quæ se illa tertium iterata oratione patefecit, *Pater sis fieri potest, transeat à me calix iste*, quem sciebat esse longè amarissimum; simulque à nobis intelligi cupiebat, quanto impendio ab ipso redimeremur.

IV. Efficax porro patiendi decretum ab amore profectum non efficit, ut quod acerbum est natura sua, careat acerbitate, sed ut nihili fiat ipsa acerbitas, perinde ac si nulla esset. Sumamus duos homines, quorum alter imitandi Christi desiderio diuerberationem vltro suscipiat, aut voluntate expiandi peccata sua, aliàve intentione laudabili: alter admissò furto, aliòve quopiam crimine in manus Prætoris inciderit, eiuſque iussu flagro à lictore accuratè cadatur, vterque dolorem vtiq; sentit, sed alter mente hilari, serena fronte, & corde pleno consolationis, adeo ut ad iterandam postmodò eandem mortificationem paratus sit, & expeditus. Alter ira & indignatione æstuat, & ad singulos ictus gemit, clamat, furit; & doloris impatiens modò lictorem contumeliosè appellat, modò iudicem; nunc minas in accusatorem, nunc in testes intentat. Itaque Seruator sentiebat, ferebatque res acerbissimas, non acerbè, sed suauiter, amicè atque beneuolè; naturæ repugnantis impetu, & inferiore voluntate, quæ suam quærit incolumitatem, deuicta planè, atque debellata.

CAPVT XXII.

Res declaratur exemplo, & accommodatur Christo Domino.

I. *Parabola bellatoris pro sponsa certantis.* **P**LACET hoc ipsum negotium nouo atque efficaciori exemplo declarare. Sit vir aliquis præstanti nobilitate, atque fortitudine, qui puellam insigni forma & pudore, parique nobilitate præstantem in matrimonium ducere cupiat, videatque illam, aduerso quopiam casu, in manus

manus barbari alicuius, atque impuri tyranni deuenisse. Quando igitur vir iste nobilis amore stimulante aduersus tyrannum illum, in gratiam dilectæ suæ, arma sumit, in equum inuolat, dstringit enssem, & singulari certamine inuadit perduellem, nonne delectatur bonitatis causæ conscius & virtutis, liberandæ sponsæ, sibi que demerendæ cupidus? nonne tanta voluntate fertur in hoc certamen, ut de amplissima fortuna aduersario malit, quàm de hac pugna cedere, quidni de fortuna, cum vitam ipsam, sibi rebus omnibus cariorem, in discrimen adducat? Vide autem quæ sit eius ratiocinatio. Si mihi vitam, inquit, tyrannus abstulerit, dilecta mea tota vita gemens atque illacrymans dicet, Hei mihi, quàm fidelis amici, & amabilis sponsi iacturam feci! Sin autem morti ereptus, vitam prædoni illi rapuero, quanta mihi dilecta mea obligatione, quanta beneuolentia deuincietur? Quàm tenerè, quàm suauiter exosculabitur cicatrices meas, indices amoris in se mei; quàm iucundè colloquemur inter nos de partâ victoria; quàm suauiter totius vitæ amantissima consuetudine perfruemur.

Fortissimus hic nobilissimûsque bellator, omnium virtutum absolutissimum exemplar, vnica est præpotentis Dei proles, deliciæ orbis terræ, qui omnes animas, quas Pater æternæ felicitati destinarat, ex animo diligebat, sponsasque sibi destinabat, partim natua earum pulchritudine allectus, sunt enim diuinæ pulchritudinis imagines, ipsius Dei manu depictæ; partim supernaturali decore, quem habituræ erant, diuinæ gratiæ splendore ad natiuam venustatem accedente, incitatus: Permotus etiam illa beneuolentia, & amore immortalis, quo illæ vicissim eum prosecuturæ sunt, tam in hac pugna, quàm in illa triumphis regione. Maximè autem illa gloria, quam accepturus erat Pater æternus, quando cælo receptæ, hymnum agendis gratiis aptum perpetuo decantaturæ erant. Excitatus denique illo luctu, quem immani illi animarum tortori cacodæmoni erat importaturus, qui eas in fœdissimam seruitutem destinabat, earum gratia in certamen descendit.

Videbat enim barbarum illum ac trucem inferorum tyrannum, hostem suum infestissimum atque antiquissimum, animas illas peccati iure, vel iniuria potius retinere captiuas, ut eas profano carnis mundi; amori prostituat, indeque præcipites agat in detestandum fornicem inferorum. Iusta ergo indignatione commotus eximius ille sponsus, & dulcis amator animarum; Ergone, inquit, spurcus ille ac probrosus nebulo, tam nobiles animas, tam indignis modis accipiat? & quas spôsas habere constitui tanti principis filias, ille veneficus fascinet, & quasi CIRCÆO poculo cōuertat in lupas? Ego ne patiar ut tartareus ille draco deturbet in cloacam inferorum illas animas, quæ, ubi agni sponsæ factæ fuerint, aptæ sunt ad gloriam sempiternam? Non ita fiet, non ita animo langueo, ut tam perfidum facinus in oculis meis sciens prudensque permittam. Meæ sunt, mea interest illas de scelerati prædonis manibus, in optatam asserere libertatem.

II.
Accommo-
datur ad
Christum.

III.

IV. Hic angeli; quomodo, inquiunt, nobilissime princeps, primogenite *Dialogismus regis regum, contra hanc belluam paras inire certamen? Permite nobis hoc prælum. Nos eum pridem ex empyrei cœli altissimo folio, in Christi. & Angelorum. imum centrum huius vniuersitatis deturbauimus; minor est, quàm ut aduersus eum tanta maiestas confligat. At princeps, non ita conuenit, inquit, ô filij, hanc ego mihi pugnam victoriàmque reseruau. Res erit mihi suauissima, gignet enim singularem aduersum me illarum animarum amorem, quas ego in oculis fero; delicia enim meæ sunt familiaris vitæ consuetudo cum filiis hominû. Ita quidem, inquiunt illi, si in ista tuo cum Goliatho pugna, aureis Saulis armis uti placeret, id est potentia diuinitatis tuæ, & non potius in sanctissima atque innocentissima humanitate tua magnis affici animi doloribus, corporisque cruciatibus confici; quod videtur cum recta ratione, & tua dignitate pugnare.*

V. Non pugnat, inquit princeps; sed destinatum pugnae modum persuadet Dulcissimi amoris abundantia. Accedit quod hoc modo tanto vehementius affligam ac prosternam superbiam tyranni omnium superbissimi, cum agnoscat agi secum, tanquam cum agresti ingenio & rusticano, aut loris & fustibus quasi cum mancipio peruicaci. Aliqua enim foret eius superbiæ consolatio, si dicere posset, si Ipsi Domini dextra cado. Imo vnius hominis manu cades, qui te prostratum in terram famulis suis ac famulabus conculcandum præbebit: quibus ego eadem opera corda suffurabor; idque tanto suauiore vi, quanto, in gratiam spon-sarum mearum, pertulero grauiora, eaque à maioribus malis, & detestabiliore seruitute vindicare; nullo ipsarum maiore sumptu, aut impendio quàm amoris, & grati beneuolique animi aduersus labores meos, qui tam amicè, tamque officiosè certarim prior.

VI. Religiosæ itaque animæ, quæ neque me, neque ærumnas meas ignorauerint, & earum causas, finésque didicerint, nonne purissimo castissimòque mei amore flagrabunt? nonne in lacrymas commiserationis solutæ dicent, -

Sic tibi compatiar, sic te mea viscera plangent,

Hauriat ut sensus luctus amorque meos.

In lacrymas absint oculi, in suspiria pectus,

Perforantque animum vulnera quinque meum.

Nonne execrabuntur stultitiam ac temeritatem suam, quod isti sicario fidem habuerint, & meo, & ipsarum crudelissimo inimico? Ipsæ & viuum agnoscent & mortuum, & alternatim gloriæ & pudoris, magnificentia paupertatisque plenissimum: idque totum in gratiam ipsarum perfectum sentient, ab eo, qui grauissimas ærumnas, & dulces reputarit, & modicas, præ magnitudine amoris erga illas sui; sicut olim patriarchæ Iacobo contigit pro sua Rachele seruienti.

VII. Si mitis ac suavis oratio, si dulcis oculorum coniectus, si officiosum obsequium, si demonstratio sinceræ voluntatis Rachelem Iacobo de-

meruerunt, quâ fieri omnino possit vt animas mihi charissimas non demerear, non verborum lenocinio, sed officiis, quæ usque ad vitam, sanguinis, & honoris iacturam progrediantur, & quidem hilarem iacturam, & mellifluo amore abundantem. Num illas aliquando capiet satietas exosculeandi plagas, in gratiam illarum acceptas? num fastidient mecum miscere sermones, aut orando pernoctare, si id mihi gratum esse cognouerint? anni dierum instar ipsis erunt, & dies instar quadrantium. Intentæ perpetuo erunt in occasionem inferuendi mihi: amorque mei, qui in cordibus earum tenebit imperium, omnem corporis animique castigationem dulcem reddet, atque acerbis experte, nimirum vt acceptilationem debitorum suorum, vt medicinam acceptarum plagarum, vt salutis fiduciam, & quotidianum cibum vitæ huius; maxime autem ne sanguis & vita sponsi sui dulcissimi, pro ipsis frustra profusa videatur.

CAPVT XXIII.

Dei ac Domini nostri amorem aspera quæque, sanctis Martyribus dulcia, & suauia reddidisse.

HÆc cum dixisset Dulcis amor, finem videbatur impositurus orationi suæ, sed reuocauit ipse se, Finiebam, inquit, nisi me reuocasset ista cogitatio. Reliquum enim mihi esse video, vt ostendam quomodo sancti Dei famuli, Martyresque in primis, qui diuini amoris & charitatis egregie participes fuerunt, illius quoque dulcedinem in medio ipso cursu dolorum suorum participarint. Medio, inquam, in cursu, maiorem quam Christus ipse prærogatiua, qui suprema ipsa nocte vitæ suæ, ingenti pauore, tædio, tristitia concussus dicebat: *Tristis est anima mea usque ad mortem*, & suprema hora apud Patrem, & Deum totius consolationis gemebat, tanquam in summo cruciatuum & mœroris æstu derelictus. Ostendamus ergo breuiter diuini amoris dulcedinem, in condienda ærumnarum, cruciatuum, & contumeliarum acerbitate, quam Dei serui, & fortissimi Christi milites ita degustarunt, vt illa omnia non solum patienter, sed hilariter etiam, gaudentesque perferrent. Nimirum oportebat impleri figuram aquarum Mara, & potionem filiis Israël destinatam, iniecto ligno dulcescere.

In ipsis quippe Apostolorum Actis legimus, eos iuisse gaudentes à conspectu Concilij, quare verò gaudentes? *quoniam digni habiti essent, pro nomine Iesu, contumeliam pati.* Ergo amor quo Dominum suum prosequerantur, contumelias in honorem vertebat; & quidem tantum, vt ne ipsi quidem Apostolorum principes eo se satis dignos arbitrentur. Magno itaque sibi honori, atque insigni gloria vertebant,

I.
Dulces martyrum cruciatus.
Vide D. August. in Soliloq. ca. 12.

Exod. 15. 23.

II.
Apostolorum in primis.
Act. 5. 41.

quod immisso publicè viatore comprehensi, & quasi fontes, per vicos & plateas Ierosolymitanas deducti, & in carcerem coniecti essent. Nec minus mirabile fuit facinus virginum Romanarum, Rufinæ & Secundæ, quas cum nec promissis, nec terrore Iunius præfectus à proposito posset abducere, Rutinam primùm virgis cædi iubet; vulgare id est, sed audi rem nouam. Nam in Rufinæ verberibus Secunda iudicem sic interpellat. *Quid est quod sororem meam honore, me afficis ignominia, quasi indignam quæ cruciatum pro Christo feram? Iube ambas simul cædi, quæ simul Christum Deum constemur.* O mulierem non à vino, sed à cælesti Amore remulentam!

III. Alios legimus in tormentis immanissimis negasse suauius se vnquam fuisse epulatos. Tiburtius nudis pedibus super ignitos carbones incedēs, Fabiano Iudici dicebat, Disce ex hoc solum esse Deum, quem Christiani colunt; prunæ enim mihi flores videntur. Quanta erat S. Vincentij ex diuino amore animi suauitas, qui cum à lictoribus flagris acerbissimè torqueretur, eaque hilariter ipse perferret, ratus fortasse Dacianus proconsul carnifices in Vincentio cædendo præuaricari, illos suis ipsorum flagellis pulsat, vt veros inferant cruciatus. Cui facete Martyr insultans, gratias agebat, quòd verberando lictores, suas iniurias vlcisceretur. Deinde ad tortores, conuersus, quàm molles, inquit, estis, quàm infirmi, ego sanè vos credideram fortiores. Et rursus Daciano dicenti vt sui miferetur, cuius corpus totum diuulsum ac dilaceratum esset, arridens Vincentius, Hoc ego perpetuò desiderauì, Daciane. Illud autem persuasum habere, neminem mortalium rem mihi gratiorem facere potuisse, etsi præter mentem tuam seruias voluntati meæ. Tu ipse Vincentio torqueris acerbius, quòd ab eo te, tuæque tormenta victa cernas. Noli itaque remittere furorem istam aduersum me, neque cruciatus, quibus amplificas coronas meas. Si quis hîc non videt Martyris animum inusitato gaudio triumphantem, nihil profectò videt.

IV. Quàm suauis extitit animi sensus in Apostolo Andrea mediis in tormentis, cum vehementius orare institit, vt populus eum in cruce pendere diutius, ac languere pateretur, vt tanto diutius dilecto magistro probaret amorem suum? nonne eximium dulcedinis illius gustum habuisse, fatendū est? Et hic gustus tanto erat admirabilior, quanto erat diuturnior cruciatus. Scriptum est enim eum biduum in cruce viuentem pepēdisse; nec cessasse vnquam Christi fidem, & dominicæ crucis sacra mysteria celebrare. Aliud porro longè est hominem quietum, & frigido, vt aiunt, sanguine ferre cruciatus, aliud armis instructū in hostem inuolare, mente turbida, pectore æstuante; nec mori certum, sed sperantem honorem, iucunditatem, atq; enolumenta victoriæ. Nolo vltèrius in hoc argumèto prouehi, non ignarus hæc iterum ab aliquo Fratrum meorum vsurpatum iri. Non possum tamen quin egregiam mellitissimi Bernardi sententiā, cum bona illius venia de hoc Heroè præstantissimo, sancto inquam Andrea referam.

In vigil. S.
Andr.

Andreas, inquit, homo erat similis nobis passibilis, & tam vehementi ardore spiritus crucem sitiebat, tam inaudito à seculis gaudio tripudiabat, cum paratum sibi eminus patibulum confluxisset. O crux, inquit, diu desiderata, & iam concupiscenti animo preparata, securus & gaudens venio ad te, ita & tu exultans suscipias me. Videnis quia non se capit præ magnitudine gaudij? Ita, inquit, ut & tu exultans: ergone tanta est exultatio, ut exuliet & ipsa crux, nec leti aliquid habeat, sed letum letitiæ sit? Aut quis dicat, contra consuetudinem, supra rationem, ultra naturam, crucifixum minus exultare quam crucem? Illi sensum letitiæ natura negauit, huic, si quid præualeat, gaudium omne exterminat, ingeritque dolorem. Quid? nonne Ecclesia canit lapides torrentis dulces fuisse protomartyri Stephano, à quibus tamen oppressus est. Hoc ergo amoris ballamum non solum curabat vulnera, sed auertebat, sic ut flammæ sine dolore amburerent, & ferum sine cruciatu laceraret.

V.

Ex Sancto
Bernardo.

CAPVT XXIV.

*Sanctos quoque confessores in medijs arumnis hanc amoris
dulcedinem degustasse.*

HANC quoque amoris dulcedinem sanctissimi confessores, heremitæ, sanctique cœnobitæ degustarunt, cum olim pene morientes viuerent, viuentsque morentur: vsque adeo plerique omnes asperam ducebant, acerbamque vitam. In desertis enim illis Syriæ, Chananitidis, & Ægypti locis, nullus fere erat Heremitæ lectus præter humum ipsam, nullum tectum, præter speluncæ aut cœli concuum, nullus fere cibus præter radices agrestes, nullus potus præter aquam, eamque nonnumquam amaram, vel ex longinquo petitam, nulla tunica præter pannum asperum, rigidumve cilicium. Nonne oportebat Charitatem, consolationum suarum dulcedinem ibi copiose diffundere, ut iugum à facie olei computresceret? Charitatis, inquam, oleum, quod terram in calcitram verteret, rudem saxi cavitatem in aurea laquearia, herbarum radices in carnes phasianorum aut perdicum, aquam insuauem in nobile ac generosum vinum, cilicium in pannum delicatum, aut pelles pontici muris. Nimirum *vbi est amor, non est labor, sed sapor.*

I.

Aspera He-
remitarum
vita.

Isa. 10; 27.

Quid autem mirum ita vixisse anachoretas, cum Bernardus ipse cum suis eam vitam in Claraualle viueret, quam viri religiosi, non solum commiseratione, sed ploratu etiam prosequerentur. Audi enim Guilhelmu Abbatem in vita illius. Ibi, inquit, in loco horroris, & vassa solitudinis confederunt viri illi virtutis, facturi de spelunca latronum templum Dei, & domum orationis. Vbi simpliciter aliquanto tempore Deo ser-

II.

Et religioso-
rum S. Bern-
nardi.
l. i. c. 5.

uierunt in paupertate spiritus, in fame & siti, in frigore & nuditate, in vigiliis multis. Pulmentaria saepius ex filiis fagi conficiebāt. Panis instar prophetici illius, ex hordeo, & milio & vicia erat; ita ut aliquando religiosus vir quidam, appositum sibi in hospitio, vbertim plorans clam asportauerit, quasi pro miraculo omnibus ostendendum, quod inde viuerent homines, & tales homines, qui olim diuites in seculo, tum in paupertate Christi gloriabantur. Et alibi. Domibus, inquit, & habitationibus simplicibus victus inhabitantium persimilis erat. Panis non tam surfureus, quam terreus videbatur, duris fratrum laboribus vix de terra deserti illius sterili productus. Catera quoque cibaria, quae vix erant aliquid saporis habentia, praequam quod fames, seu amor Dei faciebat. Sic ille.

cap. 7

III.
Et tamen sibi a delectatione timendum.
Ibid. sparsum.

4. Reg. 4.

Amor ergo Dei rebus insipidis aliquid saporis afferebat, imò & delectationem tantam, quantam religiosus eorum feruor suspectam haberet, & crederet esse fugiendam. Persuasum quippe habentes, ait iam Abbas, inimicam esse animae omnem delectationem carnis, quasi venenum arbitrabantur quidquid comedentem utcumque delectaret, aut carnem cum qualibet delectatione nutrire videretur. Quasi enim per aliam viam reduci se putabant in regionem suam, cum praedulcedine amoris interioris, amara eque ac dulcia delectabiliter edendo, delectabilius viuere sibi viderentur in eremo, quam prius vixissent in seculo. Cumque res ad iudicium Catalaunensis episcopi, qui tunc aderat delata esset. Exemplo usus Elisei Prophetae, & filiorum Prophetarum, eis diuina dulcedinis gratiam sine timore percipere persuasit. Olla, inquit, illa prophetica olla vestra est; nihil in se nisi amaritudinem habens: farina verò amaritudinem in dulcedinem conuertens, gratia Dei est operans in vobis. Sumite ergo securi, & cum gratiarum actione, quod cum naturaliter minus aptum fuerit vsibus humanis, ad hoc per gratiam Dei vestris est vsibus aptatum.

IV.
Dulcedo amoris mitigat amaritatem victus.

Hæc itaque gratia, hæc farinula, hæc amoris dulcedo omnem religiosorum exercitationum asperitatem mitigat, ac temperat. Ieiunium reuera non nihil habet difficultatis, negari non potest, ideoque plerique illud non solum fugiunt, sed etiam quasi in iurgio calumniis appetunt, & inimicum naturæ mentiuntur, cum medici consentiant plures gula occidisse quam ferro. Quam multi religiosi magnam anni partem ieiuni transigunt, etiam qui mendicatio viuunt: quam multi perpetuo carnibus abstinent, non solum sine gemitu, sed magno etiam corporis bono, & animi voluptate? Persape etiam iuniores, quos ætas ieiunij legibus non astringit, vltro atque ardentem flagitant fieri sibi ieiunandi potestatem, ieiunantque maiori cum gaudio, quam plerique vulgò conuiuantur.

V.
Et continentia.
Sap. 8. 21.

Amara est continentia intemperanti adolescentiæ, aut feruida iuuentuti, imò ne seruari quidem potest sine singulari Dei gratia, quod Scriptura ipsa profitetur. Nouimus tamen in vtriusque sexu pene innumerabiles, qui multos annos transcurrant, itaque cum hoste dome-

stico continenter luctentur, vt ne in vnam quidem impuram cogitationem consenserint. Diuinus amor glaciem iniicit in Babylonicam fornacem, & facit medium fornacis, quasi ventum roris flantem, ita vt eos ignis ille tartareus omnino non tangat, neque contristet, neque quidquam molestiæ inferat. Spiritualis amor, animalem expellit, vt clauum clauus, atque extrudit foras. Expurgetur semel animus serio, videntur occasiones, quæ fortissimos aliquando deiiciunt, frequententur sacramenta, improba cogitationes summa celeritate repellantur, vis aliqua adhibeatur, quam amor ipse suggeret, & breui mirabilis quardam metamorphosis agnoscetur.

Hic videlicet amor dexteram armabat Pauli Apostoli, ad corporis sui contusionem, diuerberationem, & plagas, vt fortia illa verba testantur, *Castigo corpus meum, & in seruitutem redigo.* Hic idem amor Hieronymo saxum immittebat in manus, vt eo pectus malarum cogitationum conscium pulsando vlceretur. *Pallebant*, inquit idem Sanctus, *ora ieiunius, & mens desideris astuabat: in frigido corpore, & ante hominem sua iam carne pramortuum, sola libidinum incendia bulliebant. Itaque omni auxilio destitutus ad Iesu iacebam pedes, rigabam lacrymis, crine tergebam, & repugnantem carnem hebdomadarum inedia subiugabam. Memini me clamantem diem crebro iunxisse cum nocte, nec prius a pectoris cessasse verberibus, quam rediret Domino imperante tranquillitas.* Redibat ergo tranquillitas, quæ pugnae acerbitatē obrueret dulcedine victoriæ. Subdit enim, *Post multas lacrymas, post cælo inherentes oculos, nonnumquam videbar mihi interesse agminibus Angelorum, & laetus gaudensque cantabam, Post te in odorem vnguentorum tuorum curremus.*

Quisquis ergo de huiusmodi pugnae molestia queritur, de amoris in Deum sui tenuitate queratur. Ex dictis quoque colligenda nobis est illa conclusio, magno imbellem Christianum pudore affici oportere, cogitantem magnanimos illos heroas, Christi martyres, & confessores ex magnitudine Charitatis suæ, acerbissima tormenta, dulcia & pene ridicula iudicasse. Iphis autem Dei præcepta, ipsius Christi iudicio suauius & leuia, humanæ certè naturæ, ac rationi valde consentanea, videri aspera, & tanquam acerba repudiari. Quis pudor est profanos homines, leui sæpè ex causa, dulcem reputasse mortem, Christianos autem in causa diuinæ amicitiae, & æternæ felicitatis acquirendæ, punctionem acus ferre non posse?

*Casti suo gladium cum traderet Arria Pato
Quem de visceribus traxerat ipsa suis,
Si qua fides, vulnus quod feci non dolet, inquit,
Sed quod tu facies, hoc mihi Pate dolet.*

O suauissime hominum amator Deus optime maxime, quàm necessarium est nobis mel dulcissimi amoris tui, manna illicientis gratiæ tuæ, nectar & ambrosia Charitatis tuæ, quia proh dolor! cito nos

Dan. 3. 50.

VI.

*Exemplum
Pauli, atque
Hieronymi.
Epist. 22. ad
Eustoch. de
cult. virg.*

VII.

*Reprehensio
ignavia quo
ruddam.*

Mart.

I.

*Conclusio
cum oratio-
ne ad Deum.*

fastidium capit rerum tuarum, profanarum autem insatiabilem circumferimus appetentiam, dignissima lacrymis peruersitate. Principis conspectus hilarior, qui spem ingerit non raro fallacem, palatum animæ nostræ titillat vehementius, quàm præsens consolatio, & spes æternæ vitæ; sensuum leuissima delectatio, ac pene puerilis, quàm verissima oblectatio rationis & mentis: denique lætitia, quæ æternam secum tristitiam trahit, illa quæ simul pignus est deliciarum æternarum. Abducito nos ab istis vberibus, intinge papillas absynthio, Ægypti allia lacrymas ex oculis nostris eliciant. Contra verò doceat nos ipsa experientia, quàm suavis sit Amor tuus, quàm tenera, quàm paterna tua erga nos beneuolentia; vt si amare pigebat, redamare non pigeat, vt dicebat magnus ille seruus tuus. Haftenus Dulcis-Amor.

Quinti Libri finis.

LIBER



LIBER SEXTVS,

De Solertia Diuini Amoris, qui & Ingeniosus Amor.

CAPVT I.

Descriptio Ingeniosi-Amoris secundi filij Charitatis.



REFERVNT nobis sacrae literae Raguellem, virum antiquae fidei atque probitatis, socerum Tobiae iunioris, incredibili gaudio, & delectatione affectum fuisse, filia sua Sara, & sponso eius Tobia ab infestissimo dæmone liberatis. Itaque iis matrimonio ritè coniunctis, iuuenem hilariter habebat apud se quotidie, eiusque conspectu ac consuetudine suauissimè pascebatur, & reditum eius ad patrem quam poterat longissimè differebat. Urgebat nihilominus Tobias reversionem suam, asserens parentes suos numerare dies absentiae suae, & illius causa animo cruciari. Dulcis amor primus liberorum reginae Charitatis, religiose lector, satis diuturno te sermone detinuit, utinam tam lauto conuiuij apparatus, quam epulae ipsae merebantur, aut iuuenis ipse cupiebat; non ignarus foederis ac cognitionis tuae cum parente sua. Quia tamen conscius erat desiderij tui aduersus fratres suos, noluit copiosiore oratione abuti patientia tua, & differre diutius eorum de te benemereendi voluntatem.

Alterum itaque illius fratrem, de coetu fratrum deductum, quasi in praescenium spectandum, atque audiendum adduco, qui, meo quidem iudicio, nihil priori cedit in desiderio, ac facultate auditorem laute liberaliterque tractandi. Ut enim prior ille ad bonitatem pertinet, Spiritui sancto attributus; hic rectè sapientiae Filij, tertius potètiæ Patris accommodabitur: dulcis enim est bonitas, ingeniosa sapientia, potentia fortis. Sed fortem hunc amorem posterius audituri, Ingeniosum nunc audiemus, hoc quippe est illius nomen, cui quae dicitur physiognomia non parum fauet, ita est fronte, oculis, vultu, totoque corpore cõposi-

I.
*Introductio
in nouam
disputatio-
nem.
c. 8. & 10.*

II.
*Ingeniosi a-
moris phy-
siognomia.*

tus. Vides enim festiuam vultus hilaritatem, in colore candido & rubicundo, mollem & flauescientem capillum, argutos ac nitentes oculos, tenuissimam cutem, sub qua passim sparfos venarum ramos agnoscas, membra ipsa corporis neque duricie, neque macie, neque pinguedine notabili: nam vt ait Philosophus, *duri carne duri mente*. Modici est somni victusque, ad conditionem enim Angelorum accedit.

III
Ornatuque
corporis.

Filius est Charitatis, quæ & ipsa ingeniosa est, mentemque reddit inueniendis excogitandisque rebus idoneam, in gratiam dilecti sui. Induit eum mater veste serica, artificij non vulgaris, obscure innuens quæ ingeniosa sit inuentio bombycini texti; eius quoque nobilitatem indumento nobiliu indicans. Illius color ex rubro albicat, vt dixi, qualis solet esse color in dilutiore rosa, argumentu ingeniosissimæ inuentionis induti humana carne Verbi Dei. Eadem vestis plurimos exhibet opere plumario Cherubinos, plenos scientia Sanctorum, in quincuncem sparfos: limbus habet acupictum circumquaque hoc elogium. *Puer eram ingeniosus, & sortitus animam bonam*. Fert & hanc manu epigraphen ex Propheta regio, *Declaratio sermonum tuorum illuminat, & intellectum dat paruulis*.

Sap. 8.19.

Pl. 118.130.

IV.
Et capitis.
2. Cor. 10.5.

Coronam gestat in capite ex viridante lauro, quam alligat tænia, multiplicique orbe circumdat, in eaque hæc Apostoli verba inscripta sunt, *In captiuitatem redigentes omnem intellectum, in obsequium Christi*: vt intelligamus Dei amantes viros, quamuis præstanti ingenio, proprii iudicii victores esse oportere, fideique legibus vltro illud libenterque subicere, nec velle sapere, vt ait idem doctor gentium, plusquam oportet sapere, sed modum ponere inquisitioni. E corona pendet in frontem preciosus lapis, quem Græci *ἀσχημα*, Romani solertiam dicunt: ad significandum Ingeniosi amoris expeditam celeritatem inueniendi rationes, quibus infidelis peruicax reuincantur, & admirabilis diuinorum mysteriorum conuenientia demonstratur. Priusquam autem illi faciamus audientiam, rationi consentaneum est vt vniuersè loquendo, amorem ingeniosum esse doceamus. Tum demum id ipse in diuino amore, tam in Deo ipso, quàm in eius amicis declarabit.

Propositio &
ordo dispu-
tationis.

Rom. 11.3.

C A P V T II.

Amorem vniuersè ingeniosum esse, & quam ob causam.

I.
Causa inte-
rior inuen-
tionis.

FACTE probat hanc assertionem naturalis ratio, probat & sententia priscorum sapientum, ipsaque experientia omnium seculorum; quæ breuiter, & hoc ipso quem proposuimus ordine, expeditamus. Quid ergo dixerimus esse causæ, cur hæc amoris affectio prompta, & expedita sit ad inuenienda ea, quæ vsui sint ad obtinendum quod cupias? Nimirum qui alicuius rei obtinendæ valde appetens est, perpetua cogitatione

versat rationes & vias quibus confici res, atque expediri possit: eam undique contemplatur atque circumspicit; quæ illam attingant, quæ circumstant, quæ præcurrant, quæ consequantur videt, si quam fortè ansam aliquid præbeat opportunam. Atque ita cerebrum, crebra specierum agitatione incalescit, sicut attritu ferrum. Sicque non solum illa quasi mentis rubigo detergitur, & torpor excutitur, sed spiritus, qui in cerebro resident, quasi radij quidam lucis, calidiores ac subtiliores fiunt, aliisque si bnde etiam puriores procreantur. Itaque phantasia obicit intellectui: & plura, & puriora phantasmata. Intellectus autem imperio voluntatis obsequens, maiori sese contentione applicat, inuestigando quæcunque instituto seruiunt, eaque pertractans mira quædam aliquando exprimit, atque excogitat.

Amor præterea, sicut hæcenus dictum est pluribus, dulcis est ac suavis, ideoque animum vehementer delectat, ac nutrit, sicut corpus cibi, qui dulcedine præstant. Delectatio autem, cuius natura sumus appetentiores, quaque omnino carere non possumus, facit ut sine satietate, vel tædio, aut defatigatione in rei dilectæ contemplatione insistamus, & sic eadem opera circa illam perfectiora sensa, cogitationesque concipimus. Delectatio enim, teste Philosopho, perficit operationem: qui autem ad opus suum parum afficitur, nihil accuratum efficiet, aut laude dignum. Eaque causa fuit viris sanctis, & amicis Dei, intentiore cura diuina opera, mysteriaque contemplantibus, tam multa excogitandi, quæ diuina sapientia in illis abscondit.

Quod ad antiquorum sapientum hæc dære sensum, vnus mihi erit instar multorum Plato, qui in symposio suo Amori tribuit artium ac disciplinarum inuentionem, affirmatque eorum inuectores Amoris discipulos extitisse. In iis enim elaborabant, vel cupiditate laudis & gloriæ incitati, ut extare præ cæteris atque eminere viderentur, vel cõpendij causa, & emolumenti alicuius, quod ambiebant: vel cuiuspiam mali metu, quod eis adamatum quodpiam bonum eriperet, honorem, opes, libertatem, sanitatem, vires, vsum sensuum, scientiam, aliâque id genus. Ait quoque idem Philosophus amorem machinari semper aliquid, quod se facile ex difficultatibus expedit: eundem ait esse prudentiæ studiosum, Philosophum, oratorem, adde & mathematicum, quæ sunt omnes scientiæ, nominatimque mathematicæ, in quibus inuentio & ingenium vehementer elucent.

Hanc ipsam Poëtæ agnouere, ac celebrauere veritatem. Nam quædam apud Ouidium de amore sic fatetur.

Denique fidus amor quidquid properantibus obstat

Finxit, & ad causas ingeniosa fuit.

& alibi,

Ingenio vires ille dat, ille rapit:

Et rursum.

-- Ingenij est experientis amor.

Denique,

Æacus in pænas ingeniosus erit,

Æa. ij

II.
*Delectatio
inuentioni
seruit.*

III.
*De ingenioso
amore sen-
tentia Pla-
tonis.*
*Τὸ αὐτὸ πλε-
κόντα μὴ
χρῆται. ὁ ἐρ-
ῶν οὐκ ἐπι-
διδύμει, ὡς
πρὸς μὴ.*

IV.
*Et Poëta-
rum, adeo-
que Pauli
Apostoli.*

Desiderium videlicet puniendi eum reddet solertem in excogitando, quibus hominem puniat modis. Sed mittamus istos, cū liceat vti Pauli
 2. Cor. 11. 16 Apostoli testimonio, qui scribens ad Corinthios ait se eos plus dilexisse, quā ab ipsis diligeretur, vt qui spiritalia eorum auget, & temporalibus parceret. Ipsi autem parum diligentes doctorem, & patrem suum, præbebant aures æmulis, dicentibus Paulum quidem nihil exigere à Corinthiis per se ipsum, sed callidè aliena vti opera, ad corradendas Corinthiorum pecunias. Quasi dicat, nunquid amor pecuniæ ingeniosum me fecit, vt callidè & occultè quærerem, quod palam recusabam? Num astutè misi ad vos Titum, aut alium aliquem, vt eius opera vos circumuenirem?

CAPVT III.

Generali experientia ostenditur Amorem solertem, atque ingeniosum esse.

I.
Amoris solertiam latissimè patere.

IA M verò experientia ipsa, rerumque vsus Amoris subtilitatem tam perspicuè, tamque vniuersè docet, nulla vt pene res sit, si quis attendat, quæ illius argumenta non suggerat. Amor quippe tam latè patet vt omnes humanas moderetur actiones, omnes animi commotiones excitet, dirigat, sedet. Denique non angustioribus finibus circumscribitur quā bonum ipsum, quod amplectitur omnia quæ sunt; bonitas autem amoris & causa est, & obiectum. Coniciamus oculos in omnia, quæ rationem boni aliquo modo participant, animi bona, corporis & fortunæ, vtique intelligemus amorem, & desiderium eorum obtinendorum, conseruandorum, vel augendorum mirabilia inuenta peperisse hæcenus, & parere quotidie toto orbe terrarum: neque esse vsquam nationem suo cælo tam immanem, & barbaram, in qua non existant aliqua ingenij monimenta, quorum princeps ac primarius artifex est Amor.

II.
Id in mathematicis inuentis ostenditur.

Id in scientiis, mathematicis præsertim disciplinis, apertissimum est, Studium cognoscendi cæli, astrorumque quibus illi orbes illuminantur, & vicissim terras & maria, cunctasq; æris regiones illuminant, hoc, in quā, Studium quot iam olim sphæras excogitauit, glebos, astrolabia, & baculos, quos Iacobi vocant? quot quāque multiplicia genera horologiorum Solis, Lunæ, stellarum: quot tabulas cosmographicas, chorographicas, hydrographicas, nouas quotidie figurat, atque delineat? Magno Dei & ætatis ingrauescentis beneficio, inuenta sunt pridem conspicienda, quibus oculariæ infirmitati succurreretur; nunc astrorum distinctius visendorum amor tubulatâ conspicienda fabricatus

est, quibus & stellæ videntur & planetæ, qui hæcenus aciem fugerant oculorum. Maculas Lunæ vident omnes, at non desunt, qui in Sole quoque maculas ingeniosè obseruent, & mirabiles illarum motus.

Vident omnes illustrem cœli faciem, & astra magnitudine, luce, colore, efficacitate diuersa, sed quis eorum numerum initi posse credidisset, Deo præsertim dicente Abrahamo, *Suspice cœlum, & numera stellas, si potes.* Inuenti sunt nihilominus, qui vitandæ confusionis causa, in certas partes cœlum omne distinguerent, ex astris signa octo & quadraginta conflarent, & singula nominibus idoneis appellarent: diuinitatis etiam æmuli numerarent multitudinem stellarum, plurimâsque earum certis nominibus insignirent. Cœlestium orbium numerum, multiplicésque eorum tam proprios & natiuos, quàm aduentitios motus obseruauit antiquitas, nunc cometeris in cœlum ipsum inuadentibus, parallaxes liquidos esse demonstrare contendunt, in iisque stellas ordinariis ac statis motibus, deducunt angelis perpetuo eieri. Quid de excentricis & concentricis orbibus dicam, aut epiciclis? de domibus & aspectibus astrorum, de zenit & nadir, auge & opposito augis, cæterisque inuentis, quibus cœlorum magnitudines, situs, distantia, numerus; astrorum ortus, occasus, congressiones, occursum, defectiones, regressiones, elationes & deiectiones traduntur, quæ sciendi amor scrutatus est, excogitauit, atque in lucem protulit, vsumque doctorum.

Non promptum est oratione consequi, quàm multis inuentis contemplatrix musica, quàm multis instrumentis, quæ ad praxim, vsumque descendit, locupletata est. Nam in tam multa distinctione vocum, ac sonorum, quàm multos eorum gradus & coniugationes, amor inuenit? quàm multa, quàm artificiosa, quàmque varia instrumenta excogitauit, quibus demulceret auditum? aliqua sunt quæ concentum edunt contrectatione digitorum, vt lyra, vt cithara, vt testudo, vt barbiton, & quæcunque fidibus neruisque constant; alia pinnas habent tactiles, vt organa pneumatica & epitonica; alia concinnum quatiendo strepitum edunt, vt cymbala, vt tympana; alia oris inflatu resonant, vt tubarum multa genera, quæ materia formæque sæpe discrepant, vt fistulæ, tibiæ, syringæ, vires symphoniaci, aliæque sexcenta, idonea auribus lingua digitoque recreandis.

Tantundem fere de cæteris scientiis dici potest Arithmetica, Geographia, Optica, Logica & Morali, Physica & Metaphysica, in quibus ingeniosus amor sexcenta arcana patefecit, quotidieque vel antiqua inuenta explorat, roborat, perficitque, vel noua eruit è tenebris, & educit in lucem. Quàm multa sunt secreta lucis & opticorum? quàm multa miracula naturæ, igne rectè temperato, perpetrantur? quæ metallo- rum, omniumque fossilium metallis cognatorum concreciones, discre- tiones, metamorphoses? Mirabilis fuit inuentio infinitam sonorum & vocum articulatarum syluam, tam paucis constringere literarum ele- mentis, easque figuris, nominibusque dissimillimis apud diuersas gentes,

III.

In primisq;
in Astrolo-
gia.
Gen. 15. 9.

IV.

Et musica,
etque va-
riis instru-
mentis.

V.

Et aliis con-
ferit in-
uentis.

rationesque distinguere, ex quo vnica & natua mundi lingua, in duas & septuaginta propagata est. Adiecit deinde humana solertia artem typographicam, quam à rudibus initiis, vt assolet, ad summam perfectionem adduxit, & ita codices multiplicauit, vix vt possint, vt olim, iniuria temporum deperire.

VI.
*Rursum in
medicina.*

*Ingeniosa
voluptas
corporis.*

Iam verò quod ad corporis commoda spectat, valetudinis & incolu-
mitatis Amor, medicinæ inuentor fuit. Eius enim obseruatione, & ex-
perimentis cognita est vis & natura simplicium, & singula idoneis no-
minibus sunt definita. Eorum figuras infinita varietate distinctas, colo-
res, odores, sapores, virésque mirabiles Amor idem studiosè notauit, &
in communem mortalium vsum deduxit. Idem fabricatus est cucumel-
las distillarias, quibus herbarum, florum, aliarumque rerum succos
subiectis ignibus expressit. Quantam vtensilium supellectilem chirurgi,
quantam deploratorum morborum medici reppererunt morbis ordina-
riis, & extraordinariis curandis, minuendisque, ad ægros aut curandos,
aut subleuandos? Quid profanus voluptatis amor, quàm multas artes
fraudésque molitus est, quàm varias ingressus est vias, quàm inauditas excogitauit rationes, vt quod malè sequebatur; prius assequeretur; testes hi-
storiarum, fabularum, totaque theatra poetarum, quibus furta ista, & ex ipsis profusa
calamitates decantantur; qui eo elegantiores esse solent, quo sunt foediores.
Insani plane atque ingrati, vt qui vehementer laborant, vt præstanti
ingenio, diuina liberalitate concessio, abusi, plurimos secum in perniciem
trahant, vt cacodæmoni, & fœdæ voluptati seruiant, Tartarum infelici-
turba incolarum frequentent; vbi illæ ipsæ furia, quas carmine celebra-
runt, nouis in eorum pœnam cruciatibus excogitandis, ingeniosæ fient.

VII.
*Gula item,
ac necessitas.
Mat. 1. 13.
Perf.*

*4. Reg. 6. 25
28.
Claud. 1. 3.
de Rap.*

VIII.
*Gula curio-
sis.*

Affines sunt istis ingeniosæ gulæ deliciae; nam poeta quidam ingenio-
sam appellat gulam, alius ventrem artis magistrum, ingenique largi-
torem, quales videlicet erant illi parasitæ, vmbra conuiuiorum, cupedia-
rum mancipia, culinarum affecta, ventres obesi; qui amantes ignauia,
fucorum instar, aliorum laboribus inhiant; blandi adulatorum, qui po-
tentes laxius prædicant, ingenium, opes, formam, gratiam, nobilitatem
extollunt; amici, necessarij, affines etiam repente fiunt, vt beatos illos
comitentur ad mensam. Ipsa quoque cibi necessitas docuit omnia in
cibum vertere, vsque ad stercorea columbarum; & materni stomachi
rabiam filiorum carnibus exsaturare, quod Scriptura ipsa testatur.

----- rerumque remotas

Ingeniosa vias paulatim explorat egestas,

Vtique artes pariat solertia, nutriet usus. ait poeta quidam.

Quæ si excusat necessitas, quæ nulli se legi obnoxiam putat, insa-
na certè gula, quæ gemmas didicit, aurum, succinumque deuorare,
quæ pisces in carnes, & rursus carnes in pisces, assando elixandoque
vertit, quæ tot embammata & condimenta, tot salsama, & aroma-
tites intinctus excogitauit, excusationem non habet. Quis enim excu-

set non solum pretiosa vina, & multipliciter conditas potiones, sed quod commenta est ingeniosa sitis apud poetam,

Non potare niuem, sed aquam potare rigentem

Mart. l. 14.

De niue, commenta ingeniosa sitis.

Quin & niuem commenta est, & glaciem, diebus quamuis æstuosis, seruare incolumem, & stomachum blandiendo palato corrumpere. Quæ omnia satis superque probant, cum natura paucis contenta sit, gulam & tubilem deliciarum famem ingeniosam esse, atque luxuriosi cultus, victusque inuentricem.

Quid libertatis amor, & odium seruitutis, nonne mirabiles & omnibus retro seculis inauditas procudit artes? Quas fraudes intactas reliquere carceribus detenti fontes, alique captiui, ut se in libertatem quoquo modo vindicarent? Hic amor igniarum machinationis cuniculos, inuadendis arcibus, aut subruendis aggeribus molitur; idemque præparatos aduersis cuniculis, diffilat, atque irritos facit. Idem arces erigit evertitque: idem, ut scire inuentum est à poetis, Dædalo affixit alas, & volucris instar librauit in ærem, mare transuexit, reddidit incolumem terris, inuento non minus audaci, atque mirabili, quam volatus columbarum lignæ Archimedææ. Idem pecori substratum Vlysses eduxit ex cauerna immanis Polyphemi: idem custodem Argum centenis circumspicentem oculis fefellit, & turres, totidem seris clauibusque clausas, referauit. Quæ licet à poetis decantata, minus tamen absurda videbuntur cogitantibus artes, quibus bestiarum ipsæ venatores eludunt, vel ne capiantur, vel ut captæ amissam recuperent libertatem. Scimus inclusam in horto vulpem, sed præaltis cincto muris, in quos cum illa saltu inuadere non posset, obseruauit famulum ad murum inclinatum, in cuius humeros cum vulpes insilisset, facile ei fuit reliquam altitudinem repetito saltu superare, atque effugere. De brutorum industria multa suggeret Plutarchus, quæ missa facimus, ut certiora è sacris literis exempla deprompta tangamus.

Samson in vrbe Gaza clausus, obsessusque à Philisthæis, media nocte confurgens, apprehendit ambas portæ fores, cum postibus suis & sera, impositasque humeris suis portauit ad verticem montis, suamque secum abstulit libertatem. Dauid cum nihil propius esset, quam ut à Saülis satellitio caperetur, per fenestram ab vxore demissus euasit, eademque, ut coniugi fugæ tempus diuturnius daret, quasi ægrotantis simulacrum in lecto composuit, eoque regem, lictoresque delusit. Dauid rursus cum à rege Philisthæorum captiuitatem timeret aut mortem, stulticiam sapienter simulauit, seque restituit libertati. Samuel, in gratiam eisdem Dauidis, qui tantum non capiebatur à Saule, regis satellites vertit in prophetas, ipsumque regem veste posita, diem totum noctemque cantantem detinuit, dum Dauid liber euasit. Denique Paulus Apostolus fateretur, demissum se in sporta per murum Damasci,

IX.

*Ingeniosus
libertatis amor.*

X.

*In Samson
& Dauid.*
Iud. 16.3.

1. Reg. 19.

12. 11.

1. Reg. 21

13.

1. Reg. 19.

20.

2. Cor. II. 33 Aretæ regis diligentiam irritam reddidisse, sicut olim Rahab Hiericun-
Iosue 2. 15. tini regis, elusit curas, Iosue exploratoribus eadem arte dimissis.

XI.
*Amor bono-
vis stratage-
matum in-
venitur.*

In Pil.

Venio ad ambitionem, victoriæ & triumphî cupiditatem, amorem denique laudis & gloriæ, qui cum alios passim insignes viros, tum Imperatores Romanos ita occupavit, ut quamvis aperta vi magis, quam ingeniosis inventis certare solerent, L. tamen Crassus, teste M. Tullio, homo sapientissimus Romanæ civitatis, spiculis prope scrutatus est Alpes, ut ubi hostis non erat, ibi triumphî causam aliquam quæreretur; alii-que passim stratagematis gradum sibi ad victoriâ fecerunt. Plenæ sunt hisce de rebus historiæ, pleni annales Græci ac Latini congesti: leguntur de hoc vno argumento libri, sicut & de machinis prioris ac posterioris ævi, tam defendendi, quam offendendi causa excogitatis, tam quæ pacis quam quæ belli artibus deferuissent, & essent idonea perdendorum hominum, & exterminandi humani generis instrumenta. Docuit hic amor domare tigres, sub iugum leones misit & elephantos; turres, & insanas substructionum moles eduxit in cælum, perforavit rupes, montes æquavit solo, valles ad excelsa nubium excitavit, maria immisit in terras, & terras pelago cinxit, mare classibus operuit, & castris sola terrarum; navigia terra transuexit, & Asiam Europæ ponte iunxit. Hic denique amor est, qui decantata illa mundi miracula fabricatus est, quæ ingeniosa naturæ miracula Plinius appellavit.

XII.
*Siculus & di-
vitiarum
amor.*

Restat divitiarum amor, subtilis & ipse, atque ingeniosus, si quisquam alius. Ipse est cui neque solertia, neque animus defuit, ad transcendendos montes inaccessos, perpetuis niuib, frigori-que damnatos, ut inde glaciem in crystallâ duratam erueret, non defuit ad fossas cunicul-que ad inferos usque deducendos, ut ibi auri argenti-que fodinas scrutaretur. (*Quasque recondiderat, ait poëta, de autore naturæ, sygysque admonerat umbris.*)

Effodiuntur opes, irritamenta malorum.)

Non defuit ad terram metallicæ concretionis excoquendam, purgandam, & in massas, in vasa, in pecuniarum usum, aliisque innumerabiles transformandam. Non defuit ad aquam in salem tam igne quam sole desandam: ad vitrum coctile opacum, translucentum, ductile, coloratum, ad vitrum hæmatinum, murrhinum, hyacinthinum, saphirinum, smaragdinum, aliòve colore inficiendum. Quin & desudat in arte metallicæ confaturæ, ad aurum argentumque ex cæteris metallis excernendum.

XIII.
*Alia eiusdem
invenitur.*

Hic ipse amor est, qui mensas argentariorum & trapezitarum exco- gitavit, & collybo curare pecuniâ: qui vectigalia & tributa multipli- cia, qui vnionum, ac margaritarum, & coralij piscatum docuit, & abstrusa sedilia lapidum pretiosorum. Hic est qui innumerabiles navigiorum formas fabricatus est, quibus maria omnia priscis intentata seculis, non secus ac continentem, milites mercatorésque percurrerent; ex quibus isti preciosas merces huc transportarent, illi arces urbésque obsiderent,

murali-

mutualibusque tormentis, non secus atque in terra, quassarent, diffingerent, expugnarent. Hic denique est qui feliciter decurso omnem in partem oceano, non solum ignotas olim magno numero insulas explorauit ac rexit, sed tribus mundi partibus adiecit duas, alteram ad occidentem, ad meridiem sub inuiso polo alteram, quibus inferior hic mundus duplo pene factus est maior. Sed de ingenioso amore profano hactenus; nunc de diuino, hunc alterum Charitatis filium, iam dudum ad dicendum paratum, si placet, audiamus.

CAPVT IV.

Diuino amore reddi homines ingeniosos, & solertes.

QUAE cum dixissemus, Ingeniosus Dei amor sic orsus est dicere. Cum profanus amor homines tam subtiles reddiderit ac solertes, ut explicatum est hactenus: & rationes patefecerit & vias, quibus illi compotes fierent desideriorum suorum, dubitare non possumus, quin Dei amor sit ingeniosus inuentor eorum quae ad Dei gloriam, & salutem animarum promouendam valent. Verum quidem est inordinatum amorem sui, qui profani amoris parens est, & acuit illius ingenium, domesticum homini esse ac natium, cum eo viuere; neque illum, nisi animam exhalantem deferere; diuinum autem peregrinum hic esse, atque hospitem, caelo delapsum apud homines adhuc infantes, dum baptisantur, rei totius ignaros tabernaculum collocasse, ex eaque domo non raro coactum excedere, itum crebro ab eo reditumque, partim amicis eum beneuolè inuitantibus, partim peccatoribus eum stultè aut malitiosè domo extrudentibus. Itaque minus videtur apud homines roboris habere, vel gratiae, ut eos ingeniosos reddat ac perspicaces, quod facere solet ille natiuus.

Nihilominus naturae autor, Aeterna, inquam, Sapientia, quae infinitis partibus meliore conditione est quam natura, seque hominibus tanta facilitate communicauit, ut germanus eorum fieret, illa inquam Sapientia eos reddit ingeniosos, ubi eos igne diuini amoris illustrarit, quamuis alioqui essent aut natura stupidi, aut à literis imparati. Qui autem vel naturae vel doctrinae praesidiis sunt instructi, hac amoris face illustrati, multo etiam cernunt acutius, caelestia praesertim ac diuina, ne qua offendant, imo ut in mediis humanae ignorantiae tenebris, mysteria diuinæ sapientiae non temere perscrutentur. Nam Magnus Antonius, teste S. Athanasio; etsi vni duntaxat diuinorum operum libro operam dederat, plerisque tamen philosophos, superbiam quam scientiae pleniores, ignorantiae conuictos, & pudore suffusos à se di-

I.
*Quid dubium
facere vi-
deatur cha-
ritatis soler-
tiam.*

II.
*Diuina Sa-
pientia sup-
plet natura
defectum.*

III.
Varia diuini amoris inuenta.
 1. Cor. 8. 8.

Psal. 18. 10.

mittebat, qui Antonium eiusque simplicitatem ludos facturi venerant. Certè Apostolus ingenium charitatis Corinthiorum adhuc Neophytorum comprobat; in eleemosynis largiendis: & meritò. Huic enim tribuenda est antiqua pulchritudo templorum, & ornamentorum magnificentia, quæ ingeniosa maiorum nostrorum pietas & amor sapienter ab idolorum superstitione, ad veri Dei cultum, à vanitate ad veritatem traduxit, in diésque traducit. Hic idem diuinus amor tot religiosos ordines inuenit, atque inuexit in mundum, aut è mundo potiùs eduxit in solitudinem, omnémque eorum diuersitatem sapienter excogitauit, vt procederet Ecclesia Dei, non solùm in vestitu deaurato charitatis, sed circumdata etiam varietate. Ille idem varias Deo perfectius famulandi, animasque iuuandi vias peperit, funem pannumque crassiorum, ieiunium & abstinentiam, legumina & radices, aquam & secundarium panem, diuerbationem & cilicia, cæteraque arma domandis cupiditatibus, & in legitimæ obedientiæ rationisque gyrum deducendis, accommodata.

IV.
Quid acuat hunc amorem.

Videl. 3. videt. c. 15.
 Matth. 9.
 10. 11.

V.
Amor diuinus non minus solers quàm necessitas.

Iudith 10.

Idem iusto pudere animas afficit religiosas, cogitantes tam solertem esse amorem sui, tamque industrium excogitandis viis, quibus quod semel suscepit aliquando perficiat. Amorem autem diuinum tanto nobiliorem atque potentiorum, imo quendam diuinæ sapientiæ radium, bardum quodammodo in ipsis esse, ac stupidum excogitandis idoneis rationibus promouendæ pietatis, & difficultatibus molliendis, quæ gloriam diuinæ maiestatis impediunt. Diuinus amor ingeniosus est; si ergo Deum diligimus, nos quoque quamuis ingenij fortassis ac literarum expertes, par est esse ingeniosos; & istius amoris vim, industriamque mutuatos, sapienter meditari, atque excogitare vias, quibus Dilecti nostri amor & gloria in nobis, proximisque nostris augeatur. Hic amor aditum nobis aperiet peccatoribus, quamuis peruitacibus, & à nostris moribus admodum alienis, humanitate quadam, & comitate mitigandis, nobisque conciliandis ac demerendis; qua industria nihil habebat antiquius magnus ille Xauerus, illius exemplum imitatus, qui cum publicanis, & peccatoribus cibum sumere ad potum non recusabat.

Quod autem ad peccatorum infirmitatem attinet, ille idem amor excogitabit in dies, quæ valeant ad subigendos erumpentes animi motus, & centies quotidie opprimendos, quæ erunt totidem rosæ, ac violæ gratissimi odoris Deo, eiusque curiæ vniuersæ. Neque enim is minus habilis est ad excogitandum quàm necessitas, cui artium inuentio tribuitur. Quin potiùs nihil habet ingenij necessitas, nisi quantum illi largitur amor. Hæc enim necessitas nihil est aliud quàm timor imminētis mali, vt famis, vt dedecoris, vt mortis; sed is metus ex contrariorum bonorum amore pondet, eoque sublato euanescit timor, & necessitas inconsulta iacet. Bethuliensum necessitas nequaquam reddidisset ingeniosam Iuditham, nisi Dei amor, & periclitantis patriæ ipsius indu-

striam suscitasset, quòd si quis illum amorem sustulisset, nullam vim erat habitura necessitas. Cur enim viros bonos nihil tangit Turcarum necessitas aut hæreticorum, sed delectat potius, angit autem eos amicorum periculum: nisi quia istos diligunt, illos humiles cupiunt atque afflictos. Amor itaque omnium inuentor est artium; diuinus autem, earum quæ referuntur ad Deum, quas illi facilius excogitant, atque exercent, qui maiores fecerunt in Dei amore progressus.

Non est autem discrimen exiguum inter diuini & profani amoris inuenta ac stratagemata; illa enim cælum intuentur, illum habent curricula finem, ad quem aliquando pertingunt. Ista vanitatem respiciunt, ad eamque collineantes eruditi homines atque elati *evanescent in cogitationibus suis*, vt illis exprobrat Apostolus, & *obscuratur insipiens cor eorum*: nimirum superbiæ fumus ingenij claritatem obscurauit, & quasi soli nubem obduxit. Atque vtinam hoc vnum illis malum contigisset, nec simul immortales cruciatus incurrissent. Quid factum est illis, qui solaribus radiis longè positas in mari naues incendebant? qui omnes planetarum motus globo vitreo includebant, qui signa lapidea, ad primum solis radium, vocalia reddebant? qui hominibus & columbis ligneis volatum tribuebant? qui funambulos exhibebant elephantos? qui imitabantur in aëre *nimbos, & non imitabile fulmen*.

Quid mercedis à Deo acceperunt, qui tantis laboribus, atque impendiis, animi gratia fecerunt montes peruios, hortos pensiles construxerunt, theatra mobilia vnico singula nixa cardini composuerunt, quibus populus Romanus vniuersus libratus in aëre circumferretur: qui terram cælum versus pluere docuerunt, & aquas edere tonitrua, non secus ac nubes, sphaeras perpetuo motu circumagere, pneumaticum organum, cuiusque concentum imitari, aliâque id genus opera inutilis atque inconsultæ magnificentiae? Deus non conduxit istos operarios, non est quod vllam ab eo mercedem expectent, *perijt memoria eorum cum sonitu*, aut si qua superest, illic quoque illud occinitur, *laudaris vbi non es, cruciaris vbi es*. O quam inania inuenta mortalium, quam irritæ artes, quas profanus amor edit in lucem, & contra quam vtilis, quæ diuini amoris inflatu susceptæ, æternæ vitæ mercede munerantur. Sapiunt vtique qui crebro à seipsis percontantur, an quod agunt ad Deum referant, illiusque amore & gloria incitentur.

VI
Discrimen
inter inuen-
ta amoris.

Rom. I. 21.

En. 6.

VII.
Diuini &
profani.
Plin. I. 36.
11.

CAPVT V.

Diuini amoris ingeniosi ac solertis varia auita memoria exempla.

I. *Solertia diuini amoris*
Amphilochij
Episcopi.
Theod. l. 5.
c. 6.
Nicep. l. 12.
c. 9.
Sozom. l. 7.
c. 6.
Baro. a. 383.
n. 31.

PLACET etiam experientia ipsa docere, & præclaris sanctorum exemplis, diuinum amorem ingenio valere atque solertia. Legimus in historia Ecclesiastica Amphilochium Episcopum Iconij libellum supplicem Theodosio imperatori obtulisse, vt is vellet iuberetque Arianos à conuentibus, consilijsque celebrandis abstinere. Quod cum à religiosissimo Imperatore, iustis vtique de causis, non impetrasset, elegantem rationem excogitauit expediendi negotij sui. Cum enim paulò post Imperator Arcadium filium suum consortem imperij constituisset, adit Episcopus Imperatorem, qui tum in aula palatij cum filio suo conserat, eumque perquam honorificè salutat, Arcadium autem ne respicit quidem, sed præterit insalutatum: cumque eum moneret Imperator, vt filiū quoque suum honore debito prosequeretur, satis est, inquit Præsul, vt debitum tibi honorem impertiam. Cumque ob huiusmodi contemptum grauer stomachantem vidisset Imperatorem. Mihi, inquit, irasceris Imperator, & filij tui contemptum in te redundare censes. Existima quoque cælo imperantem Deum grauer indignari aduersus eos, qui filium suum contemnunt, & contumeliis afficiunt, quæ est impietas Arianorum. Quæ cum probè intellexisset Imperator, Episcopum voti compotem fecit.

II. *Euphrasia*
virginis Nicomediensis.
L. 7. c. 13.

Scribit Nicephorus Euphrasiam virginem Nicomediensem ob fidei constantiam militi permissam, qui pudori eius illuderet; cum subito virgo facinus excogitat, quo & virginitatem suam in tuto ponat & fidem. Militi enim persuasit se vnguenti cuiusdam confectionem didicisse, quo membrū corporis illitum ferro impenetrabile fieret. Id se illum docturā spondet, si modò is virginis integritati parceret. Et vt certò, inquit, tibi de vnguenti efficacitate constet, placet vt in me ipsa experimentum capias. Cum annuisset miles, eoque se crederet immortalem fore, Euphrasia ceram sumit in manibus, quam tractado subigit emollitque, eaq; mox oleo macerata collum suum huiusmodi vnguento linit vndiq; studiosè: & simul, Eia, inquit, bellator, ferrū totis viribus adige in collū meum. Quod cum ille fecisset, abscidit primo ictu virgini caput, eiusque puritatem ac fidem seruauit intactam, & illa vtriusque inimicos sapienter irrisit. Ecquod vnquam inuentum gloriosius profanus amor excogitauit?

III. *Religiosi, qui*
sibi linguam
mordicus
abscidit.
Ibid.

Recitat idem scriptor exemplum castissimi fortissimique religiosi, qui cum magnam iam tormentorum molem ab infidelibus tolerando superasset, occurrit profanis illis digna eorum nequitia, atque impietate cogitatio. Cum enim sanctissimi athletæ corpus mollibus quidem vinculis, firmiter tamen colligassent, scortum impudens immittunt, quod

attrectatione venerea martyrem labefactaret, rati si pudorem expugnassent, facile se constantiam fidei prostraturos. Hic iuuenis cum difficillimo certamine intus forisque quateretur, durum quidem ac violentum, sed scilicet stratagemata excogitat. Mordicus enim sibi linguam abscondit, & in lupæ illius faciem despuit: quo facto & doloris acerbitate ignem extinxit, qui eo inuito accendebatur, & horrore nouitatis tam mulierem, quam sacrilegos illos pudore perfudit; qui desperata victoria, truncato capite, tanto præstantiore corona martyrem ornarunt, quanto pro ea periculosius ab illo depugnatum fuerat, & ingeniosius debellatum.

Antiochena quædam virgo, cuius virtutem S. Ambrosius immortalitati consecrauit, cum idolis diuinum cultum constanter negaret, iuliam est in lupanar abduci temeranda. Cum ecce tibi militem Christianum, qui animaduersa iniuria, quæ Deo, in virgine ipsi consecrata, imminerebat, diuino amore incallescens, rationem sapienter excogitat, qua illam à dedecore liberet, & se martyrij candidatum coronet. Ergo lustrum adit, tanquam nequitie appetens, & puellæ vestium commutationem persuadet, *Tua vestis*, inquit, *me verum militem faciet, mea te virginem seruabit. Bene tu vestieris, ego melius exuar, ut me persecutor agnoscat. Sume habitum qui abscondat feminam, trade qui consecret martyrem. Quid multa, vestes mutant, virgo euadit, fraus retegitur, miles addicitur morti. Virgo superuenit, illi vitam, mortem sibi deberi contendit; uterque martyrio coronatur. Hæc pluribus S. ille doctor. Cui simile quoddam facinus narrat Nicephorus cuiusdam viri, qui & vestes dedidit & vitam, ut puellam ab improbi hominis potestate liberaret.*

Prouectus iam ætate Paphnucius iuuenile facinus ingenioso Dei amore instigante aggressus est, mirabiliterque perfecit. Cum enim cladem videret animarum, quam Thais quædam Dei populo afferebat, multos illius causa non solum fortunis euertere, sed vitas quoque, animasque pessundare, statuit dare operam, ut illa se ad frugem bonam reciperet. Sumpto itaque prophano habitu mulierem adit, domumque ingressus simulat peccandi voluntatem, sed locum requirit abstrusum, ac longè secretissimum. Ergo variis aditis exploratisque locis, deducitur in cubiculum, negabat illa quemquam mortaliū aut illum videre, aut facti consciū esse posse, præter Deum cui omnia pateant. Quid ergo, inquit, senex, nosti esse Deum, cui nota atque aperta sint omnia? Vtique, inquit illa, neque ignoro quæ de futura vita memorantur, quæ de felicitate Sanctorum, & peccatorum pœnis. Si ergo, inquit Sanctus, ista nosti mulier, qua fronte audes tot animas perdere, teque pro tuis, atque illorum sceleribus, reddere obnoxiam suppliciis sempiternis? Hæc vox instar sagittæ mulieris pectus tam altè peruasit, ut illa se statim ad Paphnucij pedes abiiceret, rigaret ora lacrymis, preces eius atque vultus peccatorum suorum pœnas flagitaret. Cum ergo illa se in peran-

IV.
Militis
Christiani
aduersus
virginem
Antiochenā.
l. 2. de Virg.
to. 4.

l. 7. c. 13.
Vide l. 8. de
vit. patr. c.
148. & 149.
V.
S. Paphnucij
aduersus
Thaisin.
In vit. patr.

gustam casulam abdidiſſet, modico pane quotidie, & aquæ potu contenta, triennium tranſegit, & mox religioſè deſuncta eſt.

VI.
*Abrahami
eremita erga
neprem.
Transforma-
tionum
inuenta Eu-
phroſyna.
Eugenia.*

Eodem artificio, parique ſucceſſu uſus eſt Abrahamus eremita aduerſus Mariam neprem ſuam, ut in vitis Patrum hiſtoria vtriuſque reſtatur. Hic ipſe eſt Dei amor ingenioſus, qui Euphroſynam virginem Alexandrinam in Smaragdum transformauit, qui ei comam in morem adoleſcentum totondit, qui religioſo habitu induit, qui eunuchum eſſe perſuaſit, qui octo & triginta annos in ſolitaria cella concluſit, qui perſeuerantiam felici morte terminatam coronauit. Idem ipſe amor Eugeniæ Philippi præſidis Alexandrini filiam, in Eugeniū mutauit, ut cum Proto & Hyacintho ſamulis ſuis, vitæ religioſæ habitum formamque ſuſciperet; idem improbiſſimis calumniis Melanthiæ appetitam, quales olim Joſephum innocentiffimum Patriarcham in crimen adduxerant, glorioſè liberauit, & iterum in Eugeniā reſtitutam, totamque eius familiam ſanctitate & martyrij gloria decorauit.

VII.
*Marina.
Ex vit.
patr. l. i. in
menol. 12.
Febr. Mar-
tyrol. 17.
Iulij.*

Addam etiam alterum eiufdem Solertiæ miraculum, ex eodem fonte peti- tum, & incredibilis conſtantiæ laude cumulatam. Marina Alexandrina virgo ſanctiſſima diſſimulato ſexu, Marini quoque nomen accepit inter religioſos, & calumniam paſſa, quaſi hoſpitis filiam in pandochio corrupiſſet, noluit crimen, ſecreti ſui manifeſtatione, reſellere. Itaque electa ex monaſterio ad eius fores mendicans quinquenniū perſeuerauit, tandemque, Abbate religioſorum precibus victo, in monaſterium ita recipitur, ut viliffimis quibuſque monaſterij officiis addicatur, quæ dum illa perſtudioſè exequitur, vitam breui clauſit extremam. Dum autem ad ſepulturam abluitur, ſexu agnito, ſimulque virginis innocentiffimæ patientia, glorioſè ſepelitur. Cum Dei permiſſu mulier, quæ falſum Marinæ crimen intenderat, à dæmone correpta, ſuūque crimen, & virginis innocentiam conſeſſa, poſt ſeptimum diem ad eius ſepulchrum liberata eſt.

VIII.
*S. Ioannis
Eleemoſy-
narij aduer-
ſus paupe-
rem, quem
ſinxit co-
gnatum.
Ex vita
Ioan. c. 33.
vide & So-
phr. in pia-
to Spir. c.
193. & 201.*

Nemo ſatis celebrare queat ingenium ſanctiſſimi Patriarchæ Ioannis cognomento eleemoſynarij, tam aduerſus Episcopum Troilum, quam iuuenem quendam perhoneſto loco natum, ſed quem paupertas vehementeſſe opprimebat, fortaiſſis & pudor, quod filius eſſet viri quondam opulenti, qui moriens, ex ipſius conſenſu, cuncta pauperibus largitus fuerat. Re intellecta Ioannes tabellionem accerſit, ab eo- que ſcribi iubet teſtimonium cognationis Patriarchæ cum patre illius iuuenis, idque antiquis inferi libellis: Deinde iuuenem ad ſe quaſi propria ſponte adduci. Quod cum factum eſſet, Patriarcha illum peramanter quaſi conſanguineum complexus, atque exoſculatus, hominem, ut Patriarchæ Alexandrini cognatum decebat, ditauit, & in opulentum matrimonium collocauit; titulo iuſtiticiæ & conſanguinitatis, miſericordiam in pauperem, & eximiam charitatem ingenioſè obtegens.

Nonnullam habet hilaritatem alterum Patriarchæ huius inuentum, in causa Episcopi Troili. Erat is aliquanto tenacior; cumque aliquando Patriarchæ pauperes visitanti adesset cum famulo, qui secū auri libras triginta deferbat, ea fere summa est trium millium aureorum, ut abacum argenti anaglyphi emeret, in usum mensæ suæ. Id cum innotuisset Patriarchæ, Troilum rogauit ut liberalitatem in Christi fratres exerceret. Episcopus non ausus quidquam negare Patriarchæ, omnem illam pecuniam in usum pauperum distribui iussit. Sed eum mox huius largitionis ita pœnituit, ut morbum ex animi dolore contraheret: quod cum ex ingenio Troili Ioannis ingeniosa Charitas facili coniecisset, facili quoque morbi medicinam inuenit. Hominem adit, & simul, sermone credidisti Domine Troile voluntate mea distributam esse pauperibus pecuniam illam tuam? Ludus is fuit, aut mutuum potius, quod tum pecuniam non haberem in promptu. Itaque eam tibi nunc integram, cum gratiarum actione restituo. Et ecce statim cum tristitia, febris abscedit sanitas redintegrascit, non alio pharmaco, ab eo quod ingeniosus medici huius amor inuenerat.

IX.
Et aduersus
Troilum E-
piscopum

Addam & tertium Ioannis inuentum, sed planè nobile, quod tota Alexandria meritissimè admirata est. Georgius quidam Patriarchæ nepos, cum tabernario quopiam, qui aliqua Ecclesiæ loca pretio conduxerat, rixatus, ab eo publicè acerbis affectus est contumeliis. Eam iniuriam non ferens adolescens, adit expostulaturus auunculum, sed cum præ dolore animi, lacrymisque loqui non posset, qui tum adfuerant, acceptam à nepote iniuriam exposuerunt. Tum Patriarcha irato similis, & præsentis ægritudini congruam adhibens medicinam. Ergone quisquam ausus est, inquit, mutire aduersum te, fili mi? Ego iniuriam tuam ea ultione persequar, quam tota Alexandria demitteretur. Ea comminatione mitigatum, complexus ac deosculans, Fili mi, inquit, si reuera nepos meus es, paratum te esse oportet non solum ad verborum, sed verberum quoque asperitatem pro Christo perferendam. Vera enim cognatio, non ex sanguine, sed ex virtute æstimanda est. Moxque accessito procuratore suo iussit gratis remitti tabernario illi pretium omne locationis eius. Mirante vniuersa ciuitate, esse qui malefacta benefactis vlsceretur, tamque nouo inuento non formidosos, sed abiectos etiam & plebeios demereretur inimicos.

X.
Et nepotem
suum cuius
iniuriam
mirè vitare
est.
cap. 15.

Mansuetudo
Ioannis
Elemos.

Nouit orbis terrarum vniuersus facinus admirandum gloriosissimi Alexij, quem Ecclesia noua mundum arte deluisse testatur. Flagrabat ille amore virginitatis, cuius videbat sibi imminere iacturam irreparabilem. Christi paupertatem ambiebat, & se in opulentas coniectum nuptias cernēbat, gemitūque. Labores pro Christo, defatigationes, & peregrinationum molestias ferre cupiebat, & se mulieris immortalis vinculo iam alligandum sentiebat, ut vitam otiosam

XI.
Alexij amor
in Christum.

atque inertem, in deliciis Romanis traduceret. Aspirabat ad probra, contumelias, iniuriasque Seruatoris sui, & nemo illi dabat. Contra potius eum domi forisque in oculis ferebant vniuersi, & honore prosequabantur, pro dignitate, quam in principe imperij Romani ciuitate obtinebat.

XII.
*Eiusdemque
solertia.*

Itaque inopinata fuga viam sibi patefecit, ad perpetuam corporis animique puritatem, ad fruendam sibi dilectam paupertatem; ad experiendas, periclitandasque diurnas peregrinorum, nocturnasque molestias. Ergo patria domo nocturnus elabitur, & vili peregrini tunica circumtectus vela facit. Edessam versus; ibi orat, ieiunat, mendicat, & iuuenilem vigorem corporis afflictatione domat. Sed quid facies, ô nobilissime Christi athleta, quid facies, quando hæc fuga impar est explendis desideriis tuis. Aliquid enim non leue, sed planè palmarium defuturum est votis tuis. Viden' vt honor te strenue fugientem, incitato cursu consequitur? videturque cælum ipsum in istam animi demissionem coniurasse. Mutæ imagines vocales fiunt, & quàm studiosè tegis retegunt sanctitatem. Ego, inquit, iteratam inibo fugam, at magnus est mundus ad homuncionem vnum abscondendum. Ergo in Tarsum Ciliciæ vela facit, sed eum Romæ tempestas aduersa restituit, vt ibi præter omnium opinionem, annuente Domino, optatis probis contumeliisque potiretur.

XIII.
*Aliud rursum
eius inuentum.*

*Alexij in
paterna do-
mo patientia.*

Suggerit illi Ingeniosus amor facinus audax, ac planè insolens, vt precario in paterna domo pauperis more modòque versetur. Id cum ab Euphemiano parente ignotus obtinuisset, ligneas inuenit scalas, sub quibus modico in stramine iaceret, oraret, dormiret, cibum sumeret ipsos decem & septem annos. Ibi mitissimus Alexius à suis ipse famulis indignissimè tractatur. Hic illi probra ingerit, ille colaphos infringit, hic eum pedibus pulsat, ille pugnis: hic inspergit sputis faciem, ille iure aut lotio caput. Omnes patientiam hominis indolentiam, aut contemptum interpretari, illudere certatim insonti, atque insultare, cacodæmonis inuidia virtutem eius, quam perditam cupiebat, exercentē, atque augente, & Alexio triumphante gaudio, quòd inuenisset artem proximè Dominum suum imitandi, qui moriens cruciatibus atque opprobriis saturatus est.

XIV.
*Cecilie ar-
tes in lu-
crando spon-
so, & leniro.*

S. Cecilia Romana virgo in paucis illustis, Valeriano pari nobilitate inueni desponsata fuerat à parentibus inuita, quòd maturius suam Christo Domino virginitatem consecrasset. Eius ergo conseruandæ viam tam feliciter excogitauit, vt eadem opera & posteriorem hunc sponsum priori lucraretur, & leuirum Tiburtium. Cum enim Valeriano dixisset habere se diuinitus Angelum custodem, ac vindicem virginitatis suæ, tanta incensus est cupiditate videndi Angeli, vt sponderet, si desiderij sui compos fieret, se quoque corporis integritatem seruaturum, & Christo nomen daturum. Illa conditione accepta baptismum imperat, eoque

que ab Urbano Pontifice suscepto, domum repetens Ceciliam orantem inuenit, iuxtaque illam Angelum miro splendore ac pulchritudine radiantem; Ergo voti compos, de germani salute sollicitus, illum accersit, simulque Ceciliam exorat, vt eadem lege Tiburtium Angeli spectatorem efficiat. Idque non solum factum, sed aliquanto post, interueniente martyrio, omnes faciem regis Angelorum, totiusque ipsius curæ iucundissimè conspexerunt.

Notum est, & magnorum virorum scriptis celebratū Paulini Episcopi Nolani facinus, qui ingenioso Christi amore suggerente, inuenit vnde filium viduæ redimeret, quamuis iam omnia sua in vsu pauperum erogasset. Sed alterum isti planè germanum narrauit aliquando eleemosynarius Patriarcha, quod operæ pretium sit in hunc inferre sermonem. Petrus quidam telonarius, de quo nobis iterum sermo alia occasione recurret, cum nauæ cuidam naufrago propriam largitus esset interulam eleemosynæ nomine, eamque sibi ab ipso Christo repræsentatam vidisset, audissetque sibi gratulantem, & gratias agentem, ita pauperum amore, & cupiditate paupertatis exarsit, vt seruum ipse suum pretio metūque adigeret ad vendendum herum suum, & venditi pretiū pauperibus erogandum. Paruit ille, & herus domini sui factus, eum famulari amictu vestitum duxit Ierolimam, & fabro argentario amico suo triginta nummis vendidit, & pauperibus, vti conuenerat, cum fide distribuit.

At Petrus argentario hero, quamuis sordido ac vili ministerio, alacriter famulabatur, & rem domini mirifice promouebat; nec minus interea à consensu & stultus audiebat, & indignis accipiebatur modis; tanta constantia, vt etiam oblatam respiceret libertatem. Apparebat quippe illi Dominus interula illa indutus, & pretium venditionis eius ostentans manu. Denique diuinitus agnitus, dum laudes, applaususque fugit, surdo & muto à natiuitate, auditum impertitus est, & quam nunquam didicerat locutionem. Voluntaria ergo seruitus insignium virorum, Ingeniosi amoris inuentum est; sicut & opinio amentis vltro suscepta: qualem Simeon ille simulauit, cui Salus cognomen fuit, qui miraculorum gratiam, admirandasque virtutes stultitiæ simulatione contexit.

Iamdudum nos magnus Athanasius ad se vocat, quē ingeniosus etiam amor erudiit, & crebro nefariis Arianorum manibus eripuit, eo maxime tempore, quo illi in nauibus aduersis sibi frontibus necopinanter occurrerunt. Cum enim illi ab ignoto Athanasio quærerent, num quo loco Athanasium vidisset, affirmavit ac paululum abesse dixit, tum illi accelerato cursu prædam, quam habebant in manibus, improvidi amiserunt. Ille idem amor eosdem Arianos intolerabili pudore turbauit, ac perculit, tam in calumnia de Arsenij brachio abscisso reuincenda, eodem Arsenio cum utroque brachio in iudicium adducto,

XV.
*Inuentum
Paulini, &
Petrus Telo-
narij.
In vita Iosã.
c. 21.*

XVI.
*Eorumque
voluntaria
seruitus.*

XVII.
*Ingeniosus
amor S. A-
thanasij.*

quàm illa altera impudentis mulierculæ, quæ se vim passâ ab Athanasio mentiebatur; in omnium quippe oculis manifestò probauit, illi neque visum vnquam Athanasium neque cognitum, quando Athanasio suppositum Archidiaconum pro Athanasio sumeret, in illum inueheretur, & ultionem, de non accepta iniuria, procaci stultitia postularet.

CAPVT VI.

Aliqua recentis memoriæ ingeniosi amoris exempla.

I.
*Ingeniosum
S. Ignatii
inuentum.*

ET si plenæ sunt Sanctorum virorum historiæ ingeniosis actionibus, quas excogitauit diuinus amor, illisque suggessit: neque propter recentem, crebròque renouatam memoriâ, ignotæ sint, aut obscuræ, visum tamen est pauculas delibare, propter suscepti argumenti rationem, vt diuinus amor omnibus ætatibus sibi similis esse intelligatur. S. Ignatius, quem nouissimis hisce temporibus Dominus suscitauit, ad multarum animarum salutem, cum animaduertetet Christianam Rempub. partim perditis plurimorum Christianorum moribus, partim multarum hæresum peste corruptam laborare vehementer, sapientissimo instituto teneriorem ætatem erudire aggressus est, & nondum malè occupatis mentibus, Christianæ doctrinæ principia, & mores sanctissimæ fidei congruentes instillare; ratus hanc vel primariam vel singularem esse viam restituendæ auitæ pietatis. Itaque per se suosque operam dedit, non solùm vt templorum pulpita doctorum vocibus sacram Catechesim tradentibus circumsonarent, sed vt vici ac plateæ ciuitatum, ipsique pagi puerorum, elementa diuinæ sapientiæ certatim recitantium, corribus; cum multa plebis frequentia, magno vtrorumque fructu, celebrarentur.

II.
*In inuentu-
tis institu-
tione.*

Sed cum prouideret Ignatius fore plerosque parentes, quos cura tam necessariæ liberorum suorum institutionis modicè tangeret, vt qui à prima ætate neque probis ipsi moribus instituti, neque primis legis Christianæ mysteriis initiati fuissent: rectè quoque intelligeret quàm vera esset illa vox, quàmque iusta querela Senecæ, *Bona mens non venditur, & si esset venalis, puto non inueniret emptorem.* Ea videlicet viro sanctissimo ac prudentissimo causa fuit, cur literas politiores, Philosophicas quoque ac Mathematicas disciplinas, & sacram Theologorum doctrinam, quæ sunt hominibus in pretio, iuuentuti tradenda susciperet, vt hoc hamo inescata, eadem opera illa principia disceret, quæ solitaria non didicisset, iisque degustatis cætera libentiùs, faciliùsque hauriret, probisque moribus sensim sine sensu informaretur. Id inuentum quàm feliciter illi cesserit, testatur Christianus orbis vniuersus. Quis autem hanc illi mentem dederit, præter ingeniosum Dei, & proximi amorem, nemo non videt.

Sancti autem Francisci Xauerij industriam, in deplorata ac propè deposita in Indiis Christianorum salute procuranda, nemo satis prædicare possit: vt se ille in eorum familiaritatem, quos curare statuerat, insinuabat, vt conuiuabat ad tempus, vt præ se ferebat alia se omnia cogitare, dum eorum animos mirabili suauitate possideret: tum demum enim ita omnem in partem versabat homines, ita præsentium & futurorum timore percellibat, tam syncerum prodebat salutis eorum desiderium, vt tandem aliquando, tam suauis atque industrio animorum medico; manus darent, malè parata restituerent, libidinum flammæ, sublati sibi mulierculis, restingui paterentur: adeò vt septenas vni mercatori concubinas paulatim eriperit, & honesto coniugio collocarit. Si quem ægrè diuelli à muliere, speciosa præsertim cernebat, eam vltro ipse laudabat, dignamque dicebat, quam ille sibi legitimo coniugio copularet. Ita plurimas id genus mulierum nuptias conciliauit: deformes autem, quibuscum spes non erat coalescere posse matrimonium, amica obiurgatione ita à fœda consuetudine absterrebat, vt ille quamprimum hoc nequitiz mancipium suas sibi res habere iuberet.

Ante annos aliquot, sæuiente iam dudum in nomen Christianū Imperatore Iaponico, res contigit non iniucunda, & quæ solertiam diuini amoris ostendit. Latebat Pater quidam è Societate Iesu apud Iaponium quendam Christianum, sed ita latebat, vt propter vehementem tussim qua quatiebatur, latere non posset; tantus enim erat tussientis, & pituitam emolientis sonitus, vt totis ædibus, totaque vicinia resonaret. Veritus hospes ne tam extraordinaria tussis in fidem suam receptum hospitum proderet, est enim admodum infrequens in Iapone tussis, hunc fabricatus est dolum. Famulum accersit, monetque vt studiosè addiscat tussire, atque expuere more modòque Patris illius; rem si rectè imitari potuerit, idonea mercede non cariturum. Biduum ille in co studio ponit, non sine fructu. Tum demum abducto longius Patre, iubet famulum in domus angulo tussim insigniter exercere, dum vicini, quos ad prandium inuitarat, cibum sumerent. Ille dicto audiens accurato ac sonoro motu viscera concutit, expuit, guttur radit, & stomachum, tanta vi, vt videretur pituitam velle sursum ex imis pedibus extrahere. Conuiuæ tantum demirari strepitum, circumspicere, rogare quid rei sit. Audiunt famulum ægrotare; illi quam primum inuisere, miserari, remedia certatim suggerere; ille contra partim despuere, partim obtecta facie ridere commentum. Conuiuæ denique abeunt, & nouum famuli morbum vulgant. Redit Pater ad solita pietatis exercitia, gratiasque agit ingenioso hospiti, quòd eius opera factum esset, tutò vt ipsi tussire sciret.

Erat in iisdem locis puella infans, quam morti proximam mater infidelis baptizari non sinebat. Pater qui aderat obseruata in moribundæ facie macula, à matre petit vt sibi potestatem faciat eius abluendæ, qua impetrata non tam facie abluta, quàm anima per baptismum, eam illico

III.
Solertia S.
Xauerij in
curandis
peccatoribus

IV.
Alterum so-
lertia exem-
plum in tussi
vehementi
occultanda.
Ann. Dom.
1620. ex lit.
eius anni p.
129.

V.
Aliarum sum-
exempla.

transmittit in cœlum. Egrotabat ibidem nobilis quædam mulier Baptismi candidata, quem suis insciis recipere cupiebat. Cum autem plerique Bonziji frustra plurima ad eam curandam superstitiosè machinarentur; At ego, inquit pater, inuentum habeo ad reddendam sanitatem in primis efficax. Eamque dissimulanter baptizat, summa vtriusque consolatione, & Sathanæ pudore, omniumque satellitum eius. Vix credi potest quàm multa huiusmodi inuenta vbique terrarum, vbi Catholicæ regionis hostes dominantur, religiosorum virorū industria excogitarit, & quotidie excogitet, vt Catholicos, in medio nationis prauæ, variè vexatos consolentur, confirment, expient sacramentis, Ecclesiæ restituant, dæmonisque faucibus eripiant.

CAPVT VII.

Deum in omnibus operibus suis Amoris sui sapientiam mortalibus patefecisse.

I.
*Ingeniosa
Dei sapien-
tia.*

VERVM hæc inuenta mortalium, quæ diuinus, aut profanus amor suggessit, aliquando missa faciamus, vt æternæ Sapientiæ inuenta mirabilia meditemur. Fateri enim necesse est diuinam Sapientiam, quæ natura sua Amor est, in omnibus operibus, quæ hominæ gratia præstitit, ingeniosam ac planè mirabilem extitisse. Confitendum est nihil aptum inueniri posse animis beneuolentia comprehendendis, quod perspicax ille Dei oculus non viderit, quod illa sapientia, quæ arcana diuinitatis perscrutatur, non agnouerit, quod illa potentia non eduxerit in lucem, illa bonitas non vsurparit; cum homo, cuius intelligentia in corporeo ergastulo immersa, atque inclusa est, tam multa ope amoris hauserit, expresserit, indagarit? Si sol tam illustri splendore fulgurat, effusus super aquam, aut crystallū ex obliquo radiis, quantus erit in ipso eius corpore fulgor? quanta est illa flamma, quæ tot accendit in cœlo faces, & nihilominus satis habet lucis ad totam hanc rerum vniuersitatem illuminandam?

II.
*Pra huma-
na. eiuſque
ratio.*

i. Ioan. 4. 8.

Si ergo humana intelligentia, quamuis admodū impedita mole corporea, multisque sensuum internorum, atque externorum diuerticulis circumducta, excitante tamen amore, ingeniosa sit ac solers: qualē par est æstimare diuinam illam, infinitamque sapientiam, omni penitus impedimento liberam, & præterea immensa fornace diuinæ Charitatis accensam? Si amor, qui aut motio quædam corporea est, aut virtus, accidens certè quoddam, subtilem acutumque ad excogitandum reddit hominē, quid faciet amor in Deo, & Charitas, quæ est ipsa natura diuina? *Deus enim Charitas est*, vt testatur dilectus ille discipulus. Quod si res tam parum amabiles, quales sunt quæ subinde oriuntur & occidunt, non parum acuunt humanam industriam, qualem æstimare possumus esse diuinam sapientiam in contemplatione Charitatis, quàm animis fi-

liorum suorum cupit infundere? quæ pluris est quàm elementa omnia, cum ipsis cœlis: quæ thesaurus est, quo ampliorem, aut præstantiorem ne Deus quidem dare possit in terris.

Vide quàm latus se campus aperit mentis nostræ oculis, in contemplatione inuentorum & sapientiæ, quàm infinitus Dei in nos amor omnibus operibus suis insequitur. Hæc videlicet inuenta meditabatur olim re-
gius ille vates, cùm diceret. *Memor fui operum Domini, quia memor ero ab insio mirabilium tuorum. Et meditabor in omnibus operibus tuis, & in adinventionibus tuis exercebor.* Voluebat ergo animo sanctus ille princeps quantam sapientiam Deus in suis operibus abdidisset, quantum decoris ac spiritualis pulchritudinis indidisset, quæ studiosa meditatione paulatim eruerentur. Magnus autem Esaias non solum hoc studium esse cupit bonarum mentium, sed ab eis etiam edoceri cæteros, quæ sint Seruatoris inuenta, vbi ipsi cum delectatione hauserint, quæ proprias mentes reficiant. *Haurietis, inquit, aquas in gaudio de fontibus Saluatoris, & dicetis in illa die, confitemini Domino, & innocate nomen eius, notas facite in populis adinventiones eius.*

Geminum ergo habemus inuitamentum insistendi contemplationi diuinorum operum, & sapientiæ aquas hauriendi, exemplum & præceptum, & nominatim inquirendi inuentiones eius, quæ non domi clausæ, paucisque notæ contineantur, sed in populos liberaliter effundantur. Testis est David quanta cum voluptate in hac spiritali exercitatione versaretur, cuius nos quoque optat esse participes. *Delectasti me Domine, inquit, in factura tua, & in operibus manuum tuarum exultabo.* Non delectabor solum, sed exultabo, neque enim res vulgares docebis me, *Magnificata enim sunt opera tua Domine, nimis profunda facta sunt cogitationes tue: nec cernuntur ab iis, qui superficie tenus opera tua respiciunt.* Itaque inuentiones tuas *vir insipiens non cognoscet, & stultus non intelliget hæc.* Abscondita enim sunt à sapientibus & prudentibus opinionione sua, reuera autem stultis: & reuelantur paruulis.

Necessarius est spiritus Dei, & abundantia diuinæ lucis, vt noui aliquid in hisce diuinis inuentis & cogitationibus, quas illi suggessit amor, inuestigare possimus, tam in ordine naturæ, rebus naturalibus producendis ac conseruandis, quàm in ordine gratiæ, & rebus, quæ naturæ transcendunt fines, puta mundo reparando, atque redimendo. Geminus itaque apparet oceanus, vterque amplitudinis penè immensæ. Prior enim ille, quamuis multis voluminibus editis, tam sacrorum, quàm profanorum scriptorum industria, semper apparet inexhaustus, licetque aperire quotidie, vt in nauigationibus Indicis, ignotas adhuc regiones, siue ignota naturæ secreta, quæ humana rimatur industria, causis, effectis, naturis, proprietatibus inuestigandis. Et quamuis plures quotidie libri edantur in lucem, nunquam tamen humanum ingenium, quamuis finitum exhauritur, sed noua

III.

Inuenta di-
uina medi-
tatione eru-
da.
Psal. 76. 12.
13.

Et tradenda
populis.

Ca. 12. 3. 4.

IV

Delectatio
illius medi-
tationis.

Psal. 91. 5. 6.

V.

Ordo natu-
ra & gratia
quasi gemi-
nus oceanus.

semper in hisce operibus excogitat, & vel in minimis materiam admirationis & amoris inuenit, intactam sæpenumero ac recentem.

VI. *Quàm latè patens prior.* Hic orbium cœlestium, planetarum, reliquorumque astrorum inerrantium varij motus, affectiones, influxus, & aptissimæ cum inferioribus agentibus concursiones. Hic metallorum, plurimorumque fossilium, hic gemmarum & pretiosorum lapidum, ipsorumque elementorum ignotæ vulgo qualitates. Hic mirabiles stirpium, herbarum, arborum, reliquarumque plantarum vires ac proprietates, in vsum atque utilitatem omnium animantium, ab homine ipso vsque ad minimum insectorum. Hic stupendæ ac prodigiis similes multorum animalium industria, cautiones, præsentiones futurorum, imitationes hominum, alacritates ad conseruationem sui, siue inuadendis aduersariis, siue inuadentium impetu propulsando, aliique instinctus tam illustres, vt plerisque visa sint ratione penitus non carere. Hic fabrica humani corporis, hic animi nobilitas & præstantes vtriusque dotes. Sed hæc tanta tamque latè patens naturalium rerum sylua, & infinitior est, quàm vt paucis comprehendi possit, & nos longius quàm patet sic à primario abduceret instituto. Præterquam quod multorum, iam studiis inuestigata, & magna ex parte patefacta est.

VII. *Quàm item posterior.* Quod autem ad alterum oceanum attinet, is si latius priore non patet, præstantior certè est, ac dignior, in quo diuina sapientia eximios thesauros abdiderit, & quotidie in eius contemplatione defixis recludat. Tam latè autem patet, vt licet à mille iam ac sexcentis annis tam multi sancti Patres, Græci Latinique, tam multi Doctores grauissimi, tam multi acutissimi Theologi magna librorum volumina in lucem ediderint, edantque quotidie, ad gratiæ mysteria illustranda, & opera, quæ humano corpore circumsecta Dei Sapientia perpetravit in terris, nullus tamen erit vnquam aut inquisitionis, aut inuentionis finis; nouæ semper rationes, noua decora, nouæ conuenientiæ emergent, noua amoris, venerationis, amoris, pietatis, fidei, spei, fiduciæ, cæterarumque virtutum incitamenta. Itaque magnus Euangelista non dubitauit scribere, si quæcumque fecit IESVS singillatim scribantur, *nec ipsum mundum capere posse eos, qui scribendi sunt libros. Et scimus quia verum est testimonium eius.*

Joan. 21.
v. 24. 25.

C A P V T VIII.

*Deum patefecisse ingeniosum amorem suum in operibus gratiæ,
& primum in mysterio incarnati Verbi.*

I.
*Inuestigatio
ordinis na-
ture omitti-
tur.*

Hic ego, libenter te, inquam, ingeniose adolescens, ab onere & cura prioris illius oceanì enauigandi absoluius, quando posterior

iste, & magnam habet amplitudinem, & maiorem vt arbitror fructum animorum. Rectè sanè arbitraris, ait Ingeniosus amor. Nam vt taceam illam disputationem profanis quoque Philosophis conuenire, in hac Christianos vnos excutere posse, præterea neminem; inuenta certè naturalia media quædam sunt ac viæ, ad supernaturalem finem, ad quem cognoscendum, ac fruendum homines conditi sunt; & arcana ista supernaturalis sapientiæ potentiora sunt ad excitandam voluntatem, ad amandum Deum, & ingenium ad excogitanda, quæ valent ad promouendam pietatem. Et sicut religioso intellectui dulciora sunt, ita & sublimiora profectò, ac diuiniora. Itaque indulgebis aliquid imbecillitati nostræ: *Loquimur enim, vt ait Apostolus, Dei sapientiam in mysterio, que abscondita est, quam nemo principum huius seculi cognouit.* Hæ sunt Christi diuitiæ, quas humana industria vestigare non potest, sed necessaria est fides, quæ oculum mentis illuminet, vt norit, *qua sit dispensatio sacramenti absconditi à seculis in Deo*, vt idem ait. Quo æquius erit vos, grata habere pauca illa, quæ nobis Dominus dignatus fuerit communicare.

Imo gratissima, inquam, & sane, vt spero, non potes, non rectè fungi suscepto isto munere. Non deerit enim diuina Sapientia, quæ se tibi, & te nobis attèperet. Itaq; sine prolusione aut cùstatione alia, effin-ge nobis aliqua diuinæ Sapientiæ lineamenta, quæ illa politissima duxit suscipienda humanitate nostra, vt nostrum in se amorem artificiosissimè prouocaret. Faciam, inquit ille, ac libenter quidem; quantum nobis æterna Sapientia mētis oculos aperire dignabitur. Qui maiore Dei amore præditi sunt, & interiore Dei familiaritate fruuntur, plures vtique illius ductus, præstantioresque nanciscentur. Quoniam ergo id nobis incumbit vnum, vt artes atque inuenta nonnulla, principis nostri naturam humanam induentis aperiamus, quibus ille nostrum erga se amorem elicere voluit, atque incitare, age id in primo vitæ ipsius aditu, sanctissimòque Incarnationis mysterio contemplemur, tum idem ipsum in vitæ ipsius decursu, digressuque conabimur.

In hac ergo sacrosancta humanitatis assumptione, cùm diuina Sapientia præclare intelligeret similitudinem esse causam amoris, tantòque maioris, quanto illa expressior fuerit atque germanior; (quoniam natura duce se quisque diligit, & quanto quis nobis similior extiterit, tanto eum facilius alteros nos ipsos æstimamus, & erga eum afficimur, quasi in duobus locis essemus ipsi, aut in duabus personis.) Ergo Dei Verbum æterno Patri simile penitus atque æquale, tanquam natua imago & character substantiæ, & omnium perfectionum eius, cum eo Amorem produxit infinitum, qui est Spiritus sanctus. Sic homo filium à se genitum, non solum Naturæ, sed moribus etiam & vultu similem, diligit, & hoc magis illum alterum se putat, quo illum similiorem esse contigerit.

Cùm ergo Deus hanc hominum propensionem probè nosset, eam

1. Cor. 2. 7.
8.

II.
Prolusio in
amorem in-
geniosum
circa incar-
nationem.

III.
Prima con-
uenientia
ex similitu-
dine.

IV.

Homo Deo
similis in
creatione.

Ca. 40. 18.
D. Tho. 1. p.
q. 4. a. 3. ad
4.

enim ipse dedita opera humanæ naturæ indidit, poterátque ipsam aliter, si collibitum fuisset, & sine illa procliuitate fabricari, cum vehementer ab homine diligi vellet, non satis habuit in eius molitione, eum condere ad imaginem, & similitudinem suam, sed in assumenda natura humana fieri voluit ad imaginem & similitudinem hominis. Prior enim illa ex creatione similitudo, non efficit ut Deus sit homini similis, quod innuebat Isaias, cum diceret, *cui similem fecistis Deum? aut quam imaginem poneris ei?* Nec verus ignis picto similis est, aut homo viuus imagini suæ, sed vice versa. Et quando accuratè & ex arte ab hominibus fabricati sunt cœli, aut terræ globi, rectè cœlo aut terræ similes dicentur, non è contrario natium opus artificioso simile dici poterit, natura enim prior est arte, quæ illam imitatur.

V.
Deus homi-
ni similis in
incarnatione.

Qua in re egregia quædam convenientia & decor ostenditur. Cum enim homo duabus ex partibus, multum inter se distantibus, corpore videlicet animoque compositus sit, sitque ea ratione quasi horizon, aut vineulum potiùs spiritualis, & corporata naturæ, utrique parti similem se Deus gemina similitudine reddidit, quarum altera nos Deo similes reddit, altera Deum similem nobis. Vna similitudo proportionis est, qualis creatorem inter & rem creatam esse potest; altera est similitudo naturæ in specie humana. Anima nostra ad eius imaginem producta est, corpus autem eius ad similitudinem nostri figuratum est. Diuinus enim spiritus nostro prior est, & corpus nostrum tempore diuinum corpus antecedit. Itaque certo quodam modo alter alterius idea, vel exemplar mutuo facti sumus.

VI.
Sicque illi
factus am-
bilior.

Ex quo etiam consequens est, ac planè rationi consentaneum, Deum inter & hominem mutuum amorem ac veram amicitiam efflorescere, nisi ea ex parte humana deficiat. Itaque non est quod queramus, Deum nos habere, quem neque oculis cernere, neque vilo sensu capere possimus, & quod videtur consequens, ne amare quidem. Ne dicamus cum inepto illo anthropomorphita, *abstulerunt mihi Deum meum*, cum se illo errore videret exsolutum, quo Deum in diuina sua natura humanis præditum membris suspicabatur. Post assumptam enim à Deo humanitatē Deum habemus similem nobis, cui vultus sit, & manus, & pedes, sicut & nobis, & cor & oculi lacrymabiles super humana miseria, & pectus & viscera tenera, quæ ingemiscant in malis hominum, sicut & nostra, sed multis partibus pulchriora, perfectiora, & amabiliora mortalibus. Esto igitur hoc primum ingeniosi amoris inuentum, à Deo excogitatum, ad amorem hominis erga diuinum numen excitandum: quæramus etiam alterum.

VII.
Altera con-
uenientia ex
absentia om-
nis mali ab
hac huma-
nitate.

Cum intelligeret Dominus hominem, uti rationis participem, à malo, omnique turpitudine abhorre: bonum autem & honestum, ut rationi consentaneum, natura inuitante diligere, in assumenda humanitate sapienter prouidit, iuxta id quod olim propheta prædixerat, ut quamuis
butyrum

Butyrum & mel quasi infantulus comederet, sciret tamen reprobare ma-
lum, & eligere bonum. Naturam scilicet à Deo factam, culpam autem,
qua dæmonis opera infecta est, penitus abiiceret ac repudiaret. Elegit
enim humanitatem, in qua nulla esset macula, nulla ruga, nulla repre-
hensio, nulla motionum corporearum perturbatio, nulla in malum pro-
pensio, ac ne facultas quidem cuiuscumque peccati, si ea facultas dicen-
da est, & non infirmitas potius, atque miseria; partim ne id coniunctam,
& gubernatricem humanitatis diuinitatem dedeceret; partim etiam, si
placet, ne quam homo reperire posset occasionem, vel tantillam alie-
nandæ à Christo Domino voluntatis.

Vice autem versa humanitatem istam sacrosanctam tot decorauit or-
namentis, tot gratiarum thesauris locupletauit, quot vix capere mens
humana possit. Generis nobilitatem habet, in quo decem & octo; aut
viginti reges numerantur, pulchritudinem quæ omnes mortales longo
post se interuallo relinquit, castimoniam intaminatæ virginitatis, sanita-
tem integrasque vires, quæ nulla vnquam aduersa valetudine deflorue-
runt. Sed hæc modica sunt omnia, si cum immensis penè animi moni-
libus componantur, demissione animi, mansuetudine, lenitate, pruden-
tia, iustitia, liberalitate, fortitudine, temperantia, religione, diuinòque cul-
tu; in primis autem charitate, quæ tenet in omnibus virtutibus princi-
patum.

Si ergo virtus est omnis amabilis, si amorem penè ab inuitis extorquet,
ipsosque conciliat inimicos: si virtus aliqua singularis beneuolentia con-
iungit ignotos, sicut vitium notos obliterat, distrahitque coniunctos: si
Iosephum patriarcham, si innocentissimam Susannam castitatis nomine
diligimus, & impuros illos senes, & heram Ægyptiam, vt impudens
nequitia reos auersamur: Amani superbiam odimus, Mardochei mode-
stiam amplectimur. Saülis crudelitatem detestamur, Dauidis clemen-
tiam & lenitatem in oculis ferimus: magnitudinem animi in heroë illo
Iuda Machabæo, & Iuditha heroina cum amore prædicamus, si Abra-
hami obedientiam, si Iobi patientiam, & reliquas aliorum virtutes, vel
solitarias amore prosequimur: nonne nobilissimum ingeniosi amoris
inuentum fuit, omnes illas virtutes in vnâ cogere filij Dei humanita-
tem? vt posset illud meritò vsurpare, Multi filij congregauerunt diui-
tias, ego supergressus sum vniuersos.

Tertium, atque isti cognatum occurrit ingeniosi Amoris inuentum.
Omnes natura duce scientia delectantur, nec est cui ignorantia placere
possit ipsa per sese. Est enim scientia vna de præstantissimis animi doti-
bus, quam, eximiam præsertim, in hominibus amore atque honore profe-
quimur; nisi fortè alioqui superbia, aut aliis vitiis sint inquinati, sed mo-
destia potius, atque humanitate commendentur. Quid ergo fecit homi-
num amatrix diuina sapientia? Effudit super sanctissimam illam animam
omnes thesauros sapientiæ ac scientiæ Dei, omnem doctrinam quam

VIII.

Et complexio
omnium or-
namentorum
corporis, ani-
mique.

IX.

Cum singu-
la concilians
amorem.

Prou. 31. 29.

X.

Tertium in-
uentum &
conuenientia
ex scientia.

capere animus possit, siue diuinitus infundatur, siue naturali possit indu-
stria comparari, omnia dona Spiritus sancti, omnes gratuitas facultates,
ipsamque Dei in mortali corpore visionem, denique, cum diuina per-
sona, omnes opes, atque inexhaustos diuinitatis thesauros. Quid ergo
tanto principe ac doctore amabilius fingi possit? praesertim cum aucta-
rio mansuetudinis ac demissionis animi singularis, qualem verba illa te-

Matt. 11. 29 stantur. *Discite à me, quia mitis sum, & humilis corde.*

XI. Natiuus est in Adami filiis amor parentum, propinquorum, ac con-
sanguineorum suorum, vt qui sunt quasi eiusdem carnis, sanguinisque
participes. *Frater enim, & caro nostra est*, aiebant filij Iacobi, de Iosepho,
quamuis non vterino fratre. *Ostium & caro tua sumus*, aiebant Dauidi
decem tribus, id est fratres tui, filij eiusdem Iacobi Patriarchæ. Et sicut
vnius corporis membrum alterius dolorem voluptatēque participat,
sic & rebus aduersis sanguine iunctorum, cognati animo contrahuntur,
& quasi diffunduntur lætis: nisi fortē inuidiæ veneno, aut quapiam alia
peste fuerint occupati. Verē enim dictum est, *fratrum quoque gratia ra-
ra est*. Per similes est ratio affinitatum. Nouæ siquidem affinitates nouas
copulant amicitias, & sæpe antiquas lites, discordiāsque consopiant, &
bella inter principes accensa restingunt. Res per se clara est, nullam vt
desideret probationis lucem.

XII. Quid ergo fecit ingeniosa Dei Sapiencia, hominum gratiam aucupari
desiderans & pacem, à quatuor annorum millibus Deum inter hominē-
que violatam redintegrare? cum homine contraxit affinitatem. Et po-
terat illa quidem cum Angelis, qui erant quasi populus Dei, & Deo spi-
rituali natura propiores, inire matrimonium, sed maluit, instar Samsonis,
incircunciso populo coniungi, & Dei inimico, vt factus affinis, iure fidu-
ciæque maiore veniam hominibus obtineret, & pacem. Sed Samson
Philisthæam duxit, diuino consilio. Quærebat enim Deus occasionem
puniendi populum illum, qui iam dudum Hebræos seruitute premebat.
Seruator autem sese cum hominibus affinitate ac familiaritate deuinxit,
ad faciilius ac magnificentius eorum expediendam salutem, & antiquam
illius fortis armati tyrannidem acerbissimam conuellendam: eadēque
opera vt tanquam frater, sponsus, & pacis arbiter ab hominibus dili-
geretur.

XIII. Addamus postremò in hoc mysterio inuentū hoc, & amoris incitame-
tum. Naturæ instituto diligimus eos à quibus honoramur, & aliquo nu-
mero sumus: & contra illos vulgo auersantur homines, à quibus contem-
nuntur; idq; perspicuè cernitur in amicitia Ionathæ & Dauidis, & odio
Amanis & Mardochei. Illi enim iis quos colunt id bonum desiderant,
quod in honore reperitur, seque ad humanum propriæ excellentiæ ap-
petitum accommodant. Isti contra quos spernunt eo bono priuant, &
natiuæ propensioni vim afferunt. Deus autem per assumptionem huma-
nitatis, hominem non honorauit solum, sed in summum extulit fastigium

dignitatis. O Dauid, Dauid visus es tibi fortasse non parum celebrasse hominum gloriam, quando acceptæ ab eis gratiæ memor, dicebas Deo, *Minuisti enim paulo minus ab Angelis, gloria & honore coronasti eum, & constituisti eum super opera manuum tuarum.* At cum Deus factus est homo, tantum eis gloriæ & honoris contulit præ Angelis, quantum Deus Angelos antecedit. Nam Angelus angelicam tantum habet naturam; at homo etiam diuinam, quod si hæc dignitas infinita est, amore vtique immenso ab hominibus rependenda esset, si quo modo infinitum ab homine rependi posset.

CAPVT IX.

Dei Verbum Ingeniosum Amorem in natiuitate sua prodidisse.

TRANSEAMVS ad ingeniosa mysteria sacrosanctæ vitæ Christi Domini, orsi ab eius humili & paupere natiuitate, in eaque nonnulla inuestigamus ingeniosi amoris inuenta. Principio Seruator mundi, qui quasi medicus insignis salientem arteriam humanarum affectionum scienter explorauerat, omnesque cordis humani propensiones, probe norat hominem, quem multis dotibus, præ cunctis animantibus, ornauerat, esse gloriæ appetentem, & paupertatis non solum contemptorem, sed acerrimum etiam inimicum. Huius accessionem febris insignem iampridem in vtroque hominum parente notauerat, qui vt euaderent Deo similes, Dei iugum, consilium cacodæmonis exemplumque secuti, ambitiosè excusserant, ruptisque eius vinculis dixerant, *non feruam.*

I.
*Superbia
morbus ho-
minum.*

Gen. 3.

Antiquus.

Ierem. 2.

Notauerat & in Caino, qui ex superbia metuens ne secundo genitus frater, diuino illi fauore obsecundante, maior eo atque potentior euaderet, innocentem crudeliter obruncavit, se suosque à patre distraxit, & condita illis ciuitate, superbissimum primus dominatum inuasit. Sciebat quoque Dominus superbiam omnium peccatorum caput, & fontem esse; ad illam verò diuitias facilem viam sternere, vanitatem vnum esse diaboli laqueum, opes & copias alterum. Itaque diuinus ille medicus expeditissimam rationem inuenit curandi morbum, antiquissimum pariter ac difficillimum, non exemplo solum suo, cuius vel ipsa natiuitas, demissionem animi clamat, ac paupertatem, sed artificio etiam insolenti ac planè singulari, reddendo vtramque honorificam, & plane gloriosam.

II.
*Aspernatio-
sus.*

III.
AVTHOR

Etiamne honorificam, inquam, aut gloriosam reddidit Dominus paupertatem? quam nunc quoque plerique omnes Christiani vbique omni animi, corporisque contentione refugiunt, pauperibusque neglectis, solos diuites ac potentes beatos putant? Itaque illustra obsecro, mi adolef-

*Quapugna-
re videatur
cum gloria
natiuitatis
Christi.*

*Apostrophe
ad Angelos.*

cens, hunc locum. Si enim istam ipsam Christi Domini natiuitatem, ex humani iudicij regulis, æstimemus, apparet ad hoc præsepe admirationis argumentum, aut querelæ aduersus angelos, qui in illo Verbum carnem factum adorant circumfusi. Ex ipsis enim percuntabimur, Ecquod mundo nuncium in peruiiglio Dominicæ natiuitatis attulistis, cum illa verba vsurparetis, *Hodie scietis, quia veniet Dominus, & mane videbitis gloriam eius.* Hoc stabulum & præsepe, hic bos & ille asinus, istæ paleæ & illi panni, ista solitudo & rerum omnium penuria, num ea gloria est quam promittebatis? fortè ne hodie hesternam emendatis promissionem in nouo cantico, in quo non recens nato gloriam tribuitis, sed Deo, non iacenti in humili præsepio, sed in altissimis habitanti.

Luc. 2. 14.

IV.

*Interpreta-
tio legatio-
nis Gabrie-
lis in contra-
rium.*

○ Gabriel Archangele gloriosissime, legate præpotentis Dei, nonne ante nouem ipsos menses dicebas sanctissimæ Virgini, *Hic erit magnus?* & ecce paruulus est instar infantuli diei vnus. An intellexisti eum plurimum fide atque autoritate valiturum? ne satis quidem habuit, aut ipse aut sui, vt cubiculum aliquod in publico diuersorio bruma rigente obtineret. Opibus fortassis & copiis magnum fore dicebas? Id videlicet stabulum olidum probat & præsepe, id fasciæ & panni docent. An robore corporis & viribus? tenellus est, & delicatus, plorat, & frigore contremiscit, non secus ac filius vilis ac deformis ancillæ. Numerofo fortasse seruitio, aut satellitio, aut subditorum turbis, stipatum significabas? Vnam secum habet matrem pauperulam, & nutritium parentem, & vos oculis nostris minimè aspectabiles: reliquus est opilionum & pastorum manipulus, qui ei pagano more blandiuntur, & non vt regiam stirpem decet: nec altissimi filium vocant, sed Iosephi arbitrantur.

V.

*Ex humano
iudicio, &
figuris
Christi.
Gen. 45. 26.*

Dicebas Dominum Deum daturum illi sedem Davidis patris eius: hoc solium versum est in præsepe, & purpura in pannos cunarum. Vbi ergo est illud, *hic erit magnus?* vbi illud, *mane videbitis gloriam eius?* Fractes Iosephi patriarchæ, ex Ægypto reduces, totam fratris in Ægypto gloriam ac magnificentiam denarrarunt, regni amplissimi gubernatorem esse, ac proregem, mundi denique Seruatorem. Id senex non illico sibi passus est persuaderi, sed tum demum cum rhedas vidit & carros Ægyptio commeatu, & preciosa suppellectile oneratos. Estne igitur hic noster verus Ioseph rex regum, an umbratilis & imago veri? Regina Saba Salomonis gloriam vehementer celebrari audierat in patrio solo. Voluit etiam spectare. Venit ergo Hierosolymam, & inuenit quod vehementer miraretur: adeò vt negaret famam, quæ omnia auget in maius, æquare, imo assereret longè imparem esse Veritati. Qui ergo adducemur vt credamus illud, *Ecce plusquam Salomon hic.* vbi est illa domus aurea? vbi thronus ille de quo scriptum est, *non fuisse tale solium in vniuersis regnis.* Vide igitur, Ingeniose Amor, vt huic obscuritati lucem afferas orationis tuæ.

2. Paral. 9.
19.

CAPVT X.

Natiuitatem Christi Domini, quamuis repugnante humano iudicio, esse gloriosam.

INGENIOSVS AMOR.

HÆc tu quidem, ait Ingeniosus Amor, ex humano iudicio, elegantius profectò quàm veriùs, disseruisti. At quantò sunt mortalibus beati Angeli perspicaciores, qui gloriam agnoscunt, vbi illi nihil præter inopiam & humilitatem cernūt. Itaque magnificentius præcinunt suum illud, *Gloria in excelsis Deo*. Quòd si gloria, vt ait August. est clara cum laude notitia, veram gloriam illi agnoscunt, vbi ea reuera est; cùm homines, qui in terris talparum instar sepulti iacent, nihil vident, nisi extraordinario lumine collustrentur: quale acceperat is qui dicebat, *Vidimus gloriam eius, gloriam quasi vnigeniti à patre, plenum gratia & veritatis*. Vtique vera gloria ex vera excellentia proficiscitur, quæ in Mundi Seruatore tanta est, quantam in vnigenito filio Dei, qui nihil patri cederet, inueniri par fuit. Sed omnis gloria filij regis ab intus: perfectiones quoque huius sacrosanctæ humanitatis, omni sunt opinione maiores, sed omnem istam gloriam, in vtilitatem hominum, summa humilitate contextit.

Ridicula est hominum gloria, à vermiculis bombycinis, à gemmis & pretiosis lapillis, à metallis è terræ visceribus erutis mutuo sumpta; aut ab aliena & auita virtute, non à propria & sua, à forma viribusq; corporeis, quæ tridui febricula labefactat ac prosternit: à fama denique quam inconstantia vulgi constantem esse non sinit. At filius Dei voluit omnem gloriam suam vere esse suam: nec voluit inanem aut falsam mutuari foris, qui interiore fruebatur. Voluit tamen instar Moyfi diuinam gloriam humanitate velare, & ipsius humanitatis præstantiam velo paupertatis & humilitatis obducere, vt trans candentem hanc nubem eum contemplari, eiusque heroicas virtutes imitari possemus. Quòd si magni viri propositi sunt imitationi, eorum facta, dictaque probantur; in pretio sunt, quæ ab illis magni sunt, contemnuntur, quæ illi nihili faciunt, nōne hæc hominibus idonea causa est contemnendæ vanitatis ac diuitiarum, quando princeps ille noster, qui opes in potestate habuit, eas aspernatus est, abiecit à se, totamque in vitam respuit.

Angeli ergo in fraudem minimè nos induxerunt, aut induciti sunt ipsimet; de vera enim, solida, ac perfecta gloria locuti sunt, quæ propria & interiore excellentia niteretur, non mutuatitiis plumis, quas vel auitulæ spoliatur repeterent, vel ventus humanæ mutabilitatis auferret.

D d iij

I.

*Responsio ad
obiecta; qua
sit vera glo-
ria.*
1.83. qq. q.
31.

Ioan. 1. 14.

II.

*Qua inanis
& futilis.*

Exod. 34. 33

*Et exemplo
principis no-
stri.*

III

*Responsio
pronunciis
Angelorum.*

Coloss. 2. 9.
10.
Et figura
Iosephi.

Num ergo secundum humanitatem ipsam gloriosior esse potuit, qui in ipsa factus est Rex regum, & Dominus Dominantium, & in ea inhabitat omnis plenitudo diuinitatis corporaliter, qui est caput omnis principatus & potestatis. Angeli annunciauerunt hominibus gloriam fratris ipsorum Iosephi: qui si oculos haberent eruditos, ut beata illa mentes, aut instar illius aquilæ Euangelistarum perspicaces, viderent profectò illum gratiis omnibus & perfectionibus abundantem. Agnoscerent stabulum illud, & præsepe omnibus cœli bonis, in quo dominatur hic paruulus, locuples ac refertum, plenum perquam amabili bonitate, plenum ingeniosa charitate, plenum cœlesti decore ac misericordia, plenum lucis, *que illuminat omnem hominem venientem in hunc mundum*, plenum gratiæ, quæ nos Deo acceptos reddit & gratos, *plenum veritatis & notitiæ secretorum diuinorum*, quæ ille enunciaturus venit in mundum. *Vni-genitus, qui est in sinu patris, ipse enarrauit.*

Ioan. 1. 18.
IV.
Et Salomoni
rñr.

Fama verissimi huius Salomonis longissimè abest à meritis eius, & experientia familiarium eius & domesticorum, qui interiorem illam eius faciem intuentur. Illius in primis Angelorum Reginæ, parentis eius, quæ in hac spelunca stupore defixa, *non habebat ultra spiritum contem- plando admirabile hoc mysterium*, eiusque causas & attributa. Et vndique circumferendo mentis oculos, siue in Patris potentiam, sapientiam filij, bonitatem Spiritus sancti, siue in hominum pereuntium calamitatem, aut consanguineorum gloriam, omnia inter se mirificè congruere ac conspirare cernebat; nihil ut vidisse Prophetas præ illa, nihil agnouisse Patriarchas, nihil doctores omnes conuicere potuisse liceat affirmare. Ecce igitur plusquam Salomon hic, & gloria eius maior ac magnificentior gloria Salomonis, quæ ab iis opibus magna ex parte pendebat, quas Sesacus Ægyptius breui erat asportaturus, & à sapientia quam mox exceptura erat dementia singularis. Illa autem gloria, ex immortalium diuitiarum copia manat ac prorumpit, quæ seculis omnibus totum Ecclesiæ Catholicæ corpus inundabit.

V.
Cuius aurea
domus sta-
bulocedit. &
solum præ-
sepi.

Vide autem quanto gloriosius sit stabulum Seruatoris, aurea illa regia montis Libani: & præsepe superbissimo folio eiusdem Salomonis. Quis est qui ad conspectum domus illius, aut huius folij genu flesteret, quis censeret huiusmodi spectaculum magno sumptu aut labore sibi esse redimendum? cum tamen constet infinitam hominum multitudinem, multorum iam seculorum decursu, ingentia marium ac terrarum spatia transcurrisse, vitam, fortunas, libertatem, in discrimen adduxisse, ut in illo Domini stabulo ac spelunca venerabundi procumberent, & sanctum eius pauimentum lacrymis deuotionis abluerent, ut exoscularentur gloriosissimum illud præsepe, quod primum Deum hominem factum complexum est, ut in eo filium Virginis adorarent, & lacrymas suas, cum filij lacrymis, matrisque confunderent.

VI.

Quanta gloria est ea reddere gloriosa, quæ natura sua vilia sunt &

abiecta? Certè maxima, sicut dulcissimum esse oportet, quòd res amarissimas diluet, & in dulcedinem conuertat. Cùm Salomon potentissimus idem sapientissimûsque rex ea reddere gloriosa nequiuert, quæ vulgus hominum censet esse gloriosa; quanta quæso fuit Seruatoris industria, desertum stabulum, ferarum cubile, informe antrum, honoratius reddere laqueatis ædibus, auro, cyanòque intermicantibus, regia columnis densata marmoreis, aut porphyreticis? Quin etiam virgas & flagella, clauos & spineam coronam, ipsûmque aded patibulum crucis reddere honorificentius aureis scepttris, & coronis regum maximorum, quamuis illa hominibus execranda per se, hæc splendida gloriolæque videantur.

Gloriosum est vili reddere gloriosa

Si ergo veneratio, & honor Dei filio debitus, fecit vt quidquid illum attigit, aut ad ipsum quoquo modo pertinuit, iustam piorum veneratiónem obtineret & cultum, rationi profectò maximè consentaneum fuit illam quoque demissionem animi, in homine Deo tam admirabilem, illam voluntariam paupertatē, eius in cuius manu sunt omnes thesauri, qui cœli ambitu continentur, illa decora quæ ipsum maximè attigerūt, & quæ ad ipsum pertinuerūt, tanquam heroicæ sanctissimæ illius animæ virtutes, insigniter honorari, diligi, frequentari. sic vt studio imitandi huius infantuli, vilescant honores, voluptates & vitæ commoda, in nauseam fastidiumque vertantur. Quid amabilius esse potest illa Sapiētia, quæ res sensibus humanis vsque aded difficiles, & nihilominus tam necessarias, vt scriptum sit de puerulo, multòque magis de humili & paupere Christo, *Nisi efficiamini sicut paruulus iste, non intrabitis in regnum cælorum*, innumeris hominum turbis procliues reddidit, & expeditas?

VII.
Et virtutes à Christo honorate in pretio habenda.

Matt. 18. 3.

CAPVT XI.

Alia quedam Ingeniosi Amoris inuenta in Christi Domini natiuitate.

ARDVVM profectò negotium fuit, nec satis explicatum, fidē facere hominibus demissionem animi ac paupertatem voluntariam, non solum in vitiis non esse numerandas, nedum eas ad quandā mentis infirmitatē pertinere, quòd profani homines arbitrantur, sed in maximis heroicisque virtutibus censendas esse, quoniam diuina sapientia, quæ illas complexa est, non potuit non sapienter elegisse. Illud autem magis etiā impeditum fuit, vt quod homines verbo fatebantur, etiam in tota vitæ ratione sequerentur; quòd innumerabiles religiosorum hominum non cœtus, sed populi, seculis omnibus, totò pene terrarum orbe præstiterūt; Christum in stabulo pauperem, humilem in præsepio imitati. Hoc videlicet opus, hoc inuentum Ingeniosi amoris fuit. Sed alia nonnulla videamus.

I.
Arduus amor paupertatis.

II.
*Naturalis
in infantes
amor.*

Matt. 18. 2.
c. 19. 13.
14. & c.
Marc. 9. 35.
*Christus ut
amaretur
factus est in-
fans.*

Est in nobis à natura nonnullus in tenellos infantes amor. Illa enim innocentia, illa simplicitas, ille animi candor, fraudis expertus & simulationis, valde amabilis est. Hunc ipsum affectum fuisse in Christo, Evangelica testatur historia; cuiusque conscius populus offerebat ei paruulos, *ut manus eis imponeret, & oraret super eos*; quòd cùm discipuli prohiberent, audierunt à magistro, *Sinite paruulos, & nolite eos prohibere ad me venire: talium est enim regnum cœlorum.* Neque eorum tantùm ad se adiutum permittebat, sed acceptos statuebat in medio, & complectebatur, & capiti eorum imponebat manus, & instar sui recipi iubebat, qui similes illis forent; & terribili comminatione percellerat eos, qui essent illis scandalo, id est ad ruinam doctores, aut duces. Huius ergo amoris ipse quoque conscius, & amari cupiens ab hominibus, quibus sciebat hunc amorem fore valde fructuosum, factus est paruulus, ut esset eorum oblectatio, delicia, consolatio, ut si fortè eos maiestas diuinitatis absterrebat, hæc infantuli dulcedo, syncerûsque candor ultro alliceret, redderet familiares, fidentisq; animi ad complectendum, ad suauiandum, ad eum sexcentis blanditiis demerendum.

III.
*Appetuum
similitudinis
Dei utilem
reddidit.
Serm. de
Aduentu.*

Sit & hoc alterum infantis huius consilium, ad homines ad se alliciendos, iamdudum à S. Bernardo sapienter obseruatum. Viderat Dominus subditorum suorum principes, magno suo malo, Domini ac Dei sui similitudinem ambiciosius appetuisse. Nam Lucifer superbus diuinitatis candidatus, paratam sibi suisque felicitatem malè præsumendo miserè perdidit, & calamitatem incurrit, qua nulla dici maior, aut fingi potest. Eius vestigiis insistens Adamus, se suamque posteritatem vniuersam prorsus afflixit. O stulta, inquit Deus, & infelix ambitio? nōne facilius est vobis, qui partim ex nihilo, partim ex luto educti estis, fieri paruulos, quàm maiora viribus ac meritis affectare, in certissimum vestrum interitum ac ruinam? Ergo quando tantus vos pruritus extimulat similitudinis meæ, age siam ego talis, ut quicumque mihi similis esse voluerit, sit illi hæc imitatio, & ambitio salutaris. Mihi facile est eam, quæ mihi naturalis est, prodere maiestatem, demittere non item: volo nihilominus fieri paruulus similis vobis, ut & imitari facile sit, & ambire similitudinem fructuosum.

IV.
*Liberalita-
tem, & pla-
cibilitatem
paruulorum
imitatus est.*

Addamus postremum inuentum ineuntis huius infantia. Homo ex suæ conditione naturæ egentissimus est. Nam & nudus prodit in lucem, & toto corpore mollis atque inualidus; animus autem, præter ignorantiam & peccatum, nihil habet proprium & suum. Cum hisce malis, istiusmodi, quod dixi, corpori infunditur, ubi & propensionem acquirit ad malum. Itaque indigebat homo ope atque opera principis alicuius, qui liberalis esset ad succurrendum inopiæ, & placabilis ad crebros lapsus obliterandos. Huiusmodi sunt paruuli; nam, ut ait quidam, *citò dant, citò pacificantur.* Si quid præ manibus habent, petentibus non recusant, nulla ratione habita aut meritorum rogantis, aut pretij rei postulata;

stulata: quòd si quis eis aliquam molestiam asperferit, illicò eam delet obliuio, nec minus quàm antea hominem diligunt, in quem irascebàtur.

Filius Dei factus est paruulus; nam, vt ait Esaias, *Paruulus natus est nobis, & filium datum est nobis*, nimirum vt augetet fiduciam profusæ, qualis infantulorum esse solet, liberalitatis; præsertim cùm numquam illi deesse possit quod largiatur; itaque se geret quasi oblitus esset se dedisse quippiam: modò tamen ne quod acceptum est ostentetur, tunc enim repeteret quod antè dederat, vt pueri quoque solent: easque auferet gratias, quas reliquisset, aut auxiliet potius, si ex humili modestiæ velo testæ latuissent. Sed omittamus modò hanc liberalitatem, omittamus & placabilitatem, ne videamur in alienos fines temerè irruisse; satis est mihi attigisse solertiam filij Dei in paruuli forma induenda, vt amabiles erga homines affectiones eadem opera se induisse ostenderet, easque vicissim prouocaret; Amorem denique Ingeniosum mortalibus in hac sua natiuitate demonstraret.

IV.
Christus
emulatus
est.
cap. 9. 6.

CAPVT XII.

Ingeniosum Christi Amorem prodere sese, toto vite ipsius decursu.

SI quis attentius, cum Nazianzeno Gregorio, aliisque sanctis Ecclesiæ Patribus, atque doctoribus, considerauerit actiones vitæ mortisq; Seruatoris humani generis, inueniet profectò aut omnes, aut maximam earum partem referri ad fidem, animique demissionem statuendam, firmiterque stabiliendam. Itaque singula pene Christi mysteria illustre quiddam habent atque magnificum, quod det firmitatem fidei, & rursum abiectum quippiam & vile, ad demissionem animi commendandam. Sapientissimo profectò paternòque inuento ad salutis humanæ negotium, quod sine vtraque virtute subsistere nullo modo potest; præsertim cùm natura hominis singularem cum vtraque pugnam deponere videatur. Humana quippe mens cum fide pugnat, nec nisi rationibus idoneis victa cedit, & iis quæ capere potest acquiescens, cætera respuit. Voluntas autem in eam fertur cupiditatem, vt homo instar ignis super elementa subuolare, quasi aurum inter metalla fulgere, & quasi oleum cæteris liquoribus superferri conetur. Cui rei argumento esse potest, quòd antiqui olim Philosophi, quamuis moralium alioqui virtutum non malè periti, eas non agnouere virtutes, sed alteram stultitiæ, alteram pusilli animi vitium credidere.

Itaque oportebat eum, qui Catholicam fundabat ac stabiliēbat Ecclesiam, earum virtutum solidissima ponere fundamenta. Fides enim

I.
Solertia
Christi in fide
& humi-
litate stabi-
lienda.

Propter
viriūque
necessitatem

II:
Et vilitatē.

omnium Christianarum virtutum fundamentum est, & demissionem fouet, demissio valuas aperit fidei. Hinc est quod infidelis quisque hoc est fidei vicinior, quo minus habet superbiæ; superbia verò viam sternit infidelitati, & est hæreseon parens. Conueniebat igitur Ecclesiæ principem atque architectum, & verbis & exemplis, vtramque hanc virtutem vehementer commendare, vt qui probe norat quantum fides humanum captum transcenderet, & quantum demissio animi extra gustum hominis & appetitum iaceat, vt qui pene omnia facit vt aliquid, imò vt magnum aliquid esse videatur. Illuc enim semper, vt iam dicebamus, studiosè collineat, vt sit lilium inter flores, aquila inter aues, delphinus inter pisces, & inter feras leo.

III. Vide porro vt sapiens ille hominū amator, statim à principio suorum operum rationem decori, ac necessitatis habuerit. Sicut enim humani generis ægritudo initium à superbia duxerat, ita par erat curationis initium ab animi demissione proficisci, eamque in stabulo, præsepioque fundari. Ad fidem autem fundandam, Angeli festis canticis hanc celebrant natiuitatem, Seruatorē mundi natum nunciant, eumque ad insignem lætitiā inuitant. Virtus illa circumcisionem ei persuadet, eoque signo foris peccatoribus aggregat, & subiicit Mosaicæ legi. At diuinum Iesu nomen allatum cælo confirmat fidem. Demissio illi mutas inter pecudes cubile sternit, tanquam humilis ancillæ filio; at noua in cælo stella coruscans, & viros principes ab Oriente deducens, qui eum in oculis Herodis, iam pridem regnum Iudæorum possidentis, Iudæorum regem publicè nuncient, eiusque se clientes profiteantur, id verò plurimum momenti affert ad stabiliendam fidem.

IV. Summissio mentis in quinque scilorum redemptione nutritur, in fuga, exilioque Ægyptiaco, in reditu formidoloso; fides autē in vaticinio boni Senis, & Annæ prophetidis incrementa sumit, in deiectione simulachrorum Ægyptiorum, & morte accelerata omnium, qui querebant animam pueri. Illa in obediētia & humili subiectione pueri Iesu roboratur; hæc in illa monitione subauftera, *Nesciebatis quia in vobis, quæ patris mei sunt oportet me esse?* Iam tum enim se filium Dei ostendebat, & eius imperiis obsequentem. Ad Iordanem humiliter cum peccatoribus à præcuratore abluitur, sed ibidem paterna voce dilectus filius, patrisque delicæ pronuntiatur, & is cuius verbis fides, cuius imperiis obediētia debeatur; ibidē à Ioanne summis verissimisque laudibus honoratur. Instar pauperis ieiunat & esurit, sed illi Angeli vt Deo, suoque principi famulantur, idēque cum lubet pauculis panibus multa hominū millia exsatiat. Fatigatur vt peregrinus, & sedens sitiēsq; à muliercula mendicat potum, sed arcana pectoris eius tanquam Propheta reuelat, & aquam pollicetur, quæ fiat fons saliens in vitam æternā. Media in naui saeuiente tempestate dormit, humanum est; at ventis imperat, tranquillat tempestates, sicco vestigio vndas calcit tumultuantes, diuinum est. Mortem

Id declaratur exemplis Christi.

Gal. 3.3.

Ab infantia & pueritia. Matt. 2. 20.

Matt. 14. 21. & 15. 37. V.

Et tempore predicationis.

Io. 4. 6. &c. Matt. 8. 24. Marc. 4. 38.

Lazari, vt homo luctu prosequitur, & tanquam ignarus, vbi fuerit sepultus rogat; at vox excitantis plena authoritatis est, plena diuinæ potestatis: hæc ergo vox fidei, illa Christianæ summiffioni famulatur. Probris afficitur, & à dæmone dicitur incessus, sed ab cacodæmone confessio- nem diuinæ potestatis extorquet. Versatur cum peccatoribus, sed eos fordibus peccatorum emaculat. Vt ignarus, petit quis eum in turba te- tigerit, & vt potens vel tactu finbriæ morbos insanabiles curat. In mon- tem ducitur, vt inde mittatur in præceps: in monte apparet gloriosus, & cœlesti testimonio diuinitatis honoratur.

Studet stabiliendæ humilitati, cum ad discipulorum pedes abiectus, eos abluit, extergit, osculatur: studet & fidei, cum instituit sacrosanc- tam Eucharistiam, mysterium fidei, memoriam & epitomen mirabiliū su- orum. Illi dat operam, cum cœpit pauere, tædere, & mœstus esse, cum falsus est tristem esse animam suam vsque ad mortem, cum supplex orat transferri à se calicem acerbissimæ mortis, cum ad sudorem vsque san- guineum cum tristitia & pauore luctatur: Isti autem dat operam, cum ad se consolandum ac roborandum nobilissimum admittit è cœlo legatum. Humiliter & probrosè à satellitio capitur, ligatur, & multo cum tu- multu in urbem trahitur: sed illo ipso tempore non solùm hostili famu- lo truncatam aurem mitissimè restituit, sed verbo vno armatas cohor- tes allidit in terram, ac magnificè resupinat: rursumque altero verbo prostratas erigit, & voti compotes facit: ac profitetur se plusquam duo- decim legiones Angelorum habere in potestate.

Eius numen Iudæi sacrilegis vocibus, manibúsque temerare non du- bitant, dum ethnici exclamant, *Verè filius Dei erat iste*. Probrosè exui- tur, virgis crudeliter laceratur, & fictis criminibus in crucem agitur. Sed sol tenebroso obnubitur velo, luna præpostero cursu retroagitur, cœlum omne lumine subtrac- to luget. Velum templi discinditur, lapides fracti dissiliunt, monumenta panduntur, terra insolito tremore concutitur, tota rerum natura confunditur. Instar latronis, & cum latronibus suffi- gitur cruci; & latronem illico sanctificat & recipit cœlo. Moritur, sed cum clamore valido: sepelitur, sed fit sepulchrum eius gloriosum, fit vi propria rediuius, clauso sepulchro exilit foras, abducit ab inferis capti- uorum turbam ingentem, testem deuictæ mortis, & triumphati princi- pis tenebrarum. Num maior aliqua quærenda probatio solertiæ Amo- ris Ingeniosi, in coniungenda infirmitate cum virtute, ad diuinam fi- dem, & Christianam summiffionem, suique contemptum validè soli- dandum?

VI.
Vsque ad
vitæ finem.

VII.
Ipsumque
moriens.

CAPVT XIII.

*Duo alia eximia Ingeniosi Christi Domini Amoris
inuenta.*

I.
*Homo bonū
appetit, sed
sibi.*

QUOD ad prius inuentum attinet, minimè controuersum est desideria cordis nostri in bonum ferri, siue illud sit reuera bonum, siue bonum iudicetur ab eo, qui illud appetit. Appetit autem non vniuersè dumtaxat, vt bonum est, sed vt bonum eius est. Ille amor beneuolentiæ est, iste cupiditatis, qui toti pene mundo dominatur. Placet sibi quisque in conspectu pulcherrimi adamantis, egregiæ imaginis, aut domus, sed quisque malit possessione quàm conspectu frui. Amat quisque felicitatem, sed illam propriam esse cupit ac suam. Benè moratum ac liberaliter institutum diligit adolescentem; sed multo erit amor ille vehementior, si te is affinitate proximè aut consanguinitate contingat. Quid ergo fecit ingeniosus ille Amator? Operam dedit vt omnia ipsius bona, nostra fierent, rationemque excogitauit, qua omnes eius spirituales opes ac copiæ, quas sacrosancta eius humanitas multo sibi labore collegerat, instituendis in Ecclesia sua sacramentorum thesauris, in vnumquemque transfunderentur, vt illis per modico suo labore ditesceret, ac frueretur vt suis.

*Christus fecit vt bona
sua nostra
fierent.*

II.
*Id declaratur
& probatur.*
Ioan. 17. 19.

Hoc nimirum est quod Seruator ipse profitebatur apud patrem, in ea oratione, quam fudit cum adiret ad mortem. *Et ego pro eis sanctificor me ipsum, vt sint & ipsi sanctificati in veritate.* Acquirō scilicet abundantes meritorum copias, quibus quisque verissima sanctitate afficiatur. Eaque dilectissimi Filij voluntate ac petitione nititur, ius omne mortaliū postulandi à Patre, quidquid ad eorū perfectionem pertinet, ac sanctitatem. Omnia quippe merita sua profudit in suos, nec sibi tot tantisque sudoribus suis quidquam gratiæ acquisiuit, aut gloriæ, præter gloriam sanctissimi nominis sui; iuxta illud Apostoli, *Propter quod & Deus exaltauit illum, & donauit illi nomen, quod est super omne nomen, vt in nomine Iesu omne genu flectatur.* Omnis itaque illius animi demissio, ac paupertas, omnes animi corporisque contentiones, mortifera illa tristitia, tedium, pavor, illa cordis desolatio, illa paterna derelictio, illa patientia & obedientia, ab ipso stabulo, ad probrosissimum vsque patibulum crucis, *omnia vestra sunt*, totus quippe vestros expensas in vsus, *Vos autem Christi, Christus autem Dei*, vt dicebat Apostolus.

III.
*Christiani
in Christo
diuites facti.*
1. Cor. 1. 5.

Itaque cum eodem gratiæ nobis agendæ sunt Deo, quod in omnibus diuites facti sumus in illo, non ad eum modum, quo qui multis annis

mercaturam multo cum labore exercuerunt, sed quo qui thesaurum ingentem terra obrutum vna hora casu reperit, aut copiosæ hæreditati successit. Permodicum enim opus, puta calix aquæ frigidæ, eius nomine ab homine illi grato sitienti pauperi datæ, mirabiles illi thesauros ingerit, & incrementa iuris ad hæreditatem cælestem. *Scitis*, ait idem Apostolus, *gratiam Domini nostri Iesu Christi, quoniam propter vos egenus factus est, cum esset diues, ut illius inopia vos diuites efficeret.* Ille laborem hausit, nos sine puluere & sudore alieni laboris emolumenta percipimus: medicam ille potionem hausit, & sanguineo sudore manauit, nos sanitati restituti sumus; ille bellorum tempestate iactatus est, nos serenitatem pacis consecuti sumus: *disciplina enim pacis nostræ super eum.* Ille oblatorum nomina dissoluit, & vincti restituti sunt libertati. Prædicemus itaque tam misericors Seruatoris inuentum, qui ut se amabilem redderet, tam ingeniosus fuit, ut ipsum, eiusque bona diligendo, nos, nostraque emolumenta diligeremus.

Sequitur alterum ingeniosi huius amoris inuentum. Cum tempus adesset Euangelicæ doctrinæ mundo enuncianæ, quàm satis constabat cum carnis & sensuum voluptate pugnare, in qua mortales demersi iacebant, quid obsecro excogitauit, aut quàm reperit eluctandæ difficultatis, & expediendæ inuentionis suæ viam? Ardua erat dilectio inimicorum, gestatio crucis, propriarum cupiditatum domitus, præsentium bonorum contemptio, expectatio futurorum. Ardua quoque erat fides vnus in personarum trinitate diuinitatis. Arduæ quoque vnus diuinæ personæ in carne mortali perpeffiones, incredibilis virginitas illius, quæ filium edidisset, qui simul homo esset & Deus, qui simul infinita fœlicitate frueretur, & mortifero mœrore obrueretur, qui eodem tempore ignominiosæ suffixus cruci extremos spiritus emitteret, & cælo terræque dominaretur. Quid ergo excogitauit, ut res ab humano iudicio vsque adeo discrepantes fidem facerent, & voluntati accepta essent, quæ sensibus tantoperè repugnabant?

Adhibuit primò vitæ sanctitatem, quæ isti doctrinæ planè consentanea foret, illique præcurreret. *Cæpit enim Iesus facere & docere, ut qui vir propheta esset potens opere, & sermonè.* Deinde ingenti prodigiorum multitudine doctrinæ suæ veritatem firmavit, & quidem prodigiis, quæ simul miracula forent, & beneficia: qualia erant illuminationes cæcorum, excitationes mortuorum, expulsio infestorum dæmonum, leproforum curatio, visus ac locutionis restitutio: ut miraculo vinceretur humanum iudicium, & voluntas beneficio vinciretur. Tertio interiore gratiæ balsamo naturæ roborabat infirmitatem, curabátque vulnera, ut ferendæ cruci, quamuis acerbæ, par esset, & iugum legis eius, quod ipse met altera ex parte sustentaret: leue redderet, & rerum aduersarum amarorem, quasi infuso melle demulceret. Cum ergo hisce artibus diuina sapientia vteretur, vtrique se hominum amantem ostendebat, & eorum

Matt. 10. 42.

2. Cor. 8. 9.

Isa. 53.

IV.

Ut difficilia
crederentur.
& amarentur
aspera.

V.

Quasi inie-
rit viam.

Act. 1. 1.

Luc. 14. 19.

1.

2.

3.

sibi conciliabat amorem, simulque fieri posse ac credi debere docebat, quidquid autem virtus exigebat, aut fides.

VI.

Et quanto
cum fructu.

Hæc diuina inuenta innumerabilem Martyrum multitudinem pepererunt, nec pauciores confessores, qui mundi deliciis religiosam vitam antetulere: qui non contenti Euangelicæ legis exequi præcepta, ad sublimiora collimantes, incredibili animi fortitudine consilia euangelica maturè complexi, ea constanter ad vltimam vitæ periodum retinuerunt. Hæ artes fidem vbique gentium profeminarunt, & philosophorū & sapientum mundi huius captiones ac sophismata, vt aranearum telas dissiparunt, vim tyrannorum infregerunt, spem eorum irritam redderunt, extinxere flammam, retudere gladios: imò, quod est admirabilius, Deus Christianam fidem doctrinamque roborabat, illis ipsis rationibus, quibus sæuissimi principes eam se extinguere posse confidebant. Terra enim martyrum sanguine irrigata centuplum quotidie proferebat. Qui ergo mortales tam sapienter allexit ad sese, & apud se retinuit, maximo eorum bono, num repulsam pati debet in eo amore, quem requirit ab ipsis, cum eum tãta industria quæ fuerit, totque beneficiis promeritus sit.

Tertul.

CAPVT XIV.

*Ingeniosus Christi Domini Amor in sacrosancta Eucharistia;
& primum ratione affectata similitudinis.*

I.

Deus fecit
epitomè mi-
rabiliū suo-
rum in oru-
rerum.

Ioan. 13. 1.
Psalm. 110. 4.

Et in Eu-
charistia.

SI Domini ac magistri nostri amor solerem sese ostendit initio, progressuque vitæ, non minùs se ingeniosum in extrema vita probauit: in eamque sententiam accipi possunt illa verba Ioannis, *Cum dilexisset suos, qui erant in mundo, in finem dilexit eos*, quando, vt ait regius ille Psalter, *Memoriam fecit mirabilium suorum misericors & miserator Dominus, escam dedit timentibus se*. Et quemadmodum in exortu rerum, cum Deus eam molitionem absolueret, hominem fabricatus est epitomen diuinorum operum, mundum mole exiguum, perfectione maximum: ita in eiusdem instauratione, & sub eius finem epitomam fecit in sacrosancta Eucharistia mirabilis potentia suæ, sapientia, bonitatis. Dicamus nunc aliquid de his, quæ ad amabilem eius mysterij sapientiam pertinent, Fratres mei deinceps, quæ ad potentiam ac bonitatem spectant, illustrabunt.

II.

Primum sa-
pientia in-
uentum ex
similitudine.

Principio itaque cum probè nosset amantissima ista sapientia, beneuolentia, vt supra dicebamus, conciliatricem esse similitudinem, adeo vt vnam in rem similia pene confluant, candida in ratione candoris, & calida caloris vnum quid fiant, bona item malæ in malitia vel bonitate. Et vice versa, quo maior est rerum, aut personarum dissimilitudo, quo minus inter se moribus aut lingua, doctrina vel religione con-

gruunt, hoc ægrius quoque inter se diligunt, aut in eandem sententiam voluntatemque conspirant. Cùm ergo videret Deus infinitatem atque immensitatem suam, longissimo interuallo à nostra humilitate, ac paruitate distare, similis nobis in hoc sacramento fieri voluit, sed ratione mirabili. Qui enim in principio erat Verbum, in tempore factus est caro, & habitu inuentus ut homo. Nec eo contentus, qui amictus est lumine sicut vestimento, albo rubroque amictu induit se, iuxta illud Sponsæ, *Electus meus candidus & rubicundus, electus ex millibus.*

Deus similis nobis factus.

Ioan. 1.
Phil. 2. 7.
Psal. 103. 2.
Cant. 5. 10.

Dei propria est magnitudo, in eamque titulis optimi maximique nomen frequentissimum est, ipse quoque apud Ieremiam, *Nunquid non cælum & terram ego impleo, dicit Dominus?* Et Dauid, *Magnus Dominus, & landabilis nimis, & magnitudinis eius non est finis.* Et Esaias, *Hac dicit Dominus. Cælum sedes mea, terra autem scabellum pedum meorum.* Contra verò propria est hominis paruitas, nihil enim minus aut abiecius est puluere, ex quo ille coaluit; neque enim assurgit humo, vt lapis, aut planta. *Recordatus est, ait Dauid, quoniam puluis sumus.* Deus igitur vt se nobis similem redderet, non contentus ea humilitate, qua in vtero virginali exinanivit semetipsum, tam paruum se in hocce mysterio exhibuit, vt mica panis, aut vini guttula, Christus totus, corpore, sanguine, animo, diuinitate, quantus quantus est contineatur. Videte mortales vt demissioni animi, quo ipsius ducimini conditione naturæ, studere par sit, in gratiam eius, qui cùm sit & natura & gratia maximus, tam paruum se reddidit in gratiam vestri. Videte num vos magnificè circumspicere debeatis, & quasi cælum vertice tacturos erigere, quod plane est dissimilem se illi efficere, qui, vt vobis similis esset, vsque adeo studuit humilitati, vt ea cælum & terram admiratione compleuerit.

III.
Nonobstante magnitudine sua, & paruitate nostra.
Ca. 23. 24.
Psal. 144. 3.
Ca. 66. 1.
Psal. 102. 15.
Phil. 2. 7.

Dei propria est potentia, & quidem ea potentia cui cuncta subiacent, vt quotidie prostemur, cui nihil vel in terra possit, vel in cælo resistere; Homo contrà est ipsa infirmitas, atque imbecillitas, adeo vt eum Iobus folio, quod vento rapitur, & stipulæ aranti comparare non dubitet. *Contra folium, inquit, quod vento rapitur ostendis potentiam tuam, & stipulam siccam persequeris.* Vide ergo miraculum; vide Deum ac Dominum tuum factum in Eucharistia, quasi arboris folium, quod modicus venti flatus asportat; vides vt nullum sponte sua motum edat, nullum tantæ potentie argumentum, nisi fortè ad hæreticorum, cæterorumque infidelium peruiaciam retundendam, & catholicam fidem magis magisque firmandam.

IV.
Potentia sua & infirmitate hominum.
Ca. 13. 25.

Huic diuinæ potentie agnata est fortitudo, iuxta illud Dauidicum, *Fortitudo Dominus fortis & potens, Dominus potens in prælio; & rursum, Indutus est Dominus fortitudinem, & præcinxit se.* Ipse est Dominus exercituum, atque virtutum, cui ad nutum omnes Angelorum legiones obsequuntur. Hominis autem propria est ac natia imbecillitas, nihil eo infirmius,

V.
Fortitudo sua & imbecillitate nostra.
Psal. 23.
Psal. 92.

non vas testaceum, non imago cerea, non lagena vitrea. Exiguum frigus pleuritidem affert, & febrim importunus calor, & vtramque mors improuisa consequitur. In cuius rei probationem L. Crassum memorant profanæ literæ, sacrae Manassæ Iudithæ coniugem, & puerum quem Elisæus suscitabat à mortuis, vt quotidianam mittamus experientiam, de qua Iobus, *Homo quasi flos egreditur & conteritur, & fugit velut umbra.* Halitus infalubris, vespertinus aër, humor aliquis hominem morbo tentat, & morte prosternit. Quid ergo fecit Dominus ille fortis ac potens, ad cuius conspectum montes instar ceræ colliquefcunt? tam infirmum se in Eucharistia reddidit, vt alterutra specie humore aut siccitate corrupta, ibi subsistere nequat, sed abscedere compellatur. Et quotidie natiuo eas calore consumente, in stomacho esse desinit.

VI. Dei propria est immortalitas, adeo vt dicatur ab Apostolo solus habere immortalitatem, à seipso nimirum, nullo cuiusquam beneficio; *Immortalitate sua, & corruptibilitate nostra.* Est enim esse quoddam necessarium, à nulla alia re pendens. Nam de cœlis ipsis, qui inter res corpore constantes immortalitatis palmam ferunt, *Ipsi peribunt,* ait David, *tu autem permanes, & omnes sicut vestimentum veterascent, & sicut opertorium mutabis eos & mutabuntur, tu autem idem ipse es, & annus tui non deficient.* De homine verò ait Iobus, *Homo natus de muliere, breui viuens tempore, repletur multis miseriis.* Per breuis quoque mora est Seruatoris, in illis huius sacramenti typis, qui cùm facile consumantur, reuolat ipse ad patrem. *Nōne sicut lac mulsisti me,* aiebat Iobus ipse de se, *& sicut caseum me coagulasti?* Id cùm de materia dicatur de qua factus est homo, nōne idem de pane, de quo fit Christi corpus dici potest? Candida enim farinula aquæ mixta lacti similis est, & duas inter ferri tabulas excocta solidatur, & coagulatur vt caseus.

VII. O inestimabile miraculum! ô prodigium ingeniosi amoris, vt Deus infinitæ potentia & maiestatis, solus fortitudine, & immortalitate præstans, suo illum in homunculos amore inuitante, ita sui oblitus esse videatur, vt mortalibus & caducis, vt paruulis & infirmis similem se reddiderit; & nunc, quamuis extra conditionem patiendi moriendique positus, mortalem tamen se quodammodo, patibilémque fecerit. Quid dicemus de te, ô sapientia æterna, ô bonitas infinita? Nōne videri potes imitari stultos amatores, qui etiam vitia imitantur eorum, quos amore atque honore prosequuntur, vt de Platonis, & Aristotelis sectatoribus legimus, quibus amicorum sordes mundæ sunt, pulchræ maculæ, quos *delectat polypus Agna.* Nisi id potiùs ambiebas, vt omnibus omnia factus, vt magnus ille Apostolus & imitator tuus, omnes lucrareris. Quomodo non imitabimur te in diuinis moribus tuis, ob amorem tui, quando tu ob amorem hominis imitari non dubitasti miseras eius? Quomodo insignia tua seruis tuis pudorem afferent, cùm tu eorum infirmitate circumuestiri non recusaris?

CAPVT XV.

*Alterum diuini amoris inuentum in Eucharistia ratione
coniunctionis.*

TRANSEO ad alterum inuentum in hoc mysterio absconditum.

Vnus de præcipuis amoris effectis, est vnio rei diligētis cum dilecta, Itaque filius Dei cū singularem illam personā Verbi cum humanitate compositionem fecisset, in vniuersā naturā humanā salutem & nobilitatem, eāque coniunctio in vnico naturā humanā indiuiduo consisteret, nec pateret latius, maius aliquid efficere aggressus est. Cū tamen cerneret non conuenire, vt personam diuinam singulis hominibus copularet, admirabile, planēque diuinum excogitauit inuentum, quod nunquam in hominum mentem, vel angelorum incurrere potuisset, vt se videlicet, sub cibi potūsque specie occultatum, hominum corporibus animisque immitteret; eoque modo illis coniungeret, quo igni in fornace ferrum, quo cera liquida alteri infusa copulatur, quo fermentum reliquæ massæ immiscetur, vt antiqui Patres hanc coniunctionem interpretantur. Quæ res tam mirabilis est, omnem vt admirationem exhaustire possit. Sicque o sapientissime amator, quod sequebaris affectus es, vt animas amore tuo laucias quā arctissimè, ac suauissimè cōplecterere.

Sed quare, inquā, sub eas se species abdidit, sub quibus diu durare non posset; cū amici, diutissimè simul esse cupiant, & à se mutuo diuelli non possint? O insigne, ait Ingeniosus Amor, deliciisq; refertum inuentū. Cupiebat nimirū crebrius hanc iterare coniunctionē, vt singulis cum dilecta anima renouādis amplexibus, nouam reciperet ipse, tribueretq; delectationem. Alioquin non decuisset *ἐπιβουλοῦ* illum panem quotidie petere, nec quotidianum vocasset, nec toties, tamque amanter ad conuiuium suum ille nos inuitallet, nisi singulis vicibus cum spiritali refectioe, delectationis fructus iteraretur. Et sicut in corporeo cibo tum demum sensus oblectationis existit, cū is per palatum & linguam in stomachum transmittitur, non cū in stomacho residet, ita in sumptione, & traiectu diuini huius cibi, gustus spiritalis percipitur, & gratiæ diuinæ incrementum datur. Eāque causa est cur redire crebrius velit Seruator, & quotidie instaurare conuiuium suum.

Magnum tamen est inter viuum hunc & viuificum panem, reliquosq; cibos emortuos discrimen. Nam isti delectationē nullam percipiunt, sed ille vnus qui eos comedit. In hoc autem diuino conuiuiō, tam conuiua, quā cibis ipse, qui est Christus Dominus, prædolci suauitate perfunditur; sed ille maiori, qui maiore charitate præditus est. Nec illam omitamus diuinæ sapientiæ in hoc epulo cogitationem, quod cū eius ar-

I.

*Deus coniunctionem
siam quasi
uis cum om-
nibus.*

II.

*Quare sub
speciebus ci-
to corrupti-
bilibus se de-
dit.*

Matt. 6. 11.

III.

*Christi cibis
percipienda
voluptatis
est capax.*

bitrij esset quemuis cibum eligere, quo indueret sese, vt carnem aliquam, & quidem infrequentem & preciosam, perdices, phasianos, aliâque altilia, aut etiam mel, manna, saccharum, aliôsq; fructus, panem maluit, tanto vt facilius nobiscum esset, minoréque sumptu reciperetur. Sic & baptismatis sacramentum in aqua instituit, quâ vbique, & sine sumptu reperitur.

CAPVT XVI.

Multi fines diuina Sapientie in natura operibus, præcipuéque in sacra Eucharistia.

I. *Sapiens ad multos simul fines intuetur.* SEQUITUR tertium diuinæ Sapientie inuentum, quod si aliquanto latius explicaro, videor id mihi non sine vtilitate facturum. Proprium est sapientis vnâ eandemque rem multis vsibus finibûsq; destinare: vno verbi causa munere officiove plures sibi amicos comparare, vna pacificatione varias querelas extinguere. Philosophi quoque passim aiunt frustra multa media ad aliquem finem adhiberi, ad quem paucioribus perueniri potest. Hoc autem Deo vel maximè conuenit, qui vniuersalis causa est, quam par est effectus amplissimos producere, latissimæque patentes, nec eos absque necessitate multiplicare. Itaque in suis tam naturæ quàm gratiæ operibus, ita rem vnâ ad finem aliquem primarium retulit, vt ad multos quoque alios multa cum vtilitate, & concinnitate referri posset. Placet eam rem exemplis aliquot illustrare.

II. *Varij fines oculorum. vide Annal. Eccl. a. 1. die 6. n. 26.* Quem ad finem Deus oculos in facie hominis collocauit? Nimirum vt iis ducibus cibum sibi quæreret, & ad omnem progressionem & motum vteretur, necubi offenderet, rueret, inquinaretur. Loco excelso collocauit, vt si malum aliquod ingrueret, citò atque à longè id agnoscere posset, atque auertere, ideòque in capite quasi in suprema domo excubitores & vigiles constituti sunt. Sed vltra primarium hunc finem dati sunt hominibus oculi in ornamentum faciei, quod ex oculis maximè pendere docet insignis illa differentia decoris, quæ cæcos inter oculatôique reperitur, quorum imam frontem insignes illi dño preciosi lapides, viui, mobiles, coruscantes exornant, tam composito & adæquato vterque motu, figura tam nobili, colore tam grato, ac vario, tam pelliciente venustate, tanta totius operis perfectione, tamque amabili, nihil vt pulchrius toto hoc mundo aspectabili reperiri possit. Habent enim oculi in humana facie pulchritudinis principatum, facies in homine, homo in reliquo orbe terrarum. Supplet & linguæ defectum oculi, si quis aut loqui non possit, aut intelligi quid loquatur. Et cum vultus totus animi motus affectûsq; prodat, illa vis maximè sita est in oculis, qui in tristibus lugent, in lætis hilarescunt, inflammantur in ira, in liuore palescunt.

Summe plantam aliquam exiguam, puta rosam, lilium, aliūve florem; aut herbam; quam multis rebus est vsui? eius color & figura, quæ admirabilem, atque infinitam penè varietatem admittit, sensui blanditur oculorum, sapor gustatui, odor naribus famulatur, substantia ipsa nutritio-
 ni; & variæ proprietates fouendæ aut recuperandæ sanitati seruiunt. Vt
 fileatur interim finis ille generalis, excitandi homines ad diuinas supremi
 artificis perfectiones agnoscendas, ad admirandam ingeniosam eius sapi-
 entiam, gratissimòque amore complectendam eius erga se bonitatem,
 in quorum gratiam tantam optimarum ac pulcherrimarum plantarum
 syluam, illius imperio terra profuderit, quotidieque profundat: quibus
 insuper ingenia nobilia, & terrenda iunda vultu exerceantur, eruen-
 dis ar-
 canis proprietatibus, quas earum sator à principio in illis abdidit, *mun-*
dum enim, ut ait Sapiens, tradidit disputationi eorum. Eccl. 3. 11.

Coniciamus oculos in vnam aliquam arborem, quæ radicibus, trun-
 co, ramis, foliis, fructibusque constat, quarum rerum singulæ ad diuersos
 referuntur vsus. Radices humi varios sparguntur in ramos, mediū-
 que truncum in orbem obeunt, partim ad natuum eius pondus, & vim
 ventorum irruentium sustentandam, partim ad maiorem terreni succi
 copiam, ad suam totiusque arboris nutritionem, exsugendam. Truncus
 assurgit à terra, ne fructus humi iaceant, ibique vel conculcentur ab ho-
 minibus, aut deuorentur à bestiis, aut sua sponte computrescant. Nec ta-
 men minus est vsui marinis terrenisque ædificiis, & innumerabili vtro-
 rumque suppellectili: tot pontibus, tot curribus, tot belli, pacisque machi-
 nis; adde nutrimentum flammarum, & confedionem omnium, ad quæ
 ignis est necessarius. Rami longè latèque funduntur, ad fructuum circun-
 quaque nascentium copiam & commoditatem, qui super truncum in-
 commodè densarentur, in ramis autem commodiore sole, umbra, ven-
 tisque fruuntur ac pluuiis. Adde lignorum copiam ad domesticos vsus.
 Quid quod instar tecti sunt omnibus terræ animantibus, vt à plerisque
 cœli iniuriis protegantur? Quid quod terram contra æstiuos cœli ardo-
 res inumbrant; & vltro latronibus ad patibula famulantur?

Folia à nimio caloris æstu, & impetu pluuiarum fructus protegunt,
 grandinis ictus excipiunt, atque infringunt, & vt fructus seruent inco-
 lumes, vltro se ventis, ac tempestatibus obiciunt. Nec minus tamen
 tam arborem ipsam, quàm vniuersum agrum exornant: quod aperte
 docet, hyemis cum vere atque æstate comparatio. Deinde abeun-
 te autumno & superueniente frigore, folia quæ ramos texerant, ter-
 ram vestiunt, fouent, fertilèmq; reddunt. Denique fructus in vi-
 tam hominum, mutorumque animantium vsurpantur, maximèque
 homini seruiunt, vt dicebam, cuius sensus omnes iucundissimè affi-
 ciunt, suæque vi, ac virtute, variis eius malis, ægritationibusque me-
 dentur. Sed ne longiores trahamus in naturæ contemplatione mo-
 ras, par est nos ista ad nostrum institutum transferre philosophantes.

III.

Et planta
 vnius puta
 floris, aut
 herbe.

IV.

Aut arboris
 alicuius, e-
 iusque par-
 tium singu-
 larum,
 radicum,
 trunci.

TAMOTUM,

V.

Foliorum,
 & fructuum.

Si enim in exigua aliqua planta, si in flore, si in arbore tantam Deus ostendit sapientiam, tam multisque finibus vnica opera prouidit, quid illum fecisse putemus circa hanc vitæ arborem, in medio Ecclesiæ suæ paradiso plantatam, in illo empyrei cœli imperiali flore, in illa exquisitissima planta ex terra viuentium? Quam multis rebus utilis est diuinus hic cibus? tam aptè, tamque congruè, perinde ac si ad singulos tantum usus, ac fines esset institutus.

VI.

I.

Diversi Eucharistia fines.

Luc. 22. 19.

I. Cor. 11.

24. 25.

2.

3.

VII.

4.

Alij quoque fines.

Psal. 101. 5.

Ioan. 6. 33.

51. 53.

5.

VIII.

6.

Reliqui quoque fines.

7.

Voluit Christus Dominus eius institutor sacram Eucharistiam esse monumentum sanctissimæ mortis ac cruciatuum suorum, utque cruentum ipsius sacrificium non cruento sepræsenteretur, ac renouaretur: idque aptè significauit illa vox ad discipulos suos, *Hoc facite in meam commemorationem*; ne scilicet vos vlla vnquam mei, aut redemptionis vestræ capiat obliuio. Voluit quoque aspectabilis manere cum suis, quamuis solitam vitæ consuetudinem illis subtraheret, ut simul fidem eorum exerceret, & quod canit Ecclesiæ, dum visibiliter Deum cognoscimus, per eum in amorem inuisibilium raperemur, sicque rationem excogitauit & viam, qua quamuis tectus, nobiscum tamen usque ad consummationem seculi, non diuinitate solum adesset, sed animo quoque & corpore, & utroque beato & immortalis. Voluit etiam in fine vitæ, ut antè diximus, epitomen edere omnium mirabilium suorum, quod non potuit excellentius, quàm mirabili hoc sacramento perficere.

Voluit filiis suis, quamuis infirmis atque mortalibus, instaurandæ vitæ, viriumque animi pharmacum, in Ecclesiæ suæ promptuariis, relinquere; ut immoto vestigio, in lucta aduersus propensiones vitiosas, carnis quoque mundi & demonum petitiones, & insultus consistere valerent, & victoriam obtinere; alioqui id eis contingit, quod de se regius ille vates prædicabat. *Percussus sum ut fœnum, & aruit cor meum, quia oblitus sum comedere panem meum. Quem obsecro panem, nisi eum de quo Seruator ipse, Panis Dei est, qui de cœlo descendit, & dat vitam mundo. & iterum, Ego sum panis viuus, qui de cœlo descendi. Si quis manducauerit ex hoc pane viuet in æternum. Et, Nisi manducaueritis carnem filij hominis, & biberitis eius sanguinem, non habebitis vitam in vobis.* Voluit præterea Ecclesiæ suæ relinquere dignissimum acceperissimumque sacrificium, quo Dei maiestas infinita pro meritis honorari posset; viuus mortuisque auxilium, satisfactio, libertas, felicitas impetrari.

Voluit moriens filiis suis testamento relinquere thesaurum, quo possent obtinere à Deo quidquid liberet, *Si quid petieritis patrem: in nomine meo dabit vobis. Quidni dabit? neque enim gratis dabit, sed vicissim accipiet, quod longè pius est quàm quæcumque postulatis: ipsum scilicet filium gloriosa humanitate conuestitum: sic videlicet Christi nomen pro ipso Christo sumitur, sicut sanctum & terribile nomen Dei dicitur, pro Deo ipso sancto atque terribili. Voluit esse viaticum abeuntibus ex hac vita, ut eis præsidio esset in grauissimo illo maximèque periculoso certamine.*

Voluit esse cōsolatio superstitum, qui eius familiaritate & deliciofissima vitæ cōsuetudine frui possunt. Voluit afflictis asyllum esse, atq; perfugiū, cū reuocant ei in memoriam mitissimā illam inuitantis ad se vocem, *Venite ad me omnes qui laboratis & onerati estis, & ego reficiam vos.* Voluit eis esse fons inexhaustus omnium gratiarum. Voluit deniq; esse certissimum pignus æternæ vitæ. Eius enim est illa oratio, *Qui manducat meam carnem, & bibit meum sanguinem, habet vitam æternam,* in spe scilicet, præsentī pignore firmata: *& ego resuscitabo eum in nouissimo die.*

9.

10.

11.

Ioan. 6. 55.

CAPVT XVII.

Alia quædam inuenta Sapientia, in Eucharistia usurpata.

SAPIENTIS esse omnes sentiunt nihil in negotiis suis raptim & turbulenter agere, sed rem totam longè antè prospicere, paulatimque ut res tempusque tulerit, promouere, tandemque perducere ad optatum finem. Itaque contingit nonnumquam ut res antè perfecta sit, quàm posset vulgus inchoatam suspirari. Prudens architectus, qui insigne aliquod opus animo versat, materiam omnem paulatim, & quasi aliud agens colligit, & rem benè meditatam multis committit artificibus, qui singulos lapides & ligna ad præscriptam normam figurent: quibus in opus diligenter incumbenibus breui tempore existit insigne palatium, quod propemodum integrum è terra eductum esse videatur. Ita videtur diuina sapientia sensim sine sensu præparasse omnia, quæ ad hoc cœleste conuiuium pertinebant, seque ipsum & homines ad illud à longè disposuisse; se quidem admirabili susceptæ carnis mysterio, mundum autem figuris ac vaticiniis. Inde cū adesset præsens, geminato productionis panum miraculo, mutatione aquæ in vinum; prædictione quoque ac promissione eiusdem conuiuij, cū diceret, *Panis quem ego dabo, caro mea est pro mundi vita.* Postremò in vltima cœna id sacramentum instituit; tūque intellectū est, quò illa omnia pertinerent, quàmque verè dictum esset de Sapientia, eam *attingere à fine vsque ad finem fortiter, & disponere omnia suauiter.*

I.

Sapiens res suas à longè disponit.

Ioan. 6. 52.

Sap. 8. 1.

Dicunt sapientes, quam quæque res ansam dederit, eam prudenti arripiendam esse: nihil item inuita minerva faciendum esse. Itaque prudens pater familias, qui vim inferre non vult naturæ, & propensioni naturæ liberorum suorum, sed ei potius, quantum ratio postulat, accommodare se cupit, ea propensione cautè solertèque obseruata, vitæ rationem illi consentaneam præparat, seque tacitus ad illius captum, gustumque attemperat. Medicus quoque agnito morbo, & genio, & cupiditatibus ægrotantis, eis quantum licet operam suam studiumque accommodat, ut eum restituat sanitati. Vidit Deus hominem, à primæna

II.

Et se rebus accommodat

Psal. 48. 13.
21.

illa calamitate, comparatum iumentis insipientibus, & illis similem factum esse; & cum illis inclinatione mirabili, cibi, potus, carnisque cupiditate flagrare, nobilissimo inuento, planéque prodigioso, carnem induit factus homo, eamque deinde in cibum potumque conuertit, ut carnem carnis ope curaret, & cum cibo & potu, gulæ & ebrietati remedium afferret; sicut cum scorpionis sanguine vulnus ab eo impositum curatur.

III.
Christus se
presentem
exhibet ad
amici nuntium.
Luc. 22.
I. Cor. 11. 25

Addamus postremò amantissimum honoratissimūque inuentum Seruatoris illo contentum elogio, *Hoc facite in meam commemorationem*. Id enim fuit dare potestatem hominibus, cum pauculis verbis sibi presentem constituere quotiescunque libuisset, suam enim liberalitatem nullis aut temporis, aut loci finibus circumscripsit, sed tanti mysterij confectionem voluit esse arbitrij sacerdotalis, omnem autem ceremoniarum modum, atque peristates voluit esse constitutionis Ecclesiæ suæ, quam veritatis magister & doctor Spiritus sanctus summa fide ac beneuolentia gubernaret. Certum nihilominus est sacerdotem acceptum panem posse quouis loco, ac tempore, ac quantauis quantitate consecrare, sibi que presentem efficere. O potestatem inauditam! O inuentionem dignam Deo! Quis amicus non se prædicaret mirum in modum beatum, qui certa verborum formula, posset amicum suum ad se transferre, quantauis terrarum ac marium longinquitate disunctum?

C A P V T XVIII.

Mira quedam amantissimi Seruatoris inuenta, in conuersionem peccatorum, & gratiam amicorum suorum.

I.
Amoris
fortia late
patet.

CONIICIAM huc alia quædam exempla, diuinarum inuentionum, Cæsi pleraque illorum ad alia quoque capita referri possint Diuinus enim Amor Ingeniosus & solers abundat inuentis, quibus nunc dulcedinem suam, nunc liberalitatem prædat, hic in aggrediendo fortitudinem, illuc in tolerando patientiam; hoc loco zelum suum, illo vigilantiam: hac se in causa comem ostendat, in illa placabilem: hoc tempore officiosum, illo actuosum, atq; ita de cæteris aut amoris proprietatibus, aut filiis Charitatis, vnde consequens est ut ad eos reuocentur fines. Placet tamen huc nonnulla exempla referre, ne vacuum relinquamus hunc locum, qui meritò seorsim explicari potest.

II.
Christi in-
uentum ad
curandum
Episcopi to-
naxis animi
1.6. c. 5. n. 9.

Recitauimus supra inuentum sanctissimi Patriarchæ Ioannis elemosynarij in curanda febre Troili Episcopi, hominis minus aduersus pauperes liberalis, quàm præfulem deceret locupletem. Potuit illa inuentione febrem ex corpore exigere, ex animo non potuit, qui perseverabat æger à cupiditate pecuniæ, & amore terrenorum; ex quo alia id genus

symptomata poterant ex occasione proficisci. At Dominus rationem excogitauit, qua laborantem animum Troili funditus curauit, & pulsa auaritia febri, eximium amorem beneficentia in pauperes, & liberalitatis infudit. Cum enim Patriarcha Troilo libras auri triginta reddidisset, acceptilationem quoque in hac verba ab eo accepit. Domine Deus restitue si placet domino meo Ioanni Patriarcha, mercedem triginta librarum auri, quæ tibi in persona pauperum donatæ sunt, meas enim ego recepi, mihiq; à domino Patriarcha cumulatè satisfactum est.

Accepta hac apocha Patriarcha Episcopum secum ad prandium in Patriarchium deduxit, aurum enim hominem integræ restituerat sanitati. Prandetur, sublatiſque menſis Troilus vrgente ſomno obdormiſcit, videtque ſpeciem quandam mercedis quam amiſerat. Obſcitur enim menſis ipſius oculis regium quoddam palatium, magnitudinis ac magnificentia ſingularis, cuius aureum erat propylæum, cum toto columnarum, epſtilij, zophori, & coronidis apparatu. In zophoro autem ſcriptum erat Manſio æterna, & requies Epſcopi Troili. Hæc cum ille ſingulari cum voluptate legeret, ſuperuenit quidam à Deo nunciuſ, qui iubet eam ſcripturam induci, & hanc eius loco ſubſtitui. Requies, & æterna manſio Ioannis Archiepiſcopi Alexandrini, empta triginta auri libris. Quæ cum legiſſet, euigilauit illico, ſupérque iactura ſua ingemiſcens, viſum ſuum Patriarchæ recitat, ſimulque diuinituſ à morbo auaritiæ ſanatuſ, euasiſ in virum benignitate in pauperes ſingulari.

Recitauit aliquando idem Patriarcha, vt in eius vita Leontiuſ Epſcopuſ fideliter ſcripſit, quòd olim Petro Trapezita contigerat, quoque modo diuinituſ à ſua in pauperes inhumanitate fuerat curatuſ. Erat enim vſque aded humanitatis inops & inurbanuſ, nullum vt obolum vnquam pauperibuſ largiretur, ſed eoſ à ſe potiùſ cum conuitio longiuſ amandaret. Contigit autem aliquando vnuſ de mendicis ſponſione certare cum ſociiſ, fore vt à Petro eleemoſynam extorqueret. Adit ergo Trapezitam ſubeūtem domum, & ſolito importuniuſ vrget hominem, ſibi vt aliquid ſtipiſ largiatur. Ille non ſolū à ſe reiicit cum ira mendicum, ſed lapidem etiam quæritat, quam in caput eiùſ intorqueat. Contigit autem caſu aſinuſ eiùſ onuſtuſ panibuſ in ædeſ intrare, ergo cum lapidem non haberet ad manuſ, panem arripuit, quem contorſit in pauperem, quem hic duplici de cauſa lætuſ, quaſi de ore lupi raptum abſtulit, abiitque victor ad ſuoſ.

Biduo poſt incidit Petruſ in morbum grauiffimuſ, aded vt breui ad extrema ventuſ fuerit. Vidit autē tunc anteaſta à ſe vitæ opera in trutina coram Iudice ponderari, & alteram lanciuſ à quibuſdam Mauriſ conſertim oppleri, & malis operibuſ exaggerari. Altera vacua erat, nec habebant Angeli, quid in eam ad æquilibritatem conicerent, Cum Angeluſ nec ſine pudore panē impoſuit, quem ille ex ira in pauperem proiecerat; cūmq; facta eſſet æqualitaſ, dicunt ei Angeli, vade & adde

III
Ex eodem
exemplo.

IV.
Eiuſdem cauſæ
ratio Petri
Trapezita.
Neapolis
in Cypro
Epſc.

V.
Per viſum
diuini Iudi-
cij.

alia opera ad hunc panem, alioqui in manus istorum mauroꝝ incidet. Hic ille euigilans agnoscit insignem Dei erga se misericordiam, mitissimamque prouidentiam, & mutatus in virum alterum tam liberalis euasit, vt non contentus sua omnia profudisse pauperibus, seipsum etiam in mancipium vendiderit, & venditionis pretium egentibus iussit erogari, vt alio quoque loco diximus.

VI.
Conuersio
Ethnici
Christofae-
nerantis.
c. 185.

Scribit in prato spiritali Sophronius iucundissimum miraculum factum à Deo in gratiam mulieris Christianæ, ad conuersionem mariti eius, tunc ethnici. Qui cum tenui in reambo essent, persuasit marito mulier vt pecuniolam suam Deo Christianoꝝ, per manus pauperum, fœnori daret, qui centenis nummis singulos remetiretur. Id cum factum esset, trêsq; inde menses abiissent, vir urgente penuria, optabat aliquem vsuræ fructum degustare. Ergo ei autor est mulier vt se in templum Christianoꝝ conferat; paret ille, in eoque nummum aureum fortè reperit, quo panem, vinum, & piscem emit, sed in pisce purgando mulier lapillum preciosissimum reperit, viroque ostendit. Eius pretium cum neuter sciret, vir gemmarum propolam adit, & venalem proponit. Mercator lapidem inspectat, miratur, postulat quanti indicetur. Tum homo antiquæ probitatis, Domine mi quanti tu eum emere cupis? Mercator videns venditorem ignarum mercis suæ, offert ei quinque nummos aureos. Itane verò, inquit ille, quinque nummis aureis gemmam æstimas? & loquebatur hilarior, vt cum ironia loqui à mercatore putaretur. Ergo pretium geminat, ille minimè malus tacet. Quòd videns mercator putat eum non ex admiratione & ignorantia, sed ex contemptu oblatis precij tacere. Itaque quinquaginta illi nummos offert aureos, seriòque se agere contestatur, eamque summam, si acquiescit, ait illico numeraturum. Tum demum cœpit venditor magnificare gemmam suam. Quid plura? dum verba vitro citroque commutantur, pretium ad trecentos ascendit aureos, quos præsentè pecunia propola persoluit. Inde homo simplex, sed fortunatus domum rectè ad uxorem, quam lætitiæ suæ participem facit. Illa vicissim Dei Christianoꝝ expertam iam viro liberalitatem extollit, cumque tam munifici principis clientem facit.

VII.
Alioꝝ in-
uentoꝝ
congeries.
Soph. c. 179
c. 180.

Quid memorem sanctimonialem virginem, quæ cum ad Iordanis desertam profugisset, vt cuidam iuueni peccandi occasionem adimeret, totos decem & septem annos ex paucis cibariis, quæ cilicio fugiens immiserat, sine vlla diminutione sustentata est, Deo ingeniosè reparante quotidie, quod quotidie absumebatur. Quid Ioannem referam anachoretam, qui cum in spelunca sua cereum coram imagine sanctissimæ Virginis puerum Iesum in vlnis gestantis, accendisset, eumque Virgini commendasset, ad religiosa loca peregrinabatur, ex quibus post vnum alterumve mensem, interdum etiam post quintum aut sextum reuersus, candelam reperiēbat accensam, & sine vlla diminutione dies noctesque ardentem.

ardentem. Quid mulierem Alexandrinam? quam post meretriciū quæ-
stum, cum nemo vellet è sacro fonte suscipere, misit Deus Angelos, sub
specie viro-um augustalium, qui pro ea apud clericos fideliterunt, sic-
que baptismum consecuta, mox feliciter obdormiuit in Domino. Quid
nubem, quæ religiosi naucleri nauem comitabatur pluens, in summa na-
uigantium siti, nusquam alibi aquæ gutta effusa?

Quid leonem, quem misit Dominus ad Pæmenem anachoretam, vt
cum frigidissimo tempore, tota nocte accubans refoueret, sic vt nudus
nullū sentiret frigus; qui tamen triennio post à feris disceptus est, quod
cum puer esset, peregrinum quendam à canibus dilacerari passus esset.
Quam insignis ac suauis fuit illa cogitatio, quam immisit Deus S. Doro-
theæ sub ipsum martyrij tempus, vt iuueni cuidam, cui Theophilo no-
men, insultanti, & poma & rosas de horto sponsi sui, ad quem se illa pro-
ficiſci dicebat, ad se mitti postulanti, se missuram, perfrigida anni tem-
pestate promitteret, fidemque suam subito liberaret? Statim enim à
morte obita, pulcherrimus iuuenis Theophilo astitit, qui ei nomine Do-
rotheæ calathum cum tribus egregiis malis, totidemque rosis obtulit,
Hæc, inquit, ad te Dorothea ex hortis sponsi sui; quo ille facto conuer-
sus ad fidem, Christi que martyr effectus est.

Addo & diuinæ sapientiæ ac bonitatis inuentum, ad coniugum pud-
icitiam munerandam, latronemque conuertendum. Negotiator quidam
naufragium passus, cum sua omnia, alienaque perdidisset, saluus eua-
dens Ascalonem venit, vbi à creditoribus in carcerem coniectus est, &
bonis omnibus ita spoliatus, vt ne vxoris quidem vestibus parceretur.
At mulier viro vitam precario quæritabat, cui cum agrè vel panem sup-
peditare posset, sedebat in carcere gemens cum viro suo. Contigit au-
tem virum magnum adire carcerem, vt egenis & obstratis benignè fa-
ceret. Is visa muliere paupercula & perquam liberali facie, eam ad flagi-
tium inuitat, spondens se omnia mariti debita, si annuerit, dissolutu-
rum. Illa autem negat ex Apostolo, se corporis sui habere potestatem,
sed virum: qui cum pudorem vxoris suæ, diuitiis ac libertati antetulif-
set, retulit illa facinus viro non placere.

Quæ cum latro quidam, qui eodem carcere detinebatur, audiuiſſet,
intimis commotus est sensibus, eximie admiratione virtutis, eiſque per
fenestram aduocatis, docet se vt sicarium breui ad mortem raptum iri,
ipsorum autem continentie amore incitatum, eorum paupertati velle,
libertati que consulere. Itaque certum indicat in ciuitate locum, in quo
ingentem pecuniæ vim obrutam reperiant, qua eo extincto frui possint.
Post paucos dies, fractis iussu Præsidis latroni ceruicibus, mulier indica-
tum locum sub noctem adit, eoque effosso, magnam auri argentique
vim in olla reperit, qua sublata, paulatim xs alienum omne dissoluit, vi-
rum eduxit è carcere, insuperque habuit vnde vitam cum pio coniuge
commodè toleraret. Sicque puritatis amans diuina Sapientia piorum

VIII.

Circa Pæ-
menem, &
S. Dorotheæ.
c. 167.

IX.

Remunerata
piorum con-
iugum casti-
monia.
Idem Soph.
c. 189.

I. Cor. 7. 4.

X.

Et latronis
conuersio.

coniugum continentiam probauit, & copiosè in hac quoque vita, quasi præsente pecunia muneratus est, quando illis pro flagitiosa adulterij mercede thesaurum ingentem reposuit, & eis insuper, quasi auctarium, animam peccatoris concessit, & furta in opus misericordiæ, iustitiæ & satisfactionis commutauit.

CAPVT XIX.

Ingeniosum Amorem Christo viam aperuisse ad patiendum.

I.
*Patientia
magna amo-
ris illecebra.*

NVLLVS futurus sit disputationis nostræ finis, si omnia Ingeniosi Christi amoris inuēta persequi velim, vnum tamen addam atque alterum, quod idem Seruator extrema vita maximè patefecit, in quibus tantam sapientiam, bonitatēque demonstrauit, vt in dubio reliquisse videatur amoris in nos sui, an sapientiæ maiora protulerit argumēta. Non ignorabat ingeniosus ille, atque hominum amans Seruator, rerum acerbearum pro amico tolerantiam potentiorē esse ad conciliandum eius amorem, quam si quis aliis eum officiis, aut liberalitate quāpiam demereri conetur; imò in omnibus beneuolentiæ illecebris, potentiorē nullam esse. Itaque mirabilem rationem inuenit patiendi pro amicis suis. At vide, inquam, mi Adolescens, ne dum de Amoris patientia loqueris, inuadas in alienos fines. Prouideo sanè, inquit Ingeniosus Amor. Aliud enim est Amorem esse in patiēdo fortem, aliud solertem esse in excogitandis patiendi viis, quod præsens est instituti. Illud autem mox explicandum suscipiet hic frater meus: & Fortem Amorem digito demonstrabat.

II.
*Christus a-
nimo licet
beatus, pati-
tur tamen
animo,*

ex corpore.

Dico igitur, inquit, diuinam Sapientiam mirabilem inuenisse rationem patiendi, ad mortales sibi amore copulandos, profectò mirabilem. In cuius enim aut hominis, aut Angeli mentem venire potuisset illam animam, quæ Dei beato conspectu ita fruebatur, vt fidei, aut spei particeps esse nō posset, eam simul infinita quadam tristitia obrui posse, qualem illa verba testantur, *Tristis est anima mea vsque ad mortem.* Illam animam, quæ omnes simul Seraphinos gloriæ magnitudine superabat, illi ipso tēpore omnes homines tristitiæ atrocitate superasse; & quæ intimè iuncta erat Deo, sibi nihilominus derelicta, ac desolata diceret, *Deus meus, Deus meus ut quid dereliquisti me?* Eadēque corpori affixa esset, quod dolores cruciatūsque pateretur, cum tamen corpus beatæ animæ societate sit beatum. O ingeniosum miraculum, eadem vt anima duorum simul contrariorum particeps fieret, quæ infinito pene inter se intervallo distarent, & summa contentione pugnarent. Deus bone quanta fuit ista solertia in salutem mortalium, & in damnum tuum!

CAPVT XX.

Conclusio, & congeries quedam diuinorum inuentorum in salutem hominum.

VT ergo quæ hæcenus dicta sunt à nobis colligam in pauca, & cum debita gratiarum actione concludam, gratias, ò æterna Sapientia, quantas maximas capere potest animus meus, ago, atque habeo ingeniosæ Charitati tuæ, à qua tam multa inuenta prodierunt ad hominum tibi amorem conciliandū; perinde ac si amicitia mortaliū aliquid esset, quod Dei ipsius studium, contentionēque mereretur, aut aliquod ipsi emolumentū afferre posset. Non ita, Deus meus, non ita res habet. Profiteor enim, cum sancto famulo tuo Dauide, Deū *Psalm. 15. 2.* meum esse te, *quoniam bonorum meorum non eges.* Tota hæc beneficentia, mera gratia est magnificentissimæ naturæ tuæ, ac regię bonitatis; quæ, si fas est ita loqui, ingeniosam reddidit sapientiam tuam. Quomodo igitur non elaborabimus in excogitandis rationibus, & expediendis viis; honoris, famulatūsque tui promouendi, & amoris, quem tu nunc quoque vehemēter ambis, atque ingeniosè procuras?

O si quis oculum haberet satis perspicacem ad agnoscendas rationes, quibus sæpè vteris ad homines alliciendos ad te, penitūtque pertrahendos, quæ fini, quem intueris, nulla videntur proportionē respondere. Vteris valetudine corporum ad animorum ægrotationem depellendam; iactura bonorum caducorum, vt ne incautis æterna depereant. Amici mortem adhibes, aut inimici contumeliam, aut dedecus proprium, ad refarciendam cum Deo amicitiam, ad distrahendam ab illis vitæ communionem, qui salutis nostræ sunt hostes, ad euadendum pudorem ac dedecus, quo in conspectu Dei, omniumque Sanctorum obruemur, nisi finem aliquando perditæ vitæ imponamus. Educis aliquādo ex improviso nunc timorem aliquem, nunc conscientię aculeum, nunc desiderium aliquod bonum, puta audiendæ concionis, legendi libri aliquem religiosum, cuius ope redit ad se peccator, virus peccatorum apud sacerdotem deponit, vitæ rationem immutat, euadit in filium Dei.

Venerunt aliquando nonnulli ad sacram concionē, vt verbi Dei præconem deriderent, qui præter spem præterque voluntatem animo sauiorati respuerunt. Quidam in religiosa cœnobია sunt ingressi, vt si qua in eis vitia perpetrarentur addiscerent, quæ mox egressi, longè latèque vulgarēt. Sed Deo rem totam aliter moderante, ac dispensante mutati,

G.g ij

I.
Gratiarum
actio.

II.
Christus
porrigit viis
salutem pro-
mouet.

III.
Id docetur
exemplis.

In vita
utriusque.

veri religiosi facti sunt, & quod sicut cœperant, sincere perfecerunt. Ethnici quidam histriones, cum sanctis Christianæ religionis ceremoniis insultarent, ut Genesius, à Deo repente mutati, diuinóque splendore illustrati, fortissimi Christi martyres effecti sunt. Sancti Bernardi fratres, & sorores S. Thomæ eos adierant, ut utrumque à proposito vitæ religiosæ abducerent, utrique contempta mundi vanitate, ad exercitationem cœlestis vitæ se transtulerunt. Crysta & Callista sorores, tormentorum metu à fide defecerant, ab eaque Dorotheam germanam abducere conabantur, quæ multo feliciore conatu, ad Christum rediit, martyrium pro eo pertulerunt.

IV.
De Adami
aduersus da-
monem.

Phil. 2.7.

Improbissimus humani generis hostis illius se planè victorem credebatur, quod miserum Adamum è nobilissimo innocentiae statu præcipitasset. At diuina Sapientia ex ea ruina occasionem arripuit hominem ad multò præstantiorem vitæ conditionem excitandi. Inimicus tuus, Christe optime maxime, hominem in carcere detinebat, eum tu perhumaniter inuifisti, & ut inde educeres, acceptis illius vestibus, *habituque inuentus ut homo*, tuam illi vestem innocentiae tradidisti, illiusque loco captus atque occisus es, in certam eius ruinam, qui tantum facinus suscepit imprudens. Nunquam enim superbissimus daemon tam humilia de filio Dei suspicari potuisset: & quamuis totus sit ex malitia & fraude compositus, nunquam tamen potuit ad diuinæ sapientiae artem peruenire, quæ constituit, *multiformis proditoris ars ut artem falleret, & medellam ferret inde, hostis unde leserat*. Ne permitte igitur, Sapientissime amator, qui cornua inimici tui, seruatorumque tuorum confregisti, & fraudes irritas reddidisti, ut eos iterum impellat in fraudem, & à tuo abducatur amore. Aperi dolos eius, ut & ipse in laqueos suos decingat, & nos intra brachia Ingeniosi Amoris ac misericordiae tuæ. Amen.

Sexti Libri finis.



LIBER SEPTIMVS,

De diuini amoris fortitudine, qui &
FORTIS AMOR.

CAPVT I.

Descriptio Fortis Amoris tertij filij Charitatis.



EXPLICATIS iis quæ de diuini amoris solertia dicenda videbantur, amice Lector, consequens est vt tertium Charitatis filium & præsentem exhibeamus & loquentem; Eum nos Fortem amorem nuncupamus, possumus & Patientem. Est enim in aggrediendo magnanimus, nihil vt arduum occurrere possit, nihil laboriosum aut asperum, quod pro dilecto suo non suscipiat, non inuadat, atque petrumpat. Est etiam tolerantia singulari, nulla vt iactura fortunarum, nullæ ærumnæ, corporisve cruciatus, nullum dedecus aut infamia possit illum ab amicitia Dei sui tantillum abducere. Diuina patris potentia generosum illum efficit ac potentem, sicut filij sapientia Ingeniosum eius fratrem; & Spiritus sancti bonitas, Dulcem fratrem natu maximum. Neque verò periculum est ne fortè succenseat nobis nobilis hic adolescens, quod cum eum Paulus Apostolus inter filios Charitatis primo loco numerarit, *Charit. 13. 4.* *I. Cor. 13. 4.* *patiens est, benigna est, &c.* nos ei tertium locum dederimus. Nulla eum est inter virtutes inuidia, vel æmulatio: nec par est credere eum, qui homini sui patientiam, & Charitatis fortitudinem celebraturus est, ea virtute non satis instructum esse. Adde quod Paulus non videtur habuisse rationem ordinis, cum is nihil ad eius institutum interesset.

Regius hic adolescens, si quis eum ab ipso capite intueatur attentius, densam habet cæsiariem atque crispantem, & instar Nazareæ Samsonis *Prosopopœia* intonsam, sed corona ex alba spina florenti cinctam, quæ renouet *foris Amor* moriam coronæ spinæ Seruatoris. Inscripta enim est hoc carmine, *ris.*

Horrentes capiti tribulos infigit arundo.

Indusio lineo amicitur, sicut & ceteri fratres eius, cui nomen Innocentia: eique laneum habet superpositum colore coccineo, quæ dicitur Constantia. Vultu est virili ac viuido, & colore rubicundo, quasi ex lucta progredieretur, non indecoro puluere sordidus. Tunicam quoque fert laxiorem, cuius pars anterior Christi diuinationem acui pictam habet, posterior gestationem crucis; illa inscriptum habet hoc elogium,

Verbera deficiunt, non patientis amor.

Hoc autem, *Membra labant, animos aspera nulla domant.*

Fert humero dextro appesum balteum, cui Resistentiæ gladius inscribitur. Manu crucem gestat, cum hoc elogio in spiram circumducto, *fortis ut mors dilectio.*

III.
*Esse filium
Charitatis.*

Filium esse charitatis res ipsa docet, Charitas enim, cognita bonitate, pulchritudine, cæterisque Dei perfectionibus, eum validè complectitur, atque inseparabiliter tenet, & cum sponsa clamat, *Inueni quem diligit anima mea, tenui eum, nec dimittam.* Satis habeo virium ad repellendam vim omnem, quam quis ad eum mihi auferendam inferre molitur. Constitutum est mihi ferre probra & contumelias, adeoque conculcari pedibus, vitamque ipsam prius cum cruciatibus amittere, quam sponsum mihi dilectum dimittere. Audet & cum Apostolo dicere. *Certa sum quia neque mors, neque vita, neque angeli, neque principatus, neque virtutes, neque instantia, neque futura, neque creatura alia poterit nos separare à charitate Dei.* Id si quis forte hostium attentare audeat, dicet, cum poëta quodam,

*Audax constituam intrepidus in puluere gressus;
Brachia contendens; & anhelo pectore densum
Spirabo; densamque premens sudore madentem
Sudans concutiam; primæque à luce sub ipsam
Luctabor noctem; ne habenas ante resoluam,
Aut cestus, donec nostram ad effecta cruore.
Ebria terra natej: neque cedam robore morti.*

IV.
*Que ipsius
Epigraphe.*

Alludit utique ad hanc suam Epigraphen, *fortis ut mors dilectio.* Mors enim & amor vincunt omnia, ferunt omnia, contemnunt omnia, cuncta separant, congregantque. Mortales aggrediuntur omnia, ut vitam conferuent, & tela mortis effugiant: quibus tamen denique confodiuntur, & cadunt. Omnia quoque aggrediuntur homines; ut quod vehementer amant aut conferuent, aut consequantur. Quid in diuturno bello, aut obsidione, longinquove morbo toleratur, ne vitæ aut honoris, ne libertatis aut fortunarum iacturam fieri contingat? Neque amor neque mors sceptrum vel diademata reuerentur, non coccum aut purpuram, non pannos aut telas aurei, vel argentei textus, non coronas aut monilia crebro adamante fulgurantia, non præsidarium militem, aut aheneas turres. Mors separat ab anima corpus, & utrumque à fortunis, amicis, cognatis, patria; spemque omnem rerum caducarum præscindit. Amor quoque animam quodammodo à corpore seiungit, dum efficit ut alibi viuat, quam in

corpore suo, & vt præter rem amatam dimittat omnia, amittat omnia, Gen. 2. 14. omnia largiatur. Scriptum est enim hominem patrem ac matrem derelicturum, vt dilectæ mulieri adhærescat. Mors in terra corpora omnia colligit, redditque sibi similia; bonorum item animas ac malorum congregat, & suis vtrasque locis reponit. Tantundem efficit tam diuinus quàm profanus amor, tam in hac quàm in futura vita.

CAPVT II.

Amorem uniuersè fortem ac patientem esse.

AMORIS porro fortitudinem præclare cognouit, ac celebravit antiquitas, ille præsertim philofophus quem dixere diuinum; Is enim in suo illo conuiuio, & secundum eum vir multiplici eruditione præstans Plutarchus. Quod ad vim, inquit, ac robur amoris attinet, tantum is viribus valet, vt ei ne Mars quidem possit obsistere. Non enim Mars amorem habet in sua potestate captiuum, sed Martem Amor, vt ferunt. Fortius autem est id quod possidet, ac tenet alterum, eo quod est in aliena potestate; & quod vincit omnium fortissimum, & ipsam longè fortissimum est. Alludit hic philofophus ad Homericam illam fabulam Martis & Veneris in adulterio deprehensorum, nec tam Vulcani retribus, quàm sua ipsorum cupiditate constrictorum. Vocat idem poëta Amorem mortalium atque immortalium domitorem. Cui succinens alius nihilo minor, *Omnia vincit amor*. Nec mirum, quando ne morti quidem cedit, vt paulò antè dicebamus, sed victor eius effectus, in omnem æternitatem in cælo dominatur, ac regnat.

Hanc fortitudinem id vel maximè probat, quòd Amor infirma quæque roborat. Nemo enim est, inquit idem Plato, tam ignauus ac mollis, cui amor diuinum quendam fortitudinis spiritum non instillet, generoso ingenio minimè disparem; & reuera, vt ait Homerus, quæ vis diuinitus datur Heroibus, accepta ferri debet Amori. Addit præterea idem Philofophus, id proprium esse eorum qui inter se amant, non virorum duntaxat, sed mulierum etiam, vt alij pro aliis mortem subire non recusent; quod diuino illi oraculo consentaneum est, *Maiorem hac dilectionem nemo habet, quàm vt animam suam ponat quis pro amicis suis*. Quid gallina ignauius? quid contrà, si ei pullos dederis, animosius? suus in eos amor, eosque conseruandi desiderium eam reddit animosam, irascitur, inhorrescit plumis, sonum vocis edit quàm maximè potest horrifcentum, alas surrigit, rostrum & ungues in pugnam parat, in hominem inuolat, aut in molossum, sine vlla æstimatione aut propriæ imbecillitatis, aut alienæ virtutis. Quæ confidentia tam feliciter ei cedit, alterum vt distineat, alterum det in fugam. Quantam ergo vim, aut furorem potius,

I.
Probatio
fortitudinis
Amoris ex
scriptoribus
antiquis.
In Sympof.
Kw pulu ite
re ad etiar
Egon op de
Aene di di
satu, &c.
L. 8. Odyss.
L. 4. Iliad.

II.
Vt qui robor
ret infirmo
Ouideis ou
tu xaxet,
&c.

Ioan. 15. 13.
Erra in bru
tis, vt galli
na.

visæ inferet, aut leonæ, quam tygridi, aut pardali, in gratiam hinnulo-
rum suorum? Audi mollem, & infractum animi poetam,

Quid. *Nec mora, venit amor, non umbras nocte volantes,
Non timeo strittas in mea fata manus.*

III. Nihil est apicula imbecillius, lenissima res ei vitam eripit. Nihil con-
Et apibus. trā animosius, siue domum illæ suam, siue principem, aut mellificium
tueri velint, iram amor accendit, qua flagrante bombos edunt minaces,
in hostem ferociter irruunt, rostro, alis, pedibus, & maximè aculeo bel-
lum gerunt; quod telum hostium corporibus validè infigunt, licet non
ignorent se animas cum aculeo posituras. Nam, ut ait Poëta,

*Illis ira modum supra est, læsæque venenum
Morsibus inspirant, & spicula cacarelinquunt
Affixa veni, animasque in vulnere ponunt.*

IV. Ecquid obsecro, præter amorem commodorum, tantum apud mer-
Amor opum catorem potest, ut se triremi, nullius licet criminis conscius, addicat; ci-
fortes red- bo potuque abstineat, nudis asseribus, aut funi anchorario incubet, nulla
dit. expiandarum noxarum voluntate; sæpius etiam reddat, quæ nemini abs-
tulit? Ille vnus amor diuitiarum fit ei dux & cōmes, ut quieto è portu
soluens, vel Mediterraneum periculosè decurrat, & in Africam, Alexan-
driam, Constantinopolim, Epiphaniam, Venetias inuehatur: vel ipsum
etiam tenter Oceanum, & Europa relicta, Canariāsque præteruectus ad
In naviga- dexteram Brasileos adeat anthropophagos, fretum transcurrat Magella-
tionibus lon- nicum, Peruanas auri argentique fodinas inuadat; vel cursu in læuam
ginquis. inflexo, occidua legat Africæ littora, inuisat Angolanos, bonæ spei pro-
montorium, aut leonem Africa non exhorrescat: ad Melindam, aut
Mosambicum appellat onerariam, & appente vere Arabicum sinum
prætens, Armusiam petat in Persico. Inde conuersa in meridiem pro-
ra, Goam & Commorinum promontorium adeat indefessus, & emen-
so Bengalico, Gangeticove sinu, Malacam attingat extremam; & in
Molucas insulas nauigatione delatus, Septentriones & Orientem solem
Chinas, Iaponiōsque perlustret, dum emenso totius mundi ambitu, ad
Peruana rursum littora iaciat anchoras. An exiguam putamus requiri
fortitudinem, quæ tot piratarum incurfibus, tot fluctuum voluminibus,
tot molibus arenariis, tot cæcis ac latentibus scopulis, tot marium igno-
torum monstris, tot tempestatibus ac procellis, tot denique iacturis at-
que naufragiis par esse possit?

V. Nemo facile consequi oratione posset, ac ne admirari quidem satis,
Et amor glo- nisi consuetudo quotidiana admirationem sustulisset, quantum roboris
ria in b. illis. ac firmitatis Amor honoris & lucri in militares animos infundat, ad tu-
barum & tympanorum sonos, incursum in hostiles copias imperantes,
ad bombardarum fragores non timendos, & tonitrua muralium tormē-
torum. Irrumpit feruidus in armatas acies huius amoris impulsu, certas,
sires tulerit, occumbere ignita glandis ictu, vel igniarie machinationis
cuniculo,

cuniculo, sublimem ac lacerum in cœlum rapi, aut flammato cantheriata catapulæ plumbo prosterni, aut corruentis alicuius muri ruina obrui, viuûmque sepeliri, aut acinace validè in caput impacto horrendo ictu diffindi. Tantum apud militem potest amor prædæ, aut spes ductandæ turmæ, vel cohortis alicuius.

Quàm fortis est amor laudis & gloriæ in viro nobili, qui sociis de primo, & periculofissimo in acie loco, apud Imperatorem litem intentat, qui per ruinam murorum ingressum in urbem molitur, nihil aut grandinem missilium ignitorum moratus, aut ab æneis è muro tormentis effusam procellam, sed lorica pectus, scuto corpus, galea tectus caput, acinace vel hasta fulminat, & per strata mortuorum, aut morientium sociorum corpora, per parietinas præpugnaculorum, aut delectarum turrium, per fossas sanguine ac cœno turbidas, scandit animosus, timoris immemor, impos sui. Nimirum altissimè demisit in pectus illam vocem, Quid dicent? Ergo frustra vxor passis crinibus discessum parantem clamore conturbat, frustra liberi vtriusque sexus eiulant, frustra necessarij, cognatique monita, preces, pericula, terrores ingeminant; tympana resonant, Imperator vocat, equi hinniunt, sanguis inardescit, aut acquirenda viuenti gloria, aut in honorario subili, medio in campo, ferrum inter & flammam occumbendum est.

VI.

CAPVT III.

Amoris vi vim ac morsum doloris hebescere, non planè tolli.

NEQVE tamen existimandum est tantum esse in amore virium, eius vt ope vis omnis laboris euanescat; minimè sanè, non secus atque illius dulcedine, non omnis rerum aduersarum amarities perit: obtunditur quidem certè, atque hebescit, funditùs tamen non tollitur. Alioqui irrita deinceps atque inutilis esset fortitudo, nec virtus in arduo fixas haberet sedes, quòd non sine puluere ac sudore, adrependum est. Et si enim virtus vñ ipso, & laudabilium actionum frequentatione modo quodam sit naturalis nunquam tamen in hac vita natua prorsus euadet, ac naturalis, nunquã difficultatis omnis expers. Præsertim cùm mollicies animi, & procliuitas ad oblectamenta corporis, per peccatum inuecta, rationi semper obmurmuret; accedant præterea mundus, & malus daemon in nostram perniciem cõiurati, qui nos à recto virtutis tramite perpetuò reuocent, stimulosque admoueant ad improbitatem, ineptiasque sectandas.

Nullum est animal tam eicur ac domesticum, neque ad imperium heri tam obsequens, quin incalescat ira, & in illum plagarum acerbitate, aut stimulorum punctionibus effereatur. Aculata mulcarum importunitas per-

H.h

I.

Quare non tollatur ab Amore labor aut dolor.

II.

Probaturn experientia.

Num. 22.
28.

quàm mansuetum equum agit in rabiem; & crebrius impacti fustes linguas asinarum aduersus heros solunt ad querelam. Sic & humani animi pars inferior quamuis domita, & iussis rationis obtēperans, si in eam dæmon, aut improbi mundi sectatores insurrexerint, aculeisq; eam suis altè pupugerint, ut Iobum olim, & Tobiam, aliósque Dei famulos, si non eis patientiam è manibus, aut lingua extorqueant, non leuem tamen doloris vel contumeliæ sensum, & quali mortum afferent, quem lacrymæ gemitusque testentur: nisi si quando magnus ille mundi rector tormentis omnipotentem manum iniciat, proque potestate sua omnem vim doloris abstergat, ut aliquando sanctis Martyribus contigit: & regio Prophetæ videtur contigisse, cum diceret probris appetitus. *Ego autem tanquam surdus non audiebam, & sicut mutus non aperiens os suum. Et factus sum sicut homo non audiens, & non habens in ore suo redargutiones.*

Psal. 37.

III.
Obiectio ex
propheta
Esaia.
Cap. 10. 27.
Cap. 40. 31.
Ei satisfir.

Verum enimvero, dicat aliquis, nonne illa est Dei vox apud Esaia Prophetam. *Auferetur onus eius de humero tuo, & iugum eius de collo tuo, & computrescet iugum à facie olei.* Et rursus alibi, *Qui sperant in Domino mutabunt fortitudinem, assument pennas sicut aquila, current & non laborent, ambulabunt & non deficient.* Verum facile est intelligere hæc ab elegantissimo Propheta non sine verborum amplificatione dici: sicut cum solemus neglecta rei, alacrius difficultate dicere, hoc nihil est, nihil est in ea re difficultatis: id est permodicum, & quod nihili fieri debeat. Sic Dominus ait iugum suum suauē esse, & onus leue; nec tamen iugum esse negat, aut onus: quamuis ex auxilio gratiæ, nec suauitas, neque leuitas desit, & vice versa pondus ex conditione naturæ; & quidem tantum, ut notos illos gemitus ex pectore fortissimi herois excutiat. *Infelix ego homo, quis me liberabit de corpore mortis huius?* Nam illa Stoicorum ostentatio, quæ beatam vitam iactat in rotam ascendere, quæ sapientem, cum dolore cruciatur, putat esse dicturum, *Quam hoc suauē est*, inanis prorsus est ostentatio, & si in rem ventum fuerit, planè mendax: aut certè, si ita loquatur in equuleo, quod lingua dicet, conscientia refutabit; præsertim cum illi solis naturæ præsidii instructi, in hanc arenam descenderent.

IV.
Cōfirmatur
ipso Christi
exemplo.

Matt. 26. 38

Matt. 11. 12.

Quis obsecro expetere, aut expectare possit à Deo tantum gratiæ, aut virtutis, tantum charitatis & fortitudinis quantum possedit ipse Seruator? Is tamen in ipso aditu difficillimi certaminis spiritum inter & carnem, luctuosam illam ad discipulos suos vocem edidit. *Tristis est anima mea usque ad mortem.* & mox ad Patrē, *Pater si fieri potest, transeat à me calix iste.* cuius amaritudinem sanguineus ille sudor cumulatè testabatur. Quo denique pertinet diuinum illud essatum. *Regnum celorum vim patitur, & violenti rapiunt illud?* Cælum sursum est, nec potest graue corpus, quale humanum est, in montem arduū sine labore perrepere. Non facile in toto naturæ ambitu reperiatur amor, qui possit æquari cum materio amore erga virginem filium, aut qui tanta constantia tot labores exhauiat, quos profecto non excludit amor, neque eorum sensum, quasi

quidam lethargus eripit, sed tolerabiles efficit, & ferendi constantiam, ac perseverantiam subministrat.

Quemadmodum igitur pax, quæ vna est de primariis fructibus charitatis, non colligitur, sine ea quæ proximè consequitur, patientia, iuxta eum ordinem, quem illis Paulus definiuit Apostolus: nec par est eam, in huiusce vitæ arumnis, expectare omnium periculorum aut turbarum immunem. Ita neque ab amore expectandum est id robur, quod nulla unquam infirmitate concuti aut labefactari possit: non enim imbecillos habemus aduersarios, aut salutis nostræ parum infestos; sed Deus eorum malitia, quasi manibus vitur ad texendum nobis præclaras semperque viridantes coronas: tantoque nobis amplius virium suppeditat, quo violentior fuerit, ac periculosior hostilis insultus. Quod si modico interdum succussu, Deo permittente, deiicimur, eo videlicet casu à superbæ morbo sanare nos cupit. Sed placet etiam causam fortitudinis amoris huius paucis inuestigare.

V.
Declaratur
amplius.
Gal. 5. 22.

CAPVT IV.

Quid causa sit cur Amor fortitudine præstet.

NON est difficile intelligere quæ sit origo huius fortitudinis, & vnde vires hauriat hic Amor. Est enim ingenita propensio voluntatis in bonum sibi conueniens. Id si fortè illa possideret, ferre non potest ut sibi auferatur, sed ad vim vi repellendam animosa consurgit. Sin id bonum obtinere cupit, omnes exerit animi corporisque vires, obuias ut difficultates perumpat, ad rem vel amicè, vel inuitè consequendam. Et pro amoris magnitudine, tenuitate, vel mediocritate, ita magnus erit, aut tenuis, aut mediocris conatus, atque impulsus, ad amolienda impedimenta desiderij nostri. Contingetque nonnunquam ut quis labore obrui, ac pedibus conculcari malit, quàm negligere quod dilexerat, aut nuncium remittere cupiditati suæ.

I.
Vnde vires
hauriat a-
mor.

Quoniam ergo vis ista in mortalium animis ita penitus infedit, nullo ut euelli modo possit, ita dominatur, ut pugnantibus inter se motio- nibus ægrè moderari queat, fatendum profectò est tam illum amorem, quàm istam quæ eum comitatur fortitudinem, insitam esse pectori- bus ab autore naturæ, eoque robore, quasi lorica ferrea, cor ani- mantis, hominis præsertim, esse conuestitum, Quam ob rem autem? Nimirum quia ex quo peccatum orbem terrarum peruasit, & flo- rentissimus ille status innocentiae inde pulsus, atque exterminatus est, innumeris vita nostra periculis obsidetur ac malis; neque vllus est vs- quam locus, vlla ætas, vlla vitæ conditio, quæ ab illis planè sit libera, atque immunis. Harum pœnarum, sicut & peccati originis, participes

II.
A Deo au-
tore natura.

qua tribus
pugnantibus
componitur.

H. h. ij

omnes sumus; & præsidio natiuæ illius iustitiæ spoliati, in eum statum conditionemque recidimus, quem natura contrariis elementis composita, & pugnantibus affecta qualitatibus postulat, quæ, ut pote seditiosa ac turbulenta, perpetuas in homine pugnas intus ac foris cient.

III.

*Fortitudo
necessaria in
tot humana
natura mi-
seriis.*

Ca. 14. 1.

2. Cor. 11. 23

Eccli. 40. 1.

Heb. 10. 35.

Luc. 21. 19.

IV.

*Duo actus
fortitudinis.*

V.

*Difficilius
est sustinere,
quàm aggre-
di aduersa.*

2. 2. 9.

Hoc præclare intellexerat magnum illud exemplar patientiæ, mediis in ærumnis ac querelis suis, cum affirmaret hominem de muliere natum repleti multis miseriis, adeo ut vitæ breuitas, quæ non postremum in iis locum tenere videatur, in beneficiis numerari possit. Earum ærumnarum ingentem catalogum, nec tamen integrum, propria doctus experientia recenset Apostolus; *in laboribus, inquit, plurimis, in carceribus abundantius, in plagis supra modum, in mortibus frequenter*; aliæque generis eiusdem, quæ Sapiens quoque non ignorabat, cum affirmaret occupationem magnam creatam esse omnibus hominibus, & iugum graue super filios Adam, à die exitus de ventre matris eorum, usque in diem sepulturæ in matrem omnium. Itaque aptissimum est hisce malis id remedium, cuius nobis autor est Apostolus, *Patientia, inquit, vobis necessaria est, ut voluntatem Dei facientes reportetis promissionem*. Quæ est autem Dei voluntas, quàm ut cælum, quod vim patitur, violenti rapiamus? quàm ut cruce onustum Dominum, famuli cum cruce sequamur? ut in patientia nostra possideamus animas nostras.

Quod de patientia dicitur, de fortitudine quoque intelligendum est: Nam huius illa pars quædam est. Duo enim sunt actus fortitudinis, quasi totidem brachia, quorum alterum periculum laceffit, atque inuadit pro re dilecta, ne quid ei mali contingat, alterum labores tolerat, pericula iacturæque subit, dolores perfert atque cruciatus, mortem denique ipsam non exhorrescit, dum voti cõpos fiat. Illud dexteræ instar habet, est enim in hum uno corpore fortior, & opus aggreditur prior: ictu validiore ferit, validius retinet, quod dimittere non placet, maiorem denique calorem habet ingenitum: quæ causa fuisse videtur hominis molitori Deo ut cor fontem caloris inflecteret ad læuam, ut maiorem ei copiam sui caloris impertiret: postremo dexteram quasi marem, sinistram fœminam si quis dixerit, utique non absurdè dixerit.

Nihilominus ut ut sit in brachiis corporis, in hisce animi brachiis ratio est longè dispar; est enim amor in sustinendo, quàm inuadendo longè fortior. Difficilius enim est, irruente timore modum tenere, quàm audaciam reprimere. Periculū enim, quod audaciæ ac timoris obiectum est, timorem auget, quem minui oporteret; & inuat ad audaciam reprimendam. Adde quod qui alterum inuadit fortioris locum tenet, qui sustinet inuadentem, infirmioris; difficilior autem sustinetur fortior, quàm inuaditur infirmior. Sed hæc ipsa, atque id genus alia pluribus suggeret Doctor Angelicus; nos hoc quasi præludio, aut si placet iacto fundamento contenti, Diuini amoris fortitudinem, tam in hominibus, quàm in Deo ipso contemplemur. Ecce adest Fortis-Amor, qui hæc ipsa pro munere suo perquam libenter explicabit.

CAPVT V.

Amorem diuinum, etiam ante legem gratiæ, reddidisse homines fortes, & casibus omnibus superiores.

FORTIS profectò reddidit, inquit Fortis Amor, atque magnanimos, diuinus Amor, siue in adeundis vltro periculis, ad diuini numinis gloriam, & proximorum salutem promouendam; siue in tolerandis malis, quibus penitus impar est omnis mortalis infirmitas: adeò vt ne mortem quidem acerbissimis cruciatibus cumulatam reformidarint, modò ne diuinam amicitiam infringerent. Quæ res eo credibilior est, quo hic amor, quo de agimus, perfectior est atque diuinior: cùm ille alter, quem memorabas, vel motio quædam corporea sit, aut summum virtus quædam moralis, quæ ne digitum quidem vires naturæ transgreditur. Ille autem noster Heroas facit, & quasi quosdam in terra Deos: iste rorarios, morti tanquam pecora destinatos. Ille Christi equites, triarios, catrafractos; iste mundi mercenarios, ac velites leuis armaturæ. Neque fuit vnquam miles tam prodigus sui, tam bello acer, tam studiis pugnæ flagrans, qui ad illos longissimo accederet interuallo: vsque adeò causæ bonitas eorum conditionem meliorem facit.

Adducam in medium exempla nonnulla, ex sacris literis, quæ possumus ab vltima vsque antiquitate repetere; addam & aliqua ex historia Ecclesiastica recentissimæ memoriæ, quæ nihil cedunt præstantissimis facinoribus, quæ vetustissima maiorum nostrorum memoria contigerunt. Abstinebo nihilominus à celebranda primi parentis fortitudine singulari, in vitæ huius ærumnis, ipsis nongentis & triginta annis perfectendis, quæ hoc illi erant acerbiores, quòd dulcissimum illum innocentia statum, septiduo tantum, vt nonnulli non temerè arbitrantur, degustaret; quòdque ad sese omnia Caini & Cainitarum scelera, omnes posterorum suorum, tam huius quàm futuræ vitæ, calamitates transferebat, quòd ea, sua vnus in primis culpa, contingere non ignorabat. Abstinebo, inquam, ab hac patientia commendanda, quia, vt ait Poëta quidam, *Que venit ex merito pœna, ferenda venit.*

Possem & illam celeberrimi Patriarcharum prædicare fortitudinem, qua ne ignem Chaldaeorum adoraret, in ardentem fornacem dicitur missus, si fabulis Hebræorum niti placeret. Sed illam potius verissimam qua homo octogenarius, cùm expedita non multorum vernaculorum manu, victores quinque regum exercitus non dubitauit inuadere, & benè propitiæ Numine spoliavit, profligauit, ac perdidit.

Iacobi tamen nepotis eius ærumnas aliquot insigniores, numero duo-

Hh iij

I.

*Discrimen
fortitudinis
diuini bu-
manique
amoris.*

II.

*Exempla
fortitudinis,
siue patientia,
Adami
in primis,*

& Abrahami.

III.

*Maximèque
Iacobi Pa-
triarcha.
Duodecim
eius labores.
Vide Ann.
an. Mund.
2329. n. 72.*

I.

2.

3.

4.

IV.

*Quintus &
Sextus labor.*

7.

8.

9.

Agg. 3. 8.

10.

11.

12.

V.

*Mosis forti-
tudo in Æ-
gyptia lega-
tione pro
Hebræis.*

decim, quasi totidem Herculeos labores, admirabili patientia exant-
latos, tacitus præterire non possum; eas enim vir ille Deo charissimus
tolerabat in gratiam Messæ, quem certò sciebat aliquando ex familia
sua nasciturum. Num enim levis ei fuit patientiæ materia, cum, metu
fratris mortem sibi intentantis, coactus est grandem natu patrem, ma-
trémque dilectissimam, & patriam derelinquere, & exul in regionem
ignotam, ac longinquam, solus fugitiuusque proficisci? Deinde in Me-
sopotamia, cum per septem annos duro in famulatu pro Rachele ser-
uisset, ea frustratus, totidem rursus annos pro eadem servire coactus est:
additis, insuper sex annis famulatus, pro gregibus; quorum annorum
miseriam auxit Labani soceri, decies mercedem ipsius commutantis,
iniquitas. Tertius Iacobi labor fuit ingens à fratre merus, in eius oc-
cursum, cum quadringentis viris properante; quem, ut erat credibile,
sibi iam à tot retro annis infensum, vix multa munerum impensa effu-
git, & in benevolentiam, animi demissione conuertit. Quartus fuit
unicæ filiæ Dinæ violatio, quam mox secuta est horribilis Sichimo-
rum clades, & periculum ruinæ, sibi à circumpositis gentibus immi-
nentis.

Mors dilectissimæ Rachelis in puerperio, ac partu Beniamini quin-
tum obtinet locum. Sextum nefarius incestus Rubeni primogeniti sui,
qui dolor etiam in morientis pectore hærebat infixus. Septimum a-
missio Iosephi adolescentuli, filij omnium dilectissimi, quem, tan-
quam laceratum à bestiis, inconsolabili luctu tres & viginti annos
prosecutus est. Octauus luctus prematuram habet mortem duorum
filiorum Iudæ, ex quo sciebat olim oriturum illum Desideratum cunctis
gentibus; cui mœrore Thamaris & Iudæ nequitia, quasi auctarium
accessit. Nonus in publica, priuatæque penuria consistit, regione to-
ta, propriæque familia cum diuturna fame colluctante, ob quam decem
filios semel iterumque in regionem longinquam amandare coactus est.
Decimus labor fuit intenta calumnia filiis omnibus, & coniectus
vnius eorum in carcerem, diuturnæque detentio. Undecimus acer-
bissimus ille animi æstus hinc cum fame domestica, & vinculis Simeo-
nis colluctantis; inde cum metu amittendi, mœroreque dimittendi
Beniamini. Postremum patientiæ argumentum fuit demigratio in
Ægyptum cum tota familia, ubi non ignorabat eam grauib; ac diu-
turnis calamitatibus oppressum iri. Ad hæc autem omnia, aliàsque res
aduersas æquis vires suggerebat, præter diuinum Amorem, qui eius in
pectore viuebat?

Sed apertior est in principe Prophetarum Mose fortitudo, ex Dei
Amore singulari. Qui cum electus esset à Deo, ac constitutus maximis
de rebus ad Pharaonem legatus, imò quasi in diuino regno prorex
Hebræorum, Reipub. constituendæ, populo in libertatem asserendo,
diuinis legibus fanciendis, eodémque per obiecta maria, desertaq; loca

traducendo, Ægyptium principem, cum Aarone fratre, magna cum fiducia compellauit, æternique regis denunciauit imperium; etsi non ignorabat rem sibi esse cum principe, omnium tunc secundum Assyrios potentissimo, seque illi odiosissima nunciare. Nec verbis egisse contentus, ad verbera ventum est, virga ipsum, populūque eius vniuersum decies repetitis cladibus afflixit, atque perdomuit, donec eadem virga patefacto mari, mōxque in antiquam sedem reducto, regem cum omnibus copiis vndarum mole obruit, atque extinxit; cuius tamē tantus tunc erat exercitus, vt sexcentis millibus bellatorum Hebræorum terro-ri esset, & acerbos obmurmurantium clamores excitaret. Solus vti-que Dei Amor, cuius imperiis obsequebatur, quique tanta prodigia patrabat vnus, ei magnitudinem animi suggerebat. Si enim propinac obsecutus esset voluntati, nunquam repetiisset Ægyptum, summum in ea vitæ discrimen aditurus. Amor autem sui à principio formidolosus fuit, multasque excusationes ad onus detrectandum profudit.

Ex Dei Amo-
re.

Hic idem diuinus Amor Moysi patientiam, in gubernatione contentiosi populi, ac ceruicosi, vehementer exercuit, vt qui duodecies publicè atque vniuersè contra mansuetissimum principem suum, partim oblocutus, partim in seditionem versus est; cum in Mose ne minima quidem querelarum causa, vel culpa resideret. Principio cum, occasione postulati à Pharaone commeatus, Rex populū acerbius acceperat, contra ducem suum, eiusque fratrem iurgatus est populus, quasi gladium & flagella, quibus vltro caderetur, tyranno præbisset in manus. Altera obmurmuratio contigit ad quartam mansionem, cum Hebræus totam à tergo Ægyptum armatam, & decem cladibus irritatam, infestam ceruicibus suis imminere sensit, cum illi & obiectum mare, & inaccessæ rupes, & imperviæ solitudines fugam vndique prohiberent. Tertia in quinta mansione exaudita est, cum aquarum amarities sitientem populū reddidit amariorem. Quarta erupit in octaua, consumpto penitus Ægyptio comneatu. Quinta in Raphidim mansione vndecima contigit, vbi sitis tam acerbam reddidit Iacobi familiam, vt ad lapides procurreret, quibus obrueret ducem suum. Sextam defatigatio peperit, quæ ignem protinus excitauit vltorem, qui negligentioribus morte sublati, loco Incensionis nomen dedit.

VI.

Eiusdem
patientia
duodecies
tentata à
populo per-
uicaci.

1.

2.

3.

4.

5.

6.

Vix incendium, quod extremam castrorum partem deuorauerat, erat extinctum, sed fumabat adhuc, cum improbiſſimus populus turbas septimū excitauit, Angelicum fastidians cibum, carnes & pisces Ægyptios, cucumeres, allia, porrosque affectabat, & meritas in sepulchris concupiscentiæ pœnas dedit. Octaua seditio, eaque grauissima in Cadesbarne exorta, & compressa est, in reditu exploratorum Chananitidis, cum populus vniuersus, qui impias in Deū Mosēmq; voces effuderat, amœnissima regione priuatus, in desertis & horrentibus locis mori iussus

VII.

Septima ob-
locutio ac
seditio.

Num. 11. 2. 4

5.

9.
10.

11.

VIII.

*Patiergia
Mosis dupli-
ci ex capite
astimata.
Num. 12.3.*

Exod. 32.32

e. 59. 2.

IX.

*Maternus
Mosis in po-
pulum amor*

Num. 11.11.

est. Nonā ambitio Pōtificatus inflammavit, quam terra horrendū dis-
cedens, & coniuratos absorbens ulta est; quæ ipsa ultio etiam decimam
accendit, Hebræis cæco impetu, ac lingua petulanti diuinam iterum
ultionem accersentibus, quæ quatuordecim millia & septingentos,
igne latè grassante, consumpsit. Vndecima contradictionis aquis no-
men dedit, vbi infelix Moses cum fratre, miserè animo conturbati, pro-
missam ipsi quoque terram perdiderunt. Postremò in circumeunda Idu-
mæorum regione populus obmurmuravit de more in ducem suum; vbi
linguas vipereas, verorum serpentum linguæ, morsusque castigarunt.

Hæc porrò Mosis patientia duplici ex capite æstimari potest, alterum
est malitia, stupor, & ingrati animi vitium populi huius, quæ mala pa-
tientiam valde perturbant, vehementerque labefactant, & stomachum
mouent mitissimorum hominum, qualem legimus extitisse Mosem, de
quo scriptū est fuisse illum mitissimum, *præ omnibus hominibus qui mora-
bantur in terra*. Alterum caput & fons patientiæ huius est magnitudo
amoris, quo Propheta persequebatur hunc populum sibi diuinitus com-
missum. Causæ liquidem & effectus mutuū sibi testimonium præbent
magnitudinis, pulchritudinis, bonitatis, reliquarūque perfectionum.
Is amor tantus fuit, vt vocem illam imo ex pectore profunderet coram
Deo, *Aut dimitte eis hanc noxam, aut si non facis, dele me de libro tuo*.
Quod fuit instar muralis tormenti maioris modi, quo disturbatus est di-
uisionis murus, quem peccatum, Deum inter & populum, erexerat, vt
loquitur Esaïas.

Illam ipsam patientiam illustrat comparatio matris, filiolum nutri-
tis delicatum ac fastidiosum. Huiusmodi enim mulier innumeras dies
noctēsque molestias in eo educando exantlare solet, quas maternus amor
non difficulter exhaurit. Hanc ergo comparisonem instituit, sibi que
apud Deum aecommodat Moses. *Cur, inquit, afflixisti seruum tuum?
quare non inuenio gratiam coram te? & cur imposuisti pondus vniuersi popu-
li huius super me? Nunquid ego concepi omnem hanc multitudinem, vel ge-
nuī eam, vt dicas mihi. Porta eos in sinu tuo, sicut solet portare nutrix infan-
tulum, & defer in terram, pro qua iurasti patribus eorum*. Hæc si quis pe-
nitius demittat in pectus, quomodo non exclamet; filij hominum quàm
infirmā est patientia vestra, quàm tenuis fortitudo, quàm exiguus ve-
ster in Deum amor & proximum, si cum Mosaico exemplari compona-
tur. Quantula res eum labefactat, & benè susceptum negotium cum tæ-
dio, & stomacho cogit abicere, nedum continentes ingratorum ac mo-
rosorum hominum rixas, seditionēsque toleretis.

CAPVT VI.

Insignis patientia, ac fortitudo Davidis.

AD IVNGAM ad priores illos fortissimo Dei Amore præstantes viros, heroem nihilo minorem Davidem, quem videmus omnes fortitudinis ac patientiæ numeros expleuisse, diuino illum amore robore & naturæ dotes perficiēte. Et vt generosam illam corporis animique præstantiam missam faciam, quam demonstrauit adolescens, in leone & vrsu inuadendo, conficiendoque, quod non appareat illum diuino impulsu amore in ea certamina descendisse, sed studio seruandæ gregis, quem eius curæ commiserat pater: vt missam, inquam, faciam primam illam roboris periculationem, singulare illud certamen recensamus, quod generosè susceptum, gloriosius etiam perfectum est, ab adolescente aduersus veteranum militem, qui Saulem ipsum, totumque eius exercitum terrore compleuerat; ab adolescente corpore modico, aduersus gigantæam membrorum molem; ab adolescente cannabina induto, contra bellatorem ferro à capite ad calcem obarmato; ab adolescente solitario, cuius tota, siue ad inuadendum, siue ad resistendum armatura, in baculo & funda, & quinque lapideis missilibus consistebat, contra militarem ducem, quem armiger non inermis antecedeat, & quem, si res tulisset, habere posset accensum; ipse nihilominus baltheo accinctus & gladio, procedebat hastatus, truci vultu, & lingua minax.

I.
*Rudimenta
Davidica
fortitudinis*

*Certamen in
Goliathum.*

Quid porro dixerimus roborasse tyrunculum istum, & tanto inferiore conditionem suppleuisse? quid, præter diuinum Amorem & gloriam, quæ barbarus ille cōiitiis appetebat? quam hic protegere, amplificare, vlcisci cupiebat? Non enim illa præbra ferre poterat, quæ in populum Hebræum tactata, in ipsum Deum redundabāt. Id enim præterea hæc opilionis nostri verba testantur. *Tu venis, inquit, ad me cum gladio, & hasta, & clypeo; ego autem venio ad te in nomine Domini exercituum, Dei agminum Israel, quibus exprobraſti hodie: & dabit te Dominus in manu mea, & percutiam te, & auferam caput tuum à te; & dabo cadauera castrorum Philistiim hodie volatilibus cæli, & bestiis terre; vt sciat omnis terra, quia est Deus in Israel.* Ita dixit, ita fecit, vt omnes norunt; quod facinus seculis omnibus celebratum est ad hanc diem, & ad vltimam vsque posteritatem, gloria, & prædicatione efferetur.

II.
*Et victoria
diuino Amore
debita.*

Fortiorem tamen arbitror, ac valentio rem, omninoque mirabiliorem Davidis virtutem, in tolerandis tam diu, tam atrocibus à Saule damnis, tam frequentibus de capite ipso periculis, quæ, cum vltionem haberet in manibus, nunquam tolerare potuisset, nisi fortissimus Dei Amor, &

III.
*Davidis patientia præ
stat fortissimum
dini.*

*Res aduersæ
Davidis.*

reuerentia in principem suum, quem Dei agnoscebat imaginem, eum sustentasset. Cum enim illo tam glorioso certamine feliciter perfunctus esset, quarundam imprudentia cantatricum factum est, ut rex Saül aduersus Dauidem non leuiter inuidia tangeretur, quæ mox in capitale odium conuersa est; ex eoque hostiles, & furiosæ contra innocentem actiones profectæ sunt; adeò ut eum rex bis, terve lancea perfodere conatus sit. Is conatus cum diuina prouidentia factus esset irritus, eum aliena Philisthæorum, aut domesticorū suorum manu perdere molitus est. Maiorem natu filiam ei in matrimonium spondet, quam mox alteri genero summa cum iniuria prioris tradit. Nec multò post iuniore illi tradita, eaque magnò, insigni cum vitæ discrimine, coempta, ipsiusmet filie interuentu, virum eius satagit morti tradere, cum ignominia fortassis atque dedecore.

IV.
*Quanta à
Saule pericu-
leris.*
I. Reg. 19.
II. & seqq.

Inbet illum armata manu propriis in ædibus obsideri, unde cum demissum per funem lapsus esset, & Samuelem Prophetam tacitus adiisset, Saül ad eum comprehendendum palatinum destinat satellitium, & semel, iterum, tertio Ionathæ opera Dauidi placatus, in illum semper acerbius, atque adeò in illum ipsū Ionatham, filium suum, regni que heredem exasperatur. Dauid interea, quasi spinas inter & tribulos vitam infelicem trahit, triduum agit in spelunca, dum decretorium calamitatum suarum præstolatur diem; nec usquam habet, toto in regno, tutum receptus, aut perfugij locum. Abit ergo fugitiuus, inermis, in comitatus, imparatus à pecunia, indigens panis, & ignotus infestissimis se hostibus credit, apud quos motibus ineptissimis, & fœdo saluæ defluxu stultitiam cogitur simulare. Inde elapsus in speluncam, quasi in arcem à natura præparatam, proripit sese, & ducem præbet hominum perditorum, quibus cum Moabitis petit, ut tutum parentibus senio confectis receptum nanciscatur.

V.
*Mirabile
Davidis &
Saülis cer-
tamen.*

I. Reg. 24.4

Ibi mox diuinitus mandatum accipit repetendi Iudæam, & incerta periculorum iterum experiri. Redit reducitque turbam hominum, ad vim, quàm ad usum forenssem promptiorem. Eum Saül indefesso animo atque impotenti persequitur, & ut eum comprehendat nihil intetatum relinquit. Dauid vice versa oppida subinde, solitudines, & cauernarum latibula commutat, dum ad illam ventum est speluncam, in qua mirabile certamen, & planè nouum exortum est, inimici contra amicum, & amici contra inimicum depugnantis. Vbi vnus odio certat & ferro, alter amore & obsequio debellatum cupit. Vnus mortem inferre paratus est, & fortasse cruciatus: alter dumtaxat metum, vel potius culpæ agmitionē suæ. Saül regis dignitatis amittendæ, aut metu, aut dolore, totus extra se positus in Dauidem fertur, qui eam ipsi eiusque posteris, quantum in se fuerit, conseruatam cupit. Saül ardet cupiditate abscindendi caput benefactori suo, qui percutit cor suum, eò quòd oram chlamydis eius sit ausus abscindere. Ecquis amor, ecqua patientia, quæ denique vene-

ratio necessaria fuit homini innocenti, aduersus hominem, à quo tam diu, tam acriter, tam furiosè, modis omnibus, locisque diuexatur?

Nædum finis. Idem enim ipse rex, ingratiſſimus idem atque inconſultiſſimus, gemituum plenus & querelarum excitat atque exacuit ſubditos omnes ſuos, vt eum ſibi viuum tradant aut mortuum, cuius tota culpa eſt, aut fuiſſe incoſultè laudatum, aut diuinitus electum in principem populi ſui; quod erat vtique inferre cœlo bellum, & velle diuinæ prouidentię decreta pervertere. Vice autem verſa Dauid per vim retinet neceſſarios ſuos, ne illum neci opportunum confodiant, etſi ex ea nece barbarum finis, tranquillitāsque pendebat; & quidem eius hominis nece, quem à Deo reprobatum conſtabat; qui ſpiritum tot & tantis ſcleribus contaminatum ducebat, & innocentiffimi generi ſui, omniumque amicorum eius ſpirabat interitum. Eius hominis cui vnum illud fauebat, quod aliquando à Deo electus, & inunctus fuiſſet in regem. Vſque aded magna fuit reuerentia Dauidis erga improbum regem, atque ſacrilegum; vſque aded magna patientia expectantis, dum exqueretur Dominus, quod pridem ſtatuerat de inimico ſuo, quamuis non ignoraret eius interitu certiffimam ſibi ianuam ad regnandum patere. O ſubditum meliore principe dignum! Deus meus quàm verè ac meritò dicere potuiſti, reperiffe te in Dauide hominem ſecundum cor tuum; eodem ſcilicet amore plenum, quo exundat cor tuum.

VI.

De eodem.

1. Reg. 22.

7. 8.

1. Reg. 24. 5.

& 26. 8.

1. Reg. 13. 14

& Act. 1. 22

CAPVT VII.

Alia ex veteri lege fortiffimi amoris exempla.

TRANSEAMVS ad mirabilem Iobum, ſingulare atque incomparabile ætatis ſuæ, inter omnes Orientales virtutis exemplar, plenum innocentia, timore, amorèque diuino. Quod nemo reuocare poſſit in dubium, cum perquam idoneum auctorem habeat, ac teſtem ſuæ virtutis ipſum Deum; qui eius amorem tam fortem, tamque inuictum iudicauit, ipſum vt Sathanam, capitalem eius hoſtē, quaſi dato codicillo, prouocarit, ſuper inuicta Iobi fortitudine, & conſtantiffimo in Deum amore. Et certè cum propositum haberet hic calumniator, aut Deum mendacij, aut Iobū mercenarij amoris arguere, Sabæos incitat ad quingenta iuga bouū, & quingentas aſinas auferendas, cuſtodēsque ſamulos occidendos. Neque eo facinore contentus, ignem è cœlo tanta copia iaculatur, vt ſeptem ouium millia cum opilionibus pene momento conſumpſerit. Tres Chaldaeorum turmas educit in aciem, qui tria camelorum millia inuaſerunt, eaque cæſis cuſtodibus, abduxerunt. Furibundū excitat atra ex nube

I.
Iobi Amor
in Deum.
Iob 1.

Ex à demoni
clades.

typhonem, qui concussam vndique domum, in qua decem eius liberi conuiuium celebrabant, prorsus evertit, omnesque ad vnum conuiuas oppressit. Neque tanta molitione sceleratus ille aliam expressit patientissimi hominis vocem ab ea, quæ ipsum maiore afflixit dolore, quàm Iobum quatuorillæ tam acerbæ calamitates.

II.

*Singularis
Iobi patientia in priore
cum dæmone
pugna.*

*Posterior,
multis ex
capitibus acerbissima.*

Illam nimirum vocem expressit, quæ singularem eius patientiam, & propriæ abdicationem voluntatis in manibus diuinæ prouidentia te-
statur. Nisi enim illum, quem harum calamitatum agnoscebat autorem, vehementissimè dilexisset, nonne in eum execrandis clamoribus, quod cupiebat dæmon, insurrexisset? Autorem enim agnoscebat, ut qui non dixerit, Deum quidem fuisse erga se valde munificum, sed eius beneficia, sibi inuidia Satanæ periisse; sed contrà, eundem ipsum Deum & cladis, & benignitatis agnoscit autorem, eique utroque nomine benedicit; seque etiam exhibet ad grauiora paratum. Nec frustra; quamprimùm enim in ipsum, grauissimum secundi certaminis pondus incubuit; in quo inuidus ille Dei athletam acerbissimis vlceribus, à summo vertice ad imam calcem, opleuit, seque in eo torquendo tam ingeniosum ostendit, ut omnia eius membra interna externaque intolerandis doloribus arderent. Nec tamen ei simul omnes inflixit plagas, ne hominem extinguerent, sed subinde incussit nouas, ut languentem ad desperationem, quod per ipsius uxorem conatus etiam est, vulnerum ac dolorum instauratione compelleret. Præsertim cum non octo aut quindecim dies hæc carnificina durauerit, sed septem ipsos annos, quos in agris supersterquilinio terminauit, nemine fœtorem, qui ex misero corpore exhalabatur, ultra ferente; nemine oculos; à tam tetro spectaculo, non auertente. O admirabilè diuini Amoris fortitudinè! ô patientiam inauditam!

III.

Cum Eleazar patientia comparatur.

Possumus tamen fortasse hanc ipsam patientiam nonnullis gradibus altius euehere, si eam cum Eleazari senis, & septem adolescentum, qui cum matre grauissima tormenta perpassi sunt, fortitudine cõponamus. Etsi enim Iobum interior à Sathana, & exterior ab uxore motus, ad execrandas in Deum voces inuitabat, in Iobi tamen potestate non fuit, iacta in Deum contumelia, vel recuperare sanitatem, vel perditas reparare iacturas. At isti athlete, quos nunc damus in theatrum, degustata porcina, vel illius esu simulato, poterant atrocissimos euadere cum morte cruciatus, & opes ac copias, cum magna regis beneuolentia sibi comparare. Itaque certamen illud quodammodo coactum fuit. Sic enim vir ille magnus cum hoste depugnauit, ut necessitati seruire, càmque in virtutis materiam vertere cogeretur, ut ægrotus aliquis in hospitali domo. At hæc pugna voluntaria prorsus fuit, ab ipso eius initio usque ad finem, omni que puncto temporis in eorum potestate fuit, vel seipsum cruciatus eripere, vel de tyranno, Sathana, & propriæ infirmitate naturæ triumphare. Quod si Iobi mala fuerunt diuturniora, certè Machabæorum tormenta fuerunt atrociora, nec citra mortem ut illa constiterunt.

Coniiciamus oculos in nonagenarium illum senem Eleazarum, virum religiosissimum, vultu decorum, doctorum legis & scribarum decus, videbimus eum in manibus perditorum hominum, à quibus aperto ore hians compellitur carnem porcinam, per vim ingestam manducare. At ille, vt ait Scriptura, *gloriosissimam mortem magis, quàm odibilem vitam complectens voluntarie praeibat ad supplicium.* Id erat tormenti quoddam genus tympanum nomine, in quo rei distendebantur, & ritu tympani bellici certatim pulsabantur, donec fustuario contrucidati ac contusi animam exhalarent. Ad hoc ergo supplicium sanctus senex vltro proficiscitur, suillam despuens, quam nebulones illi in os eius ingesserant. Cùmque ad simulandam saltem comestitionem inuitaretur; ille fortiter repugnans, negabat se aut diuinam legem violare velle, aut scandalo esse iuuentuti, aut tanquam impium legis desertorem execrationi esse posteritati. Ergo inhumaniter ligatur, distenditur, tanquam tympanum aut incus pulsatur, ac tunditur, donec nobilis ille animus in sinum Abrahæ victor euolauit.

IV.
Certamen
Eleazari
senis.
2. Mach. 6
18. & seqq

Sed illustrem, si placet, sancti senis, & martyrij candidati orationem, qua importunam erga se amicorum misericordiam respuebat, audiamus. Cùm enim dixisset malle se in infernum pramitti. *Non enim, ait, etati nostrae dignum est fingere, vt multi adolescentes arbitantes Eleazarum nonaginta annorum transisse ad vitam alienigenarum, & ipsi propter meam simulationem, & propter modicum corruptibilis vite tempus decipiantur; & per hoc maculam, atque execrationem mea senectuti conquiram. Nam etsi in presenti tempore supplicii hominum eripiar, sed manum Omnipotentis nec viuus, nec defunctus effugiam. Quamobrem fortiter vita excedendo, senectute quidem dignus apparebo; adolescentibus autem exemplum forte relinquam, si prompto animo ac fortiter pro grauissimis, ac sanctissimis legibus honesta morte perfungar.* Audiamus postrema quoque illa verba, quæ cùm mactaretur plagis,olorino more profudit. *Domine, inquit, qui habes sanctam scientiam, manifeste tu scis, quia cùm à morte possem liberari, duos corporis sustineo dolores, secundum animam verò propter timorem tuum libenter hoc patior.* Atque ita moriens, cruciatus cum pace & quiete commutauit.

V.
Oratio eius-
dem morituri.
vi. u. 24. 25.
&c.

CAPVT VIII.

Fortissimus septem iuuenum amor in Deum, patriasque eius leges.

TRANSEO ad cognatam historiam, quæ perspicuè ostendit quòd peruenire possit heroica hominis constantia, cui eximius Dei amor & gratia velificantur, quo etiam tyranni barbara atque inhumana cru-

I.
Transitio ad
horum cer-
tamen ex 2.
Machab. 7.

delitas : quam placet magna ex parte ipsis Scripturæ verbis repræsentare, nisi si quid explicandi causa, in gratiam rudiorum, adiciendum erit. Contigit ergo illo ipso tempore, quo in sanctum senem Eleazarum immaniter sævitum est, septem quoque fratres, vnâ cum matre sua apprehensos, compelli à rege, qui præsens aderat, ad eum enim Antiochiam deducti dicuntur, edere contra fas carnes porcinas, flagris, neruisque bubulis cruciatos; ineptus, qui non cogitabat se non superaturum iuuenes, qui turpiter à sene decrepito victus esset. Insultare licet tyranno, ait Anibrosius, qui dum callidè à sene incipiendum putat, magistrum elegit, qui discipulos faceret fortiores.

L. de Iacob.
c. 11.

II.
Primi martyrium.

Et secundi.

Eorum autem natu maximus primus in arenam prædit, simulque compellens Antiochum, *Quid queris*, inquit, *& quid vis discere à nobis?* parati sumus non solum flagris, taureisque cruciari, sed etiam mori, magis quam patrias Dei leges prauaricari. Iratus itaque rex insit sartagine, & ollas aneas succendi: quibus statim succensis insit ei, qui prior locutus fuerat, amputari linguam, & cute capitis abstracta, summas quoque manus & pedes ei abscindi, ceteris eius fratribus, & matre insipientibus. Et cum iam per omnia inutilis factus esset, insit ignem, ad ollas ac sartagine, admoneri, & adhuc spirantem martyrem in sartagine torreri. Cumque adustæ carnis odor latè ad matrem fratresque funderetur, mutuo sese hortabantur ad mortem, spe diuinæ consolationis fortiter perferendam. Primo illo in hunc modum mortuo, secundum barbarè illudendum adducunt, & cute capitis eius cum capillis abstracta, interrogabant, si manducare vellet suillam prius, quam toto corpore per membra singula puniretur. At ille patria & generosa voce respondens dixit, *Non faciam*. Propter quod & ipse primi tormenta suscepit. Et in ultimo spiritu constitutus, sic ait. *Tu quidem scelestissime in præsentis vitæ nos perdis, sed Rex mundi defunctos nos pro suis legibus, in æterna vitæ resurrectione suscitabit*. Nihil veretur meritis tyrannum probis afficere, cum videret eum non habere ultra quid faceret.

III.
Tertij. & quartum innotuit.

9. 14.

Psalm. 1.

VI.

Post hunc tertius illuditur eodem modo, & linguam postulatus cito protulit, & manus constanter extendit, dicens, *E cælo ista possideo, sed propter Dei leges nunc hac ipsa despicio, quoniam ab ipso me ea recepturum spero*. Quæ tam alacriter dixit, ut rex, & qui cum ipso erant mirarentur adolescentis animum, quod tanquam nihilum duceret cruciatus. Irrationi succedit admiratio, ignorantibus qua spe, quæve mercede hæc tanta fortitudo sustentaretur. Et hoc ita defuncto, quartum vexabant similiter torquentes, & cum iam esset ad mortem, in extremo scilicet spiritu constitutus, quamuis exsecta, sicut cæteris, lingua, sic ait, *Potius est ab hominibus mortis datos expectare à Deo resurrectionem; tibi enim resurrectio ad vitam non erit, sed ad æternos cruciatus*. Non enim resurgunt impii in iudicio, neque peccatores in concilio iustorum.

Et cum admonissent quintum vexabant eum. At ille respiciens in regem

dixit, Potestatem inter homines habens, cum sis corruptibilis, facis quod vis. Mors quinti Noli autem putare genus nostrum à Deo esse derelictum. Tu autem patienter & sexti. sustine, & videbis magnam potestatem ipsius, qualiter te. & semen tuum torquetur. Nec vanus propheta fuit. Nam intra triennium Antiochus hic miserè periit, filius autem eius Eupator vix biennium regnauit; indeque regnum ad Demetrium Seleuci fratris sui filium deuolutum est, extincta funditus Epiphanis familia. Post hunc ducebant sextum, iisdemque cruciatibus mactabant, & is mori incipiens sic ait. Noli frustra errare, circa diuinam providentiam humana negotia gubernantem, nos enim propter nosmetipsos hac patimur, peccantes in Deum nostrum, qui admirabili iudicio minus noxios per multo sceleratiores castigat. Tu autem ne existimes tibi impunè futurum, quod contra Deum pugnare tentaueris.

Interea verò dum singuli filiorum horrendis cruciatibus perimuntur, Mater supra modum mirabilis, & bonorum memoria digna, qua pereuntes septem filios, sub unius diei tempore conspiciens, bono animo ferebat, propter spem quam in Deum habebat, singulos eorum hortabatur voce patris, generosa & forti repleta sapientia, & exsuscitans foemineam infirmitatem animo masculo, dixit ad eos. Nescio qualiter in utero meo apparuistis, neque enim ego spiritum, & animam donavi vobis, & vitam, & singulorum membra non ego ipsa compegi. Sedenim mundi Creator, qui formauit hominis natiuitatem, quique omnium inuenit originem, & spiritum vobis iterum cum misericordia reddet & vitam, sicut nunc vosmetipsos despiciatis propter leges eius. Agnoscit sancta mulier Deum authorem corporum pariter & animorum, qui possit à se primùm formata corpora, membræque omnia reformare; simulque memoratæ à filiis spei resurrectionis, ipsa quoque subscribit.

Hic Antiochus existimans se contemptum iri, & honorem suum in discrimen vocari, si nihil tormentis, nihil autoritate regia, aduersus adolescentes consequi potuisset, & suspicione tactus ne id sibi exprobraretur, cum adhuc adolescentior superesset, non solum verbis hortabatur, sed & cum iuramento affirmabat, se illum diuitem, & beatum facturum, & translaturum à patris legibus, consortem secretorum suorum esse facturum. Sed ad hæc cum adolescens nequaquam inclinaretur, vocauit rex matrem, & suadebat ei, ut adolescenti fieret in salutem; per suafo regis iussionis obsequio, quando iam cæteros eius filios peruicia miserè perdidisset. Cum autem multis eam verbis esset hortatus, promisit suam se filio suo, quæ scilicet valebant ad salutem æternam, non ut sperabat Rex ad retinendam vitam, & profanos honores consequendos. Itaque inclinata ad filium irridens crudelem tyrannum alia omnia suggessit, ac persuasit.

Quæ cum illa maximè diceret, Deo adolescentis animum inflammante, matris interpellat orationem, Quem sustinetis, inquit, quid expectatis? non obedio præcepto regis, sed præcepto legis, quæ data est nobis per

V.

Filiorum
fortitudinē
acuit mater.
c. 7. 20. &
seqq.

VI.

Cur Antiochus septimum magis conetur perire.

Matris
opera.

VII.

Irrito conātū.

Moysem. Tu verò, qui inuentor omnis malitiæ factus es in Hebræos, non effugies manum Dei. Nos enim pro peccatis nostris hæc patimur, iusta scilicet satisfactione expiandis, sed iterum reconciliabitur seruis suis. Tu autem ô scelestè, & omnium hominum flagitiosissime, noli extolli vanis spebus, quasi populum Dei, & cultum eius exterminaturus; stulta moliris, & quæ tibi incredibiles accersent pœnas. Nondum enim omnipotentis Dei, & omnia inspicientis iudicium effugisti. Nam fratres mei, modico nunc dolore sustentato, sub testamento æterna vitæ effecti sunt, cuius scilicet fiunt hæredes, ut filij paternæ hereditatis in testamento scribuntur hæredes, Tu verò iudicio Dei iustas superbiæ tuæ pœnas exsolues.

VIII.

Cur hic asperius agat in regem.

*Ira Dei mendica, & magna.
2. Mach. 5.
17. & c. 7. 33.
& 36.*

Acerbiore multò postremus hic heros vititur oratione in tyrannum, quàm præcedentes, veritus ne ab illo dimitteretur, & gloriosissima fratrum societate priuaretur. Itaque vocat inuentorem omnis malitiæ, peccatorum scilicet, ad quæ tam multos compulit, & tormentorum quæ inflixit: vocat scelestum & omnium flagitiosissimum, qui scilicet tunc viuerent, adeo ut figura illius esse potuerit, qui omnium hominum, qui unquam fuerunt, future sunt, erit scelestissimus, qui futurus est Antichristus. Vocat superbum & contemptorem Dei, à quo tamen breui, ut deterimum mancipium, verberibus tormentisque contrucidandus sit. Illud autem est horribile, quod tam atrocem Dei in Iudæos animaduersionem, qua affectos hoc tempore Scriptura testatur, modicam Dei iram appellat, & modicum fratrum suorum dolorem. Nimirum modica sunt hæc omnia, ad suppliciorum alterius vitæ immensitatem, atque æternitatem, quibus Deus hostes suos, non ad correptionem castigabit, sed in æternæ iustitiæ monumentum, & odij sui in peccatum, in omnem æternitatem torquebit. Sed cætera reddamus.

IX.

Septimi constantia.

& mors.

Ego, inquit, sicut & fratres mei animam & corpus meum trado pro patriis legibus: inuocans Deum maturius genti nostræ propitium fieri, teque cum tormentis & verberibus confiteri, quod ipse est Deus salus, quod & contigit exaudita martyris precatione. Postremo, in me, inquit, & in fratribus meis desinet omnipotentis ira, quæ super omne genus nostrum iuste superducta est. Apparet non permissum adolescentem, regis ira effervescente institutam antithesim absolueri, quæ hæc, aut his similia verba requirebat: Diuinæ autem iræ, quæ accenditur in te, nullus erit terminus, nullus finis. Id probabile reddit quod sequitur. Tunc rex accensus ira, in hunc super omnes crudelius desauit, indignè ferens se derisum. Si quid tamen addi potuit ad distentionem diuisionemque membrorum, ad flagra, & taureos neruos, quibus ut incudes malleis, suspensorum corpora in tympano pulsabantur. Si quid addi potuit ad linguæ abscissionem, ad summarum manuum pedumque obtruncationem, ad capitis aut totius etiam corporis crudelissimam excoriationem, ad sartagine succensas, & ollas oleo, pice, sulphure feruentes, nullum ut membrum aut sensus proprio supplicio careret. Nihil tamen compendij fecit. Nam
septimus

septimus quoque ad vltimam propositi certaminis metam, fortiter constantérque decurrit.

Nouissimè autem post filios, & mater consumpta est, non minore vtique tormento neque corona. Licet enim sexus mollire poterat truces animos, constantia tamen eius, & irrisio tyranni, & filiorum cohortatio ad mortem ferendam, & contemnenda mandata regis, reddebant grauioribus pœnis obnoxiam. Desperatio deinde, dolorque tortorum, qui nihil neque precibus, neque minis, neque promissionibus, neque tormentis obtinere potuerant, crudelia pectora inmanius exacerbabant. Sed quia prius quàm trucidaretur, naturali filiorum commiseratione passa est septies, occies martyr dici potest. *Isti in se singuli sentiendo*, ait Augustinus de filiis, *illa videndo in omnibus passa est, facta mater septem martyrum, septies martyr, à filiis non separata spectando, & filiis addita moriendo. Hostem subegit*, ait Prudentius, *subingatum septies*,

Quot fœta natis, tot triumphis incluta.

Quid dici potest admirabilius, aut ad historiæ fidem certius, atque exploratius afferri potest ad probandam diuini amoris fortitudinem, quam Deus dilectorum filiorum pectoribus infundit, iis exemplis, quæ hætenus ex ipsa Scriptura retulimus, quæ hoc ipso, vt obseruauit Nazianzenus ille Gregorius, maiorem habent admirabilitatem, quod ante Christi Seruatoris aduentum contingere, qui diuinis sanctissimæ vitæ, & crudelissimæ mortis exemplis, ignem misit in terras, deditque operam vt per Spiritum sanctum suum vehementer accenderetur. Si ergo sancti in veteri testamento *per fidem* in Christum venturum *uicerunt regna, operati sunt iustitiam, adepti sunt repromissiones, obiuauerunt ora leonum; imo disseni sunt*, ceteraque constanter pertulerunt, quæ Apostolus ad Hebræos *composè* persequitur: quid de iis dici aut æstimari par est, qui præter exempla veterum, ipsum quoque Christum, absolutissimum omnis sanctitatis exemplar, oculis animisque propositum habuerunt: quique copiosiore gratia instructi ad pugnam, etiam præmium æternæ felicitatis illico possidere potuerunt: & hæc deinceps considerata sunt.

C A P V T IX.

Dei amorem in lege gratia homines fortissimos reddidisse.

MINIME dubium est flumina tanto esse abundantiora, quanto fontes eorum ac scaturigines fuerint copiosiores: & quo maior est ignis, hoc maiorem contingere deflagrationem; eoque aërem maiori luce illustrari, quò astrum, quod radios suos eiacular in terras, maius fuerit atque luminosius. Et vniuersè loquendo clarum est effecta tanto esse excellentiora, quanto causæ, à quibus illa proficiscuntur, præstantiores fuerint atque eminentiores.

Illustratâ similibus fontis.

Ioan. 4. 14.

II.

Apud Esaiâ. Eia. 35. 5. 6.

Ignis.

Act. 2. 5.

*III
Stellarum
& solis.*

*Sanctorum
copia in E-
uangelio præ
veterâ lege.*

Gratia & charitas siue re ipsa discrepent, siue nominibus duntaxat, inseparabili certè societate iunguntur, & instar habent fontis è cœlo fluentis, & longo circuitu recurrentis, ac resiliens in cœlum; iuxta illud, *fiet in eo fons aqua salientis in vitam æternam.* Erat hic fons ante Seruatoris aduentum perexiguus sanè, atque exilis, vt intelligi potest tum ex paucitate sanctorum, qui temporibus illis floruerunt, tum ex spiritu seruitutis, qui tum late regnabat apud Hebræos. A Christi autem aduentu ita excreuit, totum vt orbem terrarum inundarit.

Huc enim pertinet magnum illud atque magnificum nobilissimi prophætæ vaticinium. *Tunc aperientur, inquit, oculi cæcorum, & aures surdorum patiebunt. Tunc saliet sicut ceruus claudus, & aperta erit lingua mutuum;* quæ sunt legis gratiæ prærogatiuæ singulares, siue spiritali sensu, siue historico verba sumatur. Quæ autem causæ tam mirabilium effectuum? *Quia sciss. s. nt in deserto aqua, & torrentes in solitudine. Et quæ erat arida erit in stagnum, & sitiens in fontes aquarum:* nec ultra tam salutares aquæ, tamque viuificæ modico Iudææ angulo concludentur.

Ignis quem detulit Seruator in mundum, & qui illum cupit vehementer accendi, non solam Iacobi familiam calefactam cupit, sed mortales omnes, qui remotissima sola incolunt terrarum vltimarum. In cuius rei argumentum cum die quinquagesimo à Christo rediuiuo, ignis Spiritus sancti depluit in discipulos congregatos, in ipsa Euangelij promulgatione primaria, inuenti sunt Hierosolymis habitantes Iudæi viri religiosi, ex omni natione, quæ sub cœlo est, vt testatur Lucas, qui fuerunt quasi Apostolorum præcursores.

Erant utique viri iusti ante euangelicam legem instar stellarum micatium, sed erant nihilominus tenebræ diffusæ super faciem vniuersæ terræ. At superueniente mundi lumine, & sole iustitiæ exorto, nemo est qui se abscondat à calore eius, aut qui aliquam illius non percipiat lucem. Vnde consequens est in lege gratiæ, diuini amoris vim & robur longe, quàm in lege Moïsi aut naturæ, maius, frequentius, abundantius extitisse.

In promptu est eius rei & manifesta probatio. Pro septem enim, aut octo martyribus illorum temporum, quanquam ingens eorum sub Epiphane numerus extitit, pro illis tamen facile sub euangelica lege septuaginta aut octingenta milia numerari possunt; & quidem non intra quatuor annorum millia, sed intra quadringentos, aut etiam pauciores. Et pro duodecim aut viginti patriarchis sanctitatis insignioris, quales æstimare iure possumus Adamum, Abelem, Sethum, Enosum, Henochum, Noënum, Abrahamum, Isaacum, Iacobum, Iosephum, aliosq; nonnullos, reperiemus à Christo nato decem millia sanctissimorum pōt. ficum, ac præulorum, qui Dei Ecclesiam præclarè administrarunt, & præstanti virtutum ac doctrinarum gloria floruerunt. Non multoties autem regulorum locū qui in Chananitide Deum coluerunt, facile explebūt permulti Imperatores ac monarchæ, maximiq; reges ac principes, quacumq; no-

men ac genus Christianū patet, à magno Constantino vsque ad Charolū magnum, & à Charolo magno, ad Henricum magnū & Ludouicū XIII.

Vix inuenias quinquaginta Prophetas aut Doctores in veteri testamento, ab ipso Moyse vsq; ad Malachiam, cum in Euangelica lege omnibus non dicam seculis aut ætatibus, sed propemodum annis, tot doctores, diuinique verbi præcones reperiantur, tot scriptores sacri, tot diuinarum literarum interpretes ac propugnatores, vt singulis illorum facile quinquageni nostri componi possint. Imo plerique proferri possunt, quorum singuli multo plura scripserunt, quam vniuersi Hebræorum prophetæ, qui ante Christum tenuere synagogas.

Quanto maior est miraculorum numerus, & eorum qui illa edere potuerunt in noua, quam in veteri lege? lege historias haud dubiæ fidei, vitæ sanctorum Bernardi, Antonij, Benedicti, Martini, aliorūque multorum, plura in eis prodigia reperies, quam, si à Mose vno discesseris, in omnibus prophetis. S. Augustinus multas miraculorum centurias memorat, editas virtute lipsanorum S. Stepani, præter ea, quæ in Actis Apostolorum celebrantur, aut cursim potius significantur.

IV.
Doctores
item mul-
titudine.

Ac miracu-
lorum.

CAPVT X.

*Antiquiora quedam fortitudinis huius exempla, in primisque
S. Stepani protomartyris.*

CÆTERA missa facienda sunt nobis, quibus Christi Ecclesia Iudæorum synagogam antecedit, quando de vna duntaxat amoris diuini fortitudine nobis institutus est sermo. Et ea quidem in multis vitæ actionibus se prodit, in quibus cum graui aliqua difficultate pugnandum est; illa tamen fortitudo, qua mortis pericula, tormentaq; superantur, graui præsertim atq; diuturna, cætera omnia rerum arduarum atque aduersarum genera, facile antecedit. Itaque mitto illam omnem vitæ asperitatem, quam præfati cœnobitæ & anachoretæ ab hominum frequentia secrete, desertis in locis pertulerunt: quam fortis amor animose sustinuit, dulcis autem, vt ipse quoque narravit, suauiter mitigauit. Illam ergo fortitudinem, quæ acerba morte toleranda cernitur, in Stephano primum protomartyre contemplantur. De illa quippe scriptum est, *Stephanus autem plenus gratia & fortitudine, faciebat prodigia, & signa magno in populo.* Plenitudo gratiæ, qua Stephani pectus abundabat, plenum fortitudinis efficiebat.

Merito sanè; talem enim oportebat illum esse, qui sub imperatore Christo Domino, primus ductor ordinum militarium erat constitutus, in eo exercitu, in quo tot erant leuiculi quot nantes, ab illo leone de tribu Iuda progeniti, qui princeps de mundi principe triumphauit. Nec par erat ceruū aliquem constitui talium bellatorum ducem, sed leonem de

I.
Fortitudo
in martyrio
spectatur in
primis.

Act. 6.8;

II.
Ea S. Ste-
phano ma-
ximè conue-
niebat.

Prou 30.30 quo scriptum est. *Leo fortissimus bestiarum ad nullius pauebit occursum.* At noster hic leo multarum bestiarum occursum, ac ne impetum quidem reformidauit. Occurrit enim Stephano furiosa plebecula, zelo religionis incensa, armata odio, inuidia, indignatione. *Dissecabantur enim cordibus suis, & stridebant dentibus in eum.* Stetit animo nihilominus, nec eos mellito verborum lenocinio mitigare conatus est, Sed, *dura*, inquit, *ceruice, & incircumcisis cordibus, & auribus, vos semper Spiritui sancto resistitis, sicut patres vestri ita & vos. Quem prophetarum non sunt persecuti patres vestri? & occiderunt eos, qui prænunciabant de aduentu Iusti, cuius vos nunc prodores & homicide fuistis: qui accepistis legem in dispositione angelorum, & non custodistis.*

III. Quid loqueris, sanctissime Diacone, imò fortissime bellator, quid loqueris? quare hostium tuorum iras sermone dulci non demulces? nescis te in concilio non iudicum, sed inimicorum tuorum versari? eos falsos aduersum te subornasse testes? te de legis, Dei que maiestate postulari? contra te populū vniuersum tumultuari? Fremant, inquit, omnes licet, audient vel inuicti veritatem, quam eos audire par est; nolo vitam meam eorum salute antiquiorem habere, quæ in fide ac doctrina Christi, quam ipsi pessimè oderunt, consistit. Quid? num æquum est philosophorum disciplinam, plus posse apud Romanum ciuem, quam cælestem filij Dei doctrinam apud eius discipulum? Surdis auditoribus inclamandum est vehementius, & asperitate verborum morum asperitas perfricanda. Nec minus propterea plenus erat diuini amoris in ipsos, ut qui cum animam penè ageret saxis contusus, statetque nihilominus & animo erectus & corpore, fundens preces ipse pro se, in eodem vestigio perrexit insiltere: pro sicariis autem suis oraturus, humi in genua sponte procubuit, non ignarus quanta Deus in eos ira esset incitatus, & quantum indigerent patrono, qui eorum causam ex animo susciperet. Denique ut in pauca rem contraham, Stephanus moriens imitatus est dilectissimum magistrum suum, qui in cruce pendens flexit genua cordis sui, patrem suum illis ipsis placare cupiens, à quibus crucifigebatur.

IV. O fortissimam ac sapientissimam charitatem tuam, sanctissime protomartyr! Videbas profectò profanos istos homines phrenesi laborare; nec propterea habendam esse rationem eorum, quæ tunc ab eis dicerentur, aut fierent. E contrario mirabilis ac stupore dignus horum parricidarum furor, qui dissecabantur cordibus, & indignatione rumpebantur aduersus eum, cuius cor charitate & desiderio salutis eorum æstuabat: qui stridebant dentibus, & labiis fremebant in illum, qui sua in docendis ipsis, ac misericordia eis obtinenda continenter impendebat. Quæ barbaries inhumanior fingi potest, quam cruentare lapidibus, ac contrucidare angelicā illam faciem, illam frontis serenitatem, viuidos illos ac vibrantes oculos, genas rubicundo candore gratissimas, floridum os diuinorum verborum organū; manus illas tot prodigijs nobilitatas in gratiam ingratorum

Inhumana
atque ingra-
ta crudelitas
Iudaorum
in sanctum
Stephanum.

hominum ac perfidorum; quos non pudet vti suis ad eas dilacerandas, quæ toties illuminandis cæcis, aperiendis surdorum auribus, mundandis leprosis, mortuis excitandis, aliisque signis medio in populo perpetrandis fuerant applicatæ. Moritur tamen, & nobilem illam animam emittit in cælum, in manibus illius, quem viderat *stantem à dextris Dei*, paratum ad ferendum pugnantæ auxilium, & victorem, qui pro ipsius gloria vitam amittebat, immortalī laurea coronandum.

Sed heu me miserū! cū considero sanctissimum Christi mārtyrē, pro amantissimo Domino suo fortissimè depugnantem, & gloriosissimè triumphantē; & contra cogito perditos, ac deploratos mundi ac Sathanæ martyres; acerbissimo profectò luctu ac dolore conficior. Heu quā doleo vicem vestram ô infelices, quā miseret me generosæ nobilitatis huius! quāto meliore in causa ista constantia, quā instrumentum esse vultis interitus vestri sempiterni, erat impendenda, quā in detestandis istis ex prouocatione pugnis! O quantum, quāque luctuosum damnum facitis, qui magnam in cælo coronam, magnis inferorum cruciatibus commutatis. Num mundus, aut malus dæmon huiusmodi Domini sunt, quibus tantis impendiis meritò seruiatur? Quod tantum est eorum in vos beneficium, quæ tanta gratia, quod tantum vestrum debitum, quæ tam insignis obligatio, quæ tanta denique merces expectatur à vobis, vt propter illud, Quid dicent? ruinam familiæ vestræ, bonorum iacturam, vxoris viduitatem, orbitatem liberorum, corporis animique vestri luctuosissimum interitum rectè collocatum putetis?

Si talem, tantāque à vobis cladem Christi nomine perferri petemus, non iniusta esset profectò postulatio, si habeatur ratio dignitatis eius, & beneficiorum quibus vos obstrinxit sibi, & felicitatis, quā, nisi per vos steterit, præparauit vobis. Mundus autem quid? quid tartarea illa bellua? quo tandem titulo, in tam crudeli ac barbaro facinore, illi sic obtemperatis, vt nefas esse putetis illum amandare à vobis, qui vos euocat occidendi causa? Quò tanto suo in vos promerito ita vos sibi deuinctos tenent, nihil vt animi sit in vobis ad tam iniustam, tam crudelem & barbaram, tam execrandam seruitutem fortiter, constantēque repudiandam? Num furcifer ille tyrannus inferorum, qui fuit homicida ab initio, sustinuit mortem pro vobis? Num mundus cælum aliquod habet, quod vobis aliquando largiatur? O amantissime Domine aperi oculos infeliciū istorum Sathanæ martyrum, à quo, proh dolor! tam deplorandam mercedem mortiferi certaminis illicò sunt accepturi.

V.

Deploratio
nobilitum in
singulari
certamine
percutissimorum.

VI.

Quos mundus & dæmon non habent iniustissimos martyres.

CAPVT XL

*Vis diuini Apostolorum Amoris, & nominatim Sanctorum
Petri, & Pauli.*

I.
*Fortis Apo-
stolorum
amor.*

Act. 5. 41.

QVAM animosus erat diuinus S. Petri, & cæterorum Apostolorum amor, quando, licet à magistratu, graui proposito supplicio, interdictum esset, ne Christum Dominum populo nunciarent, suum nihilominus institutum tenuerunt, rati publicèque professi, Deo potius, quam hominibus obtemperandum esse: cùmque eam ob causam comprehensi, in carcerem coniecti, cæsi, contumeliosis affecti fuissent, *fbant nihilo secius gaudentes à conspectu concily, quòd digni habiti essent pro nomine Iesu contumeliam pati.* Ad quem enim sublimiorem patientiæ gradum conscendere possumus, quàm si mediis in cruciatibus, opprobriis que lætemur? O quantò facilius est in feruore orationis desiderare martyrium, & absentes vltro prouocare cruciatus, quàm ferre præsentem dolorem. Præsentia enim ipsa, sensusque virgarum, ferarum candens, & oculis obiectæ flammæ, equulei, rotæ, gladij, audaciam faciliè frangunt, & animi calorem, quasi frigida superfusa, planè extinguunt, aut vim eius vehementer certè debilitant.

II.
*Et nomina-
tim Petri.*

*ingradiendo
supra fluctus
Mat. 14. 24*

Exemplo sit eiusdem Petri generosa illa, sæpiusque iterata promissio: qua statuebat, sociorum omnium turbata constantia, suam nihilominus inconcussam fore, vt qui paratus esset in carcerem cum magistro, atque in mortem ire. At postquam in rem ventum est, quid contigerit omnes norunt. Quid illi animi defuit in laceffendo periculo, qui medio in mari, aduersoque vento, dum nauicula iactatur fluctibus, dum ceteri metuntur, turbantur, exclamant, ipse facultatem postulat ambulandi super aquas. Ea obtenta, vndis se credit intrepidus, solidoque vestigio calcat aquas, & graditur ad magistrum: non enim vanitas, illi tam insolens iter persuaserat, sed desiderium fruendi quamprimùm dilecto magistro. Sed cùm mox, animaduerso vento valido, Petri fortitudinem labefecisset timor, mergi cœpit, audiuitque, *Modica fidei quare dubitasti?* Sed quid miremur principem Apostolorum, Domini sui amore incitatum, in vndas desiluisse, cùm sciamus virgines Deo sacras non solum in profluentem, sed in paratum etiam rogam fortiter insiluisse, vt promissam Deo integritatem fidemque seruarent?

III.
*In defenden-
do magistro.*

Quid quæso fortius amore Petri, vel animosius fingi potest; qui cùm in Oliuetano monte cerneret amantissimum Dominum à prætoria cohorte, & à Pontificum & Phariseorum satellitio captum iri, aggressus est solus, nam socij diffugerant, eum contra Romanos, Hebræosque progere, inuadit gladium, irruit in aciem quingentorum bellatorum,

cumque ei forte seruus Pontificis occurrisset, statueretque ei caput bipedito diffundere, diuina prouidentia ictus in aurem eius incidit, & insignem omnino stragem edidisset, nisi Domini vox impetum discipuli pro potestate cohibuisset, ferrum iussisset in vaginam recondere, & permittere mirabilem diuinæ prouidentie machinam, destinatum diuinæ gloriæ, & humanæ salutis finem sortiri. Sed videamus in eius obitu, nam longum est iter ad omnia, illustre fortissimi eius in Dominum suum amoris exemplum.

Verum quidem est prænunciatum illi fuisse diuinitus, fore ut senex extenderet manus suas, & ab alio cingeretur, quodque minime cuperet, duceretur, *significans*, ut Euangelista testatur, *quæ morte clarificantur esset Deum*. Sed illa pugna obnitentis voluntatis, de ingenita naturæ propensione intelligenda est, quæ commodis famulatur suis, mortem exhorrescit, frangitur in aduersis, aut certè debilitata poscit auxilium ad absterfionem, aut diminutionem doloris. At heros hic noster naturæ iam placide dominatur: itaque mortem non reformidat, sed appetit, atque amplectitur: & quidem mortem crucis, id est omnium acerbissimam, atque probrosissimam. Et quasi id non satis esset ad heroicam eius animi demissionem ac fortitudinem, in argumentum amoris & venerationis in Christum suæ, postulat obtinetque, ut inuersus, peditus iussus elatis, capite ad terram deiecto figatur cruci, ut interius exteriusque torqueatur, dum omnes humores, visceraque suis demouentur locis; & caput ipsum ita omnium iniuriis expositum est, ut luto inquinari, à canibus morfu peti, & ab insultante fæce puerorum alapis cædi possit.

Quis agnouit aliquando hominem ammo constantiore, aut confidentiore potius Saûlo, qui postea Paulus Apostolus, cum zelo Mosaicæ legis deceptus, & paternarum traditionem æmulator, supra modum persequebatur Ecclesiâ Dei, spirans minarum & cædis in discipulos Domini. Cum per vim irruens in eorum domos, viros inde mulieretque trahebat, & vinctos carceribus mancipabat, nullo sexus, ætatis, conditionisve discrimine. Audacia hæc erat, animique impotentia, quam ipsemet cæteris vehementius arguit, misericordiam tamen à Domino se consecutum fateatur, quod per ignorantiam ista perpetrasset. Et erat sanè minime laudabilis ista vis. Cum enim Christiani non seipsum defendebant, sed libenter omnia pro Christi nomine perferrent, facile fuit eos vexare, ac vincere non repugnantes. Id enim Paulus ipse testatur. Eius enim est hæc ad Corinthios oratio, *Sustinetis*, inquit, *si quis vos in seruitutem redigit, si quis denorat, si quis accipit, si quis extollitur, si quis in faciem vos cadit*. Tota nihilominus ista quamuis importuna vis, ab eius in diuinam legem, in qua fuerat educatus, amore proficiscabatur.

Cæterum postquam diuina virtute, & singulari in Saûlum misericordia factum est, ut velificatione conuersa alia omnia certamina decertaret, ut propugnaret quod antè oppugnauerat, ut stabiliiret

IV.

*In mortis
supplicio
perseuendo.*
Ioan. 21. 18.

V.

Saulis naturalis fortitudo.

Gal. 1. 13.
Act. 9. 1. &
22. 4 & 8. 3.

VI.

Eiusdem fortia pro Christo certamina.

Act. 9.16.
2. Cor. 11.31

VII.
Ab ipsomet
recensita.

Act. 19.23.
2. Cor. 11.23

quod prius euertere conatus fuerat, denique vt pro singulari illius amore pateretur, cuius adorandum numen sacrilegis dudum factis dictisque violauerat. Tū videlicet infusa cœlitus in illum Charitas longè iustior animi vim, rectorēque fortitudinem procreauit, atque patefecit. Quando in illum, Christi gloriam crucēque prædicantem, cœlum, & terra, cæteraque elementa coniurasse videbantur, siue vt illi vitam eriperent, siue vt rebus ipsis docerent, quàm verè prædictum fuerat ab eo, quem superiore vita tanto animi ardore fuerat persecutus, *Ego ostendam illi, quanta oportet eum pro nomine meo pati.* Quorum rerum quem alium testem locupletiores quarimus, illo ipso qui tulit; quique pronuntiandæ à se veritatis, testem appellat ipsum Deum?

Qualia enim sunt illa quæ nunciat Corinthiis sibi in Asia contigisse, *Quoniam, inquit, supra modum grauari sumus, supra virtutem, ita vt taderet nos etiam viuere, & aderat, præter vitæ tædium, certa mortis expectatio, nisi Dominus succurreret prouidentia singulari.* Quantam putamus Apostolum subiisse animo tempestatem, virum alioqui præstanti fortitudine præditum, qui talia diceret, scriberetque, quamuis Demetrianæ illa seditione iam pridem sedata? Sed quid singula morer? audi ex eodem plurima in vnum quasi fascem congesta; *Ministri Christi sunt, inquit, plus ego, sed qua tandem in re? In laboribus plurimis, in carceribus abundantius, in plagis supra modum, in moribus frequenter. A Iudæis quinquies, & flagellas vnaminus accepi; ter virgis cæsus sum, semel lapidatus sum, ter naufragium feci, nocte & die in profundo maris fui.* Inde excurrit in sexcenta pericula quæ adiit, & mala quæ perpeffus est terra marique iter faciens, in urbibus & desertis locis, à latronibus & piratis, à Iudæis & Gentibus, ab hæreticis & falsis fratribus. Quibus autem exercitus malis? labore & ærumna, vigiliis multis, fame & siti, ieiuniis multis, frigore & nuditate, præter illa quotidiana negotia, quibus obruebatur, & sollicitudinem omnium Ecclesiarum, in quibus singulorum onera in vnum ipsum incumbabant: quorum infirmitate reddebatur infirmus, quorum offensionibus æstuabat, imò, vt ipse loquitur, vrebatur. Num minor patientia, aut mollior fortitudo requiritur, ad hæc omnia perferenda, quàm ceruicibus licitori intrepidè semel offerendis? O gloriosissime Paule, quantus erat in Deum & proximum amor tuus, qui tantam fortitudinem suppeditabat! Sed age nunc recentiora fortitudinis exempla, minúsque vulgata persequamur. Virget enim nos, vtróque se offert.

CAPVT XII.

Insignis animi fortitudo, victoriæque mirabilis aliquorum huius ætatis martyrum.

Hic ego; fortitudinem martyrum prædicaturum te dicis, ô Fortis-Amor, vtique consentiente me; vereor tamen vt de victoria ista quam dicis assentiri possim. Si enim duo milites singulari certamine dimicent inter sese, quis dubitet illum victum esse, qui mortuus in arena procubuit, victorem, qui incumbens iacenti ferrum iussit recipere? Et qui in capitali causa damnatur, aut in ciuili bonis omnibus eueritur, an victor dici potest, aut aduersarius eius? Quos denique febris, aut casus aliquis acerbior amandat ad sepulchrum, ab illa vtique vel febris, vel casu victi periere; morbus victor fuit, medicina verò cum suo Æsculapio victori cessit, cum medica plus valet arte malum. Martyre igitur in terram prostrato, si ei Tyrannus vitam vi tormentorum eripuit, apparet vtique non martyrem, sed tyrannum in certamine fuisse victorem.

Nihilominus, ait Fortis-Amor, in hoc negotio victoriæ nomen consultò usurpatum est, & martyri attributum; & quidem verè, vt tute fatebere, si consideres illum in certamine esse victorem, qui obtinet ab æmulo, id de quo certamen est institutum. Qui tormentis arcem aliquam verberat, eamque tandem per vim hosti rapit, victor est, voti quippe factus est compos. Eodémque modo qui singulari certamine cum hoste configit, eique vitam aut eripere vult, aut precariò largiri, victoriam obtinuit, si quòd sequebatur est affecutus. Idem de litigante, cui propositum erat causam obtinere, dicendum est. Victor quoque medicus est, si aduersam valetudinem, vti cupiebat, expulerit. At tyranni, qui martyres tormentis excruciatos necabant, non habebant propositum omnia eorum membra dilacerare supplicis, sed eos tormentis compellere ad abnegandam fidem; quòd cum obtinere non possent, vtique vincebantur: quòd eos contigit aliquando confiteri. Sicut reuera victus est medicus, qui ægri sanitate in se recepta, morbum expellere non potuit. Et contra victor erat tyrannus, si quando Christi athleta impar cruciatibus, fidei desertor factus, illi consentiebat, & victas præbebat manus:

Vt ergo redeamus ad institutum, & omittamus nunc quidem immensam illam Sanctorum martyrum penetrare syluam, qui priora secula nobilitarunt, de quorum laudibus pleni sunt antiquorum libri, neque vlla vnquam ætas conticescet. Quæ enim aliquando posteritas aut celebrare

I.
An martyres
victores dici
possint.
Auctor.

II.
Rectissime
posse.
Fortis-
Amor.

III.
Transitio ad
antiquis
martyribus.
ad recentes.

Annal. Iap.
pon. tom. 2.
Hist. mart.
Iap. ex l. 3.
c. II.

IV.
Titi Bungen-
sis cotis-
que familia
constantia
mirabilis.

V.
Et singilla-
tim probata.

desinet, aut admirari ardorem animi S. Andreae, crucem suam comple-
ctentis, aut gloriosissimi Laurentij in craticula patientiam, aut Seba-
stianum inhorrescentem sagittis, atque ita de cæteris, ut illa, inquam,
antiqua fortitudinis miracula nunc omittamus, placet nonnulla exem-
pla martyrum Iaponicorum proferre, quæ fidem faciunt Ecclesiam
Dei, postremis hisce temporibus, de sede amoris & constantiæ aduer-
sus sponsum suum minimè fuisse deiectam. Per pauca de multis eligam
summa fide conscripta, in eo ipso loco, in quo contigerunt, & ab iis
quibus ipsa vita antiquior est fides, & quæ publicis quoque monumen-
ti consignata sunt.

Anno æræ Christianæ 1614. in regno Bungenfi, Titus quidam nobili
loco natus admirabilem constantiam exhibuit pro fide Christiana. Duos
ille filios habuit, alterum novennem nomine Matthæum, alterum Simo-
nem annorum sedecim. Habuit & filiam Martinam annorum quatuor-
decim, quos ex nobili matrona Marina susceperat. Evocatur ergo Ti-
tus à Bungenfi regulo, ab eoque precibus, minis, imperio invitatur ad
deferendam fidem; quæ cum irrita essent omnia, domum remisit victo-
rem Titum, sperans se callidioris artificio hominem à proposito abdu-
cturum. Postridie itaque misit Tyrannus qui iubeat, nisi à sententia dis-
cesserit, mitti ad se filium natu minimum, quem statuerit vel fide pri-
uare, vel vita. Tam acerbo ictus nuncio pater, tenellum filium nihilo-
minus ad carnificinam mittit, firmatum quantum puerilis ætas, tem-
pusque patiebantur. Biduo post mittit tyrannus, qui Tito nunciet ex-
tinctum Matthæum, in paterno decreto pertinacem, iubeatque, nisi ve-
lit ipse principi obtemperare, Martinam filiam ad se mittere, quæ ean-
dem cum fratre aleam experiatur. Ne hoc quidem loco fracta est Titi
constantia, sed cum eo sensu, quem cuique facilis est cogitare quàm
dicere, puellam mittit, permittitque tyranno.

O mirabilem Titum, Abrahamo ne dicam supparem an fortio-
rem? qui duos iam Isaacos Deo ac morti dedit! sed accessit & tertius. Post
aliquot enim dies mittit regulus ad patrem, qui doceat Martinam pa-
rendi nesciam fuisse trucidatam, mandetque etiam Simonem libero-
rum natu maximum ad se mitti, si fortè aut Simon fratrum morte ter-
ritus cedat, aut Titus omnium liberorum lustupso interitu frangatur.
Non frangitur, Simonem mittit cum hoc monito. Vade, mi Simon,
& si qua in palatio vestigia sanguinis aspexeris, intelliges eas esse no-
tas constantiæ domesticæ germanorum tuorum; vide ne degener sis,
quem ætas ipsa debet reddere fortio-rem. Abierant dies aliquot, nec-
dum perfectum erat mirabile Titi sacrificium. Itaque Barbarus illi re-
nunciari iubet Simonem quoque in eadem obstinatione periisse, su-
peresse igitur, nisi velit ipse resipiscere, ut ad se mittat uxorem. Ac-
quiescit vxor, acquiescit & maritus, certus Martinam suam, liberòsque in-
tuto iam positos, quamprimum sequi.

Non ita multò pòst refert vltimus nuncius Tito, Marinam quoque fidem in Christum vitæ antetulisse; eandemque cum tota familia sortem, patrifamilias, nisi tot casibus sit factus cautior, esse subeundam. Negat Titus quintam sibi mortem, qui iam quatuor in liberis & vxore perpeffus sit, esse pertimescendam. Venit itaque in conspectum reguli, vbi monitis, precibus, minis, cæteroque telorum genere, quatur: nec labefactatur constantia Titi, cum Tyranni, cæterorumque infidelium stupore singulari. Victum se ille agnoscit, idque reddendis Victorii spoliis confitetur. Adducuntur ad maritum vxor, ad parentem liberi, non viui solùm, ac spirantes, sed victrici lauro insignes, & triumphali corona gloriosi, eique redduntur, cum potestate impunè profitendi Christianam fidem. Sicque nobilissimus athleta quatuor victimas quasi mortuas obtulit Deo, recepitque rediuiuas.

VI.
Toti, totiusque familiae victoria.

Domum vt rediere, narrant singuli Tito, quid ipsis in palatio, sepositis locis ad periclitandam frangendamque constantiam, singulis ferre contigisset. Narrabat Matthæus frigidissima tempestate gelidam capiti aquam infusam. Idem tulerat Marina quoque supplicium, sed cum probroso auctario nuditatis membrorum omnium. Martina totos tres dies noctesque ieiuna perdurauerat. Simoni vtrumque brachium retro ita distorserant; vt suis pene demota sedibus crudeliter luxarentur: sed steterant nihilominus, vicerantque non minùs, quàm si mortem optatissimam fractis ceruicibus pertulissent. Ita diuinæ bonitati ac prouidentia visum est, gloriosos hosce quinque athletas, in vna eademque familia citra mortem coronare victores; quibus placet nobilia duarum familiarum facinora, in perferenda pro Christo morte subtexere, etsi ea Titi certamen atque victoriam annis aliquot antecessit.

VII.
Quid singuli passi fuerint.

CAPVT XIII.

Nobile certamen duorum equitum pro fide Christiana, cum uxorebus & matre, filioque parvulo.

ANNO à Christo nato sexcentesimo tertio supra millesimum Car-
azgedonus in regno Fingenfi regulus ægerin. è ferebat primatios
è Fingenfi nobilitate viros, Christo ita nomen dedisse, vt edicto à se an-
no superiore proposito de abiuranda religione Christiana, obtempe-
rare negligenter. Cùm ergo superstitiosa quadam ceremonia proba-
re statuisset eorum fidem, inuenti sunt præ cæteris duo equites,
quorum vni nomen Ioannes, alteri Simon fuit, qui ne minima qui-
dem in re, quæ tantillum honori fidei Christianæ derogare videretur,

I.
*Tyranni m-
Christianes
edictum.
Ex Annal.
Iapon. ann.
1633. lib. 14.
c. 2. & seqq.*

*Ioannis Fin-
gensis con-
stantia.*

aut principi, aut importunissimis amicorum precibus concedere voluerunt. Capitalis ergo sententia in vtrumque destinatur, quàm cum vterque spe atque opinione præsumeret, primùm ad Ioannem quidam eius amici veniunt, eam denunciaturi, nisi defectionem à Christo exorquerent. Ij priusquam verbum facerent, occupat sermonem Ioannes, Scio, inquit, amici, quamobrem hic sitis; sed vos vicissim hoc scire cupio, ita me animo comparatum, dierum vt viginti carnificinam, qua singulis diebus vnus mihi digitus euellatur, totùmque corpus in minutas particulas concidatur, potius subiturum, quàm vt Christo Domino nuncium remittam.

*II.
Superstitione
tentatus &
zii.*

Quæ dum principi renunciatur, iniquissimi iudicij curatores Ioannem per vim raptum in Bonzij cuiusdam domum deferunt, vt recepto supra caput superstizioso Idolorum volumine, à Christo defecisse diceretur, & morti eriperetur. Is dum deportatur, pone subit Magdalena coniux, simulque exclamat. Vide etiam atque etiam quid agas, mi vir: si enim tantillum hostibus animæ tuæ cesseris, actutum ego vela facio, vt te neque vltra videam, neque maritum agnoscam. Eò vt peruentum est, exurgit Bonzius cum superstizioso codice, quem Ioannes semel iterùmque conspuit. Cùmque illatam vim queri vellet, & fidem profiteri suam, manibus ori ad motis loqui non permittitur, sed refertur domum cum calumnia, quasi librum cum veneratione imponi capiti suo passus esset; quæ cum ille verbis scriptis que literis, esset vbique detestatus, & Ioannis ac Simonis defectio desperaretur. Canzagedonus capitalem denunciat in vtrumque sententiam. Et primùm Ioannes in aulam euocatus, & multis rursus tum blandè, tum acerbè frustra tentatus, irruentes in se milites fortiter excipit, & quatuor ictibus, sancta Iesu & Mariæ nomina iterans, obtruncatur: octauo Decembris, anno ætatis trigésimo quinto.

*Fortiter oc-
cumbit.*

*III.
Simon quo-
que ab ami-
cis tentatur.
l. 14. c. 11.*

Simon autem nihilo minore studio, aut meliore successu ab amicis vexabatur. In his eminebat Cacuzaimon, cui tam Ioannis, quàm Simonis certa mors vltix peruicaciæ à regulo demandata fuerat. Cæso itaque Ioanne ad Simonem, quem iam toties frustra tentaue- rat, moestus venit, eoque cum familia euocato, vbertim pro ver- bis fundit lacrymas: nec Simon ad amici lacrymas, retinere potuit suas. Ergo luctu ambo lacrymisque confecti, elingues erant. Donec Cacuzaimon conuersus ad matrem Simonis. Quoniam, inquit, filius tuus salutaribus amici consiliis non acquiescit, nec attendit quan- ta res agatur hoc tempore, tu quæ mater eius es, & auctoritate va- les apud eum atque prudentia, iube vt regis voluntati acquiescat; hæc enim vnica ratio est, & vestræ, & ipsius expediendæ salutis: nisi regi satisfaciatur, caput illi in oculis vestris abscedetur. Cui matrona sapiens, Si quis, inquit, ad hæc humana negotia dumtaxat aspexerit, meliora isto consilia neque requireret, neque reperiet.

*Matris eius
constantia.*

At quoniam aeterna nunc agitur animorum salus, in tali causa filium meum vitam ponere non laboro; aeterna felicitas nimium magno emi non potest; si placet me quoque in eadem causa morte defungi, summo me beneficio tibi deuinxeris. Quibus auditis Cacuzaimon, cum conditio discedit indignans.

Nec tamen desistit alias atque alias comminisci artes, quibus malè dilectum amicum à suscepta sententia deducat. Domo abductum sua, profanis in ædibus collocat, ut vltima in eo peruertendo experiatur. At Simon ad suos, isti putant etiam animum cum loco mutari. Stabo nihilominus, Deo bene propitio, vósque pro vestro in Deum ac meipsum amore obtestor, ut constantiam istam ad extremum usque spiritum conseruetis. Sed quid ego singula persequar? Mittit Cacuzaimon virum nobilem Iecicauam, Simoni non solum amicum, sed cognatum etiam, qui ei à Rege mortem cum epistola nunciet, inferatque; quæ ritu patrio, erat vltima gratia Cacuzaimonis in Simonem. Eum ille intempesta nocte adit, & offendit orantem, simulque lecta epistola exclamat, ô lætissimum nuncium! cumque Deo quam potuit maximas egisset gratias, matrem adit atque vxorem in altero cubiculo quiescentes, eamque lætitiæ suæ participes facit; & quasi iturus ad nuptias, more Iaponio abluat se aqua tepida, & festo vestium cultu ornat, famulos euulantes consolatur, ornâtque munusculis.

Hic vxor eius Agnes nomine, maritum interuentu matris exorat, ut ei capillos detondeat, ne forte quis eam, si diutius viuere contigerit, requirat vxorem, quod Simon lacrymanti negare non potuit. Tum cum bona venia Iecicauæ, tres viros de congregatione, quæ dicitur misericordix, accersit, ut adessent morienti, qui cum amantissimè inter se, ut tempus ferebat, consalutassent, orassentque, mater & vxor confessionem, & ter orationem dominicam cum angelica salutatione recitât. Simon paululum rursus mente orat, & cereos ad imaginem Christi populo à Pilato post flagellationem propositi iubet accendi, & vna manu parentem, altera coniugem tenens. Hoc ego, inquit, amantissima capita, vltimum vobis vale dico. præbo itineri, præparando, cumque adiero beatam illam patriam rogabo pro vobis, ut me modico interuallo sequamini; quod ille crebro iterauit, nesciens eas iam morti destinatas. Adeunt mox omnes supplicantium ritu, cum Simone aulam martyrio destinatam, & iterata ab omnibus precatione, Simon coram Deo caput ad terram usque; venerabundus demittit, & explicato fortiter collo, caput obruncandum præbet; quo celeriter abscisso, omnes ei felicissimam mortem cum festo clamore gratulantur, Ioanna præsertim mater, & Agnes vxor, eumque sibi propitium fieri tanta constantia, feruore, animique demissione deprecantur, ut ethnici quoque circumfusi, hæc Christianarum virtutum miracula summo opere prædicarent.

A beata Simonis morte mater eius & vxor mœstæ in sua cubicula

IV.

Artes amici
infidelis ad
eum expa-
nandum.

Mors illi
nunciatur.

V.

Vxoris pie-
tas, & Si-
monis appa-
ratus ad
mortem.

Egregiè mo-
ritur.

VI.

*Cognatam
mulierum
in signis for-
tando.*

secedebant, quod vererentur ne martyrij palmam amitterent, eaque de causa vberes fundebant lacrymas; cum vir quidam nobilis, qui Simoni adfuerat morienti, & illius monitu in viam rectam a defectione redierat, non modica eas lætitia perfudit. Accepi, ait, Magdalenam Ioannis viduam morti addictum esse; itaque ne vos quidem alia fors manet. Ea spe recreata nullum deinceps mororis indicium aut voce aut vultu ediderunt, quin obnixè potiùs tres illos viros de congregatione misericordiæ obsecrarunt, ne eas in hac vltima pugna defererent. Ipsæ in genua procumbunt, & beatissimæ Virgini rosarium quasi valedicturæ, singulari cum pietatis sensu recitant, ipsi ut alieni à fide satellites, eo fortitudinis spectaculo vehementer obstupescerent. Vnum deesse videbatur ad cumulum lætitiæ, si eis Magdalena socia iungeretur; quod cum à Gubernatore impetrassent, tanto gaudio in occursum perfusæ sunt omnes, ut eo explicando impar sit omnis oratio. Deduxerat autem Magdalena septennem puerulum, & ipsum martyrij candidatum, fratris sui filium, & à se maritoque adoptatum: cui mater, fili mi Ludouice, breui ad patrem tuum ibimus, vide ut ne tibi excidat suauissimum Iesu & Mariæ nomen. Non excidet, mater, non excidet, inquit puer.

VII.

*Se ad mor-
tem compa-
rant.*

Cum dies ille abiisset in sanctissimis colloquiis, & admonitionibus, ad eos qui lapsi à fide, nobiles mulieres, vltimùm salutaturi inuisebant, obscura iam nocte, id enim tempus vitandæ populi frequentia magistratus elegerat, monentur ut se ad iter & mortem parent, quod illæ multis cum precibus ac lætitia faciunt, quasi ad cõuiuium, non ad supplicium proficiscerentur. Ventum erat ad locum, vbi iam cruces erectæ erant, Ioanna Simonis mater prima alligabatur ad crucem, cum ad carnifices conuersa. Quando, inquit, Dominus meus Iesus Christus affixus est cruci, acerbissimos dolores tulit, quem quia imitari cupio, rogo vos ut me atrociter toto corpore cruci alligetis. Quod cum illi facerent, & collum ipsum arctius constringerent, Laxate, inquit, paululum colli vincula, ut commodius orem; & scilicet ut circumfusus populum monere posset, quæ ad eius salutem facerent: quod dum facit, vnus de satellitibus hastam de more defigit in corpus, sed mollius. Itaque Ioanna elamat, Ferri acies non bene exacuta est Iesus Maria, ferri acies non bene exacuta est. Ergo carnifex vulnus illico redintegrat, tanta vi ut ferrum in sinistro latere impactum, à dextera scapula emereret, sicque beata illa anima sanctum Iesu & Mariæ nomen implorans euolauit in cælum.

*Et hasta
transuerberatur.*

VIII.

*Magdalena
martyrium,
Et filij eius
Ludouici.*

Deinceps Magdalena cum immitius alligaretur ad lignum, de carnificum inhumanitate, quasi de nouo beneficio, gratias agebat Deo. Ludouicus autem videns alligatam ad crucem matrem, ad suam ipse accedit vltro, cumque iam colligandus esset, quidam de astantibus, nihilne, inquit, times fili mi, tam vicina morte? Minimè, inquit puer, per Dei gratiam. Clamauit tamen paululum, cum atrocius à satellite constringeretur. Eam innocentis pueruli vocem cum præfectus audisset, lacrymas

tenere non potuit, modicęque funes laxari iussit. Astabat matri filius, eamque intentius intuebatur, & alternis Iesus & Maria resonabant. Ludouicum lancea priorem perstrinxit, nec, incertum quo casu, ferro fallente perfodit. Ergo iteratur ictus, & ingemiscente populo, nullus pueri clamor, ac ne gemitus quidem auditur, ne lacryma quidem vlla teneras madefecit genas; Moxque ferrum idem innocenti adhuc sanguine filij distillans in maternum pectus sub dextera mammilla immergitur, quę cum sanctissimum Iesu nomen iteraret, hoc dolebat vnum, quod velo capitis in oculos defuente, cælum videre prohiberetur, vbi statim cum triumpho recepta est.

Agnes Simonis vxor vltima peruenit ad palmam, crucemque suam insidens gratias agebat Deo, quod mortem in ligno subitura esset, quod ipse sua morte consecrasset. Et innuebat ministris vt accederent, quod illi defunctorum & huius, quę reliqua erat, constantia stupefacti, facere cunctabantur; Ergo seipsa sponte componebat ad crucem suam; cum Ethnici quidam, quibus nulla erat huius rei commissa cura, eam funibus constrictam in crucem tollunt, multisque confossam ictibus, cum dolorum & meritorum incremento vita spoliant, in vrbe lateuxico regni Fingensis, nono Decembris, 1603. Eorum corpora reguli iussu annum vnum è crucibus pependerunt. Lipsana nihilominus, quantũ summa diligentia fieri potuit, religiosè collecta, & conseruata sunt, animarum beatitudinem lumina cœlestia permultis conspecta testata sunt: glorioso autem triumpho sacer manipulus, diuini amoris: fortitudinem omnibus gentibus, seculisque prædicabunt.

IX.
Agnetis cer-
iamen forte.

C A P V T XIV.

*Illustre specimen admirande fortitudinis octo Christianorum
lento incendio consumptorum.*

VIx equidem me contineo, ait Fortis Amor, quin præcedentibus duabus historiis, addam & tertiam, si placet, & quidem vtraque mirabiliorem, variis licet iam linguis literisque celebratam, magnòque plausu à populo Christiano vbique receptam. Ego verò, inquam, maximo peregrini sum autor, ne te contineas, neve huic labori parcas. Sunt enim eiusmodi, ea quę parturire te sentio, quantum ex prioribus conicio, vt digna sint quę quotidie ab omnibus Christi cultoribus, eiusque amoris candidatis, lingua literisque celebrentur. Dicam ergo, quoniam ita placeat, sed ita moderabor orationi meę, vt nec longitudine, vestra abutar patientia, neque nimia breuitate, rei dignitatem elidam atque obscurem.

Michaël in regno Arimensi in Iaponia regulus, cum dominandi cupiditate Ioannem parentem calumniis, apud Imperatorem Iaponium Cubum nomine, auito regno deturbasset, ea tamen lege vt Christianam religionem abiuraret ipse, & ad eandem defectionem subditos

I.
Transitio ad
aliam histo-

riam.
Ex historia
de Marty-
rum Iapo-
norum triu-
phis l. i. c. 5.
& seqq & l.
2 c. 13 14. 15.
Et annal.
Iapon An-
no Christi,
1611.

II.
Causa vexat-
di Christian-
nos Arimē-
regulo.

suos Arimenses pertraheret. Accepit & ab Imperatore quasi tutorem Saffioium, nomini Christiano infestissimum caput, cum eo mandato, nihil ut ille ageret aut moliretur, nisi de istius cōsilio, præsertim circa euer-
sionem Christianæ pietatis. Tantum malum misero principi persuasit ambitio, quam etiam, quasi admota face, accendebat neptis imperato-
ris, Fima nomine, quam, legitima vxore repudiata, Michael duxerat, mu-
lierem, quæ pessimè oderat Christianos. Ab his ergo duobus, Arimensis
regulus ad immensam contra Christianos crudelitatem pertractus est;
quamuis nullo admodum odio laboraret ipse aduersus eam fidem, quam
maxima cum offensione, perfidiâque deseruerat.

III. Nam, ut cætera eius facinora missa faciam, & nominatim duorum
Fallitur à eius fratrum Francisci & Matthæi iniustissimam cædem, cum Saffioius,
Saffioio, suo extimulante Fima, scripsisset ad desertorem istum, accepisse se à regia
quasi tutore. literas, quibus ferebatur Arimensem principem delatum ad Imperato-
rem, quasi virum in persequendis Christianis, leni animo ac remisso,
ideoque illum agere de ipso aliò transferendo. Quæ non absurdè ficta,
& inde exortum timorem, cum Saffioius literis, Fima sermonibus coram
amplificaret, hominem faciliè perpulerunt, ut aliquot de primariis subdi-
torum suorum familiis eligeret, quas à Christiana religione omni opera,
artificioque deduceret; id si minus hac ratione consequeretur, lento
igne perderet vniuersos. Valiturum id tum ad iustissimum aliorum ter-
rorem, tum ad remissionem illam apud Imperatorem purgandam.

IV. His acquiescit infelix, mandatque magistratibus suis, ut octo viros
Octo Chri- nobiles, quos nominatim proferebat, ad se euocent, omni-
stianos per se & animi contentione ad defectionem pelliciant. Quod cum illi frustra
suosque ten- tentassent, eos ipse semet sigillatim accersit, Saffioij literas ostentat, docet-
tar, que quanto in discrimine regnum Arimense versetur propter Christia-
norum contumaciam. Demonstrat hoc maximè nunc agi, ut maiorum
suorum hereditate pellatur, & ipsi ignorum aliquem, externumque
principem experiantur. Itaque obsecrat atque obtestatur, ut aliquantif-
per dissimulent, ac tempori cedant. Quibus precibus cum verissimas la-
crymas, singultusque coniungeret, id expressit ut quinque ad externam
speciem fidei Christianæ nuncium remitterent, quorum tamen quatuor
paulò post feliciter resipuerunt, tres in tanto certamine perfliterè con-
stantes; quibus alios quinque adiunxit, qui in supplicio locum deser-
torum tenerent. Quamuis autem in decem Christianos decretum fuisset
incendium, octo tamen duntaxat subiere martyrium, quod duos con-
sanguineorum fauor morti eripuerit: qui tamen omni studio contende-
runt, ut reorum numero redderentur; maiorēque ambitu vitam ponere;
quàm alij retinere studuerunt.

V. Mortis ergo sententia in octo Christianos pronunciata est, quorum
Octo morti ista sunt nomina, Adrianus, eiusque vxor Ioanna, Leo cum Martha con-
adiuocit. iuge, duobusque liberis Iacobo & Magdalena. Alius item Leo cum
Paulo

Paulo filio. Nam vxorem eius Monicam, cum filia, is quem dixi cognatorum fauor viuere coëgit. Octo itaque illi coniciuntur in vincula, & dum expectatur destinatus morti dies, totum Arimense regnum peruadit rumor insolentis adhuc in Iapone supplicij, acciuitque omni ex sexu, ætate, conditione Christianos, tanto numero, facile vt viginti milia explerent; nec videndi solum gratia, sed etiam, si res ferret, singulare Dei munus participandi. Venerunt autem, contra Iaponiorum, morem, prorsus inermes, vt re ipsa demonstrarent se non pugnandi, sed patiendi causa conuenisse; itaque loco armorum omnium rotaria singuli è collo suspensa gestabant, & infidelibus gloriosè ostentabant. Ferunt autem is fuit, vt de cibo in viaticum nemo omnium in tanta multitudine cogitaret. Erat quippe decretum omnibus ac persuasum, sibi Arimæ pro Christo Domino esse moriendum, & superfluum videbatur vitam cibo propagare, quæ foret illico profundenda. De necessariis tamen ita ipsis à capitibus sodalitorum prouisum est, vt nemini quidquam deesset.

Mirabile porro spectaculum fuit Deo, angelis, & hominibus, videre in magna planicie, arcu tyranni subiecta, viginti milia hominum martyrij candidatorum, præter ipsos Arimenses ciues, tanta læticia turbulentis temporibus gestientium, quantam nemo in placidissima pace, maximæque ludorum celebritate meminisset. Interdum ciues sobriis moderatisque conuiuiis hospites suos excipiebant, iidem noctu crebris luminibus, ignibusque excitandis, simul nocturnam rerum confusionem vitabant, simul rogam quisque sibi, quasi martyrum societate fruiturus, preparare videbatur. Misit princeps qui renunciarent, immittendum se, nisi abirent, armatum militem, qui catapultariis ictibus omnes confoderunt. Hoc accepto nuncio gaudio exiluerunt Christiani, nec quisquam omnino repertus est in tanto numero, cui glandium ignitarum timor discessum persuaderet; quin potius globos undique densauere, ne catapultæ irritò vsquam ictu disploderentur; quando interea Bonziji, vim ac tumultum veriti, diffugiebant, Saffioius autem sibi, tanquam harum barbararum authori, ab Imperatore metuebat.

Ipse quoque princeps cum vim à tanta multitudine formidaret, consilium inuit de martyribus, in domo, in qua custodiebantur, incendendis. Quod cum percubisset, eam domum ilico Christiani frequentes cingunt, ne sacris martyrum spoliis, lipsanisque priuarentur. Hic vehemētius etiam formidare magistratus, omniæque trepidè circumspicere. Et tamen omnes inermes confluerant, in promptu tamen eis erat, vel lapidum coniectu, si libuisset liberare captiuos. Ergo sodalitorum præfeti indices adire, timorēque sustulere, ostendentes nihil esse formidandum; à vi omnia longissimè abesse, quàm si afferre voluissent, aut deterius aliquid animo agitaissent, potuissent utique à primo statim aduentu fieri voti compotes. Sed improba ista facinora summo opere à Christianis legibus abhorrere; rogare solum ne conspectu tam insolentis spectaculi priua-

M m

Ad spectaculum Christiani confluunt.

VI.
Magno numero, modestiæque, & fortitudinis.

VII.
Terrentur infideles, & confirmantur.

rentur, cuius causa huc undique accurrerant, sed ritu Christiano suos comitari morituros permitterentur, adesse morientibus, & vita functos sepelire: omnem tumultum, vim, iniuriam se præstituros; nihil enim ab iis esse periculi, ne principis mandata impediant, qui tale supplicium, tali ex causa sibi suisque vehementer ambiant.

VIII.

*Statuitur
publicum
incendium.
Locus.*

Modus.

Tempus.

His confirmatus princeps, iussit decretum incendium publicè executioni mandari: ut si tanta supplicij acerbitas minus ad terrendos Christianos valeret, Imperatoris certè suspicionibus curandis, aut mitigandis prodesset. Eligitur ergo iuxta urbem campus latè patens, in quo lignea domuncula excitatur, octo nixa stipitibus humi defixis, arundineo stramineoque tecto: circumquaque crebra validaque tigilla statuuntur arcendo populo, ne propius accedat ad reos. Interiectum autem spatium septum inter atque domunculam materiâ incendio apta farcitur, ut igne concepto, paulatimque ad domunculam serpente, ad suos ligati palos martyres torrerentur, eodémque mox tectum eius corripiente, omnia confuso incendio miscerentur, & verterentur in cineres. Isti sacrificio dicta est dies septima Octobris, anni 1613. quæ fuit secunda hebdomade feria.

IX.

*Supplicatio
deducendis
martyribus.*

Hoc accepto nuncio Christi milites triumphare gaudio, procumbere in genua, Deo gratias agere, tam felicem sortem sibi mutuo gratulari, & accepto præmissa confessione sacro viatico, ad ultimum translati sunt carcerem. Tota autem illa multitudo vrbe recepta, & in certas turmas à sodalitiis præfectis, vitandæ confusionis gratia, digesta est, seni gradiebantur, aut cereos accensos manibus, aut rosaria præferentes; medium supplicationis huius occupabant octo victimæ sacrificio destinatæ, quarum latera duo congregationum præsides claudebant. Viri candidi erant amicti vestibus, reuinctisque ad dorsum manibus, excepto Iacobo undenni puero, quem vincula postulantem lictores reiecerunt, negantes se funes habere ad puerum constringendum; in vinculis nihilominus erant mulieres cultiore amictu vestitæ.

X.

*Fervor
Christiano-
rum.*

*Maximè quo
Iacobi pueri
martyrij cā-
sidiati.*

Non defuerunt è Christianis aliqui, qui fervore concepto suū transgressi ordinem, ad martyres propius accederent, illisque suam gratularentur felicitatem, & si quid possent de eorum vestimentis raptim auferrent. Sed id martyres non permittebant, eumque titulum recusabant, eorum vicissim precibus imploratis. Optavit quidam puerum Iacobum in humeros suos sublatum deferre, usque ad locum supplicij; quod Iacobus recusavit, asserens Seruatorem suum Caluarium conscendisse non solum peditem, sed propria etiam cruce onustum. Non vicit tamen. Nam Christianus ille fortior, nihil repugnantem moratus, cum per vim in humeros sustulit, & pia latus sarcina, eam ad supplicij locum portauit. Interea supplicatio ordine progrediebatur, beatissimæ Virginis, omniumque Sanctorum opem nominatim implorans: cumq; nonnulli præ cordis teneritate lacrymarentur, Iacobus ad eos conuersus, Nolite

flere, inquit, nolite flere, procedite hilares, vt me videtis facere: qua pueri excitatione, tanto ipsi vberius lacrymabantur.

Ventum erat ad sacrificij locum, cuius apparatus idoneus erat ad incutiendum fortissimis terrorem. At intrepidi martyres suam quisque columnam, vt poterant, erant enim brachia eorum ligata, complectebantur, & vt olim S. Andreas Apostolus, singulari affectu salutabant. Interea circumfusi populi gratulationibus, plausu, acclamationibus omnia personabant. Cum autem ceteri ad suos quisque palos alligarentur, Leo Cayemon euasit in tectum, & indicto, atque impetrato manu silentio, sonora voce pronunciauit omnes hilariter pro sola Iesu Christi fide mortem oppetere, extra quam nulla sit homini salus. Expectare ipsos Dei iudicium, ad quod ipsorum corpora excitanda sint ad meliorem vitam, eoque tempore illos, à quibus nunc afficerentur suppliciis, æterni cruciatibus addictum iri. Postremo adhortatus omnes ad constantiam, etiam cum vitæ discrimine, atque fortunarum, cum applausus, lacrymæ, singultus, acclamationes omnium Christianorum audientiam impedirent, descendit, & ad suam columnam reuersus, illam tenere complexus est, quasi prælibans gaudium & gloriam, quam ei tigillus ille parturiebat.

XI.
Executio
martyrum.

Leonis confessio.

Hic Gaspar præfectus primarius Sodalitatum Arimensium vexillum extulit, in quo Christi ad columnam alligati, & flagellis concisi depicta erat imago. Cumque paucis martyres ad postremum hoc certamen, & Christi imitationem esset cohortatus, accensus est ignis circumquaque, cuius illi vim desiderio suo prouocabant, donec ad ipsos peruenit; cumque illi certatim magna voce Deum obsecrarent, populus quoque circumfusus procumbens in genua, Deum pro ipsis, pro sua quisque deuotione deprecatus est, aliqui cernentes eos igne corripere, pugnis sua pectora præ commiseratione tundeant, alij misericordiam diuinam voce lamentabili postulabant. Ipsi autem martyres nunc flammam animosi, nunc socios gratulantes respectabant, deinde etiam circumstantem populum, re magis quam verbis, ad martyrium incitabant. Quod enim spectaculum admirabilius à multis seculis vidit Ecclesia Dei? In populo præsertim, qui nuper Deum cœpit agnoscere, populo in ultimis terrarum ac marium finibus constituto, qui nunc honorat fidei suæ tyrocinium, & acerbissimo incendio sui in Deum amoris fortitudinem attestatur.

XII.
Populi deuotio, ipsorumque martyrum.

Interim autem dum admirabiles hosce pugiles intuemur, ignes qui eos afflabant ac torrebant, nunc correptos cum suis spiritibus incendunt. Leo ille qui supra tectum concionabundus ascenderat, vbi tigillo suo alligatus fuit, nusquam vel tantillum à cœlo dimouit oculos, quasi ibi spectatores videret angelos, à quibus iam iamque laurea donandus erat. Alter Leo grassantis victor incendij, tanto impetu spiritum profudit, pronuntiandis Iesu ac Mariæ nominibus, vt non

XIII.
Morsu viri.
que Leonis.

vocem, sed rugitum edidisse videretur. Nam quamvis flammæ crepitantes magnum strepitum ederent, quem confusæ tantæ multitudinis voces vehementer augebant, ab omnibus tamen qui aderant Christi & Idolorum cultores, vox Leonis nostri clarè ac distinctè exaudita, adeoque multitudinem omnem spectatorum longè prætergressa est. Atque ita heroica vis animi languenti corpori supra naturæ modum, fortitudinem impertiuit.

XIV.

*Magdalena
& Iacobi
fratris glo-
riosa mors.*

Quod ad Magdalenam, & ætate, & voto virginem, facinus edidit mediis in flammis prorsus admirabile, & vniuersæ posteritatis prædicatione dignum. Cum enim funes, quibus alligata fuerat, flamma consumpsisset, satis habuit animi ad candentes prunas vtraque manu accipien- das, capitiq; suo honoris ac venerationis causa, imponendas, quasi pulcherrimorum florum coronam, moxque igni suauiter succumbens, purissimam efflauit animam. Quid autem frater eius Iacobus? Agnellus hic, maiores inter victimas Deo mox animam redditurus, vbi sensit se vi flammæ vinculis exsolutum, medios per ignes, prunasque ardentes accurrit ad matrem, eamque complexus est. Tum mater, Aspice in cælum fili mi, aspice in cælum; Iacobus autem Iesu & Mariæ nomine ter appellato, capite ad matris pectus inclinato, animam Deo, cum glorioso reliquorum martyrum globo, reddidit.

XV.

*Exhortatio
ad peccatorem.*

O infelix peccator, te enim appello gemens, misertus tui, quid tibi aliquando dicent & puella illa, & iste puerulus? quibus tibi verbis exprobrabunt ignauiam tuam, qui non habeas satis animi ad calorem & molestias stimuli carnis modico tempore sustinendas, cum ipsi per medias prunas, globosque flammarum, incedere non dubitarint? prunas manibus collegerint, capiti cum reuerentia imposuerint? Probarunt illi sui in Deum amoris inuidiam fortitudinem, quæ illis cælum aperuit; tu ignauia tua argumenta præbes, in hac tyrannide cupiditatum tuarum, quæ te in tartarum præcipitem dabunt. Age verò per Deum immortalem! num illi alios habuerunt inferos, quos pertimescerent? num ad aliam aspirabant felicitatem, ab ea quæ tibi promissa est, si teipse in tentatione viceris? num maiore quàm tu reuerentia à peccando retineri debuerunt, ne preciosum Christi sanguinem pro vobis effusum polluerent? Ecquid meministi Romanum illum militem, qui inepta ex causa flammis brachium exurendum dedit? tu Christiane pro æterna gloria voluptatis igniculos non elides? Age igitur, & iam nunc firmiter statue, & decerne constanter emori potius, quàm diuinam amicitiam mortifera noxa violare.

CAPVT XV.

*Diuinum Iesu Christi amorem eximiam fortitudinem in ortu,
vita sua demonstrasse.*

GREGORIUS Nazianzenus antistes Macchabæorum constantiam fortitudinemque demiratur, qui in lege Mosaica, antè Christi patientis exempla, præstantissimi Dei martyres extitere: cuius tamen meritis, quæ se in præteritas ætates transfuderunt, diuino illi animi robore præstiterunt. Quò iustior est exprobratio, & in cæli terræque conspectu minùs excusanda humani in Deum amoris ignauia, infractûsque vigor in frangendo iniusto vindictæ appetitu, in abdicanda illicita voluptate, in aspernando improbo quæstu, denique in tolerandis aduersis rebus, quarum perpeffio longè minorem habet acerbiteriam, ea morte, quæ animas à corporibus atrociter disiungebat, prout hætenus recensuimus; & quibus multò plura proferri poterant: sed à famulis ad Dominum, à discipulis ad magistrum transeundum est. Is enim maiora supeditabit argumenta demirandi fortissimi amoris eius, propter infinitam amantis dignitatem, quàm primi illi martyres, aut isti postremi.

Hic ego, Sed in hoc primo aditu, inquam, velim à te illustrari difficultatem, quæ statim infidelibus occurrat. Cum enim vis amoris duabus maxime in rebus cernatur, vt suprà dictum est, primùm grauibus incommodis tolerandis, in gratiam eius qui diligitur, deinde in arduis pro eodem aggrediendis ac peruincendis, non videtur Deus alterutro modo fortitudinem amoris sui demonstrare potuisse. Rectissimè dicis, ait Fortis-Amor, Pati enim, ex quo patientia nomen accepit, cum summa, perfectissimæque beatitudine pugnat, nec aggressio rerum difficultium infinitæ potentix conuenire potest. Nihil enim illi difficile est, nec res vlla ei magis in promptu est, quàm quæuis alia. Singulas animas tam facile quotidie producit, quàm olim totam hanc rerum vniuersitatem procreauit; neutro quippe in opere vim adhibet, præter consensum potentissimæ voluntatis. Cuius rei hæc ratio est cum primis efficax. Difficultas enim conficiendæ rei ex magnitudine aut tenuitate petitur illius facultatis, à qua res effici, & difficultas expugnari debet. Quòd si potentia in immensum creuerit, ita difficultas proportionè minuetur, vt penitus euanescat. Itaque nos res faciles difficilèse dicimus, prout res ultra vel citra potentiam nostram positæ sunt; & sic pro modo nostro de rebus diuinis coniiicimus atque differimus.

At Deus factus homo rationem inuenit ac viam, qua vtrumque fortitudinis actum exercere posset in terris: quam in gratiam religiosarum

I.
*Transitio ad
Domini for-
titudinem.*

III
*Anfortitudo
in Domino
locum ha-
beat.*

IV.
*Habere per
incarnationem*

animarum, non sublimi quapiam, sed populari oratione explicabimus. Quadraginta iam secula ab ortu rerum abierant, aderatque plenitudo temporis, annus decretorius mundanorum morborum, annus quem respiciebant omnes anni præcedentes, quem sancti vates studiosè notaue- rant, cùm cœlestis orator Dei iussu venit in Galilæam, in oppidū Naza- reth, magni utiq; momenti legationē obiturus; quando qui mittit. Deus est, & qui ea fungitur vnus est de primariis cœli ciuibus, & ea ad quam mittitur, mortales omnes seculorum omnium, si ab vno eius filio disces- seris, dignitate antecedit. Quæ porro causa est legationis huius?

IV

*Qua illius
causa.*

Luce. 1.

Visere voluit Deus terrestrem hanc regni sui partem, magna rerū per- turbatione, multis magnisque morbis, grauissimisque miseriis oppres- sam, quæ viscera eius ad commiserationem propensa, poterant ad opem ferendam commouere: iuxta propheticum illud oraculum, *Per viscera misericordie Dei nostri, in quibus visitauit nos oriens ex alto.* Errorum quo- que tenebras depulsuras, *Illuminare iis qui in tenebris, & in umbra mor- tis sedent.* Æs alienum populi sui dissoluturus, *visitauit enim & fecit red- emptionem plebis sue.* Et sicut olim Pharaonem debellaturus, in Ægy- ptum descendit, ita & nouissimis temporibus populum suum à Diaboli- ca tyrannide liberaturus, illumque fortem armatum expugnaturus, qui mortales omnes tam tetra seruitute opprimebat, vix vt suam auderent gemere seruitutem: simulque eum expugnando demonstraturus, quam fortinos amore prosequeretur. Itaque in istum quoque quadrasse vide- tur, quòd olim Deus in Pharaonem dixerat, *Idcirco posui te, vt osten- dam in te fortitudinem meam.*

Exod. 9. 16.

V.

*Dialogismus
Verbi incar-
nandi cum
Angelis.*

Quòd si quis attendat quam homines venientem regem suum ra- tione tractauerint, dicere utique licuit beatis Angelis, qui huius diuini consilij conscij esse potuerunt, quòd & pie meditari licet hominibus. Placet ne igitur, inquiunt, ò fortissime mortalium amator, in eorū gra- tiam probare in terris fortitudinem & patientiam tuam? Utique placet, inquit Seruator. Bene habet, aiunt Angeli, sed memento quæso animū ferre ad patientiam bene comparatum. Nam quæ duæ res hominē di- uexare possunt, eiúsque patientiā exercere luculenter, corporis dolores, & animo illata dedecora, probra, contumeliæ, ambabus mensa tua co- piosè instruetur. Veniam nihilominus, inquit ille, placet vexari cruciati- bus, & opprobriis saturari, sicut olim David & Esaias de me prænuincia- runt. Includeris, inquiunt Angeli, in angustissimi vteri carcere, vbi de- cimum ad mensem humanis constrictus vinculis, & densis circumfusus tenebris latebis; tu, cuius magnitudo immensa est, cuius splendor su- premam cœlorum regionem illuminat.

VI.

*In utero vir-
ginis.
Ioan. 3.*

Ibi mutum erit Verbum patris, quod linguam mutorum soluturum est: ibi nihil videbit is, qui illuminat omnem hominem venientem in hunc mundum: ibi subsistet immotus, qui vitam præbet & motum re- bus omnibus, quæ eorum possunt esse participes. Ibi rerum omniuna

effeatrix potentia nihil ager, quòd oculis cerni possit, nisi quòd matri conseruabit illibatam virginitatem. Ibi ignota mortalibus, atque otiosa videbitur Sapientia, sed Bonitas in amando otiosa esse non poterit. Illud quoque animaduerte, si placet, ò magne princeps. Si quis sapiens iter suscepturus esset, in quo resciret se in carcerem coniectum iri, in quo totos nouem menses, neque cælum visurus esset, neque vllam lucem, nōne à proposito desisteret? vix totidem horis miseriam illam ferre vellet. Imò vellet, inquit Seruator, si nosset susceptum negotium id exigere, sicut illud exigit, quòd ego suscipio: quæ est gloria Patris mei, & per nouum hominem hominum salus.

Exeunti porro ab illo carcere, inquit, paratum tibi erit olidum stabulum, aut spelunca in extrema rupe Bethlehemitica, quòd se per noctem lupi recipiunt, & syluestres feræ; aut homines, quos à communione cæterorum pestifera contagio secreuit; aut leprosi, quibus aditus ad vrbes non patet; aut peregrini pauperes, quos occupauit improuisa nox, vt ventos & pluuias, cæterasque cæli iniurias deuicent. Locum autem ipsum araneorum telis, quasi aulæis circumuestient, solum autem boum, equorumque stercorebus latè consternent. Ibilectus erit præsepe, plumea culcitra, fœnum aut palea, lac, cibus, panni fasciæque, vestes. Scio amici, inquit ille, probè, scio isthæc omnia. Non vlla laborum facies mihi noua, vel improuisa nunciatur:

Omnia percepi, atque animo mecum antè peregi.

Pergunt; Intempesta porro nocte non alio lumine frueris, quàm quod Luna, vel stellæ ministrabant, nisi quòd tui isthinc fortè detuleris, aut Angeli tui, si quos vuleris interesse, qui ad hæc miseras commiseratione tangantur. Quin media ipsa in bruma, non alio igne foueberis, aut calore, ab eo quem suggeret virgineum matris pectus, aut halius bouis & asini. Deferam mecum, inquit ille fortis amator, Charitatis incendium, eoque exardescens animus, calorem corpori, si videbitur, communicabit. Veniam itaque perlibenter, nec vlla me morabitur difficultas. Vtique perlibenter, inquit, sed quàm hilariter, tu videris. Ibi certè gemes, & contremisces, & lacrymaberis, nec maiorem cæteris infantibus gratiam experieris; primam quippe vocem similem omnibus emittes plotans. Pedes manúsque fasciis colligabunt, nec eorum tibi, aut cæterorum memerosum liberum vsum permittent. Denique postquam maiestatem tuam infantilibus membris obtexeris, experieris ipse vt mortales dignitate tua licentius sint abusuri.

Flebo illic quidem, inquit Seruator, vt ætas feret, sed flebo præ gaudio, vbi me contemptum sensero, ad exaltandam gloriam Patris mei, & ad corda hominum mihi demerenda, eisque promerenda sancta desideria imitandi paupertatē ac labores meos. Præ gaudio verò, aiunt illi, imò & præ dolore. Ferreo quippe, aut lapideo cultro præcident in circumcissione carnē tuam, & innocentissimo tuo sanguine manus suas, tenellāq;

VII.

*In stabulo
& præsepi.*

VIII.

*In frigore
& tenebris.*

Sap. 7. 3.

IX.

In circumcissione.

membra tua cruentabunt. Maximè verò, ait, sed hoc erit pignus integræ redemptionis, quam suo tempore pro subditis meis exoluam, corpus autem meum, indicio regis dignitatis, sanguine meo purpurescet. At regis isti dignitati, aiunt, erit qui se animosè opponet, atque interimat, nisi tibi longinqua apud Barbaros fuga consulueris: quique, ad te comprehendendum, crudeli aduersus bimulos infantes carnificina sauiet. Atque ita qui in cælo rex es, eris in terra fugitiuus.

X.
*Er fugain
Ægyptum.*

Verum est, inquit Seruator; sed hæc ipsa fuga iis consolandis seruiet, qui iniuste à patrio solo extortes fient propter me, vbi ego illos peramantem comitabor, vt me in Ægyptum mater mea comitabitur, & in sinu per mellitos amplexus deferet. Illi rursum Sed pueriles istæ blanditiæ multo tristitiæ felle diluentur, cum in ea regione viuendum erit, quæ omnium, quas sol ille perlustrat, superstitioni addictissima est. Quo scelere nullum tetrius, nullum diuinæ maiestati inimicius esse potest. Ita est, si ego istorum idola præsentia mea de sedibus suis ignominiosè deturbabo: quod erit præludium idololatriæ toto orbe terrarum paulatim exterminandæ, & tyrannidis illius fortis armati, per me, meosque fortissimis certaminibus profligandæ.

C A P V T XVI.

Diuini Iesu Christi amoris in progressu vita fortitudo.

I.
*In paupertate & laboribus vili-
que famula-
tus*
Psalm. 87. 16.

QVòd si placet, inquiunt Angeli, vitæ tuæ in terris degendæ considerare progressum, ô quàm sæpè, & quàm verè licebit tibi dicere cum Davide, *Pauper sum ego, & in laboribus à iuuentute mea.* Adeoque ab ipsa infantia, teneraque pueritia. Cum fames & sitis, frigus & calor, cæteriæque humanæ infirmitatis argumenta, quibus subinde vexaberis, toleranda erunt, num hæc quasi pueritiæ, aut adolescentiæ oblectamenta reputabis? cum Hierosolymis triduo desertus à tuis, aut mendicabis, aut ex aliena comitate, & benignitate pendeabis. Quando, quasi alius esses ab eo qui es, domi vltro seruires obsequiosissimo famulatu, aut, in lignarij fabri officina, iuga bouum & aratra conficies, immisitios cardines, & incastraturas. Tu, cui beatarum mentium ordines vniuersi summa cum veneratione famulantur. Totis quoque legionibus, ait Dominus, famulabuntur in terris, si visum fuerit nobis. Sed volo ego quoque, vt ille olim Iacobus Patriarcha, seruire Patri meo, vt sponsus fiam pulcherrimarum animarum, non annis bis septenis, sed omnibus diebus vitæ meæ.

II.
In aduersariis Iudæis,

Statuisti ergo, ô cæli princeps, vitam agere in terris humilem. pauperem, famularem, ignotam atque contemptam, qualis eorum esse solet, qui iuga bouum & aratra conficiunt. Deuenies autem paulatim ad
tempus

tempus illud acceptabile, ad illos salutis dies, quibus denunciandum erit mundo regnum cœlorum esse patefactum; quibus reformandis hominum moribus, refellendis erroribus, ignatis edocendis desudandum erit, doctrinâque ipsa, & è cœlo deuocata philosophia insignibus prodigiis confirmanda. Cùm insurgent in te illico turbæ improborum, & in te sagittas suas, quasi in iaculatoriam metam collineabunt. Doctrinam accusabunt, quasi Mosaicæ legi, & seniorum traditionibus inimicam; miracula dæmonum opera virtutēque perpetrata calumniabuntur, quasi impurum quoddam Beelzebub mancipium fores. Intēque concionandum quidam te mente captum, alij à dæmone obsessum dicent, sublati alij saxi lapidationem parabunt, alij extra ciuitatem eiectum, & ad supercilium montis abductum præcipitem te dare conabuntur.

Cont. a -
trinam, mī-
racula.

Luc. 4. 29.

Quando vicos & plateas obambulabis, pagos & oppida peccatoribus inquirendis, vt solet pastor dissipatas oues, atque aberrantes, quando pœnitentibus veniam dabis, offensionem illi patientur, quasi in temerario facinore, hominis profani. Si communem egeris vitam, calumniam patiere, quasi homo vorax, & potator vini, publicanorum & peccatorum amicus. Quod si asperiores vitam, instar Ioannis Baptistæ adamaris, non secus atque ipse audies, Dæmonium habet; Nisi errores & superstitutiones hypocritarum Iudæorum protexeris, aut Dauidem certè imitatus fueris, qui factus erat sicut homo non audiens, & non habens in ore suo redargutiones. Samaritanum te dicent aut hæreticum, & diuinæ legis euerforem. Non est, inquit, hic homo à Deo, qui Sabbatum non custodit. Denique nisi vita tua æmulatorum tuorum vitæ consentanea fuerit, quod fieri profectò non potest, eorum in te odia, inuidiæ, calumniæ, maledicta exardescunt, dum illud impleant Sapientis oraculum, *Proberimus patientiam eius, & morte turpissima condemnemus eum.*

III.

Totāque
vitam.

Matt. 23. 13.

Psal. 37. 15.

Ioan. 9. 16.

Sap. 2. 12.
&c.

Verissimè, amici mei, ait Seruator, hæc omnia dicitis: sed ex hoc veneno pestifero theriacum ego antidotum conficiam. Docebo enim discipulos meos, vt exemplo meo in huiusmodi difficultatum occurso, ne frangantur animis, sed beatos se potius arbitrentur, cùm persecutionem patientur propter iustitiam, & quando pro bono opere maledictis, aut lapidibus appetentur. Secum enim ipsi meritò reputabunt, seruum non esse maiorem Domino suo, neque meliore conditione esse debere. Minor erit amaritudo calicis, minor que molestia, quando ego illum degustauero prior. Et sicut illa omnia beneficentiam erga ipsos meam minimè retardabunt, aut diuturnam patientiam labefacient: sic etiam cupio Christianos meos assuescere malefacta obuiere beneficiis, nec vllā eis excusationem relinquere peruiacitiæ, vel obstinationis suæ.

IV.

Sed quo fru-
ctū bonorum

CAPVT XVII.

Diuini Iesu Christi amoris, in extrema vita, fortitudo & patientia.

I.
*Exemplar
perfectissi-
mum esse
debet.*

Isa. 53. 10.

Heb. 12. 2.

1. 2. 21.

QVOD exemplar propositum esse debet artificibus ad imitandum, valde perfectum in suo genere, suisque numeris absolutum esse debet, ne quæ deinceps ex archetypo exprimentur, errata in laude ponant, & qui proximè ad exemplar accesserint, longè à perfectione operis abesse reperiantur. Magna ergo diuinæ Christi patientiæ perfectio esse debuit, quæ toti eius posteritati tanquam prototypum, in quod perpetuo intuerentur, obiici debuit, id est semini illi longæuo, quod ei promiserat pater, si animam suam pro peccato posuisset. *Per patientiam*, ait Apostolus, *curramus ad propositum nobis certamen, aspicientes in Auctorem fidei, & consummatorem Jesum, qui proposito sibi gaudio, sustinuit crucem, confusione contempta.* Et Petrus ad hoc nos ait esse vocatos, ut benefacientes patienter sustineamus aduersa, quia & Christus passus est pro nobis, vobis relinquens exemplum, ut sequamini vestigia eius, qui peccatum non fecit, ob quod talia, & tanta pateretur.

II.
*Christus ex-
emplar for-
titudinis.*
Serm. 47. in
Cant.

Ioan. 13. 15.

Heb. 12. 2.

Hoc est exemplum, quod non tam Moyse, in monte Sina, quam omnibus Christianis in monte Caluariæ excitatum & propositum est ad imitandum. *Vtrumque es mihi Domine Iesu*, aiebat Bernardus, *& speculum patiendi, & pretium patientis. Vtrumque fortiter prouocat, ac vehementer accendit. Tu doces manus meas ad prelium exemplo virtutis tuæ, tu caput meum post victoriam tuæ coronas presentia maiestatis, siue quia pugnante te spectro, siue quia te expecto non solum coronantem, sed & coronam.* Denique Saluator ipse, adito singulari animi demissionis exemplo, *Exemplum*, inquit, *dedit vobis, ut quemadmodum ego feci vobis, ita & vos faciatis.* Videamus ergo, iuxta dialogismum paulò antè inchoatum, & ab Apostolo indicatum, quanto animo Dominus ferebatur ad sustinendos dolores, atque ignominias crucis, quamvis propositio sibi gaudio, eundemque vitæ suæ finem elegerit, in certissimum inuictissimi amoris sui argumentum.

III.
*Renouatio
superioris
dialogismi.*

Quid ergo Angeli Filio Dei, iter in mundum molienti, dicere potuerunt, re ad humanum captum modumque accommodata, si nota illa priùs habuerunt, quæ nos postea facta didicimus, de tristitia, opprobriis & tormentis, quæ innocentissimæ eius vitæ finem attulerunt. Si quæ hætenus, inquiunt, aut nomine cæterorum vnus, exposita sunt à nobis, dictu aspera, atque acerba perpassu institutæ vitæ tuæ cursum retardare non possunt, nonne finis eius constantiam istam infringeret, aut certè de-

bilitabit? Nōne æstuosum hoc pro hominibus patiēdi desiderium, quæ si frigida superfusa tepescet, tantorum malorum incurſu, quæ mortem tuam comitabuntur? Bone Iesu quàm malè accipieris! quàm malè accipieris à tuis, ô agne Dei! Si quando tristem illam ac tenebricosam noctem, quæ tibi postrema futura est, mente verso, & quæ tibi ipsi, totique familiæ tuæ contingent, angor animo vehementius, ipsaque commiseratione soluor in lacrymas, nec dubito quin ante totius tragœdiæ catastrophem, Angeli pacis amare flectant.

--bella, horrida bella,

Et Solymam multo spumantem sanguine cerno.

Ecquis erit tantus amor, qui satis patientiæ suggeret, ad toleranda omnia, quæ tuis video ceruicibus imminere? Meus, inquit Seruator, ac multò etiam plura, grauiorâque, si necesse foret. Maxima proculdubio necessaria erit. Vnum enim habiturus es è familia tua proditorum, qui te præſente pecunia, vendat hostibus tuis, qui mox magnitudine criminis in desperationem actus, gulam sibi obterat infœlix. Alter se tibi discipulum, aut omnino te sibi notum, semel, iterum, tertio, in tuo populique conspectu inficiabitur. Cæteri tristissimo tuo, ac difficillimo tempore, te deserto fuga sibi consulent, oppleti luctu, timore, diffidentia. Quid mœrorem illum memorem, ô rex meus, qui luctuosam illam vocem ex sacrosancto pectore tuo excutiet, *Tristis est anima mea usque ad mortem.* Quod est tantam profiteri tristitiam, quæ animam à corpore possit morte diſiungere.

Quomodo enim tristitia non contrahatur, qui cum Isaia dicere possit, *In vacuum laboraui, sine causa & vane fortitudinem meam conſumpſi*; quod scilicet ad maximam Iudaici populi partem attinet, in quo tamen iuuando studium omne collocaueris. Quomodo non conficiatur mœrore, qui videat dissipatam familiam suam, filiosque charissimos spem inter & metum fluctuantes, doctrinam antiquatam, contempta miracula, totamque vitam probroso sine exautoratam, afflictam, infamia deformatam? Quid immensus Matris amantissimæ luctus, reliquarumque sanctissimarum mulierum, optimè de te meritum? Quid interni tui, externique dolores, qui quasi agmine facto, in te confertim ita irruent, itaque vexabunt, vt te ad vltimum expirantis hominis discrimen adducant, & cruentum toto corpore sudorem expriment, tanta copia, vt decurrat in terram. Ibi videlicet mortis imago in facie tua picta cernetur, opusque erit mitti ad te vnum de cœtu nostro, à quo confirmator ad patiendum euadas. Quid hîc dicturus es, Deus meus? Quis terribiliorem certaminis apparatus cogitare queat, ad amoris tui fortitudinem quamuis heroicam debilitandam, aut si fieri posset, euertendam?

Quilibet alius amor, ait Dominus, vinci posset atque proſterni; meus autem ita præſentia diuinitatis meæ, auxiliòque roborabitur, vt

Nn ij

IV.
*Et expositio
malorum
Christo im-
minensum.*

V.
*Et nomina-
tim summa
tristitia, &
causarum
eius.*

Isa. 49. 4.

VI.
*Cui par eris
Christi fer-
mudo.*

quamuis ad animum meum exhilarandum eius consolatio non pertin-
gat, eum tamen fortitudo inde profecta ita roborabit, vt cedere, aut sub
onere inflecti non possit. Itaque perge porrò memorare excessum, quem
Hierosolymis cōpleturus sum, vt iam nunc præcipias, ac prælibes forti-
tudinem amoris mei, & desiderium instaurandæ Hierosolymæ cœlestis,
quæ vobiscum Dei gloriam celebret in omnem æternitatem. Veniam
igitur, inquit Angelus, ad dira illa supplicia, quæ istum apparatus sunt
consecuta, quæ ab iis inferentur, quos quantovis damno tuo, diligere
statuisti. Vbi ergo familiam tuam non improvisus pauor hinc inde dis-
iecerit, irruet in te militaris cohors, ac forense ministerium, cum gladiis
& fustibus, in nocturno tumultu, tanquam ad perditissimum latronem
comprehendendum; & fure in collum, mediumque corpus iniecto, san-
ctissimas illas manus atrociter constringent, quæ paulò antè mirabilia
opera patrarint, fuerintque ad pacem, & veniam eis à Patre impetran-
dam, elaræ. Tum in descensu Oliuetani montis ignominiosè traheris à
nouis hisce Philisthæis, præ gaudio, vt capta Dei arca, aut fortissimo Sæ-
sone, vociferantibus; multoque citatiore gradu cogeris incedere, per
vallem illam, vicòsque Hierosolymitanos, versus iudicum & hostium
tuorum domos, quam ferat modestia, & pudor tuus.

*Eiusdem pa-
tientia in
fuga disci-
pulorum.*

*suæque com-
prehensione.*

*VII.
An congruè
Christi vita
hisce malis
obicita fue-
rit.*

Non dissiteor equidem, ô princeps pacis, si mortalibus membris te-
ctus essem, vt tu, cum Verbum caro factum fuerit, sanguinem mihi hor-
rifico frigore congelaturum, ad spectaculum tam luctuosum, non igna-
ro te tunc non solum innocentem fore, sed principem speciosum forma
præ filiis hominum, sed regem æternæ gloriæ, cuius honor & vita longè
pluris est, quàm salus & vita omnium filiorum Adami, quos vasa iræ, &
filios perditionis esse constat. Rectè tu ista quidem, ait Filius Dei, sed
scito gloriam Patris mei, cui ex rigida seueritate iustitiæ satisfaciendum
est, & constitutionem beatissimæ ciuitatis electorum, quæ diuinæ ma-
iestati perpetuò famulabitur, non indignam videri, in quam labores, ac
vita hominis impendantur; præsertim cum omnes hi labores & ærumnæ
quamprimum in gloriam commutandæ sint, & vita ipsa triduo recupe-
randa. Vt omittam cœlestes illos orbes, terræ, cæterisque elementis,
alias item res nobiliores ignobilioribus, in bonum commune, deserui-
re. Sed hæc per otium accuratè consideranda sunt. Tu interim susce-
ptam si videtur, narrationem pertexe, & ex libro diuinæ circa me proui-
dentia recognosce.

*VIII.
Quasi pas-
surus apud
Pontificem.*

In ædibus summi Pontificis, falsis testibus, quos Scribæ & Phari-
sæi subornarint, variisque calumniis obrueris; eiusdemque dissimula-
tione Pontificis, ab ipsius improbissimo famulo cæderis in faciem, vi
tanta fortasse, vix vt pedibus cōsistere possis, sed concussis dentibus os
ipsum cruore cōpleatur. Moxque adiuratione cōpulsus ad fatendā veri-
tatē dignitatis tuæ, communi omnium consensu, tanquā blasphemus iu-
dicaberis mortis reus. Quin & tota nocte, tanquam contumeliosus in

Deum, vt seditiosus in populū, vt pseudopropheta in vtriusq; iniuriam, ludus eris improbo petulantique seruitio, ad exfaturandum inimicorum tuorum furorem; si tamen tam acerbum atque inueteratum luporum istorum odium expleri aliqua ratione possit. Heu me! quid tibi malorum ingerent acerbissima illa nocte impurissima Satanæ mancipia? ecquis ea possit, sine totius corporis tremore, cogitare?

Tu interim, ô magnanime Leo de tribu Iuda, num poteris vim continere potentissimi brachij tui, vt insanos istos fulmineo ictu non ferias? Maxime verò, inquit, brachium potero, ipsamque etiam retinere linguam, ne vel vlciscar, vel conquerar de inimicis meis. Imo & cor ipsum amore & commiseratione abundabit aduersus illos, qui me alapis cædent, pulsabunt pedibus, sputis oblinent. Quo modo plena pietatis mater, quæ febri & phrenesi laboranti filio adest, neque sputa filij, neque contumelias, iniurias numerat, vt quæ illum nouit impotem sui, & ægrè laturum ista facta, vbi fuerit sanitati restitutus. At illi, ait Angelus, neque brachia à verberibus, neque linguas à maledictis, neque solertiam ab excogitandis maleficiis abstinebunt, quibus te, tanquam improbissimum post homines natos nebulonem, diuexent atque discrucient. Ibi nullus erit, qui vel modicè subleuet animum tuum in tristitiæ pelago fluctuantem, nullus oculus qui te, cum aliquo commiserationis sensu respiciat, prætor oculos illius discipuli, qui suppliciorum tuorum acerbitate conterritus, per insignem ignauiam, negabit se esse discipulum tuum, aut te sibi cognitum: & in confirmationem mendacij suum diris omnibus deuouebit caput.

Quis erit tum gemitus cordis tui, quis contuitus oculorum tuorum, ad erigendum collapsam ouem tuam; oculorum, qui mox à tenebrionibus illis velabuntur, vt maiore impudentia cædant pulcherrimam faciem tuam, & cum cachinno rogent, *Prophetiza nobis Christe, quis est qui te percussit?* O potentissimum amorem, qui tam acerba, tamque indigna maiestate tua, sine vlla patientiæ iactura ferre possit! quomodo non vehementer pudet, ac pœnitet homines dilectos tuos imbecillitatis amoris in te sui, qui vix verbum vnum iniurium ferre possint, quin animis commoueantur, quin queruli rixentur, quin facinus indignum exclament, quin cælum terræ pernisceant: ignari homulos se ex luto, & argillo fictos, neque animo reputantes quid debeant tibi.

Hic erit, ô nobilissime ac patientissime agne Dei, quasi primus actus terrificæ cruentæque tragædiæ, quam dilecti illi tui excitabunt aduersus innocentiam, & dignitatem tuam: in qua potestas tenebrarum in omnem contra te effusa licentiam, omne fellei cordis virus euomet, & ea inferet in te, quæ perditissimis sicariis, & latronibus destinantur. Ego vicissim persuasum habeo, ait Dominus, quamplurimos in tanto amoris argumento, vehementer dilecturos eum, qui pro se talia passus sit, & quemlibet dolorem meum fore instar facis accensæ, quæ eorum

IX.

Quantæque
patientia.In negatione
Petri.

X.

Et ministris
varie insultantibus.
Matth. 26.
68.

XI.

Cum fructu
dominice
patientia.

charitatem accendat, aut fulcri eorum infirmitatem sustentantis, ne rerum aduersarum pondus incumbens, eos aliquando prosternat, atque precipitet. Scio equidem, ait Angelus, non defutura summi amoris incitamenta mortalibus, spero que fore permultos, qui singulari cum fructu te mentis oculis intueantur, istis tempestatum fluctibus agitarum; ipsi pueruli fortes euadent bellatores, & puellæ molles ac delicatæ, in bellatrices Amazones conuertentur.

XII. *Et multorum mortalium negligentia.* At quàm multi erunt, proh dolor, stupidi atque hebetes, molles ac languidi, qui tam prodigiosum tanti principis amorem non magnificent, & quos dolores tui modicè tangent? Quinimo, ô rem luctuosam! & quam vix profari ausim, quod videatur tibi pudorem iniicere, & in dedecus tuum admodum redundare, simulque incredibilem hominum vel malitiam patefacere, vel cæcitatem. Plerique enim ob ineptam vanitatem, aut fœdam puncti temporis voluptatem, aut sordidum vnius quadrantis lucrum, & tibi, & amicitiaæ tuæ nunciium remittent. Nónne satis est, ô princeps, in tanta iniustitia turpitudinis, vt propterea à suscepto consilio desistere conueniat, & amorem tuum decentius aliò, vtiliusque traducere? Homini quidem, ait princeps, satis supérque foret, ad eius amorem extinguendum; ad meum autem debilitandum non satis. Heroica enim est fortitudine præditus, ad subeundas omnes ingratorum hominum iniurias, ineptiasque deuorandas.

XIII. *Quam mirabilis Christi patientia obruet.* Imensus est enim amor meus, & abyssus, quæ exhaustiri non potest, ac ne ad eius quidem fundum perueniri. Satis quippe roboris habet ad inflectendum cor meum, vt abiis à quibus, non semel atque iterum, sed sæpius fuero perfidiosè desertus, inueniri me sinam, ad reconciliationem paratum, adeoque inquiram eos, inuitem ad amicitiam instaurandam, orem vt negotia salutis suæ ritè componant, ne miseri pereant. Hinc illa. *Reuertere, reuertere, Sulamitis, reuertere, reuertere, vt intueamur te*; faciem quippe tuam auertisti à me sponso tuo, & conuertisti ad res creatas. Hinc & illa prædulcis exprobratio apud Ieremiam Prophetam. *Tu fornicata es cum amatoribus multis; tamen reuertere ad me, dicit Dominus, & ego suscipiam te.* Et apud Ezechielem, *Proiciite à vobis omnes prauaricationes vestras, in quibus prauaticati estis, & facite vobis cor nouum & spiritum nouum, & quare moriemini domus Israël?* Et quamuis præfractior fiat in resistendo, atque obstinator, nunquam tamen peccatorem dum viuit, penitus deferam, neque abiiciam, vsque adeo fortis & patiens est amor meus.

XIV. *Angeli pro peccatoribus petitio.* Licet autem plerique in sua illa duritie, atque obstinatione perituri sint, amore meo & patientia prorsus indigni; bonorum tamen in me amor efficiet, vt improbitatem inimicorum meorum, & ingratitudinem amicorum libenter feram. Domine meus, & Deus meus, ait Angelus, obtestor ego te, per immensam bonitatem tuam, & fortissimum istum amorem tuum, ne permittas te hunc in modum à peccatoribus contemni, & car-

nis amorem aut mundi, apud eos plus posse quam tuum : ne per infignem perfidiam frustreris expectatione tua, & pro uis recipias ab eis labruscas. Stabit quidem per ipsos, quo minus curentur, sed illud etiam, quod facile potes, effice quæso, vt non stet per ipsos, & vt abundantia gratiæ tuæ resistantiam omnem suauiter emollias, & libertatis vsum, quæ vel honori tuo, vel eorum saluti fraudi esse possit, in bonum vtriusque optabili efficacitate conuertas.

Verum vt ad vltiora prouehar, illud etiam demonstrabo maiestati tuæ, tristissima illa nocte transacta, inimicos tuos, satanæ synagogam collectum in summo mane, ad perficiendum inchoatum parricidium: rursumq; ibi vltimi supplicij dānatio aduersus innocentiam tuam profertur. Rursumque vinculis, si fortè per noctem soluta fuerint, constringeris, totaque vrbe ligatus circumduceris, populi Ierosolymitani ludibrium & fabula. Illa Ierusalem, quam tu ita nobilitasti, vt eam constitueres Dominam gentium, principem prouinciarum, gaudium vniuersæ terræ, te tradet in manus gentium, & Prætoris prouinciæ, vt ab vniuersa terra infesta irrisione ludaris. Hęcine expectandum erat ab illa ciuitate, quam præsentia tua sanctificaueris, sanctissima doctrina erudieris, diuinis prodigijs illustraueris? Illa te atrocibus calumnijs appetet, asperget infamia, magnisque clamoribus exposcet ad mortem; quam vt obtineat, homini sicario & latroni vitam dabit, & ingenti cum perniciæ sua postulabit, vt vindicta sanguinis innocentis in se effusa, in seram quoque posteritatem redundet.

Ægrè feram, ait Saluator, eorum acerbissimam calamitatem, multoq; magis improbissimā malitiam. Nihilominus paratus sum ad calumnias, pro ipsorum reliquorumq; mortaliū salute, ad infamiā, ad cruciatus, ad mortē crucis. Fateor quidē, ô rex meus, ait angelus, persuasis mori facile omnia persuaderi; sed aliquādo quæ mortem antecedunt acerbiora sunt ipsa morte. Itaque vehementer angor, ô mitissime Seruator, cum animo verso indignum illud & petulans contumeliæ genus, quo afficiendus es apud Herodem, vbi tanquam insanus alba tunica vestieris, sibilis excipieris & cachinnis, ab omnibus aulicis, militibûsque profani regis: deinde per vicos ab insana plebecula; in satisfactionem criminum, quæ in bacchanaliorum diebus, à nescio quibus corybantibus, soluta pene omni Christiana disciplina, perpetrantur. Quem amicorum tuorum non pudefaciat pudor tuus, qui videant profanos homines lætari, dum se demētissimo ritu vestitos sapientibus atq; insipientibus deridēdos propinant, se autem in gratiam tuā vix adduci, modica vt verecundia suffundantur.

Transco ad alteram periclitationem generosi amoris tui, ô fortissime amator, sed ita vt totis artibus interea contremiscam, ac propemodum soluar in lacrymas, in aule illius ingressu, in qua, instar nequissimi mæcipij toto corpore, summo tuo cum pudore, nudaberis, mōxque virgis laceraberis ac flagellis, arbitrio rigidorum satellitum, qui tristissimo casu, tanto se clementiores erga te fore arbitrabūtur, quo inclementius verberabūtur,

XV.

Christi apud
Capharn
damnatio.

Et per urbē
traductio.

XVI.

Apud Hero-
dem irrisio.

Bacchanā
lia.

XVII.

Flagellatio
ad columnā.

rati hac inhumanitate, vitam se tibi conseruatu-
ros, quàm molossi illi
multis latratibus ambient: stridor videlicet discissi aëris, mixtus gemitu-
bus resonabit.

Hinc exaudiri gemitus, hinc sensa sonare

Verbera. -----

lis maximè partibus corporis verberibus, vt apparet, deformatis, quæ
teneriores sunt, & ad sensum molliores, in carne præsertim delicata, at-
que virginea nobilissimi principis, atque sanctissimi.

XVIII.
*Commise-
ratio pati-
tis.*

O miserabiles gemitus, & omnium mortalium comploratione profe-
quendi, quomodo ad intima eorum viscera non penetratis? ô flagella
crudelia, quomodo illorum intestina non rumpitis? O purissima filij
Dei atque innocentissima caro, quomodo impudicis adulterorum ocu-
lis, risibus, verberibusque pates? O sanguis omnium hominum atque
angelorum adoratione dignissime, quomodo ad terram vsque decurris, &
flagra, manus, vestesque immitium licitorum cruentas, quem illis ne vi-
dere quidem fas fuerit. Et quâ fieri poterit vt eorum mentes non illumi-
net iste sanguis, quando sputum ipsum idoneum erit, ad illuminandos
cæcos natos. O diuinum corpus, cui tanta gloria debebitur, vt in cælo
futurum sit obiectum beatitudinis corporum beatorum, quomodo tunc
supra omnia corpora deformaberis? O Dauid, Dauid, nōne olim di-
cebas, *Non accedet ad se malum, & flagellum non appropinquabis taberna-
culo tuo.* Nunc tibi vice versa in persona ipsius dicendum est, *Quoniam
ego in flagella paratus sum, & dolor meus in conspectu meo semper.*

XIX.
*Crudele co-
ronationis
ludicrum.*

Quid. referam crudele illud, & plenum ignominia ludicrum, in quo
ministri Satanæ mimos agent aduersum te, & tanquam persona de mi-
mo rex fies, omnium contemptissimus, atque miserrimus. Plenum erit
ignominia ludicrum, cū rursus denudabere coram maiore multitu-
dine satellitum, qui soluti in risus corpusculo tuo cruento, lacero, con-
trucidato petulanter insultabunt. Plenum crudelitate, quia ista denuda-
tio, vulnere erit refectio, & dolorum. Ignominiosa erit, quia nudi-
tas tua glabra purpura & detrita semitecta ridebitur; crudelis, quia ve-
nerandum illud caput, cui vni flagra pepercerint, duobus & septuaginta
in locis perforabitur, spinea corona in caput infixæ. Ignominiosa, quia
sceptro arundineo, quod purpuræ & coronæ respondeat, impediatur
manus; crudelis, quia eodem sceptro percutietur corona, & altius spina-
rum aculeos demerget in cerebrum. Ignominiosa, quia fex illa licitorum
per ludibrium genu flexo, regem te Iudæorum, iam tum contemptissi-
mæ nationis, celebrabunt; crudelis, quia præter sputa sordidissima in
faciem coniecta, genas alapis cædent.

XX.
*Christus ex-
hibendus po-
pulo, & re-
pudiandus.*

Hoc tam luctuoso instructus ornatu, sisseris coram populo vniuerso,
ex præalta porticu prætoriani palatij, quæ prægrandem habet subiectam
plateam, populo refertissimam, vt in celebritate Paschali. Quem cū
par esset, in tam tristi spectaculo, commiseratione frangi, dampne fu-
rorem,

rorem, interuentu Pontificum ac Pharifæorum, inspirante apud Præfidentem vociferantem audies, Tolle, tolle hominem è conspectu nostro, crucifige, crucifige eum. Quis erit tum pudor tuus, dulcissime Iesu, in tanto dedecore tuo, atque contemptu! ô quàm magnò lues immodicum humanæ superbiz ornatum, & cultû! quàm magnò emes rem haud magni pretij, mortalium inquam amorem, quem ne sic quidem facillè obtinebis, ô amantissime Iesu, ne sic quidem facillè obtinebis. Vsq̃ue adeo immodici ambo estis, alter in cōferenda gratia, alter in nō agnoscenda: alter desiderio eliciendi amoris, alter perfidia non diligendi; quam adumbrabit perditissimorum Hebræorum obstinatio, in procuranda tibi morte, quam tanta contentione postulabunt, tot rationibus vrgebunt, vt eam denique à Pilato sint extorturi.

Is enim cū animaduernerit industriam omnem suam in nihilum recidere, seditionem potius ac tumultum imminere; suam quoque aduersus Cæsarem gratiam periclitari, personam quoque, qua de agitur, non magni momenti videri, vt quæ parum gratia apud optimates, minus etiam opibus valeat, existimabit publicam quietem, & Cæsaris amicitiam, & principum populi, hominis quamuis innocentis interitu esse redimendam. Ergo publico decreto cruci addicet innocentiam tuam. Cū tu nixus gēibus, capite spinea corona degrauato, resti in collum iniecta, constrictis fune manibus, corpore cruento ac contrucidato, quasi à cœlesti patre profectam sententiam, quamuis omnium, quæ vnquam latæ sunt, aut ferentur iniquissimam, accipies, & animo libentissimo subibis. O si homines tanto studio amorem tuum, tanta contentione, tanto animi ardore postularent, si tam incensis studiis perquirerent, tot rationes ac vias ad eum acquirendum cōminiscerentur, eum sine dubio ab amantissimo cordē tuo adipiscerentur, atque à te audirent, Rem magnam postulasti, nihilominus fiat tibi sicut vis.

Interea, ô autor vitæ, supplicio mortis additus es; eo te denique adducet constantia beneuolentiæ in homines tuæ. Hoc nimirum inueniet, qui, tanquam alter Samson, affinitates & connubia, apud infideles & barbaros quærit. Si libuisset matrimonio iungi in hac terra viuentium, cum spiritali gente, tibi, qui spiritus es, naturæ conditione viciniore, in hac terra Israëlita, vbi facie ad faciem videtur Deus; non in regione Philistæorum incircuncisorum, nunquam ea mala perferres, quæ passurus es. Credo equidem, ait Seruator, verū nemo vnquam agnoscere, ac ne suspicari quidem, aut credere potuisset, quò possit vsq; pertingere amor, quo mortales istos prosequor, quibuscum alioqui conuersari, & virtutum exempla præbere, & veras audire & reddere voces non potuissem. Nā quæ memoras opprobria & cruciatus, sitio profectò, magnisq; haustibus expleri desidero; his abundat regio vniuersa ad quā proficiscor.

In magna itaque copia, ô patientissime Redemptor, ait Angelus, minime parci erunt. Cū primū enim vltimi supplicij damnatio inso-

XXI.

*Damnandus
à Præfide.*

4. Reg. 2. 10

XXII.

Iud. 14.

XXIII.

*Ducendus
ad supplicij.*

nuerit, illico, per omnes plateas & quadria Hierosolymorum tubarum clangore promulgabitur: & videlicet infinita populi multitudo vndique confluet, accita spectaculi nouitate, atque insolentia. Quod enim prodigium seculis omnibus prodigiosius visum fuerit, eo quo infami patibulo spectabitur moriens, is à quo paulo ante daemones è corporibus animisque fugabantur, cæci illuminabantur, muti ignoto sermone donabantur, mortui quatruiduani ab inferis excitabantur. Tunc igitur ista purpuræ ludibria exueris, propriæque vestimenta recipies, vt ab omnibus agnitus, omnibus infamis fias; & inter exuendum, tam nuditatis pudor, quam vulnerum cum purpura concretorum dolor, corpore toto renouabitur. Humeri conscissi verberibus, crucis immani pondere omitti opprimentur, quod erit lignum veri Isaaci sacrificio destinatum. Hic vnus antecedens fune ligatum trahet, alter impacto hastili progredientem propellet, & coget oneri succumbere, & cruentum humi vultum affligere, nisi qua spinæ, magno cum cruciatu, ictum ruentis excipient.

XXIV.

*Affligendus
matris, &
sanctarum
mulierum
occursum.*

Proh quanto luctu conficietur cor tuum, quando in maximos sanctarum mulierum luctus incidēs, quæ te Caluariam adeuntem sequentur. Vt tibi pectus tristissimæ parentis occursum dolore perfodiet! neque mea mens cogitando sufficere, neque lingua verbis exprimere rem tam luctuosam potest. Poterisne, ô mitissime Seruator, tantum in corde materno procreare luctum, aut illū ferre mœrorem, qui in te ex ipsius luctu redundabit? O fili Dei, ô mater Dei, ô vir dolorum, ô mare contritionis mater! quomodo cōsistent animæ istæ omni solatio destitutæ, in corporibus suis dolore tabescentibus, nisi amor vtrique vim suggerat tanto oneri parem, ne tam atrocis calamitatis pondere frangantur ac fatiscant? tūque in primis, qui vltimum penè spiritum trahens, subsidium aliquod ferendæ crucis accipies. Adoro interea, amantissime Iesu, luctuosissimum cor tuum, amore viuudum, & mœrore confectum, & in cæteris tibi repræsentandis propere, sicut & hostes tui. Neque in iis aliud quidquam præter animi dedecora, corporisque cruciatus reperio.

XXV.

*In Caluaria
monte cruci
affligendus.*

Cū primum ventum fuerit ad funestum Caluariæ theatrum, tot latronum, proditorum, sicariorum funeribus infame, denudaberis iterum vestibus tuis, iterumque plagarum tuarum sanies renouabitur, moribundum corpus in prædulo crucis lecto sternetur, manūque altera, tot mirabilium effectrix, correpta ingenti clauo perforabitur, & affigetur cruci: totius autem brachij neruis dolore contractis, manus altera, non sine ingenti alterius cruciatu, ad destinatum foramen pertrahetur, ossaque suis è sedibus luxata dimouebuntur. Altera igitur manu cum pari tormento perforata, hoc opus, hic labor, vt pedes & tibie, quæ subleuandis brachiis contraxerant sese, ad paratum vsque porrigantur locum. Eo denique protracta perfodientur ambo, itaque implebitur illud, *Foderunt manus meas, & pedes meos, dinumerauerunt omnia ossa mea*, propter distentionem scilicet dinumerari poterunt. Et illud quoque *Factum est*

cor meum tanquam cera liquefceris in medio ventris mei. Aruit tanquam testa virtus mea, & lingua mea adhaesit faucibus meis, & in puluerem mortis deduxisti me.

Perpende quæso, mi Rex, hoc tormenti genus: est enim multo grauius, quàm primo contuitu mentis appareat. Et vt taceam internorum membrorum dolorem, quorum nullum erit quod proprium cruciatum non ferat: certè si manibus quas ferrum, & corporeæ molis pendus dilacerabit, subsidium aliquod afferre volueris pedibus nixus, vulnera eorum crudeliter amplificabuntur, non ex traiecto solùm ferro, & grauitate corporis, sed ex ipsa distentione pedis in longum, contra quam natura ferat, quamuis & vulnus abesset, & pondus. Contra verò si miseri pedes auxilium manuum implorent, non paruo id manibus constabit. Caput quoque aculeatis horrens spinis, quò se tandem ad aliquam quietem inflectet? Si supra dextrum brachium, sinistrumve, vterque configetur spinis; si ligno inniti voluerit, aculei altius insiguntur in caput, adeo vt ne cælum quidem sine cruciatu liceat intueri. Quanquam quid cælum intuearis, vnde nullum tibi solatium, patre ipso te derelinquente, sperandum est? Itaque meritò illud inclamare licebit, *Circumdederunt me dolores mortis, dolores inferni circumdederunt me.*

Denique, ô magnanime princeps, tristitia & cruciatibus exhaustus, contumeliis, probrisque confectus, spiritum vtrorumque victorem, ipsaque morte amoris magnitudine fortiozem, trades in parentis manus. O Deus meus quàm fortis, quàm excellens, quàm her oicus est amor tuus, si atrocissima omnium tormenta membrorum, si tristitia mortifera diuinæ animæ tuæ, si dedecus supplicij latronibus destinati, si grauissimus pudor toties iteratæ nuditatis, eum non debellare, non imminuere, non labefactare potuerunt. Quis vnquam ausus esset cogitare liberū Dei amorem erga res creatas, tam fortem in ipso, tamque potentem esse posse? vi- les præsertim, & odio potiùs, ob peccata præsentia, quàm amore dignas ob gratiam, aut gloriam futuram. Quis autem intellectus satis admirari possit, animal è luto spiritūque conflatum, tam effusè, tam prodigè dilectum à rerum omnium molitore Deo, seruido in ipsum amore non col- liquefcere: non linqui animo? non perpetuas alienatæ mentis aberratio- nes pati? aut qui fiat vt tidē homines non afficiantur intimis sensibus, non ardeant dolore, cum & suæ & alienas in eum noxas agnoscunt, qui tanto amore dignus est. Hactenus ille diuinæ in amādo fortitudinis admirator.

Dicant ergo mortales, cum Dei amantissimo Dauide, *Vidi prauari- cantes, & tabescebam, quia eloquia tua non custodierunt.* Non enim ferre poterat vir sanctus tantum Dei amorem, tanto ingrati animi crimine quotidie à mortalibus rependi. O sancte Deus, fortissime, ac patientissi- me hominum amator, si diligis nos, vt tam prodigiosis argumentis aper- tissimè demonstrasti, mihi quoque indignissimo seruulo tuo amorem lar- gire fortem & validum, patientem & constantem, qualem tu nobis,

Oo ij.

XXVI.
Maximo cū
tormento.

Psal. 17. 5. 6.

XXVII.
Denique in
cruce mori-
turus.

XXVIII.
Oratio.
Psal. 118.

cum cœli ac terræ stupore, patefecisti. Ineam à te hanc gratiam, vt ob amorem tuum eam crucem libenter feram, quam imposueris humeris meis: vtque in cruce moriens offeram tibi miseram vitam, quando tu prior in tanto acerbioris cruce fortiter moriens mihi donasti diuinam.

CAPVT. XVIII.

Diuinum in homines amorem fortem ac patientem reddere ipsum Deum.

I. **E**XPLICATVM est à nobis, non multo antè, ait Fortis amor, quæ ratione fortitudo Deo conuenire posset, pro nostro agendi, atque intelligendi modo, quamuis nullam ipse habeat in agendo difficultatem propter agendi potentiam infinitam. Itaque sacræ literæ, quæ captiui nostro accommodant sese, eum fortissimum vocant ac potentissimum, manum eius fortissimam, & potestatem cui nulla æquari, nulla comparari possit. Et quemadmodum omni ex parte infinitus est, ita & eius amor, & quæ ex eius amore proficiscitur fortitudo: proprietates enim naturas, à quibus emanant, imitantur. Vides fortitudinem eius expellendis à cœlo momento temporis desertoribus angelis, non alio nisu, quàm consensu potentissimæ voluntatis: quamuis de vno illorum Deus ipse pronunciet, non esse in terra potestatem quæ comparetur ei, itaque factum vt nullum timeret. Et hoc quidem facillè intelligitur; non item quomodo seclusa humanitate patiatur, cum eum impatibilem fateri & immortalem, & vndique circumfluere felicitate necesse sit.

II. Et certo quidem constat nihil eum in seipso, personæque suæ pati posse. *Non accedet ad te malum*, ait Dauid, estque externum tantum obiectum peccatorum, quæ contra ipsum, eiusve legem fiunt, eaque ratione, violata ipsius maiestate patitur, sicut & nos cum contemnimur, aut maledictis appetimur. Maximè autem agnoscitur ista eius patientia, in diu tolerando peccatore, nec subita animaduersione castigando. Hinc illi tituli patientis, longanimi, *dissimulanti peccata hominum propter penitentiam*. Hanc Dei patientiam aduersum peccatores Paulus appellat diuitias diuinæ bonitatis. *Andiuitias bonitatis eius, & patientia, & longanimitatis contemnis? Ignoras quoniam benignitas Dei ad penitentiam te adducit?* Id autem si vel in vno mortalium verum est, quis æstimare possit magnitudinem diuini amoris in homines, ex quo tanta manat patientia, quanta necessaria est ad mundum tolerandum, tot iam sæculis, omnibus vitiorum generibus exundantem?

III. Si quis aliquid sordium in vultu habet, vel in manu, aut in veste, eas continuò excutit, purgatue quamprimùm, siue quia nocent, siue quia non decent. Si qua esset recipiendi damni facultas in Deo, nihil id ei,

Dei fortitudo.

Ca. 15. n. 2.

Num. 16. 22

Psal. 44. 4.

Iosue 11.

22. & 4. 25.

Ierem. 6. 32.

18.

1. Reg. 2. 2.

Iob. 41. 24.

Et patientia quomodo intelligenda.

Psal. 90. 10.

Sap. 11. 24.

Rom. 2. 4.

Peccatum Deo nocet in rebus suis.

præter vnum peccatum, inferre posset; sed quia ad illum pertingere non potest, dæmonem imitatur, qui illi nocere studet, in omnibus rebus ab eo creatis. Nam peccatum earum finem vsumque peruertit, hoc ipso quod ad Deum colendum amandumque non referuntur. Quod autem ad turpitudinem attinet, quàm indecorum est vt res præstantissima, & quæ Deum omnis boni, pulchritudinis, atque perfectionis fontem agnoscit conditorem, inficiatur malitia, fœditate inquinetur, & peruerso libertatis vsu deprauetur?

Præterea in offensa Dei reperiuntur omnia, quæ solent ex hominum cordibus patientiam extorquere, & indignationem ore manûve procedere. Primum accepta iniuria, peccatum scilicet, illudque in primis, quod Deum directè petit, blasphemia, hæresis, periurium, & alia id genus. Deinde contemptus; nam homo peccando à Deo contemptim auertitur, & ad rem creatam conuertitur. Tertio indignationem mouet, & extorquet ultionem conditio personæ offendentis, & offensa: Nam iniuria, quæ interuenit inter pares, facilius ferri, aut dissimulari potest. At Deum inter & hominem proportio nulla est, & contemptus hic non solum est inferioris aduersus superiorē, sed subditi aduersus principem, sed serui contra dominum suum, sed eius qui plurima accepit beneficia, accipitque quotidie, aduersus illum qui dedit, quique etiam nunc illi vitam, victumque suppeditat. Postremò vindictæ opportunitas iræ stimulos admouet, maximè cùm acceptæ ultor iniuriæ nihil habet quod timeat, aut speret ab eo, à quo offensus est. Quantus est ergo Dei aduersus hominem amor, à quo tanta aduersus peccatorem patientia profici-scitur, in tot vliscendi causis, & tanta opportunitate ultionis?

Est & alia ratio, quæ hanc diuinam patientiam vehementer exaggerat, quod sæpe grauissimas ab illis ipsis iniurias ferre solet, quos ab omni retro æternitate elegit, ad sempiternam felicitatem, ad quam omnino sunt aliquando peruenturi. Quo referri potest illa Dei apud Ieremiam querela contra dilectum suum. *Quid est quod dilectus meus, in domo mea fecit scelera multa? Quasi diceret, Quàm ego illi causam dedi vt à me alienior fieret, vt offenderet, vt iram prouocaret in se meam? quid ego feci, aut qua in re hominem contristavi? quid denique in me inuenit quod posset arguere? Si inimicus meus maledixisset mihi, sustinuissem iraque; tu autem dilectus meus, & notus meus, super quem ab æterno conieci misericordes oculos meos, vt mecum perpetuò latareris, circumfluens omnibus bonis, reddis mihi mala pro bonis, & odium pro dilectione mea.*

Reuereri debuisti præsentiam meam, & honorē habere domui meæ. Homines enim hunc ædibus principum habent honorem, nihil vt indecorum in iis agant, nihil in præfidiariis stationibus tumultuentur. Num ignorabas me desertores Angelos, in mea cœli empyrei domo, non tulisse? non Adamum aut Euam in horto deliciarum? non Abrahami poste-

IV.
Dei offensa
patientia
declaratur.

1.

2.

3.

Quæ patientiam exaggerant.

4.

V.

Alia diuina patientia ratio, erga electos.

c. 11. 15.

Ier. 2 7.

Psal 54. 13.

Psal. 108. 5.

VI.

Diuina querela paraphrasis.

ros in promissa Chananitide? Tu autem profanā duxisti Ecclesiam meā, terram Sanctorum, paradysum terræ, inferius atrium aulae cœlestis. Ausus es facere, quod ne cogitare quidem debuisti? voluisti tamen, suscepisti, perpetrasti, iterasti, iactasti. Quid autem? num leuiculum aliquod delictum? num defectum aliquem, quales plerique sapientibus obrepunt? minimè, sed scelera, sed crimina capitalia; neque vnum aliquod, sed numero plurima, generibusque diuersa. Nec res in coniectura tantum est, exempla clarissima patientiam istam docent.

VII.
Singularia
diuina pa-
tientia ex-
empla erga
prædestina-
tos.

Psal. 39. 5.

Gen. 27. 33.

VIII.

Certo futu-
ros beatos.

Ioan. 10. 27.

18.

1. Tim. 2. 19

Melach. 3. 6.

IX.

Quacumque
Deus pati-
tur, in eorū
gratiam pa-
titur.

Quam fœda, quam pudenda sunt, quæ pertulit Deus, aut à Maria Magdalena, aut ab Ægyptiaca, aut ab infestissimo pridem Christianorum hoste Paulo? quos tamen ad eximiam sanctitatem, maximamque in cœlo gloriā destinarat. Quid de Guillemo duce Aquitaniae, quid de Manasse rege Iuda, quid de Salomone Davidis filio dicam? quid de magno Babyloniorum rege Nabuchodonosore? quid de nobis ipsis, quibus licet cum Dauide dicere. *Quoniam iniquitates meae supergressæ sunt caput meum, & sicut onus graue grauata sunt super me.* Quidni liceat? neque enim dilecto Dei Dauide meliores sumus. Et apparet sanè, si quis rem accuratius intueatur, Deum idipsum facere circa electos suos, quod Isaacus olim Iacobo filio, à quo fuerat deceptus. Qui post fraudem agnitam, alloquens primogenitum, & ultra quàm credi potest admirans, ait, *Quis igitur ille est, qui dudum captam venationem attulit mihi, benedixitque ei, & erit benedictus?* Vbi enim eos æterna illa benedictione Deus affecit, quamuis fallantur & fallant, & à recta nonnunquam via deflectant, redeunt tamen ad se, rectamque ineunt ante mortem viam, recipiuntque destinatam benedictionem; quia benedicti sunt, & erunt benedicti.

Quam grauis est vox illa Seruatoris ad reprobos Iudæos. *Voces meæ vocem meā audiunt: & ego cognosco eas, & sequuntur me, & ego vitam æternam do eis, & non peribunt in æternum, & non rapiet eas quisquam de manu mea.* Turbet omnia dæmon quantum potest, turbent mundus & caro; intestinis seditionibus, & coniuratione, læuiant, titubare poterunt interdum, interdum & labi, sed lapsus erit non perpetuus, sed certi de finitiue temporis. Protendam enim adiutricem manum, & sine vlla dubitatione resurgent. *Quia firmum fundamentum Dei stat, habens signaculum hoc, cognouit Dominus qui sunt eius.* Et quamuis aliqui nonnunquam de salute desperantes perire voluerint, non perierunt tamen, Deo interitum mirabiliter impediante, nec decretum, ob præuisa multa peccata, mutante, *Ego enim Dominus, inquit ipse, & non mutor.* Itaque postmodum ad se reuersi, Deoque supplices facti, bono fine vitam eodem miserante terminarunt.

Addamus & hoc argumentum diuinæ patientiæ, non consideratione solum, sed etiam admiratione dignissimum, quod scilicet quidquid Deus vel ab ipsis, vel ab aliis patitur, in eorum gratiam atque vtilitatem patitur. Scimus enim, ait Apostolus, *quoniam diligentibus Deum omnia*

cooperantur in bonum; nec tamen omnibus: sunt enim qui diligunt, qui in dilectione non sunt perieueraturi, *sed iis, qui secundum propositum vocati sunt sancti*, electi scilicet à Deo, atque immutabiliter prædestinati: quibus omnia, ita cooperantur, vt etiam peccata, quæ ab ipsis sunt, in occasionem humilitatis & incrementum virtutis, diuino proposito seruiant. Contra verò reprobis omnia cooperantur in ruinam, peccata quæ committunt, res creatæ quibus abutuntur, gratiæ & illustrationes diuinæ quas floccifaciunt, quibus resipiscere potuerunt, & diuina ipsa patientia, quæ eorum emendationem frustra præstolatur. Perspicuum autem est Deum hæc ab istis pati, propter electos, & non propter reprobos, quibus expediret, statim à primo peccato mortifero, morte ad diuinum iudicium rapi; minorem enim secum damnationem traherent.

Dei autem nihil interest eorum differre interitum, perinde ipsi est; expectatio nullam ei vtilitatem affert, neque damnum improuila vindicta. Neque verò differt Angelorum gratia, vel brutorum; nihil enim aut hæc aut illos tangit ista clades. Interest ergo dumtaxat electorum, qui suam interim negotiantur salutem, & in patientia Dei possidebunt animas suas. Itaque rectè Deus illud vsurpare potest. *Omnia sustineo propter electos, vt ipsi salutem consequantur, quæ est in Christo Iesu, cum gloria cælesti.* In quorum gratiam nouissimis illis temporibus regnum Antichristi contrahetur? *propter electos breuiabuntur dies illi.* Quasi diceret, non quia tædet me tantorum malorum tolerare diluuium; sed quia periculum est ne diuturnitas rerum aduersarum in electos incumbentium, patientiam eis aliquando extorqueat. Nōne est clara Pauli sententia, *Deus sustinuit in multa patientia vasa iræ apta in interitum, vt ostenderet diuinitas gloria sue in vasa misericordia, quæ preparauit in gloriam.*

Ex his ergo facilè intelligi potest, quantum Filij Dei, qui hæredes futuri sunt regni cælestis, Deo debeant supra opinionem suam, cum in eius are sint, non solum propter recepta ab illo beneficia, & omnibus rebus creatis data propter ipsos, vt paulò post dicturus est Liberalis Amor, sed propter omnia mala, quæ multa cum patientia perfert ab improbis, vt interim dum Deus illorum peccata dissimulat, ipsi merita accumulent, quæ gloriæ ipsis præparatæ respondeant, & ipsi periculo eximantur. Nam amicus debitor est amico vulnerum, quæ is accipit, dum dat operam, vt qui à confertis hostibus opprimebatur, periculo se eximat, in tutumque recipiat. Probi item viri toties Deo benedicere debent, quoties is ab improbis, insanis vocibus appetitur, eamque insaniam deplorare, quando illam Deus in eorum vtilitatem patitur. Sacrilegia, quæ in Sacramentorum administratione admittuntur, à Deoque tolerantur, debitores eos constituunt, qui rectè iis vtuntur.

Rom. 8:28.
August. l. de
correp. &
gra. c. 7. t. 7.
Infelicitas
reproborum;

X.
Non cuius-
quam alius-
rius.

2. Tim. 2. 10

Matt. 24. 22

Rom. 9. 22.

XI.
Boni Deo
obligati su-
pra opinio-
nem suam;

XII.
Explicatur
ulterius ea-
dem obliga-
tio.

Nisi enim eorum vtilitati patienter seruiret, Gallia esset instar Africæ, Egypti Græciæ, Asiæ, & multarum regionum ad Septentriones.

Addo etiam illud, bonos ciues, bonos religiosos, omnesque pios alicuius ciuitatis incolas, pluribus actionibus bonis Deo famulari debere, puta fidei, spei, amoris, demissionis animi, modestiæ, obedientiæ, castitatis, quàm improbi actiones eliciant infidelitatis, desperationis, inuidiæ, superbiæ, contumaciæ, luxuriæ, cæterarumque noxarum. Quid enim caperet emolumenti mercator, qui duabus in officinis mercaturam exerceret, si in altera quotidie decem aureos lucraretur, in altera totidem amitteret? Et tamen, ô mirabilem Dei patientiam! contrarium planè contingit. Multò enim plura malè fieri contingit, quàm bona; siue quia multo maior est numerus improborum, quàm bonorum; siue quia, vt pares numero essent, maior est illorum propensio, animique ardor ad malè agendum, quàm istorum ad eliciendos actus virtutum, quas in arduo sitas esse constat. Nihilominùs in gratiam pauculorum, pauca quædam bona patrantium, patientissimus Deus ingentia, plurimæque multorum mala tolerat. Vsq; ad ò magnus est amor, quo electos suos prosequitur, & mirabilis inde profecta patientia.

XIII.
Conclusio.

Si ergo in huius diuinæ patientiæ mercedem, nihil aliud Dominus à nobis petit, quàm vt in eius famulatu aduersa in eius gratiam, cum insigni nostro merito, perferamus, nostramque cum ipso crucem toleremus, quòd per facile erit amanti, quis animo tam ingrato fuerit tamque barbaro, qui hoc illi debitum recusare possit? Quid obsecro Romani recusare potuissent Horatio Cocti, postquam in ponte solus vim exercitus vniuersi excepit atque sustinuit, donec à tergo pons ille frangeretur, qui hostem in urbem inferebat, ipseque se in profluentem armatus abiceret, ciuesque omnes ab imminente periculo liberaret? Recusabimus ne laborem aliquem in eius famulatu, qui quotidie tot telarum linguarum ab inimicis suis, in nostram salutem patitur? qui in persona filij sui, præcipitem se dedit in pelagus tristiæ, ac dolorum, vt patientiæ ipsius clypeo testis, aliquando in cælestis Ierosolymæ portum feliciter inuachamur.

Septimi Libri finis.

LIBER



LIBER OCTAVVS.

De Liberalitate Diuini Amoris, qui & Liberalis Amor.

CAPVT I.

Descriptio Quarti filij Charitatis, cui nomen Liberalis-Amor.

FORTITUDO & patientia quam præpotens ille rerum molitor Deus, eiusque vnigenitus Christus Dominus Mundo patefecit, quàmque ambo quotidie in gratiam electorum suorum exercent, ostenduntque mortalibus, validissimum argumentum est amoris in ipsos, & yf-
que aded potens, vt par sit infringendis hominum cordibus, quamuis marmore, ferrôve constarent; & ex eis non solum scintillis, sed flammis etiam diuini Amoris eliciendis, aduersus illum mundi Seruatorem, cuius, pro salute mortalium, tam fortis fuit, tam generosa, tam herôica, tam constans ac diuturna perperio. Fatendum tamen est liberalitatem amoris, non minore præditam efficacitate ad suffuranda corda mortalium, nec minùs beneuolentiæ argumentum in liberalitate, si eam tota sua latitudine vsurpare placet, quàm in fortitudine reperiri. Liberalis enim Amor satis animi habet ad communicandas cum amico, non solum fortunas, & vitæ commoda, gratiam, laborem, industriam, scientiam, honorem, sed vitam quoque, ac seipsum totum. Quid vltra quæso potest fortitudo vel patientia?

Quod non admodum mirum videri debet, cum Fortis & Liberalis amor fratres sint, eandemque habeant parentem Charitatem, vt significauit Apostolus, qui pari vtrumque gradu collocat. Cum enim Charitatem summis laudibus extulisset, & singularem eius demonstrasset necessitatem, eius deinceps proprietates & effecta pertexit, qui sunt totidem filij Charitatis. *Charitas*, inquit, *patiens est, benigna est*, id est liberalis, siue benefica, quo modo Tertullianus Latinam illam vocem, aut Græcam *χρηστική* interpretatur. Neque est qui ignoret opera misericordiarum, tam spiritalia quàm corporea, esse opera Charitatis, totidemque

I.
Fortis ac Liberalis amoris comparatio.
Auctôr.

II.
Fratres esse.
1. Cor. 13. 4.

liberalitates, quæ corporibus fiunt, aut animabus inopia laborantibus. Par est autem quartum hunc quoque Charitatis filium mentis oculis spectandum præbere, priusquam illum loquentem audiamus.

III.

Liberalis
amoris or-
namentum.

2. Cor. 9. 7.

Rom. 12. 8.

Ecc. 35. 11.

Prov. 17. 22.

Joan. 3. 16.

2. Cor. 9. 6.

Dicamus itaque breuiter hunc quem vocamus Liberalem-Amorem, vnum esse de pulcherrimis filiis reginæ Charitatis, nec eo quemquam facile amabiliorem esse; accedente præsertim hilaritate vultus, quam nunquam patitur obsolescere, quibuscunq; inclinationibus temporum, vel torturæ. Alcè enim demisit in mentem illud Apostoli, *Hilarem dato-rem diligat Deus*. & illud quoque, *Qui misereatur, in hilaritate*. Quod tãto ante docuerat Ecclesiasticus, *In omni dato hilarem fac vultum tuum*. Cõ-
modus est illi valetudinis habitus. Nam Salomone teste, *Animus gan- dens ætatem floridam facit, spiritus tristis exsiccat ossa*. Sicque præuertit ætatem, & viam ad sepulchrum compendiarium parat. Toga induitur perampla, magnæque sinuum laxitate, in qua misericordiæ opera per-
elegantè acu picta sunt: eodémque opere plumarij scriptum est illud elogium, *Sic Deus dilexit mundum, ut filium suum unigenitum daret*. Sinistro brachio, ac manu, Amalthææ quod dicitur cornu gestat, indé-
que hausta bona, omnibus facile Dei causa dextera dispertit. Gestat &
hoc elogium, *Qui parce seminat, parce & metet, & qui seminat in benedi-
ctionibus, de benedictionibus & metet*. Eum porro priusquam audiamus, de diuini amoris liberalitate differentem, aliqua vniuersè de amoris li-
beralitate dicamus.

CAPVT .II.

Amorem vniuersè sumptum esse liberalem.

I.
Amoris libe-
ralitas ex-
perientia
probat. 1.

1. Reg. 12.
13.

II.
Et exemplo
maximè lo-
nathe erga
Dauidem.

AMOREM communiter atque vniuersè sumptum liberalem esse, experientia primùm, deinde ratione demonstrari potest, siue illum amorem spectemus, qui beneuolentiæ est, siue eum qui est Appetitio-
nis, vel vt vulgò dicitur, concupiscentiæ. Si quis nobis est intimus, at-
que in necessariis principatum tenet, nihil est in nostra potestate, quod ei non libenter largiamur, si rem illi gratam nos putemus esse facturos. Si quid autem esse contigerit quod vehementer optemus, nulli omni-
no rei parcimus vt voti compotes esse possimus. Nobile nobis suggerit prioris exemplum Ionathas Saülis regis filius, qui vt Scriptura testatur, Dauidem inuit animæ suæ diligebat, itaque factus est erga eum insigni-
ter Liberalis. *Nam expoliavit se Ionathas tunica, qua erat indutus, & de-
dit eam Dauid, & reliqua vestimenta sua usque ad gladium & arcum, suum, & usque ad balteum*.

Poterat ille quidem Dauidi dare pretiosa munera, ex selecta pretiosâ-
que supellectili: poterat magnam auri vim atque argenti: maluit tamen
illi dare vestes suas, atque arma bellica. Voluit nimirum quam pri-

mum occurrere amici necessitati, quem ritu pastoritio indutum diutius ferre non potuit, ne ludibrio esset aulicis patris sui: cum Ionathæ vestitus, Dauidi honorem ac venerationem, quasi alteri Ionathæ conciliaret. Volebat quoque Dauidem, dum se in Ionathæ vestibus circumspectaret, eum quoque in mente sua circumferre. Suum quoque illi arcum in manus tradit, dorso suspendit phæctram, balteum renibus, lateri enssem accommodat, vt pastorem commutaret in ducem, fundam & lapides in arcum & sagittas, baculum in gladium. & zonam canabinam in balteum auro argentóque illufum. Et cum viri militares armâ sua singulartter diligant, præsertim quæ bonitate simul, & pulchritudine præstant, qualia fient esse virorum principum, insigne amoris Ionathæ in Dauidem argumentum fuit, ea ipsi dono dare, & egregium bellatorem armis instruere, quæ Davidis virtutem, & liberalem Ionathæ in ipsum amorem copiose restarentur.

Amicus in amici gratiam, omnibus cupit esse graciosus, vt fauorem illi conciliet, vt laborem, industriamque suam illi accommodet. Ionathas hæc omnia apud patrem suum, in Davidis vtilitatem contulit, laudat hominem, excusat, defendit, eius ostendit innocentiam, eum sæpius regi conciliat, præsentissimo periculo eripit, admonet ingeniose discriminis, animos addit, consolatur, collacrymatur ploranti, regiam ei præ-nunciat, ceditque dignitatem; quid officij potuit amplius amicus ab amico expectare? aut quid infelix Ionathas offerre preciosius? *Ne timeas*, 1. Reg. 23. 17 inquit, *neque enim inueniet te manus Saul patris mei, & tu regnabis super Israel, & ego ero tibi secundus.* O principem infelicem, & meliore patre dignum! non eris vtique secundus à rege. ô Ionatha, neque enim fata aspera rumpes. Denique amicus, in amici causa, & honorem profundit & vitam. Ionathas dum Dauidi patrocinator apud patrem, non solum eius offensionem incurrit, sed turpietiam ab eo conuitio appetitur, & lancea pene perfoditur. Quod exemplum præstantius, veriusque reperi potest liberalitatis, in sincera, & omnibus numeris absoluta beneuolentia, & nusquam propriis emolumentis intenta?

III.

Ex eodem exemplo.

Videamus quoque quotidianam experientiam in patrefamilias, qui vnicum filium vnicè diligit, modestum præsentim, bene moratum, & ad imperia paterna egregiè factum. Vide vt hic amor illum puerum liberalem efficiat. Principio quod attinet ad fortunæ bona, in quibus liberalitas plurimum cernitur, clarum est omnes cum opes & copias, siue quas hæreditatio iure consecutus est, siue quas sibi multo labore atq; industria acquisiuit, abiudicare à se, & in filium transferre, non solum quando naturæ necessitati parendum est, & ex viuis abeundum, sed prius etiam, cum vxore illi tradita, iubet eum esse patrem familias. Nec contentus exuere se, maturius partis bonis, si quid præterea acquirit, illi acquirit, si quid parcendo defraudat genium, illi defraudat,

IV.

Paternus amor liberalis in filium.

adeò vt neque sui, neque æternæ vitæ aliquando recordetur. Huic quoque affectui matres seruiunt, & pene filius se dāt in prædam, cū bolum sibi de faucibus eruunt, vt prolem macie tabefactæ saginent.

V. Deinde largitur filio hic Pater, quidquid apud alios fide, gratia, favore valet, eiusque æs alienum proprium ducit ac suum, eiusque nomine se constituit fideiussorem, Deum illi hominēsque conciliat. Quid de honore dicam? non solum id agit vt muneribus publicis, quæ pater gerit, filius succedat, sed in eius quoque gratiam condonat iniurias, atque in eius gloria atque honore lætatur. Talem se Dauid erga Salomonem ostendit, quem thronum suum regium infidere iussit, quem & adorauit in lectulo suo, gratiasque egit Deo de accepto, in persona filij, sibi in regno succedentis, beneficio. *Benedictus*, inquit, *Dominus Deus Israel, qui dedit hodie sedentem in solio meo, videntibus oculis meis*. Ingentique cum gaudio audiuit populum exclamantem, *Viuat rex Salomon*. Nec minore præceter, dicentes, *Amplificet Deus nomen Salomonis super nomen tuum, & magnificet thronum eius, super thronum tuum*.

VI. Largitur postremò, scientiam suam, experientiam, doctrinam, virtutem, quando eum docet, instituit, admonet, arguit, exercet tanto animi affectu, vt si necesse foret, iis se omnibus priuaret, vt eum perfectum redderet, omnibûsque numeris absolutum. Inde est quod eum subinde commendat, vt illi acquirat amicos, Deum illi cœlestēque placare studet, vt eum ab omnibus tueantur aduersis, quæ ille vehementius sentit, quàm quæuis incommoda sua, eaque in se transfert, quantum potest. Reperti sunt amici qui subirent carcerem, vt suos inde amicos eriperent, & propria seruitute alienam redimerent libertatem: alij certum capitis adiere discrimen, vt Damon & Pithias, Castor & Pollux, quorum vterque fratrem alterna morte redemit, vt est in fabulis. Alij etiam inferos adire non dubitarunt, vt Theseus pro amico Pyrithoo. Nōne Nisus armatum in se hostem accersit, vt periclitantem Euryalum morti eripiat? ait enim,

Me me: adsum qui feci, in me conuertite ferrum,

O Rutili, &c.

Si ergo reperti sunt amici, qui hæc pro amicis facerent; quid mirum reperiri patres, qui eadem pro filiis facere non dubitent, cū primarium inter eos reperiatur amicitia, ac mutua beneuolentiæ fundamentum?

CAPVT III.

*Amorem appetitionis, siue concupiscentia liberalem, aut effusum
potius, ac prodigum esse.*

TRANSEAMVS nunc ad ignobilis illud amoris genus, quo amando non alteri bonū volumus, sed cōcupiscimus nobis, quādo non tam rem aliquam diligimus, quā nos ipsos. Nolo autem moras trahere in exponenda vita plurimorum prodigorum, qui sua omnia, in vita voluptaria, stultissimē profuderunt: & vnam aliquando breuissimam voluptatem fortunis omnibus, honore, sanitate, vita ipsa, ad cōque æterna salute mercati sunt; exemplis plena sunt omnia, præsertim cum plus sit in huiusmodi narratione periculi, quā vtilitatis. Satis erit vnum, atque alterum exemplum proferre profusionis, quam in theatrum vitæ huius ambitiosus amor inuexit. Prius erit Michaëlis Iaponij, principis Arimensis, in cuius mentionem nuper incidit Fortis Amor. Is ambizioso regni Arimensis amore incitatus, vltro iacturam fecit omnium, quæ potuit vsquam, aut debuit habere carissima. Pater eius paulò antè regios thesauros exhauferat, vicinum vt regnum interuerteret, ad seque transferret: ipse fidem, amorem, venerationem, quam debebat patri, eiecit ex animo, & improbißima proditione, & calumniis ilium è suo regno præcipitem egit, mōxque etiam vita maiori scelere exturbauit.

I.
*Voluptarius
amor profu-
sus.*

*In primisq;
ambiciosus.*

Paterni ergo regni possessionem inuadit, sed qua commutatione? ad quas condiciones cōpulsit hominem libido regnandi? De regno annuerat Imperator, ea tamen lege, vt Christianæ religioni nuncium prior ipse remitteret, tum vt subditos suos ad eandem impietatem compelleret: Sæfioium quendam teterrimum Christianorum perduellem consiliariū, & quasi Tutorem haberet, cuius consilio ac voluntate vbique vteretur. Itaque qui patrem quasi regni collegam ferre non potuit, improbißimo pædago committitur, à quo perfidiosè prodatur, & ad immania facinora pertrahatur: eūque in omnibus iubetur audire, de ratione præsertim ac via exterminandæ in Arimensi regno fidei Christianæ. Quid hîc facturus es infelix, quidve dicturus? an conditionem tam impiam, tam sacrilegam, tam iniustam admitturus es? Deseres conditorem ac Seruatorem tuum: abiicies fidem, religionem, charitatem, spem æternæ vitæ? Tyrannus fies ea religione persequenda, quam tu ipse ac tui à prima infantia estis amplexi? Assentitur miser, accipit conditionem, dat fidem tyranno, quam abrogat Deo. O insanum principem! quantam vno verbo iecisti aleam! ô prodigam ac prodigi osam regnandi cupiditatem!

II.
*Id ostenditur
principi A-
rimensis ex-
plo.*

III.
*Amanis
ambitosi
largitio.*

Posterius exemplum ex sacris literis petiit, vt vulgo notum perstringo paucis. Cui enim ignotus est Aman ille, quem in oculis ferebat

Esther. 3.8.9

*Aliq; eius-
dem exem-
pla.*

Assuerus, qui regi decem millia talentum obtulit de suo, ut Iudæum militem vlcisceretur, à quo non satis honorari se arbitrabatur? nonne ambitiosus amor hanc profusionem expressit? Expressit & illam, quantum in se fuit, hominum stragem, qua certam ad diem vniuersa natio Iudæorum, quæ centum & viginti septem Artaxerxis Longimani continebatur provinciis, perire iubebatur. Quis nescit sumptus immensos, quos Romæ candidati ad incertum casum faciebant, quibus non sua solum, sed aliorum etiam patrimonia profundebant, exhauriebant provincias, sociorum regna exilabant. Quem authorem habuerunt hæ largitiones, præter vanitatis amorem? Quid spectabat L. Sylla, Iulius Cæsar, M. Antonius, cum profundebant opes, quas subiectis populis rapuerant, nisi ut iactare possent, vel sibi id impune licuisse, vel se ea contemnere, vltroque proicere, quæ alij in oculis ferunt: ut cum Cleopatra de epularum magnificentia cum Antonio certans, immensi pretij vniones liquefecit, atque absorbit.

*IV.
Hilaritas
largitionis
sociis.*

*Amanium
munera.*

Virg. Egl.

*V.
Sichemi li-
beralitas.
Gen. 34.*

Satis itaque constat ex dictis Amorem hunc vulgarem ac profanum largum esse atque magnificum, aut potius inconsculta largitione profusum; qui nihilominus ad perfectionem veræ liberalitatis aspiret, addita illi sociis hilaritate. Si enim teste philosopho, delectatio perficit actionem, experientia ipsa docet nos amicum intimum ita diligere, ut multo plus delectationis capiamus in muneribus ei conferendis, quàm ab illo accipiendis: recusari autem quæ offerimus ægrè ferimus, aut contumeliam etiam quandam putamus. Veremur enim ne non diligamur ab eo, qui benevolentia nostræ indicia non admittit. Hinc illa,

----- *sordent tibi munera nostra,*

quæ pastoris istius tristitia, non obscure docet voluptatem, qua fuisset affectus, si amicus ille oblata munera hilari vultu accepisset.

Nec deest in Scriptura iucundæ huius liberalitatis exemplum, in Sichemo Hemoris filio, qui cum Dinam Iacobi filiam uxorem habere discuperet: *Inueniam, inquiebat, gratiam coram vobis: & quacunque statueritis dabo, augete dotem, & munera postulate, & libenter tribuam, quæ petieritis; tantum date mihi puellam hanc uxorem.* Quanto autem libentius ipsi puellæ dedit, quam mitigare cupiebat, eiusque amorem obtinere? Neque enim ignorabat munera peridoneos fore curatores affinitatis, quam quærebat. Cuius delectationis ea fortassis causa fuerit, quod iucunditas aut utilitas, quam amicus ex muneribus nostris hauriet, in nos ipsos redundat, quod eum quasi alterum se quisque reputet, & ad eum seipse referat, quasi ad finem suum; perinde ac si quoddam ipse foret additamentum, ad amici bonum perficiendum, eiusque diuitias propria paupertate accumulandas. Sed placet ut huius quoque liberalitatis causas inquiramus.

CAPVT IV.

Quibus ex causis Amoris liberalitas profecta videatur.

EXPERIENTIA, de qua proxima fuit nostra disputatio, aperte docet amorem esse liberalem, eademque docuit antiquos illos Sapientes Amorem ad largiendum esse propensum. Itaque in iuo conuiuio Plato amorem vocat *φιλότης ἐλευθερία*, benevolentiae largitorem. Et Salomon in Canticis, *Si dederit*, inquit, *homo omnem substantiam domus sua pro dilectione, quasi nihil despiciet eam*: tantum est precium veri amici. Cui consentiens Syracides, *Amico*, inquit, *fideli nulla est comparatio, & non est digna ponderatio auri & argenti contra bonitatem fidei illius*. Sed arguta est atque elegans comparatio apud Salomonem, amoris cum sponsae uerbis, quae lac liberaliter profundunt, quod utique non ad possidendum, sed ad largiendum acceperunt, & cum voluptate largiuntur, & grauantur copia, itaque exposita sunt omnibus, ut capra lupae catulos nutriet. Donant autem sine strepitu, sine fastu, sine exprobratione: neque expectant dum urgeantur aut comprimantur, leuis tactus promptissimam excitat liberalitatem, adeo ut beneficium accipere, non dare videantur. Denique ubi dederint quod habent, quamprimum acquirere satagunt quod iterum largiantur.

Sed quæ germana est huius causa liberalitatis? An quod amor, sicut & bonitas, quæ eius obiectum est, & Deus ipse bonum omnis boni, natura sua longè vim suam, latèque diffundit: ut sol lucem, & cum luce vitalem calorem ac beneficentiam suam, ut oleum effusum, quod latiora spatia semper occupat. Nec flamma exiguis coarctatur angustiis, sed exilit, atque erumpit foras, aut si id minus potest, extinguitur. Ita quidem, sed hoc ipsum quaerimus cur fiat, ista enim effusio liberalitas quædam est, cuius causam inquirimus. An quod cæcus & inconsultus est amor, nec ei penes se habitare placet, penes dilectum placet? At non omnis amor cæcus est, aut inconsultus, sed ille duntaxat, qui non habet rationem ducem, quæ faciem præferat, & ea quæ reuera sunt amabilia præ cæteris eligat. Itaque causa hæc angustior est, quàm ut omni amori quadrare possit. An quod ex veteri prouerbio, amicorum omnia communia, atque ita quod quis dat facillè dat, ut qui illa quodammodo apud amicum deponat, neque ea secus habeat in potestate, quàm si non dedisset. At verus amor dat planè gratuito, nec ullam suscipit damni virandi, aut refarciendi cogitationem.

An potius liberalis est amor, quod is propensio quædam est, & naturæ pondus vergentis in rem conuenientem ac placentem sibi. Quod præ-

I.
Amor sapien-
tiam inducit
liberalis.

Cant. 8. 7.

Eccli. 6. 15.

Cant. 1. 1.
Cur uerbi-
bus compa-
ratur.

II.
Inquitur
varia causa
huius libe-
ralitatis.

III.
Conuenien-
tior causa.

clarè videtur intellexisse S. Augustinus, cum diceret, *Amor meus pondus meum, edferor, quocunque feror.* quod æque in res viles, delectabiles & honestas pro amoris conditione valet. Denique amantis est ad amantem inclinatio, cui copulari desiderat, & adhærescere, nec distractionem aut absentiam ferre potest. Quis enim nisi inuitus à se dimittit quod diligit? Quia tamen fieri nequit ut personæ, quæ inter se diligunt, perpetua præsentia, ac vitæ societate perfruantur, vterque cupit vicarios amoris sui apud alterum relinquere, qui perpetuo apud amicum resideant, neque vnius memoriam apud alterum obsolescere patiantur, quod sit muneribus, quæ sæpenumero inter amicos vltro citroque vicissim commeant.

IV.
*Naturalis
propensio in
bonum suū.*

Hæc porro quam dixi propensio latissimè patet, adeo ut non in homines duntaxat, sed in omnes etiam conueniat animantes, adeoque in res quæ sensu ac vita carent. Agnellus enim vix effusus in lucem mammam diligit, inquitque matris: equulus rhedariam equam, à qua lactatur, nusquam defatigatus comitatur: frutex, sponte inclinatur, & ramos extendit ad solem, à quo accipit calorem & vitam; radix ficiens humoris, ad eum exugendum occultos agit cuniculos. Flamma in rem aridam & calefactam saltu insilit, ascendit descenditque vsa vehiculo fumi. Tota denique natura hæc aspectabilis propensionem habet admirabilem ad vitandum vacuum, & conseruandum plenum, sic ut ad illud impediendum ignis deorsum feratur, aqua sursum euolet, rupes in frusta dissiliant, omniæque elementa suarum oblita qualitatum, ac proprietatum, quas singulis natura iniecit, assumant externas, & quæ præter naturam sunt, penitusque violentas.

V.
*Quis libera-
litas finis.*

Videamus quoque quem spectet finem Amoris ista liberalitas. Vtiq; fertur ad acquirendam, conseruandam, augendamque beneuolentiam. Cum enim munera reparandis amicitiiis idonea sint, offensionibusque tollendis, iuxta illud Poëta,

*Qua munera
vis.
Ouid.*

*Munera, crede mihi, placant hominesque Deosque,
Placatur donis Iupiter ipso datis.*

Virg.
Martial.

Quanto potentiora fore credendum est, ad amicitias iamdudum partas, conseruandas, constituendasque, nulla in cordibus acerbitate residente, quæ his beneuolentiæ testibus obsistat? Valere autem ad conseruandas amicitias ista munuscula, ex eo facile agnosci potest, quod natura distante, tum demum maximè videtur his esse locus, cum separationes inter se diligentium contingunt. Tunc enim donari vicissim solent, quæ sint monumentum & pignus amoris. Eodem etiam pertinent apophoreta conuiuiorum, & vertentium annorum xenia, plerisque gentibus usurpata. Ambitioni quoque seruiunt, si quando necesse est ut munera expleant meritum vices. Multis quoque sumptibus, vigiliis, laboribusque doctrina emitur; sanitas item & vita, & quidquid demum in hac vita diligitur. Quæ cum satis vniuersè liberalitatem amoris probent, æquum est deinceps, nobilissime adolescens, ut in liberalitatem diuini Amoris excurras.

CAPVT

CAPVT V.

An diuinus Amor Dei amicos liberales possit efficere.

LIBERALIS AMOR.

EG o verò faciam, ait Liberalis Amor, & quidem liberaliter ac libenter. Neque enim par est in diuini amoris liberalitate prædicanda illum parcum esse, qui ea tam prolixè, tamque effusè deuinctus sit. Tanta est enim vis huius amoris, ut non tolùm Deum, cuius infinitæ sunt opes & copię, in res omnes liberalem efficiat, sed ipsos etiam homines aduersus Deum. Quidni enim id possit amor tanto nobilior, cùm profanus amor, ut tute narraſti, immensis sumptibus par esse possit? Quomodo non cedit humanus diuino, & naturalis ei qui vim omnem naturæ transcendit? Denique *Deus charitas est, & qui manet in charitate in Deo manet, & Deus in eo*, tanquam moderator cordis eius, voluntatis, atque libertatis, quam pro arbitrio flectit in omnem partem: & ut vim illi non afferat, tanta nihilominus suauitate, tamque opportunè eam alligit, ut effectus ipse sine vlla dubitatione consequatur.

Certum nihilominus est Charitatem, quæ in Deo est, & ipse Deus immensus & infinitus, aliam esse à charitate, quæ à Deo in hominibus, angelisque producitur, certisque finibus circumscribitur, atque adeo perexiguus aliquando. Accedit quod quasi in alieno solo peregrinatur, nec pro ortus sui dignitate tractatur. Sic calor in aqua longè minorem vim habet, quàm in igne, qui aurum, argentum, atque adeo saxa ipsa liquefacit. Et sicut calor aqueus dissipatur ipse per se, aqua natium frigus recuperante, sic diuinus amor nimium facile in homine dissipatur; permittit quippe se homo perturbationibus suis, quæ illum, nisi diuina gratia opem ferat, alia omnia moliri suadeat, quàm quæ postulat diuinus amor. Quod si magna pars hominum huius amoris egentissima est, quomodo liberalis esse poterit operibus exercendis, quæ ab illo proficiſcuntur?

Sed demus eum tam illo amore, quàm istis operibus affluere atque abundare, ut ne vlli quidem Apostolorum cedat aut martyr, qui fieri potest ut liberalis sit aduersus Deum? num quisquam potest benignè facere illi, cui quæ illius ipsius sunt duntaxat largiatur? At profectò constat nihil in nobis esse, nihil circa nos, aut in nostra potestate, quod ad illum rerum omnium molitorem ac conseruatorem Deum multiplici iure non pertineat. *Quis ego*, aiebat David, *& quis populus meus*, ut possimus hæc tibi vniuersa promittere? *tuas sunt omnia, & quæ de manu tua accepimus dedimus tibi*. Et rursum, *Domine Deus noster om-*

I.
Vis diuini amoris in Deo & hominibus.

1. Ioan. 4. 2.
16.

II.
Diuina charitas alia à nostra.

III.
An vlla liberalitas esse possit aduersus Deum.

1. Par. 29.
14. 16.

nis haec copia, quam parauimus ut edificaretur domus nomini sancto tuo, de manu tua est, & tua sunt omnia. Eadem usurpabat multis post seculis Iustinianus Imperator, cum Constantinopoli magnificentissimam ædem Sanctæ Sophiæ construeret.

IV.
*Aut etiam
aduersus
pauperes.*

Mat. 25. 40.

At vide, inquam, si placet, quo progrediatur vsque tua ista probatio. Hinc enim profectò consequens erit, ne aduersus pauperes quidem posse nos esse liberales. Perinde quippe est siue regi ipsi, siue quæstoribus eius soluere quod debeas. At satis constat egenos eius esse numularios, qui dixit, *quod uni ex meo minimis fecistis, mihi fecistis.* Quod deinde in cibo, potu, vestitu, cæteroque commensu latè persequitur. Eadem ratio est recipiendorum hospitum, visendorum agrorum, & eorum qui sunt in vinculis subleuandorum. Quin imo Dei quædam liberalitas est, quòd per istius modi trapezitas aliquid recipiat à nobis, ut qui grauissimi honoris debitore se constituat. centenis nummis in singulos persolutis; & centenam sortem decem millibus remetiat. Addo quod qui potat pauperem, pluuiam deriuat in vineas suas, qui cibabat, agros suos efficit fructuosiores; detrita vestis, qua eum induimus, vellera reddit vberiora, denique mensarum reliquiæ in oues armentaque multiplicantur.

V.
*Possesse er-
ga viresque;*

Verè tu quidem isthæc omnia, inquit Liberalis Amor; ea tamen non impediunt quo minus amici Dei possint in illum esse liberales. Magnificentissimus enim ille mundi princeps magnificentiæ suæ interesse existimauit subditos habere locupletes, quique & inter se, & cum Domino suo liberales esse possint. Quamuis enim omnia quæ possident eius magnificentiæ accepta ferant, qui vtile dominium in illos transfudit, perpauca tamen ab illis exegit, ut intelligerent alieni se iuris esse; cæteris omnibus eorum liberalitati, voluntati que permissis. Sic primarius & legitimus ædium dominus eas dilecto famulo, eiusque posteris in perpetuum largitur, ea tamen lege, ut quotannis vnus ei assis, ad agnoscendam gratiam persoluator, & pro earum hortis sertum vnum. Ille assis, & sertum istud ex iustitia, summoque iure debetur Domino, cætera quæ illi offerentur à famulis non ingratis, erunt germanæ liberalitatis.

VI.
*Quomodo
id contingat.*

Res non admodum est in Dei causa dissimilis. Dedit enim Dominus homini corpus quo constat, animum quo vitam & spiritum ducit, & hæc externa commoda quibus fouetur; in quibus omnibus ampla illi latifundia reliquit exercendæ erga se liberalitatis. Certa quædam temporum momenta definiuit, quibus honor & cultus illi, & pro acceptis beneficiis gratiæ referantur, puta Dominicum, aliòsve festos dies; si quis ritè atque accuratè fuerit hac obligatione perfunctus, velitque nihilominus cum Dauide septies in die laudem Domino, cultumque deferre, illique se subinde sistere, ut se cunctis eius voluntatibus accom-

modet, sine vlla dubitatione liberalis erit aduersus Deum. Obligat hominem Deus vt in obsequium fidei, captiuum reddat, & quasi dedititium intellectum; qui ergo eandem homini propter Deum mentis exhibet seruitutem, licet is multis sibi rebus sit fortassis inferior, magnam vtique exercebit, non aduersus hominem liberalitatem, sed aduersus ipsum Deum.

Hæc ego, inquam, de intellectu facillè adducor vt credam; de voluntate autem, & amore qui ipsius actus est primarius, vereor vt assentiri possim; Quis enim reliquus ei esse potest liberalitatis in amando modus, qui Deum toto corde, totis viribus, tota anima diligere iussus est? quem potest voluntas actum amoris elicere, qui necessitatis non sit, ac præcepti? Respondeo, ait Liberalis amor, simulque negotium præceptum hoc alium omnem amorem excludere, præter eum, qui directò fertur in Deum. Natura enim, eiusque autor Deus docet, iubetque amorem parentum, coniugum, liberorum, eumque amorem altius ille pectoribus nostris inleuit, quam vt facillè deleri possit. Quod si res ad viuum refecanda est, vt illi solent, qui hæc subtiliter disputant, hoc vnum exigit à nobis Deus, nostros vt necessarios, omninoque proximos in ipso diligamus, & propter ipsum, adeo vt si Dei amor cum cæterorum omnium amore in contentionem venerit, hic planè iaceat, ille vincat, ac palmam ferat. Quod nihil impedit quo minus isti necessarii suo ordine modòque colantur, atque diligantur. Si quis autem peculiaris Christi discipulus esse velit, poterit ita se gerere erga cognatos, ipsamque animam suam, quasi illos odio prosequeretur. Quia in victoria diuini amoris, quis dubitat amorem fore valde liberalem? Si enim iustitiæ id esset, & non liberalitatis, Christus Dominus omnium rerum derelictione proponenda mortalibus, non statim præmisisset, *si vis perfectus esse*, ostendens velle se rem totam arbitrij ipsorum esse, ac voluntatis, non iustitiæ & obligationis.

Mandatum Apostoli est, atque adeo per Apostolum Christi Domini, *ut omnis anima potestatibus sublimioribus subdita sit*, quales sunt reges & principes, & magistratus, qui legitimam ab eis potestatem accepere, & in primis Deus, in cuius clientelari iure & ipsi sunt, & cæteri mortales, qui iubet eorum leges ac præcepta seruari quæ non tam latè patent, vt non plurima in hominis arbitrio, ac potestate relinquunt. Qui ergo Paulum imitari voluerit, qui *cùm liber esset ex omnibus, omnium se seruum fecit, vt plures lucrifaceret Deo*, nonne imitanda hac apostolica liberalitate, ipse quoque liberalis erit? Nam qui diuino amore incitatus, nuncium libertati suæ in vita religiosa remisit, & obedientiæ voto se ad mortem vsque obstrinxerit, nullam sibi potestatem de seipso, suisve rebus decernendi reliquam fecerit, eximia vtique in Deum liberalitate utitur.

VII.
An possit esse liberalitas amoris in Deum.

Et quis id fiat.

VIII.
Amoris in subiectione liberalitas.
Rom. 13. 1.

1. Cor. 9. 19.

IX.

In castigatione corporis.

1. Cor. 9. 27

Matt. 16. 24.

Psal. 87. 36.

Testatur Apostolus se corpus suum castigare solitum, & in seruilitatem redigere, ne aliis prædicando, ipse reprobis efficeretur. Non raro contingit vt necesse sit, vel Domini, vel Ecclesiæ matris imperio, aut propter periculum imminens edomare corpus ieiuniis, aliisque id genus afflictationibus acerbè accipere, nequando illud, quasi demorso freno equus, equitem ex alto præcipitem agat in cloacam, aut allidat ad saxa. Possunt nihilominus imperia huiusmodi, & motus necdum erumpentes anteuerti, acriterque suppressi, iuxta vocem Christi Domini, admonentis eos, qui eum sequi velint, vt tollant crucem suam, quamuis nulla cogente necessitate. Potest etiam aliquis multis se commodis, delitiisque priuare, in victu, vestitu, somno, vitæ consuetudine, vt sancti olim religiosi facitabant, faciuntque nunc quoque plerique, qui in eorum vestigiis pedes ponunt, vt propius ab exemplo Seruatoris absint, cuius illa vox est apud regium vatem, *Pauper sum ego, & in laboribus à iuuentute mea.*

X.

In externis commodis.

Psal. 23. 1.

Rom. 11. 35.

Eadem est ratio commodorum externorum. Etsi enim verissimum est illud Davidis, *Domini est terra, & plenitudo eius, orbis terrarum, & vniuersi qui habitant in eo.* Et illud alterum Apostoli, *quis prior dedit illi, & retribuetur ei?* Non tamen negat dari posse aliquid, imo plurima Deo: sed illud necessarium est, vt Deus omnem donationem nostram sua liberalitate præueniat, atque anteuertat; quæ si desit, rerum omnium egentissimi sumus; si adsit ac præueniat, multa omnino nobis adsunt, quæ illi largiamur. Quæ enim dedit ille nobis, nostra sunt optimo iure, vbi iuribus eius satisfecerimus, & in eorum vsu parci esse possumus & liberales. Amor diuinus ad liberalitatem inclinat, nec sine fructu; certum enim est, quo liberaliores fuerimus erga diuinam maiestatem, hoc illam erga nos liberaliorem fore, hominemque in dies magis idoneum redditum iri, ad vberiora ab eo dona spiritalia recipienda.

XI.

Religiosum quoque posse in Deum esse liberalem.

Rom. 4. 15.

Et dictis facilè intelligi potest, religiosum hominem, qui se totum consecrauit Deo, posse nihilominus aduersus eum esse liberalem. Innumera enim sunt quæ Deus, & qui vices eius gerit in terris religioso relinquunt libera, quæ dicuntur opera supererogationis, quæ si exequitur, rectè facit, eadèque sine culpa missa facit, *vbi enim non est lex,* ait Apostolus, *vbi neque præuaricatio.* Itaque potest in dies horasque singulas mille actus fidei, religionis, spei, charitatis elicere, cæterarumque virtutum, quæ non prodeunt foras, sola mentis actione contentæ: quas vt exercere non posset, vt sæpe non potest liberalitatem in opera misericordiæ, quæ ad corpus pertinent exercere, illa tamen vnica liberalitas, qua se totum, suæque omnia, quoad licuit largitus est Deo, pluris omnino est apud Deum, quam omnes eleemosynæ, quas aliquis de populo tota vita facturum est, quamuis Mathusalemi viuendo exple-
ret annos.

Neque profectò mirum ; Secularis enim, siue de populo quispiam, siue de clero, instar illius est, qui amico suo fructus aliquos ex horto suo largitur. Religiosus autem Deo donat fructus omnes, cum arboribus ipsis, ipsoque fundo, in quo illæ sunt satæ. Ille particulam aliquam bonorum suorum tribuit, hic in Dei gratiam profundit quidquid habet, quidquid habere potest, aut desiderare ; quis autem desideriorum modus esse, aut finis potest ? Iste nihilominus abdicat à se non solum possidendi, sed etiam desiderandi facultatem. Adde quòd insignis ista liberalitas non semel tantum exerceri potest, sed repeti sæpius, & votorum instauratione renouari, qua prima illa donatio confirmatur, fixa ac rata esse decernitur, simulque iterando sacrificio meritum thesauri cumulantur. Denique Religiosus non dat Deo sterilem fundum, aut effæctas arbores, fructusve cariosos, sed ut plurimum vegetum corpus, animumque omnibus sensibus ac facultatibus præditum, in ipso adolescentiæ flore, vel iuuentutis, non ut fructus aliquos quotannis ferat, sed in horas singulas, ac pene momenta, fructus honoris & honestatis, fructus sanctitatis, omniumque virtutum maximarum.

XII.
Multo magis quam seculari.

Quòd ad alteram liberalitatem, quæ suscipitur propter Deum, & transfertur in proximum, clarum est magnam eorum operum partem, quæ dicuntur misericordiarum, siue ad corpora, siue referantur ad animos, esse in religioso hominis potestate ; & quo plus minusve exercentur, hoc maiorem amorem prodere vel minorem, quantum quidem suscepti instituti ratio patitur. Nam riuuli, magnitudinem scaturiginis ostentant, & magnitudo lucis luminosi corporis claritatem, & frequentia bonorum operum, sanctarum animarum Charitatem. Si ergo possum conaciones habere ad populum ; si adhortationes ad moniales, si Catecheses ad rudes, si possum consolari afflictos, nec tamen facio, ubi est liberalitas amoris huius ? si ægros in nosocomiis, si viatos in carceribus inuisere valeo, si egenis opem ferre aut curare, si orphanis instar patris, & mariti viduis esse possum, si perfugium miseris atque derelictis, & malo nihilominus otio desidiæque torpere, quomodo metum in Deum amorem probo, qui me ad hanc erga miseros liberalitatem inuitat, & se propterea in ære meo fore pollicetur ?

XIII.
Possit in proximis quæque.

C A P V T VI.

Amore diuino homines, etiam ante legem Euangelicam, factos esse liberales.

LIBERALITAS diuini amoris tanto est in lege naturæ aut scripta prædicabilior, quanto angustior erat tum gratia, quam mortalibus

1.

Existe in

Qq iij

lege Moſaica
diuina libe-
ralitatis ex-
empla.

diuina providentia largiebatur ; ſine qua tamen liberalitas, omniſque vera virtus exareſcit. Modicus ignis exiguum calorem effundit, neque aër exigua luce admodum illuſtratur: & fons tenui ſcaturigine exiliens, tenui quoque riuulo manat; Denique pernitum foret puerulum, æqua- re fortitudine virum præſtanti robore præditum. Itaque meritò nume- ratum in prodigiis, Dauidem adoleſcentem lapidis iſtu virum deturbaffe militarem, cui regius Saül's exercitus neminem habebat parem. Deus nihilominus iſtis illis temporibus, amiciffimis quibuſdam, ſed perexi- guo numero, tantam amoris & gratiæ vim largitus eſt, vt pari gradu cum proceribus nouæ legis incedere videantur.

II.
Viſoſephi
Patriarcha
aduerſus
fratres.

Gen. 37. 4.

Iosephus ille Patriarcha maximam mihi admirationem mouet. Eſt enim quod in eius liberalitate vehementer admiremur, ſiue personas conſideremus quibus benignè fecit, ſiue illum ipſum Patriarcham, qui liberalitate uſus eſt, ſiue magnitudinem liberalitatis eiſdem. In eos enim eximiam liberalitatem exercuit, quos olim apud patrem coactus fuerat accuſare crimine peſſimo, qui tum capitali odio proſecuti fue- rant, adèd vt præter quotidianæ locutionis atrocitatem, *neque enim po- terant ei quidquam pacificè loqui*, etiam de ipſo interficiendo ſermones inter ſe conferrent: qui nudatum adoleſcentulum in cisternam vete- rem proiecerant, vt ibi extabefceret fame, aut venenatorum anima- lium morſibus conficeretur: qui cum facti plagarij, peregrinis merca- toribus vendiderant, & apud parentem beſtiis deuoratum ſinxerant, illumque tot annos immani luctu confecerant, eoque mendacio illius redemptionem impediuerant, neque per eos ſteterat quin ingenuus at- que adèd innocentiffimus adoleſcens in miſera Madianitarum, vel Æ- gyptiorum ſeruitutē conſeſceret.

III.
Sed in Dei
gratiam.

42. Gen. 18.

c. 43. 23.

IV.
Magnam
 fuiſſe illam
liberalitatē.

At ſanctus hic Patriarcha non tam illos, vtique beneficio indignos, & malè de ſe meritos, in benefaciendo intuebatur, quàm ipſum Deum, à quo tantæ amplitudinem dignitatis, tantumque vitæ ſplendorem ac- ceperat. Cuius rei hoc non leue argumentum eſt, quòd cum eos modicè ex Dei voluntate caſtigaret, præteritam vt culpam cum animi dolore memoria repeterent, illis dicebat, *Facite. quæ dixi, & viuetis; Deum enim timeo*. Quafi diceret, Deus eſt, qui moderatur actionibus meis, cuius ego nutu ſeueritatem cum manſuetudine miſceo, carcerem cum largitione frumenti. Amor in illum meus, & ſanctus timor totam hanc, quæ agitur, fabulam regit. Clarius id etiam patefecit, cum œcono- mum ſuum inſtrueret, & verba, quibus illos compellaret & conſolaretur, in os ingereret, *Pax vobiſcum, nolite timere, Deus veſter, & Deus patris veſtri, dedit vobis theſauros in ſaccis veſtris*. Ita ſanè; Ipſe enim erat in cuius gratiam omnis iſta liberalitas exercebatur.

Magna vtique liberalitas. Decem enim erant, & accipiebat quiſque gratis tantum frumenti, cuius tum, vt in fame, maximum erat præ-

etium, quantum asini singulorum ferre poterant; præter lautitiam epularum quibus accepti sunt, & redditam clam frumenti pecuniam; occultam enim volebat esse liberalitatem suam. Quam etiam secundum iterauit, cumulauitque multa vestium, cibariorum, pecuniarumque suppellectile. Denique addens & asinos decem, qui subueherent ex omnibus ditionis Aegypti, & totidem asinas triticum in itinere, panesque portantes. Sed hæc modica sunt adhuc. Senem ad se parentem, cum tota septuaginta capitum familia, euocauit, quibus fertilem prouinciam ad habitandum singulariter obtinuit, eosque in Aegypto, non reliquos illos solum quinque annos famis, enutrit gratis, sed omnino quamdiu superstes fuit, quod duorum & septuaginta annorum tempus fuit. Sed quid mirum fuisse liberalem in suos, quando & profanis hominibus prædia sua immunitatesque conseruauit? Dominabatur utique in illo pectore Diuinus Amor, qui cæteras summi viri virtutes perpetua liberalitate cumulauit.

Sub eadem tempora vixit Iobus Idumæus homo sanctissimus, speculum in signe non patientiæ modò, sed commiserationis in pauperes; quod ille ipse testatur his verbis. *Si negaui quod volebant pauperibus, & oculos vidua expectare feci: si comedi buccellam meam solus, & non comedit pupillus ex ea. Quia ab infantia mea creuit mecum miseria, & de utero matris meae egressa est mecum: Si despexi pereuntem, eò quid non habuerit indumentum, & absque operimento pauperem. Si non benedixerant mihi latera eius, & de velleribus ouium mearum calefactus est. Si leuaui super pupillum manum meam, etiam cum viderem me in porta superiorem, humerus meus à iunctura sua cadet, & brachium meum cum suis ossibus confringatur. Semper enim quasi tumentes super me fluctus timui Deum, & pondus eius ferre non potui. Et aliquanto post. Foris non manet peregrinus, ostium meum viatori patuit. Quid aliud expectari potuit à perfectissimo Christiano?*

V.

Iob liberalitas.

Iob 31. 16.

17. &c.

CAPVT VII.

Alia quadam eiusdem temporis Liberalis Amoris exempla.

SENIOR ille Tobias eximius Dei famulus, misericordia & liberalitate in captiuos Israëlitas insignis fuit. Cum autem Senacherib, sub extrema regni sui tempora, non paucos Iudæos morte afficeret, fugam ex Iudæa suam, ignominiamque cladis ulturus,

I.

Liberalitas Tobia senioris.

Tobia 1.

18. &c.

cum vita
discrimine,
& fortuna
vā iactura.

Tobias fratres suos Iudæos quotidie inuisebat, ac consolabatur, & opem ferebat indigentibus, quantum facultates ferebant; & cum adfuisset viuis, non deerat mortuis, ne periculo quidem vitæ, ac bonorum omnium iactura deterritus; quæ tamen illi breui restituta sunt, illius providentia, qui ei largitus fuerat animam bonam, ac misericordem. Et quamuis à cognatis & amicis vehementer argueretur imprudentiæ in beneficiendo, ut qui vitam superstitam, pro vita functorum sepultura, in discrimen adduceret, & vitam suam ac necessariorum suorum, pro iis quos nulli affinitate contingeret, ac ne nosceret quidem; perseverabat nihilominus in iisdem pietatis operibus, nominatimque abiecta neccatorum corpora rapiebat, abscondebat domi, & nocte mandabat sepulturæ.

II.

Ad eandem
filium infor-
mat præce-
ptis.

c. 4. 1. 2. & c.

v. 7. 8. & c.

Hic ergo vir misericors in primis, & exemplar pietatis in proximos, cum se breui moriturum speraret, quod à Deo feruidis dudum precibus postularat, filium suum sibi cognominem euocavit ad sese, non tam ut eum non magni patrimonij declararet heredem, quam beneficentiæ & benignitatis in pauperes, quam ex animo perpetuò dilexerat. Inter cætera verò monita, cum diuinum illi timorem commendasset, adiecit illico. *Ex substantia tua fac eleemosynam, & noli auertere faciem tuam ab illo paupere; ita enim fiet ut nec à te auertatur facies Domini. Quo modo potueris ita esto misericors. Si multum tibi fuerit, abundanter tribue; si exiguum tibi fuerit, etiam exiguum libenter impertiri stude. Præmium enim bonum tibi ibesaurizas in die necessitatis. Quoniam eleemosyna ab omni peccato, & à morte liberat, & non patietur animam ire in tenebras. Fiducia magna erit coram summo Deo eleemosyna omnibus facientibus eam. Et quoniam ex abundantia cordis os loquitur, in idem relapsus argumentum mox subdit. Panem tuum cum esurientibus & egenis comeda, & de vestimentis tuis nudos tege.*

v. 17.

III.

Liberalitas
Tobia iu-
nioris.

c. 12. 1. & c.

Abdia, &
totius popu-
li israelitici
3. Reg. 18. 4.
13.

Exod. 35. 20

& c. & c. 36.

3. 4.

Vide autem ut Tobias iunior paternum hunc liberalitatis animum imbuerit, & quasi sapientis magistri prælectionem didicerit, qui duci itineris sui dimidiam partem tam aduictæ pecuniæ, quæ decem talentorum fuit, quam reliquarum omnium fortunatarum mercedis loco dare voluerit, & eandem in illum liberalitatem parenti persuaserit. Quid de Abdia regio Achabi procuratore dicam? qui sæuiente improbissima Iesabele aduersus Dei Prophetas, quinquagenos abscondit in speluncis, enutrit, & certissimæ morti eripuit. Quid de mira Hebraici populi liberalitate, in offerendo diuino Numini, in vsum Tabernaculi, auro, argento, purpura, cocco, gemmis, lapidibusque pretiosis? Eò namque progressa est illa magnificentia, ut artifices ad Mosem venire compulsi sint, ut iussu ipsius populo præconis voce nunciaretur, nemini quidquam ultra in opus sanctuarij esse largiendum, eò quod oblata sufficerent, & superabundarent. Exemplo liberalitatis singulari, & memoria digno sempiterna.

Sed

Sed quid memorem Dauidem, qui vt cæteris omnibus regiis virtutibus illustris fuit, ita magnificentia, quæ maximè regia est, minimè caruit. Amor enim, & reuerentia, & obseruatio, qua prosequeretur Deum, qui eum pastoritia eductum casa, regio in throno collocarat, non exiguum illi ruborem iniiciebat, cogitanti habitare se in domo cedrina, Dei verò arcam positam esse in medio pellium. Itaque cogitare coepit de magnificentissima illi æde construenda. Cum autem aliquantò pòt, Propheta Nathane interprete, didicisset, diuinam providentiam Salomonem eius filium ad id opus destinasse, acquieuit ille quidem diuino decreto, eius tamen ingeniosus ac liberalis amor rationem inuenit ac viam, qua plurimam eius operis partem deriuaret ad sese, materia sumptibusque præparandis: relicta interim filio gloria & consolatione de templo, tam magnificè exædificato, vt inter celebrata illa mundi miracula principem locum faciliè obtinere posset.

Sed ipsummet Dauidem audire placet alloquentem Salomonem suum. *Eccè ego in paupertate mea, præparavi impensas domus Domini, auri talenta centum millia, & argenti mille millia talentorum.* Ad-dit præterea alio loco tria millia talenta auri, de auro Ophir, & septem millia talentorum argenti probatissimi, ad deaurandos, ac conuestiendos parietes templi, quæ tota auri argenti que copia ad summam pene incredibilem exerescit. Ea si ære gallico æstimetur, erit duum millium sexcentorum & septuaginta duorum millionum, & præterea centum & viginti quinque millium aureorum. Sed his addenda insuper illa talenta, quæ regni proceres rogatu Dauidis in templi sumptus viritum pependerunt, quæ ascendunt ad duos & septuaginta mil-liones, nongenta & viginti sex millia, sexcentos & sexaginta sex au-reos nummos. Quod si vtrumque numerum placet in vnâ reuocare summam, euadet tota illa auri argenti que vis, ad bis mille septin-gentos & quadraginta quinque miliones, vnum & quinquaginta mil-lia, sexcentos & sexaginta sex nummos aureos nostrates. Eam auri sum-mam, vt tota ex auro esset, non ferrent decem millia currum, non-genti & octoginta, quamuis singuli currus ferrent ducenta & quin-quaginta millia aureorum. Quam prodigiosè liberalis est amor, qui tantam auri vim collegit, & in Dei cultum distribuit, & parui etiam æstimauit, & quasi aliena reputans dixit, *tua sunt omnia, & quæ de ma-nu tua accepimus, dedimus tibi.* 1. Paral. 29. 14.

IV.
*Maximèquæ
Dauidis.*

1. Reg. 7. 2.

V.
*Quantam
vim auri
argenti que
præparavit
in constru-
tionem,
vsumque
templi.*
1. Paral. 22. 14.
c. 29. 4.
2671125000.
72926666
274505666.

Sunt 25. quæ
dicuntur
quintalia in
singulos
currus, sin-
gula verò
centum li-
bras capiunt.

CAPVT VIII.

*Diuinum amorem homines in Evangelica lege reddidisse
liberales.*

I.
*Fons & ori-
go Euange-
lice libera-
litas.*

*Regnum li-
beralis amo-
ris in iis
Ecclesia.*

II.
*Ex S. Luca
declaratur.
Act. 2. 44.*

C. 4. 32. 34.

CVM Seruator mundi amorem voluntariæ paupertatis, & diuitiarum contemptum, verbo exemploque docuisset, non ægrè persuasum est plurimis Christianis illam vt amplecterentur vltro, istas vt repudiarent, atque dereliquerent. Facile enim homines amplectuntur quæ diligunt, & missa faciunt quæ contemnunt. Et cùm eadem opera vitæ rationem illam comprobasset, quam nonnulli quondam Prophetæ adamarant, & plerique illorum Discipuli, solitaria vitæ sectatores fuerant æmulati, multos habuit magni Eliæ & Elisæi, imò sui ipsius deserta loca inhabitantis, ac subinde frequentantis, imitatores, tam in monte Carmelo, quàm in aliis Iudææ, maximèque circa Iordanem locis, quos olim filios prophetarum vocabant. Quod vitæ institutum, præsertim quod ad contemptum diuitiarum attinet, post aduentum Spiritus sancti in Apostolos, reliquàmque Christi familiam maximè floruit. Tum videlicet liberalis Amor ita florebat, itaque in Christianos omnes dominabatur, vt fortunarum suarum dominium vltro deponerent, illasque Deo, Apostolis interpretibus atque internunciis, iisdemque ipsorum patribus, ac magistris libentissimè consecrarent.

Eam rem Lucas Euangelista summa cum autoritate prædicat, & illustribus confirmat exemplis: *Omnes, inquit, qui credebant erant pariter, eadem scilicet vitæ communitate utebantur, vt nunc religiosi, & habebant omnia communia.* Additque; *Possessiones & substantias vendebant, & diuidebant illa omnibus, prout cuique opus erat.* Et rursum: *Nec quisquæ eorum quæ possidebat aliquid suum esse dicebat, sed erant illis omnia communia; neque quisquam egens erat inter illos.* Quot quot enim possesores agrorum aut domorum erant, vendentes afferebant pretia eorum quæ vendebant, & ponebant ante pedes Apostolorum, *Diuidebantur autem singulis prout cuique opus erat.* Et inter alios Ioseph quidam, qui ab Apostolis cognominatus est Barnabas, tribu Leuites, genere Cyprius, cùm haberet agrum eum vendidit, & confectam inde pecuniam, ad pedes Apostolorum abiecit. Itaque iugis erat tum Christianorum, perennisque liberalitas, quam Spiritus ille diuinus Amor Patris ac Filij fidelium cordibus infundebat, & ad illum, quem dixi, vsum, actionemque deducebat.

III. Sed hæc ipsa liberalitas perfectius aliquid habebat, atque diuinius;

Ich

der Mann


Religiosus

schick mir

was von mir

fort zu

mach



voto enim, seu facta Deo promissione firmabatur, vt ex Anania & Saphira causa perspicue intelligitur, quos ad vnam Petri vocem repentina mors sustulit, mendacij aduersus Spiritum S. damnatos, ob partem pecuniaz sibi seorsim ex agro vedito reſeruatam. *Anania, inquit Petrus, cur tentauit aut impleuit Satanai cor tuum, mentiri te Spiritui sancto, & fraudare de pretio agri?* Nonne ager & pretium illius erat arbitrij ac potestatis tue? cur hanc fraudem commentus es, vt partem pretij, pro vniuerso pretio, fraudulententer offerres Deo? Quod enim antea proprium erat ac tuum, cum à te oblatum est Deo, deuit esse tuum, & oblatio sacrilegio imminuta est, quod capitali supplicio expiandum est.

Christiani ergo primis illis temporibus Apostolorum ac Discipulorum vestigijs insisterant, quorum omnium nomine Petrus Christo dixerat: *Ecce nos reliquimus omnia, & secuti sumus te, quid ergo eris nobis?* Quæ est ista liberalitas, vt quod quisque habet in bonis, quidquid acquirere industria, quidquid optare votis potest, id totum in Dei gratiam, abiudicet, atque reiciat? Quis nescit ex quàm humili loco, in quam amplam fortunam peruenire quis possit? Gregarius miles Rex potentissimus euadere potest, aut Imperator. Quò vsque desideria tendunt? quo vsque vota porriguntur? Quæ sestertia, quæ talenta, qui thesauri statuere certos fines cupiditati, aut quæ fræna ferocem illam beluam cohibere possint? cum quò maior est opum copia, hoc magis cupiditas accendatur. Ignis enim est, quem adiecta ligna non extinguunt, sed vehementer amplificant. Quæ est ista largitio, vt de omnibus quæ quis aliquando ritè possederat, ne teruntium quidem suum appellare possit? non de ligula statuere, non de folio chartæ decernere, rebus omnibus ex aliena potestate pendentibus.

Hic nimirum est liberalis ille Amor innumerabilium animarum, pietate ac religione præstantium, qui hoc admirabilior fuit, quo ij, qui eam paupertatem amplexi sunt, erant in seculari vita ditiores, ac potentiores, quales fuisse legimus Lotharium & Hugonem Occidentis Imperatores; qualis fuit Rachisus rex Longobardorum, Pipinus filius Caroli magni, cum iam Italiæ regnum obtineret: Veremundus Castiliæ rex, & Ramirius Aragoniæ; quales in Anglia plurimi, cum insula illa in multa regna Pictorum, Saxonum, Merciorum, Scotorum, Northumbro-
rum diuisa esset, quos venerabilis Beda in historia Ecclesiastica memorat, in quibus Sigebertus rex Anglorum Orientalium, qui factus in Gallia Christianus, in patriam reuersus, & regno potitus, eam quam in Gallia didicerat pietatem æmulatus, institutis erudiendæ iuuentutis scholis, regni-
que negotiis cognato suo Ecgrico commendatis in monasterium, quod ipse construxerat, ingressus, detonsusque, monasticam vitam professus, diu Deo magna cum laude militauit.

Memorat & Sebbi Orientalium Saxonum regem, qui totis triginta annis, simul rex & religiosæ vitæ candidatus, cum primùm per vxorem

R r ij

Christiani
bona sua vo-
cabant Deo.

c. 5. 3 Act.

IV.

Quanta sit
liberalitas
omnis pro-
pter Deum
derelinquere.

V.

Idque maxi-
mè mirum in
viris princi-
pibus.

Vide Plat. l.
2. c. 26. de
bon. stat.
rel.

Maximèque
in Angliæ.
Beda hist.
Ecc. Angl.
t. 3. l. 3 c. 18.

VI.

In quibus
Sigebertus
& Sebbi.
Bed. l. 4.
hist. c. 13.

Coënnredus.
l. 5, c. 20.

Offa.

VII.
Inas & Edil-
burga uxor
eius.
Polyd. Bar.
Platus ann.
Christi 740
& 775.
Alius Offa
& Ceolul-
phus,

& Egbertus.

VIII.
Caroloman-
nus, Trebel-
lius,
Plat. l. 2. c.
26. sed vide
Baron. ann.
Christi 817.
Brena &
Henricus
Cyprinus,
filij Caroli
magni.

licuit, monasticæ vitæ nulla planè re sibi reservata, nomen dedit, brève-
uque sine ullo corporis dolore, sed magno cum lucis splendore nobilis
eius anima corpore soluta est. Addit & Coënnredum, qui cum regno
Merciorum aliquanto tempore nobilissimè præfuisset, multo nobilius
regni sceptrum reliquit. Nam Constantino Pontifice Romam venit, ibi-
que attonsus, monachusque factus, ad limina Apostolorum precibus,
ieiuniis, & eleemosynis intentus, ad vitæ diem permansit extremum.
Cuius itineris, & instituti socius fuit filius Sigheri regis Orientalium
Saxonum, nomine Offa, iuuenis, ut ait Beda, amantissimæ ætatis, &
venustatis, totique suæ genti, ad tenenda servandaque regni sceptrum,
exoptatissimus. Hic ergo & florem ætatis, & corporis formam, & mu-
liebres voluptates, & regni gubernacula, & studia populi vniuersi Deo
animosè liberaliterque consecrauit, & sanctius vitæ institutum sanctis-
simo fine conclusit.

Nec multò post eorundem in Anglia Saxonum rex Inas, belli pacif-
que artibus clarus, post multa pietatis opera, & regnum suum sedi Apo-
stolicæ vestigale factum, diuino sese famulatui in monasterio conse-
crauit, cuius exemplum imitata Edilburga regina illius vxor, sancta-
rum monialium institutum arripuit, & regiam dignitatem atque deli-
cias, Christi paupertate ac seruitute commutauit. Eandem erga se-
dem Apostolicam liberalitatem alius quoque Offa post annos 35. æmu-
latus est, cum pœnitentiæ causa Hadriano Romano Pontifice Ro-
mam venisset. Quin etiam Ceolulphus rex Northumbrorum, cui Be-
da gentis suæ historiam Ecclesiasticam inscripsit, cum octo annis im-
perasset, quasi fessus & quietem expetens, Egberto patruo regno re-
lictò, vitam religiosam amplexus est. Sed ipse quoque Egbertus, cum
20. annis regnasset, nepotis exemplum secutus, in eodem monasterio
consenuit.

Attexamus huic regum Anglorum Catalogo, Carolomannum Ca-
roli Martelli filium, Pepini fratrem, Austrasiæ & Sueniæ regem, quem
Zacharias Pontifex regiæ magnificentia pertæsum, sacris ordinibus,
habituque religioso donauit; Addamus & Trebellium Bulgarorum re-
gem, & posterioribus seculis Ioannem Brenam Hierosolymorum re-
gem, & Henricum Cypri regem, qui se ordini, atque instituto S. Fran-
cisci addixerunt. Licet eidem Catalogo filios regum attexere. Carolus
enim magnus tres filios monachos habuisse traditur Hugonem, Dro-
gonem, Pipinum, siue ut aliis placet, Theodoricum, quorum duo prio-
res sponte volentesque religiosum subiere iugum, tertius autem in pœ-
nam affectati regni, factus est monachus; qui tamen gustata religiosa
vitæ suauitate, necessitatem in virtutem vertit, sub Christi annum tri-
gesimum supra octingentesimum, ut quidam recentiores scripsere, li-
cet rem aliter ab aliis narrari non ignoremus. Tres quoque Vibeani

Hybernæ regi fuere filij, sanguine & sanctitate, & religioso instituto fratres. Duo Richardo Angliæ regi Villebaldus & Vnebaldus; totidem Carolo Caluo Franciæ regi Clotarius & Carolomannus, alique multi filij regum, ac fratres, principes, duces, comites, ac magnarum prouinciarum Domini, ac Dynastæ, qui maximis opibus Dei causa contemptis, pauperes in cœnobiis, quàm in mundo clari ac potentes esse maluerunt.

*Et Vibeam
Hiberni, Ri-
chardi An-
gli, Caroli
Calui.*

Infinitus profecto sum, si sanctarum mulierum indicem texere libeat, quæ omnibus prouinciis, seculisque, è summis quarumque dignitatum fastigio vltro demisere sese, & imperiorum, regnorum, ducatum, magnarumque prouinciarum, copiarum, nobilissimique sanguinis obli-
tæ, repudiatis sæpenumero maximorum principum nuptiis, monasteriis sese includere, paupertatemque religiosam Christi causa complexæ, quidquid in mundo possederant, aut possidere potuerant, à se abdicarunt, aut Christo potius, eiusque pauperibus sunt elargitæ. Quæ liberalitas alteram virtutem comitem habebat, in talibus personis non minùs difficilem, sed arduam planè atque heroicam; animi videlicet demissionem, sine qua subiectio aut obedientia nulla esse potest: quæ superbiam ingentem nobilitati conculcat, propriæ voluntati, iudicioque bellum sempiternum indicit, eorumque se arbitrio subiicit, quos vix olim famulos, aut ancillas habere voluissent.

IX:
*Mulierum
principes
Deo sese di-
carunt ma-
ximo nu-
mero.*

O quanto pretiosior est coram Deo ista liberalitas, quæ in sui ipsius donatione consistit, quantòque apud homines difficilior, quàm collegiorum aut Academiarum, Ecclesiarum aut cœnobiorum, xenodochiorum aliarumve religiosarum domorum fundatio. Viri enim principes hisce locis, aut in vita, aut sub mortem dotandis, nonnullam fortunarum suarum particulam impenderunt, nec potentes propterea, aut opulenti esse desierunt: At qui seipsos religiosæ alicui familiæ, non vsu solum & fructu, sed mancipio etiam nexuque dediderunt, nihil sibi reliquere penitus, quod dicere possent esse suum. Ne corpus quidem ipsi suum deinceps in sua potestate habuerunt, sed illud, ex superiorum arbitrio & consensu, ieiuniis, vigiliis, diuerberatione diuexabant, vili lectulo, vili cibo, vestituque utebantur, non secus ac quierant in eadem religiosa familia infimo loco nati. Quid corpus dico? ne animum quidem ipsum sibi retinuerunt, sed proprium iudicium ac voluntatem, honorem ac libertatem præpotenti Deo, per superiorum interuentum, consecrarunt, & à se, sine vlla temporis, locive, aut rei cuiusvis excep-
tione, abdicarunt.

X.
*Maximèq;
liberalitate
pre quaui
alia.*

CAPVT IX.

*Exempla quadam singularia liberalis huius Amoris, & nomina-
tim duorum Antistitum, Gregorij magni, &
Ioannis Eleemosynarij.*

I.
*Gregorij
magni exi-
mialiberali-
tas.*

*Præsertim
religioso in-
stituto susce-
pto.*

INGENVE confiteamur magnum illum Gregorium, eximium sedis Apostolicæ decus & ornamentum, egregia planè in Deum magnificencia, sex in Sicilia cœnobia, suo è patrimonio condidisse; & Romæ in propriis ædibus septimum, S. Andreæ nomine, quibus omnibus idoneos redditus ad omnem vitæ religiosè necessitatem & cultum liberaliter suppeditauit. Sed liberalior etiam multo fuit ac magnificentior, quando reliquiis amplissimi patrimonij distractis, & in pæuperes erogatis, ipse se dedidit in holocaustum Deo, sumpto religioso habitu, vt vitam reliquam in voluntaria paupertate, demissione animi, obedientia, & angelica mentis corporisq; mundicia, ad mortem vsque traduceret. Quod si ob placidè ac patienter toleratum flagitatorem molestum, qui sibi merces suas naufragio periisse dicebat, Deus eam liberalitatem summo Pontificatu rependit, quàm illi gratiam, quàm mercedem reposuisse dicemus, ob plenam sui ipsius, suorumque omnium liberalitatem, quam tam multi Dei famuli sustentati, Deo tot annos sanctissimè seruierunt? Aut quàm repositurum dicemus iis, qui aurem simili vocationi præbuerunt, & eandem pro sua facultate exercuere liberalitatem?

II.
*AUTOR.
Eiusdem
liberalitas
qua meruit
Pontificatû.*

Hic ego, per libenter, inquam, audiuerò id exemplum, quod nunc cursim attingisti, aliâque, si qua occurrerint eiusdem argumenti. Et ego vicissim, ait Liberalis Amor, perquam libenter piæ voluntati tuæ faciam satis, & mensam huiusmodi dapibus instruam. Plenæ quippe sunt hisce exemplis vitæ Sanctorum; pauca seligam in gratiam tuam. Scriptum itaque est in vita magni Gregorij, Angelum, sub specie naufragi mercatoris, scribentem adisse Gregorium, eique calamitatem suam miserabiliter exposuisse, ac subsidium aliquod præsentī necessitati postulasse. Iussit Gregorius sex illi nummos aureos à procuratore suo dari; quibus ille acceptis, ad Gregorium querulus redit, asserens modicam esse gratiam illam ad magnitudinem cladis suæ. Iubet ergo Sanctus iterari eandem stipem. Post biduum redit idem mercator tertium, additque lacrymis preces ad eleemosynam tertium impetrandam: eique Gregorius misericors sex rursus aureos dari iubet, quos cum procurator tum domi esse negaret, neque adesse aliud, quod vicem illius pecuniæ supplere posset, præter vas quoddam argenteum, in quo mater eius Silua ad eum legumina missitabat, illico id illi vas dari iussit.

III.

Aliquanto post tempore cum ad Pontificatum euectus esset Grego-

rius, sacrarii sui Præfetto imperat duodecim ut mendicos, ad fumentum secum prandium, accerteret. Quod cum factum esset, ingressus Pontifex tredecim in eo coetu numeravit, deque Præfetto quaesivit, ecquid præscriptum numerum superasset. At ille enimvero asseuerat duodecim se adduxisse duntaxat, nec plures in conaculo reperiri; neque reuera plures ille videbat, cum tamen Gregorius tredecim numeraret. Ergo ratus aliquid hinc latere mysterij, decimum tertium attentius contemplatus, vidit eum subinde colore ipso, totoque vultu ita mutari, ut modò iuuenis, deinde appareret senex. A prandio seuocatum hospitem interrogat, obsecrat atque obtestatur, ut sese illi aperire ne graetur, nomenque suum patefacere. Cui ille, *Cur*, inquit, *quarum nomen meum quod est admirabile?* Scito porro esse me illum mercatorem afflictum naufragio, cui tu duodecim aureos stipis nomine, insuperque maternum vas argenteum largitus es. Quam ob beneficentiam Deus te Petri successorem esse voluit, quodque ab omni retro æternitate statuerat, voluit hac occasione impleri, quoniam imitator Petri magnam pauperum curam geris.

Prandio accipit Angelum.

Eumque agnoscit.

Hic Gregorius. Qui scis id à Deo ita fuisse constitutum? Nimirum, inquit ille, Angelus ego sum, diuinitus tui probandi causa missus. Turbatur hoc loco Gregorius; cui Angelus: Ne timeas, inquit, Gregori, misit me ad te Dominus, tibi ut adessem, & ad finem usque assisterem, meoque ministerio quidquid illum rogares obtineres. Tum Pontifex procidit in faciem suam, moxque cum veneratione. Si Deus me tantula de re Ecclesiæ suæ pastorem esse voluit, multo plura de eius liberalitate sperare possum, si magno illi animo seruiro, & eius bona in pauperes erogauero. Hinc nimirum S. Pontifex usque adeo factus est liberalis, ut nulla esset Ecclesia, nullum cœnobium, nullum xenodochium, nullum pietatis domicilium, nullus alienæ opis indigens, cui ille non benignè faceret: adeo ut mensæ quoque suæ conuiuias adhiberet. Cum ergo aliquando summissæ mentis Pontifex aquam pauperis peregrini manibus vellet infundere, interim dum aqualem capeffit & peluim, peregrinus euauit. Nocte autem sequente apparuit illi Seruator, cum hoc elogio: Tu me aliàs conuiuio accepisti in membris meis, heri autem me ipsum in mea ipsius persona recepisti.

IV.
Animatus vehementius ad liberalitatem.

Christum ipsum accipit conuiuio.

Descriptos habebat in libro pauperes omnes, qui in Vrbe ac suburbanis, vicinisque pagis commorabantur, quibus pro cuiusque condicione ac necessitate benignè faciebat, ægris prandium quotidie mittebat, & iis quibus inopia pudori est, ut erat quisque honoratior, ita aliquid melioris obsonij summittebat. Vide autem quanta cum sollicitudine pauperum curam gereret. Cum ipsi aliquando nuntiati esset, in quodam pago ab vrbe semoto inuentum esse pauperem mortuum, tanto affectus est mœrore, ut dies aliquot à sacrosancto sacrificio abstineret, veritus ne vel fame, vel alicuius rei penuria, sua culpa esset extinctus, quæ hu-

V.
Alienigenam benignitatis argumentis.

iufmodi abftinentia effet expianda; quam abftinentiam quotidiana con-
folatio, qua priuabatur, & dulciffimus deuotionis fensus ei peracerbam
reddebat, meritum tamen innocentis non minuebatur.

VI.

*Qua longè
latèque pa-
tebat.*

Singularis porro hic amor & mifericordia in pauperes non vnus Urbis
mœnibus, vt dixi, aut agro Romano claudebatur; totam peruadebat
Italiam, & prouincias longinquiores, è quibus redditus aliquos fedes
Romana perciperet. In illis enim quæftores habebat Gregorius, qui
vectigalia non folùm colligerent, fed ex eius præfcripto in pauperes dif-
tribuerent, quos ille tam accurata diligentia designabat, vt in tanta pon-
tificiorum negotiorum mole, illa cogitatio aut fola, aut primaria vide-
retur. Tria fœntimonialium millia Romæ fuftebant, earumque lacry-
mis tribuebat, quod ipfi hætenus arma Longobardorum euafiffent. In-
gentem pecuniæ vim per Probum Abbatem Hierofolymam mifit con-
ftituendo xenodochio, quod rebus omnibus, quoad vixit, inftruxit. Id-
ipfum in Sina monte perfecit, vbi religiofos viros, in S. Catharinæ mo-
nafterio, quæ ibi angelicis manibus collocata eft, fuftebant. Adoles-
centes Anglos, qui variis in locis temere vagabantur, colligi curauit,
& in variis monafteriis educari, atque erudiri: vſque adeo de omnibus
gentibus, omnium gentium pater bene mereri fteudebat.

VII.

*Liberalitas
Ioannis Pa-
triarchæ.
In vita. c. 2.*

Orientalis Ecclefia alium poteft egregium iactare Pontificem, cuius
mifericordia & liberalitas tanta fuit, tamque fingularis, gloriofum vt
Eleemofynarij, & nunquam inter morituum cognomen, & meritis, &
conſecutus fit. Is cùm primùm Alexandrinus Patriarcha creatus eft,
duobus tribusve negotiorum fuorum curatoribus curam dedit, tota vt
Alexandria egenos, quos dominos fuos appellabat, ftudioſè conquire-
rent, eorumque indicem conficerent; Quod cùm diligenter atque ac-
curatè factum eſſet, inuentus eſt numerus ſeptem millium & quingen-
torum; quibus omnibus, quæ in ſingulos dies neceſſaria erant, affigna-
uit, in eamque rem certum conſtituit œconomum, qui Patriarchæ li-
beralitatem egentibus diſtribueret, ac religioſè diſpenſaret. Pleraque
inſignes conſtruxit, dotauitque domos, peregrinis, pauperibus, ægris,
ſenibus, quas ipſe per ſe biſ tẽrve ſingulis hebdomadibus inuiſebat; præ-
ter quamplurima cœnobìa, quæ à fundamentis excitauit, & religioſa-
rum perſonarum copia inſtruxit, quæ vitæ ſanctitate florerent, & di-
uinas laudes dies noctesque celebrarent.

*In vrbe Ale-
xandrina.*

Cap. 49.

VIII.

*Origo libe-
ralitatis eius
ex viſione.*

Cùm in Cypro degeret, adhuc quindecim fere annorum adoleſcen-
tulus, inſigne illi viſum per quietem obiectum eſt, quòd beneficentiam
in pauperes altè illi demifit in pectus. Videre enim ſibi viſus eſt ſingulari
pulchritudine puellam, ſole ipſo ſplendidiorem, apparatu veſtium orna-
tiſſimo, cui laurea corona cingebat caput. Ea cùm ad pueri lectum pro-
piùs acceſſiſſet, eum percuſſo latere excitauit. Ille autem eam incuitus, &
mulierem ratus, extimuit, & facto ſigno crucis, *Ecquid te, inquit, hic
video mulier? ecquid auſa es in dormientis cubiculum penetrare?* Illa verò
tranquilla,

tranquilla, & serena fronte. Ego, inquit, in filiabus Regis teneo principatum, si me dilexeris, ego te summi Imperatoris conspectui sistam; nemo enim est qui tantum apud eum gratia valeat; à me quippe exoratus venit in terras, & ut miseros mortales dæmonis & peccati seruos in libertatem affereret, factus est homo. Quæ cum dixisset, illico se de admirantis conspectu subduxit.

Hoc vilius Patriarcha ipse recitauit, addiditque intellexisse se eam esse Commiserationem, quæ Dei filium deduxit in mundum, cuius est illa apud regium Prophetam oratio. *Propter miseriā inopum, & gemitum pauperum nunc exargam, dicit Dominus de solio meo; & rursum, Per viscera misericordiæ Dei nostri, in quibus visitauit nos oriens ex alto, Illuminare iis qui in tenebris, & in umbra mortis sedent, ut dirigam pedes eorum in viam pacis.* Ego sumptis quamprimum vestibus suis, nemine excitato albescente cælo venit in templum, cumque illi pauper quidam, frigore afflictus, occurrisset, exiit se indusio laneo, illumque induit. Sub ipsum autem introitum in templum, obuium habuit hominem in veste candida, qui illi centum aureos in crumena dedit in manus, ut iis arbitrio suo vteretur; nec plura elocutus euauit. Deinceps autem Deum inter & Ioannem perpetua contentione certatum est, sic ut patriarcha pauperibus propter Deum continenter daret, Deus autem cum centeno fœnore accepta redderet. Sed rem nonnullis illustremus exemplis.

Cum hunc eius animum peregrinus quidam didicisset, vellētque hanc periclitari liberalitatem, obuus illi nosocomium ingredienti attrita in veste factus est, captiuitatem simulat, opemque implorat. Antistes sex illi aureos dari præcipit: quibus acceptis, commutato habitu alio quodam in loco ei occurrit, se ad eius abiicit pedes, rogātque, ut sui admodum acerba patientis misereatur. Patriarcha sex illi rursum aureos dari iussit: œconomo nihilominus virum sanctum admonente, illum iam secundum eleemosynam accepisse. Nec tamen ille tertio redire dubitauit, nec de fraude œconomi præfulem admonere destitit. At is stipem duplicari iussit, ne forte, inquit, hic sit Dominus meus, qui liberalitatem meam tentare, ac periclitari velit. Quidam de eius rei familiaris administratis, cum egenus factus esset, clam ad eum Præsul propria manu ducentos aureos nummos attulit, nemo ut resciret vnus egestatem, aut alterius liberalitatem. Cumque inops negaret ea se liberalitate pudefactum, ausurum deinceps benefactoris sui faciem intueri. At ego, inquit Patriarcha, nondum pro te meum fudi sanguinem; quod utique occasione data libenter erat factururus; vsque adeo sortitus erat animam mitem, etiam aduersus eos, à quibus acceperat iniuriam.

Dictum est supra qua vindicta ultus esset cuiusdam temeritatem, qui non leui nepotem suum affecisset iniuria. Haud dissimili ratione se

IX.

Commiseratio causa diuina incarnationis.

Ca. 7.

Psal. 11. 6.

Luc. 1. 78.

Ioannes cum Deo liberalitate conuincat.

X.

Liberalis eius patientia erga molestum flagratorem.

Ca. 8.

Humilis & prudens eiusdem liberalitas.

XI.

Mansuetudo aduersus nebulem.

gessit aduersus nebulonem quendam, qui ipsum contumeliis coram af-
fecerat, quod minorem postulatione sua stipem accepisset. Cùmque fa-
mulus Patriarchæ hominem merito fustuario accipere vellent, continuit
eos serio vir sanctus hac oratione. Sexaginta iam anni sunt ex quo tem-
pore Dominum meum operibus meis iniuriis lacesso, quas ille patien-
ter sustinet; & ego vnam hanc iniuriam, eius nomine ab isto non feram?
Itaque iussit illico œconomum suum saccum illi pecuniarium aperire,
eique facere potestatem inde accipiendi quantum liberet. O mitissi-
mam animam sancti Patriarchæ! ô nobilem ac gloriosam liberalitatem,
sed vindictam etiam gloriosorem, ac diuinorem.

XII. Nec minus erat hic vir Dei operæ suæ, atque industriæ; & consolatio-
nis liberalis, aduersus eos, qui in suis rebus aduersis ad eum, tanquam ad
asylum confugiebant. Cùm enim didicisset plerosque tenuiores à suis
administris repelli, ne ad eum adire possent, deque suis cum eo rebus
agere, negavit id ferendum esse. Quid, inquit, Dei congressu nemo
nos prohibet, ad eum quandocumque libuerit adimus, & homines
nos adire prohibentur? Itaque constituit vt feria quarta, & sexta, ca-
thedra cum duobus scamnis publicè in propylæo templi collocarentur,
ibique audientiam præbebat omnibus, qui ipsum adire cuperent, eo-
rum negotia expediebat, quæ mox famuli ex eius imperio exequaban-
tur. Sed animaduerte quæso quo affectu munere alioqui molesto fun-
geretur. Cùm aliquando in illa cathedra ad meridiem vsque substitis-
set, nec se quisquam interea obtulisset, qui eius opera vti vellet, in Pa-
triarchium se mœstus gemensque retulit. Rogatusque à quodam ex
suis, dicto Sophronio, quid ploraret: quod, inquit, nihil hodie lucra-
tus sum, quod offeram Deo, quo satis illi faciam pro peccatis meis. At
contra, inquit ille, habes vnde vehementer lateris, Deumque laudes,
per cuius gratiam ita gregem tuum regis, vt iurgiorum experts, vt in
cælo Angeli, viuat in terris,

XIII. Sed quid mirum viros eximia sanctitate præstantes, Charitate, eius-
que liberalitate præstitisse, cùm latrones ipsi, virtutis amore capti, li-
berales euaserint? Vti superiùs alia occasione intellectum est, de eo la-
trone, qui thesaurum suum mercatori, qui naufragium fecerat, pate-
fecit, quod is cùm in vinculis iaceret obætatus, Dei gloriam, & vxoris
sux pudorem antiquiorem habuisset libertate sua. Et de hominum ad-
uersus Deum liberalitate hætenus.

XIII.
Latronis li-
beralitas.

Sophr. ca.
189.

CAPVT X.

Diuinum amorem ipsammet Deum reddidisse liberalem.

Nunc de præstantiore, & antiquiore Dei aduersus homines liberalitate dicendum est, quæ posterioris illius, de qua dicebamus, origo, & causa est, & ab infinito amore profecta, non minus latè patet, quàm Mundus iste vniversus, eaque tot nititur testibus, quot in cælo stellæ micant, quot in oceano aquæ guttæ voluntur, quot denique creatæ res vniuersitatis complexu continentur. Quis est qui satis animo capiat, quanta sit istarum rerum multitudo, aut quanta sit illius liberalitas, qui hæc omnia largitus est homini? exigua tamen est tota ista largitio, ad illam liberalitatem, qua Deus ipse continetur, in qua ille idem est donum, qui & donator, qui non solum pluris est quàm illa omnia, sed illa omnia cum ipso non pluris sunt, quàm ipse solus.

Hanc porro liberalitatem omnem non incommodè possumus ad tria summa capita reuocare, quæ singula vim magnam diuinarum liberalitatum expromunt. Dedit quippe Dominus magnum hunc mundum, dedit & paruum maioris epitomen, & vtriusque molitorem atque architectum Deum: Et quidem amore inestimabili, amore purissimo, amore vtilitatis propriæ prorsus experti, dedit omnia, illud vnum desiderans, vt beneficia accipientibus bene esset. Neque verò cum hoc consilio pugnat, quod homo conditus sit vt Deum cognoscat, amet, colat, eoque aliquando fruatur: id enim totum ipsius hominis bonum est. Sed illud est in Dei liberalitate mirabile, quod neminem planè voluerit, quasi ex composito, priuare bonis suis; omnes quippe ad eum pertinent, tanquam opera manuum eius: quamuis multo antè præuiderit plerosque iis, per summam indignitatem, malitiam, socordiam, ingrati-
tudinem abusu-
ros, iisque ipsis eius hostibus, cum crebra multiplicique iniuria Domini seruituros. Non ignorabat plerosque aurum atque argentum Dei loco habituros, eorumque metallorum cupiditatem sexcenta flagitia parituram. Quis enim ignorat opes irritamenta malorum? Nec minus propterea metalla ista condidit, quæ essent mercedes pauperum, ornamenta potentum, epitome commutationum.

Certò sciebat solem, lunam, stellas, profanis stupidisque mortalibus, magna cum conditoris iniuria, habitum iri Deos, vt Iobus illa oratione significabat, *Si vidi solem cum fulgeret, & lunam incendientem clarè, & latatum est in abscondito cor meum, & osculatus sum manum meam in ore meo, quæ est iniquitas maxima, & negatio contra Deum altissimum*: quod eorum est crimen, qui à rerum creatarum decore,

I.
Dei liberalitas latè patet.

II.
Eius tria summa capita.

Sincera Dei liberalitas.

Etiā erga abutentes, vt in auaritia.

III.
Idololatria.
Ca. 31. 26.

Gula.

nequeunt ad pulchritudinem Conditoris ascendere, qui tamen noluit, propterea mundum horum astrorum lumine ac beneficentia priuare. Norat cupedias, & vina pretiosa, ebrietatis & gulæ irritamenta fore potius quam laudandæ paternæ Dei liberalitatis inuitamenta, improbos filios tam suauiter allicientis ad se. Nec minus tamen sine tædio, pluias suas super iustos, iniustosque mittit, solémque suum super probos improbosque exoriri iubet.

Matt. 5. 45.

IV.

Curiositate.

Infinita illa sapientia probè intelligebat curiosa ingenia, & leuia, scientiæ desiderio, quod ipsa mortalium mentibus inseuit, malè vsura, & primorum parentum stultitiam imitando, manus ad vetitam scientiæ arborem admotura, & iniquissima pactione cum dæmone facta, magicarum præstigiarum, veneficiorum, cæteræque impietatis stadium decursura: noluit tamen eos stupidos, hebetésque reddere, aut sciendi cupiditate priuare. Ad eundem modum sapiens ac liberalis Imperator legiones omnes armis instruit, ad fortiter cum hoste pugnandum, quamuis non ignoret non de fore iurgiosos quosdam, ac rixarum architectos, qui præter eius voluntatem, iisdem se armis mutuo conficiant, atque interimant. Nec corpus humanum debito fraudatur cibo, quamuis membrum aliquod malè affectum, in saniam & putredinem nutrimentum conuertat, neque fenestræ omnes occluduntur, quamuis lippus aliquis lumine offendatur. Verbi Dei præcones populos docere pergunt, & stimulos admovent omnibus ad virtutem, quamuis plerique recalcitrent. Vix enim quarta sementis pars decedit in terram bonam, & fructum non pœnitendum tulit.

Luc. 8.

V.

Regia Dei
liberalitas.

Denique Rex qui gratia aut immunitate quapiam ciuitatem afficit, non cohibet liberalitatem suam, etsi intelligit plerosque ciues secus ac decet ea prærogatiua vsuros. Regia quippe liberalitas amplissima est, nec ad ista minutiora dignatur attendere. Diuina quoque magnificentia procreat conseruatque liberaliter omnia, quæ vsui sunt hominibus, quamuis maximam partem improbis potius, quam bonis vsui fore non nescit. Sed omittamus nunc quidem hunc locum, quem postmodum, vtilis quippe est, retractare placet. Id tantum dicamus modo, Dominum tam liberalem tamque magnificum serio exprobraturum aliquando beneficia sua ingratis, & iustissimo castigaturum supplicio eos, qui accepto rerum creaturarum famulatu, vt fierent ipsis incitamenta, & quasi faces ad eos ad Dei cultum amorémque inflammandos, eas ad omnem alium vsum præposterè conuerterint, ad vanitatem prodigi, ad Dei gloriam, ad suam proximæque salutem, sordidi ac tenaces.

C A P V T XI.

*Deum aduersus hominem extitisse liberalem, mundo hoc aspectabili
in vsum eius condito, ac donato.*

QUO desiderio tenentur eius perfruendæ voluptatis, quæ ex contemplatione magnæ huius mundi molis efflorescit, & vitare volunt nihilominus illa pericula, tot terris, maribusq; decurrendis, tot sinibus & fretis, tot insulis & promontoriis perlustrandis, tot gentibus ac regionibus adeundis, tot desertis locis, ignotisq; littoribus pertentandis, quæ passim offerunt sese, globū terrestrem assumunt in manus aut tabulā cosmographicam, in qua tu: d hæc omnia, aliāque multa contemplantur; longitudinem, latitudinem, vicinitates, & confinia regionum, & provinciarum; ortus, procurfus, & ora fluuiorum; arcium & ciuitatum situs, & inter eas spatia terrarum interiecta; quam poli altitudinem habeant, & quam ab æquatore distantiam, denique quæcunque obseruatione digniora videbuntur; itaque singula in mente describunt, vt de quocunque eorum inciderit disputatio, in illis ipsis locis sibi præsentibus adesse videantur, aut illas aliquando peragrasse regiones.

I.
Mundus in
globo cogni-
tus, aut ta-
bula.

Ego quoque, ait liberalis Amor, lustrare cupiens hanc vniuersitatem diuinarum aduersus hominem liberalitatum, quibus illū Deus ad amorem munifici conditoris allicere cupiebat, simulque veritus periculosam, quasi in latissima sylua aberrationem; (est enim infinitior rerum creaturarum multitudo, quæ terra & mari, omnibusque continentur elementis, atque adeo à mundi centro, ad extremam globorum cælestium superficiem) hominem quasi tabulam accepi cosmographicam, in qua, periculi & laboris expertes, accuratè videamus quidquid eximium in hoc vniuerso aut sensibus percipi, aut mente potest. Eadem opera videbimus quot quæque res perfectionum gradus obtineat, & quantum ad dignitatem rerum Molitoris accedat, qui instar poli aut cardinis est, circa quem vnaquæque res versatur & comitat.

II.
Et in homine
illius septio-
me.

Plerisque auditum est non raro, atque intelligentia faciliè comprehensum, quatuor esse quasi gradus, aut ordines primarios rerum creaturarum; quibus ab infimis ad supremas, atque adeo ad ipsum Deum ascenditur, qui sunt, ipsum esse nudum ac solitarium, tum vita, sensus, ac motus: ad quæ, tanquam ad totidem signa militaria, vniuersus rerum creaturarum exercitus pertinet, sed ordine quodam superiorum ad inferiora; Neque enim instar sunt membrorum vnius eiusdemque corporis, quorum alia aliis non permiscuntur. Ita enim ista rerum genera distributa sunt, vt quædam nudum esse sortitæ sint, vt quatuor illa rerum initia, ex quibus materiata res constant, & quæ formæ rebus accidunt, informis que ma-

III.
Quatuor
veterum crea-
tarū gradus.

teria. Aliæ res habent præterea vitam, ut arbores, omnesque plantæ: aliæ insuper sensu præditæ sunt, ut animalia omnia: aliæ postremo prioribus gradibus omnium perfectissimum rationis & intelligentiæ adiungunt, ut homo. Cumque primus gradus solitarius sit, reliqui omnes prioribus coniunguntur. Eadem est numerorum ratio, eadem ætatum, ac doctrinarum, eadem ordinum Ecclesiasticorum, posteriores requirunt antegressos priores, neque sine illis esse possunt.

IV.

Primus eorum
quæ ex-
sunt d. m.
taxat, ut
aqua.

Vides itaque quatuor illa elementa, omnium quæ cæli complexu cohibentur rerum corporearum materiam, quantumvis magnitudine, soliditate, efficacia præstent, habent duntaxat ut sint, præterea nihil; & illud ipsum habent in usum hominum, aut in eum usum, qui in hunc ipsum denique referatur. Vapores illi humidi, qui ex telluris exhalationibus, aut aquarum expirationibus in aërem coguntur, atque ibi addensati frigore atque concreti solvantur in pluias, terras irrigant, fertilisque reddunt, vrbes enervant atque emundant, animalia potant, & in suos collecti alueos provincias determinant, itinerum molestiis aut brevitatem, aut facilitatem accersunt, vrbes arcisque communiunt, denique in sua infusi maria, amaricie imbuuntur, certos cursus atque constantes mutant in vagos ac turbulentos; quibus ventorum flatus ita moderantur, ut nunc fluctus atollant in cælum, nunc arenas denudent. Aquæ postremo quæ terris omnibus vastissimo ambitu circumfunduntur, nulla existentia contentæ sunt, nec habent quidquam amplius.

V.

Aër, Ignis.

Aër quoque, & venti, qui in eo quasi legitimo campo discurrent, concurrunt, tumultuantur, quorum beneficio naues immensæ molis, maximæque classes ab ortu ad occasum, à borea ad austrum mirabili celeritate transcunt: venti qui adducunt abducuntque nubes, cæli faciem obnubilant ac serenant, qui firmissima propugnacula, turrisque concurtunt atque deliciunt, qui montes ipsos, tractusque terrarum tremefaciunt, discedere cogunt atque dehiscere. Grandines quoque quibus tecta tunduntur, regulæ dissiliunt, arborum folia dissecantur, fructus decutiuntur mortalibus castigandis; nix & glaciæ, ros & pruina, aliæque id genus mixta imperfecta non ultra primum existendi gradum ascendunt. Ignis quoque qui consumit omnia, qui corporibus omnibus propria lenitate superfertur, qui terræ cuniculis inclusus ita exilit atque erumpit, ut arces euertat, diffundat rupes, terræ moles huc illucque dissipat, imitetur tonitrua tormentorum fragore, qui denique in elementis tenet principatum, in imo gradu scalarum mundi subsistit.

VI.

Terra, &
Cæli.

Lapides & metalla, mixtaque omnia metallicæ concretionis, quæ ex terræ visceribus eruantur, quantamcumque habeant pulchritudinem aut bonitatem, quocumque usu, pretiove commendentur, in eodem ordine resident. Sed quid mirum elementa, lapides, ac metalla infimo in gradu rerum hære, cum supremi illi nobilissimique globi cœlestes, quavis fulgurantibus astris ornat, qui pulchritudine, utilitate, duratione, in-

feriora ista omnia facile vincunt, ad eundem nihilominus infimum gradum reuocentur. Neque enim aut vita fruuntur aut sensu, ac ne motu quidem interiore cientur, sed externo duntaxat agitantur, multoque etiam minus intellectu valent. Quo maior extitit mortalium plurimorum stupor, qui eis diuinitatem tribuebant, aut eorum etiam, qui fatum syderibus, eorumque necessariis concursibus, vel conspectibus illigarunt, superstitione, quæ non minus accedit ad idolorum cultum, quam à vera pietate ac religione recedit.

Trans eo ad cæteros ordines, quos obiter attingo. Secundus ergo eorum rerum est, quæ entitatem habent & vitam; vocabulorum enim penuria cogit philosophica vocabula latinitate donare. Hunc ordinem tenent arbores, herbæ, radices, fruges, omnesque plantæ. Itaque videre licet vitam quam vegetantem vocant, sparsam per campos longè ac latè patentes, hic floridos viridantibus pratis, illic multiplici fruge flauescètes. Videas & colles aliquot dierum itinere porrectos, vitibus, oliuetis, amygdalis, omnisque generis nucibus ac pomis conueltitos; fructibus pro conditione temporum, mirabili colore, figura, gustu, odore, cùm reliqua frondium ac florum varietate, oneratos. Vt mittam excelsorum montium abietes, fagos, ilices, quercus, fraxinos, quæ omnia ope vegetantis animæ nutriuntur, crescunt, sibi que similes plantas, fructusque procreant. Quæ omnia latissimè patentem beneficèntissimi conditoris liberalitatem prædicant, quæ homini, cæterisque animantibus in gratiam hominis, vsumque destinatur, atque tribuitur.

VII.
Secundus
gradus ex-
istentium, si-
milique ui-
uentium.

Tertius est gradus animantium ratione carentium, sed sensibus nihilominus, & motu præditi. Vident enim, audiunt, gustant, odorantur, & tangunt, animaque interius agitante mouentur; quæ omnia pro nobilitate naturæ, perfectius imperfectiusve moliuntur. Vides ut volucres pennis aëra diuidunt, ut pisces aquas branchiis, pari studio, non dissimili voluptate, ut cætera animantes in terra, repunt, saltant, progrediuntur, partim syluestres ac feræ, partim cicures, ac domesticæ, prout liberè in syluis & cauernis, vel in domibus sub pastorum cura stabulantur. Passim quoque singulæ industria quadam donatæ sunt ab autore naturæ, qua sibi de cibo prouideant, sese contra hostiles tueantur incursus, sanitatem læsæ recuperent, vitamque conseruent. Quæ omnis solertia, facultasque naturæ, non aliò destinata est, quam ut homini seruiant, eum ferant, foueant, nutriend, vestiant, exhilarent, castigent: doceant denique admirabilem erga se magnificentissimi Domini, ac parentis Mundi liberalitatem.

VIII
Tertius ani-
malium
totum.

Superest quartus supremusque gradus in hoc mundano ædificio, qui in ratione intelligentiæque positus est, in quo homines, Angelique insunt, & utrorumque conditor Deus opt. max. Hic est, inquam, supremus entium gradus, quo nullus nobilior esse potest, cùm is pertineat ad ipsū

IX.
Quartus
hominum, &
Angelorum.

Deum, qui gradus spiritalem naturam, immortalitatem, libertatem, benè malèque agendi facultatem continet, & mentem, quæ gratiæ, quæ sapientiæ, quæ ipsius Dei particeps esse possit. Animaduertite mortales liberalissimum Dei in vos amorem, quibus solis donatione pura, simplici & irrevocabili donauit quidquid omnibus rebus creatis largitus est, ipsamque præterea intelligentiam proximam Deo, quamuis nullis præuentus meritis, nullis precibus exoratus, imò non ignarus quam pauci acceptæ gratiæ memoriam grato animo essent conseruaturi.

X.
Dei in homi-
nè, præ brutis
liberalitas.
Gen. 23. 6.

Exod. 33. 19
Matt. 22. 37.

Legimus magnum illum Abrahamum dedisse cuncta quæ possederat Isaac, filius autem concubinarum largitum esse munera. particula videlicet quæpiam hereditatis aspersisse inferioris notæ filios, Isaacum autem ex asse factum heredem. Deus hominem à mutis pecoribus secrevit, hoc ipso quod illum præ istis fecit idoneum ad contemplandam diuinitatē. Et omnia eius bona, quæ ab ipsa æternitate possedit, perfruenta. *Ostendam omne bonum tibi*, aiebat Dominus Moyse famulo suo: & insuper addidit quidquid possident cæteræ animantes. Nonne hominem vehementer cæcum esse necesse est, qui tantam Dei in se liberalitatem non intelligat: non mirum in modum ingratum, qui tantam gratiam officiosè non agnoscat, nec amore remetiatur quam maximo potest, & quem ab eo ipse postulat, dicens, *Diliges Dominum Deum tuum ex toto corde tuo, ex tota anima tua, ex omnibus viribus tuis.*

XI.
Tanquæ in
eorum prin-
cipem.

Gradus en-
tis in eo per-
fectius quæ
in rebus in-
ferioribus.

XII.
In ductione
declatur.

Possumus in his quoque gradibus aliquid agnoscere gratiæ aduersus hominem singularis, & eximiæ liberalitatis. Si qua vestis lanea principi conficienda est, pannus quæritur pretiosissimus; si linea, tela eligitur pulcherrima, atque mollissima; si arma illi fabricanda, placet illa & materiæ bonitate, & formæ dignitate esse præstantissima; si ædes construendæ, parij lapides, columnæ marmoreæ ac porphyreticæ, iaspidea capitella non desiderabuntur, non ligna cedrina atque cypressina; & cum singula exquisitissimo artificio elaborata fuerint, vniuersa elegantissima sibi inuicem, ac iucundissima proportionem respondebunt. Splendidissimus mundi princeps hominem, quem animantium cæterorum regem constituebat, & huius mundi principem, magnificè per cæteris, & quasi sumptuosius exornauit, ut qui hosce rerum quos dixi gradus in homine perfectiores, & quasi excoctos & perpurgatos esse voluit, quam in brutis animantibus, plantis & elementis, beneficio supremi gradus intelligendi, quem cum Angelis, ipsoque etiam Deo communem habet.

Deus ergo ipsum tibi esse dedit ô homo, quoddam elementis, sed in te præ istis nobilitatum: vitam, quam & plantis, largitus est tibi, sed quam in plantis perfectiorem; internos tribuit externosque sensus, quibus præditæ sunt pecudes, sed exquisitiores, ut qui plura possis obiecta dignoscere, & de iis maiore cum certitudine, propter adstantem comitemque rationem, ferre iudicium. Cuius rei causa ad nobilitatem, & perfectionem rationalis animæ referenda est, quæ humanum corpus in-

format.

format, ei que vitam, sensum, motum, ratiocinationem impertitur; quæ sensuum notitiam iuuat, sicut conspicienda oculorum infirmitati, & confusæ visioni seruiunt. Sic præceptor confusas discipulorum cogitationes, intricatasque sententias euoluit, & eductas è tenebris, in bono lumine collocat: quas ipse nihilominus illustriores habet in mente sua, quam tyrones vniuersi.

At enim intelligendi gradus, inquam, nobilior etiam est in Angelis, qui puncto temporis mentibus suis obiecta concipiunt, quam in hominibus, qui non nisi ratiocinando intelligunt. Neque mirum ait Liberalis Amor, perfectiorem enim habent intelligendi modum. Hæc tamen intelligentiarum perfectio, non parua gloria ex gradu corporeo compensatur, quod magno miraculo cum spiritali coniunctum est, illiusque opera plerisque in rebus sit Deo similis, ad quas Angelus aspirare non potest. Animus enim in corpore sicut in mundo Deus, totus est in toto corpore, & in qualibet parte totus. Et sicut idem animus, etsi spiritus est, dat corpori esse corporeum, sensum etiam vitamque plantarum & pecudum, quamuis sensum tantum habeat, vitamque rationi congruentem. Sic Deus immotus dat cuncta moueri, & spiritali entitate dat vitam, sensum, intelligentiam omnibus quibus ista conueniunt; quia in ipso viuimus, mouemur, & sumus. O anima rationis particeps, quam magnum, quam bonum, quam liberalem, quam amabilem Dominum habes. O quam immaniter ingrata es, nisi eum dilexeris, qui, ut persuasum haberes te ab eo diligi, tam insigniter in te liberalis fuit!

XIII.
Eius intellectus Angelica collatus.

AMOR
LIBERAL.

Homo præ Angelo Deo similis.

CAPVT XII.

Conditio que diuini erga homines Amoris liberalitatem vehementer amplificat.

MINIMè porro æquum est ut tacitam prætereamus quandam diuinæ liberalitatis conditionem, quam supra attigimus, qui illam mirificè auget, ac commendat. Nunquam principes in subditos suos solent esse benefici, aut eis munerum immunitatem dare, quin prius eam illi gratiam multo sudore collegerint, aut sint deinceps multis operibus, officiisque promerituri. Ne pater quidem filios erudit, promouet, ditat, quin inde vel fructum non leuem propriæ consolationis expectet. In liberis enim suis magnum se atque honoratum putat, & moriens in ipsis se quodammodo superstitem fore arbitratur. Eadem est cæterorum ratio beneficiorum, quæ vulgò conferuntur. Nam, ut ait Philosophus, Affectio qua se quisque prosequitur, causa est & fons benefactorum, quæ deriuantur in alios. Quin & illud sine dubitatione

I.
Hominum non pura liberalitas.

confirmo, plerisque eorum, qui relicta mundi vanitate ad Christi castra, in vita religiosa, se aggregant, non tanta puritate mentis, atque intentionis hoc Seruatori offerre sacrificium, quin simul promissum illud centuplum, & vitam æternam recordentur.

II.
*Dei autem
sincerissima.*

At res longè aliter habet in Deo. In omnium quippe rerum molitione, & perfectionum, quæ ad ipsarum conseruationem valent, nullum sibi emolumentum, ac ne delectationem quidem quæsiuit; Immensitas quippe bonorum eius nulla potest accessione crescere. Cùmque infinita retro æternitate, cum Filio, ac Spiritu sancto, beatissimus fuerit, omnique potentia, bonitate, sapientia cumulatissimè locuples, producendo recens aut non producendo mundo, nihil aut perdere poterat, aut lucrari. Nullum est agens, quòd ei quippiam auferre possit, qui enim possit, nisi fiat omnipotente potentior? Nullum quod maiorem possit efficere: vnde enim possit, nisi conferendo de suo, vnde autem aliquid habeat, nisi acceperit ab ipso Deo, qui quæ donat ita retinet, vt eius opes donando nulla ratione minuantur. Agnosci enim immensas eius opes, aut prædicari, honore affici, agendis gratiis habendisque coli, hominis bona quædam sunt, à quo eliciuntur huiusmodi actiones, non ipsius Dei, quem vix modica rerum creaturarum particula agnoscit, aut prædicat.

III.
*Et aduersus
Deum imi-
tanda.*

Confidera ergo nunc an tanta largitas, tam candida liberalitas, tam pura sinceraque donatio, sine vlio vel onere vel conditione, præterquam diligendi benefactoris, immensum amorem si fieri posset, non mereatur, infinitam gratiarum actionem non requirat. An non digna sit quæ inuitet, impellatque homines, vt propter Deum opes suas, laboresque profundant, atque aded vitam ipsam & sanguinem: vt spes omnes à se, consilia, desideriaque, nisi quæ diuinam spectent gloriam, in perperuum reiciant, ac prorsus abiudicent. Quanquam ne illa quidem, quamuis æquissima conditio diligendi benefactoris, in prima illa rerum molitione expressa est. Neque enim homo erat, quocum pacisceretur Deus, cùm hæc omnia in gratiam futuri hominis procrearet: neque beati illi Angeli pro homine vades fortassis esse voluissent, sociorum suorum inconstantiam, infirmitatem, & infelicem euentum experti.

IV.
*Deus non
dedit bona
sua sub con-
ditione dili-
gendi.
Deut. 10. 12.*

Multis quidem post sæculis Hebræo populo à famulo suo Mose dici iussit, *Et nunc Israel, quid Dominus Deus petat à te, nisi ut timeas Dominum Deum tuum, & ambules in viis eius, & diligas eam, ac seruias Domino Deo tuo, in toto corde tuo, & in tota anima tua.* Et res ipsa clamat iustissimam esse obligationem diligendi benefactoris, neque aliter omnino fieri posse, nisi ab eo, qui omnem funditus exurit humanitatem. Certum tamen est non esse adhibitam illam conditionem, vt nisi qui donationem accepisset, eum diligeret qui donasset, irrita esset illa donatio. Immensam enim hanc bonorum ac subsidiorum humanæ vitæ syluam, bonis & malis largè copiosèque distribuit, eisque raro admodum, quan-

tatis interueniente noxa, nocentes expoliat. Non ita Cananitidem postea dedit Dominus Israël, sed cum onere, suauiss. mo illo quidem, sed tamen onere, custodiendi mandata Domini, & ceremonias eius, & ipsum vnum colendum, proposita pœna si facerent, amittenda quamprimum: region. s. quam præcedant adituri, & iucundissimæ libertatis in durissimam seruitutem, vt postmodum res ipsa docuit, commutandæ.

Alia est ratio donationis, de qua disputamus. Neque enim Deus mentem aufert, aut iudicium iis, qui studiosè rationes & vias excogitant Numinis subinde violandi, nec memoriam illis eripit, qui eius, nisi iniuriæ causa meminerunt. Neque eos libertate priuat, qui sponte ac delecta opera mancipia Satanae esse voluerunt: non illis aures adimit oculove, qui illis vni fere peccato seruiunt. Quid? num agri, prata, vineæ, horti ac villæ eorum, qui hanc vnam mortalis huiusce vitæ felicitatem adamauerunt, proque ea non ægrè Deo, eiusque beatitudini renuntiarent, terra discedente absorbentur? Minimè sanè: sed iis patitur eos iucundissimè frui, adeoque vires illis & facultatem suggerit ad fruendum, illasque ipsas delicias conseruat, augétque. Eorum filij, vt ait regius vates, *sicut nouella plantationes in iuuentute sua, filia eorum compositæ, circumornatae vt similitudo templi. Promptuaria eorum plena, eructantia ex hoc in illud. Oues eorum fœtosæ, abundantes in egressibus suis, boues eorum crassæ. Non est ruina macerie, neque transitus, neque clamor in plateis eorum. Cælum illis terræque arridet, omnia ex voto succedunt.*

Quid ergo? num patiens ista liberalitas perpetrò duratura est? Editur, luditur, potatur, nihilne de satisfactione cogitandum? Quamdiu questores isti Dei dona plena manu recipient, nec vlla ratio datorum ab eis, acceptorumque requiretur? Quamdiu bona sua ita dissipari tacitus sinet, ac dilapidari in oculis suis? Audi eum per Prophetam loquentem. *Dominus sicut fortis egredietur, sicut vir præliator suscitabit zelum, vociferabitur & clamabit, super inimicos suos confortabitur. Tacui semper, filii, patiens fui, sicut pariuuiens loquar, dissipabo, & absorbebo simul. Quantò autem diutiùs dissimulauerit, quantò fuerit longior patientia, tantò erit maior indignatio, acerbiùsque supplicium. O quàm malè ageretur cum seruo illo Euangelico, qui differente redditum Domino, domi tumultuatur, seruos percutit & ancillas; edit, bibit, inebriatur, veniet utique, veniet ex improviso Dominus, qui animam à corpore diuidet, parique cum infidelibus pœna cruciabit. Aut etiam maiore; quoniam scriptum est, *Seruus qui non cognouit voluntatem domini sui, & fecit digna plagis, vapulabit paucis.* Præ illo scilicet, qui eam cognouit; quem moles horrenda tormentorum manet.*

Deut. 4. 26.
27.
Iosue 23. 13.
25.

V.
Nec aufert
non diuina
tibus.

Psal. 143. 12.
13.

VI.
Vlcus tamen
abusum.

Isa. 42. 13.
14.

Luc. 12. 46.

Ibid.

CAPVT XIII.

Alie circa eandem Dei liberalitatem considerationes, in primis que de libro creaturarum.

I.
*Liber crea-
turarum.*
AMOR
LIB.

Eius autor.

II.
*Ex docti
Patriarcha,
Sali sancti.*

Psalm. 18. 1.

III.
*Tradit om-
nem scientiam
Grammaticam.*
Eccl. 40. 1.

Poesim.

EXIERE iam pridem non pauca volumina, ex quo maximè ars typographica inuenta est, quibus linguarum omnes excultæ sunt, scientiarum omnes, artes, facultatesque traduntur; quibus & doctorum hominum bibliothecæ plenæ sunt, plenæ & officinæ, & apothecæ librariæ bibliopolarum. Ingenuè tamen fatendum est librum esse quendam, iam olim in lucem editum, qui palmam cæteris omnibus iure præcipiat, qui hætenus aspexerunt, aut deinceps aspectum sunt lucem. Hic liber omnia capit, quæ in cæteris continentur, ubique editus est in lucem, omnibusque linguis, nulla ut gens sit tam barbara, quæ eius linguam non intelligat. Hic unus liber, ut omnes bibliothecæ & officinæ pereant, interire non potest; unus scientias omnes docet, & quicumque in eo fuerit studiosè volutatus, euadet profectò in præstantem virum. Quis est igitur hic liber, & quis eius autor? Autor libri Deus est, ipsum autem volumen est Liber creaturarum, quem in molitione mundi Deus emisit in lucem.

In eo studuerunt antiquissimi Philosophi atque Theologi, sacri profanique, Iobus & amici eius, Orpheus, Musæus, Trimegistus; maximè autem primi illi Patriarchæ, qui multis vitæ suæ seculis, varia naturæ arcana, proprietatesque experimento discebant. In eodem postea libro multum studij posuerunt, magnosque habuere progressus Abrahamus, Isaacus, Iacobus, & filij eius, Moses, & Dauid, alique dum vitam in syluis cum pecoribus agitant: plurimòque cum Deo & cælitibus colloquio perfruuntur. Accessit Antonius ille celeberrimus, alique innumerabiles desertorum locorum cultores; nobilissimi deinde cænobitæ Basilus, Benedictus, Bernârdus, Franciscus, alique non pauci, in eoque mirabilia, Deo instituyente didicerunt. Linguis omnium loquitur, & ab omnibus intelligitur, Cæli enim, ut ait Psalmes ille regius, *enarrant gloriam Dei, & opera eius annunciat firmamentum, Dies dei eructat verbum, & nox nocti indicat scientiam. Non sunt loquela neque sermones, quorum non audiantur voces eorum. Denique, In omnem terram exiit sonus eorum, &c.*

Tradit hic liber omnem scientiam. Terra enim, quæ una est de creatis rebus, antiquissima est hominum mater, quod cum bona venia Euæ dixerim, auiæque primariæ. Quod vidit Sapiens ille, cum diceret, *ingulum grane positum esse super filios Adam, à die exitus de ventre matris eorum, usque in diem sepultura in matrem omnium.* Docet hæc communis mater demissè de se loqui terrigenas, ortus interitusque sui conscios. Docet idem Liber Poëtarum fabulas, ipsaque experiëntia probat, mundi negotia,

& curas, studia, contentiones, ambitionemque omnē, vanissimā esse verissimāque fabulā, quales sunt, quæ à poëtis dantur in theatro. *quarum memoria cum sonitu perit.* Aut esse reuera tragœdias, quarum aditus non iniucundi, luctuosa catastrophæ terminantur. Nam Salomone teste, *extrema gaudij luctus occupat*, quales fuerunt nuptiæ Madabæorum, *quæ conuersa sunt in luctum, & vox musicorum in lamentum*; qualis triumphus Amylij Pauli, qui, ad ludibrium casuum humanorum, duobus funeribus liberorum eius cruentatus fuit.

Psal. 9. 7.

Prou. 14. 13.

1 Mach. 9.

41.

Liuius.

Eadem terra superiorum ætatum docet historias. Passim enim occurrunt parietinæ, & rudera superbiorum olim ædificiorum. Vistur hic pars aliqua columnæ, aut epistylj fornicis triumphalis Cæsaris aut Pompeij; illic arcus aliquis, aut pila diruti aquæductus. Hic pyramis delecta fulmine, ibi mausoleum terræmotu conuulsatum. Hic diffracta colossi membra marmorea, illic dirutum magna ex parte amphitheatrum, & arenæ toties ebrizæ sanguine hominum, & belluarum. Quæ omnia rerum humanarum vanitatem tacite clamant, & infirmitatem consiliorum humanorum, & gloriæ principum, quorum olim nutu terra contremuit, quorum corpora exesa primum vermibus, in puluerem redacta sunt, animæ ardent in inferis, dum excitata è sinu terræ corpora, luendis perpetuo scelerum suorum suppliciis, suis sociantur animabus.

IV.

Historias.

Cœli Rhetoricam docent, habentque argumentum orationis suæ, gloriam magnificentissimi conditoris. Cœli enim enarrant gloriam Dei: nec syderibus & stellarum figuris carent, quibus eorum illuminetur oratio, quæ ipsæ iucunda varietate motuum, magnitudinum, colorum, virium, ad influendum in hæc corpora sublunaria, præditæ sunt, nec obscure docent nobilissimas conditoris dotes. Iidem nos cœli fulgore suo & pulchritudine delectant, mouent, calefaciunt, viuificant; perscrutantque profectò illum, qui inferum regiæ suæ tabulatum, quod ista mortalia, & caduca respicit, tot adamantibus & pyropis, tot carbunculis & smaragdīs, tot topasiis & saphiris, tanta copia ac liberalitate ornauit, distinxit, & in cæruleo fundo, quasi in annuli pala inclusit, multo præstantiore apparatu empyreas illas aulas & porticus, exedras & triclinia, cellas & sanctiora conclauia, parietes & pauimenta singulorum, thronos & abacos, lectos, mensas, omnemque, totidem regum quot ciuium, supellectilem exornasse.

V.

Rhetoricam
cœli docent.

Cœlum libri huius pars vna est. Ideoque Esaias vaticinatur, cœlos quasi librum complicatum iri; Et Ioannes in Apocalypsi ait cœlum sicut librum inuolutum recessisse. Stellæ & planetæ sunt eius literæ, quasi illustri colore illitæ, quæ diuersa faciunt, docentque anni tempora, diuersasque mutationum vices, quæ in aëre, terra, marique contingunt. Itaque docent astrologiam, vt vnâ profiteantur se naturam illam suam nostri causa recepiisse, & à tot retro seculis, supra capita nostra, & infra pedes admirabili celeritate versari, vt liberalissimum illum creatorem

VI.

Astrologiam

Ca. 34. 4.

Ca. 6. 14.

Musicam. agnoscamus, & amemus, religiosè colamus. Hic ipse liber musicam docet, non Pythagoricam illam, ex cœlorû motu & collisione profectam, sed harmoniam spiritalem, in debita rerum omnium proportionè positam, quæ aptissimè fini suo, principiôque respondeat; idque tam congruenter & accuratè, nulla vt nota, suspitio, punctûve musico aberretur. Solus homo, quem rerum omnium creatarum solertissimè, artificiosissimèque canere oportebat, abutens libertate sua, concentus ineptissimos, atque ingratisissimos facit.

VII. Physiologiâ. Docet & naturalem philosophiam, & experientiam vanitatis humanæ conditionis; quæ hominis causæ, quæ principia, qui motus & quies, quod tempus & duratio, quis locus eius, quôdque vacuum, atque ita de cæteris rebus, quæ eum manuducunt ad cognitionem conditoris, cõseruatoris, & gubernatoris sui; nec hominem sinunt excusatione vtî, sed incredibilis cuiusdam ignorantia, stultitiaque coarguunt, istos suo iudicio valde sapientes, ac si Superis placet, etiam theologos, qui mentis oculos aperire non possunt, vt in istorum pulchritudine corporum, eximium conditoris decorem agnoscant, in eorum magnitudine immensitatem, in duratione æternitatem, in robore & firmitate potentiam infinitam. Qui non videant in animantium solertia sapientiam auctoris absolutissimam, in mutatione immutabilem immotamque constantiam, in paruis subtilitatem incredibilem, & in vniuersis admirabilem bonitatem; quæ singulis liberalissimè prouidit de omnibus, quæ illis necessaria sunt, vt sint, vt conseruentur, vt agant.

VIII. Naturæ legem, & ciuilem. Tradit idem liber naturæ legem, basim ac fundamentum reliquarum, quam exhibet tam amplo charactere descriptam, vt eam, vel qui capti sunt oculis, legere possint. Qualia sunt illa, Quæ tibi fieri nolis, alteri ne feceris, & quæ velles tibi fieri, alteri facito. Quam legem qui obseruauerit, in cæteris nihil peccabit: ciuilem enim & socialem vitam illa digerit, & accuratè componit, quæ voluntatem nostram ad odium mali, & ad boni amorem inflectit; sollicitat ad decus & honestatem amore mercedis, absterret à noxa formidine pœnæ; qui sunt quasi gemini arcus obnitentes, ad quamuis publicam rem sustentandam. Denique si eam assumamus, ac sequamur ducem, nunquam à recta via deflectemus.

Medicinam. Tradit & medicinam, commonstrandis simplicium plantarum viribus, ipsis etiam brutis animantibus non ignotis, quibus mirabiles curationes sunt; cui rei seruit in primis temperantia & sobrietas, pharmaca præsentissima corporibus animisque curandis. Illud enim in confesso est, plures gula, quàm gladio periisse.

IX. Scientiam morum. Denique liber hic morum scientiam, docet vsûmque virtutum, & nominatim amorem, gratiarum actionem, liberalitatem. Omnes enim res creatæ Dei opera sunt, eadèque beneficia impensa mortalibus, quæ perpetuò clamitant, sume beneficium, agnosce beneficentiam, fruiere liberalitate; sed reddat amorem largienti cor tuum, reddat lingua gra-

tiarum actionem; manus opera mutuae liberalitatis. O egregium volumen! ô beneficentissimum eius autorem! ô quam sapientes euadunt, qui studium suum in eo tractando, addiscendôque potuerunt. Quam liberalis ac benignus fuit ille Doctor, qui eum emisit in lucem!

CAPVT XIV.

Ceteris rebus impensa liberalitas, impenditur hominibus.

ARBITROR tibi non ingratum fore, ait Liberalis Amor, si paulo ampliore in hoc rerum creatarum libro nauemus operam, ut in eo plenius Dei liberalitates agnoscamus, quæ sunt totidem certissima testimonia ipsius in nos amoris, & iustissima philtra beneuolentiæ nostræ. Imo verò, inquam, facturus es nobis rem longè gratissimam. Iamque haud modica nos gratia obstrictos tenes, quod vltro polliceris operam, quæ magnis precibus emenda sit. In eodem igitur volumine legimus, ait, conditionē huius diuinæ beneficentiæ cōsideratione dignissimam. Quod scilicet quæcunque animantibus, ceterisque rebus creatis attributa videntur, donata sunt homini: nihil enim inferius homine vllum dominium, aut cuiuscunque rei possessionem obtinere potest; quippe quæ rationis vsum, ac libertatem requirunt, qua quis re aliqua pro arbitrio uti potest. Cumque res ipsæ suæ non sint, si enim alio domino careant, sunt primum occupantis, multo minus, quæ eis adueniunt, ipsorum esse possunt.

Et certum quidem est creata omnia Dei esse, à quo habent, quidquid sunt aut possunt, quidquid habent aut sciunt; verum hoc ille dominium magna ex parte homini cessit, atque transcripsit; iuxta illud, *Replete terram, & subiacete eam. & dominamini piscibus maris, & volatilibus cæli, & vniuersis animantibus, quæ mouentur super terram.* Non iubet subiacere terram hostibus perdomandis, nulli enim tunc erant, sed vult hominem ostendere, eam sibi, tanquam legitimo Domino, subiectam esse, qui potest tanquam in proprio solo ædificare, & constructa diruere, plantare & euellere, habitare, & deserere habitationem. Iubet quoque magnus ille Dominus hominem omnis generis animantibus dominari: debent ergo hominibus famulatum, potestque compellere repugnantes, iuxta alterum illud decretum, *Sit terror vestester ac tremor supra cuncta animalia terræ, & super omnes volucres cæli, cum vniuersis, quæ mouentur super terram: omnes pisces maris manus vestrae traditi sunt.* Ergo etiam quidquid in eis est roboris, industriæ, commodi. Mancipiorum enim bona, habilitates, & lucra, ad heros ipsorum sine controuersia pertinent.

I.
LIB. AM.
*Res inferior
res homine
dominio care
rent.*

II.
*Quod Deus
in homines
transiit.*
Gen. 1.28.

Gen. 9.2.

III.

Eiusque nobilitati id congruit, ut eorum fini.

Nititur quoque hoc dominium hominis super ceteras animantes, ipsius dignitate ac nobilitate naturæ, qua proximè accedit ad Angelos, adeoque attingit ipsum Deum, ut suprà disputatum est. Philosophia quoque vniuersa cum Aristotele proficitur hominem esse finem ceterarum rerum, finis autem iis præstat, quæ media sunt, & referuntur ad finem, à quo suam hauriunt bonitatem: & quidquid refertur ad media, per eadem ipsa refertur ad finem. Hoc lignum igni destinatum est ad coquendum cibum, cibus autem paratur homini; itaque & lignum, & ignis, & quidquid est utilitatis in utroque hominis est, debetur ipsi. Id Psal. 103. 14. significat regius vates, cum ait Deum *producere fenum iumentis, & herbam seruituti hominum*: quia herba seruit iumentis, quæ seruiunt hominibus. Et cum Apostolus visus est negare Deo curam esse de bobus, non negat Dei in omnia ab ipso creata prouidentiam, qua illa conseruat & dirigit ad fines suos, sed negat ipsum, præ hominibus, animalium curam gerere, quando neque ipsorum, nisi propter homines, curam gerit.

IV.

Res corporeæ non sunt condita propter Deum.

Placet hanc ipsam veritatem hac argumentatione illustrare; non parum enim interest ut altè demittatur in pectus. Clarum est hæc omnia quæ cernimus ad aliquem usum esse destinata. Nihil enim inutile à Deo conditum est. Creata ergo sunt, ut vsui essent Deo, aut ut iis vterentur Angeli, aut homines, aut postremo bestię ipsæ. Certum est nullam ex iis in Deum redundare utilitatem, quippe qui, priusquam eas conderet; centum millibus annorum iis, sine vlllo suo damno, caruerat. Vnus sibi ipse sufficit, & ab omni æternitate suffecit, nullius indigens, imo omnia sustentans, & si manum illam suam vel temporis puncto retraheret, omnia illico pessum irent. Solus ipse per sese beatissimus, nec aliunde quidquam mendicare potest, cum nihil habeant creatæ res omnes, quod non hauserint ex thesauris eius, & quod non adhuc in eis cumulatissimè reperiatur.

V.

Neque propter Angelos.

Angelis autem, qui meri sunt spiritus, cui vsui esse queant ista corporea: utique non magis quàm animæ hominis vita functi cibus aut potus, aut vestimentum. Ne sol quidem aut luna, aut stellæ beatis illis mentibus utiles sunt, nec lumen aut influxus astrorum cælum pervadit empyreum; & ut peruaderet, in spiritus agere non posset. *Non egent*, ait Ioannes, *lumine lucerna, neque lumine solis, quoniam Dominus Deus illuminabit illos*. Et rursum. *Et ciuitas non eget sole, neque luna, ut luceant in ea*. Nam claritas Deo illuminauit eam, & lucerna eius est agnus. Multo minus eis necessaria sunt animalia, elementa, metalla, & reliqua sub luna posita. Soluti sunt illi legibus mortis & interitus, nullam temporis ansam aut mutationi præbent, neque cæteris humanæ vitæ necessitatibus subiacent.

VI.

Aut bestiis.

Postremo ne pro bestiis quidem, aut rebus inanimis dici possunt condita ista quæ cernimus, aliisque sensibus percipimus. Nam præterquam quod, uti diximus, dominium in illa exercere non possunt, pa-

Sum id diuinæ sapientiæ consentaneum videri posset: vt stultum esset existimare sapientem aliquem virum opiparum canibus conuiuium, felibusque destinasse. Cùm ergo mutæ pecudes, maximam rerum creatarum partem non norint, non fruuntur, non ad vsum aliquem destinare possint, multoque minus ea, quæ vltimum rerum ordinem, vel penultimum occupant, quibus nulla subest omnino cognitio, id planè consequens est omnia propter hominem facta esse: quæ est conclusio ad quam dudum argumentatio nostra ferebatur.

Magnus ille Hebræorum legislator Moses apertissimè docet solem & lunam, & omnia sydera, quæ mundum ornant, atque illuminant, à diuina liberalitate condita in ministerium cunctis gentibus, quæ sub cælo sunt, vt eis diurnum & nocturnum, & quatuor temporum vices notent, atque discriminent, vt quasi accensæ, & in alto collocatæ facès, diem atque noctem congruo splendore collustrent, eaque ipsa functione homini famulentur. Multo ergo magis idem legislator intelligit inferiora ista, quæ habemus in manibus, quæ nostri arbitrij sunt & potestatis, nostræ addicta fuisse seruituti: cùm præsertim nulli se negotio, præterquam cibo aut somno capiendū vtihiter applicare possint: in quibus quidquid vtilitatis capiunt aut voluptatis, id omne in hominis emolumentum, vel delectationem cedit, qui insilit dorso cursoris equi, cùmque in stadium præliumve deducit. Ephippia si elegantia sunt, equitem honorant, si commoda, eiusdem commoditati seruiunt; equo autem ipsi oneri sunt, & impedimenta libertatis.

Sed cælestes illos globos repetamus si placet; in nobiliore argumento magnificentior videtur oratio; Quorum quæso commodis cæli seruiunt, dum toties terras mariæque circumeunt, astra ab ortu ad occasum, à meridie ad aquilonem, aut alterutrum tropicum transferunt? Quid cæli vel solis interest quiescere, aut cursim cæli domos, quasi totidem mundi lastrare custodias? linea recta decurrere vel circulari? vno pluribusve simul motibus cieri? nōne vt vicissitudines annuversarias in omnibus mundi plagis constantissimè conficiant, & per vices omnibus earum cultoribus vtilis sint? Quando autem motus illi tam artificiosè compositi conquiescent, & illa sydera insigne recipient fulgoris & pulchritudinis incrementum; quando itellæ quasi luna fulgebunt, & luna splendorem solis æquabit, & sol septies erit illustrior, quibus obsecro fiet tam mirabilis illa mundi renouatio? utique beatis hominibus, qui hæc videbunt lucere sub pedibus, quæ simul calcabunt & contemplabuntur. longè quàm nunc maiore notitia; & hoc quoque argumentum habebunt diuinæ bonitatis perpetuò celebrandæ.

Sed illuc redeo, num arbitraris pulchritudinē solis esse propter ipsum solem, qui nescit formosissime sit an deformis, nec lætitiæ particeps est aut mœroris, sicut nec cognitionis. Lunæ motus ac mutationes nullum ad ipsius vsum commodumve digessi sunt. Perinde illi est pleno orbe à sole

Sed propter hominem.

VII.
idem de astris docetur.
Deut. 4. 19.

VIII.
Eteorum affectionibus.

Isa. 30. 26.

IX.
Inanima suo decore, aut bonitate non fruuntur.

*Multiplex
stellarum
usus.*

esse remotissimam, aut soli in ortu esse obituque subiectam; nec sibi crescens magis placet quàm senescens; sed non perinde est hominibus, eam esse à conditore Deo cum ita varietate progenitam. Scellæ, quæ quasi diuersæ magnitudinis adamantes fulgurant in orbibus suis, eos magnificè ornant & pene dicam locupletant, nullum tamen eis vtilitatis fructum aut delectationis ferunt, sed hominibus ipsis, quibus noctu iter agentibus sunt nocturna horologia, nauigantibus in cursu duces, agricolis præsentiones ac prædictiones rerum futurarum, doctores astiologis, omnibus admirationis argumentum. Denique non magis in pulchritudine sua vel æstimatione cœlum acquiescit, quàm pannus, cum auri argente limbo textili, quàm tela, cuius ora artificiosè acu pingitur, quàm serica vestis, quæ opere phrygio variis locis aptè elegantèrque describitur.

*X.
Idem declaratio
urdo sub
lunaribus.*

Quid elementa dicam, & ex iis conflata corpora? Quis niueo liliorum candore fruitur? quis ocellorum, violarum, caryophyllorum pulchritudine, aut rosarum odore suauissimo? num flores ipsi, qui neque pulchritudinem suam, neque odorem, neque virtutem norunt, aut homo potius, qui eos videt, odoratur, intelligit? splendor auri argente collucens, læuitas expolitorum metallorum, quibus aurificis artificiosa manus accesserit, preciosi lapides gratissima luce, & colore scintillantes, fructuum tam varius multiplexque sapor, herbarum admirandæ vires, quem fere præter hominem iuuant, aut delectatione reficiunt? Itaq; cum plantæ à conditore Deo aliis qualitatibus donari potuissent, quæ magis ad earum conseruationem valitæ erant, eas tamen acceperunt, quæ ad hominum cibum & curam, conseruationem & recreationem valent. Huius ergo bonitatis & pulchritudinis gratia, non cœlis aut lapidibus, non floribus, alijsve plantis facta est, ac ne bestis quidem, sed hominibus, qui eis frui possunt: quorum tamen plurimi non maiorem donatori gratiam agunt habentve, quàm lapides aut quadrupedes. Deus meus quàm ingratum animal dilexisti!

CAPVT XV.

Declaratio diuina liberalitatis & gratie facta brutis animantibus, ipsique homini in gratiam hominis.

*I.
Dotes brutorum
homini
data.*

LI BET hîc, vt in peramœno loco, immorari non nihil, & circa pecora ipsa in rem nostram philosophari per paucis, quæ cum nonnulla cum hominibus cognitione communicent, ita & aliqua delectatione capiuntur, sed quæ in eorum dominos magna ex parte deriuetur, vt qui ad rudem illam & inchoatam cognitionem sensuum, mentis habeant & rationis adiunctam. Vis & robur, celeritas, & generosa equi bellatoris alacritas, multò minorem affert ipsi equo, quàm equiti vo-

luptatem, qui dorso eius insiliens domitu illum informat, & ad multiplicem ex arte motus iucundo labore condocet. Viden' ut catuli feléque domestici incurrunt in sese ludibundi, ut fuscque déque se, quasi in lucta versant, ut se vicissim commordent innoxii, ut insiliunt in se desiliuntque mutuo, ut molles in omnem membrorum flexum, petauristas vel imitantur vel instituunt, non tam suæ, quamquam etiam suæ, quam dominorum relaxationi.

Luscinia non argutè solùm & numerosè, sed multa etiam cum hilaritate cantillat, etiam cum propriæ valetudinis & vitæ damno, præsertim si quem reperiat æmulum, qui eum superare, aut æquare velle videatur. Verùm homo qui plus phantasia valet, & aurem habet eruditorem, & mentem, quæ supra cogitationem suam inflat sese atque reciprocatur, quæ causas & organa crispantium vocularum cum admiratione cõtemplatur, maiorem sine controuersia percipit voluptatem. Si quando molossus maiore loco est in pugna cum lupo, minus recipit delectationis, cum hostem moribus animosè fatigat, quam pastor ipse pugnae contemplator. Eadè est ratio accipitris deorsum ruentis in subiectâ prædam, eadè vertagi leporem inuadentis, aut ceruum, eadèque cæterorum, quos victoria, & pugna ipsa delectat, frigeret alioqui venatio, ut quæ sit ab ignauo cane, vel accipitre nidulario; multò tamen maiore voluptate gaudet venator, adeo ut cibi potus, somni que faciliè obliuiscatur. Gratias igitur age, atq; habe Deo tuo, mi homo, qui hunc inleuit animantibus instinctu, ut te exhilararet, neq; neglexit curam gerere oblectationum humanarum.

Ad hanc diuinæ liberalitatis conditionem, adiungamus & alteram. Habilitas enim & industria singulorum non illius tantum beneficiû est, qui eam diuinitus accepit, sed cæterorum quoque, in quorum illa utilitatem cedit. Ita id Princeps Apostolorum intellexit, cum Christianos hortatus est, ut mutuis inter se officiis, pro cuiusq; facultate certaret. *Vnusquisq; inquit, sicut accepit gratiam, in aliterum illam administrantes, sicut boni dispensatores multiformis gratia Dei.* Qui eas largitur, non ut lateant, sed ut pateant indigentibus. *Sapientia enim abscondita, et thesaurus inuisus, quæ utilitas in vtrisque?* ait Sapiens. Idque maximè valet in gratiis, quæ gratis datæ dicuntur, qualis est docendi, adhortandi, gubernandi, curandi, miracula perpetrandi, aliarque id genus. Populus vniuersus cui diuina prouidentia contigit optimus princeps, Antistes egregius, sacer Orator, qui animarum zelo sit præditus, vehementer obstrictus est Deo. Et reuera sicut magna est Domini in populum animaduersio, si quando permittit ut illi mali doctores ac magistratus obtingant, ita magna Dei agnoscenda est gratia, quod eos largiatur, qui suo munere ritè fungantur.

Ad alias quoque res plerasque pertinet ista gratia. Harmonicus enim cantus musicorum, & fidibus præclarè canentium, non peritos tantum earum artium oblectat, sed si simet cum primis student auditorum auribus lenocinari; quorum hoc purior est voluptas.

Vu ij

II.

Qui eis maior afficitur.

III.

Habilitates singulorum ceterum utiles sunt. I. Pet. 4. 10

Eccli. 41. 17.

IV.

Quod inductione patet.

quod omnis laboris est expers. Illustrium pictorum cultissima tabula, calatorum ara molliter & delicatè delineata, sculptorum marimota, quæ hilaritatem, quæ tristitiam, quæ iracundiam spirent, Aulea exquisitilicij, artisque Phrygionum; pretiosa, ingeniosaque aurificum opera, num solos autores capiunt? Erudita disputatio subtilis philosophi, abstractæ quæstionis theologicæ accurata tractatio, discreti orationis melle dulcior fluens oratio, elaborata concinnitas ingeniosi poematis, auditorem sæpenumero magis delectant, quàm ipsos artifices, quos errata sua, quamuis cæteris ignota, occultè compungunt. Itaque liberalis ille mundi princeps, qui homines voluit esse sociales. ita eos architectatus est, ut sibi placere mutuo, mutuoque famulari & velient & possent.

V.
Gratiarum
actio.

Gen. i. fi.

VI.
Animalia
hominem
naturaliter
timent.

Gen. 9. 2.

VII.
Iterata gra-
tiarum actio.

O liberalissime Domine, quanto maiore ære alieno opinione nostra tibi obstricti sumus, quando pulchritudo, utilitas, industria, habilitas & gratia, quàm in tam diuersa opera tua effudisti, siue quæ ratione carent, siue quæ illa valent, illos etiam homines iuuant, recreant, locupletant, qui his aut naturæ, aut gratiæ præsidis non sunt instructi. Debeo tibi delectationem omnem, quam videndis audiendisque rebus pulcherrimis accipere soleo; eam enim mihi facultatem, præ multis aliis liberaliter concessisti, & illius obiecta innumerabilia, nullo meo labore, præparasti, priusquam de illis aut cogitarem, aut rogarem te, & omnino priusquam essem. Primis enim quinque diebus mundi exorientis, tota illa rerum creaturarum copia & varietas, quibus cælum & elementa repleueras, existebat, quando factus est homo, & introductus in domum & hereditatem suam, quando audiuit à te, *Replete terram, & subiicite eam, & dominamini piscibus maris, & volatilibus cæli, & vniuersis animantibus, quæ mouentur super terram.*

Statuisti ergo ut cæteræ omnes animantes hominem tanquam herum & dominum suum vererentur & colerent, etsi pleræque illarum homini viribus, mole corporis, audaciâ, pedum celeritate, aliisque dotibus longè præstant. Et nisi peccatum rebus turbandis interuenisset, omnia animantia tam tractabili fuissent ingenio aduersus hominem, quàm catelli domestici: nemo certè hominum extitisset, in quem illa insurgere, aut cui nocere ausa essent. Nec mirum, quando nunc quoque, post inuestam à peccato rerum perturbationem, ex quo multæ res videntur facultatem à Domino puniendi hominis accepisse, timor & tremor hominis est supra vniuersa animantia, sic ut in eum insurgere nocendi causa non audeant, nisi vel rabida fame compellente, aut appetitu tuendæ suæ, suorumque vitæ, aut libertatis: tunc enim sæpenumero etiam domestica efferantur.

Perpetuam itaque gratulationem & laudem magnificentissimo rerum fabricatori Deo decernamus, habeamus, exequamur ob innumera eius in nos nota, ignotæque beneficia: pleræque enim illorum nostrum tarditatem latent, quibus hominem copiosè muneratus est, tam in eius

usum ac necessitatem, quàm animi relaxationem, dum in hoc exilio, & quasi pago verteretur, & profectio in patriam, aulàmque regiam præstolatur, vbi omnes hæc liberalitates, diuini in se Amoris argumenta, cognoscet, atque in omnium oculis auribûsque profitebitur, summòq; illum amore prosequetur. Vnam interim rem omni animi contentione postulare necesse est, vt quando tam multa homini, nullo suo merito, vltro dedit, ne abundantiam quidem amoris sui neget amicis suis, quando & illam vehementer postulant, & ea cupiunt ad maiorem eius gloriam, laudémque frui; nec maius ab eo beneficium, vel optabilius in hac vitæ peregrinatione obtinere possunt.

C A P V T XVI.

Deum Angelos quoque suos, in gratiam hominum, usumque liberaliter adhibere.

NON est profectò consentaneum rationi, vt qui beneficiis obruitur, iis recensendis, audiendisve defatigetur: præsertim cum is qui largitur nullum facit largiendi finem, sed constantem in donando seruat hilaritatem. Pergamus itaque Dei nostri enarrare liberalitatem, eam non semel iterumque, sed perpetuò prædicemus, ne afficiamur vniquam tædio; nihil iustius facere possumus, nihil fructuosius, nihil congruentius. Sed quoniam non pauca de minore mundo, mundiue autore dicenda supersunt, satis nobis erit de primo capite generalium liberalitatum vnâ, eamque valde insignem adiungere. Paterna enim Dei beneficentia non satis habuit cæteras animantes hominis subicere teruituti, sed voluit quoque illi de pædagogis tutoribûsque providere, quamdiu in hac vita quasi annis minor est, siue ætate pupillari.

Vt hæc rectius intelligantur, repetenda est memoria illa catena aurea, quam excogitauit antiquitas. qua ferebant creata omnia connexa inter se atque coniugata, illa videlicet subiectione, qua inferiora à superiori- bus dependent, ab illis que ritè gubernantur, infima à mediis, media à super- premis, quæ perfectiora sunt, & viciniora Deo, & in quæ proximè in- fluit diuina maiestas. Hoc gubernationis ordine posito, Deus per in- termedios Angelos tractat humana negotia, præsertim que spectant ad æternam salutem. Id testatur Apostolus, *Nonne, inquit, omnes sunt admi- nistratores spiritus, in ministerium missi, propter eos, qui hereditatem ca- pient salutis?* Non quòd negligent cæteros, iuxta illud, *Curamus Ba- bylonem, & non est sanata, sed quia tota eorum cura, vt suprà dictum est, bonum electorum spectat, in eoque terminatur.*

Quemadmodum igitur Pater familias vititur opera pædagogi ad eru- diendum filium suum, deducendum, custodiendum, protegendum, re-

I.
*Non fasti-
dienda lon-
giore libe-
ralitate tra-
ctatio.*

II.
*Ordo diuina
providentia.
Hom. IIad.
& Plat. in
Thezt.*

Heb. 1.4.

III.
Diuisio An-

angelorum officia aduersus homines bus instruendum necessariis, castigandum etiam; denique ad parentis ipsius fungendum vices. Sic & supremus ille parens Angelis suis quasi pædagogis homines gubernandos dedit, eorum ut intellectum ad uberiorem veri falsique cognitionem illuminent, ad boni & mali, commodorum & incommodorum notitiam. Eorumdem muneris est eos instituere, & quasi tyrones præceptis imbuere, eorum voluntates ad vitiorum fugam, virtutumque complexum inflectere; imaginationem, externosque sensus regere suauiter & continere: adesse periculis, tutari, ducere, comitari toto curriculo peregrinationis huius, dum ad paternam domum æternæ habitationis perueniāt. Vnum porro de præcipuis eorum muneribus est, sibi commissos à dæmonum insultibus defendere, quando eos videre homines non possunt, nec sic cognoscere: denique cū res tulerit eos verbis factisque castigare. Quæ officia præter ultimū, Raphaël Angelus erga iuniorem Tobiam perofficiosè, perque libenter exercuit.

IV.
Qua Charitas per suadet. Amor enim quo Deum, hominesque eiusdem secum regni hæredes prosequuntur efficit, ut id per libenter exequantur, quando id regnum hæredum multitudine, non minuitur, sed augetur. Eosdē perfectio Angelicæ naturæ ad eadem officia Charitatis inuitat. Nam ut propius absunt quàm homines à diuinæ perfectione naturæ, ita magis eius bonitatem, participant, & communicationem, quæ ab illa deriuatur. Cupiunt ergo vehementer adesse nobis, opesque suas communicare, maiore studio, quàm nos amantissimis nostri impertiri cupiamus. Adde quòd beata illa Charitas multò præstantior est ista peregrina, quæ inconstans, atque imperfecta est, consentaneè statui, ac conditioni viatorum. A quo minimè abhorret illud Seruatoris elogium; *qui minor est in regno cælorum, maior est illo.*

Matt. ix. 11. & ibid. Hieron.

V. Dna Angelorum occupationes præmaria.

ta. 7. 10.

Apoc. 1. 4. & 3. 1.

VI. Administratio generalis rerum mundani huius.

Optimus itaque ac liberalissimus huius vniuersitatis parens, qui singularem quandam dedit Angelis in hæc inferiora potestatem, promptam quoque ac generosam voluntatem illi obsequendi, gloriæque ipsius promouendæ largitus est, maximè erga homines, quasi minores natu fratres: ille, inquam, optimus parēs non satis habuit Angelos suos habere penes se honoris causas; utque hymnos & Cantica, commendandis eius perfectionibus continenter integraret, sed innumerabiles destinavit, qui operam suam hominibus, vniuersè ac sigillatim gubernandis, collocaret. Id significauit Daniel cū diceret, *Millia millium ministrabant ei, & decies millies centena millia assidebant ei*, non emigrando à conspectu eius, sed expectando dum mandatis eius honorentur exequendis. Quos inter septem primarij principes in sacris voluminibus celebrantur.

Generatim itaque dixerim, Deum, si à rerum creatione, & conseruatione discesseris, præcipua opera, quæ ad mundi gubernationem pertinent, ministerio Angelorum fecisse ac facere, præsertim quæ ad vsum hominum pertinent. Ab ipsis cælestes ciuntur orbes, ad vicissitudinem dierum & noctium, & commutationem temporum quadripartitam: ab

iisdem fiſtuntur iſdem motus, aut retroaguntur, ſi quis aliquando Iſue aut Ezechias alterutrum à Domino impetrarit. Ab iſſis, tanquam ſpiritibus Dei legatis, ciuitatum & prouinciarũ gubernatores, reguntur, & qu. ſi alteri proteges regna iſſi moderantur. Ideoꝛque apud Daniele Principes Perſarum, Græcorum, Hebræorum appelantur. Iſſi ſunt qui in gratiam Hebræorum, poſt vexatos decies atrociffimis plagis Ægyptios, quaſi moderatores vndarum, iſſis copioſiſſimum exercitum, & iplum cum eo regem obruerunt. Iſraëlitas autem in litus alterum ſicco veſtigio traduxerunt. Iſſi ſunt, qui eidem populo in deſertis locis, iſſos quadraginta annos, quaſi mercede conducti puſtores, panificium exercuerunt. Iſſi aquas abſterſo amarore reddidere potabiles; & coturnices immenſo numero collegerunt.

c. 10. 13. 19.
21.

Illi iſſi Dei nomine legem maximo apparatu rogarunt, ac tulerunt: præcipueꝛque belli facinora, inhibendis Iordanis fluctibus, deiiciendis Iericutinis mœnibus, aliſſique id genus, in quærenda, occupandaque Chananitide, perpetrarunt. Angelus erat iſſis, qui quam pseudo propheta Balaam peſtem meditabatur in Hebræos, in vaticinia fauſta conuertit, qui Iſue, qui Gedeonem, qui Iephte, qui Samſonem, qui Machabæum cum fratribus, cæterolque inſignes Hebræorum duces eximia fortitudine roborauit, vt clariſſimas, & plenas prodigioꝛũ victorias obtinerent, debellandis regibus, acquirenda regione promiſſa diuinitus, recuperanda libertate. Teſtis Antiochus ille Epiphanes, & Aſſyrius Sennacherib, quos intolerabile Angelici brachij pondus oppreſſit. Vt taceam Ogum regem Baſan, Seonem regem Amorrhæorum, Balacum Madianitarum. Sed quid ſingulos moror, cùm Scriptura teſtetur vnum & triginta Chananæorum reges, Imperatore Iſue debilitatos, fractos, & Angelica Iſue 12. vtique opera, ſine vlllo Iſraëlitarum damno, internecione deletos?

VII.
Quæ declarant
vniꝛſi exemplum.

Placet nihilominus ex nobiliſſima Machabæoꝛũ hiſtoria, vnum atque alterum exemplum proferre, reportatæ Angelica virtute victoriæ. Dux quidã Antiochi Eupatoris nomine Timotheus, dudum maie à Iudæis acceptus, reparandi honoris ſollicitus, in Iudæã mouit, ingentibus copiis peditatus & equitatus inſtructus. Machabæus autem Iudas, poſt humiles, feruidalque ad Deum preces, collectis quæ aderant copiis, in hoſtem irruit, Cùmque vehemens pugna eſſet, apparuerunt aduerſariis de cælo viri quinque inequis, frenis aureis decori, ducatum Iudæis præſtantes. Ex quibus duo Machabæum medium habentes, armis ſuis circumſeptum incolumem conſeruabant, in aduerſarios autem tela & fulmina iaciebant: ex quo & cæci ate conſuſi, & repleti perturbatione cadebant. Interfeſſi ſunt autem v. g. i. millia quingenti, & equites ſexcenti. Cùmque per vim præſidium, in quod confugerat Timotheus, occuparet, hominem captantem latebras, cum fratre Chærea, & Apoliophane peremerunt, cæteram præſidij turbam, iniectis in turres facibus incenderunt. Voluit tum Dominus cerni oculis Angelorum in præliis auxilium, vt conſuetam, quod non cernitur, facilius crederetur & certius.

VIII.
Nominatiſſim
Iude Machabæo ad
fuore, pua
gnant con
tra Timo
theum.
2. Machab.
10. 24.

IX.
Et Lysiam
Eupatoris
proregem.
2. Machab.
11.3.

Sed ecce alteram de Lysia prorege, & propinquo Eupatoris victoriam, à Machabæo relatam, in qua Angelorum auxilium luculenter enituit. Itaque Lysias cum proximam quam dixi cladem grauiter ferret, ingentem contraxit exercitum, in quo octoginta millia peditum, cum vniuerso equitatu, & octoginta elephanti numerabantur. His copiis instructus Iudæam inuadit, & Bethfutam acriter oppugnat. *Ut autem Machabeus, & qui cum eo erant, cognouerant expugnari prasidia, cum fletu & lacrymis rogabant Dominum, & omnis turba simul, ut bonum Angelum mitteret ad salutem Israelis.* Inde sumptis armis, suosque adhortatus ad periculum secum pro gente sua lubeundum, ad pugnam progrediebatur: cum Ierosolymis apparuit pracedens eos eques in veste candida, armis aureis hastam vibrans. Tunc omnes actis Deo gratis conuenerunt animis, non solum homines, sed & bestia ferocissimas, & muros ferreos parati penetrare. Leonum ergo more impetu irruentes in hostes, prostrauerunt ex eis undecim millia peditum, & equitum mille sexcentos: vniuersos autem in fugam verterunt. In quibus ipse quoque Lysias turpiter fugiens euasit.

X.
Angeli puniunt impios
2. Machab.
11.25.

Sub eadem ipsa tempora iisdem operariis vsus est Dominus, ad castigandum Heliodorum, & tutandam templi sui sanctitatem. Quis enim erat eques ille terribilis, qui cum impetu Heliodoro priores calces illisit, eumque prostravit in terram? Quinã erant duo illi iuvenes virtute decori, qui circumsteterunt eum, & ex utraque parte flagellabant, sine intermissione multis plagis verberantes, donec eum multa caligine circumfusus amici rapuerunt, atque in sella gestatoria positum eiecerunt? Eorumdem Angelorum opera Dominus vtetur aliquando, ad debellandam bestiam illam, & portentum impietatis Antichristum, moxque ad cineres defunctorum corporum colligendos; quæ iisdem artificibus conformabit recens, suisque animabus iterata societate copulabit. Nulli alij tubicines postremum illud intonabunt classicum, quo cælum omne, tellusque, ad inferos usque remugiet, ut Christi Domini iudicio sistantur vniuersi, eiusque sententiam imperio iudicis exequantur.

C A P V T XVII.

Egria erga singulos homines Angelorum officia, meritæque.

I.
Angelus
clientis sui
mentem il-
luminat.

Q VOD ad particularia Custodis Angeli promerita, iam significauimus Angelum pupilli sui mentem illuminare; eamque intima presentia roborare: quin & formas illas sensiles, aut intellectiles in mente figurant, ut ab hominibus ignota cernantur. Ut Iosepho contigit Patriarchæ, ut Ezechieli, ut Ieremiæ, ut Danieli, & ceteris Prophetis. Hinc

Hinc pulcherrimæ illæ similitudines, quas sancti viri excogitarunt rebus obiculis, penitusque abstrusis explicandis, quamuis essent ipsimet literarum rudes: quales erant, quas S. Ignatius recens à mundi vanitate conuerius, de sanctissima Trinitate, quam inter orandum contemplatus fuerat, proferebat; quales S. Teresa, circa varias orationis formas, ad quas amicorum Dei mens, admodum illuminata diuinitus, paulatim cuehitur. Atque ita Deus non contentus lumen rationis concessisse mortalibus, voluit eam, tam ad contemplandum, quàm ad agendum, opera nobilium illarum intelligentiarum illustrare.

Voluntas autem, quamuis aut à se sola, aut à Deo ipsius autore intimè moueatur, ab Angelis tamen extrinsecus excitatur, qui eam obiectis opportunè propositis alliciunt, prouocant, & agitandis perturbationibus labefactant: sicut & phantasiam, & reliquos externos, internosque sensus, humoribus variè, spiritibusque commouendis, & obiectis extrinsecus pro arbitrio repræsentandis. Id enim si ad hominum perniciem improbi dæmones faciunt, cur non idem sancti Angeli faciant ad salutem?

In primariis porrò Angeli protectoris officiis, quibus nos communi Domino debitores constituit, est ipsa illa protectio atque defensio, quæ suauissimam Dei prouidentiam decebat in primis. Postulat enim ratio, & diuina bonitas requirit, vt quandoquidem irruunt in nos grassatores, qui oculos fugiunt; spirituales quoque Protectores opportunè emicent, qui telorum ictus auertant, & importunissimam audaciam infringant. Decebat quoque vt humana voluntas, quæ pro ingenita mutabilitate alternis in bonum, malumque conuertitur, ab ea regeretur, quæ non potest à bono deflectere; & ab eadem excitaretur & prouocaretur ad virtutem, quantumuis oblectante ingenita procliuitate in malum, & turbidis motibus animorum. Sed vide hic perquam suauem Dei liberalitatem. Pluribus enim hominibus vnus aliquis Angelus sufficere videbatur, vt pater vnus pluribus liberis, pluribus pueris vnus idemque pædagogus; vt vnus viæ dux multis iter agentibus, vnus præco regius, aut scutaria Regis tessera foribus affixa, permultis satis est ad securitatem.

Placuit nihilominus liberalissimo Domino, vnumquemque mortali-
um Angelum habere custodem proprium & suum, vt tanto esset inter eos amicitia familiarior atque coniunctior; vnus enim amicus carior est, quàm vnus de multis. Adde quòd cœlestis ille pater vnumquemque de filiis tractare voluit, perinde ac si vnus foret, in quo sita esset omnis eius consolatio, in cuius capite spes totius familiæ verteretur. Talibus enim personis singularis ductor iure datur, & talibus pueris pædagogus, qui illos vnus curet, neque tantillum à se vnquam abesse patiat. Denique dux vnus duobus non sufficit, qui diuersis admodum viis iter faciunt. Ita Angelus vnus comes ire non posset duobus, quo-

II.
Voluntatem dirigit.

III.
Tuatur contra dæmones

IV.
Cui singulis habeant custodem suum

1.

2.

3.

rum vnus orientem versus iter faceret, alter peteret occidentem solem. Oporteret itaque omnes eidem Angelos commissos eadem semper loca petere, eadem frequentare, & incolere, magno & negotiorum, & libertatis propriæ detrimento.

V.

*Ea custodia
auctoritate
firmatur.*

Matt. 18. 10.

Conc. 13. in

Psal. 48.

13. c6. Eun.

Gen. 48. 16.

Hom. 60.

in Matth. in

c. 10. Dan.

1. 3. in Matth.

Act. 12. 13.

Nicitur hæc veritas certissimo testimonio Seruatoris, quando prohibet quemquam paruulorum contemni, quod singulis, quasi diuinæ familiæ columinibus, datus sit Angelus, qui diuinam in cælo faciem perpetuò contempletur. Vnicuique fidelium, ait magnus ille Basilius, datus est Angelus socius & comes, dignus, qui faciem æterni patris contempletur. Et alibi. Quod adsit singulis credentibus Angelus tanquam pædagogus, & pastor vitam dirigens, nemo contradixerit, qui memor fuerit verborum Domini, cum ait, *Videte ne contemnat, &c.* Eandem quoque veritatem confirmat exemplo Iacobi Patriarchæ, qui Angelum, à quo erutus fuerat de cunctis malis, inuocat vt adsit, ac benedicat duobus nepotibus suis, filiis Iosephi. Eadem est assertio Nysseni Gregorij fratris Basilij, in libro de vita Moysis. Et Nazianzeni Gregorij, in oratione de Sancto Lauacro. Ioannis quoque Chrysostomi, & Theodoret. Denique Hieronymus vniuersè loquens de cunctis animabus, *Magna est, inquit, dignitas animarum, vt vnaquaque habeat ab ortu natiuitatis in custodiam sui Angelum delegatum.* Hæc erat mens Apostolorum, & fides, cum de Petro, quem in carcere clausum arbitrabantur, dicebant non ipsum esse qui pulsaret ad fores, sed Angelum eius.

VI.

*Multiplex
eius utilitas.*

1.

Gabr. 2. c. d.

11 q. v.

2. Iud. 2. c. 1. 4.

2.

3.

Act. 12. 7.

Exod. 12.

VII.

Quarta utilitas.

4.

Tob. 8. 3.

5.

Dan. 8. 16.

17.

Apoc. 1. 1.

&c.

6.

c. 5. 13.

Doctores aliqui ex sacris literis duodecim utilitates collegerunt, quæ hominibus ex Angelica societate contingunt. Principio clientes suos de propriis erratis arguunt, & culpas exprobrant, vt Israëlitis contigit, qui ab Angelo reprehensi, fleuerunt cum eiulatu, indèque inditum est loco nomen, dictusque locus *stentium*. Eademque opera dum eos ad verum de peccatis dolorem excitant, eorum vincula dissolunt. Id haud obscure in Apostoli Petri liberatione significatum est, cum ad contactum Angeli ceciderunt catenæ de manibus eius. Tertio illecebras peccatorum, & bonorum operum impedimenta tollunt; quod in cæde primogenitorum Egypti, quam Angelus Domini perpetravit, intellectum est. Immoderatus enim liberorum amor, parentes inducit in fraudem, dum eis dignitates, & fortunarum amplitudinem parant.

Dæmones quoque repellunt, & nocendi potestatem adimunt, sicut Saræ uxori iunioris Tobix contigit, in quorum gratiam Raphaël apprehensum Asmodæum religauit in deserto superioris Egypti. Quinto homines, orantes præsertim illuminant, Missus est enim Gabriel ad Danielelem, vt eum de magnis mysteriis instrueret, vt & Ioannem Evangelistam in Apocalypsi, aliósque Prophetas. Sexto afflictos mœrore aduersique rebus consolantur. Itaque Raphaël seniori Tobix dicebat,

forti animo esto, in proximo est vt à Deo cureris, quod ipse mox executus est, medicum agens peritissimum. Septimò ad perseuerantiam animant, & constantem in virtute progressum. Id Helia significatum est, Angelo illum à somnis excitante, ac dicente, *Surge, comede, grandæ enim tibi restat via.* 8. Duces itinerum scientissimos fidelissimòsque se exhibent, itaque Raphaël, non secus ac promiserat seni, filium eius ianum duxit ac reduxit, adeoque magnis locupletauit bonis.

Nono hostiles acies profligant, vt paulò antè de Machabæis dictum est, & Assyrij fenserunt, occisis nocte vna ab Angelo centum & octoginta quinque millibus armatorum. Decimò, vim tentationum, etiam quæ carni blandiuntur, debilitant atque infringunt, quod eleganter Asmodæi vincula significant, & Iacobi lucta cum Angelo, qui tetigit neruum femoris eius, & statim emarcuit. Vndecimò, clientum suorum preces, aliæque opera pietatis offerunt Deo, vt Tobia senioris Raphaël, quod ipse de se mox apud Tobiam professus est. Postremò adsunt vltimo certamini clientis sui è viuis abituri, quo maxime tempore dæmon in eius ruinam intentus est, & insidiatur calcaneo eius. Illi autem contrà, omni officij genere abeuntem animam prosequuntur, egressam amplectuntur, & ante Deum deferunt, neque in quietis loco, vt olim Lazarum collocant, sed in ipso cælo, nisi eam vt fere contingit, purgantibus flammis expiari necesse sit, vbi illam minime deferunt, sed visitant & consolantur, vt multis historis probatum est; donec emundatam penitus deducant in cælum, vbi cum ea Deo hymnos & Cantica gratiarum actionis, cælitibus gratulationis perpetuò concinant.

Quot ergo Dei liberalitates hac vna continentur? Quæ fieri poterit vt amore singulari non prosequamur istum ex aula diuina principem, cui nos Deus ipse sociauit; & quem omnibus illis instruxit ornamentis, quæ solent esse sanctissimæ amicitia incitamenta? nec minus amemus, multoque etiam magis illum, à quo tanto beneficio affecti sumus, & propter quem intelligentiæ istæ officiosissimæ optimè de nobis merentur in dies? Quæ, Dei ipsius exemplo, nunquam homines in hac vita, quantilibet criminibus obnoxios, penitus deferunt, ab ipso primo in hanc vitam ingressu, vsque ad decretoriam illam Iudicis in exitu sententiam, animam æternis suppliciis, aut gaudiis addicentem. Deus meus, quàm magna, quàm honorifica, quàm gloriosa, quantis ditata est emolumentis tua ista liberalitas? Nemo id capere potest, nisi qui præstantissimam nobilitatem illarum mentium beatarum capiat, & multitudinem ac magnitudinem malorum, de quibus illorum opera eruti sumus, & bonorum, quæ illorum precibus & gratia sumus consecuti.

Tardiores hinc sumus & hebetiores, quàm vt ea possimus pro rei dignitate cognoscere, imò & ingratiore, quàm vt æquales meritis gratias

7.

8.

VIII.

9.

10.

Gen. 32. 25.

II.

Tob. 12. 12.

12.

Angeli adiuu-
diu erga m-
ribundos, & p-
mortuos.

IX.

Complexio
beneficiorum
Angelico-
rum.

X.

Cū gratia-
rum actione.

Psal. 93. 17.

agere, aut habere possumus. Erit profectò, erit aliquando dies, cum reclusis intelligentiæ nostræ oculis, magnitudinem benevolentiae, & officiorum ab eis acceptorum copiam apertius agnosceremus, & amoris æstu quodammodo in ipsos, & in omnium bonorum autorem colliquesceremus. Tempus erit, quo amantissimus ille custos familiariter recitabit, recolétque nobiscum tempus illud, & illum locum, quo singulari eius opera capitis discrimen euasimus, & illum alterum, in quo perpetrandi criminis occasiones auertit, & omnes antea actæ vitæ fructus amittendi, eique illud grato clamore accommodabimus, *Nisi quia, Domine, adiunxisti me, paulò minùs habitasset in inferno anima mea*: non in beatissima ista regia, omnium malorum experte, & æternæ felicitatis certa securaq; Quas ergo isti Charitati gratias, quas prouidentiae, quas gubernationi debeo. Benè sit illi horæ atque tempori, quo diuino vestro afflatui, sapientissimisque consiliis acquieui. Et hæc de primo capite diuinarum liberalitatum dicta sint hætenus.

CAPVT XVIII.

Alterum caput diuinarum liberalitatum aduersus mundum minorem, id est hominem.

I.
Quæ singulariter dantur sunt gratiora.

Luc. 17. 12.

EST hoc in multorum more, consuetudinèque mortalium, nescio an vitium dixerim aut virtutem, vitij potiùs certè, quàm virtutis mereatur nomen, vt liberalitas, quæ communis est multis, à singulis minoris fiat, quàm si vnus aliquis id munus singulariter accepisset. Si consecrati decem habentur in vinculis, quibus omnibus gratiam Rex, veniamque largiatur, singuli se regi minùs obligatos putabunt, quàm ille vnus, qui damnatis cæteris, veniam vitamque consecutus esset. Si deni aurei in singula capita ciuitatis distribuerentur, vnus aliquis de ciuibz minorem habebit gratiam largitori, quàm si solus ipse decem nummos aureos, aut etiam quinque accepisset. Nouem leprosi, de decem qui à Seruatore mundati sunt, receptam sanitatem minoris duxerunt, quàm si vnus tantum ipso illam obtinuisset. Quæ fortasse causa fuit, cur ad medicum gratias acturi redire neglexerint. Rediit Samaritanus ille, qui, meo iudicio, nullum gratias agendi finem fecisset, si solus fuisset curatus. Et si nihil minùs accepit, quàm si cæteri præteriti fuissent.

II.
Quæ huius rei causa.

Ecquam huius mali causam esse dixerimus? Non illam vtique, quòd quæ vniuersè data sunt, aut destinata multis, singulis postea aliquo iustitiæ nomine debentur, cum idè sit, eadèque causa singulorū; quod autè vni duntaxat datur, ex mero in ipsū amore videtur & pura liberalitate donari. Magis autem diligimus eum, qui ex liberali amore, quàm qui ex

iustitia dederit: hic enim alienum reddit, ille largitur suum. Non illa, inquam, causa est, nisi valde fallor. Nam siue in vno, siue in pluribus æquè interuenit iustitia & liberalitas, hæc in animo donantis, illa in distributione rei datæ. An ista fortasse, quod quo liberalitas spargitur in plures, hoc minor est portio singulorum; minuta autem dona nec magni fiunt, nec magno amore, vel gratiarum actione digna æstimantur. Ne ista quidem causa satis videtur idonea; nam siue in modico, siue in magno dono, pluri sit quod vni datur, quàm quod æqualiter plerisque. Huius ergo maioris amoris & gratiæ causa est potius, quod qui dat nobis aliquid præ cæteris, nos vel pluri facit, quàm cæteros, vel plus diligit. Cum ergo natura simus admodum appetentes honoris, illos diligimus à quibus honoramur, præsertim præ cæteris, quibus tacitè iudicamur eo munere digniores. Cumq; hoc ipso liberalis ille doceat, se maiore nos amore prosequi, quàm reliquos, tantò etiam in nobis maiorem excitant beneuolentiam.

Idem contingit in illis Dei beneficiis, quæ dantur communiter vniuersis, bonis, malis, iustis, iniustisq; & quorù sæpè præcipua pars deterioribus contingit. Hæc ipsa tamen beneficia non minorem debent in largitorem accendere beneuolentiam singulorum, nec minorem gratiarum actionem requirunt; quandoquidem quæcumque memorata sunt hæc tenus diuinæ liberalitatis argumenta, aliæque permulta, non minore beneuolentia largitus est Dominus vniuersis, quàm si eadem omnia vni omnino tradidisset. Quod si pater aliquis vnicū filium chariorem habet, quàm si is, vnus esset è multis fratribus, ea nimirum causa est, quod amor eius finitus, exiguisq; finibus circūscriptus, qui diuideretur in quatuor, in illum vnū influit totus. Certè fons, qui in quatuor riuulos diducitur, vnicum multò faceret ampliorem. Non ita res habet in magno illo, atq; infinito bonitatis oceano, qui æquè se se cōmunicat singulis, quantū quidē eum illi capere possunt, ac si essent centum millia, atque etiam plures.

Non ita, inquam, res habet in magna illa diuini amoris flamma, quæ vnum aliquem non minus calefacit, quàm 100. circumstantes. Non sic habet in mirabili illo iustitiæ sole, qui æquè è hominem vnum, qui solus versaretur in terris, illuminat, ac si tota terræ facies, densatis ac mutuo se comprimentibus hominum turmis, onerata gerneret. Magnum quiddam est dicere, Deum æquè amare vnum ac centum milia, vt qui eadem facturus erat in salutem vnus, quæ fecit pro centum millibus. Alios nihilominus præ aliis diligit. Vt enim generalis magnificentia æquè singulis & vniuersis fiat, peculiaris tamen beneficentia prodit amicos singulares. Hæc nimirum est beneficentia, quam deinceps, in minoris huius mundi contemplatione, explicare placet. Magnus omnino locus, atque huiusce philosophiæ maximè proprius, idèoque à plerisque tractatus vberrius: eum tamen non licet nobis intactum relinquere, & cum latissimè pateat, poterunt, si Domino placuerit, nonnulla occurrere non penitus peruulgata.

III.
*Diuinis beneficiis ac-
comodatur.*

IV.
*Cum quadā
differentia.*

V.
Peculiaris
Dei benefi-
cia,

Exponenda est igitur nobis illa Dei in hominem liberalitas, quæ peculiariter aliquos præ cæteris attingit, & Deo singulariter debitores facit, præter generales illas gratias, quas supra percurramus. Ut autem diuinam illam liberalitatem fructuosè agnosceremus, quæ & nos ipsos nobis dedit, adeoque semetipsum, quasi non haberet ultra quod daret, in nos effudit, necessaria nobis esset illa cognitio, quam S. Franciscus impensè desiderabat, & dies noctesque flagitabat. *Nouerim te Deus meus, nouerim me.* Probè videlicet notat hos esse duos fontes, qui exhauriri non possunt, non charitatis modo animique demissionis, sed grati etiam animi, & liberalitatis.

VI.
Circa utrâ-
que hominis
partem.

Notum est, omniumque sermone celebratum, hominem duabus partibus, corpore videlicet & animo, coagmentatum, & utramque diuinæ benignitati deberi. Nam animus sine controuersia Deum vnum habet autorem, qui nobilissimi huius operis neminem habet adiutorem; illum quippe ex eodem nihilo quotidie educit, ex quo iam pridem eduxit angelos, quibus datum non est, ne si omnium quidem concurrant vires, vel vnâ hominis animam producere, sicut nec vnum sibi similem angelum ex nihilo procreare. Necessarium habent subiectum in quod agant; & ille magnus artifex solus in nihilo, & de nihilo agere potest. Corpus autem suum homo magis debet Deo, principi ac primariæ causæ fecunditatis, quàm parentibus, qui planè steriles essent, si Deus generalem concursum suum in eorum actione suspenderet: quod eodem modo in cæteris causis eueniret, quas secundas vocant, aut efficiendi socias. Si horologii rota primaria constiterit, reliquas etiam quiescere necesse est, & si fons exaruerit, illico riuuli exsiccantur.

VII.
Declaratur
exemplo.

Sanctissima illa septem Machabæorum martyrum parens, agnoscebat utramque, fatebatûrque liberalitatem, cum filios suos hunc in modum alloqueretur, *Nescio quomodo in utero meo apparuistis; Neque enim ego spiritum & animam donavi vobis & vitam: & singulorum membra non ego ipsa compegi. Sed enim mundi creator, qui formauit hominis natiuitatem, qui que omnium inuenit originem, & spiritum vobis iterum cum misericordia reddet, & vitam, sicut nunc vosmetipsos despiciatis, propter leges eius.* Sic ilia heroina, quæ negat se compegisse membra singulorum: alludens fortassis ad quorundam opinionem antiquorum, qui aliquid in ea formatione diuinum, suprâque naturæ vires agnoscebant, ideoque Deam quâdam datricem formarum comminiscebantur, quæ in materno corpore, vnus eiusdemque formæ ac naturæ materiam, in tot tamque diuersa membra dispertiret, dura mollia, solida spongiosa, calida frigida, humida sicca, liquida consistentia, densa subtilia, & quæ philosophi homogenea dicunt & heterogenea, nominatimque ossa tam multa, magnitudine, figura, vique tam diuersa, ut homines eximia intelligendi iudicandique vi præditos rapere possit in stuporem.

CAPVT XIX.

Diuina quadam, & peculiaria circa humana corpora beneficia.

AT ne ad generalia beneficia improvidi reuoluamur, quanti æstimanda est illa Dei gratia, qua tibi omnia membra corporis, sine ullo defectu, aut infirmitate, sed integra, valida, & ad vsum ac decorem concinna largitus est: quæ quibus non contigerunt, partim in luctu & mœrore versantur, partim diurnos ferunt nocturnosque cruciatus. Verum vt hæc melius animo capere valeamus, ponamus id tanquam certum, quod dubium esse non potest, rei cuiuspiam precium carendo magis intelligi, quàm fruendo. Itaque Hieronymus, *quid habeat*, inquit, *boni sanitas, languor ostendit*. Primus ille parens rectius intellexit quanti esset amissa felicitas, & innocentia, quam dum per innocentiam eadem felicitate frueretur: alioqui, eam profectò maiore animi prouisione conseruasset. Qui florentissima olim fortuna vsi, nunc duriore conflantur, & qui rebus omnibus circumfluebant, nunc aliqua re semper egent, melius agnoscunt quid boni amiserint, quàm qui nullum vnquam fortunæ reflatum sensere. Hæc nimirum commutatio ab improbissimo Antiocho, facinoribus nobiliore quàm genere, vocem illam expressit, *Concidi, & corruu corde præ solitudine, & dixi in corde meo, In quantam tribulationem deueni, & in quos fluctus tristitia, in qua nunc sum; quæ tristitia eò acerbior infigebat aculeum, quò verius antè dixerat, Incundus eram, & dilectus in potestate mea.*

Si cui ergo, aliquo funesto casu, brachij aut pedis iactura contigisset, quo tandem pretio eam calamitatem redimendam putaret? aut si quis eam reparare vellet ac posset, quanti id haberet muneris loco? aut si ea pœna esset admissio crimini constituta, & amicus aliquis reo veniam à principe obtineret, quanta se illi reus deuinctum obligatione sentiret? præsertim si eam gratiam, neque fatigatus precibus, neque prioribus meritis occupatus, imò iniuriis ab illo, eiùsque necessariis lacessitus, multo labore obtinuisset? nōne id esset illustre beneficentiæ & charitatis exemplum? Is ergo qui te hisce præditum membris nasci permisit, quamuis non amicum, sed iræ filium ac perduellem, quem idcirco iisdem mutilum procreare poterat, nōne insigniter est de te meritus? Cùm deinde eorundem membrorum opera, plurima debita contraxisses apud Deum, & diuinæ vindictæ obnoxius esses, nōne is potuit te iure, meritoque priuare? Quocunque enim membro quis abutitur in conditoris iniuriam, rectè posset eo puniente contabescere, & inutile reddi.

I.
Beneficium
integritatis
corporis.

In Epist.

1. Mach. 6;
10.

II.
Membra cō-
seruat digna
perire.

III.
Id declaratur
exemplis,
3. Reg. 13. 4.
2 Mach.
9. 11.

Exod. 1. &
14.

IV.
Et in rem
presentem
ascommo-
datur.
Rom. 6. 13.

V.
Constans Dei
liberalitas
erga impro-
bos ea abu-
tentes.

Primus Israëlitarum rex Ieroboam, cum propheta, contra se misso diuinitus terrorem extento brachio inferre cuperet, illico brachium sibi ita obriguisset sensit, ut illud ad se retrahere, atque inflectere non posset. Nicanor linguam soluerat in contemptum Dei sabbatum imperantis, manum quoque extenderat ferociter in templum, minasque iactauerat: sed is cum mox in praelio cecidisset, Iudæ iussu caput eius cum manu & humero à reliquo trunco abscissum est, caput per ludibriū hostibus ostentatum, manus ad ipsum templum suspensa, lingua particulatim concisa, volucris in cibum proiecta est. Cum quidam à Menapio duce legatus, S. Ludouicum Francorum regem obtorto collo scurriliter irrisisset, diuina statim ultione castigatus, eam deformitatem, quam volens imitabatur seruauit inuitus, tota vita poena illi scurrilitatis adhærente. Pharaō Hebræorū masculos abiiciebat in profluentem: ipse toto in regno amisit primogenitos, & insuper cum numerosissimo exercitu haustus est fluctibus. Rex meritò subditum ea dignitate priuat, qui ea, præsertim aduersus ipsum, abutitur. Et sicarij manus prius abscinditur à carnifice, quam reliquum corpus merita animaduersione puniatur.

Qui ergo membra omnia corporis sui *arma iniquitatis* exhibuit, ad seruendum peccato, ut ait Apostolus, nonne iusto Dei iudicio promeritus est ut eorum usu priuaretur? Itaque & lingua quæ execrandas in cœlites, Deūve ipsum, voces protulit, meretur abscindi, aut ebullientibus illico vermibus absorberi; os quod sibi detestabilem à cacodæmone pestem imprecatur, ut fidem conciliet falsitati, aut obtineat ab aduersario quod iniustum est, nonne meretur ut Deus ratam habeat execrationem? Qui se mero sciens prudensque ingurgitat, usuque rationis priuat, dignus est qui eum nunquam recuperet; Oculi ad meditatam intenti nequitiam, meritò albugine, æternisque tenebris pleantur. Adulterium, cæteraque flagitia generis eiusdem, non iniquo supplicio afficiantur, si locis illis carcinoma, pestisve adnascatur; quando & mortem præsentem promerentur, & futuram. Pedes qui excurrunt ad effundendum sanguinem, meritò paralytin patiantur, aut podagram nodosam. Cor ardens ira diuturna, aut felleo liuore tumens, iure febrim experiatur ætuosam, aut atra bile tabescat. Eadēque de cæteris membris proportionem dici possent.

Insignis ergo illius gratia agnoscenda ac prædicanda est, qui toties à peccatore, membrorum suorum ministerio, violatus, cum vindictam haberet in manu, suūque beneficium facillè reuocare posset, clamorem tamen iniquitatum eius surda aure præterit, cæcūque se exhibuit ad impudentem flagitiorum procacitatem. Cumque malus dæmon consensum à iudice extorquere conaretur, ut animum à corpore sibi liceret extrahere, maluit custodis Angeli precibus acquiescere, qui, cum bona venia Iudicis, reum comperendinari cupiebat, & ad hanc ipsam diem factus est voti compos. An exigua fuit illa misericordia, quod commodum omnium

omnium membrorum suorum vsum retineat peccator, vt ea possit ad Dei gloriam, ad suam, proximorumque salutem impendere, vt scilicet linguam dudum procacem, ad prædicandam Dei aduersum se indulgentiam singularem viurpet; vt oculos ad præterita crimina instar Magdalenæ deploranda, delendaque: vt prædatorias manus expandat, ad redimenda largitione peccata; vt pedes qui eum olim ad lustrum, ganeamque deportarunt, nunc vicissim ad religiosa loca, ad inuisendos ægrotos, ad victorum miseriam subleuandam ferant.

Videamus etiam nunc quid consolationis iis afferre possimus, qui aliqua parte corporis capti sunt, siue id eis à natura, ortuque contigerit, siue aliquo casu. Sed principio ponendum est, quod certò constat, mortales omnes in lucem prodire peccato inquinatos, & inimicos Dei, propter eaque ipsius conspectu, omnique eius beneficio indignos. Quo enim beneficio dignus esse possit inimicus? Si nihilominus aliquis à Deo partes omnes corporis accepit præter oculos, nonne habet vnde gratias illi agat de cæteris partibus, & non vnde ob vnus defectum expostulet? Si quis commeritis est crucem, in beneficio numerare debet, si præcis auribus, aut cum fustuario dimittatur: & cui pannus liberaliter datus est ad togam, si quid ad integritatem fortè defuerit, non id si sapit, cum querela requiret; cui denique centum aurei donantur gratis, si nummi aliquot casu desiderantur, non vocabit, opinor, largitorem in iudicium, sed tanquam accepta integra summa; illi gratias agat.

Quod si nobis visum vel auditum, ingressum, formam, sanitatem, casus aliquis improuisus ademerit, nihil est causæ cur quenquam, præter nos ipsos, culpæque nostras incusemus.

Quæ venit ex merito pœna, ferenda venit.

vt rectè dixit poëta quidam. Et quamuis eni clades sine vlla culpa nostra contigisset, persuasum nobis esse debet amantissimum parentem Deum, non nisi maioris utilitatis nostræ, & gloriæ suæ causa, tristiores illum casum permisisse. Perinde enim illi erat omnia, quæ ad corporis integritatem pertinent, à principio dedisse homini, & conseruasse. Potuit omnia auferre sine iniusticia, si vnum tantum membrum abstulit, nōne misericordia est: quis ferat hominem de benefactore conquerentem? Nam quod ad illos attinet, quos nullus corporis defectus incomodat, si quem aliquando cæcum mendicantem offenderint, erumpant ex animo in istas voces. Gratias tibi habeo, agōque Deus meus, qui mihi oculos & dedisti, & conseruasti. Siquis occurrat sædè claudicans, si quis distorto corpore, si quis incuruus gibbo, aliōve quopiam defectu informis, meminerint, non animum in contemptum, os in risum soluere, sed laudem offerre Deo, cuius beneficio singulari factum est, vt deteriora fortasse committeri, earum tamen miserationum immunitatem ultro sint consecuti.

Dicamus aliquid de aduersa valetudine, & morbis, quos plerique ab ipso matrum vtero trahunt, à quo prodeunt ad graues ærumnas, acer-

Et quem in finem.

VI.

Eadem erga mantes & debiles.

VII.

Eorundem consolatio.

Ouid.

vt se integritate gerere debeat.

VIII.

Dei erga valentes liberalitas.

bissimòsque cruciatus. Qui tibi vires integras, & validam corporis constitutionem dedit, eadèmq; opera aduersa illa omnia propitius auertit à te, atque profligauit, nōne totidem tibi beneficia contulit, quot in morbos incurrere potuisses? Poteras laborare calculo, dolore colico, vel hemictanico; poteras continenti capitis & stomachi dolore cruciari: poteras lepra, impetigine, stiumis, fœdum in modum deformari: poteras ischiade, podagra, & caduco morbo diuexari, aliisque permultis, quæ vel à parentibus propagantur in posteros, vel viuendo contrahuntur. Huic enim intestinum defluit, illi catarrhus dentes implacabili cum dolore corrumpit. Hic vxorem habet perpetuò propter ægritudinem lecto affixam, illa semper decumbentem virum: & vterque aliqua subinde pro filiis ægritudine pulsatur. Tu ab his omnibus, cura indulgentissimi tui medici, liber, ingratus nihilominus atque immemor perseueras. Sunt qui morbis vexantur, qui vicissim retro commeant, sic vt vno desinente recurrat alter: si Deus te ab vtrisque reddidit immunem, quod aliud diuinæ aduersum te liberalitatis amoris-que postulas argumentum?

IX.
Et erga im-
munes solli-
citudinis re-
rum necessa-
riarum.

Quòd si, Numine bene propitio, eam fortitus es vitæ rationem, quæ libera sit à rerum necessariorum sollicitudine, & in qua omnia, nulla tua molestia, abunde suppetant, quanti pretij fuit ista liberalitas? Domum nactus es fortasse, in qua rerum domesticarum curatores industrij sunt & fideles, quorum hic tibi victum, ille vestitum curet; hic lectum, ille supellectilem. Vnus sanitati tuæ, alius studiis inuigilet; vnus honestæ recreationi, alter religiosæ pietati, te in exequendis paternis imperiis duntaxat occupato, potèstne vel conceptis votis optabilior vita contingere? Præsertim cùm magna mortalium pars, in misera vita comparanda, cum animorū corporūque perniciē defident, Quippe qui furtis & fraudibus, mendacijs & periurijs, proditiōibus & simulationibus, omnia pene dicta sua, factaque contaminant, vix vt inuenias quicum, vt aiunt, in tenebris mices. Eoque res denique procedit, itaque obdurescit conscientia nonnullorum in peccando, nulla vt religione tangantur; & tamen quo magis furantur, & fallunt, hoc maiore penuria, atque egestate premuntur: diuina id agente prouidentia, vt prioris vitæ tam infructuosæ conditione damnata, seriò aliquando resipiscant. Quàm propitium ergo sydus illuxit capiti tuo, quod cæteris obtenebratum est.

CAPVT XX.

Alia Dei beneficia, quæ hominum animos magis attingunt.

TRANSEAMVS ad humanum animum, diuinorum bonorum multis partibus corpore locupletio-^{I.} rem, sicut & recipiendis op-^{Liberalitas} portunio-^{bona indolis,} rem, sed vtrorumque æque propemodum immemorem, atque ingratum. Et vt seponam quæ ad naturam ipsam pertinent, & communia sunt omnibus: qui à Deo mitem accepit indolem, atque tractabilem, & non motiones animi acerbæ & peruicaces, non indomitas atque effrenatas cupiditates, qui, vt Sapiens de se ipso fatebatur, fortis est animam bonam, ingenium excellens, memoriam felicem, ad capiendum facilem, & ad retinendum diuturnam, organis vtrique facultati pulchrè seruientibus, magnum profectò accepit à conditore Deo beneficium; tantòque maius, quanto defectus illarum vel facultatum vel organorum maius censetur malum. At vide, inquam, o liberalis Amor, ne ad corpori facta beneficia relabaris; à corporis enim instrumentis tota hæc ingeniorum, morumque diuersitas censetur proficisci.

Non censetur ab omnibus, ait Liberalis amor. Sunt enim viri doctrina & pietate præstantes, qui arbitrantur hanc diuersitatem, non tam ab organorum dispositione diuersa, quàm ab ipsis animis peti: quibus fauet vox illa Sapientis, quam referebamus. *Puer*, inquit, *eram ingeniosus, & fortis sum animam bonam.* id est solertem, & in bonum propensam, quæ illi forte felici obtigerat; significans aliam minùs ingeniosam, minùsve bonam obuenire potuisse, pro Dei arbitrio, non pro sola corporis dispositione. Ex quo intelligi potest non omnes animas iisdem perfectionibus à Deo fuisse præditas, sed diuersis, quæ se prodant in corporibus eodem modo dispositis. Dicique potest in thesauris diuinæ sapientiæ & potestatis multas esse animas, quæ creari possint infundique corporibus, ad eam cum vita recipiendam paratis. Denique animæ bonæ in vitiosa corporis temperatione reperiuntur, & malæ in corpore ad omnem probitatem egregiè composito. Ad eam non parum valet studium & industria singulorum, sed electio diuinæ prouidentiae longè plurimum.

Tanta est indolis aliquorum peruersitas, vt propemodum inuiti pertrahantur ad malum. Propemodum, inquam; neque enim in dubium reuocanda est illa vox, *Subite eris appetitus tuus, & tu dominaberis illius*: sed quod ægerrimè fit, ne fieri quidem posse existimatur. Itaq; nonnulli animo infracto victoriam de hisce perturbationibus desperantes, *semetipsos tradiderunt impuritati, in operatio- em immundicie omni, in auaritiâ*, vt ait Apostolus. Alij sunt ingenio volucris & incitato, leuis, vt aiunt, armaturæ;

II.
Et anima
bona.
Vide I. eff.
de perf. di. l.
12. n. 45.
Sap. 8. 19.

III.
Apparet in-
peruersa
quorundam
indole.
Gen. 4. 7.
Eph. 4. 19.
Esa. 65. 10.

pueri centū annorū. Alij stupidi sunt & hebetes, itaque plumbei, vix ut rationali anima donati videantur. Alij lunaribus affectibus obnoxii, per intervalla quædam sunt emotæ mentis, & nisi vinculis aut carcere teneantur, vagi solutique discurrunt. Cui diuina providentia amicioꝝ quàm istis omnibus fuit, nihil ut in hoc genere desiderare posset, & quidem nullo vel munere, vel merito præiudico, quanto amore, quàm ingenti gratiarum actione tantum debet rependere beneficium? quanto studio eius obsequi voluntati?

IV.

*Liberalitas
bonæ educa-
tionis, piorū
parentum.*

Aliud quoddam occurrit liberalitatis genus, quod perquam seriam, & accuratam considerationem requirit: sed accuratiorē etiam gratiarum actionem eorum, quibus Deus parentes dedit virtute præstantes, actimentes Deum, quorum studiosa opera, atque institutione puerili, virtus illis pene naturalis effecta est. Neque permisit in mediis nasci regionibus barbarorum. Turcas inter & Mauros, Mosquos aut Tartaros, Indos, Brasilos, aut Mexicanos, ubi veni Dei cognitione destituti, & necessariorum auxiliorum ad æternam salutem instar cæterorum viuerent, & instar cæterorum perirent. Potuit Deus permittere, ut ex Indæis pauperibus, vel qui ab Ecclesia Catholica hæresi sunt, aut schismate segregati, progenitus prodies in lucem, in eorum erroribus, & superstitionibus educareris, in iisdem viueres, morereris, & perires.

V.

*Et in locis
Christianis.*

Quā n multæ infelices animæ in Gallia, Germania, Polonia, Lituania, Anglia, Scotia, & Hybernia, in viciis hæreticorum viuunt, quæ mittuntur in Tartarum; locum tamen haberent inter cælestes, si ea auxilia nactæ forent, quibus Catholici affatim abundant. O miseri utriusque sexus infantiuli, nulla adhuc propria malitia inquinati, quàm ego doleo vestram vicem! quàm me miseret vestræ infelicitatis. Quis enim potest illis sine lamētabili gemitu dicere, quod potest eisdem magna cum probabilitate dicere. O miseræ animæ, peristis, actum est de vobis. Simul enim cum pueritia, & adolescentia, erroribus à magistris, vitiis à sociis imouemini, peccata peccatis accumulabitis, nec vnquam beneficio sacramenti pœnitentiæ conscientiam deonerabitis: quid reliquum erit nisi ut cum sub extremam vitæ periodum aperietis oculos, horribilis illius sarcinæ magnitudo desperatione vos obruat, & in barathrum inferorum præcipitet? Qui autem ex illis locis, sorte perquam felici, maturè educti sunt, merito possunt cum Dauide dicere, *Nisi quia Dominus adiunxit me, paulo minus in inferno habitasset anima mea.*

Psal. 93. 17.

VI.

*Agnoscedum
et beneficiū.*

Numera igitur in singularibus Dei beneficiis, si cum editus fueris in lucem eo tempore, quo hæretica perfidia in Christiana republica bachabatur, Dominus tamen locum elegit natiuitati tuæ, ab ea peste immunem: & si cum plerique consanguineorum hoc virus animo concepissent, parentes tamen tui Christianæ fidei puritatem retinuerunt, quorum opera baptismo initiatus es, & inscriptus a bo filiorum Dei, simulque iacta sunt in te fundamenta bonorum omnium supernaturalium.

tam huius, quam futura vitæ; quo beneficio innumerabiles infantes cæ-
ruerunt, partim parentum locordia, partim execranda ministrorum Sa-
tanæ ignorantia. Eorum impium dogma fuit, fidelium liberos sanctos
nasci, neque admodum indigere baptismo: quasi parentum fides eis cœ-
lum aperire posset; contra perspicuam Seruatoris sententiam, *Nisi quis* Ioan. 3. 5.
renatus fuerit ex aqua & Spiritu sancto, non potest introire in regnum
Dei.

Sed redeamus ad illud maximi momenti munus, Christianæ educa-
tionis atque disciplina. Poterat enim Deus permittere, vt dum adole-
sceres, neminem haberes qui curam gereret animi tui, teque in Dei ti-
more contineret; sed vt seruos inter ancillasque educatus, interque dis-
solutorum adolescentulorum greges, maturè iaceres fundamenta licen-
tiæ, per vias profligatæ nequitia gradereris, experts sollicitudinis de sa-
lute tua, experts curæ felicitatis, & timoris Inferni, & eam denique mor-
tem obires, quam huiusmodi vita promeretur; & paria infidelibus, aut
multò potius deteriora supplicia lueres in inferno carcere. Deteriora,
inquam, propter cognitionem, quæ ingrati animi vitium vehementer
amplificat. *Seruus enim*, vt supra dicebamus, *qui cognouit voluntatem* Luc. 12. 47.
Domini sui, & non fecit secundum voluntatem eius, vapulabit multis; qui 48.
autem non cognouit, & fecit digna plagis, vapulabit paucis.

Si ergo amantissimus ille pater, sancto Dei timore ornauit animam
tuam, si studiosè prouidit vt domesticis abundares pietatis exemplis, &
honestis in scholastica exercitatione magistris, non est profectò n edio-
cris ista liberalitas, non exigua demonstratio amoris in te fuit. Sed aliud
adio mirabilius, planè pue paradoxum; pugnat enim cum opinione
multorum. Nam si quis ista omni domestica, externaque institutione
destitutus, timorem tamen diuinum fouit in pectore suo, & intamina-
tum se ab omni nequitia, culpæque grauiore seruauit, non ille desertus à
diuina prouidentia putandus est, sed singulariter adiutus. Supple-
uit enim ipsa per sese, iugi & quotidiano afflatu suo, aut per admini-
stros Angelos, defectum causarum secundarum. Itaque tanto magis di-
uinæ liberalitati obligatus est, quantò præstantioribus vsus est doctori-
bus, & magistris.

Quod si in ista liberalitate inclusa est, vt apparet, diuina gratia & Cha-
ritas, nulli in tibi in hac vita præstantius donum aut magnificentiùs da-
ri potuit, neque vili, præterquam dono personæ suæ, secundum. Lon-
gè pluris est illa gratia, quam patrandorum miraculorum facultas, aut
futurorum prædicendorum; quam eximia cognitio mysteriorum diui-
notum; aut potestas loquendi linguis hominum & Angelorum. Ani-
mam enim erigit, atque exsuscitat ad ordinem, qui supra naturam est,
redditque, vt ex principe Apostolorum alibi dictum est, diuinæ naturæ
confortem. Neque est vlla scientia, aut moralis virtus, quæ pari ani-
mum ornamento nobilitare possit. Quanto præstat vas aliquod ex auro

VII.
Eadem libe-
ralitas bona
educationis
seruatur,

VIII.
Præsertim
que singula-
rem habet
Dei prou-
identiam.

IX.
Cum gratia
& Charita-
te coniuncta.

2. Petr. 1. 4.

solido, terreo diluta sandaraca imbuto; & corpus viuum mortuo, & imago, quæ in bono lumine cernitur, ei quæ in tenebris iacet, aut maligna in luce videtur. Gratia aurum est, vita est, lux est & claritas animorum. Illa vna est quæ ius dat ad felicitatem, quæ peccata obliterat; obstruit portas inferorum, quæ homines templa efficit Spiritus sancti, hæredes Dei, cohæredes Angelorum, ipsiusque Christi Domini regis hominum & Angelorum. O quàm beatus est, qui talem possidet thesaurum! ô quàm infelix, qui tam facilè tam luctuosam iacturam facit!

CAPUT XXI.

Supremum diuinae liberalitatis donum, Prædestinatio ad æternam felicitatem.

I.
*Prædestinati
in gratia
denique mor-
turi, quàm
felices.*

FOELICES omnino sunt, vt dixi, qui diuinæ gratiæ thesaurum possident; sed quanto feliciores essent, in hacce tanta inconstantia & mutabilitate voluntaris humanæ, si is thesaurus amitti non posset? Quæ felicitas per paucis omnino contigit singularibus Dei amicis, quos vocant in gratia confirmatos. Sed istos, aliosque non paucos amplectitur Prædestinationis donum, quod est eorum qui, et si possunt amittere gratiam, eam tamen, antequam mortem obeant, certo sunt recuperaturi. In illo enim perseuerantiæ donum includitur. Felices igitur, quos Deus, ab ipsa æternitate dilexit, quos gratuita misericordia, à massa, quæ dicitur, perditionis, secreuit, quos in libro vitæ descripsit, & aggregauit electis suis, ciuibz cælestis illius Hierosolymæ: qui denique beata Dei visione, eiusque bonis sempiternis, sine vlla dubitatione perfruentur. Hoc maximum, hoc antiquissimum, hoc singulare Dei beneficium est, hoc gratiarum omnium fundamentum, hæc perpetuæ lætitiæ materia & seges, longè profectò maioris, quàm fuit olim Dauidi, cum diceret, *Letatus sum in iis quæ dicta sunt mihi, in domum Domini ibimus.*

Psalm. 121.

II.
*Similitudine
declatur.*

Fingamus eductos è carceribus quinquaginta prædones, triremibus sententia Iudicis addictos. Dum autem catenis constricti abducuntur, ecce tibi filium regis felici casu prætereuntem, qui oculis in aliquem eorum coniectis, misericordia motus, illum ab ea turba educi iubet, vitam ei largitur atque libertatem, famulis suis ac domesticis aggregat, amantissimè accipit, non secus ac si esset frater, denique regni socium se illum pollicetur habiturum. O sortem felicem! ô fortunatum prædonem! Sed illum millies fortunatiorem, qui cum ad massam illam perditorum pertineret, factus est obiectum conuitus miserantis Dei, qui illum ex ea facce, & misera pereuntium

turba fecerneret, qui regis filij sui familiar adscriberet, vt in necessariis coniunctissimisq; conseruetur, vt eum honoris ac beneuolentia causa perpetuò affectaretur, & cum illo aliquando in cœlis æterna beatitudine fruere.

Non est hæc gratia, aut beneficium decem aut quinquaginta mil-
lium coronatorum annuorum; non largitio prouinciæ alicuius, aut re-
gni florentissimi; non vniuersi orbis, terra marique principatus. *Melior est dies vnus in atris tuis, super millia.* Pluris est diei vnus gaudium
& triumphus in cœlo, quàm mille regnorum, ad millenos annos, paci-
fica & quæta possessio. Deus enim, qui in illo regno possidetur, infinitè
pluris est quàm decem millia regnorum, atque adeò decem mundo-
rum millia, imò etiam quàm quicquid immensa eius potestas ac sa-
pientia in lucem proferre potest. Nihil enim produci potest nisi fini-
tum, & certis aut magnitudinis, aut perfectionis terminis circumscri-
ptum, cum ipse sit vndique, omnique ratione infinitus. Permite mi-
hi obsecro nonnullam hoc in loco moram; amœna est enim, ac, nisi
fallor, fructuosa commoratio. Ego verò, inquam, non permitto solum,
sed vehementer etiam rogo, vt has nobis delicias, quas ipse degustamus,
præbeas paulo vberius perfruendas.

Repete igitur memoria tempus Israëlitiæ in Ægypto seruitutis,
& barbaram regis illius inhumanitatem, qui recens natos infantulos
abiiciebat in profluentem; plerique sine dubio in fiscellis scirpeis im-
positi, cum aliquandiu fluitassent, vndis obruti perierunt. Melior fuit
fors, optabiliorque conditio paruuli Moysis, ad quem, cum Nili flu-
ctibus luctantem, diuina prouidentia misit filiam regis, quæ eius mi-
sereretur, ex arcula educeret, morti eriperet, regis instar prolis edu-
ceret, in filium denique adoptaret. Hæc videlicet figura est miseræ
prolis primi parentis, in lato diuinæ indignationis, & peccati origi-
nis Oceano fluctuantis, & naufragio expositæ. Ex eo Rex singulari
beneuolentia nonnullos eripit, mystico suo corpori feliciter inserit
atque adoptat, donat perseverantiæ dono, postremoque gloriæ, ad
quam eos à principio destinaret. Quo affectu Moyses Ægyptiam illam
reginam prosequeretur? quo igitur amore omnes, quibus fors illi
non dissimilis obtigit, diuinum illum regis filium complecti par est?

O te etiam atque etiam felicem, charissime mi, si tam optabili for-
te editus es in lucem! ô beatum ortum tuum, beatam vitam, & mor-
tem longè beatissimam, si forte in albo filiorum Dei descriptus es. Si te
Deus prehensum manu, vt olim Abrahamum, educeret foras serena
quapiam nocte, & pulcherrimam illam cœli faciem, tot adamantibus,
& pyropis illuminatâ ostenderet, diceretque, suspice cœlum, & numera
stellas, si potes, omnes habiturus es subiectas pedibus tuis. Id palatiū cu-
ius solum extimū sic illuminatum est, tuum est, eritque semper tuū, quo

III.
*Magnitudo
beneficij huius.*
Psal. 83. 10.

AUTOR.

IV.
*Comparatione illu-
stratur.*
Exod. 2.

V.
*Pij affectus
ad eam ser-
uam.*
Gen. 15. 5.

tādem gaudio exultaret cor tuum? quo genere famulatus cuperes te gratum exhibere tam munifico principi? Num is à te opus aliquod tam arduum, tam asperum, tam importunum posset exigere, quod non facile ac iucundum redderet illa cogitatio. Tu illi regi famularis, qui tantam tibi mercedem, tam diuturna tamque immensa gaudia, beneuolentissimè præparauit. Addo simile alterum.

IV. *Alterum simile.* Sit aliquis vir honestus in primis ac potens, qui amicum suum deducat ad conclaue secretius, aureæ, argenteæque gazæ asseruandæ, ibique illi ostendat arculam, in qua seposita sint decem millia nummorum aureorum, simulque illi sermō confirmet, se ea omnia ipsi conseruare, ipsius esse ac fore, qua illum obsecro beneuolentia complecteretur? ut operam omnem, ad eius amicitiam fouendam atque amplificandam, conferret? ut nihil omnino negligeret, quod suspicaretur illi gratum, atque acceptum fore? Num filios eius conuitio peteret, pulsaret famulos, ipsum obtreptione violaret? ne per somnum quidem. Thesaurus tamen ille furto auferri potest, amicus mutare voluntatem, & hic maturius vita fungi, quàm aurum accipiat. Deus igitur, qui thesaurum tibi longè ampliorem destinauit, ac promisit, qui neque potest mutare voluntatem, nec tu promissis morte frustrari, quæ à te officia promeretur? nonne par est te omnem eius vel leuissimam offensionem vitare?

CAPVT XXII.

De ignorance doni eiusdem, & quibusdam fiducia coniecturis.

I. *Ignoratio prædestinationis, & ut certa reddatur.*

AUTOR.

2. Petri. 1. 10.

ELEGANTER quidem tu isthæc omnia, inquam, vnum tamen deest in hoc Dei dono, ad cumulatum perfectumque gaudium, quod scilicet optatissimæ huius electionis incerti, atque ignari sumus. At ego tibi, ait Liberalis-Amor, facile cum Petro, Apostolorum principe respondebo. *Satagite ut per bona opera certam vestram vocationem & electionem faciatis*, quasi dicat, Electionis huius certitudinem, ab eo cuius interest, pendere, eumque vitæ integritate ac sanctimonia docere, à Deo se vocatum, atque electum esse. Vsurpabo & illud diuinum responsum, quod viro cuidam redditum est, cuius animum inconstantia timiditasque contrahebant, ne fortè in electis non esset. Age quæ acturus esses, si tibi de æterna tua electione constaret, & certus eris. Quo ille interiore oraculo confirmatus, placidè deinceps in paterna Dei prouidentia conqueuit.

II. *Lata est iam sententia, sed præiudicio sine uite.*

AUTOR.

At enim, inquam, iam lata est de me sententia, in æterno illo, arcanoque Dei consilio; & promulgabitur illa quidem, atque innotescet aliquando, tam ipsi mihi, quàm mortalibus vniuersis, sed non mutabitur,

tur, quidquid omnino contingat. Ego enim Dominus, inquit ipse, & non mutor. Et rursum: Non est Deus quasi homo, ut mentiarur: nec ut filius hominis, ut mutetur. Non ignoramus hæc, ait Liberalis-Amor, sed neque tibi ignotum est illud apud Ieremiam, Si penitentiam egerit gens illa à malo suo, agam & ego penitentiam super malo, quod cogitavi ut facerem ei. Ad hominum videlicet sensum, captumque accommodata oratio est. Certum tamen est in arcano illo aternoque consilio, decretoriam sententiam non fuisse, sine accurata cognitione causæ, pronunciatam. Vidit Deus totum vniuscuiusque vitæ cursum, extremamque periodum. Quem ergo vidit in gratia sua ad mortem usque perseveraturum, de æterna illius salute immutabile iudicium tulit; & vice versa de illius suprema atque immutabili calamitate constituit, quem improuisa mors deprehenderit lethali crimine implicatum. Id crimen voluntarium erit & vitari poterit sicut & cætera, nec deerit gratia ad vitandum, quæ à peccatore repudiata, ostendet se fuisse reprobum. Ille autem qui eadem usus Dei gratia tentationibus restiterit, constanter in diuina amicitia perseverauerit, hostes salutis suæ ignominiosè repulerit, re ipsa probabit electum se à Deo, ac cælo destinatum fuisse.

Quamuis autem vni Deo, præterea nemini, præmissa sit ista definitio, ad nonnullam tamen fiduciam & consolationem bonarum mentium sancti Patres plerasque coniecturas notarunt, quarum aliquas Timor Dei non negligenter explicauit. Ex signis enim reprobationis contraria electionis signa colliguntur. Nam si obduratio in non credendo, si neglectus verbi Dei, si vita flagitiosa, si superbia notæ sunt reprobationis; pius certè affectus ad assentiendum mysteriis fidei, Deique verbum audiendum, peccati odium ac fuga, in primisque superbix, non leuia erunt argumenta sperandæ felicitatis. Ea signa Christus Dominus disputans aduersus Iudæos vna sententia complexus est. *Oues*, inquit, *meæ vocem meam audiunt, & ego cognosco eas, & sequuntur me, & ego vitam æternam do eis, & non peribunt in æternum.* Sed hæc alio iam loco explicata prætereamus.

Minimè tamen prætereundum est signum religiosæ vocationis ac vitæ, omnium iudicio longè præstantissimum, atque certissimum prædestinationis argumentum; amoris quoque ac liberalitatis diuinæ, in eum qui ad hoc vitæ genus vocatus, vitam ducit dignam vocatione sua. Neque enim signum certius aut euidentius desiderari potest, illa promissione tam certa, tam perspicua, tam liberali illius ipsius, qui singulare hoc munus promeritus est nobis, & à quo in eius possessionem mittendi sumus. Cum enim, etiam adhibito iureiurando Dominus promississet Petro, cæterisque Apostolis, qui relictis omnibus eum secuti fuerant, fore ut non solum regni cælestis hereditatem essent consecuturi, (quandoquidem nomina eorum descripta essent in libro vitæ, in quo Deus debitorem se constituerat omnium, quæ ipsius gratia illi

III.
Aliquot si-
gna Præde-
stinationis.
l. 2 c. 16. 17.
& 18.

Ioan. 10. 27

IV.
Præsertim
vita religio-
sa.
Plat. l. 1 c. 32

Matt. 19. 18
Id ex Seri-
ptura pro-
batur.

reliquissent) sed omnium etiam mortalium Iudici essent assessuri, ut pro illustri sua apud eum gratia, ceteros quoque ei redderent gratiosos. Et promissioni mox subdit, omnes qui, Apostolorum exemplo, domos, fratres, sorores, parentes, uxorem, filios, agros pro Christi nomine reliquissent, centuplum, etiam in hac vita, ut est apud Marcum, accepturos, & in seculo futuro vitam æternam.

ca. 10. 30.
V.
Rursumque
confirmatur.
Luc. 12. 32.

Eandem alibi promissionem, cum magno verborum suauitate, repetit atque inculcat, *Nolite*, inquit, *timere pusillus grex, quia complacuit Patri vestro dare vobis regnum*. Vtique regnum, quod præ reliquis omnibus meretur id nomen, cuius obtinendi spem neque humilitas ista & obscuritas, neque admissæ aliquando culpæ infringere debent. Donum Dei est, & liberalis misericordia, & donum amantissimi patris dilectissimis filiis conferendum, non necessitate aliqua, sed ex mera de suis benemerendi voluntate: id illi cordi est, non obliuiscetur, nedum retrahabit promissionem suam, sæpius in Euangelis iteratam. Felicem Religiosum, cui tantum est æris, tamque certi in nominibus; cui tot syngraphæ, & cautiones, quas in egressu vitæ huius proferet in iudicio, ut in cælestis regni possessionem mittatur. Quanquam minimè necessaria erit iudicii seueritas. Eadem quippe bonitas, quæ excitauit ad promittendum, ad promissi solutionem excitabit, nec erit verbis liberalior, quàm rebus ipsis.

VI.
Desertio religionis si
gnum reprobationis.

Hinc facile intelligi potest quàm malè rebus eorum consulatur, quàmque ancipitem habeant ac periculosam salutis consequendæ fiduciam, qui vel ignauia sua, vel etiam malitia vocationem religiosam deserunt: aut qui ad Dei vocantis voces pertinaciùs obsurdescunt: quos Deus illa via, atque eo vitæ genere ad felicitatem adducere cupiebat, si dicto audientes esse voluissent. Nónne cùm ventum fuerit ad tempus illud, quo ratio reddenda erit antea vitæ, Iudex tristissimum illud Sapientis verbum exprobrabit. *Quia vocani & renuistis, extendi manum meam, & non fuit qui aspiceret, despexistis omne consilium meum, & increpationes meas neglexistis; ego quoque in interitu vestro ridebo, & subfannabo, cùm vobis id quod timebatis aduenerit*. Cùm scilicet ab sperata temerè felicitate iustè exclusi, suppliciis addicemini sempiternis.

VII.
Religiosa
vocatio exi-
mia est Dei
liberalitas.

1.

Quoniam verò religiosa vocatio, non solum nobilissimum, certissimùmque signum est diuinæ prædestinationis, sed eximia etiam est Dei vocantis benignitas, ac liberalitas ipsa per sese, qua vititur aduersus gratiosos quosdam suos, quos, ex variis Ecclesiæ suæ locis collectos, deducit in ædes suas, redditque domesticos, age dicamus aliquid cursim de magnitudine liberalitatis huius. Principio igitur religiosus fit aliquo modo idoneus ad satisfaciendum maximæ illi ac iustissimæ obligationi, sese diuino famulatu mancipandi, ad quotidianum vsum, ut sic ab eius voluntate pendeat, quasi voluntate careret ac libertate.

2.

Deinde hæc liberalitas homini eripit innumerabiles offendendi Numi-

nis occasiones. Eadem primo statim aditu obtinet à Deo, vt peccatori antiqua omnia nomina accepta ferat, perinde ac si recens baptismo esset ablutus. Itaque antiqui Patres professionem vitæ religiosæ alterum baptismum esse censuerunt.

Eadem rationem præbet expetendæ à se vltionis admissorum primum scelerum, vitæ asperitate, & voluntariis pœnis. Eademque opera ingentes meritorum thesauros congerendi, decurrenda diuinorum mandatorum via: cuius rei copiosam exhibet facultatem abundantia gratiarum, quas Deus in animas filiorum suorum continenter effundit, qui sese liberaliter in sinum diuinæ prouidentiae proiecerunt; quæ vicissim cum ipsis de liberalitate certat, eoque singulari ac planè paterno cum amore, per eorum Superiores, vicarios suos gubernat; qui ipsius non auctoritatem solum, sed benevolentiam & charitatem, sed sapientiam & prouidentiam, sed sollicitudinem & curam prospiciendi omni eorum indigentia, siue ad animum pertineant, siue ad corpus ipsum, egregie repræsentant. Illic quotidie, atque adeo singulis pene horis ac momentis abundant præclarissimarum virtutum exemplis, quæ singulos prouocant ad imitandum, nullo irrisionis metu, nullo periculo vanitatis: quòd vt perpetuum est in seculari vita, ita est longè miserrimum, vt pudeat benefacere cum velis, pudeat non esse impudentem.

Ibi perfecta planèque germana charitate iunguntur vniuersi; eodem quippe instructo, regula, habitu, vocatione gaudent. Eodem corporis cultu, victuque sustentantur, iisdem ferme occupationibus distinguntur, quæ tum Dei gloriam respiciunt, tum animarum salutem. Mutuis sese auxiliis, vt res ipsæ cuiusque, ac tempora tulerint, tanquam vnius eiusdemque corporis membra, animosè constantèrque iuuant. Nominatim verò, quod ad bona opera, meritæque singulorum, quæ charitas Christiana viuentibus membris communicat, tantò abundantius communio illa contingit, quantò arctiore vinculo personæ copulantur, vt quæ ad eandem familiam pertinent, nec quoquo modo pertinent, sed vt patres fratresque in Christo charissimi, qui nihil sibi vnus faciunt, aut acquirunt, sed cœtui vniuerso. O quàm gloriosum, quàm utile, quàm delictabile est vocationis beneficium, quanti æstimandum, quantis gratiarum actionibus prosequendum, quando illa vna Dei liberalitate innumerabiles aliæ continentur.

VIII.

Quam multa beneficia illa continentur.

4.

5.

6.

7.

8.

IX.

Alia beneficia generis eiusdem.

9.

10.

11.

CAPVT XXIII.

Diuina liberalitas in Sacerdotio hominibus concedendo.

I.
*Sacerdotij
dignitas.*

LIBERALITAS concessi in Euangelica lege Sacerdotij, nec vltra ad vnum aliquem locum, familiamque alligati, sed cum omnibus nationibus vbique communicati, tanta est, tamque mirabilis, & præter multorum opinionem, etiam eorum ferè, qui ad eam euecti sunt dignitatem, vt meritò attentius inspicere debeat, & seorsim explicari. Dignitas est legi gratiæ reservata, nec ipsis olim concessa Patriarchis aut Prophetis, quantauis apud Deum gratia, meritisque præstarent; ac ne Angelis quidem aut Archangelis, purissimis licet, integerrimisque mentibus; imò neque Cherubinibus, neque Seraphinis, quantacumque sint diuinorum mysteriorum cognitione, & aureo Charitatis ardore locupletes. Postremò ne ipsi quidem sanctissimæ Dei genitrici, Angelorum omnium, sanctorumque reginæ; propter sexum huic ministerio minimè congruentem.

II.
*Tam multis
liberaliter
collata.*

*cum potestate
duplici.*

Sed in eo vel maximè apparet diuina ista benignitas, quòd ad istam dignitatem non solis Apostolis, aut Euangelistis aditum patere voluit, aut magnis Ecclesiæ præsulibus, sanctitate ac doctrina præstantibus, sed sæpenumero ne vilia quidem capita repudiat. Denique ad eam irreperere permittit homines, neque moribus, neque doctrina commendatos; sed ignorantia & turpitudine vitæ dedecorantes & officij dignitatem, & ipsius Christi, cuius vices gerunt, auctoritatem, atque maiestatem. Ad quam ille liberalitatem adactus est, ne quando fortasse deessent, qui Sacramentorum suorum thesauros numerosæ familiæ suæ dispensarent, si eorum potestas à scientia, vel probitate penderet. Summus ergo Pontifex, ac sacerdos Christus Dominus, viros elegit, quos sacerdotio decoraret, simulque ad apicem ipsum dignitatis eueheret, atque potestatis. Geminam porrò illis largitus est potestatem, alteram in illud ipsum corpus suum, quod ex vtero virginali eduxit; alteram in corpus mysticum ipsius, quod est Ecclesia.

III.
*Altera in
corpus suum
naturale.*

Luc. 22. 19.

Et priorem quidem illam potestatem reliquit Ecclesiæ suæ, pridie quàm subiret supplicium crucis, quando se ipse speciebus panis & vini circumtectum, æterno patri prior obtulit, facta ingenti miraculo mutatione illarum naturarum in proprii corporis, sanguinisque substantiam, diuinæ personæ Verbi inseparabiliter coniunctam. Quod ipsum cum iussisset fieri à discipulis suis, hoc ipso eandem illis communicauit potestatem, fecitque nouæ legis sacerdotes. Posterior in animabus à qualibet noxa emundandis posita est, sancti-

moniâque conferenda: ad quod prodigium sacerdos proximè concurret, accepta diuinitus potestate verbis illis, *Accipite Spiritum sanctum, quorum remiseritis peccata, remittuntur illis, & quorum retinueritis, retenta sunt.* Quibus verbis mancipia cacodæmonis in filios Dei conuertuntur.

Et ut à priorè illa ducamus initium, quanta est, Deus immortalis illa Sacerdotis potestas, ut mutas inanimasque res mortalium nutrimento destinatas, in viuam agni Dei naturam, eius videlicet corpus & sanguinem commutare possit, & quasi nouus creator, nouum illi esse tribuere, quod sacramentale vocant: noua illum veste quotidie induere, vel perquam tenui ac subtili circumtegere conopæo; atque ita illum hominum potestati, voluntatiq; permittere. Magnum sane est solem ac lunam sua illa stadia in cælo decurrentes, iubere subsistere, & habere obsequentes; magnum quoque retrogradum agere Iordanem in caput suum, aut virga mare diuidere. pèrque medios vndarum vortices siccum iter præbere peditibus; magnum educere manna de cælo, mel de petra, oleumque de saxo durissimo, aut denique in vitam reuocare defunctos; cedunt tamen hæc omnia illi, quam celebramus, potestati, quæ circa creatorem ipsum, non res creatas duntaxat, mirabilem exercet potestatem.

Quid est enim conficere Eucharistiam, quam iustitiæ solem humano arbitrio, sub panis specie retinere, ut de nusquam digrediat, dum accidentia panis incorrupta subsistent. Hic nimirum, ô Christe optime maxime antiqua illa miracula, cum magna admirabilitatis accessione, roborasti. Minus enim mirum est liquidum elementum aëreo muro, ne quâ disfluat, retineri pendens, quam accidentia, sine villo fundamento substantiæ subsistere ipsa per se; Minus mirum est illum angelorum panem ex aëre deuocare in terram, quam vnicum Dei filium de patris dextera deducere, panis ac vini tenuissima imagine obiectum, hominibus exhibere comedendum. Non magnum est educere mel de petra, oleumque de saxo durissimo, id est aquam, quæ mellis instar dulcesceret, aut olei roboraret, & populum comitaretur, per diuersas Arabicæ solitudinis mansiones oberrantem, si cogitemus ipsum Dei filium deliciosissimum educi quodammodo de pane ad vocem non religiosissimi sacerdotis, & candida veste circumfufum, per altaria, vicos, ac plateas, in hac nostra peregrinatione traduci.

Non est opinor aliquid maius defuncto corpori restituere animam suam, ab eo paulo antè deiunctam, quam modicum aliquid panis & vini animare; ita ut quod externa specie panis & vinum est, præterea nihil, intimè sit corpus & sanguis Christi Domini, viui ac spirantis, & mortuis vitam restituentis. *Formauit Dominus Deus hominem de limo terræ, ut ait Moyses, & inspirauit in faciem eius spiraculum vitæ;* animam scilicet, quæ isti ex argilla statuat vitam & respirationem dedit, & factus est homo uiuens, Hic sacerdotes paululum sumit panis & vini, in quibus neque vita,

Altera in mysticum. Ioan. 20. 23.

IV.
Mira sacerdotis potestas in Eucharistiam.

Deut. 32. 15.

V.
Declaratur similibus, & sacramento accommodatur.

VI.
Dat panem esse Deo.

Gen. 2. 7.

neque sensus aut motus, sed ea pauculis afflata verbis, mutat in corpus immortale secundi Adæ, & spiritu beatissimo animatum. Quid dici potest aut cogitari mirabilius, quàm Deum creatorem esse hominis, & hominem modo quodam creatorem Dei, dato illi nouo esse in sacramento?

VII.
*Quàmque id
gloriosum sit
Ioan. 1. 12.*

2. Cor. II.
25. 26.

VIII.
*Et utile sa-
cerdoti.*

*Gloriosum
ipso Deo.*

IX.
*Et Ecclesie
salutare.*

*tam trium-
phanti,*

Isa. 49. 3.

O aquila Euangelistarum Ioannes Apostole, gloriosum tu quidem hominibus facinus prædicabas, cum diceres Seruatorem venientem in hunc mundum potestatem dedisse iis, qui receperunt eum, filios Dei fieri; At ingeniosus hic, & liberalis amator, aliquid videtur excogitasse mirabilius, & magnificentius largiri voluisse, cum dedit hominibus potestatem filium Dei facere, sacrosancta eius verba rite, legitimèque usurpantibus; idque non semel, aut iterum totius vitæ decursu, quæ esset gratia vel ipsa morte redimenda, sed quotiescunque collibitum esset sacerdoti; *Et quotiescunque feceritis*, obligata fide se, in ipso articulo temporis, perpetuo adfuturum, voci famuli sui obtemperantem, & quidem famuli aliquando scelestissimi; quodd huius efficacia potestatis, non à vita, moribusve sacerdotis, sed à Christi Domini institutione pendeat.

Summa profectò est hæc potestas, si quis rem illi subiectam æstimet, sed ipsi quoque sacerdoti maximo est emolumento; habet enim vnde summo Deum honore afficiat, supremòque cultu, vnde toti Ecclesiæ Dei, sibi que ipsi sit maximopere fructuosus. Ista enim liberalitate ita locupletatur, vt de cælo, terra, inferis, ipsòque Deo quodammodo bene mereri possit. Nihil enim est quod ad maiorem diuinæ maiestatis gloriam redundare possit, quàm eam dignam censere sacrificio corporis, sanguinisque *ἁγνῶτα* dignam, quæ impena talis holocausti propitia fiat, fauensque mortalibus; dignam cuius honori violato satisfiat oblatione personæ diuinæ, & incarnati Verbi, quodd in speciebus quibus obtegatur frangatur, consumatur, & pene redigatur in nihilum. Quænam crimina, si accumulentur omnia, quæ vnquam ab hominibus, angelisque perpetrata sunt, tali oblatione non cumulatissimè repensentur? fiântque sicut aquæ gutta, cum totius oceani immensa vastitate comparata?

Fieri potest vt tali tantoque muneri aliquid in cælo negetur, quod sit salutare postulanti? Præsertim diuinus amor, qui clavis est reliquorum donorum. Eximius enim amor, quo se ipse donat qui offertur à Sacerdote, non nisi altero amore rependi potest. Hinc autem facile intelligi potest, quàm utilis sit sacerdos toti Ecclesiæ Dei. Illi primùm quæ beatitudine fruitur. Cum enim diuina hæc hostia supremæ maiestati, ad honorem sancti alicuius offertur, præstanti quadam læticia afficitur, quodd per occasionem suam Deus tam gloriosè colatur, atque honoretur, sic vt ei propheticum illud dicere possit, *Seruus meus es in Israel, quia in te gloriabor*, causa videlicet aut occasio factus es

cur ego glorificet tanto sacrificio filij mei dilectissimi, atque honoratissimi.

Iam quod ad illos attinet, qui versantur in terra, quibus opem ferre fas est, nemo facile explicet quantum sit illis à Sacerdote præsidium. Dum enim pro aliquibus sacrificatur, utique ab ira Dei prote-
guntur, & veræ pœnitentiæ spiritum Deo miserante recipiunt, ut peccata, de quibus dolent, deleant, & pro iis diuinæ iustitiæ satisfaciant, gratiæ incrementa capiant, & copiam spiritualium honorum. In rebus etiam aduersis aut effugium inueniunt, aut vires ad eas fortiter tolerandas, vincendâsque. Qui autem ad illam pertinent Ecclesiæ partem, quæ expiatoriis sub terra vexatur pœnis, faciente pro eis sacerdote, subleuantur paulatim, pro mensura satisfactionis, quam Deus unicuique sacrificio assignauit, tandêmque penitus liberantur. Interim consolatione aliqua in medio fornacis, quasi vento roris flante refrigerantur, aut quasi cibo potûque suauissimo in acerbissima fame sitique reficiuntur, aut vulnerum suorum quasi salutifero balsamo curationem recipiunt.

In ipsam quoque sacerdotis personam redundat in primis diuina ista liberalitas, quando tota ista potestas, ipsi honori est, delectationi, & emolumento. Sed, ut cætera missa faciamus, quot ille quotidie nobilissimarum virtutum actus exercere sacrificando potest? Principio fidei, dum quod sensus omnes panem esse duntaxat, vinûmque nunciant, credit esse corpus animatum & viuens: gloriosum quoque, & impati-
bile, quamuis in illis quibus tegitur accidentibus confringatur, denique in membra singula externa internâque distinctum, quamuis nulla sit in alterutra specie, ut pote homogeneis partium distinctio, idque vi quatuor verborum, quæ pro arbitrio ipse protulerit. Spei quoque actiones eliciet beatæ vitæ in cœlis obtinendæ, ab eo, cui in terris toties nouum esse in sacramento dederit, cuius interuentu sapius dilectas sibi animas adierit, & in cordium sibi consecratorum possessionem venerit. Christi ergo interuentu, veniet ipse aliquando in beatam fruitionem Dei.

Institus est nobis à natura amor nostri, & eorum quæ ad nos pertinent, eoque maior quo ista vel maiora sunt, vel nos propius attingunt. Itaque sacerdos singulares quotidie potest exercere charitatis actus erga Dominum suum, sed nouo quodam modo suum, cui esse nouum in sacramento dederit, & peculiari quodam iure illi dicere, *Dominus meus, & Deus meus*. Quanto cum amore seruire potest amori Domini sui, qui ipsius vtitur manu, ut dilectas famulorum famularumque suarum animas inuisat. Quantum habet incitamentum, ut magno cum ardore charitatis offerat Deo hoc holocaustû, quod ipsum per se immenso flagrat ardore charitatis: Quanto cum affectu amorem suum coniunget amori regis sui

X.
quàm missa-
antis.

& patientis,

XI.
Sacerdos
multos vir-
tutum actus
exercet sa-
crificando,
fidei.

Spei.

XII.
Et maximè
charitatis.

quem nouit summa delectatione affici, dum patri suo offertur pro amicis suis, & eum offert patri studio bene merendi de filio, & ipsius memoriæ renouandæ, qui iussit id ipsum fieri in sui commemorationem. Omitto eximias cæterarum virtutum actiones, vt obedientiæ, religionis, demissionis animi, ne in tam vbere materia, latius quàm par sit, fundatur oratio mea.

CAPVT XXIV.

De potestate iustitiæ, & gratiæ peccatoribus per eundem sacerdotem restituendæ.

I. *Altera Sacerdotis potestas in Christi corpore mysticū.*
TRANSEO nunc ad alterum caput diuinæ aduersus Sacerdotem liberalitatis, illius inquam boni pastoris, & Episcopi animarum, qui Sacerdotem medicum esse voluit, iudicemque gratiosum mystici corporis sui, quod est Ecclesia, ad sanctitatem, iustitiam, atque innocentiam illi tribuendam. Itaque in tam illustre negotium libenter suam omnem curam operamque confert, omnem impendit industriam, memor zeli animarum, quo Seruator ipse feruebat. Hunc itaque zelum in eius gratiam liberaliter exercet docendo, concionando, exhortando, visitando, monendo, communicando cum proximis; maximè autem salutare pœnitentiæ sacramentum administrando, quo vno maximè vniuersum mundum sibi reddit obligatum, quippe qui se peccatorem quotidie fateatur, nec negare potest, nisi se ipse decipiat, ac mētiatur. Agnoscit ergo & indigentem remedij, quod Seruator vni commisit Sacerdoti. Omnibus igitur necessaria est opera eius. Et si enim legitimus dolor de peccatis illa delet, & reconciliat hominem Deo; necessarium tamen est vt absolutio sacerdotis accedat, si quo modo possit obtineri, eique, vt peccator ipse culpas suas rite fateatur; alioqui neque utilis, neque legitimus fuerit ille dolor.

II. *Quam necessaria sit.*
 Quod si Ecclesiæ deesset hoc remedium, nec spes reconciliationis & diuinæ misericordiæ vlla esset, miseri mortales desperatione fracti, in omnium se voraginem scelerum præcipites darent: omnia sola terrarum referta essent prædonibus, & omnia maria piratis, carceres sicariis, & sylvarum latronibus redundarent, templa in speluncas, & ciuium ædes in luparum lustra verterentur: mortales denique sub humana specie dæmones censerentur possent, aut cum ipsis de improbitate certarent. Quales plerique olim reperiuntur inter Ethnicos, malo dæmone tyrannidem impotentissimam per viros principes in mortales exercente, quales nunc Turcæ, Athei, & nonnulli hæretici viuunt nisi maiore quapiam vi à sceleribus abstrahantur. *Corrupti sunt, & abominabiles facti sunt, ait Dauid, non est qui faciat bonum, non est vsque ad vnum.* Sed tu hisce prouidisti

disti malis; ô diuina sapientia, meritorum tuorum thesauro in Ecclesia constituto, illius clauibus in manibus sacerdotum liberalissimè depofitis, vt quouis loco ac tempore reconciliandis peccatoribus præstò esse possent.

Peccatoribus, inquam, quantumcumque perditis, ac desperatis. Sumamus enim vnū aliquem istorum in extrema vitæ periodo constitutum, qui decem millia talentum diuinæ iustitiæ debeat, tot catenis à dæmone, quot sceleribus, ipsos quinquaginta annos perpetratis, teneatur adstrictus. Imminet infelici Iudex, ad fulmē diuinæ maledictionis in ipsius caput intorquendum paratus: reus tot tantorumque criminum conuictus exalbescit metu, tantique mali discrimine totis artibus contremiscit. Videt infernum, vt ait Elaias, dilatantem animam suam, & aperientem os suum absque vllò termino, & dæmones ad eum in medios flammarum globos deturbandum expeditos, eique interim insultantes, dum angeli ipsi de tam luctuosa catastrophe trepidant. Nihil habet in cælo, aut in terra quò confugiat infelix, omnia illi clausa, omnia surda, omnia votis imperuia, atque impenetrabilia. Essent quoque penitus conclamata, nisi forte perquam felici sacerdos adesset, cuius ex ore pendet tam tragicum iudicium, qui desperatione afflictum, ad spem in diuina misericordia erigit atque exsuscitat, gemitum elicit, & duobus absolutionis verbis dirigit in viam pacis. Lætificat angelos, dæmones luctu afficit, iudicem in parentem, reum in filium, & omnium bonorum egentissimum, in regni cœlestis hæredem conuertit. O Deum immortalem, quàm prodigius es bonorum tuorum!

Verum non perpetua est, inquam, ista profusio, ac ne frequentes quidem istæ victoriæ. Scleratam enim vitam mors infausta comitatur. Notum est enim illud Dauidis, *Mors peccatorum pessima*. Et contra, *Pre-tiosa in conspectu Domini mors sanctorum eius*. Rectè tu ista quidem, ait Liberalis Amor. Nunquam tamen meliorum desperatione frangi par est, dum spiritum istum ducimus; dummodo & præterita ex animo lugeamus, & fortiter ad meliora connitamur. Ideoque permittit Dominus aliquos ex ipsis Tartaris faucibus euadere, vt aditus desperationi præcludatur. Et contrà plerosque patitur eo rerum statu perire, ne quis temeraria expectatione deludatur. Videamus ergo quid ferat consueta Dei misericordia, cuius moderator & minister est Sacerdos.

Quantum obsecro beneficium confert pœnitenti Sacerdos, quem mœstum, timidum, ac pudore turbatum videt venientem ad se, excipitque paterna beneuolentia, audit, iuuat, dirigit in accusatione suscepta: tum suorum illi peccatorum gravitatem ostendit, ad eaque deploranda ac detestanda excitat, eumque mouet ad Dei erga se patientiam admirandam. Docet enim plerosque nunc ardere in inferis, & incredibilibus suppliciis lacerari, qui minora peccarint, ipsum nihilominus præcæteris ei cladi ereptum esse; cùmque illi tam amabilem Dei faciem nun-

III
Grauissimis
præsertim
peccatoribus

Ca. 5. 14.

commuta-
tione mi-
rabili.

IV.
A V T O R.
Et ordina-
ria reconcilia-
tione pœ-
nitentium.
Psal. 33. 22.
& 115. 15.

V.
Quem eis
sensum pro-
cure.

quam sint visuri, ipsum tamen à tanta clade immunem fore, si serio respiscere velit, & ad castra poenitentiae transire. Quibus ille prouocatus, euangelicum illum prodigum imitatur, & quanto potest cordis affectu, in genua prouolutus, ante imaginem crucifixi, lacrymantibus oculis, peccatusque tundens ait, *Pater peccavi in cælum, & coram te.*

VI,
*Quamque
supplicem
orationem.*

*Quanta in
eis fiat mu-
tatio.*

O pater sanctissime atque optime, pater clementissime, miserere improbissimi huius filij tui, quamuis tam præstanti nomine, multo magis conditione, ac tractatione indignissimi; sim apud te instar mercenarij, aut nequissimi mancipij, modo sim apud te. Ne respicias quid mereatur magna miseria mea, sed quid conueniat magnæ misericordiæ tuæ, qua nisi erga me uti voluisses, neque me tandiu miserè decerrantem expectasses, neque reuertentem ad te tanta, tamque paterna suauitate complectereris. Cum ergo Sacerdos hæc aut his similia verba peccatori, & sensa suggererit, is qui admirabili transformatione panem & vinum in Iesu Christi corpus & sanguinem mutat, hic fontem in sanctum conuertit, mancipium Satanæ in filium Dei, & æternorum suppliciorum reum, in heredem felicitatis æternæ. Quin etiam prodigo isti prioris vitæ merita restituit, & peccato mortificata, superueniente gratia reuocat ad vitam solum Dei, in odium peccati; amorem carnis & sanguinis, in amorem piacularium poenarum à seipso expetendarum, studium mendacij ac vanitatis, in iustitiæ curam veritatisque conuertit. O mutatio non solum dexteræ excelsi, sed industriæ quoque, charitatis, & potentiae sacerdotalis!

VII.
*Quam gra-
tum Deo sa-
mulatum
exhibeat.*
Psal. 15. 2.

Luc 15. 32.

Eam potestatem Deus ipse bene collocatam putat, quando eam videt sibi quoque ipsi aliquo modo fructuosam. Minimè quidem dubium est illud Davidis elogium, *Deus meus es tu, quoniam bonorum meorum non eges.* Quia tamen constat eum esse patrem, quod quotidie ipsius institutione formati profiteamur, quomodo eum non censeamus lætari, recuperando dudum perditos filios suos, & cum parabolico illo patrefamilias dicere, *Epulari & gaudere oportebat, quia hic filius meus mortuus erat, & renixit, perierat, & inuenitus est.* Fieri nequit quin gratam habeat lætitiæ angelorum super uno peccatore poenitentiam agente, & suum cœlo ciuem restituente. Non potest non eximio amore prosequi sacerdotem, qui quantum in se est, non patitur diuinum illum filij sui sanguinem frustra pro salute peccatorum effusum; qui pretiosam prædam de Satanæ faucibus eripit, oraque obstruit, quæ maledicta in Deum, cælitesque continenter effunderent; qui execrandas voces in gratissimos hymnos commutat, spem omnem dæmonum irritam reddit, & inanes conatus. Atque ita liberalitas à Deo facta sacerdoti, in eius gloriam cedit, & salutem filiorum eius.

CAPVT XXV.

*Liberalitas, qua se Deus hominibus deditit,
factus homo.*

SI quando rusticanis hominibus diuina prouidentia contigerit facili-
lis herus, commodisque moribus, qui pagos eorum non solum ab
itionibus & reditionibus militaribus liberos seruet, sed à tributis etiam,
cæterisque oneribus reddat immunes, nec ab eis iure clientelæ vesti-
gales operas crebro exprimat: Non habent utique quo se gratos tam
liberali Domino exhibere possint, nedum pari par referant; præser-
tim si vineas, agrósque suos, si prata, syluas, atque viridaria colenda
eis curandaque vilissimo pretio committat. Quod si præterea Dominum
se oblitus, illorum etiam in rebus arduis se addiceret seruituti, quid pos-
sent pagani isti, si quo modo id ferre possent, facere, dicere, cogitare, quo
tam insignem, tam extraordinariam, & inauditam gratiam repensa-
rent? Nullum profectò sinem facerent gratiarum agendarum, nullum
tam insignem Domini sui bonitatem prædicandi modum tenere pos-
sent, omnibus eam domesticis & cognatis, amicis, vicinis, necessariis,
omnibus obuiis notis ignotisque commendarent: denique in offerendo
vicissim famulatu suo, fortunis, corporibus, ipsaque vita, amabilem quo-
tidie importunitatem adhiberent.

Tam felix hominum sors in hac vita fuit, tamque fortunata conditio,
ut Dominum nanciscerentur longè optimum, ac liberalissimum: qui
non solum subditos suos tributis, vectigalibus, cæterisque oneribus
non opprimeret, sed qui eis terras omnes & maria, & quæcumque in
amplissima hac rerum vniuersitate latifundia possidet, liberalissimè lar-
giretur, nullo alio pacto redditu prædiorum, nulla cæterorum bonorum
mercede, aut vectigali, quam amoris intimi ac singularis, cum suorum
observatione mandatorum, quam amor ipse perfacilem reddit, atque
expeditam: quo tandem modo par est eos tantam rependere, aut remu-
nerari liberalitatem? præsertim cum ne suæ quidem personæ sepercerit
tantus princeps, sed eam multiplici hominum subiecerit seruituti; num
debent in tanta bonitate ac magnificentia deprædicanda fatigari? Nemo
igitur miretur latiùs fundi nostram hanc de diuina liberalitate disputa-
tionem. Verbis saltem agnoscenda & celebranda sunt principis nostri
beneficia; nihil in eius laude nimium esse potest. Gratiarum agat lingua
perpetuas, habeat animus quæ superent omnem modum. Imitemur
Dauidem, & Danielis focios in fornace, omnes res creatas inuitando ad
laudandum Deum, ob eam præsertim beneficentiam, qua seipsum de-
dit nobis, de qua deinceps nobis agendum est.

I.
*Simile ad
excusandam
longitudinem.*

II.
*Proposito
applicatur.*

III. Nobilissimum S. Paulini Episcopi Nolani facinus perpetua bonoꝝ
S. Paulini omnes iucundaque recordatione reficiet, & gloria liberalitatis eius
liberalitas. æquabit omnes annos consequentes, quod post effusa omnia bona sua,
 pauperum necessitatibus subleuandis, aded vt de locupletissimo factus
 esset egentissimus, cum quid vltra daret non haberet, homini barbaro
 se ipse vendidit, vt pauperis viduæ filium seruitute liberaret. Poterat
 vtrique Seruator eodem se modo gerere cum ipso, quo cum magno Ioan-
 ne Alexandrino Patriarcha, cum quo ita beneficentia ac liberalitate
 certauit, vt quo ille se pauperiorem, de omnibus bene merendo effice-
 re conabatur, hoc eum ille redderet in dies locupletioꝝ. Quo modo
 si Dominus se cum Paulino gessisset, tam liberalis animus ignotus mun-
 do fuisset, nec tam eximia virtus barbaro illuxisset loco, neque prome-
 rita esset tot Nolanorum ciuium libertatem, qui in Africa miseram ser-
 uiebant seruitutem.

IV. Imitatus est Sanctus hic antistes Dominum ac Seruatorem suum, qui
Dominica vt ait Apostolus, propter homines egenus factus est, cum esset diues, vt
imitatrix. eos sua inopia locupletaret. Sed in eo maxime illum imitatus est, quod
2. Cor. 8. 9. cum is hæc vniuersa quæ condidit, in multiplicem hominis vsum desti-
 nasset, nec haberet vltra sub cælo quod daret, ad eorum libertatem
Philip. 2. 7. promerendam, vltro se ipse mancipauit seruituti. *Exinaniuit enim se-*
8. *metipsum, vt ait idem Apostolus, formam serui accipiens, in similitudi-*
nem hominum factus. Denique factus homo progressus est vltèrius. Ab-
Rom. 8. 32. iecit enim se, Patri obediens vsque ad mortem, atque aded vsque ad
 supplicium crucis. Neque enim filio suo pepercit pater ille misericor-
 diarum, sed in communem hominum salutem tradidit eum, & quidem
 populo immanitate barbaro, & longè ingratissimo, à quo peius accep-
 tus est, quàm vile improbūque mancipium. Sed Deus exaltauit
 illum, & in eius gratiam homines, vera peccati mancipia, in liberta-
 tem vindicauit.

V. Itaque triplici nos Deus liberalitate obstrictos tenet: in quarum pri-
Triplex Dei ma liberalem egit Dominum, planèque magnificum, tanta homini re-
in homines rum copia, in hoc suo aspectabili regno, concessa. Quid copiam dico,
liberalitas. cum liceat audire Apostolum, *Omnia*, inquit, *vestra sunt*, vobis scilicet
1. Cor. 3. 22. condita, conseruata, tradita, *sive Pauli, sive Apollos, sive Cephas, sive mun-*
23. *dus, sive vita, sive mors, sive presentia, sive futura; omnia vestra sunt, vos*
autem Christi, Christus autem Dei. In altera liberalitate, se ostendit pa-
 trem, & quidem longè, quàm cæteri parentes magnificentiorè, vt qui no-
 bis ea dederit omnia quibus contamus, corpus & animum, & quæcun-
 que vtrumque consequuntur, internos externosque sensus & facultates,
 cum earum organis, industria mirabili, atque artificio elaboratis: addita
 diuinitatis imagine, eiūque legataria functione, quo modo filius repræ-
 sentat parentem. In tertia dum semetipsum dedit, sponsum se amantis-
 simum exhibuit, & quidem interiore etiam modo. Interius enim se dat

anima corpori ad constituendum hominem, quàm sponsus sponsa filius autem Dei interius se humanæ naturæ dedit, ad Christi compositionem, quàm anima corpori ad conflandum indiuiduum humanæ naturæ.

Verùm quia huic primariæ maximæque donationi, multæ aliæ subiectæ sunt, (Visus est enim liberalissimus princeps operam dare voluisse, vt se quibuscumque modis posset hominibus largiretur) de ipsis vt ordine quodam breuiter disseramus, eam primùm donationem contemplemur, qua formam serui accepit, & in similitudinem hominum factus est, vt fieret eorum Redemptor, & Seruator; tum vt exemplis verbisque eorundem doctore ageret & magistrum. Deinde vt eisdem adoptandis in filios fieret parens: vt cibus & lacrificium sacrosancta Eucharistia institueret; vt pretium in atrocibus pro eis suppliciis, probroque morte subeunda. Denique vt præmium, in regno beatissimæ perennitatis. Proh quantæ hîc opes! quanta immensi amoris argumenta! Quis speret se aliquid de iis posse dicere, quodd ad talium prodigiorum dignitatem accedat? Quis possit tantarum liberalitarum pretium pro meritis æstimare? Equidem non ignoro hæc audita sæpius, & dicta à viris pietate atque eruditione præstantibus; tamen conducere arbitror, talibus aures hominum vocibus vndique circunsonare, aut eorum certè memoriam nunquam ex eorum mentibus emigrare. Et fortè Seruatoris nostri bonitas, quæ sui ipsius prodiga fuit, liberalis etiam in nos esse dignabitur, dum eam celebrabimus liberalitatem; & menti ac linguæ suggeret quæ libenter audiantur.

VI.
Et multiplex
sui ipsius
donatio.

Capita futura
dispositionis.

C A P V T XXVI.

Christi Domini in assumenda humana natura liberalitas.

IN eo primùm posita est misericors ista Dei liberalitas, quod vniuerso hominum genere, per primi culpam, ex florentissimo statu in miserissimum collapsa, ex gratiæ statu & Charitatis, ingenitæ iustitiæ, & innocentæ, in odij & peccati, miseriæ & perduellionis conditione infelicem, Deus ipse per sese remedium illi afferre dignatus est. Vidit conditionem humanam mirum in modum perturbatam, & perniciosam eius propensionem in malum; qua fiebat, vt ex peccato in peccatum, cum maiore subinde culpæ incremento corrueret, errores erroribus, dolores doloribus, ad mortem vsque accumularet. Vidit, inquam, propensionem illam vsque adeò violentam, excusso rationis iugo, & peculiari Dei erga iustos prouidentia deperdita, vt non nisi à diuina potentia cohiberi, ac retineri posset. Nec violentam solum vidit, sed furiosam, sed inueteratam, sed in omne hominum genus effusam, & quæ cura-

I.
Status ho-
minis post
peccatum.

tionem omnem, præterquam vnius diuinæ manus, planè respueret.

II.
Dum solum
eius miseria
opem ferre
potuisset.

Deus igitur, clementissima sua bonitate incitatus, liberalique misericordia, statuit hominem ex suis ereptum malis, meliore conditione, & gratia abundantiore donare, vt maiorem aliquando gloriam consequeretur. Id nec satis conuenienter suscipi, neque vtiliter perfici poterat, nisi vna ex parte diuinæ iustitiæ ab homine violatæ ex æquo satisficeret, ex altera inexhaustus meritorum thesaurus construeretur, vnde toties satisfactio peteretur, quoties hominem in peccatum labi, pro sua imbecillitate contingeret. Parum enim profuisset Dei cum homine gratiam redintegrari, nisi prorsum esset prolapsionibus futuris, quibus collectam miser gratiam rursus effudisset. Neutrum autem fieri poterat à persona definitæ dignitatis ac meriti; imò nec si omnium hominum atque Angelorum merita, dignitasque in vnum confluerent. Nunquam enim ad necessariam infinitatem peruenirent, sine qua neque Deo summo iure satisfieri poterat, neque imensus parari meritorum thesaurus.

III.
Et incarnati-
one tulisse.

Itaque diuina sapientia rationem excogitauit & viam, qua vtrumque cumulatè perficeretur, humanam sibi assumendo naturam, bonitate ac liberalitate mirabili, in gratiam hominum & gloriam Dei. Nisi enim Seruator fuisset Deus, Deo dignam satisfactionem, & eius infinitæ maiestati æqualem exhibere nequiuisset, neque thesaurum illum in Ecclesia sua constituere, qui peccatis omnium seculorum, omniumque mortalium ablundendis abundè sufficeret, atque infinitè superaret. Nisi autem homo fuisset, neque satisfacere poterat, nec mereri, neque hominibus præbere exempla sanctitatis, & virtutum maximarum. Itaque & illa satisfactio, & iste thesaurus ab humanitate est, sed infinitas vtriusque à diuinitate proficiscitur, quæ illi in personæ unitate coniuncta est. Quæ paucis verbis complexus est S. Leo, cum diceret, *Nisi esset Deus, non afferret remedium; nisi esset homo, non praberet exemplum.*

IV.
Cum corpo-
re mortali
& patibili.

Quin ne poterat quidem satis conuenienter mereri, satisfacere, exempla præbere patientiæ, obedientiæ, demissionis animi, aliarumque virtutum, in corpore, quod neque patibile esset, neque mortale, sed gloriosum, quale beatissimæ ipsius animæ congruebat, quali beatæ animæ induuntur in cælis. Itaque famulare vestimentum accepit, corpus videlicet, quo cæterorum instar pati posset & mori, cæterisque humanæ naturæ infirmitatibus subiicere, *Formam serui accipiens, in similitudinem hominum factus, & habitum inuentus vt homo.* Qui enim aduersus ipsam omnia illa tormenta deprompserunt, quæ cruenta eorum malitia potuit excogitare, nunquam tantum facinus attentassent, nisi eum comedentem vidissent ac bibentem, dormientem, laborantem ac labore fatigatum, frigori obnoxium & calori, more modoque cæterorum. Si enim cognouissent, ait idem Apostolus, nunquam

i. Cor. 2. 8.

Dominum glorie crucifixissent. Ac ne dæmon ipse satis eum cognoscebat, cum diceret, Si Filius Dei es. Itaque turpiter in eo deceptus est.

Est illud quidem commune rebus omnibus creatis, vt in seruis diuinæ maiestatis numerentur, summa quippe dominatione præditus est, vt iis quomodocumque libuerit abuti possit. Seruator tamen nominatim à patre seruus appellatur, sed singulari modo prorsus, propter eximium illi exhibitum in sua humanitate famulatum, eius honore gloriæque perfectissimè reparanda, cæterisque famulis summo suo cum labore communi Domino reconciliandis. *Ecce seruus meus*, ait apud Esaiam Pater æternus, *suscipiam eum, electus meus, complacuit sibi in illo anima mea*, &c. Sed quid mirum vocari à patre seruum, qui hominum, id est famulorum suorum ultro factus est seruus? Ait enim apud eundem Prophetam, *Seruare me fecisti in peccatis tuis, prabusti mihi laborem in iniquitatibus tuis*. Et alibi frustra se laborasse queritur, sine causa, & vanè fortitudinem suam consumpsisse, propter eorum videlicet paucitatem, quibus tantus labor, siue de Iudæis, siue de cæteris gentibus profuturus esset.

V.
Seruas Dei dicitur singulari modo.

ca. 42. 1.
Imò factus est seruus hominum.

c. 43. 24.
c. 49. 4.

CAPVT XXVII.

Dei Verbum in assumpta humanitate instar mancipij se gessisse.

CV M itaque liberalis illa Sapientia serui habitum formamque suscepisset, officio serui probè functus est, non dico famuli, qui diurnam aut menstruam operam suam hero condita mercede locat, sed mancipij, quod nullo suo emolumento Domino seruit, eiusque vnus commodis inuigilat. Omnes enim Christi Domini labores, ærumnæ, dedecora, cruciatus, ipsaque sæuissima mors, non ad eius vtilitatem, aut fructum; sed ad hominem sanandum, meritisque locupletandum valere. O admirabilem liberalitatem! Data hominibus persona propria, magnificentia suæ minus satisfactum putauit, nisi eam vilissimis officiis, & contemptissima mancipiorum conditione manciparet. Itaque rectè ipsi congruit Salomonis illa vox, *Si dederit homo omnem substantiam domus suæ pro dilectione, quasi nihil despiciet eam*. Tu autem o liberalissime amator animarum, etiam substantia tuæ factus es prodigus, immemor dignitatis tuæ, oblitus maiestatis. Prò quanti fecisti Rachelem tuam, o magne Iacob, qui eius gratia tot annos vitæ famularis, tot ærumnas atque cruciatus, quasi nihilum despexisti?

I.
Christus instar mancipij se gessit.

Gen. 29. 20

II. *Seruilis conditionis incommoda quadam.* Reuocant mihi hæc in mentem alia damna seruilis conditionis, quæ non ineptè accommodari possunt Seruatori. Si enim serui conditio contra naturam est, quam Deus liberam condidit, multò magis seruitus pugnat cum natura Christi Domini, qui regio satus sanguine, habet etiam singulari modò parentem Deum, cui naturaliter dominari conuenit, & omnia sibi habere subiecta: idémque secundum Deum regibus conuenit, qui Dei vices in terris gerunt. De illo nihilominùs, ait Pater, *Ecce seruus meus, suscipiam eum.* Mancipia vaneunt pecudum instar numerata pecunia. Nec mirum, cum Philosophus sentiat seruorum & animantium mutarum vsum, parum admodum inter se differre, quòd ab vtrisque ad res necessarias adiumenta corpore afferantur. Antiquæ etiam leges seruos quadrupedibus exæquant. Quæ Seneca damnans, *Alia*, inquit, *crudelia & inhumana prætereo, quòd nec tanquam hominibus quidem, sed tanquam iumentis abutimur.* Rex æternæ gloriæ non solùm redemptus est quinque siclis, sed tanquam vile mancipium à plagiario proditore venditus est triginta argenteis.

III. *Christo accommodatur* *Matt. 8. 20.* Seruus nihil habet proprium & suum, sed omnium egentissimus est, nec magis videtur Domini particeps, quàm mutæ pecudes; infra quas etiam Christus abiicit paupertatem suam, cum diceret, *Vulpes foueas habent, & volucres cæli nidos, filius autem hominis non habet ubi caput reclinet.* Et certè ne stabulum quidem habuit suum, in quo nasceretur, aut præsepè, in quo eum reclinaret mater; sed ea, vt ita dicam, ab asinis & bobus mutuatus est. Mancipia durè, hoc est seruilem in modum tractantur ab heris. *Nolo*, inquit Seneca, *de usu seruorum disputare, in quos superbissimi, crudelissimi, ac contumeliosissimi sumus.* Itaque leuia sæpè eorum delicta flagellis & compedibus expiabantur; aut cruce etiam, si ferox, & iracundus herus contigisset. Christus Dominus, post ingentia promerita, non liberorum saltè pœnis, virgis & gladio affectus est, sed flagellis & cruce seruulorum.

IV. *Eius rei admirabilis similis declaratur.* Quis igitur, ad hæc diuinæ liberalitatis prodigia non obstupescat? Quis quæso mentes mortalium stupor occuparet, si maximi imperij vnicus heres, sapientia, bonitate, & liberalitate præstans; heroica fortitudine, & specie digna imperio præditus, cæterisque dotibus, quæ florentem principis ætatem commendare possunt. Si hic, inquam, hæres ex aula subduceret sese, in gratiam vinitoris cuiusdam, & mutata veste, rusticano cultu, se illius famulatui addiceret, noctes dièsque operi intentus hæreret, & vt ille Patriarcha, æstu vreretur & gelu, & nihilominus nullum ad se laborum suorum emolumentum deriuari pateretur, sed heri beneuolentia contentus, omnia in ipsius vtilitatem refunderet, omnes profectò vulgò arguerent magnæ imprudentiæ tam disparem amicitiam, aut certè dicerent, eam alibi conuenientiùs coalescere potuisse.

V. Quantò hinc maius occurrit admirationis argumentum, cum intell-

gimus

gimus Christum filium Dei viui, in quo repositi sunt omnes thesauri sapientiae, potentiae & bonitatis Dei; gratiosissimum illud praedestinatum ca. ut, illum hominum atque Angelorum principem, illud omnium diuinarum atque humanarum perfectionum absolutissimum exemplar, humanam naturam induisse, vt cum hominibus versari posset, & notas audire & reddere voces; nec dubitasse tantam illam maiestatem viliissimae addicere seruituti, & quae legibus omnibus libera & soluta est, imperiis humanis subiicere sese; adeoque illi paterno mandato, quo atrocissimam ac probrosissimam mortem subire iuebatur, & immortalitatem cum morte commutare, sine villo suo emolumento; quae mens tam singularem amorem pro meritis aestimare possit? aut facis idoneam excogitare causam, cur amorem illum aduersus terrigenas istos, terraeque cultores, quam aduersus illos nobilissimos caeli ciues maluerit impendere; & Angelicae naturae sibi propiori antetulit humanam?

Si quem audierimus aliquando virum principem tanta calamitate affectum, vt de ipso rerum humanarum fastigio deiectus, seruus factus sit inimici sui, qui humanos casus aestimare nesciat, neque prosperitatem moderatè ferre, miseratione tangimur, quamuis illa perniciēs, in poenā scelerum eius fortasse contigerit; neque sine aliquo humanitatis sensu legimus Turcarum imperatorem Baiazetum coactum, sub mensa Tamerlani victoris, ciborum reliquiis canum more victitare, aut dorsum, aurea quondam chlamyde conuestitum, instar subseilij præbere ad ascendendum in equum. Mouent & illi septuaginta reges, qui manuum ac pedum summitatibus crudeliter amputatis, colligebant sub mensa Adonibezeci reliquias ciborum. Quomodo igitur ille caeli princeps viscera nostra commiseratione non frangat, quem de solio regio deiectum quodammodo, in stabulo ac praesepe abiectum ac lacrymantem, nulla sua culpa, sed summo nostri amore cernimus?

Magnum illum Herculem ridiculè finxerunt poëtae, factum stabularium famulum in Augiæ regis palatio: & ipsum Apollinem Admeti gregibus praepositum pastorem. Vide igitur vt Chritus Dominus ridendi materiam praeparauit incredulis; vide quantum vanitatem fabularum veritas ipsa transcendat, vtque Seruator tā effusè sui prodigus fuerit, vt amoris immensitate superauerit, quod homines stultitiae magnitudine finxerunt. Quale fuit spectaculum subditorum magni Nabuchodonosoris, cum viderunt regem suum ex hominum consortio eiectum, sed & cor eius, vt ait Propheta, cum bestiis possum est, & cum onagris erat habitatio eius, fœnum quoque vt bos comedeat, & rore caeli corpus eius infectum est. Nonne admirabilius spectaculum fuit Angelis Dei, cernere principem infinitae maiestatis, vagientem in cunis infantulum, imò in olida spelunca effusum in lucem, & depositum in praesepe, & ibi, in fœno iacentem & palca, instar agniculi somnum capere?

Aptatur
proposito ar-
gumento.

VI.
Et illustra-
tur exēplis.

Iud. i. 7.

VII.
Alia in ean-
dem rem
exempla.

Dan. p. 21.

VIII.
Eadem fini-
lius auge-
tur.

Pecora ab hominibus non admodum distare videntur, cum constet, utrosque eodem genere contineri; sed Deum inter & hominem, rem creatam eiusque conditorem, finitum & infinitum, infinita distantia est. Deum fieri hominem, ut hominum commodis seruiat & salutem, nonne tantum est prodigium, nullum ut ei par esse possit? Quid animo capimus cum hominem dicimus, aut cum dicimus Deum? Aurumne verti in terram, lutum, puluerem! Solem in plumbi laminam, Lunam in orbem ligneum, Verbum Dei, quod cœlos reddit eloquentes, mutum fieri! diuinam sapientiam elinguem, magnitudinem eius, qui exultauit ut gigas ad currendam viam, ad infantuli modum, moremque decurtari atque constringi! Cessit imbecillitati potentia, æternitas temporis, mortis immortalitas: infinitus atque immensus, certis humanitatis finibus circumscriptus est: Dominus denique & magister omnium, non recusat omnibus famulari.

IX.
Colloquium
cum incar-
nato Verbo.

Sed liceat mihi obsecro, paucis colloqui tecum, ô magne in exiguo corpusculo princeps, sonet vox tua in auribus meis, vox enim tua dulcis est, sicut & facies tua decora. Quo igitur intendebas animum, ô diuine puer, cum hominem indueres? an id spectabas, ut fieres in homines liberalis? cum illi potius in te liberales extitisse videantur, ista tibi natura humana perlibenter concessa. Accepi quidem, inquit, ab humano genere humanitatem, aut eam potius assumpsi mihi; nihil tamen accepi, quod iam pridem multis nominibus non esset meum. Homines nihilominus ipsam diuinam naturam cum persona Verbi vicissim acceperunt, sic ut persona ipsa Verbi humanitati copulata, propria fieret humanitatis, sicut hominis anima corporis est, illudque sibi vicissim vendicat tanquam proprium & suum. Et suppleta corporis animique substantia, tres naturas diuinam Verbi, spiritalem animam, corporisque corpoream, in vnam Christi personam collegi. Statimque in istam humanitatem effusæ sunt omnes spiritales diuitiæ, quas habet Pater in thesauris suis, eoque abundantius quam cæteris, quo mihi propius cæteris iuncta erat.

X.
Eiusque via
consilia
in eo myste-
rio.
Heb. 4.15.

Studebam experientia ipsa discere mortalium infirmitatem, ut tantò facilius commiseratione tangerer, tantòque libentius illi opem ferrem. Cuius rei conscius Apostolus, *Non habemus, inquit, Pontificem, qui non possit compati infirmitatibus nostris; tentatum per omnia, pro similitudine, atque peccato.* Id quoque spectabam, ut meas vobis lacrymas gemitusque, quibus in cœlo carebam, largiri possem. Volebam vestram istam humilitatem ad tantam dignitatem excitare, ut Angeli ipsi naturæ suæ conditione præstantiores, vobis inuidere possent; non enim Deum feci Angelum, sed hominem, & vice versa hominem Deum. Cupiebam recuperare vobis, ac reddere ius hereditatis æternæ, de cuius possessione primi parentis vos culpa deturbarat, & simul vos ab æterni carceris, cui eratis addicti, auferere seruitute.

Statuebam dare me socium peregrinationis vestræ, in eaque colloqui vobiscum ac consuescere, qui à vobis hætenus nec videri poteram, nec audiri: aut statuebam potius dare me istius viæ ducem, & portandis peccatorum vestrorum sarcinis baiulum. Illud denique spectabam, vt me vltro, meaque omnia prorsus impenderem, in certum miseriarum vestrarum, præsentissimumque remediũ. O benignissimam, mi Seruator, planèque mirabilem liberalitatẽ tuam! Sed ineam obsecro vicissim hanc à te gratiã, si quo modo studiis hisce tuis respondere possim, vt te toto prorsus ex corde diligam. Ni fecero ingratus sim, & negotiis meis inconsultissimè prouidero, probro ac pœna dignus in omnẽ æternitatem. Quòd si abiecero me, exẽplo atque amore tuo paruus & humilis, si honori tuo, ac saluti animarũ studuerò, cuius tu cupidus, tẽque bonaque tua largissimè profudisti; si consuetudinem tuam in sacrosancta Eucharistia, & oratione dilexerò, qui meam tam beneuolẽ, constantẽq; quæsiuisti, illud quoque liberaliter facturus es, vt cum Angelis tuis aliquando, in regno tuo, iucundissima consuetudine tua perfruar.

XI.
Gratiarum
actio.

CAPVT XXVIII.

Vt se hominibus Seruator doctorem dederit, ac magistrum.

SAPIENTIA abscondita, inquit Sapiens, & thesaurus inuisus, quæ utilitas in vrisque? Diuina magnificentia & bonitas, æternam Verbi sapientiam hominibus, per humanæ naturæ assumptionem, dederat, sed, vt ait Apostolus, absconditam in mysterio, sed diuitias Christi, quæ inuestigari nequeunt, sed mysterium quod absconditum fuit à seculis & generationibus. quasi in obscura laterna faciem P. imũm in virgineo matris vtero nouem totis mensibus absconditam; deinde in stabulo fœnum inter & paleas, mutasque pecudes; tum fasciis ac pannis inuolutam, & in præsepi occultatam, moxque in superstitionis Ægypti vanitate; denique inter iuga & aratrá, cæcæque fabri lignarij suppellectilem. Cui vnquam venisset in mentem, istis in locis atque opificiis, diuinam occultari sapientiam? nisi radios aliquos per rimulas vibrasset? Nimirum in Angelorum castico, in stella fulgurante, & longinquos ad eam reges euocante, in Simeone & Anna eandem Sapientiam complectentibus in templo atque vulgantibus, in prolapsione idolorum, in admiratione doctorum.

I.
Seruator
fuit sapien-
tia abscondi-
ta.
Eccle. 2. 12.
& c. 4. 18.
1. Cor. 2. 7.
Ephes. 3. 9
Colos. 2. 26.

Quid memorem mirabile illud octodecim annorum in illa officina silentium? Ecquod ex inuiso thesauro mortalibus extraherent? Recordare Seruator inflatam à te olim prophetica illam tubam; Spiritus Domini super me, & quòd vnixerit Dominus me, ad annuncian- dum mansuetis misit me, vt mederer contritis corde, & predicarem cæptiuis indulgentiam, &c. Quamdiu pateris sapientiæ tuæ faciem, sub

II.
Qua mani-
festanda
erat.
Luc. 4. 18.
Isa. 61. 1.

modio humilitatis huius delitescere? Abeat aliquando tempus silentij, tempus occultatæ doctrinæ, & dissimulatæ maiestatis; Adest Prophe-
ta altissimi præcursor tuus, qui te mortalibus voce prodat, & manu, Agnum Dei, qui mundi peccatum excludat, atque exterminet. Quid iuvat infantulos insigne patrimonium, nisi illud Tutores curent, nisi à pædagogis regatur pueritia, adolescentia instituatur à magistris? Vti-
que pessum ibit hæreditas, & hæredes sponte sua pessimis moribus im-
buentur. Satis est hanc sapientiam tota æternitate in sinu Patris fuisse absconditam: & ab exordio rerum, ipsis quadraginta seculis, non nisi rudi penicillo delineatam, in imagine apparuisse: nunc ipsa naturali Pa-
tris imagine in terra nobiscum habitante, quamdiu quasi personata con-
ticescet, latebit, ignorabitur?

III.

*Posita præ-
sertim homi-
num igno-
rantia.*

Præsertim cum à principio infelici sorte contigerit hominibus, ut in magistrum inciderent improbissimum, qui eorum mentem tenebris ob-
scuravit, voluntatem peruerso sui amore imbuit, inferiores animi par-
tes turbulentissimis motibus concitavit. Doctor ille, aut verius frau-
dator nefarius, omnem hanc rerum confusionem primus inuexit, pri-
mis illis humani generis autoribus in fraudem inductis, & curiosa scien-
di cupiditate illectis, ad eum fructum degustandum, cuius esum con-
ceptis verbis æternus legislator, & quidem mortis poena proposita,
prohibuerat. Fefellit autem spe proposita diuinæ similitudinis, quam
ipse temerè paulò antè, atque ambitiosè affectarat. Ex ea lacuna exci-
tata est tanta ignorantia nebula, ut totum terrarum orbem obtegeret,
tam crassa verò, ut Ægyptiis, quæ contrectari poterant, conferri posset:
nisi quòd Ægyptiæ tenebræ fuerunt triduanæ dumtaxat, istæ autem, de
quibus agimus, ultra quatuor annorum millia mundū pene vniuersum
sepultum obruerunt: & quòd in illis alter alterum cernere non poterat,
in istis mortales neque Deum, quamvis omnium illustrissimum, neque
seipsos, quamvis sibi proximos mortales cognoscerent.

IV.

*Circa res
diuinas. &
propriam
salutem.*

Maxima pars mortalium ignorabat cæli & terræ Conditorum, nec
tantum ingenio valebant, tam egregio mundi opere contemplan-
do, tam magno, tam constanti, tam accuratè, & quasi ad circinum
vndique dimenso, tanta partium singularum proportionem coagmen-
tato, ut eorum cogitationes euigilarent ad agnoscendam poten-
tiam, sapientiam, bonitatem, pulchritudinem, granditatem, maiesta-
tem, reliquasque Conditoris ipsius perfectiones. Plerique omnes, si
pauculos excipias, ignorabant diuinam in mundi administratione pro-
uidentiam, bonorum & malorum fines, præmiorum & suppliciorum
æternitatem. Quin ne immortalitatem quidem animorum sciebant,
aut scire cupiebant, ut alterius vitæ sollicitudine periculisque defuncti,
per omnem perditæ vitæ licentiam, impunitatemque decurrerent. Peccati
malitiam primariam, quæ videlicet Deum intueretur, ignorabant; nec
pulchritudinem præcipuarum virtutum satis videbant, ut qui nonnul-

las, & nominatim animi demissionem, in vitio ponerent. Denique cum viuendi regulam ac magistram haberent cæcam perturbationum cupiditatem, ab interioribus animi tenebris, ad externas inferorum cor-
ruebant.

Ecquis enim stupor ratione vtentium animalium fuit adorare, ac pro Deo colere res sensu animoque destitutas? solem, lunam, sydera, ignem, aquam, cætera elementa; quibus ipsi longè natura, multumque præstabant: vel impios quondam atque immanes tyrannos, & in omnium flagitiorum cæno ac turpitudine volutatos, Iouem, Saturnum, Martem, Mercurium, Venerem, reliquàmque deorum illorum cloacam, quorum turpitudinem celebrabant in templis, ridebant in theatris, imitabantur domi; sèque gloriosos putabant fortasse, quòd propius ad Deorum suorum vitam, suam ipsi conformarent. Studium quoque grati erga bene meritos animi, transit in crimen idololatriæ. Nam instar deorum aris colebantur & templis, qui vtile quidpiam hominibus inuenissent, vt Ceres, Bacchus, Apollo cum Musis suis, eisque statuas erigebant eximij artificij ac decoris, cum asyli iure; ex iisdem dæmones responsa dabant, secreta propalam vulgabant, futura subdolè prædicebant, fontes supplicii eximebant, denique habebantur dij: & principes tenebrarum, tenebricoso imperio deceptos homines continebant.

Hoc igitur tam infelici rerum statu homines summa premebantur necessitate Doctoris, à quo tam stupido ac pernicioso errore absoluerentur, circa ea, quæ ad Deum ipsorumque salutem pertinebant. Magistro egebant, qui mentes eorum in terram pronas, & pecudum instar ad vnam voluptatem abiectas, sursum ad veri Dei cognitionem, & cultum, nobilissimarumque eius perfectionum contemplationem erigeret. Doctore, qui doceret non vltra diligere vanitatem, & quærere mendacium, neque deinceps terreum ac mortale corpus, immortalis animo ac spiritali anteferre; fluxam breuè vitam, constanti ac sempiternæ. Doctore, qui mentibus amorem disciplinæ seuerioris, contemptum voluptatis ac deliciarum infereret, mentis corporisque puritatem amplecti doceret, & ab omni nequitia flagitiòque vehementissimè abhorrere: voluntariam honorare paupertatem, timere diuitias, & prosperitatem habere suspectam. Necessarius, inquam, erat magister qui ista doceret, & facilia iis redderet, qui eum sequi vellent, sèque ipsius discipulos profiteri.

Hæc ergo omnia, multoque plura nouus mundi Doctor, è cælo deuocatus in terras, ingenti ausu suscepit instillandam mortalibus: nec minus feliciter ac gloriose perfecit, quam libenter, atque animosè receperat. Persuasit enim hominibus pauperes esse beatos, & diuitum conditionem timore gemitumque prosequendam: beatos esse qui lugent, qui iustissimas in hac vita lugendi causas non ignorant; miseros autem esse, qui rident, quibus ignota est sua miseria; phrenesi enim laborant, cum

V.
Et propter
cultum ido-
lorum.

VI.
Necessitas
doctrinæ
Et angelicæ.

VII.
Et mira il-
lius efficien-
tas.

illi integris animi viribus ac valetudine perfruantur, quorum est lacrymis, lamentisque prosequi, malè sanos illorum cachinnos. Fidem fecit hominibus mites in beatis esse numerandos, etsi vulgo fatui audiant & ignavi, quibus impune solet illudi. Probavit felicitati ascribendam esse iniustam improborum vexationem, bonorum rapinam, æquo animo toleratam, exilia & disjunctionem necessariorum, distractiones sanguine & intima charitate coniunctorum, probra, calumnias, verbera, & quæcunque publicè aut priuatim indignè inferri possunt. Neq; tamen propterea amorì eorum renunciandum, sed eis potius placandum Deum, malefacta obruenda benefactis, offensionum fibras ipsas radicitus euellendas; idque non semel aut iterum, sed septuagies septies. Denique innumeris hominibus persuasit omnium rerum abdicationem, adeo ut parentum ipsorum consuetudini, propriæque voluntati ac iudicio renunciare non dubitarent.

VIII.
Quam tra-
didit ipse per
so.

Tanto, tamque arduo conficiendo negotio, & tam difficili doctrina in animos morèsq; inducenda, noluit ingentes exercitus conscribere, validas sub signis habere legiones, more cæterorum imperatorum, ut homines vel vi vel vltro haberet obsequentes; non turpi magistratum largitione corrupit, leges ut suas proposita pœna sanxiret: non eloquentes oratores submisit, qui captos auditores, in suam sententiam dicendo pertraherent, ut amara pro dulcibus sumerent, & ingrata iucundis anteferrent. Non angelos misit aut prophetas, qui hæc hominibus nouissimis denique temporibus nuntiarent, sed tempus acceptabile, & dies salutis inuexit ipse, quibus hæc omnia vicatim atque oppidatim doceret, in montibus & vallibus, cultis incultisque locis, terra marique, in templo & synagogis, omne mortalium genus erudiret.

IX.
Omnis con-
ditionis ho-
minibus.

Neminem enim à sacrosancta doctrina sua exclusit, non doctos aut ignaros, non Scribas aut Phariseos, non Herodianos aut Saduceos, non pauperes aut diuites, non viros aut mulieres, non publicanos denique aut peccatores, ut qui eam nosset omnibus necessariam ad salutem. Testis Zachæus & Syrophœnissa, testis Magdalena & Samaritana, testes legis doctores & piscatores: quamvis aliquorum tarditatem cerneret, aliorum improbam voluntatem, illorum calumnias, istorum criminationes, illorum blasphemias, istorum simulationem: nec ignoraret probra sibi denique ac supplicia, mortemque crudelissimam esse præparatam, quasi doctrinæ suæ, concionumque mercedem; quibus cum fame & siti, æstu & frigore, sudore ac defatigatione perfungebatur. Denique ad hoc ipsum docendi munus, adhuc viuens duodecim Apostolos, discipulos duos & septuaginta, ad copiosissimam aliquando Christianæ sapientiæ, & perfectionis messem destinauit, ac misit.

X.
Qua illius
docendi ra-
tio.

Quàm amicè porro ac beneuolè, quàm patienter atque indulgenter accommodabat sese æterna sapientia ad captum modumque rudium

discipulorum, vulgique promiscui, vt doctrinam suam, quamuis sublimem atque exquisitissimæ sapientiæ plenissimam, familiarem, popularémque reddebat, parabolis vtens, ac similibus, à vulgari hominum vsu petitis, quæ non ambitiosa verborum eloquentia, sed plebeius sermo condebat. Quæ tamen tanta cum efficacitate in animos influebant, vt illam vocem pene ab inuitis exprimerent, *Nunquam sic locutus est homo.* Nec minus lenitatem suam probabat & patientiam, dum ineptis & rudibus imperitorum quæsitis satisfaceret; & prima fidei rudimenta traderet. Probabat & sapientiam singularem, cum illum aduersarij fallacibus & captiosis interrogationibus circumscriptum putarent, eorum argutiis, tanquam telis araneorum dissoluendis, & silentio, cum inuidorum pudore, populique gaudio & approbatione, illis imponendo. Insignem denique animi demissionem patefaciebat, electis discipulis, iisdemque sodalibus quotidianæ vitæ, piscatoribus, quibus erudiendis occupabatur, quibus comitantibus itinera conficiebat, sedebat, ambulabat, vefcebatur. O quale spectaculum mentibus illis beatis.

Ioan. 7.46.

Addamus & illud de huius excellentia doctrinæ, eam totam seriam esse ac grauem, ab omni curiositate alienam, salutaribus refertam præceptis: quæ cum vna ex parte simplicibus mirificè congruat, ex alia, magnis ingeniis insigni profunditate admirationem mouet. *Qua habet in publico,* ait Gregorius, *unde paruulos nutriat, seruat in secreto, unde mentes sublimium in admiratione suspendat. Quasi quidam quippe est fluminis, vt ita dixerim, planus, & altus, in quo agnus ambulet, & elephas nater.* Doctrina est numeris omnibus absoluta, siue illuminando intellectum, siue turbidis animis motionibus corrigendis, siue vitiorum turpitudine condemnanda, siue humanis actionibus, totaque vita intus & foris ex recta ratione, diuinæque lege, & voluntate dirigendis. Doctrina denique euangelica, quæ increatam Dei Sapientiam, & autorem agnoscit, & promulgatorem, tanto est alia quauis, etiam quæ Mosaica lege continetur, absolutior, quanto maiorem ad perfectionem Christiani, quam Iudæi vocantur.

O doctorem singularem! ô cœlestem magistrum! Scimus enim nos quoque, *quia à Deo venisti magister.* quantum tibi debent homines, nomine istius sapientiæ ac scientiæ tuæ, quæ sola gressus nostros dirigit ad felicitatem, sine qua cæteræ omnes emolumenti vacuæ sunt, & plenæ inanitatis. Sed multò maximè in ære tuo sumus, ob insignem illum amorem, laborem, patientiam, omnemque industriam, quacum nos dignatus es, solius mercede amoris erudire.

XI.

Et quantæ
eiusdem do-
ctrinæ præ-
stantia.

Leff. de per.
l. 12. n. 61.
Epist. ad
Leandrum.
ca. 4. præf.
in Iob.

XII.

Gratiarum
actio.
Ioan. 3. 2.

CAPVT XXIX.

*Seruatores factum esse hominibus absolutissimum omnium
virtutum exemplar.*

I.
*Exempla
potentiora
verbis.*

2. 3. Con-
fess.

II.
*Christus se
præbuit ex-
plar
Ad Tit. 2.
14.*

Mat. 16. 14.
& 10. 22.
Matt. 23. 4.

III.
*Omniū vir-
tutum, quā-
que id neces-
sarium fo-
ret.*

DIVINA Sapientia, cui omnia nota sunt atque illustria, minimè dubitabat exempla potētiora esse ad virtutem, quæ fere difficultatem comitem habet, mortalibus persuadendam, quàm verba, quantumcumque dicendi artificio elaborata; magisque adeo quàm ipsa prodigia, quæ concilient orationi fidem. Nam miracula quidem intelligentiæ nostræ assensum extorquent, ut fateatur verissimam esse doctrinam, sanctam, denique diuinam, cum vera prodigia, quæ vnum habent effectorem Deum, præterea neminem, mendacio aut sceleri patrocinari non possint. At exempla rem fieri posse docent, neque habere difficultatem, quæ luctando superari non possit. D. Augustinus cum in ea maximè deliberatione versaretur, quæ erat de profana vita repudianda, sectanda iustitia, modestia, castitate; & aliquandiu illis cogitationibus præbisset aures, quæ hanc vitæ mutationem fieri posse negabant, propter vitiosos vitæ superioris habitus, illis animosè respondebat. Quidni facere possim, quod ille & ille facit? qui iuniorum in utroque sexu roborat infirmitatem; nostram quoque firmabit.

Seruator igitur, qui addictum sibi populum cupiebat, *sectatorem esse bonorum operum*, cui certum esset ac deliberatum ferre crucem, & penitentia opera exercere, rationi etiam consentaneum esse duxit, ut ipse quoque operi admoueret manum. Cumque per vim regnum celorum statuisset obtinere, peccati autem, & proprii amoris imperium populari, noluit militi suo dicere, *Ite, pugnate, sed instar fortissimi illius Imperatoris; Eamus, inquit, irruamus in hostem, cœli arcem invadamus, nam cœlum vim patitur, & violenti rapiunt illud*. Testis igitur deliberatæ sibi tolerantia & laborum est illa vox, *Tollat crucem suam, & sequatur me*. Et illa rursus, *Potestis bibere calicem, quem ego bibiturus sum?* Noluit idem sibi obiici, quod ipse Scribis obiciebat & Phariseis; qui gravissima onera in humeros hominum imponebant, quæ ipsi ne digito quidem extremo attingere dignabantur.

Sapienter igitur magnus ille Doctor, ductorque mortalium, eam ingressus est viam, quam discipulos suos insistere cupiebat. Alioqui vix quisquam induxisset animum eam doctrinam amplecti, quæ cum sensibus, eorumque cupiditatibus bellum immortale susceperat, & odium implacabile peccati: aut certè eius calicis amarore degustato, reliquam potionem respuissent, nec malè omnino argumentati essent, non esse insistendam hominibus illam viam, à qua ipse factus homo refugisset.

Molliter

Molliter potius, ac delicatè viuentem secuti essent, nec præsenti-
boribus, ipse futuras aliquando redimere voluissent; futurorum potius
spe repudiata, ipsi quoque dixissent. *Tanti pœnitere non emo.* Quod ergo
verbis docuit, id ipsum operibus sanctissimis, & quidem prius toto vi-
tæ curriculo est executus. Prætulit ipse legionibus suis vexillum crucis,
ipsumq; instructum & ornatum virtutibus heroicis, omniumque nobi-
lissimis. Tulit autem semel in humeris suis, dum cruentus ac semianimis
Caluariæ montem adiret; sed eam perpetuò tulit in corde suo, ab ipso
momento incarnationis suæ.

Docturus erat demissionem animi, & contemptum sui; ergo nihil
prius vnquam habuit, ac fecit, quàm vt *exinaniret semetipsum*, vt ait
Apostolus, & *formam serui acciperet*, nihil posterius, quàm vt abiceret
dignitatem suam *vsque ad mortem, mortem autem crucis*: vt in altero sta-
buli sordes, in altero latronum societatem missam faciamus. Quo ge-
mino facinore virtutis eiusdem, prima proprii amoris munimenta, pro-
pria scilicet excellentiæ appetitum, valde perculit, atque prostrauit.
Primam in consiliis suis positurus erat voluntariam inopiam, & diuitia-
rum contemptum. Cum ergo haberet in potestate quos parentes elige-
ret, non elegit reginam aliquam, opibus & copiis circumfluentem, ex
qua nasceretur, aut nutricium aliquem regem, vt Esaias prædixisse vide-
batur, sed puellam humili loco, quamuis non stirpe natam, fabro ligna-
rio desponsatam. Cum aureum quoque palatium, & lectum lino mun-
dissimo instratum, purpuræ conuestitum sibi potuisset assumere, præ-
tulit cubiculo stabulum ventis peruium, cunis præsepe, fœnum & pa-
leas culcitæ mollicellæ.

Num reliqua vita dñtior & affluentior fuit? Neque domum habuit,
neque cubiculum, quod proprium dicere posset & suum; non lectum,
non cervical, in quo corpus & caput, itineribus concionibusque fatiga-
tum reclinaret: adeo vt à concione aliquando qui frustum ei panis offer-
ret, haberet neminem; & semel, vt cyathum aquæ frigidæ obtineret,
ei fuerit cum Samaritana muliere disputandum. Pauperes quoque erant
discipuli eius, & humili loco nati, itaque ambulantes cum præceptore
per sata, præ esurie spicas vellebant, & manducabant: piscationi etiam
incumbebant, vt haberent vnde pranderent. Locus in quo vltimum
Pascha celebravit, & diuinam instituit Eucharistiam ex mutuo fuit, si-
cut & sepulchri locus, & omnis linteorum, & vnguentorum ad sepulta-
ram apparatus. Quæ denique maior probatio, atque illustrior adamatæ
paupertatis afferri potest, quàm probrosa nuditas in cruce morientis?
Num valet hoc facinus ad commendandas diuitias, aut voluntariam
paupertatem?

Præcepit Seruator discipulis suis, vt se mutuò diligerent: idque ipsi
vicissim suis discipulis accuratè commendauerunt. At multo vterius pro-
gressa est virtus eius. Cum enim assumpta humanitate proximos habere

IV.

*Maximè
humilitatis.
Phil. 2. 7. 8.*

*Paupertatis,
in cruce suo.
Ca. 49. 23.*

V.

*Totâque re-
liqua vita.
Matt. 8. 10.*

*Matt. 12. 1:
Ioan. 11. 12;
& morte.*

VI.

*Charitatis
in proximū.
Ioan. 13. 34.*

cœpisset, eos usque adeo dilexit, ut vitam & salutem eorum, & liberationem à suppliciis, propriæ vitæ, famæ, dignitati, existimationi anteferebat. Tulit ipse legem de diligendis inimicis, & benefaciendo iis, qui odissent nos, & malè mererentur de nobis, eisque diuinam indignationem, vindictam iniuriarum in famulos suos, placari voluit. Non est oblitus legis suæ mitissimus Seruator, quando tot & tanta miracula edidit, in eorum gratiam, à quibus probè norat profecturas illas voces, *Tolle tolle, crucifige eum.* Quando abscissam aurem nebuloni illi restituit, qui eò venerat ut propheta mirabilium patratori restim in collum iniiceret: quando clavis atrociter confixus cruci, priusquam sui meminisset, aut suorum, etsi utriusque tristitiæ decumanis fluctibus pene obruebantur, paternæ ultionis seueritatem precibus suis anteuertit: illamque flexis cordis sui genibus mirabilem profudit vocem, *Pater dimitte illis, Non enim sciunt quid faciunt.*

Luc. 23. 34.
VII.

Obedientia
singularis.
Matt 23. 2

Diuinus hic legislator commendabat Scribis & Phariseis, super cathedram Moïsis sedentibus debitam obedientiam populi, commendabat eam quoque, quæ Deo debetur & Cæsari, & omnibus qui Dei vices in terris gerunt. Ipse antiquæ legi, quamuis à se mox antiquandæ subiecit sese, nec cruentas eius ceremonias aspernatus est, parentibus quoque, quamuis tenuioribus, & vitæ conditione plebeis subditus fuit, nec vilia fabrilis officinæ opera, aut domesticum famulatum contempsit. Ut mirum non sit illum tam arduam æterno patri obedientiam exhibuisse; admittendis vniuersæ vitæ laboribus, & mortis cruciatibus ac probris, à primo ipso vitæ aditu, ad ultimam illam horam, qua ex laceris membris abeuntem animam commendauit patri. *Factus est enim obediens usque ad mortem, mortem autem crucis.* Sed nihilo fortasse minor videatur obedientia delata Caiphæ, Herodi, Pilato, quorum ex ore sine vlla querela, appellatione, tergiuersatione, sententiam mortis accepit, cum omnibus illis doloribus ac probris, quæ illam sunt antegressæ, sed isti quoque detulit forensi tubæ, & inhumano satellitio, à quibus tam malè habitus est, ut eorum sæuitia, cogitanti iustas commiserationis lacrymas eliciat.

Phil. 2. 8.

VIII.
Patientia
mirabilis.
Luc. 21. 19

Patientiam commendauit discipulis suis, testatus eos in patientia sua possessuros animas suas, & collecturos fructus, quos impatientia, & inconstantia pessum dedisset. Non vult suos querulos esse, non litigiosos, non ad turbas, rixasque concitos, sed iniuriarum & contumeliarum patientes, bene precantes iis, qui diris ipsos deuouerent; bene merentes de iis, à quibus malè accepti essent, nec deponentes ouinam simplicitatem, quamuis illi verterentur in lupos. Ipse autem quænam patientiæ dedit exempla mortalibus, non solum frigida bruma natus in stabulo ventis peruiro, lucis & ignis indigenti, & cruentam circuncisionem in ætate tenerissima, fugam exiliūque in terra barbarorum expertus; sed dum toto vitæ decursu baptismum illum animo versabat, quo baptizandus erat, & mirum in modum se coarctari fatebatur; dum perficeretur,

Luc. 12. 50.

Sic enim mortiferam illam perpeſſionem vocabat, quæ illum in altiffimos mœroris & dolorum fluctus demerſura erat ad tempus.

Perpetuò verſabatur ob oculos eius cruenta illa tragœdia, quæ circa innocentiffimam illam humanitatem exercenda erat; in eaque cogitatione eam fere luſtam patiebatur, etſi minus acerbam ac violentam, quàm eo tempore pertulit, quo aqua & ſanguine in ſudore diffuebat, & alacritatem inter & mœrorem, pauorem & conſtantiam coarctabatur. *Et quomodo coarctor.* Cernebat animo militarem illam turbam, ac forenſe miniſterium agmine facto irruere in ſe, protrudere, ſolo affligere, conculcare, funes collo, manibus, corporiſque medio iniicere, vexare, pertrahere, & indigniſſimum in morem, magnam noctis partem illudere capto. Iam ſibi ab aula pontificia ad prætoriam, à prætoria ad regiam, à regia rurfus in prætoriam deduci videbatur, innumera mortalium multitudi- ne confluente, & grauiffimam offenſionem patiente, in tam graui tamque inopinato facinore aduerſus talem virum.

Iam præſentiebant animo cruenta illa verbera, quæ membra illa tennerrima ſauiffimè lacerabant, & ſpinas quæ caput ipſius vndique ad cerebrum uſque perforabant; iamque illum vehementer pudebat nuditatis ſuæ, iam ſub immenſo crucis pondere ſepties collabebatur, mortuòque propior quàm uiuo, languebat, media inter ſuſpiria, gemituſque fatiſcens. Iam pene manibus pedibùſque præcipiebat atroces illos doloris morſus, qui eis à clauis imminebant, & totius corporis in cruce pendentiſ, & omnis omnino quietis expertis, intolerandum ſupplicium. Cernebat denique implendi illud Dauidicum, *Foderunt manus meas, & pedes meos,* & propter horrendam membrorum diſtenſionem, *dinumerauerunt omnia oſſa mea*: maximèque illam animæ ſuæ à Patre dereliſionem in medio dolorum, & inæſtimabilis mœroris oceano. Id nimirum erat crucem ſuam ferre quotidie, in eaque ſemper mori.

O patientiſſime Seruator quanto pluris tibi ſteterunt exempla virtutum, quàm docendi labor! & quanto plus debent homines exemplis tuis quàm doctrinæ, quantum uis ſanctæ & exquisitæ. Hæc te triennium tenuit illa annos fere quatuor & triginta. Longior ſim ſi per reliquarum virtutum exempla decurram; corporis animique puritatem ſingularem, zelum diuinæ gloriæ & ſalutis animarum, ieiuniorum, precum, vigiliarum conſtantiam, commiſerationem, manſuetudinem, prouidentiam, placabilitatem, cæteriſque virtutes, quibus ſe tanto ſtudioſius addicebat, quanto melius intelligebat exempla ad imitationem tacitè, validèque prouocare, ipſiſque actionibus generari habitus, mentique multiplicari. Et eò maxime reſpexiſſe videtur Chriſtus Dominus, in multarum exercitatione virtutum. Etſi enim hominum redemptionem cogitabat, eamque copioſam eſſe cupiebat, apparet tamen illum in primis propoſitam habuiſſe imitationem, cùm redemptionis neceſſitatem uſque adeo ſit ſupergreſſus.

IX.

Tota vita mortem habens præſentem.

X.

Cum omnibus cruciatibus & probris.

Pſal. 21. 18.

XI.

De cæteris virtutibus conſertim.

Leſſ. I. 12. n. 66.

XII. Nec alia mens fuisse videtur S. Petri, cum scriberet, *Christus passus*
Intentio & est pro nobis, vobis relinquens exemplum, ut sequamini vestigia eius.
fructus ex- & Seruatoris ipsius. Nam *exemplum*, inquit, *dedi vobis, ut quem-*
plurimū Chri- *admodum ego feci vobis, ita & vos faciatis.* Quod non ad illam vnam
fit. reculit demissionis animi functionem, sed cæterarum quoque virtutum.
 1. Petr. 2. 21. Qua in reminimè falsus est expectatione sua. His enim exemplis inci-
 Ioan. 13. 15. tati plerique mortalium, ad eximium perfectionis gradum peruene-
 runt. Quidam natura timidi & imbecilles satis animi ad horribilia sup-
 plicia perferenda consecuti sunt, alij deserta loca, plurimi cœnobîa,
 spreta seculi vanitate, frequentarunt, ut voluntariam Christi paupertatem,
 castitatem, obedientiam, demissionem animi, zelum animarum,
 cæteralque eius virtutes imitarentur, crucem suam quotidie ferrent, &
 vitæ huius pelagus, ipso signifera sub puppe magistro, enauigarent:
 dum cœli portum, magna animi contentione victores ingressi, in beata
 eternitate conquiescerent.

CAPVT XXX.

Christum adoptatis hominibus factum esse eorum patrem.

I. *Amor par-* **I**NTER eas affectiones, quas rerum molitor Deus altissimis radici-
bus in filiis. bus defixit in animis filiorum Adami, amor parentum in filios facile
 principatum tenet. Etsi enim amor quo se quisque prosequitur, ut ait
 Philosophus, sit regula cæterorum, huic tamen ille nihil admodum
 cedit. Non enim filios tantum diligunt patres quasi aliquid suum, sed
 quasi semetipsos, in quibus iam vita functi sperant se fore superstites:
 sic ut ad tempus aliquod duntaxat ab hominum conspectu se subdu-
 xisse videantur, filiis suis quasi legatis, à quibus omni ex parte repræ-
 sententur, suo loco relictis, imò quasi alteris seipsis. Id enim longè
 potiori iure de filiis, quàm de amicis dicere licet; cum ad intimam be-
 neuolentiam, qua necessarios prosequimur, vinculum etiam intimæ
 consanguinitatis accedat.

II. *Et filiorum* **H**æc iam olim Sapientis fuit mens & oratio. *Mortuus est*, inquit,
in parentes *pater eius, & quasi non est mortuus, similem enim reliquit sibi post se.* Et
eo minor. hæc non immerito causa esse videatur, cur filij parentibus minimè ex
 Eccli. 30. 4. æquo in amore respondeant, adeo ut illud vulgò iactetur, parentem
 vnum parem esse nutriendis centum filiis, centum autem filios vni pa-
 renti vix satis providere; quàm verè id dicatur nihil moror, illud, ut ar-
 bitror, dicam verè, parentes conseruari quodammodo in filiis, & quan-
 dam vmbra immortality adipisci; non vice versa. Vniuersus ille
 terræ succus, quo radices nutriuntur, promanat in truncum, inde in

ramos maiores, minorésque diffunditur, non è contrariò: fontes deriuantur in riuulos, neque aquæ à riuulis recurrunt in caput. Denique, vt ait Apostolus, filij parentibus non thesaurizant, sed parentes filiis.

Huius amoris magnitudinem haud obscure significauit Dominus, cùm, in gratiam dilecti sui Dauidis, illud ei de Salomone promitteret, *Ego, inquit, ero illi in patrem, & ipse mihi erit in filium*. Vnico illo patris vocabulo, liberalitatis & Charitatis officia vniuersa complexus. Dauidis autem ipsius in Absalonem filium amor prodigij instar habet. In quem enim filium amor ille ferebatur? dignissimi vtique patris erga indignissimum filium. In Absalonem, qui lectum paternum plurimis incectis fœdissimè contaminarat; qui manus suas primogeniti fratris sanguine, per insidias ac prodicionem cruentarat, minus scelus maiore vicifcens. In Absalonem, qui populum vniuersum contra Dauidem ad defectionem concitauerat; qui armis aduersus regem, eundemque parentem suum ambitiosè insurrexerat, cùmque regno pulsum in fugam egerat: nec minùs vita, quàm folio regio spoliare decreuerat. In huius itaque Absalonis gratiam David Ioabum, cæterósque duces obtestatus est, vt ab illius cæde in prælio abstinerent. Quod imperium cùm Ioab neglexisset, David lamentabiles illas iterabat voces, *Fili mi Absalon, Absalon fili mi, quis mihi tribuat, vt ego moriar pro te, Absalon fili mi, fili mi Absalon?*

Quam porò aliam putemus esse causam, cur Deus tot iniurias ab hominibus, tot hostilia facinora in se, suósque tolerantissimè patiat, semperque sit ad pœnitentium reconciliationem paratus, nisi quòd isti filij sunt, quamuis Absaloni suppates, ille autem Pater? Cuius diuina prouidentia sapientissimè factum est, vt parens vterque hoc in filios suos amore abundaret, qui innumeras molestias & labores, quos pro liberis ipsos ferre necesse est, suauiter mitigaret. Nam *ubi est amor, non est labor, sed sapor*. Quin & illud obseruari potest, eo tempore feruentiorem esse parentum amorem erga liberos, atque fortiorem, quo tempore plures ab eis molestiæ deuorandæ sunt, vt in infantia, primæque pueritia, quando nullum parentibus famulatum exhibere possunt, delectationem autem pene nullam.

Oportuit ergo Mundi Seruatorem, qui tantum ab hominibus, in eorum salute procuranda, toleraturus erat, paterno hoc amore magnificè abundare, qui eum efficeret in agendo, patiando, largiendoque prodigum sui: eademque opera homines redderet filios suos, eis ius ad paternam hæreditatem tribueret, & ingentes meritorum suorum thesauros eisdem congregaret. Quò pertinet illa Christi Domini patrem orantis deprecatio. *Et pro eis ego sanctifico meipsum, vt sint & ipsi sanctificati in veritate*. Non fiebat ipse quidem sanctior, sed sui ipsius sacrificium offerebat patri, vt discipuli eius spiritalibus locupletarentur bonis, & in heredibus cœli conscriberentur. Multos enim filios, vt ait Apostolus,

2. Cor. 12.

14.

III.

Res probatur
exemplis,
Dauidis.

2. Reg. 7. 14.
& 1. Par. 22.
10.

2. Reg. 18. 33

IV.

Ipsi&que
Dei, in eò
que elucet
eius prouidentia.

V.

Res Christo
Seruatore
applicatur.

Heb. 1. 10. in gloriam adducturus erat, factus autor salutis eorum. Et apud Esaiam
ca. 8. 18. idem Dominus Iesus. *Ecce ego & pueri mei, quos dedit mihi Dominus; quæ*
verba ad Seruatorem, eiusque discipulos Paulus accommodat.

VI. Sed suauior etiam est ipsiusmet Christi apud Euangelistas discipulorū
Qui suos compellatio, ex eodem paterno in eos amore profecta. *Filioli*, inquit,
agnoscit, & *quàm difficile est confidentes in pecuniis in regnum Dei introire!* Et rursum
vocat filios. sub suū ex hac vita digressum, *filioli adhuc modicum vobiscum sum.* Quod
Marc. 10. 24. minus mirum videatur, cū misero illi Paralytico dixerit, *Cor fide fili,*
Ioan. 13. 33. *remittuntur tibi peccata tua.* Et mulieri Syrophœnilla, *Confide filia, fides*
Matt. 9. 2. *tua te saluam fecit.* Itaque pro discipulis suis, quasi pro filiis à patre suo
Marc. 2. 5. postulat communicationem hereditatis, quam naturaliter ipse posside-
Luc. 8. 48. bat. *Pater*, inquit, *quos dedisti mihi, volo ut vbi sum ego, & illi sint me-*
Ioan. 17. 24. *cum. Ut videant claritatem meam, quam dedisti mihi.* Quod est æterna
Rom. 8. 15. cum Christo beatitudine perfrui, factos *heredes Dei, coheredes autē Chri-*
17. *sti;* accepto nimirum, *non spiritu seruitutis in timore, sed spiritu adoptionis*
filiorum, in quo clamamus Abba Pater, idque ex gratia & liberalitate
Seruatoris.

VII. Idipsum prædicabat Euangelista Ioannes, cū diceret filium Dei in
Et adoptauit mundum venisse, & iis qui eum recepissent, potestatem dedisse filios
in filios, etiā Dei fieri, qui videlicet antea iræ filij extitissent. Prædicabat & Paulus
in veteri le- Apostolus, docens vbi aduenisset plenitudo temporis, misisse Deum fi-
ge. lium suum, factum sub lege, ut eos qui sub lege erant redimeret, *ut ad-*
Ioan. 1. 12. *optionem filiorum reciperemus.* Quæ non sunt in eam trahenda senten-
Gal. 4. 4. tiam, quasi velit magnus ille Doctōr asserere viros sanctos, qui in lege
Mosaica floruerunt, Dei seruos, non autem filios extitisse. Nam eodem
in loco illos confert filio paruulo, qui sub tutoribus & actoribus est, vs-
que ad præfinitum tempus à Patre. Præsertim cū illis omnibus prædi-
ti fuerint, quæ in Evangelica lege ad hanc filiorum dignitatem requiran-
tur, fide, spe, charitate, ex Christi gratia, meritisque collata.

VIII. Quod igitur dixerimus esse discrimen inter sanctos veteris testamen-
ti, & eos qui Christum secuti, in lege gratiæ sanctitate præstiterunt?
Discrimen Magnum est utique discrimen, illi enim quāuis essent filij, ita tamen
inter sanctos filiorum non fruebantur, sed seruorum, iuxta illud eiusdem Apostoli,
utrinque *nihil differt à seruo, cū sit Dominus omnium:* sed & timoris spiritu fere-
testamenti, bantur, quem Seruator in spiritum amoris commutauit. Illud quoque
Gal. 4. 1. ponendum, filios Dei temporum illorum, minimè tales vi legis aut spi-
ritus illius extitisse, sed fidei viuz in venturum Messiam. Ex quo illud
etiā consequens est, eos ad legem gratiæ magis, quā ad Mosaicam
pertinuisse. Denique, eo statu perseverante, non poterant illi mitti in
possessionem hereditatis filiorum Dei, occlusis adhuc cœli foribus, quas
Seruator erat patefacturus. Nimirum ut observauit Apostolus, in San-
ctum Sanctorum solus Pontifex semel quotannis introibat: *Hoc signifi-*
Heb. 9. 8. *cante Spiritu sancto, nondum propalatam esse sanctorum viam, adhuc prio-*
re tabernaculo habente statum.

CAPVT XXXI.

*Explicatio Spiritus adoptionis, quantumque sit diuinum
illud beneficium.*

EXIMIA est ista Dei aduersus homines liberalitas, & idonea generando, nutriendoque filiorum amore, in tam potentem, tam nobilem, tamque liberalem patrem. Itaque operæpretium fuerit hoc beneficium, non ita vulgò cognitum, vel æstimatum, paulò amplius explicare, consideratis iis, quæ ad humanam pertinent adoptionem. Et si enim diuina antiquior est multo, multoque nobilior, ab humana tamen ad diuinam translata est appellatio. Eaque intelligitur, Cooptatio quædam gratuita externæ personæ, in iura filij naturalis, ad quæ hic extraneus volens libensque transit. Nisi enim gratuita fuerit vtrinque ista cooptatio, sed onere quopiam degrauiata sit, venditio potius fuerit quàm adoptio. Necessarium quoque est, vt qui adoptatur in filium, iure filij naturaliter careat, quo sit vt filius naturalis adoptari non possit. Quis enim ius recens acquirat quis paternæ successionis, quod ab ipso iam ortu possidet?

Deus æternæ possidet beatitudinis hereditatem, eaque naturaliter ita fruitur, vt nemini præterea iure debeat. Sed quia mirum in modum bonus est, atque liberalis, eiusdem hereditatis multos cupit esse participes, ad eamque aptos reddidit, hoc ipso quòd eis mentē dedit ac rationem; ad eam tamen ipsa creatione ius eis nullum dedit. Est enim illa felicitas superioris cuiusdam ordinis, & naturæ iura, quæ dat creatio, longè multumque transgreditur. Cum ergo Deus homini ius ad diuina illa bona largitur, ad eamque ipsam beatitudinem, qua beatus est Deus, eum assumit sibi, atque adoptat in filium, homine vltro assentiente si vsum rationis habuerit; sin minus, Deus communis pater supplet paruulorum voluntatem, in summum eorum bonum, aut Seruator, qui eius est corporis caput, cui ille inseritur, aut Ecclesia, quæ illius sponsa est, & huius communis parens.

Sunt porro quædam in diuina adoptione singularia, quæ eam mirum in modum nobilitant, redduntque præ humana gloriosam. Nam hæc nullam confert personæ adoptatæ perfectionem aut laudem, sed eam quæcunque tandē sit, eligit, eique nomen tribuit, & ius adoptionis. At diuina adoptio spiritû Dei confert homini, & gratiam sanctitatis, quæ, vt ait Petrus, eū reddit diuinæ naturæ participem, ac consortē: vnâque ius illi ad diuinā hæreditatem largitur, perinde ac si filius naturalis foret, coheres autem Christi. Præterea introducta est inter hominēs adoptio, vt adoptatis sterilitati succurreretur, qui asciticios quærit filios in naturalium locum. At Deus propter immensitatem bonitatis suæ, & desiderium

I.
Natura & conditions adoptionis humane. Vide D. Th. 3. p. 9. 2.

II.
Que diuina accommodatur.

III.
Vtriusque discrimin triplex. 2. 1. 4.

Rom. 8. 17.

communicandæ felicitatis, licet naturalem habeat filium, adoptat extraneos, ut benè sit eis in fruitione tantæ hereditatis. Denique adoptio illa in successionem hereditatis instituta est, hæc ad consociationem. In illa enim moritur pater, in cuius locum & iura filius adoptatus succedit. In hac immortalis est pater, suæque bona filiis communicat, quæ hereditum multitudine, ut bona fortunæ, non minuuntur.

IV.
Diuinitas
fundamen-
tum est di-
uine filia-
tionis.
Vide Lessl.
2. a. 74.

Rom. 8. 14.
1. Ioan. 4. 13

Fundamentum porro diuinæ huius adoptionis, & ut ita dicam, filiationis mirabilis est. Est enim communicatio diuini Spiritus. Quod Doctores Theologi explicant in hunc modum. Deus assumpsit vnum hominem, in filium naturalem, tota plenitudine diuinitatis in ipsum refusa, & secundum substantiam vnita, qui est Seruator mundi; cuius opera ille alios adoptat, Deique filios efficit, qui in eo insiti sunt, ut in trunco rami, in vite palmites, in corpore mystico membra viuentia. Cum primum igitur quis Christo Domino per fidem & sacramenta insertus est, eique, ut membrum capiti, connexus, hoc ipso eodem spiritu diuinitatis animatur; idem enim corpus eundem habet spiritum, vitam illi animamque tribuentem. Filius ergo Dei est, sicut & ipse, cum ea tamen differentia, quod Christus naturalis est filius, cæteri ascititij, & adoptati. Nam, ut ait Paulus, *qui spiritu Dei aguntur, hi sunt filij Dei*, qui intrinsecus spiritalem eis vitam, animamque tribuit. *In hoc cognoscimus*, ait Ioannes, *quoniam in eo manemus, & ipse in nobis, quoniam de spiritu suo dedit nobis*, ut eo videlicet regamur, & animemur, ut corpus ab anima viuat, ac gubernatur.

V
Ut spiritus
Dei eius
quoque filiis
conueniat.

Hunc diuinum spiritum tres personæ sacrosanctæ Trinitatis proprium habent & naturalem, diuinitas enim earum vita est & natura. Idem Spiritus per vnionem personalem Verbi cum humana natura, Seruatori communicatur quasi naturaliter, cæteris autem iustus omnino supernaturaliter, per quandam quasi extensionem. & dilatationem spiritus, qui in Christo est, qui interuentu gratiæ habitualis, incipit esse noster spiritus, & vita nostra, manet in anima nostra, eam ornat, mouet, regit, fitque principium omnium actionum supernaturalium Deo placentium; sicut anima siue spiritus noster est principium omnium naturalium functionum eius. Itaque cogitari potest Christi spiritus, tanquam immensa quadam anima, quæ angustiis humanitatis eius non coërcetur, sed omnem in partem quodammodo exundat, atque diffunditur. Itaque non ipsum duntaxat, sed omnes, qui illi adhæserint, viuificat, & quod consequens est, secum facit filios Dei.

VI.
Charitatis
officium in
hac filia-
tio-
ne.

Quæ cum ita sint, apparet hominem filium Dei fieri, non solum interuentu gratiæ & charitatis, alteriusve doni creati, sed per inhabitationem, & possessionem ipsius diuini spiritus, à quo vitam spiritalem haurit, à quo regitur, à quo iuuatur in infirmitate sua, à quo incitatur ad postulandam diuinam opem gemitibus, qui verbis exprimi non possunt. Nam Charitas aut gratia, si solitaria sumatur, non videtur suffice-

re,

re, vt hominem efficiat filium Dei; sicut amor, quo nobilis aliquis regem prosequitur, non satis est, vt hoc ipso is reddatur filius regis; neque is amor eam mercedem promeretur; nisi fortè rex edixisset, fore vt quicumque eum diligeret, adoptaretur in filium regis. Itaque Christus ipse videtur hunc amorem quasi conditionem constituere, ad hanc diuini spiritus in habitationem, *Si quis, inquit, diligit me, sermonem meum seruabit,* Ioan. 14. 23. & *Pater meus diligit eum, & ad eum veniemus, & mansionem apud eum faciemus.* Spiritus autem ipse per sese facit filios Dei, gratia verò & Charitas ipsum introducit in animam. *Qui manet in Charitate in Deo manet,* 1. Ioan. 4. 16 quia Charitas eum vnit Deo, & *Deus in eo,* tanquam ipsius Spiritus, & principium vitæ spiritualis eius.

Hoc ipsum à contrario fieri possit illustrius. Dæmon enim introducit in animam per peccatum, & in ea residet. Iuxta illud Domini Verbum de nequissimis spiritibus, & *intrans habitant ibi.* Sicut fortis bellator, qui occupatam arcem militari præsidio tenet. Quamdiu autem ibi manet, quæ sui muneris sunt studiosè exequitur. Peccatorem enim in quæcunque scelera potest impellit, eumque reddit filium suum. Nam improbissimis Scribis & Phariseis dicebat olim Seruator. *Vos ex patre diabolo estis, & desideria patris vestri vultis facere;* qui & mendax, & homicida fuit ab initio. Ibi phantasiâ peccatoris agitatur, turbaturque visis quæ mentem obtenebrant; animorum motiones perturbatur, quibus validè concutitur, ac labefactatur voluntatem, Dei gratia destitutam, & subinde consensum extorquet in peccatum; ex quo peccandi desideria proficiuntur, & molitiones, & ipsi scelerum actus, & frequentationes. Fit denique scelestus ille tanquam principium & primum agens omnium scelerum, quæ à peccatoribus perpetrantur. Vtitur enim ipso corpore, seque ad omnes eius appetitiones accommodat: vtitur & peccatorum hominum regulis, moribus, & institutis ad promouenda destituta flagitia. Ambo enim mercenarij eius sunt, eorum operas ille pretio voluptatis emit, aut vanitatis. Denique heredes fiunt destinatæ Luciferi hereditatis suppliciorum æternorum.

Sed abeamus ab isto perduelle, vt Dei beneficentiam in hac diuina adoptione consideremus. Amor non potest dare fruitionem dilecti boni, neque illud arbitrij nostri, & potestatis efficere; mutuam tamen amorem promereri potest. Itaque nec diuinus amor nostrum efficit Deum, sed illecebra est mutui eius amoris. Nam æterna Sapientia, *Ego, inquit, diligenter me diligo.* Eadèque in humano habitu, *Qui diligit me, diligitur à Patre meo, & ego diligam eum, & manifestabo ei in seipso.* Cum ergo amare sit bonum velle alicui, ac donare si fieri possit; ita Dei in nos amor efficit, vt bonum quoddam tanta maiestate dignum nobis velit, donetque reuera, suum videlicet Spiritum, vt in nobis habitet, animique nostri gubernacula moderetur, & dirigat eius iter in beatitudinem sempiternam. Et poterat ille quidem amicis suis aliam.

D d d

VII.

Vt peccatores fiant filij Diaboli.
Matth. 12.
45.

Ioan. 8. 44.

VIII.

Dei liberalitas in hac adoptione.

Prou. 3. 17.

Ioan. 14. 21.

quampiam largiri mercedem. Rex enim iis à quibus diligitur non dat seipsum, sed opes & copias, dignitates, gubernationes urbium, procuraciones prouinciarum, aliàque id genus. Deus autem non alio præmio munerari vult amicos suos, quàm seipso, aut diuino spiritu suo, quo eos efficit filios suos. O dignam Deo liberalitatem!

IX.

Nona dignitas, meritorumque adoptatorum.

Hæc porro diuina adoptio, quæ homines efficit filios Dei, ad nouam etiam euehit dignitatem, vt in humana quoque contingit. Si quis enim Dynastarum, puerum quempiam sibi gratum, eductum de plebe in filium suum adoptarit, fit ille continuò præstantior, atque amore dignior & honore subditorum noui parentis, cuiusque actiones maiorem quàm dudum mercedem promerentur. Quantò id verius est in filiis Dei, in quibus diuinus spiritus, quasi in templo suo, peculiari ratione habitat? quantò nobiliores fiunt, & omnium mortalium amore, atque honore digniores? cum alia Dei dona creata, vt prophetiæ, linguarum, miraculorum, reddant eos, qui his præditi fuerint, beneuolentia, cultùque digniores? Eorum quoque præclara facinora multò maiore mercede digna sunt. Nobilis enim bellator, etiam in leuiore certamine, maiore præmio dignus est, quàm in difficiliore negotio gregarius miles. Quod si Deus opera istius, qui in diuinam familiam adscitus est, habet gratissima, quòd à filio suo perpetrata, quòd suo animata spiritu fuerint, adeò vt ea iudicet non alio digna præmio, & in hac & in futura vita, quàm seipso, quanti quæso sunt ab hominibus æstimanda?

CAPVT XXXII.

Christi liberalitas in Sacramentorum institutione, & nominatim Eucharistiæ, vt sacrificium est.

I.

Christi liberalitas in Sacramentorum institutione.

c2p. 11. 3.

RATIONES & viæ, quibus diuina liberalitas vtitur, vt homines ad filiorum dignitatem euehat, fiatque ipse adoptione eorum Pater, communicato diuino spiritu, omnibùque gratiæ, donis, sacramentis continentur, à Christo Domino in Ecclesia institutis, vt essent arcæ quædam thesauris meritorum eius continendis idoneæ, aut inexhausti fontes beneficiorum eius, de quibus tanto antè editum fuerat illud Esaiæ vaticinium, *Haurietis aquas in gaudio de fontibus Saluatoris*. Et quidem sine vllius definitione temporis hauriemus: neque enim facilius exhauriri possunt, quàm ipsa infinita merita Seruatoris, quæ illis quasi canalibus in homines deriuantur.

III.

Quæ cursim recensentur.

His animæ peccato mortuæ, nouam vitam noua generatione consequuntur, inscribuntur in album filiorum Dei, & heredum lautissimi patrimonij tanti parentis, & tanquam membra viuientia mystico Seruato-

ris corpori inferuntur. His deinde constantia & fortitudine donantur, vt contra Satanam, & omnes fidei hostes animosè colluctentur & vincant. Quòd si pugnando contra carnem & sanguinem, aut contra principes tenebrarum harum, aut mundi dæmonisq; seruos plagas acceperint, aut venenum imprudentes hauserint, virus euomunt, & recipiunt sanitatem; Angelorum cælesti pane reficiuntur, ne obliui comedere panem suum, deficiant in via. Gratia donantur ad edendos in lucem heredes æternæ vitæ. Honorantur potestate vicaria filios Adami in Christi filios commutandi, dimittendi peccata, & sacrosanctæ Eucharistiæ conficiendæ. Denique vbi ad vltimas vitæ metas peruentum fuerit, ad vltimam cum hoste tartareo pugnam, luctamque oleo sacro præparantur. Quid potuit diuina bonitas, aut ad gloriam suam magnificentius, aut ad hominum dignitatem præstantius, aut ad vtilitatem fructuosius exco- gitare?

Pudore sanè afficior non iniusto, quòd tam insignes thesauros tam le- ui brachio attingam, quòd tam locupletes auri argentique fodinas in di- cem duntaxat, non perscruter: quòd sacrorum vectigalium diuinam in- stitutionem, vberrimosque redditus, qui promissis Seruatoris ipsius, meritisque nituantur infinitis, non contempler: tam nobiles aromatum apothecas, quibus homines in Angelos, terram in cælum, lutum in au- rum, lapilli vulgares in adamantes ac pyropos, mancipia Diaboli in fi- lios Dei commutantur, inuisas intactasque pertransco. Sed infinitum negotium foret, singulas hasce liberalitates pro dignitate ponderare, vt interim virium nostrarum imbecillitatem dissimulem. Et sicut *pauperis est numerare pecus*, ita magnifici principis est nummos aut eos plena ma- nu largiri. *Estimentur* igitur ista conferunt, vt solent amplissima paren- tum patrimonia, à filiis impuberibus censeri.

Nō possum tamen continere me, neque præterire silentio summam amantissimi Seruatoris humanitatem, ex qua liberalissima illa institutio sacrosanctæ Eucharistiæ profecta est; id est conuiuij tam splendidi, tam- que sumptuosi, vt in eius apparatu, non solum copias omnes suas, opes- que profuderit, merita, inquam, omnia, atque exempla virtutum maxi- marum, sed corpus etiam suum, animam, ac diuinitatem, ad eò vt, quasi ob tantam profusionem pudore suffusus, si sic loqui licet, hominum conspectum vitaret, abdiderit se sub speciebus panis ac vini, & tegu- mento parabolici cuiuspiam viri, *homo quidam*, inquit, *fecit cœnam ma- gnā*. Cœnam vtiq; quæ magnificentia sua Persica omnia, & Babylo- nica, Egyptiaca & Romana conuiuia longè post se reliquit, & quæcun- que sacris celebrantur, profanisque monumentis.

Instituit autem mysticum hoc conuiuium providentissimus Pater, vt esset non solum nutrimentum familiæ suæ, & cibis immortalitatis, sed sacrificium vnicum Euangelicæ legis, Deo honorando, placandòque de- stinatum, quòdque Mosaica omnia sacrificia, ritus, ceremoniasque an-

III.
Et commen-
dantur

IV.
Et nomina-
tim Eucha-
ristia.

Luc. 14.

V.
Qua supe-
rat, an-
tiquisq; om-
nia sacrificia

tiquaret. Et meritò quidem; continet enim, infinita dignitate sua, vias omnem atque efficacitatem omnium holocaustorum, & Leuiticorum sacrificiorum, eisque successit vniuersis, vimque maiorem habet ad honorandum & placandum Deum, quàm victimæ omnes, quas ipsemet, Hebraicæ quondam nationi præscripserat. Eoque videtur respexisse Dominus, cum per regium Prophetam diceret, *Non accipiam de domo tua vitulos, neque de gregibus tuis hircos. Quoniam mea sunt omnes fere sylvarum.* Et mox, *Si esuriero non dicam tibi; meus est enim orbis terra, & plenitudo eius. Nunquid manducabo carnes taurorum, aut sanguinem hircorum potabo?* Mauult nimirum sacrificium laudis, quod est Eucharisticum, quo singulari laude afficitur, & honore. Itaque adit, *Immola Deo sacrificium laudis.* Et magnus Pontifex Leo, *Nunc etiam*, inquit, *carnalium sacrificiorum varietate cessante, omnium differentias hostiarum, una corporis & sanguinis tui implet oblatio.*

Psal. 49. 9.
&c.

Ser. 8. de
pass.

VI.

In quo posita
sit actio sa-
crificij.
Vide Less.
l. 12. n. 93.
&c.

Hoc ergo sacrificium in vltima illa cœna Seruator instituit, pane & vino consecrando; in qua consecratione duo mirabilia contingunt, immutatio substantiæ panis & vini, & mystica mors victimæ; cum diuinorum verborum vi & efficacitate, Christi corpus & sanguis seorsim in altari collocantur, sicut agnus olim immolabatur, cum ex illius corpore sanguis eliciebatur, ac separabatur. Consecratio, quatenus substantias immutat, producit hostiam: & quatenus sit supra vtramque seorsim speciem, oblatio est, & sacrificium; diuina autem verba quæ profert sacerdos, instar habent gladij, sanguinem à corpore separantis. Seruator in cœlo viuens, viuam repræsentat victimam: idemque corpus sub specie panis, & sanguis sub vini specie, locum habent victimæ iam immolatæ.

VII.

Religionem
Christianam
omnium
maximè no-
bitat.

In religionis porro Christianæ nobilissimis prærogatiuis & dotibus, nihil magis eminet, nihil est ad gloriam eius illustrius, hoc augustissimo sanctissimoque sacrificio, religionis parte primaria, vel ipsius potius absolutione, atque perfectione. Continet enim religio cultum & famulatum aduersus Deum; præcipuus autem cultus in sacrificio positus est: quod est singularis testificatio supremæ Dei in omnes res creatas dominationis atque potestatis, in quas ius omne necis habet, & vitæ. Id si verum est in mutatum pecudum oblationibus, quæ pridem in conspectu Domini iugulabantur, quid de sacrificio legis Euangelicæ dici potest, quod rei dignitatem vel adumbrare possit in quo non par. turturum aut columbarum, non agnus aut vitulus, non homo vel Angelus immolatur, sed verus Dei filius in humanitate sua, Verbum caro factum, homodiuinus; qui mysticè vitam suam dat in altari, quamvis iam à resurrectione sua gloriæ particeps, doloris & mortis factus sit expers. *Christus iam non moritur*, ait Apostolus, *mors illi ultra non dominabitur.*

Rom. 6. 9.

VIII.

Offertur in
gratiarum
actionem.

Hoc ille sacrificium in Ecclesia sua instituit, eique in amoris sui mementum reliquit, iussitque in sui memoriam celebrari, vt haberet perpetuò vnde gratias diuinæ maiestati redderet de acceptis ab ea be-

neficiis; & nominatim gratiam redemptionis commemoraret, tanto datam impendio, quanti est vita vnigeniti filij Dei, summis ei contumeliis, atrocissimisque cruciatibus erepta. Quæ mors in hoc nostro sacrificio æterno Patri exhibetur, & in eius conspectu ponitur: nostro inquam sacrificio, quia filius datus est nobis: quod sacrificio crucis nihil cedit, cum sit eadem victima, nec à sacerdote solùm, sed à præcipuo illo sacerdote Christo Domino sacrificetur; nec minore quàm in monte Caluarie charitate offeratur Patrij. Itaque mirabilis hostia quantiscumque acceptis sacrificiis nos ingratos esse non finet. Quod haud obscure significabat David cùm diceret, *Quid retribuam Domino, pro omnibus que retribuit mihi*, & quasi ad satisfaciendum factus idoneus, respondet, *Calicem salutaris accipiam, & nomen Domini inuocabo.* Psal. 115. 3. 4.

Valet idem sacrificium ad auxilium diuinæ gratiæ impetrandum, aduersus tentationes, quæ multorum infirmitatem in varia peccata præcitant; quæ gratia naturam in malum procliuem cohibet, excitatque languentem, viam ingredientem dirigit, progredientem comitatur, & ad felicem perseverantiæ metam perducit. Eodem sacrificio externa hæc bona, iuxta diuinæ prouidentie constitutionem, obtinentur, pax, victoria, pluuia, serenitas, copia frugum, felix negotiorum expeditio, sanitas quoque ac libertas, aliæque id genus. Animi tamen bona, quæ sunt longè maiora, & hoc diuino sacrificio digniora, præcipuè impetrantur. Vallet quoque ad peccatorum pœnas, post deletam contritione aut pœnitentiæ sacramento culpam, abstergendas, siue sit in viuis, qui est debitor pœnæ, siue vita functus. Quoniam copiosissima satisfactio filij Dei, Patri æterno in satisfactionem reconciliati peccatoris offertur; quin & exitium illum dolorem, culpæ profligatorem impetrare potest.

Valet denique ad auertenda diuinæ iracundiæ flagella, quæ peccatorum prouocata sceleribus, mortalium ceruicibus imminet. Si enim misericors Dominus cùm iam peste, bello, sterilitate sæuire cœpit, continet iram suam, placatus cuiuspiam amici sui precibus, qui se afflictis mortalibus patronum exhibet, præsertim si cœli ac sanctorum regina supplex filio suo, in gratiam miserorum fiat, quanto maior erit huius diuini sacrificij ad numen placandum efficacitas, in quo Sanctus sanctorum offertur, ipsèque fons sanctitatis, qui præ sanctis omnibus, gratia apud patrem valet. Quod si prima huius hostiæ oblatio mundum reconciliauit Deo, quamuis innumeris obrutum peccatis, & æternam ab eo damnationem auertit, quid mirum si idem sacrificium sæpius iteratum, reconciliato semel iam mundo, Deum placet, ad vitæ huius calamitates auertendas, quæ perniciem quamplurimis erant allaturæ, aut eas certè moderatur ac minuit, aut in tempus aliud differt, iuxta mensuram, quam Deus fructibus huius sacrificij, cuius alioqui est infinitum pretium, pro sua bonitate & sapientia definiuit.

IX.
Et diuersas
gratias im-
petrandas.

Ad satisfac-
tionem.

X.
Ad auerten-
da Dei fla-
gella.
Vide Lessl.
12. n. 102.

CAPVT XXXIII:

*Christi in Eucharistia liberalitas, ut ea conuiuium,
& sacramentum. est.*

- I. *Eucharistia
alimonia a-
nimorum.* **A**LTERVM deinceps vsum, ac fructum sacrosanctæ Eucharistiæ consideremus; ope enim gratiæ, quam communicat animabus, eas fouet ac nutrit, & natiuam illius in opiam suis opibus, imbecillitatēque sustentat. Quin & corporibus fructuosa est, cum aliis donis, tum munere beatæ immortalitatis. In hoc igitur diuino conuiuium animam gratia sanctificante donari, ex eo facile intelligi potest, quod huiusmodi effectus communis est omnibus legis gratiæ sacramentis; ideoque isti omnium maximo, quod ipsum gratiæ autorem continet, negari non potest.
- Ioan. I. 17. Sicut enim suo ipse in mundum ingressu, vitam gratiæ secum inuexit. Ita suo in hominem per sacramentum ingressu, eandem illi vitam largitur & gratiam; quod illa eius verba non obscure significant, *qui manducat me, & ipse uiuet propter me.* Et sicut hoc sacramentum. Christi mortem cruciatūsque repræsentat, ita eosdem in homine effectus producit, quos illa mors in mundum intulit, ut docet Doctor angelicus: qui etiam addit effectus cibi huius, & vulgaris illius mirifice congruere: suo enim quisque modo animus corpusque nutriuntur, augescunt, reparantur, delectantur cibo proprio & suo. Præsens enim gratia fouetur in anima, & quotidiana recipit incrementa, renouatur feruor charitatis, quem consolationum deliciae comitantur.
- II. *Corporibus
etiam pro-
dest.* Quod ad corpus attinet, sacrosanctus hic panis actu suo peculiarē rem quandam conuertit corpori sanitatem. Nam si vasa sacra, in quibus asseruatur hoc sacramentum, sanctificantur hoc ipso, nec sine sacrilegio in profanos conuertuntur vsus: pluris utique est corpus humanum quam scyphus argenteus, & melioris particeps sanctitatis. Quin etiam Ioannes ille aurei oris Antistes, ait os Christiani contactu Christi corporis honorari, ideoque purè illud & sanctè conseruari oportere. Eiusdem etiam ope sacramenti, cupiditatis ardorem temperantis, contingit, rore deuotionis pectus suauiter irrigari, ut fociis Danielis accidit, in fornacem Babyloniam flammis æstuantem coniectis. Pius enim ille animi sensus redundat in corpus, & inusitato afficit gaudio, iuxta illud Davidis, *Cor meum, & caro mea exultauerunt in Deum uiuum.* & alibi, *Sicut in te anima mea quàm multipliciter tibi caro mea.* Nec mirum est anima & carne Deum sitiente, utramque diuinitus irrigari.
- III. *Pra aliis ci-
bis, etiam
arboris uite.* Quàm pretiosus, quàm admirabilis est cibus iste. Nam cæteri quidem cibi, vitam corporis ad breue tempus tuentur, & fouent, sed cùm sint ipsimet corruptioni obnoxij, corpus perpetuo incorruptum præstare

non possunt. Hanc enim vim ne illa quidem arbor habuit, quæ dicta est vitæ, innocentium in Edenis hortu cibus. Cùm enim nutritioni poma illa seruirent, oportebat ipsa quoque consumi, & in viuientis transire naturam; neque ultra vires naturæ suæ producere immortalitatis effectum. Manna quoque non fuit immortalitatis cibus, sed breui etiam tempore putrescebat, aut ad solis radios liquecebat. Id significauit haud obicure Seruator, cùm diceret Iudæis, Patres ipsorum manducasse manna in deserto, & nihilominus esse mortuos.

Cùm autem de cibo isto loqueretur, quem præparauit filiis suis, etiam atque etiam affirmat, iteratque sæpius, qui illum manducauerit, in æternum victurum, mortis & corruptionis expertem, & in nouissimo die resurrecturum. Nimirum cibus iste incorruptus est, & immortalis, solæ species, quibus obtegitur, id agente calore nativo, consumuntur, & pereunt. At Christus ipse, ex quo resurrexit semel, iam non moritur, mors illi ultra non dominabitur, vt ait Apostolus. Itaque immortale Christi corpus mortali coniunctum, vitam illi communicat. Validum enim inualido præualet, ei que suam communicat firmitatem. Sic medicamentum magnæ efficacitatis stomacho receptum, à malè affecta natura non vincitur: sed eam superat potius, sibi que similem reddit, iis, quæ sibi propria sunt, illi communicandis. Pari quoque ratione si quis venenum in cibo hauserit aut potu, nativus calor à pernicioso frigore suffocatur. Sic & immortale Christi corpus humano stomacho receptum, à mortali natura vinci non potest, neque in propriam illius verti substantiam. Sed contrà vincitur à tam efficaci alimento ipsa natura, & quæ diuini cibi propria sunt in se transfert, immortalitatem, subtilitatem, agilitatem, splendorem. Nec tamen id continuo contingit, sed in id tempus differtur ista mutatio, quod Deus instaurando mundo destinauit. Nam ne medicamenta quidem vires suas statim exerunt, sed ab iis pedetentim corpus infirmum pristinæ restituitur sanitati.

At vide obsecro, mi Amor, istine doctrinæ tuæ aliqua obici possint, quæ non leuia fortasse videantur. Nam qui hoc sacramento vtuntur, quantus sanctitate fulgeant, perinde ac ceteri mortis legibus subiacent. Deinde certum est plerosque, qui hunc cibum immortalitatis nunquam attigerunt, aut illum, peccati sordibus contaminati, degustarunt, ad vitam nihilominus aliquando excitatum iri. Ex quibus consequens videtur huic cibo futuram corporum immortalitatem minimè tribuendam esse. Verùm, ait Liberalis Amor, priori isti obiectioni iam factum est satis. Vis enim cibi huius non apparet illico; neque optandum fuit vt in hac vita contingeret immortalitas, quæ vt multis nunc casibus ætumnisque vexetur, nulla tamen maior vitam calamitas vexaret, quam si nullum ei mors finem afferret. Ergo is fructus alteri vitæ reseruatur, in qua interitum morti Seruator afferet, & vi huius cibi, amicis suis donum immortalitatis, cæteratque dotes corporum beatorum largietur. Adde quod

D. Tho. 1. p.
q. 97. a. 4.
Aug. de ciu.
l. 13. c. 23.
Exod. 16.
10. 21.
et manna,
Ioan. 6. 49.

IV.
Eucharistia
corporibus
communicat
immortalita-
tem.
Cap. 6. 27.
19. 40. 50.
52. 55. 59.
Rom. 6. 9.

Tempore
congruo.

V.
AVTOR.
Obiectiones
duæ.

AMOR
LIBERAL.
Solutio prioris
rei.

mors, quæ corporibus imminet in hac vita, cum futura ei que succedente æternitate comparata, somni potius quam mortis nomen meretur; quo modo eam quoque Scriptura subinde nominat.

VI.
Et posterio-
ris.

Nam quod ad posteriorem dubitationem attinet, perspicuum est sanctos, qui ante Christi ortum mortui sunt, vi sacramenti, quod nunquam receperunt, non redituros ad vitam, sed vi beatæ animæ, quæ beatum corpus & immortale desiderat, & promerita est dum in corpore versaretur. Qui autem Christo posteriores vixere, duplici titulo gloriam immortalitatis consequentur, animæ gloriosæ primum, deinde coniunctionis gloriosi Christi corporis, cum isto mortali, cui vigorem quendam tribuit, qui est quasi semen immortalitatis. Quod ad impios attinet, dicere licet cum Dauide, *Non resurgent impij in indicio, neque peccatores in concilio iustorum*. Et si enim resument reuera corpora sua, non tamen ad vitam, sed ad mortem sempiternam: ideoque resurrectio illa corporum, prolaptionis potius in deterius, quam resurrectionis nomen meretur, eritque huiusmodi commutatio, qualis est febris vulgaris in ardentem. Improbi enim de sepulchris suis, vt fontes de carceribus imperio Iudicis educuntur, vt in rota contrucidati toto corpore langueant, & mortem beneficij loco à circumstantibus implorent.

VII.
Hoc cibo di-
uinus spiri-
tus datur.
Lect. l. 12. n.
208.

Illud etiam hîc addo de hoc cibo, quod est consideratione dignissimum, quo vis eius & prærogatiua sit clarior. Caro enim animalium, quæ vescimur, vitam nobis suam conferre non potest; nullam quippe tunc habet, cum cedit in cibum. At caro Seruatoris spiritu diuino plena est, ab eoq; nunquam deseritur; itaq; qui illam sumit, hûc quoq; spiritum sumat necesse est. Qui ferrum candens accipit, ignem quoque illi coniunctum, & intimè inhaerens accipit. Christus igitur mystici sui corporis caput, huius alimenti opera, spiritum illi suum, vitamque communicat, sic vt cum Apostolo dicere possit. *Vino ego, iam non ego, vinit verò in me Christus*. Et quemadmodum spiritus hominis alimenti partes viuificat, inseritque corpori, ita Dei spiritus animat, & in vnum quasi corpus coagmentat fideles omnes, qui hoc diuino cibo participant, iuxta illud eiusdem Apostoli. *Quoniam vnus panis, vnum corpus multi sumus, omnes qui de vno pane participamus*.

Gal. 2. 20.

1. Cor. 10.
17.

Mirabili Dei
consilio.

Quàm admirabile igitur fuit consilium Dei, qui vt homines ad se alliceret, sui que spiritus ac vitæ participes redderet, assumptam sibi humanitatem panis & vini accidentibus obtexit, vt fieret cibum, cuius interuētu suum ille spiritum ac diuinitatem, qua illa humanitas animatur, cōmunicaret hominibus, eos sanctificaret, darétque in ipso, & de ipso viuere. Quàm liberalis fuit diuinus ille amor in homines, quorū potestati vitam & sanguinem Dei, animam ac diuinitatem permisit! Liplana sanctorum Martyrum & Confessorum iusta veneratione coluntur, quæ olim templa Dei viuentia, totiusque sanctissimæ Trinitatis domicilia extiterunt,

Ioan. 14. 23. vt Seruatoris vox illa testatur. *Ad eum venimus, & mansionem apud*

quam faciemus. Imo crucem & clauos, spinasque honoramus, quæ ipsum Christi corpus ita tengerunt, vt illud vehementer cruciarent; vestes eius ac syndones, thesauros ingentes arbitramur. Deus bone! quid est vestimentum corporis, ad corpus ipsum? Proh, quàm deplorandus est imaginationis humanæ stupor, qui ista pro meritis æstimare non potest! O quàm terreni ac sensibus immergi sunt mortales, quàm modica est eorum fides!

CAPVT XXXIV.

Res aliæ, quæ hanc Christi liberalitatem vehementer amplificanti.

OCCVRRVNT & alia quædam, quæ hanc Seruatoris beneficentiam, qua se mortalibus dedit in cibum, etiam atque etiam exaggerant. Quod videlicet à corporibus, in quæ illum penetrare oportebat, non abhorruerit; neque à multorum improborum conscientia sponte refugerit, sic vt ab hac volûtate propterea propositôq; desisteret. Quidque se in quotidianum cibum, sine vlla temporis, lociue definitione tradiderit. Hic horror, & quasi naturale odium, hoc videtur esse iustus, quo pulchritudo, & munditia dominici corporis maior est, & omnium hominum & angelorum veneratione, cultûq; dignior. Nonne, Deus immortalis, isti bonitati satis fuerat superq; factum, dum corpus tuum morti adhuc fuit ac perpeffionibus obnoxium, quod tam probrosè ac petulanter habitum est, vt diuina ista facies fœdissimis oblineretur sputis, pugnis intumesceret, liuore decoloraretur, sic vt ad leprosi faciem propius, quàm bene valentis accederet. *Et nos putauimus, inquit Esaias, quasi leprosum, & percussum à Deo, & humiliatum.*

I.
Christus à
corporibus
recipietum
non abhor-
ruit.

Ca. 53. 4.

Non oportuit, Christe optime maxime, post illas stabuli sordes ac præsepis, quo te infantulum paupertas necessitâsque compulerant, vt nunc Rex gloriæ, & princeps omnium electorum constitutus, non auerfareris, imo sciens prudensq; specum tenebricosum subires, crassis abundantem sputis ac corruptis cibis: stomachum inires pituita, reliquisque humorum sedimentis refertum, quæ sine nausea videri ac pene cogitari non possunt. An oblitus es munditiæ leges, quas olim populo tuo peregrinanti præscripseras? volebas eos curam gerere mundiciæ, quoniam, Deut. 23. inquebas, *Domine Deus tuus ambulat in medio castrorum, vt eruat te,* 12. 13. & videlicet timere ne tu, obuius offensu sordibus, faciem ab eis auerteres, atque abires. Nunc autem tu ipse per te vili specierum lacerna te-ctus, sordentis stomachi penetralia subire non recusas.

II.
Affectus co-
miserationis

Deut. 23. 12, 13.

III.
De eodem.

Scio equidem humanam istam naturam imbutam immortalis gloria,

Ecc

Christus hilariter subis stomachum amicorum suorum.
Baro. ann. Chr. 785.
Vuindichindus.

& inuiolabili pulchritudine conuestitam, nullas inde sordes contrahere; nullaque affici molestia: solas species his contingi fœcibus, aut inquinari, superque illas mox cibum potumque defluere: tu tamen ipse reuera dici potes eas sordes attingere, quamuis speciebus quasi velo quodam interposito. Tu idem re ipsa stomachum subis, ibique ades tamquam in canosa lacuna. Tamne effusè tui prodigus est amor in nos tuus, ut dilectorum hominum sordes tibi munda sint, easque subeas non inuitus, sed multa cum hilaritate, ut olim ædes dilecti Lazari & sororum eius, aut parentum tuorum. Hunc ipsum animi tui sensum, tute iam pridem Vuindichindo Saxonum principi necdum Christiano patefecisti, quod ipse met ad Carolum magnum retulit, cum in quorundam ora festiuis & hilaris, in aliorum mœstus ac renitens intrare videreris. Tam hilaris autem aliquando ac volens, ut ne illam quidem moram ferre possis, qua sacerdos sacramentum deferat ad os eius, qui illud accepturus est, sed ultro in os inuoles, ut de Catarina Senensi scriptum legimus. Prò quantum gaudium piis mentibus, quantam animi demissionem, quantam fiduciam afferre debet ista cogitatio! quam promptas reddere debet animas, & alacres humilibus obsequiis eius causa frequentandis, qui ne à sordibus quidem nostris abhorruit.

IV.
Crebra Christi liberalitas.

Quòd si humanissimus Seruator, semel in vita duntaxat, hac tam familiari liberalitate uti voluisset, si nemo Christianus tanti mysterij, præterquam in vltima vitæ periodo, particeps esse posset, non leuis utique fuisset ista gratia, neque mediocris liberalitas. Non secus ac si Rex aliquis, aut summus ipse Pontifex ægrum famulum ultro inuiseret, aut secum prandere iuberet, aut ei regio lecto cederet, quanto se ille honore, quanta affectum gratia crederet, ut eam perpetuò meminisset, perpetuòque iactaret! Omnes aulici tantam illi felicitatem inuiderent, eamque quantovis pretio emptam cuperent. Existimaret autem famulus iste profectò, se ad vitam pro domino suo, centies si fieri posset, profundendam obligatum esse, si quo modo tam insignem gratiam repone-re illi posset. Quæ igitur est Seruatoris beneficentia, qui tam insignia benignitatis suæ argumenta, quotidiana esse voluit amicis suis? qui sensus, qui motus animorum, quæ gratiarum actiones erumpere debent aduersus Dominum, qui tanta seruulum liberalitate prosequatur?

V.
Eaque mirabilis.

Quotidianum ad vsum rem aliquam transferre, puta vestem, monile, aliãve rem alioqui pretij non vulgaris, est utique eam deinceps habere viliorem. Quomodo ergo nihil veritus est beneuolentissimus Seruator, ne apud homines ineptos ac rudes tantus Dominus euilesce-ret, ut qui se quotidie, singulisque horis permiserit vulgaris arbitrio sacerdotis? *Et quotiescumque fecerim.* Videtur profectò Dominus amorem suorum obseruationi, ac reuerentiæ prætulisse, & debiti sibi honoris dispendio, amicitiam mortalium redimere voluisse. Vulgo enim familiaritas contemptum parit. Itaque non malè illud poëta quidam;

Non bene conueniunt, nec in una sede morantur

Maiestas & amor. ----

Illa enim venerationem amat, iste quærit familiaritatem. Illa non vult in hominum venire conspectum, iste amicorum absentiam patienter ferre non potest.

Non tamen est quod diuinam Sapientiam in hoc negotio sui oblitam fuisse suspicemur. Intelligendum est enim, si rem ad viuum refecare placet, familiaritatem vi sua non parere contemptum, sed intimam afferre cognitionem eius, quicum magna nobis familiaritas intercedit; & aperire, quæ in eo latent bona, malæ: bona cognita amorem atque admirationem pariunt, mala odium & contemptum. Itaque si quando magna nobis est vitæ consuetudo cum viro eximiæ cuiusdam sanctitatis, hoc cum pluris quotidie facimus, quod nobis eius perfectiones, animique dotes, quas modestiæ velo, animique demissionis obnubit, penitus innotescunt: quod de S. Ignatio, illustri religiosi ordinis Patriarcha legimus. Contra verò ubi in hominis tecti familiaritatem penetrare licuerit, deprehensæ imperfectiones, præceptam virtutis opinionem imminuunt paulatim, ac deterunt. Seruator igitur cum sit ipsa sanctitas, omniumque perfectionum, quæ in hominem cadere possunt, thesaurus, quotidiana cum eo familiaritas eas ita patefacit, vt non minus eius vereamur maiestatem, quam bonitatem diligamus. Itaque,

Sic bene conueniunt, & in una sede morantur

Maiestas & Amor.

Hic enim dilectum tenerè complectitur, illa modum adhibebit familiaritati. Quin etiam ipsa experientia liquet, eos qui magna Dei familiaritate fruuntur, maiore illum cæteris veneratione prosequi, magisque in dies absolutissimas eius perfectiones admirari.

CAPVT XXXV.

Rectumne fuerit Seruatorem, ne improbis quidem negare se, in Eucharistia sumptione.

RECTUM quidem; vt arbitror, ad veritatem collineasti, mi Amor, de familiaritate ista, sed vereor ne in tanta diuini conuiuij liberalitate, rudioribus prudentia desiderari videatur, quod ne improbis quidem hoc sacramentum negetur; cum ea communicatio in Seruatoris iniuriam: & certam recipientis perniciem, pestemque redundet. Si qua domus nobilis, ab illustribus quondam viris optin. e constituta, & fundata, in manus improborum hominum, helluonum, aleatorum, nebulonum deuoluta fuerit, non solum illud extruio vsurpari potest; O domus antiqua, heu quam dispari dominaris Domino! sed illud etiam iure meritoque addi, fundatores illos, si eam cladem prauiderere potuissent.

Eee ij

VI.

An, & quantum fami-
liaritas pariat contem-
ptum.

I.

AVTOR?
Non videri
conuenire vt
improbi huic
sacramento
participare
possint.

x. Off.

sent, longè aliter rebus suis fuisse consulturos. Cùm Seruator mundi diuinum hoc epulum institueret, vidit vtique infinita illa sua prouidentia, quæ tempora omnia, locaque collustrat, posteritatem omnem, in cuius manus deuenturum esset hoc eius patrimonium, quod pluris est, quàm cælum omne quod cernimus, & quidquid eius amplexu continetur; vidit, inqu, nãon secus ac si iam tunc res præsens esset, abusum istum: nec tamen abstinuit ab huius institutione sacramenti.

II.
Præuiso
abusu.

Perspicuè intellexit, quàm multi sacrosanctum hoc mysterium prodigè ac profanè habituri essent, quoties venturum esset in manus peccatorum, qui corpore, aut animo, aut vtroque impuri atque incesti, diuinum ore sacrilego cibum contaminarent atque polluerunt, nouique Iudæ osculo filium hominis proderent. Non ignorauit fore, vt perditii homines hoc mirabili pane, ad sacrilegia & veneficia, in ipsius cacodæmonis famulatum, abuterentur: fore vt hæretici, Iudæi, athei, cæterique infideles ipsum, his accidentibus tectum, indignissimè violarent, pugione confoderent, flammis consumerent, bestiis abicerent, procaci impudentia dedecorarent. Nõne hoc fuit dare sanctum canibus, & porcis proculcandas proicere margaritas? quod Seruator ipse in euangelio prohibebat, *ne forte*, inquit, *conuersi dirumpant vos*. At hîc certa planè res erat, eique penitus explorata.

Matt. 7. 6.

III.
LIBERAL.
AMOR.
Eum tenera
præuisum ac
permisum
fuisse.

Æquum est, ait Liberalis Amor, vt his obiectionibus breuiter occurramus. Illudq; fateamur in primis, negari non posse Dei filium hanc scelerrum, quæ tu referebas, atrocitatem in Eucharistia, atque indignitatem à confcleratis hominibus pertulisse. Id historiæ, temporum criminumq; istorum testes, mutorumque mortalium oculi ipsi testantur. Neque tamen propterea, in tam diuino inuento, vllum imprudentiæ vestigium, sed singulare publicæ charitatis argumentum admittendum est: sicut & in crucis perpeffione voluntaria, omniumq; cruciatuum & probrosum, quæ illi patibulo fuere coniuncta. Itaque, in hoc quoque diuino conuiuiο, cultoribus idolorum irrisiōnem, Iudæis offensiōnem permittamus, *quia quæ stulta sunt mundi elegit Deus, vt confundat sapientes*. qui sibi persuadere non potuerunt Dei bonitatem, & in homines beneuolentiam eò vsque posse pertinere. Idem Apostolus fateretur Eucharistiam indignè accipi vulgò posse; fierique eos, qui tam liberali Dei amore abutantur, Dominici corporis sanguinisque reos. Adde & illud Ecclesiæ canticum, *Sumunt boni, sumunt mali, sorte tamen inæquali, vite, vel interitus*.

1. Cor. 1. 23.

Ca. 11. 27.

IV.
Itaque fieri
oportuisse.

Quodd si Deus in huiusmodi euētis subducere se, & consecrata panis & vini tymbola deferere voluisset, nihil certi in maximo fidei Christianæ mysterio, esse potuisset. Neq; enim certo sciri posset quando adesset ipse Dominus, vt adorari posset, & quando abesset, vt cessaret adoratio. Itaq; non raro fidelibus, tam adorando, quàm non adorando, contingeret esse sacrilegis. Vt enim quisque improbissimus est, atque hoc epulo indi-

gnissimus, ita maximè fictus est, & dissimulatur improbitatis. Manna figura fuit diuini huius Sacramenti; à malis autem non secus ac bonis sumebatur, diuerso licet gustu fructuque. Decuit ergo & rem figuratam obnoxiam esse esui proborum atque improborum, sed longè dispari fructu. Ibi enim iusti accipiunt incrementa gratiarum, peccatores rei D. Thom. 3. P. 1. q. 60. a. 3. fiunt supplicij sempiterni. Cum ergo Doctorum omnium Ecclesiæ una sit conspiransque sententia, Seruatorem adesse præsentem, & accidentibus illis regi, quamdiu integra perseverant, nec vlla vi creata ab iis se iungi posse, fatendum quoque est, quocumque tandem in loco fuerint species, ibidem ipsum adesse, ibique, super admirabili inuento benignitatis suæ, colendum atque adorandum esse: gratiasque immortales ipsi à bonis habendas atque agendas esse, in quorum gratiam, sacrilegiis illis sese obnoxium reddidit, quamuis beatum iam, atque immortalem.

Vide 1. 7. c. 18. fin.

CAPVT XXXVI.

Eundem Seruatorem se hominibus in pretium redemptionis tradidisse.

SEQUITUR iam vt de primario salutis humanæ, & diuinæ liberalitatis capite differamus, sed pro rei dignitate atque amplitudine, paucis: simulque de mercede, qua homines Seruatoris sui labores & arumnas, itinera & defatigationes, conciones & miracula, ieiunia & vigiliæ, orationes & zelum animarum, institutionem Sacramentorum, infinitam charitatem, ceterasque eius virtutes omnes compensarunt. Reposuerunt enim illi vicissim probra & contumelias, odium & inuidiam implacabilem, intentatam lapidationem, & præcipitium, postremò crudelissimam, probrosissimamque mortem. Atque hoc modo qui seruum se præbuerat & doctorem, qui ducem & medicum, qui cibum & potum, postremò seipsum, cum omnibus suis bonis, in pretium tradidit redemptionis humanæ. Nam ceteri quidem, qui titulum Redemptoris aut Seruatoris acquirunt, si quem vinculis exemerint, aut seruare maluerint, quàm necare, satis habent illi beneficio gratiam suam, opesve impendere. Noster autem tantum impendit, quantum neque dici neque cogitari potest, neque vilo beneuolentiæ, vel officij genere compensari. Cupio tamen hunc locum non intactum relinquere, vt diuinus in hominibus amor incalecat, & excitetur commiseratio aduersus illum Redemptorem, qui signum sustulit prodigiosæ liberalitatis, spero hanc ei operam nostram non ingrati fore.

I.
Proposio
dicendorum.

Principio ponendum est hanc debitorum humani generis solutionem, ex mera syncerâque Seruatoris liberalitate profectam esse. Nihil enim illis erat obligatus, pro quibus tantum debitum persoluendum

II.
Solutio Seruatoris syncera & libera.

Ecc iij

c. 13. 7.
Ioan. 10. 17.

suscepit, poterat potius vinculis ac verberibus excruciatos necare, atque adedò æternū in Tartarum dare præcipites. Et cum ipse quoque Deus esset, nulla cœlitus necessitate urgebatur, ut vellet vel inuitus, satisfaciendī causa, tot adire labores; sed hanc benignitatem singularis misericordia liberæ voluntatis expressit, *Oblatus est*, inquit Elaias, *quia ipse voluit*. Quin & ipse Seruator, *Ego pono*, inquit, *animam meam, ut iterum sumam eam*. Nemo tollit eam à me, sed ego pono eam à meipso. In cuius rei signum obuiam ultro venit inimicis suis, non Petri solum, sed Angelicarum etiam legionum defensione repudiata. Quod non impedit ne violenta fuerit executio, & inimica naturæ, vnde manabat illa vox in summo animi æstu, *Pater, si fieri potest, transeat à me calix iste*. Nempe natura postulat conseruationem sui, mortem & cruciatus ei contrarios auersatur.

III.
Non obstante
obedientia
patri debita.
AVTOR.

LIBER.
AMOR.

Vide Suar.
3. d. d. 37. l. 3
qua non sol
lis libertatē.

Hic ego, occurrit tamen, mi Amor, non levis difficultas hoc loco. Cum enim in Christo humanitas in diuina persona subsisteret, omnino peccare non poterat, ergo neque mortem non subire, iuxta paternum imperium. Nam in eodem ipso Ioannis loco affirmat ipsemet, se mandatum accepisse à patre suo ponendi animam suam, cui factus est obediens, vsque ad mortem crucis. Mors itaque necessaria illi fuerit, non voluntaria & libera. Quid ergo, inquit Liberalis Amor, num existimas actus obedientiæ nullius esse meriti, cum meritum sine libertate esse non possit? Illis enim actibus vitæ æternæ mercedem dari constat, iuxta decretum illud, *Si vis ad vitam ingredi, serua mandata*. Et Seruatoris obedientiæ debetur mundi salus. Respondeo itaque præceptum non impedire, quo minùs voluntas liberè exequatur, quod imperatum est; cum præceptum naturalem agendi modum ipsius voluntatis non mutet, sed efficiat duntaxat, ut obedientis voluntas certissimè ad executionem feratur.

IV.
Tria satisf
factionis
munera.

Videamus nunc ordinem & modum solutionis huius, qua Seruator mundi diuinæ iustitiæ satisfecit, proportionem eorum, quæ in peccatoris cum Deo reconciliatione requiruntur. Principio necesse est ut se reum agnoscat, ac fateatur omnium scelerum à se admissorum, & pro iis satisfactionem animo destinet. Deinde ut ingentem ac verum animi dolorem, de offenso Deo ac Domino suo concipiat. Postremò satisfactionem aliquam pro modulo suo subeat oportet. Eadem in Redemptoris satisfactione notari possunt. Obtulit enim se diuinæ iustitiæ, quasi reum omnium scelerū, quæ vnquam fuerint ab hominibus perpetrata, perinde ac si ea ipsemet perpetrasset; & impositæ ab offenso Iudice satisfactioni sponte, atque humiliter acquieuit. Deinde acerbissimum de iis & longè maximum animi dolorem accepit ultro. Postremò pro iisdem tum toto vitæ tempore, tum maximè postremò cumulatissimè satisfecit. Quæ copiosam orationem desiderarent.

CAPVT XXXVII.

Explicatio primæ partis Satisfactionis Christi Domini, pro peccatis omnium mortalium.

NON plura Liberalis Amor de hac diuina Christi satisfactione videbatur esse dicturus, cum ego illico sermone renouato, Vberius, inquam, obsecro, amantissime mi, istam Christi Domini pro mortalibus satisfaciens liberalitatem; non enim parum valebit, vt arbitror, isthæc oratio ad finem tibi propositum, excitandi mutuam in eius amore ac famulatu liberalitatem. At enim, inquit ille, vides me iam dudum non paulò opinione mea esse longiorem. Nolo tamen decisse desiderio tuo. Dicamus igitur Seruatorem grauissimum sibi onus imposuisse omnium peccatorum, quæ fuerant vnquam ab hominibus perpetrata, aut perpetranda erant aliquando, à primo Adæ scelere, ad postremum vltimi mortalium, cum obligatione accuratissimæ satisfactionis.

I.
Exordium.
A V T O R.

A M O R
L I B E R A L.

De hominibus loquor. Deus enim factus homo, nihil aut egit, aut passus est, in gratiam Angelorum rebellium, quos diuina iustitia ab initio deseruit in peccatis suis, omni ope, ac gratia ad resipiscendum destitutos; sed solos homines iuuandos, redimendosque suscepit: iuxta illam Ecclesiæ confessionem, *Qui propter nos homines, & propter nostram salutem descendit de cælis, &c.* Quo in numero illi quoque continentur, qui ante Seruatoris aduentum æternis suppliciis addicti erant, quique deinceps ad mundi finem iisdem erant addicendi. Et si enim à tanto remedio nullam illi leuationem acceperunt, exoluit tamen Seruator diuinæ iustitiæ, æs omne alienum quod illi contraxerant, si eis fuisset applicata solutio; insuperque gratias omnes promeruit, quæ eis dum viuerent collatæ fuerant, ob futura merita venturi Redemptoris. Merita enim dilectissimi filij intuebatur Pater, dum eis varia dona gratiarum largiretur, & remissionem peccatorum offerret, quasi venturi emptoris fide, quem oportuit deinde satisfacere creditori, quamuis solutio nullum planè emolumentum obæratu attulisset.

II.
Christus hominum seculari uenda suscepit.

etiam damnatorum.

Quis autem tam fœdam cloacam, tam cœnosam peccatorum voraginem non exhorrescat? Et peccata, quæ cogitatione, verbis, operibusque ipsis perpetrata sunt, non quinque aut sex diebus, sed totidem millibus annorum, ab omnibus Caini filiis, qui ipsos octingentos annos, non gentosque vixerunt; ab illa omni gigantum natione, quorum superbia, effrenatio, & impotentissimus dominatus vbique celebratur, & à

III.
Immensus eorum numerus.

Gen. 6. 5.

reliquis mortalibus, quos Noëticum diluuium sustulit, quorum tanta erat improbitas, itaque ad omnem nequitiam applicatus animus, vt Moses, Deo dictante, scribere non dubitarit, tantam fuisse hominum in terra malitiam, vt *cuncta cogitatio cordis eorum intenta esset ad malum omni tempore*; adeo vt ipsum quoque Deum, qui pœnitentia non tangitur, pœniteat fecisse hominem, & dolore cordis intrinsecus tangeretur, quod eum videret quasi de industria pessimè agere, hominibus, ipsoque Deo violando.

IV.
Etiam post
diluuium.

Ab illa porro eluione, cùm se idolorum cultus effudit in terras, quis capere cogitando possit quanta scelerum colluio mundum inundarit vniuersum: Cedo vnā aliquam de Catholicis vrbitus, quæ centum millia ciuium numeret; quot putas in ea crimina quotidie perpetrari? quot in hæretica, vel Mahumetana? quot singulis hebdomadis, mensibus, aut annis? Ad quem ergo numerum excrescet multitudo scelerum, quæ omnibus vrbitus & pagis, omnibus annis & seculis perpetrata sunt. Ecquis est hominum, vel Angelorum, qui tantam colligere aut subducere summam queat? Profecto ita mihi persuadeo, si peccata illa in minutissima arenæ grana singula verterentur, ea ne toto quidem primimobilis, aut firmamenti complexu captum iri.

V
Immensaque
turpiendo.

Sua deinde vnicuique peccato fœditas ac turpitudine tribuatur, siue iis quæ à blasphemis ac periuris, siue quæ à dæmonum libidinūque mancipiis, siue quæ ab hæreticis, atheis, cæterisque infidelibus perpetrantur, quorum pleraque horribilia sunt, quàm vt castæ aures ea ferre possint. Illa deinde vniuersa deformitas, aut potius pestiferum virus in vnum colligatur, num quod spectaculum ingratius, diuino, Angelicōque conspectui, num qua sentina detestabilior omnibus hominum sensibus inueniri possit? Ipsis præsertim mentis oculis incarnati Verbi. Eam nihilominus tam horribilem, tamque infandam cloacam contemplatus Seruator, incredibili constantia illam purgandam suscepit; tantum apud eum potuit zelus honoris paterni, & misericordia aduersus perdidicim mortaliū genus.

VI.
Qua Christi
in se recepit.
c. 53. 6. & 11.
Psal. 21. 1.

Obtulit ergo se misericordissimus Redemptor, stansque ad tribunal diuinæ iustitiæ, copiosam pro iis omnibus satisfactionem ipopondit, atque in se recepit. Clementissimæ filij liberalitati acquiescit Pater, iuxta illud Esaie vaticinium. *Posuit Dominus in eo iniquitates omnium nostrum.* Sed & Pater ipse de filio loquens, *Iustificabit, inquit, ipse iustus seruus meus multos, & iniquitates eorum ipse portabit*; quæ fuit causa cur eas ipsemet nominaret suas, quasi à se, quamuis innocentissimo, perpetratas. Hoc enim ipsum est, ô mitissime Seruator, quod tu olim, parentis tui Dauidis ore, cum gemitu pronunciabas, *Deus, Deus meus, respice in me, quare me dereliquisti longè à salute mea verba delictorum meorum.* Poteras & illud ex alio usurpare Psalmo, *Quoniam iniquitates meæ supergressæ sunt caput meum, & sicut onus graue grauior sunt super me.* Et
rursum

cursum illud, *Quoniam circumdederunt me mala, quorum non est numerus, Psal. 39. 13. comprehenderunt me iniquitates meae, & non potui ut viderem.*

Clementissimus ergo Seruator, vt ille olim apud Zachariam magnus sacerdos, ipse quoque augusto Ieiū nomine insignis, stetit ante faciem, Patris, *indutus vestibus sordide*, id est omnium sicatorum ac grassatorum cædibus, omni adulterorum, & scortatorum nequitia, omni barbarorum spurcitia atque immanitate, omnibus bellorum populationibus, prodicionibus, incendiis, & rapinis, cæterisque omnibus flagitiorum portentis, ad quorum vel cogitationem ipsam exhorrescimus, quibus tanquam vestibus ita circumfusus fuit, ipsi vt eius humanitati, non magis quàm corpori vestes adhærescerent. Ea tamen omnia cruci suæ imposita circumferenda suscepit, & pro eis satisfactionem diuinæ iustitiæ, in sacrosancta humanitate sua libentissimus obtulit, ac recepit, talem omnino, qualem postea à prima vitæ periodo executus est ad postremam. Quæ sponso, receptoque hoc difficilior fuit, ac molestior, quod manifestius, distinctiusque cernebat omnia, bonus Redemptor, quæ sibi acerbissima natura sua, atque atrocissima imminebant. Cum è contrariò mortalibus vsu veniat, vt futuri mali apprehensio incertitudine, confusione, aut imminutione voluntaria minuatur. Sed fador ille sanguineus in Olivetano monte, supremusque luctantis animæ conflictus, satis ostendunt quanta esset apprehensio, mortifero mœrore afflictæ Seruatoris, quàmque difficilis admissio tam acerbæ satisfactionis.

VII.
Et quasi vestibus induit
Zach. 3. 3.

Et pro his satisfactionem
Patri obtulit.

Contemplamini ergo religiosæ animæ, cum religiosissimo Bernardo, diuino tribunali addictos homines, reos diuinæ maiestatis multis sceleribus imminutæ, conuictos confessosque reos; nihil tamen minus cogitantes, quàm magnitudinem calamitatis suæ; sed omni solutos cura per plateas obambulantes, aut lusitantes in sphæristeris, aut in popinis esitantes, dum eorum causæ capitales, in supremo Dei foro, periculosissimè librarentur. Cum sistit se iudicio filius longè mitissimus, & ultro pacis & veniæ, ac reconciliationis instituto sermone, Pater, inquit, miserere si placet, istorum filiorum Adæ, qui vt in vinculis situ ac pædore contabescant, nunquam erunt soluendo; & nihilominus suprema eorum clades non tanti est, vt eâ, scelera contra diuinum numen admissa satis lui possint. Cùmque sint reuera perduelles nihil quod tibi gratum sit, facere possunt, aut quod satisfactionis nomine accipi mereatur.

VIII.
Quæ declaratur aper-
tius.

Accipe itaque me Pater; accipe me pro illis hominibus sponsorem & prædem; feram pro hominibus factus homo, quod illi nullo compendio, aut emolumento perferrent. Patiar me in armenus peccatorum, tanquam in pistrinum aliquod detrudi ac compingi; nihil fornicabunt conicere in me manus, ignotum, sordidatum, & veste reorum indutum, dum perfecta tragœdia, omnia ad meipsum traham. Dabo fun-

IX.
vt videri
Ioseph cont-

Ma. 50. 6.

dandum sanguinem in gratiam eorum ipsorum, à quibus effundetur, & manus pedesque perforandos iis, à quibus configentur cruci. Dabo corpus meum crudeliter, probrosque laniandum, in eorum salutem, à quibus crudeli flagello concidetur. Genas meas dabo vellentibus, nec faciem meam auertam ab increpantibus, & conspuentibus in me, neque à spinea corona caput, neque cor charitate flagrans, à quo tota hæc misericordia proficiscetur, auertam à lancea, ne ab illa transfigatur.

CAPUT XXXVIII.

Explicatio secunda, & tertia partis Satisfactionis eiusdem.

I.
Satisfactio
per interiorio-
rem animi
dolorem.

qua illum
excitarent.

ALTERA pars solutionis, ac satisfactionis huius in interiore peccatorum dolore posita est, quem Seruator toto vitæ decursu in corde suo excitauit ac fouit, tantoque maiorem, quanto infinitior fuit atque immanior vis peccatorum expiandorum, eoque libentius, quo hic dolor, cordisque contritio potentior est ad placandum Deum, dum voluntatem ita corrigit atque immutat, ut culpam admissam detestetur, & cupiat infectam, serioque proponat ab ea non abstinere duntaxat, & abhorre, sed illam etiam idonea poena castigare. Geminum porro incitamentum Seruator habuit huiusmodi doloris, iniuriam diuinæ maiestati factam à seruis & clientibus suis, qui infinitum ei honorem, amorem, & cultum debebant, pro suæ excellentia & perfectione naturæ, si quo modo infinitum exhibere potuissent. Alterum fuit immensitas illa poenarum æternarum, quibus vniuersum genus hominum erat obligatum. Prout ergo calamitatis huius magnitudinem, & diuinæ maiestatis nobilitatem clariùs agnoscebat, apprehendebatque vehementius, ita etiam cor suum acerbior dolore diuexabat, ita abundantiore tristitia mergebatur, ut & illis poenis pro atrocitate, & isti maiestati pro dignitate satisfaceret.

II.
Quamque
intensus es-
set.

Hinc luctuosissima illa vox, *Tristis est anima mea usque ad mortem*, qua se mortifera opprimi tristitia fatebatur; Non enim desunt insignes Theologi qui censeant, tam atrocem fuisse hunc animi dolorem, ut centies tota vita opprimendo cordi par fuerit, nisi diuinitas obstitisset; quæ ad huius sacrificij finem perueniri volebat, & illam vocem absolutionis indicem audiri, *Consummatum est*. Index & illud *Baptismo habeo baptizari*, demergi videlicet, ac sepeliri in alto dolorum pelago, ac molestarum, & quomodo coarctor, usque dum perficiatur, & ad victimam illam cordis mei desolationem perueniam, & derelictionem paternam, quam paulò ante mortem in cruce sum patefacturus. Quis te consolabitur Domine Iesu, in ista contritione tua, quæ instar æstuantis oceani exundauit, in quo iactatur & fluctuat illa anima, qua secundum Deum, nihil

est in cœlo, aut in terra præstantius, pulchrius, amabilius? *Consolantem*, Psal 68. 21. inquit, *me quæsiui, & non inueni*, sed quòd me cùmque oculis & cogitatione conuerto, amplissima mihi tristitiæ seges occurrit, quia tanquam iu per alterum Ionam, *omnes gurgites tui, & fluctus tui super me transferunt*, Ion 2. 4. Deus meus. Cœlum, terra, inferi, boni, mali, amici, inimici, omnes me tristitia, vel ex contritione, vel ex commiseratione conficiunt.

Superest vt de tertia dominicæ satisfactionis parte dicamus aliquid, quæ in regij debiti præsentis solutione consistit, quæque ita perfecta est, vt pridem fuerat animo destinata. Ea satisfactione paupertas voluntaria continetur, & quæcunque eam aduersa, & incòmoda naturæ comitatur, quæ ipse à stabulo Bethleemico, ad Caluariæ montem perpassus est, & à præsepio, vsque ad supplicium crucis. Ad eandem satisfactionem pertinet obedientia, quæ Mosaicæ legi, quæ parentibus, quæ omnibus in potestate constitutis ab eo exhibebatur, quamuis ei omnium cæli ac terræ ciuium obedientia meritissimò deberetur. Pertinet & labor omnis in fabrilis officina exantlatus cum Iosepho, ad tolerandam vitam; defatigationes item & sudores itinerum, concionum, & mirabilium operum, totis vrbibus, oppidis, & pagis, in vniuersa Iudæorum regione, patratorem. Patientia quoque aduersus calumnias, & probra, omnesque contumelias, quibus eius innocentia ab æmulis, quasi in gratiam diuinorum eius operum, perpetuò petebatur.

Eadem satisfactio comprehendit incredibilem illum, quem dixi, animi mœrorem & luctum, insupérque omnes nobilissimi corporis, tenerimque cruciatus, quando à militari turba ferociter captus, ligatus, tractusque est per decliua Oliuetani montis, vallémque Cedrorum, ad tribunalia Pontificum, ad prætoria præsidum, ad regum palatia, ad Caluariæ bustum, donec ageretur in crucem: perinde ac si Filius Dei innocentissimus nobilis quispiam latro, aut pseudopropheta, hostis Reipublicæ, aut errorum disseminator extitisset. Idque post ingentem vim colaphorum atque alaparum, seruilique flagella, quibus membra omnia dilacerata fuerant ac contrucidata, præter vnum caput, cui spinea corona reternabatur, vt sexcentis perfoderetur locis. Quid de proprij dicam gestatione patibuli, teterriorum reorum & vilissimorum capitum pœna, probròque. O agne Dei quàm inhumaniter tua te pietas & misericordia ad sacrificium trahit!

Ad hoc enim crucis sacrificium ista satisfactio terminatur, quo supplicio nihil fœdius erat apud Hebræos, nullum detestabilius irrogari poterat tormenti genus. In eam igitur aram iniicitur atrociterque distenditur victima sacrosancta, pedes manusque cum incredibili dolore perforantur, erigitur cum cruce corpus, & concussum in ære, paratum in scrobem ducitur, nudumque frigori obicitur, & pudori suo, & sannis inimicorum. Ibi nullus est musculus aut tendo, nullus neruus aut vena, quæ non patiatur tormentum proprium

III.

De exhibitæ satisfactionis

IV.

Præsertim in passione.

V.

Et supplicio crucis.

& suum. Ossa suis è sedibus demota luxantur, impleturque illud, *Di-
numerauerunt omnia ossa mea, & ut ait idem Propheta, arui tanquam
testa virtus mea, & in sui mea posuerunt me aceto.* Ibi corporis pondus
vulnera manuum ac pedum, cum diro cruciatu alternatim amplifi-
cant, sic ut neutra alterutris, sine nouo dolore, subsidio esse possint.
Caput autem ipsum non habet vbi ad tantillam reclinetur quietem,
cùm vel brachia cruententur spinis, vel ab ipso ligno altius defi-
gantur in cerebrum. Totum denique corpus sine vlla interpellatione
doloris diuexatum est, dum anima ex membris languentibus cruciatuum
acerbitate raperetur.

VI.
*Gratiarum
actio pro hac
omni satis-
factione.*

Psalm. 129. 1.

Quæ tibi gratiæ, ô humanissime Redemptor, de tam liberali mi-
sericordia reddi possunt, de satisfactione tantis sponsoris impendiis
exhibita creditori? Cui vnquam auditum est tantæ prodigium largi-
tatis? Parumne tibi fuit vsque adeò deieciisse maiestatem tuam, ut te
socium hominibus dares factus homo, quod nunquam in mentem
cuiusquam, vel hominum vel Angelorum, venire potuisset, nisi te ad
istâ pœnarum & probrorum prodigia tradere non dubitares? Præter-
tim cùm voluntaria oblatio tua, Deo facta in materno utero, par esset
omni hominum genere sanctificando. Voluisti nimirum, more modô-
que magnifici principis, amplam & cumulatam abs te proficisci satisfac-
tionem, & copiosam apud te, ut ait regius ille vates, esse redem-
ptionem.

VII.
Decadem.

Quid obsecro spectare poteras in hominibus, aut ab hominibus ex-
pectare, quodd mitissimum cortuum impelleret ad facinus tam effu-
sæ bonitatis, quod Hierosolymis perperrasti? Nihil aliud specta-
bas profectò, quàm ut tanto, tamque inusitato impendio, eorum ti-
bi corda penitus, amorémque deuincires; id si fueris consecutus, abun-
de tibi factum est satis. O mitissime, amantissiméque Seruator, ec-
quis te talem, si vel maximè vellet, posset non vehementer ama-
re, nisi saxeo esset pectore, in eoque silicem pro corde gestaret? aut
ad eorum certè gregem pertineret, de quibus Dauid, *Comparatus est
iumentis insipientibus, & similis factus est illis*, aut deterior etiam; quo-
niam illa ipsa iumenta cognoscunt diliguntque dominos suos, à qui-
bus vilem duntaxat cibum accipiunt, multis emptum plagis, atque la-
boribus.

VIII.
*Apostrophe
ad Christum
crucifixum.*

Sed permitte obsecro, amantissime Seruator, ut te isto in statu con-
templans, in quem compegit te amor tuus prodigus tui, ipse de te
pauca rogem. Quandoquidem mala isthæc omnia, atque ærum-
næ tanto ante præuise sunt à te, atque vltro susceptæ, quid causæ est
cur non prouisum à te sit, ut ne in hoc sacrosancto stipite pende-
res nudus, frigori expositus, oppletus insigni dedecore, ac pudore?
Nimirum tam liberalis erga homines fui, ut ne indusium quidem
mihi reliquum fecerim, quo tegetetur nuditas mea; *expoliam me*

unicam meam. Et quare apertæ sunt manus tuæ, itaque apertæ, ut claudi non possint? Quoniam peccatori pœnitenti perpetuo largior promerita dolorum meorum, nec possum in ira mea continere misericordias meas. Sed quorsum spinis horrescens caput deorsum vergit? Non tam à grauissimo dolorum meorum pondere, & acutis spinarum morsibus mihi degrauatur caput, quam à vehementi desiderio, ut hæc intermortua labia, peccatori largiantur osculum reconciliationis & pacis.

Quare porro sanctissimum hoc latus tuum, tam lato vulnere hiulcum est? An ut refrigeretur incendium amore flagrantis cordis tui? Ut cor meum diuini amoris fontem hominibus largiar, utque fontis ipsius possessores effecti, nunquam sinant in seipsis emori amorem mei. Cur autem post mortem ostium istud apertum est? Volui me amicis meis viuum tradere, volui & mortuum, quoniam illorum causa & vitam adi, & obiui mortem. Volui & viuus & mortuis dilectis meis hospitium dare intra pectus meum: ut in corde meo sint *ad commoriendum, & ad conuiuendum.* Num ergo fieri poterit, ut cuiusquam alterius gratia quam tua, aut viuere velimus, aut mori? ut tibi recusemus cor nostrum, aut ut alteri donemus quam tibi? Nolo in tuo famulatu fatigatus, brachia manûsve remittere ac relaxare, cum tua brachia perpetuo contenta videam, & intenta labori, cum aspiciam semper apertas manus; ut perpetuo liberaliter dones, quæ perpetuo miserabiliter amittimus. Ne patiaris labia redemptorum tuorum vnquam cessare à laudibus tuis, agendique gratiis, quando tua, sub extremos eorum motus, veniam ipsis & pacem petierunt, atque impetrarunt.

Psal. 76. 10.

IX.

*Eiusdem cō-
tinuatio &
conclusio.*

2. Cor. 7. 3.

CAPVT XXXIX.

Diuina liberalitas, qua se Deus mortalibus daturus est in premium in immortalis vita.

RE F E R T Ezechiel admirabilem Dei liberalitatem in Chaldaei principis officio remunerando: Babylonij videlicet Nabuchodonosoris, eiusque exercitus, qui, in diuturna obsidione Tyri, irritam illi operam nauauerat. Itaque mercedis nomine dat illi Aegypti opes in prædā, etsi erat tunc id regnum primarium in orbe vniuerso, paribûque armis diu contra imperium totius Asiae steterat. Accipiet, inquit, multitudinem eius, magnam scilicet vim captiuorum abducat ex Aegypto, & depradabitur manubias eius, & diripiet spolia eius, & erit merces exercitui illius, & operi, quo seruauit aduersus eam. Quæ merces hoc erat etiam admirabilior, quod & rex & exercitus eius idolis tunc seruiebant; quod Dei templum polluerant, expilarant, incenderant; quod vibem vastauerant, po-

I.

LIBERAL.

AMOR.

Coniectura

ad hanc li-

beralitatem

susceptam.

Ca. 29. 18.

19.

Merces Na-

buchodono-

foris.

pulum Dei captiuum abduxerant, totamque latè regionem populati fuerant. Quin etiam fortassis ille princeps id bellum susceperat, non tam ut obediret Deo, quem apparet, prophetæ cuiuspiam interuentu, hanc illi expeditionem demandasse, quàm ut suam expleret dominandi cupiditatem, aut acceptam ut iniuriam aliquam vlcisceretur: hæc enim sunt vulgò incitamenta bellorum.

II.

*Componitur
cum merce-
de amicorū
Dei
Ezech. 29
18.*

Hinc ergo perfacilis est coniectura quanta Dominus magnificentia sit vsurus aduersus famulos suos, quos adoptauit in filios, quibus dedit Spiritū sanctum suum, & ius in hæreditatē tali parente dignam; aduersus eos, qui toto vitæ curriculo ei studiosè famulati sunt, & arma sub vexillo vnigeniti filij eius laboriosè tulerunt, non ut illi Babylonij, donec omne caput decalueretur, & depilaretur omnis humerus, sed dum sanguis eorū omnibus ex membris funderetur. Seruierāt illi, ut operæ viles, aggeribus const. uendis, terra, lapidibus, aliisque oneribus huc illucque comporandis. Seruierunt isti quasi victimæ immanibus tyrannis, affixæ patibulis, distentæ in equuleis, pectinibus ferreis exaratæ, affatæ in craticulis, feruenti oleo immersæ, plumbō potatæ liquefacto, in fornaces incensas cōiectæ, aliisque id genus tormentis morte mulctatæ. Quod ergo regnum mercedis nomine daturus est illis, qui ista in eius gratiam pertulerunt? aut illis, qui diuturna morte, ferenda post eum cruce; cum principete nebrarum decertando, mundi honoribus, carnis voluptati fortiter constantēque repugnando, consumpti sunt, nihil aliud spectantes, quàm ut illius vnus gloriæ velificarentur?

III.

*Vinum nup-
tiarum in
Cana.
Ioan. 2. 9.
10.
Postremus
actus.*

Psal. 35. 9.

Cant. 5. 1.

Præfectus ille nuptiali conuiuio in Cana Galilææ, cū vinum miraculo creatum gustasset, dicebat sponso, illum præter cæterorum morem, qui conuiuia instituerent, se gessisse: qui nobilissimum vinum extremo conuiuio seruauisset. Poëtæ in extremo actu fabulæ, & Oratores in peroratione maximè conantur excellere. Quale igitur, & quàm pretiosum arbitramur esse vinum illud, quod sponsus animarum sanctarum supremo illi conuiuio seruauit? Vinum æternarum deliciarum; de quo scriptum est, *Inebriabuntur ab ubertate domus tue, & torrente voluptatis tue potabis eos.* Vinum gloriæ cælestis, cui omnes vitæ huius consolationes compositæ, meræ aquæ sunt, aut admodum diluta vina, quæ ipsa raro admodum obiterque degustantur. Ibi autem sponsus illud sponsæ canticum frequentat, *comedite amici, & bibite, & inebriamini carissimi.* significans illam delectationis copiam, instar ebrietatis, homines extra se abducere. Hic postremus est actus, & finis operum liberalissimi Seruatoris, & beneficium longè præstantissimum; finis enim sine controuersia præstat omnibus, quæ ad finem referuntur.

IV.

*Christus ob-
iectum glo-
riæ geminū.*

Tunc nimirum qui hominum mediator, qui dux, qui doctor, qui conuiuium, qui redemptor, qui sanctificator fuit: idem erit & gloriæ largitor, adeoque humanæ felicitatis obiectum, qui prius dederat eius promerendæ facultatem. Cū enim sit ex diuinitate, atque humani,

tate compositus, illa mentis, hac corporis erit beatitudo. Quod illa Christi Domini vox non immerito referri potest. *Hac est vita aeterna, ut cognoscant te solum Deum verum, & quem misisti Iesum Christum.* Deus, inquit Augustinus, *ut familiarius diligeretur ab homine, in similitudine hominis apparuit, & ut uterque sensus hominis in ipso beatificaretur, & reficeretur oculus cordis in eius diuinitate, & oculus corporis in eius humanitate: ut siue ingrediens, siue egrediens in ipso pascua inueniret humana natura condita ab ipso.*

Cypr. de
Card. Chri-
sti operi-
bus.
Ioan. 17. 3.
Manual. c.
26.

Seruator idem meritoria causa est felicitatis illius. Peccatorum enim condonationem summo iure promeruit: copiosa pro peccatoribus satisfactio exhibita in corpore suo. Ideoque Ioannes Apostolus, *Ipse est, inquit, propitiatio pro peccatis nostris, non pro nostris autem tantum, sed etiam pro totius mundi.* Et Paulus, ait homines cum mortui essent in delictis suis, fuisse vitae restitutos cum Christo, condonatis omnibus delictis, deletis quod aduersus eos erat chirographo decreti, & affixo cruci. Atqui nihil erat praeter peccatum, quod caelum hominibus occluderet, quod murum diuisionis, Deum inter & homines, excitaret, eiusque contemplationem intercluderet. Peccata dissipant beneficas caeli nubes, ne aridam terrae faciem pluuia gratiae caelestis irroret. Qui ergo, quasi alter Elias, hoc impedimentum amouit, & insuper homines, effuso super eos Spiritu sancto, retulit in album filiorum suorum, eisque ius dedit ad immortalem illam hereditatem, nonne princeps ac primaria causa est felicitatis humanae? Qui eis primam gratiam, ceterasque promeritus est quae illam consequuntur, nonne & gloriam, cuius semen est gratia, eisdem acquisiuit?

V.
Et illius
causa me-
ritoria.
1. Ioan. 2. 2.
& ca. 4. 10.
Coloss. 2. 14

lsa. 59. 2.
3. Reg. 18.

Itaque beneficentiae ipsius opus erit, quod miseri mortales, nisi per eos steterit, ad illius possessionem hereditatis admittantur, illisque fiat gloria, ad quam conditi sunt, distributor. Si ergo impares sumus intelligenda aut aestimanda magnitudine beneficij, & acerbissimae liberalitatis, quam apud nos exercuit, quid de felicissima illa liberalitate dici poterit, qua ille nos apud seipsum afficiet, cum illa ad hanc, ut ad finem media, referatur? Cruciatibus probrisque vexari non est tuum, o innocentissime, gloriosissimeque Seruator, sed fontium, atque miserorum: si ergo talem te tamque admirabilem amor reddidit in alieno, & quasi mutuo sumpto statu, quem te obsecro in nativo reddet & tuo? Si in hoc ipso exilij loco, & valle lacrymarum, te ipsum dilectis animabus tanta dulcedine ac suauitate communicas, quid eas in patria, & in illo immortalium deliciarum paradiso sperare par est?

VI.
Alia conie-
ctura.

Si quo in loco amica diuini sponsi dona, & consuetudo familiarior potest aditum parare superbiae, ac ruinae, ab iis tamen quodammodo abstinere non potes, usque adeo suavis est amor tuus, quid in superiore illa regione facturus es, in qua a vanitate, & malo gratiarum usu periculum nullum est? Si dum huius stadium vitae decurritur, in quo nullus

VII.
Ex huius
vita usu pe-
rica.

dies, nulla propemodum hora à prolapsione libera est, in quo nullum pene opus è manibus, nullum ab ore verbum, nulla ex corde cogitatio proficiscitur, in quibus aliquid non redundet aut desit, eis nihilominus hilaritatem vultus tui impertiri non cessas: quid facturus es vbi peruentum fuerit, ad illam metam, ad quam residentibus, nullus erit ultra offensionibus, aut peccatis locus, vbi ne tantillum quidem vnquam aberrabitur à regula sanctissimæ voluntatis tuæ.

VIII.
Et cognitio-
nis illius
modo.

1. Cor. 13. 12.

Hæ nobis sunt hoc loco, & id genus aliæ coniecturæ, quibus suspicamur atque colligimus, qualis aliquando ei ga amicos ac filios suos, in postrema illa, & interminata liberalitate futurus est, quæ priores omnes quasi corona cinget, & indissolubili vinculo colligabit: vbi gloriosus munerator, ab obscura cognitione, & huic vitæ consentanea, suos ad claram & manifestam traducet, quæ cum illis immortalibus gaudiis, delictisque consentiat. Testis huius assertionis Apostolus, *Videmus*, inquit, *nunc per speculum in enigmate*, causas videlicet in effectis suis, *nunc autem facie ad faciem*. id est reuelata facie, & coram, sine vllius ope velaminis, quo tanti fulgoris acies retundatur. Roborabit enim Deus, atque illustrabit nouo lumine mentis oculos, quo reddantur idonei, ad ipsam Dei faciem, immoto atque illæso lumine contemplandam.

C A P V T XL.

Qua in re posita sit ista liberalitas, quod attinet ad intellectum.

I.
Officium v-
triusque fa-
cultatis.

Psal 33. 8.

POSTREMA hæc Dei nostri liberalitas gemina in re maximè vertitur, cognitione intellectus, & amore voluntatis. Vtraque enim harum facultatum ratione vtentis animæ fiet beatitudinis particeps. Prior diuinum obiectum aperiet, posterior toto impetu in eius amorem feretur: illa contemplabitur mirabilem illam absolutionem, perfectionemq; diuinæ pulchritudinis, bonitatis, amabilitatis: hæc cum summo affectu, arctissimè, inseparabiliterq; constringet, & in eo complexu incredibili gaudio ac voluptate colliquescet. Huc meritò accommodari potest illud Davidis, *Gustate, & videte, quoniam suavis est Dominus*. Etsi enim illa monitio pertinet ad præsentem vitam, non minùs tamen quadrat in futuram, in qua intellectus videt, & voluntas diuinam degustat suauitatem, aut ab ea potius suauissimè absorbetur. Aliquid nobis deinceps de vtraque facultate dicendum est.

II.
Diuinorum
cognitio vi-
ta huius ob-
scura est.
1. Ioan 3. 2.

Charissimi, aiebat dilectus discipulus, *nunc filij Dei sumus, & nondum apparuit quid erimus. Scimus quoniam cum apparuerit, gloriosa videlicet facie relecta, similes ei erimus, quoniam videbimus eum sicuti est*. Nunc enim eum animo depingimus, vt possumus, vt cæci lumen & colores apprehendunt, aut surdi harmonicum concentum: speciem aliquam in mente

mente describimus, per organa sensuum externorum receptam, & à corporea quantum licet concretione purgatam, sed rudem nihilominus & adumbratam; quo modo spiritus in humano corpore agnosci potest. Ipse stat post parietem nostrum, ait sponsa, *respiciens per fenestras, prospiciens per cancellos*. quia videri se, sine fidei obscuritate non sinit, & per materiata phantasmata. Tunc autem deiecto pariete, & fenestris cœli patefactis, præsentem se, sine cuiuspiam rei interpositione, præbebit, tenei se patietur, & sponsæ desiderio petitionique acquiescens, eam admitteret ad oscula oris sui.

Cant. 2. 9.

Extinguet illam fidei faculam, quæ in tenebris vitæ huius intermicat, & coruscantem gloriæ faciem accendet, quæ roborabit intellectum, ut infinitæ lucis splenderem ferre possit. Et apparet sanè non incognitum fuisse Dauidi nouum hoc lumen, cum diceret, *Quoniam apud te est fons vitæ, & in lumine tuo videbimus lumen*. Itaque intellectu hoc præsidio facto idoneo, ad nouum illum solem contemplandum, Deus in illum illabetur, illique se intimè coniungit, ut ferro ignis in accensa fornace ubi ferrum ita igni simile redditur, ut eius fulgorem, calorem, leuitatem, flexibilémque mollitudinem imitetur. Similes ei erimus in sanctitate, sine vlla delicti nubecula; in sapientia, omnis erroris & deceptionis experte; in pulchritudine cuiuscumque sceditatis ignara, in bonitate absque vlla malitia; in fortitudine nescia infirmitatis, in vitæ immortalitate, & bonorum omnium immensa copia, timore mortis, aut cuiuscumque mali prorsus excluso.

III.

Futura clara opeluminu gloria. Psal. 35. 10.

Similes Deo sancti.

Nullus erit qui tunc cum beato protomartyre, & quidem potiori iure, dicere non possit, *Ecce video cœlos apertos, & Iesum stantem à dextris virtutis Dei*. Non quidem de terra videt, sed de excelsso, illustri, ac pleno stellarum loco; atque adeo in ipso empyreo cœlo, ubi Iesus protensa dextera excitat eum ad se, amicè complectitur, & suauissimè osculatur. Ibidem cum Ezechiele dicet, *Aperi sunt cœli, & vidi visiones Dei*. & rursum cum Dauid, *Sicut audiuiimus, sic vidimus in ciuitate Domini virtutum, in ciuitate Dei nostri*. Quin potius experientia longè multumque superat famam, excitatque beatos ad illud cum Regina Sabæ iterandum, *Non credebam narrantibus mihi super sermonibus tuis, & super sapientia tua: donec ipsa veni, & vidi oculis meis, & probaui quod media pars mihi nunciata non fuerit*. Quid ergo isthic vidistis o beati, aut quid ibi nos visuri sumus?

IV.

Dei visio. Act. 7. 55.

Ca. 1. 1.

Psal. 47. 9.

3. Reg. 10. 7

Respondebit Dauid nomine suo, reliquorumque beatorum, *Satiabor cum apparuerit gloria tua*. Imperfecta quippe foret gloria ista Sanctorum, neque omnibus numeris absoluta, si quid præterea meritò desiderare possent. Possent autem meritò desiderare claram eorum mysteriorum cognitionem, quæ crediderunt in hac vita. Et intellectus, qui captiuum se præbuit in obsequium fidei, & clausis, ut aiunt, oculis acquieuit iis, quæ capere non poterat, meritò tunc eadem clarè intuebitur, & in-

V

Et cum illis satietas. Beati videbunt quæ crediderunt. Psal. 16. 5.

Ve mysteriū
s. Trinitatis.
c. 55. 8.

telliget se non fuisse deceptum. Eodem modo spei succedet possessio eorum, ad quæ anheli gementēque aspirabamus. Itaque Seruator qui se nobis daturus est in præmium, intellectum lumine gloriæ illustrabit, vt clarè cognoscat arcanum illud inexplicabile sacrosanctæ Triados, & personarum reipsa distinctarum in vnitæte naturæ: illam æterni Verbi productionem, cuius Esaias enarratorem inquit, certus neminem in terris ad tam sublimem narrationem satis idoneum repertum iri: illam diuini spiritus ex vtraque persona emanationem, reliquāque omnem diuinæ naturæ, quæ olim credita fuerit, cognitionem.

VI.
Et incarnati
Verbi.

Ostendet idem Seruator amicis suis, quo vinculo diuina natura humanæ propria substantia destituta cōiungatur, eius vicem diuina Verbi persona subeunte: quæ quasi basis est, & sedes beatissimæ animæ, corporis-que Christi Domini, eisque communicat diuinitatem, vt anima corpūs-que Dei sint, & rectè nominentur; licet in eadem specie humanæ naturæ permaneant. Propalam collocabit omnes diuitias sapientiæ & scientiæ, virtutis & gratiæ, pulchritudinis & gloriæ, omnem denique perfectionem & excellentiam, quam in nobilissima illa humanitate collocauit, vt esset totius aspectabilis naturæ dignissimum caput, princeps Hierosolymæ cœlestis, beatissimæ patriæ omnium electorum. Hoc tam illustre, tamque admirabile spectaculum beatos spectatores extra se rapiet, memores eorum, quæ pro vilissimis capitibus egerit atque pertulerit, talis ac tantus; vt eos efficeret quales tunc erunt, & prohiberet ne fierent, quales esse merebantur.

VII.
Et omnem
circa eum
veritatem.
Ioan 15. 15.

Ibi docebit discipulos suos omnem veritatem, clariùs multo atque vberius, quàm olim Spiritus sanctus, dum vitam illi mortalem degerent, & illud cumulatissimè implebit, *Iam non dicam vos seruos, quia seruus nescit quid faciat Dominus eius, vos autem dixi amicos, quia omnia quacunque audiui à patre meo nota feci vobis.* Amor quippe arcana cordis sui, magna cum fiducia communicat amicis. Aiunt magnum Alexandrum secretissimas ad se literas cum Ephæstione communicasse; indèque silentium imperando, signatorium annulum labiis eius admouisse. Illic autem plenissimo beatorum theatro licebit propalare, & voce consona celebrare admirabilitatē mysteriorū fidei Christianæ. Nominatim autem ibi ostendet Seruator, quomodo se sub tantulis speciebus constituat, manens nihilominus in cœlo quantus quantus est; constituat autem vinentem, beatum, cum omni naturalium ac supernaturalium perfectionum suarum comitatu, ipsaque tota diuinitatis immensitate.

VIII.
Et nominati-
m Eucharistia.

Docebit quoque manifestè quid fiat vt adueniente consecratione, ipsa panis & vini natura subsistens perinde pereat, & adesse desinat, ac si redigeretur in nihilum; & tamen, si quando res tulerit, reuertatur vt natiuis muneribus perfungatur, sic vt nulla foris mutatio vlli sensuum apparere possit. Docebit quā ratione quæ vocamus accidentia, ita conseruentur, nulli vt subiecto inhæreant, & ea nihilominus euenta recipiant, quæ re-

ciperent si propria ibi materia substitisset. Ostendet atque explicabit quâ fiat vt sacrosanctum eius corpus, corporeis qualitatibus affectû, existendi modum acquirat, qui spirituû proprius est atque germanus, qui toti sunt in toto, & toti in qualibet parte, vt rationali animæ in corpore humano cõtingit. Hæc ergo aliâq; id genus occulta miracula vulgabit amicis suis, simulque ingeniosum amorem, qui illa excogitauit, & liberalem, qui eadem in perpetuum hominum vsum dedit, apertè propalabit. Sed ad alia extra Deum beatæ cognitionis obiecta transeamus.

C A P V T XLI.

Alia extra Deum beata hominum cognitionis obiecta.

Hic idem Seruator, qui miseris atq; mortalibus beatam promeritus est immortalitatem, & daturum promisit cùm diceret, *ego resuscitabo eum in nouissimo die.* magnum hoc arcanum humanæ resurrectionis aperiet, in cuius profunditate ethnici olim philosophi nusquam vadum reperire potuerunt: rem potius commentitiam rati, atq; ridiculam, eîsq; doctores seminiuerbios, aut garrulos vocarunt; & nouorum demoniorû nuncios. Vadosum igitur efficiet Seruator hoc pelagus: docebit facile vim ac modum, quo materia humanorum corporum, quæ sexcenties formam mutauit & accidentia, & sexcentis locis dispersa sit, tota vnum eundemq; cogetur in locum, & quidem, vt ait Apostolus, *in momento, in istu oculi, in nouissima tuba*: quòque modo ex tali materia corpora subito formabuntur intus & foris, easque recipient dispositiones, quæ animarû conditioni conuenient, quibus momento coniungentur. Vtque mortui, aut eorum animæ, nouissimam illam tubam exaudient, aliâque euimodi mirabilia, quæ ad vltimam instaurationem mundi pertinent.

Addiscent idem beati, quâ fiat vt aqua, quæ corpus duntaxat attingit, animam abluat, inferâtq; Christi corpori: quâ flammæ corporeæ in demones agant, animâq; damnatas, fiâtq; instrumenta diuinæ iustitiæ vtrîsq; torquendis; itaque exurendis, vt neque quod incendit, neque quod incenditur vnquam consumatur; sicut nec qui in cœlo recipit, aut impertit felicitatem accipit vilius finem. Ibi maternam illam virginitatem, virginemq; maternitatem matris Conditoris sui accuratè comprehendent, videbuntq; reginam illam sanctoium omnium, non à lōgè, vt hæc heroinæ solent, sed quæ verecundantes famulos suos euocabit ad se, agêtq; cum eis familiariter: cùmq; illi reuerentia moti ad eius se pedes abiciunt; illa vicissim amantissimè excitatos amplectetur, & osculabitur osculo sacratissimi oris sui. Quas ipsi delicias hæc admirabuntur magis, quò clarius cernent, quantum illa gratia valeat apud Deum, in gratiam miserorû, qui tantæ principis auxiliû implorant. Et quibus ipsa virtutum & gratiarum thesauris locupietata sit, vt fieret supremi Numinis filia, sponsa, patens.

Ibi miseri mortales, sed non vltra miseri, qui in tam amplam deuene-

Ggg ij

I.
Christus
beatos doce-
bit arcanum
resurrectio-
nis
Act. 17. 18.

I. Cor. 15. 52

II.
Et sanctifi-
cationis ani-
mam, &
visionis spi-
rituum.

Et materna-
virginitatis.

III.

*Et quanto
ea munere
data sit ho-
minibus.*

re fortunam, agnoscent, & clarè prædicabant nullam vnquam hominibus illustriorem diuinitus contigisse liberalitatem (si ab illa discefferis, cui nulla par esse potest, dati vnigeniti filij Dei) quàm Deum illis in Dominam, patronam, parentemque concessisse, angelorum dominam, omniumque electorum reginam. Id enim fuisse videtur obligare sese ad veniæ & misericordiæ ianuas, & gratiarum thesauros parentes perpetuò retinendos, quando isti perpetuò egent, & illa patitur se continenter exorari. Ibi mutuum matris ac filij amorem, tam naturalem quàm diuinum contemplabuntur, & vtriusque erga vnumquemq; filiorum suorum; sed & studiū singulare in prouidendo, ne isti à præparata sibi felicitate deficerent. Ea cognitione incredibili gaudio & amore in filium, matremque perfundentur. Videbunt enim se à Deo, ad eam quam possidebunt beatitudinem, ab æterno destinatos, & in tempore vocatos, & gratiæ efficacis, ac gloriæ factos esse participes; sed filij meritis, & precibus gratiæque parentis.

*IV.
Angelorum
quoque na-
turam, atque
attributa.*

*Vocationem
hominū, &
circa eos pro-
videntiam.*

Accedet etiam, eodem Doctore cognitio naturæ, pulchritudinis, & absolutionis illarum beatarum mentium, quibus terminis earum cognitio ac vires, circa res spirituales atque corporeas definiantur; quæ eorum inter se oratio, ac communicandi modus, quæ eorum officia in orbibus cælestibus, quæ in terra, cæterisque elementis. Quem ordinem diuina sapientia constituit inter turmas cohortesq; cælestium legionum; quantum singulis gratiæ dederit & felicitatis, quantum in Deum, hominesque sibi creditos charitatis, quibus eos officiis ac promeritis sibi obligarint, neque merentes, neque cogitantes, vt illuc aliquando peruenire possent. Cognituri quoque sunt quibus olim artibus vsa sit eadem Sapientia in hominibus ad se vocandis, pelliciendis, efficaciterque perpellendis, vt à peccatis abhorrerent, sectarentur iustitiam, cæli viam insisterent, gratiam ad eum modum & mensuram augerent, quam definiuerat Dominus, in eaque feliciter vita fungerentur. Agnoscent quoque paternam beneuolentiam occasiones auertisse peccandi, quæ luctuosum ipsis naufragium asferre poterant, sicut aliis plerisque, quos videbunt in generali iudicio miserè periisse.

*V.
Beati habebunt rerum
naturalium
notitiam,
cælestium.*

Psal. 146. 4.

Est enim admodum consentanea illi felicitati ista cognitio, neque in dubium reuocanda est, cum ne rerum quidem naturalium notitiam beato rectè negare possimus; earum præsertim ad quas humanus intellectus, corporea mole hac obstipatus, pertinere non potuit. Natiuum enim sciendi desiderium, quod Deus ipse hominum mentibus in seuit, liberaliter explebit, neque patietur inquieta appetitione vexari. Num celabit notitiam cælestium illorum orbium, atque astrorum singulorum, quorum ipse numerum tenet ac nomina, quæ naturis eorum aptissimè congruunt. Ipse enim est, vt ait Dauid, qui numerat multitudinem stellarum, & omnibus eis nomina vocat. Vel vnico oculorum coniectu intelligetur eorum situs atq; motus, actio, figura, magnitudo, omnisq; proprietates cum ipsa natura,

ex qua illæ proficiscuntur: de quibus hic Philosophi Andabatarum more contendunt. Num qui ipsius essentia ac naturæ diuinæ arcana profundissima patefecerit, parcus erit in tribuenda cognitione tum illorum orbium, tum rerum omnium, quæ suam habent sub Luna stationem? Negabit videlicet intimæ naturæ elementorum, & eorum, quæ ex iis composita sunt, exactissimam scientiam; meteororum, inquam, metallorum, omniumque fossilium, lapidum, plantarum, animalium, quocunque genere contineantur, & vniuersarum, quàm latissimè patent, disciplinarum mathematicarum.

Quàm latus aperietur campus iis, qui nunc terras & maria studiosa peregrinatione perlustrant, qui mundum tum innouatum mirabili cum iucunditate conspicient, Solem, Lunam, & stellas, omnesque eorum orbis longè maiori quàm olim splendore ac pulchritudine decora, motus tamen atque influxus expertia. Terra & aqua eandem semper faciem representabunt, ær nubium expers atque nebularum, pluuiarum, niuium, ventorum, & procellarum; aquæ instar crysalli clarescent, & terra instar auri vel argenti, aut certè in morem vitri, profundè cœlestem lucem admittet, ac reddet. Neque verò parum probabile est eandem montibus eleuatam fore, depressam vallibus, camporum amplitudine dilatam, fluminibus quasi venarum ramis interscissam, mediterraneo mari cinctam, Oceano circumfusam, pro ea dispositione, quam duobus hisce corporibus Deus, tercio ab ortu rerum die assignauerat. Et iam nunc qui ad beatam illam regionem admissi sunt, hanc totam terreni globi machinam contuentur, & pro arbitrato suo, Angelorum instar, huc illucque discurrent, nullus eis occurrit periculosus, aut inaccessus locus, nullus gurges, nulla vorago eis formidini est, nō Scyllæ non Charibdes, non monstra Oceani, non feræ locorum desertorum, non balenæ ingentes instar mobilium insularum. Nihil eorum cursum remoratur glacialis oceanus, nihil montes arenarum, vel scopuli in cœlum minantes; quin quodcumque libuerit, subiectas utrique polo terras, nullo metu aut labore perlustrent.

An placet isti contemplationi adnumerare cognitionem historicam certam atque indubitam imperiorum omnium, atque regnorum, cunctarum ciuitatum, rerumque publicarum, quæ omnium seculorum decursu contigerint; illo vno die addiscent vniuersas, qui supremo destinatus est mortalium iudicio. Scient omnium necessariorum, parentum, amicorum conditionem & statum, audient eorum preces, intuebuntur actiones, & quem quisque finem sortiturus est, Deo reuelante cognoscent. Cum enim constet Deum ipsorum desideria expleturum, haud scio an illi quidquam rerum quæ in terris sunt, maiore aut iustiore desiderio concupiscant. Illic clare agnoscent virtutum pulchritudinem atque dignitatem, omniumque honorum operum, & laborum pro Deo susceptorum præstantiam. Quanto splendent fulgore victoriæ de

VI.
Et statim
mundi præ-
sentis, & fu-
turi.
Vide Lessl.
13. c. 23.

VII.
Et rerum
gestarum
toto in orbe.

Et suorum
statum.

carne, mundo & cacodamone reportata, à sanctis illis Patriarchis ac Prophetis, Apostolis & Euangelistis, Martyribus & Confessionibus, qui seculis omnibus in Ecclesia Dei floruerunt.

VIII.

*Quotidiani
beatorum
triumphi.*

Quæ ibi quotidie supplicationes immortalī Deo, quæ cælitibus omnibus gratulationes, qui triumphī celebrabuntur in diuino illo Capitolio, sub aduentum militum singulorum, Dei hostibus suisque profligatis? Vt exproment illi, in tam festâ lætitiâ sociorum, ad salutis portum, & viventium terram feliciter appellentium, quidquid habebunt in bonis, quidquid in corde gaudij, ut eis nouam gratulentur felicitatem! Exproment, inquam, conquistâ tota vita, congestasque spirituales opes, nihil eis à superbia, ut olim, aut vanitate meruentes. Contemplabuntur se mutuo, & admirabuntur vicissim gloriam quâ perfruentur, & ruent in amplexus cum effusa lætitiâ, illasque vulnorum cicatrices, & perpeffionum notas, quæ carbuncolorum instar, & primæ notæ adamantum fulgurabunt, suauissimè deosculabuntur, tanquam æterna victoriarum monimenta, & sui in Christum Dominum amoris ac fidelitatis certissima testimonia. Eius erat olim illa vox ad discipulos suos, *Beati oculi qui vident, quæ vos videtis; Sed quanto nunc beatiore sunt illi ipsi oculi, qui vident magistrum suum, non ultra patibilem atque mortalem, sed plenum immortalī gloria, & maiestate diuina, & reliqua insuper omnia, quæ absolutissima beatitudine continentur.*

Luc. 10. 23

IX.

*Comparatio
ciuitatis Ro-
mancæ cœ-
lestis.*

Latinus quidam Pacatus Gallicus orator, cùm Romæ Theodosio seniori Panegyricum diceret, ipso, vniuersaque ciuitate præsentē, ita concludit laudationem suam, ut felicem ducat peregrinationem suam, & benè susceptos atque exhaustos labores, quod tantis intersit bonis, *Quibus, inquit, paror gaudiis? quæ reuersus urbibus Galliarum dispensabo miracula? quantis stupentium populis, quàm nullo circumdabor auditore cùm dixerō, Romam vidi, Theodosium vidi, & utrumque simul vidi. Vidi illum principis patrem, vindicem, restitutorem.* Ille igitur se felicem putat, quod Romam mundi dominam, eiusque miracula viderit, & principem eius augustissimum.

Apoc. 21. 2.

Quanto felicior es, ô Ioannes Euangelista sanctissime, quanto lætior, atque ampliore circumfluis lætitiæ argumento, quod Angelo monstrante videris, non ciuitatem illam, quæ omnium gentium spoliis locupletata, breui futura erat præda nationum barbararum, sed illam ciuitatem sanctam videris Ierusalem nouam, à Deo paratam, fundatam, & quasi sponsam suam, omnibus decoratam monilibus, atque ornamentis: vnâque ipsū eius Imperatorem augustissimum, omnesque cœlites, quasi totidem potentissimos reges. Nunc autem longè felicissimus, qui & illo principe, & illa ciuitate frueris, illa omnium electorum patria, quæ Deum vnum agnoscit artificem.

X.

Quàm opta-

Si quis esset in terris, qui tantum gratia valeret apud Deum, tantoque nostrum aliquem amore prosequeretur, ut ei à Deo impetraret

ad vnā horā Seruatoris conspectum, cum ea gloria, quam nunc *bilis visore-*
obtinēt ad dexteram Patris; aut certē genitricis Dei, cum eo maiestatis *rum cele-*
apparatu, qui decet omnium Angelorum atque electorum reginā, quā *stium.*
peregrinatione, quo pretio, quo labore, quo obsequio huiusmodi gra-
tiam dignam censeremus? quantum nos illi sancto viro putaremus ob-
ligatos? quo illum amore ac veneratione prosequeremur? Quæ erit ergo
nostra felicitas, quando & filium vituri sumus, & matrem omnium San-
ctorum comitatu cinctos, cum omnibus illius beatissimæ ciuitatis or-
namentis, non ad horā vnā, sed ad vnus æternitatis longinquitatē?
Quis erit amicus ille, qui eam nobis visionem obtinebit, præter te
liberalissime, atque amantissime Seruator, qui eam nobis sacrosancti
sanguinis tui pretio comparasti, & permodicis mortalium laboribus
indulges. Miserum me! quare non adeo quamprimum ad visionem hāc *Exod: 3.*
magnā, non incombusti mediis in flammis rubi, sed eorum omnium,
quæ cælo empyreo continentur. Non stes, obsecro, amantissime Ser-
uator, per depositionem calceorum mortalitatis huius, quo minus ter-
ram illā sanctissimā adeamus, vt te illic contemplemur, laudemus,
admitemur in omnem æternitatem. Amen.

CAPVT XLII.

Diuina liberalitas erga beatorum voluntatem.

AUTOR.

VI DEO hanc vnā tibi superesse liberalitatem, vt susceptum à te *I.*
negotium cumulātē sis executus. Neque enim decebat vt de li- *Transitio.*
beralitate diuini amoris in tam copioso argumento parcē disputares. Fa- *AMOR*
xit Deus, ait ille, vt non odiosē & sine fructu; sed mox etiā addam epi- *LIBERAL.*
metron, si videtur. Videtur verò, inquam. Quis enim non patiat̃ au- *AUTOR.*
geri se bonis? Voluntas igitur præeuntem sequitur intellectum, & eius *AMOR.*
luce illustrata fertur in obiectum suum, nec mediocriter intellectus de-
lectationem participat, tam in hac, quā in futura vita. Et si autem, vt *Felicitas in*
optimi quique Theologi sentiunt, felicitas primario, præcipuōque no- *intellectu &*
mine sita est in intellectu, quæ facultas est apprehendens, & quasi tra- *voluntate.*
hens ad se, & possidens ipsum Deum. Voluntas tamen diuino amore lo-
cuples, ita participat summum bonum, vt plerique censeant in eius acti-
bus positam esse beatitudinem. Nobis autem id satis est, in quo senten-
tiæ Doctorum conspirant atque consentiunt, vt status perfectæ absolu-
tæque felicitatis, in visione Dei, quæ est intellectus; & amore ac frui-
tione delectabili, quæ voluntatis est consistat: vt toti animæ benè bea-
tæque sit.

Beati porrò in cælo geminum amoris actum exercent, sicut & in hac *II.*

*Geminus
actus amoris
erga Deum
in caelo.*

1. Cor. 13. 8.

vita, vtriusque enim vitæ eadem est Charitas, vt quæ Apostolo teste, nunquam excidat, vnus actus est amicitia, siue benevolentia, alter cupiditatis; ille personam dilectam respicit, iste diligentem; illo ita fertur voluntas in Deum, vt summopere velit & gaudeat omnia bona in Deo esse, ab eoque perfectissimè possideri; infinitam puta beatitudinem, immensitatem, immutabilitatem, imperium in res omnes, citra subiectionem vllam. Velit primum esse principium, & vltimum finem, summa præditum sapientia, in d. summam esse sapientiam, potentiam, bonitatem, reliquâque omnem absolutionem, quam in Deo esse vult, vt illi benè sit ac beatè, quia ipsum summè diligit, & omnes illæ perfectiones ad beatissimum illius statum pertinent. Alter amor tali ac tanto bono frui cupit, vt suo summo bono, atque vltimo fine, ad quem fruendum editus est in lucem. Gaudium quoque ac delectatio, quæ sequitur acquisitionem boni, gemina est; gaudent enim beati Deum talem ac tantum esse, beatissimum videlicet atque perfectissimum; omniâque bona, quæ animo fingi possunt, ab eo possideri, ex suâ ipsius perfectione naturæ: sed gaudent quoque quod tantum bonum possideant, eoque iucundissimè fruantur, quæ suprema est iucunditas animæ nihil vltra cupientis.

*III.
Vt à beatis
exercebun-
tur.*

Ille amicitia amor longè perfectissimus, mirum in modum feruebit in beatis, qui vt Deum supra seipsos diligunt, ita maiore voluptate afficiuntur, quòd Deus illa omnia bona possideat, quamuis ea nemo degustare posset, quàm quod illis bonis ipsi quoque fruantur: vellèntque si necesse foret, eam fruitionem perdere, omninoque felicitate priuari, vt conseruaretur Deo. Deus enim opt. max. est tantum bonum, vt, vel cum omnium rerum creaturarum iactura, conseruari mereatur. Intellectus igitur videns ac possidens Deum tanta in illo bona reperiet, vt voluntas ad ipsum diligendum totis viribus necessariò feratur, ab eoque amore abstinere non possit. Quin potius omnia in Deo bona reperiens, nihil præter ipsum, aut in ipso amare poterit, quod huius quoque vitæ Charitas perfecta requirit. Sed hîc Deus non agnoscitur sub ratione omnis boni, vt illic: quo fit vt hîc voluntas libera sit ad peccandum, illic autem peccare non possit.

*IV.
Qua inde
gaudia ex-
stant.*

Psal. 149. 5. 6

x 39. n. 3.

Gaudium porrò quo fruatur beatus, & in quo acquiescet possidendo summum bonum, omnem superat dicendi facultatem, ac ne vlla quidem cogitatio ei par esse potest. Absorbeantur enim in illo immenso voluptatis oceano, & omnem in partem inæstimabili atque exuberante lætitia circumfundentur. Audi Dauidem, *Exultabunt sancti in gloria, lætābuntur in cubilibus suis. Exaltationes Dei in gutture eorum, & gladij accipites in manibus eorum.* Et alibi, vt cogitur superlacione verborum, nam & fluminis impetum, & torrentem voluptatis, adeoque ebrietatem vsurpat, inque rem suam accommodat. Sicut & Salomon in suo Cantico, vt suprà dicebamus. Neque tamen mysterio vacat hic torrens, aut ille

ille fluuius. Fluuius enim continenter decurrit, torrens autem non raro deficit, & subinde renouatur: Vt intelligamus beatorum delicias perpetuo, ac sine interpellatione affluere, nouas tamen semper videri quamuis primum retineant saporem. Sic olim manna in ore piorum, omnium ciborum gustum præbebat, cum specie idem semper esset; itaque nouum quotidie gustum afferre poterat, & insolentem.

Illa sponsa Christi Domini, in quam eius beneficia, gratiæ, ac dona singularia perpetuo depluebant; quæ nulli penitus rei, extra Seruatorem suum acquiescere poterat, quæ vulnerata & amore languens sustentanda erat floribus, & stipanda malis, quæ ex crucifixi arbore colligebat; illa, inquam, quæ somnos inter atque vigilas, cibum & potum, orationem & laborem illam vnum cogitare poterat, præterea nihil: quæ indomita, vt ita dicam, atque effrenata cupiditate ferebatur illius honoris & gloriæ promouenda, vel cum rerum omnium suarum, iactura, ipsiusque vitæ detrimento. Hic amor cum mortui non cesserit, sed eius victor, mira in cælo acceperit incrementa, æstuat desiderio placendi Sponso suo, quem propter diuinitatem diligit tanquam summum bonum suum, primum omnium rerum principium, vltimumque finem, & eum à quo cælum totaque rerum natura regitur ac conseruatur. In eodem ipso vt homine agnoscit ac diligit salutis, sanctitatis, gloriæ, omniumque bonorum suorum conciliatorem atque interpretem. Eum diligit à quo scit vsque ad eò nobilitatum fuisse hominum genus, vt Deo ipsi in personæ vnitate copulata sit humana natura, vt Deo ipsi ad dexteram assideat, & in electorum conuiuium primus accumbat; & transiens nihilominus beatis ferula felicitatis administret. In his illa deliciis gaudio triumphat, & voluptate omni opinione maiore perfruitur.

Quam dulcis autem ac mellitus erit amor famulorum tuorum aduersum te, ô sanctissima parens genitoris tui, cum agnoscent sigillatim fufas à te pro ipsis preces, in variis tentationum periculis, impetrata præsidia, & mala ab eorum ceruicibus propulata. Cum mirificam faciei tuæ contemplabuntur pulchritudinem, ipsis Angelorum principibus obstupescendam, & ipsi Seruatoris vultui pulcherrimè congruentem; cum sublimem altitudinem throni tui, & immensas diuitias gloriæ tuæ; maxime autem cum sincerissimum tuum erga se amorem sentient, tãquam erga verissimos filios, vnigeniti tui fratres, & dulcissimi tui Iesu hereditatem. Quanto cum gaudio eos complectens? quanta illos voluptate perfundes, cum mit ssi no suauio, suauissimi oris tui, & quidem stupore defixos, ad tam insperatas delicias reginæ suæ, omniumque Sanctorum. Quomodo exultabit, quomodo dilatabitur cor vestrum, ô fortunati famuli tantæ maiestatis; quomodo in hoc altero castissimæ læritiæ, sanctissimæque voluptatis Oceano non demergetur! O ineptissimi mundi ac voluptatum amatores, satisne sciam estis, qui iacturam facitis amicitia filia principis, ipsiusque filij Dei, proter inanes huius vitæ quisquilias, &

H h h

V.
*Beata anima
erga
Christum
amor.*
Cant. 2. 5.

Luc. 12. 7.

VI.
*Ac beatissima
virginem.*

crepundia puerorum? Ego vos per Deum immortalem obsecro atque obtestor, ut intelligentiæ vestræ oculos, & sinum cordis vestri aperiatis, ut studium & affectum eius meliore loco collocetis.

VII.
*Ad Angelos,
& custodem
in primis.*

Effluet quoque amor noster erga beatos Angelos, & inter suauissimos amplexus læticia exundabit: illius in primis, qui nostræ fuerit peregrinationis comes, qui potenter adiuerit, & tanquam sapiens nauclerus nauiculam nostram inter scopulos & procellas direxerit, ut feliciter ad portum salutis æternæ appelleremus. Trium fere mensium viæ ac vitæ consuetudo fuit, Raphaëlem inter & iuniorem Tobiam, in regione Chaldæorum atque Medorum, & illius erga hunc multiplex beneficium. Itaque in Tobia pectore eximius erga ducem suum amor effloruit, quem verba illa non obscure significant, *Azaria frater, peto ut auscultes verba mea. Si meipsum tradam tibi seruum, non ero condignus providentiæ tuæ.* Quis ergo in nouo cœlorum ciue, & clientis non ingrati erga patronum suum exardescet amor, post quinquaginta, aut sexaginta annorum dulcissimam ac fructuosissimam consuetudinem, per tot tamque varia huius viæ ac vitæ discrimina! Quanta cum delectatione reuocabunt ambo in memoriam varios ancipitesque casus, ad illam diem hominibus ignotos! Hic autem omnis amor ac beneficentia in Christum Dominum, qui istorum officiorum causa fuerit, & sanctissimam amantissimamque Deiparam, quæ illa impetrauerit clientibus suis, perpetuò redundabit.

VIII.
*Reliquosque
cœlites.*

Quis præterea explicet amorem, qui cor nostrum incendet simul & animabit, in priuata consuetudine colloquioque Sanctorum Patriarcharum & Prophetarum, Apostolorum & Euangelistarum, & eorum maximè Sanctorum, erga quos peculiari deuotione fueramus affecti. Quanto quàmque iucundo animorum motu afficiemur, dum nobilissimi Christi bellatores enarrabunt nobis horribiles olim historias martyriorum suorum, & debellatam omnem dæmonis, mundi que potentiam, calcatum omnem mortis ac tormentorum terrorem. Dum sancti Præsules, Doctoresque referent, suis quisque ætatibus, errores hæresesque natas, ipsorumque industria profligatas, & peccatores eductos è portis inferi, & potestate tenebrarum; & iustos ad magnam perfectionem adductos. Dum tot alij confessores, qui partim in cænobiis, partim in desertis locis vitam innocentissimam duxere, memoria repetent, recitabuntque nobis sua cum carnis illecebris, cum dæmonis fraudibus, cum mundi vanitate certamina, quibusque à Deo beneficiis dum viuerent, gratiusque affecti fuerint. Dum sanctæ virgines ac matronæ, Deo annuente vulgabant mistas lacrymis, ieiuniis, cæteraque corporis afflictatione, orationes suas, & Angelicam mentium suarum, corporumque mundiciem.

IX.
*Parentes itæ
& cognatos.*

Quis animo capiat, aut oratione complectatur exultantem cordis nostri læticiam, animaduerso amore, quo nos singuli Sanctorum prosequer-

etur, quo incitante in optatos amplexus ruent; quo nobis aduentum in
cœlestem illam regionem gratulabuntur. Quomodo par erit cor nostrum
ferendo tanto gaudio, quanto cumulabitur filius, cū à parente quon-
dam sene, à quo vnicè amabatur, & ad Dei timorem, amorēque quan-
tum poterat accendebatur, amantissimo accipietur amplexu, & vterque
alteri suam gratulabitur felicitatem: & antea cœ vitæ iucundam consue-
tudinem, studia, laborēque recolet. Tantundem fere de matre, fratri-
bus, sororibus, cæterisque necessariis dici potest, quibus cum olim, sine
cuiusquam offensione, iucundissimè vixeris. In promptu erit Dauidi-
cum illud vsurpare, *Tu verò homo vnanimis, dux meus, & notus meus*, Psal. 54. 14.
qui simul mecum dulces capiebas cibos, in domo Dei ambulauimus cum con- 15.
sensu. Quid te fiet anime mi, quo te vertes cor meum, cū rues in am-
plexus carissimorum quondam capitum, gloria mirabili, & stola im-
mortalitatis conuestitorum; cū mutua vtriusque caritas apparebit,
cæteræque animorum dotes, quibus omnes decori, omnes facti erimus
vehementer amabiles?

CAPVT XLIII.

Magnitudo præmij huius ac diuina liberalitatis.

AMOR LIBERALIS.

HÆc erant quæ dicere cupiebamus de re, quæ, in vitæ huius igno-
ratione tenebrisque, *Nec visu facilis, nec dictu effabilis vlli.*
Et profectò ingenuè fateor non mediocri me affici pudore, quòd tã im-
par sim oratione, in ea liberalitate recēsenda, qua se Christus Dominus
hominibus in præmium tradit. Sed in magnis, aiunt, vel voluisse sat est.
Non parum est illam gaudiorum copiam posse vel suspicari, eaque sus-
picionem voluit Dominus ipse contentum esse in hac vita secum suum,
quãuis dilectissimum Abrahamum, cū ei diceret, *Noli timere Abram,* Gen. 15. 1.
ego protector tuus sum, & merces tua magna nimis. Vtiq; nimis nobis. Ni-
hil enim sunt nostra omnia merita ad tantam mercedem, sed nihil est
nimis Deo. Legimus Alexandrum magnum Perillo cuidam petenti ab
eo dotem, pro filiabus suis, quinquaginta illi talenta numerari iussisse;
cūque hic, humilitatis suæ conscius, nimiam eam summam esse dixis-
set, abundè sufficere talenta decem, Perillo, inquit, *nimis est, accipere*
quinquaginta talenta, non nimis est Alexandræ dare.

I.
Docetur hæc
magnitudo,
Dei testimo-
nio.

Alexandri
magni libe-
ralitas.

Quid Christus ipse? nōne ita huius magnitudinem liberalitatis am-
plificat, vt eius amplitudinem verbis consequi non posse videretur,
cum ea studiosè conquereret, atque accumularet, *Date, inquit, & dabi-*
tur vobis, reddet videlicet Pater vester in cœlo, mensuram bonam, & con-
fertam, & coagulatam, & superfluentem, eamque in sinum vestrum

II.
Et Christi
Domini,
Luc. 6. 38.

Matth. 5. 12. effundet. Et rursus, *Gaudete & exultate, quoniam merces vestra copiosa est in caelis.* Planè copiosa, cum clarissimus ille Prophetarum Esaias, diuinarum illustrationum minimè insolens, neget eam à quoquam posse describi, *A seculo, inquit, non audierunt, neque auribus perceperunt; oculus non vidit Deus absque te, quæ preparasti expectantibus* te. Cui Apostolus ipse subscripsit, locupletissimus utique testis, qui & visa & audita referebat, *Quod oculus, inquit, non vidit, nec auris audiuit, nec in cor hominis ascendit, quæ preparauit Deus iis qui diligunt eum.*

III. Accedat eorundem verborum eximius interpres Augustinus, *Quod Deus, inquit, preparauit diligentibus se, fide non capitur, spe non attingitur, charitate non comprehenditur, desideria & vota transgreditur, acquiri potest, estimari non potest.* O dignam tanto Doctore sententiam! Sed libet eundem audire de tam copiosa mercede hoc modo ratiocinantem. Cor humanum, inquit, cor indigens, cor expertum ærumnas & miseras, imò obrutum miseriis, quantum gauderes, si in his omnibus abundares? Interroga intima viscera tua, si capere possent gaudium suum de tanta beatitudine sua? Sed certè si quis alius, quem omnino sicut teipsum amares, eandem beatitudinem haberet, duplicaretur gaudium tuum, quia non minus gauderes pro eo, quàm pro teipso. Si verò duo, vel tres, vel multo plures idipsum haberent, tantundem pro singulis, quantum pro teipso gauderes, si singulos sicut teipsum amares. Ergo quid erit in illa perfectà charitate innumerabilem Angelorum & hominum, ubi nullus diligit alium minus quàm seipsum? Non enim aliter gaudebit vnusquisque pro singulis aliis, quàm pro seipso. Si ergo cor hominis, de tanto bono suo, vix gaudium suum capiet, quomodo capax erit tot & tantorum gaudiorum? Hactenus Augustinus.

IV. Quæ profectò iustissimum stuporem ingerunt cogitanti, non vnum aliquem Oceanum Atlanticum gaudij cuiusque de beatitudine propria, sed totidem omnino Oceanos, quot erunt in cælo Angeli, hominesque beati. Et hos quidem neminem dinumerare posse, magnus Euangelista testatur, *ex omnibus gentibus, & tribubus, & populis, & linguis.* Angelos autem numero incomparabiliter vincere omnem multitudinem rerum materia constantium, autor est magnus ille Arcopagita Dionysius, cui Doctor Angelicus suffragatur; Legerat nimirum vterque Danielelem dicentem, *Millia millium ministrabant ei, & decies millies centena millia assistebant ei.*

V. Enimuerò copiosa est ista merces, si non socios modò beatitudinis illius, sed eius fontem spectemus, & caput. Quando tantam istam multitudinem, quæ illa iam pridem fruitur, & fruitura est in omnem æternitatem, beatam efficere potest, quàmuis illa millies, centiesque millies multiplicaretur. Copiosa, cum illos quoque bea-

Gaudium
Sanctorum
ex gaudis
singulorum.
Apoc. 7. 9.
De cæl.
Hier. c. 14.
1. p. 9. 10. 2. 3.
c. 7. 10.
V
Merces co-
piosa San-
ctorum mul-
tis nomini-
bus

I.

2.

tos possit efficere, qui eam præstolantur, spe fruitionem quoquo modo anticipante. Dicebat enim Dominus, beatos non fore, sed esse, qui eius nomine aduersa paterentur, *Beati estis cum maledixerint vobis, & persecuti vos fuerint, & dixerint omne malum aduersum vos mentientes propter me; gaudete & exultate, quonia merces vestra copiosa est in cælis.* Copiosa, quandoquidem nulla diuturnitate minuetur, carpetur, aut flaccescet: & quando centum annorum, atque adeo seculorum millia decursa fuerint, semper à metis ad carceres recurretur.

Copiosa, quando ea vna merces datur in locum præmiorum omnium atque mercedum; plurisque est ea vna, quam cæteræ omnes, si in vnum confluant, & in altera lance collocentur. Quin etiam, si cætera omnia quæ sunt aut æstimantur bona, honores, opes, voluptates, scientiæ, cæteraque beatæ interris vitæ præsidia; cum illa copiosa Christi mercede componantur, vix instar obtinebunt guttæ aquæ, ad Oceani totius immensitatem; aut grani arenæ ad Alpes, Apenninum, atque Pyreneum; ad Taurum, Caucasum, & Olympum, & totam terræ machinam, & omnium quæ supremo cæli complexu coërcentur. Copiosa merces, quando ipsa, & cætera quæ dixi bona, cum ipsa, non pluris sunt quam ipsa sola, quæ illa omnia eminentiori modo complectitur. Quo modo etiam Deus, & mundus vniuersus, non faciunt aliquid melius, quam Deus solus, qui est ea merces, de qua disputamus.

Copiosa denique, quando illa tanta, tamque excellens est, vt possit efficere beatum ipsum Deum, & amplissimum immensitatis eius sinum adæquare; non enim alia re Deus opt. maximus, quam seipso beatus est, aut esse potest. Si quid enim aliud beatum posset efficere Deum, melius esset ipso, beatum enim esse, ipsi nudo esse longè multumque præstat. O quanta merces, Deus immortalis! quanta messis! quantus piscatus, quamque multis par nauigiis adimplendis. O sancti quondam pisces, nunc cælitæ etiam atque etiam beati, nonne annuitis inde sociis, qui sunt in alia navi, vt veniant ad vos, & concludant vobiscum præmiorum multitudinem copiosam? Optamus nos quoque frui verissima illa libertate filiorum Dei, post longam perturbationum, vanitatis, & peccatorum seruitutem. Aspiramus ad ver illud nouum, amœnum, ac floridum, post hyemem tam fœdam, ac molestam: ad perfectam illam mentis corporisq; sanitatem, post periculosissimas ægritudines vtriusque.

Gemimus præ desiderio chori illius, in quo nos quoque cantica illa, & præna victoriæ concinamus, post diurnam hanc, acerbam, periculosamque militiam, armorumque tractationem; post diurnas nocturnasque pugnas cum hostibus intestinis, sub vexillo crucifixi, dum superueniat optata mors. O mors quando aderis apertura ianuam, cuius tu clanem geris, vt audiam ego quoque, *Intra in gaudium Domini tui.* Iterandum est interim nobis illud Apostoli, *Infelix ego homo, qui me liberabis de corpore mortis huius!* vt ea videam, quæ cum ipso videre non pos-

3.

VI.

Alia præter ea nomina.

4.

5.

VII.

6. & vltimum.

Suspensio ad eam beatitudinem. Luc. 5. 7.

VIII.

Et oratio ad cælitæ.

Rom. 7. 24.

Gen. 40. fi. sum, ut iis fruatur, quæ corpus hoc capere non potest. O sanctissimi, atque amantissimi cælitæ, qui nunc communis Domini visione fruimini, qui ab hoc carcere abducti estis, in cuius nos adhuc vinculis ac pædore versamur, ne obsecro imitemini magistrum illum pincernarum Pharaonis, qui succedentibus prosperis, oblitus est interpretis sui. Quæ fors olim vestra fuit, eadem nunc nostra est, & quæ nunc vestra est, eandem speramus aliquando nostram fore: Adhibete obsecro, ad supremum hoc beneficium, gratiam istam, ô gratiosissimi cælitæ, ut cælo nos quoque recepti, gratias vobiscum agamus ei, qui nunc expectatio nostra est, & futurus est, cum ei visum fuerit, merces nostra magna nimis. Amen.

CAPVT XLIV.

Epimetron de nonnullis ad exercendam liberalitatem incitamentis.

I. **AUTOR.** **PROPOSITIO.** **LIBERAL.** **AMOR.** **H**ic cum Liberalis Amor tantillum respiraret, cominota quippe Herant viscera eius, his ad beatitudinem suspiriis, & ciuium compellatione cælestium, Cumulate, inquam, perfunctus es, mi Amor, munere tuo, multumque vicisti expectationem meam; Expecto nihilo minus etiam promissum Epimetron, ut omnibus numeris absolutam liberalitatem tuam prædicare possimus. Accedat igitur, ait Liberalis Amor, corollarium de nonnullis ad exercendam liberalitatem incitamentis. Illa certè Dei liberalitas, qua amicorum suorum sudores, vigilias, animique contentiones munerari voluit, nec alia mercede quam seipso, magnum habet omnino momentum, ad incensum desiderium excitandum, appellendi quamprimum ad portum illi salutis optatissimum; simulque ad inquirendas vias, rationesque exercendas, quæ hanc nobis felicitatem facilem reddunt, & expeditam, & quantum fert huius vitæ conditio, ac mutabilitatis, certam atque indubitam.

II. **LIBERALITAS** **EST VIA AD FELICITATEM.** **Et signum predestinationis.** Inter omnia porro præsidia beatitudinis illius consequendæ, nullum aliud Seruator ipse enixius commendauit, quam propensam in pauperes ac calamitosos benignitatem: usque adeo ut nullam aliam causam assignet datæ felicitatis bonis, & negatæ improbis, quam illorum in pauperes liberalitatem, & illorum in eosdem inhumanitatem. Vnde rectè colligi potest de diuitibus, quinam à Deo iam inde ab initio destinati sint ad felicitatem, quinam è contrario ab ea reiecti. Cum enim sapientes nihil sine concilio, certaque animi prouisione faciant, qui effecta cernunt, utique de consiliis, & deliberationibus antegressis, magna cum probabilitate pronunciare possunt. Vnde consequens est diuinæ prouidentiae concilium ab æterno fuisse, ut ij ad æterna illa tabernacula reciperentur, qui erga pauperes misericordes extitissent: illi autem ab iis excluderentur, qui misericordiae opera neglexissent. Quid enim illo clarius oraculo?

Beati misericordes, quoniam misericordiam consequentur. & illo altero, *Iu-* Matth. 5.
dicium sine misericordia illi, qui non fecit misericordiam. Ergo quale Dei lac. 2. 13.
fuerit ab æterno consilium dubitare non possumus, qui effecta tam aper-
tè in euangelio videamus.

Est itaque in potestate hominum copiosorum ostendere se ad felici-
tatem ab æterno destinatos, aut ad supplicia sempiterna. Quid sapiunt
homines, qui ista non sapiunt? quibus negotiis operosi prouident, qui isti
non prouident? Quorum ergo corda parciora sunt, & manus ad largien-
dum contractiores, eas cum diuino amore laxent, ac dilatent; quando
quidem illum tam potentem esse demonstrauius, vt Deum redderet
hominèque liberales. Si Deum amas, amas & proximum, vt rem quæ
ad Deum pertinet; quo modo filios amici tui diligis, nec polles deserere
auxilio destitutos. Fers igitur opem amico, filio, famulo Dei, pro eo quo
Deum amore prosequeris, quia illius sunt, quia ab illo diliguntur, quia
ab eo redempti sunt, & ad eam destinati felicitatem, quam vult eos pa-
tientia sua acquirere, te autem liberalitate tua.

Quid te dico amicis, filiis, famulis Dei opem ferre, cùm ex euangelio
clarissimè constet, te ipsi Deo ac Christo Domino benignè facere? Id
Seruator ipse iureiurando confirmat. *Amen dico vobis, quandiu fecistis*
uni ex his fratribus meis minimis, mihi fecistis. Cum simili quoque iurei-
rando eos arguit, quibus inhumanitatem exprobrat, & duriciam cordis.
Eodémque pertinet illud Esuriui, sitiui, nudus fui; non, esurierunt, siti-
uerunt, & nudi fuerunt. Hæc ille se dicturum in supremo iudicio, factu-
rúmque pollicetur. Ne tamen interea fides rei tam mirabilis languesce-
ret, aut titubaret, non semel ostendit amicis suis se ipsum eorum eleemo-
synam propria manu recepisse: vt ex historiis vulgaribus & peruagatis
Martini, Gregorij magni, Ioannis Eleemosynarij, Catharinæ Senensis,
aliorúmque sanctorum certò constat. Qua obsecro lætitia gestiret cor
tuum, si inter dormiendum aut Angelus tibi, aut ipse Dei filius appareret,
& acceptam à te eleemosynam, Angelis suis coram te hilariter ostēderet,
gratiasque ageret? Et tamen fallax esse posset ista visio. Satis callidus est
hostis noster ad vsurpandum id inuentum, quò noster hic misericors sibi
de sanctitate inaniter blandiretur, & elatus superbia periret. At euange-
lium, quo veritas ista continetur, non est fraudi obnoxium.

Vtriusque veritatis huius sacræ literæ mirabilia exempla prodide-
runt. Exhibent enim nobis Babylonium Nabuchodonosorem, qui ad-
uersus populum Dei tyrannum egit immanissimum, qui sanctam Hie-
rosolymorum ciuitatem, euerlam solo æquauit: qui augustissimum
Dei templum polluit, expilauit, incendit, sacros thesauros prophæ-
tus abstulit, desolauit agros, populum in seruitutem abduxit. Exhi-
bent, inquam, ad Deum conuersum, peccata sua agnoscentem, &
pœnas pro iis subeuntem, laudantem Deum, gratias agentem, & co-
ram mortalibus omnibus profitentem Deum altissimum esse, reliqua

III.
Amor Dei
concitat li-
bernitatem
in pauperes.

IV.
Ad eoque in
Christum
ipsum.
Mat. 25. 40.

V.
Magni pec-
catores eleo-
mosyna salui
fati sunt.
Daniel. 4.

nihil esse in conspectu eius. Hic utique fuit digitus Dei, qui immutauit cor eius, ut bonam in partem datam diuinitus castigationem acciperet: sed quid Deum excitauit, ad cor hominis clementer ac mirabiliter immutandum, & æternam pœnam sæpius promeritam, in præsentis vitæ castigationem? nisi quia consilio Danielis acquieuit, à quo audierat, *Rex consilium meum placeat tibi, & peccata tua elemosynis redime, & iniquitates tuas misericordiis pauperum: forsitan ignoscat Deus delictis tuis.* Et ignouit profecto, & in viam felicitatis induxit, quam mox consecutum esse SS. Ambrosius, atque Augustinus, aliique testantur.

Ca. 4. 24.

VI.
*Alij eius de-
fectu periere*
Luc. 10.

Contraria planè sors contigit euangelico epuloni, quem sepultum fuisse in inferno Christus ipse testatur, cumque illic atroci flammarum supplicio cruciaretur, magno clamore Abrahamum Patriarcham interpellabat, ut ex misericordia aquæ guttā refrigerandæ linguæ suæ obtineret. Tantulam tamen petitionem neq; obtinuit, neque obtinebit vnquā; nulla quippe remissio dolorū perditis illis, nulla penitus relaxatio conceditur. Causa porro quæ mitissimum alioqui patriarcham reddit inexorabilem, aut Deum potius, qui ex Abrahami ore loquebatur, ea fuit, quod hîc nihil olim, preter gulæ ventrisque delicias, curauerat: inexpugnabilis interim Lazari precibus, qui ad inhospitam illam ianuam famelicus, lacerus, vlceratus iacebat, etiam deciduarum micarum egens. Itaque inhumano in pauperem diuiti, immisericors quidem, iustum tamen iudicium contigit, & aquæ gutta negata est illi, qui micam panis egenti dare neglexerat.

VII.
Liberalitas
in Deum ti-
tulo grati
animi.
2. Reg. 11.
7. 8.

Sed agamus cum illis hominibus, quibus melior mens forte, aut diuina potius liberalitate contigit: quos amor & honestas ad efficium, potentius quàm timor impellunt. Nathan propheta diuinitus quondam missus est ad Dauidem nuncius, ut cum eo expostularet de ingratitudine, super negotio Uriæ & Bethsabæe. Eius hæc fuit oratio. *Hæc dicit Dominus Deus Israël, Ego unxi te in regem super Israël, & ego erui te de manu Saul, & dedi tibi domum Domini tui, & uxores Domini tui in sinu tuo, dedi que tibi domum Israël & Iuda, & si parua sunt ista, adiciam tibi multo maiora. Quare ergo contempsisti verbum Domini, ut faceres malum in conspectu meo? Si Dominus plerisque principibus viris & dynastis, legatos mitteret angelos ipsorum custodes, cum accurato indice beneficiorum generalium & singularium, siue quæ ad corpus eorum, siue quæ ad animum, siue quæ ad vtrumque pertinent, eamque recensionem ita concluderent, & si parua sunt ista, adiciam tibi multo maiora. Habeo enim regiam in cælo meam, ubi ego te infinita voluptate perfundam, ubi ita bonis omnibus afflues, nihil ut amplius desiderare possis. Quare igitur contemnitis verbum meum, de mercede centupli in hac vita, & æternæ felicitatis in futura? Quod si verbo meo ac promissioni fidem habes, neque promissam negligis mercedem, cur non accurris ad quæstores meos, ut eis pecuniam des mutuam, tanto cum fœnore redhibendam?*

Hæc

Hæc fuit olim Christianorum gloria, & nota singularis, quòd libenter de suo pauperibus impertirent, ipsosque infideles adducerent in admirationem. Non adducam in eius rei confirmationem nefariam fraudem Luciani peregrini, sed Pachomij conuersionem. Is cum vigesimum annum agens, contra Maxentium tyrannum sub Constantino militaret, ipseque cum cæteris tyronibus, in quadam vrbe Thebaidos, angustè ad modum à ducibus suis, malignèque tractarentur, eos miserati Christiani, magna cum charitate eorum inopiæ atque incommodis occurrebant. Hic Pachomius inquit, quæ esset ista hominum natio, ad bene merendū de hominibus tam procliuvis. Responsum accepit eos esse Christianos, itaque facitare solitos aduersus omnes, notos ignotosque, qui egestate premerentur, certa spe adductos futuræ post hanc vitam mercedis. Vehementer mouit ea res Pachomium, qui secedens paululum à turba statuit, voutque se fore Christianum, atque adeò seculi vanitate contempta, religiosum; quod vtrumque egregiè præstint; moxque in virum eximia sanctitate præditum euasit. De quo dicamus licet, Ecclesia Pachomium non haberet, nisi Christiani liberales extitissent.

Scribit Ruffinus, in Oxiringa Ægypti oppido magistratui, atque optimatibus solemne fuisse, ad omnes oppidi portas adhibere custodes, qui pauperes atque peregrinos hospitio reciperent; pioque certamine inter se contendisse, quis eos ad se domum adduceret. Ista charitate omnes aduenæ ita vincebantur, vt tam hæretici, quàm infideles, repudiatis erroribus, Christianæ fidei manus darent, essetque tota ciuitas Christiana. Memoriam prodidit Eusebius in historia Ecclesiastica, ciuitates, quæ imperio Maximini subiacebant, pestilentia & fame mirum in modum fuisse vexatas, adeo vt mortuorum cadaueribus viæ omnes plateæque consternerentur, & à canibus dilacerarentur, nemine, præter Christianos, aut viuis aut mortuis opem ferente. Itaque miseri illi Idolorum cultores, qui dudum atrociter in Christianos martyres sauerant, laudes Dei Christianorum publicis vocibus proclamabant, affirmantes istam charitatem, non nisi à veri Dei cultoribus proficisci potuisse.

Cum Theodosius Imperator, referente Nicephoro, insignem retulisset de Persarum rege victoriam, & septem captiuorum millia secum abduxisset, Acacius Episcopus aurea argenteaq; vasa Ecclesiæ suæ comminuit, atque conflauit, captiuos redemit, & viatico instructos remisit in Persidem, ad regem suum, de Christianorum charitate vehementer obstupefactum, & desiderio videndi sancti Episcopi flagrantem; Estque admodum credibile cõplures de captiuis istis, aliisq; eorū populares, ea benignitate perluasos, Christianæ religioni, cuius instituta mirabantur, nomina dedisse. Id consentaneū est monitioni Apostoli, qui Galatas hortatur, vt non solum Christianis, quos vocat domesticos fidei, benignè faciant, sed etiam cæteris omnibus, qui foris sunt, Iudæis scilicet atque Ethnicis.

VIII.
*Propria
Christianorum.
In eius vita, c. 4.*

IX.
*Et idonea
Ethnicis
conuerrendis.
Li 2. c. 5. in
vitis patiu.
L. 9. c. 7. &
Niceph. l. 7.
c. 16.*

X.
*Liberalitas
Acacij Episcopi.
Li. 14. c. 22.*

Ca. 6. 10.
1. Cor. 5. 12.
13.

utrique sapienter. Liberalitas enim tollit dissidia, & disunctiones animorum; quibus sublatis, facile est fidei Christianæ nomen dare, quæ si spectentur mores, nihil habet non consentaneum rectæ rationi; si fidei mysteria, nihil docet, quod innato lumini aduersetur.

XI.
Ea virtus
gloriosa, &
diuina.
Pro Lig. si.

Gloriosum est hominibus, alios sibi homines obligare beneficiis, eoque maior est illa gloria, quò plures deuinciuntur benefactis. Eam virtutem Romanus Orator diuinam virtutem vocat, aut quæ proximè ad diuinitatem accedit. Cùm enim Iulio Cæsari reuocasset in mentem magnitudinem gloriæ, quam erat adeptus ignoscendo Marcello, aurea hæc verba subiecit, *Noli obsecro dubitare C. Cesar similem illi gloria laudem querere. Nihil est enim tam popolare quàm bonitas: nulla de virtutibus tuis plurimis nec gravior nec admirabilior misericordia est. Homines enim ad Deos nulla re propius accedunt, quàm salute hominibus danda. Nihil habet nec fortuna tua maius, quàm ut possis, nec natura tua melius, quàm ut velis conseruare quamplurimos. Quid obsecro dicere potuisset hic Orator, si fuisset Christianus, & notam habuisset Dei ac Christi Domini liberalitatem? quanto magnificentius illam dicendi gloriam, in tali ac tanto argumento, extulisset?*

XII.
Eam Ser-
uator exer-
cuit.
Luc. 1. 78.
Act. 10. 38.

Constat enim nullam aliam ob rem in mundum venisse Christum, quàm ut ex misericordia eius peccata deleteret. *Per viscera misericordie Dei nostri*, ait Zacharias, *in quibus visitauit nos oriens ex alto.* Testatur quoque Petrus illum à Deo vinctum Spiritu sancto & virtute, & pertransisse benefaciendo, & sanando omnes oppressos à diabolo, sed & omnia morborum genera exterminando. Voluit enim opera sua esse non solum miracula, sed etiam beneficia; ut illis vinceretur intellectus, his adduceretur voluntas ad Euangelium amplectendum. Sed illuc redeo; Si homines, ex ipsius propensione naturæ, gloriam atque honorem consecretantur, quidni diligatur liberalitas illius parens? *Beatius est, enim, dare quàm accipere*, ut Dominus ipse confirmat. Dare enim abundantia & perfectionis argumentum est, recipere imperfectionis & indigentia. Cæli & astra beneficam vim suam, cum calore & lumine, terris, omnibusque elementis impertiuntur, nihilque ab eis accipiunt. Deus beneficentissimus est in omnes res creatas, nec vllum ab eis accipit emolumentum, præter externam quandam prædicationem & laudem, qua faciliè carere posset.

XIII.
Magna glo-
ria Deum
sibi obligare.

Romæ Patres conscripti, alique viri primarij in laude sua quondam posuerunt, quòd tantum gratia apud Iulium Cæsarem valuissent, ut veniam Marcello gratiamque obtinerent, omni veteri offensione penitus oblitterata. *Ex quo profectò intelligis*, ait Orator, *quanta in dato beneficio sit laus, cum in accepto tanta sit gloria.* Si ergo Cæsari valde gloriosum fuit, non aliquem sibi Iudicium concessum, sed augustissimum ipsum Romanum Senatū obligasse, qui iura dabat;

Quà patet edomitæ Romana potentia terris;

quæ obsecro est Christiano gloria illum sibi obligare posse, cui conuenit illa vox, *Data est mihi omnis potestas in celo, & in terra*: cuius est verissimum illud elogium; *Rex regum, & Dominus Dominantium*. Ipsa porro obligatio clauissima est, certissimis, ipsisque euangelicis consignata monumentis. *Amen dico vobis, quandiu fecistis vni ex his fratribus meis minimis, mihi fecistis.*

Mat. 28. 18.
Apoc. 19. 16

Mat. 25. 40.

Quanta latitia existimamus affectum fuisse Philemonem, accepta Pauli epistola; in gratiam Onesimi famuli sui; cum legit magnum illum Apostolum, primariam Ecclesiæ Dei columnam, vadem se pro seruulo illo constituere? *Si autem*, inquit, *aliquid nocuit tibi, aut debet, hoc mihi imputa. Ego Paulus scripsi manu mea, ego reddam. Quasi diceret, hac ipsa epistola exarata manu mea, quasi chiographo meo tibi cautum volo, in are tuo sum, tibi satisfaciam pro ipso. Quantum ergo gaudium, quantamque fiduciam illum habere par est, qui sponforem habet ipsum Christum Dominum, omnium, quæ eius nomine pauperibus fuerit elargitus, usque ad calicem aquæ frigidæ? Deus meus ubi est hominum fides! ubi humana sapientia! Nam si hæc non credimus, Christiani non sumus; si credimus & contemnimus, insani profecto sumus.*

XIV.

Aut Sancti
aliquem.

Euagrius philosophus, recens ad Christum adductus à Synesio Episcopo Cyrenensi, trecentos aureos pauperibus distribuendos Episcopo dedit: ea tamen lege, vt ei Synesius syngrapha caueret, sponderetque Christum ipsi eandem pecuniæ summam in altera vita redditurum. Quæ cum ritè peracta essent, præcepit philosophus filiis suis, vt statim atque abiisset e viuus, eam syngrapham manibus eius infererent, & cum eadem corpus eius sepulturæ mandarent. Ita imperatum, itaque factum. Triduo post apparet in somnis Episcopo philosophus, moneturque vt ad sepulchrum suum veniat, chiographum cautionis accepturus, quod sibi de pecunia satisfactum esset; *in cuius rei fidem*, inquit, *inuenies subscriptam à me acceptilationem*. Postridie Episcopus cum filiis Euagrii sepulchrum adit; eoque aperto inuenitur in manu defuncti syngrapha, cum subiecta apocha, in qua fatebatur Euagrius, persolutam sibi pecuniam, quam dudum Christo per interpretem Synesium dederat. Tam insigne prodigium populus vniuersus vehementer admiratus, in Dei laudes prorupit, seruataque est eiusmodi charta in Ecclesia Cyrenensi tanquam eximium liplanum. Inuenerat videlicet iste philosophus thesaurum illum, quem Dominus iis promittit, qui rebus suis pauperibus distributis, ipsum pauperem, pauperes ipsi quoque sequuntur.

XV.

Deus soluit
Euagrio syngrapham
Synesii.
In praesentia
c. 195.

Mat. 19. 21.

Lucas Euangelista retulit in Actus Apostolorum, Tabitham matronam honestissimam, & in pauperes valde liberalem, in morbum Ioppe incidisse, ex eoque extinctam esse. Cumque inde modicè abesset Petrus Apostolus, accersitus est à Christianis. Venit, & deductus est ad locum, in quo mortua iacebat, *Et circumsteterunt omnes viduae stantes*, Ca. 9. 36.

XVI.

Elemosyna
excitavit à
mortuis Ta-
bitham.

& ostendentes ei tunicas, & vestes quas faciebat illis Tabitha; & videlicet eius laudantes benignitatem, & suam deplorantes calamitatem, quæ tanto vitæ præsidio essent orbata. Motus misericordia Petrus, positus genibus orauit, & sentiens se voti compotem, conuersus ad corpus dixit, *Tabitha surge*, quæ statim vitæ restituta est, & reddita lacrymantibus viduis cum magno gaudio, vt pergeret esse mater miserabilium personarum.

Hom. de
Auar.

Tu hîc relinques, ait Basilius, velis nolis argentum tuum, tecum autem ad Deum deferes honorem liberalitatis tuæ; ibi te apud Iudicem populus circumstabit vniuersus, pauperum te parentem ac nutritium vocitans, firmamentum debilium, perfugium miserorum, aliisque id genus nominibus, testibus humanitatis, ac benignitatis tuæ.

XVII.
Honorat li-
berales corâ
Deo.

Ædiles olim, alique magistratus in arena magnis sumptibus magnificentissima munera populo dabant, ait idem Basilius, puta gladiatorum tam inter se, quàm cum bestiis depugnantium, aliâque id genus certamina, ad popularem permodici temporis laudem colligendam. Tunc tam abiecto eris animo, tam parco ac sordido, vt à sumptibus abstineas, quibus immortalis tibi gloria præparatur? Hanc annonam, quasi quæstor aut procurator tuus, Deus ipse recipiet, angeli prædicabunt, homines, qui vnquam extiterunt, beatum te dicent, iique imprimis, qui aliquando fuerint tua liberalitate lacesciti.

CAPVT XLV.

Auarorum parcitas stulta, atque irridenda est.

I.
Auari stulti
& irridendi.
Luc. 12. 18.
19.

SI quem fortè tanta gloria modicè tangit, irrisiorem ille saltem, atque exprobrationem sempiternam, cui se obicit reformidet. Repetat memoria parabolicum illum ex Euangelio diuitem, qui antiqua horrea sua destruere cogitabat, & ampliora construere, quæ copiam nouæ messis capere possent. Is animo versabat, non aduocare pauperes, qui eum ea sollicitudine liberarent, in quam ipsum fructuum vbertas coniecerat; sed priuatim frui bonis suis, Dicebat enim animæ suæ, *Anima habes multa bona posita in annos plurimos, requiesce, come, e, bibe, epulare*. Sic ille quidem; At Deus contra. *Sulte, hac nocte animam tuam*, quasi commodatò datam, *repetunt à te, quæ autem parasti cuius erunt?* Subditque Dominus, *Sic est qui thesaurizat, & non est in Deum diues*, quid est autem esse diuitem in Deum, quàm eum sibi obligare diuitiis largiendis? qui secus facit, vel ipso iudice Deo stultus est.

II.
Multis de
causis.

Pugnat contra eundem recta ratio, cuius scientissimi Angeli illi insultantes dicent; O insanum hominem, qui nihil commeatus per manus pauperum in cælum mittit, vbi se perpetuò habitaturum sperat; omnia

vitz præsidia relinquit in terra, quò non ignorat se nūquam esse reditū-
rum! O hominem fatuum, qui de omnibus suis bonis, vix seponat sibi
ipsi, quæ sufficiant ad sepulturam, vt habeant heredes, quibus se ad nau-
seam ingurgitent! quis te docuit bona tua tam stultè, tamque malignè
partiri? vt aliorum memor obliuiscaris tui? effusis in alios opibus & co-
piis, tibi mendicitatem reserues? O virum inconsultum, qui non intel-
lexit se distributorem esse, atque œconomum bonorum, quæ vltra con-
uenientiam propriæ conditionis & status possideret. O egregium rei fa-
miliaris curatorem, qui magnam pecuniæ vim in arcis suis reliquit inu-
tilem, nec diuinæ mensæ credidit, centenos accepturus pro singulis
nummis. O malè cautum malèque prouidum quæstorem, qui sibi cre-
ditas diuitias latronibus, ac putredini reliquit obnoxias, nec eò maturè
transtulit, *Vbi neque arugo, neque tinea demolitur, & vbi fures non effo-
diunt, nec furantur.*

Basil. hom.
de Auar.

Matt. 6. 20.

Eandem dementiam Propheta quoque regius deridet. Cùm enim
dixisset fore, vt istiusmodi homines destruerentur in finem, euelleren-
tur, & extraherentur de tabernaculis suis, nec radicem in terra viuen-
tium ponerent, adiecit, *Videbunt iusti & timebunt, & super eum ride-
bunt, & dicent, Ecce homo, qui non posuit Deum adiutorem suum, sed spera-
uit in multitudine diuitiarum suarum, & prauaui in vanitate sua.* O
stupidos homines, ac mente captos, qui mensarum suarum reliquiis
emere noluerunt, quæ tam multi viri sapientes pretio omnium fortuna-
rum suarum, omnium corporearum oblectationum, ipsiusque libertatis
iactura redimere non dubitarunt. Homines plumbeos, qui intelligere
non potuerunt, quale & quantum esset id, quòd frusto secundarij panis,
vili lacerna, detrito indusio poterant obtinere; quod viri docti & sapien-
tes, propria vita, & sanguine sanctius, & antiquius esse duxerunt.

III.
Eos deridet
David.
Psalm. 7. 7.

O cæci mortales, qui non didicere, quod plerosque viros bonos ipsa
docuit experientia, Eleemosyna rem augeri familiarem, impediri iactu-
ras, Deo ipso ea bona singulariter curante, vnde ipsi benignè sit. Elee-
mosynam redditus sapienter dispensare, insanas ludorum, & ambitiosè
vanitatis impensas auertere, periculosas negotiationes iniri non sinere,
fructuosas conciliare affinitates, ingenuam ac benè moratam sobolem
heredem diuinitus impetrare. Deus enim cui liberaliter tribuunt, & pro-
pter quem alteri benignè faciunt, non patitur se humanitate aut libera-
litate vinci. Quamquã quid dicimus benignè alteri fieri propter Deum,
sibi ipsis benefaciunt. Audi enim Basilium hominem liberalem allo-
quentem, *Tu autem, inquit, quemcumque ostenderis beneficentia fructum,
illum tibi ipsi congregas. Nam benefactorum gratia in dantes reuertuntur.*
Dedisti esurienti, tibi consulisti, quod dedisti, ad te cum auctario reuer-
teitur.

IV.
Alia illibe-
ralium me-
pria.

Liberalis si-
bi ipsi vult.
Hom. de
Auar.

Finem impono vniuersæ disputationi meæ, cum altera eiusdem Ba-
silijs sententia, & ad diuites avaros adhortatione, *Et hic quidem, inquit,*

V.
Ex Basilio.

Καὶ ὁ μὲν
ἐξ ὧν τῶν κα-
κῶν βουλευ-
μάτων, τὸ
τίλος ἀπο-
δοῦν, &c.

dines, minorum horreorum scilicet destructor, & maiorum destinator, finem malis consiliis congruum est consecutus. Vos contra, optem ut à me persuadeamini, ut portis omnibus promptuariorum patefactis, latè patentem diuitiis transitum praebeatis, tanquam ingenti fluuio frugiferam terram per mille irriguos helices ingredienti, sic & vos per multas vias opibus ad pauperum domos aditum date. Nam & putei qui contineenter hauriuntur, copiosiore aqua & pulchriore fluunt, si autem quieti dimittantur, aqua vitium capiunt ac putrescunt. Sic & quiescente atque immota diuitia sunt inutilis, mota autem publice utiles fiunt, & laudem pariunt largitori. Sic sanctissimus ille atque elegantissimus Praeful, cum quo par est nos longi sermonis accipere missionem. Et quidem bene meritam, inquam, quam non frustra ab illo expectabis, cuius liberalitatem tam studiosè commendasti.

Octavi Libri finis.



LIBER NONVS,

De Mansuetudine Diuini Amoris.

CAPVT I.

Descriptio quinti filij Charitatis, cui nomen Mitis Amor.

AUTOR.

SI Liberalis-Amoris, quarti filij reginæ Charitatis, productior fuit aliquanto disputatio, causa ad immensam huius argumenti copiam referenda est, quod vsquequaque latissimè funditur, in morem fœcundæ arboris lato solo omnem in partem syluescentis. Deû quippe ipsum, quem capere nihil potest, eiûsque omnia opera comprehendit. Itaque fallus est ingenuus Adolescens se, pro huius loci amplitudine, admodum fuisse ieuunum, vehementerque orat eos qui ista cognoscent, vt illi ignorent, quòd nec sua, nec ipsorum desideria explere potuerit; eoscùmque etiam atque etiam rogat, vt erga se communem omnium creditorem imitati, bona debitorum voluntate, qui soluendo non sunt, sibi satisfactum velint, quoniam vltra vires conari, non est profectò sapientis.

Arbitror porrò, attentione renouata, diuini amoris candidatum admodum esse appetentem audiendi aliquem alium de filiis Charitatis. Ecce autem vnus eorum se nobis offert admodum cupidus pelliciendi cor nostrum in amorem mitissimi Domini, ac parentis sui. Eius nomen est Mitis Amor, oculus hilarior, tota facies lenitatem ac suauitatem spirat, qualis fuit olim Iosephi Patriarchæ, cùm se fratribus in Ægypto præbuit agnoscendum. Tenerior est adhuc eius ætas, in signum placabilitatis, quæ in pueris maximè cernitur, fert nuptialem chlamydem, cui nomē Confœderatio, in qua opere plumario iunctæ sunt manus in quincunx sparsæ. Est enim mitium inire fœdera, & reconciliare dissidentes. In ora chlamydis acu picta sunt illa verba, *Vade, & reconciliare fratrituo.* Castoreæ lanæ galerum gestat in capite, cui nomen Obliuio acceptæ iniuriæ, Flaua illi casarides, & in dextera ramus viuidentis oliuæ

I.
Transitio.

II.
*Descriptio
Mitis Amoris.*

quem vocat Pacificationem, Tunicam gerit interiorem, Cessionem de iure suo; frustra gladium pedibus calcat, altera verò manu scriptum illud Seruatoris elogium, *Discite à me, quia mitis sum, & humilis corde.*

III.
Proposio.

Quæ dum diuini Amoris candidati attentius mente conspicient, dumque hic Adolefcens sese comparabit ad docendum quanta sit diuini amoris mansuetudo atque facilitas, tam in hominibus, quàm in ipso Deo, placet rem diducere latius, & contractiorem hanc quæstionem, ad genus ipsum amoris reuocare, sic vt ipsius quoque amoris naturalis lenitas, rationibus, exemplis, ipsaque experientia doceatur: vt inde facile gradum facere liceat ad cælestem illam, & supernaturalem charitatem; ad quam tanquam ad finem primarium dirigitur tota hæc nostra disputatio. Sic naturalis Philosophia diuinæ sternit viam, & acquisitæ virtutes infusis.

CAPVT II.

Amorem vniuersè mitem esse, atque placabilem.

AUTOR.

I.
*Naturalis
amor placabilis.*

*Id docetur
Davidis ex-
emplo.*

NATURALIS igitur amoris atque humani facilitatem ex sacris profanisque monumentis, experientia, ipsaque ratione facile est demonstrare. Cum autem Mansuetudinis ac lenitatis summa laus sit, opusque proprium, animos iniuriis damnisque laceffitos, continere ne temerè moueantur, aut mitigare commotos: quis vnquam parens maioribus à filio iniuriis, damnisque affectus est, quàm Rex David à filio Absalone? Quis pater se leniorem præbuit, ac placabiliorem improbo filio, quàm David improbissimo Absaloni? Qui maiorem natu fratrem per proditionem peremerat, & quidem in conuiuio, & in oculis reliquorum fratrum, totamque familiam regiam cum ipso rege turbauerat. Rectum quidem videbatur tantum facinus, eius qui id patrauerat, expiari cæde, aut certè illum à regis conspectu perpetuo arceri; sed paternus amor facilè Dauidem, virum alioqui fortissimum, expugnauit, aded, vt mulieris vnus parabola reconciliatio facta sit. Cumque iterum postea nihilo minus deliquisset, videns David omnes copias militares ad vindictam de illo capiendam egregiè animatas, singulos duces studiosè admonebat, vt seruarent sibi puerum Absalonem. Hominem videlicet leniuerat paternus amor, & patris oculos à filij sceleribus auerterat.

II.
*Ex Marcij
Coriolani.*

Exemplum suggerit Romana historia sanè luculentum, in persona C. Marcij, qui Coriolanus dictus est, qui cum per calumniam damnatus fuisset, ac multatus exilio, Volscis, quibus tum Romani capitaliorem hostem habebant neminem; sese dedit, eaque ex gente valido exercitu congregato,

congregato, ita Romanos ciues sociosque vexauit, tot oppida tum vi, tum deditioe accepit, tot agris intulit vastitatem, vt Romani ad vltimam adacti desperationem, geminam honestissimorum ciuium legationem ad eum mitterent, fructu nullo. Miserunt & tertiam quam sacerdotes, pontifices, augures, aliaque personæ sacre, cum apparatu sacrarum vestium, ipfisq; Deorum simulachris obiere, obdormit ille nihilominus, ita æstians, & flagrans cupiditate vindictæ. Postremò legatæ sunt ad Marcium mulieres duæ, mater & vxor, cum quibus naturalis amor Marcium pectus ita concussit, atque labefecit, vt quamuis & vindictam & victoriam haberet in manibus, excuteret hic amor vtramque, & liberata patria cederet matri filius, vxori maritus, & cum certo capitibus discrimine, imbellibus armatus.

Quod ad experienciâ attinet, arbitror accuratiùs illam notari nõ posse quàm in filij prodigi parabola, quam diuina Christi sapientia ex communi hominum vltu mutuata est. Ibi quali in theatrum prodit petulans ac lasciuus adolescens, qui armis vltus amoris naturalis, cum patre luctatur: itaque mollior senem atque inflectit, vt partem hæreditatis, quæ ad eum pertinere poterat, secum auferat abiturus, breuique pessundaturus. Hic idem amor prodigo quamuis re pessimè gesta persuasit, vt de obtinenda à parente venia non desperaret; imò crederet paterna viscera ad misericordiam, in summa filij miseria, commotum iri. Nec iuuenem natius hic amor fefellit. Cum enim veniret ad patrem, certus subeundæ poenæ, quam vita profligata merebatur; videt eum à longè Pater, sed lacerum, ac seminudum, quasi è luporum faucibus ereptum, squalidum, oppletum sordibus ex hara porcorum, macie suprema confectum, oculis refugis, fusca ac decolore cute, horrido atque impexo capillo, toto denique corpore miserabilem.

Auertisset oculos alius quispiam à vilissimo capite, & cum stomacho ominosum spectaculum auersatus esset, ne dignatus quidem agnoscere filium, de decorantem & generis dignitatem & parentis. Huic autem vero parenti commota sunt viscera commiseratione vehementi. Hoc primum telum naturalis amor coniecit in senile pectus, satisque amplum patefecit aditum perduto adolescenti, vt rursus ad cor parentis penetrare posset. Non modica iam muris illata ruina est, proxima est deditio, & victoria sine certamine. Accedit ergo cunctabundus ad parentem filius, madentibus oculis, verecundante vultu, corde tristitia luctuque confecto, vt qui se à patre deprehensum videret in omnibus totius anteaactæ vitæ peccatis. Non præstolatur tetrico vultu pater venientem, acerbam meditatus obiurgationem, ac ne senili quidem grauitate incedit, sed accurrit obuiam isti nebuloni, perinde ac iuniori Tobia, re bene ac feliciter gesta, Tobias senior.

Quid multa? filius abiicit se ad parentis pedes, irruit in collum filij pater. Flet ex animi dolore filius de offenso parente, flet ex commiseratio-

III.
*Ex experien-
tia, suo pa-
rabola patris
prodigi.
Luc. 15.*

IV.
*Qua accu-
ratiùs ex-
plicatur.*

V.
Manfuetudo

ne pater, super pudore inconsultissimi nati. Filius senis pedes osculari parat, senex iacentem erigit, amplectitur, osculatur. Filius singultante voce inculcat stultitiam suam, iteratque suum illud, *Pater peccavi in calum, & coram te*. Pater cuius pectus clementia refertum erat, hilari voce vultuque, ita condonat omnia, ut ne paratam quidem orationem, ad petendam veniam, illum sinat absolueret, sed medio in cursu interrumpat. Filius tali se parente indignum verecundè profiteretur, & se mercenariis aggregat, *Fac me sicut unum de mercenariis tuis*. Pater ei filij iura, dignitatēque restituit, ornat annulo, decore vestitu induit, conuiuij hilaritate lætificat, cuius familia tota fit particeps, ad eò ut ne symphonia quidem ac chorus epulis desit. Denique tam profusa fuit ista lenitas, tam extraordinaria gratia, ut ea maior natu frater domum rediens grauitè offenderetur, ac præ stomacho domum ingredi recusaret.

VI.
Et alterum
natu maiorem
filium.

Ecce autem hîc alterum paternæ mansuetudinis exemplum. Neque enim senilis grauitatis, aut paternæ autoritatis memor, cum contumelia iubet aduocari iuuenem, aut præsentem obiurgat acrius; minimè generum. Nolebat enim recepto altero filiorum, alterius facere iacturam. Itaque domo exit ipse, ad iratum filium, rogatque ut domum ingressus communis lætitiæ, de recuperato fratre particeps fiat. Iste contra de patre conqueritur, atque admurmurat, quòd se studiosè officio fungentē suo, nec paternis vnquam imperiis repugnantem, hætenus sine vlla beneuolentiæ significatione præterierit; nepotem autem illum reducem, quasi re præclarè gesta, cum festâ lætitiâ exceperit. Hic optimus pater, omisso querelæ huius examine, maiorem etiam erga hunc ac solidiorem amorem ostendit. *Fili, inquit, tu semper mecum es, & omnia mea tua sunt. Epulari autem & gaudere oportebat, quia frater tuus hic mortuus erat, & reuixit; perierat, & inuentus est*. Quis hîc non agnoscit admirabilem diuinæ lenitatis ac placabilitatis imaginem, quæ postea declaranda est. Id nobis satis est hoc loco, in hoc parente parabolico apertè demonstrari, quàm vera sit illa comici vox, *Modica satisfactio satis est patri, & exigua lacrymarum pluuiam magnum iracundiæ turbinem sedare*.

VII.
Vilitas miti-
gat iratos.

Eadem experientia docet propriæ vtilitatis amorem, ira vel alia perturbatione commotos faciliè mitigare. Id ille Poëta canit,

*Munera, crede mihi, placant hominēque Deosque,
Placatur donis. Iupiter ipse datus.*

Os proiectum cani eius latratum sedat, & principum beneficia obturant ora maledicorū, eosque noua metamorphosi mitigatos, in laudum suarum præcones mutant. Eadem est vis beneuolentiæ, amorisque personarum. Facilis enim est amicorum reconciliatio, quos levis offensio distinxerit. Itaque comicus idem experientiæ magisterio institutus, *Amatium*, inquit, *ira, amoris redintegratio est*. Et Sapiens, *Ad amicū si aperueris os triste, ne timeas, est enim concordatio*. Quin etiam negat desperandum amico regressum ad gratiam, quamuis præceps quæpiam iracundia strinxerit gladium in amicum.

& conditio
persona.
Eccli. 22. 26
27.

CAPVT III.

Quæ causa manfuetudinis amoris effe videantur.

QVI lenitatem amoris fundatam dixerit in generali principio, de-
derit propriæ conſeruatiõis, non malè opinor dixerit. Id defi-
derium inſitum eſſe rebus omnibus, atque innatum, nemini dubium
eſſe poteſt. Omnes enim animantes, ſiue quæ armatæ ſunt cornibus,
ſiue quæ obductæ plumis, ſiue quæ teſtæ coriis, ſiue quæ veſtitæ villis,
ſiue quæ ſpinis hirtutæ, ſiue quocumque diſcrimine à cæteris ſecernan-
tur, id habent ſibi maximè à natura commendatum, vt ſe, vitam, cor-
pûſque tueantur, declinent quæ nocitura putent, & quæ ſunt ad viuen-
dum neceſſaria acquirant, & parent. Hinc mortem quanta poſſunt con-
tentione fugiunt, fame cicures efferantur, feræ aguntur in rabiem, hinc
procreandi cauſa coniunctionis appetitus, & cura quædam eorum quæ
procreata ſunt, vt quæ in ſeipſis perpetuò eſſe non poſſunt, in ſobole
conſeruentur. Plantæ quoque eandem ob cauſam humorem radice in-
quirunt, & frondoso capite liberum aërem, ac ſolem: & aquæ guttæ,
vt inimicæ ſiccitati reſiſtant, coguntur in globum. Cùm ergo odium
inter & amorem capitales ſint inimicitie, Amor ne ab odio perima-
tur, ſuſcitatur manfuetudinem, quæ iram coërceat, ne odium ex ira naſca-
tur: manfuetudo autem amorem reconciliatione conſeruat, atque red-
integrat.

Excitat quoque manfuetudinem naturalis amor, animaduérſa mul-
titudine atque acerbitate malorum, quæ ira, ſi ſemel infrenis erupe-
rit, in mundum inuehit; præſertim cùm ſuam exercet tyrannidem in vi-
rum potentem, ſed iræ impotentem. Illico enim ira ſoluitur in cla-
mores inconditos, in probra & contumelias, in minas & verbera; quin
ne celitibus quidem parcitur, aut ipſi Deo. Nunc igneſcit facies, nunc
inſtar cadaueris inalbeſcit. Labia modò tremore palpitant, modò tau-
rorum more ſpumas eiciunt; erumpit ex naribus fumus, ſtridor ex den-
tibus, fulgor ex oculis. Manus obuia quæque pulſant, frangunt, lacerant.
Hæc eſt illa bellua importuniſſima, quæ cædibus ac ſanguine ſaginatur,
quæ bella & ſeditiones exſuſcitatur, quæ denique rationem è ſua ſede de-
turbat.

Sed placet magnum audire Baſilium. Quando ſemel, inquit, iræ per-
turbatio mentem præcipitans imperium anima ſumpſerit, hominem pe-
nitius in feram conuertit, nec hominem, qui rationis ſit compos, eſſe
ſinit. Quòd enim venenum virus emittentibus erit, hoc idem & furor
animo irritatis ac perturbatis. Impetu feruntur, inſiliunt, rabie af-
ficiuntur ut canes, pungunt ut ſcorpj, mordent ut ſerpentes. Et mox,

ΚΚΚ ij

I.
Primacauſa
conſeruati-
onis cura.

II.
Metus ma-
lorum qua
iram comi-
tantur.

Ira deſcri-
ptia.

III.
Ex S. Baſilio
magno.

Hom. 10. de
ira.
Επιδαύς
ἰατρὸς
ἔλεγε
&c.

Nāq̃ om̃ifera venenata impudentius ruunt, nec prius desistunt, quā aliquo magno malo animum exsatiēt astuantē. Neque enim ensis acies, neque ignis, neque horrendum aliquid, animū ira intumescētem ac furentem satis compescere valebit, non magis quā a demonibus detentos, a quibus irati nihil, neque forma, neque animi affectu differunt. Amor igitur qui ab hisce malis abhorret, suscitāt mansuetudinem, quā indignationi frānum iniiciat, armis exuat, constringat diuini timoris vinculis, & domo pulsam pacem postliminio restituat.

IV.
Causa constitutio corporis.
Æn. 4.

Multum quoque valet ad mansuetudinem constitutio corporis, temperatioque naturæ. Sunt enim quidam ingenio miti atque tractabili, qualem nobis Æneam suum Poëta describit. Etsi enim quodam loco propositi tenacem describit, neque cedentem precibus,

Nullas, inquit, voces tractabilis audit,

rationem tamen addit, quæ rigidum illum animum atque implacabilem excuset, *Fata obstant, placidæque viri Deus obstruit aures.*

Niceph. l.
14. c. 3.
Suet. in
Tito. c. 9.
Niceph. l. 18
c. 20. & c. 38.

Talis fuit Iulius ille Cæsar, cuius in remittendis iniuriis placabilitas ab omnibus meritò prædicatur, ut qui haberet in potestate vindictam, quā illos quibus ignouit, si libuisset, vlceretur, Ciceronem, Marcellum, Ligarium, Tuberonem, alios. Talis iunior Theodosius imperator, lenissimī vir ingenij, qui nullam vnquam iniuriam vltus est, quem nemo vidit iratum aliquando, qui maluisset vitæ reddere mortuos, quem morti addicere, magnis etiam criminibus implicatos. Eadem Titi Imperatoris mens fuit: eadem & Mauritij aduersus infestissimum Cosroem Persarum regem.

V.
Ferosia quādam ingenia

Catonis.

Contra verò nonnulla ingenia barbara, ferociæque reperiuntur, quæ luporum potius aprorumque feritatem, quā humanitatem redolent; nihil admodum iuris habet apud illos ratio, perturbatio dominatur, frangi quā flecti malunt. Huiusmodi videtur extitisse Vticensis ille Caton, qui vltro sibi vitam rapuit, ne eam deberet Cæsari, & coram eo victus appareret. Vldit hoc Poëta Lyricus, cū diceret,

Audire magnos iam videor duces

Non indecoro puluere sordidos,

Et cuncta terrarum subacta,

Præter atrocem animum Catonis.

Ant. Epiph.
66.

Atrocem quoque gestabat in pectore animum Antiochus ille Epiphanes, ut sacri codices docent; atrocem & Herodes ille innocentium carnifex, qui & regiam domum liberorum, vxorum, consanguineorum sanguine cruentauit. Trucem ac truculentum Nero, quem crudelitas præ cæteris imperatoribus nobilitauit: quamuis eius infamiæ gloriam Diocletianus & Maximianus sibi vindicare posse videantur. Immiti quoque ingenio fuerunt Sapores, Cosroës, Cambyfes, cæterique fere Persarum reges; illæque in primis Attila cognomento flagellum Dei, Geisericus, Athalaricus, cæterique barbari principes, in generis humani ruinam in lucem editi, atque educati.

Sed quod obsecro Tartaro Tamerlano cognomen dari potest, quod hominis, si tamen hominis, immanitatem exæquet? Solitum quippe legimus, cum ad munitum aliquod oppidum expugnandum accederet, illico deditionem postulare, & albis urbem tentoriis cingere; altero die rubris, tertio nigris, significans si primo statim die imperata facerent, misericordiam consecuturos; si altero, cruentam fore victoriam; si tertio, cuncta tetro incendio consumptum iri. Contigit aliquando ut insignem quandam urbem obsidione cingeret, quæ se primo statim die non permisit arbitrio Barbari, sed in alterum deditionem distulit. Ut tamen cruentæ istius bestię feritatem mitigaret, pueros illi obuiam, puellâsque magno numero misit, albis indutos, oliuæ ramos manibus præferentes, sed miseri longè falsi sunt expectatione sua. Immisit enim illico equitatum, qui innoxiam illam turbam equorum pedibus conculcarent, atque obtereret; eodémque impetu iussit urbem inuadi, omnesque ciues, sine villo aut ætatis aut sexus discrimine, trucidari. Cúmque Genuensis quidam ei familiaris ausus esset ab illo rogare, quid ita inhumaniter sæuisset; ille truci vultu, An tu me hominem putas, & non iram ac vindictam Dei, & Mundi ruinam.

VI.
*Maximèque
Tamerlani.*

Sed missa faciamus hæc immania humanæ naturæ prodigia, quorum feritatem omnis ætas, omniâque secula detestantur, dicamúsque naturæ constitutionem ac temperamentum, quale ferunt esse aëreum ac sanguineum, non parum mansuetudini seruire; terrenum autem, in quo atrabilis dominatur, parum congruere lenitati, & si semel inflammata fuerit, terrificos producere effectus, eoque tristiores, quò tardius, tanquam in fornace ferrum, incanduerit. Ac ne illa quidem ignea constitutio, satis videtur ad lenitatem idonea, facile enim turbatur & turbat, pro ingenito calore ac leuitate. Hæc naturæ bonitas facile in nobilitate reperitur, & sæpe tum flaua cæsarie, tum rubicundo faciei candore atque mollitudine se prodit; adde suauem oculorum coniectum, vocis dulcedinem, verborum suauitatem. Et ut Physiognomia tota falleret, minus commoda ingenui adolescentis natura, non parum studiosa educatione emendatur, & ad lenitatem componitur. A puero enim informantur ad naturæ impetus retinendos, qui non satis ipsorum conditioni conueniunt.

VII.
*Qua Naturæ
mansuetu-
dini con-
gnata.*

*Manſuetu-
do nobilitatis.*

Roborat orationem nostram ille poëta, qui cum timidè ac tacitè de Augusto quereretur, quod minus placabilis videretur, quàm tantæ dignitati conueniret, ira canit.

VIII.
*Confirmatur
à poëta.*

*Quo quisque est maior, magis est placabilis ira,
Et faciles motus mens generosa capit.
Corpora magnanimo satis est prostrasse leoni,
Pugna suum finem cum iacet hostis habet.
At lupus, & turpes instant morientibus vrsi,
Et quacunque minor nobilitate fera est.*

Id ingenio nobili conuenit in primis, vt ne se corporis animive perturbationibus, ferri regive patiat: agreste autem & plebeium, eorum tyrannidem, maximeque iracundiæ patitur, cum se maxime liberum putat. Sed iam tempus ac ratio postulat, vt mitem Dei Amorem audiamus.

CAPVT IV.

Diuinum amorem, etiam ante legem gratia, homines mites reddidisse.

MITIS AMOR.

I. *Amorem diuinum reddere mites.* **A**V DIES sanè quomiam ita necesse est, ait Mitis Amor, sed in eo, quod percommode iecisti, fundamento inædificantem. Si ergo, vt nunc à te præclare demonstratum est, Amor qui supra naturæ vires non assurgit, hominem ita informat & condocet, vt tumultuantes perturbationum motus coërceat quamprimum, aut ne commoueri quidem sinat aliquando, vel foras erumpere; si ad veniam potius offensum hominem, quàm ad vindictam inflectit, & cum puniendum est, magnam pœnæ partem placide refecat; nemo iure dubitauerit, diuinum Amorem non minùs habiturum vitium ad clementiam & placabilitatem, quæ ad promouendam Dei gloriam, & hominum salutem dirigatur. Quid magis in vñ ac more positum, eorum qui Dei amorem ac metum rebus omnibus antiquiorem habent, quàm perpetuo esse ad reconciliationem paratos, ad omnemque offensionem remittendam furtitis ac renunciandam. Quin imo bene mereri solent de inimicis, & charitatis prunas in eorum capita congerere, quod est diuinæ Sapientiae, & Apostoli Pauli consilium, à sanctissimis quibusque viris, primis postremisque seculis usurpatum.

Matt. 5. 44.
Luc. 6. 27.
Rom. 12. 20

II. *Id docetur Abrahami exemplo in causa Sodomorum.* Eum morem vt planum faciamus exemplis, ab ipso Abrahamo Patriarcha ducamus initium; qui eximiam cordis sui lenitatem patefecit, dum pacem ac veniam à superis exprimere conatur, minuenda pœna, quàm sceleratæ illæ ciuitates à diuina iustitia extorquebant. Cum primum enim tristissimum accepit nuncium diuinitus imminentis incendij, totum se ad orandum contulit, suauissima atque ingeniosissima charitate, præ se ferens se pro solis iustis diuinam velle interpellare clementiam, quos non conueniebat eodem cum improbis supplicio implicari. Sed mox pro fontibus, in gratiam infontium, orationem inflectit, & diminuto sexies proborū numero, sexies decretum Iudicis immutat; vsq; adeo animo ferebatur ad lenitatem, & apud Deum fontem misericordiæ gratia valebat: qui hominē intimè permouebat, ad supplicium ab reis tam iceleratis deprecandum, tantòq; numero reis, vt tota vrbe Sodomorum,

ac fortè ne totis quidè quinq; ciuitatibus, decem viri boni reperti fuerint, sed Lotus vnus duntaxat, qui ex incendio, angelorum manu ereptus est.

Ponamus secundo loco Abrahami proneporem Iosephum Patriarcham, qui in re propria & sua, non minorem ostendit manfuetudinem, quàm in aliena proauus eius. Norunt omnes criminis atrocitatem, quò se reliqui Iacobi filij aduersus ipsum Iosephum minimum natu fratrem obligarant, quos vrebatur inuidia contra adolescentulum innocentissimum & longè amabiliissimum, delicias grandæui parentis, cuius propter magnitudinem mœoris, quem illi attulerunt, propemodum parricidæ facti sunt. Itaque non satis habuerunt verborum in puerum asperitatem perpetuam adhibere, *neque enim poterant ei quidquam pacificè loqui*, Gen. 37. 4: vt scriptura testatur, nisi, cum ad eos inuisendos missu parentis venisset, eum morti destinassent, & contemptis precibus eius ac lacrymis, quibus singulorum genibus accidens vtebatur, spoliatum in cisternam veterem demississent, vt ibi squalore ac luctu perditus, fame ac frigore moreretur. Eundem mox Ismaëlitis plagiarij vendiderunt, à quibus iterum venditus in Ægypto, multos annos in carcere ac seruitute transegit: donec eum Dominus totius Ægypti proregem mirabili prouidentia constituit.

Quid ergo facturus est Iosephus istis inuidis, plagariis, & domestica inhumanitate barbaris, tam malè de se, deque communi parente meritis, quorum alterum in grauissimum luctum coniecerunt, alterum in diuturnum carcerem ac seruitutem? In promptu erat tam atrocem iniuriam vlisci, & vel morti addicere, vel minimum seruituti, vt per otium illud subinde iterarent, *Merito hac patimur, qui peccauimus in fratrem nostrum, videntes angustiam animæ eius dum deprecaretur nos, & non audiuimus*. Sed satis habuit eos anxia sollicitudine vexare, & maiore timore afficere, quàm pœna: prouidens interea liberaliter omni eorum inopia, & commoditati, perinde ac si præclarè de eo meriti iam dudum fuissent: quæ tamen ipsa anxietas, vel ab inuito, lacrymas elicit. Denique *non se poterat ultra cohibere* mitissimus Ioseph, *elevauitq; vocem cum fletu, & dixit fratribus suis, Ego sum Ioseph, adhuc pater meus viuit?* Illi timore ac rei nouitate perculsi, immobiles atque elingues stupebant. Ille eos ad se propiùs clementer aduocat, omnes sigillatim complectitur, osculatur, & super singulos eorum peramanter plorat, facinus in se admissum exultat, refertque in diuinam prouidentiam, quæ id permiserit in eorum salutem. Omnes insuper euocat in Ægyptum, quos amantissimè receptos, & optima regni totius regione collocatos, ad suam vique mortem, annis duobus supra septuaginta liberaliter aluit.

Quæ tandem causa fuit huius tam egregiæ reconciliationis, obliterationæ offensionis, clementiæ, ac lenitatis? Causa utique fuit, non tam naturalis amor in suos, qui & iniuriarum magnitudine, & temporis diuturnitate poterat admodum refrixisse: duo enim ac viginti anni venditionem inter & agnitionem interiecti fuerant, sed diuini amoris flamma,

III.

Et Iosephi patriarcha in causa fratrum.

IV.

Eius miralennis.

Gen. 41. 21.

Gen. 45. 1. 2.

V.

Ex ipsius in Deum amore.

ab an. 1306. ad an. 1328.

quæ in eius pectore viuebat. In diuinam enim providentiam coniciebat oculos, non in fratrum peccatum, quo Deus sapienter usus fuerat ad maius multorum bonum. Quam Dei bonitatem ipse imitatus, plus suis quondam inimicis boni contulit, quam ab illis acceperisset mali: sui que muneris esse duxit, agnita Dei in se beneficentia, seniore parentem, egregium Dei famulum consolari, & toti eius familiæ quietem, plurimamque bonorum copiam elargiri.

VI.
Mosis mansuetudo.

Talis fuit sanctissimi huius Patriarchæ mansuetudo, quæ sæculis omnibus magno cum sensu ac prædicatione celebrabitur. Fateor tamen nihil in hoc genere admirabilius, in sacris veteris testamenti codicibus, reperiri, Mosis aduersus Israëlitas placabilitate: quos constat decies aut duodecies partim contra Deum ac Moysen oblocutos fuisse, partim etiã in seditionem versos insurrexisse; hinc Deo per ingratiſſimã idololatriã, inde Moysen per defectionem ac rebellionem deserto. Fuit hic populus, si quis vnquam, turbulentus atque intractabilis; qui Deum ipsam compelleret, modò eos igne, quem ex altari eiacularatur consumere, vt filiis Aaronis contigit, & turbæ Coritarum: modò discedentis terræ visceribus absorbere, vt Darhani & Abironis familias; modò repentina & inopinata morte perdere, vt Speculatores promissæ Chananitidis; modò gladio, peste, serpentum moribus interimere.

VII.
In gratiam improbiſſimi populi.

Exod. 32. 32

Num. 12 3

Quid è contrario pro ipsis in monte apud Dominum mitissimus Moses? Quid molitur, aut quid potius non molitur totis quadraginta diebus, vt diuinam indignationem, paratam populum funditus vnuerſum disperdere, mitigaret? Testis stupenda illa vox, quam paterna viscera profuderunt, omnibus antè sæculis inauditam: *Aut dimitte illis hanc noxam, aut si non facis, dele me de libro tuo quam scripſisti.* Quæ maior hominis charitas, quæ clementia indulgentior, aduersus talem populum reperiri potest? Itaque promeritus est illud elogium, quod Deus ipsum voluit sacris consignare monumentis, *Erat Moſes vir mitiſſimus super omnes homines, qui morabantur in terra.* Quæ causa fuit fortasse cur Aaron frater eius, & Maria eiusdem soror audacius ad obloquendum contra ipsum proſilirent. Facile enim homines patientum ac mansuetorum bonitate abutuntur. At Deus amantissimi famuli causa suscept, avtroque verbis probè castigato; Mariam horribili etiam lepra percussit.

VIII.
Et Maria sororis.

Hic Aaron fratrem suppliciter orat pro Mariæ sanitate, simulque pro vtroque veniam petit. Quid hic mortalium mansuetissimus? Num ait Deum factum esse testem innocentia suæ, & offensa in se admiffa vindicem? Num iustas Mariam pœnas luere aut ambitionis, aut oblocutionis suæ? Quin potius facilè exoratus, in signum vehementioris desiderij, clamat ad Dominum postulans forori sanitatem, iurique suo perquam libenter cedens. Nec tamen obtinuit vt ante septiduum sanaretur, vt interim lepra inquinata, & ab vniverſo populo separata doceret omnes, Deum mansuetudinem seruorum suorum diligere, eorumque

rūmque curam ſuſcipere ſingularē : quod huiusmodi homines neque poſſint propter morum lenitatem atque dulcedinem, defendere ſe, neque ob Dei amorem velint, quamuis laceſſiti, eos vlciſci, à quibus iniuriam acceperunt, quique eorum bonitate, patientia, facilitate abutuntur.

Quid Davidis manſuetudinem memorem, cuius ipſe quoque teſtis eſt, cum ait, *Memento Domine David, & omnis manſuetudinis eius, in perpe-* IX.
Davidis
manſuetudo.
tiendis videlicet humiliter omnibus aduerſis, quæ permittente te irru-
bant in caput meum. Quò etiam videtur alio loco reſpexiſſe cum dice-
ret, *Si reddidi retribuētibus mihi mala, decida merito ab inimicis meis* Pſal. 131.
inanis. Si mala rependi malis, fecique vt inimicus meus talem colligeret
meſſem, qualem ſementem fecerat, ego viciffim redigar ſub eorum po-
teſtatem, & inutilis ſit deſenſio mea: vel amittam meritum datæ veniæ
inimicis meis, aut quod eorum iniurias benefactis obruerim, iuxta illud
eiufdē Prophetæ. *Poſuerunt, inquit, aduerſum me mala pro bonis, & odium* Pſal. 108. 4.
pro dilectione mea. Sed factis ipſis verba longè vincebat.

Ecquis enim non admiratur in dies magis illam Davidis dulcedinem, & incomparabilem bonitatem, qua vſus eſt aduerſus Saulem, qui eum capitali odio proſequēbatur, qui vbique eum perſequēbatur infeſtus: qui populum ſuum vniuerſum, quaſi ære campano ad arma contra Davidem euocauerat, vt eum quoquo modo comprehēſum viuum ad ſe mortuū m-
ve pertraherent: qui eius perfodiendi cauſa lanceam in illum ſuam ſemel iterumque vibrarat: qui ſe illi per proditorem & fraudem recōcilauerat, vt eum incautum inuaderet, & imparatum; qui quot habebat aulicos, to-
tidem ei proditores ſuſcitabat, vt ne à Ionatha quidem filio ſuo, & Mi-
chole filia, quam illi vxorem dederat, abſtineret: qui omnes eius amicos, & 3.
parentes, conſanguineos hoſtium loco numerabat, adeo vt ciuitatem Nobe generali ſtrage deleteret, ab ipſo pontifice Achimelech, & quin-
que & octoginta ſacerdotibus & leuitis initio carnificinæ ducto; vt de illo ipſo pontifice vindictam ſumeret, quod ſummam Davidis inopiam datis panibus ſubleuaſſet, cum putaret ſe eidem ipſi Sauli rem gratam facere; qui denique eum cogebar alia ex aliis oppida, deſerta loca, ſpeluncas, in præſenti ſemper mortis discrimine, fugiendo commutare.

Hoc rerum ſtatu ecce tibi mirabile certamen amici contra inimicum ſuum, Saul Davidi mortem omni ſtudio machinatur, David Sauli vitam, fortunas, regiam dignitatem conſeruare ſtudet. Saul ardet deſiderio trūcandi Davidi caput, David tundit ſibi pectus, quòd illi chlamydis oram ſit auſus abſcindere. Saul ſubditos omnes concitat ad comprehendendū aut occidendū Davidem, David dum habet in poteſtate Saulem, ami-
cos omnes & ſocios deſiderio Saulis occidendi flagrantes retinet, & abi-
re permittit incolumem, contentus de ipſius iniuriis queri, & patefacere innocentiam ſuam. Saul perſeuerat vrgendo Davidis ruinam, David in parcendo regi; adeo vt cum eū ſomno ſopitum deprehendiſſet, poſſet-
que ſua ipſius lancea Saulem impunè perfodere, lanceam eandem, & vas

aquæ, quod erat ad dormiētis caput, abstulisse cōtentus, abierit; etsi probē norat eo mortuo se ad regnū apertam ianuam, & iter expeditum habere. O mirabilē Davidis bonitatē! O mansuetudinē singulārē, & ipsius inimici ore cōmendatam, lacrymīsque testatā, cum iusta propriæ confessione malitiæ. O subditū meliore principe dignū! O quantū virium habet diuinus amor ad frangendā iracundiā, & naturæ violentiā violenter cōprimendā!

CAPVT V.

Idem diuini amoris effectus in lege gratia.

I. **M**IRABILIA profectō sunt hæc mansuetudinis exempla; Nec dubiū est Dauidem, in tot vindictæ incitamentis, ab ipso Dei amore cōhibitum, atque mitigatum. Id planū facit Dauidis ipsius illa vox, *Propitius sit mihi Dominus, ne faciam hanc rem Domino meo, Christo Domini, ut mittam manum meam in eum, quia Christus Domini est.* Et illa rursum, *Viuat Dominus, quia nisi Dominus percussisset eum, aut dies eius venerit ut moriatur, aut in prælum descendens perierit, propitius sit mihi Dominus, ne extendam manum meam in Christum Domini.* Hæc autem magis mira sunt hæc exempla, quod in lege Mosaica, quæ nihil ad perfectū adducebat, contigerunt. Itaque admodum rara sunt atque singularia, cū Evangelica lex duodena, centenāque suppeditet. Vide obsecro quæ sit Pauli oratio, non ad vnum alterūque; scribētis, sed ad omnes Hebræi generis Christianos. *Rememoramini, ait, pristinos dies, in quibus illuminati magnum certamen sustinistis passionum; & in altero quidem opprobrijs, & tribulationibus spectaculum facti, in altero autem socij taliter conuersantium effecti. Nam & vincētis compassi estis, in vincula videlicet vos quoque; coniecti, & rapinam bonorum vestrorum cum gaudio suscepistis, cognoscentes vos habere meliorem, & manentem substantiam, quæ videlicet vos in cælo præstolatur.*

II. Hoc gaudium vnus est de primis fructibus charitatis, ipsiūque mansuetudinis summa perfectio, quando mitis non solū fert patienter iniurias, sed in medio rerum aduersarum cursu hilarescit. Eadem erat causa Pauli Apostoli, cū Corinthiis scriberet. *Multa mihi fiducia est apud vos, multa mihi gloriatio pro vobis, repletus sum consolatione, superabundo gaudio in omni tribulatione nostrā; quamuis rebus aduersis vndique premeretur, foris pugna, intus timores.* Et paulō pōt de iisdem Corinthiis, *Sustinetis, inquit, si quis vos in seruitutem redigit, si quis deuorat, si quis accipit, si quis extollitur, si quis in faciem vos cedit.* Ita videlicet in vsum morēsque deducebatur illud Seruatoris vaticinium. *Eritis odio omnibus propter nomen meum; & rursum illud, Absque synagogis facient vos: sed venit hora, ut omnis qui interficit vos, arbitretur obsequium se prestare Deo; ut qui diuinitatis inimicos exterminare se putent.*

III. Fieri tunc aut profiteri se esse Christianum, nihil erat aliud quā scopus, in quem omnia inferorum tela dirigerentur: & contra se omnes principes & dynastas, omnes reges & imperatores armare.

Ipsi nihilominus, neque patiētiae, neque interioris gaudij iacturam faciebant. Testatur enim S. Lucas, Apostolos abiisse *gaudentes à conspectu concilij, quod digni habiti essent*, non suauiter epulari, non opibus vel honoribus augeri, sed *pro nomine Iesu contumeliam pati*. Quibus consentaneus est hymnus ille ecclesiasticus, *Caduntur gladijs more bidentium*. Vtiq; more bidentium. Sunt enim oues certum māſuetudinis hieroglyphicū, quæ primū in eorū pastore eluxit, de quo scriptū est, *Sicut ouis ad occisionem ducetur, & quasi agnus coram tondente se obmutescet, & non aperiet os suum*.

Act. 5. 41.

Iſa 53. 7.

Et Seruator quidē discipulos oues appellat suas, *Oues mea vocē meam audiūt*. Sed Dauid addit eas esse morti destinatas, *Propter te, inquit, mortificamur tota die, estimati sumus sicut oues occisionis*. Nec alia mēs erat Seruatoris cū diceret, mittere se discipulos suos, *sicut oues in medio luporū*, à quibus videlicet nihil præter crudelitatem expectandum est. Quidni autem animarentur ad manſuetudinem, qui didicerant Beatos esse mites, quippe qui terram viuentium posselluri erant? Ergo & manſuetudinem suam probabant, diligendo ex magistri præcepto inimicos suos, benefaciendo iis qui oderant eos, benedicendo maledicentibus, & iis Deum placando, à quibus calumnijs appeterentur. Probabant, cū percussa maxilla vna, alterā non inuiti exhibebant; cū spoliati pallio, etiam tunicam sibi auferti patiebantur. Probabant deniq; se habere in corde fixam illam mitissimi magistri prælectionem, *Discite à me quia mitis sum, & humilis corde*. Itaq; nihil mirum primum illum Christi discipulum ita de se, cæterisq; socijs loqui. *Vſque in hanc horam & esurimus, & sitimus, & nudifumus, & colaphis cadimur*; Hæc quidem patientia est, sed audi māſuetudinem, *Maledicimur & benedicimus, persecutionem patimur & sustinemus, blasphemamur, & obsecramus, tanquam purgamenta huius mundi facti sumus, omnium peripsēma vſque adhuc*.

IV.

Inſtar ouium manſuetis.
Pſal. 43. 22.
Mat. 10. 16.

Exemplo Christi.

I. C. 4. 11. 12.

Nihil item mirum eundem Apostolum tam serio hanc virtutem suis discipulis cōmendasse. Hæc enim Cretensiu Archiepiscopo Tito inādebat, *Admone illos principibus & potestatibus subditos esse, nō litigiosos esse, sed modestos; omne ostendentes manſuetudinem ad omnes homines*. Timotheo verō Ephesiorum Antistiti. *Seruum, inquit, Domini non oportet litigare, sed mansuetum esse ad omnes, docilem, patientem, cum modestia corripiēte eos, qui resistent veritati. Ne quando Deus, opera suauitatis istius, det illis poenitentiam ad agnoscedā veritatem. & dolore de peccatis concepto, amplectantur fidem. Induite vos, ait Colossensibus, sicut electi Dei, sancti & dilecti viscera misericordiae, benignitatem, humilitatem, modestiam, patientiam, supponentes inuicem, & donantes vobismetipsis, si quis aduersus aliquem habet querelam, sicut Dominus donauit vobis, ita & vos*. Galatas quoq; monet, vt si quis præoccupatus fuerit aliquo delicto, in spiritu lenitatis instruat. Et alio loco arguit Corinthios, quod inter se litigarent, *Quare non magis, inquit, iniuriam accipitis? quare non magis fraudem patimini? quod scilicet modestiae est, & manſuetudinis Christianae*.

V.

Manſuetudo Christianis ab Apostolis cōmendata.
Tit. 3. 1. 2.
2. Tim. 2. 4.

3. 12.

c. 6. 1.

1. Cor. 6. 7.

CAPVT VI.

Exempla singularia mansuetudinis Christianæ.

I.
*Mansuetudo
S. Ioannis
Eleemosyna-
rij.
Ex vita.*

x. Cor. 6. 7.

II.
*Aliud eius-
dem exem-
plum mira-
bilis.*

III.
*Mansuetudo
Apollonij.
L. 2. c. 19.
ca. 66.*

*De Ioannis
Fernandij.
L. 4 c. 7. vi-
tæ Xauerij.*

ET hæc quidem vniuersè pertinent ad Christianos. Quòd si placeat singularia huius virtutis exempla proferri, occurrit in primis Ioannes Alexandrinus Patriarcha cognomento Eleemosynarius. Egregiè profectò magnus ille vir Christi Domini, & Apostoli eius doctrinam hauserat. Is enim cùm aliquando duo aureorum millia improbo cuidam homini mutua dedisset, quæ ille postmodum negauit accepta, non permisit suos illum compingere in carcerem, aut illius bona addicere fisco; quin suam potius aduersus eos lenitatem tuebatur, illis Apostoli verbis, *Quare non magis iniuriam accipitis? quare non magis fraudem patimini?* Præclarum sanè facinus inquam, sed præsentibus Christianorum moribus repudiatum, atque antiquatum: & non immeritò fortasse crescente hominum malitia, cui lenitas ista indulgentius seruiebat.

Sed audi nihilominus, ait Mitis amor, eiusdem Antistitis facinus longè admirabilius. Iusserat is aliquando cuidam mendicanti dari decem nummos eleemosynæ nomine. Ille qui maiorem multò stipem à liberali patriarcha expectabat, mussitare palam, atque obloqui, denique sanctum præfulem probris petulanter incessere. Hic famuli pontificis, facinoris indignitatem demirati, nebulonem merito accipere fustuario parabant. At mitissimus patriarcha Dauidis mansuetudinem in causa Semei præclarè imitatus, grauib. suos verbis accepit. Quid, inquit, molesti estis isti misero? Sexagesimum ego iam annum Dominum meum operibus meis laceſſo, & ille me tolerat: ego istius vnum verbum non feram? Quæ cùm dixisset nummarium ei sacculum aperiri iussit, ut ille inde, quantum ipsi visum esset, acciperet, animi lenitate, lingua manûque egregiè confirmata.

Ruffinus & Palladius memorant Apollonium quendam professione religiosum, dignitate martyrem, qui cùm captus esset ab Ethnicis, & in vincula coniectus, ab eis certatim probris ac contumeliis lacerabatur, in quibus eminebat Philemon quidam fidicen. Hic Apollonius Stephanum protomartyrem imitatus, fili mi, ait, Deus misereatur tui, nec tibi omnia hæc verba imputet in peccatum. Mouit hominem hæc mansuetudo, ad Christum conuertit, & martyrij socium Apollonio dedit. Ioannes Fernandus de Societate Iesu, S. Xauerij in Iapone socius, Amangucij media in turba infidelium concionabatur. Eorū vnus collectā in ore pituitam, in loquentis faciem petulanter coniecit. Ea iniuria Fernandus nihil cōmōtus, sputū abstergit, & institutum sermonem pertexit. Hic vnus adstantiū hominis patientiam lenitatēq; demiratus, non temerè iudicauit eam

religionem, quæ homines tanta patientia & mansuetudine ornaret, egregium habere aliquid ac diuinum. Ergo mox Fernandium adit, curâtque se probè de fidei elementis doceri, primûsque omnium in oppido illo baptizatus, initium dedit conuersioni totius regni ad Christianam fidem.

Sed vt antiquiora videamus, mirabilis fuit S. Paphnucij abbatis mansuetudo in probrosa calumnia toleranda. Cùm enim splendor virtutum eius, inter religiosos viros, tota in Ægypto latè claresceret, cuiusdam miseri hominis oculos ita perstrinxit ille fulgor, vt victus inuidia furti crimine sanctum virum deformare statueret. Obseruato itaque tempore, quo Paphnucius erat in Ecclesia, codicem ille suum inter palmas, quas senex texebat, abscondit, indeque tacitus adit Ecclesiam; Ibi peracto diuino officio sistit se calumniator S. Isidoro, queriturque codicem sibi furto sublatum. Nouum crimen, & in illis locis ad eam diem inauditum perculit vniuersos. Rogat porro S. Isidorum, vt, religiosis omnibus in æde sacra subsistere iussis, nonnulli ex antiquioribus patribus destinentur, qui Monachorum cellulas inuisant, ac scrutentur. Quod cùm factum esset, inuentus est liber apud Paphnucium, & publicè delatus in templum.

Ibi videlicet admirari omnes, partimque circumspicere sese, partim, deiectis in terram oculis, Paphnucij vicem dolere. Ipse minimè purgare se, sed quasi in manifesto scelere deprehensus, veniam, pœnamque postulare; Apud Deum autem precibus instare vehementiùs, augere ieiunia, & summa cum humilitate, quasi probrosi manifestique criminis reus, omnium religiosorum pedibus accidere. Quindecim iam dies abierant, & Paphnucius ad ædem venerat, vt prostratus ad ianuam fieret omnibus supplex: & ecce diuinæ prouidentiae miraculum, mansuetissimam sancti senis innocentiam protegentis. Dæmon, qui prius animum calumniatoris inuaserat, inuadit & corpus, & ad publicè fatendum crimen suum, & innocentiam Paphnucij compellit: neque à diuturno vexatore liberari potuit, nisi Deo innocentissimi viri precibus exorato.

Non minùs admirabilis fuit mansuetudo S. Petri martyris, ordinis S. Dominici, quæ cùm inter orandum Sanctæ Agnes, Catharina & Cæcilia inuississent, tam alta cum eo voce loquebantur, vt foris extra cellulam à prætereuntibus exaudiretur. Itaque quidam è fratribus, agnita femininarum voce, Petrum in publico religiosorum conuentu accusat, ea verborum grauitate, quam crimen, si verum fuisset, merebatur. Hic vir sanctus ne singulatam Dei erga se gratiam patefaceret, nullum pro innocentia sua verbum fecit, id modò, humi prostratus dixit, magnum se esse peccatorem. Hic Superior hominem acriter publica oratione castigat, moxque ad aliud monasterium carceri mancipandum ablegat, vbi longa pœnitentia, multorum irrisione, & contemptu maceratus, in humili mansuetoque silentio continuit se, sperans fore vt Deus, qui virtutem eius acuebat, etiam ipsius causam suscipere, & præsentia infamia

IV.

Item Paphnucij Abbatis.

Ca. l. 18. c.

15.

V.

Plinius ex-plicata.

VI.

S. Petri Venetis signam calum-niam passus.

mia liberaret. Itaque fecit, sed aliquanto serius, ad maius serui sui virtutis incrementum.

VII. *Quem Christus consolatur.* Cùm ergo Petrus aliquando in Ecclesia coram crucifixo gerneret, & quasi apud amantissimum patrem, familiari querela cordis sui æstus expromeret, quod tam diu obrui se iniusta accusatione pateretur, eiusque gratiam in opprobrium verti, & scandalo esse fratribus suis, se autem non admissi facinoris pœnas dare. Cui Christus ex ipsa cruce respondens, *Et ego, inquit, Petre, quid facinoris admiseram, ut hisce clavis affigerer cruci?* Qua voce vir sanctus tantis incessit latitiis, ut pudorem, opprobria, omnemque anteactæ vitæ vexationem, non modò non ægrè ferret, sed augeri cuperet, nec sceptris omnibus & coronis cōnutare vellet. Nihilominus misericors Dominus innocentiæ famuli sui in priore illo monasterio patefecit, vbi deinceps, totòque religioso ordine, magno in honore ac veneratione habitus est, auctus humilitatis, modestiæ, ac lenitatis incrementis.

VIII. *Exemplum Alexandrina mulieris mansuetudinem exercebat.* Maiorem etiam vim in hoc genere prodit diuina gratia; id enim ab humana imbecillitate obtinet, ut mansuetudo non solum irā coercet, in variis occasionibus, quas diuina prouidentia permittit accidere, sed illam etiam prouocet animosè, exacuat, concalefaciat, ut maiore mox impetu, meritòque eam infringat, ac domet. Refert Cassianus fuisse Alexandriæ religiosam matronam, quæ ab Athanasio Patriarcha petiit sibi dari educandam unam de viduis, quæ ab Ecclesia nutriebantur, ut cum ea virtutum actus addiscere, ac frequentare posset. Is dedit ei mulierem exemplar demissionis animi, patientiæ, lenitatis. Matrona viduæ huius mores aliquandiu experta, Præfulem adit, negatque mulierem illam idoneam esse ad id quod quærebat. Ergo aliam accipit valde difficilem, atque acerbā: cui cùm matrona diligenter, studiosèque inferuaret, eamque non famulam, sed heræ loco haberet, ista famulatum non morosè tantum, sed contumeliosè accipiebat, quasi eius diuexandæ, non subleuandæ gratia ab Episcopo postulata esset. Eoque res ista progressa est, ut mulier impudens verberibus accipere non dubitaret eam, quæ ipsi quanta maxima poterat demissione animi, ac suauitate inferuiebat. Cùmque diu tam eximiam mansuetudinem exerceret, gratias egit Athanasio, quod eam sibi sceminam, quæ sibi necessaria esset, virtutis magistram dedisset.

IX. *Et S. Catharina Senensis.*

Sanctissima Catharina Senensis extulit etiam altius vexillum patientiæ ac lenitatis. Vt enim hasce virtutes modo quodam heroico exerceret, statuit famulari mulieri inopi, viduæ, grandiq; natu, & quod caput est diro carcinomate tabefactæ. Vsq; adeo enim cancro pectus habebat exesum, ut nemo id absque horrore intueri posset, nemo ferre magnitudinem foetoris. Nihilo tamen minus alacriter illi sancta virgo, ac beneuolè seruiebat. Eam virtutem cùm dæmon iniquissimè ferret, ita ægotantis mentem perturbauit, ut amantissimam virginis studiosissimumque famulatum pessimam in partem acciperet, & ibi odij causas inueniret, vnde summæ beneuolentiæ segetem colligi oportebat. Eo denique miseram aegit malus dæmon, ut sanctam Virginem impuræ libidinis accusare publicè nō

ambigaret. Et ne conuitium subita iracundia tribueretur, non veritati interrogata ea de re, infelix calumniam nouo mendacio cumulauit.

Hoc uidelicet erat pupillam oculi virginis integerrimam, non attingere, sed perfodere: nec tamen illa destitit propterea, partim de more impro-
bissimo cadaueri exhibere odiosissimum famulatum, partim suauiter gemere apud Christum Dominum sponsum suum, qui eam mirifice recreauit: hinc spondens se curam habiturum honoris sponsae suae, inde iubens ut constantem operam poneret in mulieris obsequio, & cura sanitatis eius. Paulò post ostendit Dominus visum quoddam illi mulieri, in quo Catharinam, quae ipsi tam beneuolè seruebat, uidit eximia luce ac maiestate praeditam. Ergo vehementer erubescere, visum publicè ac palam enarrare, accusare se ac damnare calumniae, assertionem improbissimè confictam retractare, & veniam à sanctissima virgine, ut par erat, humiliter postulare.

Mirabile Virginis huius exemplum multos obscurat actus virtutis huius, quos vitae patrum exhibent: qualis fuit is, quem Cassianus vehementer commendat, religiosi cuiusdam, qui in conspectu ducentorum aut trecentorum monachorum, insignem alapam accepit ab Abbate suo, qui egregiam hominis mansuetudinem omnibus notam facere cupiebat, nec tamen ille cuiuspiam culpae reus erat, praeterquam per exiguae tarditatis; neque tamen propterea ullam vocem emisit, aut vultus solitam serenitatem amisit: docuit potius quantum in edomanda iracundia profecisset.

Sed laudabilior multo, atque mirabilior fuit mansuetudo Dauidis abbatis. De quo scribit Theodoretus praefuisse illum coenobio, in quo centum & quinquaginta monachi versabantur, quos quinque & quadraginta ipsos annos ita rexit, ut nunquam ex eius ore verbum, aut ex eius vultu reliquòve corpore signum ullum prodierit iracundiae, quamuis aliquando fuisset à suis subditis verborum contumeliis lacessitus; semel praesertim in praesentia religiosorum externorum, qui Dauidis lenitatem, & verborum suauitatem, quibus contumeliosum à se hominem, subditumque dimiserat, vehementer fuerant admirati.

Ingenue tamen fateor non minorem videri lenitatem illam, nec minori admiratione dignam, quae habetur apud Rufinum de sene quodam Amnone monacho, quem multae corporis aegritudines continenter diuexabant; habebat autem secum socium ac discipulum religiosum iuuenem, nomine Ioannem, quem ille seuerè atque asperè tractabat; iste autem vice versa aduersus morosum senem patientia, cura, charitate, perpetuamque humanitate certabat, idque duodecim annorum spatio, quandiu scilicet Ammon in viuis fuit. Qui cum mortem adesse sentiret, euocauit ad se Ioannem, cuiusque manu apprehensa, ter illi salutem beneuolè impertiit, eundem commendauit heremitis, qui ad se inuisendum conuenerant, asserens illum non hominem esse sed Angelum, qui bile, felle, stomacho careret, qui hilariter ac studiosè magistro perpetuo ministrasset, quamuis nunquam ab eo leniter appellatus, nunquam nisi adducto pene supercilio illum aspexisset.

X.
Cuius honori
Christus
providet.

XI.
Alia quorundam
religiosorum
exemplum.
Collat. 19.
c. 1.

Vitae Pat. 1.
9. in vita
Eusebij.

XII.
Et nominatim
Ioannis
discipuli
Ammonis.
1.3 vit. Patr.
n. 155.

XIII. *Quam inf-
gnis Ioannis
mansuetudo* Hic ego profectò nescio vtrum magis admirer, senémne, qui tam-
diu seueram personam, quam apparet sponte susceptam, sustinere po-
tuerit, quamuis eam iuuenilis Charitas, demissio animi, patientia vehe-
menter labefactaret; aut contrà religiosum iuuenem, qui omnes iræ acu-
leos, qui subinde erumpere conabantur, retundere potuerit, & cum te-
trico ac moroso sene consuescere: ad quem integram non erat accedere
propiùs, nisi qui statuisset spinis, tanquam in senticeto configi. Senex
aduersus lenitatem decertat, quam foras prodire non finit; iuuenis con-
tra morositatem difficillimi senis, quæ ei patientiam ereptura videba-
tur. Vim sibi vterque infert, alter in suum, alter in socij spiritale emolu-
mentum. Iuuenis dat operam ne vllam seni occasionem præbeat offen-
sionis: Senex id maximè agit, vt egregiam iuuenis virtutem exaggeret.
Accusat iuuenis stuporem suum, qui tanto tempore vni religioso viro
satisfacere non didicerit: miratur senex in corde suo iuuenem mansue-
tissima charitate florentem, quem importuna senis inhumanitas non
frangebat, à quo neque emolumentum accipere videretur, neque con-
solationem. Deus immortalis, quæ nostra lenitas est, quæ patientia, si
eam illi componere audeamus! qui verbum vnum paulò durius ferre
non possumus, qui ambimus verborum lenocinia, instar puerorum mol-
lium ac delicatorum; qui statim animo frangimur, ac diffidimus illis
ipsis quibus placere volumus, nisi perpetuò nobis arriserint: proh quan-
ta est nostra imbecillitas, quantulum patientiæ possidemus, atque le-
nitatis!

CAPVT VII.

Eximia Deiparæ virginis lenitas ac mansuetudo.

I.
*De Virginis
mansuetu-
dine conie-
ctura.*

SI nullum nobis ex sacris codicibus suppeteret argumentum lenitatis
ac mansuetudinis sanctissimæ Deiparæ, eius tamen summa dignitas,
animique demissio validas nobis coniecturas suggererent, illius quam
inquirimus virtutis. Mansuetudo enim veræ magnitudinis cognata est,
eique mirificè congruit, vt quæ tenuiorum perfugium ac firmamentum
esse debet. Maximi olim principes, regesque potentissimi Patriæ patres
audierunt, eumque titulum gratum habuerunt, & gloriosum esse duxe-
runt, ij maximè, qui vel in virtutem propensiores erant, vel literarum
studiis magis exculti. Vt enim soli asperitatem agricultura, sic animo-
rum ferociam mitigant disciplinæ liberales, in primisque Christiana
Philosophia. Viri principes, qui ad clauum rerum publicarum sedent,
& populis summa cum potestate præsunt, amplissima dignitate indi-
gnum censent iracundiæ dominationi parere. Norunt proprium esse sa-
pientis

piensis imperare, & qui sapientia careat, primario rectæ gubernationis præsidio carere; neque ignorant iracundiam inimicam esse sapientiæ, & multa in regendo peccare, ideoque illam studiosè coërcent, fiuntque manfueti.

Quis ergo dubitabit Angelorum reginam, Dei matrem, & securum filium omnium electorum principem, hac tam eximia virtute diuinitus copiosè ornatam fuisse; præsertim cum à Deo electa fuerit, & constituta patrona peccatorum, miserorum perfugium, & Deum inter & homines optatissima mediatrix. Summa eius dignitas in dubium reuocari non potest, cum eam ipsamet in suo cantico fateatur, simulque eam Deo opt. max. acceptam ferat. *Fecit, inquit, mihi magna qui potens est, & sanctum nomen eius.* Neque magis de illius humanitate, misericordia, lenitate, cum fons ipse misericordiæ apud ipsam hospitio acceptus fuerit, eoque nouem menses vsus, eam, vt ait Bernardus, in viscera misericordiæ commutarit. Volebat eam ab omnibus, vt par erat amari, atque honorari: illam igitur ea virtute ornavit, quæ præstanti dignitate præditos atque honoratos maximè decet, & quæ eandem tenuioribus efficeret vehementer amabilem.

Animi quoque demissio sanctissimæ virginis, pro eiusdè mansuetudine suffragium ferre iubet. Constat enim harum virtutū alteram alteri sororem esse germanam, & alterā ab altera diuelli ac seiungi non posse. Itaque ipse Dei filius simul mitem se, atque humilem corde profitetur, & sancti omnes nō in altera tantū, sed æquè in vtraque floruerunt, vt faciliè ex superioribus exēplis intelligi potest. Et Christus Dominus, cum plerosque præter vulgi sensum, captūq; beatos esse profiteretur, primo quidem loco pauperes spiritu, id est humiles collocauit, proximè autem subiunxit mites. Cuius rei ea ratio afferri potest, quod ira & indignatio, quæ pacem violat aut turbat, fere in contemptu aliquo fundatur. Demissio verò animi contemptum minimè reformidat aut ægrè fert; ambit, illum potius atque desiderat; itaque si contemptus viro humili contingat, non indignatur, sed animi pacem cum mansuetudine conseruat. Quod si quis aduersus illum excandescat, faciliè iratum sua humilitate placat, eique quantam maximam potest satisfactionem exhibet.

Cum ergo Virgo, cætera quoque incomparabilis, summa demissione animi prædita fuerit, summa quoque in ea lenitas necessariò admittenda est. Nam quæ maior optari potest mentis summissio, quàm illam, quæ non solum ab Archangelo demissè salutatur, sed à Deo euehitur supra omnem dignitatem, quæ vlli rei; quæ infra Deum sit, contingere potest, nihil tamen blandientevanitate tangi, nihil inani opinione sui efferri, sed timere potius atque turbari, *turbata enim est, & cogitabat qualis esset ista saluator.* Longissimè quippe aberat ab huiusmodi cogitationibus & cōsiliis, in suo nihilo, coram omnium honorū largitore Deo præclarè fundata. *Respexit humilitatem ancilla sua.* Neque illa se tum plurisfecit quā

II.
Prior. ex
eius dig. ita-
te eligitur.

III.
Posterior ex
eiusdem an-
ni demissio-
ne.

IV.
Quæ eximia
in Virgine.

antea, sed in contemplatione sui nihili constanter stetit, omniâque bonâ, quæ in se agnoscebat, vni Deo verissimè tribuit. Quò autem plura gratiarum ornamenta recipiebat à Deo, hoc se non præstantiorem, aut meliorem putabat, sed obligatiorem Deo, & erga mortales omnes amabiliorem, & mansuetiorem reddebat.

V.
Sociam habebat eximiâ lenitatem.

Quanta erat cordis illius suauitas, quam præpotens Deus ad tantam extulerat dignitatem, tanta demissione animi locupletarat, tam excellenti corporis constitutione donauerat, vt quæ in filij Dei humanitatem esset redundatura. Quàm mite quàmque amabile fuit cor illius, cuius vitæ consuetudo, ac familiaritas perpetua erat cum Deo, & angelis eius, in illis ædis Hierosolymitanæ cubiculis, virginum habitationi destinatis; quæ longè semota erat ab omni seculi vanitate, mundanisque negotiis; eius denique, quæ vnum habebat doctorem, ac gubernatorem Deum, procuratores Angelos Dei. Paulò autem post suauissima fuit eius familiaritas, & quotianus vsus cum Iosepho sponso dilectissimo, atque integerrimo, postquam turbæ illæ, propter vterum prægnantis exortæ, dissipatæ sunt, propter quas de ea occultè dimittenda ille cogitabat: cū interim Virgo, ex mentis demissione singulari, mirabilem suam gloriam reticeret, remque totam diuinæ prouidentiae cōmitteret, & tamen aduersus afflictam sponsi mētem intimis sensibus cōmiseratione moueretur.

VI.
In primisque aduersus sponsum Iosephum.

Postquam vero Archangelus magnum illud incarnati Verbi arcanū in somnis Iosepho patefecit, quanta putas cum verecundia suas ipse suspensiones damnavit, quàm summis à sponsa virgine veniam petiit, quàm amanter impetrauit, quàm suauiter in amplexus pudicos, osculâque purissima conuenerunt. Quæ fuere deinceps vtriusque colloquia super eodem mysterio, cuius à Deo electi fuerant administri, quàmque eandem ob causam amici sermones? Quantus inde conciliatus amor? accedente insuper vtriusque integritate, mansuetudine, innocentia, charitate, quæ sunt virtutes, cum primis amabiles, fœdere denique coniugali, cuius Deus autor fuerat, & interueniente prodigio quasi paranympus. Quanta erat vtriusque in alterum reuerentia, quantus honos. Virgo Iosephum superiorem agnoscebat & Dominum, vt olim Abrahamū Saram, appellabat. Ioseph cōtra sponsæ suæ prærogatiuas præclarè intelligens, & nominatim illā verissimam Dei maternitatē, cū ipse filij Dei, ac B. Virginis futurus esset nutritius duntaxat parens, & vtriusque custos fidelis.

VII.
Mutuum eorum amor & reuerentia.

Sap. 7. 11.

Virgo Iosephum suauissimè diligebat, atque honorabat vt tutorē, vt curatorem, vt ducem, vt propugnatorē; vt eum, qui victum sibi vestitūque proprio labore acquirebat, & qui occultum tunc mundo mysterium honestè obiegebat. Iosephus autem virginē amabat, ac reuerbatur, vt causam proximam omnium gratiarum & consolationum, quas illi Deus effusè largiebat, vt posset cum Sapiente dicere, *Venerunt mihi omnia bona pariter cum illa.* Virgo sancti sponsi se ancillā ducebat: Ioseph sibi gloriabatur in corde suo, quòd eius necessitatibus & cōmodis inservire posset, quòd eius videre faciem, quòd audire vocē, quòd eadē men-

sa uti, quod sub eodem tecto habitare posset; crebròque illud sibi iterare liceret, *Ostende mihi faciem tuam, sonet vox tua in auribus meis, vox enim tua dulcis, & facies tua decora.* Sed illa sponsa Salomonica vtrumq; optabat, vtrumque postulabat; iste sponsus vtroque perpetuò, constanterq; fruebatur.

Impar omnino sum cogitandæ modestissimæ duorum istorum amantiū consuetudini, in variis itineribus, hospitiiis, ac diuersoriis, variis quoque locis, in quibus diutius habitauerunt, Nazaretho, Ægypto, Bethlehemi, Ierosolymis, maximè autem post natum diuinum infantem, quem vterq; certatim osculis, amplexuque fatigabat, cuius necessitatibus & cōmodis ambo studiosissimè seruebāt. Crediderim cœlites ipsos, qui Dei faciē beati contuentur, sancta coniugibus istis æmulatione inuidisse; quāuis illis semper turmatim adstarent, illos salutarent, honorarēt, & varios subinde è cœlo musici carminis concentus pro re nata integrarent: denique ingeniosos se in famulatu illis deferendo, aut offerendo exhiberent. Hic nouam Abigail contemplantur, non iram Davidis mitigantem, sed lacrymas præsepis & circumcisionis blandè filio Davidis abstergentem. Latantur videre nouum Samuēlem in matris virgineo gremio residentem, quæ vi precum infantem cœlitus obtinuerat, virgineoque lacte summa cura, beneuolentia, pietate, suauitate nutrebat. Sed videamus in hac mirabili virgine nōnulla exempla singularia mitis amoris, quem quærimus.

Videtur enim Seruator ipse de industria matri ansam exercendæ huius virtutis præbere voluisse, cum suauissimæ ipsius orationi, cum nonnulla verborum asperitate, responderet. Illa ad filium singulari cum fiducia, suadente charitate accedebat, ipse se more repellentis gerebat. Illa luctu triduo pene confecta, propter filium nulla sua culpa perditum, apud eundem filium gemit, *Fili, inquit, quid fecisti nobis sic? Ecce pater tuus, & ego dolentes quarebamus te.* Ipse autem prior, *Quid est quid me quarebatis? respiciebatis quia in his, quæ patris mei sunt, oportet me esse:* Non hic filiū Seruator agit, aut puerum duodennum, sed magistrum. Norat quippe, & innotescere cupiebat posteris propriā ipsorum in amando imbecillitatem, & vtriusque parentis sui solidam robustamque virtutem. Videamus & alteram, suauitatis & seueritatis antichresim, quam dilectus discipulus in Cana Galilææ, sub conuiuio nuptiale scribit contigisse.

Virgo mitissima, nouos miserata coniuges, qui deficiente in nuptiis vino, pudore afficiendi erant, cœlo filium, cuius potentiam non ignorabat, summasse adit, & amicè, sine vilo verborum apparatu, imminenter aperit necessitatem, non ignarum doctura, sed tacitè gratiam, quæ apud filium valebat, adhibita, *Vinum, inquit mater, non habent.* filius contra, *Quid mihi & tibi est mulier? quid tibi cura mea.* Apparet sanè responsum ad aurem insubtratum parenti, ne sponsorum inopia vulgaretur: sicut & superiora illa verba, ne quæ gigneretur

VIII.

Et suauissimam vitam cōsumendo.

IX.

Virginis lenitas reperio si io.

X.

Et in nuptiis

offensio apud eos, qui Seruatoris diuinitatem ignorabant, nihilque in eo, præ cæteris pueris, foris agnoscebant. Vtraque tamen responsio fuit eiusmodi, quæ minorem aliquam mansuetudinem commouere posset, matrem tamen non pupugit, neque tantillū offendit; itaque solita cum animi quiete, quasi voti compos famulis ait, *Quodcumque dixerit vobis facite*. Simulque voluit à nobis intelligi, quid animi habere nos oporteat aduersus eos, à quibus verbis factisve, asperius fuerimus accepti, siue illi maiores nobis fuerint, siue etiam minores.

XI.

Matrum amor, et ira pro filiis.

Placet his adiungere aliud multò admirabilius mansuetudinis sanctissimæ virginis argumentum. Norunt omnes quo amore matres filios prosequantur, benè moratos præsertim, & obsequentes. Hunc amorē produnt ipsæ belluæ, quæ pro defensione hinculorum suorum haud dubiam in mortem ruunt. Nam neque tela neque hastas morantur; non gladios, non lato hastilia ferro reformidant, vt catulorum vitam libertatēque tueantur: quibus si meliore loco, vel conditione esse contigerit, canes venaticos, ipsosque venatores incredibili cum ira discerpunt, atque dilacerant. Amor hanc iram roburque suppeditat, eoque maiorem iram, quo fuerit maior. Itaque Hecubam reginam ferunt furiosam esse factam, aut, vt Poëtis placet, in canē esse conuersam, quòd filios suos cerneret in conspectu suo trucidari. Niobe quoque, cum filios omnes suos telis configi vidisset cor amse, ita insaniuit, vt ne fari quidem posset, perinde ac si in saxū conuersa esset, quod fabulæ locum dedit. Talis fuit stupor Psammeniti regis Ægyptiorū, cum filiam suam vidisset seruilem in modū tractari, & filiū, iussu Cambysis ad capitale supplicium duci. Porcia in morte defuncti coniugis, ira in seipsam conuersa, *ardentes anido bibit ore fauillas*, cum ei ferrum, quo se posset perimere, negaretur.

Hærod.

XII.

Virginis in morte filij mansuetudo.

Si ergo fatemur, quod profectò negari non potest, nullam vnquā matrem ita filios suos dilexisse, vt vnigenitum suū sancta virgo dilexit, nec vllum vnquam filium matri amabiliorem extitisse, illud quoque fateri necesse est, maternum hunc amorem maximū in corde matris indignationis incendiū aduersus illos excitare potuisse, qui tā crudeliter & barbarè innocentissimum, dilectissimūque filium, in matris conspectu diuexabant. Itaque clarū est mansuetudinem, quæ iustissimam iræ flammā extinguebat, sic vt nullum verbū contra sicarios illos, ex eius ore laberetur, quo vel Dei vindictam accerseret, vel ad Dei tribunal, in tanta iniustitia prouocaret; non odisset suos, sui que filij perduelles; filij potiùs exēplo, diuinum illis numen conciliare conaretur, fatendum, inquam, est mansuetudinem illam, supra quàm dici potest admirabilem extitisse. Amoris quo in Seruatorem ferimur, etsi modicus & imbecillus, non solū nos ad commiserationē mouet, sed iram etiā accendit aduersus improbiissimā Iudæorum, ingratiissimāque nationem. Quæ igitur ira, quòd odiū amantissimæ parentis extitisset, nisi fides ac mansuetudo suggessissent, hæc omnia hunc in modum à diuina prouidentia fuisse ordinata, cui ac-

quieſcendum eſſet. Quo modo Seruator ipſe Petro dixerat, pro magiſtro Mat. 26. 54.
in arma ruenti, ſic oportuiſſe fieri, vt Scripturæ implerentur.

C A P V T VIII.

*Diuinum Chriſti amorem in homines manſuetiſſimum extitiſſe,
eſſeque nunc quoque maximè placabilem.*

SIC V T naturalis amor in omnes animi perturbationes exercet impe-
rium, eâſque excitat aut coërcet, accendit vel reſtinguit, vt deſide-
rio ſuo ſatisfaciat; Sic & diuinus amor, ita in cæteras virtutes domina-
tur, vt eas pro arbitratu exacuat, retundatque, moueat & impellat ad
ſibi præſtitutum finem. Itaque Seruator, quem amor & deſiderium ſa-
lutis mortalium è cælo deduxerat in terras, virtutes omnes, quæ vſui
erant ad tam præclarum finem, adhibuit, & in vſum deduxit; & nomi-
natim manſuetudinem, virtutem longè potentiſſimam alliciendis ho-
minibus, quos ille vocabat ad ſe, & inſtituti ſui ſectatores eſſe cupiebat.
Nec minus ad eoſdem in laborioſo ſanctioris vitæ curſu, ad finem vique
retinendos: quoniam ſola perſeuerantia coronatur, qua illi caruerunt,
qui *abierunt retro*, neque in Chriſti diſciplina perſtiterunt: quorum illa
erat oratio, *Durus eſt hic ſermo, & quis poteſt eum audire.*

Itaque manſuetudo & clementia Seruatoris à multis olim patribus,
ſuis ipſorum moribus ſuauiſſimis demõſtrata eſt, & quaſi rudiore adum-
brata penicillo, & nominatim Iosephi patriarchæ, quam ſupra memo-
rauiſimus, qui Seruator quoque mundi dictus eſt, & Moyſi legiſlatoris, &
Dauidis regis & prophetæ, quæ ipſæ dignitates Seruatoris officio & no-
mine continentur. A prophetis quoque prænunciata eſt, in quibus emi-
net Eſaias; apud quem Deus loquens de Meſſia, quem miſſurus erat in
mundum. *Complacuit, inquit, ſibi in illo anima mea: dedi ſpiritum meum*
ſuper eum: & videlicet cum eo omnium plenitudinem gratiarum, vt ſit
Iudex, Legiſlator, & Doctor omnium gentium. Oſtendet autem &
manſuetudinem ſuam: neque enim contentioſus erit, aut clamabit, eo-
rum more quibus ira dominatur, quorum vocibus vici perſonant ac
plateæ. *Calamum quaſſatum non conteret, & linum fumigans non extin-*
guet. Id fuit præmonere, eum clementer toleraturum infirmos, nec tan-
quam inutiles abiecturum: ſed eorum etiam opera vſurum, qui tantil-
lum vigoris priſtini retinerent, vt lyncus lineus, qui extinctionem mina-
tur & fumum: aut lenitate ſua iræ, quàm fumus ſignificat, ceſſurum, per-
miſſurumque; vt ſponte extingatur. Addit neque triſtem fore, neque tur-
bulentum, ſed conſtantem vultus ſerenitatem conſeruaturum, indicem
interioris animæ quietis, ac tranquillitatis.

I.
Manſuetudo
uicilis finis
Seruatoris.

Ioan. 6. 61.
67.

II.
Eiuſdem ſi-
gura, & va-
ticinia.

Cap. 42. 1.
1. & Matt.
12. 12.

III. Agni quoque cognomen, quod idem propheta Seruatori tribuit, *te-
Agnitulus* istis est mansuetudinis eius, *Emitte*, aiebat ille suspirans Messix desiderio,
ei conuenit. *emitte agnum Domine dominatorem terre*, qui de Moabitibus quoque ori-
Isa. 16. 1. ginem ducet, & veniet *ad montem filia Sion*. Quo ille titulo fortasse re-
spexit ad paschalem agnum, qui ipsum accuratè repræsentabat, èstque
hieroglyphicum mansuetudinis; certè cùm de ipsius morte ageret, *Obla-
tus est*, inquit, *quia ipse voluit, & non aperuit os suum; sicut ovis ad occi-
sionem ducetur, & quasi agnus coram tondente se obmutescit, & non aperiet
os suum*. Quod de Christo S. Philippus interpretatur, edocens Candacis
Aët. 8. 32. reginæ quæstorem. Hieremias quoque non ignarus se figuram esse Ser-
uatoris, sub eius persona dicebat; *Et ego quasi agnus mansuetus, qui por-
tatur ad victimam*. Quod eiusdem præcursor semel iterùmque confir-
mauit, eum populo indicans eum hoc elogio, *Ecce agnus Dei, ecce qui tol-
lit peccatum mundi*. Quid Petrus? *Redempti estis de vana vestra conuer-
satione, non auro vel argento, sed pretioso sanguine, quasi agni imma-
culati Christi, atque incontaminati*. Quid Paulus? *Pascha nostrum im-
molatus est Christus*. Denique Ioannes in Apocalypsi eundem tricies
Agnum vocat.

IV. Propter eandem mansuetudinem Seruator passim ovis dicitur in sa-
Et ovis quo-
que. eris codicibus, ouique confertur ab Apostolo ac Prophetis, sed quæ ad
sacrificium eadèmq; destinatur. Quòd si ouium est agnos producere,
nòne iose est qui agnos procreat, atque adeo lupos & leones in agnos
conuertit? Peruulgatum est Pauli exemplum, qui, quasi lupo rapax, mi-
nas spirabat ac cædes, iuniori leoni par, aut veteri lupo, sed humi pro-
stratum conuertit in agnum: illudque Sapientis impletum est in Dau-
Id. 47. 3. de nostro Christo, *cum leonibus lussit quasi cum agnis, & in vrsis similiter
fecit, sicut in agnis ouium*. Itaque filios suos agnos vocat; cùm ait Petro,
Pasce agnos meos. Virtus eiusdem ovis operabatur in S. Cecilia, quæ
Valerianum sponsum, quasi leonem ferocem accepit, & ad Christum,
quasi agnum mansuetissimum destinauit, vt canit Ecclesia. Operabatur
& in S. Monica, quæ Patricium maritum, & filium Augustinum, illum
etnicum, istum hæreticum Manichæum Christo lucrata est, & de lupo,
Christi agnos fecit. Acque ita non solum impletum est quod prædixerat
Ca. 11. Esaias, *habitabit lupo cum agno, & pardus cum hædo accubabit, vitulus &
leo & ovis simul morabuntur*, sed lupi in agnos, pardi in hædos versi sunt.

V. Explicat Matthæus Euangelista qua ratione diuinus hic Agnus man-
suetudinem erga peccatores, in vitæ consuetudine, exerceret, consenta-
nè illis, quæ olim prædixerat Esaias. Cùm enim indignarentur Pharisei,
quòd Sabbato curaret infirmos, consilium faciebant aduersus eum,
quomodo perderent eum. Iesus autem, dans locum iræ, recessit inde,
neque improba consilia in caput eorum vertit; sed cùm eum plerique
infirmi secuti essent, curauit eos omnes, & reddidit bona pro malis;
quam gratiam mansuetudinis apicem vocare possumus, quando non

propria solum ira coercetur, sed aliena etiam extinguatur, charitatis officis, quasi prunis ardentibus, in capita eorum coniectis. Rom. ii. 20

Eandem lenitatem probat illa suauitas, qua Dominus erga mulierem in adulterio deprehensam est usus, quam ex eorum manibus clementer eripuit, qui miseram taxis erant obruturi. Erga mulierem quoque, quæ erat in ciuitate peccatrix, quam à se verborum atrocitate non repulit, quamuis à propria innocentia, & integritate toto cælo distantem, nedum pugnis & calcibus, quod superbi Pharisei fecissent, sed eam ad pedes suos flere permisit, cuiusque etiam causam suscepit; & in mercedem lacrymis ablutorum pedum, eius animam à peccatorum suorum sordibus abluir; & pro suauis unguento, quod illa liberaliter effuderat ad eius pedes, ille deuotionis & frequentissimæ charitatis balsamo animam eius imbuir, ac condidit. Nec minorem patefecit mansuetudinem in recipiendis peccatoribus & publicanis, & cibo apud eos ultro sumendo; & facto suo, iis qui offendeantur, suauiter probando, quod sanis non esset opus medico, sed ægrotis; quodque non iustis, quales se ipsi credeant, sed peccatoribus opem laturus aduenisset.

Quam mite, quamque ad clementiam propensum putamus pectus illud, quod amarissimas lacrymas oculis suggererat, quibus cæcitatem populi sui deplorabat, & horribilem calamitatem, quæ eorum capitibus imminebat; vnde & voces illæ gemitusque fundebantur. *Ierusalem, Ierusalem, quæ occidis prophetas, & lapidas eos qui ad te missi sunt! quoties volui congregare filios tuos, quemadmodum gallina congregat pullos suos sub alas, & noluisti. Vocabam eos ad me non ut fame perirent, sed ut frumentum, quod ego multo labore quæsiueram, illis impertiret: non ut frigore obrigescerent, sed ut eos igne charitatis meæ calefacerem, calore viuifico, quo animæ ipsæ mortuæ vitam recipiunt; non ut pugnaturum exercitum rorarij morituri præcurrerent, sed ut eos incolumes, sub alarum mearum umbra protegerem, & ab inferni miluij rostro, vnguibusque conseruarem: non denique ut dies noctisque in tristitia luctuque traducerent, sed ut mecum quasi cum matre lætarentur, illudque, quod Dei filius promittitur, experirentur, *Ad vbera portabimini, & super gremia blandientur vobis.**

Indulgentia qua Seruator Petrum vti voluit, aduersus eos à quibus esset offensus valde admiranda est si, quis eam attente consideret. *Domine, aiebat Petrus, quoties peccabit in me frater meus, & dimittam ei? usque septies? Dicit illi Iesus, Non dico tibi usque septies, sed usque septuagies septies. Quam ille legem non tulit duntaxat, sed studiose erga mortales obseruat. Propterea enim infinitum meritum thesaurum constituit in Ecclesia sua, ut perpetuo peccator inueniat, vnde dissoluat æs alienum suum. Itaque sedet ad dexteram patris, ibique eum pro peccatoribus interpellat, ibique semper viuit, ut ait Apostolus, ut semper interpellat pro nobis, vique ad mundi finem, quando & peccata*

VI.
Adulteram,
Magdala, &
publicanos.
Luc. 7. 37.

VII.
Hierusalem,
eæque lacry-
mis declara-
ta.
Mat. 23. 36.

VIII.
Facilitas
concedenda
venia.
Mat. 18. 21.

Rom. 8. 34.

& indulgentia finem accipient. Nec mirum ibi perpetuo veniam delinquentibus obtinere. Eandem quippe charitatem, bonitatem, mansuetudinem illic erga homines conseruat, quam iampridem in terris erga eosdem obtinebat.

IX.
Valde admirabilis.

Ezech. 18
23. 32. & ca.
33. II.

X.

AUTOR.
Et plerisque
occasio se-
pius peccan-
di.

MITIS
AMOR.

Ea veritate constituta, ac stabilita, quis eam satis admirari possit? Num fando auditum est aliquando, hominem capitalis supplicij tertium aut quartum reum, condonationem à principe toties iterati criminis accepisse? Pater familias, qui ab aliquo filiorum suorum insignem aliquam accepit iniuriam, vix eius memoriam tota vita deponit, sed illam potius reo vel leuiter delinquenti subinde exprobrat; quod si eandem noxam iteraret, exheredem fortasse illum scriberet nominatim. Nonne atrox est in Deum iniuria, cui summa illa sapientia & bonitas æternum inferorum supplicium deberi iudicauit? Nihilominus ita animo comparatus est ille idem Deus, reo ut culpam huiusmodi condonet, non semel atque iterum, sed decies, centies, millies, si toties miserum relabi contigerit, & veniam toto ex corde postulare; adhibitis etiam illius meritis, qui in noxia quauis offenditur. Denique in omne tempus valet illa vox placabilis Domini, *Nunquid voluntatis mea est mors impij, & non ut conuertatur à viis suis, & viuat?*

Sed animaduerte obsecro, mitissime Seruator, quantum periculi sit in ista facilitate tua, in tanta improbitate mortalium. Verendum enim profectò est ne ista tua, patrisque tui, aduersus homines consceleratos, placabilitas, ianuam aperiat improbis ad liberius peccandum, quæ deberet esse tantum amoris incitamentum, quanta est bonitas, ex qua indulgentia illa proficiscitur. Non est nescius huius rei Seruator humanissimus, ait Mitis Amor, sed respondebit fortasse, malle se, si fas est ita loqui, offendi sæpius, quàm semel, desperata post offensam venia, peccatorem perire. Et profectò fatendum est visam fuisse præstantiorem hanc rationem gubernandi homines, eorumque libertatem, licet pluribus offensis obnoxiam, quàm alteram, quæ non dissimularet peccata hominum propter pœnitentiam, ut contigit præuaricatoribus Angelis, quando illam indulgentiæ viam, isti promptæ iustitiæ censuit anteferendam, ut experientia ipsa comprobatur: quæ peccatorem excitare debet ad milles agendas gratias tantæ bonitati, & amoris, ex quo tanta placabilitas proficiscitur.

CAPVT IX.

Singularis mansuetudo Seruatoris aduersus eos, à quibus atroci supplicio necabatur.

TRANSEO nunc ad illa mansuetudinis exempla, in quibus nullum Seruator virtutis modum videtur seruasse, vique adeo summa sunt omnia; illa dico quæ extrema vita mundo edidit: quot enim sunt cuiuscumque virtutis actus, totidem sunt actiones heroicæ. Sed vt mittamus cæteras, atque adeo illa ipsa mansuetudinis exempla, quæ tota illa tragœdia late funduntur, vt taceamus prodigiosum illud, in cruenta diuerberatione, in spinea coronatione, in crucis gestatione, in dira manuum pedumque perfossione silentium: certè prima illa vox, quam cruci iam fixus edidit, quoddam quasi portentum mansuetissimæ charitatis dici potest, quando sui suorumque cura postposita, in gratiam inimicorum suorum, Patri factus supplex dixit, *Pater dimitte illis, non enim sciunt quid faciunt.* O mitissime Seruator! expectabamus, in isto tormentorum tuorum æstu, in mediis ingratisimorum Iudæorum cruciatibus ac probris, illam vt Zachariæ filij Ioiadæ vocem vsurpares, quando lapidibus, iussu regis obrutus exclamauit, *Videat Dominus, & requirat, agnoscat illatam Sacerdoti suo iniuriam, & vliscatur.*

Expectabamus, humanissime Redemptor, vt sanguis tuus multo innocentior, multoque iniustius effusus quam sanguis Abelis, ad cælum de terra clamaret, *Vindica sanguinem filij tui, qui crudeliter effusus est.* Sed sanguis tuus illo melius loquitur: veniam enim petit ac misericordiam, eum ille vindictam postularet. Credebamus saltem fore, vt si nunc de improbis vliscisci nolles, nequẽ iram tuam contra facinorosos accendere, quia tempus miserendi venit, quia venit tempus, vt ingemiscens saltem in tantis malis tuis, cum patientissimo Iobò diceres, *Miseremini mei, miseremini mei, saltem vos amici mei, quia manus Domini tetigit me.* Quod si parum memor es tui ipsius, aut contemnis dolores tuos, futurum putabamus, vt non obliuisceris afflictissimæ parentis tuæ, sed ad eam primo quoque tempore consolandam accurreres, nec eam cuiquam mortaliū posthaberes.

Neque profectò posthabuit, sed imitatus est medicum sapientem, qui curationis remedia membro periculosius laboranti quamprimum adhibet. Isti videlicet carnifices, isti blasphemæ præsentissima indigebant medicina, huc illico precum illius ipsius qui torquebatur, remedium afferendum fuit, quod ira Patris æterni iam exardescens, in ipsos eruptura esset, & malos malè perditura, nisi opportunè exaudita fuisset illa dilectissimi filij vox, *Pater dimitte illis, non enim sciunt quid faciunt.* Nec

Nnn

I.
Mansuetudo orantis pro crucifigentibus.

Luc. 23. 34.

2. Par. 24.
22.

II.
Plena supplex.
Gen. 4. 9.
Hebr. 12.
24.

Psal. 101. 14.
c. 29. 21.

III.
Curprimū pro eis orauerit.

Hebr. 5. 7. audita solum, sed exaudita est *pro filij reuerentia*, cui datum est, vt de illis ipsis homicidis plurimi mox, ad prædicationem Apostolorum conuerterentur; & eorum, qui obduruerant in sceleribus suis, supplicia ad multos annos differrentur.

IV. Dico autem præsentem æterni patris ultionem fuisse formidandam. Si enim Dauid audita Saülis cæde, quam iuuenis ille Amalecites, morientem miseratus intulerat, iusta ira, in regis quamuis infensissimi percussorem, commotus, eum illico iussit interfici, neque armillam regiam moratus, neque diadema. Quid facturum suspicemur æternum patrem, in illo ipso articulo cædis innocentissimi dilectissimique filij sui, aduersus patricidas illos, nisi mitissimi filij preces interuenissent? Nonne audita rursum de cælo fuisse illa vox, *Separamini de medio congregationis huius, ut eos repente disperdam.* Nonne terra sub eorum pedibus, horrendo hiatu discessisset, eosque viuos præcipitasset in Tartarum? Sed eam quam dixi veniam illis Seruator impetrauit, & sanguis, quo profani suas impiæ manus cruentarant, valuit ad animorum culpas abluendas.

V. Sed age obsecro, mitissime Seruator, dic quæso nobis pro quibus studeas veniam obtinere, dicens, *dimitte illis*, quibusnam? discipulis neutuis, quos à te metus huc illucq; distraxit? aut quos scandalū crucis fecit desertores tui? Omnibus, inquit, veniam peto etiam iis, qui supplicium crucis à Pilato extorserunt: etiam illis, quos nulla tangit misèratio suppliciorum meorum, neque innocentissimi corporis, sputis & alapis, flagris ac spinis, cruore vulneribusque deformati; & iis nominatim, à quibus, cum atrocissimo manuum pedumq; cruciatu, agor in crucem, quorum manus cruentæ sunt sanguine meo, quorum brachiis distenditur corpus meum, & cum cruce in altum tollitur, & conuassatur: qui me felle potant & aceto, qui irrident tormenta mea, insultant dignitati meæ, calumniantur miracula, doctrinam execrantur, paupertatem, nuditatem, desolationem meam, victoriam suam ac triumphum ducunt. O prodigium bonitatis ac misericordiæ, aduersus ingratiissimam, nequissimamque hominum fecem! Quis audiuerat vnquam hominem, dum reipia torquetur, dum probri & contumeliis afficitur, tum maximè tortoribus ipsis dare veniam, & ab ultore Deo postulare?

VI. Eos nihilominus excusatione tegit, & tanti facinoris reatum in ignorantiam rejicit, *quia nesciunt quid faciunt.* Sciebant tamen certè se innocentem morti dare, quod iudex ipse non semel contestando denunciauerat. Non ignorabant se hominem illum interficere, qui mortuos reddiderat vitæ, qui cæcos illuminauerat, dæmones corporibus animisque mortalium exturbarat, morborum genus omne curauerat. Probè tenebant eximium se doctorem perimere, de quo profitebantur ipsi, nunquam hominem sic esse locutum; & prophetam, cui secula nulla viderant parem. Ipsi sibi conscij erant crimina omnia per calumniam intentata, vt qui falsos testes instruxerant ipsi ac subornarant, seque

Præsens necessitas orationis illius.
2. Reg. I.

Num. 16. 21

Quam indigni essent veniam.

An excusari possent aliquo modo.

folia ftimulante inuidia , tam immane facinus perpetraffe. Si eum Mef-
fiam fuum effe ignorabant (nam *fi eum cognouiffent* , vt ait Apoftolus , *1 Cor. 2. 8.*
nunquam Dominum gloria crucifixiffent) hoc ipfo maiore culpa teneban-
tur. Ignorantiam enim affectabant , & ne viderent , proprijs vnguibus
fibi oculos eruebant. Non apprehendebant commeriti fupplicij ma-
gnitudinem , quod in hanc futuramque vitam redundabat. Nimirum ad
veri Pontificis officium pertinebat , offerre facrificium , & orare pro po-
puli ignorantia. *Hebr. 9. 7.*

Hic ego te Chriftiane cōpello , qui ab aliquo non mortem ignominia
plenam & crudelitatis , fed vulnus aliquod fortaffis accepifti , imo non
vulnus , fed verbum quodpiam incōfultum , aut contuitū iracundum , qui
ftatim ftomacharis , clamas ; efferaris iracundia , neque te placari finis , ne-
que vltionis appetitum Chrifto Domino concedis : itāne reuereris Ser-
uatorem tuum , nihil vt de iure tuo cedere velis , in eius gratiam , qui er-
gate , tuique fimiles tantum ceffit de fuis ? Serui Abfalonis tantum detu-
lerunt mandato Domini fui , à quo audiuerant , *ego fum qui precipio vo-
bis* , vt non dubitarent primogenitum regis fui in conuiuio trucidare.
Quare tu tantum filio Dei non deferes , vt eo dicente , *Ego autem dico
vobis , diligite inimicos veftros* , & exemplo præunte , tu & imitationem
detrectes , & obedientiam : & tamen velis Chriftianus audire. Imitare
illum , qui ad miras promptior eft quàm ad verbera. Vidit illum Ioan-
nes gladium in ore geftantem , vtraque parte acutum , quod ad vltionem
non pertinet , neque enim os aptum eft ad tractandum gladium , fed ad
minas intentandas , dextera verò feptem ftellas habebat , indices cœli ,
quod largiturus eft iis , qui eius lenitatem imitabuntur.

Da ergo nobis , ô mitiffime Seruator , hanc cordis fuauitatem , omnis
fellis ac simulationis expertem ! quæ fe vultu , manibus , ac lingua pro-
dat. Sit cor noftrum exemplo tui , plenum quietis & pacis , aut potius ,
quoniam perpetuus eft humani cordis motus , & ex eo fonte calor , fpiri-
tus , & vita in cætera membra defluunt , fit inftar fluuij leni agmine dela-
bentis , in quem varij vndique torrentes incurrunt , fed præcipitem illum
motum fub ipfum ingreffum amittunt. Huiufmodi cor poftulat à no-
bis Dominus , cùm ait , *Præbe fili mi cor tuum mihi* , & aliunde cenftat in
pace fieri locum eius , & in cæleſti Ierufalem vera pacis vifione refidere ,
& in filiis ac dilectis fuis numerare , qui pacem diligunt , fouent , amplifi-
cant , rixas oderunt & fedant. *Beati* , inquit , *pacifici , quoniam filij Dei vo-
cabuntur*. Cæteri filij diaboli funt , & infernæ illius furia , cuius erat illa vox ,

Dic in amicitiam cœant , & fœdera iungant.

VI.

*Inuitatio ad
māfuetudi-
nem.*

Mat. 5. 4. 4.

Apoc. 1. 16.

VIII.

*Eiusque à
Deo petito.*

Matt. 5 9.

*Aleſto. 7.
Æn.*

CAPVT X.

Admirabilis Dei lenitas & clementia aduersus synagoram.

I.
Seruator re-
fert utima-
go, Patris
virtutes.

IMAGO periti pictoris opus, viui ac spirantis vultus speciem ita re-
præsentat, vt prototypi ductus omnes effingat, atque delineet. Ater-
nus olim pater non modicam præferebat mortalibus seueritatem, neque
facile lenitas eius apparebat. Postquam autem filium suum, absolutis-
simam imaginem sapientiæ ac bonitatis suæ, misit in mundum, simul
etiam illa diuinorum perfectionum lineamenta in ipso patefecit, & mun-
do spectanda, notanda, imitanda dedit. Id significabat Seruator, cum
diceret Apostolis, *Tanto tempore vobiscum suum, & non cognouistis me?*

Ioan. 14. 7.
9.

Philippe qui videt me, videt & Patrem. & rursus, Si cognouissetis me, & patrem meum utique cognouissetis. In primis autem clementiam & lenita-
tem cordis sui in filio vnigenito demonstrauit, vt hæcenus significauimus;
quantiuis illi negotium esset cum rudi populo, & seruilis ingenij;
quem virga timoris ad officium trahere, aut spe commodorum præsen-
tium allicere oportebat potius, quàm beneuolentiæ amplexibus & oscu-
lis suauissimæ charitatis. Itaque passim sequebatur sua pœna nocentem;
sicut Moses apertè fuerat comminatus. *Deus, inquit, fortis & fidelis, reddens odientibus se statim, ita vt disperdat eos, & ultra non differat, pro-
tinus eis restituens quod merentur.*

Deut. 7. 10.

II.
Dei lenitas
ex Ieremia.
Ca. 1. 2.

Possumus nihilominus in ipsa lege Mosaica, & aduersus populum
duræ ceruicis, & incircuncisorum cordium obseruare mirabiles quos-
dam diuinæ mansuetudinis, quasi penicilli ductus, in quibusdam præser-
tim Ieremiæ locis, quæ operæ pretium fuerit accuratius inspicere, atque
explicare. *Recordatus sum tui, dicit Dominus, miserans adolescentiam
tuam, & charitatem desponsationis tuæ, quando secuta es me in deserto, in
terra qua non seminatur.* Quasi diceret, cum peccata tua clamarent ad me
de terra, & debitam sibi vindictam exposcerent; cum obmurmurationes
tuæ, seditiones, detractiones, cultusque idolorum tuorum recurrerent in
memoriam meam, & in procinctu essem vt te repente disperderem, redij
in memoriam adolescentiæ tuæ, quandoeducta ex Ægypto, sponsam
enim alloquitur, secuta es me per immensas Arabiæ solitudines; & ratio-
nem habendam duxi huius officij erga me tui; nec volui te ob præsen-
tia crimina internecione delere, sed compensatione quadam vti malui,
sic vt priora illa merita tibi vsui essent, & in statuta lenitatis meæ præ-
sentibus sceleribus responderent, eisque præponderarent.

III.
Deus Syna-
goga sponsus.

Sponsalia porro quorum meminit Dominus ad montem Sinæum ce-
lebrata fuerant, cum Deus, interprete Mose, Israëlitis legem dedit,
& Iacobi familiam, præ omnibus nationibus, elegit in populum suum,

quem erudiret, cui victum fingularem in deferto, veltitumque fuggere-
ret, quo modo fponfus erga dilectam fponfam fe gerit, quem dies no-
ctesque aduerfus hoftes vbique protegeret, & per media maria & flumi-
na, ficco veltigio deduceret in promiffam patribus eorum Chananiti-
dem: quorum filios ac nepotes caractere fuo notatos, continenti suc-
ceffione adoptaret in filios, & hæredes terræ lacte & melle manantis.
Et vice verfa populus hic voluit habere fponfum Deum, cui ritu folenni Exod. 24.
obligauit fidem, honorem, timorem, amorem & cultum, omnium ido-
lorum feruitute repudiata. Idque mox, eodem interprete Mofe, ratum
habuit facrificiis, aliisque ceremoniis, ad montis radices, in eum finem
celebratis. Atque ita tranfactum eft hoc fponfaliorum fædus, populo
ifti honorificentiffimum, *fi mens non lana fuiffet.*

In illis porro Domini verbis, duo funt, quæ Dei manfuetudinem,
erga populum hunc, vehementer commendant. Prius eft, quod eo com-
mendando, & renouando memoriam illius obfequij erga fe, fibi conci-
liat ipfius beneuolentiam, vt querela, quam mox allaturus eft, altius in
eius pectus descendat. Commendat autem modicam illius erga fe cha-
ritatem, quam ipfe magnis beneficiis prouocarat, & à longè maiori cha-
ritate profectis. Quæ vna caufa fuerat electionis huius, vt Mofes popu-
lum fuum in Deuteronomio commonefacit, *Non quia, inquit, cunctas* IV. *Quærit eum beneuolen- tiam.*
gentes numero vincebatis, vobis iunctus eft Dominus, & elegit vos, cum om- ca. 7. 8.
*nibus fuis populis pauciores, fed quia dilexit vos Dominus, & custodiuit iu-
ramentum, quod iurauit patribus veftris. Quam promiffionem erga
Abrahamum, cæterosque Patriarchas, fola Charitas exprefferat, fola fi-
delitas in rem deduxit.*

Posterius hanc manfuetudinem commendat, amabilis in primis at-
que artificiofa diffimulatio. Diffimulat enim locum vnde populū iftum
deduxerat, & intolerabiles eius mores in folitudine, & regionis ad quam
deducebatur fertilitatem, & eius obtinendæ, Deo pro ipfis pugnante,
facilitatem. Eduxit enim nouam hanc fponfam, non ex paterna domo,
fed ex domo feruitutis, non ex reconditiore cella pretiofæ fupellectilis,
fed ex fornace ferrea, non ex horto deliciarum, fed ex piftrino, atque er-
gafculo, in quo inutili labore atterebatur, tumebat plagis, liuore deco-
lorabatur; vbi infantuli, de parentum rapti manibus, abiiciebantur in
profluentem. Et tamen præ fe fert Dominus populum iftum benè de fe
meritum, quod inde abire voluerit, & fponfum deducentem fequi. Dif-
fimulat quoque vitulum aureum, & nequitiam patrata ad Beelphegor,
& oblocutiones, & feditiofos motus, quibus decies ab eo vindictam
extorferat; itaque diffimulat, vt eos quali fubitos iræ motus, qui inter
amantes contingunt, reputare videatur. Tacet quoque locum ad quem
deducebatur, qui erat inftar terreftis paradifi, locum autem per quem
deducebatur commemorat, atque amplificat, quia vult iftius fponfæ
meritum augere, & prodere charitatē, quæ oftenditur tolerandis rebus
afperis pro dilecto fuo.

VI.
Mirabilis
Dei queri-
monta.
Ier. 2. 5. 6.

c. 6. 3. 4. 5.

VII.
Explicatur
accuratius.
Prou. 18. 1.

Sap. 8. 16.

VIII.
Mansuetudo
eius multis
ex capitibus
ostenditur.

1.

2.

Theod. in
Ier. Chryf.
t. 1. serm. de
Jerem. & t.
5. or. 4. de
prouid.
Deut. 32. 4.
Psalm. 91. fi.
2. Par. 3. 19.
7.

IX.

3.

His ita explicatis indulgentissimi sponsi querelam audiamus. *Quid inueniunt*, inquit, *patres vestri in me iniquitatis, quia elongauerunt à me, & ambulauerunt post vanitatem, & vani facti sunt? Et non dixerunt, ubi est Dominus, qui ascendere non fecit de terra Egypti; qui traduxit nos per desertum, per terram inhabitabilem & inuiam, per terram sitis, & imaginem mortis, per terram, in qua non ambulauit vir, neque habitauit homo.* Dominus de causæ suæ bonitate certus, hæc à populo suo sciscitatur, eodémque modo apud Michæam, *Popule meus, quid feci tibi, aut quid molestus fui tibi? responde mihi.* Sed satis nobis erit priorem illam querelam expendere, altera eadem opera illustrabitur. Vis ergo & sententia vtriusque querimonie est huiusmodi.

Occasiones querit, ait Salomon, *qui vult recedere ab amico*, neque enim sine causa, vel verà vel verisimili, amicitie dissoluntur. Si ergo patres vestri quaesierunt aut inueniunt causam aliquam deferendi me, agite, proferte illam. Ecqua me innoxia deprehenderunt; ob quam amicitia tam antiqua, tam honorabilis, tam fructuosa disungenda videretur? nullam planè repentient. An me seuerè animaduersionis arguent? qui eos perpetuò citra commeritum castigauit, & vltra meritum affeci pramiis, & sæpè multos annos factus sum quasi cæcus & mutus, dum prætor emendationem. An dicent iniucundam esse amicitiam meam? Refellet eos Sapiens, qui negat conuersationem Sapientie habere amaritudinè, aut tædium illius conuictum, sed lætitiā, & gaudium. Quid ergo causæ inueniunt cur me perfidiosè desererent? præter propriam maliciā, quæ excæcauit eos, & induxit obliuionem singularis beneficii solutæ captiuitatis Egypti, & paternæ curæ ac prouidentie in deducendo eos per deserta loca, instar mortis formidolosa, atque horribilia.

Vide hinc admirabilem sponsi huius facilitatem, atque mansuetudinē. Quæ in re primùm elucet quod desertionis crimen à filiis transfert in parentes, qui hoc ipso grauius deliquerunt, quòd exemplo fuerunt filiis ad peccandum, & iter munierunt, in quod posteri ingrederentur: qui alioqui fortasse rectam semper tenuissent viam. Sed elucet etiam in eo vehementius, quod infinita illa sapientia & sanctitas se subditorum examini subiicit, non secus ac si culpæ obnoxius foret: quæ res sanctos Patres, qui ista considerant agit in stuporem. Et fortasse voluit Dominus accommodare seignorantie quorundam Iudæorum, qui de Deo, non secus ac de homine peccatis obnoxio, iudicabant; quamuis illud ex Moyse discere potuissēt, *Deus fidelis & absq; ulla iniquitate, iustus & rectus.* Ex ex Dauide, *Rectus Dominus Deus noster, & non est iniquitas in eo.* Quod sanctus quoque rex Iosaphat & didicerat, & profitebatur.

Elucet præterea in eo diuina clementia, quod videtur Deus suæ æquitatem querelæ contra parentem peccata, filiorum iudicio velle permittere; qui pro ingenito in suos amore, parentum innocentie fauent; honoris enim ac dedecoris ipsorum participes fiunt. Cùm

que nihil inueniant, quo eos purgare possint, ne perfidiam quidem suam, quam à parentibus didicerunt, diluere possunt. Elucet postremò huius æquitas querelæ, quòd cum nulla iusta peccandi causa reperiri possit, nulla in Dei offensa æquitas, tantò iniquius est, eum sine vlla prorsus causa violare. Quanta erit, ergo iniustitia; maximum peccatorum, quale est desertio veri Dei, perpetrare, & ad dæmonem in idolo adorandum transfugere, sine vlla causa? Nónne hic cælum ac terra obstupescant super diuina patientia & lenitate, & super cæcitate Iudæorum, quos præ cæteris nationibus intolerantiùs insanire fatendum est, quòd lege Mosæica præ cæteris instituti essent.

Possemus etiam ni fallor, simili percunctatione vti aduersus mitissimum Dominum, qui cùm sapientissimus sit, parum tamen prudenter sibi populum elegisse videri possit. Dicemus enim vice versa. Quid in hoc populo, aut eorum patribus inuenisti, præ cæteris gentibus tam eximium & singulare, vt fieret Dei populus singularis? In hoc populo, quem probe noras, ex ortu, & institutione Ægyptiaca, ingenio esse seruiili, ad bonum tardo, ad malum præcipiti, & instar Pharaonis ex bono faciliè mobili, in malo autem, duro ac peruiacaci. Quid tibi, & populo isti ad Ægyptios mores & superstitionem ficto, rixolo, turbulento, stupido, inutili, ac supra modum ingrato? An volebas stare promisso facto patribus, & iureiurando firmato? Sed quid inuenisti in eorum patribus, quod te ad hanc electionem & fœdus inuitaret? Certè constat ex sacris codicibus, quales fuerint duodecim Iacobi filij, & quibus criminibus obnoxij. Verùm enim verò Abraham, Isaac, Iacob, & Ioseph iusti fuerunt & sancti. Itaque visum est Deo multis eos locupletare bonis, & nepotes eorum propter eos: Et iam tunc mundum docere, gratam ipsi esse demissionem animi, quæ in magnis illis viris vehementer eluxit. Aut certè eò recurram. *Ita pater, quia sic placitum fuit ante te.* Matt. II. 26.

X.
*Quare Deus
hunc popu-
lum elegerit.*

CAPVT XI.

Probatio diuina mansuetudinis, ex alio Ieremia loco.

IS certè prodigium nobis diuinæ bonitatis, & placabilitatis ostendet, in grauissima indignissimæque iniuria, & quæ Dei ultionem vehementer exposcit. Sic autem Dominus loquitur. *Vulgò dicitur, Si dimiserit vir uxorem suam, & recedens ab eo duxerit virum alterum, nunquid reuertetur ad eam vltra? nunquid non polluta, & contaminata erit mulier illa? Tu autem, ô Synagoga, fornicata es cum amatoribus multis. Et paulò post, Lena oculos tuos in directum, & vide ubi non prostrata sis. In viis sedebas expectans eos, quasi latro in solitudine, & polluisti terram in fornicationibus tuis, & in malitiis tuis.*

I.
*Comparatio
repudiata
mulieris.
C. 3. I. 2.
C. 2. 20.*

Ier. 2. 20.

Et rursum. *In omni colle sublimi, & sub omni ligno frondoso tu prosternaris meretrix. Tamen reuertere ad me, dicit Dominus, & ego suscipiam te.* Ponendum autem est hinc non de corporum, sed animorum fornicatione agi, quæ est Idololatria, quam Hebræi vbique, & cum omnibus circa gentibus exercuerunt, vt ex eodem Propheta iam diximus, & ex cæteris facile constare potest.

XII.

*Valde auget
diuinam lo-
nitatem ex
multis capi-
tibus.*

I.
Vide D.
Thom. in
addit. 3. p. q.
67. a. 4. &
Hen. l. i. c.
8. n. 4.

2.

3.

Hæc comparatio, qua Deus cum homine componitur, qui vxorem suam repudiari, admirabilem Dei mansuetudinem multis ex capitibus ostendit. Principio coniuges isti suppare sunt dignitate, nobilitate, diuitiis, cæterisque dotibus; cum Deus & anima peccatrix, quocunque perfectionum genere toto cælo distent, cum finitum inter & infinitum nulla possit esse proportio. Itaque hic longè plus admirabilitatis inest, quàm si regius aliquis princeps ætate, forma, opibûsque præstans, cum serua quapiam Æthiope, vultu fœda, & barbara moribus reconciliati- nem ambiret. Secundò mulier ista contemptim à coniuge dimittitur: hæc anima sponte recedit à Deo, quem deserit, cui terga vertit, quem contemptim posthabet rei creatæ. Tertiò repudiata mulier alteri viro coniugio legitimè copulatur, nec priori viro iniuriam vllam facit: hæc autem anima multis se flagitiis contaminat, & sibi infamiam, Deo dedecus creat, quem, quamuis cæli, terræque Dominum, præ scurris ac nebulonibus contemnit.

XIII.

4.

5.

6.

Ezech. 16. 25

Quartò dimissa mulier vni duntaxat viro adhærescit: hæc pluribus adulteris, totidem scilicet quot vitiorum obiectis, Dei iniuria & contemptu eadem opera multiplicato. Quintò illa liberum habet consensum secundi coniugis, cui placet ipsam habere vxorem. Ista autem peccatrix, in viis sedet, quasi latrō in solitudine, & omnibus naturæ ac fortunæ bonis intemperanter abutitur, aduersus eorum largitorem Deum. Denique illa in loco secundarum nuptiarum consistit, hæc inquieta vagatur, & omnibus in locis signum erigit prostitutionis suæ, vbique diuinam iracundiam lacessit. Et nihilominus licet prior maritus repudiatam, nullis adductus precibus, iterum sit admissurus in coniugem: hic tamen nobilissimus princeps, pro singulari humanitate sua, vocat ultro, inuitat, orat, sollicitat ad reconciliationem meretricem istam. Hic ego,

A V T O R.

XIV.

*Admiratio
huius man-
suetudinis.
Eccl. 9. 10.*

O mansuetissime Domine, o clementissime princeps, quod hinc ego prodigium audio placabilitatis? quid tibi cum ista lupa, quæ domum suam, imò tuam, omnium cupiditati patefecit, quæ quasi *Reus in via*, vt ait Sapiens, ab omnibus prætereuntibus conculcatur. Nonne in regno illo tuo præsto tibi sunt centena millia beatarum mentium, à quibus certatim laudaris, diligeris, honoraris? qui maiestatem tuam deinceps amabunt, colent, venerabuntur & prædicabunt in omnem æternitatem. Eone vsque te adducet bonitas tua, vt patiare scortum impurissimum sibi conspectui tuo? vt mulierem toties in adulterio deprehensam, toties

toties lapidibus obruendam digneris intueri? num illa meretricios oculos aufit ad te attollere impudens, aut tu eius perfrictam frontem ferre possis? Et tamen tu ipse illam vltro quæris, vltro inuitas vt filia tibi sit, vt regni heres, vt super omnia opera tua beatissima collocetur. Quis hic cum illo Propheta non vsurpet, *Consideraui opera tua, & expaui.*

Hab. 1.2.

apud 70.

V.

Per dialogi-

sum. causa

eius lenita-

tis.

MITIS

AMOR.

Diuina bonitas, ait Mitis Amor, hunc in modum tibi respondebit. O si nosces quāta illam ego pulchritudine decorabo, si me audierit, quā amabilem illam efficiam, & toti cœlitū curiæ gratiosam! O si intelligere posses, quā mihi gloriosum sit, futurūque perpetuū sit, tot curasse vulnera, & tantam fœditatem in tantam gloriam commutasse; non ita obstupesceres, sed maiore studio incitareris ad procurandam reconciliationem istam. Rectissime hoc quidem, inquam. fateor tamen, nullum mihi videri in operibus diuinis admirabilius isto prodigio placabilitatis. Cætera enim ista maiestate digna sunt, potentia, granditate, hoc autem quid? cordi enim meo hæret adhuc ille timor, ne facilius, audacius, impudentius offendatur bonitas eius. Quid æmularis pro Domino, ait Mitis Amor, nōne Dominus est? nōne quod libuerit facere potest? Multi lenitate eius abutentur ad iniuriam, multi ad maiorem beneuolentiam proficient; multi in peccatis suis computrescent, ad extremam vsque vitæ periodum, & peribunt; ita est: sed multi etiam à desperationis baratro emergent, & interitum euadent sempiternum.

C A P V T XII.

Exempla singularia diuinæ placabilitatis, tempore Mosaica legis.

QVÆ de diuina erga Synagogam mansuetudine generatim, atque vniuersè diximus, eam apertè probant, validèque confirmant: iuuat tamen sigillatim eandem singularibus exemplis illustrare. Si enim magnus ille Abraham, vt hinc ducamus initium, demissione animi ac suauitate singulari vsus est cum Domino loquens, & suum in pessima, ac desperata Sodomorum causa fauorem adhibens, multo se Deus humaniorem præbuit in eodem colloquio cum famulo suo, sexies precibus eius continenter cedens, nec importunitatis arguens gratiosi hominis crebra postulata: quamuis illorum populorum flagitia, cœlitus vindictam noctes diēsque accerferent, & terram contaminarent.

I.
Dei humanitas in gratiam Abraham.

MITIS
AMOR.

Cum Laban nuncium accepisset de Iacobi generi, totiūque familiæ ipsius fuga, nam in salutato socero migrauerat, & quidem sublati, vt ipse arbitrabatur, idolis suis, magna in illum ira concepta, illum totos septem dies, cum magna suorum turba, insecutus est; cumque proximum esset vt assequeretur, & comprehensum spoliaret, ac malè mulcta-

II.
Et Iacob Patriarcha.
Gen 31.

O o o

ret, Deus egregiam providentiæ suæ suavitatem erga Iacobum dilectum suum ostendit. Nocte enim intempesta homini turbulento terribilis apparuit, omninoque prohibuit ne quidquam durius cum Iacobo loqueretur, ut falsus est idem Laban, nedum quidquam rebus ipsis inferret mali; quanquam ibi quoque verba pro rebus, aut actionibus sumenda videantur; neque enim alterutra ex parte verba duriora defuerunt.

III.
Et Mosè.

Habebat Dominus in Ægypto armatas ad vindictam manus, ad Pharaonem, crudelem ac cruentum tyrannum, perdendum, qui, præter cæteram inhumanitatem, electi à Deo populi infantulos abiiciebat in flumen. Ergo semel iterumque vapulat, ingemiscit, veniam petit deprecatore Mosè, obtinetque confectum, Iudicis facilitate singulari. Quid ego semel iterumque dico: decies ille in stultam cæcitatem, obstinationemque relabitur, decies legislatorem, eiusque interuentu Dominum vniuersorum exorat, ut diuina verbera intermittantur, quæ florentissimo regno intulerant vastitatem, donec Arabicus Oceani situs vltimam attulit animaduersioni manum.

IV.
Et Hebræorum
penitentium
Exod 32.10

Quoties Deus Mosi & Aaronis precibus placabilem se præbuit, licet diuersis occasionibus, Hebræis mirum in modum esset infensus in deserto: adeo ut statueret gentem vniuersam delere, à qua identidem, per summam improbitatem, stultitiam, ingratiæque cæcitatem offendebar, idemque lapis volendus erat continenter. Voluit tamen iisdem viuis misericordiam semper superexaltare iudiciū, ut ait Iacobus Apostolus. Post mortem autem Mosi, & Iosue, & seniorum, qui mira Dei facinora in Ægypto viderant, in mari, in desertis locis, in occupanda Chananitide, quoties Israëlitarum iustissimam perdendi sui causam Deo præbuerunt, cum videret se publicè, & generali pene defectione desertum, Baale & Astarotho in Deos improbissimè assumpto? Toties tamen se à misericordia passus est vinci, quoties isti cum gemitu ad illam confugissent. Audi Scripturam.

Iud. 2.18.19

Cumque Dominus Iudices suscicaret, in diebus eorum flebat misericordia, & audiebat afflictorum gemitus, & liberabat eos de cede vastantium. Postquam autem mortuus esset Iudex, reuertebantur, & multo faciebant peiora, quam fecerant patres eorum, sequentes Deos alienos, seruientes eis, & adorantes illos.

V.
Placabilitas
Dei aduersus
Dauidem.

Rex David Dominum Deum, proximūque suum vehementer offenderat; eius enim cubile adulterio polluerat, & illius criminis calandi gratia, Vriam priore iam scelere violatum, gladio Ammonitarum pemerat; virum in toto regno fidelissimum atque integerrimum; & aditū sibi ad nouas nuptias gemino crimine patefecerat. Cum illum adit Dei iussu Propheta Nathan, accusatque sceleris vtriusque, & diuinitus destitutam proponit animaduersionem. Rex hoc tantum verbo culpam agnoscit ac plangit, *Peccavi Domino*. Hic vide in promptitudine veniæ, Domini placabilitatem: statim enim audit à Propheta, *Dominus quoque transtulit peccatum tuum, non morieris*. Veniam videlicet obtinet, æter-

na morte, quam erat comméritus, in vitæ huius pœnas, ærumnâsque, quas citò expertus est, commutata.

Venia quæ Salomoni data est à Deo, illo ab æternis suppliciis, ex probabiliore doctorum sententia, singulari misericordia liberato, haud leuius est argumentum, diuinæ erga peccatores clementiæ, ac lenitatis. Præsertim cùm ingrati animi crimen in eo tantùm reperiretur, quantum potest esse maximum. Nullus enim vnquam regum tot & tantis à Deo donis ac beneficiis affectus est, animi, corporis, externorum, quocunque illa genere censeantur. Et tamen in omnibus regibus Iudæ regnè peior Salomone reperitur, idololatriæ in regnum suum aditu flagitiosè patefacto; & regni sui scissionè promerito, ex qua innumerabilium animarum sempiternus interitus erupit, quas idololatria multis seculis præcipites egit in Tartarum.

Quid dici aut fingi potest indulgentius veniâ, qua clementissimus Dominus vsus est aduersus Manassè regem Iudæ, Ezechias filium, in quo illud meritissimè vsurpetur, *Heroum filij noxa*. Qui instaurauit idololatriam, quam pater eius disturbabat, qui ædificauit excelsa, quæ pater eius demolitus erat, qui Baalis altaria restituit, & lucum in eius honorem plantauit impium Achabum æmulatus, quæ pius Ezechias disiecerat, atque succenderat; qui Solem, Lunam, stellas, omnem cœli militiam Numinum instar adorauit. Manassès augustissimum Dei templum excitandis dæmoni altaribus polluit, & profanum habuit, inque eius honorem filium suum per ignem supersticiosè traduxit, *Et ariolatus est, & obseruauit auguria, & fecit pythones, & aruspices multiplicauit, & abominaciones pessimas, super omnia, quæ fecerant Amorrhæi ante eum, in contemptum præpotentis Dei. Insuper & sanguinem innocentem fudit Manassès multum nimis, donec impleveret Ierusalem vsque ad os*. Fuitque primaria causa deflagrationis templi Salomonis, direptionis Hierosolymorum ac vastitatis; Denique exportationis populi sui in Babylonem, & septuagenariæ captiuitatis.

Quid comméritus erat improbißimus iste, ac profligatissimus princeps: qui cum publico totius populi scandalo, Deo patrum suorum nuncium remiserat, imò in illum scelerata arma conuerterat; qui piorum regum palatium, qui templum, qui ciuitatem, qui regnum vniuersum, ædibus, flagitiis, rerumque omnium perturbatione compleuerat, vt solent in hostili regione infesti perduelles. Quid denique cõmeritus erat is, qui Deum de industria laceßere videbatur ad vindictam, eamque vel ab inuito extorquere velle? Nihil sanè minus eius sceleribus debebatur illa castigatione, quam memorat Ieremias, *plaga inimici*, ait Dominus, *perculsi te, castigatione crudeli*, quæ est futuræ vitæ pœna, castigatio seueri, atque adeò iudicis inimici, non beneuoli patris. Castigatione tamen paterna, quæ ad filij vtilitatem refertur, affectus est. Captus enim ab inimicis in Babylonem abductus est, &

O o o ij

VI.
Et Salemonem.

VII.
Et Manassè.
4. Reg. 21.

VIII.
Quia fuerat indignissimus.

Ier. 30. 14.

Vide an. m.
3345. nu. 17.
& se. 99.

coniectus in carcerem : vbi ad se, vrgente calamitate reuersus, & venia suppliciter à Deo postulata, exauditus est, moxque libertati, & regno suo redditus, supra quinque & quadraginta regnavit annos, & morte pacificè obita, Amoni filio regnum, posteritati exemplum reliquit admirabilis Dei clementiæ erga se, & placabilitatis;

XI.
Nabuchodonosoris scelesti in populum Dei.
Vide supra
l. 3. c. 44. n. 5

Quam Babylonius ille Nabuchodonosor, non minùs admirabilem reddit, Magnus, inquam, Nabuchodonosor, qui primus Babyloniorum Imperator, quater in Iudæam cum numeroso exercitu infestus venit, Dei que populum cædibus, rapinis, fame, incendio, deportatione vexavit; non vt Deo, populo eius castigando, famularetur, sed superbissimæ suæ dominandi cupiditati. Primum, vrbe per vim fraudemve occupata, Ioachimum regem, Iosæ filium cepit, & in Babylonem abduxit cum plurima nobilitate, in quibus Daniel cum sociis. Secundò urbem & regem, quem dudum liberum dimiserat, data fide clientelæ, obsidione cinxit, quòd is clientem pertæsus, fidem Chaldæo fregisset. Cùmque in urbem esset admissus iureiurando prius dato nihil se hostiliter acturum : captum regem cum flore nobilitatis interfecit, ratus perfido minimè seruandam fidem, eiusque cadaver volucris & feris abiici iussit insepultum, vti prædixerat Ieremias.

c. 21. 18. 19.

X.
Alia item.
4 Reg. 24.
14.
Ierem. 52. 31
an. m. 3446.

Tertiò Iechoniam, siue Ioachinum, Ioachimi filium, patris loco regem à se constitutum, & fatali quadam cæcitate rebellantem obsedit Hierosolymis; qui cùm se Chaldæo, Propheta suadente deditisset, cum matre, totaque aulicorum turba Babylonem, cum decem millibus suorum abducitur, cum ingenti sacræ prophanæque suppellectilis præda : ibi totos annos septem & triginta vixit in carcere. Postremò idem Nabuchodonosor contra Sedeciam Iosæ filium, Iechoniæ patrum, quem regno nepotis præfecerat, & iureiurando violato rebellantem arma sumpsit, triennio ciuitatem obsedit, & fame, multiplicique calamitate fatigatam, vi cepit, regem fugientem comprehendit, & filiis in patris conspectu iugulatis, effodit oculos Sedeciæ, ipsum coniecit in vincula, in quibus misera morte extinctus est: templum expilat, incendit, ac solo æquauit, ciuitatem disturbauit, toti regno supremam intulit vastitatem.

an. m. 3449.
n. 6.

XI.
Obtinet nihilominus veniam, & salutem.

Hic ergo princeps, qui Dei populo tot intulit clades, multisque deinceps Asiæ & Africæ nationibus, quarum reges ridiculi eius fuerunt; qui Imperium Asiæ tyrannica populatione ac dominatione fundauit, quid supplicij in hac, & futura vita merebatur? Quo tormenti genere maclandus erat ille contemptor Dei, qui templi eius suppellectilem demonum cultui addixerat, & se denique in colosso ingenti tanquam Deum adorari iusserat, & post agnitam professamque veri Dei maiestatem, famulos eius in fornacem ardentem coniecerat? An minori pœna quàm Pharaon, aut quàm Antiochus Illustris perdendus

esse videbatur? Sed diuinæ bonitati, ac mansuetudini aliter visum. Cum enim superbiam regis illius ignominioso supplicio septennium castigasset, suo regno restituit, indeque etiam ad cœleste aditum aperuit, quod tam multis aliis ei similibus obserauit; vt apud gentes idolis mancipatas extarent etiam admiranda diuinæ bonitatis, atque placabilitatis exempla. Quæ est antiquorum Patrum Augustini, Ambrosij, Tetrulliani, Theodoret, Epiphani, Iosephi, & recentiorum Doctorum communis, neque aspernanda sententia. Vide A. M. 3472. n. 9. & seqq.

C A P V T XIII.

Alia quedam argumenta, quæ Dei mansuetudinem, & placabilitatem probent.

PLACET finem imponere huic disputationi meæ, allatis nonnullis rationibus, quæ hanc diuini amoris lenitatem probent, ac vehementer amplificent. Ordo naturæ ac iustitiæ postulat, vt qui alteri iniuriam fecerit, ei aliqua satisfactione vicem reddat, priusquam violata gratia redintegretur. Itaque qui alieno ære grauati coniiciuntur in vincula, non prius asseruntur in libertatem, quàm creditori satisfecerint. Contrà verò mercatores, qui credita pecuniâ merces suas distrahunt, emptoribus gratiam & beneficium cōferunt, cum in præsentia merces præbeant, & in posterum solutionem expectent. Eadem fuit Domini Dei in mortales beneficentia, in lege naturæ atque Mosaica. Considerata enim satisfactiōe, quam olim Seruator exhibiturus erat, peccata condonabat hominibus, gratiâque iis conferebat, qui fide, spe, charitate ferebantur in Redemptorem venturum: sicque merces solutione dilata tradebat, eximebat vinculis, priusquam factum esset creditori satis; denique, per singularem facilitatem, iustitiâ conferebat & gratiam, priusquam venisset is, qui accepta damna, iniuriâsque refarciret, & in cuius gratiam gratia conferebatur.

Nunc autem filij Dei satisfactiōe perfecta, de infinito meritorum Seruatoris thesauro, quæ sacramentis Ecclesiæ continentur, & hominibus ritè applicantur, Deus debitorum solutionem accipit, & hominibus peccata condonat, non gratia, sed copiosa solutione anticipata. Infinitus autem atque inexhaustus est hic thesaurus, propter infinitam dignitatem personæ diuinæ Seruatoris; sed eius in largiendo, & quasi profundendo facilitas mortalibus, plane admirabilis est, & digna infinita actione gratiarum, & accurata explicatione, quoniam hic vnus nobis superest ad dicendum locus. Ea facilitas, vt rectè intelligatur, duo nobis ponenda sunt minimè dubia, vel controuersa.

I.
Deus veniã
gratiâque
anticipauit
peccatoribus
Vide Less. l.
12. n. 89.

II.
Nunc solutio
anticipatur;

III. *Facilis venia demon- stratur, pos- sita malicia peccati.* Primum est peccatum mortiferum, quo Dei maiestas infinita viola- tur, tantum esse malum; & damna, quæ illud secum trahit, tam multa, tamque atrocia; & bona quæ homini eripit, tam præclara, & utrorum- que durationem tam diuturnam, ut si Deus ad vnum aliquod condo- nandum requireret à peccatore, ut totam hanc mortalem vitam, in sum- ma pœnarum acerbitate traduceret, ut more prætorum heremitarum, aspero-cilicio indueretur, humi in cavernæ concauo dormiturus iaceret, radicibus insulsis pomisque sylvestribus victitaret, vino penitus abstine- ret, omni vitæ consuetudine cum hominibus careret, habitaret cum fe- ris, & improbißimorum dæmonum insultibus, & plagis dies noctesque vexaretur: si hæc, inquam, Deus in satisfactionem à peccatore require- ret, ea libentissimè admittenda essent, magnòque animo, liberata fide præstanda. Nulla enim finitæ ad infinitam pœnam proportio est, quam- vis alioqui cruciatu æquales essent; cum tamen alteræ alteris ita cedant, ut umbra corpori; ludus rei-seriæ, somnia solidæ veritati.

IV. *Et gratia di- gnitate.* Alterum quoque ponendum est fundamentum, gratiam & amicitiam Dei tantum esse bonum, & bona quæ secum illa inuehit, etiam in hac vita, tanta esse, tamque multiplicia; in illa verò æterna felicitate tam im- mensa, omnique opinione maiora, ut si ad illam amicitiam obtinen- dam, cæterorum amicorum, affinium, cognatorum, atque adeo paren- tis utriusque odium incurrendum esset, omniumque mundi principum inimicitia subeunda, cum omnium commodorum, quæ inde oriri pos- sent, iactura perpetua, nequaquam ancipitem hæere oporteret. Ut enim Deus pluris est infinitis partibus, quàm creatæ res omnes, ita eius amicitia & gratia cæteris præstat omnibus, quæ terrena duntaxat & ca- duca bona, multisque permixta miseriis homini conferre possunt. Diui- na verò confert ea, quæ vera sunt huius vitæ bona; deinde etiam in pos- sessionem mittit bonorum futuræ vitæ; quæ iure eodem pretio acqui- rantur, quo scimus Laurentios atque Vincentios, Sebastianos & Bar- tholomæos, cæterosque innumerabiles martyres illa sibi comparasse.

V. *Insignis Dei placabilitas.* Quæ cum ita sint, nemo satis admirari potest, nemo prædicare diui- næ facilitatis dulcedinem in condonandis hominum peccatis, etiam postquam Dei filius mortem subiit, ut animas, quas peccata pereme- rant, vitæ redderet. Facile enim hominem reperias, qui non vnum ali- quod, aut alterum mortiferum peccatum admisit, sed viginti, sed quinquaginta, sed centum, aut mille, aut quinquaginta millia, si lubet: ecquid ab eo Dominus postulat, ut ei toties commeritam damnationem æternam condonet? ut illi tam multa, tamque graua nomina ferat ac- cepta? ut illum in filiorum suorum numerum referat? ut ius ei ad cœle- stem tribuat hæreditatem? quid inquam ab eo postulat? Nempe ut ex animo doleat; de parente mansuetissimo atque optimo, scdè atque improbè violato, ut firmissimè apud se de emendatione constituat, sce- lera sua legitimo sacerdoti fateatur, qui pauculis eum verbis absoluat.

Eccetibi subitò admirandam metamorphosim. Peccator in hominem iustum, mancipium diaboli in filium Dei conuertitur. Hac enim lege, & ceremonia voluit Seruator, merita sanctissimæ vitæ suæ, mortisque innocentissimæ peccatoribus applicari, & filiorum fieri bona, quæ sunt à parente congesta.

O prodigium diuinæ clementiæ, ô lenitatem seculis omnibus inauditam! Humanæ leges aliquando capitali supplicio puniunt cõtumeliam, verbo factòve impositam, à quo non preces, non promissa, non munera, non minæ reum expedire possunt. Deus autem plurimas cædes, & adulteria, multas in Deum cælitè que voces execrandas, aliæque facinoræ vni lacrymulæ, vni emendationis proposito, ac secretæ confessioni condonabit, & æternam pœnam illis sapius debitam, tantillæ satisfactioni, quæ Christi meritis, & satisfactione nititur, exæquabit. Insupérque peccatorem euehet ad eminentissimam filiorum Dei dignitatem, quæ omnium mortalium merita superat, si à Seruatoris meritis seiungantur; quæ ipsa dignitas singularem secum inuehit, ac paternam Dei prouidentiam, vt à malis protegatur, vt idoneos faciat in virtute progressus, & inuito cacodæmone, carnis illecebris, mundique vanitate, ad finem vsque, in Dei timore perseveret.

VI.

*Ex compa-
ratione de-
claratur.*

Nescio sanè plusne Seruatori debeamus, ob tantis impendiis semel emptam salutem, ac satisfactionem nostram apud Patrem suum, an propter eandem hominibus toties, tamque vili pretio liberaliter attributam. Quid enim ea quam dixi peccatorum reconciliatione facilius; præsertim si addideris ad tanti thesauri participationem, illum quoque admitti, qui ad purissimum illum perfectissimūque de peccatis dolorem, aut absolutissimum charitatis actum non peruenerit; eò enim perpauci peruenire potuissent. Istarum quippe virtutum absolutio magnam vim diuini luminis exigit, magnam gratiam excitantem, & egregium naturæ ipsius conatum. Vt ergo vlam salutis facilem redderet omnibus & expeditam, quoniam *vult omnes homines saluos fieri*, vtque admodum infirmis animos adderet, satis habuit ad reconciliationem, si imperfectam contritionem peccator afferret, quam Attritionem vocant, quæ coniuncta sacramento ad iustitiam sufficeret; ne quisquam merito, aut de salute consequenda diffidere posset, aut exultationem in damnatione prætexere.

VII.

*Et Attritio-
ne.*

1. Tim. 2. 4.

CAPVT XIV.

Postrema declaratio diuina in parcendo facilitatis.

OCCVRRIT postremo alia quædam ratio declarandæ diuinæ in parcendo facilitatis, quam illustriorem atque admirabiliorem comparatione reddemus. Certò constat Deum solùm esse animæ ratione

I.

*CUR Deus
animam ho-
mini dis-*

ventis conditorem, nullam laudis illius partem, rem quamlibet decerpere. Hoc enim ille vnus homini munus propria manu confert, munus tanto artifice dignum, verâque imago diuini prototypi. Confert autem, non solum vt hominem cum corpore terreno constituat, sed vt in dies, diuinis humanisque ornamentis congerendis, ipsa se reddat in eodem corpore pulchriorem, donec mandatum ab eodem acceperit hinc emigrandi, & se ad eius tribunal sistendi. Interim autem magna pars hominum animam ista ita tractat, vt eius deformitatem propositam habuisse videatur. Eius ergo conditori Deo cum occurrerit ita deformata, quo animi sensu afficietur? qua cum indignatione exclamabit, *Cuius est imago hac?*

II. Si nobilissimus omnium, qui vnquam exitere pictorum ad præsentem diem, imaginem aliquam depinxisset, ad cuius absolutionem adhibuisset quidquid ingenio, quidquid industria atq; arte valeret, adhibitis etiam ex tota Europa atque Asia nobilissimis exemplaribus, ea mente atque animo, vt esset illa imago artis quoddam miraculum vniuersæ posteritati. Ea multo tempore aliquando perfecta, si quis in ipsam imaginis faciem magnam atramenti vim, aut noxij cuiuspiam liquoris malitiosæ coniecisset, quantam ille pictor, contra istum animo conciperet indignationem? quo luctu confectus iaceret? Contigerit duobus coniugibus filium exquisitissimæ pulchritudinis suscepisse, aurea cæsarie, facie candida & rubicunda, liberali atque exporrecta fronte, viuidis oculis, vario, gratoque colore perspersis, labiis, naso, genis, auriculis ad eximiam gratiam, venustatēque compositis, totoque reliquo corpore singulari elegantia, ac proportionē conformato. Si furcifer aliquis isti puero truncasset nares, aurem alteram abscidisset, alterum effodisset oculum, oris hiatum ad aures vsque lacerasset, quid faceret isti barbaro ficario vterque parens, si in eorum ille manus incidisset? Aut quid ipse faceres, si tibi ea calamitas contigisset? Nōne tibi cor arderet dolore? nōne, etiam in re ficta, sanguis incalescit, & igneus erumpit in faciem? nōne tumultuatur bilis? nōne totus iustissimam in vindictam incumbis?

III. O quanto maior est animæ Christianæ pulchritudo, quanto pellacior est eius decor beatarum mentium oculis, quàm mortalium istorum corporum species oculis corporatis; quippe quæ sit viua imago eius, qui est fons omnis pulchritudinis, quæ in corporibus mentibusque reperitur; eius qui inter spiritus pulchrior est, quàm sol inter astra, aurum inter metalla, carbunculus inter pretiosos lapillos, homo inter omnes animantes. Quid ergo facturus est ille scelerum vindex Deus, illis qui imaginem Dei, indignissimè lacerarint? qui filiam Dei foedissimè deformarint, totidem plagis, quot mortiferis peccatis? præsertim cum eos sic habeat in potestate, vt refrigerare nusquam possint. Quo tandem animo feret, opus illud suum deperitum ac perditum, quod inter omnia creata, si ab angelis

II.
*Similitudo
pictoris of-
fensi in ta-
bula.*

*Est parentum
in filio.*

III.
*Applicantur
hæc similita.*

gelis diſceſſeris, principatum tenet? Opus quod diuina ſapientia dedita opera Dei perfectionibus tantum ornauerat, quantum imago abſolutiſſimum exemplar imitari poteſt.

Age nunc obſecro, num prudenter credi poſſit illum pictorem, qui tabulam ſuam, iſtos parentes qui filium ſuum ita deformatum ſemper haberent ante oculos, luctum ſuum ac dolorem perpetuò renouantem, autorem luctus & calamitatis ſuæ ſerena fronte, hilari oculo, placido animo conſpecturos, quamuis iniuriam illi ſuam, amicorum victi precibus, condonaſſent? Ecquis ergo non hærebit ſtupore defixus, in contemplatione diuinæ bonitatis, clementiæ, placabilitatis, qui tot ab homine affectus iniuriis, in filia ſua dilectiſſima, regni ſui & æternæ felicitatis herede, imagine diuinæ maiestatis ſuæ, ignoſcit tamen illi ex animo, cùm primùm certam in eo pœnitentiam agnoſcit, eius crimina de libro ſuo ac memoria delet: imo etiam iſtum nuper ſicarium, blaſphemum, adulterum, in filium ſuum adoptat, conſtituitque, ſi rectè deinceps ſe geſſerit, ſuum ex aſſe heredem. O bonitatem! ô manſuetudinem! ô dignam Deo placabilitatem!

Quid fecit iſ, qui coram ipſo Deo non dubitat prædicare manſuetudinem ſuam? Cùm inſignem iniuriam à rege Ammonitarum, in peridna legatorum ſuorum accepiſſet, illico pace atque amicitia violata, bellum exitioſum & crudele decernitur, acerbiffimèque geritur; denique, cum immenſa Hanonis Ammonitæ clade, debellatur. Quid fecit Deus ipſe primis illis inimicis ſuis, deſertoribus angelis, qui ſuperbiâ meditati fuerant in corde ſuo contra principem iuum? Illico ad arma ventum eſt, eosque tanta animaduerſione caſtigauit, quantam vniuerſa omnium ſeculorum poſteritas obſtupescet. Hominibus autem, ô ſtupendam lenitatem, illico ex animo dimittit, non peccatum vnum, non decem, non quinquaginta, ſed quot numerum capillorum eius & quare poſſint, ſi intimo ex corde doleat ob tantam Dei iniuriam, ſi ſupplex veniam petat, ſi ſerio de vitæ mutatione conſtituat.

Quid dicam amplius? alia ex aliis miracula diuinæ manſuetudinis occurrunt. Qui promptiſſimam homini veniam indulget, lentiſſimam miſeri peccatoris pœnitentiam expectat; qui ſemper eſt ad reconciliationem paratus, reum cunctantem, atque adeo repugnantem dies expectat & meſes, annos quoque permultos, vſque ad ſupremam aliquando mortis horam. Neque interea occultat ſe, aut moroſus difficiles aditus præbet: imo, rem admirabilem, quaſi eius pluriſimum intereſſet, pacem ipſemet inquit prior, *Conuerſimini*, ait, *ad me in toto corde veſtro, in ieiunio, & in fleu, & in planctu*; viden? ut etiam aperiat inimico reconciliationis vias? Sit verbo venia Deus meus, Blandius etiam peccatores appellas, ut mater puerulum deliciarum appetentem, & pene cum lacrymis, repulſæ metu. *Conuerſimini*, ait Ezechias, *conuerſimini à viis veſtris peſſimis, & quare*

IV.

Et oſtenditur incredibilis Dei lenitas.

V.

Augetur exēplo Davidis, & Dei ipſius. Pſal. 131. 1. 2. Reg. 10. & ca. 12. 31.

VI.

Et ex eo quod Deus ipſe offenſus pacem quaerit.

Ioel. 2. 12.

C. 18 30. 31. *moriemini domus Israël: Et rursum, Convertimini, & agite penitentiam ab omnibus iniquitatibus vestris, & non erit vobis in ruinam iniquitas. Proiciet à vobis omnes prauaricationes vestras, in quibus prauaricati estis, & facite vobis cor nouum, & spiritum nouum, & quare moriemini domus Israël? Quia nolo mortem morientis, dicit Dominus Deus, reuertimini, & viuite.*

VII.
Cōclusio, &
exhortatio.
Psal. 72. 1.

O quam bonus Israël Deus, etiam iis qui non recto sunt corde! quam mitem Dominum, quam placabilem habent parentem. Qui non diligunt te nōne filicem in corde gerunt? qui ista audiunt, nec intelligunt quanta sit Dei erga peccatores clementia, nōne stupidi sunt, plumbei, fascinatione contacti? Quando igitur omnem parentum bonitatem exuperat bonitas tua, omnem dominorum mansuetudinem lenitas tua, omnem principum clementiam placabilitas tua: & hinc quidem multis tibi titulis debetur famulatus meus, inde autem multiplex mihi subinde venia necessaria est identidem peccanti. Acceptum habe si placet hoc qualecunque seruitium meum, tibi debitum, tibi destinatum. Quærat qui volet alium herum, nunquam inueniet parem, Seruiat carni peccator impurus, sordes metet & corruptionem; seruiat mundo, fumo excabitur vanitatis, pudore confundetur; seruiat denique dæmoni, mercedem accipiet in hac vita multarum calamitatum, & in futura damnationis æternæ.

VIII.
Ad seruien-
dum tam
clementi
Domino.

Tu autem, ô immensa bonitas, longè aliter te erga seruos tuos geris. Nam & castissimus est famulatus tuus, qui seruis tuis nihil præter innocentiam, puritatemque præcipias: est & gloriosissimus, magni scilicet principis, & domini regum terræ; est suauissimus, & veræ consolationis plenus, quantam quidem vitæ huius imbecillitas; fructuosissimus denique, ut qui pactam habet mercedem æternæ vitæ. Insuper autem, ô mitissime Domine, cum peccamus, præ magnitudine miseriæ nostræ, veniam facile obtinemus, pro magnitudine misericordiæ tuæ. Si à te, ut improba mancipia fugimus, tu nos tanquam facilis herus inquiris; si tanquam filij prodigi redimus ad patrem, excipiunt nos paterna viscera, & tanquam re bene gesta, in oscula & amplexus ruunt. Si præcipuam vitæ partem cum inimicis tuis nostrisque consumpsimus, reliquias nihilo minus hilariter accipis. Si aduersæ res clamorem ad te nostrum prouocant, aurem tuam precibus nostris accommodas; si per vmbra mortis incedimus, tu nobis dux es & comes; si mors denique subeunda, tu ipse, cum angelis tuis præsidio nobis es, usque ad regionem æternæ vitæ.

CAPVT XV.

Rationes quedam, & via manfuetudinis acquirendæ.

HOc modo Mitis Amor finem impofuerat difputationi fuæ, cum ego ad eum oratione conuerfa; finem ergo dicendi facis, mi Amor, & quidem fuauiffimum; quæ laus toti orationi tuæ admodum congruit: tæque germaniffimum filium Regina Charitatis oftendit: nos autem, fi homines fumus, ad amorem tanti patris vehementer accendit, atque ad ftudium tam miti, tamque placabili Domino amantiffimè feruendi. Sed placetne etiam aliquid addere, quod ad manfuetudinis vsum pertineat, & rationes ipfius acquirendæ: quod erit auctarium quoddam fuauitatis ac facilitatis tuæ. Ne hac quidem in re, ait Mitis Amor, austerus aut difficilis efle cupio; re præfertim neque ardua neque difficili, fi quæ à nobis dicta funt hactenus memoria teneantur.

Sit ergo primum in præceptis meis, ftudium imitandi magnos illos Heroas, qui manfuetudinis laude præftiterunt, Abrahamum dico ac Iofephum Patriarchas, Moſem legiſlatorem, Dauidem regem, omnique naſcentis Eccleſiæ Chriſtianos; & multorum deinceps, qui pedes in eorum veſtigiis poſuere. Maximè autem ſtatuendum eſt ante mentis oculos exemplum beatiffimæ Virginis, quæ cum caterarum virtutum gloria refulget, tum iſtius in primis locuples eſt. Neque enim ſine cauſa hoc illam elogio Eccleſia vniuerſa compellat. *Virgo ſingularis, inter omnes mitis, nos culpis ſolutos mites fac & caſtos.* Nemo quippe à pauperibus diuitias petit. Nam quid ego de illius imitatione dicam, qui diſcipulis ſuis exemplum ſe dediſſe proſitetur, vt quemadmodum, inquit, ego feci, ita & vos faciatis. Quid de illo moribus exprimendo dicam, Patre inquam, cœleſti, de quo vnigenitus eius, *Diligite inimicos veſtros, bene facite his qui oderunt vos, & orate pro perſequentibus, & calumniantibus vos, qui ſunt omnes actus eximie manfuetudinis & lenitatis.* Quare autem? vt ſitis, inquit, *filij patris veſtri, qui in cœlis eſt, qui ſolem ſuum oriri facit ſuper bonos & malos, & pluit ſuper iuſtos & iniuſtos.*

Altera ad manfuetudinem via erit oratio, quæ tum ad illos ipſos aliòſque cælitæ dirigatur, qui manfuetudinis laude præſtiterunt, quorum paulò antè exempla protulimus, non admiratione ſolùm, ſed etiam imitatione digniſſima. Maximè autem orandus ſuper ea virtute Pater ille cæleſtis, qui eam dare poteſt, & in filiis ſuis libenter intuetur; tum vnigenitus eius, qui eam promeritus eſt hominibus, tum Virgo illa ſanctiſſima, quæ apud Patrem & Filium, omnia poteſt. Omnia enim bona cælitus in homines deſcendunt ab illo Patre luminum, & filio eius, qui immenſos mortalibus gratiarum theſauros congregauit, quorum clauum

I.
Transſiſſio ad
dicam media.

II.
1. Imitatio
manfuetorū.

Nominatiſſim
B. Virg.

Chriſti &
Dei
Ioan. 13. 15.
Matt. 5. 44.

III
2. Oratio ſi-
ne poſtula-
tio virtutis
eiſdem.

Iacob. 1. 17.

2. Demissio
animi.

dedit sanctissimæ genitrici suæ, eius honorandi causa, & quamplurimos illi toto orbo clientes colligendi. Accedat tertio virtus altera, quæ tam in filio quam in parente vehementer eminet, & germana est. & comes indiuidua lenitatis, Humilitatem dico, cui quod quis studiosus operam dederit, hoc se magis sentiet fecisse non pœnitendas, in ea quam quærimus lenitate, progressus.

IV.

4. Amor
proximi.
Ca. 3. & 4.

Addo etiam quartam rationem, in qua plurimum omnino est efficacitatis ad mansuetudinem. Ea est in proximum charitas, quæ illius fons, origo, & mater est, ut supra circa utrumque amorem, naturalem, inquam, & diuinum declaratum est. Et profectò res ipsa docet eos, qui inter se amant, non faciliè rixari, aut aditum præbere dissidiis; quod si aliqua offensionis causa necopinanter irrepserit, ea quamprimum euanescit, instar levis nubeculæ, quæ à modico vento faciliè dissipatur, amicorum animis pristina serenitate, instar stelliferi cœli fruentibus. Vident enim mutua monita, à mutua beneuolentia proficisci, quæ cognitio, ubi tantillum sedatus est feruor ille, confirmat profectò, nedum debilitat amicitiam. Mutua quoque illa fiducia faciliè condonat atque abstergit quidquid commotionis inter agendum interuenerit.

V.

1. Reueren-
tia quadam
aduersus
improbos.

Sed huic amori adiungenda est quædam reuerentia, etiam aduersus intimos, maximèque necessarios, quod animi demissio præclare usurpare solet: vixque illa abesse potest, sine contemptu aliquo, qui solet iram excitare. In eos autem, quos tanquam superiores obseruamus & colimus, non solemus irasci, sed in agèdo modestiam adhibemus, in loquendo lenitatem. Hanc reuerentiam fouebit ac nutriet non solum personarum conditio ac dignitas, sed illa etiam consideratio, quod quamuis nunc fortasse vitiis inquinati sint, æternæ tamen felicitatis forte destinati sunt heredes, & maioris gloriæ, quam nos ipsi. Contineat nos quoque aduersus istos ille timor, quod cum sint admodum infirmi, periculum sit, ne & alieni fiant à nobis, & desperatione frangantur, & propter magnam propensionem in viciū, grauiore stomacho concitati, in deteriora præcipitent.

VI.

Et lenitas,
& quam ob-
rem.
Ca. 10. & 11.

Meminerimus, quod superius explicatum est à nobis, quo se modo Deus olim gesserit aduersus Synagogam, quasi mulierem multis ac magnis sceleribus contaminatam; quomodo Seruator, proposito exemplo filij prodigi, & indulgentissimi ac mitissimi parentis, docuerit quantacum suauitate recipiendi sint peccatores, qui resipiscunt: quæ nonnunquam etiam adhibenda est ut velint resipiscere, ac sanati; quod ægrotorum genus maximam curantis cautelam requirit. Eodem pertinet illa Pauli monitio, *Fratres & si præoccupatus fuerit homo in aliquo delicto, vos qui spirituales estis huiusmodi instruite in spiritu lenitatis*, ne scilicet Deus hanc acerbitatē non probet, & patiatur graui aliqua tentatione prosterne, qui hactenus steterat inuictus. Et alibi idem monet parentes, ne filios ad iracundiam prouocent, iustam videlicet improuida seueritate, *ne pusillo animo fiant*, & diffidentes se posse morosis parentibus satisfacere, ab eorum se conspectu, disciplinæque subducant.

Galat. 6. 1.

Ephes. 6. 4.
Coloss. 3. 21

Prouidendum etiam eſt ne iſta lenitas in puſilli animi vitium degeneret, cui nulla vis eſt, nullus animi vigor ad monendos caſtigandoſque delinquentes: qualem culpam fuiſſe legimus Heli Pontificis, ad filiorum ſuorum ſcelera conniuentis, in quibus & illi ultore Deo miſerè perierunt, & arca Dei capta eſt, & Heli è ſella corruens fratris cervicibus expirauit. Reprehenditur etiam David, quòd in diſſimulanda filij ſui Adoniæ vanitate dormitauerit, qui illa abuſus lenitate, regnum inuadere, quamuis Salomoni diuinitus deſtinatum, molitus, ab eodem Salomone caſus eſt. Iacob Patriarcha, pro natua præ fratre lenitate, laxior fortaliſis fuit, in caſtigandis filiorum peccatis; per quorum poſtea ſcelus plurimis annis in ſummo animi luctu, ac mœrore iacuit. Eſt ergo quòd prouideant ij, quibus mollior natura contigit, & animus infractior, ne dum mites eſſe volunt, in ſegnem ignauiam delabantur: & ſiant ſal infatuatum, quod proiectum foras, ab hominibus conculcatur.

Cæterum hæc qua de agimus reuerentia, manſuetudinis cuſtos & nutritrix, faciliſ multo eſt in conſuetudine vitæ cum probis, quos oportet tanquam dilectos Dei filios intueri, & vtique nobis iſtis Deo gratiores, & ad maiorem in cœlo gloriam deſtinatos. Sed hæc reuerentia de interiore in primis accipienda eſt: nam exterior ex perſonarum conditione ac ſtatu metiendaeſt. Nec ſuperior inferiorem, aliter quàm inferiorem, tractabit, quamuis eum virtute ſuperiorem agnoſcat. Nec filij regum aut principum aliter à gubernatoribus ſuis, quàm diſcipuli accipiuntur, & cùm res exigit ab illis caſtigantur, quamuis illi filij ſint principum, iſi autem in plebe fortaliſe conſeantur. Natura iſta docente didicimus, quo quæque res pretioſior eſt, hoc eam cantius & circunſpectius eſſe tractandam, præſertim ſi inſtar cryſtalli fragilis fuerit. Magna eſt humani generis fragilitas atque imbecillitas: & cùm Apoſtolus Chriſtianos ſanctos appellet, & religioſi viri aut ſancti ſint, aut ad ſanctitatem ex inſtituto progrediantur, videamus ne eos nulla cum reuerentia tractare, ſacrilegij genus quoddam cenſeri poſſit.

Hæc quoque reuerentia iſis neceſſaria eſt, qui cum hominibus verſantur magna patientia & manſuetudine præditiſ, qui facile ſe ab aliis aſperè, contemptimque tractari patiuntur; adeoque in diuinis beneficiis numerant, quod crucis eius, & perpeſſionum participes ſiant; qui ſe reos ſemper agnoſcunt, alios autem excuſant libentius, quàm arguunt: quo fit vt difficilius culpam in eos admiſſam agnoſcamus. Cùm enim aliquem exigua virtute præditum, vel leuiter offendimus: qui quamprimùm iraiſcitur, & parem nobis, aut maiorem reponit iniuriam, quia pax interius exteriusque turbatur, facile culpam noſtram agnoſcimus; in illis autem qui ſilentio premunt acceptam iniuriam, & aliquid pro Chriſto pati glorioſum putant, non facile. Eadem tamen in aſperitate noſtra culpa eſt,

Ppp iij

VII.
*Lenitas in
ignauiam
degenerat.*

1.3. Reg. c. i.
6 & c. 2. 6 & 25
Gen 37. 2.

Matth. 5. 13.

VIII.
Lenitas facilis aduerſus probos.

1. Cor. 6. 1.

IX.
Decepio eorum qui probis iraiſcuntur.

aut etiam maior in eos, qui ob maiorem virtutem, maiori honore ac reuerentia digni sunt.

X.
*Lenitas ex
nobis ipsis
discenda.*

6.
Psal. 89. 10.

Alia etiam occurrit trita, & quasi compendiaria ad lenitatem via, si alios etiam delinquentes eo modo acceperimus, quo ab iis accipi cupimus, si qua in re nos contigerit deliquisse. Cupimus autem sine dubio amicè argui, atque beneuole, nec superiores nobis satis placent, qui asperius subditos licentiusque tractant: leniores autem ambimus, *Superuenit mansuetudo, & corripiemur*, ait Dauid. Nimirum monet ut mansuetudo actiones nostras anteuertat. Acturi videlicet cum hominibus, cor nostrum ad lenitatem componamus & pacem, certi continere freno patientiæ, quamuis tumultuantem intus iracundiam, atque addeò cohibere interiorem eius motum; Id si crebro fuerit factitatum, habitus mansuetudinis acquireretur, quem insignis animi pax consequetur.

XI.
Mites amantur, seueri contra.

*Æn. 7.
turbascient.*

Cui rei consentanea fuerit illa consideratio, quod prona est omnium aduersus mites dilectio. Omnes enim natura pacis amantes sumus, nec facile aggregamur ad eos, qui animo aut lingua prompti, ad iram facile commouentur: cui enim iurgia vel rixæ placent? Spiritus Dei amabilis est, mitis atque pacificus, Sathanæ autem seditiosus ac turbulentus, & odio dignus. Id præclare intellexit Poëta nobilis, qui furiam eduxit ex inferis ad turbandam pacem, & serenda in Italia crimina belli Troianos inter & Latinos, instigante alia muliere, quæ Troianos pessimè oderat. Mulierum utique natura mitior est ac mollior quam virorum; si quando tamen abundantes ira, illi habenas laxarint, eas rectè Proserpinas dixeris, aut Megeras, quæ gladios exacuunt, quibus se mariti contrucidunt, & ultionis ignem accendunt, quæ ipsas in primis comprehendet, atque consumeret. Gratificari se putant coniugibus, cum acceptam iniuriam exaggerant, & hostem quam possunt nigerissimo carbone depingunt, ignaræ, se oleum camino flagranti iniicere, quæ utrosque conuoluet, ac miserè perdet.

XII.
Ille plus possunt.

Illud postremò animo pertractandum est, in consuetudine vitæ homines difficiles ac morosos non facile adiri, lenes autem ac faciles contrà. *Fœnum habet in cornu*, aiunt, *longè fuge*. Ex quo sequitur seueritate impediri auxilium, quod diuinus amor egentibus afferre posset. Ad mansuetum autem, ut infantulus ad sinum nutricis, omnes accurrunt consolationis & remedij causa. Itaque longè opinione falluntur, qui iram rebus gerendis mansuetudine vtiliorem putant; turbat ira potius negotia, quam promouet, hoc ipso quod rationis vsum interiore illo calore debilitat; quid autem ratione perturbata rectè facias? Illudque tandem animaduertitur seuerum minus efficere clamoribus ac tumultu, quam mitem, qui officiosa humanitate demeretur sibi hominum voluntates, easque ad nutum habet obsequentes. Hic ad exequenda mandata curritur, illic nihilominus lentè agitur. Clamoribus enim assuefacti, non magis mouentur, quam tubæ sono tubicinis equus, aut asinus plagis.

Quid habet virium aquæ gutta, qua nihil est mollius? Constat tamen ab ea lapides excuari. Nihil est oleo dulcius, nihil altius penetrat, nihil latius diffunditur. Mollis est aër, lentus, flexibilis; ignis quoque mollis est ac facilè cedit: quid tamen iis efficacius si terræ visceribus clausi teneantur? terras diffundunt, montes excutiunt, fluuios absorbent; fulgure, tonitruo, fulmine, ventis, grandine cælum terramque perturbant. Quodd si aliquando non monitione tantum opus est, sed animaduersione, mitis leui castigatione facilius peccantem emendabit, quam seueri Catones. Quem enim ille castigauerit, vbi paululum ira dolorque resederint, pœnæ suæ ipse quoque subscribet, & officio deinceps fungetur suo. Is quem iracundus ille, rigidusque punierit, odium in illum diuturnum, ac pene implacabile concipiet. Habes epimetrum quod petisti, quod vñ esse possit mansuetudinis candidatis.

XIII.
*Manfuetudo
diuini effici-
tatis.*

Noni Libri finis.



LIBER DECIMVS.

De Sollicitudine Diuini Amoris.

CAPVT I.

Descriptio sexti filij Charitatis, cui nomen Sollicitus-Amor.

I.
Transitio.
AVTOR.



HÆc cum dixisset Mitis-Amor, Maximas, inquam ego, meritâque gratias meritò agimus, mitissime Amor, qui hunc laborem subieris, docendi non pleraque solùm, quæ ad diuinum in nobis amorem excitandum, atque augendum valent, sed etiam quæ ad mansuetudinem Deo in primis hominibûsque amabilem, & quidem multa, ni fallor, cum orationis suauitate, consentaneè moribus istis, & nomini quod à parente Charitate accepisti. Deo, inquit ille, laus & gloria. Deinceps porrò desideramus, inquam, Sollicitum Amorem germanum tuum ordine sextum audire; si tamen ex eadem parente fratrem. Apparet enim Sollicitudinem à Timore potiùs, quàm ab Amore progenitum. Ipsum nihilominus, ait Mitis-Amor, agnosco fratrem, lubensque profiteor. Sed ille facilè hunc tibi scrupulum exinet, eum actutum euocabo.

II.
Descriptio
Solliciti
Amoris.

Deut. 4. 9.
Psal. 39. 11.

Matt. 6. 31.
Eccl. 29. 28.

Subducit ille se paululum, statimque prodit adolescens, facie liberalis, cui nomen Sollicitus Amor; & verò sollicitudinem ipsa facie præferbat, quæ videbatur negotiosi hominis, & seria molientis, qualis erat quondam Iudæ Patriarchæ, cum Beniamini causam apud Ægypti proregem ageret: quæ erat historia, quam acu pictam opere plumario ferebat in pallio purpurei coloris, cui nomen Prouisio. In eius limbo legabatur illa Moïsis admonitio. *Custodi temetipsum, & animam tuam sollicitè.* Elogium ex Dauide mutuo sumpterat, *Dominus sollicitus est mei.* Quatuor habere dicebatur famulos, quos reliquerat domi. Primus dicebatur, Quid manducabimus, alter, Quid bibemus, Tertius, Quo operiemur, Quartus, vbi habitabimus. Seruator trium meminit in Euangelio; quartum

quantum Sapiens adiecit; quæ sunt totidem curæ, & Sollicitudines hominis rerum sibi necessariorum satagentis, sed intra modum, neque alieno tempore aut loco. Quæ causa fuerat cur Sollicitus Amor eos domi reliquerat.

Habet porro propositum docere germanam se esse Charitatis prolem, quæ sanctam in Deum proximūque sollicitudinē hominum cordibus ingenerat. Deum item ipsum, qui est Charitas increata, maximam nostri curam gerere, quam ille mundo maximè patefecit, cum ad eius procurandam salutem filium suum misit in terras, quam ipse quoque factus homo diuinis actionibus suis egregiè demonstrauit. Denique nos ad hanc sanctam sollicitudinem studiosè inuitabit. Sed nos de more prius conabimur ostendere Amorem vniuersè causam esse Sollicitudinis, de re quam diligimus, prout ratio ipsa docet, & experientia fidem facit.

III.
Propositio
dicendorum.

CAPVT II.

Amorem causam esse sollicitudinis.

MINIME dubium est, vt alio quoque loco alia occasione significauimus, Amorem, qui princeps est ac primarius nostræ voluntatis actus, omnes humani cordis motiones, affectusque producere. Nam, exempli causa, statim atque didicimus quid sit beatitudo, aut huius aut futuræ vitæ, illico voluntas ad illius amorem fertur, vt ad rem sibi valde convenientem, & ad eam fruendam brachia affectuum suorum exporrigit. Eodem ipso naturæ pondere fertur voluntas ad odium miseræ, quæ cum felicitate directò, ugnat, nec mutuam ambæ societatem ferre possunt. Neque tamen amamus felicitatem, quia miseriam auersamur, sed contra odio habemus malum, quia bonum amore prosequimur. Infelicitas enim, vt vox ipsa significat, felicitatem ponit ac tollit, vt & ceteræ priuationes auditus, visus, fortunarum, quæ à surditate, cæcitate, paupertate tolluntur, quæ in subiecto apto fuerunt, aut esse debuerunt. Sic ergo felicitas miseriam antecedit, ac ponit.

I.
Amor causa
est fons om-
nium affe-
ctuum.

Super hanc vtramque basim reliquæ animorum commotiones fundatæ sunt, sicut elementa reliqua aqua & terra nituntur. Ipsa nihilominus terra aquæ fundamentum est, eique perpetuò subiaceret, atque substernitur. Quod enim de orbe terrarum, ait David, *Ipse super maria fundauit eum, & super flumina præparauit eum*, vel de stabilitate accipiendum est, qua terra præstat aquis, vel de propinquitate, vt cum Hebræi fleuisse dicuntur *super flumina Babylonis*, aut sedisse in *Ægypto, super ollas carniū*. Quia igitur felicitatem amamus, eam desideramus absentem, & de præsentē lætamur; itaque desiderium & delectatio ab

II.
Declaratur
sigillatim.
Psalm. 23. 2.

amore nascuntur. Et quia miseriam auersamur, timemus absentem, & de præsente tristamur, qui sunt totidem motus ab odio profecti. Si potest obtineri bonum quod diligitur, spes vel fiducia existit, si non potest vitari malum quod odimus, diffidentia nascitur, aut desperatio. Si ægrè obtineri potest id bonum, amor excitat audaciam, si obuiæ difficultates vix euinci possunt, fuga nascitur, homine industriam suam & conatum ab opere retrahente. Si quis boni consecutionem impedire studet, aut in id malum conicere, quod odimus, incalcescit amor, & producit iram.

III.
Sollicitudo
non est desi-
derium.

neque tristi-
tia.

2. Cor. 7. 11.

sed timor
cum cura.

C. 13. 15.

At enim, dicat aliquis, ubi est hîc sollicitudo, quam quærimus? haud dubiè ad amorem refertur, à quo motus omnes excitantur, proximè tamen ad vnâ aliquam prædictarum commotionum pertinet. Ad quam autem? an ad desiderium? nisi fortè ipsa Sollicitudo desiderium est. Non ita est. nam desiderium appetit bonum duntaxat, at sollicitudo rationē anxie inquit, & viam obtinendæ felicitatis. An ad tristitiam reuocatur, cùm Paulus scribat ad Corinthios tristitiam causam illis sollicitudinis exitisse? Certum quidem est verum dolorem offensi numinis, sollicitos reddere, & cautiore ad vitandam noxam, sed tristitia sollicitudinem proximè non producit, cùm illa præsens malum respiciat, hæc futurum. Ergo ad Timorem reuera proximè pertinet, sed illi addit studium & curam inueniendarum rationum, quibus malum vitetur, quod nos amato bono spoliaret. Itaque rectè S. Iob, *Considerans*, inquit, *Dominum timore sollicitor*. Et Ouidius:

Res est solliciti plena timoris amor.

Et alibi rursus,

Quid timeam ignoro, timeo tamen omnia demens,

Et patet in curas arca lata meas.

IV.
Amoris sol-
licitudo do-
cet expe-
rientia &
exemplis.
Iacobi pro
Beniamino.

Cû ergo Amor timoris causa sit, est etiâ sollicitudinis, quæ illi comes est. Experientia quoque compertum est Amorem progenitorum esse Sollicitudinis. Cernimus enim quotidie parentum pro filiis curas, eoque maiores, quod illis chariores fuerint, ne quid eis desit, ne quid noceat, ne quæ sita perdant, ne expectatione frustrentur, ne impotuno labore frangantur, ne quis eos casus aduersus affligat, ne qua improborum cõmunione deprauentur. Cuius rei exemplum singulare legimus in Iacobo Patriarcha, in causa Beniamini sui. Quoties ille reculauit filiis suis, dare Beniamino comitatum Egyptiacæ profectionis? Deinde ipsa necessitate labefactatus, quanta cunctatione, quot dilationibus, quanta procrastinatione vsus est? quot illi contrâ precibus, promissis, obsecrationibus egerunt apud senem, vt hanc demissionem extorquerent? Vt autem denique consensit, ac manus dedit, eadem sollicitudine iussit munera ad proregem deferri, referri pecuniam prioris frumenti; Deum item orat vt peregrinatio benè vertat, & suam solitudinem gemitu antenerit, qui sunt omnes solliciti amoris effectus.

V.

Nec minor fuit Iudæ Patriarchæ sollicitudo, in tristissimo illo casu, qui

in *Egypto* Iacobi filios perculit vniuersos. Existebat illa Iude cura, par- *Iuda pro*
tim ex ingenito naturæ amore, aduersus minime natu frati ē. cui timebat *eodem.*
ne barbari principis & idolorum cultoris seruituti manciparetur: partim
etiam, multo que magis ex amore in parentem suo, quem mœrore confe-
ctum iri non dubitabat, quique eius illum fidei præ cæteris, promissis que
crediderat. Quid ille, quid cæteri intentatum reliquere, vt tantam ca-
lamitatem vitarent? Consciderunt omnes vestimenta sua, vt proregem
illum ad commiserationem inflecterent, ad eius si pedes proni abiece-
runt, omnes se fassi sunt reos, & cum lacrymis & eiulatu, omnes se illius
addixere seruituti. Quæ deinde fuit Iudæ oratio? quem illi artis locum
non suggessit amor, vt veniam ac misericordiam impetraret: Neque
suam, neque cæterorum fratrum, neque illius, qui reus agebatur in pri-
mis, innocentiam, quod facile poterat, demonstrare aggressus est, ac ne
vllum quidem verbum fecit aduersus satis euidentem calumniam, sed
naturalem affectum patrum in filios, & filiorum in parentes validè aduo-
cat ad certamen; præsertim abdicata vltro libertate sua, vt mortiferam
parentis ægritudinem redimeret, & fratrem eximeret seruitute. Adiecit
fidē seni datā, multa criminis, pœnæ, exprobrationis detestatione firmatā.

Huc quoque Tobie senioris, & Annæ vxoris eius, pro filio sollicitu-
dinem referamus licet, siue priusquam eum peregrè abiturum ab se di-
mitterent, ei de rebus omnibus, & nominatim de itineris duce, liberaliter
providendo: siue postquam is se dedit in viam. Mater enim absentiam
filij prosequitur lacrymis, & apud coniugem lamentatur, quod filiū vnicū
pecuniæ causa discrimini commiserit. Mulierem fortior aliquanto senex
consolatur, & eius minuere conatur curas, comitis fide memorata, & vi-
delicet diuina providentia, quæ angelum illi socium haud dubiè dederit,
à quo deducendus, & reducendus sit sospes. Mox tamen ipse idem, in-
dulgens timori pro filio, proprias lacrymas Annæ lacrymis sociauit. Dies *Ca. 10.*
numerabat itineri, ac commorationi necessarios, & animus eius anxia cu-
ra fluctuabat. Anus autem ipsa, quotidie exiliens circumspeciebat, & lu-
strabat oculis vias omnes, per quas spes remeandi videbatur, vt procul vi-
deret eum, si fieri posset, venientem. Et gemitus quotidie suos iterabat,
donec eum denique à longè venientem vidit atque agnouit, & ad senem,
boni nuncij gerula, festina cucurrit, mōxque vniuersa vtriusque solli-
citus in multiplex gaudium conuersa est.

Atque huius eiusdem rei ex similitudine capiamus exemplum amico-
rum vehementer inter se diligentium, quorum alter in grauem morbum
inciderit; vide igitur in quantam sollicitudinem alterum amicitia conii-
ciat. Hominem quotidie sæpius inuisit, aut nusquam potius inde effert
pedem. Medicum, chirurgum, pharmacopolam, omnēque domesticos
de amici statu subinde rogat, quid spei sit recipiendæ valetudinis, quomo-
do quiescat, dormiat, cibum sumat, remittat ne an augeatur febris; omnia
morbi symptomata anxie scrutatur, irascitur in ægritudinis autores, affert

remedia quæcunque potest comminisci. Cùm autem illum inuisset, eidem addit animum & spem, qua ipsemet deficitur, iuxta illud,

Spem vultu simulat, premit altum corde dolorem. Hanc omnem sollicitudinem amor exfufcit, & morbus corporis animum ægrum facit.

VIII.

*Et vniuersè
in tota vita.*

Hic amor conferuandæ potentia, opum, libertatis, instituit seruâtque præsidia militaria in munitis arcibus, finibusque regnorum, ne qua ex improviso contingat hostilis oppressio. Hinc excubitorum manipuli exorti, vigiliæ variis stationibus distributæ, excubiarum lustrationes, lata profundaque fossarum, subductarij pontes, cataractæ penfiles, cæteraque id genus ingeniosi amoris inuenta, quæ Sollicitus Amorem vsum deducit. Sunt & pleraque officiorum genera, quibus dati acceptique ratio reddenda est, & cautionum syngrapharum, acceptilationum, sponfionum, pignorum, promissorum, & innumerabilium id genus contractuum, quæ securitati seruiunt, ne parta ac possessa percant, & vt quæ sita iam augeantur.

IX.

*Muliebris
sollicitudo.*

c. 3. 18.

Quis paucis explicare possit muliebrem sollicitudinem & curam ornandæ, conferuandæ, augendæque pulchritudinis? quot illæ horas quotidie in ea vanitate malè collocant, quot liquores magni pretij abluendis yngendisque corporibus absument? quæ pharmaca non inquirunt, quæ medicamenta non adhibent, vt formam ostentent, vt sibi aliisque placeant. Quid ego mundum muliebrem, & infinitam monilium supellectilem memorem, quam Dominus apud Esaiam destinat hostili prædæ. *In die illa, inquit, auferet Dominus ornamentum calceamentorum, & lunulas & torques, & monilia, & armillas & mitras, & discriminalia, & periscelidas, & murenulas, & olfactoriola, & inanes, & annulos, & gemmas in fronte pendentes, & mutatoria, & palliola, & linteamina & acus, specula & sindones, & vittas & thestris.* Studium colendæ pulchritudinis harum ineptiarum magister est, quibus animæ, vt hamo pisces, & aues laqueo, à dæmone capiuntur, vt quæ luxui & libidini fere seruiant.

X.

*Exemplum
Pelagie.
In vita Pelagie in
vitis Patrū, &
apud Ni
ceph. l. 14. c
o*

Si rem exemplis illustrari placet, possumus ex historia Ecclesiastica memoria repetere S. Nonnum Episcopum Edeffenum, qui cùm Antiochiæ ad Dini Iuliani in multorum Episcoporum cœtu concionem haberet, vidit mulierem impudicam nomine Pelagiam, cultu magnifico ac pene regio, tantoque ornamentorum apparatu, tota vt auro, argento, gemmisque vndique rutilaret. Incedebat illa fronte ardua & exporrecta, aperto vultu, erecta cervice, nudato pectore, profuso vestium firmate, quod ephebi honorarij, quasi fercula triumphalia, circumferrebant. Eorum alij præbant, alij pone sequebantur, omnes pretiosa tecti veste, quacunque autem illa gradiebatur, circumfusus eam moschi odor, aut felinus sudor comitabatur.

XI.

*Negligentiâ
arguti ser
uorum Dei.*

Puduit Episcopos omnes muliebris pompæ, atque impudentiæ meretriciæ, & ne eam viderent, oculos vultumque modestè demisere, solus eâ

Nonnus intuebatur attentius, & oculis comitabatur euntem: moxque rogauit Episcopos, ecquid eis tam accuratus mulieris cultus ornatúsque placuisset; qui cum tacerent, ipse demisso super genua vultu, sinum lacrymis repleuit; simulque altum suspirans. Quando, inquit, Deus vitæ nostræ rationem à nobis exiget, istam mulierem proferet in nostram condemnationem. Quot enim horas putatis ab illa in suo cubiculo collocatas, abluendi, vngendi, ornandique sui causa, vt amasiis suis gratiosa videretur? Nihil illa profectò studij ac diligentiae reliquum fecit: cum nos tam parum solliciti simus de purgandis animis ornandisque, quas scimus clarissimis diuini sponsi oculis listi oportere. Cumque mox in cubiculum recepisset sese, humi stratus pugnis tundeat pectus suum, lacrymansque dicebat, Domine Iesu Christe ignosce indigno isti famulo tuo, cuius omne religiosæ vitæ studium, improba mulier vnus diei diligentia superauit.

Sed quid ego horarum aliquot, aut diei totius iacturam queror in mulierculis istis, cum Scriptura ipsa testetur Assueri concubinas, non prius ausas se in regis conspectum dare, quam annum integrum in hoc apparatusu perdidissent, Expletis, ait, omnibus quæ ad cultum muliebrem pertinebant, mensis duodecimus vertebatur, ita duntaxat vt sex mensibus oleo vngerentur myrrhino, & aliis sex quibusdam pigmentis, & aromatibus vterentur. Accedebant ad eundem cultum aurea gemmeæque monilia, omnisque pretiosorum vestimentorum pompa: tanta erat istarum sollicitudo puellarum, vt illi principi placere possent. Nec minus credibile est ista mancipia formæ totam reliquam vitam magna cura posuisse ad eam pulchritudinem excolendam fouendamque, quæ ipsis regis gratiam peperisset. Studebāt quoque illum non solum oculis retinere captiuum, sed auribus etiam, verborum elegantia, & dulcedine vocis, quæ musicis coniuncta instrumentis, tinnulum quiddam modulatumque referebant, animis laxandis idoneum, quantauis illi prius seueritate tenerentur. Ac ne epulæ quidem deerant leniendo palato. Constat enim Hesterem epulo regem biduo continenter excepiisse. O vitam infelicem, o indignam seruitutem animæ corpori turpiter mancipatæ, cum corpus natum sit ad animæ seruitutem.

Hæc amoris sollicitudo vsque adeo naturalis est, vt in brutis animalibus, quæ naturæ motus fingere, ac dissimulare non possunt, apertè se prodant. Gallina quæ calore viuifico oua fouens pullos exclusit, ita pro eis sollicita est, vt curas suas perpetuo gemitu & glocitatione testetur: & quoque ceru variè modificata voce nunc eos ad repertum à se cibum vocet, nunc ad milui vngues defugiendos, nunc ad calorem eis sub alis impertiendum. Vidi ego passerulum, qui cum nimium cito esset aggressus parentes volantes sequi, deficiente impetu decidit in implunium: ea clade ab eius progenitoribus agnita, iucundum erat animaduertere quantam sollicitudinem passer ostenderet, vt natum à tanto discrimine eriperet. Impetu

XII.
Sollicitudo
concubinarum
Assueri.
Ester. 2. 12

XIII.
Sollicitudo
in brutis
eis
quoque ceru
nitur.

Declaratur
in passere.

enim ferebatur ad volitantem humi passerulum, & facilem præibat ad elabendum viam, proximam fenestram volatu petens, inde ad humile tectum progrediens, mox ad alterum aliquanto altius; idque sæpius cum faceret, animos addebat ad fugam, neque vox deerat, quæ facile pusillo iter ostenderet, si ille tantillum cladem imminentem effugere conaretur. Dum ille cunctatur, recurrit pater ad feminam, eamque rostro & alis iratus petit. Inde reuertitur ad passerulum, sese non leui discrimini committens, ne vitam ac libertatem amitteret, quam nato dare cupiebat. Quid multa? tantum denique profecit, ut uterque à periculo liber euaderet.

XIV.
Conclusio &
applicatio
prædictorū.

Psal. 123. 6.

Id exemplum non solum innatam amoris sollicitudinem probat, sed docet quoque quanta nos cura sollicitare debeat, & nostræ & alienæ expediendæ salutis, eorum præsertim, qui nos propius aut amicitia, aut cognitione contingunt, peccati captiuitate, carnis illecebris, dæmonique laqueis euitandis: quantum studium adhibendum sit, ut eis verbo & exemplo viam ostendamus, ad multiplices hostium nostrorum conatus irritos inanésque reddendos, ut eis cum Dauide dicere liceat, *Benedictus Dominus qui non dedit nos in captionem dentibus eorum. Anima nostra sicut passer erepta est de laqueo venantium. Laqueus contritus est. & nos liberati sumus.* Docet etiam quo animo esse debeamus aduersus eos, qui nobis offendiculo sunt ad peccandum. Cæterum canis ille, qui seorsim ad fontem siti fatigatus accurrebat, & inter bibendum subinde attollebat caput, ut respiceret quantum herus in equo progredereetur, ut eum mox consequi posset, docet quæ nos cura inter huius vitæ negotia sollicitare debeat, ne longius à Domino recedamus, nedum illum penitus amittamus.

CAPVT III.

Amorem diuinum sollicitudinis causam esse, & Charitatem matrem esse Solliciti Amoris.

I.
Aditus ad
futuram
erasionem.
Phil. 3. 19.

Psal. 113. 16.

QVÆ cum ego dixissem, sic exorsus est dicere Sollicitus Amor. Rectissima profectò est ista monitio tua, quam operæ pretium sit in hominum cordibus descriptam esse, qui sapiunt terrena duntaxat, ut ait Apostolus: itaque huius vitæ curis quasi fluctibus demerguntur, ut dominum suum ultra non videant, non cogitent, non meminerint, ac propemodum non curent, quasi eius nihil interesset humana curare, & Dauidicum illud alieno sensu improbè usurpent. *Cælum cæli Domino, terram autem dedit filiis hominum.* Et bonus ille Dei famulus, Nonnus inquam Episcopus, iustum animo dolorem capiebat, quòd ab impura muliere de suo officio doceretur, quòd serua peccati, mancipium Satanæ,

mundi ludibrium, quæ formæ venustatem instar idoli coleret, maiore cura perniciem suam quæreret, quàm Dei filij, cœli heredes, angelorum cognati, & quos spiritus diuinus inhabitat, Deo placere studeant, & immortalem acquirere felicitatem.

Vt ad eum porro sermonem ingrediamur, qui à me expectatur & quæritur, illud consentaneè dixerim orationi tuæ, sicut profana sollicitudo timor quidam est, sed addit studium & inquisitionem rationum, quibus malum quod timetur vitari queat; Idem valet in Christiana, religiosaque sollicitudine, si obiecta caduca & plena vanitatis, in vera solidaque mutaueris. Et sicut naturalis amor studium illud excitat & curam, quæ in brutis animantibus reperitur, ita diuina charitas Dei filiis curam ingenerat diuinæ gloriæ promouendæ, & secludendorum impedimentorum, quæ è transuerso ad eam impediendam incurrunt. Quæ Solliciti Amoris origo est. Et sicut Charitas in Deum primò, inde propter ipsum fertur in proximum, ita & Sollicitudo hæc, earum primò rerum curam gerit, quæ Diuinam gloriam directò intuentur, tum humanorum negotiorum satagit, quæ cum diuinis modo quodam sunt implicata.

Illud quoque obseruandum videtur, Charitatem quidem non excidere, vt ait Apostolus, sed ab hac ad futuram vitam emigrare: non omnes tamen eius filij, eam comitantur. Nam sollicitudo huius vitæ propria est, quæ periculis abundat & malis, à quibus vt expediamur, Sollicitudo diligentem operam nauat. Hic enim studiosè curatur, ne is quem diligimus à nobis aliisve offendatur, ne quod illi damnum inferatur; ne non obtineamus quod quærimus, ne quæsitum amittamus. In cœlo nihil huiusmodi formidandum est, ideòque non est illic sollicitudini locus. Credo equidem, inquam, vbi Deus huic rerum vicissitudini finem imposuerit; interim autem non videtur cura omnis à beatis abesse. Nam qui patres in cœlo sunt, solliciti sunt pro filiis, quos in terra viuos reliquere, ne illuc non perueniant, neue tanta felicitate priuentur. Et qui filij è maturè peruenierunt, pro parentibus suis amica sollicitantur cura. Denique si è timor peruenire potest, quidni & sollicitudo perueniat, *Timor, enim, Domini sanctus permanet in seculum seculi*, vt ait sanctus David.

Non admodum arduum est, ait Sollicitus Amor, hisce dubiis respondere. Credibile enim est Deum reuelare beatis, quæ fors ipsorum parentibus, proximisque cognatis euentura sit. Nam partim res ipsa per sese est vehementer desiderabilis, partim id desiderium videtur admodum rationi conueniens. Qui enim nos consanguinitate, affinitate, intimæque beneuolentia contingunt, quasi alteri nos ipsi æstimantur. Nec dubitant in Scholis affirmare Theologi, sanctos in Deo videre quis suorum sit in terra status. Sanctum scilicet Ignatium atque Dominicum, quæ ad ipsorum religiosum ordinem pertinent. Cum ergo

II.
Sollicitudo
Amoris naturalis,
& diuini.

III.
An locum in
cœlo habeat.
1. Cor. 13. 8.

AVTOR.
Ita videri.

Psal. 18. 10.

IV.
AMOR
SOL.
Responsio ne-
gans, eius-
que causa.

eorum electionem in Deo vident, ac perseverantiam ultimam, vehementer lætantur, & gratias agunt Deo, suisque precibus illi perseverantia serviunt, prout eas cernunt diuina prædestinatione contineri. Sin contra vitæ exitum agnouerint infelicem, Deo negotium omne permittunt, eiusque iustitiæ desideria sua sacrificant, cum illa voce Davidis, *Iustus es Domine, & rectum iudicium tuum.* Neque inutiliter student diuinam mutare dispositionem, quæ actionum ipsorum peruersitate nittitur, & libertatis abusu.

Psal. 118.

V.
An beata anima de suis corporibus sint sollicita.

Neque verò par est ratio desiderij naturalis, quo sanctæ animæ afficiuntur, de futura corporum suorum beatitudine, & iterata coniunctione cum ipsis. Nulla enim super ea re tanguntur cura, propter certitudinem felicitatis futuræ penitus exploratam; tota quippe res iam ad Deum vnum pertinet, qui illa corpora, gloriosa resurrectione restituet. Electorum autem salus à Deo, & eorum libertate pendet; reprobatio verò pereuntium, ex ipsorum scelerata vita pendet, in qua sine reconciliatio-
ne cum Deo decedent; & à Iudice, qui præuiso toto illius vitæ curriculo, sententia illum æternæ damnationis percellit. Sicut ergo beatæ animæ nulla corporum suorum cura distinentur, utpote de toto euentu minimè dubiæ: ita neque pro cognatis, amicisque suis sollicitudine anguntur, cum futurum euentum in Deo certissimè contemplantur, eique suprema cum tranquillitate mentis acquiescant.

VI.
Deum eis reuelare quas attingunt.

Psal. 121. 1.

Ioan. 15. 15.

Quod si Deus, intra huius mortalitatis fines, non rarò quibusdam amicis suis ita gratificatus est, ut tam suam, quàm aliorum ad gloriam electionem illis patefaceret; ut eorum testantur historia. (Nam de sanctissimo Francisco legimus, illum diuinitus de sua felicitate nuntium accepisse, eaque cognitione omnibus incedentem lætitiis, cum Davide dixisse, *Latus sum in iis, quæ dicta sunt mihi, in domum Domini ibimus.* Id ergo cum sit exploratum, illud quoque rationi consentaneum est, Deum eam gratiam non recusaturum iis, qui ea ultra abuti non possunt; iis quos tanquam amicos, dilectosque discipulos amplectitur, quibus olim nondum mortali vita defunctis dicebat. *Vos autem dixi amicos, quia omnia quaecunque audivi à patre meo nota feci vobis.* Quid ergo suspicemur, eum sui iuris in cælo ita retinentem fore, ut eis apenire nolit, quid denique futurum sit illis, quibus intimè coniuncti sunt, siue naturali benevolentia, siue charitate fraterna?

VII.
Quis sit in cælo timor Apoc. 15. 4.

Nam quod ad sanctum Dei timorem pertinet, qui manet in seculum seculi, quo beati abundant in cælis, canuntque certatim: *Quis non timebit te Domine, & magnificabit nomen tuum?* minimè ignorandum est, eum timorem omnis esse curæ, ac sollicitudinis expertem. Nullum quippe malum illis contingere potest, à quo sibi cauere debeant; sed reuerentiam quandam illo timore significari, quam diuinæ maiestati sancti exhibent, in cuius conspectu abiiciunt sese, animoque prosternunt, illius infinitam nobilitatem, atque excellentiam præ sua, præque omni re creata

te creata profitentes. Denique si rectè hunc timorem æstimemus, nequaquam inueniemus ab adoratione differre, quæ habet etiam timoris nonnihil, sed seruire planè nihil, etsi ea in hominibus serui conditione natis reperiatur. Sed iam tempus appetit, vt diuini amoris sollicitudinem, sacris è lege Mosalca patefaciamus exemplis.

CAPVT IV.

Solliciti Amoris diuini exempla, ex Mosalca lege petita.

Hic ergo amor anxio timore pontificem Heli quatiebat, in magno illo Philistæo prælio, in quo duo supra triginta hominum millia de Israëlitis cecidere, in quibus duo de filiis eius Ophni & Phinees, & ipsa Dei arca deuenit in hostiles manus; hic inquam amor infelicem quatefaciebat pontificem, priusquam clades ipsa contingeret. *Erat enim cor eius*, ait Scriptura, *pauens pro arca Dei*. Ne qua scilicet ab infidelibus illi fieret iniuria, quæ in Dei qui in ea colebatur, residebâtq; supra cherubinos eius, & populo per pontificem roganti responsa dabat, iniuriam rederet. Itaque audito aduerso prælio, & magna cæde mortalium, nondum animo fractus est: accepta vtriusque filij cæde, etiam tum constabat sibi, etsi eum timor, & sollicitudo, & ætatis longinquitas totis artibus concutiebat. At vbi nuncius arcam Domini nominauit, *cecidit de sella retrorsum iuxta ostium, & fractis cernicibus mortuus est*.

Moyse Hebraum populum diligebat, non tam quòd ex eo esset oriundus, quàm quòd is esset Dei populus, solusque ex omnibus gentibus veri Dei cognitionem, cultumque profiteretur; in cuius vicissim ille gratiam idètidem mirabilia opera perpetrabat. Denique quod illum sibi populum Deus commisisset instituendum, ac diuinis legibus informandum, gubernandum, & per deserta loca in Chananitidem deducendum. Pro isto itaque populo Moses continenti sollicitudine angebatur, vt pater pro filio haud bonæ indolis, qui subinde facinus aliquod edit, hominibus paternam disciplinam detrectantis. Hic ergo populus cum vitulum conflasset aureum, eique, dum Moses apud Deum in monte ieiunus oraret, diuinis honores comessabundus obtulisset, idipsum facinus à Deo ipso primum legislator accepit, cum supremæ interminatione calamitatis, aduersus populum perpetrè à idola prurientem. *Dimitte me*, inquit, *vt irascatur furor meus contra eos, et deleam eos, faciàmque te in gentem magnam*, magni videlicet cuiusdam populi principem.

Hic Moses omnes scrutatur vias, quibus tantæ calamitati occurrat; Post crimen mœque artificiosè cautam suceptam ita obliquat, vt non populi, sed

Rat

I.
Sollicitus
Dei amor in
Heli.

1. Reg. 4. 13.

II.
Et Mose pro
ipsius populo.

Exo. 32. 10.

III.
Post crimen
vituli aurei.

Dei ipsius causam agere videatur, cuius vehementer interfit, destinata in hunc populum animaduersione abstinere. Iacturam enim facturum honoris & gloriæ, tot mirandis operibus, in educendo de Ægypto populo suo perpetratis. Fore ut Ægyptij de illius bonitate ac potentia impie detrahant, quod eos malitiose ex Ægypto eduxerit, ut eos inter horrentia saxa, desertosque locos perderet. Dicturos non stetisse illum promissis iureiurando firmatis, dilectis eius famulis Abrahamo, Isaac, Iacobo: fore videlicet, ut eorum nepotes stellas cœli, & terræ puluerem multitudine æquarent, aut vincerent, & Chananzorum terras perpetuo possiderent. Quæ omnes rationes, totidem argumenta sunt Solliciti Amoris, Dei populum ab imminente clade liberare satagentis; quem amorem Deus ipse tunc seruo suo suggerebat. Denique tam feliciter, tamque studiosè causam perorauit hic patronus, ut victor euaderet, & salutem commisso sibi populo impetraret.

IV. Plerique etiam alij incidere casus, qui sollicitum Mosis amorem pro isto populo luculenter probarunt, quos missos facere necesse est, ne cui sim longiore oratione grauis; contentus ero illum vnum memorare casum, qui in reditum exploratorum cadit. Quorum oratione audita, populus de more oblocutus est aduersus Dominum, & aduersus Moysem seruum eius; præter morem etiam flere cœpit & lamentari, quod in Ægypto non periissent. A lamentis & imprecationibus, in seditionem versi, de eligendo duce, qui eos in Ægyptum reducat, deliberant; lapidibus obruere meditantur Iosue & Caleb, qui seditionem concitatam sedare moliuntur, & certa spe victoriæ erigere desperantes. Cum Dominus horribili fulgore apparet supra tectum tæderis, simulque vox increpantis auditur, *Vsquequo detrahet mihi populus iste? Quousque non credent mihi in omnibus signis, que feci coram eis? Feriam igitur eos pestilentia, atque consumam.*

V. Sensit Moses quanto in discrimine Hebræorum vniuersa gens versaretur, ut ipsa mox effecta docuerunt, & de Domino mitigando sollicitus, ad exploratas iam, ac salutare recurrit artes. Demonstrat ergo cum amica fiducia, præpotenti Deo non conuenire tali animaduersione uti aduersus peccatores istos; in ea de ipsius agi honore, ac fama. Ægyptios, accepto nuncio tantæ, tamque generalis calamitatis, illiusque causa non satis perspecta, offensionem animo concepturos, & tanquam de improbo facinore oblocuturos. Tantundem quoque facturos esse Chananzos, qui dadum auditione acceperant, quanta is populum suum beneuolentia quotidie, curaque tractaret: ubi postmodum intelligerent, eum tricies centena hominum millia, non secus atque hominem vnum peremisse. Dicturos eum fidem patriarchis populi huius olim datam fefellisse, quod promissa, præ imbecillitate præstare non posset. Denique non purgato populi crimine, ad Numinis mi-

Mosis sollicitudo in seditione exploratorum.
Num. 14.

V.
Ad placandum Deum.
Ibid.

sericordiam confugit, quæ tulit ut iuuentuti infra vigesimum annum parceretur, reliqua multitudo in solitudine contumeretur. Statimque ipsa seditionis capita, diuina animaduersione perierunt.

Iosue Moïsis successor atque discipulus, heredem se quoque virtutum eius, ac nominatim sollicitudinis pro diuina gloria, populique salute ostendit. Cum enim ab Israëlitis, contra urbem Hay infeliciter pugnatum esset, in violationem violati ab Achano anathematis Iericuntini, & forte fiducia quoque in propriis viribus, ut qui tria tantum hominum millia ad illam urbem expugnandam misissent, contra quam Dominus mox totum exercitum mitti iussit, Iosue summo affectus dolore scidit vestimenta sua, & vultu in terram strato, & capite puluere consperso, tota die coram arca Domini procubuit, ut causam acceptæ cladis addisceret, & remedium quod posset afferret; eumque imitati sunt ceteri principes populi. *Et dixit Iosue. Hec Domine Deus quid voluisti traducere populum istum Iordanem fluvium, ut traderes nos in manus Amorrhæi, & perderes? Vixim ut capivimus mansissemus trans Iordanem. Mi Domine Deus quid dicam, videns Israël hostibus suis terga vertentem? Audient Chananei, & omnes habitatores terra, & pariter conglobati circumdabunt nos, atque delebunt nomen nostrum de terra: & quid facies nomini magno tuo? quod scilicet hactenus cunctis gentibus formidabile fuit.*

Magnum omnino discrimen adiere Iudæi tempore Iudithæ & Holofernis, ne is sanctæ Hierosolymorum ciuitati, & templo Domini faceret, quod ceteris ciuitatibus fecerat, & templis earum. Itaque *terror & horror inuasis sensus eorum, ut ait Scriptura, & cura tanti periculi denitandi.* Et præter ceteram diligentiam, quam Eliachim pontificis cura suggererat: *clamauit omnis populus ad Dominum instantia magna, & humiliauerunt animas suas in ieiuniis & orationibus, ipsi & mulieres eorum; & induerunt se Sacerdotes ciliciis, & infantes prosternerunt contra faciem templi Domini, & altare Domini operuerunt cilicio, & clamauerunt ad Dominum Deus Israël unanimiter.* qua de re solliciti? *ne darentur in prædam infantes eorum, educandi videlicet à victoribus in cultu idolorum, & uxores eorum in diuisionem, ut præda diuidi inter victores solet. & ciuitates eorum in exterminium, & quod caput est, ne sancta eorum sordibus idololatricæ polluerentur, & fierent opprobrium gentibus.* Hanc ergo formidinem amor, & studium diuinæ gloriæ suppeditabat.

Eiusdem generis fuit sancta Iudithæ sollicitudo, quam Dominus elegit ad facinus omnibus seculis, populi que memorandum. Quid enim erat animi mulieri viduæ, inermi, ac sine ullo suorum militari præsidio, mulieri, quam obnoxiam iniuriæ florida ætas eximîaque forma faciebat; quid erat inquam animi mulieri in medio hostilis exercitus, cum stetisset an-

VI.
Iosue item.
Ca. 7. 6. 7.

VII.
Et Hebræorum.
Iudith. 4. 7.
8.

VIII.
Iuditha, &
Esdras.
ca. 13. 6.

te lectum, Imperatoris eius, orans cum lacrymis, & labiorum motu in silentio, dicens, *Confirma me Domine Deus Israël, & respice in hac hora ad opera manuum mearum, ut sicut promisisti Ierusalem civitatem tuam erigas: & hoc quod credens per te posse fieri cogitavi, perficiam.* Tantumdem de sanctissima Elthere & Mardocho, cæterisque illius ætatis Israëlitis dici potest, cum & Dei honos, & populi salus pari in discrimine versarentur, & illi æquè pro utroque laborarent. Itaque gemino amore sollicitudo duplicabatur, naturali patriæ, & cælesti diuinæ gloriæ.

CAPVT V.

An sollicitudo diuini Amoris Euangelica lege prohibeatur.

I.
Euangelium
videtur re-
sistere sollici-
tudinem.

AVTOR.
Matt. 6. 25.
Luc. 8. 14.
1. Cor. 7. 32.
1. Petr. 5. 7.

LUC. 10. 41.
ca. 4. 9.

II
SOLLICITVS
AMOR.
Quæ sollici-
tudo prohi-
beatur.

Ca. 4. 3.
Gal. 2. 10.
2. Tim. 1. 17
& 3. 15.
Rom. 12. 8.

ET hæc quidem exempla, mi Amor, ex Mosaica lege collegisti, nam in Euangelica arduum fortasse fuerit exempla reperire sollicitæ charitatis, cum Seruator ipse sollicitudinem omnem ex discipulorum suorum cordibus prorsus euellisse videatur, quando eam, ne in rebus quidem necessariis, quales sunt cibus, potus, vestitus, ferre voluerit. Ne solliciti sitis, inquit, *anima vestra quid manducetis, neque corpori vestro quid induamini.* Et alibi asserit sollicitudines vitæ huius suffocare sementem verbi Dei, sicut diuitias & voluptates, sic vt fructum non ferant. Quid Paulus, nonne vult Corinthios sine sollicitudine esse? Cui consentiens Petrus Christianos hortatur, non vt partem aliquam, sed omnem sollicitudinem proiciant in Dominum, *quoniam, inquit, ipsi est cura de vobis;* quasi dicat eam superfluum fore, quod Dominus quoque haud obscure significat. Quem etiam apparet parum probasse Marthæ sollicitudinem eum lautiùs accipere cupientis. Denique Paulus Philippenfes monet, nihil sollicitos esse, sed satageretantum, vt ipsorum orationes innotescant apud Deum.

Hæc quidem scripta sunt, inquit Sollicitus Amor; Neque tamen Apostolorum, aut ipsius Seruatoris mens vnquam fuit, omnem Christianorum cordibus sollicitudinem excludere. Nam Paulus vult Ephesios suos, vtique & cæteros Christianos, sollicitos esse, *seruare unitatem spiritus in vinculo pacis.* Et ipse se pro pauperibus sollicitum fuisse testatur, & Timothei discipuli sui sollicitudinem commendat, eamque illi præcipit. Denique præpositis mandat vt cum sollicitudine præsent. Inutilem ergo curam improbat, atque superfluum, curam nimis anxiam, & importunam, aut quæ cum diffidentia de prouidentia diuina coniuncta est. Arguit inutilem, qualis esset adiuicere cubicum vnum super staturam suam; arguit superfluum,

qualis erat Marthæ satagentis circa plurima, cum vnum sufficeret necessitati: arguit anxiam, qualis est, quæ curam opprimit vacandi Deo, ac propriæ salutis: arguit importunam, quæ sine causa præuertitur, vetat enim sollicitudinem diei crastini, quando sibi ipsi sufficit crastinus dies. Arguit postremo sollicitudinem, quæ derogat diuinæ prouidentiz, qualis est ethnicorum, qui non credunt, aut cogitant esse in cælo patrem, qui nouit quæ ipsis necessaria sint. velitque cum humana diligentia, & labore concurrere.

Qui sustulerit huiusmodi vitia, sollicitudinem reperiet quæ in laude sit. Paulus vult Corinthios sine sollicitudine mundana esse, vel anxiam, quæ diuinum impedit famulatum; nam ibidem illum commendat, qui sollicitus est eorum quæ Domini sunt. Quæ autem scribit Philippensibus minimè trahenda sunt in eam sententiam, quæ placuit Eucharistis hæreticis, qui corporis labore damnato, pigritiam suam velo perpetuæ precationis obtegebant. In quorum condemnationem Paulus ipse gloriatur, se victum vestitumque, & sibi & sociis suis, manuum suarum labore consecutum esse, neque gratis panem suum manducasse. Eo autem spectat ut anxiam eis sollicitudinem adimat, ut vox *μεριμνάω* requirit, in cuius rei signum, semel iterumque inuitat Philippenses ad modestam læticiam, quæ est anxie sollicitudinis remedium; moxque illis pacem exoptat, quæ exuperat omnem sensum, quàmque illa sollicitudo perturbat. Cum autem & Petrus, & Christus ipse in mentem reuocant, Deum suorum maximè curam gerere, student eam nobis curam eximere, quæ fiduciæ in diuinam prouidentiam repugnat, voluntque ambo, ut cum accuratè fecerimus quod in nobis situm est, nos diuinæ prouidentiz permittamus, quasi nihil egissemus nos, totaque res ab ipso vno penderet.

Et hic fiduciæ affectus maximè proprius est animæ diligentis Deum, quæ sui cura deposita, omnia Deo confidenter permittit, & omnia ex æquo læta tristia, prospera aduersa recipit ex ipsius manu, certus amicum amico non nisi benefacere posse, nisi per imprudentiam, quæ in infinitam illam sapientiam cadere non potest. Itaque non curiosè inquirat Dei de se prædestinationem aut reprobationem, vel habiturus ne sit donum perseuerantiæ, nec ne, sitne nunc Deo gratus an non; Nihil solliciti sitis, faceat hæc ærumnosa cura: age quod tuum est, & permittite Deo quod ipsius est; age quod est officij ac muneris tui, & pater tuus cælestis non obliuiscetur sui.

Ac ne illud quidem magnopere laborat, num in grauiorem aliquam calamitatem mentis aut corporis casurus sit, morbi, infamiæ, paupertatis; sed ubi operam dederit, nulli ut iustam offensionem præbeat, id curat vnum, ut quidquid ad Dei gloriam potest, hilariter exequatur, id habet prepositum ac deliberatum ut Dei mandata, consilia afflatus cognitaque dilecti sui voluntates exequatur. Itaque dominus de illo quo-

III.
*Aliacisdam
vitiis.*

Act. 20. 34.
2. Thess. 3. 8.
9. 10.

IV.
*Sollicitudo
iungenda fi-
ducia in
Deum.*

V.
*Cum qua-
dam sui nei
diligentia.*

Act. 13. 21.

& Psal. 88.

21.

Psal. 26. 1. 2. 3.

dam modo gloriari potest, sicut olim de Davide, *Inveni David filium Iesse, virum secundum cor meum, qui faciet omnes voluntates meas.* Et ipse vice versa cum psalmographo canet, *Dominus illuminatio mea, & salus mea, quem timebo? Dominus protector vite mee, à quo trepidabo? Dum appropiant super me nocentes, ut edant carnes meas. Qui tribulant me inimici mei, ipsi infirmati sunt, & ceciderunt.*

CAPVT VI.

Exempla sollicitæ Charitatis in Evangelica lege.

I.

S. Paulus

precipit solli-

citudinem.

1. Tim. 5. 8

Cap. 11. 8. 11

AB hac ignauorum incuria, qui se pallio diuinæ providentiæ obtegunt, ut otio torpescant, atque desidiosa, tam longè absfuit Paulus Apostolus, ut ad Ephesinum episcopum Timotheum discipulum tuum scriptum reliquerit, *Si quis suorum, & maxime domesticorum curam non habet, fidem abnegasse, & esse infidelis deteriorem, ea scilicet in re, cum infideles suorum curam gerant. Romanis quoque præcipit, ut qui ceteris præsumt, cum sollicitudine præsumt, neque se ab ignavia vinci patiantur. Et reuera hanc eorum sollicitudinem alibi celebrat, cum iubet subditos suis obedire præpositis. Ipsi enim, inquit, peruisant, quasi rationem pro animabus vestris reddituri.* Ipseque de se affirmat premi se sollicitudine omnium ecclesiarum, sic ut aliorum infirmitas cum redderet infirmum, & offensione paruulorum vreretur.

Hebr. 13. 17.

2. Cor. 11.

28. 29.

II.

Etiamque

ex-ecet ipse.

1. Cor. 9. 19.

2. Cor. 7. 12.

Num is modica in sollicitudine vivebat, qui cum liber esset ex omnibus, omnium se seruum fecerat, ut plures lucrificeret Deo; cum Iudæis, quasi Mosaicæ legi obnoxius; cum Ethnicis, quasi lege careret, ut utrosque à Dæmonis seruitute liberaret. Et rursum scribit se obiurgasse Corinthios in Epistola, ad manifestandam sollicitudinem suam pro ipsis coram Deo: quæ illum vrgebat, ut non semel ad eos bene longas epistolas daret, pro eis continenter apud Deum preces funderet, eos laudaret, argueret, consolaretur, obiurgaret, in omni patientia & doctrina. Denique omnia studiosè agebat, quæ à sollicita charitate didicisset.

III.

Sicut & S.

Petrus.

2. Pet. 1. 5.

Princeps autem Apostolorum Petrus, probè memor quanta cum sollicitudine Dominus oues illi suas commendasset, magna eas cura gubernabat, & ad meliora perpetuò promouebat, ut videre est in canonicis eius epistolis, in quibus commonefacit Christianos, ut curam omnem adhibeant in omnium acquisitione virtutum; nominatim autem fidei, fortitudinis, scientiæ, abstinentiæ, patientiæ, pietatis, & in Deum proximūque charitatis. *Hæc enim, inquit, si vobiscum adsint &*

Iuperent, non vacuos, nec sine fructu vos constituent in Domini nostri Iesu Christi cognitione. Cui enim non praeſto ſunt haec, cæcus eſt & manu tentans, & ingratus, vt qui fiat immemor ſingularis beneficii, acceptæ videlicet purgationis veterum ſuorum delictorum. Quapropter ait concludens hunc locū, Fratres magis ſatagite, vt per bona opera certam veſtrā vocationem & electionem faciatis. Petrus itaque non ſolū curam gerit ipſe ſalutis & ſpiritualis proſectus filiorū ſuorū, ſed vult ipſos quoque eiſdem ſollicitudinis eſſe participes; ad obſtruenda ora hereticorum, qui bona opera miſſa faciunt, ſibi de ſola fide blandientes, cū careant vtriſque. Eoque pertinet illa cæcitas, & ingrati animi crimen, quæ illis exprobrat. recte Paulo conſentiens, qui Philippenſes monet, vt cum metu & tre-

cap. 2. 12.

Erat hoc quoque in Petro ſollicitæ aduerſus magiſtrum ſuum, totamque eiſus familiam charitatis argumentum, cū imminente à tempeſtate naufragio, ipſe cum cæteris Apoſtoliſ, & fortasſe præ cæteris, vt qui feruidiore charitate flagrabat, dixit magiſtro, quem excitabat à ſomno, *Magiſter non ad te perinet quod perimus?* Et in oliuetano monte amor in Dominum ſuum, & ſtudium defendendi eum ab inimicis, hominem perpulit vt ferrum inuaderet, ratus fortasſe hanc eſſe Domini mentem, qui paulò antè arma comparanda dixerat, ipſumque ſibi ſocium aſſumpſerat. Itaque neque expectata permiſſione, neque reſponſo, quem primū obuium habuit enſe percuffit, capitiſ ipſius, non auriculæ audis abſcindendæ. Cūque ruruſpoſt fugam eum Domini amor ſollicitè vrgeret, à longe ſecutus eſt ipſum, vt videret quemnam res exitum eſſet habitura, & an ſe ex eorum manibus eſſet extricaturus, vt non ſemel Nazarethanorum, Scribarum, & Pharifæorum malitiam eluſerat; an permiſſurus vt ulterius, voluntas eorum ſclerata procederet.

Eadem cura Ioannem charitatisque retinuit, & dilecti magiſtri ſocietatem, ad crucem uſque, ſepulchrūque perſuaſit. Omnes quoque diſcipulos ſollicitus amor vrgebat, ne magiſtrum in Iudæam redire permitterent, vbi Lazarum excitaturus erat à mortuis, *Rabbi*, aiebant, *nunc quarebant te Iudæi lapidare, et iterum vadis illuc?* Paulus gratias agit Deo, quod pro Corinthiorum ſalute ſollicitudinem in cor Titi inieciſſet; ex quo intelligitur hanc ſollicitudinem eſſe donum Dei: quod Sanctus quoque præcurſor acceperat, & patefecit, cū duos ex diſcipuliſ ſuiſ miſit ad Chriſtum, rogaturos eſſetne ipſe Meſſias, an alius aliquis ulterius expectandus. Ioannes enim, qui ſe comparabat ad mortem, diſcipulorum curam gerebat, cupiebātque eos Chriſti Domini diſcipuliſ aggregare. Ergo eos ad illum mittit, & eorum dubitationem beneuolè in ſe tranſfert, ne illi dubitationem ſuam proferre non auderent. Nam hanc ipſe cognitionem diuinituſ ex vtero matris acceperat, eamque iam dudum coram populo profeſſuſ erat.

Sanctæ Marthæ ſollicitudo non diſplicuit Chriſto Domino, vt non

IV.

Eiuſdem cura pro magiſtro.

Mat. 4. 18.

Ioan. 18. 10.

V.

Ioannis quoque & con-diſcipulorū. Titi Epiſcopi.

11.

Ioan. 15. 15.

& cap. 11. 8.

Luc 4. 29. 30

Ioan 8. 11.

2. Cor. 8. 16.

S. Ioan. 8. 12.

VI.

S. Martha

S. Martha. nemo fortasse suspicari posset, sed accepta potius fuit. Illa enim proprii nominis repetitio, haud obscurum est benevolentiae indicium, Martha Martha. Sic enim cum peculiari amoris sensu, Dei aut Domini nomen in Scripturis iteratur: & Dei filius dum Patrem in horto rogat, geminat Patris nomen, aitque Abba pater, siue Pater Pater. Quin & Iudas, eadem cordis dulcedine simulata, salutando magistro ait, Rabbi Rabbi. Eodemque pertinet illud, *Non omnis qui dicit mihi; Domine Domine, & rursum illud virginum rogantium aperiri sibi ianuam, Domine Domine aperite nobis.* Et apparet sane Martham ne monitionem quidem illam, quam a meliore negotio abducere cupiebat, abstinuisset, & liberiori apud Dominum querelae pepercisset.

VII.
S. Felicitas. Ceterum plenae sunt Sanctorum historiae pia huius sollicitudinis. Magnus enim Gregorius affirmat S. Felicitatem, quae in oculis suis septem filios crudeli pro fide supplicio trucidari cernebat, tantum timuisse ne eos viuos relinqueret, quantum ceterae matres sollicitae sunt pro incolumitate filiorum, & de eorum praematura morte lamentantur. Tantundem de S. Symphorosa dici potest, & illa septem Machabaeorum parente. Sed quid dici potest admirabilius illa S. Andreae cura, ne quo modo illi martyrium e manibus eriperetur? Propterea enim Aegaeam proconsulem non mollebat verbis, sed increpabat; propterea etiam populum obtestabatur, ne martyrium suum impedirent. Et in cruce iam fixus, Deum singulari contentione animi rogat, ne se a cruce deponi patiatur, in qua cum biduum pependisset, vitam ei dedit, quem fuerat imitatus in morte. Haec porro sollicitudo crebrius cernitur in usu operum, quae dicuntur misericordiae, aduersus eos, qui aut corporibus laborant aut mentibus; aut operum pietatis ad Dei honorem, & proximorum promouendam salutem.

CAPVT VII

*Exempla quadam recentioris memoria de Sollicitudine
Amoris eiusdem.*

I.
S. Ignatij sollicitudo pro Dei gloria, cum sui neglectu.
Ribad. an. 1541. mens. Jul.
PLACET duorum sanctorum exempla nonnulla proferre, quae hoc ipso saeculo contigerunt, & ad propositum pertinent argumentum. S. Ignatius fundator Societatis Iesu, in his meritissemè numeratur, qui capti studio diuinæ gloriae promouendae, & salutis animarum, omnem suam curam neglexisse videantur, in Deumque vnum proiecisse. Dixit enim aliquando, eo ipso praesente, qui scripsit historiam, si optio sibi daretur à Deo statim emigrandi ex hac vita, & in caelum euolandi, aut subsisten-

di in

di in hac vita diutius, non magis salutis suæ certo ac perseverantiæ, quam cæteri mortales esse solent, hæc se partem proculdubio electurum, si modò ipsi constaret se posse inter ea Dei gloriam insigniter promouere, posthabita præsentis gloria & periculo suo. Negabat enim vllum esse in terra principem, qui non crederet, si eximia quapiam mercede donare vellet subditum suum, quam is differri cuperet, donec insigni aliquo facinore suum obsequi studium domino testatus esset, qui, inquam, non crederet se obligatum ad illam cliënti suo mercedem, non conseruandâ solùm, sed amplificandam etiam, quando cliens in domini gratiam se illa mercede priuasset. Ecquis ergo arbitretur optimum illum, maximùmq; cœli principem permissurum perire nobis beatitudinem, quam ipsius gratia vtrò distullemus?

Hæc erat magni illius viri mens, hæc oratio, existimatis non id esse negligere salutem suâ, aut eam quam à nobis ordinata charitas exigit curam abicere, sed eam cum Domino feliciter commutare, itaque cū Domino pacisci, sicut ille olim cum Catarina Senensi, cui proditū est dixisse Dominum, habere curam mei, & ego tui curam geram. Tu quoque sollicitus esto quomodo mihi perditas animas restituas, & ego sollicitus ero ne quo modo perdas tuam; iniice sulcis copiosam sementem, & ego multiplicabo fructus iustitiæ tuæ. Nōne sanctus idem curam sanitatis ac vitæ suæ deposuisse videbatur, cū sollicitus de anima amici cuiusdam sui, è cœno fœdæ voluptatis eripienda, ipse se in cœnosam ac perfugidam demersit aquam, secus locū, per quem ille erat transiturus, vt impuræ tyrannidi seruiret. Illo ergo animaduerso à longè, sanctus inclamat. Abi infelix, abi quo te pertrahit flagitiosa nequitia, non respicies tandem fulmen diuinæ iracundiæ, quod in tuum intentatur caput? Perge si libet, dum ego cruciati meo conabor à te iustissimam Numinis animaduersionem auertere. Substitit ille tanta charitate obstupefactus, & consuetudinem turpiter coalescentem diremit.

Aliud quoq; nobile facinus aggressus est idem sanctus, plenum negligentia corporis sui, plenum sollicitudinis salutis alienæ; hominis videlicet, quem studiorum & habitationis sociū habuerat Parisiis, eundemq; pecuniolæ elemosynæ nomine acceptæ, & apud eum depositæ, fraudatorem. Is cū Rotomagi in morbum incidisset, parūmq; è re familiari instructus esset, non dubitauit illius implorare charitatem, quam ipse improbissimè violauerat. Cum sancto igitur agit per literas, nūciat ægritudinē suam, opem exposcit. Ignatius autem, qui malefacta solebat rependere, atq; obruere benefactis, oblatam occasionem exercendæ charitatis arripit. Deum illi primum precibus placat, tum plenus curæ iuuadi hominis, magno animo atque alacritate se dat itineri, quod nudis pedibus ita confecit, nihil vt penitus toto triduo cibi potūsue, degustaret, eamq; Deo pœnam, pro agri incolumitate offerret. Inuentum hominem curat, fouet, consolatur, neque prius deserit, quam sanitati restitutum, & in-

II.

Aliud eius-
dem exem-
plum.

III.

Tertium
exemplum.

structum viatico, literisque commendatitiis, in patriam dimitteret, admirantem tam incensam hominis charitatē, qui beneficiis contra malefacta certaret, seq; ipsum vehementer incusantem, quod de tanto viro, tamque singulari amico tam malè meritis fuisset.

IV.
Exemplum
S. Xaverij.
Tut. l. 5. c. 2.
an. 1551.
mense No-
vem.

Plena fuit vita Xaverij, nobilissimi Indiarum, vltimique orientis Apostoli, mirabilibus exēplis sollicitæ charitatis, in proximos de æterna salute periclitantes, vnicū breuitatis causa referam, ex quo de cæteris liceat facere coniecturam. Cursus illi erat in Sinas ex vltima Iaponia, cum die septimo atrox tempestas exoritur, quæ nauim propellit in ignota maria, ibique quinque ipsos dies densis in tenebris detinet, cū fluctibus ac procella luctantem. Vis enim venti scapham onerariæ validè alligatam magno impetu auulsit, in qua quindecim fere Christiani, & Saraceni duo vehebantur, tantāq; celeritate rapuit, vt puncto pene temporis nulquā compararet. Nauarchus ratus actum esse de oneraria, nisi scapham recuperaret, statuit eò cursum dirigere, quò illa deflexisset. Sed illico nauis tot fluctuum volaminibus cingitur, atque vndiq; verberatur, vt tantum non vndis absorberetur. Nautæ diuinæ matris auxilium cum eiulatu implorant. Accurrit Xaverius, & animaduerso præsentissimo naufragio exclamat, *O Iesu Christe, Deus cordis mei*, per illa quinque vulnera, quæ in cruce pertulisti pro nobis, obsecro te atque obtestor, vt miserearis nostri. Statimque nauis è fluctibus ac periculo elabatur, cum stupore vectorum omnium, & gratiarum actione.

V.
De eodem.

Hoc vitato, aut declinato discrimine, cymba, & qui ea vehebantur, nõ leuis erat cognatorum atque amicorum luctus, ac sollicitudo: quos vt Xaverius consolaretur, ait triduo filiam ad matrem sponte rediturā; scaphā scilicet ad onerariam. Postridie vnum de turba nautica ad mali speculam conscendere iubet, & circumspicere, num qua parte appareat nauicula; quod cum ille negasset, abdit se in cubiculum, vbi bonam diē partem in lacrymis egit ac precibus: indeque egressus affirmat scapham breui redituram, ideoque Nauarchū rogat, demissis vt velis venientem præstoletur; quod ille facturum negat; vectores quippe clamabant satis iam expectatum, neque scaphæ calamitatem, onerariæ naufragio esse cumulandam. Hic Pater veritus ne humana diffidentia prodigium, quod Deus facturum erat irritum redderet, aliquantum moræ à Nauarcho exorat; sed cum interea scapha nusquam appareret, & commune periculum augeretur, Nauclerus vela tolli iubet, ventisque permitti. Neque tamen hīc sollicitudo Xaverij languescit aut frangitur.

VI.
Effectus sol-
licitæ huius
charitatis.

Preces enim iterat, promissæque vir sanctus, & manibus in antennas impositis, nautas per Iesu Christi sanguinem obsecrat, vt modicam adhuc illi moram indulgeant. Indulgent, expectant; & dum ille feruenter iterat preces, ad speculam conscenditur, frustra que maria omnia latè lustrantur, orat speculator sibi descensum permitti, orat pater tantillū adhuc exscensionem differri. Tantulum illud tres adhuc horas tenuit, cum ille exclamat apparere cymbam, & ad onerariam recta ferri, ad quam

etiam mox, sine vlla cuiusquam opera, placide applicuit, nullo vectotū desiderato: qui etiam affirmabant secum semper nauigasse Xaueriū, perpetuōque à se in scapha visum; etsi reuera è naui pedem non extulisset. Sed volebat Dominus illos intelligere cuius precibus, meritis, sollicitudini vitam deberent. Nec vir sanctus spe sua frustratus est. Illud enim par Mahumetanorum, pro quorum salute tanta cura Deum fuerat hominēsque contestatus, oculos aperuit Christianæ veritati: quam edocti, sacris vndis abluti, abdicato prophano Mahometo, Christo nomen dederunt: atque ita sollicita Xauerij charitate, illi animæ, corporisque perniciem feliciter euasere.

CAPVT VIII.

Sollicita Charitas Deiparæ virginis.

PA V C A illa, quæ in Euāgelica historia de beatissima virgine scripta sunt, non exiguam materiam singularum virtutum subministrant, quas inter sollicita charitas, neque infrequens est, neque infimū locum tenet. Exempla nonnulla proferam, quæ alio quoque loco, alterius occasione virtutis, sunt usurpata, quod in vnam eandemque actionem plurimæ sæpe virtutes incurrant, quæ iucundissimum, & quasi harmonicum musicæ concentum efficiunt. Et vt ab illo colloquio ducamus initium, in quo & diuini Verbi incarnatio, & humani generis vertebatur salus: ea Virginis interpellatio, cum Angelus hoc illi mysterium in ipsa perficiendum nunciaret, satis prodit eius pro custodienda virginitate, quam Deo promiserat, sollicitudinem. Eius enim sponsus, illius non contaminator erat, sed conservator & testis; itaque modum ab Angelo sciscitatur, quo id negotium conficiendum sit. *Quomodo fiet istud? quoniam virum non cognosco.* Quorum verborum hæc videtur esse sententia.

Non dubito equidem, quin hoc diuinum mysterium, cuius tu mihi factus es nuncius, à Deo fieri possit; nihil enim superat illius vires, qui potest omnia: neque dubito fieri oportere, si redimendum est humanum genus. Sed quoniam tu me huius sacrosancti operis mediatricem fore nuncias, & concepturam in utero, & pariturum Altissimi filium, scire velim, quo id modo Deus perfici velit. Magnum enim video huic negotio impedimentum obstaré, si res humano more conficienda est; cum ego quidem virum habeam, sed pari mecum corporis animique integritate præstantem, & præpotenti Deo ab utroque consecratam virginitatem sciam. Vides ergo in Virgine studiū conservandi pudoris atque illibate integritatis Deo dicatæ, quando ne in diuinam quidem maternitatem consentit, cum illius detrimento. Itaque non prius auditur ab ipsa, *Ecce ancilla Domini*, quam ab Angelo sit auditum, *Spiritus sanctus superueniet in te*: quod erat docere conceptionem istam & partum, non humanæ, sed

I.

*Actiones
virginis ple-
na variis
virtutibus.*

II.

*Sollicitudo
eius in nuncu-
cio incarnat-
ionis.*

diuinæ virtutis fore; nec iis minuendam matris virginitatem, sed conſe-
crandam. Quàm probroſa eſt igitur hominis ſtultitia, qui fluxa & ſœda
delectatione, iacturam facit eius boni, quod ſanctiſſima Deipara tantæ
prætulit dignitati?

III.
*In perturbati-
one Iosephi.*

Postquam autem hoc diuinæ potentia, ſapientia, bonitatis prodi-
gium in ſacroſancto Virginis vtero perfectum eſt. non minore illa ſolli-
citudine turbata eſt, animaduerſa perturbatione caſtiſſimi ac dilectiſſi-
mi ſponſi ſui, quod eam vterum ferentem videret, quam nunquam pe-
nitus attigiffet. Et hinc quidem Virgo angebatur, quod rem vti geſta
fuerat, & quæ cum ſumma ipſius laude coniuncta erat, præ animi de-
miſſione vulgare non auderet, neque exiſtimaret deſenſionem, ex ſuo
ipſius ore proſectam, viſum iri probabilem. Inde autem angelum non
habebat in poteſtate, qui eius innocentiam tueretur. Ergo paupercula
& deſolata magna ſollicitudine, in ſua Deique cauſa premebatur, vt quæ
hinc iuſtum Iosephi mœrorem, curasque cerneret, inde periculum
ſuum, ſi ab eo dimitteretur, vt quæ ægè haberet, quo ſe grauida reci-
peret; nec poſſet ſuorum criminationes, & infamiam probabilem effu-
gere, quamuis iniuſtiſſimam. Ergo diuinam maiestatem ſollicita depre-
catione pulſabat, vt præſenti occurreret neceſſitati, eius tamen proui-
dentia penitus permittebat ſeſe, certa ſubire aduerſa omnia in eius
gratiam, quem vtero clauſum geſtabat. Hoc videlicet rerum ſtatu miſit
Dominus Angelum ſuum, qui hoc errore Iosephum exſolueret, & vtrum-
que ſollicitudine permoleſta. Tum demum Iosephus protinus ſe ad ve-
recundantis ac renitentis ſponſæ pedes ſupplex abiecit, ſuumque illi ob-
tulit, magno cum ſeruore famulatum.

IV.
*In itinere
Bethleemi-
tico.*

Natiuitate.

*Circumci-
ſione.*

Hac tempeſtate tranſacta, breui alia exorta eſt. Quantam enim ſollici-
tudinem in corde puerperæ, ſua in filium charitas excitabat, cum immi-
nente puerperio & hyeme ſæuiente longinquum iter ſuſcipiendum eſ-
ſet, & ſe non ſatis rebus inſtructam neceſſariis videret, ſive ad iter agen-
dum, ſive ad pariendum, fouendūque partum. Præterea verò itinere
conſecto, cum ſe vel ciuium inhumanitate, vel hoſpitum frequētia cer-
neret ad ſtabulum compingi, vbi primogenitum ſuum, eundemque Do-
minū & Deū ſuum, & mundi vniuerſi regem ederet in lucem, pannis in-
uolueret, in præſepi reclinaret. Proh quanta cōmiſeratione in filium vir-
guncula tãgebatur, quantāque ſollicitudine, ne quid ille inualetudinis cō-
traheret, in aëre perfrigido, in ſtabulo ventis peruiſo, in nocte intempeſta,
igne fortaliſſis ac lumine, præterquam ſtellarum deſtituta. Eadem mox
cura & cōmiſeratio renouata eſt. cum circūciſus eſt puer, & ſanguinem
ſuum primitias redemptionis humanæ, cœpit effundere, & auguſtiſſi-
mum I e s v & Seruatoris nomen adipiſci.

V.
*Fuga in
Ægyptum.*

Cura hæc non modica cepit incrementa, in angelico nuncio fugæ ca-
peſcendæ, & barbaræ infidelium regionis adeundæ, ad cruentam He-
rodis tyrannidem deuitandam, qui puerum ſummo ſtudio quaſitus

erat ad necem. Magna suberat, humanitus loquendo, patris ac sollicitudinis seges, tam genitrici, quam nutritio parenti, qui præceptum diuinitus accepit, cum filio & matre illius quamprimum emigrandi. Et si enim non parum remittebatur illa cura, perpetua in diuinam providentiam fiducia, quæ diuino inuigilabat infanti, & maturè præmonuerat, ut tutò asportari posset, & monitionem spondebat ad reditum. Nocturnæ tamen tenebræ, in quibus conuafandum, atque emigrandum fuit, altum silentium, & præpropera celeritas profectiois, & causæ sunt, & indicia sollicitudinis, quam & parentum amor singularis, & infantis conditio, hinc vehementer augebant, inde efficiebant, ut magno ac libenti animo perferretur.

Archelaus redeuntibus timorem iniecit, & causa fuit, cur dimissa, quam cogitabant Iudæa, Galilæam, oppidumque peterent Nazarethanum. Sed aliquot post annos, puer ipse, in quo vno tota parentum sollicitudo posita erat, vehementiore illos cura & dolore affecit. Qui enim timor amittendi reddiderat sollicitos, ipsa eius amissio perculit acerbius, atque afflixit, dum is triduo circumquaque magno cum luctu quæritur, ut testatur illa vox, *Ecce pater tuus & ego dolentes quærebamus te.* Quæ illis iustissima pudoris causa sit, qui cum Iesum sua culpa perdiderint, atque adeo malitiosè à se nonnunquam turpiterque eiecerint, tantula cum cura & dolore reconciliationem quærunt, quasi eius amissio, aut receptio perexigui momenti sit. Certissimo argumento exigua in ipsum fidei suæ, aut amoris, aut defectus fortassis vtriusque.

Nuptiæ ad Canam Galilææ charitati Virginis geminam sollicitudinem iniecerunt: prior fuit ut maturè provideretur pudori atque ignominia, in quam incurfuri erant noui coniuges, à quibus ipsa, cum filio suo, eiusque discipulis fuerant inuitati. Ergo filium vltro adiit, vini penuriam indicauit, non ignara posse illū ac velle opem ferre indigentibus; præsertim cum ad eius benignitatē, matris quoque preces accedunt; neque homines dubitare, fas est de spiritalibus subsidiis, eius opera obtinendis, quæ pro terrenis commodis, etiam non rogata, patrona facta est. Posterior cura fuit circa conuiuij administratos, quos sapienter præmonuit, ut quidquid eis præciperet filius, sine vlla cunctatione exequerentur. Alioqui fortasse credidissent irrideri se, qui deficiente vino, aquam haurire, & hydrias ea replere iuberentur; & defectu obsequij insigne prodigium, & tenuioris heri subsidium impedissent; & insuper cæcæ obedientiæ piis hominibus exemplum non præbuisent.

Addam etiam alteram diuinæ matris sollicitudinem, quæ ad tempus mortis & cruciatuum Christi Domini pertinet: neque tamen circa filij personam ea cura versabatur: cuius causa nonangebatur sollicitudine, sed luctu ac mœrore conficiebatur: certa nihil illi posse cōtingere, quod ipse non præuidisset multo antè, & permittere statuisset, quo pertinebat eius illa vox, *Nemo tollit animam meam à me, sed ego pono eam à me ipso.*

VI.
Amissione
pueri duodecim
annis.

VII.
In nuptiis
gemma eius
sollicitudo.

VIII.
Et tempore
passionis.

Ioan. 10. 1

Itaque mater mœstissima neque summum pontificem, neque Pilatum, aut Herodem precibus exorare, aut mitigare aggressa est; non filij innocentiam, non calumnias inimicorum eius, malitiâque aperta in luce constituere: sed neque alteri cuiquam hoc officij genus committendum putavit, quod utique cum laude aliæ matres facere potuissent. Circa discipulos igitur filij sui matris cura sedulo versabatur, quos videbat grauiissima offensione turbari, aut planè infidelitate corrui. Ergo pro iis sollicitè Deum orabat, eosque vel ipsa per se, vel per amicos monebat, ut proximam expectarent resurrectionem, qua omnia, iuxta filij promissionem, instauranda erant.

CAPVT IX.

Sollicitus Seruatoris Amor in stabilienda fide, ac cognitione mortalium aduersus ipsum.

I.
Deus factus
homo, ut hu-
manam ha-
beret sollici-
tudinem.
Matt. 23. 37.
ca. 2. v. 12.
Ioan. 10. 10.

NON visum est diuinæ bonitati satis, misericordiæ virtutem præstantiore quodam modo habere apud se, ad opem hominum miseris afferendam, aut sollicitudinem ad occurrendum periculis eorum, sed ipsummet humanum affectum induere voluit, & sensum ipsis hominum præcordiis hærentem. Ideoque factus homo, vtriusque argumenta dedit longè clarissima. Sed omittamus nunc quidem misericordiam, inspiciamus sollicitudinem, quam populari comparatione gallinæ de pullis suis sollicitæ declarauit, ut paulò antè explicatum est. Nónne ipse est, qui animas peccato mortuas viuificat? iuxta illud, *Ego veni ut vitam habeant, & abundantius habeant.* Qui modò clamat, *Venite ad me omnes, qui laboratis, & onerati estis, & ego reficiam vos.* Et, *Si quis sitit, veniat ad me, & bibat:* modò lacrymatur dicens, *Ierusalem Ierusalem quæ occidis prophetas, & lapidas eos, qui ad te missi sunt; & si cognouisses & tu, quanta te calamitas maneat, quanta perniciēs impendeat ceruicibus tuis, eam utique mecum deplorares.*

II.
Quam pas-
sim ostendit.

Nónne ipse est, qui de mortalium salute atque emendatione sollicitus, alias ex aliis vias init, ad eos ad se alliciendos. Prosperis enim atque aduersis, lætis & tristibus, amore & metu ad se homines vocat, inuitat ac trahit: nunc concionatoris voce, lectione pia, arcano instinctu, sese in eorū corda insinuat; nunc bonorum exemplis, nunc malorum cladibus, aliisque innumeris modis cordis ostium pulsatur, omnem deniq; lapidem mouet, ut beatam aliquando vitam consequantur. Qui electos suos à quatuor ventis, siue mundi partibus congregat, non ut fame emoriantur aut frigore, sed ut calore illo vitali, & igne, quem misit in terram, incallescant, & viuant. Sanentur, ait, sudoribus meis, ditescant meritis meis, redimantur sanguine meo, consolentur gemitibus meis, victoriam obtineant per certamina mea, & regnent aliquando mecum in regno meo.

Sciebat summè necessariam esse cognitionem aduentus sui in terras; quantam obsecro curam adhibuit, vt is vbiq; vulgaretur? vt omnes per-secutus est vias, vt omni hominum generi innotesceret. Eam vnā ob-rem nuncios cælo misit, qui gaudium ingens pastoribus intempesta no-cte vigilantibus, nunciarent. Idem impleuit diuino spiritu Simeonem sacerdotem, & Annam prophetidem, vt salutare Domini toto templo vtrique sexui nunciarent. Idem nouam stellam in oriente produxit, quæ noui regis ortum aperiret. Quin & cruentissima Herodis carnificina vltus est, vt Messia natiuitatem, etiam in occiduis regionibus, tanti facinoris fama loqueretur. Eandem ob causam & idola puer in Ægypto deturba-uit, & eis tum alibi passim, tum in Italia silentium imposuit. Nam Au-gustus ab Apolline, post diuturnum silentium, oblata hecatombe, hoc denique responsum expressit.

*Me puer Hebraus, diuos Deus ipse gubernans,
Cedere sede iubet, tristémque redire sub orbem,
Arise ergo deine tacitus discedite nostris.*

Cùm autem iam vir factus esset, cælum, terra, inferi, Deus & angeli eius, homines & dæmones eum suo vbiq; sermone celebrant. Iordanem adit, ibique dum latere inter peccatores, & tanquam vnus aliquis eorum, Ioannis Baptismo initiari cupit, ecce vox Patris æterni, qui hanc animi demissionem exultat, eiusque dignitatem, voce illa cælitus emissā declarat. *Hic est filius meus dilectus, in quo mihi bene complacui.* Decla-rat & Spiritus sanctus, sub columbæ specie in ipsum delapsus, & eius ani-mi corporisque integritatem ostendit. Quod si eum ibi segregat à pecca-toribus pater, eundem in Thaborzo monte præ cæteris iustis reddit in fi-gnem, filium suum dilectum iterum vocans, præ Moyse scilicet & Elia famulis suis; data rursus illi docendi homines, gubernandique potesta-te, *ipsum audite.* Quod confirmabat quoque Spiritus sanctus, ibidem sub nube sublustri apparens. Quid Angeli? nōne ipsius prodidere ma-iestatem, cùm impletum est illud, quod suis ipse discipulis promiserat, *Amen amen dico vobis, videbitis cælum apertum, & angelos Dei ascenden-tes, & descendentes supra filium hominis, quocumque tandem id tempo-re, locove contigerit.*

Mortalium omnium primus Ioannes Baptista eum patefecit exulta-tione sua, cùm ambo maternis adhuc vteris tenerentur inclusi. Deinde cum se Christus in consuetudinem hominum dare cœpisset, Ioannes publicè clamabat, *Ecce Agnus Dei, ecce qui tollit peccatum mundi.* Alia quoque plerāque testimonia vulgò protulit præstantiæ ac dignitatis eius, quæ Iudæis erant admodum credibilia, propter singularem Ioannis apud eos autoritatem & fidem. Scribit enim Lucas exultasse populum, & cogitasse omnes in cordibus suis de Ioanne, ne forte ipse esset Christus. Sed vir sanctus non est passus eos diu in illo errore versari. Sed confessus est, in omnium oculis, etiam eorum, qui ad eum legati ea de causa veniant,

III.

*Eius cura in
declarando
aduentu suo.*

IV.

*Declaratur
quoq; à pa-
tre ad Ior-
danem.*

*Et in monte
Thabor.*

*Et ab An-
gelis*

Ioan. i. 51.

V.

*Et à Ioanne
Baptista.*

Luc. . 41.

Ioan. i. 15.

. 9 30.

Ca. 3. 15.

Mar. i. 7.

quique Christi, ac Messia titulum ei libentissimè detulissent, se non esse Christum. Baptizare quidem se, sed mox adfuturum multo se fortio-
torem ac prastantio-
torem, qui non aqua, sed Spiritus sancti baptismum col-
laturus esset, tantòque se prastantio-
torem, ut se negaret dignum, qui sol-
ueret corrigiam calceamentorum eius. Cùmque eum iterum ad se ve-
nientem vidisset, *Ecce, inquit, Agnus Dei, ecce qui tollit peccatum mundi.*

Ioan. 1. 29.

VI.

Et à damo-
nibus.

Marc. 1. 24.

Luc. 4. 33.

Gal. 3. 12.

Et miracula
suis.

Ioan. 7. 31.

Matt. 8. 27.

Marc. 1. 27.

Christi quoque aduentum ipsi daemones euulgabant, nunc clamori-
bus & querelis, ut qui dicerent, *Quid nobis & tibi Iesu Nazarene, veni-
sti perdere nos; scio quis sis Sanctus Dei.* Increpauit autem illos Iesus, ius-
sitque obmutescere & exire ab homine; qui quamuis renitens, vnicus
enim tuum fuit, & exclamans exire coactus est. Vide autem inde ampli-
ficatam de Christo notitiam. *Et factus est, ait Lucas, paupor in omnibus, &
colloquebantur ad inuicem dicentes. Quod est hoc verbum, quia in potesta-
te, & virtute imperat immundis spiritibus, & exeunt. Et diuulgatur fa-
ma de illo, in omnem locum regionis.* Aliàs etiam cum veneratione & ho-
nore eum patefaciebant. Cùm enim miracula sanitarum maximè patraret,
spiritus immundi, ut ait Marcus, cùm illam videbant, *proci-
debant ei, & clamabant dicentes, Tu es filius Dei.* Christus autem increpabat eos, &
iubebat obmutescere, nolens uti eorum opera ad notitiam sui. Sed mi-
racula, quæ maximo numero quotidie, summa cum autoritate, ac faci-
litate faciebat, multo certius atque honorificentius eius nomen & glo-
riam disseminabant: adeo ut multi de turba crederent in eum, dicerent-
que, *Christus cùm venerit nunquid plura signa faciet, quàm quæ hic facit?*
Alij autem, *Qualis est hic, quia venti & mare obediunt ei?* Alij, *Quid-
nam est hoc? quanam doctrina hæc noua? quia in potestate etiam spiritibus
immundis imperat, & obediunt ei.*

VII.

Quæ refere-
bantur ad
stabilendam
fidem.

Ioan. 11. 42.

& c. 3. 2.

Gal. 4. 9.

Quo autem spectabant ista prodigia? non ut miseris duntaxat bene
esset, sed ut fidem faceret omnibus, in primisque Iudæis, se à Deo sum-
ma cum autoritate, atque potestate missum. Nam excitaturus quatri-
duanum Lazarum, in sua ad patrem oratione dicebat, *Vi credant, quia
in me misisti.* Et Nicodemus magister in Israël, Rabbi, ait, *scimus quia à
Deo venisti magister; Nemo enim potest hæc signa facere, quæ tu facis, nisi
fuerit Deus cum eo.* Alioqui quomodo ferre potuissent antiquari Mosai-
cam legem, quam sibi perluadebant fore sempiternam? Aequo illos
animo ferre oportebat omnia legis sacrificia irrita fieri, sacerdotium, om-
nemque leuiticum ordinem abrogari, & deinceps in prophanis censeri.
Templum illud, quod Deum agnoscebat authorem atque architectum,
non frequentari, sed negligi; non ornari donis & multiplici anathemate,
sed diripi ac disturbari: circumcisionem, cæterasque ceremonias, quæ
tanto cum apparatu traditæ, diuinusque institutæ fuerant, & ultra mille
& quingentos annos floruerant, in egenis numerari, atque inanibus
elementis.

VIII.

Sed docebat insuper missus hic à Deo magister, res vulgò inauditas,
ac ne

ne doctoribus quidem ipsorum cognitæ, & quæ humanam æstimationem, ac fidem longè multùmque superarent. In vnitæte diuinæ essentia, trinitatem nihilominus existere diuinarum personarum, diuinitatem cum humanitate in vnâ coaluisse personam; mulieris fecunditatem cum inuoluta virginitate consistere, panem & vinum in Dei & hominis carnem sanguinẽque conuerti; nec posse istius Doctoris esse discipulum, nisi qui odisset patrem suum, & matrem, & uxorem, & filios, & fratres, & sorores, atque adeo vitam, atque animam suam. Quis hic discipulus non diceret. *Durus est hic sermo, & quis potest cum audire?* Sed illud quoque erat in hoc doctore acerbissimum, atque ad perturbandos omnes, qui in eum crederent, potentissimum: quod atrocissimam, atque ignominiam omnibus refertam crucis mortem subiturus erat; quæ præterita eius miracula obscuraretur, doctrina repudiaretur, vita notaretur infamia, discipuli metu ac pudore dispergerentur, amici vexarentur, omnes grauissimam offensionem paterentur: vt verè præsciis ipsemet horum omnium diceret, *Beatus qui non fuerit scandalizans in me.*

*Quamoue
canece, a-
ria foret.*

Luc. 14. 26.
Ioan. 6. 61.

Matt. 11. 6.

Quanta ergo fides necessaria erat hominibus, tantam vt tempestatem, tam horribilem, tam inauditam ferre possent? vt crederent hominem actum in crucem, in patibulo summo cum dedecore ac cruciatu mortuum, Christum esse, diuina humanaque natura constantem; vnâ eandemque animam, summo simul gaudio affluere, & summa tristitia æstare: eundem filium à Patre in acerbissimo animi mœrore derelinqui, & suauissima nihilominus eiusdem præsentia frui: simul in terris ab hominibus affici contumeliis, & in cœlis, ab omnibus beatarum mentium choris, exquisitissima prædicatione celebrari. Quæ fides, quæ animi constantia requiritur, vt expectatione futurorum bonorum, quæ nemo vnquam viderit, nemo audiuerit; præsentia, quæ omnibus percipiuntur sensibus, negligantur, & pro ignotis illa ferantur alacriter, quæ recenset Apostolus, *Sustineris, inquit, si quis vos in seruitutem redigit, si quis denorat, si quis accipit, si quis extollitur, si quis in faciem vos cedit.*

IX.

*Idem amplius
decla-
ratur.*

2. Cor. 11.
20.

X.

*Ipsius Chr-
sti & Euan-
gelistarum
verbis.*

Ioan. 21. 42.
ca. 20. 31.

Quæ cum Seruator præclare cognosceret, magna sollicitudine in eam incumbabat curam, vt diuinæ incarnationis fidem hominum mentibus infereret, ac validè stabiliret, tanquam bases, & arcus obnitentes spiritalis ædificij. Huc maxime, vt dixi, eius miracula referebantur, iuxta illud, *vt credant quia tu me misisti.* Ioannes Euangelista se Euangelium suum scripsisse profitetur, vt homines crederent Iesum esse Christum filium Dei, & vt credentes beatam illam vitam in nomine eius obtinerent. Omnia ferme Christi colloquia cum Scribis, Phariseis, legiique Doctoribus, vel probationes erant ad stabilendam fidem, vel reprehensiones tarditatis eorum in credendo. Et vt passim quæ patrabat miracula, fidei eorum tribuebat, in quorum gratiam edebantur, & salutem; ita defectus signorum, penuriæ fidei ab Euangelistis ascribitur.

Ttt.

XI. Nunquam seuerius locutus est mitissimus agnus Dei, quam aduersus
Christus & eos, qui post tot ac tanta prodigia, vel filio Dei ipsi non crederent, vel
Apostoli ma- alios etiam à fide auerterent. Itaque Paulus Apostolus, in quo vivebat
inimè arguit Christus, atque loquebatur, ex ipsius Christi affectu inuectus est in Ely-
incredulita- mam magum, qui Proconsulem Sergium Paulum à fide auertere cona-
tem. batur. *Act. 13. 10.* *O plene, inquit, omni dolo, & omni fallacia, fili diaboli, inimice om-*
nis iustitiæ, non desinus subuertere viam Domini rectæ. Et nunc ecce manus
Domini super te, & eris cæcus, non videns solem, usque ad tempus. Nec
 irritæ fuerunt minæ. Confestim enim cecidit in eum caligo & tenebræ,
Ioan. 3. 18. & circumiens quærebat cui manum daret. Quod cum vidisset Procon-
sul credidit, admirans super doctrinam Domini. Et Christus ipse, cum dixisset
 Nicodemo, missum à Deo filium suum in mundum, ad eius salutem,
 non ad iudicium ac pœnam, ait eos, qui in ipsum non credant, sed tene-
 bras luci præferant, iam iudicatos esse, & in Dei prænotione æternis sup-
Luc. 18. 8. pliciis destinatos. Hinc eius ille genitus, *filius hominis veniens putas in-*
ueniet fidem in terra?

XII. Iudæi quoque satis indicarunt commendatissimam esse Christo Do-
Iudæi agno- mino fidem, cum crucifixo improbissimè insultantes dicerent, *Sirex Is-*
scunt Chri- raël est, descendat nunc de cruce, & credimus ei: rati nullo potentiore ar-
stum de sta- gumento illi persuaderi posse huiusmodi miraculum. Denique beatos
bilienda fide pronunciat, qui in eum, quamuis auditione duntaxat cognitum, credi-
solicitem. derunt. Sed quorsum obsecro totus hic verborum Christi Domini,
Mat. 27. 42. exemplorum, & rationum apparatus? Nam ad venditandam falsam
Ioan. 20. 19 hæreticorum, atque arrogantem fidem, qui his omnibus in contemptum
Fides hære- bonorum operum, quæ pessimè oderunt, abutuntur. Minimè verò; sed
ticorum. vt posito fidei fundamento, inædificetur diuinorum obseruatio manda-
Mat. 19. 17. torum. Scriptum est enim, *Si vis ad vitam ingredi, serua mandata.* Ergo
 Seruator sapientem imitatus architectum, dedit operam vt quàm soli-
 dissimum iaceret fundamentum noui apud Iudæos ædificij, Christianæ
 religionis. Quo modo etiam nunc, qui Christianam sapientiam in bar-
 baros populos atque infideles inuehant, nihil habent antiquius, quàm vt
 fidem de mysteriis diuinis eorum pectoribus inferant, priusquam Chri-
 stiana disciplina inducatur in mores.

CAPVT X.

Alia probationes sollicitæ Christi charitatis erga
discipulos suos.

I. *Christus li-*
ces præcibus Nemo Christianus dubitare potest Christum Dominum, dum ad-
futurorū, so- huc mortalitati esset obnoxius, cognitione futurorum fuisse præ-
dictus fuit. dictum, animòq; perspicuè prouidisse, quid cuique esset euenturū: quæ ta-

men cognitio neq; timorem impediēbat, neq; sollicitudinem inde manantē. Etsi enim homines certò sciunt se aliquando esse morituros, mortem nihilominus reformidant, & si quid sapiunt, sollicitè prouident rebus omnibus, quæ necessariæ sunt, rectè & Christianè morituris. Quia & ipse Dei filius, in periculo mortis suæ, pauore affectus est, vt testantur Euangelistæ, etsi clarè videbat quidquid sibi, & quo quidque modo, loco, tempore erat euenturum, non secus ac cùm res ipsa contingeret. Timor enim non solum in malum dubium, sed in certum etiam cadit, nec in mœrorem, nisi malo præsentē conuertitur.

Hanc itaque curam Seruator pro discipulis suis ac necessariis ostendit, omninoque pro tota Ecclesia Catholica, tam antè, & post cruciatus suos, quàm cùm iam maximè pateretur. Discipulos enim suos, qui mirabili quinque panum & duorum piscium multiplicationi adfuerant, lacum Genesarethanum transire iussit; magnamque noctis partem fluctibus iactari, & contrario colluctari vento permisit, dum ipse pro eis Deo supplex erat in monte. Quarta verò vigilia noctis, vt se neque eorum memoriam, neque curam deposuisse doceret, *venit ad eos ambulans supra mare*, eadēque opera ostendens, se faciliè vndarum periculo ipsos erepturum, qui sibi vndas sterneret instar solidi pavimenti. Illi nihilominus tanta rei nouitate turbati, præ timore clamauerunt. At Iesus de suorum non periculo solum, sed etiam timore sollicitus, *statim locutus est eis dicens, Habete fiduciam, ego sum, nolite timere*. Qua voce ita confirmati sunt, vt Petrus, accepta à magistro venia, auderet ipse quoque ambulare super aquas, donec irrepente timore, mergi cœpit, & inuocato Seruatoris auxilio, didicit se illius prouidentis curæ esse. Apprehensa enim illius dextera, hominem secum induxit in nauculam, & cessauit ventus, & vndæ tumultuari desierunt; Vectores autem attoniti, & ad Seruatoris sui pedes prostrati, dixerunt, *verè filius Dei es*.

Ab ista Domini sollicitudine proficiscebantur crebræ illæ, iugēsque preces, quas pro discipulis suis fundebat, ad eò vt solidas etiam noctes absumeret orando. Inde conciones ad ipsos, atque adhortationes, quarum specimen habemus, tam in eo sermone, quem in monte ad eos habebat in primis, & de præcipuis legis Euangelicæ capitibus instituebat; quàm in eo colloquio, quod vltimam excepit cœnam; in quo sollicitè Apostolos comparabat ad omnia adueria fortiter subeunda, siue quæ iam imminebant, siue quæ postea erant euentura. Mutuum quoque inter se amorem commendabat, & labantes animos spe proximæ resurrectionis erigebat. Inde denunciatum Petro, cæterisque discipulis scandalum, & tertio iterata Simonis ex timore negatio, quæ ideo prænnunciabatur, vt ille studiosius sibi attenderet, & caueret ruinam.

Eti hæc quidem Seruatoris de Petro sollicitudo, minus mira fortasse videatur; ipsum enim destinarat in Ecclesiæ suæ fundamentum, in pastorem vniuersi ouilis sui, in totius familiæ suæ, vbi receptus esset in

II.

Pro discipulis suis rem-
pescare iac-
tatis.

Matth. 14.
20. 21

Marc 6. 44.

III.

Eisq; er-
dendis, ac
præmunien-
dis.

IV.

Christi pro
Iuda sollici-
tudo.

cælum, œconomum, atque vicarium, adeoque diuinæ illius regionis ianitorem; quam tamen aduersus præditorem suum curam adhibuit, ut is respiceret se, ac resipisceret, nemo satis admirari possit. Aduersus illum, inquam, qui in magistri vitam ac famam flagitiosissimè coniurauerat, qui mox futurus erat signifer factionis, quæ illum comprehensura erat; qui denique, ut reprobus, destinatus erat suppliciis sempiternis. Quæ ergo signa sunt animi de Iuda solliciti? Principiò ut eum iusto de salute sua timore percelleret, terrificas illas edidit minas. *Vt homini illi, per quem filius hominis tradetur: bonum erat ei, si natus non fuisset homo ille;* nec tamen eum nominatim compellauit, ut posset integra adhuc fama, resipiscere. Secundò, ut eum insigni animi demissione sibi lucraretur, abiecit se ad eius pedes, eosque humanissimè lauit. Beneficia placent homines; præter corpoream cibum, dedit illi sacrosanctam Eucharistiam, quamuis non nescius improbitatis eius. Postremò admonitione suauissima, voluit illum ad se pellicere, *Amice, inquit, ad quid venisti. & Iuda osculo filium hominis tradis.*

Mat 26. 24.

V.
Et Petro
negante.
Matth. 26.
68. 69.

Eadem ipsa sollicita charitas monuit Seruatorem, ut Petrum, qui proximè ipsum abnegarat, & flagitiosam negationem iureiurando, multaque execratione firmauerat, suauiter peramanterque respiceret, quamuis illo ipso tempore multa pateretur, quæ ipsum de se potius, quam de aliis cogitare suaderent. O mirabilem contuitum oculorum! non contuitum, sed sagittam, quæ peruasit cor peccatoris, atque perfodit, eductumque de media impiorum turba, ad lacrymas adegit amarissimas. *Egressus foras flevit amare.* Eadem charitas preces elicit in cruce pendenti ad patrem, ut istis carnificibus, saltem ad tempus ignosceret, dum electi sui resipiscerent. Eadem discipulo matrem, matri discipulum commendauit, ut mutuas inter se partirentur curas, suisque de utroque succederent.

VI.
Et discipulis
post resurre-
ctionem con-
gregandis.
Zach. 13. 7.
Ezech. 34.
12. 16.

Percusso pastore dispersæ erant oves gregis, in die nubis & caliginis, ut Prophetæ tanto antè prædixerant; sed illud quoque dixerant, fore, ut pastor requireret quod perierat, & quod abiectum erat reduceret, & quod contractum fuerat alligaret, & quod infirmum consolidaret. Itaque statim atque bonus hic pastor factus est rediuuius, paterna eum sollicitudo primùm ad matrem, quàm omnium maximè dolores affligerant, consolandam adduxit, tum ad Magdalenam, quæ luctu iuxta rumulum conficiebatur, cæterasque matronas. Nec Petri lacrymas, peccata sua abluentis neglexit. Quin potius voluit illum primum viro- rum testem fieri resurrectionis suæ, sicut & magdalenam primam inter mulieres secundum matrem, ut suum erga pœnitentes amorem proderet.

VII.
Et nomi-
natim pere-
grinis ad
Emaus.

Inde discipulis duobus apparuit euntibus in oppidum Emmauntem, atque adeo se illis socium dedit, non solum ut eorum mœrorem illum leuaret, quem probrosa magistri mors inuexerat, sed ut fidem in eis,

spemque labantem firmaret. Istam enim infirmitatem illa eorum verba haud obscure docent, *Nos autem sperabamus, quod ipse redempturus esset Israel. Sperabatis, ait August. non ergo vltra speratis, Ecce Christus viuit, & spes mortua est in vobis.* Aberrabant igitur oues hæc duæ, & lupo illi tartareo prædæ patebant, nisi sollicitus pastor, ad opem ferendam accurrisset, omissis interim Apostolis, quos Spiritus vnitatis, & concordia iam in vnum collegerat. Exigit enim ratio, ut ubi morbus vehementius sæuit, eò promptius remedium afferatur. Et hoc primum indicium est, paternæ Christi in hosce discipulos curæ.

Alterum est, quod noluit primo statim aditu ruborem reis iniicere, in manifesta culpa deprehensis, ne fortè inde occasionē acciperent veniæ desperandæ, & imitandi Iudam; aut certè obstinatis se Scribis ac Phariseis aggregandi. Ergo præcedentes ignotus assequitur, peramanter salutatur, familiariter colloquitur, morbum elicit, cordis duriciem, & credendi tarditatem: ut qui neque magistri promissis acquiescerent, cum tertium diem resurrectioni destinatum non expectarent; neque sanctarum mulierum testimonio fidem haberent, licet illæ tam oculos suos, quàm ipsos Angelos testes dominicæ resurrectionis proferrent, eaque nunciarent Apostolis, quæ Dominus ipse eas iusserat nunciare; neque ex Apostolis ipsis decissent, qui adito sepulchro mulieribus conciliarent fidem.

Tertium indicium est, quod vlcis tumore sponte patefacto, scapellum confidenter infigit, cum acri reprehensione tantæ in credendo tarditatis; itaque attentione comparata, eorum stultitiam arguit, qui regnum, & caduca huius vitæ bona, carnisque licentiam à Messia expectarent; neque viderent quàm indecorum esset, Deum mittere cælitus filium suum, ut populus eius Epicuri vitam, & bacchanalia viueret, non ut immortalis aliquando felicitate frueretur. Docet ergo oportuisse Christum pati, ac vitæ huius perpeffionibus & ærumnis, sibi suisque patefacere aditum regni cælestis; quod Dominus decertantium præmium esse constituisset. Eoque refert legislatoris oracula, & vaticinia prophetarum, quæ de Christo edita fuerant, quæ ipse mirificè cum rei gestæ veritate componebat, ab ipsa conceptione usque ad resurrectionem, à natiuitate ad mortem, à præsepio ad patibulum. Atque ita illustrata eorum intelligentia, & inflammata voluntate, eis sese agnoscendum præbuit, eosque sollicitè ad boni pastoris ouile reduxit. Eadem enim hora regressi sunt in Ierusalem, & sociis sese fidelibus hilariter adiunxere.

VIII.
Ut eos de-
meritus sit;

IX.
Docueris, ac
conuerteris.

CAPVT XI.

Singularis Christi Domini cura, de Apostoli Thomæ salute.

*I.
Pro Thomæ
Christi solli-
citu.*

*Morosa eius
pernicacia.*

ET hæc quidem perillustria sunt indicia solliciti amoris Christi Domini; sed aliud etiam occurrit eius argumentum, in gratiam Apostoli Thomæ vsurpatum, longè illustrius, ac longè admirabilius; eoque mirabilius, quo minus ille tantam humanitatem Magistri, tantamque sollicitudinem merebatur. Fuit enim eius obstinatio in respuenda resurrectionis fide planè singularis. Primò quòd nò esset in Christi disciplina tyro, sed aliquot iam annorum discipulus, & familiaris, atque aded vñus ex duodeno Apostolorum choro. Non erat rerum imperitus adolescens, qui tum fortè cum maioribus suis peruicacia, atque obstinatione certaret, sed erat ætate virili, ac matura. Multa quoque iam miracula viderat, generis eiusdem, cum eo, quod præfactè se crediturum negabat. Filium quippe viduæ, ipsūque nuper quatrduanum Lazarum à mortuis viderat excitatos. Denique in ea pertinacia non vñam hæserat, alteramve horam, sed octiduum totum.

*II.
Multiplèxq;
ostenditur.
Eccl. 19. 4.*

Matt. 28. 9.

Secundò morosa ista peruicacia pœna digna erat; vt quæ esset cum cæterorum Apostolorum iniuria coniuncta, quos leuitatis in credendo tacitè accusabat; iuxta illud Sapientis, *qui cito credit lenis corde est*: eaque in re hòc maiore in culpa erat, quòd plures contra se testes, fidèque digniores stare cernebat. Principem Apostolorum audierat, profitentem visum à se à resurrectione Dominum; audierat discipulos duos ab Emanuele reuersos, qui longum etiam cum eo sermonem habitum referebāt, eundemque cognitum in fractione panis: Audierat Magdalenam, cæterasque sanctas mulieres, quæ eum allocutæ fuerant, & tenuerant pedes eius. Quin etiam reliquos decem Apostolos audiebat, ipsi omni assuefactione affirmantes visum à se Dominum, manuum, pedum, laterisque cicatricibus insignem; auditum semel, iterumque salutantem, & Spiritum sanctum, in remissionem peccatorum, impertientem. Ad quæ verba ipse mox alludens, negabat se Domini resurrectioni crediturum, nisi manibus ipse suis fixuras clauorum, & lanceæ vñus exploraret.

*III.
Ratione quo-
que ipsius
Christi.*

Tertiò insignis erat ista in non assentiendo duricies, si Seruatorem ipsum, de cuius renouata vita quæstio erat, consideremus. Etenim vel existimabat cum nolle resurgere, vel non posse. Si voluntatem deesse arbitrabatur, cum mendacij arguebat, qui toties post diem tertium se resurrecturum dixerat, quod ipse quoque non semel audierat. Quod ne Iudæi quidem ignorabant, qui supplicem Pilato libellum obtulerunt, vt

iuberet custodiri sepulcrum vsque in diem tertium, *Ne forte, inquebāt, Matt. 27.63*
veniant discipuli eius, & furentur eum, & dicant plebi, surrexit à mortuis.
 Si credebatur deesse potestatem, ne Deum quidem esse credebatur; qui ta-
 men alios propria potestate excitat à mortuis: diuinæ potestati alte-
 rum altero difficilius non est. Quamquam non petebant à postoli ab eo
 ut crederet propria illum virtute resurrexisse, sed resurrexisse duntaxat,
 siue id sua, siue aliena virtute contigisset.

Hæc erat hominis ægritudo: cuius causam rectè, opinor, dixerimus
 fuisse timorem. Insignem enim mœrorem animi timebat, si solus ipse,
 ex omnibus Apostolis, excitati Seruatoris visione caruisset: maluit ita-
 que non credendo, eo mœrore liberari. Id ipsum nonnullis contingit,
 ait Gregorius Nyssenus, qui sibi contemni turpissimarum actionum, qui-
 bus graues meriti sunt pœnas, odio iudicij resurrectionem tollunt. Mor-
 talium inconsultissimi, qui non intelligunt suam vel infidelitatem vel fi-
 dem rem ipsam non mutare, multoque fore satius tutiora consilia se-
 qui, in re præfertim tanti momenti, in qua salus æterna vertatur. Tho-
 mas autem credidit etiam fortasse, illum non ultra deinceps à quoquam
 visum iri, aut potius certus bonitatis eius, & curæ suorum domesticor-
 um, voluit illum ad nouam familiæ suæ, aut sui ipsius seorsim visita-
 tionem compellere.

Qua in re minime falsus est aut spe, aut opinione sua, & felicior
 quam sapientior fuit. Neque enim bonus magister tanta offensus per-
 uicacia, hominem abiecit à se, ac deseruit propositi sui tanto tempore,
 & contra talia fidei argumenta, tam tenacem. Deseruissent utique
 vulgò, quorum charitas minor, atque intolerantior est, quam ut huius-
 modi proximorum molestias, ineptiasque deuorare possit. Sed alia Dei
 est, alia hominum misericordia. *Langnor prolixior*, ut ait Sapiens, *medi-*
cum grauat, sic ut tadio affectus, deserendi hominis causam probabilem
 inquirat. At ægri mater neque labore fatigatur, neque tadio frangitur,
 sed contra morbi peruicaciam pertinaciter pugnat. Ille phrenetide a-
 mens multa insipienter facit, adeò ut matrem manu pulset, aut despuat:
 quæ tum maxime commiseratione mouetur, non ignara filium suum, si
 mentis compos foret, mortem subiturum potius, quam talia cogitatu-
 rum. Sic Christi Charitas nonnunquam iniuriis lacessita crescit: ut cum
 misertus est Pauli, eo maxime tempore, quo is minas spirabat & cædes
 aduersus Dominum, & aduersus seruos eius. Genesius quoque mimus
 eo potissimum tempore suauissimam Dei sensit manum, fidem accepit,
 ac fortitudinem martyrio necessariam, quo in publico theatro Chri-
 stum, Christianamque religionem deridebat.

Occurrit & aliud in hac Thomæ causa, quod paternam Seruatoris in
 eum sollicitudinem vehementer amplificat: quod ad morbum discipuli
 curandum, magister & medicus, ad omnem, quamuis iniquam condi-
 tionem descendit. Placet rem colloquio cum ægro, & percunctatione

IV.
Quæ huius
morbi causa.
 Orat. de
 Resurr.

V.
 Dei Charitas
 præ hu-
 mana mira-
 bilis.

Eccles. 10. 11

Iniuriis la-
 cessit. ac re-
 scit.
 Act. 9.

VI.
 Christus se
 voluntati
 Thomæ ac-
 commodat.

illustrare. Age Thoma, qui te crediturum negas, nisi digitos inferas in aperta clauorum foramina, non ignoras Domino tuo multas subesse vias, quibus te adducat ad resurrectionis fidem. Si ergo illi visum esset Angelum ad te mittere cælitus, qui eius resurrectionem testaretur, nonne Angelo fidem haberes, qui hominibus non credis? *Non credam*, inquit. Quid si mater sanctissima Seruatoris, eum resurrexisse asseueret, visum à se, & diuturno complexu colloquioque detentum testetur? Falli potuit, inquit, *non credam*.

VII.
*Proxima
salutis eius
cura.*

Sed age obsecro, Thoma, si veniat ad te magister tuus, sic ut eum quidem non videas, audias tamen, & liceat notas audire & reddere voces, quid factururus es? *Nisi videro non credam*. Videbis ergo eum hisce oculis tuis, & auribus percipies verba eius, nunquid hoc satis erit ad extorquendam à te fidem? Non erit satis, inquit, *nisi misero manum meam in latus eius, non credam*. O Thoma quam parua est fides tua, quam magna est obstinatio tua. Et tandè audis, *fiat tibi sicut vis*. Proh quanta est bonitas Magistri tui, quam mirabilis sollicitudo pro salute tua! Nonne videtur Dominus eum beneficentissima charitate obruere voluisse, qui pro ferui arbitrio, ut ei beneficeret, ad omnem conditionem, legemque descenderit? quod illustrius solliciti amoris argumentum fingi possit?

VIII.
*Unde de
nigrescat.*

Accepit ergo Dominus quamlibet à famulo suo propositam conditionem, & illius arbitrio penitus acquiescens, ad eum venit post octauum diem, egitque cum eo in hunc fere modum. Ratio postulabat ut discipulus Præceptoris acquiesceret voluntati. Sed quoniam eò ventum est, ut necesse sit Dominum famuli sui arbitrio accommodare se, Age Thoma, *Infer digitum tuum huc, & vide manus meas, & affer manum tuam, & mitte in latus meum, & noli esse incredulus, sed fidelis*. Hic videlicet tam singularis, tamque sollicitus amor fecit de incredulo fidelem, nec adhibita quam postulauerat tangentis experientia, magna cum fide clamorem illum, & confessionem elicit, *Dominus meus, & Deus meus*.

CAPVT XII.

Indicia quedam solliciti ac prouidi Christi amoris in Ecclesiam suam.

I.
*Christi pro
Ecclesia cura
eius oratione
monstratur.
Ioan. 17.*

PRINCIPEM obtineat locum cura Seruatoris commendandi Ecclesiam suam æterno Patri, eo maximè tempore, quo se comparabat ad mortem, & tradendus erat in barbaras inimicorum manus. Quo videlicet modo patres familias è viuvis abituri, solent commendare familiam suam iis, quos maximè dilexerunt, quique hoc vicario parentis munere rectè fungi possunt. Quoniam verò salus totius corporis ex capite pender,

pendet, in primis Deo commendat discipulos suos, qui Ecclesiā, quasi capita quedam gubernaturi erant. *Ego pro eis rogo*, inquit. *Non pro mundo rogo, sed pro his quos dedisti mihi, quia tui sunt.* Et mox, *Pater sancte, serua eos in nomine tuo, quos dedisti mihi, ut sint unum, sicut & nos.* Et infra. *Ego dedi sermonem tuum, & mundus eos odio habuit, quia non sunt de mundo, sicut & ego non sum de mundo.* Non rogo ut tollas eos de mundo, sed ut serues eos à malo. Sanctifica eos in veritate, & pro eis ego sanctifico meipsum, ut sint & ipsi sanctificati in veritate. Et deinceps, rogat pro reliquo Ecclesiæ corpore. Non pro eis, inquit, rogo tantum, sed & pro eis, qui credituri sunt per verbum eorum in me, ut omnes unum sint, sicut tu Pater in me, & ego in te, ut & ipsi in nobis unum sint, ut credat mundus quia tu me misisti. Hæc atque his similia tunc orauit Seruator, & sæpè alias, quæ colligere licet, tam ex hac ipsa oratione, quàm ex paterna parentum in filios suos sollicitudine.

Ioan. 17. 9.

Numeremus secundo loco egregiam Seruatoris providentiā in constituendo visibili capite Ecclesiæ, qui eius in absentia corporea locum teneret. in eoque decorando, ac locupletando iis gratiarum ornamentis, quæ Ecclesiæ secundum Deū principem decerent. fide, prudentia, charitate, demissione animi, patientia, zelo animarum, cæterisque virtutibus. Quanta illi cum cura & verborum apparatu commendauit gregem suum. Semel, iterum, tertio de illius in se amore percunctatus est, eo spectans, ut ipse in magistrum amor, in omnes, qui ad ipsum spectarent, diffunderetur: eorum ut curam gereret, ut ouium pastor, ut impuberum tutor, ut hæredum regni cœlestis curator, ut primarius militum suorum imperator, ut discipulorum suorum magister & doctor; Denique ut dux certissimus in via salutis æternæ, quando studiosè prouidit, ut in tradenda fide Catholica, bonisque moribus edocendis errare non posset.

II.

Et constituendo vicario suo.

Occurrit tertio admirabilis Seruatoris cura & providentia, in Ecclesiā Catholica rebus omnibus instruenda, institutione diuinorum Sacramentorum, siue eam consideremus ut spiritalem quandam Rempublicam, siue ut instructum ad pugnam exercitū, qui inimicam aciem haud longè habet obiectam. Primum igitur necesse est florentem Rempub. numero ciuium abundare, à quibus decus accipiat & firmitatem. Baptismus dat homini ius diuinæ illius in cœlo ciuitatis, ciues enim sanctorum efficit, & domesticos Dei. Leges, mores, & instituta Reipublicæ tenenda, probanda, ac tuenda sunt, aduersus eos, qui verbis illam factisve impugnant. Nam pro illius defensione etiam vitam ponere gloriosum est. Confirmationis Sacramentum, Christianum in fidei professione confirmat, roburque tribuit ad eam, cum certo vitæ discrimine, defendendam, aduersus hæreticos, cæterosque infideles.

III.

Instituendaque Sacramentis. Ecclesiæ spiritualis Resp. Baptismi.

Confirmatio.

Necessarii sunt in Repub. medici, chirurgi, pharmacopœ, qui industria præditi, studio & experientia edocti, agris pharmaca & medicamenta dispensent, quibus recipiant vires, ac sanitati restituantur. Pœni-

IV.

Pœnitentia.

tentia Sacramentum spiritualibus animarum morbis occurrit, tanquam officina nobilioribus referta pharmacis, quam quæ ex Indiis aut Molicis huc inuehantur, habetque spiritales medicos, sacerdotes doctrina & vitæ probitate præstantes, qui animorum morbo laborantibus faciant medicinam. Opus habet ciuitas cellis & horreis, & omnis generis apothecis, quibus vina & frumenta, cæteraque vitæ necessaria recondantur, quæ ciuibus vsui sint atque peregrinis, & pauperibus, qui non solum de die, sed etiam in diem viuunt. Verbum Domini, maximèque Eucharistia mysterium, cibi sunt animorum, qui neque deficiunt vnquam, neque consumuntur, quibus diuites & pauperes, iuuenes & grandes natu, viri foeminaeque toto anni tempore nutriuntur,

Eucharistia.
V. Ordinis. Respub. indiget magistratibus, cum iudiciaria potestate, qui in legum obseruationem inuigilent, & populum ex earum præscripto gubernent, lites dirimant, præmia meritis distribuunt, in fontes animaduertant. Sacri ordines Ecclesiasticos instituunt magistratus, & legitimam eis potestatem præbent, vt animas peccatis soluant, sacrosancam conficiant Eucharistiam, Sacramenta populis administrent, censuris percellant peruicaces, totum denique corpus Ecclesiæ ritè ac sapienter administrent. Legitima connubia publicæ rei maximè necessaria sunt, perniciosæ vagæ libidines, maximèque omnium adulteria puniendæ. Incertam enim efficiunt prolem, eique parentum amorem, & educandi curam eripiunt, atque aded sollicitudinem aliquid eis acquirendi & conseruandi, quæ certissima est ad interitum rerum publicarum, quamuis potentissimarum, via. Matrimonium in Ecclesia non solum ciuile contractus, sed Sacramentum etiam est, in quo gratia coniugibus confertur, felicem vt prolem, sanctamque suscipiant, quæ terras coloniis, cœlumque frequentent, vt probam eis educationem impertiant, vt pacifice viuant, vt mutuo diligant, vitent inconcessa contubernia, seque vicissim, ad vitæ huius ærumnas tolerandas, iuuent.

VI.
Et suprema
unctionis.

Denique homines in Repub. bene constituta, quando ex hac vita emigrandum est, egent auxilio extraordinario, vel necessariorum, vel magistratus ipsius, vt vniuersæ familiæ rectè vtiliterque prouideant; sæpe enim, corpore animoque ægrotatione debilitati, minus idonei sunt ipsi per sese, ad illam prouidentiam. Supremæ unctionis mysterium, postremum est auxilium, quod filiis suis impertit Ecclesia, quo animi, in vltimis morbi molestiis, ipsaque etiam corpora interdum iuantur; peccatorum reliquæ detergantur, robur additur ad formidolosæ mortis angustias fortiter peruadendas. Qui ergo tam vtiliter sapienterque prospexit Ecclesiæ suæ, corpori suo mystico, & Reipub. spirituali, nonne aperte patefecit, quàm sollicita esset ipse erga illam prouidentia, quantamque pro eiusdem salute curam suscepisset?

CAPVT XIII.

*Christum Ecclesia sua, quasi instructissimo exercitui sollicitè
prouidisse.*

INSPICIAMVS nunc hanc ipsam Christi Ecclesiam, vt fortissimū, rebusque omnibus instructissimum exercitum: in sacro enim sponsæ Cantico dicitur *terribilis vt castrorum acies ordinata*. Ad comparandum & conscribendum exercitum Princeps conuocat duces suos, iubetque classicum cani, tympana concrepare, militem ad signa euocari. Christus collegit Apostolos suos, eosque iussit cœlestem Euangelij doctrinam Iudæis primū, tum cæteris gentibus nunciare: omnes inuitare, ad cœli prouinciā vi & armis obtinendam, profligandum Sathanam, eiusque teterrimum, crudelissimūque dominatum. Scribuntur nomina profitentium militiam, eique sese obligant Sacramento, fidem vt principi, duci obedientiam præstent. In baptismo Christianus inscribitur exercitui Seruatoris, ei spondet iureiurando fidelitatem, & Ecclesiæ præpositis obedientiam; eius autem inimicis, dæmoni & mundi pompis, inimicum se fore pollicetur; simulque aqua renatus & Spiritu sancto, omnibus peccatis, emundatur.

Miles armatur ad pugnam, & ab Imperatore animatur, vt fidem suam & gloriam eius quouis periculo, ipsaque morte antiquiorem ducant, immobiles consistant, & in vestigio, aduersis concisi vulneribus, animas ponant. Confirmationis sacra vinctio suppeditat vires, ad forti animo profitendam fidem, in oculis tyrannorum, infidelium, & hæreticorum: ipsūque animum Christiano militi subleuat, vt excelsa mente, erecta ceruice, exprorecta fronte non dubitet in rotam equuleūque conscendere; non aliter quā adiret festas amantissimorum hominum celebritates. Debent militum vulnera curari diligenter, sunt enim certamina sæpe non incruenta. Itaque necessarij sunt in acie chirurgi, omnis generis instructi pharmacis, & vniuerso curationis instrumento. Dum miles Christianus stat in acie contra Sathanā, mundi, & carnis insultus, non raro vulneratur; impositis vulneribus medicinam faciunt, in Sacramento pœnitentiæ, Sacerdotes; & sanitati restituitur vt iterum, ac tertio, sapiusque pugnare possit.

Nisi militi annona suppeditetur, totis sæpe castris sine missione disceditur, neque hostiles solum agri, sed amicorum quoque populatio- ni ac prædæ patent. Ergo constituuntur apothecæ castrensium com- meatus, annonarij præbitores, alique militiæ administri; maximè autem ne desit cibarius panis. Christianus miles præter diuini verbi cibum,

Vuu ij

I.
*Ecclesia ca-
strorū acies.
Cant. 6.3.9.*

II.
*Eique vt ex-
ercitus pro-
uisum.*

III.
*Per Sacra-
menta.*

*Eucharistia,
Ordinis.*

quod in sacris passim adibus auribus insonat, cibo etiam fruitur augustissimi Sacramenti, quod & quotidianus est panis, & manna diuinum, factum ad omne n[ost]ri saporis suauitatem. Exercitus ducibus indiget exercitatis, qui plura stipendia cum laude confecerint, quorum constet superiorem inter atque inferiorem mutua ratio, ne qua inter ordines perturbatio contingat. Ordo sacer triarios habet, quos centuriones constituit ac tribunos, presbyteros, inquam, ac praesules, cum superiore aliquorum tum inferiore iurisdictione; ut honeste omnia, & secundum ordinem fiant, ut iubet Apostolus, & Ecclesiasticis legibus & institutis clerus, populusque temperetur.

*IV.
Matrimonij.*

*Extrema
unctionis.*

Veteranae legiones tyronibus in album referendis suppledae sunt, qui demortuis, aut emeritis paulatim succedant. Id ipsum fit in Ecclesia per varios ordinum gradus, quos matrimonium factu semper nouae proles amplificat. Effortu senio milites perpetuo stipendio aluntur in arcibus & praesidiis, quae regni fines tutantur, donec contigerit morte defungi. Christianus miles morte imminente, viatico sustentatur, & suprema unctione fouetur, ut hinc facilius emigret, tributo, quod omnis Adami posteritas morti debet, rite persoluto. Qui ergo rem Ecclesiasticam, quasi castrensem tam accuratè dispensauit, omnibusque vitae incommodis studiosè prouidit, nonne sapientissimam mortalibus charitatem, & plenam paterna sollicitudine demonstrauit?

*V.
Christi cura
in Sacramen-
to poenitentiae.*

*AUTOR.
AMOR
SOLL.*

Vides quam leui brachio perstringam istos Sacramentorum thesauros, ut pene me pudeat ieiunitatis. Nihilne sim molestus, si quid addidero de poenitentiae Sacramento? Qui potes, inquam, qui & non poenitenda dicas, & auditorem habeas harum deliciarum ieiunum atque appetentem? Animaduerte igitur, ait Sollicitus Amor, Seruatoris in hoc reconciliationis Sacramento sollicitudinem. Quid enim est quouis loco ac tempore paratam exhibere peccatoribus medicinam, quam sic aegrotum affari. Etiam atque etiam vereor ne quis te morbus opprimat improviso, ne qua desperatio ianuam tibi salutis obstruat; ne si distulero veniam, dum tu peccata peccatis accumulas, ita pondus eorum augeatur, ut te precipitem detrudat ad inferos. Itaque accurre ad me, o peccator, quotiescumque libuerit, paratus sum ruere in amplexus tuos, & peccata ista exterminare. Nolo materna charitate vinci bonitatem meam; nam mater toties sollicitè filio suo medicinam facit, quoties ille fuerit inualetudine tentatus. Nulla mater est, quae mecum certare queat in studio salutis tuae.

*VI.
Ex admira-
bilis bonitate
Psalm. 72. 1.
Eccles. 5. 5.*

Quam bonus Israel Deus, etiam peccatoribus, qui non recto sunt corde! quam amabilis etiam filio prodigo pater! o diuinus amor, tam dignos sollicitè conseruari, quam tu sollicitè prouidisti, ut gratia tua tam saepe, tamque facile recuperari posset. Voluisti tu quidem, ut

de propitiato peccato non essemus sine metu, sed noluisti quoque ut de non propitiatis desperatione frangeremur. O mirabilis Seruator, demiror ego profecto consilium tuum! liceat obsecro dicere licentius, quod bonitatem amantissimi cordis tui, infinitæ sapientiæ tuæ anteferre videatur. Demiror, inquam, te Principem tanta sapientia, prudentia, maiestate, amorem istum tam castum, tam religiosum, tam sanctum hic cum filiis hominum permiscere voluisse, filiis hominum, reuera pueris inconstantissimæ voluntatis, ac beneuolentiæ, quæ in horas singulas, ac momenta mutatur, non secus ac decurrentes aquæ, aut pinnulæ ventorum indices, locum celeriter mutant turbida tempestate.

Quid opus erat istis protheis atque euripis intricare amicitiam tuam, qui aiunt negant, volunt nolunt, donant subinde, ac donata repetunt, & perpetua amicum sollicitudine distendunt. Eadem tibi tela identidem texenda ac retexenda est, non cum iis modò qui amicitiam tecum initam sæpè conglutinant, ac repente præcidunt: sed cum illis etiam qui nullo quidem amicitiam crimine violant, sed in multas quotidie dilabuntur ineptias, eorum quidem consentaneas infirmitati, sed quæ plurimum etiam dedecant maiestatem. In beatis illis sedibus, quæ sunt omnis inconstantia, & mutabilitatis expertes, tibi potiùs, qui nulli mutationi subbes, collocandus ac defigendus est amor tuus, nullo ut casu deinceps aut pereat, aut languescat. Patrem profecto, patrem egisti humanissimum atque optimum, qui filios diligit, quia filij sunt, qualescumque tandem illi sint; qui, ne si quinquaginta quidem domi habeat, vnus interitum facillè ferre queat: quin omnes potius curat, omnium se ingenio moribûsque studiosè accommodat, ut eos ad omnem singat honestatem. Tu quoq; neminem perire vis, omnium curam geris, omnes muneribus ornas tuis, & optas ad eximium sanctitatis gradum, ac beatitudinis peruenire.

Parentes pro liberis continenti sollicitudine tenentur, præsertim si quando in familiam suam quæpiam incubuerit aduersa tempestas. Eos enim tum crebro inuisunt, aut moras cum iis diuturnas trahunt, monent, animant, consolantur, & omnia boni parentis officia cumulatè explent. Quomodo se olim gerebat Seruator, cum sub initia nascentis Ecclesiæ, eam quaterent variæ atque atroces à mundo, & cacodæmone tempestates? Quoties Apostolos ac discipulos suos, modò seorsum singulos, modò coniunctim vniuersos amantissima visitatione recreauit? Itaque tum in Iudæa, priusquam à se inuicem disiungerentur, tum postea, cum ipsi per omnes mundi plagas, Euangelium nunciarent, ut scriptæ ea de re historię fidem faciunt. Visus est protomartyri Stephano stare ad patris dexteram; nimirum ad opem martyri ferendam paratus. Visus est Petro, Paulo, Iacobo, aliisque sanctis martyribus, tum maximè eum prærerum aduersarum pondere grauiter afflictarentur.

Neque verò Seruatoris amantissimi sollicitudo satis habuit laboran-

Et amore erga homines.

VII.
Quamuis mutabiles, ac leues.

Paterne Christi amor.

VIII.
Et sollicitudo pro Ecclesia.

Matt. 7. 55.
1. Cor. 15. 7.
8.

XI.

Vuu ij

*Cui semper
adest.*

Matt. 28. 1.

tibus suis adesse per vices; continentem Ecclesiam suam praesentiam largiri dignatus est, quamvis non aspectabilem, neque tractabilem, ut una ex parte non deesset auxilium, ex altera adesset, quo exerceretur fides. Praesentiam autem istam concessit non ad exigui spatium temporis, sed ad ultimam usque mundi huius periodum; Ibi autem eos nutrit, roborat, consolatur, docet, monet, castigat, obruit denique suorum magnitudine meritorum. Sed illuc redeo.

X.

*Et quam
ostendit in
Pauli con-
uersione.*

Act. 9. 1.

Fuitne obsecro exigua illa gratia, & providentiae Servatoris, paternaeque ipsius sollicitudinis argumentum, cum Iudeis, teneram adhuc & vix coalescentem Ecclesiam animose vexantibus, illud ipse certamen infregit; hebetiores quidem certe reddidit eius aculeos, Saulo illis erepto, qui inconsulto pro lege Mosaica zelo, maxime omnium aestuabat, qui Christi Domini nomen execrabatur, famulos eius cateruatim coniciebat in vincula, qui urbes & oppida vicatim obibat, *Spirans minarum & cadis in discipulos Domini*, summorum sacerdotum furorem in eos omni ope exacuens, atque accendens, ut Christi nomen, familiam, doctrinam penitus extingueret, si quo modo posset. Nec contentus pius pater, hostibus suis Iudeis illum eripere triarium, aut cataphractum potius ducem, infesta eius in illos ipsos arma conuertit, actorem in patronum, vexatorem in protectorem, vas irae in vas electionis mutat. Eum humi praecipitem affligit, ut sublimem in tertium caelum euehat; eum triduo obcaecat, ut caelesti luce perfundat, cibo hic priuat & potu, ut illic nectare ambrosiaque pascat. Denique qui ciues sanctorum, & domesticos Dei multum vexauerat, factus est spectaculum patientiae, Deo, angelis, & hominibus: iuxta illud Oraculum. *Ego ostendam illi quanta oporteat eum pro nomine meo pati.*

1. Cor. 4. 9.

Ag. 9. 16.

XI.

*Et alias, in
variis Ec-
clesiae vexa-
tionibus.*

Nec minus postea res contra Ecclesiam turbulentae extiterunt; eoque turbidiores, quod & hostis potentior, & longinquior diuturnitas iniquissimae tempestatis; siue haereticos memoria reperas, siue tyrannos. At nec vicissim minor cura fuit, nec minus insignis providentia capitis eius, & principis; primum in fidei puritate, atque integritate doctrinae Catholicae contra pestilentissimas haereses conseruanda, in ore Principis Apostolorum, ac successorum eius, ipsos iam mille ac sexcentos annos; quorum plerique doctrinae, virtutumque praestantiam, martyrij gloria coronarunt. Deinde in eadem Ecclesia contra portas inferorum sustentanda, contra Nerones, inquam, & Trajanos, Domitianos & Diocletianos, aliosque potentissimos, ac ferocissimos Imperij Romani principes, qui cum orbi dominarentur vniuerso, eo potentiam omnem, industriamque conferebant, nomen ut Christianum funditus extirparent. Contra importunissima multorum ab Christi vicario diuortia, & periculosissima diuturni temporis interregna; contra bella ciuilia & barbararum gentium furorem, a quibus Roma saepe vi capta & direpta est, totaque Italia late flammis ferroque foedata; illiusque elogij veritas comprobata est, *Fluctuat, at nunquam mergitur israhel.*

*Greg. 9. Fe-
dei, der. 1.*

CAPVT XIV.

An Dei in suos Amor sollicitus esse possit.

ET si sollicitudo Charitatis est proles, eam tamen perpetuo comitari non potest, nec cadere valet in quodcunque personarum genus, minimè autem in Deum. Què enim fieri potest vt in Deum, ipsum beatitudinis fontem cadat, cum nuper dictum fuerit à nobis, sanctos, qui diuinam duntaxat beatitudinem participant, esse curæ, & sollicitudinis expertes: ipsūq; Dei filium factum, esse hominem, vt humanam sollicitudinem experiretur. Què obsecro in eo cura & sollicitudo reperiatur, qui neque vllius rei iacturam timet, neque vllius rei acquirendæ sibi, alterive desiderio angere potest, vt qui apud se, & ex seipso habeat, quidquid rectè amari aut desiderari potest, & quem nemo impedire potest, quo minus cuilibet, quantum quòque modo videbitur, largiatur. Habet enim in manu sua potestatem omnem rerum, quæ cælo, terræ, aut inferis etiam continentur, quæ nullam penitus habent ad agendum facultatem, sine primæ causæ concursu; quem inhibere ipsa cum libuerit, ac sustinere potest.

Rectè tu quidem ista, mi Amor; neque tamen arbitror esse sapientiæ ac modestiæ tuæ, Regij Prophetæ improbare sententiam, aut orationem emendare; præsertim quam tibi instar elogij assumpsisti. Ego autem mendicus sum & pauper, Dominus sollicitus est mei. Ac ne Petrum quidem Apostolum corrigere par est, qui serio commonefacit Christianos, vt omnem sollicitudinem suam in ipsum proiciant, quoniam, inquit, ipsi cura est de vobis. Recta ratio ac fides condemnat quorundam antiquorum philosophorum temeritatem, qui Numini prouidentiam, & rerum humanarum curam adimebant; & e contrario docet Deum non solum vniuersis, sed etiam singulis consulere ac prouidere. Nimirum æquum est eum, qui rebus dedit vt essent, dare etiam vt conseruentur, & ad destinatum illis finem progrediantur, amoris quæ incurrunt impedimentis. Sed quid philosophiam morer, cum liceat audire Sapientiam? Pusillum, inquit, & magnum ipse fecit, & equaliter est ei cura de omnibus. Neminem videlicet excludit à sua prouidentia, & ex æquali sapientia & bonitate, potentium & tenuiorum curam gerit: præsertim cum ne passerculus quidem cadat in terram sine patre nostro, à quo ipsi etiam capilli capitis nostri omnes numerati sunt, vt docuit vnigenitus eius.

Ab sit à nobis, ait Sollicitus Amor, vt vel sacras literas emendare, aut diuinam prouidentiam negare velimus, dicimus nihilominus de prouidentia, quod supra iam attigimus, de diuina misericordia, quam in Deo esse constat, quòd ad effectum subueniendi miseris, non quòd ad illum

I.
Deus sollicitus esse non quit.
c. 3. n. 3. 4.
ca. 9. n. 1.

II.
AVTOR.
Licet ei scriptura eam tribuere videatur.
Psal. 39. 18.
1. Pet. 5. 7.

ca. 6. 8.

Mat. 10. 29.

III.
SOLLICITVS
AMOR.

Quia eius effectum habet.

affectum, quo cidentur corda hominum, & cum miseris patiuntur. Effectus enim ille cum Dei potentia rectè congruit, hic autem affectus infirmitatis est index. Idem de hac sollicitudine proportionem dicendum est. Est enim ea sollicitudo motus quidam timoris in anima, quæ laborat ut rei dilectæ provideat, procurandis ei bonis, & auertendis malis. Timidus hic motus in Deo esse non potest. Neque enim de re aliqua laborare, aut angere potest, quod infirmitatis est, quæ cum infinita Dei potentia pugnat, neque dolore tangi, quod summæ ipsius felicitati aduersatur. Amor autem personarum in eo est, & voluntas prospiciendi salutem eorum, auertendi mala, & auferendi; quæ deinde temporibus efficiuntur suis. Et ita Scripturæ verba interpretanda sunt, quæ se nostro loquendi, atque intelligendi modo prudenter accommodat; quod ipsum nobis, si ab omnibus intelligi volumus, faciendum est.

IV.
Et cum ipse
curam pa-
rentibus de-
dit.

Hanc ipsam Dei sollicitudinem illud etiam probat, quod non solum ipse se patrem vocat, & matri nostræ se confert, sed etiam quod parentum cordibus, qui apud liberos suos Dei vices gerunt, sollicitum amorem, & sollicitudinem instillauit; præsertim cum adhuc tenelli sunt, ut ne quid eis desit, neque quid noceat. Quin & ingeniosè diuinantur cur plorent, quare egeant, quæve offendantur, ut eis cum cura prospiciant: quæ illuc vel maximè fertur, ne animæ prius ex illo hospitio migrent, quam nouam Christi natiuitatem consequantur, & eius corpori mystico inferantur. Eadem cura in parentibus perseverat, & si quando progressu temporis, sicut & necessitas ipsa minuitur; nunquam tamen planè deponitur, donec de eis ratio reddita sit ipsi Deo. Sic & angelus cuique à Deo custos destinatus, hominem nunquam planè deserit, donec eum diuino tribunali sistat, interimque, ex Dei præscripto, parentum sæpe numero partes, negligentiamque supplet.

CAPUT XV.

Eximia Dei cura malorum à nobis auertendorum.

I.
Tuo capite
diuini
na sollicitu-
dinis.

Bellar. l. 6.
de am. gra.
c. 8. & seqq.
& Lessius l.
21. de Pet.
9. 7.

NE GAVIMVS hanc Dei curam in quopiam motu corporeo esse positam. Spiritus enim est, neque sensiles aliquos affectus, corporeolne recipit. Inest in eo tamen beneficentissima voluntas erga amicos suos tam munerandos, in quo est liberalitas, quam improvisis eorum casibus auertendis, ut bonorum, quæ ipsis preparauit, participes fiant; in quo est ea sollicitudo, de qua suscepra est ista disputatio: nam liberalitatem diuini amoris iam dudum Liberalis Amor explicauit. De malis porro à quibus eximit homines diuina prouidentia, infinita oratio est, vix enim vllò numero continentur; ea tamen ad tria capita reuocare placet. Primum ad ea mala, quæ à nobis ipsis, tum quæ à dæmone, postremo quæ

quæ ab externis causis corporeis profiscuntur, quæ sunt omnia effecta peccati, quibus tantum mali in res humanas inuehitur, vt nisi plerisque illorum diuina prouidentia occurreret, omnia in terris susque deque voluerentur, ac pessum irent. De singulis hisce malorum capitibus dicamus aliquid.

Principiò trahunt homines ex materno vtero, cum culpa originis, tantam propensionem ad peccandum, vt diuinæ omnes atque humanæ leges, vt pœnæ, quæ sceleribus, tam in hac quàm in futura vita infliguntur, continendis mortalibus pares esse non possint, ne proiecta quadam & effrenata cupiditate in vitiorum primò, deinde inferiorum barathrum præcipientes ferantur. Certum quidem est non omnes æquè ad peccandum esse proclives, quod singulari Dei gratiæ tribuendum est; nemo tamen est, si varios antea vitæ casus penitus inspiciat, & oblatas vltro peccandi occasiones, quin faciliè animaduertat, Deum illas paterno studio auertisse, eadèmq; opera huius ac futuræ vitæ calamitates, quæ illis ipsis debebantur peccatis. Debitores sunt omnes Deo, non modò bonorum operum, quæ cum eius gratiâ perfecerunt, sed malorum etiam, quæ eiusdem opæ gratiæ non perpetrarunt: quòd scilicet libidinum laqueis, quòd auaritiæ sordibus, quòd gulæ intemperis, quòd hæretum perfidia capti non fuerint, quibus tam multi in fraudem inducti perire, pereuntque quotidie; & ipsi quoque, Deo non opitulante, perissent.

Secundo improborum spirituum potestas mirum in modum magna est, adeò vt Deus ipse, cum Iobo colloquens, dicat, *Non esse potestatem super terram, quæ comparetur ei, qui factus est vt nullum timeat.* Certè constat angelum, eadèmq; est dæmonum ratio, quibus naturæ dona integra remanserunt, vi sua cælum vnum versare posse, quod constat infinitis partibus esse maius, toto globo marium atque terrarum, & diei vnus curriculo spatia immensa decurrere. Nec minor est in eo industria, vel cognitio eorum, quæ vel nocere corporibus, vel animos possunt alligere ad peccandum; sed eius malitia latiùs etiam patet. Incredibili enim ardent omnes odio aduersus Deum, qui eos leui, vt putant, de causâ, supplicii addixit sempiternis: eumque optarent dilacerare si possent, aut pedibus conculcare. Sed cum non possint cum eo congregi, in hominem eius imaginem, omnem pectoris sui furorem exonerant, omnemque Dei honorem & cultum exterminare contendunt, in eiusque locum subrogare suum, quod ad hanc vsque diem vbique terrarum moliti sunt.

Certum tamen est Deum retinere vinculis æternis colligatum Satanam, angelosque eius, tamquam indomitas feras, quæ neque excurrere, neque insilire, neque vnguibus aut dentibus inuadere quenquam possunt, nisi quantum catenæ, id est diuinæ permissionis longitudo permittit: nec vltà vel digitum vnum progredi possunt, vt ex historia Iobi notissimum est. Nam quando licuit in eius fortunas omnes inuadere, nihil penitus attentauit vltà. Cum eius quoque improbitati permissum

Xxx

II. —
*Dei studium
in nostris
malis auer-
tendis, quæ à
nobis,*

III.
*Quæ ab im-
mundis spi-
ritibus pro-
ueniunt.*
ca. 41. 24.

IV.
*Quæ Deus
prohibet.*
Iudæ. 6.

est sancti viri corpus, citra mortem tamen, ab ea vellet nollet diligenter abstinuit. Cùmque Seruator versaretur in terris, ne in porcos quidem inuadere ausus est iniussus, nedum humana illi corpora occupare, aut per se, aliòsue torquere liceat, nisi facta ab illo potestate, à quo manibus eius pedibùsque iniectæ sunt catenæ, aliqui cælum terris, terrâsque cœlo confunderet ac permisceret.

V.
Sine Angelorum operâ.

In eos porro, in gratiam hominum, ita dominatur angelorum ferè, maximeq; custodû ministerio, quos diuina prouidentia constituit, vt homini præsidio essent; maxime autem aduersus principes & rectores tenebrarum harum, qui fugiunt aciem oculorû eius Et vt aspectabiles essent, non est in homine potestas, quæ compareretur illis; neque illis multo conatu opus foret vt præfocarent hominem, vt mutilarent, vt membrorum omnium in totam vitam impotem redderent, vt contingit veneficio illigatis. Verùm angeli Dei, in quorum isti conspectum cadunt, qui eorum artes, & machinationes exploratas habent, eosque celestitate possunt ac potestate vincere, accurrunt quamprimum homini periclitanti, eorûmque improbis conatibus obsistunt, vt ne vltra nocendo progrediantur, quàm patitur is, qui ve eorum peccata castigat, vel hanc ipsorum molestiam statuit in maius bonum conuertere. Asmodæus iuniorem Tobiam omnino mactare cupiebat, non secus ac priores illos septem Saræ maritos: at Raphaël iniecit illi vincula diuinæ potentia, & apprehensum reliquit in deserto superioris Ægypti.

VI.
Sine suo concursu negatio.

Deus quoque istorum malitiam ac temeritatem coercet, inhibito primæ causæ generali concursu, eoque influxu, sine quo inferiores causæ agere nihil possunt. Sic membra hominis nihil agere possunt, nihil moliri, aut vllum omnino ciere motum, si vitalibus, quos vocant, spiritibus, aut animalibus fuerint destituta, vt videre est in iis, qui paralyti laborant. Itaque dæmon neque inquirere, neque ad mouere propius poterit alicui, quæ illi nocitura sunt, si Deus inhibuerit actionem suam: cuius defectu, neque ignis in fornace Babylonica illos afflauit adolentes, neque naturalis calor in Moïsi, aut Eliæ pectore, aut ipsius etiam Seruatoris, in quadraginta dierum ieiunio, humorem insitum consumere valuit, & famem excitare. Quis ergo vim aut furorem illius inferni canis reformidet, cùm neque fauces aperire possit, neque occludere, sine illius nutu, qui nobis est pater? qui suo nos amore dignatur? Et qui, licet aliqui suum illi concursum non negaret, maiore tamen illum vi cohibere posset, ac prohibere, ne influxu illo generali primæ causæ uti posset.

VII.
Sine timore incutiendo.

Neque absurdum est illum frenari diuinitus, iniecto noui timore supplicij, quod ille vehementius reformidat: sicut molossum videmus à mordendo abstinere, cùm videt valido armatam fuisse dexteram, brachiûmque sublatum, ad grauem illi plagam infligendam. Ita dæmones isti valde timent ne in abyssum abire iubeantur, ibique detineantur, vt

liquet ex Euangelio S. Lucæ, vbi illi Seruatorem plurimum rogant ne in Tartarum mittantur, vbi neque nocere ultra possent, Deo mortales eorum opera non castigante, neque ad peccandum eosdem incitare: eaque ipsa de causa desertis locis inuitius addicuntur, vbi nullam inueniunt requiem, vt ait Seruator, & eum ex quo pulsi sunt locum repetere moliantur; ingratissima enim est quies; us, quibus manus ad malè agendum pruriunt; quos negat Salomon dormire posse, *nisi maleficerint, & rapitur, inquit, somnus ab eis, nisi supplantauerint.* Ca. 8. 37.
Mat. 12. 43.
Prou. 4. 16.

Eò denique fertur Dei cura, vt ea mala impediat, quæ dæmones nobis hominum interuentu procurant, intra limites diuinæ providentiæ. Aliquando enim damna quædam soli ipsi inferre non possunt, quæ hominum opera miseris importantur. Permittit enim Dominus hominibus, quorum minor vis est ad nocendum, socios vexare potius quam dæmonibus, quibus resistere non possumus, & quorum malitia hominum consensu modificatur, & temperatur. Quorum voluntate procellas in mari, in cælo tempestates, in terra pestes hominibus ac pecoribus inuehunt. Eadem quoque mala impedit interdum, quamvis non interueniente maleficio, multiæque improborum consilia, & conatus in perniciem amicorum suorum destinatos auertit; vt Saulis aduersus Dauidem; quin & ferarum in homines retundit furorem, infuso illis terrore humani vultus.

VIII.

*Deus auertit
mala, quæ
ab homini-
bus proue-
niunt.*

CAPVT XVI.

*Peculiaris Dei providentia, & cura aliquorum præsertim
Religiosorum.*

PLACET in hoc genere Sanctissimi Papæ Clementis exemplum in medium proferre, quem Traianus Imperator, pro Christi fide decertantem trans mare Ponticum relegarat, placet, inquam, Dei circa ipsum, eiûque populum peculiarem notare providentiam, & vnius honorandi, alterius necessariis subueniendi sollicitudinem. Deus enim illo quasi nouo Moyse vltus est, ad restringendâ aqua mirabili populi sui sitim. Cum enim duo Christianorum millia, ad extrahenda, secundâque; marmora damnata essent, & aquæ penuria vehementer laborarent, nouum Deus fontem produxit ad Clemētis preces, cumque in vicino colle scaturientem, agno indicante patefecit. Nouum, inquam, fontem: neque enim alioqui in vltimo positus, diu latere, aut à duobus hominum millibus siti laborantibus potuisset non inueniri; vt datam ab agno indice coniecturam non vrgeam.

I.

*Dei erga S.
Clementem
providentia.*

II.
Perfimi
Mofasca.

Sed Mosē, vti cōpimus, Clementi committamus, & populos vtri-
que commendatos, atque concreditos. Iudæi enim paleas tota Ægypto
laboriosè conquirebant, & Ægyptiis in operibus luti & laterum famula-
bantur, cum mercede plagarum: Christiani in cremo Chersonæ, aquam
multo labore vestigabant, dum infidelibus, eruendis secandisque mar-
moribus, infelicem operam nauarent. Illis Deus Mosē solatio misit,
istis Clementem. Deus Mosi, populūque eius mare aperuit, Clemen-
ti autem, & Christi confessoribus ad tria miliaria mare semouit, iussit-
que retrocedere, vt populus Clementem sicco vestigio adire posset.
Deus Mosi & Clementis corpora Angelorum ministerio honorificè
sepeliuit; qua in re vide etiam singularem Dei suauitatem. Qui enim ad
mare circa marmora, aspero indignoque labore desudarat, marmoreo
facello in ipso mari, sepulchrōque diuinitus honoratus est. Et qui olim
sepulchrum Mosi Iudæis absconderat, ne demortui corpus in Numen
honorando verterent. Clementis sepulchrum mirabile patefecit, vt re-
liquam idololatriam apud illos populos radicatus euelleret.

III.
Eadē vtriuf-
que compa-
ratio.

Mosēs adhuc infantulus profluente permixtus est Nilo, sed Deo curæ
fuit illum committere filiæ Pharaonis, quæ ipsum filij loco habuit. Cle-
mens in mare proiectus est vt periret, sed ibi mortem amisit, & vitam
consecutus est sempiternam; adeoque honorem in terris nunquam in-
termittiturum. Quid autem mirum Deum corpus & animam sanctissi-
mi sui martyris ac vicarij honorasse, qui etiam eius instrumenta martyrij
honore affecerit. Nam anchora, ad quam alligatus fuerat vt mergere-
tur, non fracta, aut disiecta reperta est, sed intra sacellum angelica manu
fabricatum, & iuxta sepulchrum, in quo corpus sanctum iacebat, & cuius
contactu quandam participat sanctitatem; fortassis & vim morborum
depellendorum, & expellendorum demonum, vt aliis quoque contigit
pœnarum instrumentis, iis præsertim, quæ Christi Domini cruciatibus,
& triumpho seruierunt.

IV.
Dei erga
suos cura, ab
ipsa pueri-
tia.
Psal. 39. 18.

Sed omittamus nunc quidem magnos illos heroas, & alios Dei fa-
mulos inspicimus, in quibus nemo est qui, si oculos in diuinam erga
se prouidentiam coniciat, non debeat illud cum regio Propheta vsur-
pare, *Ego autem mendicus sum & pauper, Dominus sollicitus est mei.* Nam
si parentes respiciat, si tempus, & locum quo editus est in lucem, inue-
niet vnde diuinæ erga se prouidentie gratias agat. Si enim habuit pro-
genitores timentes Deum, à quibus ad studium virtutis, Deique timo-
rem ab ipsa prima pueritia, eductus fuerit, pietatem cum lacte nutricis
fuxerit, in natu. amque conuerterit, si denique probæ ipsius institutio-
ni tempus locūque tauerunt, nonne meritò dicat, Dominus sollicitus
fuit mei? Sin è contrario parentibus natus est hæreticis, aut alioqui suam
& liberorum suorum salutem negligentibus, si locus, tempus, socij,
ad ipsius pestem potiùs, atque perniciem, quàm salutem conspira-
runt, iustius etiam dixerit, Dominus mei sollicitus fuit, Deum enim

Angelosque eius habuit, qui supplerent parentum vicem.

Si Deus insuper illum ex improborum consuetudine sapienter abduxit, aut in illa familiaritate, singulari cum gratia, à perditis illorum moribus seruauit intactum, tanquam alterum inter Hussitas Iobum, si cecos inter factus est perspicax, si diuino timore imbutus est, inter contemptores iudiciorum eius, si Deus illi propriæ salutis curam iniecit, medias inter turbas eam negligentium, nonne cum gratiarum actione merito dixerit, Dominus mei sollicitus fuit? Sed hunc locum, iam à liberali Amore lustratum, neque satis vnquam explicatum, omittamus nunc quidem. Illud tamen non omiserim. Nam si illum præterea Deus è mundi vanitate, ad religiosæ alicuius familiæ cœtum, eumque proprii instituti obseruantem suauiter euocarit, vnde exulent occasiones ruinarum, vbi obuiæ sint omnes salutis viæ, floreat Superiorum prudentia, lenitas, fortitudo, & sollicita super gregem sibi commissum vigilantia; à quibus, ad omnem virtutis absolutionem, verbis incitetur & exemplis, vbi subditi cum maioribus singulari obedientia, inter se religiosa veneratione, beneuolentia, & charitate copulentur, singuli spiritu propriæ vocationis abundent, & erumpentes animi motus acriter premere ac subigere didicerint, vbi denique lingua & manu ad omnem spiritalis vitæ tractationem excitetur. Is ergo qui tantam à Deo gratiam acceperit, cõque fortasse tempore, quo eam minimè omnium merebatur, nonne iure illud iterabit, Dominus mei sollicitus fuit?

Quòd si non solum cœlitus fuerit ad religiosam vitam euocatus, sed in eam etiam omnium impedimentorum expertus, quæ plerisque, bona licet voluntate præditis, viam obstruunt, fuerit admissus, in eaque se suæque omnia Domino consecravit, ad eius gloriam omnibus animi corporisque viribus promouendam, ad suam proximique salutem & perfectionem omni studio, & mentis contentione acquirendam, & in eadem amplissimum meritum thesaurum construxerit, nonne in illam vocem gratiarum actionis erumpet, Dominus mei sollicitus fuit? Præsertim si tempus illi diuturnum, facultatèque concesserit, ad Dei negotia fideliter & sincere procuranda; occasiones naufragij sustulerit, fiduciam quandam, in eius bonitate fundatam, obtinendi perseverantiæ doni concesserit, quo denique paterna Dei sollicitudo tota terminatur, quoties verissimam illam vocem confessionis & laudis inculcare poterit, Dominus sollicitus est mei?

In hac tanta tamque fructuosa Domini sollicitudine, ecquanam par est eius famulos cura sollicitari, ad promouendum toto orbe terrarum eiusdem timorem, honorem, amorem, & cultum? Cùm præsertim plerique ipsorum iam pridem experiantur, nihil ipsorum corporibus, animisue, per dulcissimam eius, verèque paternam prouidentiam vnquam defuisse; non victum, non vestitum, non habitationis locum, non occupationes idoneas, non quidquam aliud, quod rectè desiderari possit,

Xxx iij

V.

In consuetudine improborum.

aut vocatione religiosa.

VI.

Erinca per seuerantia.

VII.

Errandum in Deum ingratiudo.

Quomodo ergo iidem ferre possunt, Deus optime maxime, ut tanta bonitas tua, tamque suavis providentia vix à dimidiata hominum parte agnoscat, ametur, colatur, honoretur? quomodo ne illi ipsi quidem, qui his officij muneribus funguntur, isti tam legitimo debito satis pro sua parte faciunt, sed multa potius cum negligentia & laxitate?

VIII.
Ex famulis
vanitatis
agnoscitur.

Vtinam sollicitudo, quæ mentes hominum, mundo ac vanitati famulantium, infelicitet occupatas tenet, ad eius leges atque instituta, quamvis profana, barbara, atque sacrilega studiosè observanda, stimulus esset Dei famulis ad pudorem, ut sacrosancta Dei mandata, salutarèsque leges accuratius custodirent. Vtinam divitiarum amor, honorum ambitio, ardor pestiferæ voluptatis, non maiorem illis terræ filiis sollicitudinem inferret, quam Dei amor Dei filiis in cœli divitiis conquirendis, in illis deliciis, quibus nullæ aliæ conferri possunt, & immortalibus illis coronis, præ quibus aurea regum diademata, gemmeæque sordescant. Erubescant ciues Sanctorum & domestici Dei, quod ab terræ ciuibz officium edoceantur suum; pudeat illos, quod hos videant tenebrarum amantiorez, quàm sint ipsi lucis; actiores in lucrum fragminum vitreorum, quàm ipsi in acquirendis saphiris, adamantibus, & smaragdis: maiorem illos adhibere curam atque industriam in opere luteo ac stramineo, cum Egypti mancipiis, quàm ipsos in colligendo frumento, quo conficiatur Angelorum panis. Ingemiscite quod vernæ illi Egyptij porcos & alia multo sudore quæsitâ taciti comedant, Dei autem populus panem Angelorum ultro oblatum obmurmurans, & cum fastidio nauseâque consumat. Videte tamen ne pudore tantum gemituque contenti, nullum tanto tamque deplorando malo, ac rerum perturbationi remedium afferatis.

CAPVT XVII.

*Quæ possint, ac debeant esse obiecta sollicitudinis
amicorum Dei.*

I.
Pro Deo sol-
liciti esse pos-
sumus.

AVT Q. R.

QVONIAM declaratum est hætenus Sollicitudinem rectè cum Amore congruere, & Sollicitum Amorem filium esse Charitatis, necesse est hanc in nobis sollicitudinem reperiri, quæ præsentiam causæ suæ, principiique testetur, & ad eadem ipsa Charitatis obiecta referri, ut Deum scilicet ac proximum cum cura & sollicitudine diligamus. At quid opus est, inquam, sollicitudinis aduersus Deum, cui nihil fraudi esse potest, nihil ei detrimentum afferre? Sollicitudo autem timor quidam est, ne quid illi quem diligimus mali contingat,

eodémque modo amor, quo prosequimur Seruatorem, aut matrem eius sanctissimam, aut reliquos cœli ciues, qui sine controuersia in proximis numerantur, sũntque extra omnem teli iactum, hic, inquam, amor nullam requirit sollicitudinem, Nemo quippe illos potest uis fraudare bonis, quæ possident, neque damnum ullum eis inferre, ut olim cùm mortalem hanc vitam degebant.

Constat quidem, ait Sollicitus Amor, neminem Deo nocere posse, nullum ei mœrorem inferri, nullam eum a quoquam gratiam, vel recentem lætitiã accipere: hæc enim omnia cum æterna infinitaque eius felicitate directò pugnant. Famulatus omnis, prædicatioque mortalium, natiuam illam Dei gloriam non augent, neque eorũ culpæ diminuunt. Eodémque modo preciosi lapidis ingenita excellentia & dignitas, nulla sit commendatione præstantior, nulla vituperatione aut ignoratione deterior. Quia tamen officiosa obsequia, & iniuriarum natura sua ad offensionem valent, aut gratiam, ad lætitiã vel mœrorem inferendum naturæ intelligenti; Deus, qui se ad vsum nostrum, & rationem accommodat, iniurias etiam accipit & obsequia, non secus ac si reuera eius felicitatem minuerent, vel augerent; quoniam id genus opera, natura sua idonea sunt ad effectus huiusmodi procreandos.

Deus igitur honori sibi ducit aut contemptui actiones illas, quibus homines aliquem honorare solent aut contemnere; quia eorum se iudiciis moribusque accommodat, & mentem eorum ac voluntatem magis, quàm opera ipsa intuetur. Quicumque ergo dabit operam ne quo modo diuinum violetur numen, aut elaborabit ut in precio & honore sit, sollicitum illum, quem quærimus, amorem obtinebit; ei que Deus gratiam habebit, referetque mercedem, non secus ac si nouo illum gaudio affecisset, aut ei fuisset emolumento. Nihilominus summæ illius maiestatis gloria extrinsecus augetur, cùm plurimi de ea præclare sentiunt ac loquuntur, & sedulâ illi exhibent seruitutem: quoque magis eorum numerus augetur, hoc latius funditur & augetur illa gloria. Itaque seruorum Dei curas in eo euigilare par est, ut ingeneretur in animis hominum, & noua semper accessione augeatur diuinus amor, ac timor, & debitus maximo, amantissimoque Domino famulatus: illudque eos sollicitè providere oportet, ne quid sua negligentia de illo cultu vel timore decedat, aut charitas refrigescat. Hoc videlicet iustissimum illud est, planèque liberale desiderium, quo Dei filij feruntur in parentem suum, cùm quotidie precantes postulant, ut sanctificetur eius nomen.

Idem de Seruatore dici potest, quatenus est Deus. Sed aliquid habet singulare, propter augustissimum Eucharistiæ Sacramentum, in quo & honore & iniuria affici potest, & ipse sibi honori vertit, quæ homines honoris ergò inter se faciunt; eadémque est ratio iniuriarum. Itaque si

II.

Non ipsa
quidem eius
persona.

A M O R

S O L L

III.

Sed in homi-
num opinio-
ne, & volun-
tate.

IV.

Cura pro
Seruatore.

humana ratio, vel consuetudo ferret, ut eum conculcare fas esset, quem vellemus honorare, facile pateretur. Seruator amicos suos in diuinum Sacramentum pedibus insilire. Sed aliam ipse aperuit amoris nostro viam ad sollicitudinem exercendam. Cum enim statuisset fieri cibis amicorum suorum, idque non corporis immortalis, sed specierum corruptionem requireret, ut ratio cibi postulat, in illis se omnibus animalium atque elementorum iniuriis obnoxium reddidit, iterumque se improborum potestati furorique permisit, ut œconomos suos sacerdotes excitaret ad singularem huius thesauri custodiam, & quæ sollicitudinem Heli Pontificis pro arca fœderis, longè multumque superaret.

V.
Circa Eu-
charistiam.

Exod. 36. 2.
3. 7.

Vt autem hæc cura ad solos pertineat sacerdotes, illa certè tangit vniuersos, ne quis ad tantum conuiuium indignus aut profanus accedat: locupletes autem, ut tota sacra suppellex pios sapiat, ac magnificos Christi Domini amatores: ne se ab Hebræo populo, Arabicas solitudines peragrante, vinci patiantur; cuius tam profusa fuit, pro construendo Tabernaculo fœderis, in largiendo liberalitas, ut præconis voce denunciandum fuerit, ut nemo quidquam ultra offerret in opus sanctuarij, eo quod oblata sufficerent, ac superabundarent. Vsq̃ue adeò timuerant omnes ne tam sancto operi quidquam deesset. Minimè profectò fas est Christianum populum liberalitate, aut pietate vinci ab Hebræo, alioqui stupido, quique non multò minorem, sed sacrilegam pro aureo vitulo exercuit liberalitatem. Tantundem proportionè dici potest de beatissimæ Virginis, & reliquorum cœlitum cultu, in templis ac sacellis ipsorum, in quibus & contemni possunt & honorari; & gratiæ vel iniuriæ sensum habere aduersus eos, à quibus vel culti fuerint vel neglecti.

VI.
Et circa pauperes.

Est & alia cura famulorum Dei erga proximos suos, qui adhuc peregrinantur in terris, quique bonorum spiritalium, aut temporalium penuria laborant, in primisque spiritalium, quæ tantò magis sunt necessaria, quantò minùs necessitas ista vulgò percipitur, aut curatur. Itaque o amatores Dei, perquam studiosè provide, ut ij, de quibus Seruator dicebat, quod uni ex meis minimis fecistis, mihi fecistis, ne vel sine Dei timore viuant, vel sine Ecclesiæ Sacramentis decedant; quorum defectu cœli porta illis æternum obstructa maneat; ne in secundis rebus monitore careant, aut consolatore, si contra eos impetum suum fortuna conuerterit. Ne rudibus catechesis vnquã desit, ne seruis correctio, ne liberis institutio, atque educatio liberalis; sed vniuersis omnium, quantum fieri poterit, exempla virtutum præbeantur. Ne ægris in nosocomijs, aut vinc̃tis in carceribus præsidia vitæ desint; ne viuentes veste careant, ne mortui sepultura. Hæc ille cum dixisset conticuit, paululumque interius subduxit sese ad parentem.

Decimi Libri finis.

LIBER



LIBER VNDECIMVS.

De Vnionē Diuini Amoris.

CAPVT I.

*Descriptio septimi filij Charitatis, cui nomen AMOR VNIENS,
sive Socialis.*



VNC in modum finem dicendi fecit Sollicitus Amor, non sine excusatione aliqua, quod aliquanto longior opinione sua extitisset. At ego, Nunquam credidi orationem dici aut haberi debere longiorem, in qua nihil sit superfluum: praesertim si à necessariis vacetur occupationibus, & lubenti auditori sermo fiat. Illud porro semper existimaui, breuitatem, quæ est obscuritatis parens, minus idoneam audientium coronæ, ex promiscua hominum turba compositæ, quales futuros arbitror, qui ex me postea ista cognoscent, quam moderatam orationis amplitudinem, qua susceptum argumentum perspicue, & pro dignitate tractetur; ita ut in animos hominum influat, neque nimia breuitate præteruolet, sed memoriæ adhæreat, mentem illuminet, permulceat voluntatem, & ad id, quod est oratori propositum, suauiter impellat. Cum breuitas fulguris instar euanescat, vixque tenui vestigio memoriæ perstringat, quo fit ut neque mens illuminari satis, neque voluntas permoueri possit; sed illa cum tenebris, hæc cum arida ieiunitate conflictetur.

Cum ergo Sollicitus Amor subduxisset se paululum, septima Charitatis proles modicè processit, cui nomen inditum est Amoris vnientis, sive Socialis. Erat is egregius adolescens, qui frontis honore, & totius decore faciei auitam generis nobilitatem testabatur. Flaua erat cæsaries in natiues cincinnos desinens, eaque coronatio variorum florum manipulo cingebatur, quem tenuis vitæ colligabat, in qua scriptum erat, Ex

Yyy

I.
*Transitio cū
excusatione
longitudinis*
AVTOR.

II.
*Descriptio
Amoris vn-
nientis.*

pluribus unum. Mites erant oculi atque amabiles, sicut & reliqua facies. Vestem ferebat elegantem, ex varij coloris multatitio, quam vocabat Concordiam, in his coloribus scitè, artificiosèque coniunctis, roseus eminebat, cui ex carne factum est nomen. Super eam vestem plumarius artifex acu pinxerat Gabrielis Archangeli legationem ad beatissimam Virginem, cuius opera diuinitas humanitati, singulari ex amore vnita est. Itaque in illius limbo acu pictum legebatur illud oraculum, *Et verbum caro factum est, & habitauit in nobis.* Fasciam gestabat transuersam eiusdem cum veste coloris, & multiplici hedera intertextam, cui nomen dederant, *Nexum animorum.* Citharam ad concentum scitè aptatam sinistra gestabat, eaque peritè utebatur. Dextera verò illud gestabat Elogium, *Quis nos separabit à Charitate Christi?*

III.
Ordo & ca-
pita futura
disputatio-
nes.
Ioan. 1. 7. 21

Eius porò consilium est, si quid licet conicere ex iis, quæ priores filij Charitatis dixerè, docere Amorem vnientem germanissimum esse filium Charitatis, cuius maximè propria videtur coniunctio animorum. Tum sanctos omnes Dei amicos, vi Amoris huius, Deo fuisse misericè copulatos, *nexu gratiæ* in hac vita, & doni orationis, multò autem maximè in cœlo, possessione diuinitatis, cum qua, quod olim orabat patrem Seruator, ibi vnum fiunt. Amorem filij Dei, coniunctionis cum hominibus maximè appetentem fuisse, idque verbis factisque, in mysteriis præsertim Incarnationis & Eucharistiæ demonstrasse luculenter. Deum denique ipsum rebus creatis, secundum naturam diuinam voluntatèque iungi; sed nos prius aliquid de Amoris vnione vniversè dicemus; neque deinceps vnionis vocabulum subterfugiemus, quoniam eo abstinere non possumus.

CAPVT II.

I.
Amorem
vniuersè
vnire.
c. 4. de diu.
nom.
ex S. Diony-
sio.

*Amorem latè atque vniuersè sumptum res in vnum cogere
solere.*

Καὶ ἐστὶ τὸ
το (ἔπος)
διωζμοῦ
ἐκπαιδευ-
σιν διπλῆς,
καὶ διαφω-
τὸς τοῦ φα-
πλῆς,
S. Hierotheo.

LATVS porò placet sumere amorem hoc loco, quàm ij soleant, qui illum considerant vt primum voluntatis actum, in iis rebus, quæ intelligentia, vel ratione valent; aut appetitus sentientis in animantibus ratione destitutis. Libet enim hunc amorem in iis quoque rebus agnoscere, quæ sensu carent ac vita. Et sanè apparet magnum illum Areopagitam Dionysium, amorem cum huiusmodi amplitudine contemplari, cum ait Amorem esse virtutem quandam vel facultatem vnientem res inter se, colligantem, ac præclarè permiscentem in pulchro & bono. Clarè quoque apud eundem Hierotheus, in libro de Amoris laudibus, ait Amorem siue diuinum, siue Angelicum, siue spiritalem, siue animale, siue naturalem, intelligendum, vim quandam con-

iungentem miscentemque; & quæ superiora impellit, vt se ad inferiora demittant, prospiciendi ac consulendi causa, inferiora vt se ad superiora opis accipiendæ gratia conuertant: paria denique vt inter se locietate iungantur. Augustinus quoque, ait Amorem esse vitam quandam *s. Augustino* duo aliqua copulantem, vel copulare appetentem, amantem scilicet, & *l. 8. de Trin. c. ult.* quod amatur. Alij Amorem propensionem cuiusque rei esse putant, in rem sibi conuenientem, vt ei se iungat, cum ea commoretur, eique cohareat, quæ adhesio vnio quædam est.

Videmus elementa omnia, lapides, metalla, cæteraque inanima, *II. Inanima ipsa vnionē appetunt.* amare ac quærere locum suum, vbi melius conseruantur. Ibi quippe qualitates reperiunt sibi congruentes, eoque videtur terra ipsa, occulta quadam vi, vt magnes ferrum, graua omnia ad se trahere. Ergo neque inde sine vi extrahuntur, neque sine vi alibi detinentur, quæ cum sublata fuerit, in locum eundem suoptè nutu iniussa conuolant; qui eos ita capit, ac continet, tamque arctè complectitur, vt res cum loco eius non plus spaciū requirat, quàm alteruter. S. Augustinus in eam sine dubio rerum inanimatarum inclinationem intuebatur, cum illud crebro iactatum diceret, Amor meus pondus meum, eò feror quocunque feror. Hinc ille materiæ qui dicitur appetitus, vt se formæ coniungat, & fiat ex vtraque compolitum: hinc partis ad totum, & accidentis ad subiectum cui inhæret inclinatio.

Quod si placet ad stirpes gradum facere, quæ interiore quodam motu vigent, primùmque obtinent vitæ gradum, arbores, plantæque omnes, quæ radicibus in terra nituntur, vt vitalem inde succum hauriant, non aliter nutriuntur, aut incrementa capiunt, quàm conuersa in propriam, vnitæque terræ substantia & quantitate. Neque tritici grana humi condita aliter produciunt spicam, quàm cum in terram putrescendo vertuntur, & quid vnum cum terra sunt. Eadem est omnium proportionem quadam animantium ratio, quamcumque tandem cœli, terræ, & aquarum regionem incolant, adeoque hominis ipsius. Omnes enim primùm hunc vitæ gradum communem habent, cuius tamen actiones, vt quodque animal perfectius est, ita sunt præstantiores. Neque aliud videtur esse fames aut sitis in animantibus, quàm appetitus vniendi sibi denique alimenti; quæ vnio causam habet amorem natiuum propriæ conseruationis, qui rebus omnibus est communis.

Transeamus ad actiones animæ sentientis, quas si scrutemur accuratiùs, omnes profectò reperiemus in quadam vnione consistere. Satis enim constat fieri in oculo visionem, dum obiecta pupillæ vniuntur, per intermedias quasdam illorum imagines aut species, quæ per illuminatum aërem, aquamve sparguntur, quæ in speculis cernuntur, aliisque corporibus læuibus & politis, in ipsaque in primis oculi pupilla. Tenues ergo istæ rerum corporatarum imagines vniuntur pupillæ,

Vide Arist.
1.2. de ani.
tex. 121. &
138.

V.
Internosque.

per easque obiecta ipsa cernuntur. Eadem est auditionis ratio, ut rerum valde distantium soni ab aure percipi possint. Quanquam fieri potest ut ipse per se sonus, qui colorem subtilitate vincit, audiendi organo copuletur, sicut & odor odorandi. Nam quod ad gustum attinet & contactum, notum est ipsa per se obiecta eorum sensuum organo coniungi. Quod si eorum quoque species linguam ad gustatum, manum ad tactum afficiunt, pro vnica, gemina vnio in utroque sensu continget.

Quid de internis sensibus dicam, qui externorum obiectorum cognitionem accipiunt, iis sibi vniendis antedictarum imaginum interuentu, quæ aures oculosque prætergressæ, cæteraque sensuum instrumenta, ad sensum communem phantasiamque perueniunt, per nervos sensuum denectæ, & per spiritus, qui dicuntur animales, quasi ad pusillam expurgatæ, & spirituales redditæ, sunt phantasmata, quæ memoriæ receptaculis conferuantur, & vbi res tulerit, voluntatis imperio proferuntur; in iisque phantasia multiplici permissione ludit, cum externi sensus à muneribus & functionibus suis vacationem, dominante somno acceperunt.

VI.
Intellectus
& voluntas
suis iungun-
tur obiectis.

Nam quod ad intelligentem animam attinet, quæ intellectum habet & voluntatem, usque adeò verum est obiecti vnitionem ad intellectionem requiri, ut Philosophus non dubitet affirmare, intellectum vniam eandemque rem esse cum re intellecta, & quod consequens est, intellectum omnia fieri intelligendo, utique beneficio phantasmatum, quæ intellectus agens spiritalia reddit, materiæ & concretionis expertia, & consentanea naturæ istarum non materiæ animæ facultatum. Voluntas quoque se iungit obiectis, quæ ipsam amare, ac desiderare contigerit. Neque enim illam dumtaxat coniunctionem ponit, quæ à mente intelligendo facta est, sed peculiari etiam modo suis copulatur obiectis. Cum enim intellectus obiecta, quæ percipit ad se trahat, sibi que accommodet, voluntas vice versa exit à se quodammodo, ut delectabilibus vniatur obiectis, iuxta illud Bernardi vulgò iactatum, *Anima verius est vbi amat, quam vbi animat.*

VII.
Cum qua-
dam diffi-
rentia.

Hinc alia nascitur inter hæc facultates differentia. Intellectus enim intelligendis rebus quamuis flagitiosis aut sordidis non inquinatur; eas enim similes sibi reddit, puras, spirituales, omnique materia liberas. At voluntas similis euadit obiectis suis, quæ si mala fuerint, turpia, sordida, terrena, ipsa quoque sit improba, sordida, lutulenta, si autem celestia diuinæque dilexerit, celestis euadet & diuina. *Facti sunt abominabiles*, ait Oseas, *sicut ea quæ dilexerunt.* *An nescitis*, ait Apostolus, *quoniam qui adheret meretrici vnum corpus efficitur, qui autem adheret Domini no vnus spiritus est?* Et alibi. *Odientes malum*, inquit, *adherentes bono*, quo adhærendi vocabulo, ad illam quam dicimus voluntatis proprietatem alludit, cum Amos, quem Paulus eo loco sequitur, dixerit dumtaxat, *Odite malum, & diligite bonum.*

Cum autem duæ sint amoris formæ, vt dictum est sæpius, altera bene- uolentiæ siue amicitia, altera cupiditatis, vtraque ad vniõnem aspirat. Prior amicum tanquam alterum se apprehendit, aut dimidium sui, vt poeta ille ait, ei que bene esse cupit, non secus ac ipsi sibi. Et sicut ipse sibi semper est præsens, ita illi, quem habet quasi alterum se, perpetuo præsens esse discuperet, & vt ipse vnus est in se, ita vnus in amico, aut cum amico esse vellet: quod videtur Christus ipse desiderasse, & à pa- tre orando postulasse, cum diceret, *vt & ipsi in nobis vnum sint*; & rur- sum, *vt sint vnum, sicut & nos vnum sumus*. sint vnum, amicitia & vniõ- ne voluntatum, sicut nos natura vnum sumus. Vulcanus apud Plato- nem cum duos alloqueretur amicos, *Cupio*, inquit, *ambos in vnum colli- quefactos permiscere, vt vnus sitis ex duobus, itaque duo simul viuatis, ac si vnus tantum essetis, & post ipsam quoque mortem, vnus loco duorum esse per- feneretis*.

Amoris quoque forma illa posterior facit vt quippiam diligamus, quod commodo nostro feruiat, eiúsque ope beneficit nobis; itaque illuc ferimur, ei coniungimur, ei cor nostrum applicamus. Testis magnus ille doctor, *Vbi*, inquit, *thesaurus vester est, ibi & cor vestrum erit*. quod eò impellet pedes, à quibus eò dem corpus animúque perferentur. Qui literas amat, vt earum beneficio inter homines fulgeat, aut sibi ipse pla- ceat, & in ea delectatione acquiescat, assiduus est in peruolutandis libris, aut in hominum doctorum consuetudine, multa cum iis inquirens, exa- minans, probans improbanisque, & eruditionem vbique consecretans. Qui hominem diligit eruditum, facundum & comem, liberalem & mo- destum, nunquam vellet ab eius latere discedere, nullum faciunt ambo colloquendi, nullum rogandi ac respondendi finem. Virtutis amor mi- nores habet in hac vita illecebras, quòd minus corporeis oculis eius pul- chritudo cernatur; solidior tamen est atque constantior: idémque est familiarum religiosarum parens, qui virtutis ac perfectionis amantes viros, in vnã quasi familiam ac societatem cogit, vt se mutuo iuuent, nec fiant tantùm vna familia, sed, vt olim in Ecclesiæ Christianæ cuna- bulis, *cor vnum, & anima vna*.

VIII.
Amor bene- uolentiæ vnus.
Ethic. l. 9. c. 4.
Horat. l. 1. od. 3.

Io an. 17.
In sympos.
p. 192. D.
Εἶλω ὁ- μῶς οὐτῶ- ξαι, ὡς συμ- ποσιῶν, &c.

IX.
Sicut & cu- piditatis.
Luc. 12. 34.

Act. 4. 32.

CAPVT III.

Diuinus Amor orationis opera iungit homines Deo.

AMOR VNIENS.

I.

QVæ cum ego dixissem, sic exorsus est nouus diuini Amoris orator. Oratio tua de Amore vniente vniuersè sumpto, in eo quod expe- ctatur à me, opportunè terminatur, vt videlicet pro virili parte doceam

Homo na- turaliter ap- petit vniri Deo.

diuinum amorem Deo amicos suos copulare, & vicissim Deum amicis suis. Et quod ad prius illud attinet, tecum omnino sentio, amorem inclinationem quandam esse, & naturæ pondus, erga bonum sibi proprium & conueniens, in quod fertur desiderio, quod perquirat, eique se coniungere cupit atque vnire. Quod planè sentiebat magnus ille Dionysius, cum diceret amorem esse vim quandam, οὐρανὸν πηλὸν quæ per se moueat ad consocians quoddam temperamentum οὐκ ἐν πηλῷ πᾶσι κρᾶται. Cum autem nihil sit in rebus creatis quod sibi sufficiat, siue vt sit & conseruetur, siue vt agat quidpiam, sed omnia opem alienam requirant, qua si fuerint destituta, in illud ipsum nihilum recident, ex quo prodierunt. Eam necessario inquirunt, vt conseruentur & agant, eique se coniungere cupiunt; quæ vis est & ratio Amoris vniens. Hanc opem nusquam reperire est præterquam in vno Deo, qui solus nihil habet ex quo pendeat, solus sibi sufficit, eò que bona omnia, tanquam primario fonte continentur. Vnde consequens est creata omnia innato appetitu Deum diligere, eique quantum possunt adhærere velle, tanquam bono suo. Est enim Deus, vt ait Augustinus, *non aliquo bono bonus, sed bonum omnis boni.*

C. 4. de diu.
nom.

Et quare.

L. 8. de Trin.
c. 3.

II.

AVT O R.
Ea ratio in
Deo locum
non habet.

Sed vide obsecro, mi Amor, ignorantiam meam. Videris enim eam ingredi nunc viam, quæ aliò ducat quàm tu arbitrere. Hoc enim iacto fundamento, consequens videtur neque Deum amare nos. neque optare vniri nobis; seipsum tantum diligere, præterea & extra se nihil. Audio, ait Amor vniens, sed profectò nihil aliud inde colliges, quàm nihil opus esse Deum res à se creatas, commodi sui causa, quærere, quippe qui nulla re indigeat, quærere tamen nihil vetat, vt eis beneficiat, propter magnitudinem ingenitæ bonitatis, aliamve causam, vt suo loco dicetur. Adde quod illa ratio ad res tantum creatas pertinet, quæ inopes sunt, & alieno præsidio egent, vt vitis, & hedera, aliæque id genus plantæ, quæ cum natura caducæ sint, & nisi fulciantur feruntur in terram, eadem vt se erigant aliquid quærunt, & clauiculis quasi manibus, quidquid nactæ fuerint complectuntur.

III.

In homine
autem ma-
ximè.

Qui Deo per
orationem
iungitur.

Eadem ratione homo infirmitatis suæ ac penuriæ conscius, natura duce Deum quærit cui adhæreat, quo nitatur, qui sibi præsidio sit; neque enim probabilitate caret, quod vulgò fertur, hominem graui quopiam periculo circumuentum, quamuis diuinitatis ignarum, in cælum nihilominus oculos tollere, indeque auxilium implorare. Agniculus quoque, qui à socio ludibundo inuaditur, natura institutus, caput illi obicit, & cornua nascitura, præsentens ibi se subsidium habiturum. Homo igitur eiusdem instinctu naturæ, Deum quærit, quo niti queat, & opera orationis conatur se illi coniungere, vt cum eo difficultates omnes perumpat, omnes aduersarios pedibus suis sternat suis. Homo se iungit Deo, ad eum oratione conscendens, & vicissim Deus se homini iungit, descendens ad eum, & auxiliarem ei præbens manum. Hanc coniun-

ationem hunc in modum explicat magnus Gregorius. *Moyſes aſcendit, & Dominus in montem deſcendit. Mons quippe eſt ipſa noſtra contemplatio, in quam nos aſcendimus, vt ad ea, qua ultra infirmitatem noſtram ſunt, videnda ſublenemur. Sed in hanc Dominus deſcendit, quia nobis multum proficientibus, parum de ſe aliquid ſenſibus noſtris aperit. Ita Gregorius.*

Cui conſentiens Ioannes Damascenus, orationem vocat Aſcenſum mentis in Deum. Et Auguſtinus. *Quid eſt autem oratio, niſi aſcenſio animæ, de terreſtribus ad cœleſtia, inqueſitio ſupernorum, inuiſibilium deſiderium? Oratio coniunctio eſt Spiritus ſancti; & mox, Oratio perſeuerans iungit Deo, atque ita gaudens aſſiſtere ſe Domino, gloriatur. Adherens autē Domino incipit ſecuritatem habere & libertatē, nec pauores ſuſtinet timoris. Sic ipſe. Ibi ergo otioſa non manet, ſed cum delectatione mirabili eius magnitudinem contemplatur, quam in operibus eius, tam gratiæ quàm naturæ, agnoſcit; bonitatem in primis, qua fit animoſior ad colloquendum, interrogandum, poſtulandum, vt amicus cum amico ſolet, quod Deum inter & Moſem legimus contigiffe. Itaque Nyſſenus ille Gregorius orationem definit, Conuerſationem ſermocinationemque cum Deo, cui conſentit Chryſoſtomus, idque, vt credas inquit, audi Dauidem, *Incundum ſit ei colloquium meum; ego verò delectabor in Domino.**

Hæc ergo viſio ſiue contemplatio, tam ſpiritualis quàm corporea, coniunctio quædam eſt facultatis contemplantis, & obiecti, quod ſub contemplationem cadit, vt tute paulò antè dicebas, & qui ſermocinantur inte ſe, & dicendi, audiendique vices permutant, vniuntur inter ſe, non ſolùm per ſoni ſpecies, aut coloris, aut diuiniſſis lucis, ſi quando placuerit Deo amicis ſuis, de aliqua illuſtratione gratificari, ſed communicatione cogitationum & ſenſuum, quibus mens illuminatur, & affectuum quibus peruaditur cor humanum atque accenditur, vt deſponſata Deo anima cum Dauide dicat, *Tibi dixit cor meum, exquiſiuit te facies mea, faciem tuam Domine requiram.* Sponſus autem cum Salomone reſpondeat, *Vulneraſti cor meum ſoror mea ſponſa, vulneraſti cor meum.* Itaque magnus Dionyſius, oſtenſurus orationem eſſe coniunctionem cum Deo. Ante omnia, inquit, à precibus nobis ordinandum eſt, non vt vim illam diuinam trahamus ad nos, ſed vt diuinis commemorationibus, & inuocationibus noſmetipſos & tradamus ei, & coniungamus. *ἵνα καὶ ὁ ὁρῶν αὐτὴν καὶ ἰνῶνται.*

Nimirum vt inde tranſitus ad delicias contemplationis fiat, quæ coniunctionem facultatis cum obiecto antegreſſam ponunt, & quandiu Deo viſum fuerit perſeuerant; ſubducit enim ipſe ſe, ad illius ipſius vtilitatem, qui ab hiſce deliciis abdicatur. *Venit ad conſolationem, ait Bernardus, recedit ad cautelam, ne magnitudo conſolationis extollat te, ne ſi ſemper apud te ſit ſponſus, incipias contemnere ſociales, & hanc continuam*

IV.

Idque traditur à patribus.

L. 3. c. 24.
Serm. 230.
de temp.

Exod. 33. 11.
Orat. 1. de
Orat. Dom.
Nylſen. 11.
Chryſ. ho.
30. in Gen.
Pſal. 103. fi.

V.

Contemplatio vnio quædam eſt cum Deo.

Pſal. 26. 13.
Cant. 4. 9.
ca. 1. de diu.
nom.
ὁ δὲ καὶ πρὸς
πατέρας, &c.

VI.

*Eius ex-
plicatu diffi-
ciliſ.*

De ſcala
clauſt. c. 6.

visitationem, non iam gratia attribuas, sed natura. Quis autem explicare possit, qua suauitate demulceantur amici Dei, qui recumbunt in mensa Domini, cum Dominus ipse transiens ministrat eis manna, quod nemo nouit, nisi qui accipit; quis in illis amplexibus feruor charitatis accendatur, quem neque suspiriorum anhelitus, ne riuli lachrymarum restinguant, sed vehementius inflamment. Quis capiat quo sponsa gaudio perfundatur, cum sponsus illi petitioni acquiescit, *Ostende mihi faciem tuam, sonet vox tua in auribus meis, vox enim tua dulcis, & facies tua decora.* Neque enim minus sponsæ conuenit ista postulatio, quam sponso cuncta peruidenti infinita scientia sua.

Cant. 2. 14.

VII.

Quid de ea
S. Bernardus.
Ibid. c. 2.

D. ipse Bernardus de meditatione agens, quæ fores aperit contemplationi, & varia in alicuius rei consideratione circumspectit. *Sentio, inquit, quod puerus altus est, sed ego adhuc rudis tyro, & in quo pauca hac haurire vix inueni.* Quid ergo de contemplatione dicent, qui eam non sunt experti? Doceat nos S. Bernardus, qui se tyronem, præ animi demissione vocat, quamuis veteranus esset miles, planèque emeritus. Ab eo discimus in primis Contemplationem esse mentis in Deum suspensa eleuationem, eterna dulcedinis gaudia degustantem. Eam à Deo gratiam cum ipso postulabimus. *Da mihi Domine, inquit, arram hereditatis future, saltem guttam celestis pluuia, qua refrigerem sitim meam, quia amore ardeo.* Si hæc sentiebat & loquebatur tyro, qualis fuit & quantus cum factus est magister?

Ca. 3.

VIII.

Effectus eius
ex eodem.

Ca. 4.

Vide Bern.
de inter. do-
mo ca. ult.
& serm. 23.
46. 62 super
Cāt. Ioan à
Iesu Maria
in Theol.
myst. Tho.
à Iesu l. de
Contéplat.
& de Orat.
l. 2. c. 9.

IX.

Perfeciissi-
ma unio
vitæ huius.

Greg. hom.
17. in Ezech.

Notandum
verò.

Vide Tho.
à Iesu de

Orat. l. 2. c.
9. & l. 4. c. 1.

Addit porro deinceps, his atque huiusmodi desideriis, contemplationis amantem suum inflammare desiderium, & quasi quibusdam incantationibus diuinum ad se sponsum aduocare, cuius oculi super iustos, & aures non solum ad preces eorum intentæ sunt, *Sed ipsas, inquit, preces eorum non expectat donec sermonem finierint, sed medium orationis cursum interrumpens, festinus ingerit se, & anima desideranti festinus occurrit, celestis rore dulcedinis circumfusus, unguentis optimis delibutus animam fatigantem recreat, esurientem reficit, aridam impingat, & facit eam terrenorum obliuisci, memoria sui eam mirabiliter roborando, viuificando, inebriando, & sobriam reddendo.* Hæc vir sanctus, ex sua sibi que similitudinem experientia, quorum numerus perexiguus est, in turba multorum, qui multis annis petunt, expectantque contemplationis gratiam, quam non accipiunt, siue propter negligentiam mundandi cordis sui, siue diuina prouidentia de ipsis aliter disponente.

Esti autem diuina clementia contemplationis gaudia non perfectis solum, sed proficientibus etiam, atque adeo nonnunquam tyronibus ipsis atque imperfectis comunicat, & recēs egressos ex Ægypto pane reficit angelorū: unio tamen, à qua via vnitiua nomen accepit, perfectiorū est; quibus conuenit, vt Theologiæ mysticæ doctores, cum magno Dionysio tradunt, purgata iam mentis acie, diuina perspicacius intueri, & arcano amoris nexu ipsi Deo adherere, ibique velut in arce Sion, ac proprio

proprio centro pace, quæ superat omnem sensum, & purissima voluntate perfrui. Hic supremus est in hac vita spiritalis vitæ gradus, quo ineffabilis humanæ mentis cum Deo ipso vnio, atque arcana coniunctio continetur, ipsiusque Dei in animam illapsus; cui se mirabili quodam modo patefacit, quam amantissimè deosculatur, quam in se diuina quædam metamorphosi conuertit. Ibi denique diuina charitas, vltra viæ purgantis atque illuminantis incrementa, eò caput extollit, quo vix fertur intuitus. Sic fere mystici illi Theologi.

CAPVT IV.

Rursum de oratione, diuinisque colloquiis, eorumque præstantia, & utilitate.

VERVM de tam sublimi tamque diuina vnione hætenus, quando non solum populi captum, cui nunc studemus in primis, sed grauium etiam Theologorum longè multumque transcendit, quam sancti ipsi diuinitus edocti, tacere malunt quàm proloqui; negantque vllam esse orationem, quæ ipsi experientia par esse possit. De sacris ergo potius cum Deo colloquiis, quæ sunt doctis indoctisque communia, & homines Deo peramanter coniungunt, dicamus aliquid. Illud autem non parum ad eius excellentiæ commendationem pertinet, quod ait S. Chrysostomus, Angelos ipsos honorem habere iis, qui tam faciliè, tam sæpe, tam familiariter ad colloquium diuinæ maiestatis admittuntur. Magnus ille credentium pater Abraham, ille princeps patriarcharum, præclare intelligebat quanta fieret homini gratia, cui permetteretur familiariares cum Deo conferre sermones; cum etiam alloquens angelum, qui Dei vice fungebatur, diceret, *Quia cæpi, loquar ad Dominum, cum sim pulvis & cinis.* Ioseph totius Ægypti prorex, non audet alloqui Pharaonem, pro impetrando com meatu ad sepeliendum in Chananitide parentem suum, sed regis necessarios interpretes adhibet. Nos autem cum libuerit, nullo adhibito gerendi negotij gratioso internuncio, adire possumus cum fiducia ad thronum gratiæ, vt misericordiæ consequendæ gratia, supplices ei libellos offeramus, aut in eius gloria celebranda, officium beatarum mentium vsurpemus.

O quàm fructuosa est apud Deum pia & feruens oratio, ad iungendam cum eo amicitiam, cum satis in ea sit virium, ad peccatorum omni debito liberandum, & lacerandum æris eius alieni chirographum, vt Evangelico illi publicano contigit, qui humili prece consecutus est, vt iustificatus rediret in domum suam: deinde etiam vt iusti gratiæ & gloriæ incrementa promereantur, quæ Deus ex iustitia cumulatiè reddat;

Z z z

I.
Excellentia
orationis, si-
ue colloquij
cum Deo.

L. I. de orã.
Deo.

Quàm id
honorificum
homini.

Gen. 18. 27.

Hebr. 2. 16.

II.
Quàmque
fructuosum.

1.

2.

2. iuxta illud, & pater tuus, qui videt in abscondito, reddet tibi. Denique quid:
 Mat. 6. 6. quid postulare libuerit, possumus ex diuina liberalitate obtinere, iuxta
 Mar. 11. 24. mirabilem illam filij Dei promissionē, *Propterea dico vobis, omnia que-*
cunque orantes petitis, credite quia accipietis, & euenient vobis. Itaque
 meritō Chrysostomus, orationem manum animæ vocat, quōd sicut
 manu omnium instrumentorum organo, ad omnia peragenda vtimur,
 ita oratione ad omnia obtinenda, quæ cum diuina gloria, vel nostra vti-
 litate non pugnant.

III.

4. Oratione illuminatur intellectus. Ecquis enim mentis oculos in lu-
Intellectus
illuminatur.
 Exod. 34. 29. 35. cūcem illam iustitiæ solis intendat, quin noua illustratione clarescat? In-
 cnius rei signum Moses, post quadraginta dierum cum diuina maie-
 state in monte colloquium, faciem inde retulit vsque adeo fulguran-
 tem, vt eum fulgorem populus ferre non posset, nisi Moses adhi-
 bito velamine, faciem suam obumbraret. *Accedite ad eum*, aiebat
 Psal. 31. 6. David, & illuminamini, & facies vestra non confundentur. Minimē
 5. sanē, cū proprium sit orationis munus spei firmitatem & incremen-
 6. ta tribuere, dum videt se tam faciliē voti compotem fieri. Eadem cha-
 ritatem inflamat aduersus eum, à quo tot tantisque bonis identidem
 7. cumulat. Eadem animi demissionem fouet, dum agnitam inopiam
Et charitas.
 suam Domino repræsentat, tantāque miseriam, vt ipse per sese ni-
 8. hil possit, nisi peccare; eadem cœli opibus immensisque thesauris pa-
 9. tefactis in mundi contemptum inducit. Ea denique nonnunquam san-
 ctorum animos tanta delectatione complet vt diem nocti, & noctem
 diei consequenti, sine tædio vel labore iungat.

IV.

Qui ergo se quotidie ita coniungit hominibus atque communicat,
Deus appo-
ians vnionis
huius.
 nōne ostendit habere se pectus plenum amoris vnientis? qui longio-
 rem temporis moram ferre non potuit, neque amicorum gaudia dif-
 ferre dum cœlum adiissent, sed in hoc quoque exilio eis consociari
 placuit, nōne apertē docuit quanto vnionis istius desiderio teneatur,
 quāque æquum sit nos isti eius desiderio respondere? Cū enim ora-
 tio sit eleuatio mentis in Deum; simul etiam animum ad eam paula-
 tim præparat functionem, quæ perpetuē exercebitur. Hæc quippe
 est optima illa Mariæ pars, quæ non auferetur ab ea. Sic tyrones ru-
 dibus pugnant in palæstra, prius quā legitimū subeant in acie cer-
 tamen; sic scholastici non prius in curia causis capitalibus adhibentur,
 quā in theatro, & scholastico puluere declamarint; ita denique Dei
 ac pietatis amatores, Deum hīc contemplantur & laudant, cœlesti con-
 templationi diuinitatis, laudibúque prouidentes.

V.

Interea Cleopha hoc loco plerique, eiúsq; socio suppare esse solent, qui,
Frigida vi-
ta huius ora-
rio.
 cum magistro suo peregrinabantur serebantq; sermones, nec tamen il-
 lum agnoscebant, quōd oculi eorum tenebantur, ne cum agnoscerent;
 Luc. 24. tenentur & nostri, dū in hoc mortali corpore peregrinamur à Domino,
 2. Cor. 5. 6. quamuis nobiscum ipse progrediatur, & colloquamur interdum, & in

nobis sit, & sermonibus eius atque afflatibus incalescamus, manet tamen ignotus; occultat quippe splendorem faciei suæ velo fidei; de ipsius nihilominus præsentia certi sumus, quàm illi discipuli non norant, quamuis cor eorum ardens esset in via, cum eis magister ignotus exponeret diuinarum oracula scripturarum. Plurimorum tamen sapenúmero frigida est, & detridæ concrezione torpescit. Neque tanè mirum, inquam, cum nos Deum alloquamur, ipse autem tacitus perseueret, qui tamen cum discipulis colloquebatur; Et sponsus non faciem solum sponsæ ostendi sibi postulabat, sed dulcem quoque illius vocem, in auribus suis resonare cupiebat. Nos autem cum vtroque careamus, quid mirum in ore verba exarescere, & in corde sanguinem non calere?

A V T O R.

Quid causa.

At professò, ait Amor Vniens, Deum hominibus multipliciter loqui, negari non potest; ipsùmque etiam ab eis exaudiri posse, si diligenter attenderint. Ipsos enim modo per res à se creatas alloquitur, quæ auctoris sui bonitatem, sapientiam, liberalitatem, amorémque testantur, dum humanis vñibus deseruiunt. Ita Seruator, Ioannis discipulis se præbuit agnoscendum, mirabilibus operibus in eorum conspectu perpetratis. Interdum etiam nos, regum & principum more, alloquitur, qui cum subditis agunt, eorum interuentu, qui vices ipsorum gerunt. Vicariam autem Dei potestatem exercent, quicunque legitima nobis cum auctoritate præsumt, vt parentes, reges, atque præfules. Quid sacræ literæ, nōne Dei verba sunt, oraculaque certissima? Quid tam multi pij codices, quos Deus distauit amicis suis? nōne eorum opera ipse nos alloquitur, arguit, instituit, consolatur? Quid interna lumina, afflatusque dicam? quibus tam in oratione, quàm extra eam, puncto temporis, vnòque verbo nos reddit de sua voluntate certiores; sic vt verbum vnum instar sit amplissimi sermonis, adeoque etiam gustum præbeat, qui plurimis verbis utilitate præstet. Non enim in sermone est regnum Dei, vt ait Apostolus, sed in virtute peruadendi corda mortalium, & cœlesti amore inflammandi.

VI.

A M O R.

Deus multipliciter loquitur hominibus.

I.

Matt. 11. 5.

Luc. 7. 21.

2.

3.

4.

I. Cor. 4. 29.

Sed contingit non raro vt inter ipsa illa vox non audiat, propter strepitum & tumultum curarum mundanarum. Si quando amicus modestè pulsat ad fores, nemo audit, si fortè contigerit tum domum tympanorum strepitu personare. Affirmabat Tullius, querebaturque aures hominum obsurdescere, nec naturæ voces de officio nos admonentis audire. Deus ipse potius naturæ autor monita salutis auribus cordis instillat. Itaque David Oratorem illum corripbat, cum diceret, Audiam quid loquatur in me Dominus Deus, quoniam loquetur pacem in plebem suam. Contra verò, vt alio loco ait, peccatoris furor instar est serpentis, aut aspidis surde, & obturantis aures suas. Qui assueti sunt fragori torrentiū per confragosa loca, & aspera saxa decurrentiū, quæ sunt huius

VII.

Cur minus audiat.

Tulc. 5.

Psal. 84. 2.

Psal. 57. 5.

3. Reg. 19.
12.

VIII.
Deus sine
verbis audi-
tur.
Iob. 4. 12.

vitz commoda, multo cum labore, multa corporis, animique conten-
tione quæ sita, sibilum illum auræ tenuis, in quo reperitur Dominus, ob-
seruare non possunt.

Huiusmodi fuisse videtur id verbum, quod Iobi amicus Eliphas se di-
uinitus percepisse dicebat. Porro, inquit, *ad me dictum est verbum abs-
conditum, & quasi furtivè suscepit auris mea verba susurri eius.* Verba
igitur ex parte Dei deesse non possunt, sed necessarium est silentium, &
attentio singularis, ut sibilus ille auræ tenuis exaudiri possit. Sed age
obsecro, quid aliud est loqui, quàm animi nostri sensa patefacere? Nónne philosophi sine vlla disputatione consentiunt, verba esse signa
conceptuum, siue cogitationum in mente latentium? siue ergo verbo
fiat à Deo illa patefactio, siue scripto, siue nutu, siue signo alio, nónne
perinde est? Speculum melius hominem certiore facit maculæ, quæ
in eius vultu residet, quàm omnia admonentis amici verba.

IX.
Mirum ho-
minem esse
in oratione
elinguem.

Permirus itaque fuerit in ore alloquentium Deum verba exaresce-
re, neque eos invenire quid amanti amicè respondeant, cum eis omnes
creatæ res verba suppeditent, & gratiarum actionis argumenta conti-
nenter suggerant, eius beneficiis noctes diésque in eos depluentibus.
Num rebus caremus aduersis, periculisque grauissimis, ut ab eo postu-
lemus conseruari in nobis patientiam, aut certè aperiri nobis viam ex-
pediendæ salutis? Nónne quotidie multa peccamus, de quibus oportet
veniam petere? Hæc ergo argumenta loquendi cum perpetuo præ-
sto sint, prodigij instar fuerit, quempiam inter orandum, instar piscium
obmutescere, aut quasi truncum stupere semisomnem. Quod si oran-
di materia deesse non potest, necesse est nostrum in Deum amorem in-
calescere, affectus concitare, explicare linguam, non tam oris quàm
cordis, quæ Dei aurem directò petit. Quæ causa fuit cur Moses, cum
Deum oraret vehementius, neque tamen lingua verbum vllum expro-
meret, nullum ederet ore sonum, à Deo tamen audierit, *Quid clamas*
Exod. 14. 15. ad me? Ille utique parum amicum diligit, quem cito tædet cum eo
miscere sermones. Ille contra multum prodit amorem, qui licet tem-
poris prematur angustiis, subinde valedicere potest, abire non potest.

CAPVT V.

*Sanctos viros magna cum Deo coniunctione, præsertim inter
orandum, præstitisse.*

I.
Figura orã-
tium lucia
Iacobi.
Gen 32 23.
24.

TALES se olim insignes Dei amici, omnibûsque deinceps ætatibus
demonstrarunt; quæ res quondam in Iacobo patriarcha insigniter
adumbrata est, qui bonam noctis partem cum Angelo, ad emicantem

usque auroram luctatus est, nolens tam nobilem antagonistam, qui Deum repræsentabat, à se dimittere, aut brachia cum eo complicata laxare, donec benedictionem, quam precibus implorauit & lacrymis, ab eo consecutus esset. Dei amans luctatur cum Domino, eique vim facit, quando contentioni precum etiam lacrymas adiungit, vt ab eo gratiæ aliquid exprimat. Ita Moses vim afferebat Domino, & quasi complexu cōstrictum tenebat; id enim illa Domini verba testantur, *Dimitte me*, inquit, *ut irascatur furor meus contra eos, & deleā eos*. At Moses contrā ingenti obnitens conatu; *Aut dimitte eis*, inquit, *hanc noxam, aut dele me de libro tuo, quem scripsisti*. Quasi diuinæ amicitie renunciare vellet, nisi hanc populo veniam extorqueret; quæ exuperatio quædam est in dicendo, supra quam veritas patiatur.

Nec defunt alia in scripturis huiusmodi superlationis exempla, quæ fidem huic expositioni concilient: vt cūm Dauid Ionathæ dicebat, *Si est iniquitas aliqua in me, tu me interfice, & ad patrem tuum ne introducas me*. Sic aliquando contingit patrem familias fuisse obarmatum, improbum filium ac peruicacem inuadere, ad eum malè mulctandum, cūm mater, aut irati parentis amicus aliquis singularis, medium se dat, furentem complectitur, brachium occupat, ne luculentam aliquam plagam inferat adolescenti. Pater contra, dimitte me, obsecro, istum vt nebulonem pro meritis castigem, frangam illi brachium, vt reliquam vitam improbitatis pœnas luat. At ille, nisi desistis, inquit, ego amicitie tuæ remitto nuncium: perseverat nihilominus, dum filius à parentis conspectu subducatur, obtineatur venia, pax redintegretur.

Eodem pertinet mulier illa Chananæa ex Euangelio, quæ arctè obfideret Seruatorem, omninoque ab eo extorquere cupit filia à dæmone obfessa libertatem. Ergo clamorem primo tollit misericordiam petens; id cūm frustra fieri videretur, adit Apostolos, quasi tormenti verberatione mutata: cūm ne ibi quidem proficeret aliquid, redit ad Seruatorem, eum vrget importunius, & ex insuauī recusatione, elicit victoriæ argumentum. Denique quasi victum, ad illam victoriæ confessionem compellit. *O mulier magna est fides tua, fiat tibi sicut vis*. Nec defunt alia Sanctorum istiusmodi cum Deo luctæ exempla, qua necessariam sibi gratiam extorserunt. Sed abstinco, ne sim longior, & ad magnum illum Hebræorum Legislatorem redeo.

Insignem utique orationis donum Moyses se consecutum esse patefecit, & gratiam amoris cum Deo suauissimè coniungentis, qui semel, iterum, tertio, quadraginta ipsos dies, in diuino illo monte, ieiunus permansit. Primum post legis promulgationem, quando quadragesimo die tabulas digito Dei descriptas accepit. Secundo, cūm montem repetiit, post adoratum, contractūque vitulum aureum, ad veniam populo à Deo consequendam. Tertio, cūm remisit eum Dominus ad præparandas nouas tabulas, quas post alios 40. dies accepit, & cūm eis ad popu-

Osce 12. 4.

Exod 32. 10

v. 32.

II.

Et vim affrensium Deo
1. Reg. 20, 8

III.

Exemplo
Chananæa.
Matt. 15. 22.

IV.

Oratio Moyses
ter 40. diebus
Vid. Annal.
2m m. 2544.
n. 620. 627.
Exod. 24. 18
Deut. 9. 25.
& 10. 10.
Exod. 34. 28

Exod. 24. 30

lum rutilanti facie reuersus est, ex diuturna cum Deo consuetudine, ad eò, vt ne Aaron quidem ipse, & frater & Pontifex, ad eum propius auderet accedere. Nimirum ferrum in fornacem iniectum, vbi ignis ipsum peruaferit, lucem latè spargit, & quodammodo fulgurat, præter calorem, mollicudinem, leuitatem, & si quas alias qualitates, quas ab igne participat, quibus ea dona repræsentantur, quæ Deus iis communicat, qui vnus spiritus sunt in oratione cum ipso.

V.
Et S. Ignatij
Deo se subin-
diungentis.

Legimus de sanctissimo Societatis Iesu patriarcha Ignatio, tam solenne ipsi ac perpetuum fuisse, Deo sese orando coniungere, vt coniectis oculis, non solum in admirabilem illam, atque vndique coruscantem cæli faciem, sed in florem vnum, in auiculam, aliudve quidpiam simile, magna ad Deum cum suauitate assurgeret, omnibusque in rebus, quasi in eleganti codice, diuinas perfectiones legeret, ex omnibus ad spiritalem profectum diuina documenta colligeret. Oraturum colligere sese studiosius, & in secretum cordis intrare; ibique ita calefieri amore diuino, vt facies ipsa ignesceret ardore concepto: Deum autem vicissim ita illustrasse animam eius splendoribus Sanctorum, ac visitationibus, vt in corpus ipsum redundare viderentur. Itaque plerique non raro faciem eius ex oratione radiantem viderunt, idque iurati testati sunt, vt in eius vita perscriptum est, Deo Mosaicas illi delicias communicante: vt cum Mauresæ totos octo dies mansit in aberratione alienatæ mentis: quibus transactis ad se rediit, quasi ex dulci somno euigilaret, sacrosanctum Iesu nomen pronuncians.

VI.
Anachoretarum
vniocum
Deo.

Quomodo potuissent olim Anachoretæ viuere, ac durare tot annos in desertis locis, omnis humanæ consuetudinis, & familiaritatis expertes, nisi diuina ac cœlesti abundassent? Quomodo ad solis ardores, ad hyberna frigora, ad ventos & pluuias, pene sine sensu motuque perstitissent, nisi eos tum diuinæ coniunctionis æstus absorbuisset? quomodo cibi & potus & somni tempora immemores transmississent, nisi eorum memoriam Deus intimè præsens funditus occupasset? Num malorum dæmonum terrores ac minas, clamores & verbera, non intermissa oratione, & immoto vultu contemnere, aut ferre potuissent, nisi perpetuò Deum secum, quasi clypeum aduersus omnia inimici tela, circumtulissent? Quomodo eorum dolos artésque declinassent, improba concilia detexissent, malitiam agnouissent, nisi vera illa lux, quæ illuminat mentes hominum & Angelorum, præsens adstitisset, & serpentem in Angelum lucis transfigurantem se patefecisset? Denique nunquam in illis vitæ solitariae asperimis ærumnis ipsos quadraginta, octoginta, vel centum annos constanter perdurassent, nisi Deus illis præsentis suæ delicias, cuncta corporis oblectamenta continenter suppleuisset?

CAPVT VI.

*Amorem vnientem religiosarum familiarum autorem,
& parentem extitisse.*

SED vt derelictas illas regiones, earumque ciues Anachoretas omit-
tamus, quem verius dicere possumus cœnobiorum, & religiosarum *Vnio religio-
forum mul-
tiplex.*
familiarum autorem, quàm Amorem vnientem? Ipse est qui cœnobio cō-
struxit, ibique lectissimas animas, à seculi vanitate conuerſas, collegit,
vt partem vnum, regulam vnā, vnāque omnes voluntatem haberēt.
Ille idem eos sub eodē tecto, concordia & fraterna charitate copulatos,
conseruat: his enim vinculis quasi neruis corpora mystica vinciuntur;
hæ sunt venæ, quæ per omnia membra profeminatæ, singulis idoneum
largiuntur alimentum; hoc intritum est, aut signinum, quo viui lapides
inter se iuncti, in parietes spirituales, domosque consurgunt. Accedit vna
eadēque forma victus, vestitus, studiorum & occupationum, ne qua
cernatur in tota structura deformitas; quamuis eos contingat esse ætate
disparēs, genere dissimiles, gentibus prouinciisque disiectos, moribus,
ingeniis, diuitiis, variisque vitæ conditionibus discrepantes. Hæc omnia
perficit vnus idēque spiritus propriæ vocationis, quo animantur om-
nes, vnus idēque socialis amor ac fraternus, quo arctissimè inter se
connectuntur.

Vota porro, quibus ratio Religiosorum ac natura constat, fructusque
sunt Amoris vnientis, nihil aliud quàm hunc animorum nexum loquun-
tur, quæ vota cū illum qui ea emisit obligent, profectò ligant. Pau-
pertas hominem diuitiarum vinculis absolutum, Christo pauperi volun-
tario arctè constringit, Castitas voluptatum laqueis expeditum, Christo
Angelica puritate consociat, maximè qui intaminatam Deo virginita-
tem consecrarunt: de quibus Ioannes ille Christo dilectus, qui hac lau-
de maximè floruit. *Hi sunt, inquit, qui cum mulieribus non sunt coin-
quinati, virgines enim sunt. Hi sequuntur Agnum quocunque ierit.* Ean-
dem vnitatem maximè respicit obedientia, quæ præ cæteris Christi con-
siliis hominem religiosum constituit; cuius omnes gradus vnitati ser-
uiunt, non ea solum, quæ voluntatis est, & intelligentiæ, sed quæ nudæ
duntaxat executionis.

Qui enim mandata superioris exequitur, & ad eam obedientiam
neque propriam voluntatem accommodat, neque iudicium, sed vtra-
que potius animi facultate repugnante, imperata facessit, merum
est Superioris instrumentum, quod natura sua ita cum præcipuo a-
gente coniungitur, vt vna eadēque res cum ipso censetur; ac si

II.
Maximè per
viam

III.
Præsertim
obedientia
executionis

quippe vnica est, & tota tribuitur agenti. Nam scriptio non calamo tribuitur, sed scriptori; & depicta tabella à pectore facta dicitur, non à penicillo; & omnino actiones omnes, siue spiritales, siue corporeæ, quæ ab homine profisciscuntur, non menti ascribuntur aut manui, sed homini, qui mente manûque vtitur, tanquam instrumento. Ex quo etiam intelligi potest eum, qui in obediendo solam attulerit manum, proprii iudicii retinens, atque voluntatis, nihili esse, nulliusque meriti apud Deum; sicut neque apud herum vlla dignus est mercede vile mancipium.

IV. Alter in parendo gradus, cui propriè nomen debetur obedientiæ, est *Voluntatis*. cum duæ, aut tres potius voluntates in vnam confluunt, & quasi in fornace conflantur. Vnica est enim Dei & prælati voluntas, iisdem expressa verbis, eodem ore prolata; id enim testatur illud oraculum, *Qui vos audis, me audit*. Accedit & obtemperantis subditi voluntas, quæ in rem imperatam interiore motione fertur, & illud, si opus est, etiam voce pronunciat, *Fiat voluntas tua*. Quo facto perficit egregium illud prodigium, quod augustissimam in diuinitate triadem repræsentat, non trium personarum in vna natura, sed in vnica voluntate; quæ vnio amoris, ex quo procedit, plena est; plena gloriøsæ libertatis: efficit enim vt homo suam perpetuo expleat voluntatem, vt qui præter diuinam, quæ prælati etiam est, nullam habeat propriam & suam: plena meriti, Abrahami enim sacrificium imitatur, quo promeritus est infinitam posteritatem, in qua ipse etiam Christus fuit, dum quod habet in hac vita charissimum, consecrat Deo: plena denique fiduciæ, cum certò ei constet obedientem legitimæ potestati, nisi in aperto crimine, errare non posse.

V. Supremus obedientiæ gradus, quædam etiam vnio est, nec superiori dissimilis. Hic enim tria, Dei, præsulis, & subditi iudicia in vnum coeunt, & quasi liquefacta concrefcunt. Nam exempli causa in diuini Verbi incarnatione, Dei iudicium fuit, Deum humanæ naturæ coniungi posse in vnitæ personæ, & ex virgine matre nasci; idem Archangeli nunciantis iudicium, fuit asserentis nihil esse quod diuinam superet potestatem. Idem & Virginis, quæ quod eadem fieri posse credidisset, beata vocata est, *Beata quæ credidisti*, inquit Elisabætha. Beatus quoque qui credit, ac persuasum habet, & corporis oculos, quorum officium est regere corpus, præ cæteris membris illuminari, (quæ foris tantum lucem accipiunt, cum oculus ad pupillam vsque, quæ in oculi centro est, illuminetur) & religiosæ familiæ præpositos, præ subditis, diuina luce illustrari; quamuis alioqui subditi aliis Dei domus fortasse præstarent. S. enim Iosephus, non B. Virgo, ab Angelo de fuga in Ægyptum, de reditu in terram Iuda, & in Galilæam monitus est.

VI. Illud etiam de voluntaria paupertate, continentiaque addiderim, eas virtutes, quæ vt diximus, Christo Domino similes efficiunt, vnum cum ipso efficere religiosos, qui ob illius amorem, atque imitationem, opes voluptatesque contempserunt. Nam similia, in eò quod similia sunt, vnum

vnus sunt; iusti omnes in ratione iustitiæ vnus sunt, vnus & omnes docti & pulchri, in eadem specie pulchritudinis & doctrinæ, vnus omnes homines in humana natura. Eodémque modo religiosi omnes, qui Christo continentia & voluntaria paupertate sunt similes, non solum illi coniuncti sunt, sed vnus cum eo sunt, qui vexillum sustulit consiliorum diuinorum, vitam cum Apostolis agendo, & vitæ religiosæ formam præbendo, nemine habente quidquam, quod suum esse duceret. Ita que Petrus nomine omnium, & in eius auribus qui norat omnia, non dubitauit dicere, *Ecce nos reliquimus omnia*, ne vxoribus quidem exceptis, vt ex Christi responsione colligitur. Act. 4. 32.

Hic ipse spiritus paupertatis, se mox in vniuersam effudit Ecclesiam; de primis enim Christianis Iudææ, & Hierosolymorum incolis scriptum est, multitudinis credentium fuisse cor vnus & animam vnā, nec quemquam, eorum quæ possidebat, dixisse aliquid esse suum; neque bonorum communione tantum iuncti erant, sed in consentiente cum diuina voluntate concordia. Hic nimirum fructus erat orationis illius, quam Seruator apud Patrem ad mortem iturus effuderat. *Pater sancte serua eos in nomine tuo, quos dedisti mihi, vt sint vnus, sicut & nos.* Paulus quoque Apostolus, vt tute ante retulisti huic subscribit veritati, cum ait eum qui adhæret Domino, vnus spiritum esse cum eo. Quod ex sua ipse experientia dicere poterat, quippe cuius est illa confessio, *vnus ego, iam non ego, vixit verò in me Christus.* Et quidem ita vt Pauli anima non magis proprio corpori, quàm Seruatori adhæreret. Profitetur enim vitam sibi cripi posse, Christum non posse. Nam cum rogasset in hunc modum, *Quis nos separabit à Charitate Christi?* Respondet, *Certius sum quia neque mors, neque vita, neque Angeli, neque principatus, neque creatura alia poterit nos separare à Charitate Dei, quæ est in Christo Iesu Domino nostro.* Quod de cæteris quoque sanctis, proportionem gratiæ ac virtutis acceptæ, dici potest. Matth. 19. 27.

VII.

Christiano-

rum cor vnū

& anima

vna.

Act. 4. 32.

Ioan. 17. 11.

1. Cor. 6. 17.

Gal. 2. 6.

& coniu-

tio cum Deo

CAPVT VII.

Iesu Christi amorem vnientem in mysterio Incarnationis maximè se prodidisse.

EXEMPLVM Apostoli Pauli suauiter nos deduxit ad Seruatorem, & Charitas hominis ad charitatem Dei, cuius amor mirificè se vnionis appetentem ostendit, qui tanta sapientia excogitarit, tantæque potestate confecerit vnionem duarum naturarum, quæ magis à se distant, quam extimum cælum à centro terræ, in persona diuini Verbi, quod inde factum est Deus homo, aut homo in Verbi persona sub-

I.

Transitus à

mysterium

vnionis hy-

pothetice

Aaa

stens. Hæc unio qua nihil admirabilius fieri potuit, & Amorem agnoscit autorem, dignissima est, quæ ab iis quoque aliquo modo intelligatur, qui licet in adyta Theologiæ non penetrarint, cupiunt tamen in Seruatoris amore, veneratione, atque admiratione proficere; sed & Matris eius sanctissimæ, quæ bonam partem habet in hoc augustissimo mysterio. Videamus ergo quomodo facta sit diuina hæc unio, tū de eius præstantia dicemus aliquid; omissis iis, quæ & spinosiora sunt, quàm ut vulgò à semidoctis intelligi possint, & ut intelligerentur, minus ad finem, quem habemus propositum, conducunt.

II.
*Præque enim
ad Deum
gratio.*

Ad hunc finem coniunge nos tibi; ô sanctissime atque amantissime Seruator, per illum ipsum amorem, quo excitante adductus es ad humanum genus infinita nobilitate, opibus, pulchritudine decorandum. Collustra face luminis tui intellectum nostrum, quem propria ignorantia, & innata fidei obscuritas, ipsiusque rei subtilitas non parum obscurant, ut ne tantillum quidem à sanæ doctrinæ semita declinemus, sed in sanctorum Ecclesiæ doctorum vestigiis, pedes perpetuo ponere contingat. Demerge nos in fornacem Charitatis tuæ flagrantissimæ, ut amoris nostri tepor inardescat, duricies molliatur; ut opera nostra multæ animæ tibi desponsæ intelligant, ac sentiant quo se usque protenderit, ac progressus sit amor tuus Unionis amantissimus, cuius tam illustria argumenta in hoc diuino mysterio demonstrasti.

III.
*Differentia
conceptionis
Christi à
communi.*

Intelligendum igitur est humanam coniunctionem animarum cum corporibus suis longè aliter fieri solitam, quàm fuerit coniuncta diuinitas cum humanitate Seruatoris. Materies enim humani corporis disponitur, ac præparatur in materno vtero, spatio quadraginta, aut octoginta dierum, priusquam animus in eam possit infundi, eique vitam impertiri. At materia ex qua sanctissimum Christi corpus construi oportuit, & in sua membra digeri ac dispensari, puncto temporis in vtero virgineo collecta fuit, immensa Spiritus sancti virtute; disposita, distributæque intus & foris, eodem temporis puncto; absolutione tanta, quantam decebat corpus, quod ad tantam dignitatem erat destinatum; eodem in illud infusa est anima, eximium quasi archetypum omnium, quæ vnquam fuerunt, aut futuræ sunt animarum. Conuenit inter Philosophos corpus humanum vita primum donari, qua viget ut plantæ, tum qua mouetur ac sentit ut animalia, postremò qua ratiocinatur. Conuenit etiam inter Theologos Christi corpus eodem instanti temporis omnes vitæ gradus esse consecutum, adeò ut nunquam hic infans rationis usu caruerit.

D. Thom.
3. p. q. 6. a. 5.
ad 1. & q. 33.
a. 1. & 2.

IV.
*Tota momentis
temporis
perfecta.*
Luc. 1. 38.

Itaque cum primum Virgo beatissima, ab Angelo edocta de diuino consilio, super redemptionem mundi, per Incarnationem Verbi, acquieuit diuinæ voluntati, & præbuit in hæc verba consensum, Ecce ancilla Domini, fiat mihi secundum verbum tuum, eodem tempo-

ris puncto Deus admiranda prodigia in vtero Virginis, operatus est. Humanum enim corpus eiuidem cum ceteris speciei, conformatum, digestum, ac perfectum est, ex ea materia, quam virgo intemerata sup-
peditaui, Spiritu sancto virilis seminis vim omnem & efficacitatem
supplente. Anima quoque illa nobilissima atque beatissima creata, &
ineadem membra, tanquam propria corporis forma, infusa est. Deri-
que eodem momento persona Verbi vtrique parti copulata est, & ipsæ
partes inter se coniunctæ sunt, ita vt Seruator non prius fuerit homo,
quàm homo Deus, quem Græci *Θεὸς Σωτὴρ* vocant.

Licet autem momento temporis hæc omnia facta sint, in ipsis ta-
men notatur naturæ quædam antecessio, quæ prioritas vulgò nomi-
natur. Ponunt enim Philosophi quandam antecessionem, & quasi
præcurfionem ordine temporis, quo modo dies dominicus diem lu-
næ, & vita mortem antecedit; aliam autem ordine naturæ, quo modo
tactus fidium præuenit eorum sonum, vt causa effectum qui ab illa
pendet, licet sonus & tactus eodem momento contingant; sic dum
baculus in aquam immergitur, aqua simul aperitur, & à baculo per-
uaditur, prius tamen natura est aquam aperiri, quàm in eam intrare
baculum. Eodem modo in hoc diuino mysterio, & vnione Verbi cum
humanitate, illiusque partibus, nullam temporis antecessionem esse
constat; naturæ tamen prægressionem sacri Doctores admittunt, aiunt-
que in via operationis siue executionis, assumptionem partium prio-
rem esse naturæ, assumptione totius humanitatis. Verbi enim coniun-
ctio cum anima, vel cum corpore non dependet à coniunctione cor-
poris cum anima, quia hac coniunctione soluta, perseuerauit coniun-
ctio Verbi cum vtraque parte seorsim.

Prius porrò intelligitur animam Christi in Verbo subsistere, quàm
suo corpori iungatur, quia humanus animus prius natura subsiste-
re intelligitur, quàm copuletur corpori suo, ergo & anima Chri-
sti, quæ subsistit in Verbo, supplente ipsius naturalem subsistentiam,
prius illi vnita intelligitur, quàm corpori coniungatur. Simili-
ter & corpus prius intelligitur Verbo coniunctum, quàm ani-
mæ propriæ; prius enim intelligitur esse quoddam ens partiali-
ter subsistens, quam intelligatur animatum, non est autem subsi-
stens nisi per Verbum, prius igitur Dei Verbo, quàm animæ suæ con-
iunctum est. Cæterùm posita gemina hac vtriusque partis coniunctio-
ne cum Verbo, sequitur naturalis partium ipsarum inter se coniun-
ctio in vtero materno, ad eamque mater actione materna con-
currit; ex quo fit vt Virgo non solum sit mater huius hominis,
sed verè ac propriè mater Dei; quia priusquam Seruatoris ani-
ma & corpus inter se vnirentur, vtraque pars erat copulata Ver-
bo, erantque Dei anima, & Dei corpus. Sicut ergo mulier, in qua

V.

Cum qui-
busdam ta-
men natura
antecessioni-
bus.

Ordo vnio-
nis Verbi.
D. Thom.
3. p. q. 6. 2. 5
ad pri. & ibi
Suar. sec. 1.
5. Dico se-
cundo.

VI.

Cum anima
& corpore.
D. Thom.
3. p. q. 6. 2. 4.
ad 3. & ibi
Suar & d.
17. ser. 2. 5.
Dico secun-
do, &. Quæ
autem id re-
pugnet.
Vnde pendet
diuina ma-
ternitas.
Vide Suar.
3. p. t. 2. q. 27
d. 1. sec. 1. 5.
Aliter ergo
resp.

iungitur hominis anima humano corpori, est vera illius hominis mater; ita virgo, in cuius utero iungitur Dei anima diuino corpori, est vera Dei mater. Et sicut illa non desinit esse mater, quamvis non procreet animam, sic nec virgo desinit esse Mater Seruatoris hominis Dei, licet non producat diuinitatem eius.

CAPVT VIII.

*Omnium intimam atque excellentissimam esse vnionem
incarnati Verbi.*

I. **I**NTIMAM esse omnium Diuini Verbi cum humana natura coniunctionem illud docet in primis, quod naturarum est, quæ per se constant; eoque ipso accidentariam omnem connexionem longè vincit ista copulatio, siue naturæ cum proprietatibus suis, siue subiecti cum accidentibus. Itaque interior est illa coniunctio quam Solis cum lumine suo, ignis cum calore, aut niuis cum albedine inhærente: quamvis illa cum istis à sanctis Patribus componatur, ad faciliorem intelligentiam. Origenes enim, & sancti Basilius & Damascenus incarnati Verbi vnionem cum ea conferunt, quæ est candens inter ferrum & calorem, vt doceant Seruatoris humanitatem à coniuncta diuinitate illustrari, & vim accipere opera mirabilia perpetrandi. Alij conferunt ramo insito in alienam arborem, & populariter ostendant substantiam alteram alteri coniungi; ac coagmentari posse.

II. **Q**ue sunt multiplices. Ephes. 5. Ioan. 2. 19. Paulus Apostolus eam comparat vnioni Matrimonij, partim ad mutuam duarum naturarum amorem edocendum, partim ad rationem explicandam, qua humanitas à diuinitate nobilitatur, regitur, locupletatur. Seruator ipse corpus suum templum, vtique diuinitatis appellat, vt intelligamus diuinitatem modo quodam singulari in hac humanitate habitare, in qua nobilior, quàm vsquam alibi, honoratur & colitur. Nulla tamen harum, aut similium vnionum huic ex æquo respondet, quæ substantialis est, & in qua non accidentarium, sed proprium ac germanum, ex diuina & humana natura compositum, perfectissimè coalescit: atque adeo perfectius, quàm anima corpori suo, tanquam forma iungatur. Quod innuit magnus Leo pontifex. *In tantam*, inquit, *vnitatem Dei & hominis natura conuerit, vt nec posuerit supplicio dirimi, nec morte dissolui,* cum tamen mors, animæ cum corpore nexum dissoluat, diuinam autem naturam aut personam ab humanitate seiungere nulla vis, si à diuina discesseris, vlllo modo potest.

III. **A**dde quod interior est simpliciorque coniunctio naturæ, cum persona in qua subsistit, quàm materiæ cum propria forma; cuiusque rei signum est, quòd illa reperitur in Angelis, quorum natura simplicior

Multò est, quàm rerum corpore constantium, ista non item. Multo denique interiore iunctione tenentur natura & persona, quàm partes cum toto quod componunt. Partium enim inter se, aut cum toto copulatio, extrema quasi ora copulantur, minúsque cohærent quàm anima cum corpore, aut forma cum materia, quæ se totis, & omni ex parte coniunguntur; hæc tamen coniunctio, illi quam dixi, tanquam interiori multo, atque simpliciiori cedit.

Hæc ipsa unio personæ cum natura non solum intima est omnium, sed etiam perfectissima. Nullum enim gratiæ opus Deus vnquam edit, aut editurus est aliquando, quod vnioni diuinæ personæ cum natura humana par esse possit. In hoc enim mysterio incarnati Verbi excellentius quiddam homini tribuitur, quàm cum peccatori gratia datur in terris, aut iustis in cælo gloria; atque adeo cum ipsa Spiritus sancti persona, & non dona eius duntaxat, homini communicatur, vt in Dei filium adoptetur; aduentitiæ quippe sunt omnes istæ coniunctiones, nec in eis Deus se dat homini, ad perficiendam, complendamque naturalem eius entitatem, & conflandum cum ea verum ac substantiale compositum: sed illi se dare dicitur, quia singulari modo fit ei præiens; siue in ratione obiecti facultatum eius, sicut oculo lumen vnitur; siue tanquam supernaturalis principium, quod animam quam possidet moderatur ac regit, siue per eam animarum vnionem, qua singulari quodam amoris vinculo inter se amici iunguntur.

At in vnione qua *Verbum caro factum est*, ipsa persona Verbi huic sese impertitur humanitati, ad ipsius naturam vltimo complemento ac perfectione donandam, sic vt eam sustentet, determinet, & efficiat ex homine Deum; Deum inquam ex homine efficiat, non diuinum, neque ex adoptione filium, vt ceteri mortales, sed germanum atque naturalem Deum. Idque Paulus apud Hebræos aperte proficitur, ac prædicat, cum ait Seruatorem tanto meliorem Angelis effectum esse, quanto differentius atque excellentius præ illis nomen hæreditauit. Dei videlicet nomen, quod illi iam pridem tribuebat Esaias, cum diceret illum non solum vocatum iri Admirabilem, magni consilij angelum, fortem, principem pacis, sed Deum etiam, ac patrem futuri sæculi. Facile est intelligere mirabilem esse huius vnionis excellentiam, cum illius causa plus honoris ac venerationis huic humanitati debeat, quàm omnibus illis mentium beatarum legionibus, quæ illam iussæ sunt adorare, dicente per Dauidem Domino, *Adorate eum omnes Angeli eius*. Imo quàm omnibus omnino sanctis, ne excepta quidem beatissima Virgine, quantūcumque Dei cumulentur donis: cum quibus nihilominus in rebus creatis perpetuò censebuntur: cum hæc unio hominem efficiat creatorem, & omnis, etiam in hac vita, defectionis expertem.

Eadem unio reddit humanitatem coniunctum diuinitatis instrumentum, sicut manus & brachium eius humanitatis sunt organa, cui natura

IV.
Eiusdem excellentiæ præ ceteris omnibus.

V.
Incarnatio facit ex homine Deum.

Ca. I. 4.

Ca. 9. 6.

Psal. 96. 8.

Hebr. I. 6.

VI.
Et continuat diuinitatis instrumentum

rali coniunctione coherent; à qua vitam, motum, gubernationem accipiunt. Huic ergo humanitati coniunctæ Deo, debetur communicatio perfectionum eius, ut de ferro candente dicebamus, & ab ipso Dei Verbo dirigi debet & gubernari, tanquam ab humana persona, in cuius locum successit, quæ summa est ipsius perfectio; ad eundem modum quo corporis humani summa perfectio est esse instrumentum coniunctum animæ ratione utentis, cuius hoc ipso perfectiones & spiritalem ordinem aliquo modo participat, eoque statu ad perfectionem, quavis alia creata maiorem excitatur. Hæc unio intimè attingit personam Dei, eique humanitatem substantiarum more modoque connectit; eumque verum Deum efficit, qui verus est homo, & ad gradum euehit tam sublimem, nullus ut gratiæ habitus eò aspirare possit, quod S. Thomas de huiusmodi etiam gratia Seruatoris affirmat.

Suar. 3. p. q.
16. d. 9. sect.
vlt.

3. p. q. 7. a.
13.

VII.

Hæc unio
Dei amoris
in homines
argumentum.

Is ergo qui ex immensa bonitate sua, & infinito in homines amore, eis tam magnificè seipsum, tamque gloriôsè coniunxit, nullam profectò causam de suo in eos amore dubitandi reliquit, cum istius coniunctionis opera diuinæ iustitiæ pro ipsis cumulatè satisfecerit, eos extulerit in libertatem, filiorum Dei, & innumeris gratiarum donis locupletarit. Cum, eiusdem unionis beneficio, eo usque naturam humanam euexerit, ut diuina omnipotentia nullam sibi rationem aut viam reliquam fecerit, qua eam altius excitaret. Nam neque Deo quidquam sublimius inueniri potest, neque interius aliquid Deo iungi, quam in unitate personæ. Hæc unio fons est hominibus omnium virtutum, omniumque meritorum, firmamentum spei omnibus sanctis, & charitatis incendium, summæ animi demissionis exemplum, paupertatis, patientiæ, obedientiæ, & omnium in heroico gradu virtutum.

VIII.

Et incita-
mentum.

Sicut. &
gloria.

Serm. 1. de
Nat.

2. Cor. 12. 6.

2. Cor. 1. 31.

Unio eadem immensi cuiusdam amoris obiectum est, laudis & immortalis gratiarum actionis validissimum incitamentum; admirationis, venerationis & gaudij, cuius nullus erit vnquam terminus, nullus finis. Imo & verissimæ gloriæ seges, præ ipsis angelis. Habent enim mortales hominem Deum, illi Angelum Deum non habent. Sed illa in primis hominum est utilissima gloriatio, si peccatum, nobilitate sibi à Christo collata indignum putent; quando ille hominis consanguineus ac frater esse dignatus est. *Agnosce, ait S. Leo, ô Christiane dignitatem tuam, & diuinæ consors factus nature, noli in veterem vilitatem degeneri conuersatione redire.* Hoc verissimum est gloriæ argumentum, de quo si quis gloriari voluerit non erit insipiens, veritatem enim dicet, ut Paulus ait; qui & autor est, ut qui gloriatur, in Domino gloriatur, qui mavult esse hominibus amoris, quo ipsi coniunctissimi efficiantur, quam gloriæ incitamentum. Hæc enim gloria, si solitaria fuerit, non reddet meliores, amor autem amicos reddet & heredes.

CAPVT IX.

Vnio Seruatoris cum ipsius matre sanctissima Virgine
Maria.

AMOR VNIENTIS.

PAVLO antè declaratum est à nobis, vnione diuini Verbi cum humanitate sua, Virginem factam esse Dei matrem, eumque titulum summo illi iure conuenire, cum ipsa circa filij Dei humanitatem nihil minus operata sit, quàm cæteræ matres circa filios suos; fuit enim diuinæ illi humanitati quasi aduentitium quiddam, vt corpus illud, & illa anima, ad quorum compositionem Virgo materno concursu, & quasi causa efficiens concurrebat, singula iam personæ Verbi consociata essent. Quæ est ergo Virginis augustissimæ atque purissimæ non solum cum humanitate, sed cum ipsa etiam Verbi persona necessitudo siue cognatio: vtique consanguinitatis, & quidem in eo gradu, in quo esse solent pater & mater; affinitatis autem ad Deum, reliquasque diuinas personas, vt loquitur S. Thomas. Hæc sanguinis in primo gradu coniunctio, fundamentum est omnium gratiarum, omnisque prærogatiuæ, qua sancta Deipara vnquam est affecta diuinitus. Quas enim gratias ante incarnationem consecuta est, dispositiones fuerunt tanto mysterio congruentes; quæ autem illam secutæ sunt, quasi proprietates fuerunt, & ornamenta debita incomparabili reginæ.

Propter eandem vnionem Seruator humana diuinæque natura constans, geminam quoque filij relationem habet, æternam vnā, quæ æterni patris æternus est filius; ex tempore alteram, sed quæ in totam propagabitur æternitatem, quæ filius est virginis: vnicus tamen est filius, quia vtriusque generationis idem est suppositum eadēque persona; nec satis est multiplicari naturas, nisi personæ quoque multiplicentur. Vnicus quoque Dei filius natus est, quamuis gemina natiuitate. Sicut ergo propter priorem generationem Seruator Deum æternum vocabit patrem, ita posterioris causā Virginem æternum appellabit matrem, & ipsa vicissim filium vocare nullo vnquam tempore desinet; neque inglorios vnquam ducet filii titulos illos. Si enim, vt ait Paulus, *Deus non confunditur vocari Deus Abrahami, Deus Isaaci, & Iacobi*, quod illis ciuitatem præparauit in cælis, sic neque titulos matris aut filij parum gloriosos æstimabit, propter illam, quam mater ipsi præparauit humanitatem, quam ipse diuinam fecit.

Sed conemur, si placet, assequi coniecturis quantam inuehat gloriam ista maternitas. Si quis vulgò ad eminētem aliquem dignitatis gradum,

I.
*Virgo vera
Dei mater.
Vide Suar.
t. 2. in 3. p. d.
12. c. 2. con.*

*Cum affinitate, & consanguinitate cum Deo.
2. 2. q. 103. a.
4. ad 2. & ibi
Calet.*

II.
*Gemina Verbi
bi relatio.
Suar. vbi
supra.*

Hebr. xi. 16.

III.
*Quanta sit
gloria diuinæ
maternitatis.*

è paternis fuerint euecti sordibus, aut auitis, cognatos pauperes apud se habere nolunt, eorumque humilitatem suam arbitrantur ignominiam; itaque vel cognationem dissimulant, vel eos ornant congruenter propriæ dignitati. Si quis enim tenui ex re ad summum fuerit euectus pontificatum, is qui fortè cognatorum nuper tenuis erat conductor vestigalium, sit prouinciæ gubernator, & sacello præfectus illustrissimus Cardinalis. Quid ergo dici potest de amplitudine dignitatis & gloriæ, ad quam Dei filius extulit matrem, ut esset consentanea propriæ maiestati? Ipse regibus imperat & monarchis, illa cœli & terræ Regina facta est, Ipse princeps est electorum omnium, ipsa quoque inter electos principatum gerit. Dei filius totius Ecclesiæ militantis atque triumphantis constitutus est caput, ex quo gratiæ omnes in corpus mysticum defluunt. Sed Dei mater sub hoc capite collum est, per quod illa gratiæ in omnia membra decurrunt.

IV.
Cum Deitatis, bonis-
que commu-
nicat.

Vide D.
Thom. 3. p.
q. 5. & Suar.
ibi dis. 15.

Denique ut omnibus filij bonis, sic & titulis omnibus communicat mater, ad eò ut ad diuinitatem ipsam, quam proximè fieri potest accedat. Illa enim ipsa natura corporea, quam Verbum ad diuinitatem extulit, proximè antequàm Virgo diuinæ legationi præberet assensum, Virginis erat substantia: & sanguis ex quo nobilissimum id corpus conformatum est, paulò antè verus ac proprius Virginis sanguis fuit, & personæ Verbi diuini intimè coniunctus fuit. Neque vnus ille sanguis, sed quidquid illa filio suppeditauit alimenti, siue dum in vtero virgineo versaretur, siue cùm illi postea triennio lac dedit. Hoc enim totum alimentum, ut in veram Seruatoris substantiam vertebatur, ita à Verbo diuino, ad personæ suæ vnitatem, assumebatur. Sicut ergo diuinam reddidit naturam, quam sumpsit à matre, ita quodammodo diuinam reddidit personam humanam genitricis suæ, quæ est quid sponte existens ex humana natura, corpore animoque constante.

V.
Que inde in
homines uti-
litas.

AVTOR.
AMOR
VNIENT.
Rom. 8. 32.

Præclara sunt ista, fateor, inquam, & magnifica, atque ad eò diuina; Sed quid in nos ex hac vnione matris ad filium, ex hac consanguinitate hominis cum Deo utilitatis existit? Plurimum omnino, inquit Amor. Testatur enim Apostolus, Deum, dato hominibus vnigenito suo, qui patris erga eos, qui Domini, qui fratris, qui aduocati munere fungeretur, eadem opera thesauros omnes suos in homines effudisse. Dicamus nos quoque, data mortalibus in dominam ac parentem tanta regina, tam gratiosa apud Deum, tam miti aduersus miseros, nonne cùm illa omnia nobis donauit? Quid enim potest, aut quid omnino debet à tali filio sperare talis mater? Id sanè fuit, ut alio dictum est loco, Deum obligare se ad veniæ & misericordiæ thesauros perpetuò recludendos: pietatis item ac consolationis, gratiarum denique omnium atque virtutum. Docet enim experientia neminem ab ea quamuis facinorosum repelli, si ad eam ex animo confugerit, eius præsidium quæsierit, auxilium implorarit. Materna quoque iura demonstrant, nunquam ipsam passuram esse repulsam.

ODfus

O Deus optime maxime, quanto ex amore profectum est, vt tu mortales tanta propinquitate, & cognatione attingere dignareris, eadēque opera non leuem vltro contraheres obligationem ea pro ipsis conficiendi, quæ naturalia necessitudinis & affinitatis iura, periculo existimationis deposcunt. O pulcherrimum inuentum, longēque fructuosissimum, si eo vti placeat, vt vehementer optamus, ô amantissime Seruator. Recordare quæso, quod olim dicebant Dauidi tribus Israël, quod *os tuum & caro tua sumus*, quamuis pauperes, & mendici, mendicamus enim quotidie ad ianuam tuam panem nostrum, & quidem ex præscripto tuo. Cognitionis tui, & nostri perquam egentes sumus, egentes modestiæ in prosperis, & patientiæ in aduersis, inopes humanitatis & castimonix, amoris & charitatis erga te, & proximos nostros filios tuos. Et tamen *filij sanctorum sumus*, vt Tobias aiebat, atque adeo, vt ait Apostolus, filij Dei atque hæredes, & cohæredes tui.

Quantas hi tituli spirituales opes postulant, ne sint pudori ei, cui *data est omnis potestas in cælo & in terra*. Sed quoniam à dulcissimo sponso delicia quoque expectantur, ne permittas, ô amantissime Seruator, vt consolationum spiritualium defectu, cum magna perniciē nostra, & nonnullo dedecore tuo, delicias aliundē mendicemus, etiam ab iis, qui capitali te odio, nōque ipsos prosequuntur; impuras à carne illecebras, à mundo & Satana vana honorum somnia, & ludibria diuitiarum. Ne patiaris in miseria nostra insultare nobis infideles, quasi talem tamque potentem fratrem, & tam gratiosam, tamque opulentam matrem falsò iactantibus, quasi parum credibile sit eos, fratres ac filios suos, in tanta verorum bonorum inopia deserturos. Redde nos eorum bonorum locupletes, quæ à tali principe magni sunt, eūmq; cum primis decent, intimæ videlicet amicitix tuæ thesauro, & amoris vnientis, qui tibi nos in omnem consociet æternitatem.

VI.

Oratio ad
Deum gratia
actionis.

2 Reg. 5.1.

Tob. 2. 18.

Rom. 8. 17.

VII.

Et postulatio
spiritualium opū.
Mat. 25. 18.

CAPVT X.

*Amor vnienſ Christi Domini in ſacroſancta Eucharistia
declaratur.*

DIVINA Verbi personæ coniunctio, cum sacrosancta humanitate, quam traxit ex beatissima Virgine, omnium quæ sunt aut esse possunt intima est, nobisque gloriosissima; & excellentia ac perfectione sua, facile inter omnes obtinet principatum. Immenſo tamen Seruatoris amoris parum viſum est eam feciſſe vnionem, quæ vnica humanitate terminaretur, quæ diuinam acquireret dignitatem, quæque in cæteros homines, qui eadem humana ſpecie continentur, redundaret: ſicut non admodum ſinguli mortales videntur honorari, quod ex ipsis nonnulli

I.

Cauſa ſuſcep-
ta vnionis
in Eucharis-
tia.

Bbbb

sunt reges. Itaque diuina illa sapientia rationem excogitauit, qua se singulis hominibus copularet, qui eum sub typo panis & vini reciperent, in quibus corpus suum, animam, diuinitatem mirabiliter occultauit, eisque ita se coniunxit, ut ille nexus non parum vnioni, quæ in diuina incarnatione facta est, responderet.

II. Sicut enim in augustissimo assumptæ humanitatis mysterio, diuinitas, quæ sub aspectum non cadit, aspectabili humanitati copulata est; ita in mirabili Eucharistiæ sacramento humanitas inuisibilis Seruatoris typis illis, qui cerni possunt atque attrectari, coniungitur. Præterea illa vnione vnus efficitur Christus, ista vnum Christi corporis sanguinisque sacramentum. Tertio sicut per Incarnationem totum Verbum singulis humanæ naturæ partibus vnitum est, ita per consecrationem, totum corpus & sanguis Seruatoris cum eius diuinitate, singulis specierum partibus vniuntur. Quarto sicut Christi humanitas propria subsistentia caret, eamque diuina Verbi persona supplet; ita species sensibiles in Eucharistia non retinent propriam existendi aut subsistendi rationem, sed virtute Christi Domini, qui eis amictus est, sine vlllo subiecto corpore consistunt, ac si essent veræ substantiæ, & non nuda accidentia.

III. Quinto sicut neque mors, neque vlla creata vis potest Verbi vnionem cum humanitate dissoluere, sic neque hanc cum speciebus connexionem, quandiu ex saluæ atque incorruptæ permanerint. Sexto, sicut ante resurrectionem Christi humanitas per passionibus erat obnoxia, & re ipsa dolores acerrimos perpessa est, à quibus diuinitas penitus immunis fuit. Itaque species solas sacramenti cadit, quæcunque vis aut iniuria sacramento inferatur; nihil inde læso aut violato glorioso corpore Seruatoris. Nihilominus tamen sicut propter vnionem hypostaticam humanitate in cruce patiente, pendente, ac moriente, rectè dici poterat Deum in cruce pati, pendere, ac mori, ita propter vnionem sacramentalem dum franguntur species, & in cibum vertuntur ac potum, Christus frangi dicitur, edi, ac potari, propter quandam idiomatum, siue proprietatum communicationem. Neque ineptè dicitur videri corpus Christi, tangi, portari, claudi, proiici, aut cum re quapiam misceri, quod hæc omnia in species cadant, quibus re ipsa Christus Dominus continetur.

IV. Et hæc commodissima est ratio exponendi aliquas antiquorum patrum locutiones, de coniunctione sacramentali Christi cum communicantibus. Non enim satis habuit, inquit ille oris aurei Patriarcha, fieri hominem, aut flagellis cedi & crucifigi, sed nos secum in eandem quasi massam coagmentat, idem corpus efficit, non fide solum, sed re ipsa. Quibus verbis impudentia hæreticorum ora meritò verberentur, ut ait idem Antiochus: qui alibi quoque docet, per cibum, quem Christus largitus est nobis, fieri, ut non solum per dilectionem, sed re ipsa cum illa carne permi-

Quæ vnioni
Incarnatio-
nis respondet
multipliciter

I.
Vide Less I.
II. de Per-
fect. diu. c.
16. n. 129.

2.
3.
4.

5.
Alia compa-
rationes in
eadem rem.

6.

7.

Etiam in cō-
municationis
idiomatum.
1. Cor. 10. 16

Per quam
explicantur
§ 6. Patres.
Chrysostom.
Hom. 83. in
Marth.
Hom. 45. in
Ioan.

ſceamur. Cum enim, inquit, ſuum in nos amorem deſtrare vellet, ſeipſum nobis commiſcuit, & corpus ſuum in nos permiſcere voluit, ut unum quid efficeremur, ut corpus capiti coaptatum: idem eſt vehementer amatum. Sic ipſe. Qui rurfum fideles in perſona Domini ſe alloquitur, Vniui te mihi, atque coniunxi, dixi, me comede, me bibe, & in cælo te habeo, & tibi in terra conſector. & mox, Non vicumque commiſceor tibi, ſed conector, comedo, & in fruſta concido, ut ſumma coniunctio, & commixtio, atque unio fiat. Quæ enim iunguntur propriis retinent terminos; ego verò tibi contexo, nihil volo eſſe medi, vtrique vnum eſſe decerno. Ita Chryſoſtomus. Quæ verba ideo Chriſti corpori tribui poſſunt, quia ſpeciebus conueniunt, quæ cum cæteris miſcentur cibis, & cum iis in humanam naturam tranſeunt, dum glorioſum Chriſti corpus omnis corruptionis perſeuerat expers.

Alexandrinus patriarcha Cyrillus, Quemadmodum, inquit, ſi quis liqueſcente cera aliam ceram inſuderit, alteram cum altera per totum commiſceat reſeſſe eſt: ſic ſi quis carnem & ſanguinem Domini recipit, cum ipſo ita coniungitur, ut Chriſtus in ipſo, & ipſe in Chriſto inueniatur. Verùm hæc ipſa commiſſio non poteſt niſi in ſpeciebus contingere, quæ obnoxia ſunt corruptioni. Ipſum tamen Chriſti corpus, quandiu illæ ſalua ſunt, ubique perſeuerat. Hic idem Cyrillus, cum Nyſſeno Gregorio, ſacramentum hoc modico fermento conferunt, quod non modicam ſubactæ farinæ maſſam fermentat; ita immortale hoc corpus mortale ſubiens, ſuas illi dotes communicat, & immortale reddit, iuxta illud ſeruatoris oraculum, Qui manducat hunc panem viuet in æternum. Vita quippe panis eſt, & cibus immortalitatis.

S. Irenæus in hæreticos carnis reſurrectionem negantes ſic inuehitur. Quando ergo & mixtus calix, & fractus panis percipit verbum Dei, ſit Euchariftia ſanguinis & corporis Chriſti, ex quibus augetur, & conſiſtit carnis noſtræ ſubſtantia, quomodo carnem negant capatem eſſe donationis Dei, qui eſt vita æterna, quæ ſanguine & corpore Chriſti nutritur, & ſit membrum eius? Significat hic S. Præſul, carnem humanam, diuinæ interuentu ſpecierum vnitam, vim & prærogatiuam immortalitatis adipiſci: nec tamen affirmat corpus gloria & immortalitate donatum, aliter quàm per ſpecies corruptioni obnoxias, mortali corpori coagmentari. In illa myſtica diſtributione ſpiritualis alimentæ, ait S. Leo, hoc impartitur, hoc ſumitur, ut accipientes virtutem cæleſtis cibi, in carnem ipſius, qui caro noſtra factus eſt, tranſeamus. Ius videlicet accipimus: communicationis qualitatibus glorioſi corporis, illius qui olim, non ſecus ac nos, humanis perſeſſionibus, mortique ipſi obnoxius fuit.

S. Auguſtinus ait carnem humanam puriſſimæ Chriſti carni vnitam, & vnā eandemque rem cum ea factam, viuere de ſpiritu eius, ut corpus

Bbbb. ij

I. ad Tim.
hom. 13. ſi.V.
Cyrillus
Alex.
L. 4. in Ioa.
c. 17.Gregorius
Nyſſ.VI.
S. Irenæus.
L. 5. c. 1 vide
etiā l. 4. c.
34.

S. Leo.

VII.
S. Auguſti-
nus.

De cōsec. d. de suo spiritu viuit; Quæ vnio reipsa fieri nequit, nisi cum speciebus; & 2. cñ. Christi vita, quæ inde existit, spiritalis est non corporea, gratiæ non naturæ. Hæc quoque est eius oratio in confessionibus eius, quæ sacræ Eucharistiæ, fortasse præter autoris mentem, accommodantur. *Cibus sum grandium, cresce, & manducabis me. Non tu me in te mutabis sicut cibum carnis tuæ, sed tu mutaberis in me.* Nimirum huius diuini cibi qualitates indues, si esq; humilis, mitis, patiens, & diuino Amore abundabis, sicut ipse Dei filius. Denique S. Hilarius ait Seruatorem non solum in nobis esse, per veritatem humanæ naturæ à se assumptæ, sed naturaliter quoque per Eucharistiam manere in nobis: quia videlicet tandiu manet in nobis, quandiu naturaliter species inuiolatæ seruantur.

VIII.
Vnio non fit
nisi per spe-
cies.

Itaque non videtur necessarium admittere corpoream aliquam vnionem, eius qui recipit Eucharistiam cum beato illo corpore ac diuino, nisi interposito specierum: quod clarè videtur dixisse S. Cyprianus in aureo illo libello de Cœna Domini. *Panis, inquit, hic azymus cibus verus & sincerus per speciem & sacramentum nos tactu sanctificat, fide illuminat, veritate Christo conformat.* Audis tactum per speciem? Hæ igitur species non difficilem reddunt expositionem eorum, quæ à sanctis Patribus exaggeratius circa hoc mysteriū dicuntur, ad confutandam eorum hæreticorum impudentiam, qui multis post seculis realem Christi præsentiam erant negaturi.

CAPVT XI.

Eadem vnio Eucharistica, eiūsq; primarij fructus ex communi Ecclesiæ doctrina, explicantur.

I.
Differentia.
vñs & effe-
ctus sacra-
menti.

SEd placet paulo accuratiùs hanc explicare doctrinam, & docere alium esse vñm ab huius effectu sacramenti. Etenim vñs in sumptione consistit, per quam species & in ipsis Christus demittitur in stomachum, in eoque Christi corpus reipla contingit recipientis corpus, sola sacramentalium interiectione typorum; qui vñs bonis est malisque communis; at in effectu magna est vtrorumque distantia. Notus enim est hymnus ille Doctoris Angelici,

De Cœna
Domini.

*Sumunt boni, sumunt mali,
Sorte tamen inequali
Vita vel interitus.*

Nec ignotum illud S. Cypriani, *Sacramenta quidem, quantum in se est, sine propria esse virute non possunt, nec vñlo modo diuina se absentat maiestas mysteriis: sed quamuis ab indignis se sumi vel contingi sacramenta permittant, non possunt tamen spiritus esse participes, quorum infidelitas vel indignitas tanta sanctitudini contradicit.* Vides vñm ab effectu sacra-

menti huius à S. Martyre esse distinctum? Non est autem positus hic effectus, in producenda coniunctione duarum naturarum, qualis est materiae & formae, quae cum imperfectae sint, ad compositum vnum perficiendum concurrunt; recipientis enim & recepti naturae perfectae sunt ambae. Neque positus est in conficienda vnione personarum, conuiuium inter & diuinum hunc cibum: ea enim ne in resurrectione quidem continget, quando interior erit cum Seruatore corporum animorumque coniunctio, quam nunc in Sacramenti communione contingat. Denique non consistit hic effectus in transformatione naturali vnus corporis in alterum, alterutrum enim in alterum verteretur, & vel diuinum fieret corruptionis particeps, vel incorruptionis humanum.

Addamus illud quoque; si in receptione Eucharistiae alia quapiam vnio corporea contingeret, ab ea quam dixi per contactum & commistionem specierum contingere, huiusmodi vnio vel fieret cum toto corpore communicantis, vel cum ea parte dumtaxat quam species attingunt: non cum toto corpore, quia partes quae coniungi debent, omnes aliae aliis praesentes esse debent & contiguae, vt cohaerere possint; cum tamen Christi corpus particulam tantum stomachi contingat; neque sit vnio cum illa tantum corporis parte quae attingitur. Quid enim probabilitatis, os, linguam, stomachum, potius quam cerebrum, cor, pulmones, oculos, tam praestanti vnione gaudere. Quod si quis dixerit Christi corpus totum hominis corpus perfundere ac permeare, vt cum omnibus eius partibus vniri possit, temere profecto dixerit. Seruatoris enim corpus ibi est dumtaxat vbi sunt species, quas perpetuo comitatur, quae certum quendam occupant locum, nec ab eis vsquam digreditur donec fuerint viuentis calore consumptae.

Panis iste communis, ait S. Cyprianus, in carnem & sanguinem mutatus, procurat vitam & incrementum corporibus. Ideoque ex consuetore rerum effectum fidei nostra adiuua infirmitas, sensibili argumento edocta est visibilibus Sacramentis inesse vitae aeternae effectum, & non tam corporali, quam spiritali transiitione Christo nos vniri. Audis vnionem, ac transiitionem spiritalem, quod ad effectum attinet, corporalem autem quod ad vsum, qui illi dignitate cedit ac fructu. Eadem paulò post explicat luculentius. Panis iste, inquit, quem Dominus discipulis porrigebat, non effigie, sed natura mutatus, omnipotentia verbi factus est caro, & sicut in persona Christi humanitas videbatur, & latebat diuinitas, ita Sacramento visibili, ineffabiliter diuina se infundit essentia, vt esset religioni circa Sacramenta deuotio, & ad veritatem, cuius corpus & sanguis Sacramenta sunt, syncerior pateret accessus, usque ad participationem spiritus, id est spiritalis gratiae, & coniunctionis; nam subdit. Non quòd usque ad consubstantialitatem Christi, sed usque ad societatem germanissimam eius hac vnitas peruenisset. Solus quippe Christus patri consubstantialis est, nec diuisibilis est, nec partibilis substantia Trinitatis. Nostra verò & ipsius coniunctio nec miscet per-

II.

Vnio Christi
non fit in eo
corporaliter.

III.

Sed spiritaliter ex S.
Cypriano.
Lib. de coena Domini.
post init.

sonas, nec vnit substantias, sed affectus consociat, & confœderat voluntates. Hæc magnus ille Antistes, pene ex seueriore Scholasticorum disciplina.

IV. Consociantur porro affectus, & confœderantur voluntates, per gratiam, quam Seruator suis largitur conuiuij, quæ partim propria est & peculiaris huius conuiuij, partim eûm cæteris communis Sacramentis. Et sicut cibus, dum corpus nutrit, illi vnitur ac concrescit, ita & gratia, quæ est animi cibus, Christum animo dignè recipientis coniungit; in hoc maximè Sacramento, quod ab autore suo in formam cibi fuit institutum, & re ipsa autorem ipsum gratiæ & fontem continet. Et sicut cibus dum transit in stomachum, corpus totum sensu quodam delectationis afficit, ita & sacer hic cibus corpus subiens, animum delectabili consolatione permulcet. Et sicut Spiritus sanctus, qui iustorum animas inhabitat, ad virtutum actiones, & feruidæ dilectionis suauiter impellit: ita & Verbum per corpus suum, perque species quibus obtegatur, quæ sunt instrumentum mysticè coniunctum, & ad nobiliores effectus eleuatum, piam & attentam voluntatem ad suauissimos delectationis actus mouet, & ad omnia quæ sunt diuini cultus pro pensam reddit.

V. Hoc diuinum instaurandæ vitæ ferculum, aliam etiam confert pijs ac religiosis hominibus utilitatem. Sicut enim escæ istæ communes corporis vitam conseruant, virésque reparant, quæ vi caloris natiui perpetuè deperduntur; ita gratia, quæ per communionem acquiritur, spiritalem animi vitam conseruat, eiúsque vires instaurat, ne à lege peccati, & innata in vitium procliuitate penitus consumantur. Itaque qui Domini mensam frequentant, multò cæteris facilius & conseruant gratiam, & tentationibus resistunt. In cuius rei figuram illa vitæ arbor, quæ medium innocentiae domicilium quondam occupabat, mortis potestatem infrungebat; & subcinericius ille panis, quem Angelus dedit Eliæ, tantas contulit Prophetæ vires, vt itineri quadraginta dierum, vsque ad montem Dei Horeb, sine alio cibo sufficeret. Diuina præsentia tentationes affligit, atque debilitat, & immundos spiritus vertit in fugam, qui quasi improba, & fugitiua mancipia, in præsentia Heri contremiscunt; aut quali latrones in conspectu præfecti rerum capitalium.

VI. Vtilis etiam est corporibus communicantium Sacramentalis ista coniunctio, vt plerique sanctorum Patrum obseruarunt, monimentisque prodiderunt. Cyrillus enim Hierosolymitanus corpus & animam ab hoc sacro mysterio sanctificari testatur. Ioannes Damascenus, ait illud cedere in animi corporisque præsidium, iis qui illud dignè percipiunt, & tendere ad animæ corporisque nostri incolumitatem. Chrysostomus aduersus iræ perturbationem disputans, *Quomodo*, inquit, *à tam pernicioſa peste liberabimur: si calicem Domini biberimus, qui ver-*

Per charitatis affectum, qui ex cibi proprietate declaratur.

Et proficitur ac religiosis hominibus utilitatem. Sicut enim escæ istæ communes corporis vitam conseruant, virésque reparant, quæ vi caloris natiui perpetuè deperduntur; ita gratia, quæ per communionem acquiritur, spiritalem animi vitam conseruat, eiúsque vires instaurat, ne à lege peccati, & innata in vitium procliuitate penitus consumantur.

Gen. 3. Figuris declaratur. 3. Reg. 19. 6.

Chrys. ho. 45. in Ioan.

Et patrum autoritate. Catech. 4. myst. 1. 4. c. 14.

lib. 4. in Ioan. c. 17.

omnes qui intra nos sunt, serpentisq; mortificat. Cyrillus Alex. *Diuina*, inquit, *benedictione participa*, qua non mortem solum, verum etiam morbos omnes depellit. Sedat enim, cum in nobis maneat Christus, sauientem membrorum nostrorum legem, pietatem corroborat, perturbationes animi extinguit, agrotos curat, collisos redintegrat, &c. Nyssen denique Gregorius vocat Sacramentum hoc medicamentum salutare, quo vitioſæ corporis affectiones curantur.

Ex his aliisque sanctorum dictis in eandem sententiam, intelligi potest hunc diuini corporis contactum, in dies minuere inſitam corpori propensionem ad culpam, & carnem paulatim efficere spiritui obsequentem. Et sicut Dei Verbum, quod spiritus est, animo conciliat vim singularem, sic sanctissima eius humanitas corpori eximiam munditiam largitur; vim quoque & alacritatem ad ieiunia, ceteraſque corporis afflictationes perferendas: & ad nobilissimas religiosorum corporum dotes disponit. Quod si Iustitia originis, quæ spiritalis erat, ad corpus quoque pertinebat, sic vt degustato vitali fructu, à mortis imperio, à tædio, à defatigatione eximeretur: exigit profectò ratio, vt qui castè ac purè Christo in hoc Sacramento iungitur, singularem id ei alacritatem conferat, ac vigorem, ad virtutum actiones, & carnis contumaciam deterendam.

VII.
Conclusio de
iisdem cor-
poris com-
modis.

CAPVT XII.

*Alia quedam singularis & realis unio Christi Domini in
Eucharistia, cum selectis amicis suis.*

QVÆ dicta sunt hactenus de coniunctione Christi Domini cum fidelibus in admirabili Sacramento, ad eam vnionem pertinent, quæ dicitur per affectum; qua quicumque dignè ad diuinam mensam accesserint, vi huius Sacramenti, Christo Domino per affectum charitatis vniantur, vt paulò antè, ex S. præsertim Cypriano dicebamus. Quidam tamen pietate & doctrina insignes Theologi, qui vulgò Mystici appellantur, qui familiarius ad diuinæ sapientiæ, & bonitatis penetralia sunt admissi, aliam quandam vnionem in eiusdem Sacramenti participatione concedunt, quam realem, immediatam, & substantialem vocant. Qua in re hòc maiorem merentur fidem, quòd non solum doctrina præstant, & in antiquorum ac recentium Theologorù scriptis studiosè sunt multùmque volutati, sed quod caput est, ex propria, vt apparet, loquuntur experientia, quam minimè fallacem esse, eorum erudita sapientia, pietasque demonstrant.

Aliunt ergo præter eam vnionem, quæ fide per affectum amantis ad amatum stabilitur, èstque omnium dignè communicantium commu-

I.
Transitus
ad doctrinam
mysticam.

II.
Realis cum

*Christo unio
in Eucharis-
tia.*

Thomas à
Iesu de or.
diuina l. 4.
c. 27. & seq.

nis, aliam quandam admirabilem cum Christo vnionem, planèque diuinam contingere; quæ non solum per Charitatis affectum fiat, sed per effectum etiam, & realem purissimarum mentium cum Christo coniunctionem; ad quam ab illa per singularem Dei benignitatem feliciter aliquando transitur, sicut in oratione diuina à contemplatione, ad realem cum Deo vnionem atque complexum nonnunquam peruenitur. Et quamuis Christus, in hoc diuino epulo, mediis speciebus reipsa sit intimè præsens corpori, & animo ritè eum suscipientium, hæc tamen vnio realis dici nequit, quamuis receptio sit realis, quia præsentia eius fide creditur, non gustatur, neque experimento percipitur, vt in reali illa & ineffabili coniunctione, quæ defæctis tantum mentibus, & Christum ardentissimè desiderantibus euenire solet.

III.
*Cuiusmodi
ea sit.*

*ex parte
Christi.*

ex anima.

Hanc autem felicissimam vnionem nihil aliud esse dicunt, quàm intimam manifestationem ipsius Christi præsentia in hoc Sacramento latentis, non tam per visionem aut reuelationem, quàm per amplexus dulcissimos, quibus animam ita ineffabiliter ac suauiter adstringit, vt ipsa realem eius præsentiam, oscula, & amplexus certissimè percipiat, cuiusque bonitatem, & ineffabilem dulcedinem in suo fonte degulset. Hæc vnio mirabilis, si ex parte Christi consideretur, nihil aliud est quàm illapsus, siue manifestatio ipsius Christi, occultè in Sacramento existentis, se tamen ostendentis purgatissimis mentibus, sub ratione summæ lucis, & quodam ineffabili contactu ad carnem spiritumque pertingentis; qui contactus nihil aliud est, quàm dulcissimus amplexus & deosculatio Christi, qua sponsam dilectissimam suauatur. Ex parte verò animæ, est mutus amplexus, quem consequitur experimentalis ipsius Christi perceptio, per quam spiritalis dulcedo in ipso Deo possidetur. Ea porro perceptio nullius hominis meritis, aut dispositioni respondet, cum sit gratia gratis, & ex mera Christi liberalitate, paucissimis concessa.

IV.
*Quibus con-
suetudatur.*

*Christum
posse tangi.
Vide Aug.
ser. 155. de
temp. &
Leon. epist.
10. c. 5.
Matt. 26. 9.
Ep. 1. 1.*

Addunt intimam hanc Christi cum anima coniunctionem, dici spiritale matrimonium, quod per Charitatis affectum contrahitur, per illapsum verò Christi in animam, & per eius amplexum consummatur; quæ est suprema vnio animæ cum Christo, & maxima omnium, quæ cum eo possunt in hac vita contingere; ad quam illi tantum admittuntur, qui rebus aduersis, & tentationibus tanquam aurum in fornace diu exerciti ac probati, digni inuenti fuerint, quibus sponsus amantissimus Christus præsentiam suam diutius occultare non possit. Neque absurdum est Christi corpus in hac vnione tangi, palpari, sentiri que diuina virtute posse: quamuis gloriosum sit, admodumque subtile. Se enim Christus Apostolis præbuit à resurrectione palandum, quod profectò non faceret, si palpari non posset: & sanctæ mulieres post resurrectionem tenuerunt pedes eius, & adorauerunt: eoque referri potest illud Ioannis, quod manus nostra contrectauerunt. Itaque caro quoque eorum qui

qui ad hanc felicissimam vnionem admittuntur, sentit ineffabili contactu Christi præsentiam. Quamuis enim in Sacramento tangi ac percipi non possit, diuina tamen virtute fit vt tangat & tangatur; neque solum à purissimis mentibus, sed ab eorum etiam carne immediatè percipiatur.

Explicant etiam quæ sint, tempore illius manifestationis, vitales actiones, tam ipsius intellectus, quàm voluntatis humanæ. Tunc enim intellectus ita sentit ac vitaliter percipit Christi præsentiam, nulla vt ratione dubitare possit Christum esse ipsius spiritui unitum, licet cum clare, atque, vt aiunt, intuitiue non conspiciat, quomodo amici præsentiam etiam in tenebris agnoscere possumus. Ergo tempore huius illapsus, visio intellectualis oculi diuinitus eleuati in ipsum Christum terminatur, non tantum vt ibi præsentem, sed vt per diuinum illum amplexum intimè coniunctum. Itaque intellectus fit omnino certus de præsentia Christi, tam sub speciebus Sacramenti, quàm sibi arctissimè coniuncti, vt eam præsentiam tunc cernere potius & experiri, quàm credere videatur.

Voluntas autem, tempore illapsus eiusdem, Christum sibi præsentem dulcissimè amplectitur, eoque summa cum voluptate fruitur. Et sicut beatitudo cælestis in manifesta Dei visione, & vnione intellectus & voluntatis cum ipso posita est, ita ista vnio, siue Christi vitalis perceptio, quæ beatitudo inchoata verè dici potest, nihil aliud est, quàm vitalis Christi perceptio, in Sacramento existentis, quem vtraque facultas immediatè cõtigit; sunt enim eæ quasi duo brachia, quibus anima Christum complectitur, eique coniungitur. In qua vnione, anima, præ amore extra se rapta, soporatur somno placidissimo, eiusque tam externi, quàm interni sensus penitus absorbentur. *Istud profectò epulum, ait Bernardus, omnium est deliciosissimum, superenâque omnium felicitas, qua in hoc mundo sponsa contingere potest. Gustus enim quidam est celestium voluptatum, & fructio amplexus Christi. Istud est quod præ omnibus sponsa desiderat. Verùm pro dolor! adeò raro, adeò tenuiter ac momentaneè hac illi suauitate frui licet, vt eam priusquam se percepisse sentiat, amittat.* Ita Bernardus.

Hic ego, noua profectò narras, mi Amor, paucisque nota mysteria. Vt pene libeat cum Atheniensibus illis Philosophis dicere, Possumus scire quæ est hac noua, quæ à te dicitur doctrina? noua enim quedam inferis auribus nostris. Profectò, inquit Amor, vt noua sint maximæ parti mortalium, certè quæ à sanctis patribus enunciata, ipsoque Christo promissa sunt, noua dici non possunt. Ad hanc enim quorundam sanctorum experientiam referri potest illa cognitio, quam promissit Seruator, paulò post institutam Eucharistiam, de qua S. Hilarius hæc ipsa verba interpretatur, *In illo die vos cognoscetis, quia ego sum in patre meo, & vos in me, & ego in vobis, & quidem non obscura illa cognitione*

V.

Actione intellectus
p 622 &
seqq.

VI.

Et voluntas
115.

qua Christo
fruitur.
In Canonicis.

VII.

Eadem vnio
confirmatur
A V T O R.
Act. 17. 19.

Ioan. 14. 20
1. 9. de Trin.
ant. med.

dumtaxat, quæ habetur per fidem, & est omnium fidelium communis, sed multò illustriore, Christo se apertius suis manifestante. subdit enim paulò post, *Ego diligam eum, & manifestabo ei meipsum*. Eodem referri possunt non pauca sanctorum Patrum sententiæ allatæ superius, quas iterare non est necesse; & possunt ab ipsis mysticæ Theologiæ doctoribus peti, Hugone, Bernardo, Bonaventura, Richardo, Gersono, Taulero, aliisque recentioribus, quos apparet, ut dixi, ex propria experientia potius, quàm ex nuda contemplatione locutos.

CAPVT XIII.

Conclusio vnionis Eucharisticæ, cum querela humana circa hoc Sacramentum negligentia.

I. **R**EGREDIAMVR itaque ad tritam omnium fidelium vestigiis viam, circa vnionem Eucharisticam, de qua illud libenter addiderim; rem vnâ alteri copulari posse, siue ut eius naturam constituat, siue ut sit principium actionum eius. Anima enim rationis particeps non solum constituit hominem, sed influit etiam in omnes actiones eius. Ipsi enim beneficio homo videt, audit, ambulat, ratiocinatur. Eodem modo Verbum diuinum dat humanitati suæ esse diuinum, & actiones, quas sancti patres theandricas appellauere. Cæteris autem hominibus non ita se coniungit, ut eis tribuat esse diuinum; essent enim omnes dii, sicut ipse: sed ita se dat ut cum eis fiat principium actionum humanarum, iuuetque creatas facultates, ut rectè cum Christo cooperentur. Sic esca bonitas cum calore vitali sunt principium vnum commodæ nutritionis. Sic Deus infusus intelligentiæ beatorum, lumine gloriæ illustratæ, cum eorum mente concurrat ad actum beatæ visionis, & dilectionis eliciendum. Denique talis est ista coniunctio, qualis est motoris cum re mota intimè coniuncti, puta Angeli cum cælo, quod diurno ciet nocturnoque motu, vimque suppeditat aliqua in terris viuientia procreandi. Ergo & qui adhæret Deo, quod ad animum attinet, vnus spiritus est cum eo; quod ad corpus autem, vnum fit cum eodem principium actionum sanctarum.

II. Vnde igitur, ô amantissime Seruator, ortum est tibi desiderium tam admirabilis vnionis cum hominibus, per quam sanctissimum corpus tuum, beatissimus animus tuus, ipsaque diuinitas, reipsa mortalium corpora subeunt, ut cum ipsis affinitate ac consanguinitate iungaris? nõne ex amore vnionis appetente? Cibi enim & potus formam appetisti, quæ ita cum recipiente iunguntur, ut in eius substantiam naturamque vertantur, ut eadem opera doceres velle te diuinam carnem hu-

I.
*Christus in
Eucharistia
fit principium
bonarum
actionum.*
Suar. t. 3. d.
64. f. 1.

*Ut cibus, &
motor inti-
mus.*

Arist. 2. cœ-
li.

1. Cor. 6. 17.

II.
*Ex amore
vnionis,*

manæ coniungere, vt huic illa mederetur, & animam sanctissimam peccatrici, vt hæc ab illa contraheret sanctitatem, humanitati denique diuinitatem, vt hæc illam gubernaret, essetque principium coniunctum operum, quæ naturæ vires longè multumque transcendunt. Ita voluisti, itaque fit in multis electis, & primariis amicis tuis.

Sed proh dolor! quàm multi sunt in vulgaribus istis amicis tuis, qui meritò obstupeſcant, & altiùs ingemiscant; qui videant ignem ita feno in fornace iungi, itaque illud possidere, ac reddere iuris sui, vt cum eo calorem suum, leuitatem, luménque communicet, molle id reddat ac tenerum, & ita flexibile, vt artificis ductum sequatur, quocunque torserit. E contrariò sciant te esse sancti amoris incendium, mensam tuam fornacem accensam; se autem esse ferri massam, quæ neque ad animi dolorem molliatur, neque luce bonorum operum fulgeat, neque sensu pietatis & charitatis incalſcat; obtorpeat potiùs in exhibendo tibi famulatu, & duricie proprii iudicij, propriæque voluntatis rigescat. Demirantur quid hoc sit prodigij, quod ignis, qui ex altari tuo refilit, tanquam ex Babylonica fornace, tot circumquaque animas pietate præstantes illuminet, atque accendat; nonnullæ tamen, quæ ab eo propius absunt, tam exiguum calorem percipiant: cùm fornax illa Babylonica flammæ in altum ad cubitos tantum 49. excuteret: ex altari autem prorumpat amoris incendium, quod elementa omnia, cælósque transgressum, ad ipsius Dei thronum euolet, ibique tanquam in proprio loco conquiescat.

Philosophi asserunt elementum ignis infinitum esse non posse; neque malè, vt arbitror, ratiocinantur. Tantam enim habet vim agendi, tantumque feruorem, vt facilè reliqua omnia elementa consumeret, & quidquid ex eorum commistione constat. Si amor ignis est, si Deus infinitus est amor, quomodo igne isto non deflagrant omnia? quomodo ij saltem non inardescunt, qui Deum propiore quasi cognatione contingunt, qui ei tot votis sunt totque ordinibus obligati, & ad illam ipsam fornacem quotidie appropinquant. O improbam voluntatem pestifero amoris proprii veneno afflatam! vnde tibi tantum virium, vt possis, tanta duricies, tantæque malitia, vt velis & audeas resistere tantæ diuini amoris deflagrationi?

Nec minorem habet homo materiam querelarum, in Eua Adami sui perditrice, id est in carne sua, ad sensuum oblectamenta mirum quantum propensa. Hæc, quam, diuina illa Verbi carne vel semel contacta, oportebat esse auro è fornace prodeunte puriorem, crystallo nitidiorem, stellis ipsis illustriorem; quam ratio postulare faciam molliſſima cera tractabiliorem, ipsa pene pietate religiosiorem, denique à corporum lenociniis, ipsis mortuorum corporibus alieniorem: eas tamen ipsas adhuc blanditias misera conſectatur, ac spirat, & sine ipsius vitam istam acerbam putat. Itaque par esset illam ingenti pudore

III.

Querela
quod pauci
diuino igne
caleſcant

IV.

Tanto præ-
serim.

V.

Querela de
carne deli-
ciarum au-
da.

c. 6. v. 6.

suffundi, ac percelli timore, quod cum permodica, aut nulla morum emendatione, tam sæpè se sanctissimo huic ac diuino epulo sistat. Volauit ad Esaïam vnus de Seraphinis, & calculo, quem forcipe tulerat de altari, tetigit Prophetæ labia, & abstulit iniquitatem eius; quomodo ergo corpus, quod tam sæpè peruasit diuinus ille ex altari calculus, non illud penitus emundauit, ac restituit sanitati?

VI.

Et preces pro
eius cura.

O te miseram, ô te infelicem caro peccati, quando perfectè ab illa ægritudine sanaberis, qua olim infecta es in illis deliciarum hortis, in quibus primus parens, cum vaferrino pugnans hoste, succubuit, sibi-que, ac toti humano generi iustitiam originis perdidit. O sanctissime salutis humanæ restitutor, quoniam unius expedire hominum bono tibi visum est hanc funditus exhaustire sentinam, dum mortalis hæc vita decurritur; illud certè perfice, vt ne illa ad se pertrahat voluntatem, eamque pelliciat ad consentiendum cupiditatibus suis, ad repugnandum mandatis tuis, & resistendum verissimis commodis suis. Imminue atque infringe quotidie vim morbi huius, atque malitiam; & ex hac procluitate ad ægotandum, & sacrosancto cibo tuo, quasi ex duobus pharmacis compone medicamentum salutare, theriacum antidotum contra peccati venenum, illius præsertim, quod cum diuina puritate tua maximè pugnat.

VII.

Interuentu
diuini sibi.

Tu Domine cibus es, qui non mutaris in illum à quo recipis, vt miser, terrestris, ac voluptarius fias, sed illum in te mutas, vt spiritalis, cælestis, ac beatus euadat. Cum ergo natura, ingenti caloris interuentu, cibum ter concoquat, tæque digerat, priusquam illum sibi perfectè vniet; effice tu quoque vt hæc natura, quæ tibi perfectè coniungi, ac coherere debet, prima concoctione ab inordinato caducarum rerum amore, per voluntariam paupertatem purgetur; altera, vt ab eorum cupiditate mundetur, quæ suadentur à sensibus, voluptatis amore deprauatis, per Angelicam animi corporisque mundiciem: tertia vt à superbia proprii iudicii, propriæque voluntatis libera euadat, per votiui obsequij sanctitatem; supernaturalis ac diuini caloris interuentu, & illius charitatis, quæ animas emundat, purificat, illuminat, ac iungit Deo, iungétque in pignus inseparabilis, ac gloriosæ vnionis, quæ aliquando in æterna vita continget.

CAPVT XIV.

Deum rebus omnibus à se creatis diuino amore esse coniunctum.

I.

Proprietates
sunt in suis
principiis
perfectiores.

PERSPICUA res est ac per se illustris, lucem ipsiusque; natiuas proprietates multò in sole perfectius, tanquam in primaria earum causa, primòque principio reperiri, quàm in cæteris inerrantibus stellis, immotisque;

syderibus; multo que etiam magis, quam in terrenis corporibus luminosis. Facile est intelligere calorem, & qualitates, quæ ex eo proficiuntur, in igne potius abundare, quam in cæteris terrenis concretisque corporibus; ignis quippe fons est & prima origo caloris. Idem de improbissimo cacodæmone dici potest, ut omnis autore atque inuentore malitiæ, qui quotidie, atque adeo continenter machinatur aliquid mali, qui totis viribus homines ad peccandum impellit, eorumque malitiam, & peruersas voluntates per se suosque artificiosè promouet.

Cum igitur quæ posita sunt ac declarata superius ostendant amorem, qui inter res creatas inuenitur, esse coniunctionis atque vnionis appetentem, facile est intelligere Deum principium bonitatis vniuersæ, fontem diuinæ charitatis, maiorem in se vim huius amoris continere, eamque in operibus suis patefacere, quam possit ullus hominum aut angelorum: patefacere autem præclaris vnitionis modis, ac cognitione dignissimis, qui simul eius in homines amorem produnt, & hominum in Deum amorem prouocant. Erat quippe rationi consentaneum, eum qui quasi centrum est omnium rerum creatarum, radios omnem in partem distribuere ad circumfusam extremitatem, eique se circumquaque colligare: & esse instar speculæ mali, ad quam funalis omnis apparatus noctæ nauigationis adstringitur, dum in mundi huius oceano vela facimus. Denique ipse est quasi umbilicus, quo nituntur & continentur in gentes illi cæli fornices; qui si abesset, omnes illico hinc inde dissilirent, aut in illud ipsum nihilum abirent, vnde à principio extiterunt.

Id nunc breui nobis oratione representandum est, docendumque Deum, ut se huius studiosum vnionis ostenderet, voluisse omnibus rebus creatis inesse & quasi insidere, & singulis, pro eorum captu, gloriæ ac lætitiæ segetem ministrare. Deus est in rebus omnibus potestate, aut si mauis, in Dei potestate sunt quæcumque aliquem entis gradum quoquomodo participant, summum quippe illius ius est in omnia, summæque iurisdictio, ut de iis pro arbitrio statuere possit atque decernere, quocunque aut tēpore capiantur, aut loco. Quo modo omnes subditi regis, in eius sunt potestate, maximè quandiu regni finibus continentur. Sed singulari etiam modo res omnes diuinæ subiacent potestati, qua illis potestate dedit ut essent, eadem illud ipsum esse tueretur ac fouet, ne si quo modo cesset conseruatix illa potestas, per singula momenta ad suum illud quod dixi nihilum redeant, atque deficient.

Secundo loco creata omnia in Deo dicuntur esse per præsentiam, aut in diuina esse præsentia; quia Deus perpetuo singulas intuetur, non humano more, quorum oculis externa tantum patent, sed diuino, qui intima quæque peruatit ac perscrutatur ad minimum vsque apicem. Itaque nuda illi atque aperta sunt, quæcumque patent ac latent, cor & facies, manus & conscientia, *nec est vlla creatura inuisibilis in conspectu eius, ut* Hebr. 4. 13. ait Paulus Apostolus. Quod si beati res creatas contemplantur in Deo,

II.

Ergo bonitatis & amoris proprietates in Deo sunt.

III.

Deus in omnibus est potestate.

IV.

Præsentia.

vt in speculo, quomodo Deus, qui per immensitatem suam vbique est, & vbique est clarissima intelligentia, omnia perspicue non videbit? quæ tenebræ illi cuiuspiam rei conspectum poterunt suffurari, cum in eo

1. Ioan. 1. 5.

1. Tim. 6. 16.

V.

*Omniæque
essentia sua
immensitate
permeat.*

Diuina potentia, qua fit vt Deus sit in omnibus rebus, & sapientia cuius opera omnia intuetur & cognoscit, perfectam Dei cum rebus coniunctionem non efficerent, nisi beneficio immensitatis naturæ suæ, omnia vndique permearet, & omnibus omnino quæ sunt præsentem efficeret; sicut aqua demersam spongiam omni ex parte peruadit, & illi vndique intus forisque copulatur. Sic animus, sanguis, & calor per omnia viui corporis membra sparguntur; cum hoc tamen discrimine quod animus forma corporis est, Deus non item: sanguis autem & calor partes habent, quæ singulis corporis partibus respondeant, Deus autem, cuius pars nulla est, totus est in quauis parte rei creatæ; quo modo etiam angelus, cuius natura indiuidua est atque simplex, totus est in qualibet parte corporis occupati; sed angelus certo definitur loco, Dei autem immensitas efficit, vt non solum toti mundo, quem replet quodammodo coextendatur, sed in omni spatio sit, quod extra cælestes orbis imaginatione distenditur, quodeunque enim punctum aut spatium animo fingi potest, ad illud pertinet, in eoque reuera existit diuina immensitas. Et sicut mundus hic non est in spatio creato, alio à quantitate & extensione sua, ita Deus nullo est in spatio reali, nisi in eo, quem illi sua definiuit immensitas.

¶ Vide Less.
de Perf. l. 2.
n. 13. & 15.

VI.

*AVTOR.
An id vi
amoris veni
tis cōingat.*

Verum enimvero, inquam, Apparet sanè hanc vltimam partem disputationis tuæ non admodum ad institutum tuum pertinere. Neque enim ista Dei coniunctio, cum rebus ab ipso creatis, amoris vniuersalis argumentum est, aut amicæ voluntatis effectus, sed ingenuæ immensitatis, ex qua necessarium fit vt insit rebus omnibus quæ sunt, quæ viuunt aut moueantur, iuxta illud Apostoli, *Non longè abest ab vnoquoque nostrum; In ipse enim viuimus & mouemur, & sumus.* Obiicis tu quidem eleganter, ait Amor, neque negari potest hanc coniunctionem proximè ex diuina immensitate proficisci, eandemque necessariam esse atque naturalem; sed quæ fuit necessitas Deo producendi res, quibus productis necessario inesset? Si Amor prioris effectus, qui est ipsa rerum productio, causa est, et etiam posterioris, qui est inexistere productis rebus; quod enim causæ causa est, vt philosophi aiunt, est etiam causæ effectus. Libera est Deo rerum creatio, libera & conseruatio; quandiu tamen eas aut esse placuerit aut conseruari, necesse est Deum in illis, propter suam immensitatem existere.

Act. 17. 27.

A M O R.

VII.

*Aut ex ne
cessitate na
tura.*

Itaque non tollit voluntatem, aut amorem ista necessitas, sed eam ex accidente sequitur, propter conditionem naturæ diuinæ; prius enim natura est rem à Deo produci, quàm ipsum in ea existere. Qui comedit, liberè comedit, & ex propriæ conseruationis amore; at nutritio necessario

fit, natiuo calore in cibum necessariò agente, liberè tamen nutriri dicitur, qui liberè comedit, & cōseruationis amor rectè causa dicitur vtriusque. Deus amore hominum produxit homines, cōseruâtque productos voluntaria beneuolentia; & à cōseruatione pro arbitrio abstinet: si tamen cōseruare placuerit, necesse est eum propter suam immensitatem illis inesse. Est itaque Deus in nobis, non solum vt gradiatur nobiscum, vt olim cum Hebræis, sitque dux & comes peregrinationis nostræ, sed vt intimè sit in nobis, eaque coniunctio in omnem perseueret æternitatem.

Jerem. 14. 9.

Exod. 34. 9.

Hinc perspicuè cōsequens est, si in nobis sit ipsa diuinitas, ipsas quoque personas, in quibus illa substitit, in nobis etiam esse, vna cum infinita illa potentia, sapientia, bonitate, maiestate, cæterisque perfectionibus, quæ illas comitantur, & in nobis quamuis tectas, amari, coli, atque honorari oportere. Regia quippe maiestas, vbicunque eam esse contigerit, honorari debet, quamuis conopæo tecta sit, neque vultus eius cernatur. Quomodo igitur non agnoscimus illum oculum, qui cogitationes omnes nostras, actionesque, non à longè, aut à summo cælo intuetur, sed ex proximo & continenti loco, ita vt interior esse non possit? Quomodo diuinam illam manum non sentimus, quæ nos surgere aut sedere volentes erigit atque inflectit? qui pulmonibus respirationem, cordi vitam, calorem & motum, cæterisque omnibus corporis membris, cum animo nostro suggerit atque impertitur. Neque enim in nobis otiosus est Deus, sed nobiscum omnia gratiæ opera naturæque perlibenter exequitur.

VIII.

Diuinae personæ esse in homine.

Agnoscendæ quoque in Deo creatæ res omnes; eas quippe omnes amplectitur, sustentat, intimèque peruat; itaque cōseruat, vt is impressam cōseruat imaginem, qui sigillum in aquis imprimit, aut qui se speculo præsentem exhibet. Sic in aëre, vel aqua effusa lux, à corpore luminoso pendet, & à tactu fidium concentus harmonicus, & à præsentia cibi palati voluptas. Deus est qui sigillum imprimit similitudinis suæ in aquea mutabilitate rerum creatarum. Ipse est à cuius præsentia animus, diuinitatis imago, in corpore mortali pendet; qui cōseruat in nobis lumen humanæ intelligentiæ, vt sol in diaphano corpore claritatem. Ipse est qui contactu suo omnium partium humani corporis concentum tuetur ac regit; ideòque membra omnia, quasi fides in cithara, ad gloriam eius celebrandam, intendi par est. Ipse denique est, à cuius amœnissima, suauissimaque præsentia, tanquam ex cœlestis manna gustu, pendet vera dulcedo atque hilaritas, quæ ad palatum animi nostri, cum suauitate affluit atque illabitur: à qua si discesseris fallax est omnis voluptas, inanis omnis sensuum animorumque delectatio, illique per similes, qua quis epulatur in somnis, & mox cum integra fame illusos expectat.

IX.

Omnia creatæ in Deo esse, & cōseruari.

CAPVT XV.

*Singularis Dei cum amicis suis coniunctio, diuine gratie
interuentu.*

I.
*Huius &
precedens
unionis dif-
ferentia.*

CONIUNCTIO quam regia, ac plane diuina magnificentia exercet cum rebus omnibus à se conditis, quæ cælo ac terra, ipsisque inferis continentur, quas autoritate sua regit ac potestate, quas intus ac foris perspicaci sapientia contemplatur, quas naturæ suæ immensitate vndique permeat ac sustentat; Hæc, inquam, coniunctio argumentum est magni amoris parentis huius vniuersitatis, qui creata omnia fouet, sustentat, atque complectitur, quasi genitos à se filios, nullo discrimine pulchritudinis aut deformitatis, vilitatis aut precij. Animatis inest atque inanimis, materia carentibus ac materiatis, bonis denique ac malis. Sed idem mundi procreator vna præterea, atque altera se coniunctione communicat, quæ conuenit duntaxat bonis; estque tanto præstantior, quanto maioris est index beneuolentiæ. Blandius enim atque officiosius tractantur amici quàm famuli, qui sæpe parum modesti sunt, parum sobrij, aut fideles, & famuli quàm seruitia domestica, & mancipia quàm mutæ animantes; Ea est coniunctio gratiæ in hac vita, & gloriæ in futura, de quibus perpauca reliqua disputatione differemus.

II.
*Amoris item
diuini, &
humani.*

Et vt à priore ducamus initium, memoria repetendum est, quod alio quodam dictum est loco, Amorem Dei ipsius erga res creatas, aliter se habere quàm amorem creatum, qui ponit rem quæ diligitur bonitate præditam, ob quam diligatur, cum Deus vltro maiorem minoremve rebus conferat bonitatem, sibi que eas reddat amabiles. Quibusdam enim dedit duntaxat vt sint, vivant ac sentiant, neque ad nobiliorem eas retulit finem, quam vt perfectioribus famulentur. In alios quos condidit ad imaginem suam, homines inquam & angelos, multo liberalior fuit, ratione quippe & intelligentia, libertate atque immortalitate donauit, vt ad Deum ipsum supremo intelligentiæ gradu proximè accederent, eum reuelata facie intueri, eoque frui possent. Eum porro ad finem diuinitus eis gratiæ habitum, qui vires naturæ transgreditur, infundit, quo vtrorūque natura nobilitatur, atque perficitur.

III.
*Homo perficitur in ordine naturæ.
D. Tho. 1. 2. q. 110. a. 3. & 4.
Psal. 4. 7.*

Tria porro in eandem naturam conueniunt, esse, posse, agere; ab essentia pendet potestas, à potestate actio. Nam, exempli causa, homo naturam habet humanam, à qua corporeæ facultates, spiritualesque dependent, & ab his corporis animique actiones; puta visio, auditio, intellectio, ratiocinatio. Natura humana, in iis quæ ordinem naturæ non superant, naturæ lumine perficitur; de quo scriptum est illud, *Signatum est super nos lumen vultus tui Domine*. Facultates autem, virtutum moralium.

lium habitibus, acquirunt absolutionem suam, ex quibus iustitiæ, fortitudinis, & cæterarum virtutum actiones proficiuntur. Ad eundem modum anima, quæ supra ordinem virisquæ naturæ, ad diuinitatis ipsius participationem excitanda est, gratiæ diuinæ supernaturali habitu donatur à Deo, eoque sublimius euehitur, quàm ab vlla naturalium disciplinarum, aut moralium virtutum.

Qualitas ista nobilissima ipsam animæ vim ac naturam permeat atque peruadit, in eaque residet; sicut in eiusdem animæ facultatibus fidei, spei, charitatis infusæ virtutes; unde & actiones earundem virtutum promanant. Et sicut virtutes humana industria comparatæ, hominem intra naturæ lumine rationis instructæ fines, aptè congruentérque disponunt, sic & virtutes infusæ, animam lumine gratiæ ornatam præparant ad participationem diuinæ naturæ. Et sicut animi natura in vitales illius actus influunt, interuentu facultatum, quas etiam continet ac sustentat, ita & gratia in omnium infusarum virtutum actus influunt. Denique gratia tantam præbet animæ dignitatem, tamque eminentem decorem, ut ei omnium virtutum chorus, quodam accessionis iure debeat. Id cum in charitatem non cadat, non frustra gratia in animæ natura intima residet, etiam præsentē charitate.

Nunc inspicimus vbi se Deus animæ per gratiam, nouo ac singulari modo coniungat. Nouum enim ac singulare modum illa Seruatoris verba demonstrant, *Si quis, inquit, diligit me sermonem meum seruabit, & Pater meus diliget eum, & ad eum veniemus, & mansionem apud eum faciemus.* Aliter igitur prius aderant, quàm mox erant adfuturi. Id ipsum affirmat de Spiritu sancto, quem Spiritum veritatis vocat, negatque à mundo accipi posse, venturum autem ad discipulos; *quia apud vos manebit, inquit, & in vobis erit. Saluos nos fecit, inquit Paulus, per lauacrum regenerationis, & renouationis Spiritus sancti, quem effudit in nos abundè, per Iesum Christum Saluatorem nostrum.* Et rursum alibi, *Charitas Dei diffusa est in cordibus nostris, per Spiritum sanctum qui datus est nobis.* Itaque omnes diuinæ personæ nouum in anima domicilium capiunt, aliòque ei modo, quàm cum reliquis rebus creatis vniuntur, licet alioqui eas totas suæ essentia immensitate peruadant. Denique idem Apostolus ait Deum in anima, quasi in templo suo residere. *Nescitis quia templum Dei estis, & Spiritus Dei habitat in vobis? Si quis autem templum Dei violauerit, disperdet illum Deus. Templum enim Dei sanctum est, quod estis vos.*

Vos, inquit, non intellectus vester aut voluntas, quæ sunt ipsius animæ facultates, sed vos ipsi, intima scilicet animæ vis & natura, in qua uti diximus, gratia residet, quæ Dei cum anima vinculum est, & nexus am-
borum: qua gratia Deus vtitur ut animæ naturam erigat, eamque reddat idoneam, in qua diuina maiestas, tanquam in throno suo magnificè insideat, adeoque diuinam illi naturam communicet; non quidem ita, ut diuinam naturam, eiùsve partem aliquam acquirat, sed ut quod Deo quo-

D d d d

Et Gratiæ.

IV.
Vbi ea res-
dat.

Ei debetur
omnium vir-
tutum com-
tatus.

V.
Per eam Deus
nouo modo
est in anima.
Ioan. 14. 23.

Tit. 3. 5.

Rom. 5. 5.

1. Cor. 3. 16.

VI.
Eiusque ef-
sentia vni-
tur.

dammodo congenitum intelligimus, & tanquam proprietatem ab eius naturali bonitate profectam, ei amicè communicetur. Itaque diuinam illam cogitamus naturam, quæ diuinam & supernaturalem qualitatem profundat, quæ animam, in quam infusa fuerit, ad statum euehat supernaturalem & diuinum, eamq; Deo simul coniungat & copulet; & sicut homo cum sciētia fit homo doctus, & cum eximia virtute nobilis, & cum regis consensu dux aut comes, ita & animus cum diuina gratia fit diuinus.

VII.
*Hæc unio
magnum est
amoris inci-
tamentum.*

*Declaratur
à simili.*

Hæc unio animæ cum Deo singulare est amoris incitamentum. Nam si coniunctio animi cum corpore magnum prouocat ac mutuum amorem vtriusque, quod essentia, & naturæ vtriusque iungantur, quamuis multum inter se differant spiritalis corporeæque natura, necesse profectò est Dei per gratiam cum intima animi natura coniunctionem, & quasi quoddam spiritale matrimonium, magnam esse sanctissimi ac nobilissimi amoris illecebram. Si animus suis omnibus naturæ dotibus præditus, ante corpus conditus esset à Deo, ei que liberum esset corpori copulari; videret autem corpus ipsum per sese in singula pene momenta corrumpi; itaque commiseratione motus, ei se ad omnia cum eo vitæ opera exercenda coniungeret, quo illum amore corpus, agnito tanto beneficio, prosequeretur? Priusquam Deus se animo nostro, interuentu gratiæ suæ tradat, potest eum pro arbitratu in statu peccati, mortisque deferere; ei tamen se, pro singulari sua clementia & bonitate, addicit, vt is gratiæ suæ ope ac præsidio, vitæ æternæ functiones exerceat. Animus igitur, qui tantum in se Dei beneficium agnoscit, nonne iustissimo in illum amore exardescet?

VIII.
*Alia simili-
tudo à con-
iugio petita.*

Sap. 8. 2.

Sed quoniam in matrimonij mentionem incidimus, suggerit ea cogitatio similitudinem non improbandam. Sit nobili loco nata mulier, non admodum firma valetudine corporis, eademque neque opibus, neque ætate florens. Cui nihilominus, offert se in coniugium vir eximia nobilitate, forma egregia, viribus corporis, opibus, atque ætate commendatus, insigni denique virtute præstans; minimè profectò illa cunctaretur in matrimonium præbere consensum. Confecto negotio, si mulier & amari se à viro, & peramanter tractari cerneret, nonne in illum sinus omnes amoris effunderet? Anima rationis particeps instar est feminæ nobilis, habet quippe parentem Deum, eadem multis est defectibus & spiritalibus morbis obnoxia. Est autem ita inops, vt præter suum nihil, nihil habeat quod dicere possit suum. Hanc amauit cæli princeps vnigenitus Dei, & exquisiuit à iuuentute sua, & quæsiuit sponsam sibi eam assumere; illa in baptismo, interuentu parentum ac necessariorum suorum, consensit in matrimonium; quo igitur amore in illum ferri debet, cum tam potenti ac beato principi se nuptui traditam videt, de cuius amore hoc ipso dubitare non potest, quod se ad tantam agnoscit dignitatem euectam, & quotidiana singularis beneuolentiæ expectitur argumenta. Num adduci posset vt illum vel leuiter offenderet?

ut diuortium per facinus lethale meditaretur, vna cum amicitia, gratiaque iactura? Proh quanta suppetit nobis pudoris, & exprobrationis seges, si vitæ nostræ rationes attentius consideremus?

In hominum coniugiis, si vir dux est aut comes, vxor & nomen participat & dignitatem; neque sanè mirum communicari titulos, in communione corporum ac bonorum. Sed in hoc spiritali matrimonio latius patet communicatio. Cum enim sponsus iustitia & sanctitate præstet, non solum iustitiæ nomen sponsa obtinet, per adscriptitiā quandam sanctitatem, sed germanam inharētemque iustitiā. Sponsus pulcherimus est, patrique longè gratissimus, hæc gratia sponsam pulcherrimam ac Deo gratiosissimam facit: sponsus filius Dei est, sponsa euadit in filiam Dei. *Videte*, ait Ioannes, *qualem charitatem dedit nobis pater, ut filij Dei nominemur & simus*. Sponsus ut Deus spiritus est, illa spiritalis fit, imo vnus cum eo spiritus, *Qui adheret Domino*, ait Paulus, *vnus spiritus est*. Denique immortalis est sponsus, & corpore animoque beatus, sponsa, quæ constanter in eius gratia perseverat, immortalī beatitudine perfruetur.

Est ergo hoc spiritale coniugium, ô amantissime Seruator, & quidem, ipsi sponsæ optimæ, atque ambiciosissimæ conditionis; sed illa tam inconsulta est, tamque infelix, ut luctuosum cum eo diuortium faciat per peccatum, factisque ipsis, si non verbis, dicat, Ego Dominum meum non curo, nihil mihi cum ipso negotij est, suas sibi res habeat, mihi certum est cum capitali eius hoste Satana consuefcere, eius imitari mores, participare calamitatem, supplicia non reformidare. Tu autem ô sponse admirabilis, eam iteratò requiris, sollicitus de instaurando coniugio cum stulta ista atque improuida muliere, & ad te, teque redeuntē, non alia beneuolētia & charitate complecteris, quàm si nihil dissidij inter vos interuenisset. O magne sacerdos! ô summe pontifex æternorū bonorū, ecquid meministi legis quondā tuæ, quæ vetat Pontificem vxorem ducere meretricem ac sordidam, inuē etiam viduam aut repudiatam? tu autem non dubitas sponsam accipere, non solum viduam, atque à bonis omnibus imparatam, sed mulierem, à qua non semel libellum repudij accepisti, peccatis sordidam, carni, mundo, dæmoni prostitutam. O lenitatem, atque indulgentiam singularem! ut penè in damnum ac dedecus tuum, tuis te legibus solum velis.

Cum ergo te aduersus homines tam indulgenter geras, gesserisque perpetuò, quā fieri potest ut in amorem tuum illi non cor totum viresque profundant? quomodo vsque adeo stupidi sunt ac vecordes, ut non animaduertant quantam tibi iniuriam inferant, quantum sibi damnum creent? O amantissime Iesu, vnicum gaudium cordis mei, nolo te ratione mei excludi postulatis à patre, cum pridie quàm cirum pro hominibus supplicium crucis adires, eum rogasti, ut amici tui in te, & in patre tuo vnum essent. O sponse inuicissime atq; dulcissime, quomodo non

IX.

Communi-
catio bono-
rum in spiri-
tali connu-
bio.

1. Ioan. 3. 1.

1. Cor. 6. 17.

X.

Cuius diuor-
tium fit per
peccatum.

Et à Deo
amantissime
reparatur
Leuit. 21. 13.
14.

XI.

Oratio super
eate.

Ioan. 17. 21

execrabimur illud infame diuortium, quod in gratiæ tuæ iactura consistit, supra bonorum omnium, parentum, amicorum, opum, dignitatumque iacturam? supra omnium morborum, suppliciorum, probrorum, morbumque molestias, ut gloriosissimæ desponsationis tuæ coniunctione ad mortem usque retenta, æternæ gloriæ connubio in cælis aliquando perfruemur.

CAPVT XVI.

Suprema Dei cum amicis suis in æterna felicitate coniunctio.

I. *Suprema unio reseruat in cælo.* **S**UPEREST nobis altera, eadēque suprema Dei cum anima rationali coniunctio, ad quam diuinus amor, qui in utroque amante est, continenter aspirat, & tum demum continget, cum anima, peracto tempore peregrinationis, & stadio vitæ feliciter decurso, beatæ patriæ limen attinget, nouūque ingreditur stadium, ad cuius nunquam peruenietur metas; *constituit*, enim Dominus terminos eius, qui præteriri non poterunt. Ibi animus gratiæ, virtutibus, meritisque locupletatus, sentiet diuinam essentiam in penetralia cordis sui miro modo influentem, & interuentu huius gratiæ suis omnibus numeris absolutæ, & luminis illius gloriosi, quod in eius intellectum infundetur, sentiet eleuari se, illustrari, roborari, præparari denique, ut quid vnum cum Deo fieri possit; intellectus enim, ut aiunt philosophi, intelligendo fit omnia; sentiet voluntatem suam diuinæ charitate inardescere, animaduersa familiaritate, ac suauitate, qua tantus princeps ipsum complectetur, & implebit illud, *Lena eius sub capite meo, & dextra illius amplexabitur me, & osculabitur me osculo oris sui.*

II. *Summè separabilis.* Hæc est optatissima illa coniunctio, ad quam tanquam ad finem vltimum, & centrum desideriorum nostrorum incredibili pondere, & ingenito conatu ferimur, quæ beatos efficit, dum clarā ipsius Dei cognitionem secum inuehit, sine imagine, sine umbra, sine caligine, & omnino sicuti est in seipso; & quidem cum certa & secunda possessione & fruitione ipsius, omniumque bonorum eius, quæ amitti aut imminui nunquam possit. Tunc nimirum exclamabit præ gaudio sponsa illa felicissima, *Fruens quem diligit anima mea, tenui eum nec dimittam;* inseparabili quippe diuinæ charitatis nodo adstricta est ista coniunctio, nec est ultra mutationi creatæ voluntatis obnoxia. Hæc autem erit ibi absolutior atque perfectior illa unio, quod fuerit charitas in hac vita præstantior, & quemadmodum Deus ipse pro amore in nos suo, ibi nostros in amplexus ruet, ita nos vult hoc loco, pro nostro in ipsum amore, felicissimam illam promereri coniunctionem.

Sed quis oratione assequatur, quo fiat modo clarus ille Dei manifestusque conspectus, gloriosa illa confociatio Dei cum anima, & animæ vicissim cum Deo, à quo cum omnibus facultatibus suis, tanquam ab immensa voragine absorbetur, tanquam ab infinito deliciarum oceanò, tanquam ab hortis amœnissimis castissimarum voluptatum: vbi diuturna illa desideriorum, expectationum, & contentionum, pro Dei gloria & animarum salute, exaturatur fames: quando omnes animæ vires ita euigilant, vt nihilominus placidissimè sopiantur, ita sitiunt, vt simul torrente voluptatis potentur, ita sobriæ sunt, vt præ ebrietate spiritus non sint compotes sui. Quis, inquam, oratione consequatur diuinum huius vnionis modum; quando Apostolus ipse experientia doctus negauit, aut à se satis explicari, aut à mortalibus capi posse. Certè vt satis intelligi possent atque explicari, quis conetur Paulo esse disertior, qui ait audisse se *arcana verba, quæ non licet homini loqui?*

III.
Ad eoque in-
effabilis.

2. Cor. 12. 6.

I V.

Quomodo
illa contici
possit.

Lib. 1. c. 12.

n. 1. & c.

Itaque si quid de arcanis istis cælestibus, præter oracula scripturarum, loquimur, ex probabili eorum coniectura loquimur, quæ hic sub humanam experientiam cadunt. Coniciamus ergo nos quoque si videtur, Augusta mysteria diuinæ illius vnionis cum beatis, ex ea quàm mysticæ Theologiæ scriptores tradunt lectissimis animabus, Deoque familiarissimis, in hac ipsa vita aliquando contingere, in quibus, vt magnum illum mittamus Dionysium, cæterorum secundum Deum magistrum, in quibus, inquam, S. Bernardus, Richardus à S. Victore, S. Bonaventura, Laurentius Iustinianus, S. Teresa, Thomas à Iesu, Ioannes à Iesu Maria, alique non pauci, quos meritò credimus, vt superius in simili argumento dicebamus, ex propria experientia esse locutos, ideoque singularem verbis eorum esse adhibendam fidem. Res est parum vulgè nota, cognitione tamen dignissima, & vel in eam rem utilis, vt magnos Dei amicos admirari discamus, & ignauiam nostram ac tenuitatem lugere. Non potes nunc quidem, inquam, maiorem à me inire gratiam, quam si hæc nobis, quamuis nondum initiatis, accuratius exponas. Imo, inquit ille, delibabo singula duntaxat, quantum susceptum exigit argumentum.

Amor.

Avto r.

CAPVT XVII.

Coniectura diuina in cælo vnionis, ex ea, quæ lectissimis Dei amicis in hac vita contingit.

TRADIT ergo mystica Theologia, eos qui diuinarum rerum meditationi incumbunt, (quæ admodum fructuosa est cum Deo negotiatio, si rectè exerceatur) vbi eam studiosius tanto tempore pertra-

I.
A medita-
tione sit.

D d d d iij

Starint, quanto diuinæ sapientię ac bonitati visum fuerit expedire, ex hoc quasi tyrocinio suauiter educi solere, atque ad contemplationem ab eo euocari, qui eum cupit accipere lautiùs, quàm solet vulgares conuiuas; itaque illud ei ad cordis aurem insuffurat, *Amice ascende superius*. Sicque meditatio, quæ res diuinas laboriosè persequitur, eaque omnem in partem mente agitat, si quo modo; diuini amoris exardescat ignis, sternit contemplationi viam; à qua differt, vt ab aurora meridies, vt laboriosus nauigationis cursus, placidæ portus tranquillitati. Vi-
 Marc. 6. 48. dens enim Iesus discipulos suos laborantes in remigando, & strenuè
 Matt 14. 24. tentationum, aberrationum, tristitiæ, ac derelictionis fluctibus ven-
 Ioan. 6. 17. tisque resistere, venit ad eos, & vndarum calcato tumultu, impositò-
 que ventis silentio, omnique tempestate sedata, eos ad portum, & quie-
 tem contemplationis deducit.

II. Est enim quies quædam ista contemplatio. Cum primùm enim men-
 tis agitatio in persequenda veritate, quam studiosè quærebat, conque-
 uit, intellectus cum admiratione subsistit, simulque contemplatio-
 nem inceptat, & quasi stupore quodam suspensus tenetur, spiritu Dei,
 qui est spiritus sapientiæ, illum illuminante, & ad se rapiente, vnde
 refilit in voluntatem sociam dulcedinis quidam sapor; excellentiæ
 contemplationis congruens. Negant porò propriè contemplatio-
 nem dicendam esse, nisi suspendatur intellectus, & coram augustissi-
 mis spectaculis obstupescat. Oriri autem aiunt suspensionem hanc ex
 rerum magnitudine ac nouitate, supra omnem præteritam cognitio-
 nem. Contuens enim intellectus tam eximia bona, miratur, & ex admi-
 ratione augetur attentio, ex attentione fit cognitio clarior & iucun-
 dior, vnde oritur suspensio, quæ in mortali corpore nequit esse diutur-
 na, animam terrena in habitatione degrauante, & ad functiones sen-
 suum reuocante.

III. Hæc suspensio parum distat à Raptu, vel Extasi, sed eiusdem rei vi-
 dentur esse diuersa vocabula, ex diuersis proprietatibus contemplatio-
 nis petita. Quia enim externorum sensuum functiones intermittuntur,
 & suspensæ detinentur, suspensio dicitur; & quia in ista aberratione
 sensuum, animus tantisper liber exit à se, vt in rem amatam menti ob-
 iectam transeat, eadem contemplatio extasis dicitur, siue excessus. Ra-
 ptus autem prædictis vim quandam adiungit atque violentiam, quæ li-
 cet in voluntatem non cadat, præsertim cum vltro feratur in bonum
 cognitum; eo tamen modo intelligitur vim pati, quo lapis cum vibra-
 tur in centrum, in quod celerius etiam fertur, quàm eius natura exi-
 git. Eodémque modo, licet mens & voluntas suo pte nutu, per hæc quæ
 in sensus cadunt, ferantur in Deum, celerius tamen ac vehementius in
 ipsum per contemplationem rapiuntur, quàm consuetus naturæ modus
 ferat.

IV. In variis autem istarum mentis aberrationum modis, qui in diuini

amoris vnionem, oscula, amplexusque terminantur, primùm occurrit is, qui ab externis sensibus vacationem inducit, vt vacetur internis; illius videlicet obiecti contemplationis, quod in phantasia representatur, Deo animam excitante, vt se in Deum erigat, ad ineundam cum eo amoris vnionem. Postquam enim animus studuit cor suum in Deum multa nauitate erigere, accurrit suauissimus Dominus, & fello cordi blanditur, aded vt mira illud voluptate permulceat, & superno lumine illustret. Id Dei donum mox vt homo adipiscitur, imperiosè despiciat quæ antè cupiebat, & quæ prius oderat, Dei amore complectitur. In hoc porò modo licet cesset ratiocinatio, & si eruperit, suauiter intercідatur, intellectus tamen rem obiectam cum quiete contempla-
tur.

Contingit etiam alius aberrationis modus, quem iidem mystici Theologi Ebrietatem spiritalem vocant, propter geminam cum ebrietate similitudinem. Aliquando enim vini copia foras erumpens insolitis semotibus, sonisque prodit. Ita Deo in cor hominis illabente, tanto voluptatis torrente perfunditur, vt se continere non possit, sed motibus gestibusque insolitis, ingentem interioris voluptatis vim prode-
re cogatur. Cor enim, in ista præuia vnione cum Deo, tam acri stimulo diuini amoris, & desiderio diuinæ fruitionis inflammatur, & apertis poris, velut ad capiendum Deum, aded distenditur, vt pectus ei nimis arctum videatur: ex quo amoris flamma, quæ ibi voluptate tanquam oleo nutritur & inualescit, foras violenter erumpit, multi ebullientis more, quo nouæ lagunculæ dirumpuntur. Quod olim Apostolis die Pentecostes videtur accidisse, cùm Iudæi musto madere putabant, quos spiritus repleuerat. Hinc illa Cantica, gemitus, infor-
mesque soni; plausus etiam, saltus, cursusque, quos de quibusdam sanctis, beati Francisci discipulis legimus; qui motus spiritui diuino agitati potius, quàm naturali animanti tribui debent.

E contrario autem vini copia sensus ita obruit, vt somni quietem conciliet; sic & in spiritali ebrietate, sicut prior præ magnitudine lætitiæ quietem ferre non potest, ita hæc præ dulcedinis copia somnum & quietem spiritalem inducit, quam S. Teresa orationem quietis videtur appellasse, quod in ea omnes animi facultates quiescant: in eaque animam ait miro quodam modo intelligere Deum iam sibi propinquum, & quasi contiguum esse, ita vt leui conatu possit ad diuinam vnionem pertingere. Sequitur tertius quidam siue raptus siue mentis aberrantis modus, absolutior vtroque prædicto atque perfectior, in quo Deus cor allicit, trahitque mulcendo ad altiore quendam & puriorem amoris amplexum. Et sicut hic cognitio subtilior, ita & affectio nobilior viget, quæ non adhæret delectationibus diuinis, sed iis omnibus animosè præteritis, optat in nudis Dei brachiis conquiescere.

*Suspensio ad
Vnionem
disponens.
p. 126. 127.
&c.*

V.
*Ebrietas spi-
ritalis ge-
mina, prior.
p. 131. & seq.*

Luc 5. 37.

Maffæo &
Bernardo.

VI.
*Posterior
spiritus
ebrietas.*

*Proxima ad
vnionem cū
Deo dispo-
sita.*

VII.
Dilatatio
cordis, ac
languor.

Defectio &
languor.

Vnio.

Hic præ magnitudine voluptatis cor dilatatur, & quodammodo patefactis poris dehiscit, ac læditur: solétque aliquando hæc læsio ita ingrauescere, & amoris impetus ita augeri, vt tantis incrementis cor humanum par esse non possit, sed ei morte felicissima succumbat; quod mortis genus aiunt beatissimæ Deiparæ, S. Teresiæ, aliisque nonnullis contigisse. Clementissimus autem sponsus animam sic affectam crebro inuist, & ad supremum vnionis modum inuitat, quem sitiens anima ad eam se vnionem cupidissimè erigit, quam dum non adipiscitur, defectio & languor existit, qui sine alio externo labore hominem extenuat & conficit, dum omni ope conuincitur, vt ad se trahat dilectum suum, eique optatissima vnione iungatur. Quod si ei præ voto contingat, castissima Spiritus increati cum creato coniunctio celebratur, quæ dicitur Vnio, per mutuam inhæSIONem ac fruitionem, quæ quantum Domino visum fuerit, perseverat.

VIII.
Quomodo
fiat ex parte
Dei.
Thoma à
Iesul. 4. de
orat. diuina
c. 11. & seq.
& c. 10. §. 5.
Illapsus in
intellectum,
& voluntatem.
Serm. 31. in
Cant.
ex S. Bernar-
do.

Quoniam verò ad hanc felicissimam vnionem, quæcunque dicta sūt hætenus, referuntur, eam paulo diligentius exiisdem Theologis explicemus. Exigit, in primis hæc arcana & diuina vnio, vt Deus animæ potentiis illabatur, atque intimè præsens fiat, se illis communicet, ostendat, & in ratione obiecti immediatè coniungat. Hæc manifestatio Illapsus dicitur. Et ab intellectu quidem non clarè & distinctè cognoscitur, id enim beatitudini referuatur, cernitur tamen sub ratione immensæ lucis. A voluntate autem perfectissimè attingitur, & arcano nexu apprehenditur: ea enim vltra intellectum progressa, immediatius vnitur Deo; non enim amat eum, prout apparet intellectui, sed prout est in seipso. Quod significat S. Bernardus, cum ait sponsam Dei amore flagrantem non contentam esse aliis manifestationibus, aut reuelationibus, *Nisi & speciali prerogativa intimis illum affectibus, atque ipsis medullis cordis carius illapsus suscipiat, habeatque præsto quem desiderat, non figuratum, sed infusum, non apparentem, sed efficientem.* Et mox, *Non tamen adhuc illum dixerim apparere, sicuti est, quamuis omnino non aliud hoc modo exhibeat, quàm quod est.* Vbi vides haud obscurè distingui, quo modo se sponsus gerat tam cum intellectu, quàm cum voluntate animæ dilectæ.

IX.
Et Richardo
Victorino,
Intellectus
Deum clarè
non videt.
De grad.
Char. violentæ.
Th. l. 4. c. 11.
sub §. p. 444

Sed apertè Richardus à S. Victore, *Sæpe sub hoc statu, inquit, Dominus descendit de cælis, sæpe visitat sedentem in tenebris, & umbra mortis, sæpe gloria Domini implet tabernaculum fœderis: sic tamen præsentiam suam exhibet, vt faciem suam minimè ostendat, dulcorem suum infundit, sed decorem suum non ostendit, infundit suauitatem, sed non ostendit claritatem, &c. fusiùs; & rectè quidem; si enim Deus illaberetur intellectui, clarè & distinctè cognosceretur, sicut in gloria. Nam Illapsus iste diuinus nihil aliud est quàm Deum secundum essentiam suam fieri præsentem facultati cognoscenti, in ratione obiecti. Si ergo ita vniretur intellectui, intellectus illum perciperet, eiusque essentiam clarè intueretur. Fit itaque*

que illapsus ille in voluntate duntaxat, cui in hac arcana vnione immediatè, secundum suam essentiam coniungitur, ita vt voluntas eius contactum & amplexum percipiat, sub ratione omnis boni, eique intimè & immediatè vniatur, sicut in gloria.

Quemadmodum autem ex parte Dei ista vnio est intima coniunctio ipsius Dei cum intellectu, in ratione summæ lucis, quantum in hac vita permittitur; tunc enim mirabili à Deo luce perfrunditur intellectus & eleuatur, vt ipsum voluntati præsentem, & altissimo modo vnitum, quamuis non intuendo, cognoscat: & altiore de Deo cognitionem assequatur, quàm per præcedentes omnes visiones ac reuelationes. Est etiam coniunctio cum voluntate in ratione summi boni, summique delectabilis. Sic etiam ex parte animæ, vnio hæc est vitalis perceptio, & experientia quædam omnium sensuum internorum ipsius summi boni, eiusque gratiæ & donorum; aut si placet, mutuus amplexus ipsius Dei sibi intimè præsentis. Est igitur hæc vnio summa & altissima mentis humanæ perfectio, quia mens Deo, infra diuinæ essentia claram visionem, perfectissimè tam intellectui quàm voluntati vnitur. Nam ipsum Deum perfectissimè contempletur; sentit præterea, suauissimèque degustat ipsum Deum cui coniungitur, & ipsam actionem, qua Deo iungitur, eoque fruitur, gratiam denique & charitatem, quæ sunt principia huius perfectissimæ actionis.

In hac porrò felicissima vnione duplex gradus distinguitur, quorum prior desponsatio spiritalis appellatur, posterior spiritale matrimonium. Vtrumque S. Teresa cæteris videtur accuratius explicasse, diuturna edocta experientia. Quando, inquit, diuina bonitas compatiens laborum & afflictionum, quas animæ sibi spiritali desponsatione coniunctæ, pro eius amore perpessa sunt, antequam eas spiritali matrimonio sibi coniungat (quamuis in hac vita non tam perfecte hoc spiritale matrimonium Deum inter & animam celebretur, quin possit aliquando anima à Deo separari) ad propriam mansionem, id est ad centrum animæ eas introducit, ibique cum eis vnitur, quod non solet in spiritali desponsatione contingere. Nam ibi sponsa non tam ad centrum, quàm ad superiorem animæ partem à Deo vocari videtur. Hæc ergo prima est à locis petita distinctio, quod desponsatio mentis apice, matrimonium in centro seu fundo anime fieri intelligatur.

Alterum discrimen est quod in vnione spiritalis desponsationis, saltem quo illa tēpore celebratur, omnes facultatum functiones ita absorbentur, vt nulla ratione anima sentire possit aut intelligere, quale & quantum sit bonum quo fruitur. In matrimonio verò spiritali Deus absorptas ac ligatas animæ facultates soluit, & quasi squamis oculorum deterfis, permittit vt anima percipiat, atque intelligat aliquid, de immensis bonis quibus fruitur. *Quid quidem*, inquit,

Eeee

X.
Vnio cum
Deo ex parte
anima.
p. 447. &c
454.

XI.
Spiritalis
desponsatio,
& connubiū
vt differat.
Mansio 7.
c. 1. & 2 &
Thomas à
Iesu L. 4. de
orat. p. 460.

XII.
Alterū dis-
crimen.

*Manifesta- mirabili modo contingit: nam anima in illo centro manenti visione intelle-
tio S. Trini- Etuali mysterium sanctissime Trinitatis, omnesque tres persona manifestan-
tatis. tur: precedit tamen hanc manifestationem suavisissima quadam spiritus in-
flammatiō, instar lucidissime cuiusdam nubis, ibique notitia quadam admi-
rabili percipit, qua ratione tres persone sint una substantia, una potentia,
una sapientia, & unus Deus; ita ut quod fide tenemus anima quodammo-
do intuitivè cognoscat.*

XIII.
Tertium &
quartū dis-
crimen.
p. 456. &
473.

Tertium discrimen est, quod in priore vnione anima omnia Dei do-
na & gratias mediis facultatibus sensibūve recipit; in hac autem poste-
riore, quæ in intima animæ essentia, centrōve contingit, Deus se illi si-
ne vilo medio manifestum reddit, nobilissima visione. Quod enim om-
nes facultates absorberi dicuntur, intelligendum est intellectum tanta
admiratione suspendi, ut non possit tunc discernere se aliquid intellige-
re, neque vti cognitione reflexa. Postremò in spiritali matrimonio ar-
ctior est animæ cum Deo coniunctio, ac veluti indissolubile vinculum.
Est enim Deus deinceps animæ fere continenter præsens, quamuis non
semper tam clarè atque apertè, sicut eo tempore quo diuinum hoc ma-
trimonium contractum fuit, ut possit anima aliis quoque rebus atten-
dere; quoties tamen se introrsum colligit, hanc diuinam societatem ex-
peritur; in sponstatione verò spiritali, anima frequenter à Deo separatur,
neque diuina præsentia continenter gaudet.

XIV.
Fructus
vniōis hu-
ius.
Thom. à
Iesu l. 4. de
orat. c. 13. p.
455.

Hæc ex sanctissima illa Teresa, de cuius filiis vnus in hunc modum
exclamat. O ter quatérque beata anima, cui adhuc in hac peregrinatio-
ne degenti, felicissima æternitatis pignora, ac summam beatorum glo-
riam prælibare contingit. Quid autem hæc Dei manifestatio & ample-
xus in anima operetur, quæ lingua explicare sufficiat? Ex illo enim fonte,
qui in secreto animæ fundo later, & qui quasi torrens voluptatis totam
animæ regionem percurrens eam irrigat, fecundat, exhilarat, mirabiles
illi in totum animæ regnum fructus emanant. Primò incredibilis animæ
cum Deo vnitæ gratia & pulchritudo, quam sponsus ipse totis Canticis
Canticorum deprædicat. Secundò sublimis & perfecta diuinorum my-
steriorum cognitio, ipsiusque Dei, illustis, quamuis in caligine, ut ait
S. Dionysius, contemplatio, proximè accedens ad claram & aspectabi-
lem beatorum cognitionem, ad quam pertinet illud Esaiæ. *Orietur in
tenebris lux tua, & tenebre tua erunt sicut meridies. Et requiem tibi dabit
Dominus semper, & implebit splendoribus animam tuam, &c.*

XV.
Tertius fru-
ctus suæ ef-
fectus huius
vniōis.
Cant. 2. 14.
3.

Tertius effectus est ardor amoris, quo in diuina fornace inardescens
animus liquefcit, ac transformatur in Deum, cui artissimo complexu,
& spiritali matrimonio sociatur: vnde oritur immensum in anima desi-
derium videndi faciem desideratissimam sponsi sui, vnde illæ voces:
*Ostende mihi faciem tuam, sonet vox tua in auribus meis, vox enim tua
dulcis, & facies tua decora.* Neque tamen turbulentus est hic amor, aut
valde feruidus, ut sub conuersionis initia, sed planè serenus ac quie-

4. **Quartus** est ineffabilis suauitas, & quædam quasi beatifica fruitio, qua feliciter absorbetur animus in quandam inscientiam sui, in qua experitur æternæ dulcedinis saporem, & summo bono intimè coniuncta, experientia ipsa cognoscit, *quoniam suauis est Dominus*. Et sicut animæ iustorum gaudent in cœlis, ita & in terris animæ perfectorum, quia *utrisque felicissima cum Deo vnio, transformatioque contingit.* Psal. 33. 9.

Quintus est animi singularis tranquillitas, & sempiterna illa requies, quam promittit Esaïas, & pax quæ exuperat omnem sensum, quam celebrat Apostolus, & David cum sperat fore *ut in pace in idipsum dormiat & requiescat.* XVI. Quintus effectus.
Sextus est copiosus omnium virtutum ornatus, & perfectissimarum affluentia gratiarum, quibus magnificentissimus sponsus dilectissimam sponsam, quasi exquisitissimis monilibus ornat atque locupletat; & quidem in gradu quodam heroico, suntque virtutes, ut ait Doctor Angelicus, hominum iam assequentium diuinam similitudinem; & ob eam causam vocantur virtutes animi iam purgati. 6. c. 18. Phil. 4. 7. Psal. 4. 9. 1. 2. q. 61. 2.
Septimus est Absolutissima Christi imitatio, præsertim in rerum aduersarum perpeffione; itaque illi in ferenda cruce, tormentis & summa ignominia cumulata, conformari curant, & illam tristitiam animæ vique ad mortem, illam agoniam, illum sanguineum sudorem, illam desolationem filij, ac derelictionem patris studiosissimè ambiunt atque affectant, eamque omnem molestiarum acerbicatem, singulari Dei benignitate, aliquando participant. 7.

Huic affinis est octauus, qui in contemptu rerum humanarum positus est, iuxta illud Esaïæ, *Tunc delectaberis super Domino, & sustollam te super altitudines terræ.* Facile enim est terrena bona contemnere cœlestibus abundanti, & illius aduersa, tanto exemplo mitigata, tantòque melius temperata tolerare. Hi cum intus circa ea quæ Dei sunt, quem secum circumferunt, iugiter occupentur, Deoque adhæreant, foris videndo pene cœci, audiendo surdi, & loquendo videntur elingues; & cum Angelicam in terris vitam degant, terrestres Angeli vocari possunt. XVII. Octauus effectus.
 Non, mire obediens sunt Dei, Ecclesiæ, omniumque superiorum præceptis ac nutibus, quamuis legem digito Dei in cordibus suis exaratam ferant, & lex, ut ait Apostolus, non sit posita iustis, sed peccatoribus & iniustis. Denique miris sæpe modis ipsum corpus afficitur, animo diuina patiente; & nominatim instar ipsius spiritus, aliquando mira sursum agilitate subleuatur: quod plerumque viris sanctis Francisco, Ignatio, Mariæ Magdalenzæ, & Terefiæ, contigisse constat. De Daniele autem legimus eum, post insignem quandam visionem, corruisse in terram, & viribus destitutum, facièque immutata emarcuisse. c. 58. 14. Vide Greg. 1. 31. Mor. c. 34. 9. 1. Tim. 1. 9.

Hæc, atque his similia de sanctis viris legimus, apud sanctos viros, de his contemplationum, suspensionum, raptuum, diuinæque vnionis mysteriis, quæ a Deo ipso in terris cum charissimis animabus, sponsisque fidelissimis celebrantur; quæ vel tacente me deinceps apertissimè XVIII. Applicatur hac vnio gloriosa.

docent, qualis sit in cœlo beatorum contemplatio, reuelato fidei vmbaculo, omnique caligine atque obscuritate deterſa, contemplatio, inquam, multo potentior ad cohibendas, retinendâſque omnes animæ vires, quas hic degrauat humana mortalitas, quàm huius vitæ obiecta omnia, quàm omnia diuinæ ſapientiæ, potentiæ, bonitatisque miracula, quamdiu Deus ſicuti eſt clarè non cernitur, quæ beatæ illius regionis prærogatiua eſt; præſertim cum hic nobiliſſima illa vnio exigui temporis ſit, iſta autem cæleſtis duratione beatiffimam exæquet æternitatem.

XIX.
*Viſio beata
& inſuſa.*

*Ebrietas
metaphorica
Pſal 35.9.
Cant. 5.1.*

Sap. 3.7.

XX.
*Aberunt
omnia, quæ
ſunt infirmitatis, aut
laboris.*

XXI.
Concluſio.

Quis animo capiet illas extaſes, illas omnium animi facultatum inuectiones in Deum, per amorem, quem extaticum vocant, ſine vlla contentione aut labore, dum interea externi ſenſus ſacroſanctam Chriſti Domini humanitatem, abſolutiſſimum humanæ pulchritudinis exemplar, cum inæſtimabili delectatione contemplabuntur: corpus quoque beatiffimæ Virginis, omniumque Sanctorum, cum ipſorum manſionibus, & tota cæleſti regia ſub eandem contemplationem cadent. Quid de illa conſuſa ebrietate poteſt, quam Dauid ipſe prædicat, *Inebriabuntur*, inquit, *ab vbertate domus tuæ, & torrente voluptatis tuæ potabis eos*, & quam ſponſus ipſe ad eam inuitando promittit, *Comedite amici, & bibite, & inebriamini chariſſimi*. Ebrietate, quæ ſine vllò indecero, aut turbulento motu beatos impellet ad feſtas choreas cum Angelorum choris, ad concentus mirabiles, ad diuina Cantica, ad hymnos mellifluos, ad immortales gratiarum actiones: vbi nunc *tanquam ſcintille in arundinetis diſcurrent*, nunc tanquam vino, nectare & ambroſia præſtantiore, altiffimo contemplationis ſomno ſopiti conqueſcent.

Ibi erit Amor, ſed ſine vulnere, & languore, ſine virium defectione aut deliquio; hæc enim omnia tranſierunt, quæ erant Amoris decertantis in terra, non regnantis in cœlo; cui conuenit abſolutiſſima virium, formæ, ſanitatæ animæ corporiſque perfectio. Ibi erit amor, ſed ſine lacrymis, atque ſuſpiriis; at non ſine delectatione, quæ meritiſſimè longiſſimæ vitæ lacrymis gemitibusque redimatur. Ibi diuinus humanuſque ſpiritus non vltra arcano complexu, ſed publico ac patente iungentur, atque inſeparabiliter vnientur, vt duo in vno aëre lumina, duæ in eadem fornace flammæ, duo in vno flumine riui, aut omnia potius in vno Oceano flumina; ita enim omnibus vnietur, ac ſi vnicus eſſet in cœlo beatus. Nulla ibi amoris luſtatio, nulla contentio, ad maiores in gratia diuina faciendos progreſſus, ſicut neque incrementa meritorum, ſed erit in ſummo amore quies, in ſumma quiete ſummus amor, gratia & meritis huius vitæ, vt legitimis terminis definitus: & magnitudo meſſis manipulorum copiæ reſpondebit.

Tota eorum oratio vnionis erit & quietis, toti à nutu ac beneplacito diuinæ voluntatis pendebunt, nihil vt deſiderare poſſint, aut poſtulare, quod eſſe propria aut aliena ſit, niſi quod in beato illo ſpecule viderint æterno Numini acceptum eſſe. Sed quid ego iſta pluribus eloquor, quæ

omnem vincunt loquendi facultate? Quid in media huius vitæ caligine, de illustri illa gloria, tanquam cæcus de coloribus, disputo? *acquiri potest*, ait Augustinus, *estimari non potest*. Non modico cum damno summæ res modicè commendantur; auditor quippe de rebus ex auditione, non ex rei parum cognitæ merito iudicium ferre solet; Itaque ingenuè fateamur nos huius mysterij magnitudine, huius beatæ vnionis præstantissima gloria, quod caput est omnium operum diuini Amoris vnientis, infinitè superari. Aut id certè dicamus, nihil minùs expectari debuisse ab eo, qui Deus est, quique ex operum suorum nobilitate atque præstantia, sapientiam suam, potentiam, bonitatem, diuinitatem denique suam ab Angelis & hominibus tota æternitate agnosci cupit, atque prædicari.

Vndecimi Libri finis.



LIBER DVODECIMVS.

De Actione Diuini Amoris.

CAPVT I.

*Descriptio octauæ filij Charitatis, cui nomen Amor Actuosus,
sive Laboriosus.*

AVTOR.
I.

*Transitus ad
nouam dis-
putationem.
Luc. 10. 38.*



NGRESSVS aliquando Christus Dominus in quodam castellum, de rebus diuinis sapientissimè, suauissimèque differebat, quæ Maria Magdalena ad eius pedes abiecta, diuini amoris telo saucia, summo cum desiderio, sensuque voluptatis audiebat. Itaque tota eius oratio non solum dulcis & sapiens, sed breuior etiam opinione atque expectatione sua, illi esse videbatur. Vice autem versa fieri potest vt Marthæ longiores viderentur, quæ *sagebat circa frequens ministerium*, & auxilium sororis ambiebat; idèoque illam maturius à Domino dimitti cupiebat, itaque cupiebat, vt à vulgata illa querela non abstineret, *Domine non est tibi cura, quòd soror mea reliquit me solam ministrare?*

II.
*Amor Actio-
ni addictus
& contem-
plationi.*

Pia ac religiosa Magdalena Amoris quietis & vnientis vicem obtinet, cui, qui contemplationi addicti sunt, famulantur. At Martha negotiosa rei domesticæ curatrix, Actuosum nobis Amorem ac laboriosum egregiè repræsentat, qui variis perpetuo negotiis distinetur. Amor Vniens, qui proximè finem dicendi fecit, crediderit fortasse orationem suam fuisse breuiorem, quòd res multas, magnasque, in pauca quædam quasi argumentorum puncta, contraxerit, aut certe quòd, præ sui in Deum amoris magnitudine, neque ab eo separari potest, neque de eo disserendo, facile ad exitum peruenire. Visus tamen fuerit prolixior huic alteri germano eius, cui Amoris Actuosi dedimus nomen, ac de finiendo fortassis innuerit, dixeritque in corde suo, verbis facta præstare: cum tamen de Amoris actione copiosa oratio esse possit; philosophi enim omnia propria actionis causa esse testantur.

Nobilis hic adolefcens vultu erat negotiofo, & animum induftrium, & ad opus intentum prodebat. Statura erat mediocri, viribus integris, quas labor ipfe nutriebat, colore grato ac rubicundo, aut ex multo potius ita redituque fufcato, promiffa cæfarie, fed quæ fponte ac fine arte in cincinnos definebat, fudoris in fronte nonnihil, oculus acer ac vibrans. Vefte solebat vti breuiore eadémq, fuccincta ad renes, ne finuofo & defluens ad pedes, vel itineri effet impedimento, vel labori, quàm nihilominus ab imo reducebat, cum manus erat operi admouenda. Fasciam ferebat transfuerfariam ex multitis ferico, cinericij coloris, in qua acu picta erat illa vox, *Pater meus vſque modò operatur, & ego operor.* Ioan. 5. 17. Dextra ferebat fceptrum, quod iuftitia manum vocant, actionis vtique fymbolum, quod nihil fit actiuosius manu, quæ inftrumentum dicitur inftrumentorum. Eadémque manus digitis retinebat fcriptum hoc elo- gium, *Negotiamini dnm venio.* Lucæ 19. 13.

III.

*Descriptio
Amoris ac-
tuoſi.*

Superest vt ei faciamus audientiam, breuitatem pollicetur, quam negotia communis Domini & parentis exigunt: quæ tamen ipfa negotia non minus exequetur docendis nobis, & excitandis, vt ftudiofiam Deo famulatum exhibeamus, neque labori noſtro, in eius gloria & honore promouendo, aliquando parcamus. Propofitum habet, quantum licet ex ratione agendi fratrum ipſius conicere, docere eſſe fe filium Charitatis, diuinum Amorem actiuosum eſſe; id quotidie Dei famulos, atque amicos reipſa comprobare. Quin etiam Dei ipſius ac Chriſti Domini amorem actiuosum eſſe, vt ex illo fascia pectoralis ſcripto intelligi poteſt. Prius tamen non inuitè feret, vt ſpero, nos quaſi in theſi prolutione vtentes, docere, Amorem natura ſua actionis, & laboris aman- tem eſſe.

IV.

*Propoſitio
dicendorum.*

C A P V T II.

Amorem vniuerſè ſumptum Actiuosum eſſe, & laborioſum.

FIERI nequit vt qui diligit aliquid, non continenter, aut certè perquam frequenter, ſit in eo acquirendo, fruendòve occupatus. Cum enim adefſt ac præſens eſt bonum, ad id contemplandum oculi ſe primum, cæterique externi ſenſus accommodant, quos deinde interni, mênſque ipſa conſequitur, & omnes quantam maximam poſſunt eius cognitionem hauriunt, móque voluntas, omnéſque illius affectus in eo complectendo fruendòque occupantur, cum ea fere delectatione, quæ obiecti bonitati, ſuauiſſimæque reſpondeat. Cum autem abeſt amoris obiectum, exilit illico deſiderium, omnéſque ſollicitè ſcrutatur vias, quibus illud ſibi ſiſtat, eoque præſente potiatur; id autem quid aliud eſt quàm actiuosum eſſe, & quietis expertem? Vtriuſque rei exempla ſug-

I.

*Obiectum a-
mabile tam
præſens quàm
abſens exci-
tat actionē.*

*Id docet pa-
rabola pro-
digi.*

gerunt parabolæ Seruatoris, à communi hominum vsu & consuetudine petita. Adolescens ille prodigus repetit domesticos lares, videt eum à longè pater, statimque existit in eius visceribus commiserationis motus, & moræ impatiens it obuiam, imo accurrens cecidit super collum eius, & osculatus est eum; laceros pannos honesta veste commutauit, cum eo, totâque familia epulis celebrauit festum diem, quod filium saluum recepisset. Vides hîc Amorem actuosum in præsentia obiecti sui?

II. *Drachma & eius perdita*
Luc. 15. 8. Mulier quæ amissam drachmam reperire cupiebat, non se dat quieti; sed accendit lucernam, euerit domum, & quatit diligenter, & cum inuenit non sedet fatigata, sed conuocat amicas & vicinas, vt eas gaudij sui participes efficiat, *congratulamini, inquit, mihi, quia inueni drachmam quam perdideram.* Bonus pastor amissa vna ouicula, non somnum capit ex incuria, neque illa se cogitatione consolatur, quod ei plurimæ aliæ supersint, sed reliquo grege famulis commendato, hac illâque desertis in locis oberrat, sicubi fortè oui erranti occurrat, & inuentam humeris imponit cum gaudio, quod reuersus cum amicis vicinisque communicat. Hic quoque amor laboriosum se prodit, tam in absentia rei amata, quàm in eiusdem præsentia. Ita & Angeli Dei elaborare solent, in peccatoribus reducendis in rectam viam, eorumque pastori restituendis, quod vbi fuerint consecuti, collatantur inter se, & congratulantur Deo.

III. *Amor honoris actuosus;*
In Pis de L. Crasso C. Cotta, &c.
4. Tusc. Romanus Orator scriptum reliquit plerosque in Repub. Romana principes viros, imperatorios & consulares triumphi cupiditate incitatos, cum eis quietis Romæ viuere liceret, imo totius Italiæ, & Europæ, Asiæque deuictæ deliciis frui, spiculis propemodum scrutatos esse Alpes, vt vbi hostis deerat, ibi aliquâ triumphi materiam inuenirent. Et alibi ait Themistoclem, egregium in primis Imperatorem, insomnem noctu per urbem inambulasse, Melciadis trophæis & somnis excitatum; ibidem Demosthenis refert, commendatque diligentiam, qui dolere se aiebat, si quando opificum antelucana victus esset diligentia. Illius amor gloriæ, & huius amor eloquentiæ efficiēbant, vt iste quiescere noller, ille non posset: & vterque omnes animi nervos corporisque intenderent, vt quod sequebantur assequerentur.

IV. *Sicut & Ineri. Et voluptatis.*
Gen. 29. 20. &c.
ca. 31. 40. Vides vt amor lucri reddat impigros mercatores, & ad extremos vsq; Indos currere compellat; alios negotiosos reddat & inquietos? Quantus quàmque indefessus erat nobilium puellarum regis Assueri labor, toto se anno variis pigmentis vexantium, priusquam ad regis conspectum admitterentur, vt ei placere possent, & intra numerum concubinarum admitti? Quid memorem Iacobum patriarcham? Certè Scriptura testatur eum Rachelis amore, septennio Labano socero noctes diēsque ita seruasse, vt æstu vreretur & gelu, fugerētque somnus ab oculis eius: & tamen visi sunt ei dies pauci præ amoris magnitudine. Quin etiam mox à socero illusus, geminauit alterum laboris pro eadem Rachele septennium, quod etiam non malè collocatum putauit.

Gemina

Gemina porro est hominum actio, geminûsque labor, corporis vnus, alter animi, quem vtrumque Amor actuosum, & pene operarium facit. Neque enim rusticanæ plebis opinioni acquiescendum est, quæ de fides illos atq; otiosos putat, qui cæmētariam operam, aut fabrilem non exercent, aut agriculturam, aliamve artem plurimi sudoris ac pulueris. Seruiat si placet huic insulsæ opinioni Platonis illa fabula, qua fertur olim homines quaternis brachiis, quaternisq; pedibus fuisse compactos, postmodum autem diuisos, Amorem autem priorem coniunctionem restituere voluisse, vt eorum videlicet duplicaretur labor. Eodem pertinet illi tituli & nomina, quæ idem philosophus amori tribuit, vocat enim *σκληρόν, ἀνχηρόν, ἀνπόνητον, ἀόικον, χαμωικόν, καὶ ἀστρόν, ἐπὶ δόξῃς, καὶ ἐπὶ δόξῃς, ἐπὶ δόξῃς*. id est asperum atque agrestem, squalidum, qui nudis pedibus incedat, tecto ac strato carens humi iaceat, ad ianuas in viis sub dio dormiat, vt agricolæ ac baiuli solent, duris in laboribus educati.

Itaque si istos audias inertes atque otiosi censendi sine omnes viri literati, inertes etiam fortasse dicunt oculos suos & aures, maximèque, vt est in veteri fabula, ventrem, quòd manuum instar ac pedum non laborent; nec animi, quo modicè omnino, aut tanquam muta pecora vtuntur, laborem ac studium æstunare possunt. Quibus, vt à sua opinione deducantur, optare liceat illam pœnam, lite vt aliqua implicati, omnium adeant fortunarum discrimen, breuique vt tempore, præ cura & sollicitudine, incanescant. Suus est ergo animis labor, sicut & corporibus; etsi animus in corpore sine corpore non laborat, & aliquando intentius, remissiùs aliàs operi vacat. Cùmque corporis functiones sint nobiscum brutis fere communes, in cæteris, ipsis beatis mentibus communicamus, & Deo. Nisi forte ad puppim gubernator sedens nihil agere dicendus est, cùm alij malos scandant, alij sentinam exhauriant, ille autem clauum tenans sedeat quietus. Archimedes certè summa animi contentione laborabat, cùm in geometrico pulcre ludere videretur, tanta attentione, vt patriæ capræ tumultum non sentiret.

CAPVT III.

Diuinum Amorem actioni deditum esse ac labori.

AMOR ACTVOSVS.

VIAM mihi perquam expeditam strauisti, ait Amor Actuosus, ad cam rem quam paro, itaque posita est à te vniuersa quæstio, quæ natura particularem antegreditur, vt hæc facilem habeat consecutio-

ffff

nem. Neque enim hoc loco naturalis & diuinus amor admodum differunt, nisi quod hic Deum ipsum intuetur, & quæcunque ad eius honorem cultumque pertinent; ille autem repit humi, terrenaque meditatur & quærit. Veritatis huius locupletissimus testis est magnus Gregorius. *Ad eosmetipsos*, inquit, *fratres charissimi introrsus redite, si Deum verè amatis exquirite; nec tamen sibi aliquis credat, quidquid sibi animus, sine operis attestatione, responderit. De dilectione conditoris lingua, mens, & vita requirantur: nunquam est Dei amor otiosus. Operatur etenim magna, si est; si verò operari renuit, amor non est. sed fictum diuini amoris simulachrum,*

Hom. 30. in
Euang.

II.

Idque necessa-
rio, ex
Gregorio
magno.

Rursum alibi Præful idem Amoris actionem cum contemplatione componens, hanc in libertate nostra positam esse ait, illam autem necessariò in hac vita vsurpandam. *Es cum utraque vita*, inquit, *ex dono sit gratia, quandiu tamen inter proximos viuimus, una bonis in necessitate est, altera in voluntate. Quis enim cognoscens Deum ad eius regnum ingreditur, nisi prius bene operetur? Sine contemplatiua ergo vita intrare possunt ad cælestem patriam, qui bona quæ possunt operari non negligunt. Sine actiua autem intrare non possunt, si negligunt bona operari, quæ possunt. Sic magnus ille Pontifex, alludens ad illam Seruatoris vocem, Si unus ad vitam ingredi serua mandata. Nec Paulo Apostolo satis est fides, nisi per dilectionem operetur; illam enim inutilem ac mortuam esse Iacobus accurata oratione confirmat, nedum idoneam acquirendæ æternæ vitæ.*

Mat. 19. 17.
Gal. 3. 6.
Ca. 2. 14.
&c.

III.

Dei Amor
igneus, ideo-
que actiuo-
sus.

Diuinus Amor actionis est amans, ideòque igni confertur, quo nulum elementorum est actuosius, neque calidius; atque adeo fons est caloris, quo tanquam primario instrumento natura vitur ad procreationem, & conseruationem vitæ omnium plantarum atque animalium. Ita & charitas ignis est, cuius calor vitam animabus imperititur atque conseruat, estque principium functionum omnium, quæ gratæ sunt Deo, quocunque tandem loco fiant; & sine ea mortuæ sunt omnes, & plerumque mortiferæ. Ignem quoque eam vocat Seruator, cum se ait venisse, ut ignem spargeret in terram, neque aliud velle se, quàm ut vehementer accendatur. Salomon in Canticis de eadem loquens, *Lampades*, inquit, *eius, lampades ignis atque flammarum*, vel ut est in Hebræo, prunæ eius, prunæ ignis, flammæ vehementissimæ. Et Spiritus Domini in Apocal. hunc amorem vocat *aurum ignitum*, quo facile homines durescere possint; tepore enim reiecto, feruidos efficit, & alacres ad laborem.

Luc. 12. 49.

Ca. 8. 6.
Ca. 3. 18.

IV.

Etiam in
Angelis.
Ca. 18. 14.

Cum de lucifero loquitur Ezechiel, eique illa exprobrat gratiæ decora, atque ornamenta, quibus eum Dominus locupletarat, eum ait fuisse cherubinum extentum in monte sancto Dei, & *in medio lapidum ignitorum*, ambulasse, id est inter angelos, qui, propter nobilitatem & excellentiam suam, instar sunt pretiosorum lapidum; & ignitorum,

propter charitatem, ignis actioni, motionique per similem. Itaque rectè Apostolus eos vocat Administratores spiritus, in ministerium missos, propter eos qui hereditatem capient salutis; milleni quoque adstant diuino tribunali, partim diuinis laudibus de prædicandis occupati, partim ad Dei mandata exhaurienda expediti. Nam etiam Seraphinos legimus, aliósque primarios in curia cœlesti principes, huc ad legationes amandatos, atque adeo illum ipsum cœlestis militiæ principem Michaëlem, vt ex Daniele constare potest.

Qui administratores
sunt.
Hebr. 1. 14.
Dan. 7. 10.
& 8. 16.
Isa. 6. 6.
Tob. 12. 15.
Luc. 1. 19. 26.
Dan. 10. 13.
21.

CAPVT IV.

*Dei amicos, & nominatim custodes Angelos, ad agendum ex
Dei amore propensos.*

SE D quoniam in hunc de beatis Angelis sermonem incidimus, rem paulò, si placet, latius explicemus, & aliquos Dei famulos, angelicarum occupationum æmulos, in medium adducamus. Exemplar enim verbis potiora sunt ad faciendam fidem, & imitationem incitandam; quod enim factum est, quin fieri possit dubitare non licet. Hic ego, nihil ne placet de his ipsis Angelis in hunc inferre sermonem? Nihil admodum occurrit, inquit ille, quod iis, quæ iam dudum dicta sunt in simili argumento, videatur addendum. Et alioqui nihil certius quam eorum gubernationem, custodiam, defensionem ab inimicis, potenti- bus præsertim atque improbis, sine actionis diligentia esse non posse; quæ tamen actio molestia vacat ac labore, nec eorum beatitudinem tantillum minuit, aut interpellat. Nam, vt Seruator ipse testatur, Angeli paruulorum, qui in ipsum credunt, Patris cœlestis faciem perpetuò contemplantur. Neque tamen significat grandiores natu his defensoribus carere, sed à communi beneficio ne paruulos quidem excludi.

Hoc ergo protectoris ac custodis officium requirit. Qui enim ad arcis alicuius præsidium & custodiam in regni finibus, aut in seditiosa quampiam ciuitate à rege destinatus est, noctes diésque oculos in arcem illam intentos habet, ab ea ne tantillum quidem digreditur, sed in ea, quasi in custodia, hæret affixus; Eam intus & foris diligenter lustrat atque circumspectat, omnes adit portarum aditus, fossas, aggeres, pontes, vallum, turres, cryptas murales, propugnacula; ne speculas quidem excubitorum relinquit inuisas. Nunc arma explorat, quibus peti hostis possit, nunc quibus tegatur miles suus; modò cibariorum, modò missilium, ac tormentorum apparatus. Inspicit quid miles gerat, quid dicat auscultat, quid moliatur attendit; nemo literas ipso incio, aut mittit aut recipit, nemo iniussu eius aut in arcem admittitur,

I.
Amor An-
gelorum a-
ctuosus, præ-
sertim custo-
dum.
A V T O R.
L. 2. ca. 7.
A M O R.

Mat. 18. 10.

II.
Simili decla-
ratione.

aut exit foras ; in suorum socios, in colloquia, in congressiones inquiri.
In vrbe, in campis, in hostico, in amico solo, fidos habet atque astutos
exploratores, & vbique clandestina commercia.

III.

Et exemplo
Raphaeis.
C. 5. 11. 13.
15. 20.
Ca. 6. 2. 3.

Vnus Tobiae sacer libellus cumulatè docet quot quantisque officiis,
Custos Angelus, erga commissum sibi hominem, eiusque amicos ac ne-
cessarios, perfungatur. Viden, vt Raphaël seniore Tobiam amicè con-
soletur, & propinquam spondeat curationem, vt iunioris curam in se re-
cipiat, vt eum ab immani ac voraci pisce seruet incolumem, & ipse
Dei more, quod in pupilli sui pestem imminebat, in vtilitatem vertat?
Nam voratorem illum morti dedit, eius viscera in medicinam, carnes
in cibarium viaticum vsurpauit. Eundem mox erudit institutione salu-
tari, honesto atque opulento iungit matrimonio, & vxorem eius ab
Asinodæo cruento cacodæmone liberat, qui septem eius maritos con-
tinenter interfecerat. Quid multa? ne caduca quidem ista vitæ humanæ
commoda negligit. Ad Gabelum proficiscitur solus, creditam illi pecu-
niam cum fide recipit, reportatque. Ipsum iuuenem reducit ad paren-
tes, cum incredibili vtrorumque voluptate, magnisque opibus. Et quod
caput est, de singulari Dei in ipsos prouidentia & bonitate docet, deque
sua pro ipsis apud Deum sollicitudine, in precibus, bonisque operibus
eorum illi offerendis.

IV.

Et Angeli S.
Onuphrij.
Ca. 12. 15.

Quis ergo Raphaëlem, vnum de septem qui astant ante Dominum,
in gratiam Tobiae, tam sedulum, tamque diligentem reddidit opera-
rium? nonne Dei amor actiuosus, & cupidus illi famulandi, in persona
amicorum eius? Neque vero hoc vnicum extat laboriosi amoris, in
beatis illis hominum tutoribus, exemplum. Sancti patres, qui vastas
illas Aegypti, Arabiae, Syriaeque solitudines, incredibili animi fortitudi-
ne ac patientia frequentarunt, angelos erga se, nominatimque custodes
perquam officiosos experti sunt, quæ consignata reperiuntur in eorum
historiis, ac probatae fidei monumentis, de quibus vnum atque alterum
duntaxat seligere placet (exemplum. Sanctum Onuphrium Custos
Angelus deduxit in solitudinem, eique affuit annos ipsos sexaginta, die-
bus singulis panem illi & aquam subministrans; diebus autem Domini-
cis sacrosanctam Eucharistiam, instar sacerdotis ei porrigens: quæ gra-
tia cæteris quoque vastæ illius atque terrificæ solitudinis cultoribus, à
suis quæque angelis, vt par est credere, concedebatur. Ille idem an-
gelus sub extremum Onuphrij diem, sanctum Paphnutium ad eum de-
duxit, vt eum vita functum terræ mandaret, cuiusque vitam religiosissi-
mam mandaret literis. Ille idem alumni sui defuncti corpus magno lu-
mine circumfudit, animamque transtulit in cælum, comitatu, conuen-
tūque angelico cohonestatam.

V.

Et alterius
Heremita.

Nec minus mirabilis fuit, Angeli vtique Custodis, diligentia in quen-
dam heremitam, cuius non est proditum nomen; cuius cella duodecim
passuum millibus ab aqua distabat; itaque magno cum labore de aqua

sibi providebat senex; cūque aliquando fatigatus dixisset, quid ego me inuiti labore vexo? propius mihi ad aquam cellam construam. Quæ cū diceret, sensit pone sequentem virum, & illius passus numerantem. Conuersus ad eum, rogat quis esset: ille se fatetur Dei Angelum à Deo missum, vt laboriosi eius itineris passus omnes numeraret, quod singulis sua merces responderet apud Deum. Quod cū à sene fuisset auditum, bene animatus ad laborem, longius etiam cellam suam abduxit ab aquis. Vt labore multiplicato augetur & præmium, Angelo Domini commodis eius, vtilitatieque seruiente. Neque sanè mirum numerari ab Angelo passus hominis, cum etiam capilli ab Angelorum Domino numerentur?

l. 3. libel. 7.
n. 31. de vita
patrum.

Sed dabit hic nobis Angelus, si placet attendere, non inutile documentum. Nam si is omnes huius Heremitæ passus studiosè numerabat, num putas Angelum tuæ custodiæ destinatum, eorum numerum neglecturum, quos non in aqua longius petenda confeceris, sed vt adires ad sacrosanctum missæ sacrificium, professurus te diuinæ maiestatis clientem? aut vt eius addisceres, audienda concione, voluntatem? An non dinumerabit passus illos, quos adeundis carceribus, aut nosocomiis ambularis, vt Christum Dominum, in victorum aut ægrorum persona, inuiseres, aut eundem ad altare maius in propria? Quantò studiosius etiam numeraturum arbitraris, quoties te prostratus in terram abieceris, vt Deum supremo patriæ cultu, cœlites debito honore prosequerere, & nominatim quoties Angelorum reginam iteranda salutatione Angelica persalutaris? Annon sollicitè numerabit, quoties, dolore de peccatis incitante, aut pugnis in pectus, aut flagris in terga sauearis, terram ex animi demissione deosculatus sis, & quot lacrymas in dolorum Seruatoris tui commiseratione profuderis? Noli ergo in frequentandis bonis operibus defatigari, non deerit muneri suo diligens procurator, nec relator beneuolus iudicandæ causæ, apud omnium iudicem Deum.

VI.
Documentū
inde elicitū.

CAPVT V.

Laboriosi amoris exempla ex veteri testamento petita.

OMITTA MUS porrò nunc laboriosum cœlitum amorem, quando non ignoramus eis dictum esse vt *requiescant à laboribus suis*, consideremus potius viros, quorum virtus nunquam debilitari, quorum animi robur nunquam fatigari, nedum frangi, vlla corporis animeve contentione, potuit. Talem meritò dixerimus Abrahamum patriarcham, cuius ex diuino imperio continentes fuere peregrinationes; à se-

I.
Abrahami
laboriosus
amor.
Apoc. 14. 13.

ptuagesimo ætatis anno, quo anno mandatum diuinitus accepit exeundi de terra sua, & de domo patris sui, vsque in diem mortis suæ, qui fuit annus vitæ eius centesimus septuagesimus quintus. Ergo curriculum peregrinationum eius centum & quinque annorum fuit, quo toto tempore nusquam substitit, aut habitauit in suo. Affectemur si placet, ducibus sacris codicibus, vestigia tanti viri, in vsu diuinæ obedientiæ perpetuò defudantis.

II.
*Perpetuæque
peregrinatio.*

Ab Hura Chaldaæ profectus, venit in Harā Mesopotamiæ, vbi quinquennium in conductitia domo commoratus, adiit in Syria Damascum, vnde digressus venit Sichimam in Chananitide, indeque ad Vallem illustrem, magnitudine cladis Pentapolitanæ, quam soli bonitate illustriorem. Postmodum abiit in Bethel, indeque urgente fame in Ægyptum descendit, vbi tribus mensibus demoratus, Bethalem repetiit, vnde breui Hebronem, in valle Mambre positam profectus est: ex qua mox post deflagrationem Sodomorum transiit in Gerara Palæstinorum, neque eo hospitio diutiùs occupato, Hebronem remigrat, vbi & Saram tradit sepulturæ: vbi apud Hethæos aduenam se proficitur atque peregrinum. Inde cum Isaaco filio venit Bersabzæ, eoque ibi relicto Hebronem repetiit, locum mortis eius ac sepulturæ, vbi aliquando tandem Patriarcha ex longa, ac perpetua peregrinatione quieuit.

III.
*Isaac quoque,
ac Iacobi.*

In hunc ipsum peregrinorum indicem eiusdem filium ac nepotem referre licet, Isaacum, inquam, & Iacobum, ambos toto vitæ decursu peregrinos, multisque casibus vbique exercitos; sed res ipsa ex iis quæ de Abrahamo dicta sunt satis aperta est. Cuius etiam laboriosus amor ex bello, in gratiam nepotis sui suscepto, felicitérque confecto satis intelligitur. Nec obscura est eius, in docendis Ægyptiis, ac Palæstinis, opera & labor: docendis, inquam, de plerisque rebus, quas in Chaldaæ dudum a parente, auis, proauisque didicerat; quæ illi per manus ab ipso Noëmo, adeoque ab Adamo acceperant, quæ Deus ipse incredibili multarum rerum infusa cognitione locupletarat; & insuper nongentorum ac triginta annorum experientia comprehenderat, & obseruatione naturæ.

*Abrahami
hospitalitas.*

Quid cæterorum misericordiæ operum vsum eiusdem Patriarchæ recenseam? officiosissimam præsertim hospitalitatem, cui vsque adeo addictus fuit, vt non solum prætereuntes inuitaret ad amicas epulas, sed obuiam etiam accederet, supplèxque rogaret, vt ad se diuerterent, quasi non daturus esset beneficium, sed accepturus.

IV.
*Mosis amor
laboriosus.*

Hic ipse laboriosus amor Moysen perpulit, vt diuino de Ægyptiaca legatione mandato acquiesceret, onusque susciperet gubernandi populi Hebraici, cuiusque expediendæ libertatis: nec susciperet modò, sed per vastissimas Arabiæ solitudines, ipsos quadraginta annos, laboriosissimè perferret, populi præsertim & numero maximi, & moribus seditiosi atque turbulenti, & ad omnem improbitatem, ipsamque idolorum seruitutem propensi. Itaque cum succumberet oneri, ad illam compulsus est

querelam, quam haberet filius ad parentem. *Cur, inquit, afflixisti seruum tuum? quare non inuenio gratiam coram te? Et cur imposuisti pondas vniuersi populi huius super me? Nunquid ego concepi omnem hanc multitudinem, vel genui eam, ut dicas mihi. Porta eos in sinu tuo, sicut portare solet nutrix infantulum, & defer in terram, pro qua iurasti patribus eorum? unde mihi carnes, ut dem tantæ multitudini? flent contra me, dicentes, Da nobis carnes ut comedamus. Non possum solus sustinere omnem hunc populum, quia grauis est mihi. Sin aliter tibi videtur, obsecro ut interficias me, & inueniam gratiam in oculis tuis, ne tantis afficiar malis. Sic ipse, nec frustra. Dati enim sunt ei adiutores; sed ipse nihilominus grauissimam semper oneris partem tulit.*

Dauidem possumus Mosi in eiusdem populi laboriosissima gubernatione componere, præsertim cum is Dauidis tempore in longè maiore multitudinem excreuisset, aded vt Salomon cum vocet *innumerabilem sicut puluerem terra*, & grauissimis insuper bellorum negotiis, cum circunfusus vndique populis, distineretur, Syris, Ammonitis, Moabitibus, Arabibus & Palæstinis, vt bella ciuilia missa faciamus. Sed multò erant difficiliora atque operosiora eius certamina cum rege Saule: cum is subditi sui Dauidis pestem atque perniciem animo destinauit, ac suscepit; & ad iniustissimum facinus conficiendum, omnes ingenij regni que vires contulit. Interim Dauid, rerum inops atque consilij, aliam ex alia urbem, prouinciam, speluncam, solitudinem profugus commutabat, in rupes solis ibicibus peruias adrepebat, Moabitibus, ac Philistæis, quamuis antiquis Hebraici nominis hostibus, permittebat sese, dum Dominus susceperet causam eius, & eum *ab homine iniquo & dolofo erueret*, cui, cum vitam eius haberet in potestate, semel iterumque pepercerat: & vitam, tot tantisque periculis ac laboribus exercitam, pacifici regni adreptioni, excelso animo, & virtutibus exaggerato prætulerat.

Iam verò laboriosissimæ fortitudini Mathatæ ducis ac Pontificis Hebræorum, difficillimis illis Reipub. temporibus, quæ par esse possit oratio: cum enim Antiochi regis nomine, regia illi amicitia, magna vis auri & argenti, cum multis muneribus, vitæ iucunditate, & quiete offerrentur, si deserta lege patria, regis acquiesceret voluntati, maluit grauissimas cum potentissimo principe suscipere inimicitias, & præsentissimum mortis adire discrimen; maluit nobilissimos filios, fratres, cognatos, necessarios, in medium rerum omnium certamen conicere; maluit fortunatum omnium, & vitæ commodorum iacturam facere, & per montana desertaque loca, vagus omniumque rerum egens oberrare, densa sylvarum latibula, & rupium cauernas peruadere, quàm profanæ ac sacrilegæ quieti, indulgere, Dei legem, patriæque instituta deserere, & impiis barbarisque commutare.

V:
Dauidis
quoque.
2. Par. 1. 9.

1. Reg. 24. 5.

Psal. 42.

1. Reg. 24. 5.
& 26. 5.

VI.
Mathathia.
ac Machabæorum.
1. Mach. 2.
18.

CAPVT VI.

Alia eiusdem laboriosi amoris exempla, quæ tempore legis gratia contigerunt.

I.
*Comparatio
sanctorum
viriſque
teſtamenti.*

SI quam placet instituere contentione in periculis ac laboribus, quæ Dei amici in eius famulatu, in utroque teſtamento ſuſceperunt atque exantlarunt, qui ad noui teſtamenti gratiam pertinent, utique pal- mam ferent. A copioſiore enim fonte abundantiores riuſ proficiſcun- tur, & quo maius eſt incendium, hoc latius diffunditur calor. Quoniam ergo Euangelica gratia, longè maior eſt, quàm quæ olim in lege Moſai- ca ex communi uſu contingebat, ut alio quoque loco diſputatum eſt, nihil ſanè mirum diuini amoris opera in lege gratia plura etiam, & præ- ſtantiora extitiſſe. Ex communi, inquam, ac perpetuo uſu. Nonnullæ enim virtutum actiones in lege veteri dignæ ſunt noua, ſed ex raræ ad- modum ſunt, atque infrequentes. In iis, Abrahami obedientia, Iobi pa- tientia, Moſis Dauidiſque manſuetudo, Danielis conſtantia in leonum ergaſtulo, & ſociorum eius in Babylonica fornace, Eleazari & ſeptem adoleſcentum, cum ipſorum matre fortitudo, in horrenda ſuppliciorum carnificina, aliæque exempla pene ſingularia. At in Euangelio centena penè ſingulis opponi poſſunt: nonnulla pro inſtituto ſeligam.

II.
*Antiquiora
nouis ſupe-
rioribus.*

Quoniam ergo Amor ætuoſus in ipſis operibus cernitur Charitas quoque in operibus charitatis ipſa ſe præbet, iſſque maximè, quæ ſunt cum corporis labore, vel animi contentione coniunctæ; quales ſunt longinquæ, difficilèsque peregrinationes, pro Dei honore & animarum bono ſuſceptæ, famulatus in hoſpitiis, aut peſtilentia infectis locis, conſolatio miſerorum, viſitatio redemptioque victorum; puerorum ac rudium inſtitutio de doctrina Chriſtiana, ut omittam varia opera pa- tientia, fortitudinis, liberalitatis, aliarumque virtutum, quæ iam dudum explicata ſunt, & à charitate imperantur, quæ me longius abducerent ab inſtituto. Comparentur ergo nunc Patriarcharum peregrinationes, & ipſis connexi labores, & utilitas quæ ex iſſdem in Dei gloriam redun- dant, cum Apoſtolorum, & virorum Apoſtolicorum peregrinationi- bus, laboribus & ærumnis, animarum lucris, & diuinæ gloriæ incre- mentis, tanta erit inter utroſque diſtantia, quantum inter utrumque polum intercep- tum eſt interuallum.

III.
*Peregrina-
tiones Apo-
ſtolorum.*

Abrahami, Iacobi, Moſiſque peregrinationes, multorum quidem annorum extiterunt, ſed earum longiſſimas licet paucorum dierum ſpa- tio definire, cuiuſmodi eſt Chaldaæ in Iudæam, & à Iudæa in Ægyptum diſtantia. At Apoſtoliſ demandata eſt peregrinatio in vniuerſum orbem terrarum,

terratum, & Euangelij prædicatio omnibus gentibus, quas continenti motu sol ille perlustrat; quod illi mandatum studiosè sunt executi. Illi enim, ut ait Marcus, *professi prædicauerunt ubique, Domino coope-* S. Petri.
rente, & sermonem confirmante sequentibus signis. Cum Petrus Aposto-
 lus Iudæam omnem prædicando peragrasset, Antiochenam Ecclesiam
 stabilisset, easque deinceps constituisset, quæ in Ponto, Galatia, Cappa-
 docia, Asia, Bithyniæque floruerunt; ad quas etiam Catholicas Episto-
 las destinauit. Jam populos, inquit S. Leo, *qui ex circumcisione credide-* 1. Pet. 1. v. 1.
Serm. 1. de
App.
rant, erudieras; iam Antiochenam Ecclesiam, ubi primum Christiani no-
minis dignitas est orta, fundaueras; iam Pontum, Galatiam, Cappado-
ciam, Asiam, atque Bithyniam, legibus Euangelicæ prædicationis impleue-
ras, cum trophæum crucis Christi Romanis arcibus inferebas.

Quibus autem subsidiis nixus omnes hæcæ prouincias percurfabat? Facile est id ex eo conicere, quod idem Apostolus dixit aliquando clau-
 do, quem in Christi nomine mirabiliter erexit, *Argentum & aurum non* IV.
Sine huma-
nis prædiis.
Act. 3. 6.
est mihi, quod autem habeo hoc tibi do. In nomine Iesu Christi Nazareni
surge & ambula. Sic nimirum obseruabat illud diuini præceptoris man-
 datum. *Euntes, inquit, prædicate dicentes, Quia appropinquauit regnum* Matt. 10.
7. 8.
cælorum. Infirmos curate, mortuos suscite, leprosos mundate, demones eii-
cite: gratis accepistis, gratis date. Nolite possidere aurum, neque argentum,
neque pecuniam in zonis uestris, aliæque id genus, quibus fiduciam in
paterna cœlestis Domini prouidentia stabiliēbat; quæ feruidam primo-
rum Christianorum in magistros suos charitatem accendebat, nulla ut
re illos egere paterentur.

Quid in hoc genere memorem Paulum Apostolum? Expleuit is cumu-
 latè factis ipsis, quæ Christus Dominus in ipsius conuersione prædixerat, V.
S. Pauli la-
bores.
Act. 9. 15.
Rom. 15. 19.
Vas electionis, inquit, est mihi iste, ut portet nomen meum coram gentibus,
& regibus, & filiis Israel. Sed multa fortasse eum quiete, mediisque in-
 deliciis. Imò verò, *Ego, inquit, ostendam illi quanta oporteat eum pro no-*
mine meo pati. Testis certè est ipse idem Apostolus, *se in virtute signorū*
& prodigiorum, in virtute Spiritus sancti, ab Hierusalem per circuitū vs-
que ad Illyricum, loca omnia Euangelij prædicatione repleuisse. Quod
 iter quadruplo maius est eo, quod emensus est Abraham à Mesopotamia
 in Iudæam; cūque ille Patriarcha per singula loca transiret duntaxat,
 Apostolus in singulis laboriosas trahebat prædicando moras. Quid eius
 industria ad hos labores acuebat? nōne diuinus Amor? *Charitas, inquit,* 1. Cor. 5. 14
Christi urget nos, atque extimulat, neque languere in opere pro vestra sa-
lute suscepto patitur, aut dormire. Ut eum locum explicat Chryso-
stomus.

Sed eum placent audire in vtriusque Apostoli laudibus, atque labori-
 bus exultantem. *Quasnam vobis, o beati Apostoli, referemus gratias, qui solum.*
tantum pro nobis laborastis? Memini tui Petre & obstupeſco: recordor tui Apud Mc-
taph.
Paule, & excedens mente opprimor lachrymis. Quid enim dicam, aut quid

loquar vestras contemplans afflictiones, nescio. Quot carceres sanctificastis? quot catenas decorastis? quot tormenta sustinulistis? quot maledicta tolerastis? quomodo Christum portastis? quomodo predicatione Ecclesias latificastis? Sunt benedicta lingue vestra instrumenta, sanguine conspersa sunt membra vestra propter Ecclesiam. Vos Christum imitati estis in omnibus; in omnem terram exiit sonus vester, & verba vestra in fines orbis terra. Sic magnus ille Praeful. Hic ipse amor salutis animarum magnos illos anachoretas solitudinum incolas, aliosque viros, eximia sanctitate, atque eruditione perstantes à deliciis consolationum abducos, in media periculorum discrimina pertrahebat, ut periclitantibus proximis opem ferrent, & incendium ab hæreticis, cæterisque infidelibus excitatum, aqua salutaris doctrinæ, constantiæque restingerent.

CAPVT VII.

*Alia quadam in viris Apostolicis laboriosi amoris exempla,
& primum in S. Vincentio Ferrerio.*

I.
*Laboriosus
amor S. Vin-
centij Ferre-
rij.*

*Eiusque fru-
ctus.*

II.
*Miracula
concionum
eius.*

SEd placet nonnullos ab hac clarorum & Apostolicorum virorum turba secernere, qui seculis hisce nouissimis Apostolorum vestigia, atque institutum proximè persecuti, Dei adiutores fuerunt, ad innumera- bilium messum animarum. In quibus S. Vincentius Ferrerius, ex S. Dominici ordine prædicatorio, mirabiliter effulsit. Cum enim illū Deus elegisset in Euangelicam tubā, ex qua sua ipse verba profundere, nobilissimum hoc fructuosissimūque officiū multos annos exercuit, non solum tota Hispania, ex qua erat oriundus, ubi supra viginti quinque ludzorum millia, decem & octo millia Maurorum ad Iesu Christi fidem conuertit, magnāque hæreticorum, qui illis temporibus grassabantur, aliorūque criminolorum hominum vim ad Christianæ fidei integritatem, morēsque reduxit. Sed plurimis quoque aliis in regnis atque prouinciis, Gallia, Anglia, Scotia, Hibernia, regionibus subalpinis, magnæque parti Italiæ: cum nihil interea de religiosi ordinis instituto remitteret. Deus faustus aderat operibus eius, itaque illa amica benedictione prosequabatur, ut mundum vniuersum à vitiis purgatum sanctiori vitæ formæ restitueret, peccata publica exterminaret, principum virorū, & rerū publicarū contentiones, priuatorum quoque controuersias insigni sanctitatis opinione tolleret, & Deo per confessionis & Pœnitentiæ Sacramenta reconciliatos, inter se conciliaret. Deus in os eius certos aliquādo sermones immittebat, ut alia omnia, quam quæ præparauerat, loqueretur; cordium item secreta, resque futuras illi non raro patefaciebat; quæ mox instinctu inflatūque diuino prænunciabat. Tanta vi peccatorū corda inuadebat, ut vim lacrymarum effunderent, & verum animi dolorē publica pœnitentia testarentur. Cum in amplissimis plateis aut latissi-

mis camporum spaciis conciones haberet, neque enim templis quantū-
uis capacibus confluentium populorum multitudo capiebatur, ab infi-
nita sexus omnis, ætatis ac conditionis turba exaudiebatur, siue propius
ab eo, siue lōgius abfuisset. Quin illud etiam contigit, vt cū aliqui eius
amici eum de superiore loco dicentem audire dīcuperent, nec adesse
possent, eum ex loco in quo erant, tribus fere passuum milibus dis-
sitis, audirent: cūque hispanicē loqueretur apud alias nationes, quæ pro-
prium tantū idioma callebant, ita animo capiebant auditores, quā ille
dicebat, quasi propria ipsorum lingua locutus fuisset, Dei dono singula-
ri, ac verē Apostolico.

Diuinus amor cum vsque ad eū reddiderat actionis & laboris amantē, III.
in munere concionandi, quod illi fuerat diuinitus impositum, totis vt *Aliāque pas-*
18. annis, nunquam nisi quindecim dies à concionibus cessarit. Cūq; *sim.*
maximē concionaretur, visi sunt Angeli humana specie super caput eius,
siue vt maiorem orationi eius auctoritatem conciliarent, siue vt maius
verbis eius pondus & efficacitatem afferrent. Ergo lustra, ganeasque &
alia id genus loca nequitie destinata, publicæque offensionis, in loca pia,
religiosaque conuertebat, & crebris prodigijs animas è Satanæ vngu-
ibus aperto Marte rapiebat. Secundissimo quippe Dei auxilio fruebatur,
ad eū vt Petrus Rosanus, vir ex eadem religiosa familia, qui iussu Præ- *Miraculorū*
positi Generalis eiusdem ordinis S. Vincentij vitam conscripsit, referat, *vis ingens.*
facta inquisitione legitima miraculorum eius Auenione, Tolosæ, Nan-
teribus, & Neapoli gestorum, omīssis iis, quæ aliis locis patrauerat, nu-
merum ad octingenta & sexaginta peruenisse, quorum pleraque diplo-
mate Pontificio, quo relatus est in sanctorum Album, continentur. Quā
multis laudatissimis actionibus ac laboribus ordinem suum, totāque
Dei Ecclesiam nobilitauit hic sanctus, qui in quatuor ciuitatibus dunta-
xat, tantam vim prodigiorum ediderit?

CAPVT VIII.

*Laboriosus Dei Amor S. Ignatij Loyolæ, fundatoris
Societatis Iesu.*

REv sūm ingrati facinoris, si missos fecero duos admirabiles I.
viros, qui non ita pridem Sanctorum catalogo adscripti sunt, *Labores à*
sanctum dico Ignatium, & sanctum Franciscum Xaverium, in quibus *S. Ignatio*
Christus Dominus perspicuē patefecit quā laboriosus, atque ope- *suscipii.*
ræ plenus sit amor, quem ipse hominum pectoribus inserit, ad gloriam
suam, & animarum salutem promouendam. Cū enim sanctum Igna-
tium singulari providentia destinasset fundatorem ordinis, qui pro-
curandæ hominum salutis, per continentes animi corporisque labores

& contentiones, totus esset addictus, ab initio conuersionis eius, hac eum charitate repleuit, quæ ingenti proximos iuuandi cupiditate flagraret; & si non ignoraret quantis id studium curis, laboribus, periculisque constaret. Ergo Amor hic noster ita pectus eius insedit, ut valere iusta expectatione omni, quam natalis familiæ splendor pollicebatur, omiſſis quoque spiritalibus Minoreſſæ deliciis, Hierosolymitanam peregrinationem susciperet, non solum ut sancta loca, Christi Domini, & sanctissimæ eius Matris & Apostolorum, aliorumque Sanctorum vestigiis nobilitata, religiosè lustraret, ibique diuinis contemplandis placidè acquiesceret, sed ut peregrinos, eorumque locorum incolæ, quo eos cumque modo posset, adiuuaret.

II.
Peregrinatio
Hierosoly-
mitana.

Sicigitur animatus, ab omnibus peregrinationis præfidiis, præterquam ab animo fortissimo, imparatus, se dat in viam, & Caietam gratuita peruectus oneraria cum appulisset, Italia vehementi pestilentia laborans optatam ærumnarum segetem Ignatio ministravit, & quidem supra rigidæ paupertatis, quam studiosissimè colebat, incommoda, & voluntarias, quas à se ipse subinde pœnas exigebat, quibus ita erat debilitatus, itaque luridus & exanguis, ut quasi pestilentia laboraret, non ab urbibus modò, sed à pagis etià excluderetur. Ergo & itineris labore, & famis necessitate fractus, subinde cadens ac reſurgens ibi subsistere cogebatur, ubi eum nox oppressisset. Ibique sine cibo, sine lecto, sine lumine, sine vlllo humano subsidio noctem transigebat; cum tamen interea diuinis visitationibus, ac consolationibus abundaret. Itaque corporis malis, animique bonis vicissim sibi succedentibus, Romam aliquando peruenit. Vbi pietatis officiis religiosè perfunctus, & Adriani Pontificis benedictione percepta, non minoribus ærumnis, quam Romam Caieta venerat, Patavium adiit Venetiâque, moxque in Orietem vela faciens, inuitis nautis, quorum publica scelera seuera obiurgatione castigabat, quique propterea eum in desertam insulam eiicere inoliebantur, Hierosolymam attigit 4. Septembris anni 1523.

III.
Studiorum
labores pri-
mum exat-
lati in Hi-
spania.
natus 1481.
conuersus
1511. studet
1524.

Ibi cum diutius ei subsistere non licuisset, Deo famulū suum ad maiora certamina, atque vtiliora referuante, hic idem laboriosus Amor eum per multa pericula laborésque prioribus suppetes, in Italiâ, Hispaniâque reducit, & studia literarum suscipere persuadet, ipsâque Grammaticæ rudimenta deuorare, hominem secundum iam & trigésimum vitæ annum prætergressum. Hic præter eum, quem res ipsa suggerebat laborem, etiam cum Satanæ artibus luctandum fuit, qui eius animum literarum desiderio incensum, spiritalium deliciarum copia extinguere conabatur, magnam sibi cladem aliquando ex eius viri doctrina reformidans, qui & Dei spiritu plenus, & præclaris naturæ præfidiis instructus esset, & desiderio salutis animarum mirabiliter æstuet; sed patefactis dissipatisque mali dæmonis fraudibus, Barcinone primum, tum Compluti, deinde Salmanticæ, per summas difficultates, quæ illi tū ex

inopia voluntaria, tum ex proximi iuandi cupiditate, tum ex dæmonis inuidia nascebantur, diligentem quidem, sed perturbatam literis operam dedit. Eodem quippe tempore Dialecticæ, Physicæ & Theologiæ studiis occupabatur, & Christianam doctrinam rudioribus explicabat.

Cùm hæc studia nimium festinata Ignatium in Hispania triennium fere tenuissent, non sine instinctu cælesti Lutetiam cogitare cœpit, siue ut ibi studia renouaret, digereret, atque perficeret, siue ut in florentissima Academia iuuenes aliquot virtute doctrinæque præstantes, eiusdem instituti socios, Domino suauiter ad perfectiora euocante, sibi aggregaret; vtrumque in summa rerum inopia, incredibili labore, contantiaque perfecit. Nouem quippe sibi allegit socios, quibuscum Deo se, operamque omnem suam in procuranda hominum salute, edito paupertatis & castimonie voto consecrauit, sed & Hierosolymitanæ peregrinationis votum adiecit; aut si intra annum id non liceret, spondebant omnes se in summi Pontificis potestate futuros, ut ipsis ad animarum auxilium, vbiuis gentium, sine vlla temporis exceptione vteretur. Interim autem dum socij inchoata Theologiæ studia perficiunt, & ex condicto Venetias petunt, ipse in Hispaniam eorum negotia expediturus excurrat, felicitate confectis, vtrique se dant in viam, quam per grauissimos labores, frigidissima tempestate, bellis hæresibusque sæuentibus, fraterna charitate molestias omnes, & pericula condiente, confecerunt.

Prior ipse Venetias attigit; sed diuinus Amor, qui eum præclare multis iam annis in Gallia, Hispaniæque occupauerat, otiose in Italia viuere non est passus, nec dæmon ipse, qui eum capitalem ducebat hostem. Dum enim Venetiis lucris animarum intentus, nouos etiam sibi socios aggregat, fœdis impetitur calumniis, quas Apostolicus nuncius lata sententia damnauit falsitatis. Interim socij Venetias incolumes appellant, & Hierosolymitanæ profectiois consilia renouant; mox eos idem Amor, ne vacarent, in duo nosocomia partitur, vbi mirabilia virtutum exempla ediderunt, & inde Romam per ieiunium quadragesimale deduxit, sic ut, præter laborem itineris, & mendicatio viuerent, & diebus singulis ieiunarent. Ibi Pontificis benedictione percepta, grex modicus, Hierosolymitanæ peregrinationis candidatus, Venetias eodem quo abierat modo repetit, dùmque votiuus annus circumagitur, per ciuitates Venetæ dominationis sparsi, egregiam animabus operam nauant, in templis, in xenodochiis, in nosocomiis, in circulis & plateis, ab omnibus pene humanæ vitæ subsidiis inopes; quod ex ipso Ignatio, quem cæteri parentis loco habebant intelligi potest, qui totos 40. dies in deserta quadam domuncula, ventis omnibus imbribusque peruia traduxit prope Vicentiam: vbi perbreues somnos in modico stramine humi carpebat, corpus crebra verberatione castigabat, & emendicato pane aqua macerato victitabat: quæ fuit quoque cæterorum sociorum vitæ

IV.

Et Parisiis reintegrati.

Sociique collecti.

V.

In Italia multa patitur cū suis.

ratio, in illo colligendi sui causa secessu. Quod si huiusmodi fuit in quiete vita, qualis fuit in labore?

VI.
*In Europa
variè occu-
pantur.*

Annus abiit Hierosolymitanæ navigationi imperuius, Deo manipulum hunc suum aliis locis tota in Europa, atque adeo reliquo toto terrarum orbe destinante, ubi per immensas navigationum & terrestrium itinerum ærumnas atque pericula, aditum ad continentes ærumnas, grauioræque pericula inter barbaras gentes, aut hæretica peste infectas inuenirent. Ignatius autem Romæ remansit, ut ibi grauissimas exciperet tempestates, & Christo iuxta ipsius oraculum bene propitio frangeret, quæ nascentem in Ecclesia Dei ordinem oppressuræ videbantur, ut inde fratrum longè positorum onera literis monitisque subleuaret. Nam nouo vitæ religiosæ instituto à Sede Apostolica probato & confirmato, ab omnibus sociis in Præpositum electus, familiam suam suis apud Deum precibus sustentabat, regebat prudentia, augebat virtutum maximarum exemplis, fortitudine tutabatur, totoque orbe laboriosissimè disseminabat, adeo ut anno vertente Societas in Italia, Gallia, Germania, Hispania, Lusitania, Hibernia, occiduisque Indiis, pro Dei gloria & animarum salute, animosè vtiliterque decertaret.

VII.
*Singulares
Ignatii labo-
res, præter
Ordinis sui
gubernatio-
nem.*

Parum erat huic heroicæ virtutis viro, cuius pectus diuino flagrabat incendio, & iuxta nomen suum, igne cuius perpetua est actio, plenus erat, parum, inquam, erat illi viro, totam hanc, quæ mirabilia quotidie incrementa capiebat, stabilire tot locis, ac gubernare rempublicam, et si solent initia multis vbique difficultatibus vrgeri, Romæ alios ex aliis labores, pro animarum bono studiosissimè complexus est, & domino cooperante perduxit ad exitum. Huc pertinet catechumenorum instituta domus, quo sereciperent Iudæi & Saraceni baptismatis candidati: huc & ædes geminæ pueris puellisque orbatis parentibus educandis atque instituendis destinata, quæ Ignatii legibus, sicut & catechumenorum domus regebantur. Huc cœnobium S. Catharinæ, quod à funariis nomen habet, quod miserabilium puellarum necessitati tam corporum quam animorum, multo Ignatii labore fundatum atque instructum est. Huc sanctæ Marthæ domicilium, quod vulgò malè nuptarum appellatur. Huc denique nobilissimum collegium Germaniæ saluti destinatum, aliæque opera pia, quæ illum tot occupationibus distinuerunt, tot difficultatibus implicarunt, tot tantisque aduersariis commiserunt, ut cuiusvis alterius magnitudinem animi debilitare, planèque frangere potuisset videantur: nisi eum laboriosus Dei amor singulari auxilio roborasset; & bene cœptis rebus felicem exitum attulisset.

VIII.
*Quem totū
laboriosa vi-
ta adduxit,*

Verum ut hæc quæ percurrimus, aliæque multa, quæ breuitatis causa silentio præterimus, actuosum Ignatii amorem diuinum cumulatè probent, nullum tamen locupletius argumentum reperiri posse arbitror institutione religiosi ordinis, qui, ut dicere cœperam, totus ex proprio instituto in actionem, hominum salute procuranda, nullis diffi-

cultatibus periculisque deterritus, continenter incumbit; nunc ex superiore loco in concionibus ad populum, nunc ex æquo in catechismis ad rudiorem plebem; nunc in collegiis instituenda inuentute, à primis Grammaticæ cunabulis, ad summum Theologiæ verticem; nunc in sacro pœnitentiæ tribunali peccatoribus Deo conciliandis; hinc vinctis in ergastulo, illic ægris in nosocomio inuisendis, consolandis, omnique opei iuandis. Hinc infidelibus ad Christum adducendis, illic hæreticis atque schismaticis ad veram fidem, verumque pastorem reducendis. Hæreticis in primis verbo, scriptoque reuincendis, qui eo nomine totum hunc ordinem, vt phrenetici medicos, pessimè oderunt, refugiunt, diuexant ac persequuntur, quasi natum ad interitum suum: cum is nihil nisi eius errores & vitia persequatur, personas omni studio iuare cupiat, atque demereri.

Excessit è viuis vir ille sanctissimus, & in Christi palæstra laboriosissimus athleta, vitæ suæ anno quinto supra sexagesimum, conuersionis autem à mundi vanitate trigesimo quinto, quos totos diuinus hic noster Amor exigere compulit non repugnantem, in summa rerum omnium inopia, in grauissima diuexatione corporis, in diuturnis, ac laboriosis peregrinationibus, in contentioso atque improbo labore discendi, alieno planè tempore, ac non suo, in vexatione improborum, in calumniis & maledictis, in carceribus & catenis, in fagationibus & ærumnis, & omnis generis rebus aduersis; quas tanta vi animi suscepit, exhaustit, exantlauit, nullo vt vnquam laboris tædio in Christi famulatu afficeretur: sed ad eos labores propagandos, vitæ huius incerta, certæ felicitati ad tempus commutari nollet. Tantum ille diuinæ bonitati confidebat, tanto ei feruendi desiderio tenebatur. Quod illi Dominus sine vlla dubitatione concessit, quando primario eius labore, industria, prouidentia factum est, vt moriens societatem relinqueret in duodecim prouincias distributam: & in centum domiciliis collocatam, in quorum singulis Actuosus Dei amor assidue resideret.

IX.
Conclusio
laborum
Ignatii.

CAPVT IX.

*Laboriosus Dei amor S. Francisci Xauerij, noui
Indiarum Apostoli.*

CVm hoc ingenio, atque his, quos dixi moribus fuerit Pater ille sanctissimus, quales credimus spiritales eius filios, atque hunc maximè, quem habemus in manibus, omnium profectò minimè degenerem, extitisse. Fuerunt enim omnes, (atque hic in primis, quem Ignatius ad maiora quædam natum, destinatumque diuinitus haud obscure præsentiebat) paterna institutione, atque exemplo ita educati,

I
Labor S.
Xauerij.

nunquam ut laboribus, quos secum inuehit animorum procuratio, animis frangerentur. Hic autem præ cæteris ingenti fulgore resplenduit, diffuditque lucem suam ab ipsa Lutetia, natali spiritus sui, usque in Italiam, ab Italia in Lusitaniam, à Lusitania usque ad Indiam, ab India in Iaponiam, ab Iaponia ad Sinas, unde ad superos, ad ingentia laborum præmia demigravit, titulo noui Indiarum Apostoli, communi omnium suffragio decoratus; quem cum Deus eximia benignitate mundo dederit, non in multorum hominum duntaxat, sed populorum etiam ac præuinciarum salutem, quanta eum virtute, quanto Dei & proximi amore obarmasse putamus, ut fieret idoneum instrumentum tot mirabilium Dei operum, & tot tantisque laboribus par esse posset?

II.
*Peregrinatio
laboriosissi-
ma Lutetia
in Italiam.*

Aliqua igitur laboriosi huius amoris exempla proferamus. Cum Xauerio peregrinatus, cum sociis Lutetia Venetias proficiscendum esset, in eoque itinere bona pars Galliarum, Lotharingæ, Germaniarum, Italiæ peragrandæ, superandæ Alpes niuibus obsita atque obfusa, totaque peregrinatio peditibus per bellorum tumultus, per militum stationes ac præsidia, excursionisque conficienda; ipsaque in hyeme niues & pluuiæ subeundæ, traicienda pedibus loca cæciosa atque torrentia, ferendis interim cuique suis in humeris sarcinulis, cæterisque pauperum peregrinorum incommodis: non sufficiebant ista Xauerio explendæ fami ac siti laborum, atque ærumnarum pro Christi nomine ferendarum. Itaque cum lacertos & coxendices cruciando corpori, arde funiculis colligasset, eos tanto tamque impedito itinere suscipiendo, amouere neglexit, donec corporis agitatione, caro ita supra infraque intumuit, ut demersi in ea nodi atque funiculi nusquam apparerent; qui & tantum ei paulatim intulere cruciatum, ut omnino subsistere cogeretur, & sociis malisui causam aperire. Cumque aduocatus chirurgus curam sine incisionum cruciatu, & temporis mora desperaret, socij ad preces una conuersi, repentinam comiti, à Deo exorauere sanitatem; sic ut æger proxima nocte fractos senserit excidisse funiculos, coaluisse carnem, morbum penitus abcessisse, seque ad susceptum iter prosequendum cum cæteris expeditum.

III.
Alij in Italia eius labores.

Hac perquam laboriosa peregrinatione absoluta, Amor quietis impatiens labores eius in Nosocomio insanabilium strenue instaurauit; indeque in profectione Romana, pontificis benedictionis, & Hierosolymitanæ navigationis causa suscepta. Incidit enim iter in quadagesimale ieiunium, & per incommodam à pluuiâ tempestatem, cum nihilominus & pedibus iter omne conficeret, & mendicando uiueret, & quotidianum ieiunium religiosè obseruaret. Quid ille prope Patauium, ad montem celsum malorum pertulit, cum eò præparandi primi sui sacrificij causa secessisset? in misera & lacera sub dio casula, imbribus ventisque peruia, ubi ipsos quadraginta dies humi modico in stramine somnum capiebat, victum aqua & panis oblatim emendicatus præbebant. Interim

rima

rim quotidiana erat corpusculi diuerberatio, cilicium nusquam depon-
batur, perpetuæ & contextæ preces Deo cœlitibûsque fundebantur.
Deinde Bononiæ hyemem transegit, vbi tantum laborum hausit atque
ærumnarum, animis corporibûsque miserorum curandis, vt in quarta-
nam incideret, quæ ita vires eius ac natium calorem exhaustit, vt mor-
tuum potius corpus, quàm viuum circumferre videretur. Nectamen
propterea à concionibus in templis, à catechismo in plateis, ab opera
impertienda pauperibus in carceribus & hosocomiis, à dando petenti-
bus consilio, à præbendis auribus peccata fatentibus abstinebat.

Hæc erant præludia, hi apparatus magnæ illius, ad extremos vsque
Indos, peregrinationis, & pretiosæ animarum mercaturæ, quam illi
Dominus destinarat; quò ille tanto cum seruiore proficiscebatur & gau-
dio, vt vertente die omnia illi ad profectionem infiniti itineris essent
præparata. Nihil autem illi deliberatius erat ac certius, quàm incom-
moda illa atque ærumnas subire, amplectique, quas ipsius capiti immi-
nere Dominus per visum significarat, quæ adeo non expauescebat, vt
eas etiam atque etiam augeri, atque exaggerari postulare. Et si quan-
do res illi ex voluntate fluere, si populi plausu exciperetur, id videli-
cet crucis amatorem angebat, quod nullis insectationibus exerceretur,
quibus si diu careret, negabat videri sibi, Deo se satis fideliter militare.
Ea tamen spe, in expectatione Indicæ nauigationis, se ipse solabatur,
quod crederet fore aliquando, vt quam crucem in Lusitania frustra qua-
ereret, eam in illis regionibus copiosissimè reperiret.

Cùm Mascareniam Lusitaniæ regis Legatum Romæ ad Dominum
suum proficiscentem comitaretur, omnium vel corpore vel animo malè
habentium perfugium erat Franciscus, ac certa consolatio: non interdiu
cuiquam, non noctu deerat, in campis, in hospitiiis, in stabulis ipsiis. In
laboriosis operibus primum occupabat locum, in animi remissione po-
stremum; postremus cubitum ibat, surgebat primus. Mascarenia se-
cretarium in præaltam niuium voraginem delapsum, ac de vita peri-
clitantem extraxit incolumem. Equitem ex eadem legati familia, in
transitu fluuij, vadi tentandi cupidum, amnis rapiebat in præceps.
Tollunt omnes vocem in tanto discrimine, statimque ad preces vertun-
tur, Xauerius in primis. Nec fuerunt irritæ preces; cùm amplius tria
stadia eques à fluctibus fuisset abreptus, sublimis semper in aquis comi-
tum precibus tanquam manu sustentatus, ad ripam haud dubio miraculo
appulsus est. Alterum quoque socium lapsum cum equo præcipitem,
equo ex ruina mortuo, seruauit incolumem.

Sed obiter ista prodigia. Placet S. viri cursum Olyssipone, per infi-
nita Oceani spatia Goam vsque cursim asseclari. Cùm Olyssipone solu-
ueret, oblatum à regis ministris famulum constantissimè recusauit,
certus vilissima quæque obire ipse per sese tota nauigatione ministeria.
In admittendis autem, quæ sibi suisque necessaria essent ad hoc iter,

IV.

Et Indici
præmonstra-
ti.

Hist. Soc. I.
3. n. 43.

V.

Eius iter in
Lusitaniam.

VI.

Et Goana
nauigatio.

Hist. Soc. I.
3. n. 42.

H h h h.

tam parcus fuit, ut Indicæ classi instruendæ præpositus crebris sermonibus usurparet, sibi non minus cum Xaverio ut plus acciperet, quam cum aliis ne plus exigere, fuisse certamen. Toto autem cursu, quis eum spiritus ferret in Indiam, satis ostendit, usque adeo magna atque illustria dedit sanctitatis, contemptus rerum humanarum, sui que ipsius exempla, & quod hinc quarimus, suæ charitatis in proximum, qui eadem classē vehebatur, & laboriosi amoris argumenta. Animosè ac feliciter in eam curam incubuit, ut ex prætoria qua vehebatur, & in qua maximè vitæ licentia inter primarios viros irrepit, ganæ, iuramenta, odia, contentiones, obtreptiones facerent; sedabat rixas, conciliabat dissidentes, Christianæ doctrinæ rudimenta famulis, mancipiis, rudibusque tradebat: vitia verò tanta suauitate & auctoritate arguebat, multi ut emendarentur, offenderetur nemo.

VII.
Et incredi-
biles in ea
labores.

Cum morbi in diuturna navigatione vulgarentur, multò que absumerent, cum sibi singuli parcerent periculi metu, vnus omnium malis subiecit humeros, omnium formidinem supplebat ac præstabat vnus, perinde ac si vires corporis, eius charitatem, animique magnitudinem exquire possent. Nemo cum morte luctabatur, quin ad eius cervical adesset Pater, nemo euocabat quin statim accurreret, confitentibus præbebat aures, formidolosos animabat, cibum languentibus propria manu ministrabat, sternebat lectulos, omnia parentum erga filios munera suauiter explebat ac fortiter. Sic enim perseverauit in languida illa navigatione sub Æquatore; sic ad tropica frigora, & insanas ad caput bonæ spei tempestates, Mozambicum usque perdurauit, vbi hyemem in Nosocomio, agris, quorum erat ingens turba, inseruiens, transegit, vbi & præsens adit ipsemet ex morbo vitæ discrimen. Inde Melindam sub æquatore positam vela fecit, Zocotoram pertransiit, Goam denique tenuit 6. Maij, anni quadragesimi secundi supra millesimum & quingentesimum, decimo tertio mense ex quo Olyssippone soluerat.

CAPVT X.

Eiusdem Xaverij labores in Indiis Orientalibus exantlati.

I.
Goam labo-
riosè curas.

GOAM vbi peruenit Episcopum Albuquerqueium, sibi primum officiosa humanitate demeruit, tantòque studio in Goanorum ciuium salutem incubuit, habendis concionibus, tradendo catechismo, agris inseruendo in nosocomio, vbi domicilium suum collocauit, omnes iucunda vitæ consuetudine ac beneuolentia sibi adiungendo, aliisque sanctæ ac religiosæ vitæ operibus; tamque propitiam Dei expertus

est manum, ut urbem, quæ dudum erat sentina vitiorum, in terrenum paradisum breui conuerterit, & quinque omnino mensium spatio perfecit, quod totidem annis fieri non posse videbatur. Didicit interea oram Piscariæ, quæ ad Eoum latus Commorini promontorii, longè in meridiem excurrentis iacet, & à gemmarum piscatu nomen accepit, Christiana quidem sacra dudum accepisse, sed cum incolæ doctoribus, à quibus excolerentur carerent, quod tota plaga solis ardoribus feruida, accensis arenis torreatur, & pene intolerabilis fiat ad habitandum, nomine tenuis erant Christiani: præsertim cum fidem necessitate quadam potiùs, quàm voluntate suscepissent.

Cum enim à Saracenis inique dominatu premerentur, iniuriarum ac contumeliarum pertæti, opem Lusitanorum implorant, seque Christianos fore pollicentur, si à Prætoris in libertatem asserantur. Quod cum factum esset, facti sunt illi quidem Christiani; sed sacerdotem à quo fidei elementa docerentur, qui Mille sacrificium ritè faceret, qui- que in illa regionis inopia solique sterilitate eorum curam gereret, habebant nominem. Statuit ergo Xauerus desolatæ provincie opem asserere, & attulit ille quidem, sed quantis cum laboribus, quanta rerum pene omnium penuria, quoties cum fame, siti, calore, nuditate colluctatus, difficile est æstimare. Ut enim ibi lac & oryza non desit, non carnes & pisces, frumento certè ac vino carent, arborumque fructibus, & pharmacis tuendæ, aut reparandæ sanitati. Denique nulla est in India regio à calore solis adustior, aut ab arenis calefactis æstuosior, septimo quippe tantum gradu ab Equatore distat.

Hunc sibi campum delegit laboriosus amor fortissimi athletæ nostri, aut eum potiùs, quasi possessionem caducam & vacuam occupauit, totam regionem quinquaginta leucarum longitudine percurrit, amplius triginta quibus ea constat, oppidula, pagosive pedes semper inuist atque excoluit; & quidem ut plurimum excalecatus, nihil moratus aut supernè solis ardorem violentissimum, aut infernè littoris æstum intolerabilem, aut mobilem & vestigia fallentem, atque adurentem arenam. Cum in pagum aliquem ardens calore, & sudore vndique diffluens peruenisset, aut impatiens aut immemor quietis, sacra vnda perfundebat infantulos, grandiores catechismo per interpretem, obignorationem Malabaricæ linguæ, incredibili labore instituebat. Noctu modicum somnum humi capiebat, oryza sua ipsius manu haud probè præparata, victitabat, aut pisce, vel lacte acido, quod neophyti, aut ipsi etiam ethnici vltro dabant. Quæ omnia cum faceret atque patèretur, omnibus incedebat lætitiis, sic ut labores suos pro nihilo duceret, quod tantam animarum messem Christo colligeret. Suis enim ipse manibus supra quadraginta hominum vultu baptismo lustrauit: intraque vnum diem oppidi vnus incolas omnes, tanta neruorum contentione baptizauit, ut neque vltra loqui, neque brachia eleuare posset.

H h h h ij

II.

Et oram piscaria.

III.

Pari cum fructu, & ætumnis.

IV. *Oram quo-
que Trauā-
coris.* Cūm hæc apud hosce Parauas, sic enim patrio nomine appellantur, peregisset, p̄rque studiosè dedisset operam, vt iacta fidei Christianæ semina ibi per idoneos administratos fouerentur, atque adolescerent, in oram Trauancoris, quæ ad Commorini promontorij latus occiduum pertinet, proficiscitur, vbi mutato loco, neque laborum, neque vitæ rationem mutauit. Cūm enim à rege Barbaro obtinuisset, vt eius subditi, si libitum esset, nomina Christo darent, totam illam regionem peruolauit, nihilo piscaria magnitudine aut populis minorem, tanto animorum compendio, vt plus decem hominum millibus saluari aqua mense vertente perfuderit. Cuius laboris magnitudinem vnus ipse propemodum sustinebat, sed iucunditate animi tanta, quantam se stylo consequi posse, scribens ad S. Ignatium negaret. Illud etiam diuinam cumulat lætitiā, quod Neophytos cerneret diu cultis idolis in oculos inuolare, despuere, disturbare, diffringere, eorūque templa solo æquare; & vicissim oratoria vero Deo, ædēsque ad viginti crexissē.

V. *Badagarum
exercitū sua
confidētia de-
terret, ac fu-
gat.* Non tulit tacitus hæc damna dæmon, sed odio furens atque inuidia in Christianos, feram atque immanem Badagarum gentem, incitauit, suas vt iniurias vlcisceretur. Badagæ igitur nomini Christiano infestissimi in Neophytos neque multitudine pares, neque armis instructos, ex improviso irruunt, & viis omnibus occupatis fugæ reddunt impotentes. Ingens videlicet clamor ab incolis repente tollitur, ploratus mulierum, eiulatus infirmioris ætatis. Erat tunc in eo pago Franciscus, qui re cognita illico procumbit in genua, oculos tollit in cælum; vnde tantum virium subito hausit, vt neglecto capite suo, solus in confertissimos se hostes coniceret, non ferro, sed fiducia in Deum, cui laborabat, protectus: ipsiusque maiestate vultus, tanquam seruos Dominus, seuera autoritate conterruit, addidit & herilem increpationem, quod in diuinum Numen infideles, & propriæ salutis prodigi, contra innocentes, neque de se malè meritos, barbara crudelitate sæuissent. Illi ergo tantæ constantiæ obstupescēti miraculo, Deo ipso formidinem in eorum pectora instillante, sine vllō hostili facinore, metu ac pudore perfusi, diffugerunt; dum interim eorum inceptor dæmon, qui priorem vlturus iniuriam, nouam accepisset, dolore atque inuidia rumperetur, confirmaretur fides, Christi que grex tenellus gaudio triumpharet; & ipse Xauerus, apud ipsos quoque barbaros, magni patris nomen obtineret.

VI. *Alij confer-
tim Patris
sudores.* Neque minus deinceps laboribus suis, vigiliisque pepercit in Marianensi insula, in regno Macazario, in Ceilano insula, in oppido S. Thomæ Meliapura, quo non prius peruenit, quā in itinere sine vllō cibo totam traduxisset hebdomadam. Ibi menses aliquot demoratus, suum illud solenne tenuit, vt dies totos, in procuranda promouendāque mortalium salute, magna corporis animique contentione poneret, bonam

autem noctis partem orando vapulandoque transigeret. Cum enim ad orandum nocte intempesta de more surgeret, in ædem dæmonibus infestam venit, à quibus, ardentes inter preces, truci cum fremitu, horrendisque clamoribus, dirè cæsus, Virginis opem suauiter implorabat. Ita porro à tartareis illis bestiis acceptus est, vt plagarum acerbitate debilitatus, triduo decubuerit; neque tamen ea ipsa nocte, aut infrequentibus ab eadem æde, irriso dæmonum furore, abstinuerit.

Et pugna
cum dæmo-
nibus.

Quid referam assuetos, insuetosque Francisçi apud Malacenses labores, ciuitate vltra Gangem sita in aurea Chersoneso, quæ vno aut altero gradu à linea æquinoctiali distat, vrbe tum populo, diuitiisque; æquè ac vitis, vt assolet, abundante. Permissi enim Ethnicis incolæ, eorû quoque mores ac vitæ licentiâ in se transtulerât; sensimque eos tantus stupor mentis oppresserat, vt ne vitiorû quidem turpitudinem sentirent, nedum opportuna medicamenta reciperent. Hanc ergo Xauerus ciuitatem, publicis concionibus ad animorum motus comparatis, suauissima vitæ consuetudine, priuatisque colloquiis, admirandis quoque prodigiis, & suppliciorum denunciatione, quæ ab ultore Deo imminebant, nec multo post consecuta sunt, immutauit vehementer, vt non solum morborum, animi sensum, sed detestationem quoque induceret, nemo vt fere ex oppidanis inuentus fuerit, qui non apud eum peccata deponeret; id quantis laboribus sancto viro constiterit, iis qui eos aliquando degustarunt, æstimandum relinquo.

VII.

Malacensis
curatio.

Quid de Amboino dicam, vbi septem pagos reperit Christianos, sed sacerdotum præsidio funditus destitutos. Ergo paratam materiam Xauerij flamma corripuit, pagos omnes inuisit, ignaros de more docuit, infantes saluari vnda resperfit, quorum plerique mox in cælum feliciter emigrarunt, ægros sanauit, mortuos Christiano ritu sepeliuit, pauperes emendicata ope iuuit, denique bene meritus est de vniuersis. Saracenis quoque ipsis, atque ethnicis, qui ceteros incolunt pagos, Christianæ religioni conciliatis. Quæ dum ille studiosè tractat, & vltiora certamina cogitat, noua ei seges occupationum exoritur ex Castellana classe, quæ ex noua profecta Hispania, & vehementi tempestate vexata, ægrisque referta appulit Amboinum, quod Xauerium diuina prouidentia paulò antè præmiserat, qui mira charitate, animique fortitudine, rerum omnium inopia miserabiles ita iuuit, vt omnium animis atque corporibus ingenti solatio auxiliòque fuerit.

VIII.

Et 7. pagorum
Amboi-
ni.

Labores eius-
dem circa
classem Ca-
stellanam.

Maurica insula magno argumento fuit, primum magnitudinis animi Francisçi, quod præter omnium amicorum iudicium ac voluntatem, nullo humano tectas fretusve præsidio, populum adierit crudelem ac barbarum, perfidum ac proditorem, vbi finj & parentes cædibus inter se mutuis, crebro decertant, sacerdotes ipsorum curam gerentes interimunt, nupérque vnam qui supererat sustulerant: terram deinde accessu difficilem, cultu horridam, & omnium pene rerum ad vitæ vsum

IX.

Et maximè
in Maurica
insula.

30. pagis ex-
solendis.

necessariarum sterilem atque indigentē; in cuius ruinam cœlum pesti-
lencia, terra tremoribus, mare tempestatibus cōiurallē videntur. Quin &
ipsi quoque inferi, qui ignes ac cineres euomūt, saxaque flagrantia ia-
culantur, tanta altitudine, vt arbores celsissimas æquent, tanto fragore
vt maiora tormenta displosa videantur. Dedit & argumentum inuicti
in proximum amoris atque infatigabilis, qui tribus mensibus illa tum
ferarum lustra, 30. fere pagis oppidulifve distincta visitauit, baptizari
infantes, maiores inferorum præsentī imagine percussos, manifeste-
rit, fidei elementa inculcarit, idolorum cultum impederit. Neophyto-
rum inopiam subleuarit, totam denique insulam tantis laboribus perlu-
strarit, quantos vix credibile sit corpus humanum ferre posse; fructu
autem non priuato solū diuinarum consolationum, & quidem tanta
copia, quantam negaret pectore suo capi posse; sed publico maximē,
quando in oppido vno, cui nomen Tolum, ad viginti quinque homi-
num millia sacro baptismo lustrata referantur.

CAPVT XI.

*Postremi eiusdem Francisci in Iaponica peregrinatione
labores.*

I.
Iaponiam
suscepit ex-
peditionem.

TERNATENSES, cæterarūque Molucensium insularum multi-
plices ærumnas missas facere necesse est, vt Iaponicam expeditio-
nem, postremaque Francisco contra dæmonem mundūque certami-
na, ne prætermittamus. Goa soluit repugnantibus amicis, qui ad ra-
tionum momenta, & intentata pericula, quibus Sanctum Patrem à
suscepto itinere reuocare conabantur, irritas preces & lacrymas adhi-
bebant. Neque enim ab eo vestigio, in quo Domini athleta institerat,
magis dimouere potuerunt, quā rupem fluctus, qui ad illam crebris
ictibus alliduntur. Itaque mille ac trecentarum leucarum aggressus est
iter, regionem cogitans, in qua sanctissimum Christi nomen erat pe-
nitus inauditum, & ignotæ linguæ populos, atque ingenij turbulentis;
vt qui bellis ciuilibus continenter agitentur; regionem spirans formi-
dolosissimo tempestatibus ac naufragiis oceano cinctam vndique atque
vallatam, infestissimam piratarum incursionibus ac rapinis.

II.
Malacam
tenet, ac Ia-
poniam.

Quadragesimo die, ex quo vela facere cœperat, Malacam tenuit.
Ibi cum nullam reperisset nauium Lusitanam, quæ Iaponem peteret,
Sinæ cuidam Ethnico nauarcho, se suōsque diuina fretus prouidentia,
non dubitauit committere; à quo denique, quamuis postea fidem fal-
lere cupiente, inuitis dæmonibus, qui de hac nauigatione subinde con-
sulebantur, & sibi à Xauerio malè metuebant, in Iaponiam perlatus

est, portumque attigit Cangoximanum, magno incolarum stupore, qui valde mirabatur Christianos apud se videre sacerdotes, qui ab vltima usque Europa profecti, non aurum, & argentum, lapidesve pretiosos, per immensos labores atque pericula peterent, non vniones vel atomata, tam longa tamque impedita nauigatione, requirerent, sed vt errorum tenebras ex cæcis hominum mentibus dispellerent, eisque diuinæ lumen veritatis offerrent.

Oblatam ergo veritatem lubens amplexa est familia primùm Pauli à Sancta fide viri Iaponij, quem Franciscus habuerat ab vrbe Goana commitem nauigationis ac ducem, mox plerique amici cognatique; inde permulti alij Saxumani regis permissu, & auxilio præpotentis Dei, qui multa per eum prodigia, usque ad excitationem à mortuis, illic perpetravit. Cùm autem aliquanto post rex idem, adnitentibus idolorum sacerdotibus, Lusitanico etiam commercio destitutus, factam subditis potestatem recipiendæ Christianæ religionis, timidè reuocasset, multis ibi laboribus iniuriisque perfunctus, octingentis Christianis curæ Pauli Iaponij commissis, in regnum Firandense, ad nouam animarum prædam profectus est: vbi paucis diebus centum animas Christo lucratus est, quas Cosmo Turriano socio regendas, eundemque numerum paulatim amplificandum tradidit: Ipse Amangucium profectus, præter consuetos animi corporisque labores, sexcentis iniuriis, contumeliis, & irrisiõibus ibi vexatus est, quæ amplissimæ deinde messis sementis fuit.

Deinde cùm didicisset omnia à Meacensis Imperatoris potestate pendere, si ille prædicandi Euangelij recipiendique faceret potestatem, neminem totius Iaponiæ regulorum ac dynastarum obstiturum, huius quoque itineris molestias deuorandas suscepit, de quibus eius scriptor historix ita fere loquitur, Amangucio Meacum usque quinquaginta leuicæ directo itinere numerantur, sed propter montes asperissimos interiectos transitusque difficillimos detorquetur iter, & suscipitur longius. Quoniam verò perfrigida cœli tempestate iter susceptum, ac bimestri spatio perfectum est, via non modò saxis aspera, & alta niue constrata: verùm etiam bellis, quibus tum tota illa regio flagrabat, & frequentibus latrociniis infesta, quid Xauerio, & linguis & viarum & elegantiar gentis ignaro; menidco insuper, & vestitu sordido ferendum fuerit, ab natione superba, & externorum contemptrice, quàmque splendidam patientiæ coronam in cœlo sibi contexuerit, facile intelligi potest.

Ergo vt viæ ducem aliquem haberet, Meacensi equiti famulum se adiunxit: equitantis impedimentis, vnà cum suis sarcinulis elatis in humerum, citatis gressibus præcurrentem subsequabatur herum, cui non tam peditis alienigenæ commodum propositum erat, quàm vt latronum ipse pericula equi velocitate vitaret. Durissimo, vt diximus, anni

III.

Primarij ex
ea fructus

IV.

Iter Meacensis
se quàm ar-
duum.
L. II. hist.
hoc. n. 100.

V.

Quantis
Francisci &
rumnis con-
fectum.

tempore faciebat iter, tempestate perfrigida, & pede nudo aquilonibus exulcerato, cum crebros annes & torrentes intercurfantes vado traiceret, via adeo lubrica & conglaciata frigoribus, ut eam ingredi, præsertim sub sarcinis & oneribus, sine frequenti casu & prolapsione vix posset. Exacto per has ærumnas die, cum ad diuersorium vesperti peruenisset, fame & algore confectus, totusque imbris madefactus, sub sidij ad reficiendum se nihil erat, nihil cibi, nisi oriza emendicata, & semitosta.

VI. In pagis autem atque oppidis qua transibat, vexabatur omnium conviciis, ignominiosis appetebatur & saxis: iisdemque accipiebatur in naviprobris ac contumeliis, cum transmittendi essent sinus maris intercurrentes. Denique quocunque ingrediebatur, homo longinquus & sui contemptor, exagitabatur ut stolidus. Sed hæc ille velut inferiora, multoque minora flagrantissima Dei charitate, & animarum siti, qua totus ardebat, non modò deorabat alacriter, sed etiam numerabat in lucris. Cum autem Meacum post alterum mensem appulisset, quantam maximam potuit operam dedit, ut aditum ad regem impetraret, & Christianæ legis promulgandæ potestatem; sed à militari præsidio semper est reiectus, tanquam homo nihili. Ad ipsum autem populum cum verba facere cuperet, omnium aures ingruentis belli expectatione suspensas, obstructasque reperit. Itaque ne Meaci diutius operam perderet, re diuinæ providentiæ ac bonitati commendata, Amangucium, per easdem itinerum difficultates remigravit.

VII. Amangucium reuersus, eam primùm curam adhibuit, ut regem sibi demereretur: utque se ad hominum captum, qui fere externa specie commouentur, accommodaret, statuit vestem obsoletam cum splendida commutare; addit apparatus aliquem sociorum ac munerum, quæ ab Indiæ prorege, & Goano antistite corrogata, Meacensi regi fuerant destinata. Nec irrita spes fuit. His enim rebus rex magnopere delectatus, & Xaverio potestatem fecit Evangelij in sua ditione prædicandi, & popularibus suis Christianam doctrinam amplectendi. Ergo cum ad Xaverium, studio cognoscendæ novæ religionis concursus maximi fierent, bis quotidie dicebat ad populum, perorationem excipiebat bene longum de religione certamen. Itaque perpetuò aut habendis pro concione sermonibus, aut profligandis curiosorum quæstionibus ad multam noctem distinebatur, vix ut curando corpori spatium aliquod superesset. Nec tamen tot laborum fructus aliquis apparebat, donec Ioannis Fernandij æquanimitas & patientia, dum tacitus sputum in faciem coniectum abstergit, conversioni trium millium animarum intra vnum fere annum, aditum patefecit.

VIII. Quot deinde molestias exhaustit & curas in regno Bungenfi, tam à popularibus ethnicis, quam ab eorum sacrificulis Bonziis, bipedum nequissimis? Quid postmodum in reversione Goana, quam Chinenfis legationis

Redit Amangucium, ubi fructuosè laborat.

Hist. l. II. n. 102.

Et in regno Bungenfi.

legationis adornandæ gratia suscepit, in tanta marium immensitate, & crebritate turbulentissimarum tempestatum? Sed nihil eum afflixit vehementius, nihil atrocius perculit, quàm Malacensis gubernatoris importunissima peruicacia, atque obstinatissima mentis impotentia, cuius scelere factum est, vt tam sapienter tamque operosè suscepta, tam feliciter inchoata legatio, in nihilum recideret. Nec leuis est suspicio tantum animo dolorem à Francisco fuisse conceptum, quòd videret tantam animorum messem, ab eo maximè impeditam, à quo oportuerat omni studio promoueri, vi is dolor ei mortem accelerarit. Sed Deus hominis illius auaritia, superbiæque vsus est, ad immensos serui sui labores terminandos: & mox eos conatus, quibus idem laboriosissimus, atque infatigabilis Dei famulus, aliquem sibi aditum ad Chinam molitus est. Itaque sanctissimum virum in deserta insula & omni humano præsidio destituta præmatura mors oppressit, & labores, in quorum se initiis versari arbitrabatur, nullis enim regionibus, aut annorum spaciis eos definiebat, secundo ac quinquagesimo ætatis anno, felici exitu terminauit.

*Irritus Fræ-
cis labor
pro legatio-
ne Sinenfi.*

Eiusq; mors

Hæc Apostolorum, ac virorum apostolicorum vita fuit, qui animo destinarant non decurrere, sed debellare, & sub Christi iugum mittere, quidquid terrarum ac marium cœli ambitu continetur; & incredibili fortitudine fortis armati prædam rapere, fortiores, legitimòque Principi ac Seruatori eam restituere. Ecquid fragile corpus tanta vi roborabat ac sustentabat, vt tot tantisque viarum & nauigationum ærumnis, tot tempestatibus ac procellis, tot terrarum mariùmque periculis, tot nocturnis vexationibus, ac diurnis, quas homines dæmonesque continenter ingerebant, minimè frangeretur, nisi laboriosus Dei & proximi amor, & antegressum Seruatoris exemplum? Hic ipse amor est, qui multorum Dei famulorum industriam quotidie exacuit, virisque subministrat, vt doceant, vt concionentur, vt scribant; lectis, cryptisque detentos inuisant, ægris pauperibûsque famulentur, non insanabiles, non lue correptos respuant, non terrestres maritimæque peregrinationes, fideles inter atque infideles reformident, non laudes aut calumnias, non abundantiam aut penuriam morentur, non equuleos distentionesque membrorum, non cruces aut gladios, non denique lenta incendia perhorrescant. Vnde inter mala tam atrocia, tam horribilia, tam inimica naturæ patientia, contemptus, exultatio? nonne ab illa ipsa charitate proficiscebantur, qua Paulus vrgebatur cum diceret, *Charitas Christi vrget nos*, acuit, exstimulat, & omnibus ærumnis pares, atque adeo superiores facit.

IX.
*Conclusio de
viro-
rum A-
postolicorum
laboribus.*

*Opera labo-
riosi Dei a-
moris.*

2. Cor. 5. 14.

CAPVT XII.

Diuinum amorem ipsum quoque Deum reddere actuosum.

I. *An laborio-*
sus amor in
Deum ca-
dat.
A V T O R.
Psal. 4. 9.
C O N S T A T itaq; ex iis, quæ à nobis dicta, atq; enarrata sunt hæcenus, & quæ in quotidianam experientiam cadunt, diuinum amorem actionis esse plenissimum, & charitatem inertem, languidam, otiosam esse non posse, nunquam planè feriatam ac laxatam curis, sed implicatam negotiis, distentam occupationibus, laboribus abundantem. Quomodo igitur, inquam, ostensurus es nobis laboriosum hunc ac negotiosum amorem in Deo quoque reperiri, cum fateantur omnes cum Apostolo Paulo, Dei pacem tantam esse, ut exuperet omnem sensum, quietem immutabilem, sicut & omnium cum ipso beatorum; quorum est illa apud Davidem vox, *In pace in idipsum, dormiam & requiescam*: nec ignoremus ipsam Dei beatitudinem in altissima, & perfectissima contemplationis tranquillitate consistere, qua suas ipse perfectiones, immensasque diuitias immoto mentis oculo intuetur. Quod cum antiqui aliqui Philosophi non caperent, Epicuro negotium facebant. Sed quæ illi contra beatam Dei quietem afferebant, spicula erant iuncea, *relumque imbelles sine ictu.*

II. *Deus actus*
purissimus.
A M O R.
Agiturque
perpetuo.
Respondemus, inquit actuosus Amor, semotis hisce terrestribus, ac malè materiatis Philosophis, qui actionem à labore secernere non potuerunt. Nam intelligentissimi quique diuinæ naturæ scrutatores, Theologi, atque Philosophi, etiam non Christiani, vno omnes ore consentientur Deum Actum esse simplicissimum, atq; purissimum; actum autem ab agendo duci nemo ignorat, ut intelligamus actionem Deo maxime conuenire, ipsumque agere perpetuè, prout mentis nostræ imbecillitas supremum illud esse Dei capere potest, quod idem est cum ipsa Dei actione; quoniam omnia quæ in Deo sunt, sunt ipsemet Deus. Agit ergo perpetuè, cum contemplatio, quæ actio quædam est, & quidem nobilissima, nunquam interrumpatur. Diuini Verbi paterna generatio actio est, sicut & productio Spiritus sancti, patre & filio reciproco se amore prosequentibus. Delectatio diuinarum personarum actio quædam est, aut certè, nisi per modum actionis, à nobis intelligi nequit. Non apparent quidem foris actiones illæ, ideòque appellantur immanentes, nec tamen desinunt esse actiones.

III. *Sed absque*
labore, &
cur.
Quod si Dei actionem, quæ foras prodit, considerare placet, Mundi productio, conseruatio, atque gubernatio, haud obscurè docent qualis sit amor, quæ hanc rerum molitionem persuasit Deo, actuosus videlicet, & operis amans; sed molestiæ omnis expers ac laboris, infinitæ quippe illius potestati nihil est quod resistat, omnia obsequuntur.

tur vltro. Cætera verò agentia, quorum sæpè virtus exiguis finibus circumscripta est, laboriosè agunt, quòd multa sæpè occurrunt, quæ agentibus obstant, & quasi confectis manibus oblucentur. Itaque ignis in viridi ligno quodammodo laborat, & operarius in onere grauiore. Quin & ipsi Angeli habent qui sibi resistent, itaque necesse est vt ad alium auxilium confugiant. Docet enim Daniel Hebræorum protectorem Angelum, Periarum gubernatorem habuisse aduersarium, & Michaëlem, vnum de principibus primis, Hebræorum custodi opem tulisse; singulis quippe Deus terminos posuit, qui præteriri non poterat. Actio ergo in Deo est, sed quæ omni penitus labore vacet.

C 10. 11

Magnus igitur hic mundi opifex ac molitor Deus, cum posset in infinita illa sui contemplatione acquiescere, & immenso illo perfrui gaudio, quod inde proficiscitur, neque vllam præterea actionem requirere, voluit nihilominus extra se agere, actiuo amore ipsum inuitante, non cuiuspiam emolumenti cupiditate; quid enim acquirat, qui iam ab initio possider omnia? voluit se ipse communicare, & sibi similia producere, homines videlicet & Angelos, ex quibus beatissimam illam ciuitatem, illam visionem suauissimæ pacis in cælo conderet, quæ nunquam à Dei laudibus, gratiarum actione, & iucundissima contemplatione cessaret. Amor itaque actiuosum fecit hunc architectum, qui potest omnia, qui noscit omnia, à quo facta sunt omnia: qui causa est causarum omnium, in omnem causam influens, & omnibus agentibus quodammodo collaborans. Mirabile non planè architectum, neque subiecta materia, neque loco, neque tempore indigentem, nullo auxilio, nullo instrumeto, nullo apparatu.

IV.
Amor Deo
persuasit
mundi productionem.

Sap. 9. 10.

Mirabiliorem etiam, si mentis oculos in magnitudinem operis concipiamus. Tam enim magnum est opus, quanta est huius vniuersitatis amplitudo, quæ omnia sola terrarum, cultarum atque desertarum, tot perpetuorum, atque inaccessorum montium, ac rupium vastitatem, tantam oceanum, & cæterorum marium immensitatem, tot insulas, regna, prouincias amplectitur; opus infinita sapientia atque artificio plenissimum, in cuius contemplatione summi artifices atque exercitatissimi obstupefcunt, animisque linquantur. Opus absolutissimum atque pulcherrimum, vt ipsum eius vocabulum docet, opus superbissimum, ac magnificentissimum, verbo vno dixerim omnia, dignum Deo. Quot igitur actionibus responder, quot adæquari potest hæc vna productio? Quòd si ab hac ipsa mundi molitione, ab omni opere Deo cessare placuisset, satis argumentorum dederat Actiuosi amoris sui, & quidem in vsum mortalium duntaxat occupati. In eius quippe rei argumentum non prius hominem condidit, & tanquam Dominum usufructuarium in mundum introduxit, quàm domum hanc regiam cumulatè rebus omnibus instruxisset.

V.
Qualis sis
hoc opus.

Ipsa quoq; mundi conseruatio, & omniū quæ eius cōplexu cōtinentur,

VI.

Consecratio
est continua-
ta produ-
ctio.

clarissima est Actuali amoris probatio. Nihil enim est ipsa Dei consecratio, quam semel creatæ rei, animæ videlicet aut stellæ, continuata productio. Itaque si Deus puncto temporis à continuanda actione, qua produxit angelum, cessaret, suamque efficientiam intermitteret, eodem ille esse desineret, & in antiquum suum nihilum recideret. Sic in illuminando mundo non satis est solem semel radios per obscura aëris spatia diffudisse, sed diffundere eos perpetuo, & quasi sustentare in subiecto idoneo necesse est; quod si is lucere desierit, tota illico lux evanescit, eiusque locum è vestigio tenebræ occupant. Si lapis in altum sublatus sit aërem, non diutius ibi consistet, quam eum illic vis impressa retinebit. Sigillum in aqua impressum non diuturniore illam tempore figurabit, quam in aqua remanserit; & imago quæ apparet in speculo, à præsentia vultus tui dependet, nec magis in centesimo momento, quam in primo.

VII.

Etiam in re-
bus permanen-
tibus.

Vide Lessiū

I. 10. de persf.

di. c. 3. & 4.

Hebr. 1. 3.

Colof. 1. 17.

Eadem veritas non in rebus solum fluentibus, sed in permanentibus etiam valet, puta in Angelis, cælis, elementis. Paulus enim Apostolus vniuersè loquens, docet Deum per filium produxisse mundum, *per quem fecit & secula*, additque eundem *portare omnia verbo virtutis sue*. Portat omnia, inquit Anselmus, id est sursum tenet ne decendant, & in nihilum reuertantur, vnde creata ab ipso fuerant: & sustentat ea, non labore, & difficultate, sed imperio suæ potentiae. Et magnus Chrysostomus in illud eiusdem Apostoli, *omnia in ipso constant*. Non solum ipse, inquit, ea ex nihilo vt essent produxit, sed & idem ipse nunc quoque ea conseruat & tuetur, ita vt si ipsius cura destituerentur, mox perirent & corrumperebantur. Sed hæc pluribus Sancti patres, alique Theologi. Agitigitur conseruando, quo modo & creando, & quam semel vitam, naturam, accidentia, facultates homini dedit, dare pergit, & cum subiectis agentibus secundisque causis ita agit, vt effectus & actio, magis primæ causæ, quam secundæ debeatur. Ita & characteres, eorumque perfectio scribæ magis est quam pueri, cuius ille ducit ac dirigit manum, imò pueri solius est, quidquid in scriptura illa rude, & inchoatum est.

VIII.

Agit Deus
gubernando
mundum.

Sap. 6. 8.

Cap. 12. 13.

Psal. 22.

Nam diuina illa functio gubernationis mundi, clarissimis nititur diuinæ Scripturæ monumentis. Sapiens enim ait Deum suam erga omnes exercere prouidentiam, illique *aqualem esse de omnibus curam, nec cuiusquam magnitudinem vereri, quoniam pusillum & magnum ipse fecit*. Et alibi. *Non est alius Deus quam tu, cui cura est de omnibus*. Et rursum, *Tua autem, Pater, prouidentia gubernat*, omnium scilicet rerum vniuersitatem, & eius, vt nauclerus nauigij, gubernacula manu tenet atque moderatur. Agnouit olim Ioseph patriarcha, Deum malitia fratrum, in eorum bonum, totiusque Israëlitarum familiæ, vsum esse; quod opus est prouidentiae singularis. Et David elata voce proficitur se à Domino regi, ac propterea nihil sibi defuturum: id enim vel maximè fuerat expertus, cum Rex Saül in eius perniciem

regnum armaret vniuersum; donec eiusdem regni ipsemet factus est princeps. Sed ne vnum aliquem moremur hominem. Quid exploratius aut admirabilius fingi potest illa prouidentia, ac quotidiana cura, quæ Hebræorum populum vniuersum in desertis Arabiæ locis quadraginta ipsos annos persecuta est, quibus certos de familia sua principes destinauit, qui viæ duces, qui hospitiorum metatores agerent, qui iudices & magistros, ac prope dixerim pistores, quoniam *panem Angelo- rum mandusauit homo*, vt ait Propheta regius. P sal. 77. 25

Sed mirabilius etiam aliquid Seruator mundo patefecit, de diuina ista prouidentia, quæ vsque eo videtur abiicisse maiestatem suam, vt auicularum huc illucque temerè volitantium, nullamque sementis aut messis curam habentium curam gerat, eaque sedulo nutriet, neque in terram temerè cadere patiatur. Lilia quoque agri tanto decore vestiatur, vt ne gloria quidem Salomonis, auro gemmisque coruscantis illa exæquet. Quid quod capillos capitis seruorum suorum numerasse dicitur, vt ne vnus quidem, præter eius consensum, perire possit: vt minus mirum sit eos in vlnis ipsius gestari, alarum vmbra protegi, tanquam pupillam oculi custodiri. Denique ita curam suorum gerit, vt ne inimicos quidem communibus beneficiis priuet. *Solem enim suum oriri facit super bonos & malos, & pluit super iustos & iniustos* temporibus opportunis. Quid horum non actuosum amorem prodit?

Deus se igni confert, non illi in sphæra sua quiescenti, sed huic nostro sibi adiuncta consument. *Dominus Deus tuus*, ait Moyses, *ignis consumens est*, & cum Christus Dominus detulit in terras, vt arderet. Quin & species gloriæ Dominierat quasi ignis ardens super verticem montis; & in fœdere cum Abrahamo inito, *Apparuit clibanus fumans, & lampas ignis transiens inter diuisiones*, non quiescit in igne Dominus, sed transit. Spiritus sanctus descendit in Apostolos, sub specie linguarum ignearum. Si perpetua est actio flammarum, linguæ mirum in modum mobiles sunt, nullum vt membrum in humano corpore tot tamque variis motibus cieatur. Procedit in curru igneo, & quasi turbo quadrigæ eius: ambulat etiam super pennas ventorum, & facit Angelos suos spiritus, & ministros suos flammam vrentem. Denique ignitum eloquium eius vehementer. Quæ omnia cum ab ipsius Dei in homines amore proficiunt, qualis sit eius amor satis intelligitur, & qualem vigere velit in amicis suis: non mollem & languidum, & modica rei difficultate fatiscentem, sed ad laborem omnem, quo eius honos augeatur, alacrem atque erectum.

IX.

Et res in eo
perexignat.
Matt. 6. 26.
& c. 10. 29.
Luc. 12. 24.

Matt. 5. 45.

X.

Deus vt
ignis actuo-
sus.
Deut. 4. 14.
Hebr. 12. 29

Esai. 66. 15.
16.
Psal. 103. 4.
& 118.
Deut. 33. 2.

CAPVT XIII.

Christi Domini vita priuata, laboriosum eius amorem patefecit.

I. *Filius Dei laborādiscussa venit in terram.* SI Patris æterni amor in continenti actione versatur, ac ne nunc quidem operationem intermittit, quid de filio dicendum est, qui laborandi causa venit in mundum? Si diuinus Amor, ne in cælo quidem potuit esse otiosus, quomodo otiaabitur in terris, cum cælum locus otij, terra negotij videatur? cum terræ actio, cælo contemplatio debeatur, hinc vela ventis dentur, ibi anchoræ iactantur; hinc peregrinatio in alieno solo, illic quæta patria; hinc pugna sit locus, illic triumphus; hinc denique decurratur in stadio, illic manibus palmæ, coronæ capitibus impo-
nantur.

Primum filij Dei opus, quod tamen illi cum Patre ac Spiritu sancto commune est, fuit ipsa humanæ naturæ cum Verbo coniunctio, qua factum est ut filius, qui Deus tantum erat, Deus simul & homo fieret, opere admirabili ac planè diuino, quod minorem Deo autorem habere non potuit, opus diuinorum operum longè maximum, cum in cæteris Deus rem aliquam producat & creet, in hac res creata fiat Deus.

II. *Ab ipsa incarnatione actus virtutum exercet. Obedientia. Religionis. Humilitatis. Philip. 2. 7.* Ab ipso porro puncto Incarnationis suæ filius Dei labori se dedit, colligendo infinito meritorum thesauro, locupletandis omnibus filiis suis, nobilissimis virtutum actionibus exercendis. Cum primum enim Pater illum in orbem terrarum introduxit, præceptum redemptionis humanæ, per supplicium crucis, singulari obedientia complexus est. Nobilissimum quoque actum religionis exercuit, se ipse offerens in sacrificium cruentum, ad honorandum patrem, eiúsque iniuriis digna satisfactione abolendis. Exercuit & demissionis animi, quando *semetipsum exinanivit, formam serui accipiens, in similitudinem hominum factus, & habitum inuentus ut homo*, quamuis rex esset hominum & angelorum. Charitatis quoque, cum hæc omnia destinauit animo, parentis sui, & fratrum, ac filiorum suorum amore incitatus: iamque internis actionibus implebat, quod tantò pòst, in sua ad patrem oratione, factus est. *Pro ipsis ego sanctifico meum, ut sint & ipsi sanctificati in veritate*, interiore videlicet, non externa & legali sanctitate.

III. *Et deinceps.* Deinceps quoque in iisdem perseverauit actibus, eo toto tempore, que in utero virgineo permansit inclusus. Ea nos aliâque id genus ab eo discere possumus, si libet, interrogare. Res ei grata erit ac iucunda, ut qui simplici meditantium sermocinatione delectatur. Age verò, inquam, quo maximè lubebit modo. Ego rogantis, si placet tu ipsius **AVTOR.** **AMOR.** Christi respondentis partes sustinebis. Utique placet, inquit Amor,

suggeret ipse, vti spero, vtrique, tibi quid aptè interroges, mihi quid respondeam congruenter. Dic ergo nobis, nisi molestum est, ô nobilissime fili Dei, qui *operatus est salutem in medio terra*, sanctæ vteri virginis, quid ibi ageret Verbum Patris, cum illi eloqui nondum liceret? Quid ibi agebas, ô diuine artifex, cum nondum manus haberes ad opus expeditas, nec tamen Amor otiosum esse pateretur.

A V T O R.

Docebam, inquit, præmaturè eos, qui actiones meas contemplati, & vitam imitari cuperent, vt in suum se nihilum, vnde educti sunt, quàm altissimè demitterent, quando cernerent me diuinitatem meam in carne abdidisse. & quasi in nihilum, vt ait Apostolus, redegisse. Docebam maiorum præceptis, quamuis difficilibus, promptè, hilariterque obtemperare, & diuinam voluntatem, quæ eorum ore profertur, rebus omnibus anteferre. Erudiebam eos, qui propius vestigia mea erant secuturi, qua ratione externa ista commoda Deo essent paupertatis voto sacrificaturi, sensuum oblectamenta castitate, propriam voluntatem ac iudicium obedientia mactaturi, qui hæc ipsa partim iam tum destinabam animo, partim re ipsa iam exequabar. Iam inde amoris flammam mittebam in terras, vt corda hominum illius amore suauiter arderent, qui talia iam amoris in illos sui argumenta dedisset, eiusque famulatu citò se addicerent, qui ab ipso momento incarnationis suæ, talibus se pro ipsis laboribus eum cernerent addixisse.

Ibidem, singulari cum gaudio, & gratulatione, conieci mentis oculos in eos omnes, quos Pater elegerat, qui certissimè participes fierent meritorum meorum, vt membra mystici corporis mei. Ibi legitimum destinata beatitudinis tempus anteuertens, totis eos animi viribus amplectebam: reliquos verò non sine gemitu auersabar, quos sua malitia infeliciter reprobabat, quibus omnes labores mei inutiles futuri erant atque irriti, atque adeo, propter ipsorum ingratam voluntatem, noxij. Ibi quamprimum sanctissimæ genitricis meæ mentem inieci, vt cognatam Elizabetham præcursores mei matrem inuiferet, quod illi totique familiæ, præsens sanctimoniam copiosè impertiri cuperem. Ibi communi infantulum, vt agnita ex vtero materno præsentia mea gaudio exiliret, & officio præcurrendi, ac manifestandi me hominibus maturè præluderet: vtrumque autem parentem sanctitatis ac prophetiæ dono repleui. Ibi patrem reddita voce, matrem agnitione diuini mysterij, vtrumque expectatissimi pueri fruitione exhilaraui, tantæque affecti lætitiæ, vt in omnes amicos, cognatos, & montanæ regionis incolas latè redundaret.

Appetente optatissimæ natiuitatis meæ tempore, sicut matrem ab omni corruptionis labe in mea conceptione exemeram, & inferendo vtero molestia, ita & in pauperio omnem excussi dolorem, & illibatum virginitatis florem non minui effusus in lucem, sed sacraui. Et manus quidem ac pedes meos fasciis atque panniculis de more alligarunt, ne

IV.

A M O R.

*Dæque ipsi
cum Christo
sermocinatio*

V.

*Animo ele-
ctos comple-
ctitur, repro-
bos auersa-
tur.*

*Ioan. 17. 6:
Tui erant,
& mihi eos
dedisti.
Adis Eliza-
betham.*

VI.

*Actiones na-
tuitatis.*

Mat. 23. 4. vsquam me commouere possem, totóque corpore in præsepi iacerem quietus: oculis tamen permissæ sunt lacrymæ, vt maturè peccata vestra deplorarem, & fletu abluerem meo. Permissus & ori vagitus, qui intelligentibus verba illa insonaret, *Nisi efficiamini sicut paruulus iste, non intrabitis in regnum cælorum.* Ibi iam tum paupertatis onus animosè ferre cœpi, & ne mihi vacuum vllum tempus abiret, quò minus corpore poteram, hoc magis animo laborabam, ac tûsque interiores subinde eliciebam virtutum maximarum.

VII.
Et tenerioris
ætatis.

Aliquanto post tempore factus grandiusculus, vtrique subditus parenti sub festa Paschalia Ierosolymam religiose cum illis peregrinus adibam, ibique duodennis, admouere cœpi manus, ad negotij, quod acceperam à patre, procuracionem. Domi autem vtrique studiosius obsequabar, & subinde me vltro ad famulatum offerebam, verrebam domi, ignem à vicinis petebam, & publico ex fonte aquam. Si quando ex usu erat, vt ad vicinos, cognatósve perferrem nuncia, vel referrem, nuncium agebam perlibenter; aut matrem si quando foras prodibat promptulus comitabar, nunc ignem ad caminum fouebam, nunc mensam mappa sternebam ad prandium, & eandem mox à prandio tollebam, & in destinatum referebam locum. Quæ omnia ministeria ideo illi faciles permittebant, quòd illorum me viderent appetentem, & in iis singulari cum delectatione versantem. Nam neque ipso corpore otio torpere poteram, & maiore cum voluptate famulatum parètibus deferrebam, quàm ministerium acciperem Angelorum.

VIII.
Eius cum
Iosepholabo-
res.

Deinde cum vires ætas ipsa & dies maiores attulisset, laboris S. Iosephi in officina confors eram; trabes cordula, creta aut rubrica tincta, designabamus, serra diffindebamus, tigna dolabamus, quæ modò æuebamus in cardines inlicitios, modò excauabamus incastraturis; nunc iugis conficiendis dabamus operam, nunc aratris; vnde postea similitudines in concionibus vsurpabam, huic mensam illi scamnum fabricabamus: & dum intentæ erant operi manus, mens nihilominus continenter rapiebatur in Deum.

IX.
A V T O R.
Angelis ad-
mirabiles.

At enim, amantissime Iesu, tu interim dissimulas quoties beati Angeli suum tibi obtulere famulatum. Et certè difficile est æstimatu, quanti gratiam illam facturi fuerant, si postulatis assensum præbuisset. Sed iam tum opinor illud vsurpabas, *Filius hominis non venit ministrari, sed ministrare.* Dum interim illi stupore defixi nouum hunc Salomonem contemplantur, non ex aureo solio edicta pronunciantem, aut sapientibus mundum legibus gubernantem, sed vile aliquod è ligno sedile fabricantem, domestica vaia, vestesque purgantem, aliâque id genus serui lia ministeria obeuntem; maiusque Angelis admirationis argumentum præbentem, quàm olim Salomon Regina Sabæ præbuisset. Egregiam nimirum operosæ imitationis materiam Apostolis, cæterisque viris Apostolicis preparabas, qui tuo spiritu, qui cum mundano planè pugnat, afflati,

afflati, mirificè recreantur ac reficiuntur animis, dum in nosocomiis vilissima quæq; propter Deum ministeria obeunt, in pauperibus teipsum eximia fide agnoscetes, memores illius pulcherrimæ vocis, *Amen dico vobis, quandiu fecistis uni ex his fratribus meis minimis, mihi fecistis.* Mat 25. 40.

CAPVT XIV.

Publica, & communis Christi Domini vita, laboriosum eius amorem prodit.

TRANSEO ad tempus illud, quo Mundi Seruator publicam populorum salutem operam dabat: cuius à Baptismate Ioannis ductum est initium, vbi ille Agnum Dei, qui tollit peccatum mundi, in conferta Iudæorum multitudine demonstrauit, & cœlestis ipse Pater dignitatem eius atque autoritatem clarissimo testimonio patefecit, & Spiritus sanctus, sub columbæ specie, in ipsum infedit. Indèque ipse mox omnem Iudæorum regionem peruagatus, Messiam mundo, cœlesti doctrina prodidit, & prodigijs ingentibus demonstrauit. Totum id tempus, quod ferme quatuor annorum fuit, perpetuus labor fuit, in quo cum diuinus Amor continenter exercuit, sine vlla pene intermissione peregrinantem, multisque sæpe hominum millibus medus in campis concionantem.

Et ne singula enucleatius persequamur, repete memoria Hierosolymitanas eius peregrinationes, cæterasque Iudææ ciuitates, oppida, pagosque aditos, ad ipsos vsque Sidoniorum ac Tyrriorum fines; cogita itinera per montes ac deserta loca, per lacus & flumina, per fidelium atque infidelium, amicorum & inimicorum terras, hyeme cum infesto frigore, æstate cum multo æstu, noctu diuque, sereno ac pluuioso cœlo decurta, sine vilo iumenti cuiuspiam aut vehiculi subsidio, tunc demum intelliges quàm laboriosus fuerit amor tolerantissimi Seruatoris; dicere infatigabilem, nisi apud dilectum eius discipulum, ac socium peregrinationum legerem. *Iesus ergo fatigatus ex itinere sedebat sicut supra fontem.* Sed fatigato corpore, animus perpetuò vegetus, atque infatigabilis persistebat, & cum Apostolo Paulo dicere poterat, *cum infirmor tunc potens sum.*

Quid molestiæ pertulit ac laboris, dum attentatum præcipitium, ac lapidationem deuitat, è templo negotiatores semel iterumque pellit, non obiurgationi parcat, non flagello: nummulariorum effundit æs, mensas euertit, cathedras vendentium columbas disiciit, nec permittit vt quisquam vas aliquod, in vsum profanum, per templum transferat? Quid cum, post gloriosissimam Lazari quadridui suscitationem, Pon-

I.
AMOR
LAB.
*Laboriosum
tempus pra-
dicationum.*

II.
*Per totam
Iudæam.*

Ioan. 4. 6.

1. Cor. 12.
10.

III.
*Inter impro-
borum perse-
cutiones.*
Matt. 11. 15.

tificum ac Pharisæorum inueteratæ inuidiæ paulisper cedens, in Ephrem prope desertum secessit, ibique cum discipulis suis aliquandiu moratus; Hierosolymam triumphali ritu repetiit, vltimūque Pascha celebrauit, ac finem peregrinationibus suis imposuit. Quis autem omnium itinerum, concionum, occupationum, contentionūque molestias æstimare possit, quas ipse cum discipulis suis continentes ferebat? Testis paterna illa ad eos, ex animarum messe reuertentes, oratio. *Venite secusum in desertum locum, & requiescite pusillum. Erant enim qui veniebant, & redibant multi, & nec spatium manducandi habebant.* At ipse ne dormiendi quidem; quippe qui, post diurnos labores, pernoctabat in oratione Dei.

CAPVT XV.

Actuosus Christi amor in vsu operum misericordiæ.

I. **N**ON solum peregrinationes, ac cæterorum operum labores ostendunt, quàm fuerit laborum amans ac patiens Christi amor, sed multo magis ipsorum operum causa & incitamentum: quo fiebat vt in opera misericordiæ transirent, & diuinæ charitatis in proximum, cuius spiritali aut corporeæ miseræ succurrebatur. Suscipiebantur enim hæ laborum molestiæ, primū ad instituendos ignaros, atque informādos, sed ea scientia, quæ cælo delapsa, in disciplinas omnes teneret imperium, non dignitate magis, quàm necessitate. Deinde castigandis peccatoribus, eorūque oculis aperiendis, vt propriam superbiam, inuidiam, simulationem, cæterōsque animorum morbos agnoscerent, & verum illorum medicum amplecterentur; Tertiò vt mœrentibus, & aliqua calamitate prostratis, consolationem adhiberet, & sustentaret labantes. Quo pertinet illa tam suaui, tamque amica vox, *Venite ad me omnes qui laboratis & onerati estis, & ego reficiam vos.* Aliāque deinceps longè suauissima, vt auderent peccatores ad eum recurrere confidenter, interiori motione inuitati; itaque eos factitasse, docet illa improborum atque inuidientium querela. *Hic peccatores recipit, & manducat cum illis.*

II.
*Presertim
spiritalia.*

Suscipiebantur præterea hi labores, ad aperiendum aditum consiliis Euangelicis, & legem Mosaicam ad maiorem ab solutionem euehendā, ad persuadendam mundi vanitatem, contemptum, & fugam; ad cohonestandam titulo meritōq; beatitudinis voluntariam paupertatem, demissionem animi, mansuetudinem, obedientiam, cordis corporisq; munditiam: ad instillandum amorem pœnitentiæ & lacrymarum, patientiæ & ærumnarum, imo & beneuolentiæ ac magnificentiæ aduersus inimicos; ad ingenerandam animis commiserationem in pauperes, & ad tan-

tum odium contentionum & litium, vt iuuat potius de iure suo plurimum cedere, quàm litigare. Eodem labore ferebat homines, ad colla- crymandum miseris, & publica vel priuata calamitate prostratis; ad Dei offensiones, & peccatorum cæcitatem, ac peruicaciam depiorandam, eis- que multa animi contentione, ac precibus spiritum à Deo germanissimi doloris & contritionis obtinendum: spiritum timoris Domini, & odij peccati, & vitæ laxioris in melius immutandæ: quod maximè Christi Do- mini conciones, & laboriosæ peregrinationes, nocturnæ diuinæque pre- ces referebantur.

Neque tamen defuit aliis misericordiæ operibus pientissimus Serua- tor, quantum suscepta vitæ ratio, paupertasque voluntaria permittebant. Nam semel iterumque multis personarum millibus de cibo prouidit in desertis locis: operamque nauauit, non tam inuisendis ac consolandis ægris, aut vinctis, quàm illis mirabiliter verbo, tactuque persanandis: & istis, quos ante multos annos fortassis Satanas alligauerat, à vinculis, quæ sub aspectum non cadunt, expediendis, ipsomet Satana in turpem fugam coniecto, si quando is cum ipsis animis, etiã corpora habebat in potesta- te. Non ponebat operam in mortuis sepulturæ mandandis, sed in eisdem ex inferis pro potestate suscitandis; non pauperum ære alieno præsentē pecunia dissoluendo, sed proprio sanguine, vitæque diuina creditori Deo sacrificij nomine offerenda: vt qui agnus Dei erat, & æterno sacrificio & sacerdotio destinatus: non nudis tela pannove operiendis, sed tegendis, atq; abstergendis coram Deo peccatis, & peccatore, non æterno solum pu- dore liberando, sed gratiæ quoq; & gloriæ splendissimo amictu vestiēdo.

Sed quid mirum mundi Seruatorem misericordiæ opera in terris tam egregiè præstitisse: cum ipsamet eum misericordia deduxisset in terras, quas miseris vndique redundare cernebat. Id nimirum gratulabundus in cantico suo Zacharias prædicabat, *Per viscera*, inquit, *misericiordiæ Dei nostri, in quibus visitauit nos oriens ex alto*. Dedit & scientiam salutis ple- bi suæ in remissionem peccatorum eorum: non nescius homines non esse soluendo, siue debitores essent quinquaginta denariorum, siue quin- gentorum. Hac igitur indulgentia & liberalitate usus est, per viscera misericordiæ suæ. Quæ sunt ista viscera, nisi mitissimum cor Emmanue- lis nostri, fratrum suorum amore inflammatum: nisi diuini pulmones, qui nihil respirant aliud, nihil suspirant, aut inspirant, nisi quod humanam sa- lutem promouere possit: nisi diuinum iecur quod sanguinem fingit ac fi- gurat, quem clauis & lancea, quem spinæ, & flagella, ab omnibus corpo- ris educta partibus, sparsura erant peccatis abluendis.

Hæc erant ad miserationem tam propensa viscera; quæ ingemisce- bant, quæ coarctabantur, quæ amarissimum calicem perpeffionum, & mortis acerbissimæ sitiebant, & baptismo grauissimorum dolorum bap- ptizari cupiebant, qui sunt illi diuinæ iustitiæ fluctus, de quibus Dauid,

Super me, inquit, *confirmatus est furor tuus, & omnes fluctus tuos indu-*

III.
Nec deest
corporeis.

Psal. 109.

IV.
Quippe co-
tus ipsa mi-
sericors.
Luc. 1. 78.

V.

Psal. 87. 8.

Ioni. 2. 4.

xisti super me : quod Ionas quoque de ventre balenæ clamans repræsentabat. Hæc erant illa viscera, quæ ad viduæ lacrymas vnigeniti mortem deplorantis concussa sunt : sicut & ad sororum fletus in fratris funere lamentantium ; ad conspectum denique Hierosolymitanæ ciuitatis, cui suprema calamitas imminebat. Sed multo maximè, in contemplanda totius generis humani ruina, commota sunt illa viscera, quæ criminosis non atrox debitumque supplicium, sed laboriosissimum misericordiæ opus exhibuerunt.

CAPVT XVI.

Misericordia opera, quæ corporibus impenduntur, in sacrosancta Eucharistia à Christo Domino usurpata.

I.
*Eucharistia
opus miseri-
cordia.*

Luc. 14. 10.

Ver. 11.

ET si maximè cupio propositam ac promissam à principio seruare breuitatem, restamen ipsa nos ducit ad cœleste Christi conuiuium, opus misericordiæ planè singulare, quod tacitum præterire sit nefas. Conuiuium miseris, ac fame laborantibus exhibitum ab amantissimo instructore conuiuij. Quod ipsemet haud obscure significauit, in illa parabola hominis cuiusdam, qui fecit cœnam magnam, & inuitatis multa tergiuersatione vtentibus, iussit seruos obire vicos ac plateas ciuitatis, foras etiam exire, vias & sepes obambulare, & pauperes ac debiles, cœcos & claudos in domum suam introducere, vt præparato conuiuij perfruerentur: consentaneè iis, quæ ipse paulo antè suaserat diuitibus conuiuij celebrantibus. Videtur autem Dominus in hac cœna magna, non solùm opera misericordiæ exercere voluisse, sed is etiam ipsemet fieri, in quem opera misericordiæ exerceri possent, vt & ipse ex misericordiamore ageret, & fieret alienæ charitatis obiectum.

II.
*Et destinata
humana mi-
seria suble-
uanda.*

2. Cor. 3. 5.

Ca. 3. 17.

Omnes homines, si bene se norunt, inopes sunt in hac vita, tantæque simul imbecillitate premuntur, nihil vt facere possint, ipsi per sese, si eius auxilio destituantur, qui verissimè pronunciauit, *Sine me nihil potestis facere*. Nihil locutione facilius, nemo tamen potest dicere *I E S V S* sine Spiritu sancto. Non potest quis non cogitare aliquid. Negat Paulus nihilominus posse nos cogitare aliquid ex nobis, sed omnem efficacitatem à Deo proficisci. Si ergo tanta infirmitate atque inopia nihil mirius fingi potest, nōne iis subleuandis opera misericordiæ rectè conferrentur? Quod si fortè nos diuites credimus, tanto maiore opprimimur egestate, qui iudicio quoque, ad penuriam nostram agnoscendam, destituti sumus. Audi enim Spiritum Dei in Apocalypsi loquentem aduersus eum, qui se diuitem dicebat & locupletatum, & nullius egentem. *Et nescis*, inquit, *quia tu es miser, & miserabilis, & pauper, & cæcus, & nudus.*

Homo pauper est ac mendicus, nec erubescit quotidie illam iterare **III.**
 vocem, *Panem nostrum quotidianum da nobis hodie*, et si ad illum acqui- **Famelis et**
 rendum quotidiano sudore madet. Israëlita Moyse in deserto fame luan- **nutriendis.**
 dente obitrepabant, quibus nihilominus manna largitus est Dominus,
 in figuram diuinæ Eucharistiæ, quæ panis vitæ, & cibus immortalitatis
 appellatur; quippe *qui manducat hunc panem*, ait Dominus, *uiuet in æ-* **Ioan. 6. 59.**
ternum. Hebræi panis nomine cibum omnem intelligere solent; manna
 proborum palato omnem ministrabat saporem: Eucharistia, omnem
 gratiarum copiam, ac deliciarum spiritualium religiosè sumentibus com-
 municat, & implet illud Virginis oraculum, *Esurientes impleuit bonis*.
 Quin etiam aliquos Sanctorum legimus, perquam diu sola Eucharistia
 victitasse, & nominatim S. Catharinam Senensem, quæ illius fame cru-
 ciabatur, ut cæteri esurie communium ciborum.

Iam verò alterum misericordiæ opus de pauperibus potu reficiendis, **IV.**
 Deus olim vsurpauit in deserto, nunc aquarum amarore abstergendo, **Restinguen-**
 nunc eas eliciendo ex saxo durissimo, omnemque in regionem, & locum **da sibi.**
 deducendo, quem cœlestis ille hospitiorum designator, sistenda nubis
 columna, notasset. Nimirum in Eucharistia maximè impletur liberalis
 illa Domini promissio, *Si quis sitit, veniat ad me, & bibat*. Ibi amaræ
 rerum aduersarum aquæ dulcescunt: ibi immoderata diuitiarum, hono-
 rum, ac voluptatum sedatur sitis; quæ in fontem mutatur aquarum vi- **Ioan. 4. 14.**
 uentium, quæ hominem in huius vitæ peregrinatione comitantur, dum
 cum eo resiliant in vitam æternam. vbi implebitur illud, *Inebriabuntur* **Psal. 35. 4.**
ab ubertate domus tue, & torrente voluptatis potabis eos, quæ est ipsa
 gloria, quæ huius diuini sacramenti gratiæ succedit.

Vice quoque versa Dominus hospitalitatem erga se exerceri cupit. **V.**
 Est enim ipse beatorum illorum princeps & caput, de quibus scriptum **Ibi ipse quo-**
 est, *Beati qui esuriunt & sitiunt iustitiam*. Esurit quippe iustitiam ac per- **que accipi-**
 fectionem nostram, esurit charitatem, eaque re ipsa nutriri cupit, cum **tur hospitio.**
 hospitio à nobis accipitur, non verbis aut promissis, quibus fames aut **Matth. 5. 6.**
 sitis satiari non possunt. Eius amoraetione delectatur, talem quoque
 nostrum esse desiderat. *Ecce sto ad ostium*, inquit, *& pulso*, vltro ipse se
 offert ad hospitium, dum homines etiam inuitati, varias excusationes
 prætexunt, ne iura hospitalitatis, & auitæ amicitiae violasse videantur,
Si quis audierit vocem meam, & aperuerit ianuam, intrabo ad illum, &
cœnabo cum illo, & ipse mecum, ego ero ipse cibus & potus, & ipse mi-
 hi; & mutua vterque delectatione perfruemur in hoc conuiuio, sed ip-
 sius vnus erit vtilitas, ipse enim mutabitur in me, inuitatione iustitiæ
 meæ, amoris & sanctitatis.

Hospites in hoc mundo sumus atque peregrini, in eoque tanquam **VI.**
 hospites & peregrinos viuere iubemur, & rectè in patriam cœlestem **Et accipit**
 tendere. Proficiscentes hospitio & conuiuio accipit tanquam alter Abra- **peregrinos,**
 ham, urgetque vehementer ne oblatum beneficium repudiemus, sed **1. Pet. 2. 12.**

vituli potius saginati participes simus; ipse nobis viaticum est, ipse idem dux & comes. Id ipsum sperabat David, cum diceret, *propter nomen tuum deduces me, et enutries me.* Et alibi, umbram mortis & presentissima pericula prouocat ad certamen, si dominum socium habuerit & adiutorem, & baculo suo tanquam peregrinus nitatur, & de mensa eius cibum summat, Nam & si ambulauero, inquit, in medio umbræ mortis, non timebo mala, quoniam tu mecum es. Virga tua & baculus tuus ipsa me consolata sunt, Paraſti in conſpectu meo menſam aduerſus eos, qui tribulant me. Seruator quoque est in hoc sacramento peregrinus, non lumine amictus sicut vestimento, ut in regia sua, sed albo & rubro specierum colore, ut qui in hac vita peregrinantur. Hospitio cum accipimus, & cibo pascimus, quo maximè delectatur, nimium obedientia, de qua dicebat olim, *Meus cibus est ut faciam voluntatem eius qui misit me, ut perficiam opus eius.* Damus & in potum lacrymas, quas animi dolor & deuotio expriment; quietem quoque illi præbemus in medio cordis nostri, ubi molle ac mundum cubile inueniat, quod ei putitas & mansuetudo strauerunt. Nequaquam illic commoratur gratis, sed symbolam soluit sanè luculentam.

VII. Induit quoque Dominus in hoc sacramento nudos, cum homines pundo in illo animo induit fortitudine; Est enim Dei virtus, ut testatur Apostolus; ideoque iubebat Apostolos Hierosolymis non discedere, donec induerentur virtute ex alto: eadem enim est filij & Spiritus sancti virtus. Et S. Chrysostomus aiebat Christianos à diuina mensa surgere tanquam leones flammis ore iaculantes, ad insultandum tyrannis, & martyrium subeundum. Hic est nouus homo quem iubet Apostolus induere, Induimini, inquit, Dominum Iesum Christum, & cum eo omnium virtutum armamenta. Homines quoque hic Seruatorem induunt sacramentalibus typis, quorum opera in corde nostro animæ locum tenet, quam corpore nostro tanquam indumento vestimus: iuxta illud Apostoli, & habitu inuentus ut homo. Et rursus illud de mortali corpore dictum est, *nolumus expoliari, sed superneſtiri,* gloria immortalitatis, si quo modo fieri posset.

VIII. Agri sumus, & magna corporis animique infirmitate laboramus, ex eaque sepe delinquimus, perturbationes animorum non raro nos in peccata præcipitant. Seruator mundi medicus est, ut ipse de se confessus est iis, qui eius cum peccatoribus consuetudinem improbant: *Non egent, inquit, qui ſani ſunt medico, ſed qui malè habent.* Inuiſit ergo medicus ægros, eisque dat pharmacum, quo non vires modò, sed ipsa quoque vita renouatur. Est enim hic cibus fortium, quo roboratur animus ad peruincendos omnes aduerſariorum, quamuis acres ac violentos incurſus, nec permittit nos eorum ſeruile iugum ex ignauia noſtra ſubire, adèd ut ne mortem quidem reformidemus, ſed optemus potiùs, & cum Paulo dicamus, *Cupio diſſolui, & eſſe cum Chriſto.* Et cum Dauide, *Hei mihi quia incolatus meus prolongatus eſt.*

Seruator quoque in hoc Sacramento, quamuis gloriosus alioqui & immortalis, iniuriis aëris, hominum, dæmonum, bestiarum obnoxius ultro effectus est. Ergo magna inuisendus est cura, ne quid in eum indignum tanta maiestate perpetretur: quandoquidem eam ipse subiit imbecillitatem, ut fieret hominum cibus. Parentes, qui filium ediderunt in lucem, eum peculiari ratione inuisere, ac fouere tenentur, si quo modo eorum ope indigeat. Itaque sacerdotum est, qui esse sacramentale Seruatori dederunt, illum in sacra pixide subinde inuisere; ibi enim quasi in lecto iacet, ut ager ab amore animarum sanctarum; illum ergo ipsæ quoque, in signum mutui amoris inuisant, & nunc ab eo peramanter inquirant, num qua in re opera ipsarum indigeat, nunc suas illi ægritudines aperiant, dicantque cum sororibus illis, *Ecce quem amas*, infirmatur, aut suum cum Petro illi amorem fateantur, petantque nulla ut unquam tentatione violeretur.

Clausi tenemur in huius corporis ergastulo, malorum habituum contriti & vinculis, & pondere peccatorum oppressi, ut dicere liceat cum Daude, *Iniquitates meae supergressæ sunt caput meum, & sicut onus graue grauata sunt super me.* Ipsum quoque corpus quod corrumpitur aggrauat animam, & terrena inhabitatio deprimit sensum multa cogitantem. Filius Dei inuisit nos in nostro carcere, habitu ementito, ut liceat nobis in illam gratiarum actionis vocem erumpere, *Dirupisti vincula mea, tibi sacrificabo hostiam laudis.* Ingressus est autem in hunc humanitatis nostræ carcerem, ut peccatorum onus à nostris humeris transferret in suos: *peccata enim nostra ipse portauit*, ut ait Esaias. Eamque charitatem, pro pignore esse voluit, ut persuasum esset hominibus, reformaturum ipsum corpus humilitatis nostræ, configuratum corpori claritatis suæ, ut eandem cum ipso gloriam aliquando, immortalisque doctes participet.

Sed apparet quoque ipsum Dei filium, ut nos è carcere educeret, in ipsum ultro carcerem penetrasse, ut ille postea miles, quem S. Ambrosius vehementer commendat, qui cum esset adolescentior, & pudori Antiochenæ virginis, quæ in magno discrimine versabatur, consultum velleret, carcerem adiit, virgini vestium commutationem persuasit; cum quibus illa euadit, iste comprehenditur, & martyrio coronatur. Apparet, inquam, Christum in capsis argenteis, quasi in carcere contineri, cum ibi & in tenebris sit, & in sacro tabernaculo clauibus obserato teneatur. Huc illum coniecit diuinus amor suus in homines, & studium dissoluendi eorum æris alieni, cuius causa se constituit vadem. Ergo, quod Sapiens admonet, gratiam fideiussoris nostri ne obliuiscamur, dedit enim pro nobis animam suam. Quod minimum est, illum à nobis in carcere suo visitari par est, illi ibidem agendæ sedulo, habendæque gratiæ; pergratum illi erit, perque iucundum id officij genus, quamuis tot tantisque nominibus debitum. Sed & illum mihi recorda-

IX.

Ibidem infra
mus ipse vi-
sitari cupit.

X.

Vinctos in
uiste ac sol-
uit.
Psal. 117. 5.
Sap. 9. 15.

Psal. 115. 17.

Cap. 53. 11.

Phil. 3. 12.

XI.

Sæpe ipse
carceri man-
cipat.
L. 2 de virg.
sub finem.

Eccl. 29. 25

re carcerem humani pectoris tot sordibus inquinati, in quem detruditur filius Dei nobilissimus atque pulcherrimus; & vide ut ne commiseratione tangere si potes.

XII.
*Sepelitur mor-
tuos, ac sepe-
litur.*
Rom 6.4.
Colos. 2.12.
& cap. 3.3.

Scribit Apostolus Christianos per baptismum cum Christo esse sepultos; quidni & per diuinam Eucharistiam, qua religiosa animæ munda moriuntur improbisque cupiditatibus, quorum vita in Christo abscondita est, qui huiusmodi sepelit appetitus, nec malè pullulare sinit, efficitq; ut præclara initia felici exitu terminetur. Mortui quoq; & sepulsi in Christo dici possunt, qui extra se in Cômunione sunt, quod plerisque Sanctorum non raro viuênit, eum sponsi deliciis atque amplexibus pares esse non possent. Nónne idem Seruator in hoc sacramento se gerit instar mortui, qui nullum vitæ indicium ad ipsum accedentibus præbeat, qui in humano stomacho sepeliatur, dum reddat aliquando gloriosum sepulchrum suum. Idem ipse est frumentum electorum, quod in bonam terram proiectum moritur, & reuiuiscit, & conciliat humanis corporibus iteratam vitam.

CAPVT XVII.

*Spiritualia misericordia opera à Christo in eodem
Sacramento exercita.*

I.
*Philosophos
arcana mul-
ta docet.*
Vide Iess. de
Perf. di. l. 12.
c. 26.

SEd spiritualia quæ dicuntur opera consideremus, Principiò numeratur Ignorantium eruditio; Quàm multa Philosophi Christiani mirabilia in hoc sacramento, posita fide, didicerunt, quæ ethnicos Philosophos omnino latent, & in iis quæ fieri non possunt numerantur? Itaque fieri posse discunt ut rei alicuius, putà panis, materia, forma, existentia penitus esse desinat, non secùs ac si huiusmodi substantia in nihilum redigeretur, & consumptis accidentibus nouam produci materiam, quæ illis substernatur. Discunt accidentia nouum acquirere subsistendi modum, sine vllius substantiæ adminiculo, & posse recipere in sese, quod ipsa substantia reciperet, si præsens adesset. Discunt fieri posse ut corpus animatum locali distentione ac commensuratione careat, ut eodem puncto temporis sit in pluribus locis, totidem videlicet quot tot orbe Christiano Eucharistia reperitur. Discunt nihil cum rerum natura pugnare, ut id corpus quod vno in loco, puta cælo, vita fruatur & gloria, iterùm verborum diuinorum mirabili efficacitate producat, perinde ac si nullibi iam existeret.

II.
*Et effectus
diuinorum
attributorum.*

Discunt & alia complura, quæ breuitatis causa missa facio, & à Theologis, qui in hoc argumento versantur, peti possunt, ut alia attingam, quæ ad vitæ institutionem morésque pertinent. Neque enim vnquam in hominum aut angelorum mentem venire potuisset, Dei misericordiam, bonitatem,

bonitatem, liberalitatem, potentiam tantam esse posse, vt sese diuinum corpus in cibum potumque informatet. Ibi plurimi difficillimis de rebus obscurisque edocentur, & ex lubrico & ancipiti loco, traducuntur in certum. Cum enim ibi Dauidicum illud pie iterarent, *Dote me facere voluntatem tuam, quia Deus meus es tu;* saluberrimum religiosæ vocacionis consiliū agnouerunt, seque diuino famulatu penitus coniecerunt, seculi vanitate contempta. Ab eodem quippe cibo vires acceperunt, vt facinus tam heroicū susciperent, exquererentur, & ad vltimam vsque absolutionem deducerent. Eodem epulo cōtinenter recreati, perseverantiæ donum obtinuerunt, quo ad æternas epulas feliciter deducti sunt.

Viri misericordes consolantur eos, qui rebus vrgentur aduersis. Eucharistia vnicū est perfugium religiosi mentibus omnibus perturbationibus, quæ illis à cacodæmone, aut ab improborum cōtū, aut à propria infirmitate contingunt; ibi anxias cordis sui curas in amantissimi sponsi manus exonerant, eiusque inuissimæ providentiæ committunt. Ibi vel maximè panis ille cœlestis cor hominis confirmat, quod & vinum lætificat, tam abundanter, vt delectationis copiam corporis imbecillitas ferre, aut angustię satis capere non possint, ibique verè dictum agnoscunt, *Secundum multitudinem dolorum meorum in corde meo, consolationes tue lætificauerunt animam meam.* Contra verò, ex huius cibi priuatione plurimū oritur, vt animus aridus, & solatij expers fiat. Testis regius ille vates, *Percussus sum, inquit, ut fœnum, & arui cor meum, quia oblitus sum comedere panem meum.*

Quoniam verò in misericordiæ operibus ipsa peccatorum castigatio numeratur, certè Paulus ipse testatur plerosque Corinthi morbis fuisse mortibusque tentatos, propter indignam Domini corporis sumptionem; significatque nihilominus pœnam hac vita circumscriptionem fuisse, neque ad æterna supplicia, Deo miserante progressam. Quia hæc ipsa misericordia animabus alia quadam ratione monstratur: quæ cum Dei timore non careant, idoneam tamen ad hoc conuiuium præparationem non afferunt; itaque solitum illis delectationis sensum adimit; quoniam huiusmodi negligentia, aliisque id genus peccatis, feruor charitatis in tepefcit. Neque tamen, frigida eiusmodi actionis meritum pius ac liberalis conuiuij instructor eripit. Cibus quippe fructuosus, ab ægri palato in stomachum sine delectatione traicitur, sed stomacho comprehensus vires exeret suas, & naturæ imbecillitati nouum robur impertit.

Quod si misericordia etiam in veniæ facilitate cernitur, eam quoque in Eucharistia Seruator exercet. Cum enim etiam peccata lethalia bona fide ignorata illic obliterentur, quæ amaris id veri doloris animi sit propriū, quid de cæteris minoribus, quibus venia faciliè tribuitur, astimari potest? Hoc diuinū sacrificium impetrat à Deo atque exorat spiritū contritionis.

III.
Conclatur
afflictos.

Psal. 103. 19.

Psal. 93. 19.

Psal. 101. 5.

IV.
Peccata castigat.
I. Cor. II.
10.

V.
Peccata dolores, proque
iisdem satisfaciunt.

Trid. fess.
22.
cap. 2.

Deus enim hac sacrosancta oblatione placatus, pœnitentiæ donum concedit, & simul grauiâ etiam peccata remittit. Ergo & sacrificium propitiationis est, & nouæ legis hostia pro peccatis. Maxime autem in pœnæ satisfactionem valet, quæ substituitur æternæ, quæ lethifero peccato debetur. Nam Christi Domini satisfactio applicatur in eorum gratiam, pro quibus offertur, siue uiuentibus, siue vita functis, ea quam dominus definiuit æstimatione. Atque ita Seruator admirabili patientia multas ineptias, atque iniurias in hoc sacramento patitur; pro quibus ipsummet deinde satisfacere, non minùs admirabili benignitate necesse est. Sicque id quod vulgò dicitur contingit, vt qui iniuriam accepit, etiam multam luat. Eodem planè modo, quo adolescentes inuitis parentibus multa peccant, quos tamen filiorum noxæ denique satisfacere necesse est.

VI.
Conclusio
Amoris a-
ctiue.

O singularem, atque omni prædicatione dignissimam misericordiam tuam, pater misericordiarum, & Deus totius consolationis, ne permitte obsecro, vt in vilius operis labore, pro tua gloria suscepto, aliquando defatigemur, quando laboriosa ista exercitationes tuæ in totam mortalem hanc vitæ, vltimamq; ipsam posteritatem propagandæ sunt. Nolo ita desipere, vt ad laborẽ aliquem corporis animiue sustinendum vocatus, si illum subterfugiã, strenui amatoris nomẽ retinere me posse putem. Nolo ea lege ac cõditione in discipulis tuis censerì, vt hîc in triũphali solio sedeam, siue ad dexteram, siue ad sinistram tuam. Absit à me vt albo amicorum tuorum me dignum putem, si opella nescio qua tui gratia confecta, quam primùm labore infractus langueam, si præsentis aut præteriti oneris grauitatem vel derectem, vel querar: cùm hoc ipsum potiùs in magnis beneficiis tuis numerare debeam, quòd tui gratia multùm laborare licuerit, multis distineri occupationibus, multam promereri in cœlo mercedem.

VII.
Et ad Deum
oratio.

Nostri omnes labores, totidem beneficia tua sunt Deus meus: & quotquot extiterunt labores tui, totidem nomina sunt, quibus tibi ad grauissima quæque opera obligati, atque obstricti sumus; totidem quoque argumenta laboriosi amoris tui, qui nullum imponet labori finem, donec illic amicos suos collocarit, vbi finem accipit omnis labor. O anima religiosa, quam tot negligentiarum in Dei famulatu, consciùm peccus exasperat, accusatque iniustissimæ parcitatis, in exequenda diuina voluntate, absolutissimæque & irrenocabili deditiõne cordis tui, recordare Actuosum esse amorem diuinum, sempërque in corde tuo inquierum fore, donec, singulari præueniente atque obsecundante Dei gratia, totam te in illius sinum profuderis, vt cùm eo nobilissimè illius Amoris opera exerceas, qui nunquam otiosus esse aut vult, aut potest.



LIBER DECIMVS-TERTIVS.

De diligentia Diuini Amoris.

CAPVT I.

*Descriptio noni filij Charitatis, cui nomen Amor feruidus,
promptus ac diligens.*



DVLIVS Cæsar qui princeps Romanum fundauit imperium, cùm significare vellet quàm celeri, quàmque expedita diligentia prouinciam Ponti subegisset, scribi iussit in tabula, quæ in summo curru triumphali affixa erat, *Veni, vidi, vici*. Rectius utique & victoriam & eius celeritatem summo Numini, exercituum ac victoriarum Deo, si eum rectè nosceret, attributurus. Quæ causa fuit maximo ac religiosissimo Imperatori Carolo quinto, cùm breuissimo tempore Germaniam subegisset vniuersam, omnesque illius dynastas, ac principes sibi reddidisset obsequentes, vt ad summum Pontificem Romani scribens, ita Cæsarem illum imitaretur, vt Christianè corrigeret, diceretque, *veni, vidi, Deus vici*: religiosè agnoscens ac prædicans tantum opus, tantæque celeritate confectum, illi vni tribuendam, *qui facit mirabilia magna solus*. Quod sic extulit Propheta regius, quòd præclare nosset permodicam esse in huiusmodi facinoribus hominum operam, si cùm primæ causæ, quæ omnia mouet, digerit, componit, & ad optatum deducit exitum, actione componatur.

Hæc porro velox atque expedita diligentia, quæ in Dei gloriam, hominumque redundat effectus quidam est amoris illius, quo Deus illum prosequitur, quem statuit efficere gloriosum; cuius opera atque interuentu vitur, ad mirabilia opera sua perpetranda. Est & illius amoris effectus, qui hominem ducit atque instigat ad gloriam, & quasi ad motis calcaribus magnis itineribus properare iubet, imò currere ac volare, vt

I.
*Diligentia
vniuersa lau-
dabilis est.*
AVTOR.

Psalm. 135. 4.

II.
*Et amoris
effectus.*

Amor a suo. id quod studiosè sequitur assequatur; quod consequens oratio facilè de-
sus & prom- monstrabit, quam habebit nonus filius Regiæ Charitatis. Et cæterorum
ptius ut diffi- quidem, qui hætenus prodire, germanus est, Actiuo verò, qui proxi-
rant. mè antecessit, germanissimus, nec tamen idem. Potest enim aliquis
 nunquam ab opere desistere, quòd tamen languidè lenper atque negli-
 genter gerat, nunquam in ambulando gressum acceleret, aut in a-
 gendis manum. Potest & quis alioqui celsator, dum in opere est agere
 diligenter, & priorem cunctationem, posteriore celeritate compensare.

III. *Descriptio* Erit igitur hic nobis Charitatis filius ordine nonus, cui ab Amore di-
prompti A- ligenti ac feruido inditum est nomen, ætate florida iuuenis, qui vultu
moris. ipso, atque incessu, totaque externa specie vegetum quid feruidumque
 demonstrat. Rutila erat cæsaries, oculus hilari ac viuus, totus faciei,
 reliquique corporis color, album inter & fuscum. Alas gestat in humeris
 ac pedibus, adeòq; ipsis in manibus, cum hoc elogio *Amor addidit alas,*
 Tunica succinctus est breui ac volatili, in qua apparebant alæ. & flam-
 mule, opere plumario in quincuncem acupictæ. Globum cælestem ma-
 nu sinistra gerit, diligentis ac celeritatis argumentum, quòd orbes illi
 incredibili pernecitate cisantur. Telū fert dextera hoc elogio circundu-
 ctum. *Surge, prope amica mea, columba mea, formosa mea, & veni.*

IV. *Propositio di-* Propositum habet in vestigio fratrum pedem ponere, docerèque se
cendum. germanam esse charitatis sobolem; diuinum amorem promptum esse
 ac feruidum, talem sanctorum virorum amorem in Deum ac proximum,
 cum res tulit, semper extitisse; Dei ipsius in mortales amorem, in pri-
 misque Christi Domini minimè lentum esse, sed flammeum totum, at-
 que flagrantem. Sed prius de more ostendemus, hanc proprietatem in-
 citatæ actionis, Amori vniuersè sumpto conuenire; quod simul ad illu-
 strandum propositum diuini Amoris, atque institutum valebit.

CAPVT II.

*Amorem vniuersè sumptum promptum esse, diligentem
 ac feruidum.*

I. *Promptitudo* *& diligen-* *tia Amoris* *effectus.* **N**isi aperta ratio, atq; experientia huius assertionis, omnium ocu-
 lis esset mètibúsque proposita, multum operæ fortasse ponendum
 esset ad docendum, amorem rei alicuius causam esse studij, promptæque
 diligentis ad illam obtinendam; id tamen demonstrandum est paucis, ut
 cum ad ipsius rei lumen, hoc alterū orationis lumen acceperit, iis quoq;
 res illustris fiat, qui vel affectionis huius vim ac naturā parum conside-
 rarunt, vel mentem suam, ad ipsius experientis contemplationem,
 non reflexerunt. Nulli certè dubium esse potest, quin amoris affectu

præsenti bono cum iucunditate iungatur, & si id abesse contigerit, illud appetat, & ad eo fruendum quàm promptissimè licebit, desiderio feratur: cùm in eo positum sit amoris bonum, quod ægerimè patitur vel tantillum differri. Hæc mens erat ac sensus S. Bernardi. Cùm præsto est, inquit, quod amatur viget amor, languet cùm abest. Quod. non est aliud quàm tadium quoddam impatientis desiderij, quo necesse est affici mentem vehementer amantis, absente quod amat, dum totus in expectatione, quantamlibet festinationem reputat tarditatem.

Amor ignis est, hoc ei nomen sacræ literæ tribuunt & prophanæ. *Lampades eius*, ait Salomon, *lampades ignis atque flammarum*; & alibi Sapiens alius ait concupiscentiam quasi ignem exardescere.

Ebrietas & amor, ait Poëta quidam, *ignis in igne furunt*.

Et alius, *Incendit Reginam, atque ossibus implicat ignem*.

At notum est ignem calidum esse, ac mobilem, rapidum, volucrum, concitatum, & breuissimo tempore magna locorum interualla decurrere ac peruolare; domos, segetes, totasque sylvas vento obsecundante depalci. Vides quanta celeritate fulgura, ab ortu ad occasum vsque decurrant; & quanto impetu fulmen atris ex nubibus erumpens, inuadat in terras, obuiasque momento concutiat, dilaceret, ac disturbet? Vides vt subterraneis inclusa flamma cuniculis, ingentes turres, ac propugnacula immensæ molis, imis eruta fundamentis in cælum excutiat, tanta celeritate, quantam vix oculi consequantur. *Vt vidi, vt perij*, ait ille. Et sicut ignis non solum feruorem habet in sese, sed aliis quoque dissimilis admodum naturæ communicat; candet enim ferrum, & aqua effervesceat; sic & amoris affectus etiam frigentibus calorem, & tardis instuetam atque ignotam celeritatem impertit.

Residet amor in cordis natura sua calidissimi, penetralibus, vnde vitalis omnis calor in membra omnia proficiscitur ac dimanat. Si quando ergo affectus hic in adyta illa penetrauerit, si quem ferri instar frigentem tardumque repperit, aut admodum glaciei concretum, breui ebulliet illa glacies, breui incandescet id ferrum. Idem quoque valet in amore diuino, licet is spiritalis sit, & in voluntate resideat; sine corpore enim suis muneribus fungi non potest, & eius calore ita iuuatur, vt quendam inde vigorem accipiat. S. Xistus Martyr ac Pontifex dicebat S. Laurentio, validam ac vegetam iuuentutem eius gloriosiore martyrio coronatum iri, se vt senem leuiore pugna morte defungi. Eodem quoque refferri potest illud Catonis, qui gratias agebat senectuti, quod voluptatum vinculis solutus esset.

Huic quoque diligentia fauet ac famulatur timor. Qui enim aliquem vehementer amat, nihil æquè timet, atque opinionem amici sui, qua is se parum amari suspicetur; lenta verò & languida officia, non leuia sunt exigui placendi studij, & amoris argumenta. Hinc ergo existit ille feruor, de quo agimus, & prompta diligentia; quæ viceuersa magnitudi-

II.

*Igni similis
celeritate.
Cant. 8. 6.
Eccli. 9. 9.
II.*

III.

*Amoris celeritas
ex subiecto petita.*

IV.

*Cui famulatur
timor.*

nem amoris prodit, quando is ita colitur, ut id vnum agi, curari, cogitari videatur. Hunc amantis diligentia eleganter expressit Poëta hoc carmine:

*Iussus adesse foro, iussa maturum hora
Fac semper venias, nec nisi serus abi.
Occurras aliquò tibi dixerit, omnia differ,
Curre, nec inceptum turba moretur iter.
Rure erit, & dicei, venias, amor odit inertes,
Si rota defuerit, tu pede carpe viam.
Nec graue te tempus, finisve canicula tardet,
Nec via per lapsas candida facta niues.*

Et alibi.

*Militia species amor est, discedite segnes,
Qui non vult fieri desidiosus, amet.*

V.
An otium ab
amore sit.

At enim, dicet aliquis, malè sibi constat hic Poëta, qui alibi dixerit,
Otia si tollas, periire Cupidinis arcus.

Hunc enim illa fouent atque sustentant.

Et rursum, ----- *Finem qui quæris amori,
Cedit amor rebus, res age, tutus eris.*

C. 16. 49.

Et ne quis profanos causetur autores, Ezechiel propheta inter causas improbitatis, ac ruinæ Sodomorum, otium numerare non dubitat. Ignavos reddere atque inertes, docet ille pastor, qui hoc se nomine accusat. *Semiputata tibi frondosa vitis in ulmo est.* Accusatur & Dido, quæ isto affectu capta, omnia ciuitatis regis munimenta, bellâcique rudimenta missa faciebat.

Æneid. 4.

*Non cæpta, inquit Poëta, assurgunt turres, non arma iuueniunt
Exercet, portusque, aut propugnacula bello,
Tuta parant; pendunt opera interrupta, minaque
Murorum ingentes, equatâque machina cælo.*

VI.
Et quatenus.

Verùm ut hæc omnia vltro fateamur, nihil tamen hæc instituto nostro aduersantur. Neque enim asserimus Amorem reddere homines ad omnia promptos atque expeditos, sed ad ea duntaxat, quæ huic affectui fouendo, aut quærendo seruiunt. Nam pastor ille,

*Tantum inter densas umbrosa cacumina fagos
Assidue veniebat, ibique incondita solus
Montibus & sylvis stuaio iactabat inani.*

Et Regina illa in peculiari causa sua,

*Sauit inops animi, totâmq; incensa per urbem
Bacchatur.*

Eiusque imperio Anna soror sæpius ad Æneam ventitat, offertque iteratas preces. Cæterorum autem negotiorum atque operum studium, aut languet aut iacet. Nam non solum,

Pluribus intentus minor est ad singula sensus,
sed si quando vni cuiquam rei penitus incubuerit, ad cætera parum aut nihil potest.

Eadem ratio est, ait Promptus Amor, Diuini amoris, atq; mūdani; quo enim plus minūſve hominē alteruter occuparit, hoc facilius aut res diuinas negliget, aut rerum mundanarū obliuiscetur. Dicam etiam amplius. Nam qui se ex Dei amore diuinæ contemplationi impensius dedit, minus faciliē ad vsum, exercitationemque descendunt; & vice versa, qui in actione intentius occupantur, minus ad contemplandum valent, in rebus æquē naturalibus ac diuinis. Huc illud Gilberti apud S. Bernardum pertinet, qui de Amore contemplationi dedito loquens, *Amor*, inquit, *occupationum externarum impatiens est, suis satis habens inservire negotijs. Otio gaudet, quiete fouetur, ad internam delectationem libera habere tempora volens. Annon hos ipsum tibi videtur spora innuere, dilectum suum ad cubiculi secretum trahens. Nouit illa dilectum suum non posse foris securē possideri, nec integrē quidem. Et quā durum est amanti animum dimidiare cum Christo, & mundo? quā durum est, inquam, in dilectionis iura peregrinas admittere curas, & cœleste secretum secularibus infestare turbellis?*

Addam & illud propositæ disputationi tuæ, eum qui aliquid vehementi amore prosequitur, eam rem habere pro fine, cætera sunt illi rationes & viæ, & quasi instrumenta vt finem illum assequatur: modūque ab illo, ac bonitatem accipiunt, & præ illo negliguntur. Quæ causa est vt verī Dei amatores, & perfectionis candidati cætera omnia missa faciant, ac valere iubeant, vt Christum sequantur; persuasi illa ad eum finem obesse potius quā prodesse. Contra verò inanis ac caducæ pulchritudinis stultus amator, eius potiundæ causa, prodigit opes & copias, famam, sanitatem, vitam ipsam, ac salutem æternam. His enim tanquam mediis abutitur ad illum finem. Age potro nunc si videtur, & Prompti Amoris experientiam doce in rebus hisce, quæ vulgò expetuntur, admandis, gloria, vtilitate, iucunditate. Res in promptu est, inquam.

Ecce priūm iure dixerim agendi celeritatem ad gloriam pertinere: est enim testis ingenij, solertix, atque expeditæ industrix, quæ in humanis bonis principatum tenent. Quod si gloriosum est, egregium aliquod actus opus, longo licet tempore perficere, quanto erit gloriosius illud ipsum, paucis diebus aut horis, reddere omnibus numeris absolutum? Isocrates eximius dicendi artifex non dubitauit publicē profiteri, se decem ipsos annos in scribendo panegyrico suo posuisse, adeoque neque ipsum tam diuturni temporis pœnitere: quanto sibi ad gloriam putasset illustrius, idem opus totidem diebus confecisse? Si quando in egregia quædam opera pictorum, sculptorum, aurificum incidimus, miramur id quidem ac diligimus, nec de tempore inquirimus, multōne aut modico absolutionem illam acceperit; constat nihilominus temporis breuitatem, operis gloriam atque admirabilitatem vehementer augere.

Est enim difficilius & rarius, & industrix exquisitoris, præclarum opus promptē conficere, tardius autem, pene vulgare ac plebeium. Dat enim tempus perpoliendi operis facultatem, quod diu fortasse rude fue-

VII.
P R O M P T U S
A M O R.
Vt amor sacer ac profanus propensus sit aut lētus.
In (ant.
serm. II.

VIII.
Res amata finis.

A V T O R.

IX.
Amor gloriæ promptus.

X.
Eius rei causa.

De clar.
Orat.

rat, & inchoatum. Itaque negat Romanus Orator quidquam inuentum simul ac perfectum esse; id enim humanam superat industriam, ad diuinam accedit, quæ ut se ferè ad hominum captum ac modum accommodet, nullam tamen natura sua moram, cunctationemve desiderat. Si ergo, ut cætera sint paria, honorificentius est ad gloriam celerius agere quam lentius, apparet amorem gloriæ in diligentia causis esse numerandam; & vniuersè amorem rei cuiusque, quantum quidem res ipsa ferat, promptum esse, atque diligentem; ut quamprimum bono potiatur, quod concupiuit.

XI.
Id docetur
exemplis
Pompeij.

Itaque Romani Imperatores magnum in eo momentum gloriæ militaris positum esse duxerunt, vciè ut illud vsurpare possent, *veni, vidi, vici*. Quanto audientium plausu, quanta magni Pompeij gloria auditum est illud Oratoris elogium. *Hoc tantum bellum, tam turpe, tam vetus, tam latè diuisum atque dispersum, quis unquam arbitraretur, aut ab omnibus imperatoribus uno anno, aut omnibus annis ab uno imperatore confici posse?* Et paulo inferius, *Ita tantum bellum, tam auiturnum, tam longè latèque dispersum, quo bello omnes gentes, ac nationes premebantur, Cn. Pompeius extrema hyeme apparuit, ineunte vere suscepit, media estate confecit*. Sic ille piraticum bellum celebrat, quod toti Mediterraneo mari, quàm longè latèque patet, protendebatur.

XII.
Iulij Cæsaris.

Quid Iulius Cæsar, qui tot bellà, toto pene Romano imperio, confecit, tot præliis, cum tot tantisque gentibus dimicauit, tot victorias consecutus est? nonne scriptores omnes in eo consentiunt, agendi celeritatem eas illi conciliaisse, ac contulisse? Vna nocte ingentes exercitus ex vna provincia in alteram transportabat, vñumque locum prius cum legionibus obsederat, quàm eò venturus esse crederetur: adeo ut cum ipsa fama, qua nihil est magis volucris ac repentinum, de celeritate certaret. Quanta velocitate pontes construebat, rapidisque ac latis fluminibus imponebat? Oppida vallo, fossa, aggeribusque cingebat? hostem comiteatu, omnibusque auxiliis excludebat? Propheta Daniel de Alexandro magno verba faciens, deque ea celeritate, qua Græciam, Asiamque pene subegit vniuersam, & regna regnis victoriarum cursibus coaceruauit, ait illum ita faciem totius terræ peruiolasse, ut eam non tangeret, significans illum tanta celeritate fuisse vñum, ut volare potius quàm ambulare, & præire auiibus, non legionibus ad pugnam proficiscentibus videretur.

XIII.
Amor lucris
diligens.

Quid necesse est illam eloqui celeritatem, quam diuitiarum amor mercatoribus suppeditat? Olim illud vulgo iactabatur,

Impiger extremos currit mercator ad Indos,

Cùm nondum ignota ad meridiem & occasum maria patefacta essent, quæ nunc ita classibus decuruntur, ut tota vastissimi oceani longitudo, qua patent omnia sola terrarum, breui tempore mensuretur: adeanturque quotidie

quotidie fortunatæ illæ insulæ, quas vltimos mundi terminos statuebat antiquitas, adeantur & illæ aromatibus beatæ, sed & montes illi non frugibus, sed auro argentoque facti, & littora gemmarum piscatu celebrata, nec iam vltima Thule, sed vltima Iaponia numeretur. Hic idem lucri amor studia literarum ita accelerat, vt ad doctrinæ apicem peruenisse tabulis obsignatis vulgò demonstrantur, qui eas vix à primo lumine salutarunt; & qui tyrones adhuc sunt, in triariis censeantur.

Libertatis amor & voluptatis, homines trans mariâ instar piscium natatione transuexit, & transformauit in volucres, quasi naues currusve deessent, vel equi aut dromedarij malè sanum celeritatis desiderium æquare non possent. Ecquid est quod tam stupendam tygridi perniciatē confert, quantam legere vel audire sine admiratione non possumus, præter ardentem catulorum amorem? Tygrin, inquit Plinius, Hircani & Indi ferunt, animal velocitatis tremendæ, & maximè cognitæ dum capitur. Totus enim fœtus, qui semper numerosus est, ab ipsa diante rapitur, equo maximè pernici, atque in recentem subinde transfertur. At vbi vacuum cubile reperit, fœtu (matribus enim cura non est sobolis) fertur præceps, odore vestigans. Raptor appropinquante fremitu abiicit vnum è catulis. Tollit illa morsu, & pondere etiam ocyor aëta remeat, iterumque consequitur ac subinde, donec in nauem regresso, irrita feritas sæuit in littore.

VIV.
Sicut & ceterorum.

Li. 8. c. 18.
Tygris celeritas.

C A P V T III.

Diuinum Amorem mundanum diligentia, feruore, celeritate vincere.

P R O M P T V S A M O R

IACTA sunt à te diligenter, ait Promptus Amor, fundamenta disputationis huius, quibus facile est inædificare, quæ de diuini amoris diligentia ac feruore dicenda sunt nobis, quæque illi potiori iure quàm humano, mundanòve conueniunt. Nam, quod tute superius attigisti, humani amoris, sicut & reliquarum affectionum, sedes est cor humanum; cùm diuinus amor, quæ est ipsa charitas virtutum nobilissima, ac regina, sedem habeat in voluntate, quæ est rationalis animæ facultas, illi cum angelis, ipsòque Deo communis, & hoc ipso spiritalis ac diuina. Si ergo voluntas, hoc ipso quod spiritalis est, promptior est atque expeditior ad agendum humano corde, quod re ipsa terrenum est, & terreno pondere degrauiatur, profectò fatendum est diuinum amorem, diligentia & celeritate humanum longè multumque superare.

Quòd si placet vtriusque amoris originem contemplari, constat hu-

I.
Probationes
huius assertionis.
Ca. 2. n. 3.

II.
Ex origine
vtriusque.

M m m m

Gen. 22. 3. operi, ac ne lucis quidem exortum expectat, quippe *de nocte confurgit*, sternit asinum suum, socios itineris parat, & vix albescente cœlo se dat itineri, versus eum montem, in quo iugulaturus erat Isaacum suum. Nec testudineo, quod aiunt, gradu molitur itor, si forte interea, exiliat è cœlo nuncius, qui à Rege gratiam faciat innocenti.

III.

AVTOR. Quanti ergo tu quæso istam diligentiam, in re tanta, tamque difficili faciendam putas? Vicisti, mi Amor, vicisti. sed alia nihilominus exempla In hospitali- desidero. Possum, ait Promptus Amor, illam quoque eiusdem patriarchæ cōmemorare diligentiam, qua iam centenarius, iuit obuiam, imo, vt AMOR. Scriptura loquitur, *cucurrit de ostio tabernaculi sui, in occursum trium virorum*, in ipso fervore diei peregrinorum specie prætereuntium; in iisque aliquid supra humanum modum agnoscens, procidit ad eorum pedes, exoraturus vt ad se prandij gratia venire ne grauarentur. Statimque voti campos, pari sua & Saræ diligentia eos conuiuio accepit. *Festinauit enim Abraham*, vt ait textus sacer, *in tabernaculum ad Saram, dixitque ei, Accelera, tria sata similia commisce*, &c. Ipse verò ad armentum *cucurrit & tulit inde vitulum tenerimum, & optimum, deditque puero, qui festinauit, & coxit eum*. Audis festinationem iteratam, accelerationem, cursum, quasi beneficium non collaturus esset ipse alteri, sed accepturus. Et quod illustrius requiramus prompti Amoris argumentum?

IV.

In bello con- tra quatuor reges. Gen. 14. Sed placet hanc diuini Abraham amoris celeritatem, in illustriori vulgò materia contemplari. Cum enim accepisset Abraham regem Codorlahomorem, cum tribus aliis regibus, vallis illustris regionem latè populatam esse, post suas fugatasque quinque regum copias, abductum Lotum nepotem, cum omnibus eius fortunis, ac cæterorum omnium; quos euerterat, ac perculerat belli clades. Apparebat rectè facturum Patriarcham, si alienam cladem ipse quoque tacitè ac patienter ferret; nec victorum regum exercitus, cum exiguo famulorum domesticorum manipulo, & modica fœderatorum manu, animosè magis quàm prudenter inuaderet. Tam difficilem tamen atque arduam expeditionem, diuino inflatu, animi plenus atque feruoris, promptissimè suscipit: illum manipulum 318. famulorum, & istam modicam fœderatorum manum armis instruit, cum iis victorem persequitur exercitum, eumque paucis diebus assecutus, priusquam inuadat, prudentiam fortitudini sociat, omnemque ad victoriam incitat industriam.

V.

Eiusdè prudentia diligens. Principio copias diuidit, perque omnes aditus dispersit, ne hosti ullus sit fugæ aut auxilio locus; deinde vt pluribus simul ex locis impressione facta, perturbatus, nihil consilio agat, sed temerè omnia, vt fors tulerit, & improuisus persuaferit metus. Noctem quoque elegit ad pugnam, cum vt somno vinòque sepultos faciliùs opprimeret, tum vt ne illi copias illas, à quibus iniqua conditione inuadebantur, per lucem agnoscerent, animosque reciperent, Ergo simul ad arma vndique conclamatur atque concurritur, trepidatio, perturbatio,

cædes occupat omnia; nonnullis tenebræ commodam præbuerunt fugam, quos postmodum Abrahamus celeriter confecturus confecit, ad præliique locum reuersus, spolia copiosa collegit, nepotem saluum cum fortunis omnibus recepit, incolumemque reduxit. Ecceui obsecro victoriam hanc, nisi Diuino Amori prompto ac feruido tribuamus? cui profana historia ægè afferat ullam parem.

Quid clarissimum illum Imperatorem Gedeonem referam? Is diuino instinctu visus est in somnis, sub figura subcinericij panis ordeacei, qui præceptis in Madianitarum castra voluebatur, & tabernacula militaria percussit, atque subuertit, & terræ funditus coæquauit. Omnis id erat celeritatis, qua Gedeon innumerabiles Madianitarum copias erat profligaturus: in quas per nocturnas tenebras irruit tripartito, & clamore simul, ac lumine, & confectione lagenarum ita perterruit, vt castra omnia turbarentur, & milites partim vociferantes, vluantique diffugerent, partim mutua se cæde truncarent, Gedeone interea cum suis hostem summa diligentia persequente, & ad eandem reliquos Israëlitas incitante: adeo vt intra paucos dies, quatuor Madianitarum reges, & regni & vitæ extorres occumberent, Hebræi libertatem, post septem annorum durissimam seruitutem, recuperarent.

Iosue primus à Moysè Iudæorum Imperator, ipsoque etiam viuo Moysè Chananæorum debellator, instituto nostro merito seruiat, non solum quando intra vnum diem numerosum Amalecitarum exercitum, Moysè interim Deum deprecante, profligauit ac perdidit, ne vno quidem suorum amisso: sed tum maxime, cum à Gabaonitis fœderatis præmonitus, de coniuratione quinque regum Amorrhæorum in perniciem populi Dei, quam primum coëgit, armauitque ipsum exercitus sui florem ac robur, tota nocte in hostem, Gabaonem arcta obsidione prementem, ducit, atque in eum irruit improuisus; Deo interim ex alto infestam eiaculante grandinem; inopinatioque malo perturbat Amorrhæos, cædit, fundit, fugat, persequitur, tanto animi corporisque feruore, vt eum diem defuturum cerneret exterminandis Chananæis, solem medio in cursu iuberet subsistere. Substititque illico Sol in medio cæli, & spatio vnius diei non festinauit occumbere, obediens Domino voci hominis, & pro Israëlè pugnante.

Dum ergo Dominus tam nouo, tamque inopinato auxilio summam Iosue diligentiam promouet, pergit ille hostes populi Dei infestior persequi, cedere, internecone desere; adeo vt quinque ipsorum reges comprehensos & eductos ex spelunca, in quam se abdiderant, suorum pedibus proculcarer, interfectosque super stipites quinque suspenderet. Tanta porro celeritate totam latè regionem præliis victorisque peragravit, vt intra breue tempus vnum & triginta reges, siue dynastas interficeret, & vniuersas Chananæorum, Amorrhæorum, Iebusæorum, Heuæorum, Phereæorum, aliorumque populorum terras pugnando

VI.

Gedeonis diligentia contra Madianitas.
Iud. 7. 13.
&c.

VII.

Et Iosue contra Amalecitas, & Amorrhæos.
Exod. 17. 9.
13.
Iosue 10.

VIII.

Cæterarum victoriarum celeritas.

Vid. Iud. 3. 1.
1 & annuum
Iosue 6. n.
6. & 7.

occuparet, per paucis exceptis, quibus Deus de industria referuauit, ut iis domandis populum suum probaret deinceps atque exerceret, & delinquentem, ac turpiter à se deficientem castigaret.

IX.

*Samsonis
feruor, ac
promptitudo*

Longior forem si animosum Samsonis feruorem, studiosius referre cuperem, non in lacerando duntaxat leone, sine vilo armorum, præterquam diuini spiritus præsidio, sed in millenis Dei hostibus cum asini mādibula vno impetu concidendis, in vrbis perimunitæ portis in custodum oculis conuellendis, & in montem illico deponendis, in templi columnis mirabili brachiorum concussionem disturbandis, aliisque id genus facinoribus inusitatam fortitudinem, animique æstum attestantibus.

Dauidis.

Quem Dauid quoque adhuc adolescens, cum vrsis leonibusque congressus, victorque effectus representauit: indeque etiam cum vnus secundum Deum fundæ præsidio, carneam turrim lapidis ictu deiecit,

Machabæorum.

suoque ipsius gladio capite truncavit. Occurrit & Mathathia, & quinque filiorum eius, pro Dei gloria, legibusque patriis, animus promptus, animosus ac feruidus; in primisque Iudæ Machabæi, cum Antiochus Epiphanes, omnem Iudæorum regionem immensis cladibus attereret; qui primo magistratus sui anno, præter alias excursions in regios duces, contra quinque eorum in acie stetit, ac victoriam, iis partim cæsis, partim fugatis, reportauit. Altero demum anno felicitate mirabili contra ipsum Antiochi proregem Lyfiam expeditione suscepta sexaginta pedum millia, equitum quinque millia prostrauit, celeriterque victoria usus, eversa Hierosolymis idololatria, Dei cultum magnifice instaurauit.

CAPVT V.

*Promptus Amor ac feruidus sanctorum Evangelica legis,
& primum beatissima Virginis.*

I.

*Promptus
Amor Vir-
ginis.*

EXPECTAS nunc opinor, ut aliqua ex Euangelio suggeram prompti ac feruidi amoris exempla, quamuis à strepitu bellico aliena. Vt ergo nunc quidem Sanctum Sanctorum seponam, ipsa Dei mater haud obscura dedit prompti huius amoris exempla; & si hæc in agendo celeritas timore femineo, aut pudore tardetur, potius quam virili. Si enim ex materno utero acceleratus est ei rationis usus, sicut de sanctissimo præcuratore satis constat, eaque prærogatiua non minus Dei matrem, quam Dei famulum decet, & vterque cum propriæ cognitionis concursu sanctitatem accepit, quam promptus fuit hic amor, qui etiam natiuitatem antecurrit? Ecqua maior diligentia reperiri potest consecrandi

*Et Præcur-
sor.*

se Deo, quàm primùm ipsum instans cognitionis eius? Qua ipsa in re Virgo primas tulit, quæ ipso propriæ conceptionis articulo sanctificata est, sexto autem post mense à conceptu suo, Præcursor.

✱ Quòd si ad anteriora tempora cogitationem referre placet, etiam ante conceptionem oblata ac consecrata est Deo, sed hæc promptitudo non Virginis, sed vtriusque parentis fuit; qui in remedium sterilitatis suæ, voto sese obligarant consecrandi Deo prolem, quam Dei benignitate acceperant, ut olim Anna Samuelis mater. Quæ causa vtrique Annæ fuit promptioris oblationis. Nam Samuel tertio anno ablactatus, & oblatus est Deo, & relictus in Silo, ut ibi præmaturè assuesceret diuino famulatui. Virgo quoque tertio ab ortu anno oblata est Deo, & in sacris templi gynæciis educata & custodita. Quòd si acceleratus ille rationis vsus perseverauit in Virgine, ut ratio postulat, quando, ut aiunt, dona Dei sunt sine pœnitentia, quoties illa se ante natiuitatem obtulit Deo, aliisque virtutum actibus prolusit secuturis? & tribus illis ab ortu annis continenti vtrique præparatione prouidit, ut dignum Deo sacrificium corporis animique sui, virginittis voto nuncupando, offerret. Neque enim verò simile est dilatatum ulterius id votum, ut deinceps quos virtutum actus eliceret, maioris essent meriti, atque dignitatis.

Si autem, cum communi Doctorum consensu fatendum est, nullam virginis actionem fuisse aliquando quapiam imperfectione maculatam, sed omni potius absolutione cohonestatam, ne illud quidem in dubium reuocari potest, singulas eius actiones ea promptitudine, feruore, diligentia fuisse decoratas, quas res ipsa postulabat. Quàm promptus fuit eius in mysterium diuinæ Incarnationis consensus, vbi primùm edocta est, id, absque deuotæ Deo virginittis detrimento, perfectum ire? Idem de ipsius acceptione S. Iosephi in verum ac legitimum coniugem dici potest, vbi eum didicit custodem fore, non usurpatorem thesauri Deo consecrati: atque à Deo sapientissimè destinatum, qui purissimæ virginis integritati & honori coram Deo hominibùsque consuleret, fieretque diuinæ huius œconomix fidelissimus dispensator.

Aliam quoque Virginis diligentiam illico suggerit S. Lucas, circa Elisabethæ cognatæ visitationem. Cùm enim illam sextum iam mensem vterum ferre didicisset, cum sponsi consensu in montana Iudea cum festinatione profecta est, quantam & conditio sexus ferebat, & virgineus pudor; sat magnis tamen itineribus, ut iis vsu venit, qui in locum aliquem cum festinatione contendunt. Nullibi moras interposuit, nisi ad Dominum Hierosolymis ex itinere adorandum, & ad diurnum cibum, & nocturnam quietem. Argumento diuinæ flammæ quam gestabat in vtero, simulque documento lenitudinem in diuino famulatu Deo minimè gratam esse. Si quis fortè fuerit in mundi obsequio negligentior, tolerabilis culpa est, de seruis enim suis ille ut plurimum malè meretur. At Deus seruos suos muneratur, supra spem omnem atque meritum,

II.
Quàm citò
Deo conse-
crata.
Vide an. m.
2903. n. 4 &
4041. n. 1 &
seqq.
Eiusdem
Præsentatio.

Et votum
virginittis

III.
Promptus
eius ad in-
carnatio-
nem consen-
sus.

Et responsa-
tionem.

IV.
Visitationis
diligentia.
ca. 139.

Præterquam quod dignissimus est, cui cum gaudio, fervore, ac diligentia, quam largitur ipsemet, seruiatur.

V.
Et in nuptiis
in Cana.

Missas facio delicias spirituales vtriusque cognatæ & infantuli vtriusque, ut aliam quandam Virginis diligentiam breuiter perstringam, quam in nuptiis in Cana Galilææ prodidit. Charitas enim in proximum illam excitauit, ut præmature imminenti necessitati provideret, ne noui coniuges, in vini defectu, pudore ac dedecore vulgò afficerentur. Itaque nullius incitata vel exorata precibus, filio rem ita indicauit, ut simul tacitum impetrandi beneficii patrocinium adhiberet. Eam diligentiam haud obscurè indicat illa Christi responsio, *nondum venit hora mea*. Quid non faciet illa mater pro filiis suis, crebris præsertim ac feruidioribus inuitata precibus, & de rebus ad æternam salutem spectantibus, quæ pro conuiuiis suis sponte sua, in re non magis momenti, nobilissimum miraculum à filio impetrauit? præsertim cum profana hæreticorum, contra beatorum patrocinia garrientium, ora fuerint obstruenda.

C A P V T VI.

*Alia prompti ac feruidi amoris exempla ex Euangelio
petita.*

- I. **P**romptum ac feruidum Principis Apostolorum Amorem promptum ac feruidum nemo ignorat; neque tamen propterea eius commemoratio negligenda est. Iure enim celebrandum est promptum illud obsequium Petri & Andreæ, & filiorum Zebedæi ad primam Christi vocem, ad sequendum se inuitantis, id est ad rerum omnium derelictionem & contemptum euocantis; idque sine vlla temporum definitione vel locorum, siue vllius pactione mercedis. Quod hoc fuit in Petro admirabilius, quod is erat iam paterfamilias, & habebat apud se vxoris matrem: quod de Andrea quoque natu maiore verisimile est. Iacobus autem & Ioannes ei aut filij familias, patre & matre etiam tum superstiti, quos eodem ipso temporis puncto reliquerunt. Facinore tam nono ac stupendo, ut infidelibus aut stultum visum fuerit, aut indignum fide; quod de impio Porphyrio refert Hieronymus, sicut & de Apostata Iuliano, qui patrem Mathæi promptitudinem in telonio relinquendo aut deridebat, aut illi abrogabat fidem. At nos etiam de reliquis Apostolis eandem celeritatem, etsi scripto tradita non est, meritò suspicemur.
- II. **S**ed Petrus proprium planèque singularem feruorem ac diligentiam ostendit; cum exorato Domino de incessu super aquas, ad eum illicò properauit, quasi ventorum aut remorum tarditatem incusans, qui eius gaudia morarentur, *Ferventissima*, ait Theophylactus, *Petri erga Christum*

Promptum
ac feruidum
obsequium
Petri & An-
dreæ.
Ioannis &
Iacobi.

Mathæi, &c.

Petri maxi-
mè ambulā-
tis super a-
guas.
Mat. 14. 28

sum charitas erat: desiderabat enim statim prope illum esse, & prae aliis. Vide, ait Chrysostomus, ut amor Petri feruenter ardebat, quamque excellens erat eius fides. Nemo Iesum aquæ diligebat. Cum enim certo crederet Dominum non solum ambulare posse super aquas, sed eandem aliis quoque prærogatiuam posse concedere, id postulare non dubitauit, ut tanto citius apud eum esset. Rursum autem à resurrectione Domini non tulit feruor eius, ut naui deueheretur ad ripam cum cæteris, sed in aquas insiluit, & vel natatu, vel profundo vado se permittens, fortè etiam supra aquas excurrrens, ut aliqui suspicantur, quamprimum venit ad magistrum suum.

Ioan. 21. &
ibi Chryf.
& Theoph.

Nónne Petri vnus fuit animosus ille feruor, cum aduersus turbam ingentem hominum armatorum tam Iudæorum, quàm Romani præsidij, quod quingentorum fuisse dicitur, ferrum arripuit, primumque obuium inuasit, ferròque prostrauit? Non dissimilis feruor in dissimili genere se prodidit, cum Domino de morte sua & cruciatibus, inducente sermonem, non dubitauit Petrus illum assumere & increpare: & eidem rursus constanter resistere, & repugnare pedes lauaturò: & fortasse non cessisset, nisi intonuisset illa vox, *Si non lauerò te, non habebis partem mecum.* Petrus erat, qui ad primum de Domini resurrectione nuncium, ad Caluariæ montem cum Ioanne cucurrit, & in vacuum sepulchrum ingressus est prior; quique de suo in Christum amore tertium interrogatus contristatus, ingemuit, veritus ne amor suus reuocaretur in dubium. Quis denique Apostolorum maiorem in morte sua amorem patefecit Petro, eiuque germano Andrea; utroque feruidam ac fidelem amicitiam in Dominum conseruante vsque ad mortem, mortem autem crucis.

III.
*Armatam
cohortem re-
pellentis.*
Ioan. 18. 3.

Matt. 16. 21.

Ioan. 13. 8.

Ioan. 20. 4.
& moriens.

Petrus secum Paulum perpetuò ducit, quasi indiuiduum in Apostolica functione collegam, & omnium sollicitudine Ecclesiarum; feruentissimi quoque amoris, & ingentium laborum ad mortem vsque socium. Feruidum ille quidem & æstuosum amorem in synagogam ostendit, cum veram Christi Ecclesiam persequeretur ignorans; sed clementissimus Dominus feruoris huius mutauit obiecta; sic ut postea plura pro Christi Ecclesia toleraret vnus, quàm Christiani omnes, eo pro synagoga pugnante, pertulerant, à S. nimirum Stephani cæde, vsque ad tempus illud, quo illum Damascum proficiscentem Dominus affecutus, comprehendit, atque prostrauit. Post mortem enim protomartyris magna Hierosolymis tempesta excitata est in Christi discipulos, adèò ut omnes, exceptis Apostolis, tota prouincia dispegerentur. Quòd si vexationis huius fontem inquiramus & caput, repondebit Lucas. *Saulus autem deuastabat Ecclesiam, per domos intrans, & trahens viros ac mulieres tradebat in custodiam.*

IV.
*Pauli fer-
uor.*

Act. 8. 3.

Quin Paulus ipse scribens ad Galatas luculentum feruoris huius, ne
licam furoris dedit testimonium. *Audistis, inquit, conuersationem meam in persequen-*

V.

Nnnn

dis Chri-
stianis.

Act. 9. 10.

aliquando in Iudæa sino, quoniam supra modum persequabar Ecclesiam Dei, & expugnabam illam, & proficiebam in Iudaismo supra multos coetaneos meos in genere meo, abundantius amulator existens paternarum mearum traditionum. Cum autem placuit ei qui me segregauit ex utero matris mee, & vocauit per gratiam suam, ut reuelaret filium suum in me, continuo non acquieui carni & sanguini; sed videlicet abieci me in eius brachia, exclamans, Domine quid me vis facere? ut ait Lucas. Qui addit Paulum cum dies aliquot fuisset Damasci cum discipulis, continuo ingressum in synagogas prædicasse Iesum esse filium Dei, mirabilique feruore conualescentem Damascenos Iudæos confudisse: quem animi sensum ubique gentium ad mortem usque retinuit. Hoc enim calore plenæ sunt omnes eius epistolæ; siue oret, siue exhortetur, siue arguat, siue contestetur, siue sua, siue aliena commemoret, omnia feruido isto amore incallescunt.

C A P V T VII.

Feruidus amor diuinus Mariæ Magdalene.

I.
Feruor con-
uersionis
eius.

Matt. 11. 28.

NON committam ut tantum officio desim meo, Mariæ ut Magdalene religiosissimum feruorem, & diligentissimum erga Christum amorem missum faciam, qui ab ipso statim suæ conuersionis exordio tantus fuit, ut in reliquam omnem vitam redundaret, ac magna etiam caperet incrementa. Cum primum enim Dei spiritus attigit cor eius, quod hætenus mundi deliciis oblectum ac stipatum iacuerat, mutata est in mulierem alteram. Admodum autem credibile est eam cuiuspiam Christi Domini concioni interfuisse, in qua peccatores ad poenitentiam inuitabat, illis fere verbis, *Venite ad me omnes qui laboratis & onerati estis, & ego reficiam vos. Tollite iugum meum super vos, & discite à me quia mitis sum, & humilis corde, & inuenietis requiem animabus vestris. Iugum enim meum suauis est, & onus meum leue.* Hac spe, hac inuitatione, his promissis excitata mulier, quæ onerata peccatis sub grauissimo mundi iugo æstuabat, quæ molesto sui tædio plena, nullam quietis partem in corporis deliciis animo capiebat, sed quotidie intimo conscientie torture vapulabat, statuit quamprimum iugo mundi confecto, disruptisque loris, Domini iugo humile summittere ceruicem.

II.
Adit conui-
uij domum.
Luc 7. 37.

Concione igitur vix absoluta, dolore animi percita mulier, discit Seruatorem apud Simonem Phariseum cibum sumere, eò statuit inferre se, nihil hominum voculas reuerita, quæ Dei cuncta tuentis ora contempserat; intulitque reuera coram omni cõuiuarum cœtu, à quo apprimè nota erat, utpote quæ erat in ciuitate peccatrix. Intulit autem, nemine conscio, nemine salutato, nemine inuitante, excepta interiore illius

vocatione, à quo vitale in corde vulnus acceperat: & retro ad eum progressa, abiecit se ad illius pedes, quos duobus lacrymarum rinulis perfudit, copiosèque ablutos, capillis capitis sui absterfit, ac siccauit; tum iisdem crebra ingerit, atque ingeminat oscula, denique pretiosum vnguentum, quod habebat in alabastro, vanitati nuper dicatum, vanæ peritæ iacturæ, in eisdem Domini pedes effudit.

Sed quis verbis effari, aut animo capere satis queat, quid hæc peccatrix, in hoc ætatis mentisque feruore, senserit apud se, dixeritque? Nemo facilè intelligat, nisi cuius animum Deus semel serio ad se conuerterit. Nemo, inquam, facilè capiat, quid illa secretius ingressa conclauē dixerit, priusquam ad domum Pharisæi penetraret, cum primum imo corde exastuans, permisit habenas lacrymis suis. *Quis dabit capiti meo aquam*, inquebat illa cum Ieremia Propheta, *& oculis meis fontem lacrymarum*, vt cum intimo cordis mœrore abluam turpitudinem meam! heu me miseram, heu me infelicem, qualis ego fui olim, & qualis modò facta sum. Dei filia eram, & ei facta sum perduellis: cum Dei gratiam comitem habebam, eram dæmonum terror, quæ facta sum eorum triobolare mancipium. Eram familiæ nostræ decus, nunc fabula & probrum. Ius habebam ad cœlestem hæreditatem, quæ nunc obnoxia sum suppliciis sempiternis. Sed quibus suppliciis, infelix? quæ enim supplicia debentur peccatis meis, propter quæ plerique æternum ardebunt?

Quid ego tum dicam, cum plerique insurgent in me, & Deum ultorem deposcent turpitudinis meæ, quæ ad eorum ruinam certissimum fui, ac præsentissimum dæmonum, instrumentumne dicam, an venenum? Quid ego commerui, nisi vt, sempiternæ flammæ, luxuriæ flammis, quibus exarsi ultro, succedant? Heu quàm multi in baratro ardent, magnisque vocibus ululant, qui ortui suo vitæque malè precantur, quorum sunt leuiore culpx, quàm meæ. Perierunt nihilominus, & ego sum superstes. Deus illis eam gratiam non est elargitus, vt legitimè de peccatis dolorem conciperent, & iustis pœnis expiare vellent, quam mihi non negat, sed ultro ad se vocat, & officio certat prior. O quanta est Dei misericordia, quanta miseria mea! Quid igitur agam? Non exurgam, vt Prophetam illum adeam, qui me tam suauiter ad se, atque ad pœnitentiam vocat? At qua ego me fronte sistam ad illud innocentie speculum, quæ turpissimis sordibus supero cacabos ac lebetes? Quo vultu splendidum illud virtutum lumen intuebor, quæ perpetuis damnanda sum tenebris, ne quis me videat deinceps, quando, prò dolor, tam multi me viderunt, magno suo damno, atque meo.

Satius est nihilominus vt exurgam (in genua enim procubuerat, & vultus humi adhærebat, gestutque omnis erat huiusmodi, vt se ipsam ad verum animi dolorem, & Deum ipsum ad commiserationem incitaret) satius est adire me medicum meum: pudor qui obruet

III.
*Quid illa
prius apud se
senserit.*

cap. 9. 1.

IV.
*Dixeritque
deliberans.*

V.
*Venit, obli-
uiscitque ve-
niam.*

vultum meum, lacrymæ quas profundam ex oculis, eum ad peccatricis commiserationem excitabunt. Quod si cordis acerbus dolor officium linguæ præpediat, lacrymæ ipsæ loquentur, & mihi misericordiam implorabunt. Ibo igitur, & corde dicam, si ore non potero, *Pater peccavi in cælum, & coram te, & coram omni populo Dei;* digna quæ torris fiam sempiterno incendio destinatus. Digna quæ in fœtenti illo stagni ignis & sulphuris voluter, quæ sordibus meis aërem imbui, terramque fœtore, supra cœntim omne atque sentinam. Tali accensa feruore Dominum adiit, eoque se modo gessit, quem diximus, & aduersarium ac iudicem in patronum conuertit, ab eoque generali peccatorum acceptilatione recepta, anima ipsius diuina gratia, & cor cœlesti gaudio repletum est.

VI.
Eius in bonis operibus feruor.
Ioan. II.

Inde illa se bonorum operum studio, ingenti cum feruore ita dedit, ut cæteras inter matronas, quæ Dominum sequebantur, eique & Apostolis eius de suis facultatibus ministrabât, facile emineret. Ipsa est quæ, fratre Lazaro graui morbo decumbente, cum sorore Martha perquam modestam ad Dominum legationem misit; eoque cunctante donec æger oppressus morbo interiret, sepultusque quartum iam diem iaceret exanimis, ipsa nihilominus, quamuis sero Domini aduentu audito, nequaquam indignans moras rependit mora, sed illic surrexit, & honoratorum virorum turba derelicta, festinat ad Dominum, & ad eius pedes statim se abiicit, & plorans, *Domine*, inquit, *si fuisses hic, non esset mortuus frater meus.* Quid multa? iisdem lacrymis quibus veniam peccatorum suorum, & vitam animæ obtinuerat, corpori demortui fratris vitam mirabili prodigio impetrauit.

VII.
Adest morienti magistro.

Ipsa denique, singulari feruore Charitatis, non sibi dedecori vertit, aut pudori, mediam inter satellitum ac ministrorum turbam, tristissimam comitari matrem, & filio eius magistro suo adesse, ipso illo tempore, quo agebatur in crucem, dum pendebat doloribus confectus, dum latrones alloquebatur aut parentem, dum omni solatio destitutus gemebat ad patrem, & spiritum ei abeuntem ex corpore commendabat. Quin & funeri in primis adesse voluit, & ad amantissimi magistri corpus emortuum lacrymas iterare, ad pedes maxime manusque perfossas clauibus, & latus lancea patefactum; ad frontem spinis cum reliquo capite transfixum, denique ad pulcherrimam dudum faciem sputorum fœditate, alapis, & concreto sanguine deformatam. Cùmque his perfuncta officiis nondum amoris suo ac feruori satisfecisset, statim à transacto sabbato, illo ipso. vespere, cum sociis aromaticum ingentem vim emit, ut magistri corpus oblineret, liberaliúsque condiret.

ac sepulto.

VIII.
Eius eum ad sepulchrum feruor singularis.
cap 20. I.

Ergo summo mane, vixdum albescente cœlo, atque adeò, ut Ioannes affirmat, cum adhuc tenebra essent, *Maria Magdalene venit ad monumentum*, nihil vel custodiam morata militarem, neque noctis

tenebras; nec Scribarum & Phariseorum malitiam nondum exsaturatam. Sexum quoque oblita femineum, & ingens saxum ad monumenti ostium aduolutum. Sed hoc eius fuit facinus singulare, ut cum monumentum manu angelica reueratum vidisset, socias relinqueret, sola adiret Apostolos, & sublatum Domini corpus apud eos anxie quaereretur, sola rursus iter ad monumentum, pari diligentia, feruoreque repeteret. Interim Angeli ceteris matronis resurrectionem nunciant, & laetum discipulis nuncium afferre iubent. Illæ abeunt, Maria reuersa mox adest, & suam implacabilibus lacrymis orbitatem deplorat, neque angelorum consolationi acquiescit, donec medias inter lacrymas ac querelas, prima obtinuit magistrum videre rediuium.

CAPVT VIII.

Sanctorum aliquot confessorum nonnulla feruida charitatis exempla, & nominatim Simeonis Stylitæ.

AMOR FERVIDVS.

SI memoriam & cogitationem ad ea tempora transferam, quæ deinceps sunt consecuta, & mirabilem feruorem quorundam sanctorum confessorum, heremitarum, & religiosorum inspiciam, ut à grauissimis scriptoribus Hieronymo, Ruffino, Ioanne Climacho, Cassiano, Theodoretto, Palladio, Ioanne Moscho vel Sophronio, Ephremo & Damasceno, Seuero Sulpitio, & Gregorio Turonensi, Gregorio Papa, & Eusebio Cæsariensi referuntur, obmutesco planè, animaduertis tot tamque egregijs sanctorum virorum facinoribus, fateorque nullam orationem parem eorum meritis afferri posse: qui religiosi hominibus sunt ad imitandum propositi; ut qui maximarum virtutum, in primisque feruidæ charitatis signa sustulerunt; in quæ intuentes plerisque pudeat desiderii sui, atque languoris. Quis enim non suffundatur rubore, si res suas cum iis adduxerit in contentionem, quæ laboriosissimi illi virtutum athletæ in desertis Ægypti ac Palestinæ locis perpetrarunt; qui calcata seculi vanitate, ipsos quoque demones opprèssere, itaque propria corpora domuerunt, ut lapidum instar sensu carere viderentur.

Vnum, vitanda prolixitatis causa, de turba seducam, S. Simeonem Stylitem, eiusque nonnulla prodigia seligam ex ea historia, quam Antonius eius discipulus, & Theodoretus Episcopus Cyrensis ediderunt. Vixit is Imperatoribus Valente & Theodosio iuniore, cumque decimo tertio vitæ anno paternas seruaret oues, ingressus Ecclesiam, quasi Dominum audisset se nominatim euocantem, statuit rebus omnibus abdicatis, crucem Domini ferre. Ergo S. Timothei cœnobium adit, ad eius-

I.
Monachorū
atque eremitarū feruor.

II.
Præsertim
Simeonis
Stylitæ.

*Eius seruicia
initia.*

que se portam abiicit, ibi quinque ipsos dies ieiunus noctesque perman-
sit, expectans dum Abbas eius miseretur. Is quinto die Simeonem al-
loquitur, eumque paratum inuenit ad religiosi omnibus seruiendum;
quibus Abbas eum in disciplina religiosa erudiendum tradit. Quatuor
menses posuit in domestico omnium famulatu, quibus quotidie fiebat
diuinæ mensæ particeps, humanæ autem Dominico tantum die.

III.
*Progressus-
que.*

Interea verò dum tam seuro ieiunio interius carpebatur, externum
etiam addidit cruciatum; corpore à renibus ad collum fune arctè con-
stricto. Ex quo factum est ut caro putrescens grauem emitteret fœto-
rem, & ebulliret in vermes, qui de ipsius corpore defluebant, quibus &
lectulus eius scatebat. Abbas re cognita, funem amouere illum iubet,
cum multa carne putrefacta, ac sanatum dimisit. Simeon veterem quan-
dam adit cisternam, aqua vacuam, sed dæmonum ludibriis infestam.
Eum ibi latitantem Abbas diuinitas admonitus adit, cum quinque
religiosis, eumque inde educit, restituitque monasterio suo. Ibi an-
num ferè commoratus, exiguum sibi locum iuxta monasterium con-

*Prima eius
columna, &
liaque dæ-
mons.*

gestu lapidum, sine cœmento construxit, vbi triennium egit. Dein-
de columnam quatuor cubitis altam excitauit, supra quam quatuor
annis erectus stetit: cumque eius fama sanctitatis incretueret, populus
ei alteram duodecim cubitos altam erexit, in qua duodecim annos con-
stitit. Aliam ei rursus excitauit viginti cubitorum, supra quam alios
duodecim annos perdurauit. Aliam denique illi columnam 30. cubito-
rum extruxerunt, iuxtaque duas ædiculas; in qua postremò annos qua-
tuor transegit.

IV.
*Eiusque in
illis feruor
mirabilis.*

Ibi porro innumeris morbis sanitatem attulit, multos idolorum cul-
tores ad fidem conuertit, dæmones expulit, qui eum vicissim in frau-
dem inducere conati sunt. Vnus enim eorum assumpta specie angeli lu-
eis eum adit, affirmans se missum diuinitus, ut eum sicut olim Heliam,
curru igneo in cœlum eueheret. Bonus Simeon tibiam protulit impru-
dens, ut in apparentem currum ingrederetur, sed cum simul dexteram
extulisset ad muniendum se signo crucis, totum illico spectrum euauit.
Hic senex ad tibiam. *Non ego te*, inquit, *ad me retraham, usque ad diem
mortis meæ.* Cum ergo erus perfrigido tempore ita emineret, dæmon ei
coxendicem vulnerauit, quæ mox putrescens scaturiebat vermibus, qui
inde in columnam, ex eaque decidebant in terram. Ibi annum vnum,
altero nixus pede constitit, curabaturque sibi reddi vermes, qui decide-
rant, & in vlcus suum restituebat.

V.
*Miracula
& ieiunia
mandata.*

Rex quidam Saracenorum, auditis huius viri prodigiis, ad eum spe-
ctandi causa profectus est: moxque de sancti corpore vermis vnus in
terram decidit, quem cum rex cum fide ac reuerentia collegisset, ocu-
lisque suis apponeret, in manu eius in vnionem conuersus est. Ex quo
susplicari potuit, qui suam propter Deum putredinem diligebat, quan-
tam illi Deus mercedem præpararet. Ita se porro Simeon ieiunio assue-

fecit, vt quadragesimale ieiunium vices & octies sine vilo cibo potūve tranſegerit. Panem tamen apud ſe, & aquam habebat quibus vteretur, ſi vitam ſentiret in diſcrimen adduci. A cimicibus arrodi ſe patiebatur, qui receptaculum ſibi in eius carne effoderant, vt ita ſe ad aſperiora perpetuò aſuefaceret: cui tamen ne mors quibus ipſa moleſtior morſum aſſerre potuiſſet.

Ita porro ſtabat erectus, vt ſæpius ſe ita incuruaret ad adorandum Deum, vt capite ſummos pedum articulos pene contingeret: quidam huiuscemodi inclinationes mille ducentas & quadraginta quatuor, vno die numerando percenſuit. Id erat illi non difficile, aut Theodoretus ei æqualis, qui ſemel tantum in hebdomada cibum, eūque permodicum ſumeret. Additque totas illum tranſegiffe noctes, erecto corpore toto, & manibus in cælum protenſis, inuictum à ſomno ac laſſitudine. Denique cum ſeruore mirabili, atque incredibili conſtantia æſtatis ardores, atque hyemis frigora, ventos, pluuias, tempeſtates, & naturæ humanæ imbecillitatem peruiçiſſet, cū triduum totum in oratione poſuiſſet, animam Deo reddidit, erecto de more corpore, ſuauiſſimum odorem efflante, & innumeris prodigiis coruſcante; quæ totidem erant teſtimonia, Deo gratum eſſe ſeruorem ſeruorum ſuorum, qui regatur obedientia, quæ à dæmonum fraudibus intactos, incolumēſque ſeruabit.

VI.
*Eius oratio
& mors.*

C A P V T IX.

Recentiora quadam ſeruidi amoris exempla.

STYLITES iſte mirabilis admirationis potiùs ſuggerit, quàm imitationis exempla, tanta eſt nunc humanæ naturæ imbecillitas, aut tam extraordinarius olim fuit cum aliquibus gratiæ diuinæ concenſus. Niſi placet hanc imbecillitatem corporis animique, magna ex parte tribuere inſolentiæ, deſuetudinique diſciplinæ ſeuerioris. Nam carnis & ſenſuum ſæpius uſurpata vexatio, pleroſque docuit naturam ordinario ac præſenti gratiæ auxilio roboratam, ſua ipſius opinione fortio-rem eſſe, ac valentio-rem, quàm ipſi perſuaſerat amor ſui; cū paulatim pati-endo, fiat ad patiendum promptior atque vegetior. Inedia pinguioribus purgationis loco eſt, cæteros fere docet naturam paucis eſſe contentam: & incuſſa corpori verbera, membrorum exercitationi ſeruunt: Lectus mollior corpus delicatius reddit & mollius; ſtatim durius atque neglectius, membrorum vigori lacertilque ſeruit: ferreus thorax, & pondus armorum, itinera longiora, & cibarius panis aut nauticus, militem non opprimunt, ſed efficiunt

VII.
*Natura propria multo-
rum opinio-
ne ſeuerior.*

robustiores. Cur igitur hæc eadem Dei famulum conficiant? cur non potius is ita labore obdurescat, ut quò paulatim grauiora pertulerit, hoc animo fiat, corporèque fortior ad ferendum?

II.

*Fervor S.
Vincentij Fer-
rerij, & vita
duriciæ.*

Sanctus Vincentius Ferrerius quinquagesimum annum in religiosa disciplina transegit, nunquam carnem, nisi in summa necessitate, ad cibum adhibuit: quadraginta ferme annos quotidianum ieiunium, exceptis Dominicis duntaxat diebus constanter observauit. Vestes non deponebat ad somnum: quem supra vitiarios fascès carpebat: aut si morbus accidisset, supra vilem è lana culcitram. Ab adolescentia, si quidem valeret, singulis se noctibus verberibus accipiebat, sin esset infirmior, aliquem de sociis ad hoc officij genus seridò fungendum exorabat. Itinera perpetuò conficiebat pedes, donec ex tibia laborans, a felli opera uti coactus est; nec minus tamen septuagesimum quintum, aut octauum annum viuendo prætergressus est. Et sicut corpus alterum alteri communicat calorem suum, sic & ipse feruorem suum iis, qui eum de superiore loco verba facientem audiebant. Hi enim cateruatim supplicationes instituebant, & oppida cum cruenta diuerberatione subibant, veniam à Deo, de admissis criminibus, postulantes, Christique Domini cruciatus imitatione venerantes. Tanta porro erat multitudo in sua terga sæuentiù, ut totæ officinæ flagellis refertæ vacuarentur: eoque spectaculo plerique ad imitationem, perquam multi ad vitæ emendationem adducerentur.

*Et populi ex
eius imita-
tione.*

III.

*Fervor S.
Francisci à
Paula.*

Sanctus quoque Franciscus à Paula annum agens decimum tertium in eremum secessit, ibique sex circiter annos adolescentiam magno cum feruore traduxit, dies ieiuniis, noctes precibus ac meditatione consumens. Deinde cum plerosque admisisset, qui sub eius auspiciis Deo militare cuperent, egregia illis durissimæ vitæ exempla præbebat. Nudis enim pedibus perpetuo iter faciebat, nihil aut niues, aut frigora, glacièscere reformidans; quin ne confragosa quidem loca, aut vepribus ac spinis obsita morabatur: ac Deo protegente nihil inde lædebatur. Humi somnum in rudi veste lanea, qua erat indutus, accepta diuerberatione capiebat. Cibus illi erat frustū panis & cyathus aquæ, quibus non nisi post solis occasum vescebatur: nisi dum vires nimium flaccescere sentiret; tunc enim ad panem herbas adhibebat aut legumina, aliæve id genus cibaria, quibus ius fāsque est, in solenni verni temporis ieiunio populo Christiano uti. Quam vitæ rationem ad annum vitæ primum ac nonagesimum, quo mortuus est, observauit, constantèrque retinuit.

IV.

*Et S. Ro-
mualdi.*

Quæ fuit vitæ ratio S. Romualdi? Erat is nobili ortus familia, deliciis & vitæ licentiæ ad vigesimum vsque vitæ annum innutritus; sed quanta seueritate, quanta asperitate & inclementia centum ipsos vitæ annos transegit? præter atroces pugnæ, quas illi homines, dæmonesque suscitauerunt, quibus ei triumphī gloriam, sibi ignominiam pepererunt. Quindecim totos annos ieiunium, præter Dominicos dies ita observauit, ut ad panem

panem legumina tantum, herbâsque adiungeret, quam ieiunij formam ne senex quidem, fractusque laboribus mitigandam putauit. Septem annos seruauit in spelunca silentium, cum Deo vno angelisque colloquens. Triplici utebatur cilicio, quæ singulis mensibus, ne nimias contraherent sordes, commutabat; hæc erat myrrha, quæ corpus eius à corruptione reddebat immunem. In eius enim vita scriptum est mortuum illum esse 19. Iunij, anno Christi millesimo & vigesimo septimo, sepultumque in suo vallis castrensis monasterio. Cum autem anno millesimo quadringentesimo sexagesimo septimo extumulatus fuisset, id est quadringentis & quadraginta post mortem annis, integrum plane atque illibatum inuentum est corpus eius, cilicio sub habitu religioso conuestitum: serena etiam tum facie, atque venerabili.

*Corpus eius
incorruptum
440. annis.*

Durior quoque fuit ac rigidior vitæ ratio Petri Cælestini, qui vigesimo anno paterna egressus domo, dies decem in deserto seorsim loco delituit: indeque diuino instinctu in speluncam in montis vertice excavatâ, quæ eum vix totum caperet abdidit sese, ibique triennium mirabili abstinentia & vitæ asperitate vixit, qualem quinque præterea annos in Murone monte transegit. Catenula ferrea cingebatur, aspero in super cilicio conuestitus. Magnam anni partem seruabat ieiunium, pane sæpenumero & aqua contentus, cum reliquo etiam tempore præparcè victitaret. Humo utebatur ad lectum, & ligneo cervicali, nec alio stragulo, quam detrita lacerna. Socios allegit sibi cognomento Cælestinos, qui in summa paupertate corporis, ad summam animi perfectionem nitebantur. Cumque ipse admodum esset ætate prouectus, fiebat quotidie animi feruore robustior, & vitæ seueritatem augebat, quasi æneum corpus haberet, non carneum. Cum autem in summum fuisset Pontificatum electus, ligneam sibi cellulam construxit: in quam recipiebat se quantum per necessarias occupationes tanti officij licebat. Mox summo illo rerum fastigio abdicato, decem menses egit in carcere, quem dilectam cellulam appellabat, receptisq; sacramentis humi se moriturum abiecit, & in substrato assere beatâ efflauit animâ, primo & octogesimo ætatis anno.

*V.
Rigida S.
Cælestini vita.*

S. Nicolaus Tolentinus in omni virtutum genere ita excellebat, vt religiosis, vt sacerdotibus & concionatoribus speculum quoddam esset, ac virtutum exemplar. Eius tamen feruor ac religiosæ disciplinæ seueritas illustrius eminebat, & intuentium oculos perstringebat. Triginta vixit annos in monasterio Tolentinate, quibus non carnes attigit, non oua, non pisces, ac ne poma quidem, aut æger aut sanus, vt necessarium fuerit obedientiæ mandatum, ad carnes in aduersa valetudine, atque adeo lethali morbo degustandas. Cum primum autem paululum esset à morbo recreatus, illico à Superiore impetrabat, vt ad pristinam vitæ seueritatem rediret. Quater enim quot hebdomadis, pane & aqua semel in die sumptis sustentabat se: cum ab anno vitæ septimo, S. Nicolaum Mirensensem Episcopum imitatus, ter singulis hebdomadis ieiunium obseruasset.

*VI.
Et S. Nicolai
Tolentinensis.*

VII.

Alia eius
feruida cer-
tamina.
- Addebat ad ieiunium, nocturnam cum catena ferrea, diuerberationem: inde humi contrucidatum corpusculum proiciebat ad somnum, in veste centonibus reconcinnata. Quamquam bonam noctis partem in precibus, sanctisque meditationibus traducebat in Ecclesia, inuitissimo cacodæmone, à quo Dei permisso grauissimis sæpè multatus est plagis, ac seminiuus relictus; adeo ut tota reliqua vita claudicaret; ut ad singulos gressus, suæ de hoste infestissimo victoriæ meminisse posset. Nec tamen propterea inuidum spiritum ab oratione laxabat. Deus autem non contentus ei corporis animique vires in certamine ministrare, voluit eum insigni, planèque singulari consolatione permulcere. Sex enim ipsis ante obitum mensibus, singulis noctibus mirificum exaudiuit angelorum concentum: subque ipsum ex hac vita transitum, Seruator ipse non alienum duxit à maiestate sua inuisere seruulum suum, comitante sanctissima Virgine, & glorioso patre eius Augustino: quo viso mirificè recreatus, ad inchoata gaudia, cum eisdem in cælo continuanda pertransiit.

VIII.
Feruida S.
Ignatij exor-
dia.

Num exiguus fuit ille S. Ignatij à Loyola feruor, quo is non solum promptè omnia præsentis vitæ commoda, minimèque dubias expectationes abiecit, ut in omnium contemptu sordidæque mendicitate viueret; sed ab illo ipso die, quo à paterna domo abripuit sese, cœpit singulis noctibus in se diuerberatione sœuire, perseverauitque dum per valetudinem licuit. Itaque ad Montem Serratum venit, uti preciosis vestibus pauperi clam erogatis, cannabinam induit tunicam ad talos promissam, quam sune præcinxit, ex quo cucurbita peregrina pendeat; cannabinus calceus obtegebat pedes, viatorius baculus arimabat dexteram: quo in cultu corporis ac vestitu, etiam Ierosolymam cogitabat. Manresæ primum in hospitem se domum recepit S. Lucie, & cum reliqua pauperum turba habitauit, & stipem mendicare cœpit, ut studium pristinæ vanitatis præsentī paupertate, contemptūque castigaret.

IX.

Et peniten-
tia vigor.
Ex vita re-
cens edita
ca. 3.

Manresæ ad latus montis, quem fluvius alluebat, spelunca erat alta atque obscura, & difficili, propter veprestribulósque aditu. Eò se subinde recipiebat Ignatius, tam orandi, quam edomandi corporis causa. Quotidie mendicato pane & aqua contentus victitabat; nec nisi Dominica die, qua sacramenta recipiebat, soluebat ieiunium: quod biduum sæpe triduūque continuum obseruauit, solis pastus è cælo deliciis. Ex ea porrò inedia tantam aliquando contraxit imbecillitatem: ut diu à piis hominibus Manresæ quæsitus, in exiguo denique sacello, sine sensu humi stratus reperiretur, ita viribus destitutus, ut ne ingesto quidem delicatiore cibo ad se redire posset, & vires ad surgendum necessarias recuperare. Cūque eum amici orarent, valdeque illi autores essent ut hisce cruciatibus adhiberet modum: Ille contra, permittite, obsecro, ut modicis hisce afflictationibus, negotium salutis meæ in tuto ponam.

Agris in nosocomio seruiebat feruore mirabili, eique officia omnium vilissima ac despicatissima maximè arridebant. Si quando pus ex vlceribus defluens stomachum mouebat Ignatio, illud exugebat animo, & oscula vlceribus ingerebat; stipem in commune quæritabat, eaque collecta, vt quidque optimum erat tradebat aliis, sibi deteriora reseruabat, eumque modum constanter vbique retinuit, quod diceret optima quæque Christi pauperibus esse largienda: ergo ea tanto animi sensu distribuebat, vt à lacrymis non abstinere. Singulis noctibus septem horas in oratione ponebat. Nec difficile erat ad orationem surgere cum iaceret humi in stupea lacerna. Cumque asperrimum interdiu indueretur cilicium, & illud ferrea zona ad carnem apprimeret, ter tamen quotidie ferream diuerberationem subibat. Interim planè negligens sui corporis, & veteres castigans delicias, non cæsariem, non barbam, ac ne ipsos quidem refecabat ungues, capite & tibiis, & altero pede dies noctesque nudis. Ad quæ etiam Dominus adiecit auctarium modestissimum scrupulorum, quibus tam grauius vexabatur, vt præ istis aculeis ac spinis, omnem illam cruciatuum acerbicatem numeraret in rosis. Ergo ad omnia illa supplicia, orationes, ac lacrymas, adiecit continentem septem dierum inedia, porro etiam progressurus, dum fieret in eius conscientia cælo imperante tranquillitas, nisi à confessario cibum sumere iussus, obtemperasset; eaque obedientia pacem obtinuisset animi sui, quam tot cruciatibus & æumnis non potuerat obtinere.

Possumus in tam austerâ vitæ ratione Ignatij socium adiungere Xauerium, sed ea sufficere possunt quæ superius dicta sunt, dum de laboriosa vita ipsius ageretur. Itaque eius loco sufficiam Beatum Franciscum Borgiam, contumacium animi corporisque motuum singulare coërcitionis exemplar. Qui decimo vitæ anno ad impetrandam matri sanitatem, tenerrimum corpus diu flagris accipere non dubitauit: qui in aula regia, non nisi aspero indutus cilicio, fœminas nobiles officij causa inuisebat; qui prorex in Cossetania, potuit ita prouinciæ illius dispensare negotia, vt nihilominus quinque aut sex horas altissimæ contemplationi daret, qui ab eo tempore ita se addixit ieiunio, vt bis vnum ieiunium totum transegerit, quotidiana piscorum & panis offa contentus, & vnico aquæ haustu. Quam victus rationem cum sibi salutarem comperisset, ad annum vnum produxit: cum lautè nihilominus viros nobiles acciperet, qui ipsum officij causa inuisebant.

Huic tantæ victus seueritati, alia etiam feruoris argumenta non parum acerba iungebat, vigilias, cilicia, diuerberationes, rigidum ac pertinax in corporis affectiones imperium, indictum gustatui bellum, vt qui medicinales pilulas amarissimas dentibus per otium commoleret, potiones item medicas, quasi iusculum calidum lente sor-

X.
Aliæque difficillima virtutum exempla.

XI.
Fernor S. Xauerij, & B. Borgia.

XII.
Etiam in seculari vita.

beret. Quid quod acriter inquirebat in sese, & noxas quamuis leues tam seuerè puniebat, seuerè ut religionis nouitius potius, quàm iuuenis dynasta iunctus matrimonio, & prouinciæ gubernator deliciis olim adiectus, videri posset. Quid abstinentiam dicam coniugalem, quam annis aliquot cum vxoris consensu seruauit, eo mirabiliorem, quod moriente ducissa coniuge, ipse sextum duntaxat ac trigessimum agebat annum, cum tamen iam ante vitæ religiosæ votum emisisset, si vxori ea ætate superasset, quæ esset idonea illi vitæ. Quod singulari cum admiratione mortalium executus est, atque vtilitate spiritali plurimorum, quæ eius exempla secuti, & concionibus feruentissimis persuasi, mundo valedixerunt. Sic enim in religiosa domo perpetuo vixit, & feruentissimis nouitiis pudori esset. Quin etiam negabat se cum animi pace victurum, si nosset se quopiam die moriturum, in quo nulla sese coërcitione viciisset.

CAPVT X.

Aliquarum sanctarum feruor Charitatis insignis.

I. **I**N fœmineo sexu feruor mirabilior profectò est, quàm in virili; est enim natura infirmior sexus ille atque frigidior. Nihilominus si-
Feruor in
fœmina mi-
rabilior.
 cutinueniuntur nonnulli muliebri imbecillitate viri, ita vicissim reperire est non paucas virili fortitudine ac feruore mulieres. Nec est vllum virtutum genus, quamuis asperum atque horrificum, in quo non reperiuntur à mulieribus edita præstantissimarum exempla virtutum; ut mulierum virtus, si tamen mulieres dicendæ sunt, & non fortissimæ potius heroinæ vel Amazones Christianæ, non in equuleum solum, tenera tredecim aut quatuordecim annorum ætate conscenderint, sed alacriter etiam subierint atrocissima quæque genera tormentorum. Cui enim non decantatæ sunt Agnetes, Priscæ, Luciæ, Cæcilæ, Margaretæ atque Catharinæ, aliæque prisci ac recentis æui, quæ feruore mirabili promptas sese ad supplicia præbuerunt? sed eas in mitiore potius virtutum exercitatione consideremus.

II. **I**uditham legimus summa constantia, animique magnitudine mulierem, ut iuuenilem viduitatem puram intaminatamque seruaret, corpus suum non ab illis solum semouisse deliciis, quæ sunt illi ætati sexui, opibusque solennes; sed in superioribus domus suæ secretum sibi cubiculum seposuisse, in quo cum puellis suis clausa morabatur; nec ea solitudine contenta, lumbos suos cilicio asperabat, præterque festos dies, omnibus diebus vitæ suæ ieiunans, corporis formam atque elegantiam, carnisque petulantiam deterebat. Hester regiam

pompam ex animo aspernabatur; eūque contemptum feruidis hīce apud Deum vocibus testabatur. *Tu scis necessitatem meam, quod abominer signum superbia, & glorię meę, quod est super caput meum in diebus ostentationis meę, & detester illud, quasi pannum menstruata, & non portem in diebus silentij mei.* Cū scilicet prodeundum non erat in publicum, neque regia magnificentia ostentanda. Et rursum, *Nosti Domine quia oderim gloriam iniquorum; & detester cubile incircumcisorum, & omnis alienigenę.* Quid gulę delicias? Et quod non comederim, inquit, in mensa Aman, nec mihi placuerit conuiuium regis, & non biberim vinum libaminum, quę scilicet oblata fuerant idolis. Cū ergo constanter omnia ista carnis oblectamenta respueret, num omnis expers lætitię mœrore tabescebat: minimē gentium. *Tu nosti*, inquit, *quod nunquam letata sit ancilla tua, ex quo huc translata sum, vsque in presentem diem, nisi in te Domine Deus Abraham.*

Esth. 14. 16.

Ibid.

Cū autem oportuit ipsam à populo suo imminētē auertere calamitatem, omnes feruoris, omnes carnis & sensuum vexationis portas aperuit, *Deposuit enim vestes regias, fletibus ac luctui apta indumentia suscepit, & prounguentis variis, cinere & stercore impleuit caput, & corpus suū humiliavit ieiuniis, omniāque loca, in quibus antea latari consueuerat, crinium laceratione compleuit.* Sic Scriptura; quę etiam addit illam vniuerso populo Iudæorum continentem orationem, & ieiunium indixisse. *Vade, inquit illa Mardocheo, & congrega omnes Iudæos, quos in Susam repperis, & orate pro me. Non comedatis, & non bibatis tribus diebus & tribus noctibus: & ego cum ancillis meis similiter ieiunabo, & tunc ingrediar ad regem.* Quid amplius feruoris in delicata muliere, quę præ nimia teneritudine corpus suum vix sustineret, atque adeo in regina potentissima desiderari posset? vt minimē mirum sit eam voti compotem factam esse. Sed recentiora videamus.

III.

Ad propi-
tandum
Deum popu-
lo suo.
cap. 14. 27

cap. 4. 16

Duo mihi exempla satis erunt ad institutum, Virginis vnum, alterum coniugatę. Tantus fuit diuini amoris feruor in S. Catharina Senensi, vt cū sextum vixdum annum ageret, socias apud se diuerberationis causa cogeret, & sua quęque in terga sæuaret: mōxque, sanctos eremitas imitandi gratia, in speluncam extra urbem, ad veteres parietinas repertam, se abderet. Septimo anno Deo virginitatem suam consecraret, sibi que, cum bona matris sanctissimę venia, Iesum eius filium sponsum eligeret. Inde porro tam incensis ad vitam religiosam desideriis ferebatur; vt vti religiosi viri vestigia posuissent, præsertim qui in salutem animarum incumberent, ibi oscula singulari cū veneratione defigeret. Maximē autem S. Dominici vitam æmulari cupiebat; quod desiderium ex eo maximē tempore amplificatum est, quo ille se Catharinę videndum præbuit, sponditque fore, vt habitum sororum pœnitentię obtineret.

IV.

Feruor S.
Catharinę
Senensis ad
infantiam.

Dum autem expectabat vt voti compos fieret, mirabilem instituit vi-

V.

*Et dum am-
bit ceno-
bium.*

ta rationem. Cubiculum sibi elegit à domesticis turbis, quam potuit secretissimum, in quo duris pœnitentiæ operibus vacaret, utque spem omnem parentibus connubij præscinderet, pulcherrimam sibi casariam ad cutem usque detotondit. Esu carniū, etsi permodicè adhuc usurpato, prorsus deiaceps abstinuit, solam ad potum aquam adhibuit, res coctas, præter panem, non attingebat, cui cruda olera iungebat: cumque vigesimum attigisset annum, etiam pane abstinuit. Lectus ei erant asseres duo, cervical solidi trunci caudex: ferream etiam catenulam aculeatam ita apprimebat ad carnem, ut illi adhæresceret: atque ita didicit pugnare cum somno, ut vix dormitaret. Exemplo S. Dominici tertio quotidie diuerberationem, cum ferrea catenula prolixè iterabat, sic ut corpus largo cruore cruentaret.

VI.

*Et mox in
monialium
cenobio.*

*Mirabile
feruida Cha-
ritatis exē-
plum.*

Sumpto porrò monialium habitu, tantam vitæ asperitatem auxit potius, quàm laxavit. A Deo quippe monita, ut dulce amarum duceret, & amarum dulce reputaret; id autem erat à deliciis, & consolationibus abhorre; acerba verò & inimica naturæ habere in deliciis, facinus aggressa est feruoris admirabilis. Anus quædam erat, quæ diro in vbere carcinomate laborabat, eoque tam fœtido ac purulento, ut omnes à se morbi fœtore, ac fœditate repelleret. Non repulit tamen Catharinam, quæ hanc exercendæ Charitatis & patientiæ occasionem libenter arripuit, seque ei famulam ac ministram vlceri curando dedit. Mulier autem tam insigniter ingrata fuit, primò ut famulatum beneuolentissimum fastidiret; deinde virginem maledictis appeteret; postremò violati etiam pudoris accusaret, & calumniam fœdissimam impudenter confirmaret. Catharina verò dæmoni, per os vetulæ loquenti, & maledicenti non cessit, sed animosius etiam huic corpore atque animo agræ seruire institit, adeò ut saniem è carcinomate manantem, appresso ore exugere non dubitaret. Quis vnquam tantam alicuius de se ipso victoriam accepit auribus, donec postea tam nobile facinus Ignatius atque Xauerus imitati sunt?

VII.

*S. Francisca
Romana
feruor.*

S. Francisca Romana, etsi erat ab infantia percipienda religiosæ vitæ, ad coniugium tamen pene inuita compulsæ est; sed in eo nihilominus religiosam duxit vitam, & à mundi vanitate abhorrentem. Tam expeditam marito reuerentiam atque obedientiam detulit, eam sollicitudinem in regenda familia, curamque continenter adhibuit, ut ipsos quadraginta annos, sine vlla apud coniugem offensione transegerit. Et orationi vehementer incumbere illa quidem, si tamen interea euocaretur, obsequendi studio, quamuis diuinis deliciis abundantem interpellabat orationem; quod sibi pergratum esse perque incundum Dominus mirabiliter comprobauit. Cum enim aliquando statas Virgini preces persolueret, versum vnum quater euocata interrupit, quem etiam mox, à custode Angelo aureis exaratum literis, reuersa ad orationem inuenit. Ita porrò corpus suum cilicio ac verbera-

bus edomabat, vt satis ostenderet se appetitus sensuum habere in potestate.

Semel duntaxat quotidie sumebat cibum: vino abstinebat & piscibus, nec carnes nisi summa compellente morbi necessitate attingebat. A cupediis, saccaro, ceterisque condimentis atque lautitiis abhorrebat, leguminibus in cibum herbisque contenta, quæ sale sine oleo condiebat. Arborum fructus sine gustu degustabat; sic enim gustatum abstinendo corruperat, vt dulcia ipsi planè insipida, atque amara viderentur. Cum maritus aberat, permodico in lectulo nocte quiescebat, sedens potius quàm iacens, ad vnā atque alterā duntaxat horā; interdiu autem, prætor patrium morem, ne tantillum quidem. Ac ne vestem quidem deponebat ad somnum, neque ad mortem vsque deposuit, etsi ea laneo ac rudiore panno constabat, nam linteis ne in morbo quidem utebatur. Illud etiam habebat in more positum, vt sub cilicio, asperiores ex equina iuba zonam gestaret. Flagello utebatur senis instructo funiculis, quorum singuli in stellulam ferream desinebāt, seque dira diuerberatione cruentabat. Addebat & cingulum ferreum tam arctum, vt sub eo caro putresceret. Verùm confessarij mōitu, & circulum illum deposuit, & armatum ferro flagellum: quæ nunc quoque in eius monasterio Romæ visuntur, vbi feliciter sancta mulier diem clausit extremum.

VIII.
Virtus eius
& somnus.

C A P V T XI.

*Diuinum Amorem ipsum quoque Seruatorem promptum
ac feruidum reddidisse.*

ET hætenus quidem promptissimus Charitatis fervor Sanctorum, Sanctarumque Dei famularum dictus sit nobis, credo de ipsius quoque Domini feruido amore, non ingratus, aut inutilem fore sermonem. Imò verò, inquam, longè gratissimum; quamuis hæc ipsa exempla utilissima sint ad iniciendum ignauie nostræ pudorem, tamque ad feruidum Dei cultum extimulandam. Id ipsum, ait Promptus Amor, ipsius Domini exemplum potentius perficiet. Ipsius enim personæ dignitas, omnes Amoris eius actiones vehementius extollit, & potentius prouocat ad æmulationem. Neque enim sunt opera diuinitatis, ad quæ fas non sit aspirare, sed ipsius humanitatis exempla, quæ omnibus liceat imitatione vel exprimere, vel adumbrare. Admodum porò indecorum est languere in agendo famulum, aut militem, vbi Centurio ipse aut Tribunus stricto ferro animosus irruit in ipsos enses, nec vllum periculi genus reformidat.

I.
Transitio ad
Christi exempla.
A V T O R.
A M O R.

II.
*Promptus
 Seruatoris
 quimus ex
 Dauide.*

Istam Seruator ipse promptitudinem amoris sui, mille amplius & septuaginta annis antè patefecit, quàm eam exerceret in terris; quando Dauidi, qui in eius progenitoribus futurus erat, illam eius cum Sole similitudinem suggessit; qui in cælo tetendit tabernaculum suum, & procedit quasi sponsus de thalamo suo, indutus lumine tanquam aureo vestimento: qui exultat vt gigas ad currendam viam, à summo cælorum cardine, ad alterum illi cardinem definitam: aëre ita luce imbuto & calore, vt nemo se ab alterutro pene possit abscondere. Sic est in medul-
 lio Ecclesiæ suæ Seruator, omnes homines fide mysteriorum suorum illuminans, legibus suis gubernans, charitate viuificans. Exit è sinu patris æterni, & matris sanctissimæ thalamo nuptiali, supra filios hominum gratia & virtutum splendore decorus, vt cum amicis, qui eum iam pridem ardentè expectabant, iucundissima vitæ consuetudine frueretur.

III.
*In suo ad
 homines ad-
 huc.*

Cæterum ad rem nostram facit in primis Solis illa celeritas, quando gigantæo gradu curriculum init, tantæque celeritate conficit, vt à primo puncto orientis ex quo exilit, tota cæli immensitate horis quatuor & viginti decursa, ad idem pene punctum recurat. Sic venit Seruator erectus & alacer, vt diem suum mortalibus demonstraret, certus gigantem indomitum, aut infestissimum potius tyrannum expugnare, & populum suum restituere libertati: iustus zelo diuinæ gloriæ, & salutis subie-

Ioan. 16. 28.

Starum animarum. Hanc ipsemet signabat viam cum diceret, *Exiui à patre, & veni in mundum, & confecto negotio salutis humanæ, iterum relinquo mundum, & vado ad patrem.* Sol idem hieroglyphicum est feruidæ Christi Domini Charitatis. Sicut enim viuificus illius planetæ ca-

Seruator
 Solis collatus.

lor intima peruatit viscera marium atque terrarum, quæcumque quin-
 que zonis subiacent, aut alterutro polo, ita & feruidus Seruatoris amor, & calor meritum eius, omnibus se gentibus, populisque communi-
 cat, qui eo frui velint: nec est qui de thesauris eius vtilitatem capere non possit.

IV.
*Venit saliens
 in montibus,
 &c.*

Hanc quoque celeritatem beneficam atque salutarem, non obscure notat Salomon, cum de dilecto, inquit, *Ecce iste venit saliens in montibus, transiliens colles; similis est dilectus meus caprea, hinnulorumque ceruorum.* Quasi Ecclesia de sponso suo diceret, venisse eum ad se non accelerato gressu cursiue, sed saltu potius vtentem, aut volatu. Quid enim est ex altis montibus subiectos transilire colles, quàm volare? Deus & homo, inter naturas intelligentes extrema tenent, medij sunt Angeli, qui excelsa possident naturalium perfectionum, quibus transgressis, per mysterium Incarnationis, saltu peruenit ad hominem, non Angelica

Heb. 2. 16.

Hom. 29. in
 Euang.

natura, sed Abrahamæ semine apprehenso. *Vultis, ait Magnus Gregorius, salus eius agnoscere? De cælo venit in vterum, de vtero venit in presepe, de presepe venit in crucem, de cruce venit in sepulchrum, de sepulchro rediit in cælum. Ecce vt nos post se currere faceret, quosdam pro nobis salus mani-
 festata per carnem veritas dedit.*

Observat

Obferuat quoque S. Bernardus fingularem ſponſi diligentiam, qui Angelum quidem ad Virginem miſit, ſed aduentū Angeli Dominus ipſe anteuertit. Id enim haud obſcurè ſignificat Angelus, cū eam ſalutando, iam Dominum cum ea eſſe fatetur. Is autem uſque adeò deſiderio ſanctificationis noſtræ vrgebatur, vt primo ſtatim momento incarnationis ſuæ, primæque ſui ipſius oblatione homines ſanctificaret vniuerſos, eis promerendo gratiam & charitatem, qua ſanctificarentur. O diligentiffimum amatorem, qui tam citò amare cœperit dilectos tuos, vt ne ad natiuitatem quidem ſuam expectare potuerit, aut diſſerre argumenta beneficentiſſimi amoris ſui. Cū primū autem editus eſt in lucem, illic ſigna edidit feruentiſſimi amoris: ſtatim ſcix & panni viles, ſtatim ignominioſum ſtabuli hoſpitiū, & cunæ præſepis: quā primū cruenta circunciſio, & fuga in Ægyptum, vt præpropere vitæ à tyranno mortem. Itaque in ſignum diligentiffimi amoris tui, ô feruide amator, ipſo primo puncto incarnationis tuæ, obtuliſti te patri pro amicis tuis; ipſa prima hora natiuitatis tuæ pro eis paupertatis incommoda ferre cœpiſti: ipſo primo anni die, iſdem primicias dediſti ſanguinis tui, nec vltra diſtulſti: quin hæc ipſa mora, quamuis breuis, viſa eſt fortasſe longior prompto & feruido amorī tuo.

In ipſo deinde vitæ decurſu inæſtimabili deſiderio ferebatur ad mortem, vt ceruus volucri ſagitta à venatore percuſſus, & canum tergo pene in hærentium præcipiti curſu fatigatus, fertur ad fontes, tello quippe amoris ſalutis noſtræ ictus, ſitim illam ſedare cupiebat, qua eius viſcera torrebantur, cū diceret, *Deſiderio deſideraui hoc paſcha manducare vobiscum antequam patiar.* Et ruſum, *Baptiſmo habeo baptizari, & quomodo coarctor uſque dum perficiatur.* Coarctabatur utique; nam hinc quidem ſciebat definitum tempus à Patre morti ac cruciatibus ſuis: inde autem flagrabat deſiderio perficiendæ redemptionis humanæ. Itaque tanquam in torculari premebatur; & hinc à paterna obedientia ac decreto retinebatur; vt diceret, *non ſicut ego volo, ſed ſicut tu:* inde ab illa Charitate vrgebatur, quæ apud Eſaiam dicebat, *Velociter ſpolia detrahe, feſtina pradari:* abducito quam primū captiuam illam captiuitatem, tot iam ſeculis expectantem aduentum tuum.

Infirmæ erat caro, erat quippe caro, & mirum in modum triftis & anxia dicebat, *Pater, ſi fieri poteſt, tranſeat à me calix iſte,* feruebat autem ſpiritus, & dicebat, *veruntamen non mea, ſed tua voluntas fiat.* Vnde tam prompta in re tanta propriæ abdicatio voluntatis? nōne ex flagrantiffimo, & plus quā ſeraphico in Deum & proximum amore, eoque tam ſublimi, vt ne ſenis quidem alis Sera- phini ad eius altitudinem peruolare poſſent. Fecit hic amor vt in virilis ætatis flore, non ad ſenium deuexa moreretur; etſi pro egregia conſtitutione corporis ad centeſimum annum vitam propagare poſſet,

V.
Eadem ſponſi
celerita. ex
Bernardo.

Quam citò
ſe hominibus
impenderit.

VI.
Feruens eius
moriendi
deſiderium.

cap. 8.1.

VII.
Et in ſoluto
luſta.

& morte
præpropere.

Aug. l. 5. cō- & pro innocentia statu quo fruebatur, & dignitate personæ quæ susten-
 tra l. c. 9. tabat humanitatem, nunquam mori, tali præsertim morte debuisset.
 & l. 3. de fi. Vt sancti Doctores vnanimi consensu tradidere. Augustinus, Damasce-
 de or. c. 20. nus, Anselmus.

Damas. & Hic ipse amor magno feruore Seruatorem perpulit, ut rei conditio-
 Ansel. l. 1. nem acciperet, & quidem rei innumerabilium ac fœdissimarum no-
 cur Deus xarum capitalium, quæcumque ab rerum exortu, usque ad eius ad-
 homo c. 10. uentum, primum, postremumque perpetranda erant, ut pro iis omni-
 & l. 2. c. 10. bus diuinæ iustitiæ cumulata satisfaceret. Ergo diuinæ se maiestati ob-
 & seqq. tulit, tam fœda cloaca, tam horrenda sentina sordidatus, eamque uni-
 VIII. uersæ, ac singillatim pernoscebat. Quod si aliquando criminis vnus
 Rei omnium fœditas innocenti animæ summum inquit horrorem, quantum quæ-
 criminum so diuina illa anima concepit horrorem, cum se tot tamque execran-
 conditionem accepit. dis criminibus coopertam, ac penæ obrutam vidit? Quanto cum pu-
 dore prostravit se coram Deo, quasi omnia illa scelera perpetrasset?

Plal. 11.

Ea enim quasi propria ascribebat sibi, suæque appellabat, iuxta illud,
 quod pridem à fratribus vsurpatum memini, *Longè à salute mea verba
 delictorum meorum*: peccata scilicet quæ mihi assumpsi, prohibent ne
 liberari possim, & veniam exorare.

IX.

Eius rei fi-
 gura ex Za-
 charia.
 c. 3. 3. 4.

Sic nimirum impletum est Zachariæ illud oraculum, ac figura,
 qui Iesum sacerdotem magnum vidit coram Angelo Dei, sordidis in-
 dutum vestibus: cumque iussisset Angelus auferri ab eo vestimen-
 ta sordida, subiecit. *Ecce abstuli à te iniquitatem tuam, & indui te mu-
 ratoriis*. Elegantibus nimirum vestibus ac pretiosis. Refert hic An-
 gelus personam Dei, qui videt Iesum verissimum Pontificem, quam-
 uis innocentia & sanctitate incomparabili, coopertum foris fœdif-
 simo peccatorum amictu, & voluntario pro iis dolore afflictum, cu-
 ius etiam satisfactionem libens accipit, & illius gratia omnia peccata
 delere statuit, & summa gloria induere sanctum Pontificem. *Propter
 quod & Deus exaltauit illum, &c.* Hæc ipsa humanitas sacrosancta con-
 fert se tabernaculis Cedarenorum, quæ foris obtecta pellibus, quas so-
 les ac pluuia deformarunt, intus plena sunt mercibus preciosis. Et in-
 star est Mosaiici tabernaculi, quod cilicinz vestes operiebant, interiora
 verò auro purissimo rutilabant.

Phil. 2. 9.
 Cant. 1. 5.

X.

Sudor san-
 guineus fer-
 uoris aper-
 tus index.

Apparuit etiam vehementius iste feruor, admittendis internis ex-
 ternisque doloribus, quibuscum Seruator omnibus illis criminibus
 erat facturus satis; qui palam in oliuetano horto sudore sanguineo, su-
 premæque animi lucta se prodidit. Quanquam si rem penitus inspiciamus,
 videtur Seruatoris innocentia magis cum fœdo peccatorum one-
 re pugnare, quam cum omnibus doloris ac tristitiæ fluctibus; his enim
 tum erat animo & corpore obnoxius, propriis autem peccatis obnoxius
 nunquam fuit. Vtraque tamen complexus est feruore mirabili, ex quo
 vigor quidam in cor illud oppressum malis redundabat. Mortem ani-

mo propositam ab ipso vitæ exordio, & quidem immensis doloribus, probisq; cumulatam, distinctissimè cognoscebat, & vehementer reformidabat; nec minus distinctè singula cognoscebat, quàm cum oculis ipsis obiecta fuerunt, & cruciatum animo corporique intulerunt. Cum in hominibus futurorum malorum reformidatio infirma sit ac confusa, qualis est contemplatio rerum ex longinquo; quo fit vt vitæ futuræ mala non satis, neque pro merito ab hominibus timeantur.

Natura igitur sibi permilla, totis viribus ab illa crudeli ac probrosa satisfactione abhorrebat, & semel, iterum, tertio in preces effusa Deum rogabat, ne tam amarum calicem ebiberet; cum cor ipsum, pauore ac tristitia languescens, sanguinem vndique attrahebat ad sese, vt vires reciperet. Sed feruida charitas Seruatoris, & Patri addictum obsequium contra nitebantur, magnæque vi humanam repellebant infirmitatem, & sanguinem ad externa membrâ remittebant. Hoc nimirum intimum certamen, luctûque vehementior in sanguineum sudorem euasit, incertum deuictæ naturæ argumentum, & illis virtutibus succumbentis: quæ illico habenas intimo de peccatis dolori laxarunt, qui tantus fuit, quantum illa Prophetæ verba significant, *magna est velut mare contritio tua*. Et rursus, *Impleuit me amaritudinibus, incbriaui me absinthio*. Et erat vtique satis potens iste dolor ad eripiendam corpori vitam, si animus, qui in latissimo tristitiæ oceano iactabatur, totum illum dolorem in corpus ægrum passus esset effundi. Quod si animus ex dolore posset occumbere, vtique sæpius occidisset, siue eo tempore quo passus est tristem esse animam suam vsque ad mortem; siue illo quo se à patre derelictum lamentabatur. Interea nihilominus Charitas eius ita feruebat; vt non vnâ modò crucem subire, sed sexcentas paratus esset, si id fuisset ex Dei gloria & salute mortalium. O ardorem Charitatis immensum, quanto amplius opinione nostra tibi obligati sumus, ô Seruator. Sed

Libet aliud quoque addere prompti ac feruidi amoris tui argumentum. Hæc diuina anima à corpore suo fuerat dolorum acerbitate se iuncta; neque enim corpus lethiferum vllum vulnus acceperat. Oportebat autem, partim ad ea quæ de Christo figurata fuerant factis exprimenda, & implenda oracula Prophetarum, ipsamque ad eum Seruatoris promissionem; partim etiam ad veritatem mortis confirmandam, eum tribus diebus, totidemq; noctibus in corde terræ sepultum iacere; sed feruidus eius amor, & desiderium quamprimum educendi de carcere Sanctorum animas, & cura familiæ suæ inuiscendæ atque colligendæ, eam morâ ferre non potuit, sed tres illos dies atque noctes ita contraxit, vt vnus diei finis & alterius initium pro duobus solidis diebus numerarentur, vnusque tantum esset dies integer cum nocte sua; & omnino duæ ac septuaginta horæ, in sex aut octo supra triginta mutarentur. Longum ei

XI.
*Quomodo
contigisse
videatur.*

Christi dolor de peccatis.
Thi. 2. 13. &
3. 15. Lef. 1.
12. n. 133.

XII.
*Prompta
eiusdem re-
surrectio fer-
uoris nota.*

erat afflictæ ac desolatæ matris, vniuersæque familiæ suæ tribus totis diebus ac noctibus visitationem, ac consolationem differre; itaque quamprimum gloriæ suæ radiis sanctissima matris nubila tristitiæ discussit, & gregem dissipatum, ac nutantem collegit, firmavitque; adeoque propere omnia, vt ipso resurrectionis die, minimum sexies inuideret suos.

XIII.
*Conclusio,
cum petito-
ne feruidi
amoris.*

Habent itaque mortales in Christo Domino promptum amicum ac feruidum, quando ipse famulos suos, vltro amicos vocat; itaque feruidum eorum amorem promeretur, vt hæ amicitiæ aliqua sibi similitudine respondeant. Non est rationi consentaneum, ipse vt nos vnice diligit, nos eum vulgari ac plebeio amore prosequamur. Indignum est eum in salutis nostræ negotio sanguineo sudore diffluere, nos in eius gloria & hominum salute procuranda languere. Nonne nos grauissimo pudore suffundi necesse est, qui videamus Dominum naturalem mortis horrorem, probrorum ac cruciatuum formidinem generoso animo superare, seruulum modicæ difficultati, quæ in famulatu eius occurrit, cedere succumbere? O bone Iesu, feruentissime amator animarum, largire nobis hunc erga te feruorem spiritus, promptum, diligentem, studiosum amorem tui, qui tanto es nobis amabilior, quàm nos tibi. Et quia magnitudo feruoris, ex copia flammatarum dependet, maiorem in nobis ignem Charitatis accende, qui frigus omne, teporem omnem, ac laxitatem naturæ corruptæ, sua efficacitate consumat.

XIV.
*De humano
tepo-
re que-
rela.*

Deus meus, quæ est ista peruerfitas? oporteret profecto rumpi dolore cor nostrum, in vitæ nostræ ad exitum properantis, ignauia contemplanda. Mutæ animantes appropinquante fine laboris sui, vehementius connituntur, vt illum expleant; vt in equo notare licet sub finem diurni itineris, nocte præsertim propinquante. Et oves, cum se in stabulum reducendas sentiunt, gramen properantius depascuntur, natura quodammodo innuente, reliqui diei negligentiani præsentis diligentia compensandam. Dæmon quoque tam in fine vitæ cuiusque hominis, quàm sub extrema tempora totius humani generis, tanto ager res suas diligentius, quanto sibi minus temporis intelliget superesse ad agendum. Nobis autem singulis horis ad mortem properantibus, & ad ipsius quasi suburbia iam progressis, maiore in dies socordia opprimimur, maiore in horas ignauia languemus; nec studemus antea vitæ negligentiam, præsentis feruore compensare.

XV.
*Non obstan-
tibus feruo-
ris exemplis.*

Hocine Seruator, præbuit hominibus exemplum, cum doloribus, cruciatibusque confectus, ageres in cruce animam? hocine præbuerunt optimi quique feruorum atque ancillarum tuarum, quos ad tantum feruorem poenitentia perpulit amor tuus? Quid? qui sunt in tuo famulatu nouitij, quò minorem tui adhuc cognitionem habent, hoc esse deberent in amore tuo lentiores, & tamen factis ipsis exprobrant

veteranis veterum istum atque socordiam. Verum quidem est nouita- Nouitiorum
feruar.
tem operis quandam secum ferre alacritatem, & feruorem corporis
etiam animi prodesse feruori; res tamen ipsa in tuam maximè benigni-
tatem referenda est, quæ recentes plantas rigat studioliùs, ne si amara
duntaxat aquæ peregrinantibus occurrant in huius vitæ deserto, consi-
lium capiant de Ægypto repetenda. Age cum veteranis quasi cum ty-
ronibus, ô humanissime Seruator; Nam etsi non sunt nouitij sicut ipsi, Psal. 118. 32.
non minore tamen fortassis infirmitate laborant. Dilata cor eorum, vt
alacriter viam mandatorum, & consiliorum tuorum decurrant, & im-
mortale præmium, quod feruidis amatoribus tuis præparasti, pro digni-
tate ac meritis æstimare possint.

CAPVT XII.

Diuinum amorem in Deo ipso feruidum ac promptum esse.

ITa feruidus Amor finem imponebat orationi suæ, cum ego occur-
rens, Apparet sanè, inquam, ô feruide Amor, te propositam termi-
nasse disputationem, cum iustissima ignauia nostræ reprehensione; ne-
que tamen mihi adhuc, cum bona tua venia dixerim, factum est satis.
Studeo enim, mi Amor, ex te audire, possimus ne aliquam in Dei erga
nos amore notare promptitudinem aut feruorem, cum is potiùs vniuf-
modi semper, atque immutabilis esse videatur. Certum quidem est, ait
Promptus Amor, eum qui in Deo est amorem, immutabilem esse,
vt ipsum Deum: & eum plus minùsve res à se creatas diligere, prout
se maiori, vel minori amore dignas reddunt: & in rebus, quæ paulatim
perficiuntur, non in Deo, qui nulla fieri potest accessione maior aut per-
fectior, mutationem reperiri. Si tamen placet humano more diuinas
actiones contemplari, aliquam in eis diligentia ac promptitudinis ima-
ginem notare licebit, quam, quia ita placet, breuiter aperiam.

Videtur porro diligentia hominis pro amico laborantis, tribus in re-
bus esse posita. Primum, vt operi se quamprimum accingat, mora om-
ni non necessaria, aut cunctatione semota. Alterum, vt negotium quan-
ta fieri poterit celeritate conficiat. Tertium vt in eo perpoliendo ac per-
ficiendo, nec industria parcat nec labori. Vide autem quàm cito Deus
homines amare cœperit. Subditi quidem multis fere magnisque obse-
quiis principum suorum benevolentiam promerentur, neq; eam semper
obtinent. Habent enim reges multa millia subditorum, multas famulorū
ac domesticorum centurias, familiarium autem aut necessariorum, quos
singulari amore prosequantur, fere singulos. At diuinus amor in omnes
subditos suos famulosque fertur, qui ei placere cupiant aut famulari.
Vult enim omnes homines saluos fieri, & ad agnitionem veritatis venire, 1. Tim. 2. 4.

I.
A V T O R.
*Transitio ad
Dei ipsius
feruorem.*

P R O M P T V S
A M O R.

II.
*Tres actus
diligentia.*

quod est singularis cuiusdam benevolentiae argumentum, qua dilecturos antevertit: neque enim id unquam, nisi Deo gratis eos praevemente potuissent, qui autem dat gratis aliquid, diligit eum cui confert donum: habet enim amor rationem primi doni. Itaque rectissime dilectus discipulus. *Nos ergo diligamus Deum, quoniam Deus prior dilexit nos.*

L. 4. 19.

III.

Deus cito diligeret caput.
Matth. 25.

Sed quanto tempore prior? utique à constitutione mundi, ut docuit Servator ipse, cum denunciaret se in supremo iudicio dicturum electis suis, *Venite benedicti patris mei, possidete regnum quod paratum est vobis à constitutione mundi*: quando conditum est empyreum illud caelum, quod esset absolutissimae pulchritudinis theatrum, in quo Deus explicaret amicis suis divitias gloriae suae, & ipsemet reuelata facie cerneretur, mutuis constringeretur amplexibus, perpetua charitate diligeretur, aeterna fruitione possideretur. Sed antiquior etiam est hic amor. Quod enim tum fecit, eodem amore suadente, id ab omni aeternitate facere statuerat, & ab eo ipso primo aeternitatis momento, quo statuit bonitatem suam extra se communicare, quae voluntas aequalis, & coaeva est ipsi Deo: etsi posterius suo tempore facta est executio. Ab illo ergo instanti coniecit oculos, in corpus & animam, quam nobis erat largiturus, in parentes, ex quibus nos erat procreaturus, in mysticum illud corpus, in quod erat inferturus, & in omnes rationes & vias, quibus nos erat ad aeternam beatitudinem euecturus, quae sunt totidem beneficia, quae ab eius liberalitate eramus, suis quaeque temporibus accepturi, iuxta sanctissimas diuinæ providentiae rationes.

IV.

Retinet constantem amorem.
1. 17.

Hæc est amoris huius antiquitas; cuius, nisi per nos steterit, nullus erit unquam terminus, nullus finis. Nunquam ille diuellit amorem prior; quin studet potius, per se perque angelos suos, quos habet semper ad manum, perque alios providentiae suae administratos, amicitiam suam illibatam fouere ac tueri, quasi suo quopiam cum emolumento diligeretur à nobis. Et si quando contingit, & proh dolor! nimium saepe contingit, ut aliqua eum afficiamus iniuria, præcepta violemus, & creatam rem aliquam, Creatore ipso antiquiorem ducamus, prior ipse reconciliationem gratiae quaerit, stat ad cordis ianuam & pulsatur, ut amicitiam quamprimum redintegremus: idque non semel aut iterum, sed centies ac millies; quæ bonitas est admirabilis, ac prorsus digna Deo.

V.

Diminuat actionum celeritas.
Prou. 3. 28.

Diligens amator, expeditè conficit negotia amici sui, diceret eum ignem in pectore, alas manibus pedibusque gestare, memor illius Salomonici moniti. *Nec dicas amico tuo, vade & reuertere, cras dabo tibi; cum statim possis dare.* Nec ignorat illud quoque verè dictum, *Bis dat, qui cito dat.* car è enim emitur, quod precibus emptum est. Itaque opera quæ ab vno Deo pendent, mirabili ab eo celeritate conficiuntur, quod nihil sit, quod eius infinitæ potestati resistat, & quacunque re creata omnem in partem vti possit, quoniam omnia seruiunt ei. Ergo vniuersam hanc

mūdi machinam puncto temporis eduxit ex nihilo, nec diuturniore opera innumerabiles illos exercitus angelorum, singulisque diebus mortalium animas infinitas, producit, & quantum est in se sanctificat; quæ enim mora interuenit, ex incommodo atque importuno personæ statu contingit. Quid Dei filius? nōne humanum corpus, sine vlla temporis mora figurauit, atque assumpsit: omnium corporum resurrectio, postremūque iudicium incredibili celeritate perficientur. Vnicum enim habebunt autorem Deum. Baptismi gratiam, cæterorūque sacramentorum semper habet paratam, semperque confert, nisi quis gratiæ obicem ponat; Quod autem gloriam tardius plerisque confert, ideo cunctatur, vt illis gloriam conferat ampliorem.

CAPVT XIII.

Tertius diligentis amoris actus, in diuinorum operum perfectione maximè cernitur.

SI quis in gratiam amici sui in re aliqua elaboret, omnem dat operam vt opus id accurato studio ac diligentia perfectum sit; scit enim huiusmodi opera in pretio esse apud homines, vehementiusque placere. Qui autem negligenter ac defunctoriè in re nostra versatur, non magni nos facere videtur. In amore enim vel odio, æstimatione aut contemptu, persona ipsa, & quæ ad eam pertinent, pro eodem habentur. Deus & proximus eadem charitate diliguntur, Rex & imago eius eundem honorem, dedecūsque participant: vnde consequens est eum, qui in Dei operibus negligenter versatur, negligere ipsum Deum; vt non mirum sit à Propheta dici, *Maledictus qui facit opus Dei negligenter, aut fraudulenter*, sibi videlicet dissimulanter parcens, neque eam quam posset industriam operi eius, vel contentionem adhibens. Si ergo Deum orare opus Dei est, si concionari, exhortari, administrare sacramenta, diuina sunt opera, nōne hæc perfunctoriè agenti verendum est, ne maledictionem pro benedictione acquirat?

Pictor egregius, insignis aurifex, opifex aulæorum, aut phrygiarum vestium, aut quis alius nobiliorum artium operūque artifex, qui opus aliquod eruditis oculis visendum pollicitus est, optatque gloria clarus euadere, inquit omnia, ac perscrutatur, nullam eius particulam omittit quam accurata diligentia non persequatur. Vide igitur quanta diligentia Dominus in opere suo elaborauit, in homine ipso dico, & rebus omnibus, quæ in hoc aspectabili mundo ad eum pertinent; nihil inueniri, aut animo fingi potest, quod ad naturæ, cuius est autor Deus, perfectionem accedat, vt homo intelligeret amari se à Deo, atque adeo magnificeri. Cælum serena, stellantiq; nocte intuere, vide claritatem, figu-

I.
Tertius diligētia actus.

Jerem. 48.
10. apud. 70

II.
Perfēctio diuinorum operum.

Index amoris eius in homines.

ram, magnitudinem, motum, influxum, durationem, pulchritudinem, reliquâque omnem tam cœli quàm stellarum absolutionem, quæ vnius hominis causa facta esse nemo ignorat: & diuini artificis operisq; diligentiam admirare. At ne quis causetur proferre nos testes, quos propius examinare non liceat, fabricam humani corporis in suo genere perfecti consideremus, à capite ad calcem membra omnia interna externâq; contemplemur; magnus partium, membrorum, articulorumque numerus occurret, quorum ne minimum quidem loco, figura, magnitudine mutare possis, quin eius vsum multiplicem, pulchritudinemque corrumpas. Non placet singula persequi, infinitum est enim iter ad omnia; satis erit vnum atque alterum exemplum proferre.

III.
Id in humano capite ostenditur, eiusque
Deut. 32. 4.
Figura.

Rectissimè olim Moses prædicabat, *Dei præfecta esse opera*. Nihil excipit, sed nos nisi de corporatis, certum & accuratum iudicium ferre non possumus, in quibus homo sine controuersia principem locum tenet. Contemplemur ergo si placet hominis caput, sed huiusmodi, quod propter perfectionem suam exemplar cæterorum esse possit. Quanto ergo studio videtur Dominus architectatus hoc caput? Principiò rotundam illi figuram dedit, quæ cæteras capacitate, firmitate, & pulchritudine vincit. Necessarium erat esse capax, quoniam intra eius ambitum, omnia internorum atque externorum sensuum organa collocanda erant. Cætera membra vno duntaxat sensu tactus potiuntur. Caput videt, audit, odoratur, tangit, gustat, loquitur, præter ea quæ functionibus seruiunt memoriæ, intelligentiæ, voluntatis. Oportebat caput robore ac firmitate præditum esse, vt facilius aëris incommoda ferre posset, & si quando res ferret, vim externam à mollissimo cerebro tutaretur; itaque hoc ipso quod rotundum est, totum est angulare, insuperque totum pene ossibus conuestitum.

IV.
Pulchritudina.

Decebat eam partem corporis, quæ omnibus eminet, & quasi spectaculo propofita est, grata pulchritudine commendari: hinc ergo pulchra cæsarie eleganter conuestitur, ne nudum cranium parum decorè appareat: inde facies aperitur, animi ianua, & ædis Deo sacræ propylæum; eius tanta sæpenumero est pulchritudo, vt quo tecumque oculis & cogitatione conuerteris, nihil in terris elegantius reperire possis, vel varietate & elegantia partium singularum, vel mutua omnium conuenientia, vel luce & colore, vel gratia & concinnitate. Absolutissima deniq; integritate constat, nihil omnino vt desit, aut redundet, sed omnia inter se præclara consensione ita respondeant, vt si quid loco moueris, aut mutaris, venustatem vides, vsumque corrumpas. Nolo ad singulas faciei partes, quæ sunt totidem pene miracula, oratione decurrere, oculos præfertim & linguam, eorumque mirabiles, musculorum & neruorum opera, omnem in partem motus, ne iusti voluminis materiam, vnam in periodum coniiciam. Inspiciamus obiter duntaxat vt cœpimus hominis manum.

Inspiciamus,

Inspiciamus, inquam, manum, & in ea perquam accuratam artificis diligentiam ex eo suspicemur, quod si vnum aliquem digitorum sustuleris, si quem tenuiorem feceris aut crassiolem, si breuiorem vel longiorem, quam instituta ab autore naturæ proportio requirat, si pollicem in media manu aut extrema collocaris, illico turpitudinem agnosces, & vsus commoditatem senties impeditam. Ita ad vnguem accurata sunt omnia, vt ne vnum quidem vnguiculum ex vilo digito, sine damno tollere ac deformitate possis. Si casu aliquo digitus vnus læsus fuerit, sic vt consuetum ministerium præstare non possit, facile experieris quàm esset tibi necessarius. Demus eorum aliquem cum cæteris aut inflecti aut diduci non posse; aut aliorum flecti quàm vsus postulet, tum demum apparebit quantum afferat vel incommodi vel fœditatis. Fiat similis in quouis cæterorum membrorum periclitatio, & intelligatur profectò quantum studij adhibuerit diuina sapientia, vt hominem solenne quodammodo specimen ederet suæ facultatis. Adhibuit enim ipsemet artificiosissimam illam manum, cum diceret, *Faciamus hominem ad imaginem & similitudinem nostram*. Voluit hominem peculiaris in se amoris diligentiam agnoscere, quando diuina erga se beneficia contemplaretur.

V.
*Ostenditur
in manu.*

Gen. 1. 26.

Verùm has ipsas diuinæ diligentæ proprietates ad vsum nostrum, si placet, vtilitatemque referamus. Deus enim argumenta dedit diligentis amoris erga nos sui, dum ab initio apud se constituit de hominibus bene mereri. Quid ergo isti excusationis inuenient, quam obtendent causam ignauitæ suæ, cum Deum accusantem audient, quod primos præcipuosque ætatis annos mundo, carni, Satanæ, hostibus eius infestissimis dederint, Deo postremos, deterioresque reseruarint? Eos ille ex animo dilexit, cum nemo ipsorum officio certasset prior; Ipsi autem post totidem accepta beneficia, quot creatæ res infra supràque cœlestes illos orbes reperiuntur, hærebunt tamen ambigui, an eum vnum toto ex corde sint dilecturi. Qui homines à mundi constitutione dilexit, cum cœlum illud empyreum produxit ex nihilo, & regnum eis beatæ immortalitatis præparauit, nonne promeritus est, vt à primo ipso rationis vsu, ei nos penitus consecremus, eiusque nos amoris ac famulatu addicamus.

VI.
Hac perfectio applicatur ad mores.

Sempiternum illud numen, cuius prima in illa infinita æternitate cogitatio, primæque voluntas, si placet diuina ad humanum captum accommodare, post diuinarum personarum productionem, fuit illud animi decretum, quo statuit homines habere in terra filios, in cœlis hæredes, & ab infernis illis suppliciis expeditos, nonne dignum est vt quotidie ad ipsum primæ nostræ cogitationes emigrent, de ipso sint, ipsique intimis sensibus offerantur? Nonne ius habet postulandi, vt primus quotidie voluntatis nostræ actus, sit diuini amoris, & gratiarum actionis? Nihil omnino iustius, nihil æquius, aut lingua dici, aut animo fingi potest. Sina autem id officij tam iusti tamque debiti

VII.
Æquum est vt Deo quæprimum.

per solutionem neglexerimus, nihil profecto nobis iniustius sub cælo, nihil ingratius, aut inhumanius reperietur.

VIII.

*Constantér-
que serui-
tur.*

Cæterum non cœpit duntaxat Deus quamprimum diligere nos, sed in eo amore quantum in se est, constanter perseuerat, nec quantiscumque appetitus iniuriis, aut indignissimè desertus penitus deserit, sed urget dum viuunt, instatque filiis prodigis, instinctu inflaturque diuino, ut inimicitias dissoluant, gratiamque redintegrent. Instaurandæ amicitiae homines angelosque adhibet ministros, prosperis vititur & aduersis, minas ingeminat & promissa, non parcat blanditiis, aut querelis. Ecquid ergo mortalibus ita insanire placet, ita contra propriam conipræ salutem, ut non antiquius ducant millies vita defungi, quam tam nobilem tamque fructuosam amicitiam vlla ratione violare? Velint potius in ea perseuerare, dum ipsis vitæ huius mutabilitate expeditis, diuinus amor in eorum animis æternum firmetur, atque immutabilis perseueret. Qui venit ad homines saliens in montibus, collésque transiliens, num gratum habebit, si ad eum testudineo gradu proficiscare?

IX.

*Et maxima
cum perfe-
ctione.*

*Psal. 138.
16.*

3. Reg. 9. 13.

*Imperfectio
nostrorum
operum.*

Denique si diuinus amor tantam adhibuit curam atque diligentiam, in elaborando, ut quaecumque in nobis, aut nostri causa perfecit, totidem exquisitæ artis atque industriæ experimenta videantur, ex quibus vsum ipsi voluptatémque capiamus; quomodo ferre potest, ut in eius famulatu defunctoriè seruiamus? Ecquid nihil nos pudet talia opera illi oculo tam perspicaci, illi sapientiæ tam exquisitæ audacter offerre? Ne blandiamur nobis cum Dauide dicentes, *Imperfectum meum viderunt oculi tui*; Ita sanè, sed non etiam approbarunt. Cùm Hiram rex Tyri vidisset oppida, quæ illi dederat Salomon, ea parum probauit, dixitque, *hecine sunt ciuitates, quas dedisti mihi, frater? & appellauit eas Terram chabul*, id est lutosam ac tenacem, aut arenosam siue sterilem. Quid dicet cæli Rex, qui nobis regiam illam ac planè diuinam ciuitatem ita construxit, nihil ut possit ad summam diligentiam desiderari, cùm viderit operum, quibus eam promereri cupimus, incuriam & incitiam? operum rudimenta potius, quam absolutiones, opera frigida, languida, intermorta, semina. Hæcine, inquit, opera dedisti mihi, fili? nec placebunt ei. Recipies ea nihilominus si placet; tibi enim deuota sunt ac consecrata, sed emendata, ac perpolita, ex abundantissima ac superfluente perfectione operum diuini Seruatoris; cum quibus, ut tibi accepta sint, libentissimè offeruntur.

Finis Libri decimi-tertij.



LIBER DECIMVSQVARTVS.

Amor Dei Zelotes.

CAPVT I.

Descriptio decimi filij Charitatis, cui nomen Amor Zelotes.

A V T O R.



HUIC imposuit finem Feruidus Amor orationi suæ, cui licuit etiam zeli nomen accommodare, si solius notationis nominis rationem habere libuisset: ex qua liquet zelū idem esse cum feruore; sed eas voces vñs ipse discriminat. Feruor enim latius videtur patere quàm zelus, quæ forma quædam est feruoris. Neque enim zelus ad eos omnes pertinet, qui feruorem in aliquo negotio, vel diligentiam adhibent. Et zelus aliquid fere habet tristitiæ, & æmulationis, quæ in quolibet feruore non reperitur. Petrus Apostolus feruidus vbiq̃ demonstratur in diuino famulatu, Elias autem, quod ipsemet factetur, zelator. Sanctissimus ille martyr Ignatius feruore mirabili ferebatur in mortem, vt ipsas quoque bestias in suam perniciem prouocare non dubitaret. At Paulus zelo plenus erat, & æmulatione pro traditionibus patriis, ne fortè Ecclesia Synagoga succumberet. Huc quoque zelotypia pertinet, quæ ferre non potest vt alius re à se dilecta fruatur.

Quod igitur attinet ad hunc decimum Charitatis filium, cum is se in apertiore conspectu dedisset, perquam similis vitus est duobus ipsius fratribus, Amori Feruido & Aëtuoso, qui proximè dixerunt: iuba bidus tamen erat eius color, ob natuam quandam tristitiam. Lutei coloris erat vestis eius, siue rutili dilutioris, vt obscure significetur zelotypia aduersus animam, Dei sponsi sui amori aliud quippiam perfidiosè præferentem. Super eam opere plumario depictus erat Elias, qui è spelunca in monte Horeb dimidiatus apparebat, dextro cubito incubans, & tristi cogitatione defixus. In limbo vestis acu picta erat illa querela, *Me dere-*

I.
Rationominus, & quid zelus à feruore distet.

3. Reg. 19.
10.

II.
Descriptio Amoris Zelotis.

3. Reg. 19. 9.

liquerunt fontem aqua viva, & foderunt sibi cisternas dissipatas. Baculum gestabat manu, cum hoc elogio, *Zelo zelatus sum pro Domino Deo exercituum.* Vultuque ipso totoque corporis habitu significabat habere se quæ de hominibus pro Domino quereretur.

III.

*Præcipua capi-
tura futura
disputatio-
nis.*

Et apparet sanè ipsum eandem fere cum fratribus viam initurum in disputatione sua, docturumque principio germanum se filium Charitatis; diuinum amorem natura sua zelo abundare, eumque subinde variis occasionibus patefecisse Deifamilios. Quin etiam hunc ipsum zelum in Christo Domino dum versaretur in terris prodidisse se, in Deoque etiam demonstrari. Docebit quoque, ut spero, quàm sit rationi consentanea ista zelotypia, quantam mortales iniuriam inferant supremo Numini, sibi que ipsis, dum amoris eius aliquid anteferre non erubescunt. Sed nos quoque de more, prius ostendemus zelum & æmulationem vniuersè amoris conuenire, quod ipse mox de diuino declarabit.

CAPVT II.

Vulgarem mundi amorem zelo & æmulatione abundare.

I.

*Zelus ut
imitatio est.*

PRINCIPID illum obiter attingo zelum, qui mera imitatio est, aut æmulatio, siue desiderium eò perueniendi, quo iam alius peruenierit, iisdem vestigiis insistendo, puta ad scientiam, honorem, eloquentiam, famam, virtutem, diuitias, sanctitatem acquirendam; eius studium & industriam imitando, quem sibi cupit esse prototypum. Ita scriptum est Iudæos, qui Machabæorum tempore à patriis legibus desiciebant, ethnicorum instituta æmulatos esse, eorum probra sibi gloriæ vertisse, illisque quam simillimos euadere voluisse, adeo ut ad circuncisionem antiquandam, facerent sibi præputia. Sic Scribæ & Pharisei, magisterij honore prurientes, circuibant mare & aridam, ut discipulos sibi colligerent, quos duplo se nequiores reddebant, & gehennæ filios. I. Cor. 3. 3. Zelus quoque in sacris literis, spiritum contentiosum significat, & factiosum, qualem Paulus notat in Corinthiis, inter quos zelus & contentio grassabantur; qualem arguit & Iacobus. *Quod si zelum a. n. r. u. m. habetis, inquit, & contentiones sint in cordibus vestris, nolite gloriari.* & infra:

II.

*Zelus amo-
ris proprie-
tas*

*D. Tho. 1. 2.
q. 2. a. 4. A.
rist. 2. Rhet.
ca 10. & 11.
Hæd Tho.
2. 2. q. 36. a. 2*

Vbi enim zelus & contentio, ibi inconstancia, & omne opus prauum. Ut autem de zelo proprietæ, atque vniuersè loquamur, is ex Amore, tanquam proprietatis quædam, efflorescit. Cum enim amor in bonum dilectum feratur, si quis fortè obex occurrerit, connititur animus, atque oblectatur aduersus impedimentum, ut illud amoliatur, & arceat, qui animi conatus appellatur zelus: qui tanto maior est, quanto maior est amor, & vehementior ad id bonum acquirendum conatus. Et habet quidem zelus aliquid inuidiæ simile, cum ambo tristitia quadâ afficiantur propter

desideratum bonum, putà diuitias, amicos, dignitates, & alia id genus: *Qui differ*
 plurimum autem in fine differunt. Qui enim zelo præditus est, in obti- *ab inuidia.*
 nendis iis bonis elaborat, dolétque se ea non habere, quæ cæteri, qui pa-
 ri secum conditione sunt, obtinent. Inuidus autem non vult alium id bo-
 num obtinere, deque eo ab illo obtento contrahitur animo, ac contrista-
 tur. Itaque Philosophus zelum & æmulationem numerat in bonis, &
 bonorum esse tradit. Inuidiam autem in malis, & malorum propriam
 esse fatetur. Zelus enim incitat homines ad id bonum, quo se dignos ar-
 bitrantur, quod æquum est. Inuidia verò ad impediendum ne alius eo
 bono potiatur, quod iniustum est.

Vtriusque exemplum illustre in scriptura reperitur. Cùm enim Mo- *III.*
 ses apud Dominum familiariter questus esset de magnitudine oneris *Declaratur*
 sui, vellétque illud Dominus communicare cum pluribus, etiam spiritũ *exemp'o*
 quo Moses abundabat, impertitus est septuaginta viris. Hic Iosue cer- *Mosis & Io-*
 nens Mosẽ tanta Prophetarum turba cinctum, veritũque ne dein- *sue.*
 cept minoris ipse fieret in tanta copia, magistrum rogat vt eos pro-
 hibeat. Apparet sanè illum inuidia tactum fuisse, qui cuperet no-
 uos hosce Prophetas diuina illa gratia spoliari, vel eam habere inu-
 tilem. Itaque eum Moses merito arguit, verũque docens zelum,
Quid amularis, inquit, prome? quis tribuat vt omnis populus prophetet, Num. 11.29
& dei eis Dominus Spiritum suum? Hic nimirum erat verus anima-
 rum zelus, quo spiritum Domini toti populo communicatum esse cu-
 piebat; probè intelligens hæc spiritalia dona non minui communicatio-
 ne plurimorum.

Cæterũ zeli naturam accuratius illustrabimus, si dixerimus, sicut *IV.*
 geminus est amor, cupiditatis vnus, alter beneuolentiæ, ita suum ex *Geminus, ex*
 vtroque zelum oriri. Amor ille bonum sibi desiderat in quod fertur, *gemino a-*
 honores, diuitias, voluptates; zelus autem ad eorum adeptionem in- *more zelus.*
 cumbit, studetque obuias perrumpere difficultates. Hic autem amor
 beneuolentiæ, studiosus est commodorum amici, zelus autem om-
 nem lapidem mouet vt ea ille consequatur. Itaque zelus media respicit,
 amor finem. hic bono fruitur, ille sternit iter ad bonum. Huiusmodi est
 zelus hominis bellatoris, qui ad acquirendam gloriam equis fertur &
 quadrigis: quod significat Esaïas, cùm Dominum confert istiusmodi
 bellatori. *Dominus sicut fortis egrediatur, sicut vir praliator suscitabit* c. 42. 13;
zelum, vociferabitur, & clamabit, super inimicos suos confortabitur. Cla-
 mor ille militaris vt militis audaciam significat, ita terrendo seruit aduer-
 sario, & victoriæ facilitatem accersit.

Eodem pertinet illud Sapientis, *Accipiet armaturam zelus illius, &* *V.*
armabit creaturam ad ultionem inimicorum, vt scilicet debitum sibi hono- *Zelus ultor*
rem, ex eorum manibus vendicet, qui in illum iniustissimè inuase- *iniuria.*
runt. Hic fuit zelus Simeonis & Leui Patriarcharum, sororis Dinæ *Sap. 5. 38.*
probrum in Sichimitas vlciscientium, et si is violentus fuit, ac præceps.

Gen. 34. In-
dich. 9. 3.
Gen. 49. 7.
2. Reg. 13.
2. Reg. 21. 2.
an. m. 3013.
n 4.

Ideoque quem Iuditha vocavit zelum, Iacobus Patriarcha furorem & indignationem appellavit. Persimilis huic fuit Absalonis zelus, Thamar sororem contra Amnonem fratrem vlciscens, & graue scelus grauiore vindicantis. Eiusdem generis fuit Saülis contra Gabaonitas zelus, qui eos crudeliter & inconsulte morti dedit. Quæ causa fuit vt Dominus illius domum sanguinariam vocet, septemque de eius liberis agi præcipiat in crucem. Superbia & auaritia plenus erat hic zelus: miseros enim homines, quasi ab Israëlitarum gente alienos, spernebat, eorumque bona direpta cupiebat.

VI.
Eoque pertinet zelotypia.
Pro. 6. 34.
Qua furor quidam est.
De Virg.

Amor præterea cupiditatis alterius est zeli parens, qui est mariti coniugem de incontinentia suspectam habentis, aut vxoris mariti intemperantiam suspicantis, aut indigne ferentis. Quæ est, in viro præsertim, tam violenta perturbatio, vt in furorem vertatur. Quod Salomon non obscure significat, quando de adultero loquens, *Zelus*, inquit, & *furor viri non parcat, in die vindictæ*, cum scilicet occasio se dederit ultionis. Chrysostomus quoque furorem appellat, & infelicem zelotypum, non furioso tantum, sed homini à dæmone infesso exæquat. Cum verò, inquit, *eo furore corripitur, nihilo melius afficitur, quam qui à demonibus agitantur, aut mente capiuntur, adeò continenter effertur*. Istiusmodi morbus ex cerebri sæpe infirmitate nascitur, quam quidam non inconcinne deridet hoc carmine.

Si muscam videat circumuolare puellam.

Æstuat, & quat femina mæne fiet.

Aliquando pusilli animi id vitium est, conscij tenuitatis suæ, & vini cuiuspiam, ideoque formidantis ne putetur idoneus, cui in re vxoria illudatur?

VII.
Morbis que grauissimus
Num. 5. 12.
13.

Ipsa Mosaica lex morbi huius magnitudinem, ex illius curationis acerbitate facile demonstrat: mulierem quamuis innocentem obligans ad potum aquarum amarissimarum, in quas horrendum maledictorum carmen esset effusum. Eademque opera Dominus, qui hanc instituerat zelotypiæ medicinam, obligabat sese ad edendum miraculum in fauorem innocentie, vel criminis pœnam. Politicæ verò leges, maritum, qui vxorem in adulterio deprehensam interfecerit, non puniunt, quòd talem atrocis iræ vindictam, aut iustam, aut venia dignam putent. Vult nimirum coniux in possessione ac fruitione boni singulariter sibi debiti singularis esse, eoque priuari intoleratissimè fert. Quin etiam huius iniuriæ probabilitas, aut suspicio hominem prolicet extra rationis metas, ob insignem contemptum, & dedecus vehementer exprobrandum. Itaque edidit hic zelus facinora seculis omnibus tragicis decantata theatris.

VIII.
Tragici eius affectus.

Nam Macedonum rex Philippus Alexandri magni parens, suadente zelotypia Olympiadem repudiavit vxorem: sed eam mulier pœnam indignissimè ferens, marito mortem immisso percussore procurauit, ip-

sumque hircum morti studiosè eripuit. Et vice versa Cleopatram alteram Philippi vxorem, vnà cum filio ex rege suscepto, in æneo vase conclusit, & lento igne tollos exussit. Quanta effusa licentiæ facinora, aut furoris potius edidit Medea, cùm se à Iasone marito contemptam, atque abiectam vidit; siue in liberos quos ex illo susceperat, siue in Glau- cam, alij Creusam vocant, quæ in eius locum successerat, siue in eiusdem parentem Creontem: omnia flammis horrendisque cædibus repleuit, ipsumque sui desertorem Iasonem compulit ad inferendas sibi manus; atque ita peramplam theatris tragicis terroris materiam supeditauit.

Quod attinet ad alteram zeli formam, eo plena sunt omnia. Quos enim bonos vsquam subditos reperias, quos non tangat honos principis sui? quos filios, nisi fortè nothos, aut qui à naturæ legibus descuerint, qui parentum dedecus non intoleranter ferant? Ita coniuges mutuum sibi honorem & decus ex zelo procurant, ita & amici ex eodem, mutuo amicis honorem ac beneuolentiam conciliant, fouent, amplificant: & bonus discipulus præceptoris: idque optimo iure. Gloria enim principis redundat in subditos, & parentis in filios, & præceptoris in discipulos, atque ita de cæteris. Hæc est omnino sententia sapientis, *Gloria*, inquit, *hominis ex honore patris sui, & dedecus filij pater sine honore*. Nec aliud sensit Salomon cùm diceret, *Beatam esse terram cuius rex nobilis est*. Ea nimirum excellentia redundat in subditos.

Huiusmodi fuit zelus Abisai fratris Ioabi, in gratiam Davidis regis sui atque cognati. Cùm enim grauissimè ferret iniurias, quas Semei in afflictum principem petulanter effundebat, irruere cupiebat in hominem, atque obtruncare maledicum conuiciatorem, nisi eum mitissimus rex seuero imperio continuisset. Idem fuit Ionathæ zelus, Davidis innocentiam aduersus, Saüllem etiam cum vitæ discrimine protegentis. Eodem concitatus est zelo Putiphar in gratiam vxoris suæ, aduersus innocentissimum famulum suum Iosephum, quamuis ille zelus cum in consulta fuit temeritate coniunctus. Eodem Iaphetus & Semus in Noëmi parentis gratiam affecti sunt, & pudore suo Chami fratris impudentiam refutarunt, atque damnarunt: quem mox etiam paternus iustitiæ zelus com merita maledictione percussit, quæ in totam illius posteritatem redundaret.

Pausan. l. 2.
Iusti. Diod.
vide an. m.
3718. num.
7. 8. 9.

IX.
*Alter zelus
ex amore
amicitiæ.*

Eccl. 3. 13.
Eccl. 10. 17.

X.
Eiusque exemplum.

CAPVT III.

*Diuinum Amorem nobilioris zeli causam esse, quàm vulgarem;
dèque variis illius formis.*

AMOR ZELOTES.

I.
*Zelus diui-
nus qui hu-
mano præ-
stet.*

AVTOR.
AMOR.

SATIS mihi videre, inquam, zelum explicasse vulgarem, in nonnul-
lam prolusionem disputationis tuæ: tuum nunc erit, mi Zelotes, doce-
re quis sit diuini Amoris zelus. Tu verò, inquit Amor, vtrumque satis
videris exposuisse, solum est discrimen nobilioris obiecti, ad quod fer-
tur diuinus Amor, à quo dignitatem accipit & nobilitatem, multis par-
tibus præstantiorem. Sicut studium hoc præstantius est atque diuinius,
quò nobiliori scientiæ, aut virtuti fuerit additum. Studium enim quod
Theologiæ adipiscendæ, aut virtuti Charitatis impenditur, eò longè
præstare certum est, quòd Grammaticæ arti, aut virtuti sobrietatis ap-
plicatur. Huius enim nostri amoris & zeli obiectum & scopus est Deus,
qui vt perfectionem omnem, quamcunque animo fingere possumus,
longè multumque transcendit, ita perfectiorem amorem producit ac
zelum, quàm quæcumque hic habentur in bonis, & sunt mundani amo-
ris obiecta. Nihil enim est cur rem conditam cum conditore compona-
mus, inter quæ nulla ratio; nulla proportio esse potest.

II.
*An sit etiam
potentior.*

Quod si idè mihi obieceris, quod Amori seruido, de impotentibus qui-
busdam mundi amatoribus, eandem à me responsionem auferes. Fateor
enim ingenuè multo plures esse quos accedit zelus mundanorum bono-
rum, quam quos deuorat diuini amoris zelus. Multo quippe plures
sunt, qui sensibus adhærescant, quàm qui ad spiritalia assurgant; multò
quoque hæc abstrusiora, atque ignotiora sunt illis. Quòd si placet in
contentionem vocare maximos mundi amatores, & bonorum eius cu-
piditati deditissimos, cum summis Dei amatoribus, qui diuino zelo ac-
censi omnes difficultatum obices animosè percurrant, quos capitales
illi hominum hostes Dei seruis obiciunt, clarè profectò intelliges, quã-
to hi nostri, illis mundi studiosissimis præstantiores sint ac fortiores;
quod qui fumo vanitatis ebrij sunt, satis æstimare non possunt.

III.
*Diuinus
zelus gemi-
nus.*

Caterùm geminus est diuini amoris zelus. Possumus enim, & vero
etiam debemus omni studio desiderare nobis, ac quærere amorem il-
lum sanctissimum, omnesque infringere difficultates, quæ illius acqui-
sitionem vel incrementum impediunt, aut eripere studeant acquisitum.
Secundo loco etiam impotentius elaborandum est vt Deus opt. max.
inueniatur, colatur & honoretur, vanique & inanes reddantur omnes co-
natum

fiatus, quos mundus, caro, demon in contrarium attulerint. Vtrumque in optimis Dei famulis amicisque reperitur, quales fuerunt seculis omnibus sancti Martyres, qui omnium fortunarum iacturam facere, quid dico fortunarum? imò vitæ ipsius & sanguinis per exquisitissima tormenta maluerunt, quàm scelus vllum admittere, quo diuina amicitia violaretur. Honores, voluptates, principum virorum amicitias, vitæ commoda, quæ saluo Dei amore ac gloria conseruare, aut acquirere non poterant, neglexerunt; horrorem autem tormentorum, quæ sine Dei offensione vitare non poterant, peruicere, & illæsum atque illibatum Dei amoris monile retinere. Deinde autem omnia illa damna constanter subiere, vt is, quem singulariter diligebant, verus Deus agnosceretur, & coleretur vt Deus. Dæmon autem, qui debitum illi honorem sacrilegus rapere conatur, animasque illi addictas ad se traducere, pulsus fugatusque abiret in malam crucem.

In Martyribus agnoscipotest.

CAPVT IV.

Malè credi zelum diuinum, qui scientia vacuus sit, ac prudentia.

MVNDI malè nota vanitas suos amatores inducit in fraudem, qua serò cognita, illud Sapientis vsurpant, Errauimus à via veritatis, & iustitia lumen non luxit nobis. Lassati sumus in via iniquitatis, & perditionis, & ambulauimus vias difficiles, viam autem Domini ignorauimus. Eodem modo diuinus Amor & zelus illius parum sapenumero agnoscuntur, eò quòd sui ipsius Amor, qui verus est probitatis simulator, se pro diuino amore venditat, eiusque se zelum habere mentitur. Hic ipse amor impiter Iudæos fefellerat, quibus testimonium perhibet Apostolus, eos emulationem Dei habere, sed non secundum scientiam. Cum enim singulari studio ferrentur in obseruationem Mosaicæ legis, idque stultum putarent esse diuinum, longè fallabantur. Cum enim Euangelio, & fidei in Christum repugnarent, ipsam Dei legem impugnabant. Amorem porro proprium hunc zelum incitasse, docet idem Apostolus, cum ait eos propriam iustitiam stabilire voluisse.

I. Zelus imprudens & imperitus. Sap. 5.6.

Qualis Iudæorum fuit Rom. 10.2.

Non dissimilis fuit zelus principis sacerdotum, & Saducæorum, atque adeò Sauli aduersus Apostolos, qui Christum à mortuis excitatum publicè profitebantur, quos comprehensos in vincula coniecerunt. Pars fuit ille quoque zelus, qui Antiochiæ Pisiæ concallescere Iudæos, ad resistendum Paulo & Barnabæ, qui negabant vi Mosaicæ legis peccata remitti, sed eam gratiam Christo Domino, ac legi Euangelicæ re-

II. Declaratur exemplis. Act. 5.17. Act. 13.14. 38.45.

seruatam fuisse docebant. Hac ergo illi æmulatione concitati, Christi fidem execrati, dederunt operam vt Apostoli de sinibus eorum eicerentur. Rursum Theſſalonicæ Iudæi contra Paulum & Silam eodem impulsore zelo turbas concitarunt, quòd Iesum promissum in lege Messiam esse faterentur; eadem vñ calumnia, qua patres eorum apud Pilatum. Affirmabant enim Apostolos Iesum regem instituire velle, contra decreta Cæsaris. Hunc illis zelum Paulus exprobrat scribens ad Theſſalonicenses, affirmans improbam hanc gentem, eodem zelo, quo Iesum occiderant, & Prophetas, etiam persequi Apostolos, & impedire ne Christi fidem gentibus annuncient, per quam saluæ fiant, *vt impleant peccata sua semper*, & seipſis perpetuò deteriores euadant. Eorum etiam zelum accusat scribens ad Galatas, quod qui ex gentibus erant, Christianos, vellent à Christo ad Moſem, ab Euangelio ad Iudaicos ritus traducere, vt eos haberent discipulos, atque sectatores.

III. Ad zelum scientia & prudentia destitutum, filiorum Zebedæorum meritò referre possumus, vt quem scimus à Domino reprehensum. Cùm enim Samaritæ Christum Dominum apud se recipere noluiſſent, zelo moti pro suo præceptore discipuli, Domine, inquit, vis vt ignem de cælo euocemus, vt consumat eos? Eliæ videlicet recordabantur in non dissimili negotio. At Iesus conuersus increpauit illos dicens, *Nescitis cuius spiritus estis. Filius hominis non venit animas perdere, sed saluare*. Eodem referre possumus & Carpi Cretensis zelum, quem refert Dionysius ille Areopagita: Carpus Ethnicum quendam ad Christi fidem, ab idolorum cultu traduxerat. Sed cum mox quidam eius socius ad pristinam reduxerat impietatem. Hic Carpus præter solitum commotus, à Deo contra vtrumque singularem postulabat animaduersionem, quæ similia peccantibus esset exemplo.

IV. Sensit illicò totam, in qua tunc erat, quatefactam domum, eamque visum eius. mox videre sibi visus est bipertitò diffundi, & ingentem flammam coactus ad se vsque descendere; vidit quoque Secuatorem cum multa Angelorum in humana forma frequentia. Cùmque deorsum intueretur, vidit apertum Tartarum, & ad eius oram duos illos miseros trepidantes, lapsantes, & in ruinam pronos: multi enim serpentes eorum pedibus implicati erant, multique homines lateribus affixi, qui eos deturbare conabantur. Quæ cùm Carpus libenter aspiceret, eos ipse quoque irritò licet conatu, impellebat ad casum. Tum demum Christum vidit cum Angelis suis, qui protensa ad illos manu, præcipitantes studiosè retinebant. Christus autem ad Carpum conuersus, *Me quoque, inquit, percutite. Nam etiam nunc paratus sum pro hominibus pati. Vide autem an malles in Tartaro cum serpentibus voluari, an in cælo, cum Deo sanctisque Angelis versari*. Quasi diceret. Itaque

ne diligis proximum tuum, sicut teipsum? In eo debet elaborare zelus tuus, ut peccatores lucrificas, & cælo inferas, quo tu quoque libenter venturus es, non ut me prouoces ad sumendas de peccatoribus pœnas. Adiunge operam tuam auxilio, quod ego illis impertior, nec inferorum serpentibus, aut cætorum improborum studiis, ad interitum peccatorum faue.

Permitte obsecro, inquam, ut à te scisciter, rectumne esset Carpi huius desiderium. Quid ego, inquit Amor zelotes, probare possum, quod Magnus Arcopagita non probat? Ait enim rectius fuisse Carpum pro vtriusque conuersione laborare, dum hanc vitam ducebant, quam debitas peccatis eorum procurare pœnas. Quin & ipse Seruator ostendit, inconsultum fuisse huiusmodi zelum, cum in contrarium niteretur, illos ipsos tolerans ac sustentans, quos Carpus præcipites agere cupiebat. Simul etiam illi ostendit, Sathanæ, seruorumque eius conatibus ac studiis ipsum operam dare: quamuis vtriusque consilia diuersa essent. Dæmon enim animas illas cupiebat perditas. Carpus autem Deo factam iniuriam punitam optabat, quod natura sua rectum est, idque peccatores illi premeriti erant: id tamen optare non licet, cum sciamus Deum, quandiu illos retinet in uinis, nolle eos inferorum suppliciis addici, optare potiùs ac procurare ipsorum salutem.

Adde quod non ignoramus alterius vitæ pœnas, à præsentibus longo intervallo distare. Hæ siquidem ad emendationem rei, & ad innocentem exemplum, ut plurimum utiles esse possunt. Supplicium autem inferorum, merum ac summum est peccatoris malum, & immutabile impedimentum summi boni, ad quod dum uiuit idoneus esse potest, quodque fortasse reuera consecutus est, si Deus illum singulari quapiam gratia, ac miseratione præueniat. Quot putamus olim in Ecclesia viros bonos extitisse, qui Saulo, instar lupi rapacis Ecclesiam deuastante, vehementer optabant, ut Deus cælitus fulmen intorqueret in eius caput, quo & corpus humi, & animus Tartaro affligeretur. At Seruator qui magnam facere iacturam in hac tempestate videbatur, quique alia omnia animo destinarat, idem illis fortasse dicebat, quod pridem filiis Zebedæi, *Nescitis quid petatis*, aut, *Nescitis cuius spiritus estis vos*. Aut quod postmodum Ananix, qui sibi ab hoc lupo metuebat. Alius est hic ab eo, quem tu putas. Elegi quippe ipsum, *ut portet nomen meum coram gentibus, & regibus, & filiis Israël*.

Inconsultus itaque ac præceps erat ille zelus, & ad illam regulam exigendus, quam suprema veritas, & verbo docuit, & exemplo, *Fiat voluntas tua*, &, *Si fieri potest transeat à me calix iste*. Quæ voluntas nihil propositum habet, quam peccatorum, dum viuunt, lus,

V.
Carpi zelus
expenditur.
A V T O R.

VI.
Zelus primorum
Christianorum
contra Paulum.

VII.
Quicorrigendus
huiusmodi
zelus.

2. Theſ. 4. 3. conuerſionem, & dum ad illam, ipſo miſerante, expectantur. *Hæc eſt enim voluntas Dei*, inquit Apoſtolus, *ſanctificatio veſtra*. Quin & olim toties per Prophetas profeſſus eſt, nolle ſe mortem peccatoris, ſed velle vt conuertatur & viuat.

VIII. Quid ſi, inquam, ſclerati alicuius proſperitas in perniciem multorum proborum redundat, nõne de ea contriſtari fas eſt? nõne aliquam illi optare calamitatem? nõne procurare? Certum eſt, ait Amor zelotes, iuxta ea quæ diximus, alterius vitæ damna illi deſiderari non poſſe, poſſe autem res aduerſas vitæ huius, quæ illum impediunt ne alteri damnum, & Deo iniuriam inferre poſſit, quod illi ipſi peccatori expetendum eſt. Licet & lætari, ubi talis illi quæpiam calamitas contigerit, fraterna charitate minimè violata. Illi autem procurare perniciem, niſi per magiſtratus, & leges in Republ. conſtitutas, minimè licet. Sed placet Magnum audire Gregorium. *Euenire plerumque ſolet, vt non amiſſa Charitate, & inimici nos ruina latificet, & rurſum eius gloria ſine inuidia culpa contriſtet: cum & ruente eo quosdam bene erigi credimus, & proficiente illo pleroſque iniuſtè opprimi formidamus.*

1. 22. Mor.
c. 11.
D. Tho. 2. 2.
q. 36 ar. 2.

CAPVT V.

Exempla diuini zeli ex veteri lege deprompta.

I. **D**I X I M V S diuinum amorem, & ex eo proſectum zelum in amore cupiditatis ac beneuolentiæ reperiri poſſe. Sed quia ille minus notus eſt, minùſque frequens, & facile ad aliam aliquam virtutem referri poſeſt, de eo ſileamus. Illud tamen non omittamus, amorem iſtum diuinum, qui in hominibus reperitur, eiuſque zelum, longè ab humano, mundanòve diſtare. Neque enim ſponſa æquo animo ferre poſeſt, aliam quampiam à marito diligi, non ignara fore vt ipſa tantò minus à coniuge diligatur. Dei autem ſponſæ vehementer optarent omnes mortalium animas illi eſſe quàm chariſſimas, eumque ſingulas in oculis ferre. Sciunt enim ſponſi ſui amorem nullis finibus circunſcribi: ideòque non magis decem millium amore quàm vnius exhauriri poſſe, nullumque adiri ex multitudine periculum, ne quam fortè negligat, aut obliuiſcatur.

II. Videamus ergo ſi placet, quì olim in lege Moſaica viri ſancti pro Dei gloria zelo incaluerunt, & in ipſo Moſe in primis rem conſtemplemur; id eſt in eo viro, de quo verè ſcriptum eſt. *Erat Moſes vir mitiſſimus ſuper omnes homines, qui morabantur in terra. Cum tamen ille de monte deſcendiſſet, in quo quadraginta diebus eum*

I. Amor & zelum diuini concupiscentie. differt à naturali.

II. Zelus amicitie in Moſe. Num. 12. 3.

Deo familiariter egerat, videretque populum à Deo suo perfidiosè de-
sciuisse, eiuſq; e loco vitulum aureum collocasse hostias immolasse, di-
uinos ei honores tribuisse, tanto pro Dei gloria zelo accensus est, vt pri-
mò tabulas legis, Dei digito exaratas, in terram proiectas confringeret,
ratus indignum, cum populum Dei leges habere, qui Deum deseruisset:
ratus quoque hoc publicum testimonium dandum esse indignissimi faci-
noris, quo diuina maiestas fuerat violata, quo modo solebant vestes, in
aliqua insigni Dei iniuria, lacerari. Secundò nouum hunc Deum in igne
coniectum, & turpiter deformatum contriuit vsque ad puluerem, quem
sparsit in aquam, & adoratoribus suis dedit in potum; denique tria &
viginti reorum millia leuitico gladio trucidauit, atque ita Dei zelo inci-
tatus iniuriam Deo factum ab hoc populo, aliquo modo vltus est.

Laudat Deus ipse zelum Phinees filij Eleazari Pontificis, & nepotis
Aaronis, propter publicam cædem ex Dei zelo perpetratam, aduersus
vnum de principibus populi nomine Zambri: qui neque Deum reueri-
tus, neque homines, in oculis ipsius Mosi ac populi vniuersi, ad Madi-
anidem fuerat imprudenter ingressus, & reliquo populo vel exemplo
erat ad nequitiam, vel propugnaculo. Qui cæteris fortasse præiuerat in
profanorum sacrificiorum esu, & ne delicias suas contristaret, in adora-
tione simulachrorum, quibus etiam profani seipsos, in cumulum impro-
bitatis, consecrant. Tam gratus igitur fuit Domino hic zelus, vt Phi-
nei vindici diuini contemptus, & publicæ offensionis, sacerdotium pro-
mitteret sempiternum, eodémque facto suam à populo iram auersam
testaretur.

Notissimus est Dauidis adhuc adolescentis contra Goliathum Philis-
tæum zelus, in gratiam populi Dei, & exercitus eius, cui profanus ille
insultabat; quod probum in Dei contumeliam, qui se Israëlitarum pro-
tectorem profitebatur, vtique redundabat. Testis illa zelo plena Dau-
dis oratio. *Quid dabitur viro, qui percusserit Philisthaum hunc, & iule-
rit opprobrium de Israël? Quis enim est hic Philisthaeus incircuncisus, qui
exprobrauit acies Dei viuentis?* Nec irritus fuit hic Dei zelus: dedit enim
Dominus Dauidi eam victoriam, quam omnia deinceps secula locuta
sunt, & loquentur.

Minus notus est Saulis zelus pro Domino, nec minore tamen prædi-
catione dignus. Cum enim Dei in populum suum iram, ob admissam
ab eo culpam aliquam, certò cognouisset, solenni iureiurando se ob-
strinxit, fore se ultorem criminis, illudque, vel ipsum principem Iona-
tham, capite luiturum, si deprehensus esset in culpa. *Videte*, ait Am-
brosius, *quanta apud Saulem regem fuerit religionis obseruantia, qui offen-
sum Deum optauit etiam parricidio mitigare.* Fuit hic zelus Diuini ho-
noris mirum in modum potens, qui natium regis amorem in primoge-
nitum suum, iuuenem ætate florentem, regni heredem, eumque egre-

III.
In Phinee.

IV.
In Dauid.
1. Reg. 17.

V.
In Saule vo-
lens occidere
Jonathan.
1. Reg. 14.
37 &c.
Fer. 6. de
Quad.

gium bellatorem, ac proximo è prælio victorem, potuit expugnare: neque minus fortasse, Deo gratus, quam decantatum illud Patriarchæ sacrificium; vterque enim paratus fuit morti tradere filium suum, vnus obedientia, & alter zelo.

VI.

*In Iephte fili-
am sacrifi-
cante.*

Iud. 11. 29.

vide a. m.

2850. n. 7.

8. &c.

Facinus tam illustre Saülis, Iephtem mihi reuocat in memoriam, du-
cem bello fortissimum, octauum Hebræorum Iudicem. Is contra
Ammonitas expeditione suscepta, instinctu atque inflatu diuino, Deo
vovit, si victoriam de hoste reportaret, se quod primum domo exiret,
sibi que cum pace reuertenti occurreret, oblatum Domino in holo-
caustum. Voto nuncupato hostem adit, inuadit, expugnat, fundit, fu-
gâtque, tanta felicitate, vt illi viginti oppida violentus auferret. Re
bene gesta Iephte victor domum reuertitur. Cùm ecce illi filia vnica
sorte perquam infelici, cum tympanis occurrit & choris. Hic videli-
cet tristissimus Imperator gemit super tam aduerso casu, effusè lamen-
tatur, vestemque dilacerat; quem diuino quoque zelo mota virgo
consolatur, atque ad explendam promissionem Deo factam hortatur.
Ille iure iurando se obstrictum sentiens, diuinam gloriam zelo fer-
uens suæ antetulit orbitati, dùmque Dei honori velificatur, dilectis-
simæ, atque innocentissimæ puellæ se parentem esse oblitus est.

VII.

*Zelo aliorum
præfertur.*

Quid obsecro dici potest de zelo Eliæ aduersus Pseudopphetas,
vel principis Iehu contra domum regis Achabi, vel fortissimorum Ma-
chabæorum contra diuinæ legis perduelles, quod tam heroico Iephte
zelo conferri possit? Ecquis enim non facile gemat cum Eliâ, super ani-
marum ruina, & diuino cultu antiquato? Quis non facile à Deo expectat
populi castigationem, qua ille aliquando à lethargico peccati somno
euigilet? At Deo in sacrificium totam suam consolationem offerre,
omnemque spem sololis, quæ vnica illa filia nitebatur, id verò longè
grauissimum est, atque durissimum. Ergo in luctu reliquum vitæ trans-
egit, solus, & viduus: quam vitam apparet ab ista calamitate vche-
menter fuisse contractam. Quadriennio enim duntaxat à filia cæde vixit;
quod ipsum tamen tempus credibile est non sine diuina consolatione
traductum, quam Dominus homini consolationis experti suggerebat,
quique Dei cultum toto regno fortiter constantèrque sustentabat. Sed
redeamus ad Eliam.

VIII.

*Zelus Eliæ
Propheta.*

Hic Propheta magno cum zelo & constantia Deum orans exaudi-
tus est, & obtinuit trium annorum cum dimidio terræ siccitatem: quæ
pœna populum disposuit ad fidem habendam concionanti Eliæ, qui
eum de cœlestium virgarum causa docuit; & ignis cœlitus delapsi pro-
digio, ad consumendum sacrificium suum, fraudes & simulationes
prophetarum Baal patefecit, populumque ad eos perdendos ani-
mavit: eoque piaculo propitiatus est Dominus. Id videlicet Iezabe-
lem egit in furem, Eliam autem in fugam: qui cùm ipsos quadra-
ginta dies, alia ex aliis deserti loca anxius adiisset, Deum habuit conso-

latorem, cui & fugæ causam patefecit, Zelo, inquit, zelatu sum pro Domino Deo exercituum; quia dereliquerunt pactum tuum filij Israël, altaria tua destruxerunt, prophetas tuos occiderunt gladio: derelictus sum ego solus, & quarunt animam meam, ut auferant eam. Zelus idem Prophetam incitabat, ut & mortem fugeret, & eam à Domino postularet; fugeret, ne ipso mortuo nemo superesset, qui veri Dei cultum sustentaret; itaque Dominus, quàm primùm ei dedit successorem Eliseum: postularet autem, quia ad zelum pertinet, inundante peccatorum malitia, cui non possis occurrere, mortem optare potius, quàm tot iniuriarum in Deum fieri spectatorem.

Repleuit quoque zelo Dominus Iehu principem exercitus Ioram Regis, eique dedit regnum Israël, ut improbissimi Achabi familiam funditus deleteret. Ergo cum sociis aliquot coniuratione facta, exercitum in perniciem Syriæ destinatum, in Ioramum conuertit infestus; quem cùm occupasset cum Ocholia rege, vtrumque sustulit, sed priorem in agrum Nabothi proici iussit, à volucris ferisque lacerandum. Impiam Iezabelem è fenestra deiici iussit in præceps, equorum vngulis proculcandam, Achabi filios septuaginta in Samaria præcepit interfici, & eorum capita ad se deferri, quod & factum est. In Israël omnes ciuitatis optimates, qui Achabum affinitate aut consanguinitate contingerent, interfecit: moxque duos & quadraginta viros fratres Ocholiæ, qui se in camera pastorum abdiderant, in cisterna iugulari præcepit. Quin & vniuersos Baalis in Samaria sacrificulos, adeoque toto in regno Israël, quorum erant vtrique multa millia, in templo conclusos militari gladio concidit, templum, statuasque Baalis euertit, aliæque è re diuina gessit. Quem zelum Deus ipse commendauit, & quatuor regum de stirpe sua successione muneratus est.

Possẽm huc referre zelantem pro lege diuina Mathathiam, omnẽsque liberos eius, domi militiæque clarissimos; possẽm & mirabilem illum Eleazarum, non virtute minùs quàm ætate venerabilem, & septem illos iuuenes, qui cum matre sua, in eadem palæstra fortissimè decertarunt, pèrque horrendos cruciatus tyrannum vicerunt. Vnus enim fuit zelus diuinæ legis, qui eos compulit ad detrectandum magistratus imperium, & vim tormentorum contemnendam. Sed hæc virtutum exempla nobilissima, iam alia occasione superius libata omittamus, ut zelum aliquorum Dei amicorum in Euangelica lege consideremus.

3. Reg. 19.
10.

IX.
Et Iehu contra Achabi familiam.
4. Reg. 9. & 10.

X.
Et Machabæorum.

CAPVT VI.

Exempla diuini zeli ex lege noua deprompta.

I.
Zelus S. Iosephi uerè
diuinus.
Vide a m.
405. n. 72.
& seqq.

AD hunc ordinem zelum, aut zelotypiam S. Iosephi, pro sponsa sua beatissima virgine meritò referre possumus. Ad honorem quippe filij Dei referebatur, cuius sacrosancta conceptio hac ratione illustrata est. Præterquam quod Sanctus iste sponsus longè aliter erat, quàm cæteri coniuges, de sua vxore sollicitus. Nam cæteri sibi vnusvxo- res suas addictas volunt. Ipse autem vni Deo, cui se illa deuouerat, conseruatam cupiebat sponsæ integritatem. Hanc enim vnam ob causam Deus ei Virginem desponsam esse voluerat, vt scriptores omnes Catho- lici profitentur. Itaq; cum Apostolo Paulo iure dicere poterat, *Emu- lor eam Dei emulatione. despondi enim eam vni Deo, virginem castam ex- hibere Christo.* Itaque suspicio, & timor ne fortè Deum offenderet, vo- tùmque violasset, non propria ipsius causa cum vehementer angebat, cuius angoris pars maxima in Virginem redundabat.

II.
Latius ex-
plicatur.

Tertio enim mense ab incarnatione Verbi, quod tempus S. Virgo in famulatu S. Elizabethæ consobrinæ posuerat, natòque paruulo præcur- fore, reditum illa parabat ad sponsum, quem, vt credi par est, præmo- neri curarat, vt ille quamprimum ad se domum reducendam veniret, haud ignara tempestatis imminantis; quin etiam ex intimo corde inge- miscens, super tentatione, & perturbatione iustissima dilectissimi spon- si sui, & super opinione incontinentiæ illius, quam agnosceret ferre vte- rum, cum ipse nihilominus conscius esset continentiæ suæ. Deum ergo rogat impensius, vt de hoc toto negotio ita statuatur, vt res ad maiorem ipsius gloriam cedat. Admirans interim diuinam eius providentiam, quæ ad eam diem S. Iosephum de diuino Incarnationis mysterio igna- rum esse voluerat. Nam Virgo, pro demissione animi sui, ne sponso quidem suo Angelicam annunciationem, cæteraque, quæ fuerat subse- cuta, nunciauerat, quòd ea tota res ad singularem eius gloriam redunda- ret. Ac ne cognatæ quidem se ipsa aperuit, sed res illi à Spiritu sancto patefacta est.

III.
Quàm an-
xius Iosephi
animus.

Cùm primùm ergo S. Ioseph suspicatus est dilectissimæ coniugem vterum ferre, expauit, incertus animi quid diceret, faceret, cogitaret. Hinc enim sanctissimam in coniuge vitam obseruabat, omnia eius ver- ba, motus, actiones singularem spirare modestiam ac sanctitatem, inno- centiam, demissionem animi, continentem cum Deo familiaritatem, quæ omnia cum suspitione ista vehementer pugnabant. Inde autem quò fieri posset vt suis ipse oculis non crederet, quibus vxoris grauiditas cla- rior ac certior fiebat in dies. Dissimulasse tamen illam atque occultasse se exemplo

se exemplo Elisabethæ, probabilitate non caret, partim virgineo pudore suadente, partim ne suspitioni coniugis insultare videretur, qui propter suam in illam obseruantiam ac venerationem, sermonem prior ea dere non audebat aperire, neque apud vllum queri, aut æstuantem animum vlla ratione recreare.

Deum immortalem! quàm admirabilis est diuina providentia, in consiliis suis, super filios hominum, quàm abstrusa, penitusque recondita iudicia eius, quæ rectum centuit Elisabethæ reuelare filij sui in vtero virgineo conceptum, cum arcanum hoc illi patefieri non magni tum interesset, occultare autem Iosepho, cuius hæc cognitio vehementer intererat, ne ingentem animo caperet molestiam, & iniusto de vxoris integritate imbueretur errore. O stupendam Dei sapientiam! visque adeo ne placet rebus aduersis amicorum tuorum exercere patientiam, vt ne à sanctissima quidem filij Dei matre, eiusque nutritio innocentissimo abstinere velis, etiam in re, quæ in Verbi incarnati dedecus ingens redundaret, si natus ex adulterio putaretur? Videbat enim diuina illa sapientia, nullam tãtam sanctis coniugibus contingere posse calamitatem, quàm illi æquissimo animo non ferrent, si se mutuo, ad id pondus perferendum iuarent; itaque solerter illam excogitauit molestiam, quæ alterum ab altero distraheret. Nam neque Virgo rei gestæ seriem Iosepho aperire audebat, siue quod ea ad suam gloriam plurimum faceret, siue quod dubitaret an id esset acceptum Deo; neque Iosephus talem audebat inferre sermonem Virgini, cuius sanctitatem eximia veneratione prosequabatur.

Quanto zelo feruebat Apostolorum princeps, pro sibi commissâ Dei Ecclesia, ne qua in eam avaritia, simulatio, ac simonia insinualet sese? Ananias & Saphira eius coniux sponte agrum suum Domino consecrarant, cuius precium, recepto tum more, ad pedes Apostolorum deferre oportebat. Sed Sathan cor eorum diffidentia pertentauit ac vicit, vt partem aliquam Deo consecratæ pecuniæ, sibi in omnem euentum seorsim reseruarent. Res Petro vel diuinitus, vel aliter innotuit: certè Spiritus sanctus huic iudicio interuenit, qui Petri ministerio vsus, illico de vtroque supplicium capitale sumpsit. *Anania*, inquit Petrus, *cur tentasti Sathanas cor tuum, mentiri te Spiritui sancto, & fraudare de pretio agri? Non es mentitus hominibus, sed Deo. Audiens autem Ananias hæc verba cecidit, & expirauit.* Et post tres horas Saphira, quæ fuerat peccati particeps, fuit & supplicij socia.

Valuit hæc pœna in hisce initiis, ad timorem incutiendum omnibus Christianis, & ianuam avaritiæ sacrilegiôque claudendam. Sed in ea nihilominus ostiolum mox aperire conatus est Simon. Is pridem in Samaria non solum magni viri nomen erat adeptus, sed magnæ virtutis Dei, aut viri per quem Deus magna opera perpetraret; quæ tamen erant dæmonum præstigiæ, quæ omnes agebant in stuporem, eo quod multo

III.

*Mira Dei
hec in nego-
tio providen-
tia.*

V.

*Zelus S. Pe-
tri contra
Ananiam &
Saphiram.
Act. 5.*

VI.

*Et Simonem
Magum.
Act. 8. 18.*

tempore eos magis suis dementasset. Sed animaduersis ipsemet veris prodigiis, quæ Dominus S. Philippi & maximè Apostolorum opera patrabat, credidit ac baptizatus est, cupiensque obtinere potestatem edendi vera miracula, ut iure ac meritò Dei virtus dici ac credi posset, obtulit pecuniam Apostolis, ut manuum suarum impositione, Spiritum sanctum conferre posset. At Petrus motus zelo gloriæ Dei, quem Simon ambiciosè sacrilegus, pecuniæ suæ subicere cupiebat, acerbè eum à se, cum hac voce amandat, *Pecunia tua tecum sit in perditionem.*

VII. *Et S. Pauli contra Galatas.* Quid memorem Pauli zelum, ad Galatas in Christianæ fidei puritate retinendos, secluso omni Phariseorum & Iudaicarum ceremoniarum fermento? tota Epistola diuino hoc igne feruet. Testis fulgurans illa eius oratio. *O insensati Galata, qui vos fascinauit non obedire veritati? & rursum, An ex operibus legis Spiritum accepistis, an ex auditu fidei? sic stulti estis, ut cum spiritu cœperitis, nunc carne consummemini? Tanta passi estis sine causa?* Quasi dicat. Vultis ne vobis perire fructum omnium, quæ ab Ethnicis pro fide Christi passi estis, si ea deserta, ad Iudaismum conuolatis? Qui dedit vobis spiritum Dei, & miraculorum potestatem, an eam dedit in gratiam fidei Christianæ, cui nomen dedistis, an Iudaicarum ceremoniarum? Magna pars epistolarum Pauli nobis recitanda esset, si loca omnia recensenda forent, quibus ille mirabilem Dei zelum prodit; præsertim arguendo schismate, & incontinentia Corinthiorum. Satis nobis erit vnum atque alterum zeli diuini eius exemplum in medium proferre.

VIII. *Et incestum Corinthium.* Primum erit incesti illius atque adulteri Corinthij, qui opibus suis atque autoritate nixus, nouercam publicè concubinam habebat. Hic videlicet Apostoli zelus exarsit, non aduersus reum duntaxat, sed contra cæteros etiam Corinthios, qui in tanto scelere conniuebant, quod grauiore censura fuerat expiandum, & separatione à reliquorum Christianorum cœtu. Quid, inquit, tumetis superbia in varias distracti factiones, quos oportebat humiles in luctu versari, quod tantum crimen etiam impunè reperiatur in vobis. Itaque absens ego corpore, sed spiritu præsens, indicto apud vos conuentu, pro ea potestate, quam dedit mihi Christus Dominus, statuo, ut qui hoc facinus perpetravit tradatur Sathanæ, ut corpore à dæmone diuexato, animus in diuino iudicio non pereat. Quod cum Corinthi, ex Apostoli decreto, perfectum fuisset, magnam attulit illi Ecclesiæ vtilitatem, ut ex posteriore epistola intelligi potest.

IX. *Et Elymam magum.* Alterum exemplum suggerit S. Lucas in Actibus Apostolorum. Refert enim Paulum & Barnabam, cum reliqua Cypro decursa, Paphum peruenissent, incidisse in quendam præstigiatores ex Iudæo magum, nomine Bariesu, qui cum Sergio Paulo proconsule viro prudente versabatur. Cum ergo Proconsul accersitis Apostolis, desideraret audire ver-

hum Dei, resisteretque illis magus, quærens auertere præconsulem à fide, repletus Spiritu sancto Paulus, intuens in eum, verba diuino concalefacta zelo profudit. *O plene omni dolo, inquit, & omni fallacia, fili diaboli, inimice omnis iustitiæ, non desinis subuertere vias Domini rectas; Hæc ille peccabat, sed audi supplicium. Et nunc ecce manus Domini super te, & eris cæcus, non videns solem usque ad tempus. Et confestim cecidit in eum caligo, & tenebra, & circumiens quærebat cui manum daret.* Profuit ea pœna Sergio, credidit enim, admirans super doctrina Domini, quam zelo ac miraculis potens Apostolus nuntiabat.

CAPVT VII.

Diuini amoris in Christo zelus, in tenera primum eius ætate.

LATIVS omnino diducere liceret hoc argumentum, ait Amor Ze-
lotes, si liberet in varias multorum Dei famulorum actiones, Dei
zelo animatas excurrere; sed meipsum reuoco atque retineo, ne patientia
peritiorum abutar. Itaque satis erit iis, quæ dicta sunt hæcenus, pauca
quædam de zelo Seruatoris addere, qui Sanctus sanctorum est, & zelo
supereminet ac supergreditur vniuersos. Sicut enim omnes in Deum
& proximum charitate vincit, ita & zelo, qui magnitudini amoris pro-
portionem respondet. Hæc enim est calor ardentior, quod maius fuerit
incendium; tanto autem maius esse debet, quanto grauiores habuerit
difficultates peruincendas. Seruatoris autem amor omnes debebat
complanare difficultates, quæ occurrebant in peccatoribus omnibus
Deo reconciliandis, & dæmonis, Mundi huius tyranni, studiis ad
nihilum redigendis. Ex quo facile intelligi potest quantus fuerit in Ser-
uatore diuinæ gloriæ, & salutis animarum zelus. Eius nihilominus sin-
gularia quædam exempla, ab eius initiis exoriri proferamus.

Ab ipsius enim in mundum ingressu, satis ostendit infenso se animo
esse aduersus improbissimum illum adulterum, qui animas ab amore &
cultu legitimi earum Domini, sponsique amantissimi auertebat, sibi que
scortorum more mancipabat: quod ipse tot sæculis per prophetas suos
querebatur. Imo qui animæ oculos exculpebat, ne vciū sponsum
agnosceret, eiusque loco ligneum aliquod, aut lapideum simulacrum
affabrè factum dementissimè collocaret, aut minore paulo dementia, So-
lem, Lunam, aliumve aliquem de planetis, aut stellis in firmamento fixis.
Ab ipso ergo suo in mundum ingressu, ostendit se ardere zelo aduersus
auctorem idolatriæ, quæ totum terrarum orbem flagitiosissimè occu-
parat. Et quoniam responsa dæmonum, quæ ipsis ex simulachris funde-
bantur, eam fouebant; illique conciliabant auctoritatem, eis Dominus

I.

*Magnitudo
zeli Christi
præ cæteris
sanctis.*

II.

*Zelum con-
tra Satanā
quàm primū
ostendit.*

*Eum mu-
tum reddēs.*

oraturus obstruxit, nec loqui sinebat, nisi ad eius existimationem conuellendam. Notum est enim quid Augusto responderit, post hecatomben Apollini, cui templum in palatio suo construxerat, sacrificatam, ut alia occasione dictum est superius.

Niceph. l. i.
c. 17.

L. 10. c. 9. n. 3

III.

Euerit eius
simulachra.

L. 37. a. v. c.
690.

L. 43. à med.

IV.
Subditos ei
subtrahens.

Ser. 2. de
Epiph.

V.
Idola in Æ-
gypto pro-
strata ex Pa-
tribus.

Ca. 19. 1.

Ac ne ortum quidam suum expectauit, ad bellum illi mœcho inferendum. Necdum enim natus, quasi præludio statuas eius euertebat, altariaque demoliebatur, illo ipso in loco, ubi dæmon altiora iecerat tyrannidis suæ fundamenta. In Capitolio enim, ut scribit Dio, plurimæ statuae de cælo istæ sunt fulmine, ac liquefactæ difflexerunt; aliæ autem magno numero disturbatæ; & nominatim Iouis simulachrum, quod columnæ insidebat. Illius etiam lupæ, quæ suo Romulum & Remum lacte nutrierat, & una cum ipsis apothecosim consecuta fuerat, signum disturbatum est. Multa id genus prodigia in diuersis imperij Romanil locis contingere, quæ piguit obseruare. Nam, ut autor est Liuius, ipse ætate nemo ultra obseruare huiusmodi prodigia, aut notare curabat, quod non crederent Deos quidquam sinistrum, aut ominosum præmonstrare velle. Credebant potius cum Epicuro, diuinam prouidentiam in rerum humanarum gubernatione dormire, aut eam curam penitus abieciisse.

Zelus idem mox ab ortu Seruatoris apparuit, cum stellæ recentis exortu, tres ab Oriente principes, primitias gentium traxit ad se, qui non solum imperium tenebrarum principis detrectarunt, sed suos etiam subditos, amicos, cognatos, necessarios ad eandem defectionem traxerunt. Neque enim dubitandum est, dato perhonorifico Hierosolymis de noua Iudæorum regis natiuitate testimonio, eoque in oppido Bethleem adorato, ubi diuino Spiritu repleti sunt, quia ad suos reuersi Apostolorum & Euangelistarum officio perfuncti fuerint, aut certe præcurorum ipsorum, ad ruinam idololatriæ, & probrum æmuli diuinæ maiestatis. Nec eo contentus Seruator, iam tum voluit ipsum iusto futurorum timore perterrefacere, facta excursionem in Ægyptum, antiquissimam superstitionis speluncam. Tum autem, ait Leo Pontifex, etiam Ægypto Saluator illatus est, ut gens antiquis erroribus dedita, iam ad vicinam salutem, per occultam gratiam signaretur, & quæ nondum eiecerat ab animo superstitionem, iam hospitio reciperet veritatem.

S. Athanasius in libro de Incarnatione Verbi testatur ad Christi in Ægyptum aduentum idola corruisse: quod ille maximè omnium scire potuit, qui tot annos vixerit Alexandrinus Patriarcha. Quis, inquit, antiquorum iustorum, aut regum in Ægyptum descendit, ad cuius presentiam idola collapsa fuerint? Eo descendit Abraham, stetit tamen Idololatria; ibi natus est Moses, nec propterea extincta est superstitio, nec sublata fuisset hactenus, nisi Dominus indutus humano corpore, quasi leui nube deuectus eò penetrasset. Alludit sanctissimus hic Præsul ad illud oraculum Isaïæ. Ecce Dominus ascendet super nubem leuem, & ingreditur Ægyptum, &

commonebuntur simulachra Aegypti à facie eius. Quem locum ita intellexerunt Cyrillus Hierosolymitanus, Eusebius Cæsariensis, Procopius, Anselmus, & Magnus Origenes, qui explicanda iussione Angeli defuga in Aegyptum, in hanc fore orationem excurrit.

Fuge nunc in Aegyptum, ait. Quare in Aegyptum? propter multitudinem, quæ ibi est idolorum, abominationumque multarum, ut destruantur manufacta eorum, ut confringantur & pereant idola isidorum, turbentur demones, & regum fabrica in idolis destruantur; ut fiat in aduentu Domini fugitiuorum seruorum, atque malorum interitus. Fuge in Aegyptum, ut impleas quæ dicta sunt. Ecce Dominus sedet in nube pusilla, &c. Et mox, Fuge in Aegyptum, ut fugiant de Aegypto qui ibi sunt demones, ut appropient ibidem Angeli sancti, qui Deum consequuntur, qui Sanctis iunguntur, ut pro multitudine templorum, atque abominationum multarum multitudo exuberet Ecclesiarum, pro idolorum turbis, turba abundet fidelium atque colentium Dominum; pro vitiis & erroribus multis, multa castitas, multi-que sanctitas superabundet, multi-que virginitas. Hæc & alia pluribus vir ille magnus, ad futura præludens.

At Rufinus & Palladius, quæ facta essent, atque etiam tum fierent, referunt. Scribunt enim vidisse se in Thebaide, virum insignem nomine Apollonium, quingentis religiosis præpositum, iuxta Hermopolin habitantem, de qua per manus proditum est ad posteros, eam esse urbem, ad quam Seruator cum matre Virgine, ac nutritio patre, iuxta Esaiaë vaticinium venerat. Ibidem se vidisse aiunt templum in quo ferebatur ad ingressum Christi omnia idola corruisse, & contrita esse. Idipsum deinceps passim creditum est, ac confirmatum à præstantibus viris, Anselmo, Antonino, Bonaduentura, & autore historiæ Scholasticæ, qui illud quoque traditum prodit, sicut in egressu filiorum Israël, nulla fuit in Aegypto domus, in qua non iaceret mortuus, ab Angelo percussore interfectus; ita nullum fuisse in Aegypto templum, in quo ad Seruatoris ingressum, idolum aliquod non fuerit à sua sede disturbatum, atque confRACTUM.

Catech. 16.
1.6. demonst.
c. 20. Hom.
3. in diuina
fos.

VI.

Præsertim
Origenes.

VII.

Alia testia
monia de
idolorum
ruina.

1.2.c.7.
1.8. c. 52.
in c. 2. Mart.
1. p. t. c. 1.6.
4 in vita
Chri. c. 12.

Exod. 12. 30

CAPVT VIII.

Zelus Seruatoris in vite ipsius progressu.

CV M autem deinceps aduenisset tempus illud, quo se mundo concionibus, miraculisque patefecit, suū in demones, eorumque fautores ac flagitiorum socios zelū manifestò prodidit, illudque firmavit oraculum, *Nunc iudicium est mundi, nunc, id est deinceps, princeps huius mundi, quamuis iniustissimo titulo princeps, eiicietur foras. Eiicietur autem, & à corporibus, quæ hospes possidebat infestus, & ab animabus,*

I.

Damones ex
corporibus &
animabus
puls. ab ipso.
Ioan. 12. 31.

quæ remisso profligata vitæ nuncio, pœnitentiam agebant. Quanta vērō cum autoritate, quam imperiosè exigebat? Erat qui ipsi cum laudatione adularetur, quem ille obmutescere iussit, & exire ab homine, quod dæmon nihil cunctatus, cum omnium admiratione executus est. Sed eiecit aliquando millenos, quos in sua potestate sic habuit, ut ne in porcos quidem, iniussu illis suo demigrare liceret. Utque eos afficeret maiore molestia, ita energumenis sanitatem reddebat, vsumque membrorum, ut maiore simul misericordia, animas peccatis ægras curaret.

II. *Eiusque discipulis c. 10. 17. &c.* Ut autem eis oculi magis dolerent, non contentus illos propria iussione exturbare, eandem discipulis suis potestatem dedit. Scribit enim Lucas regressos cum gaudio discipulos, qui præceptori nunciarent, in eius nomine dæmones expelli. Quam potestatem ipse in hæc verba confirmat. *Ecce dedi vobis potestatem calcandi supra serpentes, & scorpiones, & super omnem virtutem inimici, & nihil vobis nocebit.* A resurrectione quoque vniuersam Ecclesiam alloquens, eique potestatem miraculorum impertiens, primo statim loco eiiciendorum dæmonum potestatem ponit. Quò facto eos vexauit acerbius, quàm si omnes misisset in tartarum. Quanta enim indignatione cruciatur eorum superbia, cum vident puerulum, aut puellam longius eos à se fugare, cum lustralis aquæ guttula, cum particula ceræ consecrata, cum inuocatione Iesu nominis aut Mariæ, cum signo crucis, in aëre, aut in fronte figurato. Quò eos dolore ardere credimus, cum tantilla particula liplanorum sancti alicuius, cum capillus vnus, cum subscriptum epistolæ nomen illos excruciat, abigit, exprimitque propriæ confessionem infirmitatis.

III. *Zelus contra Scribas & Phariseos. Matt. 23. v. 33.* Vide præterea zelum Seruatoris in gratiam animarum, aduersus eos, quos S. Præcursor & Christus ipse serpentes vocabat, ac genimina viperarum; Scribas, inquam, ac Phariseos hypocritas, malorum parentum progeniem vitiosiore, Satanæ imitatores, operasque mercenarias, qui cœli portas hominibus obstruebant, sic ut nec ipsi illuc intrarent, nec reliquos intrare sinerent; qui ut dicebamus, circumibant mare & aridam, ut discipulum aliquem propriis erroribus imbuerent, ac moribus nequissimis informatos, duplo redderent gehenna digniores. Quanto ergo zelo in illos inuadit Seruator, in quos, in vno eodémque sermone, octies fulmen maledictionis intorquet? Qualem se præbet in eos, qui se paruulis lapides offensionis præbent, & verbo vel exemplo in peccata præcipitant, æternamque cladem? *Va, inquit, mundo à scandalis. Neceesse est enim ut veniant scandala: verumtamen va homini illi per quem scandalum venit,* longè quippe maius supplicium illum manet, quàm si alligata ad collum eius mola asinaria demergeretur in profundum. Quid illum memorem pro Dei templo zelum, quo semel iterumque eos expulit, qui illud prophanum habebant, & domum orationis in do-

IV.
Et pro Dei templo zelus.

nam negotiationis commutabant: primo quidem sub initium concionum eius; secundo sub earum finem, ipso sui triumpho die, & sexto ante supplicium crucis: facinus vtrumque fuit profecto mirabile. Quid enim admirabilis fingi potest, quam hominem vnum publico ex loco plurimam euentium ac vendentium turbam ignominiose expellere, & effundere, mensas euertere, boues & columbas extrudere, turbare omnia & miscere, nemine vim vi repellente. Sed prior illa expulsio plus videtur, habuisse prodigij, quod maiore cum ignominia adhibito flagello eiectioni sunt profani isti mercatores, cum Dominus nundum concionibus ac miraculis esset apud eos auctoritatem consecutus. Is tamen zelus, qui cor eius absuemebat, & in facie rutilabat, omnem illis eripuit, deque manibus excussit resistendi facultatem. Illudque Dauidicum comprobauit, *Zelus domus tue comedit me.* O quanto nunc maiore zelo flagrat Dominus pro honore ac sanctitate mystici templi sui, quod est Ecclesia, pro cuius sanctitate, fuit ipsemet flagellis crudeliter, atque ignominiose cæsus, templo ac ciuitate pulsus, & actus in crucem.

Psalm. 68. 19.

CAPVT IX.

Zelus Seruatoris sub vite finem, & nominatim in sancta Eucharistia.

EC QUIS non miretur Christi Domini zelum pro infelici proditore, vt illum ex dæmonis vnguibus acciperet. Hominem enim admonet, & secreto timore percellit, imminenti calamitate denunciata; conuiuio cum reliquis condiscipulis accipit, non secus ac si pari cum ipsis innocentia præstaret: abiicit se humiliter ad eius pedes, quos abluuit, abstergit, osculatur; corporis illi sanguinisque sui sacramenta communicat. Cumque maxime prodicionem execrandam perficeret, amicum vocat, magnitudinem sceleris suscepti aperit, neque osculum scelerati oris auersatur. Verum tanta fuit obstinatione mentis infelix, vt neque monitio, neque timor, neque beneficium, neque corporis animique summissio, neque comitas, neque manifesti criminis agnitio in ferreum illud pectus penetrare potuerint, aut obfirmati animi mollire duriciem. Vt intelligamus nullam tantam existere posse gratiam, quam obstinata libertas repudiare non possit.

I.
Christi zelus
pro Iuda.

Ecquid obsecro primam illam vocem ex pectore Seruatoris è cruce pendens excussit, *Pater dimitte illis, non enim sciunt quid faciunt.* Nonne zelus animarum? qui quamprimùm vlticem parentis matrem auertit ab vltione, quæ illico eruptura erat in impiorum caput, aut fulminante cælo, aut discedente terra, eosque in sua viscera protinus absorbente. Non prius amicorum suorum aut propiorum

II.
Et pro crucis
figentibus.

etiam dolorum recordatus est, quàm sicariorum istorum, quos præsens scelus urgebat ad interitum. Dum alio interea zelo incitatus pater, in *Exod. 32. 10* gratiam huius noui Moſis diceret, *Dimitte me ut irascatur furor meus contra eos, & deleam eos*, vt maiori te genti, meliorique præficiam. Si enim hæc in populum vituli aurei adoratorem dicta sunt, quidni potiori iure, in vni geniti filij Dei parricidas crudelissimos dicerentur? Et certè delenuit eos de populis, neque enim vltra sunt populus; sed patientis oratio ad annos quadraginta distulit vltionem, intra quos boni atque electi de medio nationis prauæ segregati sunt, quæ natio facta est quasi leopos, in quem diuinæ indignationis iacula torquerentur.

III. Sed mittamus improbam istam, atque inuisam Deo nationem, quæ in auita etiam nunc obstinatione, cordisque duricie perseverat; odiûmque immortale contra suum Messiam infelix exercet; mittamus, inquã, illam, vt de zelo eiusdem Seruatoris in dilectos suos dicamus aliquid, quem in diuinæ Eucharistiæ institutione prodidit. Cur enim factus est quotidianus panis, nisi ex cura & zelo fouendæ conseruandæque amicitia electorum suorum, sicut pœnitentiam instituit, ad eam, vbi interrupta fuerit, instaurandam. Illud certè constat nihil æquè amantem timere, quam ne dilectus mutuum amorem obliteret, aut in eo languescat, atque ita æmulo cuiusdam aditum aperiat, & contra monitum sapientis, veterem amicitiam cum noua permutet. Itaque prior ille amicus, qui veterem amicitiam sartam tectam cupit, æmulis aditum obstruit iis rationibus, quas suggerit Ingeniosus amor; beneficia multiplicat, sui memoriam absens literis renouat missitandis, & præsens salutationum munere crebrius obeundo.

IV. Cùm ergo Seruator probè nosset hominum, quos eximie constanterque diligebat, leuitatem & inconstantiam, timeretque ne longior absentia, & mora in paterna domo, importunam aliquam in sponsa animo immutationem afferret, nève blanda & præsens seculi vanitas, suam suppleret absentiam, & cor sibi quàm iustissimè debitum occuparet, ita suam temperauit absentiam, vt nihilominus continenter adesset præsens, & sponsam quotiescunque vellet, inuideret, tenerè consolaretur, vt se facile à blandis mundi deliciis ablactari pateretur, quæ perpetuò excubant in insidiis, vt occasione data in cor illud opportunè influant, & diuinum in eo amorem interimant. Et inde fortasse contigit, ô sapientissime zelator animorum, vt si quando quis eorum, quorum ipsa ætas diuturnior tuam cum ipsis firmavit amicitiam, in grauiorem aliquam culpam prolabor, vehementiore simul ac suauiore pœnitentia tangatur, & in receptione diuinæ huius expiationis soluatur in lacrymas, omnia antiqua proposita renouet, & amicitiam solito firmitus instauret. Ita se zelus Domini Iesu aduersus istos gerit.

V. Nec minus suavis est eiusdem zelus aduersus eos, qui recens cum eo, repudiata mundi vanitate, ineunt amicitiam; qui maiore præsidio indigent,

indigent, vt opes & copias cum paupertate, honorem cum contemptu, *religiosam*
 carnis illecebras, cum asperiore illius coërcitione, libertatem cum obe- *instituant.*
 dientia, relaxationem animi cum duro labore commutent; quique de
 repetenda Ægypto periclitentur, nisi istarum aquarum amaror, inie-
 cto crucis baculo leniatur, atque dulcescat: aut nisi panis Angelorum
 Ægyptiam farinam suppleat opportunè. E contrariò nonnunquam, etsi *quos desola-*
 dilectus sponsus ab animo studiosè quæritur, dissimulat tamen amo- *tionem probat.*
 rem suam, nullumque præbet suæ præsentis argumentum, non secus
 ac si centum millibus inde abesset, vsque adeò frigida ibi sunt omnia,
 arida, inamœna. An id efficit zelus præteritarum negligentiarum casti-
 gator? an studium fidei & patientiæ exercendæ? An ea est tacita moni-
 tio, vt sincero Deum amore, non eius dona prosequantur? An denique
 desiderium maiorum sponsæ meritorum, vtque mox aptior sit ad acci-
 piendum, maiore cum gustu fructuque, inuisentem Deum.

Sed quantam putamus lætitiā pertentare pectus Seruatoris, sanctas
 illas animas eximiè diligentis, cum eas videt desiderio præsentis suæ
 suspirantes, & de absentia cum amica & spei plena querela lamentan-
 tes: timentes etiam ne propter ingrati animi vitium abdicentur: donec
 ea omni dissimulatione transacta, intimum amorem inter se prodant, &
 incredibili vterque gaudio perfundatur. O Iesu optime maxime, quæ-
 so à te, per zelum illum, quo erga electas multis ex millibus animas affi-
 ceris, vt zelo tui honoris accendamus, & pro eius contemptu tanto mœ-
 rore conficiamur, vt cum Dauide dicere possimus, *Tabescere me fecit*
zelus meus, quia obliui sunt verba tua inimici mei. Da, vt immenso quo-
 dam desiderio cupiamus toto te orbe terrarum pro merito amari, coli,
 honorari. Consumat nos zelus tuus, quòd nostrum pro tua gloria, ita
 languere sentiamus; quem tamen tot tantisque beneficiis quotidie pro-
 uocatum, æquum esset vehementer accendi.

VI.
Nec minus
diligit.

Petitio zeli
huius.

CAPVT X.

Amorem diuinum etiam in ipso Deo zelo abundare.

SI quis zelum diuini Amoris, etiam in Deo ipso vocet in dubium,
 nã ille in sacris literis valde nouus est, atque peregrinus, cui toni-
 truum illud, quod Israëlitarum aures in monte Sina, animosque per-
 culit, non sit audium. Ego sum Dominus Deus tuus, fortis, zelotes, vi-
 sitans iniquitatem patrum in filios, in tertiam & quartam generationem
 eorum, qui oderunt me. Et alibi. Noli adorare Deum alienum, Dominus
 zelotes nomen eius. Deus est amulator. Sed aras eorum destrue, confringe
 statuas, lucerne succide. Zelus idem agnosci facillè potest, si quis vim
 expendat primi illius præcepti, Diliges Dominum Deum tuum ex toto corde

I.
Scriptura
Dei zelotes
testatur.
 Exod. 20. 5.
 c. 34. 14.

Deut. 6. 9.
 Matt. 23. 37

tuo, ex tota animatua, & ex tota fortitudine tua. Nihil enim reliquit homini, quod ad rem aliam diligendam transferre possit extra ipsum; quādo in ipso, & propter ipsum diligendus est proximus, in quibus demones censerī non possunt.

II. Huc pertinet Seruatoris illa vox Satanam à se repellentis, dum diuinitati debitam adorationem à se postularet, *Vade Satana*, inquit, *Scriptum est enim, Dominum Deum tuum adorabis, & illi soli seruiēs*. Pertinet & illud apud Esaiam, *Ego Dominus, hoc est nomen meum, gloriam meam alteri non dabo, & laudem meam sculptilibus*. Et ne latius rem omnibus notam deducamus, plena sunt omnia sacra volumina supplicis, in eos interrogatis, qui debitum Deo honorem vel ambierunt ipsi, vel aliis tribuerunt; ab illo Lucifero, qui primus vexillum extulit huius improbiſſimæ defectionis, vsque ad Hebræos, qui toties sceleratos demones Dei loco adorauerunt, totiesque sceleris eiusdem pœnas grauissimas Deo dependerunt, in Ægypto, in desertis Arabiæ locis, in Chananitide, Iudicum Regumque temporibus, donec pars in Assyrios in perpetuam, pars in Chaldæos ad septuagenariam seruitutem sunt abducti. Hic videlicet est magnus ille zelus, & magna indignatio, qua se Dominus zelatum esse dicit aduersus Sionem.

III. Hic ego, zelum diuinum, inquam, in Scriptura notissimum minimè ambigo, res autem ipsa fortasse minus clara videatur. Zelotypia enim & æmulatio in vitio esse videtur, ideòque Deo, qui nulli vitio obnoxius est, conuenire non posse. Et ut vitio careret, suprema Dei maiestate esset indigna. Tenuiorum enim propria est & pusillorum, qui contemni se timent, præstantiore superueniente; quod habere se credant unde contemnantur. Itaque zelotypia mulierum potius est, quàm virorum. At Deus nulla re cuiquam inferior est, aut esse potest, cum sit summa omnium perfectissimæque natura, cui nihil æquale, nedum superius esse potest. Denique zelotypia pertinet ad amorem cupiditatis, sibi ipsi bonum aliquod sine riuali appetentis. Et Deus homines ut filios diligit, qui beneuolentiæ amor est, veræque amicitiae.

IV. Responſio ad hæc tua obiecta, inquit Amor Zelotes, nec difficilis est, nec illi incognita, qui de hoc ipso argumento, paulò antè præclare philosophatus est; tua tamen obiecta voco, quòd radorum personam in percunctando atque obiiciendo sumpseris. Plura mihi tribuis, mi Amor, quàm pro merito meo; ne tamen negligas obsecro istis dubitationibus asserre lucem. Si enim graues sunt non videntur dissimulanda, si leues tanto facilius eis fiet satis. Dicamus igitur, ait Amor Zelotes, humanos affectus non nisi proportionem ac similitudinem in Deo reperiiri, & ad faciliorem intelligentiam ei tribui, & ab hominibus usurpari. Cum enim dicitur irasci Dominus, non ira vel indignatione commoueri credendus est, sed irasci dicitur, quod ea faciat, quæ irati solent, puniat videlicet, quamuis absque ira, fontes, ut & sapientes Iudices, debita animaduersione castiget.

Alia eiusdē
testimonia.
Matt. 4. 10.
cap. 4. 8.

Vitio omnē
zelum pro-
bat.

Zach. 8. 2.

Obiectiones
contra hunc
zelum.

A V T O R.

I.

2.

3.

IV.
Responſio
generalis.
A M O R.
Z E L.

Sed vt attingamus ista distinctius; zelotypia quæ iustitia nititur vitiosa non est, nisi fortè ex inani aut temeraria suspitione proficiscatur. Mariti zelotypia iustitiæ fundamentum habet, cum aduersus adulterium omni ratione pugnat; Ambitiosi autem non item, cum alium impedit ab eius honoris consecutione, ad quem par ius habet, aut maius; & parem aut maiorem ad eum benè gerendum facultatem. In culpa tamen est mariti zelotypia, cum sine ratione suspectam habet coniugis pudicitiam, non autem si idoneum habeat suspitionis argumentum, quale habuit sanctus Iosephus in beatissima Virgine: humanitus enim loquendo, nihil erat causæ cur illa non in manifesto crimine deprehensa videretur. Suspicio autem ambitiosi de æmulo, eandem secum dignitatem affectante, nulla culpa nititur; cum pati sit iure præditus ad illam ambiendam.

Iam verò zelotypia, quam in Deo cogitamus aut dicimus, iustitia nititur, supremo enim iure præditus est, summum ac singularem à nobis amorem exigendi. Vnicus enim sponsus est animarum nostrarum, eas ipse condidit in vsum suum, eas ornauit ac decorauit sibi; præterquam quod nemo est qui cum ipso possit de dignitate, bonitate, pulchritudine, diuitiis, amabilitate contendere. Quin & maximum est ipsarum animarum bonum, vt illius vnus sint, illum vnum ament, & in ipso, & in omnibus rebus. In eo enim solo perfectam animi quietem nanciscuntur. Suspicio & timor, quæ reddunt maritum zelotypum, in Deo, cui omnia manifesta sunt, esse non potest. Sed suspicio in marito, qui illatam sibi iniuriam certò cognouerit, vertitur in furorem, vt tute superius ex Sapiente referebas; in Deo autem certa cognitio acceptæ iniuriæ vertitur in querelam, quamuis sit sponsus legitimus, & habeat in potestate vindictam. Vtique ad eò patiens est, & mitis; sed minæ querelas excipiunt, & vtrisque vindicta.

Sed placet audire querelas, nihil enim eis non solùm iustius, sed mitius etiam & amabilius. *Popule meus*, inquit ille apud Michæam, *quid feci tibi, aut quid molestus fui tibi, responde mihi*. Vt scilicet me deserto coleres alienos Deos. *An quia eduxi te de terra Egypti, & de domo seruentium liberaui*. An quia *misi ante faciem tuam Moysen, & Aaron, & Mariam*, vt essent duces peregrinationis tuæ? An quia Balaami execrationes & diras, in omina fausta conuerti, contra Balachi regis consilium, & pseudoprophetæ mentem? Si hæc iniuriæ sunt, & his malè de te merui, in culpa me esse negare non possum: sin autem beneficia, quæ est ista dementia, quis furor, vt beneficiis quasi malefactis offendaris, & ad defectionem prouoceris? pleraque in eandem sententiam legi possunt apud Ezechielem Prophetam, quæ ne sim longior omitto prudens & sciens.

Illā tamen zelotypi Domini de populo suo querelam, apud Ieremiam Prophetam, omittere non possum. Sed eam iterum regustare placet.

V.
Zelotypia
quando bona, aut mala.

VI.
In Deo iustissima.

terminatur
in querelas.
c. 2. n. 6.

VII.
Vt patet ex
Michæa.
c. 6. 3.

cap. 16.
VIII.
Et maximè
ex Ieremia.
Sap. 1. 9. 6. 10.

Ier. 2. 9. s.

Non enim minùs in amorem zelotypum, quàm in mansuetum, & placabilem quadrat: èstque eiusmodi, quæ corda mortalium, nisi planè mortua sint, aduersus amantissimum lenissimùmque sponsum. Dominum commiseratione frangat: quâdo iudicium cum populo suo subire non recusat, & ad probandam innocentiam suam, mores suos atque antea vitæ rationes subiicit examini rebellium subditorum. *Iudicio, inquit, contendam vobiscum, & cum filiis vestris disceptabo. Quid inueniunt patres vestri in me iniquitatis, quia elongauerunt à me? Grauibz omnino causis compullos fuisse necesse est, vt amicitiam tam antiquam, tam honorabilem, tam fructuosam, & à me constantissimè cultam diuellerent: ita nihilominus desipuerunt, vt eam sine vlla prorsus causa distraherent.*

IX. Cum de me deferendo cogitarent, nōne dicere debuerunt, *Vbi est Quæ plena est affectu. Dominus, qui ascende: enos fecit de terra Egypti, qui traduxit nos per desertam, per terram inhabitabilem & inuiam, per terram sitis & imaginem mortis, & quidem deliciis ad nauseam vsque abundantes, Angelorum pane, melle de petra, oleis que de saxo durissimo. Cùmque induxissem vos in terram Carmeli, terram lacte & melle manantem, vt comederetis fructus eius, & optima illius; ingressi contaminastis terram meam, & hereditatem meam posuistis in abominationem. Et paulò post, Transite ad insulas Cethim, & videte, & in Cedar mittite, & considerate vehementer, & videte si factum est huiusmodi. Si mutauit gens Deos suos; & certè ipsi non sunt Dii, Populus verò meus mutauit gloriam suam, quæ in veri Dei cognitione cultûque consistit, in idolam cuius nulla utilitas. Itaque obstupescite cæli super tanta dementia populi mei, & porta eius desolamini vehementer. Duo enim mala fecit populus meus, me dereliquerunt fontem aquæ viuæ, & foderunt sibi cisternas, cisternas dissipatas, quæ continere non valent aquas.*

X. Zelus idem
se minusc pro-
dit.
Leui. 26.
Deus. 28.

Est idem Dominus minaturum largissimus in zelo suo, vt vsuuenit mansuetis, qui cunctanter & inuitè pœnas exigunt pro acceptis iniuriis. Minis pleni sunt prophetarum libri. Ipsèque Moses vir longè mitissimus tam multas congeffit in libris Leuitici, ac Deuteronomij, vt legentes atque audientes iusto horrore concutiant. Sed cùm eæ non sufficerent, ad rem ipsam, meritâsque ventum est pœnas, vt suprema populi huius calamitas, vastitas, desolatio apertè declarat: qui in hac vita vbique miser, nec cuiquam miserabilis est. Eritque in futura inferior, tanquam reprobus & abiectus à Deo. Eodem se modo gerit aduersus reliquos peccatores; qui Domini querelas, minâsque contemnunt, qui ventris & gulæ voluptates pro Deo colunt, ad eos tanquam ad vltimum finem suum omnia referunt, laborem, quæstum, industriam: quæ germana idololatria est, & adulterium cum re creata commissum, in contemptû & iniuriâ Creatoris, & sponsi animarum sanctarum; qui adulteras in tartarum abiectas ita deseret, vt operi manuum suarum nunquam porrigat dexteram.

Ioan. 14. 15.

Iam verò quod ad alteram obiectionem attinet, negandum est zelotypiam perpetuum esse pusilli animi argumentum in hominibus, nedum in Deo. Feruentis potius amoris indicium est; nemo enim, pro re quam modicè diligit, incalcescit. Et in alicuius amici causa, cum res tulerit, non commoueri zelo, non succensere, haud obscurum indicium est deferri à nobis hominis, & abiectæ benevolentiae. Id apertè Dominus apud Ezechielem docet: *Et requiescet, inquit, indignatio mea in te: & auferetur zelus meus à te, & quiescam, neque irascar amplius*, id est deferam te planè, & abiiciam curam tui, quomodo dicitur à Paulo Dominus, *dimisisse omnes gentes ingredi vias suas*. Eodem sensu apud Oseam, *Fornicabuntur, ait, filia vestra, & sponsa vestra adultera erunt*; negatque se animaduersurum in eas, in hac scilicet vita, ea poena quæ emendationi seruit, sed in futura, ea poena, quæ merum supplicium est. Zelus itaque signum amoris est. Ideòque dæmon, vt notauit Origenes, qui animarum non sponsus est, sed adulter, cæteros spiritus immundos, superbix, inuidiæ, iracundiæ ab eis non repellit, sed aggregat, vt ibi habitantes maiorem inferant bonorum omnium vastitatem.

Illud quoque addiderim, eos qui aliquod scelus admittunt, non æstimare, aut dicere Deum minorem ea re, quam illi reipsa anteponunt, nimium quippe perspicua est in hoc genere veritas: sed iis similis sunt qui verbis fatentur se nosse Deum, factis autem negant. Itaque tanquam muta pecora, ad ventrem duntaxat ac pastum abiecti, animòque & corpore in terram incurui, cœlestium inanes viuunt, illorum solliciti, ista floccifaciunt. quod est reipsa rem creatam præferre Creatori, marito adulterum, dæmonem Deo. Quæ res iustissimam Deo zelotypiam concitant, & seuerissimè aliquando puniendam. Cum enim nihil omnino sit quod vlla in re Deo conferri, nedum æquari aut præferri possit, maior est in hac Dei offensa peruersitas, quam si regina quæpiam, neglecto coniuge rege potentissimo atque pulcherrimo, lixis & caloniibus, scdòve è Mauris mancipio sese prostitueret.

Quod ad tertiam illam attinet dubitationem, certum est, pro humano de diuinis intelligendi & loquendi modo, Dei amorem, & amicitiam esse posse, & cupiditatis. Nam diligit homines vt filios pater, vt amicum amicus, cui bona omnia desiderat ac procurat, & omnia impedimenta commodorum eius studiosè amolitur. Ita Deus & cupit & confert homini bona plurima, diuina præsertim, & quæ naturæ modum exsuperant, gratiam inquam, & gloriam, eaque ipsius esse cupit, & vti rem eius ab eo possideri, fierique beatum. De altero vero amore liquet, cum bonis nostris non indigere, ideòque nec illa sibi concupiscere, *Deus meus es tu*, ait Dauid, *quoniam bonorum meorum non eges*. Quia tamen idem Deus est vltimus omnium finis, fieri non potest vt creatum aliquid non referatur ad ipsum proximè, vel re alia, puta homine interueniente. Quod ipsum rei creatæ bonum est, quæ ex tam insigni fine ma-

XI:

Zelotypiasignum amoris.

Vide Orig. in 20. Exod.

Ca. 16. 42.

Et contra derelictio.

Act. 14. 15.

Ca. 4. 13. 14.

Loc. citi

Mat. 12. 45.

XII.

Qui Deus rei creatæ posthabetur.

Tit. 1. 16.

XIII.

Dei zelus ex viroque amore.

P sal. 15. 21

gnam sibi dignitatem acquirit: nulla in Deum perfectione ea ex recedente.

CAPVT XI.

Quàm iusta quàmque rationi consentanea sit Dei amulatio propositis suis.

I. **N**ON me sanè pœnitet, mi Amor, interpellasse cursum orationis tuæ, quando tam copiosè, tamque vtiliter à te satisfactum video dubitationibus meis. Itaque tua ista facilitas dat mihi animos, nisi molestus sum, aliquid à te iterum inquirendi. Molestus esse inquirendo nullo modo potes, inquit Amor, neq; importunus; cum huc ea maxime de causa venerimus, vt sanctis desideriis tuis faceremus satis. Duo igitur, inquam, rogabo libens. Primum est, iustumne sit, velle Deum sine competitore diligi, cum ipso innumerabiles amet, & amor æqualia vtrunque iura requirere videatur, Amor enim æquales inuenit, aut facit. Alterum est an coniux à coniuge rectè singularem amorem requirat, iustève cæteros excludat omnes, cum plerique alij amabiliores ipso reperiri possint.

II. Optas igitur, inquit Amor Zelotes, explicari à merem longè clarissimam, rectè Deum vnicè ac singulariter amari velle, quasi parum tibi sit notum, Deum esse natura sua vnicè ac singulariter amabilem, cum habeat vnus bonitatem omnem ac perfectionem, quæ in omnibus rebus creatis dispersa reperitur, cum ex eius thesauris deprompta sint omnia bona, quæ illis particulatim concessa sunt, natura, scientia, virtus, habitus, facultates: quæ ea lege acceperunt omnia, vt eum diligerent, & vltro in eius obsequium vniuersa transferrent. Sic enim filij patres diligunt, & subditi legitimis dominis obsequuntur: cum cætera, quæ inferiora sunt homine eo naturali ferantur instinctu, vt illum ad istum Dei amorem excitent, & ad obsequium iuuent. Præsertim cum hic eius amor aliarum rerum amorem non impediat, modò humanus amor sit subiectus diuino, neque cum eo pugnet. Imo cætera Dominus amari desiderat in gratiam sui, vt res quæ ipsius sunt, & ab eo perquam liberaliter datæ sunt nobis. Itaque parentes nostri, principes ac prælati, non sunt Dei competitores aut æmuli, sed vicarij ac legati, qui illum repræsentant nobis, illiusque promouent famulatum.

III. Verum quidem est Dei amorem ad innumerabiles personas latissime fundi, sed cum infinitus sit, non minus amat singulos quàm vniuersos. Sic enim Sol, qui repræsentat Deum, non minus illuminat ac calefacit tam multa hominum, atq; animantium genera, sparsa tot locis, quàm cum olim vnus omnino Adamus erat in terris, qui vitali eius luce ac calore perfundebatur. Et tamen Sol res vna est è conditis rebus, multis

perfectiōibus destituta. Quanto igitur magis Deus, cuius vnus infinita vis est, infinitos homines amore complectatur, sine vlla diminutione amoris in singulos? Itaque qui vehemētiore amore feruntur in Deum, quam maximè desiderant, vt quicunque idonei sunt ad diligendum Deum, sibi societate iungantur, & intimum obtineant in Dei corde locum; persuasi nihil Dei erga ipsos beneuolentiam propterea imminutum iri, sed actum iri potiùs, vt ignis iniectione lignorum, si quo modo infinitus Dei amor augeri posset, qui vt centum millia diligit amicorum, singulos vnice diligit.

Non eadem est humani cordis ratio, quod cùm finitum sit, sicut & illius amor, totum ad infinitos ferri non potest: Docetque ipsa experientia, nouam cum aliquo amicitiam, plures antiquiores vel extinguere, vel ita debilitare vt languescant. Nec absurda videtur eorum opinio, qui censuerunt vulgares amicitias inter multos coalescere, & quoquo modo constare posse, veram perfectamque amicitiam, non nisi inter duos esse posse, quo fit vt omnibus fere seculis paria quædam amicorum, non ternaria vel quaternaria numerentur. Ideoque Dionysius Sicilia tyrannus tertium se ad amicitiam Damonis & Pythia rogauit adscribi. Deus quoque, cùm coniuges singulari cuperet amore copulari, duorum duntaxat voluit esse matrimonium, *Eriunt, inquit, duo in carne vna.* Parum amatur, qui vt vnus de multis diligitur. Deus igitur qui humani pectoris nouit angustias, solus ibi esse cupit, sic vt nemo ex æquo, nemo eius iniussu diligatur. Eoque pertinet propheticum illud, *Coangustatum est stratum, ita vt aliter decidat, & pallium breue vtrumque operire non potest.*

IV.
Non item
hominas.

Quorum ad
micitta fere
duorum est.

Esa. 28. 26.

Ex his ergo quæ diximus facillè intelligi potest, diuini humaniq; amoris conditiones similes esse non posse, cùm Deus & infinitus sit, & infinito amore dignus, homines autem parum amabiles sint, & parum amare possint, vt quorum virtus & bonitas perexiguus finibus circumscribantur.

V.
Zelus coniu-
galis iustus.

Quod ad alteram difficultatem attinet, apparet quidem certè, eum qui solus diligi cupit, totumque alicuius amorem possidere, oportere vicissim habere in se quidquid est amabile, quod in vnum Deum cadit. Coniuges tamen ius habent sibi vnus maritalem amorem mutuo vindicandi. Cùm enim solemnis in eam rem stipulatio interuenerit, mutuoque alienum amorem repudiarint, ratio postulat vt stent promissis; ad eaque seruanda diuinis humanisque legibus adstringuntur. Neque tamen impediuntur, quin vterque parentes, cognatos, consanguineosque amare possint, cùm hic amor cum illo non pugnet. Ac ne Deus quidem amorem, honorem & cultum parentum, amicorum, coniugum, cæterorumque necessariorum interdicit, sed conceptis potiùs verbis, legitimisque imperat. Amorem nihilominus suo non subiectum, sed cum eo pugnantem, studiosè vetat, & castigat.

CAPVT XII.

Quantum Deo sponso suo, sibi que ipsi animus iniuriam inferat, cum eum minus diligit, quam ratio postulat.

I.
*Communis
zelotypia.*

Prodigiosa.

His ita positis, explicandum videtur quantam homo iniuriam Deo sponso suo, sibi que faciat, quando minus quam par est diligit Deum. Per molestum est homini, qui puellam aliquam ambit uxorem, riuales habere, eoque molestius, quo isti fuerint præstantiores: hoc enim maiori timore angitur, ne exclusus expectatione frustretur. Fert enim natura ad amorem boni, & quidem melioris potius quam deterioris. Itaque puella nobilis, forma & ætate florens, iustissimam habet excusationem, si virum animi corporisque dotibus sibi supparem, ad nuptias aureo antetulerit sepulchro. Sed prodigiosum est Paridem aliquem in Therſite periclitari; in Æſopo fœdissimo, fortissimum Hectorem repulsam timere; in turpi mancipio magnanimum principem; copiosum ac liberalem in sponsam, in macerato fame latrunculo, qui mox illius opes, ipsumque mundum eius muliebrem voraturus est: hominem comem ac mansuetum in fero & agresti, qui miseram coniugem alapis cædet, nec pugnis parceret aut calcibus, virgis denique fustibusque malè mulcabit. Quæ tam insana mulier fingi potest, quæ sciens prudensque in huiusmodi coniugio deliberandum paret?

II.
*Conuenit
Deo erga
animas.*

Eadem est in Dei causa, pro anima ratione vtente, quam sibi eligit in sponsam, zelotypia. Quicumque enim aut mortalium aut immortalium cum eo de præstantia contenderit, certissimum est inferiorem fore. Necessarium enim est illum à Deo esse productum, nihilque in bonis habere posse, nisi quod à suo acceperit conditore, qui eadem ipsa quæ dedit, habet infinitis partibus potiora. Cum ergo se nihilominus contemptum videt à sponsa sua inconsultissima, in alicuius hominis, aut cuiusvis alterius rei creatæ gratiam, nonne iustissima zelotypia commoueri debet? nonne huiusmodi illam exprobratione laceffere? Quid agis infelix anima? quid quæris dementissima? quid moliris? Num ille, quem tu mihi æquare cogitas ac præferre, mecum pulchritudine, diuitiis, nobilitate, sapientia, amabilitate certare potest? num ille amantior tui, aut in te liberalior? Nonne sole sum illustrior, luna pulchrior, regibus omnibus ditior, omnibus Imperatoribus augustior, angelis omnibus hominibusque sapientior, mille beatorum vitis amabilior?

III.
*Exanimis
casus.*

Num ille te diligit ardentius eo, qui te cum honoris sui, commodorum ac vitæ ipsius iactura dilexit, & quidem per atrocissima probrosissimaque supplicia? Num quis est in te liberalior eo, qui post tibi conditam, traditamque totam hanc, quam cernis, rerum vniuersitatem, promissosque thesauros

sauros illos sempiternos, seipsum tibi modis omnibus tradidit, ac profudit? Cæcum quidem dicebant amorem, sed in hac electione rectius dixerint insanum corybantem. Quod enim maius fingi potest emotæ mentis argumentum, quam animam alioqui rationis cōpotem, Dei loco æmulum accipere aut riualem, non Seraphinum aliquem, aut vnum de septem illis principibus primis, qui throno Dei perpetuo assistunt, quam id foret dementissimæ temeritatis, sed tartareum ipsum cacodæmonem: cui se dedit quicumque mortifero se crimine obstringit, studio commodi alicuius, aut voluptatis: ipsum, inquam, inferorum tyrannum, foris mundanæ magnificentiæ integumento personatum, intus autem fœdum, horribilem, execrandum, talémque cognitum, atque perspectum, nōne id est aliquo veneficio de mente ac sanitate deturbatum esse? quis non indignissimè ferat tantam indignitatem?

Deus summo est ac plenissimo iure princeps, pulchritudinis, potentiæ, nobilitatis immensæ. Riualis ille improbissimum est mancipium, ab herō suo fugitium, quod improbitas sua fœdissimum reddidit, atq; absurdissimum. Adulter est qui peccatrici animæ omnia naturæ gratiæq; dona deuorat, omniæque supernaturalium gratiarum ornamenta, quæ illi contulerat sponsus eius; nihil ei de ante partis reliquum facit, neque vilam acquirendi facultatem. Ad hanc tantam cladem inferendam lociorum opera vitur, qui tanquam lupi fame efferati, hianti ore rapiunt, feruntq; omnia, illudq; exulāt, *exinanite, exinanite usque ad fundamentum in ea.* Cū oportuisset illius amore colliquefcere, qui exinaniuit semetipsum in gratiā eius, & cū diues esset, vt eam locupletaret, vltro fact⁹ est pauper: qui ei meritorū suorū thesauros in sacramentis apperuit, atq; effudit, non corpori vel animæ, non vitæ, non sanguini, non diuinitati parcens.

Obstupefcite igitur cœli super tam horribili peruerfitate, ac perturbatione rerū, super infelici amore principis huius, & stupida cæcitate spōsæ huius; quæ illi non exequet, sed præferat adulterū, qui eam perpetuis cōscientiæ aculeis fodicet, qui faciem dilaniet, genas alapis cædat, pugnis pectus cōtundat, sustibus omnia membra debilitet, id est terroribus quatiat damnationis æternæ. Qui inuidiæ veneno, qui insatiabili honorum ac commodorum vitæ huius cupiditate, qui crudeli vlciscendi desiderio viscera eius diueliat atque dilaceret: qui illam compellat vitam trahere infelicem in seditione perpetua furiosarum perturbationum, odns, litibus, inimicitiis, dissensionibus & querelis.

Istum, inquam, illi præferat, cuius vnus ope ac præsidio viuere potest & sedere in pulchritudine pacis, in tabernaculis fiduciæ, in requie opulentiæ, in suauitate spiritus, in dulcedine charitatis, in consolationis lacrymis, in vmbra protectionis eius, in complexu dexteriæ, & in osculis oris eius. Illi præferat, qui eam nutrit de rore cœli, & de pinguedine terræ, qui facit ei conuiuium pinguium, conuiuium vindemiæ, pinguium medullarum, vindemiæ deſecrata. Qui quasi mater amabilis, eum portat ad vbera, & super

IV.
*Antithesis
Dei & riu-
alis eius.*

Psal. 136. 7.

V.
*Qua mala
hic anima
offerat.*

VI.
*Qua bona
sponsus le-
gitimus.*
Esa. 32. 18.

Ca. 25. 6.

genua sua illi blanditur. Estne hoc mediocre beneficium animæ fascinatæ, quæ in talem commutationem cōsentiat? nōne hæc insania est mulieris profligati pudoris, ac phrenitide laborantis? An in tragicis theatris aliquando par isti celebratus est furor? Aut quis vnquam audiuit amantissimum sponsum in amando tam infelicem? aut minùs tanta contumelia & repulsa dignum, aut maiori, si ita loqui fas est, commiseratione prosequendum? Nulla est oratio, quæ tantam tanti principis iniuriam verbis æquare possit.

VII.
Continuatio
eiusdem an-
tirheſis.
1. Reg. 14.
27.

Verùm adulter ille carne vititur, quasi lena in perniciem animæ, & mundo tanquam lenone callido; quorum interuentu atque opera, stultæ isti modicum mellis in virgæ summitate præbet, qua mox illam acerbè cædit, & quasi alterum Ionatham, efficit mortis ream. Malum illi dat vt Adamo, sed simul ei furatur inæſtimabiles innocentia opes: vt qui dat infantulo malum, vt dum eius aspectu tenetur & gustu, impunè illi auferat præciosa monilia, quibus ornatus est. Similis est furunculis istis, futura sortis statum prænunciantibus, qui dum verba dant fatuis, eis crumenam taciti auferunt; similis Absaloni, qui Amnonem fratrem vino primum, atque epulis obruit, deinde ferro crudeliter confodit. Sic & caro animam sororem suam, variis illectam blanditiis, in fraudem, miseramq; seruitutem trahit; dum illi manu inferni tortoris ceruices frangat, vt nuper Scotorum reginæ, Angliæ regina, perfida & crudelis Elisabeth.

VIII.
Mirabilis
Dei bonitas
in sponsam
vitiosam.

E contrario Deus ægrotanti famulo medicamentum, ad breue tempus molestum præbet, sed in reliquā vitam fructuosum: filij castigat ineptias, cui deinde opulentum patrimonium relinquit, sponsam delinquentem arguit, cui mox largitur cor suum. Et illa insipiēs mauult in Nosocomio computrescere, quàm medicū ebibere pharmacum: mauult ignaua mendicitate ac nequitia sordescere, seq; in prædam illi barbaro tradere, quàm à parente ac spōso suo argui suauiter & castigari. Sed is nihilominus cū turpē illā ac pedicosam à se abiicere posset ac repudiare, & amorē in odiū capitale conuertere, amicē de illa, ac blandē conqueritur, ad reditum inuitat, tanta lenitate verborū, vt corda faxea mollire possint, ac frangere.

Ierem 3. 1.
2. 3.

IX.
Conclusio.

O inæſtimabilē bonitatem! o sponsum omni amore dignissimū! quàm fœlix est illa anima, quæ te summo ac fidelissimo amore complectitur: cui antiquius est mori millies, quàm non solum fidem fallere peccato mortifero, sed deliberato etiam veniali cōtristare. Fidelis sponsa, quæ demonem riualem tuum, & mundum seruum eius detestatur ac despuit, qui mundi fastum, superbiam, vanitatem conculcat, qui pellacem hanc carnem ac vafram egregiè domat, & Pauli exemplo redigit in seruitutem. Certo enim sperare potest castissimum illum fidelissimūq; sponsum, eductum è Libano, gloria & honore coronaturum, & in thalamum immortalium deliciarum immenso cum gaudio introducturum.

Finis Libri decimi-quarti.



LIBER DECIMVS-QVINTVS.

De Vigilantia Diuini Amoris.

C A P V T I.

Descriptio undecimi filij Charitatis, cui nomen Amor Vigilans.



HUNC habuit finem Amoris Zelotæ disputatio. Cui cum summissè gratias egissem pro suscepto mei causa labore, ad matrem Charitatem, cæterosque Amores germanos suos regressus est. Ego autem quamprimùm conieci oculos in fratrem ipsius, qui eum pone sequebatur, cui nomen Amor Vigilans. Cuius quasi testera militaris erat illa Spōtæ vox in Canticis, *Ego dormio, & cor meum vigilat.* Hoc enim volebat esse sponso dilectissimo vigilantiz suæ argumentū, ut quæ continentur excubaret, expectans illius aduentum. Quod si necessitas corporis somnum exigeret, somno perquam leui ac volucris conuiuebat, animo vigilante, atque intento ad excipiendam sponsi vocem, qui dies noctesque insomnis manet, atque inquiet, de sponsa sua perpetuò cogitans, quam vult inuenire vigilantem, cum accensa ad manum lampade.

Breuiore tunica erat succinctus, ex raso serico densiore candidi coloris. Ea perspersa erat oculis, quales in pavonis cauda cernuntur, cui nomen inditum erat Vigilantia. Pendulum ex ceruice gestabat horologium, rotis instructum ac cymbalo, æneoque suscitabulo, quod perstrependo illas imitabatur voces *hæc est hora vestra.* Corpore gracili erat ac tenui, vultūque subpallido, vigilarum argumento; neque enim producto ad altam lncem somno pinguecere studebat. In ora tunicæ scriptum erat opere plumario, *Ecce non dormitabit neque dormiet, qui custodit Israël.* Sceptrum ferebat manu, quod in summo apice oculum habebat apertum, qualis erat Ieremiæ *virga vigilans.* Eum modici videtur esse aiunt, singulisque enigilare noctibus ad Deo fundendas preces, illiusque laudes silente mundo celebrandas. Peculiari porro familiari-

Vuu ij

I.
A V T O R.
*Transitio ad
nouum ar-
gumentum.*

Ca. 5. 2.

II.
*Descriptio
Amoris vi-
gilantis.*

Psal. 120 4
Ier. 1. 21.

tate utebatur fratris sui, cui à diligentia inditum est nomen.

III.
Capita di-
cendorum.

In explicanda porro hac Amoris proprietate, eandem cum fratribus methodum obseruabit. Eam enim ostendet Charitatis sobolem esse certissimam; idque amici Dei omnes verissimum esse, verbis factisque docuerunt, suoque nos Christique Domini exemplo ad vigilantiam incitarunt; quam ne amici quidem eorum, quæ vulgus numerat in bonis, in iis vel perquirendis vel conseruandis in se desiderari passi sunt, vt nunc ostensuri sumus: quò ea quæ de Vigilantia dicimus Amoris dicenda sunt certiora fiant atque illustriora, quod eius vigilantia in plerisque Dei famulis lenta ac somniculosa videatur, vt & ipsi euigilent in quærendis altissimis bonis, exemplo eorum, qui tam attentè, tamque studiosè inferiora sequuntur.

CAPVT II.

Vigilantia mundani amoris breuis explicatio.

I.
Tabula vel-
leris aurei.

ANTIQUI Philosophi, ac Poëtæ in primis, qui perspicuæ rerum veritati nouam speciem inducere, delectationis causa studuerunt, eamque allegoriis, ænigmatibus, & fabularum velo, quasi in theatro reddere personatam, scribunt apud Scythas in regione Colchorum, non longè à mari Caspio extitisse vellus aureum, quod ibi Phrixus quidam reliquerat, ----- quem per freta tristia tuum

Aurea lanigero velle vexit onis.

Δράκοντα θ' ἰς πύργου σου ἀμφίπουν δέρας Σπείγεις ὅσως πλουτύνῃς αὐ-
μος ὅν κτείνῃσαι. Κύνος ἐν φάτρει.

Id vellus in somnis draco seruabat, variis caudæ suæ spiris circumuolutum. Illius comparandi causa Argonautæ duce Iasone Colchicam expeditionem susceperunt, & opera Medæ, voti compotes facti sunt. Itaque illa apud poëtam,

*Draconem, inquit, qui auream amplectens pellem
Spiris multiplicibus seruabat in somnis,
Occidi.*

Illi vtique, sub hoc fabulæ inuolucro, docere voluerunt, in somnem esse diuitiarum amorem, easque illum arctè complecti, ac conseruare, sic vt neq; illis vtatur ipse, neq; alios vt patiatur, vt canis ad præsepe, qui neq; hordeo ibi vescitur, neque equum fame debilitatum eo vesci permittit.

II.
Explicatur,
quid sit con-
siliū Iaso-
Medæ &
Iason.

Auaritiam rectè dixeris crudelem draconem, cuius dentes sparsi per agros, armatas acies ad prælium paratas procreant,

----- satis immanis dentibus hydri,

Galeisque, densisque virum seges borruit hastis.

Nimirum rixas serit in domibus, in curialites, seditiones in ciuitate, acies ad cædem instructas in campis. Necesse est Medeam, id est salubre consiliū, superando draconi adesse, & animæ ab hac aurea

febri laboranti sanandæ, vigilanter opem ferre. Idem significatum apparet aureis illis malis, quæ beata illa in horto Hesperidum arbor ferebat. Sed horto custodiendo peruigil dies nocteque excubias agebat draco, quem Hercules interfecit. optatque fructus attulit Euristæo,

Abstulit arboribus præcium, nemorique laborem

Alcides, passusque inopes sine pondere ramos,

Retulit Argolico fulgentia poma tyranno.

Luca;

Recentiores qui Atlanticum oceanum latè decurrunt, Hesperidum hortos putant esse Insulas ad caput quod viride appellant, versus æquinoctium, qui insigni amœnitate celebrantur; eas auarus draco seruabat, non nisi Herculeo animo superandus.

Anacreontem Lyricum Poëtam ferunt, à Samio tyranno Polycrate, quinque talenta dono accepisse, quæ cura ingens seruandi, recteque infumendi consecuta est, tam acris, ut duas noctes insomnes Poëta ille traduceret. Eam ergo sollicitudinem cum moleste ferret, sua Polycrati talenta restituit, negans se quietem suam quinque talentis venundaturum. Inconsultè profectò suas in fluuium aquas Poëta retulit, quæ siti multorum inopum sedandæ valuissent.

III.
Auaritia
insomnis.
Max. ser. 16
Ælian. Hec
rod. l. 3,

Non minus vigilem amorem corporum, centenis Argi oculis representantur, quibus Io dudum puella, postea vacca immotis palpebris seruabatur. Quinquageni interdum, totidem noctu alternis vigilabant, ut vigilandi subleuaretur labor; sed penitus sopitum Mercurius iussu Iouis interfecit. Apparet hos fabularum architectos docere voluisse, in pugna rationis & voluptatis, tandem à ratione stare victoriam, quæ fastidium inuehat, odiûmque sordidæ voluptatis. Id bonum Sophocles deuexæ tribuebat ætati, cum diceret libenter se isthinc, tanquam à Domino agresti ac furioso profugisse. Sed diuinæ gratiæ potius, libertas à tam dira seruitute, tribuenda est. Nam Sapientis etiam Salomonis, cum iam senex esset, cor deprauatum est per mulieres, ut Scriptura testatur. Agrestem porro ac furiosam seruitutem eorum vita testatur, qui insanis acti cupiditatibus noctes diésque cursitant, minore quiete, quam in ergastulo mancipia, aut remiges in triremi, semper in excubiis, in insidiis, in diurnis nocturnisque competitorum rixis, querelis, ac cædibus. Sed Deo aliquando miserante hanc sobriorum ebrietatem, & non mente captorum, furorem, stulta hæc vigilantia, in sanctas vigilias commutatur, ubi malè perditæ dudum adolescentia, iuuentusque deploratur.

IV.
Argi oculi
voluptatis
seruimus

3. Reg. 11. 43

Quid aleatores memorem? qui totas noctes inconniuentibus oculis in ludo ponunt, tum dies solidos partim in cibo & potu, partim in somno traducunt, quasi apud Antipodas viuerent, quibus nox est cum reliquo mundo est dies. Hi ergo dum præpostera lege cæterorum vigilant dormiuntque, labori vacant & quieti; nonne satis huius amoris vigilantiam demonstrant? Simulque illius se loci fore aliquando ciues indicant, ubi nullus ordo, sed sempiternus horror inhabitat.

V.
Vigiles aleæ
torres.

Iob 10. 22.

Et ambitiosi. Quid ambitiosi? nonne insomnes ipsi quoque noctes traducunt, dum meditantur inania? Spes fallaces, fauorem principum, amicorum gratiam, potentiam cognatorum, & expeditas ad ingentes opes, & dominationem vias. Milites, qui gloriæ atque opibus inhiant, nonne vigilias frequentant, siue vt improuidos deprehendant, siue vt ne deprehendantur incauti. Literati homines benè mane somnum excutiant, & cum Demosthene dolent, si quando opificum antelucana industria victi fuerint. Nauclerus studio indefesso modò gnomonem ventorum indicem, modò hydrographicam tabulam intuetur, & circino flexus reflexusque nauigationis dimetitur. Pastores in agris cum canibus suis, obseruant vigilias super greges suos, ne qua lupus aut ursus, aut alia fera inuadat in ouile, ouesque disperdat ac mactet. *Filia patris abscondita est uigilia, & sollicitudo eius aufert somnum, ne quando polluat in uirginitate sua, & in paternis suis grauida inueniatur, vt ait Sapiens.*

Ecclesi. 4. 9.

VI.
Causa naturalis somni, ac uigilia.

Et vniuersè loquendo quicumque ad rem aliquam vehementer afficitur, vigilanter inquirat, usurpâtque rationes & vias eius adipiscendæ ac perfruendæ. Cuius rei idonea ratio non habet difficilem inquisitionem, aut explicatum. Contingit enim somnus stomacho sursum vapores fumosos emittente, qui in cerebri frigore densati, caput grauunt. Iidem in ascensu ac descensu, vias in sensu communi obstruunt atque obstitant, quibus spiritus animales ad omnia organa sensuum excurrunt, vt muneribus fungantur suis, sicque animal somno opprimitur, atque obdormiscit. Vehemens autem ille affectus, quem dicebam, instar habet ignis consumentis vapores illos, & hoc ipso soporem impediens, aut quamprimum excutientis. Denique quibuscunque aut ab ætate, aut ab ægritudine, aut ab ipsa corporis constitutione cerebro est admodum sicco, noctes facillè traducit insomnes; & contrà, quibus cerebrum abundat humore, vt pueris, & phlegmaticis, ij perfacillè perditique sopiuntur.

VII.
Plerisque in rebus.

Multa etiam aut modica mentis applicatio ad rem aliquam facillè discutit, conciliâtque somnum. Defatigatis enim, silentibus, otiosis, & cura solutis, præsertim in tenebris, facillè somnus obrepit; cantus quoque suauitas inuitat ad somnum: quia tunc remissius applicatur animus ad functiones suas, idè permodicus vapor sufficit ad obstruenda sensuum foramina, & sentiendi vias, inducendūque somnum. Cùm autem mens instat operi vehementius, sensus ipsi multos spiritus auxilio euocant, quorum opera vapores discutiuntur, & somnus. Constat porrò moderato somno nutriri animalia atque pinguescere, vigiliis autem immodicis maciem contrahi, & corporis imbecillitatem: itaque facillè somno indulgent corporum suorum amatores, & vt illa mollius habeant, in altam lucem dormiunt, & antelucanos excitatores oderunt. Neque propterea rectè dixerimus amorem somnolentum. Vigilantia enim amoris in absentia spectatur obiecti, siue illius boni, ad quod acquirendum

Amor an somnolentus.

fertur: & in cuius mox adeptione acquiescit. Itaque illi somni amatores, loca & tempora studiosè ac vigilanter inquirunt, quibus somno indulgere possint, vt viribus integris, firmâque valetudine, qua se beatos putant, perfruantur.

CAPVT III.

Vigilantem Amorem filium esse Charitatis, Diuinumque Amorem homines reddere vigilantes.

HÆc habui, quæ vniuersè de Amoris vigilantia, paucis præludicrem disputationi tuæ. Et sanè accuratè atque vigilanter, ait Amor vigilans, ex eâque facillè colligi potest vigilantem esse charitatem, amoremque diuinum. Siue enim Charitas in Deum primaria intentione feratur, siue secundaria in proximum, semper celestis est eius origo, vbi nullus est somno locus: filia Dei est, quem neque dormire, neque dormire profiteretur Propheta regius. Soror est Angelorum, quos Propheta Daniel meritò Vigiles vocat. Stant enim perpetuò expediti, ad trisagium illud diuinæ maiestati noctes dièsque concinendum, vt Ioannes in sua Apocalypsi testatur; aut quia in hominum custodia & gubernatione continenter excubant, vt Raphaëlis exemplo perspicuè intellectum est; quanquam & iis quoque puniendis inuigilare, Nabuchodonosoris tragœdia demonstrat; aut iis in locum quietis transferendis, quod officij genus, non vnus Lazarus mendicus expertus est. Peruigilare quoque necesse est eos, qui orbis illos celestes, supra subtrâsq; terræ globum, continenter versant: quò illud pertinere potest, *Conuentum cæli quis dormire facit?* nulla est enim eorum quasi perpetuò concinentium quies, aut Angelorum eos indefatigabili motione cientium.

Charitas aduersus Deum & proximum, qua abundant Angeli, omnes has ab eis functiones elicit continuatas, & quantum in ipsis est, nunquam interrupto labore. Eandem quoque vim Charitas habet in terris, peregrino licet in loco; pèrque solam stat terrestris naturæ infirmitatem, quò minùs perpetuò vigil, suam nunquam intermittat actionem. Cum autem sublata fuerit ista imbecillitas, & mortale hoc induerit immortalitatem, nunquam à diuinis laudibus in cælo cessabit, nunquam ab admiratione maiestatis, beneficentiæ, & actione gratiarum: quod perpetuum opus est, quod ibi nunc à sanctis animabus exercetur, expectantibus vt à resurrectione toti continenter in diuinas laudes, & perpetem contemplationem effundantur. Quin nec Charitas in proximum ibi otiosa est, aut dormitat; sciunt enim quibus necessitatibus mortales vegeantur, quot & quanta vitæ & salutis adeant dis-

I.
Vigilem esse
Charitatem
AVTOR
AMOR.
VIGIL.

vt patet in
Angelis.
Psal. 108. 4.
c. 4. 10. 14.
20.

Dan. 4. 10.
&c.

Iob. 38. 37.

II.
Quos sancti
imitantur.

1. Cor. 15. 58

crimina, quantisque auxiliis opus habeant, siue dum adhuc peregrinantur in terris, siue dum exuta corporibus, in expiatoriis locis perpurgantur.

III.

*Cuiusmodi
fit in caelo
somnia.*

AVTOR.

D.Th. lect.

3 in c. II.

Ioan. & lect.

3. in 13. ad

Rom.

AMOR.

VIG.

AVTOR.

AMOR.

Ista tu quidem rectissime, inquam, sed tamen nonne dormitionem quandam agnoscis in caelo? Nam ea se Dauid aliquando fruiturum sperabat, cum diceret, *In pace, in idipsum dormiam & requiescam.* Quasi diceret. Per me licet ut in sinu gaudeant mundi amatores, in magno vini, olei, frumenti numero, magna auri copia & argenti, ego in singulari spe, in qua firmasti me, acquiescam, fore ut in caelesti domicilio dormiam, & requiescam. Accipio sanè ista omnia, inquit Amor vigilans, atque assentior contemplationem beatam somnum dici posse, quod in ea vera, perfecta, & immutabilis contingat corporum atque animorum quies, & oblectatio, quæ suavissimo somno non malè respōdet. Negari tamen non potest somnum illum esse perpetuum, neque unquam intermittentem, aut interpellatam actionem, sed dulciorem atque amabiliorem quam quævis huius vitæ quies. Ita ludibundi in placido flumine quiescunt pisces, & aues in aëre, dum opere omni solutæ volitant. Ita & oculi dum in contemplatione pulcherrimi obiecti acquiescunt, aut aures gratissimo concentu demulcentur. Fateor mihi cumulatè satisfactum, inquam.

IV.

*Miseria
vita
hominis.*

Rom. 7. 24.

Ego verò, ut pertexam quod exorsus sum, inquit Amor, minimè dubito viros sanctos, vigilantem erga Deum & proximum exercere charitatem, quantum conditio mortalitatis humanæ permittit, & eum Paulo Apostolo ingemiscere, dum à corporis huius necessitatibus liberentur: nec leui tristitia afficiuntur, quòd tot horas quotidie somno impendere, aut perdere potius cogantur, usu rationis, sicut muta pecora, ac libertatis expertes; quo ipso tempore nihil licet gerere aut procurare negotij, quod caelo sit vsui: cumque toties spiritum ducant & reddant, dolent se momentis singulis Deum spirare non posse, aut suspiriis ad eum aspirare, sed in lectis iacere, quasi mortuos, nec tamen à sedis spectrorum imaginibus, aut terroribus liberos; obiectos cæli terræque, atque omnium elementorum, & animalium iniuriis, defensionis omnis ac remedij, instar defunctorum expertes. Itaque tantam iacturam deplorantes pleræque religiosæ animæ ubique terrarum, non modicam noctis ac somni partem in diuinis laudibus consumunt, post maiorem ac meliorem diei partem, in eodem Dei cultu, atque famulatu collocatam.

V.

*Nocturna
Ecclesiæ preces,
ac vigilia.*

Neque ignotum est nocturnas preces, quæ olim in Ecclesiis ubique celebrabantur, Psalmis hymnisque concinendis, sacris item literis, & Patrum homiliis, sanctorum quoque Confessorum ac Martyrum historiis in compendium reductis, ut suis quæque diebus occurrerent perlegendis, totas noctes occupare solitas, nonnulla tamen quiete semel iterumque interiecta, ad aliquam erga terrena corpora indulgentiam, ut commodius spiritui famularentur. Hinc tria quæ dicuntur nocturna matutinarum

narum precum, profecta sunt, eisque subiectæ laudes, vt quatuor noctis vigilias quasi sacri Deo milites celebrarent. Persuasum quippe erat religioso illi populo, non minùs vigilandũ esse in famulatu Imperatoris cœli, quàm principum, quorum militiæ ascripti essent. Idipsum erat, Angelicis cum quadam modificatione, atque indulgentia æmulari sacros Angelo-suppare. rum hymnos & Cantica, quæ illi perpetuò concinunt, & eorundem choris ascriptas, sanctorum animas imitari, quæ sacrosanctæ Triadi, quæ electorum principi Iesu Christo, quæ beatissimæ Deiparæ, quæ singulis nouorum cœli ciuium triumphis, suam fœlicitatem, sua gaudia, immortalésque victorias gratulantur.

CAPVT IV.

Singularis quorundam sanctorum vigilantia in sacris literis celebrata.

PLACET Vigilantiæ diuini amoris exempla nonnulla persequi singulatim. Propheta regius omnium virtutum exempla non obscura suggerit, nec minora de ea, quam habemus in manibus. Nam illum summo mane ad preces euigilare, testis est illa confessio. *Deus Deus meus ad te de luce vigilo*, animæ quippe suæ ad Deum anhelantis sitim sedare cupiebat, *Situit*, inquit, *in te anima mea*. Nec anima solùm, sed ipsa quoque caro peruigilarescebat. Eius quippe corpus quamuis male habitum in desertis locis, inuiis ac siticulosis, precibus non secus vacabat, ac si fuisset in sanctuario. Benè mane inceptabat preces, sed vigilantia eum ad orationem crebro iterandam suauissimè trahebat, Scriptis enim quotidie laudem Domino dicebat, super iudicia iustitiæ eius. Nec minus propterea bonam noctis partem ducebat in precibus, eo maximè tempore, quo rebus exercebatur aduersis. *In die tribulationis meæ Deum exquisiui, manibus meis nocte contra eum, & non sum deceptus.* orabat quippe noctes diésque cum lachrymis, quæ illi erant instar panis. Denique media nocte surgebat ad confitendum Domino: & ad eandem vigilantiam reliquos verbo exemploque inuitabat. *In noctibus, inquit, extollite manus vestras in sancta, & benedicite Dominum.*

Quanta fuit Moysis vigilantia, qui ter quadragenos dies, totidémque noctes in monte Sina in somnis imp. stititque transegit, dum multis cum lacrymis, populo sibi credito, à Deo veniam exorat & pacem, & semel atque iterum, ad eundem populum docendum & gubernandum, leges. Non affirmat Scriptura somno abstin. illi Prophetam. Sed qui Dei munere cibi lege solutus erat, quidam esset & somni? Samuel cum videret Saulem à Domino regno abdicatũ, noctes diésque clamabat ad Dominum, si quo modo illi veniam impetraret, perseuerauitque, donec à

I.
Vigilantia
Davidis.

Psal. 62. 1.

Psal. 118. 164.

76. 3.

41. 4.

118. 62.

133. 2.

II.

Moysis.

Vide an m.

2544. num.

627.

Samuelis.

1 Reg. 15.

XXX.

Esai.
c. 16. 9.
Iuditha.
Tobia.

Danielis.

Ier. 8. 16. &

c. 9. 1.

Dan. 9. 3. 4.

&c.

III.

Pauli Apo-

stoli.

2. Cor. 11. 27

2. Cor. 6. 4.

Act. 20. 17.

Domino ipso iussus est abstinere. *Vsquequo*, inquit, *tu leges Saül*, cum ego proiecerim cum ne regnet super Israël. Quid Esaias? *Anima mea*, inquit, *desiderauit te in nocte*, sed & *spiritum meo in precordiis meis de mane vigilabo ad te*. Iuditha noctes exigebat in precibus, & Tobias in mortuis sepeliendis. Grata Deo fuit peruigil vtriusque Charitas. Nam illius operâ mirabilia fecit, & in huius gratiam non minùs admiranda. Ieremias noctu atque interdium pro venia populo impetranda supplex erat diuino Numini, adeò vt à precibus cessare iuberetur, neque obfistere vltionem paranti. Idem fuit Danielis studium orando, ieiunando, vigilando, omniùmque seruorum Dei, qui eos sunt consecuti.

S. Apostolus Paulus scribens ad Corinthios, fatetur seruiffe se Domino, & pro eius Ecclesia defudasse, *In labore & arumna*, in *vigiliis multis*, in *fame & siti*, in *ieiuniis multis*, in *frigore & nuditate*; & Christianos ad imitationem patientiæ suæ, vigilantia, fortitudinis, cæterarumque virtutum, quarum longum textit indicem, exhortatur. Sed audiamus eiusdem vigilantia ac sollicitudinis exemplum singulare. Conuocatis enim maioribus natu Ecclesiæ Ephesinæ. *Vos scitis*, inquit, *à prima die qua ingressus sum in Asiam*, qualiter vobiscum per omne tempus fuerim, seruans Domino cum omni humilitate, & lacrymis & tentationibus, qua mihi acciderunt ex insidiis Iudeorum, quomodo nihil subtraxerim viliū, quo minus annuntiarem vobis. Et infra, *Propter quod vigilate*, inquit, *memoria retinentes*, quoniam per triennium nocte & die non cessauimus cum lacrymis mouens vnumquemque vestrum.

CAPVT V.

Alia vigilantis Amoris exempla, ex historia Ecclesiastica petita.

I.

Dæmones
hostes vigi-
lantia.

Coll. 7. c. 1.

& 23.

qua & vin-
cantur.

IM M V N D I spiritus, capitales humani generis inimici, libenter homines ad comessationes, ad crapulam, ad intempestiua conuiuia, ad ignauum otium, ad productiores somnos inuitant, experientia docti, se eadem opera ad plurima illos scelera impulsuros. Quæ causa fuit Ecclesiæ sanctæ, filios suos verbis Petri Apostoli quotidie commonendi, vt sobrii sint & vigilent, certique pugna, ad excipiendum hostem se comparent, qui *tanquam leo rugiens circumit quærens quem deuoret*. Abbas Serenus apud Cassianum, ait dæmones olim in desertis locis vsque adeò sæuire solitos, vt pauci omnino solitariam aduersus eos congregationem, & pugnam periclitari auderent, quin & cænobitas audebat inuadere, & apertè diuexare; adeò vt nunquam toti cænobio liceret obdormiscere, sed alternatim pars vigilet in precibus, dum altera quieti se daret, pro quibus cæteri in excubiis essent contra infestissimos dæmones. Donec crucis virtute fulgurante, & solitudines peruadente, dæ-

monum furor multum cœpit hebescere, Deo, in nouorum athletarum gratiam, habenis adductioribus illos continente.

S. Palamon, vt est in vita Pachomij, meditationes ac preces ad mediam vsque noctem producebat, aliquando etiam vsque ad lucem, quod Pachomius ipse, tum discipulus eius ac tyro, animosè æmulabatur: cùmque eum somnus vrgeret, arenæ cumulos ex vno loco in alium transferebat; itaque paulatim dominabatur in somnum. Deinde quindecim ipsos annos ita vixit, vt somnum non caperet, nisi in scabello, media in cella sedens, nullamque in partem innitens. Aliquando cum somno luctabatur orans, & brachijs ad multas horas expansis, æquè immotus, ac si defixus esset in cruce. Cùm autem tantillo tempore quo dormitabat, impuris cogitationibus vexaretur, Deum exorauit vt ad certum tempus somno penitus abstinere, vt contra dæmonum conatus dies noctisque luctari posset: quòd cùm faceret, Deum peruigil orabat vt eius voluntas adimpleretur.

II.
Vigilantia
S. Palamonis.
S. Pachomij.
cap. 6.
c. 14. & 15.

c. 20. Ruf. l.
3. n. 35.

S. Serenus abbas mirabilem consecutus est corporis animique puritatem, adeò vt ab omnibus carnis aculeis esset prorsus immunis: idque erat consecutus, dies noctisque in preces intentus, somno ciboque plurimùm abstineus feruore singulari, vt continentiae donum diuinitus obtineret. Cùmque se voti compotem factum sentiret, magis magisque eam virtutem adamauit, & in ieiunijs, vigilijs, precibusque perseuerans, Angelique sui praesidio, omnis motionis corporeæ, perinde ac infantulus aliquis, factus est expers. Refert Palladius Thebanum quendam Dorotheum annos sexaginta ita in spelunca transegisse, sex vncijs panis, paucisque oleis contentum, vt cùm totum diem labori manum esset intentus, nunquam pedes suos, ad commodius quiescendum extenderet, aut vt se in palea ad quiescendum componeret; sed in sella sedentem, palmâsque texentem somnus opprimebat: cui cùm ille non cederet, etiam comedentem ita somnus vigeat, vt buccella panis ex ore laberetur.

III.
S. Sereni.

S. Dorothei.
In Laus. c. 2.

Plerisque sanctis viris solemne fuit, vt noctes integras, nixi genibus, & ad orientem conuersi solem, in oratione ponerent, nec loco mouerentur, donec sol rursus exoriens, suos in eorum faciem radios spargeret; non sine querela, quod distractionibus, quas lux afferebat, liberior cum Deo communicatio impediretur. In eo numero fuit magnus Arsenius, qui eam exercitationem diebus maximè sabbati vsurpabat, se ad Domini diei communionem præparâs: cæteris diebus ita somni parcus erat, vt naturæ necessitatem expugnasse videretur. Vnam enim horam ad somnum, religioso satis esse arbitrabatur, somnūque vocabat famulū molestum & importunum, qui vltro ingereret sese, & vim afferret Domino suo.

IV.
S. Arsenij.

S. Onuphrius nullū habebat destinatum quieti locum, sed vastam Eremitum ineditabundus obibat, ibique figebat gradum, vbi nox hominum cœperat; quam tamen noctem vigilia magis quàm somnus occupabat.

V.
S. Onuphrij.

S. Ioannis
anachoreta.
Palladius
& S. Ruffi.
l. 2. c. 16.

Illud quippe Davidicum observabat, *In noctibus extollite manus vestras in sancta, & benedicite Dominum.* Anachoreta quidam nomine Ioannes, sub initia solitariae exercitationis suae, tres totos annos perleuerat orans, stansque in declivi rupis vnus, nec dormiuit amplius, quam status ille corporis permittebat. Tanto autem facilius somnum vincebat, quanto erat cibi abstinentior, cuius vix tota hebdomada recordabatur: die autem Dominico, vnico pane Eucharistico fruebatur, quem illi sacerdos afferebat. Ceterum pedes illius computruerunt propter immobilem triennij in terra situm, quo expleto adfuit illi Angelus, qui curatum sapientia imbuuit atque doctrina, monuitque vt Dei iussu ad alios docendos proficisceretur.

VI.
S. Hieronymus.
mi.
Ad Eustochium.

S. Hieronymus, cuius orationem, alio loco atque occasione vsurpant, iterare non piget, contra carnis insultus, vigilis quoque pugnabat. *Horrebant, inquit, sacco membra deformia, & squalida cutis siti Aethiopica carnis obduerat, quotidie lacryma, quotidie gemitus; & si quando repugnans somnusi imminens oppressisset, nuda humo ossa vix coherencia collidebam.* Et mox. *Memini me clamantem diem crebro iunxisse cum nocte, nec prius à pectoris cessasse verberibus, quam rediret Domino increpante tranquillitas.* O generosos Christi athletas, qui omnes imbecillis naturae propensiones infringere, atque habere in potestate conabantur, & praeter metu, ne illi ultra necessitatem indulgerent (quàm seuerè, aut malignè potius definiebant) citra illam admodum subsistebant, vsque adeò suis ipsi commodis corporibùsque inimici erant.

VII.
Conclusio.

Quid ergo nunc faciamus hominibus, qui eandem cum ipsis beatitudinem praestolantur, quique grauioribus fere nominibus obstricti sunt Deo, propter plurium peccatorum veniam diuinitus acceptam, quibus tam graue est nocturnas precum stationes obire, quid dico nocturnas? ne matutinae quidem somnum excutere satis queunt, post septenas horas quieti datas. Proh quàm languidus, quàm somnolentus, quàm peno emortuus est multorum Dei seruorum amor! quàm pudenda, quàm exprobrabilis est isthæc ignauia!

CAPVT VI.

Diuinum Seruatoris amorem fuisse vigilantem.

I.
Transitio ad
vigilantiam
Seruatoris.
Auctor.

PER GRATVM mihi erit Seruatoris nunc vigilantiam à te in medium adduci, quod ille maximè propositus sit in exemplum omnibus Christianis, quamcunque tandem vitae rationem in Ecclesia Catholica, vbiuis gentium consecretur; singularis enim fuit prudentia, tam in ceteris rebus, quàm in vigilantia Incarnatae Sapientiae, cum Anachoretarum, aliorumque Sanctorum vigilae, longè ferantur ulte-

rius, quàm multi religiosi viri, nedum communis Christianorum vita ferre possit. Rectè tu quidem ista mones, inquit Amor vigilans. Rectum tamen etiam est animaduertere, quoniam vique diuinus amor & gratia humanam imbecillitatem prouehere possint: & agnitis heroicis sanctorum facinoribus atque victoriis, perquam summi de de virtute nostra, humilitè que sentire, vt exprobrationem in die iudicij vitare liceat, quòd tam pauca simus conati, quibus cum Dei gratia tanto plura facere licuisset.

Et si autem vitæ ratio Christi Domini consultò communis fuit, ipsis nihilominus Anachoretis, & solitudinum incolis, non solum solitaria vitæ dedit exemplum, illis quadraginta diebus, quibus ab omnium hominum consuetudine, conuictuque secretus, solum Deum, eunisque sanctos angelos habuit familiares: sed anachoretici quoque ieiunij atque vigiliarum. Illos enim quadraginta dies ita cibi potusque tranlegit expertes, ac si statua quæpiam foret, sensus expertes & vitæ. Quod ipsum de somno dicendum videtur; Is enim datus est homini, cæterisque animantibus ad reparandas naturæ vires, acceptumque cibum in singula membra distribuendum, quæ natiui caloris actione debilitantur, atque flaccescunt. At toto illo tempore, actione caloris suspensa diuinitus, nihil imminuebantur vires: in cuius rei signum scriptum est *postea esurisse*, postquam scilicet toto illo tempore sine fame vixisset. Interea verò accuratissimè exercere cœpit, quod postea docuit, *Oportere semper orare, & non deficere*. Et rursus, *Vigilate itaque omni tempore orantes, ut digni habeamini fugere ista omnia, quæ futura sunt, & stare ante filium hominis*.

Et quamuis nihil illi necesse esset, aut vigilare ad orandum, aut à turbis secedere; nec noctem potius, quàm lucem orationi destinare, quod diuinitati perpetuo præsens esset, atque adeò coniunctior quàm anima corpori: nihilominus sæpenumero vigilabat, & secedebat ad fundendas patri preces, aliæque agebat non pauca, non sibi, sed ad suorum institutionem & exemplum. Quod ipsemet in pedum ablutione testatus est. *Exemplum dedi vobis*, inquit, *ut quemadmodum ego feci, ita & vos faciatis*. Quoniam verò exempla potiora sunt verbis, hominibus ad virtutem excitandis, ideo Seruator multo plus operæ temporisque in agendo posuit, quàm in docendo; tribus enim fere annis docuit, at tribus & triginta præbuit exempla virtutum.

Si ergo toties præsentibus futurisque discipulis vigilantiam commendauit, si toties attendere, vigilare, sollicitos esse docuit, aduentui Domini præstolando, quantam ipsum credimus adhibuisse vigilantiam in salute mortalium procuranda? Quodam in loco, *Sint*, inquit, *lumbi vestri præcincti, & lucerna ardentes in manibus vestris, & vos similes hominibus expectantibus Dominum suum, quando reueriatur à nuptiis*. Alibi, quod eandem docet vigilantiam, exemplo parabolico virginum fatuarum, quæ priusquam eas somnus occuparet, non prouiderat ne deesset oleum

AMOR
VIGIL.

II.

*Quæ in deo
ferio conti-
nua fuit.*

Luc. 18. 1.
Ca. 21. 36.

III.

*Dedit exem-
plum vigi-
landi ad or-
randum.*

Ioan. 13. 15.

IV.

*Commendat
vigilantiam.*

Luc. 12. 35.
Matt. 25. 3.

4. 5.
*Docet quæ
parabolis.*

lampadibus suis, & in reditu, clausa iam ianua, tristissimam illam vocem audierunt, *Amen dico vobis, nescio vos*. Et potuerunt quidem misella flere deinceps calamitatem suam, non etiam illi remedium aliquod adhibere. Itaque concludens magnus magister, *Vigilate*, inquit, *quia nescitis diem neque horam*. Alio etiam loco seruum illum beatum prædicat, quem Dominus inueneris vigilantem, *Amen dico vobis*, inquit, *quoniam super omnia bona sua constituet eum*. Improbum autem ac vecordem dilucet, corpus ab animo separando, *partemque eius*, animam scilicet, dum supremum iudicium expectatur: ponet cum hypocritis, ubi perpetuus erit fletus, ac stridor dentium.

V. Et ne forte quispiam malè sanus in exemplis parabolicis tergiueretur: profert idem Seruator exemplum eorum, qui in diebus Noë, imminente diluuiio ad sancti viri admonitiones oburdescebant, non secus, ac si somno sepulti iacerent, conuiujs vacabant ac nuptijs, aliæque omnia faciebant ac curabant, vsque in diem, quo Noë intrauit in arcam, & cataractæ cæli apertæ sunt, & fontes abyssi magnæ reclusi, & omnes diluuiio periere. Præmonet quoque idem euenturum, sub secundum eius aduentum, nec homines illo exemplo, aliisque castigatos fore cautiore; mira profecto socordia, ac stupore mortalium, in re præsertim tanti momenti, tamque incerti temporis: cum pater familias, qui ignorat qua hora fur venturus sit, totas noctes vigilet, nec sinat à nocturno grassatore perfodi domum suam. *Ideo & vos*, inquit, quorum tanta res agitur, *estote parati, quia qua nescitis hora filius hominis veniet*.

VI. Apud Marcum autem vide ut hanc vigilantiam vrgeat; *Videte, vigilate & orate*. Nescitis enim quando tempus sit, aut finis vestri, aut mundi totius, in quo utroque veniet ad vos Dominus vester, ut ponat rationem cum seruis suis. Itaque res habet, sicut cum homo peregrinè proficiscitur, & relinquit domum suam in manibus famulorum suorum, suo cuique opere commissio, & ianitori præcepit ut vigilet, qui est instar æconomi, qui cæteros continet in officio. Vigilate ergo, nescitis enim quando Dominus domus veniat, *serò, an media nocte, an galli cantu, an mane*, id est quatuor vigiliarum aliqua, *ne cum venerit repente, inueniat vos dormientes*. Quod autem dico vobis, omnibus dico, *vigilate*. Habemus ergo hoc Domini præceptum, datum, iteratum, inculcatum, omnibus pene Euangeliorum paginis. Vsque aded perspectam habebat hominum ignauiam, & somnolentum, in rebus grauissimis, ac salutem æternam spectantibus, torporem.

VII. Vigilantiæ porro suæ quæ dedit exempla? S. Lucas testatur Dominum electurum duodecim Apostolos, ascendisse in montem, ibique totam noctem in oratione posuisse; id autem crebro facitare solitum significat Euangelista, cum non ait, & pernoctauit in oratione, sed erat pernoctans in oratione Dei. Nimirum cum erat in Galilæa, montem, qui erat iuxta mare Tiberiadis, ut Marcus significat, ad nocturn-

nam orationem frequentabat, sicut cum esset in Iudæa Oliueti montem creber adibat. Nam, ut monet Ioannes, in peruigilio mortis suæ ca. 12. 1.
montem Oliuetanum, ex consuetudine adiuit cum discipulis suis. Lucas etiam clarius. *Erat autem diebus docens in templo, noctibus autem exiens morabatur in monte, qui vocatur Oliueti.* non quietis utique causa; Lazarum enim & sorores adiisset in vicina Bethania, sed ad orandum; indeque bene manè redibat in templum, quo populus ca. 21. 37.
ad eum audiendum confluebat, ut Ioannes & Lucas scripto prodidere. Ioan. 8. 1. 2.
Luc. 21. 37.
38.

Ibi noctem transegerat in precibus, cum diluculo iterum venit in templum: quod illum Scribæ & Pharisei adierunt, adducentes mulierem in adulterio deprehensam. In monte solus orauerat, ad quartam usque noctis vigiliam: cum venit ad Discipulos suos, qui fluctibus in mari medio ventisque iactabantur, quos cum adiisset, ambulans sicco vestigio super mare, sedauit nutu tempestatem. Vides egregium vigilantie usum in Seruatore. Sed ea multo admirabilior fuit, illa ipsa nocte, quam vltimam mortalis egit in terris; in qua mitissimus ac vigilantissimus Dominus, non parum indigens erat quietis, ad colligendum aliquid roboris, ad perpetiendos reliquæ noctis, & diei consequentis acerbissimos dolores. Vigilare tamen maluit & feruida ad Deum oratione roborari, ad quam etiam inuitauit Apostolos, quam VIII.
Maximè in
Oliuetano
monte.
Ioan. 8.
Matt. 14. 23.
tantillo somno recreari. Ergo illis dormitantibus ipse preces fundit ad patrem, tanti plenas feruoris, ut in sanguineum sudorem, & summam luctantis animæ contentionem terminarentur. Itaque si semel eum reperimus dormientem, ad probandam discipulorum fiduciam, ad incitandam nostram vigilantiam illum vbique inuenimus vigilantem. Matt. 26. 38.
40.
Matt. 8. 24.
Sed doceamus quoque, si possumus,

CAPVT VII.

Diuinum Amorem ipsum quoque Deum reddere vigilantem.

ID sane persuadere, inquam, vulgò difficile videatur, cum eiusdem sit dormire ac vigilare; & somnus sit animalium proprius. Et Seruator qui- I.
Avtor.
Deum non
vigilare,
ca. 12. 19;
dem dormire potuit sicut & vigilare, potum sumere, cibumque; sicut reuera sumpsit: angeli autem, ut in assumptis corporibus cibum capere simulent, aut somnum, neutrum certè capiunt. Sunt enim hæ vitales animantium actiones, quæ nisi ab animantibus exerceri non possunt. Itaque Raphaël angelus Tobie dicere non dubitauit, *Videbar quidem vobis*

cum manducare & bibere: sed ego cibo inuisibili, & potu, qui ab hominibus videri non potest, vitor. Nec verior erat illius somnus, aut vigilia. Oportet tamen, mi Amor, te vigilantiam in Deo demonstrare, si originem tuam persuasurus es esse diuinam.

II.

*Proprie lo-
quendo.*

Psal. 45. 23.

Psal. 77. 65.

Ps. 120. 4.

Quæ mens igitur fuit Propheta regij, ait Amor Vigilans, in amica illa querela Deum excitantis, & euigilare cupientis ad ferendam sibi opem? *Exurge quare obdormis, Domine, exurge & ne repellas in finem, quare faciem tuam auertis? obliuisceris inopia nostra, & tribulationis nostre.* Et alio loco Propheta idem. *Et excitatus est tanquam dormiens Dominus, tanquam potens crapulatus à vino.* verum alibi populum consolatione confirmans, *Ecce non dormitabit neque dormiet qui custodit Israël.* Metaphoricum utique somnum Deo tribuit, sicut & vigilantiam. Qua loquendi formula docere voluit Propheta, Deum amorem erga populum suum dissimulare, quando illum vexari permittit, seque perinde gerit erga illum, ac si somno consopitus esset. Alias patefacit amorem suum, cum eum studiosè tuetur ac protegit, sicut qui excubias agit ad tutandam arcem aliquam, ab hoste acriter oppugnatam.

III.

*Quæ sit Dei
vigilia.*

Psal. 8. 5.

Dei amorem esse peruigilem, est Deum perpetuo intentum esse salutis nostræ atque profectui, perpetuo intueri nos, perpetuo cogitare de nobis: omnibus actionibus nostris, verbis, cogitationibus, sine vlla intermissione, adesse præsentissimum. Hoc admodum mirum est, fateor, nec minus tamen verum. Si enim Deus cogitat aliquando de nobis, quod mirabatur Dauid cum diceret, *Domine quid est homo, quod memores eius?* idque requirit amantissimi patris erga filios suos providentia; si cogitat, inquam, aliquando, perpetuo cogitat; nihil enim in Deo mutabile est, perpetuo actus est, nec posset per vices, atque alternatim cogitare de nobis, sine mutatione; fieret enim de cogitante non cogitans, & vice versa: itémque de cognoscēte non cognoscens; cogitatio enim & cognitio vnum idémque sunt in Deo. Quod si aliquo tempore non videret, aut non cogitaret opera hominum, posset illa ignorare, & moneri ab aliquo, ne quod bonum opus esset mercedis expers, aut malum animaduersionis, quæ sunt in summa Dei perfectione absurdissima.

IV.

*Quæ sint ho-
minum ex
ea comoda.*

Vide autem nunc quæ sint huic tantæ vigilantie consentanea; tam intentæ, atque indefessa cogitatione de nobis. Si Deus perpetuo de me cogitat, num æquum est me aliquando illius obliuisci? nonne persuasum mihi esse debet, eum me illis affari verbis, quibus olim Catarinam Senensem, *Cogita de me, & ego cogitabo de te*; sollicita esto pro honore & cultu meo, ego curam geram salutis tuæ. Rursum, si Deus perpetuo de me cogitat, suamque mihi per superiores meos patefacit voluntatem, quorsum sim de me ipso sollicitus? Et iterum, Si Deus perpetuo me intuetur, & firmat super me oculos suos, quanto cum sensu, ac ueneratione altare debeo diuinæ præsentie? quomodo facta dicta, cogitata componere, eo ad singula vigilanter attendente, expendente, diudi-

cante?

cante? Si quid patior, nonne eo conscio patior, qui diligit me? nonne ipse videt, & actu cogitat dolorem meum, & ad infirmitatem meam, & auxilium gratiæ suæ, vim permissæ aut immixtæ tentationis attemperat?

Deus singulariter attentus atque intentus est peculiari bono tuo, non omiſſa propterea reliqua mundi gubernatione; infinita quippe prouidentia ipsius abundè sufficit ad omnia, nec minùs in rem vnius occupatus est, quàm multorum millium; nec minùs accuratè vniuersas res creatas contemplatur quàm singulas, neque perfectiùs continenti successione, quàm simul. Nihil ergo causæ est cur aditum ad ipsum differamus in crastinum, aut horam captemus precibus opportunam, Ei semper est otium, & quo nos cùmque tempore ad eum contulerimus, de rebus nostris cogitantem offendemus; aderimus loco ac tempore congruenter. Si cui certò constaret optimitatem aliquem, regi valde gratiosum, aut regem ipsum quotidie horæ dimidium aut quadrantem ponere in eius negotiis agendis, commodisque promouendis, nonne ille se beatum putaret? Quæ est igitur hominis felicitas, qui Deum opr. max. habet singulis horis momentisq; cogitantem de ipso, eiusq; negotiis inuigilantem?

Hæc atque his similia sunt ea commoda, quæ ab hac diuina vigilantiâ expectare possumus. Quæ tamen interdum videtur interrumpi; quando sapientissima illa prouidentia, amicorū suorum, quasi somno captus, surda præterit aure preces, commodius aliquid moliens, quàm id quod rogatur; aut rem in tempus opportunius differens. Eadem prouidentia dormire videtur interdum aduersus improbos, dum eos multa cum patientia ac longanimitate tolerat, & tacitus fert iniurias sibi irrogatas, perinde ac si dormiret, nec eas videret, audiret, aduerteret. Nam qui dormiunt, non attendunt si quis eos derideat, si quis increpet, si quis cladem minetur; non mouentur si quis eorum vestes, aut supellectilem furto auferat, si quis infestos ignes tecto inferat, si quis amicos violat, domesticos, necessarios, parentes, non magis quàm si centum millibus abesset, aut in æneam statuam conuersus esset. Ita Dominus simulat somnum, non respicit infensus super iniqua agentes, & tacet deno-

E contrario Deus vigilare dicitur aut euigilare, cum bonis benefacit, aut præter opinionem in nocentes animaduertit; vigilare enim Domini ad vtrumque pertinet. Sic enim apud Ieremiam loquitur, *Sicut vigilaui super eos vt euellerem & demolirer, & dissiparem, & disperderem, & affligerem; sic vigilabo super eos vt edificem, & plantem.* Dominus. Prout videntur aut pœnitentiam egerint, aut peritauerunt in peccatis. Cùmq; virga vigilantem ostendisset Prophetæ, dixit se vigilaturum super verbo suo, vt faceret illud, super castigatione scilicet aut prosperitate promissa. Et rursum, cùm reliquæ Iudaici populi Ægyptum repugnantes Domino, cogitarent, *Ecce ego, inquit, vigilabo super eos in malum, & non in bonum.*

V.
Alia utilitates.

VI.
Videtur aliquid quando bonum,
Malisq; dormire.

Haba. 1. 13

VII.
Et euigilare utriusque.
Ierem. 31. 28

Ca. 1. 11. 12.

Ca. 44. 27.

Yyy

VIII.
Vigilantia
in puniendo.

Dan. 4. 10.

29.

Thir. 1. 14.

Dan 9. 14.

Baruch. 2. 9.

ca. 4. 14.

IX.

AVTOR

AMOR.

Ad amorem

quoque per-

tinet.

Apoc. 3. 19.

Prou 3. 11.

Hebr. 12. 1.

Plurimum tamen in animaduersione vigilia Domini vsurpatur. Ita-
que cum Deus ostendere voluit Nabuchodonosori diuinam ultionem
capiti eius imminentem, vigilem is Dei angelum vidit, ad eam exequen-
dam paratum; à quo & regno pulsus, & ad bestias damnatus est in se-
ptennium. Ita Ierusalem lamentatur vigilasse iugum iniquitatum sua-
rum, id est poenam peccatis suis debitam incubuisse in se, suumque ca-
put ad terram vsque instari iugi degrauasse. Ita Daniel & Baruch aiunt
Deum vigilasse super malitia Iudæorum, & adduxisse eam super eos;
iuste videlicet puniuisse, nec poenam, quasi nondum euigilantem, lon-
gius distulisse. Consentaneè il' is apud Isaiam minis. *Tacui semper,
filii, patiens fui; sicut parturiens loquar, dissipabo, & absorbebo simul.*

Sed cuiusmodi est hic amor, inquam, ad poenas & animaduersionem vigil? Iustissimus, inquit Amor Vigilans, maximèque laudabi-
lis. Nisi fortè Pater filium non diligit, cum eum arguit & castigat.
Cui enim illud Salomonis & Apostoli est inauditum, *Fili mi noli negligere disciplinam Domini; neque fatigeris, dum ab eo argueris. Quem enim diligit Dominus castigat, flagellat autem omnem filium quem recipit.* Nonne satius est patrem ita se gerere, quàm si filius, paternæ correctionis expers, incidat in triumuirum capitalem, à quo agatur in crucem? Sic Deus Nabuchodonosorem in hac vita castigauit, quia paternos oculos in eum coniecerat, ut ne in æternum periret. Quod & aliis ple-
risque vsu venire cernimus, quos non permittit Dominus impune pec-
care, & ad finem vsque genio indulgere, ne cogatur in eos animadu-
terere supplicio sempiterno. Eius itaque somnus ac vigilia æquè signa sunt bonitatis eius, & amoris in homines sui. Nec aliter ille mundi oculus oritur & occidit, quiescit & euigilat, lumen tenebræque dispensat, in vtilitatem omnium viuentium.

CAPVT VIII.

Adhortatio ad vigilantiam.

I. **Q**UOD vobis dico, aiebat Seruator, omnibus dico, *vigilate*; atque
Vigilantia
est omnibus
necessaria.
Marc. 13. 37.
Rom. 13. 23.
Mat. 25. 25.
Psal. 129. 3.
1. Cor. 11. 27
adeo euigilate ex somno culpæ: omnes enim peccauerunt, & egent
glor. a Dei, ut ait Apostolus, id est misericordia, qua Deus in peccato-
ris conuersione glorificetur. *Quinque erant virgines prudentes, & toti-
dem fatue, & de vtrisque æquè dicitur, dormitauerunt omnes, & dor-
mierunt.* Nemo est qui non se vltro somni negligentia, & peccati fa-
teatur reum, quique non dicat cum Daude, si se ipse ac Deum probè
nouit. *Si iniquitates obseruaueris Domine, Domine quis sustinebit?* Paulus
se in vigiliis multis ac laboribus Deo facetur esse famulatuum. In eorum
tamen se numerum refert, qui negligentius Deo seruierunt. *Hora est;*

inquit, iam nos de somno surgere. Quid ergo sentiant ac dicant ij, quorum nullum pene est opus, in quod non aliquis negligentiae somnus obrepat?

Præfules igitur alloquitur, ac pastores animarū. *Tempus est*, inquit, vos de somno surgere, non enim ignoratis dum dormirent homines inimicum hominem superseminasse z zania: Doctoribus videlicet, & Episcopis, qui Ecclesiae vigilantes sunt, & agri ipsius excubitores, dormientibus, dum superseminauit hæreses, cum quibus Christianam rempublicam omnia crimina inundarunt. Nonne Apostoli ipsi obiurgantem habuerunt magistrum, quod tempore tentationibus obnoxio, quamuis intempesta nocte dormirent? Spiritus Domini Prælatos omnes in viuis persona compellans ait. *Scio opera tua, quia nomen habes quod uiuas, & mortuus es. Esto vigilans & confirma cetera, quæ mortitura erant.* & mox, *Penitentiam age, si non vigilaueris, veniam ad te tanquam fur, & nescies qua hora ueriam ad te.* Et Paulus inclamat Episcopis & senioribus Ecclesiae, *Attendite uobis, & uniuerso gregi, in quo uos Spiritus sanctus posuit Episcopos, regere Ecclesiam Dei, quam acquisiuit sanguine suo.* Vigilate, memoria retinentes quoniam per triennium nocte & die non cessauimus cum lacrymis monens unumquemque uestrum.

Alloquitur diuini Verbi præcones in persona Timothei, *Tu uero uigila, in omnibus labora, opus fac Euangelista, ministerium tuum imple, sobrius esto.* Laeta enim conuiuia somnum inducunt, hominesque parum idoneos reddunt ad aliorum torporē excutiendum. Sapientis igitur consilium exequatur. Cor suum tradat ad uigilantiū diluculo, ad Dominum qui fecit illum, & in conspectu altissimi deprecetur. Additq; mox, *Si Dominus magnus uoluerit, spiritus intelligentia replebit illum, & ipse tanquam imbres mittet eloquia sapientia sua, & uidelicet auditores suos participes reddet plenitudinis suæ; ne sit tanquam æsonans, aut cymbalum tinniens, & instar Scribarum & Phariseorum, dicat, & non faciat.*

Excitat optimates & magistratus, monetque ne ambitionis fumo consopiantur, ne Ecclesiam opprimant, pro qua defendenda gladium portant; ne lites aut inimicitias foveant, suum ut cuique ius tribuant, memores fore aliquando, ut Deus sedeat in cætu iudicum, alto è throno sublimis, dum ipsi in exigua sella, aut humi nixi genibus, nudo capite, supplicesque iudicabuntur. Pergit monere ceteros idem Apostolus.

Euigilate, inquit, mercatores, redimite tempus, quoniam dies mali sunt, comparate uobis beatitudinem; adest enim opportunum isti negotiationi tempus, ne uos lucri cupiditas reddat incautos; sed tanta uigilantia transite per ista temporalia, ut non amittatis æternam.

Euigilate diuites, & recordamini viros diuitiarū, quibus scilicet diuitiæ dominabantur, dormisse somnum suum, & serius euigilantes nihil inuenisse in manibus suis. *Diues cum dormierit*, ait Iob, *nihil secum auferet; aperiet oculos suos, & nihil inueniet.* Ne obliuiscamini, per Deum immortalem,

vos rem facturos miraculo proximam, aut planè miraculum, vt significat haud obscure Seruator, si salutem vestram, per medias negotiorum atque impedimentorum turbas expedire possitis. Quæ est enim obsecro illorum verborum sententia? *Apud homines hoc impossibile est, apud Deum autem omnia possibilia sunt*, qui scilicet cum vobis mentem dabit, vt peccata vestra misericordiæ, & beneficentiæ operibus redimatis; vt autor olim fuit Nabuchodonosori Daniel, in magnum eius bonum.

VI.
Pauperibus.

Euigilate pauperes, quia pauperes Dominus diligit, & prædicat beatos, & inuitissimus perdit; quin etiam eos statim ab ortu suo visione angelorum dignatus est, & optatissimo nuncio nati Seruatoris mundi. Sed isti pauperes *pastores erant in regione eadem vigilantes, & custodientes vigilias noctis super gregem suum*. Vigilate vos quoque, & viuete in timore Dei; ab omni rei alienæ attrectatione, aut cupiditate abstinete, & in patientia vestra possidebitis animas vestras.

LUC. 21. 19.

VII.
Iustis.
Tob. 2. 10.
Act. 20. 9.
Gen. 9. 22.

Euigilate iusti, nam bonus Tobias, quamvis ex bonorum operum defatigatione dormitet, visum amisit, & Eutychus, bonus opinor adolescens, cum sederet in fenestra, & mergeretur somno graui, disputante diu Paulo, *cecidit de tertio cœnaculo deorsum, & sublatu est mortuus*. Bonus Patriarcha Noë dormiebat, cum à filio Chamo irritus est, cuius sceleris poena in totam propagata est posteritatem. Vigilate potiùs in precibus cum Dauide, anticipent vigilias oculi vestri, meditamini nocte cum corde vestro, & exercemini. Quin & hunc ipsum Apostolum omnes ad euigilandum exhortantem imitamini, qui vivebat *in labore & arumna, in vigiliis multis, in fame & siti, in frigore & nuditate*.

Psal. 62. 2.
& 107. 8. &
76. 5. 7.

2. Cor. 11.
27.

VIII.
Iniustis quoque.
1. Reg. 24. 5.
Iudith. 13.
Iud. 4. 20.

Euigilate denique peccatores, nam quorum summa sunt pericula maximè vigilare decet. Mementote Regis Sais, qui dormiens summum adiit vitæ discrimen; & planè perierat, nisi mitissimum ac religiosissimum sortitus fuisset inimicum. Holofernes in Assyriorum exercitu imperator, somno vinoque sepultus à vigilante Iuditha capite truncatus est. Sisara quoque Chanaanæorum dux dormiebat, cum animosa Iahel clauo tabernaculi defixit caput eius in terram, qui *soporem morti consocians defecit, & mortuus est*. Qui se negligentiae somno permittit, homo nihili est. Nam, vt ait Plato, *καὶ τοὺς ἄλλους ὁ δὲ τοὺς ἀλλοτρίους*. Nemo somnulosus vlla re dignus est.

CAPVT IX.

*Quedam incitamenta mortalibus ad diuinum in se amorem
ab inertia somno excitandum.*

Nisi diuinus amor in maxima parte mortalium pigris veterino sopitus esset, ac pene iaceret emortuus, nihil opus esset calcari- bus, aut stimulis ad eos excitandos ab eo stupore, ac frigore, quo con- stricti retinentur. Sed cum res eorum tam misero in statu sit, quærenda sunt incitamenta, quibus torpor iste languidæ voluntatis aut excutiatu- penitus, aut certe minuatur. Verum nihil opus est huiusmodi argumen- ta inuestigare, in promptu sunt, si quæ à nobis dicta sunt hæcenus ex- pendantur. Nam si inanitatis rerum humanarum sectatores, tam vigilantes in iis conquirendis, conseruandis, amplificandis, vt serpentibus Epidauriis, aut Argis centoculis nihil cedant, quæ vigilantia deberet ef- se studiosiorum veræ germanæque felicitatis: qui illud sanctissimi Pon- tificis Leonis non ignorent, *Non dormientibus prouenit regnum cælorum, nec otio ac desidia torpentibus beatitudo æternitatis repromittitur.* Diceret istos existimare, laborem suum pluris esse, quàm felicitatem illam.

Si Græcus ille orator, vt dicebam, sibi ipsi indignabatur, si quædo opi- ficum antelucana industria victus fuisset. Si imperator Themistocles nocturnus ciuitatem obambulabat impatiens somni, quod eum Militia- dis trophæa somnum capere non sinerent. Si Aristoteles obdormiuit cum pila ænea in manu, qua in peluim decedente somno ad studium ex- citaretur, quid facere par esset melioris Philosophiæ studiosos, præstan- tioris gloriæ ac trophæorum candidatos? Nihil admodum intererat istos vanitatis seruos, & mancipia idolorum in altam lucem stertere. Dor- mientes enim nihil perpetrabant mali, in vigilia carni fere, mundo, Sa- thanæ seruiebant, qui eis miseras intulere sempiternas: cum vigilantia famulorum Dei, eorum merita in singula momenta multiplicet, & im- mensum gloriæ pondus acquirat.

Sed vide, inquam mi Amor, ne non iustissima sit hæc querela tua. Nā pro singulis viris, quos ab historia mutuaris, recordare quàm multæ sint toto orbe Christiano familie religiosorum virorum atque scemina- rum, quarum pleræque multis iam non dicam annis, sed seculis, mediis noctibus euigilant, ipso frigore & cubili surgunt, templum adeunt, multis horis preces decantant Deo. Sed tu ipse potiùs, ait Amor, repete memoria quam multi toto orbe terrarum lucris, honoribus, voluptati- bus noctes diésque insomnes inhiant, quos ex vetere historia mendica- re nihil est necesse, cum huiusmodi exemplis plena sint omnia, atque in oculos vltro continenter incurrant. Et quod magis deplorandum est, illi

I.
Necessaria
incitamen-
ta.

Peti possunt
à mundano-
rum vigilan-
tia.

II.
Putat De-
mosthenis,
Themisto-
cles, & alio-
rum.
Tusc. 4.

III.
Maximèque
religiosorum
A V T O R,

A M O R.

ipsi qui Deo nocte vigilant, quanta sæpè cum negligentia, mollicie animi, corporis languore vigilant, ut plerumque altantes Angeli oscitantem hanc & dormitantem orationem, aut misereantur, aut indignentur. Ut nisi cum optimo Deo res illis sit, supplicium eis sit pro mercede formidandum.

IV.
Et ipse
Christi Do-
mini.

Fateor equidem nunc quoque non deesse Dei famulos sexus utriusque, in sacris hisce officiis vigilantissimos. quos ceteri, sicut pueros illos, merito imitentur, qui lumbos præcincti, lucernas ad dētes gestant manibus, expectantes Dominum suum quando reuertatur à nuptiis, ut cum pulsauerit, confestim aperiant ei, & simul introeant in gaudium Domini sui. Quis porro pudor est dormire nos in salutis nostræ operibus, cum nō ignoremus Seruatorem, diurnos labores, nocturnis vigiliis precibusque copulasse? Quis ferat ducem exercitus sudore madentem, milite oscitante ac semisomno? Verus Israël tota nocte cum Angelo luctatur, ut nobis obtineat benedictionem, iubetque Angelos suos custodias agere, & castrametari in circuitu timentium eum, quomodo non accusamus, & abiicimus ignauiam istam somnolentam, & tardium bonorum operum? quomodo ad euocantem Dominum non vigilantur accurrimus, ut suauissima eius consuetudine perfruamur?

Psal. 33. 8.

C A P V T X.

Vigilantis Amoris de hominum somnolento torpore querela.

AMOR VIGILANS.

I. **I**N FOELIX tota quicunque quiescere nocte sustinet, patiturque hunc vitæ humanæ latrunculum, magnam temporis partem suffurari, quo ingentia in futuram vitam bona comparare liceret. Quam aperte ostendit hæc somnolentia, diuinam in multis languere Charitatem. Si postridie inituri sunt peregrinationem aliquam, à secunda noctis vigilia lecti tædet & noctis: si stat diebus æstuosis in aurora frigidò cælo inambulare, maturissimè expergiscuntur; ad nocturnas autem, atque antelucanas preces, caput à cervicali amoueri non potest; usque adedò terrenæ res gratae sunt atque domesticæ, cælestes autem, graues ac peregrinæ. Sed illucescet aliquando illa dies, in qua Dominus minimè dormitabit examinandis actionibus vestris, sed singulas scrutabitur in lucernis, & somniculosum hunc amorem, indignum vigilantia sua, castigabit, cum illa fortasse voce, qua fatuæ virgines à nuptiali domo exclusæ sunt.

Querela pe-
tita à mun-
dana vigi-
lantia.

Soph. 1. 12.

Quæcunque videtis in terris, auditis, experimini, ab ignauia somno excitare vos possunt, eo tamen oppressi iacetis. Si ignis illapsus fuerit in testum, aut in supellectilem, illic euigilatis, & ad illum restinguendum accurritis; nõne videtis bellorum ciuiliũ incendia tot provinciis iam dudum exarsisse, & Christianum orbem latè populari? Ambitio, Hæresis, Impietas, tres incendiarij sunt, qui armati facibus, vbique incendia miscunt? Frigore sæuiente vix obdormiscunt homines, & faciliè euigilant: pridem incensa Christianorum Charitas refrixit, & nisi in paucis foueretur, ac viueret, omnia glacies occuparet, nec tamen excitamur. Si quem dormientem pullaueris illico somnum excusseris; quæcumque damna, iacturæ, calamitates, famæ, eluiones, pestilentiaë populos diuexant, totidem sunt flagellorum ictus diuinitus impacti; quotus quisque est qui propterea euigilet?

II.
Causa euigilandi accom-
modata somno spiritali.
Ignis.

Frigus.

Percussio.

Fumus, qui meatus respirationis obstruit, somnum abruptit; infamia peccatorum fumus est, qui latè spargitur, meritòque pudore obstruere debeat ora peccatorum; dormiunt illi tamen in vtriusque aurem. Clamor, aut vehemens sonus peregrinantem animum reducit ad aures, ceterasque portas sensuum, somnumque dispellit; Concionatores Dei iussu clamant, & quasi tubæ exaltant vocem suam, & populum scelera eorum, tum Numinis iras denunciant, si fortè euigilare velit, priusquam vltima illa tuba illam intonet vocem, *Surgite moriui, venite ad iudicium*. An surdior erit rupibus, quæ clamoribus respondent, clangorique tubarum? Curæ, sollicitudines, operosa negotia, somnum obrepere non sinunt, aut illapsum faciliè dissipant. Quæ maiora negotia mortalibus contingant, quam per huius vitæ nundinas, bona æterna lucrari, euadere supplicia sempiterna?

III.
Fumus.
Somnus.

Cura & negotia.

Si quis de fama, de fortunis omnibus, de vita ipsa periclitetur, somnum non capit, si maximè velit, aut citò expergiscitur, vt matutino suscitabulo non sit opus. Innumera pericula mortales, grauissimæque circumstant, innumeri hostes in perniciem eorum dies noctesque excubant, quorum perniciosissimi cælum nobis eripere moliantur, & tamen cura vacui, quasi discriminis omnis expertes, dormitamus? Si tibi voraginem imminentiã discedens terra patefecerit, in cuius fundo serpentes, viperæ, dracones stabulentur: tu autem ad extremam illius oram, vix extremo pede, in terra lutulenta, lubricæque hæreas, manûque iuncum teneas, qui ad singula momenta radicatus euellatur, num possis in tanto, tamque certo salutis discrimine dormire? Quid ergo? nõne toto corpore, animòque immines infernæ illi voragini, plenæ demonibus, capitalibus humani generis inimicis, quos sanguinis eius sitis excruciat, quorum fauces ad vorandas animas horrendum patent; vita autem tua valetudine ista nititur, quæ assidue carpitur ac

IV.
Pericula.

libatur; & manus spei longioris vitæ, quæ continenter euellitur adhære-
 scit; quomodo ergo non dicam ridere, sed de somno, ciboque cogitare
 potes?

V.
Somni diu-
urnitas.

Oratio ad
Christum.

Denique somnus ipsa sua diuturnitate finitur, ipsique glires, ut tota
 hyeme dormiant, verè euigilant; cur ergo non expergisceris peccator
 infelix, quem totam pene vitam somnia somnique tenuerunt? Si ergo
 ignis, frigus, fumus, si percussiones, negotia, si pericula ingentia, si lon-
 gitudinis quietis non excitat peccatorem, ecquis eum excitare poterit, nisi tu
 Seruator misericors, iniectis flammis ardentis Charitatis tuæ, quæ te de
 sinu patris eduxit & adduxit in terras, ut in iis excites diuinum ignem be-
 neficiis tuis, quasi totidē cremolis sulphuratis: aut illo frigore, quod in
 patibulo carnem tuam gelu adstrinxit & sanguinem. Adhibe efficacita-
 tem precum illarum, quæ sanguineo sudori, mortiferæque luctæ con-
 iunctæ, ascenderunt ad thronum Dei, sicut fumus thuris accensi. Adhi-
 be illa cruenta verbera, quæ lacerarunt sacrosanctum corpus tuum: il-
 losque malleorum ictus, quibus filij membra, & matris viscera tunde-
 bantur: Ingere clamores admonitionum atque instinctuum tuorum,
 quos etiam surdi exaudire possint, quique insonent, *hora est iam nos de*
somno surgere: Inhere curam magnitudinis negotiorum illorum, quæ te-
 cum transigenda sunt nobis, in transitu vitæ huius, cuius locus, hora,
 modus incerta sunt nobis. Immitte timorem summi illius discriminis,
 incurrendæ maledictionis æternæ: ut dum suprema illa hora inuenti fue-
 rimus vigiles, obdormiamus morte instorum, expectantes dum beatorum
 somno irriteriamur, & in contemplatione diuini vultus, omnibus expe-
 diti molestiis, conquiescamus.

Decimi-quinti Libri finis.

LIBER



LIBER DECIMVS-SEXTVS, ET VLTIMVS.

De Comitatu Diuini Amoris.

CAPVT I.

*Descriptio duodecimi filij Charitatis, cui nomen Amor Officiosus
& Comm.*



ITa perorauit Amor Vigilans, & sine querelæ suæ im-
posito modicè secessit, siue vt succedenti fratri locum
daret, siue vt gerneret, super ignauo, atque ingrato so-
pore mortalium; cùm Charitas postremo filiorum
suorum innuit vt assurgeret, locumque acciperet ad di-
cendum, & totum huius legationis negotium absoluē-
dum. Nomen illi Officiosi Amoris dedit mater, quem vt conspexi at-
tentius, renocauit mihi in mentem, *Iuuenem illum splendēdum, stantem
precinctum, & quasi paratum ad ambulandum*, quem iunior Tobias,
cum iussu parentis viæ ducem quæreretur, peropportunè offendit. Nec
erat fortassis admodum Seruatori dissimilis, cùm is decimum octauum
annum ageret, & præcinctus ea tunica, qua illum induerat mater sua,
vel in officina expeditus erat ad laborem, cum Sanctissimo Iosepho
subeundum, vel domi ad deferendum obsequiosissimum Matri famu-
latum.

I.
Transitio.
A V T O R.

Tobias.

Hic porro noster Iuuenis gratam vultu præferebat hilaritatem, &
in vitæ consuetudine festiuam elegantiam & comitatem; nihilque erat
in incessu, aut motu corporis non decorum. Lætius agendi vigor emi-
cabat ex oculis flaua erat cæsaries, plurimûsque residebat in ore lepos.
Eiogiū gestabat manu in hæc verba descriptum. *Non veni ministrari,
sed ministrare.* Et reuera in eius pallio, acupicta erat historia Christi
abluentis Apostolorum pedes; vbi grata erat oculis species Petri Do-
mino resistentis, ne is erga scetam officiosè gereret se: & vicissim

II.
Descriptio
Officiosi A-
moris.

Gal. 5. 13.

Z z z z

Christi serio cum discipulo contendenti, ut id officij ille pateretur. In ora pallij hæc Apostoli verba operæ plumario legebantur, *Per Charitatem Spiritus seruite inuicem*. Ipse se omnium fratrum ultimum ac minimum, pro sua animi demissione reputabat; itaque omnium ultimus dicere voluit; ratus comitatem, sine interiore summissione mentis, qualis vulgò frequentatur, germanam esse simulationem.

III
Proposicio
dicendorum.

Docebit autem, quantum ex præcedentium eius fratrum oratione licet assequi coniectura, diuinum Amorem Officiosum esse & comem, simulque aptum ad prouocandos homines ad omne officij genus & comitatis, quo Dei gloria & animarum salus promoueri possit. Ostendet Deum ipsum, & sanctos, & in primis Sanctum Sanctorum Christum Dominum ostendisse mundo, suam erga Deum, proximūque amorem, sincera comitate abundasse, nihilque habuisse simulatum aut duplex; quod vitium in mundanis officiis, & comitate solet esse maximum. De qua principio nobis dicendum est aliquid, ut ex opposito mundi amore, officiosa Charitas illustrior fiat.

CAPVT II.

Amorem vniuersè officiosum esse, & comem.

I.
Platonis de
Amoris of-
ficio testimo-
nium.

ANTIQUI Philosophi non ignorarunt amorem vniuersè sumptum officiosum esse, idque scripto haud obscure prodiderunt. Plato enim in Symposio, ait Amorem apud superos agere hominum interpretem; & quasi nauclerum, hominum votis, desiderijs, ac sacrificijs in cælum transportandis, & Deorum muneribus ad eos vicissim deferendis; agere verò, nulla vi aut necessitate compulsū, sed officio adductum, liberāque voluntate. Nam, ut ait idem Philosophus, famuli omnes Amoris, instar sunt voluntariorum militum, qui operam suam ultro militiæ dederunt. Amor enim voluntatis primus est actus, eamque moderatur ac regit, & sicut voluntas vim externam pati non potest, sed eam tantum, quam sibi ipsamet intulerit, sic & amor liberis excurrit habenis, quo se cumque conuerterit.

II.
Probatio ab
experientia.

Quotidiana quoque experientia docet, hominem non solum æquo, sed libenti etiam animo pro amicis occupari; imò & magnam animo capere voluptatem, quod eis operam suam possit impendere: neque vllum quantumvis laborem, præ animi iucunditate sentire. Vides, circa personarum amorem, quàm suauis cum sensu dilecta sponsa, pro sponso, parentes pro suauissimis liberis, liberi pro parentibus operam nauent? Fidelis seruus hero beneuolo, qui eius fidei sua omnia credidit, ut Pu-

ti phar olim Iosepho, quàm ei promptè, quàm libenter, quàm fideliter noctes dièsque famulatur: Viden' vt eat, redeat, visitet, moneat, prouideat, instet operi, pareat heri sumptibus, maiore cura diligentiaque, quàm si suum ipse negotium gereret. Clarissima res est, & sacris testata literis in Iacobo Patriarcha, qui quatuordecim ipsos annos Labano in gratiam Rachelis, fideliter officiosè que seruiuit: eoque officiosior fuit eius amor in Rachelem, quod is exhibitum homini duro ac moroso famulatum mitigauit, reddiditque tolerabilem.

Facit hic amor, cum verus est ac syncerus, vt amici mutuis inter se officiis incundissimè certent, seque felices putent cum rebus ipsis beneuolentiam suam probare possunt; & captandis occasionibus ita excubant, vt cum se obtulerint, eas in lucro ponant. Sin autem parum certus est amor ac solidus, copiosè quidem atque eleganter officia famulatusque, cum multa verborum comitate deferuntur, sed rarus est vt res vltia verba procedat; nisi cum amor non amici vtilitatem quaerit, sed propriam ac suam. Huc pertinet illud Poëtæ:

Es si nullus erit pulvis, tamen exente nullum;

Qualibet officio causa sit apta tuo.

Vt scilicet prompta usurpatio officij minimè necessarij, argumentum sit officiosissimæ, si quando res ita ferret, atque obsequentissimæ voluntatis.

Videmus aulicos hasce omnes officiosæ vrbauitatis leges accuratè didicisse, atque usurpare quotidie aduersus principes suos, vt se in eorum gratiam magis magisque insinuent, & quæ inde pendent, opes & copias, honores, imperia, auctoritatem consequantur. Hæc eos magnis cum sumptibus in aula detinent, vltra trimestre legitimæ operæ, longè à familia, cognatis, atque amicis, multis expertes commodis, quibus perfruerentur domi. Ibi multis obsequia deferunt, quorum opera indigent, vt quod studiosè sequuntur, feliciter assequantur: multa tacent, multa loquuntur, multa simulant atque dissimulant, sed quàm candidè ac syncerè, ille nouit, qui nouit omnia. Aulicus quidam harum ineptiarum non imperitus, aiebat eum in aula saepenumero alteri aperire caput, cui vellet obtruncatum caput, nec raro illum venerationem, magna corporis inflexione homini exhibere, quem vellet, etiam cum graui damno suo, funeratum. Ita ibi fuco, simulatione, odio, æmulatione plena sunt omnia. Huc spectant illa omnia vrbauitatis officia, quæ Absalon exhibebat Is-

raëlitis, ad regem negotiorum causa venientibus, quibus populi animos, ad impiam defectionem à legitimo principe, eodemque parente suo, pertentabat.

Honoris amor, compendij & prædæ, militem reddit officiosum, postulandis à duce, subeundisque muneribus, quæ longè ab eius

III.

In amore personarum.

Ouid.

IV.

Officiosus aulicorum amor.

1. Reg. 15. 2. 3. & c.

V.

Militem.

Zzz ij

- Tironum.* Sensibus abhorrent. Sperata ex mercatura, cæterisque artibus quaestio-
sis utilitas, libertatis auidam iuuentutem, reddit mercatoribus, at-
que opificibus obsequentem. Reddit & lectiorem adolescentiam mi-
tem præceptoribus atque tractabilem scientiæ amor, & eorum com-
modorum, quæ scientiam honorario comitatu cingunt. Amor quie-
tæ ac securæ vitæ ciues reddit magistratibus obsequentes, vt vigi-
lias obeant, vt in præsidio ac statione pernoctent, vt in armis & sagis
portas custodiant, in toga vel urbane pallio adeant ciuicam domum,
sententiæ dicendæ, vel pecuniæ in publicam rem contribuendæ causa.
- Egrorum.* Amor denique incolumitatis, ac salutis, permolestam sæpè ab ægris
elicit obedientiam, aded vt illius causa membris se truncari patiantur,
ferrumque & ignem in alta vlcera immergi sinant, vt valerudinem recu-
perent, vitamque fugientem retineant.

VI.
*Cur amor sit
officiosus.*

Itaque non dubio experimento liquet Amorem vniuersè officio-
sum esse atque tractabilem: cuius rei non vna causa est. Principiò,
qui diligit mutuo diligere cupit, amamus autem natura duce eos à qui-
bus verbo factòve honoramur; qui ergo commodi sunt nobis, qui of-
ficiosi & comes, honorant nos vtique reuerentèrque tractant; quod
eò gratius est, quò illi honestiore loco fuerint, vel dignitate maio-
re, atque amicitiam quam quærunt faciliè obtinent. Præterea qui a-
mat, vt minus fortasse facilis ingenij sit, fit tamen aduersus amicum
officiosus & comis. Qui enim seipsum vero amico dare cupit, perli-
bentem operam suam in eius gratiam offert, adhibetque; quod est vr-
banum atque officiosum esse. Id si ex animo fit, vt amico bene sit, eo-
mitas ex amore beneuolentiæ profisciscitur; sin autem nostram specta-
mus utilitatem, ex amore cupiditatis officiosa ista verba, factaque na-
scuntur. Nec plura addiderim. Nunc tu nobis, mi Amor, aliquid tuæ
Comitatis atque humanitatis imperties.

C A P V T . III.

*Obsequium & comitatem diuino in primis Amori
conuenire.*

A M O R O F F I C I O S V S .

I.
*Exordium
Officiosi A-
moris.*

NE QVÆ tamen pauca à te dicta sunt, ait Officiosus Amor, ex qui-
bus intelligi possit hanc vitæ sermonisque comitatem sobo-
lem esse diuinæ Charitatis. Neque enim diuinus amor ab amoris na-
tura alienus esse potest, ab eoque non dissimiles funduntur proprietates.
Cæterum quæ à me expectari possunt, non semel fortassis à fratribus

meis diuersa occasione tacta sunt prius. Nam & argumenta ipsa non parum inter se congruunt, & eadem actio ad plures potest pertinere virtutes, nec malè, vt accommodentur singulis, iterari: in primisque Seruatoris actiones, quibus omnium virtutum absolutio continetur. Itaque si qua forte repetitio in oratione nostra contigerit, æqui bonique consules, eamque aut obliuioni tribues, aut necessitati argumenti, aut ipsius rei, quæ inculcari mereatur, dignitati. Nihil est, inquam, quod reformides. Neque enim tam fastidiosi sumus; nec alioqui sterile videtur, quod est in manibus argumentum.

A V T O R.

Dicamus igitur, ait Amor, & illum quo Deus suos prosequitur amorem, & illum quo eum prosequuntur homines, officiosum esse ac commodum, etiam supra mundanum amorem. Illius enim pura est & defectu carent, cata ab omni simulatione comitas; huius autem, quod tute demonstrasti, fere commentitia est & adumbrata, & proprii emolumenti facibus inquinatur: vixque aliò denique mortalium officia referuntur, nisi fortè patrum in filios, aut filiorum in parentes. Quanquam quæ officia patres in filios conferunt, quos alteros seipsos ceniunt, sibi ipsis conferre videntur, vt alio quoque dictum est loco: quando in ipsis viuere quodammodo perseverant, & in eis honorem suum cultumque perpetuant. Neque enim in eos naturam solùm, sed nomina, officia, fortunas, scientiam quoque, si possint, industriamque transmittunt.

II.
Diuinus of-
ficiosus est
humano.

Mutua verorum amicorum beneuolentia, quæ in vera nititur solidaque virtute, diuinæque in primis charitate, verè officiosa est; eorum familiaritas, comitas, officia mutua eò spectant, vt vtrique in dies meliores fiant, & in supremi Numinis amore perficiant. Hic idem amor nobiles animas à mundana libertate abductas, diuinæ mancipat seruituti, & fictam comitatem, in veram animi summisionem commutat. Idem vitæ licentiam valere iubet, eique perpetuam iudicij arbitriique obedientiam subrogat, qua Deo, in persona præpositi, officiosè famuletur, proprio iudicio, ac voluntate generosè abdicatis. Itaque tota eorum vita diuina quædam seruitus est, omnes actiones officiosa obsequia, vnicè dilecto sponso exhibita; titulus autem gloriosissimus, idemque verissimus, vt serui audiant præpotentis Dei.

III.
Atque syn-
cerior.

Quod expe-
rientia pro-
batur.

Sed eorum officia atque obsequia bipertitò, si placet, distinguamus; quædam enim sunt, quæ ex regulæ & votorum obligatione suscipiuntur, quæ officiosa opera vocemus licet, alia obligatione carent, & ex amoris abundantia suscipiuntur vltro, quæ officia gratiosa dicere possumus, & supererogationis opera vulgò dicuntur. Pleræque ipsorum familiaris non expectant dum illucescat, vt diuina un laudam officia persoluant, sed anticipant cum Dauide vigilas, & abrupto somno mediis noctibus exurgunt, & multas horas, in psalmis, hymnis & canticis, cum dilecto suo colloquuntur, & quidem læpetanto cum animi sensu, vt neque tempus, quo membra somnus arctior dulciórque completi so-

VI.
Religionum
officiosa ob-
sequia.

Psal. 76. 5.

let, eorum pietatem soluat in somnum, neque quantalibet frigor vis feruidiorem refrigeret charitatem. Omni autem illo nocturnæ pietatis ac religionis munere perfuncti, in stramineum torum languentia membra proiciunt, ad vicinam auroram, qua Ecclesiam repetunt Dominum salutaturi, illique omnia incoeptantis diei opera consecratur: cæteris deinde horis, usque ad vespertinam, stâtis precibus, solemnibusque perfunguntur, præter pia mentis exercitia, & Missæ sacrificium. Itaque officiosa hæc officiosi Amoris opera, dies noctesque permetiuntur.

V.
In rebus de-
biliis.

Annumeretur hisce officiis, quod quadragenaria ieiunia omnes quotannis, cum reliquo fidei populo semel obeunt, sed ea non pauci secundum ac tertium iterant; quidam vix ad tertiam anni partem ieiunia solvunt. Quidam ab esu carnum funditus abstinere. Alij ab omnibus præterea cibis, quibus in verno ieiunio uti non licet. Permulti linteorum indussorum usum perpetuo ignorant, & asperiores pannum carni nudæ applicant, quem tamen argentibus tibiis, pedibusque negant. Plurimi ostiatim, mendicato in diem cibo victitant; alij viuunt ad eandem mendicitatem parati. Quidam ferociores spiritus, carnis afflictatione domant; alij carnis contumaciam laboriosa mentis contentione comprimunt, rudibus oppidatim catechismo imbuendis, populis è superiore loco docendis, aut iuventute ex æquo instituenda: infidelibus atque hæreticis reuincendis, pœnitentibus reconciliandis, consilio dirigendis imprudentibus, afflictis consolatione reficiendis, visendis iuuandisque languentibus, & carcere detentis; cæterisque misericordiæ operibus administrandis. Denique ferenda Domini cruce, atque insignibus, *per arma iustitiæ à dextris & à sinistru, ut ait Apostolus, per gloriam & ignobilitatem, per infamiam & bonam famam, ut seductores & veraces; in castitate, in scientia, in longanimitate, in suauitate, in Spiritu sancto, in charitate non ficta, in verbo veritatis, in virtute Dei.*

VI.
Et quæ sine
obligatione
sunt.

Iam verò gratiosa quæ dixi officia, & sanctæ apud Deum urbanitatis, plurima quotidie suggerit Ingeniosus Amor, vel blandiendo puero Iesu, vel laboranti auxilium, vel patienti commiserationem offerendo: Quoties eum ad altare sepositum adeunt, salutant, inuisunt; inopiam illi suam, amicorum, necessariorum, parentum ex animo repræsentant; emissa pridem vota, piæque desideria innouant: ei bonitatem, sapientiam, pulchritudinem, dignitatem, cæteraque diuina attributa gratulantur; de acceptis beneficiis communibus ac singularibus gratias agunt immortales; de vocatione præsertim religiosa, qua vna innumerabilia dona continentur. Quoties eius imagines, aut viuas in ipsius vicariis & ministris, aut adumbratas in picturis reuerentur, nonne totidem sunt officiosæ urbanitatis actiones, hero delatæ in amicorum persona, & archetypo in exemplo? Amicus in mensa, optima quæque apponit amico; non defuerunt viri principes, qui fere optimum ferculum Deo, in persona pauperum offerrent; aut in eius gratiam intactum

relinquerent, quod palato maximè arridebat. Et quia inurbanum est prius cum famulo agere de rebus suis, quam cum præsente Domino, hic quem dicimus officiosus amator, violati officij se reum putabit, si os aperuerit ad loquendum, quin prius respexerit præsentem Deum, ut ab eo tacitè loquendi facultatem postulet, & gratiam, ne quid inter loquendum delinquat.

Infinitus sum, si excurram longius, in hac experientia declaranda, tam in persona eorum, qui Deo se votis emissis consecrarunt, quàm aliorum, qui mundo affixi, vanitati nihilominus nuncium remisere, & domi religiosè viuendo, multis subinde officiis diuinam sibi gratiam promerentur; in recta procuratione atque educatione familiar, in leuanda pauperum, præsertim voluntariorum inopia, in templis & sacramentis frequenter obeundis, ægris & carcere detentis inuifendis, peregrinis hospitio accipiendis, Dei offensâ pro viribus impedienda, & eius cultu atque honore promouendo. Facit enim officiosus amor, ut ipsi primùm Deo perquam libenter seruiant, deinde alios quoscumque possunt, ad Deo seruendum adducant: quem norunt dignum, cui cælum omne terræque famuletur. Quid mirum amantem tali amico actiones omnes suas offerre, qui se ipsum iam dudum illi consecrauit: ut rectè illud iterare possit, *Hæc tibi dat, qui se iam dedit ante tibi.*

VII.
Religiosa se-
cularium of-
ficia.

CAPVT IV.

Exempla officiosi amoris quorundam seruorum Dei.

COLLIGERE liceret hoc loco actiones omnes, quæ ex virtutis præscripto seculis omnibus, à viris scæminisque sanctitate præstantibus, editæ sunt toto orbe terrarum: fuerunt enim omnes officia quædam, aut obsequia diuinæ præstita maiestati, vel in eius gratiam impensa mortalibus. Pauca quædam exempli causa duntaxat attingam, quæ magis ad institutum facere videbuntur. Nemo dubitare iure potest essetne officiosus amor Apostolorum, & nominatim Pauli, qui præ cæteris Doctoris gentium sortitus est nomen. Eo quippe impulsore vniuersum terrarum orbem percurfarunt, Christi; mādāta tanquam cursores nuncij, quoquo gentium detulerunt, omnium salutis seruientes; & quidem cum summis periculis, immentis laboribus & ærumnis, quæ crudeli fere supplicio terminabantur. Sed Paulum vnum multorum instar audiamus. *Cum essem, inquit, liber ex omnibus, omnium me seruum feci ut plures lucrifacerem. Et factus sum Iudæis tanquam Iudæus, ut Iudæos lucrarer, iis qui sub lege sunt, tanquam sub lege essem, cum ipse non essem sub lege, ut eos qui sub lege erant lucrifacerem. Et mox, Factus sum infirmis infirmus, ut infirmos lucrifacerem. Omnibus omnia factus sum, ut omnes facerem saluos.*

I.
Officiosus s:
Pauli amor.

1. Cor. 9. 19.

II.
Et bonorum
prælatorum.
Gal. 5. 13.

Iure itaque præscribere poterat Christianis, ut quamvis in libertatem evangelicam vocati essent, sibi inuicem nihilominus per charitatem spiritalis inferuissent, cum perpetua præberet ipsemet exempla huius officiosæ charitatis. Et alibi in persona prælatorum, *Nos autem*, inquit, *seruos vestros per Iesum*. Itaque optimi quique præpositi, atque antistites, suorum se subditorum seruos in Domino dicunt, & cum res tulerit exhibent, corporibus animisque nutriendis, in viam virtutis dirigendis, docendis, corrigendis, protegendis, pace cum Deo, & inter ipsos refarcienda, deque omnibus studiosè providendo, quæ quoquo modo pertinent ad eorum salutem. Adeo ut magnus ille Ioannes patriarcha, cognomento Eleemosynarius, pauperes omnes vocaret dominos suos, se autem ipsorum procuratorem.

III.
V. S. Aug.
fini.

Magni Gregorij.

Quoties magnus Augustinus seruum se appellat sibi commissi populi, subditos autem, clericos præsertim, non solum fratres, sed etiam Dominos? & scribens ad Vitalem quendam Carthaginensem, non modò seruum se Iesu Christi vocat, sed seruum etiam seruorum eius. Ille autem verè Magnus Gregorius, primus summorum Pontificum titulum serui seruorum Dei usurpauit, studio fortassis aduersandi Ioanni Patriarchæ Constantinopolitano, eiusque superbix obterendæ, qui œcumenici titulum ambitiosè usurpabat. Et quemadmodum Romani Pontifices, inde à Magno Gregorio, titulum serui seruorum Dei ex animi summifione retinere, ita superbi illius Patriarchæ successores, quamvis sub impotenti dominatione Turcarum, Oecumenici titulum conseruant, superbia impudenti mendacio cumulata: sed & schismate obstinatissimo, quod tyrannus ille, crudeli simul & inutili animaduersione, castigat, accipitque pro meritis. At bonus ille Pontifex abiiciens se, & seruum nominans seruorum Dei, titulūque sibi debitum repudiāns, exaltatus est cum successoribus suis, humili veneratione regum omnium & principum, qui Christum Dominum agnoscunt & colunt.

IV.
Iuxta doctrinam Evangelicam.

1. Petr. 5. 3.

Mat. 20. 26.

Hom. 35.

Nimirū altè demiserat in pectus illam Seruatoris interrogationē, *Quis putas est fidelis seruus & prudens, quem constituit Dominus super familiam suam?* & boni pastoris imaginem, ab exemplo modestæ Redemptoris expressam, animòque depictam gerens, illum esse arbitrabatur, qui seruum se reipsa crederet, eleuatum tamen, ut è superiore dignitatis loco melius suorum conseruorum infirmitatem agnosceret, eique studiosè prospiceret, non dominando in cleris, sed forma factus gregis ex animo. Norat & illud alterum principis pastorum mandatum. *Quicumque voluerit inter vos maior fieri, sit vester minister; & qui voluerit inter vos primus esse, erit vester seruus*, exemplo nimirum filij hominis, *qui non venit ministrari, sed ministrare, & dare animam suam redemptionem pro multis*; qui supremus est, & difficillimus officiosi amoris gradus. Quo loco S. Chrysostomus, aut alius potiùs apud eum Scriptor, obseruat mundi principes arbitrari, se in excelso dignitatis loco esse constitutos, ut tenuioribus

bus dominantur, vt eos sibi subiciant, spolient, eorūque saginentur bonis; denique vt vitas eorum pro sua gloria atque vtilitate profundant. At Ecclesiæ principes ad eam dignitatem euehuntur, vt minorum vtilitati seruiant, & quæ à communi Domino acceperunt, in eos distribuunt atque dispensent, propria vt commoda negligant, subditorum procurent, denique animam suam ponant pro ouibus suis.

Boni porro pastores, alique sancti, suum in Deum amorem officiosum esse, non verbis solum, sed factis ipsis egregiè prodidere. Nemo adeò est in Historia Ecclesiastica peregrinus, cui nouum sit, aut inauditum mirabile facinus Nolani Episcopi Paulini, eiúsque nobilissima atque officiosissima, & dudum à Liberali amore celebrata seruitus, qui de potente Domino factus est pauper Episcopus, & de bono prelato ex ima plebe hortulanus, vt viduæ filium in Africa seruum redimeret. Nec minus nota, minúsve stupenda est, ideòque strictim iteranda Romani Alexij in Senatoria domo, in parentum oculis, ac dilectissimæ coniugis despiciata seruitus, & officiosa patientia, qua, cum seruorum suorum peruiacaci petulantia, toros septemdecim certauit annos; quæ ad extremum vsque spiritum minimè perseuerasset, nisi hanc omnem patientiam, ingratumque famulatum, officiosus Dei amor imperasset, virèscque ad perseuerandum in tam acerbo famulatu subministrasset. Non admodum ab his diuersa de S. Ioanne Calybita memorantur. Infinitus autem numerus est virorum ac mulierum, qui se nosocomijs, xenodochijs, orphanotrophijs in totam vitam consecrarunt, & in iis locis officiosam charitatem, erga Deum & Christum Dominum, in persona pauperum, nunc quoque hilariter, ac diligenter exercent.

Vix ausim cogitatione, nedum oratione persequi illa vrbauitatis officia, quæ virgo Deipara, eiúsque sponsus sanctissimus Iosephus, recens incarnato Verbo præstiteret; omnem enim superant dicendi, aut cogitandi facultatem. Illud tamen attende, quomodo virgo illa beatissima, in ipso aditu mysterij huius, ancillam se Domini vocauit, vt se illi non solum offerret in matrem, sed in officiosissimam famulam atque fidelissimam. Iosephus autem, qui se diuinitus electum sciebat, vt filij custos esset ac matris, vt itinerum dux & comes, vt vtrique de tecto, de victu, de vestituque prouideret, quanto putamus amore & gaudio, & hæc ipsa, & alia innumera pupillo suo, sponsæque amantissimæ præstitisse? quòque ista vultu animòque acciperet ab vtroque diuinus puer? Sed hæc paulo pluribus aliquanto pòst. Nunc illud, si placet, inquiramus.

V.
S. Paulini.

S. Alexij.

S. Ioan. Calybita.

VI.
Virginis
Matris, &
S. Iosephs.

CAPVT V.

Verum officiosus Amor in Deo locum habere possit.

I.
A V T O R.
Deus verè
Dominus.
Exod. 3. 15.

Deut. 10.
1. Reg. 3. 18.

Gal. 9. 13.

II.
Nec eius ma-
iestati vide-
tur conueni-
re officiosa
comitas.
1. Paral. 29.
10. 11.

III.
Quomodo
conueniant.

VIDEATVR sanè, inquā, isthæ affectio in Deo reperiri non posse; sūmus enim Dominus est, summūque Princeps, hoc est nomen eius, hæc proprietas, vt qui superiorem habet neminem, cui officiosa obsequia præstare possit. Cū enim Moyses pro Domino ad Pharaonem, & populum Hebræum legatione fungeretur, de quæ ipso quæreret, quod esset eius nomen. Sic, inquit, *disces ad eos. Dominus Deus patrum vestrorum misit me ad vos: hoc nomen mihi est in æternum.* Id nomen Moyses & Prophetæ tertio quoque verbo inculcant. Dominus Deus vester, ait idem Legislatores alio loco, ipse est Deus Deorum, & Dominus Dominantium. *Dominus est*, aiebat Heli, *quod bonum est in oculis suis faciat.* Vtique Dominus, qui summo cum imperio præest rebus omnibus, quæ natura constant, cuius clientes sunt, quidquid vsquam est hominum, aut angelorum, & sub eo curuantur qui portant orbem, vt ait S. Iob.

Quomodo quæso sit officiosus amor illius maiestatis, de qua hæc est sancti regis Dauidis oratio. *Benedictus es Domine Deus Israël patris nostri ab æterno in æternum. Tua est, Domine, magnificentia & potentia, & gloria atque victoria, & tibi laus. Cuncta enim quæ in celo sunt & in terra tua sunt, tuum Domine regnum, & tu es super omnes principes. Tua diuitiæ, & tua est gloria, tu dominaris omnium, in manu tua virius & potentia, in manu tua magnitudo, & imperium omnium.* Quibus verbis S. Propheta geminū in Deo dominatū innuit; vnum iurisdictionis, quæ est suprema potestas, atque independens gubernandi subditos; id est imperandi pro arbitratu, cum obligatione subditorum ad obtemperandum, prohibendi quod minus placet, permittendi quod vult illis esse liberū, puniendi peccata, & rectè facta munerandi. Alter est proprietatis: ius enim summum habet de quaque re, tanquam de re sua, pro arbitrio disponendi. Quod illi ius titulo creationis & conseruationis conuenit, itæque redemptionis & vltimi finis. Tantus denique est, vt abicere se ac demittere non possit; neque enim augeri vel minui potest infinita diuinitas: Citius globi illi cœlestes inflectant se, ac demittant in terram, vt humanis iussionibus obtemperent. Quæ ergo fieri potest, vt tanta se maiestas inflectat ad obsequia, quæ postulat officiosus amor? Nōne id summam inuehat in rerum naturam perturbationem?

Rectè tu quidem hæc omnia, inquit officiosus Amor, si quis officia vel obsequia ad vñum refecare velit. Sed ea nos paulo latius accipimus hoc loco, vt dignationis ac benignitatis sint, non necessitatis aut iuris. Deus enim opt. max. pro singulari bonitate sua, vltro se aliquando ad

subditorum voluntatem componit, & quod eis gratum fore intelligit, sponte anteuertit; quod qui faciat, nemo dubitet officiosè agere, vt dominum; non vt famulum officiosè parere. Ita & reges in gratiam subditorum officiosi sunt, cùm comiter in eorum arbitrium concedunt; quod nihil de eorum libertate, nihil de potestate, vel auctoritate diminuit, sed auget potius amorem; quoniam huiusmodi voluntatis ad alienam conformatio, singularis clementiæ, comitatis, & amoris est index, qui natura sua valet ad alterum amorem procreandum.

Licet hæc quoque diuina officia ad concursum primæ causæ cum secundis accommodare, ad harum enim causarum arbitrium, illa concursus & auxilium, natura sua in vtramuis partem liberum ac solutum, ad secundæ nutum attemperat. Nam exempli causa, Deus homini dedit ambulandi facultatem; & ad progrediendum vim continenter suggerit ac vigorem, idque tam officiosè, vt eo nihil omnino repugnante, homo pro arbitrio vtatur illa vi, quando, quomodòve libuerit. Idemque valet in gratia, quam sufficientem vocant, quæ præuenit, adest, comitatur; quæ liberum expectat voluntatis contentum, & præsto est ad illius nutum, ad vltimam vsque vitæ periodum. Quæ si homo in alterius gratiam faciat, officiosissimus profectò sit, & gratificandi amico studiosissimus. Quidni fateamur idipsum in Deo, qui id ex verissimo faciat aduersus homines amore, quorum adiuuat infirmitatem, vt mercedem diuinæ visionis promereri possint.

IV.
Dei cum
causis secundis
concur-
sus.

CAPVT VI.

Dei Amorem aduersus homines quàm officiosissimum esse.

SEd hæc paulo vberius, si placet, explicemus. Placet verò vehementer, inquam, sunt enim ad officiosum in Deum amorem incitandum vtilissima, & parum intellecta plerisque. Ad eam ergo cognitionem, ait Amor, gradum facere conuenit, consideratione rerum, quæ in quotidiano vsu nostro versantur. Quem ergo rectè vocare possumus Amicum officiosum & comem? Illum opinor, qui occupationes pro amico nullas recusat; captat potius opportunitatem omnem agendi aliquid, quod in eius rem cedat; qui nunquam aliis distinetur negotiis, aut ea excusat, ne amico vacet; qui nulli parcat industriæ, nullis sumptibus, nulli gratiæ; non liberis, non famulis, non amicis, vt amico gratificetur. Talis fortasse fuit Iosephus erga Putipharem, moxque erga Pharaonem regem, & Iacobum Patriarcham parentem senem: talis amantissimorum inter se coniugum, & ingenuorum filiorum aduersus optimos parentes, aut parentum erga filium vnicum, quos perpetuis inter se officiis muneribusque certare compertum est.

I.
AMOR
OFFIC.
AVTOR.
Descriptio
amici offi-
ciosi.

II.
Accommo-
datur ad
Deum.

Magnus ille mundi molitor Deus non satis habuit hanc rerum vniuersitatem, in vsum hominum officiosè producere, ipsisque rebus illas ingenerare opportunitates, & propensiones, quæ in rem eorum variè conferunt, denique omnium rerum creatarum in eos transferre dominatum. Non satis habuit, inquam, hac ratione, quasi familiæ suæ interuentu, homini famulari. Ipse se illi impendere voluit, & loquenti, cogitanti, operanti adesse perpetuo; atq; ad eò cunctis rerum creatarum actionibus, motibus, propensionibus, quæ illo cessante, cessarent vniuersa.

III.
Patet enim
cooperari.

Itaque diuinam maiestatem contemplari possumus, quasi attentam, & dispicientem qua in re, loquendo, agendo, cogitando, eius opera vti velimus, vt eodem puncto temporis ipse nobiscum operetur, aut si cuiuspiam creatæ rei opera vti placeat, agat cum ea ipse quoque, vsibûsque nostris reddat idoneam: neque id ad breue aliquod spatium temporis, sed à primo instanti humani ortus, ad omnium seculorum æternitatem, sine vlla vel momēti vnus intercapedine. Quis seruus, quis amicus, quis parens, aut quis omnino tam necessarius, se vnquam tam officiosum præstitit heri, amico, filio, omnique ratione coniunctissimo? Quin etiam in hac concursione generali tam effusè officiosus est, vt ne ea quidem officia aspernetur, quæ propter humilitatem aut fœditatem, ipsi quoque viles serui refugiant.

IV.
Omnibus a-
gentibus bo-
nis malisque

Sed est etiam aliquid magis admirandum in hoc officioso concursu: quod eum Dominus humanæ libertati permittit, vt alterutram in partem illo vtatur. Neque enim malè vsuro denegat commune illud auxilium, ne qua ex parte officiat libertati, si alteram tantum in partem illius vsum permittat, sed in vtramque concedit, quamuis maxima pars hominum illo ad omne peccatorum genus abutatur. Quæ in re admirabilis planè primæ causæ bonitas cernitur, quæ operam suam non negat linguæ, execrandis eam vocibus inuadenti, oculis adulteria machinantibus, manibus patrantibus cædem, suggerit calorem cordi ira & odio æstuant, & phantasmata menti prodicionem meditant, in grauissimum reipub. Christianæ damnum. Eodem ipso tempore infelicem illam animam cōseruat, ne in suum illud nihilum recidat; intellectus & voluntatis prauis actionibus adest, quarum omnium facultatem vim ac conatum, negato concursu frustrari posset, & inimicum inania meditatem serio deridere.

V.
Quod vide-
tur ad eius
iniuriā per-
tinere.

Commiseratione tangimur aduersus puerulum, patri vsque ad eò obsequētem, vt illius iussu etiam virgas colligat quibus cædatur; quomodo non etiam commiseratione afficimur aduersus Deum, membra mouentem quibus afficiatur iniuria? Quomodo non excutit lacrymas illa apud Esaïam querela, *Servire me fecisti in peccatis tuis, præbuisi mihi laborem in iniquitatibus tuis*? Et si enim Deus actionis deformitatem non magis participat, quàm ignis, quo incendiarius vtitur ad perdendam inimici domum, aut ensis quo perpetratur hominis cædes, in quæ instrumenta culpa cadere non potest. Dei tamen conditio, peccatis hominū, vt Propheta

Ca. 43. 24.

loquitur, inferuentis, videtur commiseratione digna. Vir enim clarus & honoratus iniuriam non paruam sibi illatam putabit, si quis eius inscientis opera vtatur ad nequitiam. Et tamen nullum est facinus, nulla nequitia, nullum crimen, ad quod homo sceleratus, rebus à Deo creatis, ipsoque earum autore Deo non abutatur. Quod scelus indignius est Deo, quàm si aliqui de fæce plebis, regis ipsius opera & manu in purgandis cloacis abuterentur. Vilis enim actio culpam natura sua non habet; at nihil est vicinius culpæ ea, quæ illam sustentat, actione, cui adhæret, & cui diuina opera implicatur, ne vel humana libertas, vel ordo diuinæ prouidentię perturbetur.

Indignum est improbos rebus à Deo creatis ad peccandum abuti, igne ad exurendos sanctos Dei Martyres, vndis & funibus ad eos suffocandos, saxis ad conterendos, terra ad viuos obruendos, gladiis ad dissecandos, feris ac belluis ad dilacerandos ac deuorandos. Nec minor videtur improbitas ingenio vti ad excogitanda, voluntate ad imperanda, eloquentia ad persuadenda, viribus ad perficienda sacrilegia, furta, adulteria, proditones, defectiones, cædes, hæresesque sacrilegas. Quanto enim res est pulchrior, nobilior, atque præstantior, tanto maiore damno ac scelere violatur: quis autem dubitet hominem rebus omnibus præstare, quæ sub sensum cadunt? Ad supremum igitur malitiæ gradum pertinet ipsam adhibere diuinitatem, ad omnia maleficia designanda atque perpetranda.

Hic ego, Deum immortalem! mi-Amor, quantorum criminum reifumus, qui toties opera diuina, præsentique auxilio abutimur ad peccandum. Nam si semel duntaxat hoc flagitium admitteremus, dissimulandum fortasse videretur; nunc autem, infelices, eadem quotidie, acque in horas singulas peccamus. O quàm mitis, quàm patiens, quàm officiosus est amor tuus, Domine, qui rebus tam indignis maiestate tua, operam continentem nauas. Num ego deinceps ausim defugere actionem aliquam, quamuis humilem & abiectam, quæ peccati sit expers, & referatur ad gloriam tuam? Simulque promereri possim, vt te aliquando, istis corporis animique facultatibus iuncto ac cohærente, diuinis actionibus ad immortalem felicitatem perfungamur. Hic ego ad Officiosum Amorem conuersus,

VI.

Id declaratur abutitur

VII.

Quàm id dolendum sit nobis.

A V T O R.

CAPVT VII.

*Illustre exemplum ac singulare comitatus diuini Amoris
aduersus Hebræos.*

ITA concludis opinor, inquam, naturalem illum Dei concursum, & quasi famulatum, quo vt omnia agentia naturalia vtantur, solus ho-

I:

Transitio ad

Aaaaa iij

exemplum
singulare.

AVTOR.

AMOR.

mo abutitur, quod tu iure accusas & plangis. Tu autem, inquit Amor, noli existimare, hanc qua de agimus seruitutem, minoris esse faciendam, quod naturalis sit, & cum omnibus agentibus communis. Neque enim maternus in filium amor ideo vilior est, quod ex electione non est, sed nativus; nec bonum sit ex liberali communicatione deterius, sed melius multo, atque laudabilius. Et Deus, ut supra dictum est, eodē amore infinito, & singulos complectitur, & vniuersos. Quamquā noluit Dominus deesse nobis officiosi amoris exempla singulatia, in illum vnum populum Hebræum, quem sibi ex omnibus nationibus elegerat in populum, in quem omnes amantissimæ comitatis sinus effunderet.

II.
Officiosa
comitas Dei
in Hebræos.

Hoc ut familiarius intelligatur, vide quo se modo gerat plena pietatis mater, in filium vnicum, grauiter ægrum, & alioqui molliter atque indulgenter educatū, qui que nunc fastidit omnem ex morbo cibū. Quam multas mater illa vias comminiscitur, ut appetitum irriter, vincatq; fastidium ægrotantis, ut nullis vigiliis, sumptibus, laboribusque parcit, ut monet, ut obsecrat, ut exhilarat, ut nihil intentatū relinquit, quod suggerit Amor officiosus & comis. Nunc repeto memoria quibus officiis atque obsequiis Deus, in desertis Arabiæ locis, certauit cum Israëlitis, electo tunc ex omnibus gentibus populo, & præ omnibus dilecto, eodēque non solum ægro ac fastidioso, sed querulo ac seditioso, sed peruiacaci, & in Moysem & Aaronem rebeli, atque adeo in ipsum Deum: propter eaque supplicis ac plagis, non molli tractatione, deliciisve digno.

III.
Cum aliis
in rebus.

Nam præterquam quod ab omnibus eum calamitatibus reddidit immunem, quæ reliquæ Egypto horribilem intulere vastitatem; præter apertos maris siccatoresq; fluctus, sic ut populus vniuersus sicco vestigio transmitteret, dum vniuersus Egyptiorum exercitus, cum curribus & equis hauriebatur vndis; præter nubes, & columnas ignis, & Angelos in vasta & inuia solitudine, quasi signiferos & itinerū duces, præter hæc, inquam, omnia, aliæque non pauca officiosissimæ Charitatis argumenta, quotidianum illis cibum parauit. Manna omnibus retro seculis inauditum, cibum Angelorum manibus præparatum, Angelorum esca, inquit Sapiens, *nutriisti populum tuum*. Cibum lautissimum, & omne delectamentum in se habentem, ut eadem Scriptura loquitur, id est qui delectationem maximā afferre possit, vel omne delectationis genus, ut mox dicemus. Cibum pro quo acquirendo nec terra proscindenda, nec spargendum semen, nec purganda seges, neque metenda; non molendum triticū, non subigenda farina, non coquendus panis, sed colligendus duntaxat: neque ex longinquo aut arduo loco petendus, sed in circuitu castrorum suorum accipiendus, *præstitisti eis sine labore*. Nec sub meridiani solis ardoribus parcē, sed affatim tepido aëre, albescente cælo colligendus; neque in vnum alterūve diem, sed in annos quadraginta, ad ingressum Chananitidis, quando terræ frugibus vesci potuerunt.

Tum maxime in beneficio manna.
Sap. 16. 20

Vide an. m.
2144. n. 290
& 2584 n.
39.

IV.

Cæterum illud omnem superat admirationem, Deique amorem of-

ficiosissimum prodit, quod isti vni cibo, *omnis saporis suauitatem* dederit, id est cuiuscunque cibi suauissimi saporem & gustum, perdicis, lepore, anatis, phasianis, apri, cerui, gallinæ indicæ, capri, arietis, hœdi, capreæ, piscium quoque, & fructuum generis cuiusque. Vnde autem tam noua, tam insolens, tam extraordinaria comitas? Audi eundem Sapientem, *Substantia enim tua, dulcedinem tuam, quam in filios habes ostendebat, & deseruiens vniuscuiusque voluntati, ad quod quisque volebat conuertebatur.* Ostendunt hæc verba mirabilem Dei dulcedinem atque comitatem; itaque ea paulò accuratius inspiciamus. Manna vocat Dei substantiam, quia diuino imperio & voluntate subsistebat, Deique populum quasi legitimus cibus, alebat & sustentabat. Erat hæc quasi particula quædam fortunarum diuinarum, vnde quotidianam illi decerpebat annonam, & honorario Angelorum suorum ministerio, distribuebat vniuersis.

Plerique legunt, *substantiam tuam, & dulcedinem tuam ostendebas,* id est potentiam, sapientiam, bonitatem, quæ sunt substantia ipsa, & natura diuina, & non quædam, vt in hominibus, qualitates. Ostendebas, inquam, in his quotidianis epulis, quas tot hominum millibus instruebas, dulcedinem substantiæ, ac naturæ tuæ; vel, ostendebas fructum, qui ex diuinæ naturæ possessione capitur, instar omnium bonorum esse posse, cum efficeret, vt cibus vnus corruptioni obnoxius, instar omnium ciborum esse posset. Vel, hac quasi periclitatione quadam, ostendebas qualis futura esset comitas tua in Eucharistico cibo, qui & substantiam tuam contineret, & eam cum tuis communicaret coniuiis. Denique tuam ostendebas dulcedinem, qui tantam mortalium multitudinem, cibo prædulci ac delicato, quique omnium ciborum gustum repræsentaret, quotidie reficeret.

Quibus porò hanc tantam ostendebas comitatem, atque dulcedinem? vtiq; Israëlitis, quos vnos tum filios habebas, atque vnicam in terra familiam. Simul & coniecturam præbebas, qualis esses aliquando futurus in eos, qui tam suauis atque amico filiorum nomine digni essent, cum talem te erga istos ostenderes, qui fere improborum seruorum nomen promerebantur; qui in Ægyptia seruitute nati eductique, nihil nisi pœnæ metu agebant, & seruili more modòque, nihil à Deo, nisi cum ob murmuribus & querelis obtinebant. Quin & manna ipsum, de quo agimus, non obtinuerunt precibus, sed per iurgia & seditiones extorserunt. Turba enim seditiosorum collecta, Moysen & Aaronem ferociter adierunt. Et cur, inquit, *eduxistis nos in desertum istud, vt occideretis omnem multitudinem fame? utinam mortui essemus per manum Domini in terra Ægypti.* Itaque digniores erant qui acerbissima fame perirent, quàm vt eis panis Angelicus de cælo, Domino indulgente, deplueret.

Ita duodecies in querelas, & seditiones effusi sunt in deserto, & vt

Et variis
eius saporibus.

Ex libro Sapientie.

V.
Is locus accuratus conpenditur.

VI.
Israëlitæ in digni nomine filiorum.

Exod. 16.

34.

VII.

Qui erant
ingenio ser-
uili.

Psal. 77.30.

Num. 21.5.

VIII.
Deus seruū
agit apud
eos.

1. Pet. 2.18.

IX.
Quam id
mirum sit.
c. 16.24.

X.
Et in tanta
multitudine
A V T O R.
A M O R.
c. 10.12.13.
&c.

ingenium seruire agnoscas, de cibariis fere rixabantur; itaque gula punita est, *Adhuc enim, ut ait David, esca eorum erant in ore ipsorum, & ira Dei ascendit super eos, & occidit pingues eorum, & electos Israel impediuit.* Vide num fuerint aliquando importuni flagitatores diuinæ legis; nulum unquam de ea verbum fecerunt, ac ne cogitarunt quidem. Brutum ingenium ac seruire legis impatiens est, nisi terrore dominante. Itaque cum lata est lex densis è nubibus fulgura coruscabant, remugiebant tonitrua, tubarum clangores personabant, horridæ voces perstrepebant undique, & mortis metu percellebant vniuersos. Diffraetis porro tabulis, ecquis, in tanta multitudine mortalium, de illis instaurandis vocem ullam misit? quis ingemuit in tanta iactura? Illud potius ab istis manduconibus auditum est, *Nauseat anima nostra super cibo isto lenissimo.* Hordeaceo illis pane opus erat, aut furfureo, quo mancipia vescuntur, & canes. Quantam ergo comitatem atque dulcedinem expectare debent liberi ab illo patrefamilias, à quo seruitia tam amice tractantur?

Pergit Sapiens, & *deseruiens vniuscuiusque voluntati.* Quis est iste deseruiens? Deus opt. max. Quis alius potius deseruiat, quam is qui solus audit in cælo terraque quotidie, *Tu solus sanctus, tu solus Dominus, tu solus altissimus, & princeps regum terra.* Non ait, voluntati suorum se accommodans, in eorum arbitrium concedens, ut superiores solent agendo cum subditis, sed *deseruiens* quod officium est subditorum in principem. Hoc ipsum sensisse videtur Apostolus, cum ait Deum, per quadraginta annorum tempus, *mores eorum sustinuisse in deserto.* Famulorum est tolerare ac sustinere Dominorum mores, quamuis discolor fuerint, ut princeps Apostolorum monet, sed hoc loco officiosus amor rem in contrarium vertit.

Creatura, inquit Sapiens, tibi factori deseruiens exardescit in tormentum aduersus iniustos. Neque id sanè admodum mirum; in eum siquidem finem condita est, ut deseruiret factori suo, eiusque gloria est tanto principi deseruire. At factorem ipsum operi manuum suarum deseruire, eique dicere, ita faciam, quia ita tibi placet, id verò superat omnem admirationem. Hæc comitas est, quam nunquam beatæ illæ mentes expertæ sunt in cælo. Quis ergo deinceps admirabitur quorundam regum ac reginarum famulatum in nosocomiis, cum ibi Christo in pauperum persona deseruiant, illius oraculi memores, *quod vni ex meis minimis fecistis, mihi fecistis*: cum infinita illa maiestas, seditioso isti populo, pernicaci, & idolorum cultori, quasi ad mensam accumbenti, pro cuiusque voluntate deseruiat.

At vide, inquam, mi Amor, ne non careat superlatione hæc Sapientis oratio. Imò actio ipsa, inquit Officiosus Amor, superlatione plena est. Repete memoria quod apud Iosue scriptum est, de sole ad illius ducis non preces, sed imperium in cæli medio subsistente, *Obediente Domino, ait Scriptura, voci hominis, & pugnante pro Israel.* Ita sanè, sed Iosue iustus

inustus erat, isti autem magna ex parte seditiosi ac rebelles: ille vnus erat, isti innumerabiles, & tamen scriptum est, *deseruiens unusquisque voluntati*. Occurrit ergo aliud hoc loco prodigium. Erant enim in hoc populo facilè sexcenta millia bellatorum, mulierum autem, puerorum & senum haud dubiè duplo plura, vt promiscuam famulorum multitudinem, quæ se migrantibus Israëlitis addixerat missam faciam; nec vnus erat omnium, sed proprius & suus pene singulorum appetitus.

Vide ergo, officiosissime Domine, quàm multos tibi heros, quibus deseruires, amor luggesserit, cum tamen ex vnigenito tuo constet, non posse quemquam duobus dominis seruire. Oportebat itaque te obsequium tuum attemperare ad puerorum delicias, ad mulierum molitiam, virorum curiositatem, gulosorum fastidium intolerandum, qui mercedis, aut gratiarum actionis loco, cum lautissimè acciperentur, lances & ghibatas cum cibus, in faciem ministrantis intorquerent, illud immurinant, *Nauseat anima nostra super cibo isto leuissimo*. Et vt maiorem in modum Mosis gubernatori ac procuratori suo, aut ipsi potius deseruienti Deo stomachum mouerent, diuino cibo Ægypti porros, & cepas, & allia impudenter præferebant. *Recordamur*, aiebant, *piscium, quos comedebamus in Ægypto gratis*. Itane verò gratis, ô mastigæ? ecquid obliti estis verberum, quæ nunc dissimulat pudor, quibus ab Ægyptiis labori vestro satis fiebat?

Ego certè apud ipsum lego Moysen, scriptorem in primis fidelem, *Flagellatique sunt, qui præerant operibus filiorum Israel, ab exactoribus Pharaonis, & vociferati sunt ad Pharaonem dicentes. Cur ita agis contra seruos tuos? Palea non dantur nobis, & lateres similiter imperantur: En famuli tui flagellis cedimur, & iniuste agitur contra populum tuum*. Vbi ergo est istud *comedebamus gratis*? Num benè vobis erat, cum vociferabamini propter opera, & ascendit clamor vester ad Deum ab operibus? Sed esto sanè, gratis comederitis pisces, quos Nilus aut mare deserebat, aut eiiciebat ad littus, gratis allia, & porros, atque cucumeres, agite, quanti nunc emitis Angelorum cibum? quod illi vestigal persoluitis, cuius opera neque vestimenta vestra deteruntur, neque valetudo vlla infirmitate tentatur? O ingratiissimum hominum, aut potius pecudum genus! O bonitatem, & comitatem tali hero dignam, meliorique seruitio!

Quibus aspiciendi erant oculis, qui diuinæ mannæ apparatus ita abiiciebant, vt ei porros & allia, cepasque præferre non dubitarent? quam obiurgationem merebatur tam inepta, tam inurbana rusticitas? nonne merito audiant, similes habent labra lactucas? aut, porci quoque cœnum liliis præferunt & rosas. Si huiusmodi comparatio ab amore religiosæ paupertatis profecta esset, à generali rerum humanarum contemptu, aut singulari epularum fuga, vtique ferenda videretur.

B b b b b.

XI.

*Hominum
ingrati-
ssimo-
rum.*

Num. 27. 5.

Num. 11. 5.

XII.

*Eorum mur-
mur, & ca-
lumnia.*

Exod. 5. 14.

&c.

Exod. 2. 23.

XIII.

*Rustici-
que
mores.*

At isti eam comparationem instituebant, ab ingenta mentis peruersitate, ab obrectandi in Deum, Mosēque licentia, ab consueto diuinorum bonorum contemptu. Quo ergo amore Deo fuit opus, ut fastidio & gustui nationis insulsæ, ingratae, ac peruersæ deferuire posset, & mores eius sustinere præposteros: utique officiosissimo, ac planè diuino.

XIV.
Deus non
vni necessi-
tati seruit.

Sed illud quoque in hoc officioso Dei amore considerandum est, quod non ait Sapiens Deum vnius cuiusque necessitati deferuisse: etsi non modicus, aut levis fuisset ille famulatus, in tanta multitudine populi, quamvis alioqui natura paucis contenta sit; neque appetitui cuiusque, qui difficilis & fastidiosus esse solet in multis, in plerisque etiam insatiabilis. Neque ait Deum se ad singulorum petitionem accommodasse: etsi lingua satis est ad petendum libera & soluta; sed deferuisse voluntati, quæ multo latius patet. Per multa enim sub voluntatem cadunt, quæ pudor postulare prohibeat. Non exiguum aiunt esse negotium mulieris vnius satisfacere cupiditati, hinc aderant plus quam quingenta millia foeminarum, Dei nihilominus officiosus amor vnius cuiusque voluntati deferuebat.

XV.
Mutatio
manna qua-
lis.
Μεταμύζω-
ν.

Vide an. m.
2544 n. 304
& seqq.

Postremò concludit Sapiens, manna, ad quod quisque volebat, fuisse conuersum, siue transtemporatum; quod ad gustum videlicet, & saporem, fortassis etiam quod ad nutritionem in stomacho. Neque est vlla ratione credibile, manna re ipsa in quodvis cibi genus, pro cuiusvis arbitrio fuisse commutatum. Quomodo enim carnes postulassent, si reuera manna fuisset in quolibet carnes, pro cuiusque voluntate conuersum? Adeoque etiam permultum est, ut tam varius gustus probis esset, im-
probisque communis. Plerique enim viri graues, non sine causa sentiunt hanc fuisse bonorum prærogatiuam. Alij malunt hanc Dei liberalitatem omnibus fuisse communem, sicut alia Dei in deserto beneficia, ut coturnicum, ut aquæ de petra manantis, ut Angelicæ deductionis, atque prouidentiae. Quod tantò magis officiosissimum, tanti principis amorem in suos, & comitatem amplificat.

CAPVT VIII.

Alia quedam officiosi Dei Amoris exempla, erga singulares quosdam amicos suos.

I.
Exemplum
Iosue.

SATIS opinor diu mensis accubimus Hebræorum: Nunc alia quædam eiusdem officiosi Amoris exempla persequamur, priusquam eundem in filij Dei mensa, Christianoque conuiuio perpendamus. Ma-

gnum itaque officiosi amoris argumentum colligi potest ex ipso loquendi agendiq; modo, quo sanctos olim viros esse viros sacrae literae testantur; siue dū cum Deo ipso agerent, siue cum rebus creatis ad aliquid à Deo impetrandum, ac propemodum exigendum: non enim famulos agunt aut deprecatores: sed Dominos potius ac magistros. Id paulò antè de Iosue Hebræorum imperatore attigimus, cuius hæc plena fuit autoritatis oratio. *Sol contra Gabaon nemonearis, & luna contra vallem Ai lon.* Dictum, factum. *Steterunt enim Sol & Luna donec vlcisceretur segers de inimicis suis.* Et mox, *Stetit itaque Sol in medio cæli, & non festinauit occumbere spatio unius diei.* Deinde additur verbum illud mirabile officiosi amoris, *Obediente Domino voci hominis, & pugnante pro Israel,* non ait exaudiente Domino, vel acquiescente, sed obediente, non enim petitio præcesserat, sed mandatum.

Vide quanta cum autoritate ac fiducia Iobus & Dauid Dominum alloquantur: familiarem dices eos compellare, non Dominum. *Exurge,* ait Dauid, *quare obdormis Domine, exurge & ne repellas in finem. Quare faciem tuam auertis, obliuisceris inopia nostra, & tribulationis nostra.* Eodémque filo cætera pertexit. Vnde Eliæ tanta fiducia, Deum vt testem assumat, tribus annis neque rorem de cælo fore neque pluuiam; ac ne iis quidem elapsis, *Nisi,* inquit, *iuxta verba oris mei.* Nisi quod ei certo constaret, Dominum voluntatem timentium se officiosè facturum. Inde & illud minimè irritum imperium. *Si homo Dei sum descendat ignis de cælo, & deuoret te, & quinquaginta tuos.* ἀπ' ἑσθ' ἀπ' ἑσθ'. Idémque secundò contigit, contigisset & tertio, nisi tertius quinquagenarius veniam humili oratione obtinuisset.

Vnde procedebat querela illa mirabilis eiusdem Prophetæ, in gratiam mulieris viduæ, quæ illum hospitio acceperat: vtique ex singulari fiducia, quæ officiosus amor Domini sui ipsi suggerebat. *Clamauit enim ad Dominum, & dixit, Domine Deus meus, etiamne viduam, apud quam ego vtrumque sustentor, afflixisti, vt interficeres filium eius?* Quis ita virum principem, optimatem, magistratum paulò honoratiorem, nisi fortè desipiat, alloquatur: aut sit illi certè. ntima necessitudine ac familiaritate coniunctus. Is enim non solū in bonam partem amici querelam accipit, sed ei satisfacit quā primū potest. Quod ab ipso quoque Domino obseruatum est. Cum enim addidisset Elias, *Domine Deus meus reueriatur obsecro anima pueri huius in viscera eius.* Exaudivit Dominus vocem Eliæ, & reuersa est anima pueri intra eum, & reuixit, Domino Prophetæ fidem ac sanctitatem, & mulieris hospitalitatem officiosè munerante. Ex eadem fiducia in officiosissimum Dei amorem proficiscebantur illæ irrisiones, Prophetæ insultantis in sacrificulos Baal; & crebrius iteratæ profusiones aquarum super ligna, & holocaustum Domino præparatum. Nam & dæmones, ne bouem pseudoprophetaum incenderent, tacita ad Deum oratione compescunt; & iussim à Deo

tam feruidum impetrauit ignem, qui voraret holocaustum, qui ligna consumeret, qui lapides, & terræ puluerem, & aquas in aqueductu, circumquaque lamberet.

IV.
Item in
Esa.
Esa. 7. 11.
4. Reg. 20. 9

Quid Esaias? Nōne præstanti fiducia, officioso Dei amore, ac promptissima erga se voluntate nitebatur, cum ad edendum prodigium se obrulit, quaecumque Achaz rex impius ausus esset optare? *Sine in profundum inferni, sine in excelsum supra.* Aut cum Ezechiz regi dedit optionem, malletne umbram in solari horologio progredi decem lineis, aut decem gradibus retrorsum reuerti, sole videlicet tanto spacio in orientem retroacto, aut cursu pari interuallo præcipitato in occidentem. Et ne quis dicat has esse prerogatiuas magnis Prophetis concessas, nōne Seruator ipse fidem suam obligauit fore, vt hæc faciat quicumque habuerit fidem Dei, & dixerit *huius monti tollere, & mittere in mare, & non hesitauerit in corde suo, sed crediderit, quia quodcumque dixerit fiat, fiet ei.* Deo separatim exhibente ad mutandam naturam elementorum, & inferioris huius mundi ordinem, ad imperium hominis firma fide præstantis.

V.
Conclusio.

Si quis hîc non videt quàm officiosus sit diuinus amor, oculis profectò caret; si quis videt, & non admiratur, iudicio parum valet. Si quis vice versa cum toto corde non diligit, nec cupit ei quàm officiosissimè famulari, & corde, & iudicio, & oculis caret. Diligimus enim, & memori mente retinemus, si quis in nos aliquid officij contulerit; nec eum diligamus mundi principem, qui toto vitæ nostræ tempore, arbitrio nostro, voluntatique deseruiat: nec interioribus eius motionibus acquiescimus, quæ sunt totidem eius desideria & petitiones, quas comiter offert voluntati nostræ, non ausus pro potestate imperare: veritus, vt humano more loquamur, cum pudore suo, & cum nostra iactura, repulsam. Vera maior est, Domine, aut bonitas tua, aut humana malitia? verecundus, humilis, & obsequij plenus amor tuus, aut tepida hominum, ingrata, & superba negligentia? utique bonitas tua, & officiosus amor tuus, nullis vsquam limitibus, terminisve definitus.

CAPVT IX.

Effusa Comitatus Diuini Amoris aduersus homines.

I.
Mercatores
officiosi.

MERCATOR venditionis, & colligendæ suis ex mercibus pecuniæ vehementer appetens, per quàm officiosus esse solet in explicanda magna vi mercium, diuersi coloris, bonitatis, & precij, diuersis etiam ex locis exportatarum, si qua fortassis emptori placeat; eadèque opera, sua illū diligentia incitat ad emendum; verentem ne parū deo tantum obsequium irritum reddat. Idem faciunt imaginum propolæ

varietate mirabili: idem qui libros, qui pharmaca, qui cibos fructusve, qui aurea gemmeæve ornamenta diuendunt. Ita dæmon diuersis illecebris honorum, voluptatum, commodorum homines capere satagit, quæ sunt totidem hami ac lina piscatoria, totidem laquei ac retia, totidem rami visco illiti ad capiendam prædam. Ambitiosis vitreas quasdam ampullas destinat, alias auaris, & his diuersas ventri & gulæ deditis; alias inuidis & iracundis, & istarum laguncularum aliarum iuuenibus, aliarum destinatæ sunt grandæuis; quædam mulieribus, quædam offeruntur viris, neque eadem profanis hominibus & religiosis, laicis clericisque congruunt, vt aliquando S. Macario per visum ostensum est. Denique miris se modis omnium captui dæmon accommodat, & fit omnibus omnia, vt si possit, perdat vniuersos.

Itémq; malus dæmon.

L. 3. de vit. patr. n. 61. ex Rufino.

Vice versa Dominus Deus, cuius infinitior est bonitas, industria & zelus animarum, quam dæmonis malitia, calliditas, & studium perdendarum, omnes persequatur rationes & vias, quibus se in benevolentiam nostram insinuet, vt sibi aditum in cor nostrum aperiat, mentem in studium virtutis inflectat, & operam suam humanæ coniungat, ad eius quærendam ac promouendam salutem: quod est officiosissimi amoris argumentum. Non enim expeditus est duntaxat ad agendum, quocunque tempore illius opera vt i voluerimus, sed expectat etiam, desiderat, postulâtque consensum nostrum; obseruat captâtque occasiones iuuant di nos, & salutis nostræ promouendæ. Nunc enim adhibet exempla terrificæ eorum, quos insignes calamitates perculerunt, quæ æquæ poterant in caput nostrum incumbere: nunc vehementi nos nouissimorum cogitatione perturbat, mox cœlesti luminis radio allicit animum, vt diuina sapiat, terrena contemnat. Addit aliquando bonorû iacturam, ægritudinē, casu adita, & diuinitus vitata pericula: sæpe concionibus, aut piorum librorum lectione aut bonorum consuetudine permouet; quæ sunt omnia singularia beneficia, quibus is præuenitur ad gratiam atque disponitur.

II. Multi quo magis Deo;

Contemplare igitur, Christiane, Dominum tuum, ad ianuam cordis tui stantem, pulsanter, & opperientem ingressum, eundemque tam mittem ac facilem, vt licet possit omnia, nolit tamen ingredi sine tuo consensu, nec tibi, nisi te volente, benefacere; quod famuli potius videatur esse, quam domini. Nos autem vsque adeo male sani sumus, vt cum multos sæpe annos, & omnino quandiu libitum fuerit, vt dominus seruum, expectare cogamus: quin etiam, quod est longè deterrimum, atque improbißimum, sæpe admissum, sæpius excludamus. Ipse autem tanta licet affectus contumelia, iram cohibet ad reconciliationem paratus & reditum, cum maiore bonorum spiritu illum comitatu. O sancte David, nõ me hæc tua fuit olim oratio? *Eccce sicut oculi seruatorum in manibus dominorum suorum, ita oculi nostri ad Dominum Deum nostrum, donec misereatur nostri.* Pudet dicere conuertendum locutionis modum, dicendumque, oculos Domini in manibus esse seruorum suorum, donec misereantur ipsius.

III. Qui stat ad cordis ostiū.

IV.

*Præuenit
hominē gra-
tiam, & agen-
tem comita-
tur.*

Rom. 8. 18.

Vbi porro serio & constanter tam officioso Dei amori dedit manus, qui cum eo tam scienter tamque opportunè conflixit, ut omnino cesserit: quàm comiter ac suauiter idem amor ad vltiora progressus est, ut omnem mouit lapidem, ut adhibuit omnia, quæ ad eius salutem promouendam valent. Quoniam, ut ait Apostolus, *diligentibus Deum omnia* cooperantur in bonum. Offert obiecta intellectui, simulque voluntatem excitat, ut nunc actum sancti amoris eliciat, nunc timoris diuini. Modo spei, fiduciæ, demissionis animi; patientiæ, obedientiæ, castitatis, reliquarumque virtutum, ad quos etiam atque etiam iterandos actus non frustra inuitat, ut datæ iam gratiæ, earumque virtutum habitus augeantur, & cumulus meritorum accrescat in terris, cui gloria respondebit in cælis.

V.

*Dâque per-
seuerantiam*

Quid dicemus de præpotente ista gratia, quæ continenter excitat ad vrgenda bene cæpta, & constanter ad finem vsque perseuerandum, ne volucres illæ harpyiæ bonum semen de cordibus auferant; ne retro aspi- ciamus, & frangamur animis, cum tentationum tempestas in nos incu- buerit. Spiritualibus potius armis succincti pugnemus, & magnis itine- ribus properemus ad locum mercedis, ad propositum brauium, ad cir- cumactam metam, ad curriculi finem, ad immortalem gloriæ coronam. Deus meus, quid quæso tua interest mortalium salus, quodd tanta cura, tamque continenti labore illis adsis, ne quâ forte fugitiui elabantur? quid emolumenti asseremus tibi? Propositum, inquit, habeo lucrifa- cere amorem tuum, vbi agnoueris, & æstimatoris pro dignitate, quot ego illum officiis quotidie beneficiisque promerear: studeo audire gratiarum actiones, in quas tum prorumpes, cum accubueris ad mensam meam, vbi ministrante me immortalibus deliciis perfruere.

VI.

*Perito offi-
ciosi amoris.*

O amantissime Domine, mirabilis utique est isthæc oratio tua, index propensioris beneuolentiæ in homines tuæ, ut vel te Dominum, vel il- los seruos videaris oblitus; sed verba tua rebus ipsis factisque vincun- tur, quibus doces, *quàm bene conueniant apud te, & in una sede morentur* Maiestas & amor. Itaque per hunc ipsum officiosissimum amorem tuum obtestor, ne amicis tuis vnquam contingat, ut debitum tibi famulatum, officiũque defugiant; quando tu supra debitum omne, supràque de- corum, officiis eos obruis, atque benefactis: fac ut debitum tibi cultum quantum poterunt, seruitiũque promoueant; quando tu tam officiosè ades, atque obsequeris eorum voluntati, fac ut tota vita eorum dicta, facta, cogitata, totidem officia grata tibi acceptaque sint, ut studiosè ob- obseruent occasiones inferuendi proximis ob amorem tui; ut mandata tua non ducant oneri, sed honori, eaque ex animo complectantur, cæte- rôsque demereri studeant, ut ea ipsi quoque omni studio, curaque com- plectantur.

CAPVT X.

*Christi Domini amorem officiosum fuisse, & primum in
natiuitate sua.*

PERFVNCTVS es sanè diligenter, mi amantissime Domine, expositione officiosæ beneuolentiæ diuini Numinis aduersus homines, AVTOR. nunc de ipsius Christi Domini officiosa charitate dicendum videtur. Transito. *Ca. 8. I.*
Æqua est postulatio tua, inquit Amor, mihiq; necessaria, qui iam obligarim promissione fidem meam, ad id quod ex me quaris, cum de conuiuiu ludæis exhibito agerem, quod non sex mensibus, vt Allueri, sed annis quadraginta detinuit conuiuas. Liberalis Amor germanus meus Li. 8. ca. 20. dudum exposuit, vt filius Dei assumpta humanitate, hominum se addixerit seruituti; Verùm aliquid nobis quoque de eodem argumento, pro instituto, dicendum est, si modò diuinæ sapientiæ placuerit mentem nostram illustrare, vt miracula nonnulla seruitutis huius agnoscamus, & diuinam in cordibus nostris excitare flammam, quæ ubi in venis penitus ac medullis infederit, facilem reddat tam officiosi amoris imitationem. & 17.

Quicunque aliquam veri Numinis cognitionem habent; facile proficiuntur eum regem regum esse, ac Dominum dominantium, eique in cœlo terræque omnium rerum creatarum deberi famulatum. Sed illud quoque sine dubitatione fatendum est, illi à principio malè in cœlo terræque fuisse seruatum; adèd vt primo Angelo, primòque homini iure ac meritò dicere potuerit, *A seculo confregisti iugum, rupisti vincula mea, et dixisti, Non seruiam.* At Dei filius zelo paterni honoris incitatus, Itane verò ait, Lucifer, tuo ac rerum omnium creatarum principi non seruias? non te clientem supremæ maiestatis agnosces? imo cum summo pudore tuo, ac dedecore agnosces, eique seruias. Ages enim iussu nostro carnificem omnium reproborum: & cum illis aeterno incendio conflagrabis. Deo tuo seruias, eiùsque famulis, qui subinde reddent irritos conatus tuos, & de te gloriosissimè triumphabunt; seruias, cùm liuor tuus in eorum perniciem coniuratus, maioris gloriæ illis segetem ministrabit. Seruias denique, factus tantæ animaduersionis exemplum, quantum meritò vniuersus orbis obstupefcat.

III. Infelicem quoque Adamum superbia occupavit, divinam affectavit boni & mali scientiam, & dum Luciferi consiliis acquiescit, divinum mā-
 datum violavit, confregit impositi præcepti iugum, rupit gratiæ & cha-
 ritatis vincula, quibus Deo erat adstrictus; rupit iustitiæ innatæ vincu-
 lum, quod sensum rationi obtemperantem reddebat; rupit vinculum, quo animus corpori alligatus erat, & immortalis iura concessit; rupit, ma-
 gnâque ex parte perdidit ius, quod divinitus in omnes acceperat animan-

tes; & reipsa cum primo illo desertore dixit, *non seruiam*. Imo verò ser-
uies tu quoque, ait Dominus, sed oppressus inopia, cæterisque ærum-
nis, dum te mors penitus affligat, & in antiquum redigat puluerem: ser-
uies & improbissimo veteratori, & bestiarum instar cupiditatibus tuis,
& suprabestias, rerum omnium egestati.

IV. Inde conuersus ad Patrem, Ergo Angelus & homo, qui soli poterant
dignum Deo exhibere famulatum, ab officio suo, suadente superbia dis-
cesserunt, & debitum neglexere famulatum: iugum eis perquam suaue
imposueras, & onus leue, quod non excussere solum, sed confregere.
Statuo igitur, inquit, hoc seruitutis erga te munus explere. Minimè
verò fili, ait pater, seruire non est tuum, qui natus es rex, & omnium
rerum creatarum Dominus, & æqualis parenti: nulla est æqualis in
æqualem auctoritas; seruus minor est Domino suo. Induam ergo me
præuaricatoris Adami vestimento, vt tibi seruire possim, & pro accepta
iniuria satisfacere. Dirupta vincula colligabo, fractum integrato iugum,
eoque in humeros meos, cum immensa peccatorum sarcina imposito,
eam præcipitem agam in profundum maris.

V. Annuente patre, stat filius promissis, eaque laboriosè ac diligenter
exoluit, vt cum Dauide meritò diceret; *Pauper sum ego, & in laboribus à*
inueniunt me. Atque adeò à prima infantia, vsque ad extremam æta-
tem viri pauperis conditionem explesti, duram omnino atque difficilem.
Ascendisti in theatrum vitæ huius forma serui accepta, & habitu inuentus
vt homo, quibus initiis, reliqua vita pertexta est congruentur. Quæ om-
nia cum sincerus patris amor, & humanæ salutis expresse-
rint, dubita si potes an Seruatoris amor cognomen officiosi mereatur. Sed inspiciamus
rem ipsam paulo distinctius, & ab eius orsi natiuitate & præsepio, ad
eius mortem crucemque progrediamur, mira vtique officiosæ seruitu-
tis inueniemus argumenta.

VI. Vbi quæso eniti solent ancillæ pauperculæ? in cubiculo ornato, an
in olido stabulo? vbi reclinatur fœtus puerperæ? in cunis eburneis, an in
vili præsepio? in molli ne culcitra, an in fœno & palea? preciosissime pan-
nis obuoluitur & fasciis, an vilibus ac detritis? Dic ergo maturè ma-
gno parenti, ô infantule, *O Domine*, hîc ego natus sum, atque ita acce-
ptus ab hominib⁹, *quia ego seruus tuus, ergo seruus tuus, & filius ancillæ tuæ.*
Qui sunt quos pastores inuisunt infantulos? virorum principum, an ver-
naculos? Quibus domesticis heri character in corpore imprimitur? non
ne seruulis, & quidem fugitiuis? quæ personæ modica pecunia redimun-
tur? nonne seruiles? Serui, vt liberaliter cum illis agatur, accepta liber-
tate emittuntur domo, quoniam, vt ait Seruator, *seruus non manet in do-*
mo in æternum; id filiorum est, hæredum paternorum bonorum. De cæ-
teris auditur ab hera illa vox, *Eiice ancillam & filium eius*. Hic filius Dei,
& beatissimæ virginis, quasi altera Agar cum Ismaële filio, non domo
solum, sed tota regione pelluntur; ni faciant, mors imminet infantulo,
& parenti

Et serui mo-
re tracta-
tur.
Ioan. 8. 35.
Gen. 21. 10.

& parenti orbitas, & desolatio. Ergo solum noctu trepidi vertunt, & exilium occupant in regionem longinquam, *Nunquid seruum est Israël,* Ierem. 2. 14
aut vernaculus, vt hunc in modum tractetur? Christus verus est Israël præualens Deo, qui diuinam naturam ita in sua humanitate deiecit, vt verè dicatur, Deum in lucem editum, labores hominum causa tota vita subiisse, vsque ad seruale supplicium.

CAPVT XI.

Seruatoris amorem in eius vita & morte officiosum extitisse.

VT I QVÆ Servatoris amor tota vita officiosus fuit. Quid enim sibi vult illud, *Et erat subditus illis*? Quis subditus? Iesus, filius vnicus præpotentis Dei. Quibus? Iosepho lignario fabro nutritio suo, & Mariæ coniugi eius. Amplectitur id verbum omnem Servatoris triginta annorum famulatum. Scio hunc ipsum locum alia occasione tactum fuisse, sed dignus est qui secundum iteretur, ac tertium. Videlne vt famulum agat? Neque enim nobiles adolescentes, aut filij virorum principum vili subiiciuntur opifici, aut vxori eius, sed pueri de fœce vrbane plebis, aut paganæ. O humanissime Iosephe, ô mater integerrima, nullam rationem habebitis tyronis istius in exigendo famulatu? Nullus vt arbitror satis æstimare possit, quoties parentes inter & filium, de opere quopiam domestico, officiosè comiterque certatum est. Exploratum vobis erat vestrum ipsi iure ac merito deberi famulatum, & omnia penitus officia, quæ ingeniosus amor excogitare posset. Ipse contrà, qui vltro serui formam acceperat, decorum seruari erga se, ac planè seruire cupiebat.

I.
Christi famulatus domesticus.

Felices angeli, qui suauissimam illam, planèque mirabilem contentionem spectare potuistis, filij charitate, cum matris demissione certante, & vicissim humilitate filij cum amore materno, mutuamque venerationem duorum cœli ac terræ principum. Certamen dirimebat, opinor, animi materna summissio, quæ sæpenumero suum illud opportunè iterabat, *Ecce ancilla Domini, fiat mihi secundum verbum tuum*. Statimque victor diuinus puer, quæcumque poterat vel domi, vel in officina officia exercere, omnia alacer obibat & expeditus. Aquam propinquo ex fonte, ignem aut vas aliquod mutuum ex vicinis perurbanè perque iucundè petebat, cædua ligni segmina ad ignem collegebat, verrebatur domi; sternebat lectulum suum, nisi quando mater id officij occupabat. Tignariam amissim rubricatam hinc tutor, inde puer iple tenebat, tignumque dissecandum notabant: sed quàm crebro, quàmque beniuolo parentis vtriusque coniectu oculorum, qui hæc quotidiana diuini Verbi prodigia, magis magisque quotidie denuntiabantur: vixque oculis crede-

II.
Matri exhibitus ac Tutori.

bant suis, filium Dei ad hæc famulorum ministeria tam libenter descendisse. Nōne hæc omnia certissima sunt argumenta officiosi amoris, quem quærimus, atque famularis?

III.
In peregrinatione Hierosolymitana.

Exod. 13. 17.
& 34. 24.

Admodum probabile est Hierosolymitanam peregrinationem, quam duodecimo Christi anno contigisse constat, quotannis fuisse non à Iosepho solū, sed à reliqua familia religiosè obitam. Diuina enim lege cautum non semel ac perscriptum est, vt omnis virilis sexus ter in anno coram Domino appareret, in solennitatibus videlicet Paschæ, Pentecostes, & Tabernaculorum. Adfuisse quoque virginem rationi consentaneum est, siue vt ne sola domi sine custode relinqueretur, siue vt ne longius à carissimis sibi capitibus abesset. Cūque Nazaretho Hierosolymam iter trium fere dierum esset, credibile est Iosephum sponsæ & puero, dum fuit infirmior, de iumento aliquo prouidisse. Deinde factus adolescens, vtrique parenti diligenter tanquam famulus aderat, laborūque itineris leuabat, loquens de regno Dei. Matri in primis in iumentum ascendenti, rurūque descendenti præsto erat, eiūque in stabulo curam gerebat. Vtrumque denique parentem enixè rogabat, ne suo labori parcerent.

IV.
An tempore prædicationis.

Transcāmus ad supremam Seruatoris vitam, quoniam diuina prouidentia factum est vt sancti Euangelistæ integram pene triginta annorum historiam silentio mirabili præserint. Sed nihil fortasse in tribus illis quatuorve annis reperiemus, quod ad rem nostram faciat. Tunc enim Doctorem egit, & Apostolos, discipulōsq; collegit, tunc turbas populorū, in montibus locisque campestribus, in maris littore, desertisque locis, in oppidis & pagis, & templo ipso cum auctoritate ac potestate docebat, nec more modōque Scribarum & Phariseorum, sed quasi Evangelicæ legis autor, & promulgator. Aduenerat tunc tempus illud, quo mare & venti obediebant ei, & liquentes vndæ, solidas se præbuere calcanti; quo dæmones ex mortalium corporibus, illius imperio turmatim deturbabantur, ægrotudines cuiuscumque generis, non tactu solū aut nutu, sed solo potentissimæ voluntatis assensu, puncto temporis fugiebant; quo denique plerique mortalium illi vltro famulari gaudebant.

V.
Et quatenus.

L. 10. c. 10. n.
4. L. 14. c. 9.
n. 1.

Non desunt tamen eo ipso tempore officiosi amoris exempla, vel in eo quod omnium se captui accommodabat, vt omnes lucrificeret Deo, & à peccatis abduceret; & præter vitæ sanctitatem, omnes adhibebat illecebras, vt illos ad se traheret, prodigia, beneficia, dicendi vim singularem, doctrinæ absolutissimam perfectionem, suauissimam vitæ consuetudinem, publicorum scelerum reprehensionem, ceterasque rationes & vias, quas illi diuina sapientia suggerebat. Placet id singulari quodam exemplo docere, etsi id superius usurpatum est, cū de Amoris sollicitudine ac zelo ageretur. Neque enim Dominus in eo se minus officiosum exhibuit & comem, quā sollicito animarum zelo præditum.

VI.

Vide igitur certamen officiosissimi mitissimique amoris Christi Do-

mini, aduersus ingratiſſimam perfidiſſimamque obſtinationem Iudæ proditoris. Liſſiſſimum eſt longéque moleſtiſſimum comitatem ac manſuetudinem exhibere inimico, non ad externam duntaxat ſpeciem, vt olim Ioab Amaſæ, id enim quotidianum eſt in aula Principum; ſed ſyncerè prorsus, atque ex animo; & quidem illi inimico, qui alioqui ſceleratus ſit & tibi capitalem peſtem, perniciemque moliat. In enim eſt vim maximam inferre naturæ, quæ bonos, amicos, benefactores amore protequitur. Quid ergo egit comis atque officioſus Chriſti amor, non erga Scribas tantum, ac Phariſæos palam inimicos, ſed aduersus domeſticum atque inteſtinum hoſtem Iudam proditorem, illo ipſo tempore quo prodicionem animo, manibúſque verſabat. Dulcedinem adhibuit & ſeueritatem; cum illius contumacia verbis, operibúſque certauit, omniáque officia boni ac fidelis amici, in gratiam inimici huius impendit.

Maximèque
aduersus Iu-
dam.

Officioſus fuit cum oſtendit omnem eius machinationem cognitam ſibi eſſe, penitúſque perſpectam, vt iſ re adhuc integra, ſi vellet, ab inſtituto ſcelere reſiliret. Officioſus item iniiciendo in eius animum terrore, æterni ſupplicij. *Va homini illi, & Bonum erat ei, ſi natus non fuiſſet homo ille.* Officioſus retinendo nihilominus illo domeſtico ac conuiſſore: & abiiciendo ſe ad illius pedes abluendos, quos molitio deteſtandæ prodicionis inquinarat. Officioſus in non recusanda illi communione recens inſtituti mirabilis ſacramenti, ne illum coram fratribus aperiret. O amantiſſime Ieſu! quæ eſt iſta miſeria, vt ab initio inſtituti diuini huius conuiuij tui, ſtatim adeſſet, qui te in ſacrilegum, ac ſcleratum pectus inferret, præluſens iis, qui te ſæpe deinceps, iniuria non diſſimili, ſub hiſce panis & vini typis afficerent.

VII.
Et quidem
multiplici-
ter.
Luc. 22. 22.
Mat. 14. 21.

- 1.
- 2.
- 3.
- 4.
- 5.

Officioſus in amica illa ſalutatione, & monitione beneuola, *Amice ad quid veniſti*, nec repudiauit oris contactum, qui ſe totum paulo antè in ſtomachum eius infuderat, ruſum hominem peramanter admonens ſcleris, quod admittebat; *Iuda oſculo filium hominis tradis?* Denique non leue fuit aut contemnendum illud amoris officium, quo illum, cum cætera turba ſatellitum, reſupinum deiecit in terram: ſi quo modo illum ad ſaniorẽ mentem renocaret. O amantiſſime atque officioſiſſime Seruator, quid officij, gratiæ, beneuolentiæ conferre quis potuit diſſimiliſſimis amici temporibus, quod tu non contuleris in capitalem inimicum? Quid quæſo charitatis, aut officij prætermiſſurus es eiga electos tuos, qui tam multa dixeris, feceris, paſſus ſis, in ſalutem reprobi, ac pereuntis inimici? Quomodo in peccatorum conuerſione deſudare atque elaborare debeo, ignarus an eos ad gloriam deſtinariſ, qui videam quantum operæ poſueris, vt illum iuuares, quem non dubitabas eſſe peritutum?

VIII.
6.
Alia in Iu-
dam Chriſti
officia.
Mat. 26. 50.
7.
Luc. 22. 48.

CAPVT XII.

Comitas Seruatoris in epulo Eucharistico ratione conuiuianum.

AMOR OFFICIOSVS.

I.
*Comitas in
conuiuio ma-
ximè cerni-
tur.*

SI qua in re honesti atque honorati viri, urbani videri cupiunt & comes, & accusationem ineptæ parcitatis & sordium defugere, id profectò tum maximè cupiunt, cum insignes viros ac nobiles conuiuio accipiunt, quosque amore simul ac veneratione prosequuntur. Hoc videlicet Martham olim perturbabat, reddebátque sollicitam, etsi eos habebat hospites, qui conuiuio minimè ducerentur, sed vni potius necessitati seruirent. Memoria tenes esse me tibi conuiuij debitorem, huiusmodi debita non faciliè excidunt: in eoque merito me sollicitudo tenet, vt humanitus loquar, ne fallam expectationem tuam: præsertim cum neque annonæ penuriam excusare, neque conditorem, instructoremque conuiuij parcitatis accusare possim. Quin potius, quo maior fuit Magistri liberalitas, hoc mihi magis, quasi imperito æconomò, insipientiæ nomen formidandum est.

II.
*Latet in Eu-
charistia.*

Id porro videndum est nobis, num in suo conuiuio, cuius olim manna typus fuit, suæ illius comitatis Dominus videatur oblitus, si modò eam nobis ipse gratiam impertiri dignabitur, vt aliqua ex parte agnoscamus officiosa obsequia, quæ ipse in his diuinis epulis vsurpauit, & vulgo insipientium occultauit. Atque hinc quidem rationi consentaneum est credere Seruatorem non minùs se officiosum & comem in hoc suo conuiuio, quàm in veteris mannæ largitione præstare voluisse. Primum quidem quia summum hoc mysterium instituebatur in lege gratiæ, ab auctore gratiæ, in argumentum summæ beneuolentiæ in populum Christianum, præ omnibus Patriarchis & Prophetis. Deinde quia necesse est figuras & typos cedere veritati, umbras corpori, & ipsa rerum accidentia subsistentibus naturis.

III.
Et difficiliter eruitur.

Ca. 45. 15.

Alia ex parte ingenuè fatendum est minùs esse in homine intelligentiæ ad ea peruestiganda, ac patefacienda, quod multo minùs sit illi commercij cum animo, rebùsque cœlestibus ac diuinis, qualis est sacra Eucharistia, quàm cum corpore, & rebus quæ sub sensu cadunt, quale fuit Manna Hebræorum. Accedit quod is qui, assumpta humanitate mortali, factus est Deus absconditus, vt testatur Esaias, multo in hoc sacramento factus est occultior ac tectior. In stabulo enim Bethlehemitico, sicut & in cruce latebat sola deitas, hic autem ipsa quoque latet humanitas: siue vt vtraque credenda Christianorum exerceatur fides, & meritum augeatur, siue vt vitetur horror ille naturalis, quæ esus humanæ carnis afferret,

aut sanguinis potus, si in propria & vulgari formasumerentur, quæ olim Capharnaitis fuit offensionis occasio, cum nondum intellectum esset, quam rationem initura esset diuina sapientia, ut se humano captui accommodaret.

Officiosa porò comitas, qua suauissimus instructor conuiuij huius est vsus, partim ex conditione conuiuarum agnoscitur, partim ex eo cibo, qui in eo ministratur & sumitur. Quod ad prius illud attinet, ordo quem diuina prouidentia in operibus gratiæ naturæque constituit, proportionem quandam exigit, formam inter materiæque subiectam. Ignis glaciæ aut lapidi, ac neligno quidem viridi adhærescit, sed arido. Id si aliter accadat in prodigijs numeratur, ut in Ægypto contigisse locuples testis est Sapiens. Scientia in statuam humanam infundi non potest, ac neque in corpus humanum, sed in animam, non infantuli, sed ratione vtentis. Gratia diuina non cuiusuis animum inhabitat, sed iusti hominis, fide, spe, charitate ornati. Talis enim Regina, sine honorifico suo comitatu, non procedit. Gloria verò animam gratia decoratam postulat, & carnem miseræ huius mortalitatis expertem.

Cibus quoque proportionem cum eo qui nutritur exposcit; neque enim omnium animantium in cælo, terra, vel aqua viuentium eadem esca est. Quin etiam inter homines alius est mendicorum, alius artificum aut mercatorum cibus. Non eadem est optimatum mensa, quæ regum aut virorum principum. At cibus Eucharisticus cum sit regius cibus, atque adeò idoneus, ad prabendæ delicias regibus, quod de pane Aferis dixit olim Iacobus Patriarcha, Seruator tamen ad conuiuium suum, regia magnificentia & comitate, omne mortalium genus inuitat. Venite, inquit, ad me omnes, qui laboratis & onerati estis, & ego reficiam vos. Et alibi in quadam parabola, haud obscure significat velle se pauperes, debiles, cæcos & claudos in triclinium suum introduci: eum enim in finem seruum suum demittit in plateas & vicos ciuitatis, atque adeò in vias agrorum, & sepes, ut illos conuocet, deducat, intrare compellat, iubeatque in mensa regia confidere. Id ne cui fortè videatur absurdum, intelligendum est vocari quidem ab officioso Domino malos & bonos, ad nuptias, vult enim omnes homines saluos fieri, sed vult improbos omnem à se abdicare malitiam. Itaque in ipso ingressu dat omnibus vestem nuptialem, qua si postea caruerint, aut eam fœdè contaminarint, illis continget vt, ligatis manibus & pedibus, mittantur in tenebras exteriores, vbi est fletus, & stridor dentium. Itaque pro sua bonitate supplet Seruator, quæ ad proportionem illam requiruntur. Ad illud autem epulum vnica dispositio est diuina gratia, non opes & copiæ, non nobilitas aut pulchritudo, non vires aut scientiæ, cæteraque id genus. Gratia enim illa instar est omnium: mendicos vertit in reges, ut paratas sibi delicias degustent: Reges qui regere ac frenum iniicere didicerint cupiditatibus corporis, & rationi obtemperare.

IV.

Duplici ex capite declaranda.

Proportio inter materiæ & formam.

Sap. 16. 22.

V.

Et inter cibum & eum qui nutritur

Gen. 49. 20.

Matt. 11. 28.

Luc. 14. 21.

VI.

Qui Deus vocet omnes ad conuiuium suum.

Matt. 22. 9.

10. 13.

VII.
Etiam im-
perfectos.

Illud autem officiosam hanc comitatem vehementer exaggerat, quod Seruator illo suo conuiuio accipit homines vulgari virtute præditos, adeoque admodum imperfectos, quos pauperes illi collecti viatim re- præsentant. Nam si illos duntaxat conuiuas acciperet, qui Angelica cor- poris animique mundicia præstarent, qui charitate Seraphica, qui de- missione animi, qualis fuit in beatissima Virgine præditi essent, omni denique forent virtutum genere locupletes, minor esset admiratio. Si tale ac tantum Dei beneficium, post accuratum quinquaginta aut sexa- ginta annorum famulatum, hominibus conferretur, esset nihilominus beneficium singulare. Qualis est igitur ista gratia, quanta comitas Ser- uatoris, qui diuinum hoc conuiuium quotidianum esse patiatur, habeatq; tam multos quotidie conuiuas, qui permodica ad hasce epulas fide, fer- uore, deuotione feruntur. Si quis amicos ad cœnam vocet, eos cibi ap- petentiam secum afferre lætatur; fiunt enim cibi ipsa esurie palato gra- tiores: contra verò nihil hospiti contingit ingratius, quàm si hospites suos videat oculos ad abacum, ad imagines, signaue, cum quodam cibi fastidio circumferre.

VIII
De negligen-
tia.

Quàm multos habet Seruator subditos ac clientes, qui, pro pudor! ad cœnam magnam vocati, varias prætexant excusationes, quasi ad labo- riosum aliquod opus, molestumque vocarentur, aut eis vestigialis qua- riam opera sine vlllo fructu operæ præstanda foret: quàm multos con- uiuas, stomacho porris, & cepis, & alliis, cæterisque mundi vanita- tibus referto, vix vt de diuino cibo cogitent, sed oculos animosque huc illucque circumferant, ornatum aræ, imagines viuas mortuasque cir- cumspectant: quàm multos, qui non nisi post multos menses, ani- mum pane cœlesti quoquo modo reficiant, aut festa Paschalia præsto- lentur: ac ne tunc quidem fortasse ad diuinas epulas accederent, nisi ser- mones hominum, aut censuras Ecclesiæ reformidarent. O bone Ser- uator, quàm parum feliciter tibi cessit conuiuium tuum, & tanta comitas tua! Quàm dolendum est homines in optimatum conuiuio ita esse attentos, ne quid improuidè peccent, in diuino autem ineptias admittere innumerabiles.

IX.
Improbos
quoque to-
lerat.

Luc. 22. 21.

Act. 17. 18.

Atque vti nam nihil in eo deterius contingeret. Ad illa enim conui- nia nullus adire audeat inquinata facie, aut manibus lutulentis: huc non pauci veniunt, nondum profani conuiuij crapula satis exhalata, aut corpore animoque adhuc incesta libidine ferente. Humanissime Iesu, quàm sæpè dicere possis, *Ecce manus tradentis me merum est in mensa*. O improbiſſime Iuda, quàm multos habes socios, qui amicos simulent foris, cum sint intus capitales inimici. Quàm multi te, diuinam men- sam sacrilegio polluentem, perfidiosè imitantur: & ad tartarum infelici laqueo præcipitantem sequuntur. Quadraginta annis sustinuit Domi- nus H. bræorum mores in deserto, neque destitit illos cœlesti pane sa- tuare. Quibus tamen iurauit in ira sua, non ingressuros in requiem tuam,

promissam Chananitidem. Sustinet Christus plurimorum Christianorum deprauatos mores, qui Hebræorum improbitati ac nequitia fortasse non multum cedant, & sedecim pene seculis sustinet, quorum plerique eo iam cibo funditus sunt priuati, quibus iurauit Dominus in ira sua fore, vt non introeant in requiem suam, terram in beata immortalitate viuentium.

CAPVT XIII.

Comitas Seruatoris in conuiuio suo, ratione cibi ipsius, & variorum saporum eius.

N V n c si videtur ad cibum ipsum, variósque eius gustus gradum faciamus: vt híc quoque officiosum Christi Domini amorem agnoscamus. Qui dissectos in mensa cibos distribuit conuiuiis, gustum cuiusque sequitur, si quidem eum nouit; sin minus, vt quemque nouit honoratiorem, ita illi optima quæque offert, itaque deinceps, quandiu superat quod datur. Infundebat olim Dominus manna omnem saporem corporæ suauitatis, vt paulò antè dicebamus, vt sese ad desideria populi terrena sapientis accommodaret. Nunc autem in mensa sua, qua cum Christianis, quos spiritalia & diuina sapere vult, epulatur, vni cibo Eucharistico spiritalem omnem saporem ingenerat. Et multiplicem quidem ciborum varietatem homines requirunt, vt diuerso illorum sapore fruatur, vnum aliquè quæsituri duntaxat, si in illo vno saporibus omnes degustare possent. Multo igitur æquius est Deum causam vniuersalem, generalibus instrumentis vti, quorum singula instar habeant plurimorum. Docet quippe Philosophia, vt quodque agens perfectius est, ita paucioribus vti rationibus & viis ad propositum sibi finem obtinendum.

Videamus ergo paulò distinctius, nec inanis erit ista diligentia, qua ratione diuini huius conuiuij magister officiosus extitit, diuersis saporibus huic panis vitæ inferendis, industria sua diuerso conuiuati gustui accommodata. Quibusdam placet subacidus sapor pœnitentiæ, & acerbus culparum admissarum dolor, à quibus Dauidicū illud libenter vtrumpatur, *Fuerunt mihi lacryma mea panes die ac nocte, dum dicitur mihi quotidie, vbi est Deus tuus?* neque est sapor, qui spiritali eorum palato magis ardeat; magisve profit. Hinc enim efflorescit sanctum edum sui, quod pestiferū sui amorem, omnium nozarum fontem paulatim exsiccat. Hinc existit ac fouetur animi demissio, qua propriæ excellentiæ appetitus, proprii amoris primogenitus, debellatur atque succiditur. Hinc egregie in satisfaciendi diuinæ iustitiæ desiderium, cui se agnoscunt vehementer obligatos: satisfaciendi autem crebris corporis afflictationibus, ieiuniis,

I.

Mos conuiuiorum ac commodatus Eucharistiæ.

Arist. 2. de cælo.

II.

De gustu subacido conuersionis.

Ps. 41. 4.

vigiliis, cæterisque pœnitentiæ operibus congerendis, vt sic altera proprii amoris soboles, carnis cupiditas edometur.

III.
Et eius com-
moda.

Hinc generosus atque exaggeratus terrenorum contemptus, quibus patefactus est aditus ad peccandum, & obstructa cœli ianua; & voluntariæ paupertatis amor, qui ea dispergit largiturque pauperibus, in perniciem auaritiæ, & cupiditatis quæ dicitur oculorum, quam tertiam mundi pestem in lucem edidit Amor sui. Qui ergo tam vtiliū fructuum sunt appetentes, arborem amant, ex qua illi proficiuntur; Spiritum videlicet contritionis, eam vbique perquirunt, fouentque sedulo, vt perpetuò tam vtilis fructus ferat. Atqui diuinus hic panis hunc animæ palato saporem inspergit, si quod est aliud in tota Christiana religione mysterium. Infelix enim peccator, qui ad diuinam accessurus est mensam, hanc apud se querelam meritò instituet.

IV.
Contritionis
sensus in
Eucharistia.

Quid? egone verissimus ille prodigus, atque inconsultissimus adolescens, qui porcorum siliquas vix promeritus sum, ad honoratissimam Domini mei mensam admittar, vt ibi vituli faginati particeps fiam? Ego, cui non iniuria bufones & serpentes tribuerentur in cibum, & in potum fel & absynthium, Angelorum hic, & reliquorum beatorum pane vescar, & nectareum immortalitatis potum hauriam? Ego, qui lixas inter & calones, in gurgustio esurire debeo, & cibarium affectare panem, hic in deliciosa Sanctorū mensa Dei filius annumerer? Ego, qui in cœnosa voluptatum lacuna, tanquā sus lutulenta sæpè volutatus, omnia vestimenta mea inquinaui, ipsamque innocentiam stolam, mihi in baptismo redditam, dilaceravi, introducar nihilominus ad triclinium regium, non secus ac si omnium pulcherrima veste nuptiali essem indutus. Ego, qui toties principem meum, me ad escam regiam comiter inuitantem, audire contempsisti, villas & iuga bouum prætexens, ideòque nunc à ianua excludi mereor, & audire horrificum illud *nescio vos*: cum bona tamen gratia & gratulatione recipiar, ipsèque mihi Dominus veniat obuiam, vt mutuis fruamur amplexibus.

V.
Et sui ipsius
odium.

Miserum me! nōne iure ad omnium me pedes proculcandus abiciam? nōne pudore perfundar, & improbam cæcitatem detester? nōne iustissimis in me sæuiam pœnis, & ultro vliscar iniurias Domini mei? Nōne legitimus est, quoniam corpus hoc animam meam & quidem heram eius & dominam, turpiter ac contumeliosè vexauit: vt nunc vicissim animus, ea vtens autoritate, quam Deus illi ac natura dederunt, corpus vt seruum improbum, vt fugitiuum mancipium, vt subditum seditiosum accipiat? Præsertim cū, post præteritam illam temeritatem, & antea actæ vitæ maculas, nunc quoque subinde infestos, instar apri dentes exerat, aut more vitiosi muli calcitret, aut effrenem agat equū ac solutum. Hoc ergo modo preciosus hic cibus est accommodatus eorum gustui, qui austerum amant saporem, & dolori de culpis suis libenter indulgent.

CAPVT XIV.

De sapore dulcedinis, & consolationis Eucharistici panis.

INTER omnes sapes animantium gustui accommodatos, si qua fiat inter eos contentio, dulcedo plurimorum iudicio facile palmam feret: in primisque, vt Philosophi disputant, nutritioni seruit. Videamus igitur an panis Eucharisticus idoneus sit dulcedini consolationis instillandæ, quando illa optanda videtur in primis, atque necessaria, vt religiosæ animæ à terrenis consolationibus, cælesti affluente dulcedine, facilius abducantur. Illa est, quæ insulas reddit atque insipidas carnis delicias, ludos, choreas, fabulas, epulas, munera, cæterâsque illecebras voluptatum. Illa est, quæ in aduersa omnia, quæ nos vndecunque circumstant, mel superfundit & saccarum: neque omnino tolerabiles esse viderentur, siue animaduersionis, siue probationis & meriti causa in nos irruant, nisi hoc mel de petra illum amatorem temperaret. Hoc est saccarum, quo molestæ ærumnarum vitæ huius pilulæ insperguntur; aut conditi saccaro grumuli, quibus sapor medicæ potionis abstergitur, aut lenitur. Hæc sunt condimenta, quæ dat nobis Dominus in curriculo vitæ huius, ne deficiamus in via. Hic denique comis est ac iucundus Principis contuitus aut sermo, quo aulici, mercedem aliquam diurni famulatus expectantis, tædium mitigatur.

Quis autem sermo par esse queat explicandæ dulcedini consolationum, quæ cælestem hanc comitantur escam: cuius proprium est esse spiritalem animi refectionem, quæ eam reficit ac roborat, instar exquisitissimi, ac vitam instaurantis cibi; simulque omnes animi facultates tanta lætitia perfundit, vt in corpus ipsum redundet. Præsentia, & possessio obiecti delectabilis, certissima delectationis causa est. At obiectorum delectabilium Deus opt. max. principem locum tenet: tum illa Verbi diuini humanitas sacrosancta, ambôque hoc diuino pane continentur. Ingens ergo prodigium fuerit, conuiuas in hoc epulo suauissimis consolationibus non abundare. Testes earum appello multas piorum animas, tenero liquidæ voluptatis sensu diffuentes, quam, in huius receptione ferculi, vberes lacrymæ confirmabant. Nihil est necesse mortuos ex libris excitare testes, viuos licet audire quotidie, ac spectare; non in cænobis tantùm, sed in media populi frequentia, vbi nihilominus religiosissimè viuunt, & in delectationis argumentum, sapius quot hebdomadis ad sacram mensam, vt ceruus ad fontes aquarum, cupidè accurrunt, atque euolant.

Si quis tamen illius generis testes requirit, legat, si placet, vitam Beati Aloisij à Gonzagua; in ea reperiet quanto aduersus diuinum hoc

D d d d

I.
Dulcedo cælestis cibi.

II.
Eiusque rei causa.

Cōfirmatur experientia.

III.
Exemplisq;

*Sacramentum
Aloysij.*

Sacramentum pietatis sensu moueretur. Ea pietas tam singularis erat, itaque peruulgata domesticis, ut visum fuerit post mortem eum in genua procumbentem, & Eucharistiam suppliciter adorantem depingere. Tam pius autem erga Sacramentum animus ex singulari ac prædulci gustu nascebatur, quem in eo recipiendo percipiebat: eos verò gustus hōc illi Dominus liberalius largiebatur, quò studiosius in cordis sui animique mundiciem incumbibat, maiusque adhibebat studium, ut ad sacras epulas quàm paratissimus accederet. Totam enim hebdomadam in certa quædam pietatis exercitia distribuerat, quæ sanctum communionis studium acuerent, ac fouerent. Ad sacrum altare sæpius quotidie, dilectum suum salutaturus, ventitabat: pridie autem communionis, nullus ei nisi de hoc mysterio sermo erat, & quidem eo cum feruore animi, ut sacerdotes illius colloquium vehementer ambirent, ut maiore ipsi cum pietate, ac veneratione celebrarent. A communionem verò ita colligebat se, tamque attentè cum præsentem Domino versabatur, ut cœlesti gaudio delibutus, diu in angulo quopiam maneret immotus, neque inde nisi ægè discederet.

*IV.
Stanislai
Kostka.*

Qua putemus abundasse dulcedine Beatum atque illustrem Polonicæ nobilitatis adolescentem, Stanislauum Kostkam, cum suprema ægritudine decumbenti apparuit B. Barbara, duorum Angelorum septa comitatu, qui perillustri gloria sacrum illi viaticum deferabant, Deo incensis eius desideriis, votisque acquiescente, quod ille de manibus eorum, summatrimque veneratione recepit. Nihilominus exaggeratus est morbus, ut alteri eximio prodigio, & singulari B. Virginis, eiusque filij erga sanctissimū adolescentem comitati daretur occasio. Cum enim extremam pene ageret animam, apparet illi Dei mater, puerulum Iesum in sinu gestans, eumque in lecto eius, propè ipsum peramanter deponens. Id facinus officiosissimæ Deiparæ tantus dulcissimæ consolationis sensus est consecutus, omnem ut illi morbum prorsus absterferit. Neque eo contenta beneficium Dei parens, adiecit aliud; abiens quippe monuit ut se ad filij sui societatem aggregaret. Non levis hic subest admirationis causa, quæ factum fuerit, ut isti iuueni animam in pectore gaudij magnitudo non oppresserit; sed autore vitæ præsentem, eius inimica mors propius accedere non est ausa. Denique cum ad Augustam Vindelicorum iter haberet, templum subiit hæreticorum, quod Catholicorum esse arbitrabatur. Re cognita ingemuit se spe recipiendæ Eucharistiæ esse frustratum; verum Angelo mox illi sacram synaxim deferente, multo sua factus est expectatione felicior.

*V.
Alia dulca
animo huius
testimonia.*

Suauissimis hisce gaudiis testimonio sunt admirationes, veneratione lætitiæque delibutæ, & frequentes mentis à corpore aberrationes, quæ sine excellenti quadam delectatione esse non possunt, cum suauiter ad se rapiant omnes corporis sensus, atque facultates: sicut ex corporis vo-

luptates sunt omnium maximæ, quæ ad tempus aliquod vsum rationis absorbent. Quod si aliquos repentina lætitia sic oppressos esse constat, vt subito vita defungerentur, minimè à ratione alienum est, hæc ab-
reptæ mentis alienationes, quæ sunt aliquot horarum, aut dierum quasi mortes, ab excellenti mentis voluptate proficisci: quales sæpenumero fuerunt S. Bernardi, Sanctæ Teresæ à Iesu, S. Catharinæ Senensis, S. Ignatii à Loyola, aliorumque multorum. Bernardi certè fuit carmen illud, *Tunc amplexus, tunc oscula, quæ vincunt mellis pocula, quàm felix Iesu copula, sed in his parua morula.*

Exia/es.

Non exiguum etiam est harum consolationum argumentum, desiderium illud, quod paulò antè attigi, & fames quorundam pietate præstantium, quibus longum est expectare dominicum diem ad communicandum sanctissimo Sacramento, inferendus est etiam eiusdem institutionis dies. Diuinæ quippe consuetudinis mellita voluptate allesti, in odorem cœlestium vnguentorum currunt, & mirabilem diuini panis esuriem sentiunt, ac fatentur; vt mirabilis illa Catharina Senensis, quæ illam esuriem sentiens, confessorium suum ad celebrandum vrgebat, vt esuriem suam diuino cibo temperaret: præsertim cum stomachus eius alium cibum ferre non posset, ex quo ambrosiam illam, ex vulnere pectoris amantissimi sponsi hauserat. A quo subinde illud audiebat, *Pul-*
chriora sunt vbera tua vino, & odor vestimentorum tuorum super omnia
aromata. Fauus distillans labia tua sponsa, mel & lac sub lingua tua, &
odor vestimentorum tuorum, sicut odor iheris.

VI.
Et ardentia
fiorum d.
deria.

Cant. 4. 11.

Hic ego, miserum me, diuine Amor; cui delicias istas iampridem quotidianas esse oporteret, quæ ne præcipuis quidem solennitatibus contingunt. Omitissime Iesu, officiosissime conuinctor, vt ere suauissima illa violentia tua, qua miseros ac mendicos, ad triclinium tuum intrare compellebas, vt fruerentur deliciis mensæ tuæ. Meritò ingemisco, quia non sum sicut cæteri hominum. Amicorum, inquam, ac famulorum tuorum, tibi magno cum feruore seruientium, qui in stadio perfectionis iter accelerant, qui in odorem panis ac vini tui currunt, ac propemodum volant; ego tardus sum, vis necessaria est, trahe me post te, & si opus est Patrem quoque tuum trahere, adhibeat ille quoque vim præcipuæ efficacitatis, quæ socordiam istam aliquando vincat.

VII.
Gemius ne-
gligentium.
A V T O R.

Minimè mala sunt ista desideria, inquit Officiosus Amor, sed oportet ea exigi ad normam diuinæ voluntatis: iusque est seruitia cibario pane esse contenta, aut eo quem herus dederit, qui non semper secundarius est, & vt maximè fufuraceus esset, is in huius duntaxat vitæ cursum vsui erit, vtique non diuturnum. Et quis nouit an spirituales deliciae isti infirmitati occasiones essent malè tollendi cornua, & perdendi quantulumcumque partum esset? Neque inauditum est tibi, hæc delicias perfectionem vitæ, aut sanctitatem non contineri.

VIII.
Monitio ne-
gligentibus
vtilis.

- AVTOR. Non est id quidem, inquam, inauditum; sed illud tamen existimo, magnum in eis momentum situm esse, ut heroici virtutum actus, qui perfectorum sunt, generosè exercentur. Sunt & tyronum aliquando, ait
- AMOR. Amor, quamvis ex habitu non agant. Cæterum quisquis pravas animi appetitiones studiosius edomuerit, ex amore dilecti sui, & illum myrrhæ fasciculum amplexus fuerit, ut ei gratificetur, non dubitet officiosissimum Seruatorem non passurum, se à seruulis suis officiis, aut comitate vinci.

CAPVT XV.

De austriore sapore coërcendorum animi motuum, & demissionis mentis incitanda.

OFFICIOSVS AMOR.

I. *Austerus mortificationis sapor.* **H**OC manna legis Euangelicæ, idoneum est reficiendo nouis semper saporibus mentis nostræ palato, ac uendâque appetitione cibi huius. Nam præter acidulum gustum doloris de peccatis, & dulcem consolationum saporem, austerum quoque myrrhæ & mortificationis gustatum suggerit, & oleagineum commiserationis, zeli quoque & feruoris acrimoniam, prudentiæ salem, cæterosque mysticos saporibus, qui utiliter desiderari possunt. Quisquis igitur edomandæ propriæ voluntatis & iudicii studiosus est, qua virtute demissio animi, obedientia, adoratio, cultusque omnis interior contineri potest, earum virtutum peculiarem sensum facile in hoc conuiuio reperiet. Earum enim exempla præclarissima edidit in eo Seruator.

II. *In Eucharistia Seruatoris humilitas.* Verbum Dei, idem cum Patre Deus, eiusdemque cum Patre autoritatis atque maiestatis, summissæ mentis virtutem quam adamarat, exercere non poterat. Itaque factus homo amplissimum campum inuenit, excolendæ deiectionis, obedientiæ, patientiæ, & his affinium virtutum cæterarum. Sed ea exercitatio extra huius vitæ cancellos pertinere non poterat. Ea uero enim commentatio, tractatioque virtutum in cælo, alterius cuiusdam modi est, nec parum à mortali distat. Cum ergo Seruator paulò post ingressurus esset in gloriam suam, mirabile conuiuij huius excoGITauit inuentum, ut se coram Deo quotidie abiceret, & pene in nihilum sacrificando redigeret, typis, siue speciebus subinde consumptis. Sed parum est deiicere se coram Deo: quis enim id, nisi fortè Lucifer aliquis, reculare audeat?

III. *Et obedientia exhibita sacerdoti.* Itaque Seruator ipse, cuius summa semper fuit animi demissio, atque obedientia, non satis habuit eas coram Deo exercere virtutes: sed quantūvis sit maiestate sublimis, rationem inuenit subiiciendi se sa-

cerdoti, quamuis misero ac peccatori. Cùm enim isti visum fuerit consecrationis verba proferre, præsto adest filius Dei, vt species panis & vini illico subeat, & eorum naturam conuertat in propriam & suam. Si ille postremam differat vocem, differt Sernator ingressum, si intentionem sacrificandi sacrilegè deponat, Seruator cum contumelia repellitur, nec adesse potest: idémque contingit si materia fuerit illegitima. Si reuera consecrat, tradit se Dominus Iesus in eius manus, fitque planè arbitrij eius, vt sacramentum ipsius, vel eleuet adorandum, vel deponat, vt palam & in luce videatur, aut in tenebris inclusum deliteat, vt frangatur, vt misceatur, vt manducetur, vt consumatur, vt nusquam appareat. Cui ergo non sapiat humilis obedientia, cuius tam illustre in nobilissimo filio Dei cernat exemplum?

Quid dicam amplius? num quid amplius in hoc genere aut mirabilius dici potest, præter id quod alio quoque loco dictum est; & vt dicatur sapius, semper habet iustissimam admirationem. Vnicus Dei filius Angelorum Dominus, hominum gloria, princeps omnium electorum, humanum pectus ac stomachum subire non recusat, locum sordibus sæpe inquinatum ac fœrentem, pituita sputisque abundantem, quæ stomachum vel ipsa cogitatione moueant: locum cæteris omnibus fœdiorum, quæ sordes, quas in ea conieceris, retinent, cùm stomachus cibos optimos magna ex parte conuertat in sordes. Et nihilominus princeps iste pulcherrimus maiestate sua indignum non putat, in huiusmodi sterquilinum sentinamq; descendere, ibiq; moras trahere, dum species consumantur. Num id videtur mitius horrorem cum natura pugnantem opprimere, quàm saniem exugere, ex diro carcinomate manantem? quod S. Catharina Senensis, quod sancti Ignatius, Xaueriusque fecerunt. Neque enim magno discrimine differunt admittere in se putredinem, aut se in putredinem immittere.

Verùm age, mi Amor, inquam, in conuiuio tam magnifico, nōne datur hominibus gloria & propria existimationis argumentum. Repe te memoria, si placet, superbum illum Amanum hostem Mardochæi, qui in secundis rebus suis numerabat, quod ad regium Hesteris conuiuium vocatus esset. Memini quidem, inquit Amor, sed vicissim recordare eum honoris causa non fuisse inuitatum, sed vt ibi apud regem, superba illius crudelitas accusata, pœnas grauissimas daret. Sed illud quoque meminisse par est, Reginam ipsam magni honoris loco duxisse, quod rex ad ipsam conuiuandi causa veniret. Et Iacobi filij in Ægypto non leui fuerunt timore perculsi, quod ad prandium cum prorege sumendum inuitati essent, etsi nullius se criminis arbitrabantur reos. Nec vlla subest homini materia vanitatis, quod ad diuinas vocetur epulas; quòd tanta illi gratia non ex merito, sed ex diuina miseratione contingat. Gloriosè potiùs illius magnificentiam, ac bonitatem extollat, qui eum ad se vocat, vt eius necessitatibus occurrat. Admiretur quoque

IV.

Et mortificatio in stomacho sordido incens.

V.

AVTOR.
An gloriosum sit ad hoc conuiuium vocari.
Esther. 9.
AMOR.

quod videat putridum in Angelorum mensa cadauer. Aut rusticani certè hominis personam induat, qui ingenti obrueretur pudore; si in medio virorum principum in regia mensa accumbere iuberetur.

CAPVT XVI.

De commiserationis gustu ex sacra Eucharistia elicito.

I.
Commiseratio ab exterioribus sordibus.
Ca. 13.

An. m. 3772.
p. 5.

DE amaro pœnitentiæ gustu nihil est quod videatur addendum iis quæ paulò antè de contritione dicebamus: aliquid ergo de commiserationis sapore dicamus. Etsi enim Seruator in semetipso beatissimus est, omnibûsque bonis circumfluit, & nullis est incommodis obnoxius; in speciebus tamen ipsis quibus tanquam indumentis obuoluitur, crebris afficitur iniuriis, quæ piorum commiserationem prouocant. Posse autem aliquem non in persona tantum sua, sed in rebus etiam suis, puta vestimentis, violari, & ratio ipsi docet, & olim Tarentini experientia didicerunt, cum L. Posthumij Romanorum Legati vestem lotio procaciter aspersissent. Est ergo quod religiosæ mentes commiseratione moueantur, dum vident nobilissimum Dei filium in ista specierum rubra veste vel candida, in stomachi quasi cloacam demitti, eiusque sordibus circumfundi. Fuiſti tu quidem olim; patientissime Iesu, hospitio acceptus in stabulo sordido, at palea certè, vel sænum quod tibi collegit subſtrauitque nutritius pater, munda erant: lintea & panni, quibus te bona Mater inuoluit, vt vilia essent, sordida certè non erant. Quomodo ergo nunc patienter ferre potes, vt in cœnum corrupti ac fœtentis stomachi denciariis, ibique subsistas totus, dum species consumantur.

II.
Et impiorum iniuria.

Sed alia tibi quoque sub hac typorum veste contingunt, quæ tibi longè ingratiore sunt, & maiore sunt commiseratione digna: quod scilicet rursum in manus peccatorum tradaris. Vir aliquis illustris mallet media in platea, fallante vestigio in cœnum prolabi, ac pallium sericum fœdè conspurcare, quàm aliqua verbi factive affici contumelia, qua illius honor, & gloria cruentaretur. Ita Seruator minus ægrè fert quod sordibus, præsertim sine culpa, contaminetur foris, nec tanta propterea videtur commiseratione dignus, quàm cùm incidit in proditorias inimicorum manus, qui se, vt olim Iudas, amicos osculo simulant, cùm sint capitales inimici: aut cùm ignominiosè accipitur à successoribus Scribarum, Phariseorum, & profanorum militum Pilati. Iudeorum inquam, & hæreticorum, Ethnicorum, Mahumetanorum, Atheorum, Magorum, & id genus infidelium: qui eum toties subsannarunt, exgrandis vocibus appellarunt, pedibus conculcarunt, gladiis & siccis per-

foderunt, abiecerunt pecoribus, & execrandis dæmonum veneficiis, incredibili sacrilegio adhibuerunt.

Domine meus, & Deus meus! quomodo non repentino sudore perfundor præ animi angore; quomodo non soluentur in commutationis lacrymas oculi mei, & cor meum, quomodo doloris acerbitate non disumpitur pectus meum, dum te agnosco in tam horribili statu constitutum, & tam indignis tractari modis, in glorioso licet corpore animoque, in ea humanitate, quæ ab ipsa diuinitate diuelli disungique non potest. Accido, mi Domine, supplex ad pedes tuos, & supplicem adorationem lacrymis miserationis consocio, diuinum in te adoro Numen, quamuis profanis impiorum ac barbarorum manibus iactatum, vt te olim virgo Deipara, in manibus sicariorum adorabat, atque carnificum: immortalisque ago gratias, quod in gratiam dilectorum tuorum, tantis iniuriis, probris, ac contumeliis obnoxius esse non dubitaris. Adoro te in cœnolis stomachi tenebris, vbi neminem habes hominem, qui tecum versetur, quo cum sermones conferre queas; imo desertus es ab omnibus, sicut pridie mortis tuæ, & pene quàm primùm excedis ab oculis, abis ab hominum memoria. Nemo sordes istas auertit, nemo expurgat, sed quisque certatim cibum ingerit ac potum. Pro qua tam officiosa charitate, gratias tibi agant omnes amici, ac clientes tui in omnem æternitatem.

III.
Commiserationis affectus.

CAPVT XVII.

De acuto sapore zeli ac feruoris, qui in Christi epulo degustatur.

INVENIRI quoque potest in hoc exquisitissimo cibo gustus acer, & quasi aculeatus feruoris ac zeli, si quis reuocet in mentem institutum à Domino, instructumque conuiuium feruida charitate incitato, quo ipso tempore permisit Seruator, zelo honoris huic cibo debiti, Satanam Iudam inuadere proditorem, cum primùm profanus diuinam bucellam non dubitauit accipere. Deinceps quoque Dominus idem multa edidit prodigia, ad honorem, & veritatem sacramenti huius vindicandam, & impudens hæreticorum os verberandum, blasphema contra ipsum garulitate oblatrantium. Et vbi putas hausisse feruorem suum tot insignes viros, ad religiosum huius sacramenti cultum, tot suppeditandis pretiosissimis ex auro & argento vasis, calicibus, alabastris, tabernaculis, sacrisque pixidibus; tot peristromatis & aulæis, tot sacerdotalibus trabeis, & pallis immensi pretij, tot dalmaticis pallis, & vestiariis sacri altaris ornamentis, tot lampadibus, ardentibusque facibus, tot hymnis & canticis ad cohonestandum atque celebrandum diuinam hostiam, quibus animus religiosa pietate fouetur, corda exhilarantur, oculi grato fulgore, aures cantus suauitate mulcentur.

I.
Zelus Seruatoris pro hoc Sacramento.

II.
*Qui homi-
nes ad illud
honorandum
excitat.*

Quid memorem tot honestissima sodalitia, peculiari honori ac cultui diuinæ huius Eucharistiæ destinata? quid tot conciones atque exhortationes ex æquo & superiore loco haberi solitas? tot orationes ac pœmata, de magni huius mysterij argumento: Quid in peculiare curiarum, & generales totius populi supplicationes excurram, in quarum magnifico apparatu nihil prætermittitur, quod ab ingenio, & industria, quod ab arte & opibus expeti aut expectari potest: præsertim ex quo hærefici satanico spiritu impulsæ, contra hoc magnificentia diuinæ conuiuium, corda sua furore, linguas maledictis, frontem impudentia, manus audacissima temeritate obarmarunt. Hæc est illustis antiperistasis, quæ nunc regnat in plerisque prouinciis hærescon peste contaminatis, ubi conscientia quæ dicitur libertas ex æquo permixta est, ubi veri Catholici magis magisque animantur in dies, ad Dominum suum in sacramento venerandum: eoque magis, quo cernunt illum ab incredulis, à sacrilegis illis atque blasphemis impudentius violari.

III.
*Diuersifica-
tionibus.*

Immortales tibi gratias libenter ago, Deus meus, quod tristes feruorum tuorum commiserationis lacrymas abstergere dignatus es. superflua lætitia ab honore, qui tibi à viris amplissimis atque ornatissimis exhibetur; feruore sæpe tanto, ut in solennioribus supplicationibus, feriæ præsertim quintæ maioris hebdomadæ, aduocati, consiliarij, præfides, alijque viri nobiles ac dynastæ, principes item ac monarchæ: illustri quoque loco matronæ, ac scemina principes, neglecta sexus atque educationis mollicie, circumlatum per vicos sacramentum, animosa veneratione comitentur: in quibus non desunt qui nudis incedant pedibus, qui sacco & cilicio induantur, qui se flagellis cedant ac cruentent: passimque omnes cereos accensos ferunt in manibus, iuxta illud, & *lucernæ ardentes in manibus vestris*, argumento fidei non mortuæ erga venerabile Sacramentum, & honoris quem summo suo regi debent, deferre desiderant; siue ut antea vitæ delictorum honorariam multam luant. Hunc totum honorem ac satisfactionem tibi gratulor Deus meus, rogoque impensius, ut tam laudabilem in populo tuo zelum, vñ cum frequentatione huius compendij mirabilium tuorum in dies fouere, atque amplificare digneris.

CAPVT XVIII.

*Incitamentum memoris animi, propter officiosum Seruatoris
amorem in conuiuium Eucharistico.*

I.
*Oportere vis-
cissim officio-
sum esse erga
Dominum.*

VEREO ne patientia vestra & ingenio videar abuti, si persequendis istis huius mannæ saporibus latius diducam orationem meam.

meam. Satis ergo fuerit ex dictis colligere eum, qui hosce gustus, al. of-
que in hunc suum cibum, ex mera bonitate immiscuit, vt se pia vniuf-
cuique voluntati accommodaret, misericè comem atque officiosum
esse; & promereri vicissim, vt officiis cum ipso, quoad possumus, offi-
cio e cerremus, omnibùque propter ipsum fiamus omnia, vt omnes
ipsi lucrifaciamus, & in sancto eius amore crescamus. An tam ingratus
erit vllus & inui banus, vt ei poenitentia materiam præbeat, quod officiis
cum hominibus officiosè certant; vtque veterem illam querelam itera-
re cogat, *Ego dixi in vacuum laboranti, sine causa es vanè fortitudinem* Esa. 49. 4.
meam, omnemque comitatem, atque industriam *corsum p.* Nihil penſi
habent ingratiſſimi serui, quod à Domino beneficiis obruantur.

Qui serio mundi legibus ac vanitati seruiunt, magna se contumelia
affici putant, si ingrati audiant. Itaque id probrum vt effugiant, bene de
se meritis conuius accipiunt, muneribus honorant, si quid gratia, opi-
bus, autoritate valent, id totum per se suosque liberaliter impendunt:
præsertim si is qui gratiam anteuertit, vir sit, qui multum & prodesse &
obesse possit. Qui igitur non sunt nescij quis sit is, à quo maximis bene-
ficiis occupati sunt, & iis beneficiis, quæ durissima pectora mollire pos-
sint, an ferent vt is dicere possit, se mutis pecoribus beneficia contulisse?
imo ab ipsis pecoribus reddenda gratia superari, quæ medicis suis, ac
benefactoribus, omnis feritatis oblita, studiosè famulantur. Notus est
Andronici Leo, & S. Gerasimi in prato spiritali, & Pardalis apud Pli-
nium. Nonne euigilandum est homini, vt æs suum alienum aut dissoluat,
si quo modo fieri possit, aut aliqua ex parte præstandis officiis nonnul-
lam faciat de summa decessionem?

Sed quibus officiis, mi amor? Quibus, ait Amor, dubitas? an obli-
tus es amorem ingeniosum esse? Is si apud nos sedem fixerit, facile in-
ueniet vnde deuincire possit amantem. Quid ageremus, aut quomodo
vellemus acceptum apud nos virum insignem, de nobis nostrisque præ-
clare meritum, ac merentem indies? cuius domus, annona, supellex,
cellæ vinariæ ac frumentariæ nobis amicisq; nostris perpetuò pateant:
qui difficillimis temporibus nobis affuerit, & præsentini ignominiosæ
mortis periculo nos eripuerit. Quo te quaſo modo gereres aduersus ta-
lem virum? quæ par eius meritis esse posset oratio tua? vt in eius laudes
opportunè atque importunè erumperes? vt ferres rumusculos, ab im-
probis in illum iactatos? Si quod tempus vel locus existeret, in quo be-
ne de eo mereri posses, num ex ignauia occasionem missam faceres, &
non potiùs omnibus negotiis tuis id officium anteferes? Quod si quan-
do contingeret, vt absente te is domum tuam adiret, & ab vxore aut fi-
liis ei recusaretur hospitium; quo tandem animo ferres domesticam
iniuriam? nonne necessarios quosque domo pelleres, vt constaret omni-
bus, quàm acerbæ tibi esset amico illata iniuria?

Facile est hanc ad rem nostram accommodare similitudinem. Serua-

E e e e

II.

Metu ingra-
titudinis.

Prat. sp. c.
107.

III.

A V T O R.
A M O R.
Parabola
inſignis cu-
iſuâ amici.

IV.

*Applicatur
presenti no-
golio.*

tor mundi illo insigni virò representatur, cuius bonitas ac liberalitas insignibus homines beneficiis continenter obruit, præ amicitia ipsorum desiderio; ab eo quippe vita & sanitas, opes & copia, vires & industria, virtus & scientia, merita, gaudium, consolatio iugiter manant; ut enim hæc dona non largitur omnibus, ita poterat nos iisdem priuare, & iam ante concessis spoliare. Ipse est cuius apotheca & thesauri perpetuò patent, hoc ipso quod vineis nostris agrisque benedicit, neque iis aut imbres desse patitur aut solem, eorum enim ipse iustus ac legitimus est Dominus, ceteri vsum fructum eorum habent. Ipse est cuius famuli famulaque, id est creatæ res omnes videntur captare opportunitatem bene merendi de nobis, & nostra commoda promouendi.

*V.
Quid de-
beat Ser-
uatori.
Coloss. 2.
14.
Tob. 12. 1.
2. &c.*

Ipse est qui veterum peccatorum nostrorum debita dissoluit, supplicisque exemit sempiternis; qui faucibus tartarei monstri eripuit, & luctuosa morte sua, aditum ad æterna gaudia patefecit. Quid ergo faciamus isti tam comi, tam officioso, tam liberali Domino? Vtique par est non minori nos cura tangi, ut ne in eum ingrati planè simus, quàm olim vterque Tobias, aduersus Angelum Raphaëlem. Quibus illi verbis agamus gratias, aut quæ oratio tantis obligationibus faciat satis? Quid libentius, quàm ipsius laudes lingua tua eloquatur? quis peierabit aliquando, quis execrandis vocibus Numen appetet, quin intimis sensibus afficiat? Cùm autem tibi fuerit exploratum, gratum illi esse quod ægros inuias, quod pauperibus opem feras, quod carcere detentos redimas, aliâque id genus opera misericordiae exerceas, num cunctandum putabis? nonne hoc summum credes ac maximum esse negotiorum tuorum?

*VI.
Alia debita.*

Si te moneat, ut in sacris eum locis inuias, diuino adis officio, & in precibus cum ipso colloquaris, aut eum in diuini verbi præcone audias, num occupationes, & temporis angustias excusabis? Si hospitium apud te, vel prandium accipere velit, an eum tertium mensem, aut annum etiam expectare iubebis? an à domesticis infulsè atque inurbanè patieris excludi foras? Et tamen non desunt, qui nolint familiam suam crebrius diuino participare conuiuio, ne nimium religiosi fiant. O homines infanos, qui terrena & humana sapiant, diuina non sapiant: qui credere videantur hoc eis tolerabilius ingratis esse licere, quod maior est Deus, & beneficia eius maiora, atque crebriora. Si Dominus fuisset suorum in homines beneficiorum parcior, pluris ea fortasse fecissent: grator quippe est in fame, aut annonæ caritate misericordia, quàm in abundantia.

*VII.
Conclusio
eum depre-
catione.*

Ca. 1. 17.

At Dominus maluit in largiendo videre, quid eius maiestatem ac bonitatem dare deceret, quàm quid hominum humilitatem, ingratosque mores deceret accipere. Ciuitatem nescio cui Alexander dedisse fertur, ne munus parum Alexandro dignum videretur. Sed adde quoque hanc gratiam, o liberalissime atque officiosissime Seruator, quoniam, ut ait Iacobus Apostolus, *omne datum optimum, & omne donum perfectum de sursum est*, ut famuli saltem tui, ingrati animi maculam sum-

mo studio fugiant ac detestentur, ipsisque placeat continentia beneficia continenti gratiarum actione remetiri: tibi que officiosè seruire in omnibus, quæ gloriam tuam & amorem promouere possunt: vt ea piorum officiorum exercitatione, quotidiana gratiæ & amoris tui incrementa capiant, cuius opera possint perpetuo in tuo amore viuere, & aliquando ex eodem amore mori.

CAPVT XIX.

Compendiaria gratiarum actio diuini erga homines Amoris, ex duodecim Charitatis proprietatibus, quasi totidem eius filius elicit.

A V T O R.

HVNC in modum Officiosus Amor finem imposuit orationi suæ, simulque se ad fratres suos, matrèmque recepit. Cuius ego sermonem excipiens, & matri gratias acturus & filiis, sic orsus sum. Nunc denique tempus est, nobilissima Heroïna, vt ad te, filiosque omnes tuos diuino genere natos, orationem duplici de causa conuertam. Principiò gratiæ mihi agendæ sunt immortales sigillatim singulis, & omnibus vniuersè, qui muneribus vestris dignissimè perfuncti, mortales, nosque ipsos in primis, præceptis egregiis, documentisque instruxistis. Deinde vero ingenuè profitèdum est neminem esse tam mente captum, qui non videat, ac penè digito tangat, præpotentem Deum, qui te elegit in sponsam, innumera præbuisse argumenta diuini amoris sui, propter quem tantum amorem hominum meretur & angelorum, quantum vtrorumque mens & voluntas capere potest.

Argumenta, inquam, Amoris dulcissimi, qui pectus amantissimi Seruatoris tam copiosa dulcedine repleuit, infuditque tanta copia, vt omnis dolorum, probrorum, & contumeliarum eius amaritudo dulcesceret, vt fel & absinthium in saccharum & mella conuerteretur, quæ in sanctorum Martyrum & Confessorum tormenta redundarent.

Argumenta Ingeniosi Amoris, qui æternæ Dei Sapientiæ, hominum amore captæ mirabilia inuenta suggessit, vt vicissim ab ipsis diligeretur, quoniam exploratum habebat, planèque perspectum, in eo amore positam esse eorum felicitatem, & sine eo æternum miserum fore.

Argumenta fortissimi, patientissimi que Amoris ac prorsus indomiti: quem omnes tentationum ac rerum aduersarum procellæ euertere atque affligere nequiverunt; quæcumque in ipsum, ab ipso primo in mundum ingressu, vsque ad egressum per acerbissimam mortem crucis irruerunt.

Ecccc ij

I.
Generalis conclusio totius operis.

II.
Deus probauit amoris sui dulcedinem.

Industriam.

III.
Fortitudinem, & patientiam.

Psal. 21.

Amoris qui se omnibus doloribus, probris & contumeliis impenetrabilem exhibuit; sic ut neque atrox illa animi tristitia, quæ par erat inferendæ morti, nec toto corpore manans cruentus sudor, in terramque decurrens, neque crudelissima diuerberatio, neque ignominiosus in prætorio, & in cruce nuditatis pudor, neque generalis ille omnium membrorum dolor, quando, emotis distrahendo suis ex locis ossibus, impletum est illud, *Foderunt manus meas & pedes meos, dinumerauerunt omnia ossa mea*: neque postremo horribilis illa patris derelictio, quam verba illa testantur, *Deus meus, Deus meus ut quid dereliquisti me*, fortitudinem amoris eius & patientiæ potuerint expugnare.

IV.
Liberalitas.

Probauit & liberalitatem, atque adeo profusionem amoris sui aduersus hominem, quando in gratiam eius creauit omnia, quæ sub aspectum cadunt, omnēsque cœli diuitias effudit super caput eius: quando cœlites ipsos aulicos, illi duces dedit, gubernatores, custodes, & quasi præsidarios milites: sic ut nihil haberet Dominus in bonis suis, quod homini liberalissimè non largiretur. Ergo quasi nihil haberet ultra, quod homini daret, persuasit illi Amor ille diuinus, ut seipsum innumerabiles in usus homini daret, in pretium redemptionis eius, in exemplum humanarum actionum, in doctorem ignorantia nostræ, medicum infirmitatis, paupertatis thesaurum, controuersia patronum, hostium debellatorem, generis gloriam & decus, pignus felicitatis æternæ. Quid dicam amplius? Daret se in subsidium imbecillitatis nostræ, facem tenebrarum nostrarum, vitæ iudicem, animæ delicias, cordis incendium, spei fundamentum, expletionem desideriorum, fontem inexhaustum omnium bonorum nostrorum, & omnis miseriæ ac molestiæ liberationem. Daret se denique, ut vna cum melle alueum apiarium, cum fructibus arborem, cum riuis scaturiginem & fontem; fortunas cum persona, & ut omnia verbo complectar, ut cum rebus creatis Creatorem ipsum possideremus.

V.
Mansuetudinem.

Mich. 6.6.

Mansuetudinem probauit ac placabilitatem, cum tam sæpe, tamque grauitet offensus ab hominibus, dum hæc viuunt, semper est paratus ad pacem, & quasi opus haberet hominibus, pacem ultro petit, ac prior: imo, o rem commiseratione dignam! stat ad ostium humani cordis & pulsat, expectans si quando ei aperire libuerit, & audire iustissimas eius querelas, quod se domo sua videat, pro re nihili, iniustissimè pulsum, & in illas cogatur voces prorumpere, *Popule meus, quid fecisti tibi, aut in quo contristauisti, responde mihi*.

Sollicitudinem.

Probauit sollicitum amorem, qui tanta cura prouidit nobis, ne quid deesset necessarium ad salutem; & ne quæ forte rueremus in interitum, omnes nobis pereundi vias obstruxit, præter improbam voluntatem, quam tamen ipsam studet quotidie reddere meliorem: in eamque finem se illi præbet mirum in modum amabilem, ut qui probè nouit talem esse voluntatem, qualis est res, quæ ab illa diligitur.

Probauit amorem vnientem, vi cuius intimè nobiscum est, non ratione infinitæ immensitatis duntaxat, sed amantissimæ bonitatis, quæ numerat delicias suas, esse cum filiis hominum. Itaque videtur ferre non posse moras temporis illius, quo in gloria intimè illabetur in animam nostram, omnesque facultates eius, & in gloriosi corporis oscula, atque amplexum ruet; sed in hac quoque vita, præmaturè dilectissima capita mirifico illapsu sibi copulat, quo sensus absorbentur omnes, sitque in vita mortali vnio, æmula cælestis & immortalis, præter illam, quæ gratia & charitate perficitur. Amorem vnientem atque extrema copulantem, quo ad naturam humanam Verbo intimè copulandam adductus est, vt fieret frater noster, vt nobiscum viueret ac versaretur, & regnum quodammodo cæleste diuideret, iuxta illud Apostoli, *Hæredes quidem Dei, cohæredes autem Christi*. Denique, vt coniunctionem omittam, quæ clauorum interuentu in cruce facta est, vt admirabilem illam coniunctionem faceret, quæ in diuina Eucharistia quotidie celebratur.

VI.
Vnionem.

Laboriosum probauit amorem, & fatigationis insolentem, quo perpetuò agit, non in producendis duntaxat ac conseruandis nobis, sed rebus quoque cæteris, quæ ad nos, tanquam ad finem suum, institutione principis causâ referuntur. Itaque tanquam prima causa omnibus rerum creaturarum actionibus interuenit, quæ vbique factæ sunt, & in omnem æternitatem fient. Ab eodem laboris amante amore perfectum est, vt Dei filius, in assumpta humanitate, tot itinerum molestias laborèscque, totis tribus ac triginta annis susciperet atque exantlaret, vt laborioso sudore diffunderet conquirendis, colligendisque ouibus suis, variis ex causis, casibusque dissipatis; aut extrahendis potiùs ex faucibus tartareorum luporum ac draconum; sed ita, vt vitam propriam oppigneraret ac profunderet, vt earum salutem alioqui perditam extricaret.

VII.
*Laboriosam
actionem.*

Probauit diligentem ac feruidum, qui maturissimè cœperit corpus suum, animùmque saluti nostræ impedere, nec priùs desierit, quàm sanctissimam animam sanguinèque vniuersum cum cruciatu profunderet: aut potiùs non priùs desinet feruidus ille amor, quàm solis ille cursus conquiescat. Qui cum in ensis desiderii æstuaret mortis acerbissimæ, pro mortalibus ad vitam excitandis, oppetendæ, cursum vitæ quam habebat in potestate, vix dimidiatum traduxit, vt citius & illi viuerent, & ipse mereretur. Liceat etiã illum appellare feruorem, cum quasi durissima corporis animique contentione calefactus, vestes omnes in prætorio Pilati, & in Caluario monte deposuit; cum illi fletis ita accensa est, vt acetum gustaret, & vinum cum felie mistum: cum sanguineo totius corporis sudore manauit, tanquam in suprema animam agentis luctu; expirassetque profectò, nisi feruor idem vires ad reliqua certamina suffecisset.

VIII.
*Diligentiam
feruorem.*

Probauit Amorem vigilantem, ac continenter ad hominum salutem intentum; itaque intentum, vt nunquam mentem ab ea cogitatio-

IX:
Vigilantiam

Psal. 31. 8.

ne auocaret, neque oculos à miserorum conspectu; Davidicum illud iterando; *Firmabo super te oculos meos*. Idque non à primo duntaxat ortu, vel conceptu nostro, sed ab omni retro æternitate. Postquam autem factus est homo, pernoctauit in oratione Dei, nostrumque agens apud parentem aduocatam, ne causa caderemus, quam fortissimi aduersarij impugnabant, & in qua de capite ac fortuna, de corporibus agebatur animisque.

X.
Zelotypiam.

Argumenta dedit amoris zelo accensi, qui cum se totum, quadam beneuolentiæ profusione dederit nobis, vult nos vicissim totos, integròsque possidere. Cumque perfidiam illam indignissimè ferat, qua hostes suos, nostrosque perduelles sibi debiti amoris videt esse rituales, quotidianam adhibet industriam, vt nos sibi variis alliciat, obligetque beneficiis; certisque subinde experimentis analitiam aperiat perfidiamque æmulatorum suorum, vt solus corda nostra possideat. Sed heu! sæpè ac nimium sæpè frustra. Neque tamen propterea amorem suum in odium immortale, in iustissimas sempiternalesque inimicitias commutat, sed in commiserationem stultitiæ nostræ ac querelas: & pene illacrymans nos ad se reuocat, vt mundi, carnis, & dæmonis reliquias aucupetur. Cuius cor tam durum, cuius animus tam immitis esse potest, qui ad illa Domini verba non molliatur. *Vulgò dicitur, si dimiserit vir uxorem suam, & recedens ab eo duxerit virum alterum, numquid reuertetur ad eam ultra? numquid non polluta, & contaminata erit mulier illa? Tu autem fornicata es cum amatoribus multis, tamen reuerte ad me, dicit Dominus, & ego suscipiam te.* Et paulò post. *Ergo saltem amodo voca me, Pater meus, dux virginis meæ tu es.* Quale autem est illud, quod adiungis Deus meus? *Numquid irascaris in perpetuum, an perseuerabis in finem? in ira videlicet ista contra me.*

XI.
Officiosam
comitatem.
Marc. 11. 24

Postremò argumenta dedit officiosi erga nos amoris, dum nullam prætermittit occasionem benè merendi de nobis, & quidem modis omnibus, quos rectè petere, aut desiderare possemus, quantumuis modesti, ac difficiles simus. Extat enim illud oraculum, *Propterea dico vobis, omnia quacumque orantes petitis, credite quia accipietis, & euenient vobis.* Ipse est, qui in omnem est intentus opportunitatem vt gratiam ac vocationem suam, libertati nostræ voluntatis accommodet, quantumuis illa inconstantia, & volubilitate moueatur. Qui suscepta cura accipiendi nos mensa sua, & diuino pane nutriendi, omnes illi gustus ac saporibus infundit, quos fastidiosissimi conuiuæ, aut ægorum morositas desiderare posset. Iusti enim, ac peccatores, qui resipiscere velint, faciliè inuenient, quo hilariter, iucundèque nutrantur.

CAPVT XX.

Hominis aduersus Deum obligatio debiti amoris dissoluendi.

FATEAMUR igitur magnum illum ac diuinum Amatorem omnia hæc nobis, aliâque multa suppeditasse argumenta amoris in nos sui; illudque etiam, quod his consequens est, admittamus, nisi eum vicissim summo amore prosequamur, nullam esse apud Canibales, nullam apud Mameluchos atque Antropophagos barbariem, quæ feritati nostræ possit æquari. Illi enim cum magna ex parte usum rationis amiserint, nullâque illis aliquando lux diuinitatis affulserit, nihil de illa cogitant, sed mutuis se dentibus vulneribusque concidunt. Nonnulla tamen excusatione regi possunt, quam barbara illa suggerit ignorantia. Nos autem nullam possumus prætexere excusationem, quibus talia tantâque diuini amoris incitamenta suppetunt, quæ nos ad Deum proximûmque diligendum compellunt: quin supra feras omnis humanitatis expertes, quas beneficiis mansuefactas non ignoramus, naturam exuisse dicamur.

Sed parum est fortasse vincere immanitate feras, si dæmones ipsos, qui ululant in imo tartaro, ingrati animi vitio superamus: qui illis amoris inuitamentis, quibus abundamus, perpetuò caruerunt. Num Deus in eorum gratiam cælum aut terram & elementa produxit? Quando tam varias in aëre volucres, in vndis pisces, in terræ visceribus auri, argenti-que, & cæterorum metallorum fodinas, in superficie innumera pecudum, arborum, & frugum genera procreauit, num Angelorum, nedum dæmonum, usum aliquem vel oblectationem respexit; aut lapsorum in culpam miseratione aliqua tactus est? Quin potius eorum defectionis, & superbix ultor acerrimus, nullo redemptore concesso, sempiternis pœnis addixit vniuersos. Hominem autem peccatorem sic dilexit, vt, ne is periret, filium suum vnicum daret. Ex cuius meritis ac laboribus nullum illi fructum perceperunt; at hominum peccata, si quid ipsi elaborare studeant, funditus deleri possunt.

Si ergo vnum ob crimen, idemque primum, tanta multitudo nobilissimarum mentium merito damnata est, & suppliciis grauissimis implicata; *Quanto deteriora putatis, inquit Paulus, mereri supplicia, qui filium Dei conculcarit, & sanguinem testamenti, in quo sanctificatus est, poturum duxerit, & spiritui gratiæ contumeliam fecerit?* Sed illud quoque, per eiusdem filij Dei gratiam, præ illis palmare habemus, quod illi neque ultra resipiscere possunt, si velint, neque volunt, si possint, quorum neutrum negatum est nobis: qui æqua depenimus, qui veniam postulamus cum cæterarum culparum,

I.
*Alioqui sibi
in gratias
fuerit.*

II.
*Etiamsu-
pra dæmones
ipsos.*

III.
*Obligatio
amandæ.*

tum ingrati animi in illo amando, cui amorem debemus infinitum; proptereaque perpetuò ingrati victuri sumus, atque morituri: & perpetuum soluendo amorem, maioris perpetuò futuri debitores.

IV.
*Qua dissolui
nequit.*

Sed quomodo tantum æs alienum dissolvere possumus, nisi versuram facturi ad te confugiamus, ô increate Spiritus, Patris Amor & Filij: & à te accipiamus, ut de tuo pernumeremus tibi. Nec enim nisi de thesauris tuis nomina nostra dissolui possunt: gratia opus est, quæ non ab extremo terrarum aduehitur, sed delabitur è terra viventium; purissimum aurum est atque probatissimum, cuius vena omnibus hisce terrenis est eminentior. Hisce opibus reple nostra pectora, neque prius nos euoca ad reddendam rationem apud te; ante tribunal tuum, quam impleueris arcam nostram, nosque reddideris liberalitate tua locupletes: quòd ubi te miserante contigerit, tantò magis erimus in ære tuo; nec aliud sperari à nobis, aut à te expectari potest.

V.
*Licer alibi
possit.*

Nam in cæteris quidem amicitij, vnus amori mutuus alterius amor par esse potest: fierique vicissim potest totius debiti liberatio, si res non aurificis statera, sed populari trutina ponderetur. At in ea quæ Deum inter & hominem contracta est, id contingere omnino non potest, ut tanto illum amore prosequamur, quanto illa maiestas ac bonitas infinita digna est, aut quantum nos illi, pro ingentibus suis in nos promeritis, debemus. Accedit quòd quanto plus nobis gratiæ tuæ, & Charitatis ad te diligendum, fueris elargitus, nam sine ea nihil omnino in hoc genere possumus, tanto magis nostra crescet obligatio. Quòd si ausim merita Seruatoris usurpare pro meis, nōne illa nihilominus magis Dei sunt quàm hominis? nōne ex ingenti misericordia & gratia eius mea sunt, non ex rigida æstimatione iuris? O Deus meus, neque possum, neque volo à debito amoris tui liberari, sed eò magis magisque implicari, nulla ut vi, aut arte ista obligatio, nexúsque dissolui possit. Hæc erit ingens mihi felicitas, si cum soluendo non fuerim, addicam æternum seruituti tuæ.

CAPVT XXI.

*Fervida oratio ad obtinendam à Deo Divini Amoris
abundantiam.*

I.
*Gemitus de
amoris hu-
ius tenuita-
te.*

A MANTISSIME Seruator, audio Apostolum tuum dicentem ac denunciantem Corinthiis, atque ad eò omnibus Christianis: Si quis non amat Dominum nostrum Iesum Christum, sit anathema: excommunicationi videlicet obnoxius, & communionis Sanctorum expers. At minime controuersum est inter sapientes, parum pro nihilo reputari. Quid inde

inde consequens est. Deus immortalis, nisi ut cuius tantillus est amor, ut meriti luno pudori sit, atque exprobratione dignus, proximè absit ab anathemate? Fateor equidem, per parum amoris istius, ingētem esse thesaurum, minimūque gratiæ gradum sexcenta peccata delere posse. Fatendū est nihiloominus, modicum esse omnino modicum. Quis ergo istū hominem ab anathematis periculo liberabit, nisi tu, infelicitatis eius commiseratione t. ctus, ei abundantiam diuini amoris tui largiaris?

Nemo ignorat gemmam paruulam in huius viæ ac vitæ concursioni- bus, impeditisque negotiis, non ægrè perire posse: aquæ vitalis guttam, æstu cupiditatis obfessam, faciliè exsiccari, scintillam ignis diuini, vento vanitatis, qui domum vndique perflat, extingui. Num patieris, ô libera- lissime, atq; officiosissime Seruator, hominem istum tā multa de amore tuo dixisse, scripsisse, disseruisse, non alio fructu, quàm quod ora siccarit, fatigarit dexteram, caput concalefecerit, & canalis, aut cotis duntaxat vice functus sit; anima interim arida, vacua, ieiuna remanēte? Præsertim cū nullam aliam pactus sit, aut præstoletur laboris sui mercedem, præ- ter lautam aliquam & copiosam amoris tui portionem: non ignarus hāc te vnam dare amantissimis tuis in hac vita mercedem. Nō est tuum ope- ras tuo addictas famulatui expectatione frustrari; qui id facinus grandi animaduersione castigas. Quin potius ut ditissimus es, ita & in remune- rando labore largissimus: quod in centuplo voluntariis pauperibus pro- misso, experientia demonstrat in dies.

Itaque ne illi obsecro dixeris, omnia in cælo persolutum iri; aut men- suram bonam, & confertam, & coagitatam, & supereffluentē datum iri in sinū eius. Prout enim hic fueris amoris & gratiæ tuæ liberalis aut par- cus, ita isthic futurus es gloriæ amplior restrictiōrve distributor. Habet id quoq; persuasum, si gloria tua, quāta quāta est, posset ab amore diuel- li, hunc illa fore potioreni satius enim est, saltem in hac vita, diligere te quàm cognoscere, quia hic diligeris sicuti es, non autem ita cognosce- ris. Vide itaque, Domine, quid agere statueris; ipsi enim certum ac de- liberatum est, quantouis pretio, non exiguam amoris tui vim obtinere, aut vita ipsa in eius procuratione defungi. Nec sine causa sperat desideria sua non fore irrita. Quis enim est aut cælitum aut mortalium, cui non iucundum sit, non solū amari, sed etiam vehementer amari?

Ea spe fretus nullum finem facturus est, quandiu futurus est in viuīs, importunis tecum precibus per se, perque amicos, & sanctos tuos postu- landi amorem istum, aut de eius tenuitate expostulandi. Eò referri vult omnes actiones suas, id vnum à te petere precibus suis, nihil aliud cor suum noctes diēsque spirare, nihil aliud animum mente versare. Nec in- iuria; credit enim, id si adeptus fuerit, omnia se esse consecutum, & sine eo, in cæterarum rerum quantacumque copia, pauperem fore. Ego au- tem, ô amantissime Seruator, habeo quod plangā apud te, atque adeo non de te, sed de meipso querar apud te, qui solus potes & audire, & oc-

Fffff

II.

Post multam
circa illum
operam.

III.

Eius copia
etiam in hac
vita expo-
nenda.

IV.

Iteratus ge-
mius.

currere questibus meis de me. Quidquid enim habeo, quidquid video, audio, cogito, quidquid mihi fit obuium exprobrat mihi permodicum esse amorem in te meum. Quæ accusatio cum verissima sit atque gravissima, ingemisco, ac de me queror, quod ea de causa præ animi dolore non defungar, sed viuam, & eiusdem criminis reus plurimos annos perseuerem.

V.
Et oratio.

O Deus meus, zelator iurium tuorum, quomodo ferre potest iustitia tuæ etiam in domesticis tuis tantam perversitatem! Si verum est, ut est profectò verissimum, quantumcumque diligere te parum esse, aut potius nihil, si ratio habeatur bonitatis, atque amabilitatis tuæ; si ergo multum diligere parum est, quo tandem numero permodicus amor censendus erit? si tamen vel permodicus ille amor reperiat in nobis. Nonne debeo cum illo Poëta dicere:

--si denique cogis,

Me sine amore tuo vivere, coge mori.

Non ita dixerim. Quid enim mortuo fieret, si sine amore tuo mori contingeret? Oportet igitur ut illum obtineam, dicamne velis nolis? Possit enim aliquis diligi nolens, & qui amantis aspiciatur amore. Non ita dixerim, absit à me isthæc linguæ licentia, nemo enim potest diligere te nisi volentem, atque adedò contribuentem de tuo, & cordibus nostris inferentem, unde diligaris à nobis.

VI.
Pro eodem
amore impet-
rando.

Quid quodd id vnum tibi ipsi maximè cordi est: qui è cælo veneris ignem missurus in terram, nec aliud habeas antiquius, quàm ut ardeat, ac vehementius accendatur. Præuenisti nos amore tuo, dum adhuc essemus inimici tui, nec esset inter nos mutua benevolentia, sed apud te solitaria: nec cessasti vnquam benè mereri de nobis, ut nos alliceret, ac prouocaret ad amorem tui; dedisti etiam mirabile præceptum diligendi tui? Ecquid præcepto fuit opus? quis enim abstinere possit, nisi fortè belluarum, instar ratione careat, aut eas etiam, quæ stolidiores sunt, stupor vincat, illudque meritò audiat, *comparatus est iumentis insipientibus, & similis, imò & inferior, factus est illis.*

VII.
Qua bona
velimus Deo.

Gratulando
ei de suis bo-
nis.

Si ergo nunquam cessavit erga me beneficentia tua, num cessare debet erga te saltem benevolentia mea? Non quodd tibi velle possim bonum aliquod quo careas, omnibus enim circumfluis, debeo tamen gaudere vehementer, tibi que totis ex visceribus gratulari; quodd talis, tantusque sis, quod tanta potentia, sapientia, bonitate, ceteraque omni, quæ fingi animo queat, absolutione præstes, nulla ut fieri possint accessione maiores. Gratulor itaque tibi, mi rex, maiestatem, ac potentiam istam tantam, quantam nemo præter ipsum te possit comprehendere: istam sapientiam singularem in gubernatione, ac providentia maioris minorisque mundi, in tempore & in æternitate, quod est infinitæ admirationis argumentum. Volo exultare gaudio, quodd Deum ac Dominum habeam tanta bonitate præditum, tanta lenitate parentem, tanta

æquitate iudicem: quòd sim in subditis ac clientibus tuis, & apud te rationem reddere debeam villicationis meæ; denique quòd à te spes mea tota pendeat electionis æternæ. Spero enim me ad illum pertinere pusillum gregem, cui placitum fuit æterno patri dare felicitatem æternam. Luc. 12. 32.

C A P V T XXII.

Postulatio eiusdem amoris; iuxta sex priores illius proprietates.

CONCEDE mihi, ô amantissime Domine, meritò dulcissimi amoris tui, dulcem amorem ac suauem, qualis est sponsæ in sponsum dilectissimum, aut probi filij in optimum parentem: amorem tenerum, qui minima quæque sentiat, ac vitet, quibus tantilla offensus incurri possit: amorem maternum erga fratres, proximòsque omnes, vt eius ope altissima pax vigeat inter nos, suauissimaque concordia. Non nego fructum me esse immaturum atque syluestrem; condiri me necesse est in saccharo & melle amoris tui, ne quem exacerbem imprudens. ne cui stomachum moueam, iratos potiùs morum suauitate leniam, afflicto consoletur, atque corroborem. Non quæro terram, sed amorem lacte & melle manantem, quo omnia aduersa dulcescant, quæ in tristi hoc exilio tolleranda sunt nobis; ne ea defugiam, sed tui gratia exquiram potiùs, atque animosè complectar.

I.
*Postulatio
dulcis amoris,
per eius
effectus.*

Concede quoque, ô diuina Sapientia, meritò ingeniosi amoris tui, amorem sapientem, atque industrium, qui te in omnibus rebus & in te vno res omnes inquirere, inuenire, atque amare possit. Res forma præstantes nos in pulchritudinis tuæ admirationem adducant; res magnæ admoncant magnitudinis tuæ, diurnæ æternitatis: viri nobiles, diuites, ac potentes, nobilitatis, diuitiarum, ac potentiae tuæ: docti sapientiae, probi bonitatis, improbi iustitiae, miseri viscerum misericordiae tuæ. Insere cordi nostro amorem illum, qui facilè excogitet, facilèque reddat rationes & vias promouendæ amoris atque honoris tui; qui omnibus se locis, temporibus, negotiisque prodat; qui diabolica fraude decipiat animas, prudenter ab eius laqueis extricare possit.

II.
Ingeniosum.

Sed quoniam, ô magnanime princeps, non æquè cognitione indigemus ac viribus, in tanta imbecillitate nostra. Neque enim ignoramus pleraque tibi esse pericunda in quibus exequendis languemus; tollerandi quoque constantiam scimus tibi acceptissimam fore, animis tamen in patièdo debilitamur ac frangimur: largire igitur nobis amorem fortem atque constantem, qui omnes possit calcare difficultates, quas ambitio, voluptas, auaritia, viam virtutis ingressis obiciunt. O fortissime princeps, quàm diu patieris in nobis tam ingratam mollicie animi;

III.
Fortis & patientis.

atque laxitatem, ut cum te videamus amore nostri durissimum probro-
 sz mortis adisse certamen, amor nihilominus noster tam ignauus sit, ut eum
 in oculis tuis pauca verba prosternant. Nonne par esset nos à conspectu
 Domini latebras petere, si quomodo eum latere possemus, & insigni pu-
 dore suffundi: si fortè, *Hic pudor incendit vires, non conscia virtus:*
 aut superbiam certè nostram ad vltima mundi præcipitet.

IV. *Et liberalis
eodem modo.* Largire quoque nobis o magnificèntissime rex, per regiam illam libe-
 ralitatem ac magnificèntiam amoris tui, amorem liberalem, ut eius ope-
 rantum capiam voluptatis, ex eo quod cum Petro cymbam & retia mea
 reliquerim, nihilque mihi reliquum fecerim propter te, quantum alius
 ob amorem sui, in multarum opum ac copiarum possessione delectaretur:
 ut eo monente non minùs studiosè inquiram quotidie atque obser-
 uem, si qua fortè re carere possim ob amorem tui, ut ea me abdicem,
 eamque liberaliter offeram tibi, quàm mundi sectatores in lucra sunt
 continenter intenti, quibus ardentem habendi cupiditatem exsaturent:
 ut eo inuitante iucundè abiciam, atque animosè repudiem non necessa-
 rias sensuum oblectationes, curiosam sciendi cupiditatem, proprii iudi-
 cij, propriæque voluntatis amorem: ut his semel gladio mortificatio-
 nis amputatis, quoties malè pullulabunt, toties succisæ tibi in sacrifi-
 cium offerantur. Reuera enim crebro malè pullulant, siue quia vi-
 ua remanet imò in corde radix istarum cupiditatum: siue quia tibi in
 vsum quotidiani sacrificij, quando meliora non suppetunt, relinquuntur:
 interimque hortus cordis mei, sublati herbis hisce noxiis, tibi in
 hortum deliciarum conuertatur.

V. *Mansueti
quoque.* Hanc quoque à te gratiam, o mitissime Fili David, si placet, accipiam,
 merito māsuetissimi amoris tui atque placabilitatis, nulla ut ira, odium,
 liuor, mentis alienatio in corde nostro resideat, quoniam hæ pestes sunt
 diuini amoris, quem constat sine amore proximi obtineri non posse. Da
 mihi hanc, aduersus eos maximè à quibus fortassis offensus fuerim, man-
 suetudinem, ut qui te tam placabilem expertus sum in causa mea, debi-
 tisque tam multis, ne eundem te postmodum experiar, quem seruus ille
 Matt. 18. 33. parabolicus: qui post grauem obiurgationem domini sui, traditus est
 tortoribus, & coniectus in carcerem, donec vniuersum debitum, ad no-
 uissimum vsque quadrantem persolueret.

VI. *Atque solli-
citi.* Obtineam à te, o Pater, hunc enim mihi titulum acquisiuit Vnigeni-
 tus tuus, ut meritò paternæ sollicitudinis tuæ, vndique animam meam
 sollicitè circumspiciam, quando tantam tu illius sollicitudinem geris: ut
 consequar studiosum amorem obtinendi ea bona, quæ nobis idem filius
 tuus, sanguinis ac vitæ suæ pretio, comparauit; nec demens, ius mihi ad
 eadè bona acquisitū, stultè dissipem, atque pessumdem. Sit mihi hic ipse
 amor matutinus admonitor, qui in aurem sollicitus insurret. Quid ho-
 die officij persoluturus es dilecto tuo? vespere autem sit quæstor accu-
 ratus, qui præstita singulis horis officia diligenter examinet. Obtineam

in te amorem sollicitum, quo ad redhibendas tibi animas exciter, quas demonum præstigiæ, carnis deliciæ, mundi vanitas irretitas tenent; quandoquidem non ignoramus velle te, vt eas per vicos & plateas studiosè quæramus, & in domum tuam, dum ea repleatur, intrare compellamus. Luc. 14. 23.

C A P V T XXIII.

Petitio diuini Amoris iuxta sex posteriores eiusdem proprietates.

INSTITVTIONE tua edoctus sum, Deus meus, & ipsa experientia confirmatus, creata omnia, quæ hîc amore complectimur, sensim in fastidium verti; Quæso igitur à te, per vnientem illum amorem tuum, qui te tot rationibus ac viis, vinctisq; coniunxit nobis, vt meam cum rebus creatis prehensionem inutilem laxes, penitusque dissoluas, meq; tibi vni copules, atq; coniungas. Alas enim, quibus ad te volare cupio, visco terrenæ delectationis oblinunt, meumq; ad te volatû impediunt; illa in phantasiam illabatur, hæc occupat affectû, vna oculos, altera aures capit; vna manibus laqueos iniicit, pedibus altera, & cordi vniuersa. Dirumpe, Domine, vincula mea, tibi sacrificabo hostiam laudis; vota scilicet offeram idonea ad me vincendum, atque obligandum tibi: obligant enim, neque possunt nisi morte dissolui. Et quoniam fieri nequit, quin propter immensitatem tuam intimè sis in nobis, ne permittas vt aliqua nos à te abstrahat violenta ac sinistra tentatio.

I.
Petitio amoris vnientis.

Actuose artifex, cuius continens operatio beatissimæ quieti suæ fraudi esse non potest, obsecro te per amorem illum laboriosum sine molestia, perpetuò agentem, & nunquam inquietum, qui te tamen semper in terris tenuit occupatum, effice meum infatigabilem, & laboris pro tua gloria semper appetentem. Cessatio sit mihi supplicium, & quietis instar operatio. Nullum sit misericordiæ aut charitatis opus, quod ego pro facultate non excolam. Et quando manus opus remittent, tum maximè mens mea in te occupetur, qui nunquam tuam cum Patre remittis actionem. Est enim tua iila vox. *Pater meus vsque modo operatur, & ego operor.*

II.
Actuose

Quando effeceris, ô feruens amator, promptum ac diligentem amorem meum, itaq; actuosum, vt amoreni exsiccet carnis & sanguinis, & dulces ab oculis pro sudore lacrymas eliciat, qui terrena corpus grauitate spoliet, animum omni proprietatis affectu, qui me ad asperum perfectionis montem adrepentem deferat, qui ad te, vt lapis ad centrum, toto impetu feratur, sicut ignis cæteris elementis sponte superfertur. Ad amandum quippe te, non deliberatione ad aggrediendum, sed impetu

Ioan. 5. 17.
III.
Feruens ac diligens.

FFFFF ij

opus est ad exequendum. Hæc enim fuit mens tua, qui baptismi gratiam dedisti, lucem aspicere inceptantibus; siue quia sordibus originis inquinatos diu ferre non poteras, sed gratos tibi efficere iucundolque properabas: siue ut quàm primum charitatis actus elicere possemus; eamque gratiam voluisti esse in nobis habitum permanentem, ut quotiescumque liberet, prorumpere possemus in actus amoris tui.

IV. *Vigila eis.* O si mihi contingat amor, qui nunquam obdormiat, sed me siue dormientem, siue vigilantem semper apud te constituat, vigilans de te cogitem, de te dormiendo somniem, mea te phantasia efficaciter repræsentet, dies ut tecum noctesque colloquar. Quidquid nutrimenti in corpus ingessero, à te nominatim ad me missa per seruos tuos munera cogitem, nullæ ut cogitationes ascendant in cor meum, quæ non conforment amabilem imaginem liberalitatis tuæ & amoris, qui multo est ad benefaciendum vigilantior, quàm fuit olim ad puniendum ea virga, quam Ieremiæ Propheta per visum ostendisti.

V. *Zelus.* O cæli terræque princeps, amabilius omnibus, quæ cælo, terræque continentur, illam mihi concede gratiam, nullus ut cuiuscumque rei extra te amor sit mihi antiquior tuo, aut cum eo de principatu contendat, sed ei cæteri amores famulentur omnes, eius mandata demisso vultu excipiant, & ad eius prostrati pedes exequantur. Utinam sancto zelo æmuler nonnullos, quos video maiorem in modum à te dilectos, non ægrè ferens eorum felicitatem, sed miseriam atque ignauam paupertatem meam, cum per me stet in primis, quo minus tibi sim multo gratior; ut qui tanto eis ætate præcurram, priusque multo fuerim stadium religiosæ vitæ ingressus, neque pauciora nactus sim incitamenta progrediendi in amore tuo, & beneficia in me tua exaggerandi.

VI. *Et officiosa comitatus.* Denique, ô potentissime mundi imperator, qui non dubitasti famulis tuis officiosa charitate seruire, da mihi merito charitatis illius officiosum amorem, ut quasi spiritalis quidam Proteus in mille me figuras formæque conuertam, ut totidem tibi rationibus inferuiam, siquæque omnibus omnia, ut omnes lucrifaciam tibi. Nemo sit omnino tam difficilis, tam morosus, tam denique intractabilis, siue superior, siue inferior, aut æqualis, quo cum pacificè suauiterque non consuescam: ut dum me ad eorum arbitrium fingo, atque accommodo, ipsi se vicissim ad tuam voluntatem componant. Sed miserum me, qui in eorum fortasse sum numero, quos variis officiis allicere oportet ad obsequendum voluntati tuæ, quam mihi patefaciunt vicarij tui, si quando ea cum propria voluntate, proprioque amore pugnaverit.

CAPVT XXIV. & VLT.

Querela aduersus Amorem proprium, in gratiam diuini Amoris.

ET vnde mihi ista peruersitas, nisi ex peruerso amore mei, qui sciam in me dominationem habet, qui hostiliter insurgit in tuum, Deus meus? vt hic illo impellente vacillat! nec satis consistit pedibus, nisi nouum à te præsidium de cælo veniat, vt ne planè corruat, in dedecus ac damnum meum. Num passurus es, ô gaudium cordis mei, vt improbus hic calo, nobilissimum equitem Amorem diuinum indignum in modum accipiat? annon potius huic militi tuo vires adicies, vt sternat humi aduersarium suum, afflictumque pro arbitrio conculcet? nullus vnquam bellator ope tua dignior fuit, nullus pro meliore causa in campo stetit.

Memento quæso, dulcissime Iesu, illum pro quo certamus amorem, esse domesticum tuum, imo & filium in cælo natum, iussuque tuo peregrinati in terris, vbi tu eum reliquisti hospitem, cùm cælum repetisti. Ibi ille in dies mille iniurias, contumeliæque accipit, generi suo minimè congruentes. Est qui eum manè inuitet ad se, & vespere, pro re nihili illum extrudat foras.

Alij operam omnem nauant, vt illi aditum ad se præcludant, collecta inimicorum illius numerosa manu, quam armat, regitque Amor sui: & quasi fortis armatus custodit atrium suum. Ecquid inde expectandum est, præter acerbam, atque ignominiosam cladem, nisi tu fortior superuenias, vincas eum, obiectas moles perrumpas, armis spolies, catenis vincias, quas in manum tradas Amoris tui.

Alij eum apud se conseruant, nec abire permittunt: sed ita retinent, vt sexcētis nihilominus molestiis eum afficiant, ad eò vt ipsum vitæ istius valde tædeat. Quoties ille vehementer agit atque sollicitè cum Domino domus, vt in sui, tuique gratiam aliquid agat, ad quod hic obliuiscitur: autem tamen illico aperit molliciei animi, quæ ad delicias propensa est, nec illi satis conuenit cum Amore diuino. Quàm multa ei promissa quotidie fiunt, sine vlla promissi constantia aut fide? quàm multa suscipiuntur in eius gratiam, quæ intermissa languescunt, vt difficilis & molesta litis instrumenta. Nonne quicunque huiusmodi sumus, sancta eius consuetudine indigni sumus? satisque nobis esse debet, si ancillam eius humilitatem apud nos retineamus? Sed tu, Domine, si nihil daturus es nobis, nisi quod promeriti fuerimus, quanto sæpius tibi ad yerbera, quàm ad præmia veniendum erit?

Adde quod non est præter consuetudinem tuam, & regiam liberalitatem largiri immerentibus amorem tuum: necesse est te priorem ad

I.
Amoris proprii vis tyrannica.

II.
Aduersus diuinum amorem.

A multis impugnatur.

Luc. II. 2. 2.

III.
Ab aliis negligenter habuit.

IV.
Deus hemi- nos præuenit amore suo.

pacem occurrere, amicitiamque conciliandam. Neque enim aliqui beata Magdalena, aut Petrus, aut olim peccatores alij, nunc in amicis tuis numerarentur. Eademque est eorum ratio, qui quotidie in sacramento penitentiae à morte reuocantur ad vitam; ubi licet peccatoris oculi in totidem fontes lacrymarum verterentur, gratia nihilominus ei daretur gratis, nec parum lacrymis illis daretur, si propter eas Dominus admitta peccata condonaret, sine ullo alio dono, uti solent homines, cum hominibus reconciliantur. At tu tanto melior atque magnificentior, & peccata remittis, & gratiam tuam insuper, amoréque largiris.

V.
*Petitió dire-
ctionis eius.*

Huncigitur Amorem ego quoque penitens ac peccator obtinere desidero, speiòque deinceps eum apud me officiosus habitum irascio enim quidquid illius gratia fecerò, te factum tibi ipsi putaturum. Nolo itaque abire mihi illum diem, in quo non illum mihi certo quopiam officio demerear. Cupio plane, ac statim nunc quoque, quantum ferre potest humana imbecillitas, nullum ab ore verbum, nullam ex corde cogitationem, nullum ex manibus opus consultò proditurum, cuius hic sanctus Amor non sit moderatòr ac rector, & quod ad fouendam, augendamque cum Domino eius amicitiam ac familiaritatem, non feratur. Si orare instituero, ad orandum incitet me amor tuus, & suggerat, quæ mihi, aliisque impetranda sunt. Si cibis aut potus sumendus, si labori danda opera, aut indulgendum quieti, si legendum aut scribendum, si docendum discendumve, aut quidvis aliud operis agendum, suadente amore tuo suscipiatur, eodémque comite perficiatur, ipse sit, toto huius vitæ curriculo, actionis metes ac finis.

VI.
*Felicitas co-
rû qui eum
semper apud
se retine-
runt.*

Quàm multi nunc mortales, etiam inter Christianos viuunt, qui deploranda calamitate, à primo Dominicæ resurrectionis die ad vertentem annum vix aliquid egerint dixerintve, quod acceptum sit Deo, lingua, corde, manibus per lethiferum crimen, mundi, carnis ac dæmonis tyrannide occupatis. Nónne vicissim optandum est ut famuli tui nihil dicant, faciant, meditentur, quod in charitate, atque aded ex charitate non fiat, quod non promoueat gloriam tuam. Multos credo habes inter dilectissimos tuos, qui tota vita sua ipsis 30. 40. aut 50. annis in culpam mortiferam non inciderint, sed sanctum amorem tuum semper apud se fouerint. O sortem felicem, ipsisque beatarum mentium felicitati comparandam! Qui miseria sua ab hoc numero excluduntur, nunc certè, quando te melius agnoscere cœperunt, nihil dicere, nihil facere, aut cogitare studeant, quod non placeat tibi.

VII.
*Desiderium
moriendi pro
Domino, ut
Marysa.*

Cumque tempus illud aduenerit, quod à te ab omni retro æternitate definitum est, quo vitæ huius periodus terminanda est, hoc addes, si placeat, cæteris beneficiis tuis, ut tui causa morte defungar. Scio hoc esse singulare beneficium, quod sub meritum non cadat, extremam enim perseverantiam includit. Si tamen in æterno illo concilio constitutum est, ut vitam

vitam tua in causa ponam, millies benedicta sit tam optabilis prouidentia tua, eique omnes cœli terræque ciues, meo nomine gratias agant, & quamuis præclara mihi cognita sit infinitas mea; intelligo tamen quantum charitatis feruorem martyrum tuorum animis infundas, vt intrepidi in medio acerbissimorum cruciatuum, immotique consistant, vt feras in se prouocent, vt lentos ignes, vt diuturna tormenta laceffant, alacritate & constantia tanta, quantam adeptio felicitatis æternæ promeretur.

Quod si aliud in eodem illo concilio statutum est, ô pater, sponte ac libens paternæ voluntati acquiesco, & ea priuari gratia, quanta quanta est, æquo animo ac libenti fero. Neque enim aliud velle cupio, quod tempus spectet aut æternitatem, hanc futuramve vitam, quàm quod tuæ benè placitum est voluntati; aliudque omne desiderium à me abduco, atque repudio; nisi fortè illud quieta morte decedenti contingat, quod optabat magnus quidam famulus tuus, vt amore amoris tui moriar, quando tu ipse, amore amoris mei, dignatus es mori.

VIII

Aut certe in Domino.

Finis Libri decimi-sexti, & ultimi.

Laus Deo Patri, Filio, & Spiritui sancto.
Sanctissimæque Deiparæ.





INDEX RERVM

PRÆCIPVARVM HVIVS

operis de Amore Dei.

A.



ABRAHAMVM Deus
suauiter diligit, lib. 5.
cap. 7. num. 2. eiusdē
fortitudo, l. 7. c. 5. n. 2.

& mansuetudo, l. 9. c. 4. n. 2.

Eiusdē Amor Laboriosus, l.

12. c. 5. n. 1. 2. 3. Hospitalitas, n. 3.

diligentia & feruor, l. 13. c. 4. n.

1. 2. & c.

Abutentibus Deus non aufert bo-
na sua, l. 8. c. 12. n. 5.

Abusum tamen vlturus, n. 6. & c.
10. n. 2. 3. & c. 19. n. 4. & 5.

Actio amoris gemina, rusticana &
ingeniosa, l. 12. c. 2. n. 5. & 6. ob-
iectum amabile excitat actionē,
vt honor, lucrum, voluptas, c. 2.
n. 1. 3. & 4.

Actuosi amoris descriptio, l. 12. c. 1.

n. 3. Actuofus amor Dei, ange-

lorum, & beatorum labore va-

eat, l. 12. c. 12. n. 1. 2. 3. & c. 3. n. 4.

Actio Dei, mundi productio & cō-
seruatio, l. 12. c. 12. n. 4. 5. 6.

Adamus inofficiosus in Deum, l.

16. c. 10. n. 3. eiusdē fortitudo,

l. 7. c. 5. n. 2.

Adoptio quid, l. 8. c. 31. n. 1. diuinæ
accommodatur, n. 2. vtriusque
discrimen triplex, n. 3. Adopta-
uit Christus suos in filios, l. 8. c.
30. n. 7. etiam in veteri testa-
mento, *ibidem*. quod esset inter
vtrosque discrimen, n. 8.

Adoptionis spiritus quantum sit
Dei beneficium, l. 8. c. 31. n. 8.
noua dignitas meritūque ado-
ptatorum, n. 9.

Aduentus Christi multis modis de-
claratus est mundo, l. 10. c. 9. n.
3. 4. & seqq.

Aëris pulchritudo, l. 3. c. 17. n. 5.

Agnes martyr Iaponia, l. 7. c. 13. n. 9.

Aleatores, & alij, id genus vigiles,
l. 15. c. 2. n. 5.

Alexandri magni liberalitas, l. 8. c.
43. n. 1. eiusdē diligentia, l. 13.
c. 2. n. 12.

S. Alexij amor in Christum, l. 6. c.
5. n. 11. 12. 13. eiusdē officiosa
charitas, l. 16. c. 4. n. 5.

Allegorica docendi forma, l. 4. c. 6.
n. 1. & 2.

Aloysij Gonzagæ deuotio in Eu-
charistiam, l. 16. c. 14. n. 3.

Amanis ambitio profusa, l. 8. c. 3. n. 3

Ggggg ij

INDEX

- Amarities profani amoris, l. 5. c. 19. fusè.
- Ambitionis amator, l. 5. c. 19. n. 2. profusio, l. 8. c. 5. n. 1. 2. 3. reguli Arimensis, *ibidem*. Ambitiosorum vigilia, l. 15. c. 2. n. 5. proptitudo & diligentia, l. 13. c. 2. n. 9. 10.
- Amicitia tria requirit, l. 1. c. 1. n. 1. quid sit, *ibidem*. requirit quoque cognitionem, & virtutis fundamentum, n. 3. & 4. Dei amicitia mirabilis & expectanda, l. 1. c. 7. Amicitia Christiana omnes amplectitur, l. 1. c. 6. n. 2.
- Amicitia diuinæ multitudinis amicorum nihil officit, l. 1. c. 6. n. 3. & 4. & l. 14. c. 11. n. 3.
- Amicorum inæqualitas, l. 1. c. 4. mutua liberalitas, l. 8. c. 2. n. 6. Amicus officiosus quis, l. 16. c. 6. n. 1.
1. Amores tres trium bonorum, l. 1. c. 1. n. 5. Amor amoris parens, l. 4. c. 5. n. 1. & quare præ aliis causis amoris, n. 3. confertur vbetibus, l. 8. c. 4. n. 1. Amor causa & fons omnium affectionum, l. 10. c. 2. n. 1. & 2.
2. Amoris Dei duo primaria obiecta, pulchritudo & bonitas, l. 3. c. 2. idem amor expurgandus, l. 2. c. 4. n. 1. 2. & c.
3. Amor communicationis initiū, l. 4. c. 4. n. 3. est clavis thesaurorum Dei, n. 4. producit mutuum amorem, n. 5.
- Amoris diuini & humani differentia, l. 11. c. 15. n. 2.
4. Amoris proprietates in Dei in nos amore reperiuntur: & vicissim in hominum amore in Deum, l. 4. c. 6. n. 1. illius proprietates duodecim, n. 5.
5. Amor sui ex charitate, l. 2. c. 8. vi-
- tiosus demandare est, n. 5. & 6.
- Amoris profani damna, l. 4. c. 7. n. 3. & perniciose proprietates, n. 4. illustratur exemplis, n. 5.
- Amor parentum in filios, l. 8. c. 30. 6. n. 1. filiorum in parentes minor, n. 2. qualis in cælo, c. 42. n. 9. amoris beati varia obiecta, l. 8. c. 42.
- Amor diuinus legis epitome. Præf. n. 7. 11. ad eum omnia nos excitat, n. 12.
- Amoris proprii vis tyrannica, l. 16. c. 24. n. 1. 2. & c. diuini & humani antithesis. Præf. n. 8. diuini de humano victoria, n. 9. & 10.
- Amor cur dulcedine delectetur, l. 8. c. 1. n. 5. vniuersè dulcis est, c. 2. & amara dulcia reddit, vt mortem, bellum, & c. n. 2. & seqq. & asperam sanctorum vitam, c. 20. & 24. Amor profanus amarissimus, l. 5. c. 19.
- Amor vniuersè ingeniosus, l. 6. c. 9. 2. & quare, n. 1. ex antiquorum sententia, nu. 3. & 4. eius solertiam latissimè paterè, ca. 3. toto.
- Amor vniuersè fortis ac pariens, l. 10. 7. c. 2. n. 1. antiquorum de ea re sententia, *ibidem*. roborat infirmos, etiam in brutis, n. 2. & 3. Amor opum & gloriæ fortis, n. 4. 5. 6. unde hauriat vires, c. 4. n. 1. 2.
- Amor vniuersè liberalis, l. 8. c. 2. 11. docetur exemplis, in quolibet amore, c. 3. quæ eius causa, n. 4. idem valet in amore diuino, c. 5. & seqq. etiam in legè Mosaica, idq; docetur exemplis, c. 6. & 7.
- Amor in genere mitis atque placibilis, l. 9. c. 2. toto: maxime apparet in parabola prodigi, n. 3. 4. 5. 6. quæ causa huius mansuetudinis, c. 5. Amor diuinus reddit mites, c. 4. & 5.

R E R V M.

13. Amor sollicitus cuiusmodi, l. 10. c. 1. n. 2. amor vniuersè causa sollicitudinis, c. 2. declaratur exemplis, *ibid.* etiam in amore diuino, c. 3. n. 1. & 2. docetur exemplis sacris, c. 4. 5. & 6.
14. Amor vniens siue socialis describitur, l. 11. c. 1. n. 2. Vnio est eius effectus siue proprietas, c. 2. id vniuersè declaratur, *ibidem. fusc.* tam beneuolentiæ, n. 8. quam cupiditatis, n. 9. fuit parens cœnobiorum, l. 11. c. 6.
Amor Christi vniens maximè se prodit in Incarnatione, l. 11. c. 7. & Eucharistia, c. 10. 11. & seqq.
15. Amor actuosus & laboriosus, l. 12. additus actioni, & contemplationi, c. 1. n. 2. diuinus itidem amor, c. 3. n. 1. idque necessariò, n. 2. igneus est, ideòque actuosus, n. 3. etiam in Angelis, n. 4.
16. Amor vniuersè promptus ac diligens, l. 13. 1. 2. n. 7. 8. & c. vt differt ab actuosò, c. 1. n. 2. eius descriptio, n. 3. igni confertur ob celeritatem, c. 2. n. 2. quomodo & quatenus otiosus, n. 5. & 6.
17. Amor diuinus & mundanus promptus ac diligens, l. 13. c. 2. n. 7. id docetur in amore gloriæ, n. 9. 10. 11. 12. & lucri, n. 13. & ceterorum, n. 14. diuinus mundanum diligentia vincit, c. 3. n. 1. 2. 3. contrarium videtur, n. 4. respondetur, n. 5.
Amor Zelores qualis, l. 14. c. 1. n. 2. eo amorem tam diuinum quàm profanum abundare, c. 2. vide *Zelus.* n. 1.
Amor vigilans, l. 15. eius descriptio, c. 1. n. 2. an somnolentus, c. 2. n. 7. vide *Vigilia,* & c.
- Amor officiosus & comis, l. 16. toto. diuinus officiosior humano, c. 3. n. 2. atque syncerior, n. 3. vide *Officiosus Amor.*
Amoris diuini petitio iuxta 12. eius proprietates, l. 16. c. 22. & 23. eas Deus ostendit omnes in amore erga nos suo, c. 19. oratio pro obtinenda diuini amoris abundantia, c. 21.
in Amorem proprium pro diuino querela, c. 24. l. 16. diuini amoris de profano victoria. Præf. n. 9. & 10.
Amphilochij Episcopi solertia, l. 6. c. 5. n. 1.
Anachoretarum vnio cum Deo, l. 11. c. 5. n. 6.
S. Andreæ cruciatus dulces ex amore Dei, l. 5. c. 23. n. 4. & 5.
Angeli sancti censentur in proximis, l. 2. c. 6. n. 3. & 4. eorum in nos beneficia, *ibid.* fusc. ex scripturis. Angelorum decor, l. 3. c. 19. anticipata opinio de illa pulchritudine, n. 2. & 3. illustratur exemplis, n. 4. & seqq.
Angelorum varia erga homines officia, l. 8. c. 16. n. 2. & 3. dux eorum primariæ occupationes, n. 5. & 6. benefici in homines, n. 6. & 7. docetur sacris exemplis, n. 7. 8. 9. puniunt impios, n. 10.
Angeli Custodis in clientem suum 3. amor & beneficentia, l. 2. c. 7. toto. & l. 3. c. 19. n. 9. 10. 11. & l. 5. c. 5. n. 8. & maximè, l. 8. c. 17. toto. vtilitates duodecim conferunt, n. 6. & seqq. amor in eos, l. 3. c. 19. n. 8. 9. & seqq.
Angeli actiuosi, l. 12. c. 3. n. 4. & c. 4. 4. præsertim Custodes, n. 1. & seq. vt Angelus Tobie, Onuphrij,
G g g g g iij

INDEX

- n. 3. & 4. numerat passus cuiusdam eremite, n. 5. & 6. eorum visitatione sancti sæpe recreati, vt S. Nicolaus Tolentinas, l. 5. c. 12. n. 1. & S. Magdalena, c. 11. n. 5.
5. Angelorum pulchritudo declaratur ex principiis pulchritudinis, l. 3. c. 19. n. 8.
6. Angeli præuicarij in officio in Deum, l. 16. c. 10. n. 2. vide *Demon.*
- Animæ Deo gratæ pulchritudo, l. 1. c. 9. n. 1. 2. 3. & c. similibus declaratur, *ibid.* gemina eius pulchritudo, l. 3. c. 20. naturalis tria requirit, n. 2. 3. 4. supernaturalis quàm dilecta Deo, c. 11. n. 1.
- Anima bona, siue bona indoles, l. 8. c. 20. n. 2. cur homini data anima, l. 9. c. 14. n. 1.
- Anima beata an sit sollicita de suis, aut de corpore suo, lib. 10. c. 3. n. 3. 4. & *seqq. fusè.*
- Animalia naturaliter timent hominem, l. 8. c. 15. n. 6.
- Apollonij mansuetudo, l. 9. c. 6. n. 3.
- Apostolos Christus suauiter diligit, l. 5. c. 10. n. 1. & *seqq.*
- Appetitus à natura ingenerati, l. 3. c. 17. n. 1.
- Aqua viua quàm similis diuinæ gratiæ, l. 5. c. 11. toto. Aquæ pulchritudo, l. 3. c. 17. n. 5.
- Arboris vnius varij fines, l. 6. c. 16. n. 4. & *5.*
- Argi oculi seruiunt voluptati, l. 15. c. 2. n. 4.
- Asperam sanctoꝝ vitam quid dulcem redderet, l. 5. c. 24. vt Aspera amarètur quomodo Christus effecerit, l. 6. c. 13. n. 4. 5. & *seqq.*
- Astrorum decor, l. 3. c. 16. n. 3. & 4. eis datus propter hominem, l. 8. c. 14. n. 7. & 8.
- Assumptionis S. Virginis delicia, l. 5. c. 8. n. 7. & 8.
- S. Athanasij solertia eximia, l. 6. c. 5. n. 17.
- Auaricia defluit ad inferos, l. 1. c. 11. n. 11. eius seruitus, l. 5. c. 19. n. 5. infomnis est, l. 15. c. 2. num. 3. est crudelis draco, n. 2.
- Auari multis de causis stulti atque irridendi, l. 8. c. 45. n. 1. 2. & c. S. Basilij ad eos adhortatio, n. 5.
- Aues ablandiuntur Iosepho Anchieta, l. 15. c. 13. n. 1. eumque ab æstu protegent, n. 6.
- S. Augustini amor humilis, & officiosus, l. 16. c. 4. n. 3.
- Aurum miserum, l. 4. c. 3. n. 4.
- Autoris institutum in hoc opere Præf. n. 16. vide Synopsim.

B.

- B**acchanalia, l. 7. c. 17. n. 16.
- Beatitudo multis nominibus copiosa merces, l. 8. c. 43. n. 5. 6. 7. suspiria ad eam, n. 7. 8. posita est in intellectu & voluntate, l. 8. c. 42.
- Beatorum actus amoris geminus erga Deum, l. 8. c. 42. n. 2. quomodo exercebuntur, n. 3. & quæ inde gaudia existent, n. 4. eorum erga Christum amor, n. 5. Beatissimam virginem, n. 6. Angelos & custodem in primis, n. 7.
- Beatorum amor & gaudium erga parentes & cognatos, l. 8. c. 42. n. 9. & erga reliquos cælitè, n. 8.
- Beati videbunt, quæ olim crediderunt, l. 8. c. 4. n. 5. & *seqq.* & c. 41. *fusè.* habebunt. noticiam

R E R V M.

- omnium naturalium, n. 5. & status mundi præsentis & futuri, n. 6. & rerum toto orbe gestarum, & status suorum, n. 7. & quotidianis beatorum triumphis fruuntur, n. 8.
- S. Benedictus suauiter à Deo dilectus, l. 5. c. 12. n. 1.
- Beneficia Dei erga homines, l. 8. c. 11. & *seqq. fuisse*. singularia gratiora, c. 18. n. 1. & 2. an id valere debeat, in diuinis beneficiis, n. 3. & 4. & c. vide & l. 6. c. 13. n. 1.
- Beneficia propria quorundam, l. 8. c. 19. vt integritatis corporum, n. 1. & 2. membra Deus conseruat, quamuis digna perire, n. 2. 3. 4. & c. beneficium erga immunes curæ rerum necessariarum, n. 9.
- Beneuolentia quid propriè sit, l. 1. c. 1. n. 1. sola procreat amicitiam, n. 6. vera Dei in nos beneuolentia, c. 2. n. 1. & 2. & hominis in Deum, n. 3. & 4.
- Boni Deo obligati vltra opinionem suam, l. 7. c. 18. n. 11.
- Boni alicuius communio amicitiaæ fundamentum est, l. 1. c. 1. n. 2. tria bona trium amorum, n. 5.
- Bonorum communicatio fouet amicitiam, c. 5. n. 1.
- Bonitas gemina, absoluta & relata, l. 4. c. 2. n. 2. in quo sita sit prior, *ibid.* diuina vt à creata differat, num. 5.
- Bonitas prior est quàm communicabilitas, l. 4. c. 2. n. 4.
- Bonitas relata, l. 4. c. 3. n. 1. in quo sita, *ibid.* eadem gemina est, n. 2.
- Bonum amabile, & contra, l. 6. c. 8. n. 7. & *seqq.* bonumque proprium in primis, l. 6. c. 13. n. 1.
- B. Borgia feruor & mortificatio, l. 13. c. 9. n. 11. etiam in seculari vita, n. 12.
- C.
- S. Cæcilia Charitatis inuenta, l. 6. c. 5. n. 14.
- S. Cælestini vitæ rigor, lib. 13. cap. 9. num. 5.
- Cæli empyrei pulchritudo, l. 3. c. 15. gemitus ad illud aspirantis, n. 4. & 5.
- Cælorum reliquorum species, lib. 3. cap. 16. num. 1. & 2. cæli spectaculum, num. 4. & 6. & inde orti affectus, num. 7. & 8.
- Calon καλὸν quid, & vnde, lib. 3. c. 5. num. 4.
- S. Calybitæ officiosa Charitas, l. 16. c. 4. n. 5.
- Capitis humani perfectio, l. 13. c. 13. n. 3. & 4.
- Caro deliciarum auida, lib. 11. cap. 13. de ea querela, num. 5. preces pro ea, num. 6. ope cibi diuini, num. 7.
- Caroli quinti Imperatoris promptitudo, l. 13. c. 1. n. 1.
- Carpi Cretensis zelus imprudens, l. 14. c. 4. n. 3. & 4.
- Castigatio corporis, vide *Mortificatio*, & *Odium sui*.
- Castitas diuinitus egregiè remunerata, lib. 6. cap. 18. num. 9. & 10.
- Castitatis votum vnit Deo, l. 11. c. 6. n. 6.
- Catena aurea diuinæ prouidentiaæ, l. 8. c. 16. n. 2.
- S. Catharina Senensis dulcissimo amore à Christo dilecta, l. 5. c. 18.

INDEX

- toto. potatur ad latus eius, n. 5.
 cor cum sponso commutat, n.
 6. eius mansuetudo in fœda cal-
 lumnia, l. 9. c. 6. nu. 9. & 10.
 feruor eius mirus, l. 13. c. 10.
 n. 4. 5.
- Causa eminenter & perfectè con-
 tinet effectum, l. 3. c. 22. n. 1.
- Celeritas & promptitudo amoris,
 l. 13. c. 2. n. 4.
- Charitatis præceptum, & qui eo
 contineantur, l. 2. c. 1. perfectè
 in hac vita seruari posse, c. 2. id
 iustum esse; nobile, facile, neces-
 sarium, c. 3. Charitas alias vir-
 tutes nobilitat, l. 2. c. 3. n. 3. qui
 excludantur præcepto charita-
 tis, l. 2. c. 9.
- Charitas regina duodecim libero-
 rum parens, quæ sunt totidem
 proprietatis Amoris, l. 4. c. 6. n.
 1. & 5. eius allegoricus ornatus,
 n. 3. & 4. hortatur singulos pro
 conditione eorum, c. 7. n. 1. & 2.
- Charitatis in proximum exemplar
 Christus, l. 8. c. 29. n. 6.
- Charitatis dulcedo, solertia, &c.
 vide *Amor.* supra, n. 8. & *seqq.*
1. Christus vt animam gratia orna-
 tam diligat, l. 1. c. 10. n. 2. & 3.
 quàm dignus amari, l. 2. c. 3. n.
 2. charitas eius æterna, c. 11. n. 1.
 & transfigurationis, n. 3. Chri-
 stus vt Christianos ditauerit, l.
 6. c. 13. n. 1. & *seqq.*
2. Christus vt reddiderit amabilem
 suam humanitatem, l. 6. c. 8. to-
 to, quod similis, consanguineus;
 affinis, *ibid.* & c. 11. Christi con-
 iunctio cum hominibus in Eu-
 charistia, l. 6. c. 15. diuersis mo-
 dis se nobis accomodat. Præf.
 n. 6. & 7.
- Christus pluri est apud Deum 3.
 quàm sancti omnes, l. 3. c. 23. n.
 1. & 2. id declaratur tam ratio-
 ne animæ ipsius, n. 3. quàm glo-
 riosi corporis, n. 4. quate appa-
 ruit in monte Thabor, n. 5. & 6.
 exemplar est pulchritudinis hu-
 mani corporis, n. 7.
- Christi amor dulcis in matrem, l. 4.
 5. c. 8. in vtrumque Ioannem, c.
 9. in Apostolos, c. 10. in Laza-
 rum & sorores eius, c. 11. reddi-
 dit ipsi Christi dulcia, quæ a-
 mara sunt natura, c. 20. & quo-
 modo id fiat, c. 21. & 22. idem
 contigisse martyribus, c. 23.
- Christi fortitudo & patientia, ab
 ipso incarnando præuisa decla-
 ratur, l. 7. c. 15. n. 5. & *seqq.* rur-
 sum in tota vita & morte, c. 16.
 & 17. exemplar est fortitudinis,
 c. 17. n. 2. tres Christi naturæ, l.
 8. c. 27. n. 9.
- Christi liberalitas in sacramento-
 rum institutione, l. 8. c. 32. n. 1.
 2. 3. præsertim Eucharistia, n. 4.
 5. & 6. in suos paternus amor, c.
 30. n. 5. suos vocat & cognoscit
 filios, n. 6. refert, vt imago, Pa-
 tris virtutes, l. 9. c. 10. n. 1.
- Christus semultipliciter dedit ho-
 minibus, l. 8. c. 25. n. 6. in seruum,
 c. 26. n. 4. & 5. & c. 27. ab ipso
 exortu seruum egit, l. 16. c. 10. n.
 6. & c. 11. n. 1. & *seqq.* dedit se in
 Doctorem & magistrum, c. 28.
 in virtutum exemplar, c. 29. in
 patrem adoptantem, c. 30. in
 pretium redemptionis, c. 36. &
seqq.
- Christus à corporibus recipien-
 tium non abhorret, l. 8. c. 34. n.
 1. affectus commiserationis, su-
 per

R E R V M.

- per ea re, n. 2. & 3. & l. 16. c. 16. toto. Posse tangi in Eucharistia, l. 11. c. 12. n. 4. actione intellectus voluntatis, n. 5. & 6.
9. Christus satisfactorius omnia scelera mortalium luenda suscepit, l. 8. c. 37. n. 2. etiam damnatorum, *ibid.* eorum multitudo & fœditas, n. 3. 4. 5. quæ Christus in se recepit, n. 6. & l. 13. c. 11. n. 8. 9. eius conceptio differt à communi, l. 11. c. 7. n. 3. & 4.
 10. Christus obiectum gloriæ geminū, l. 8. c. 39. n. 4. & eius causa meritoria, n. 5. eius liberalitas erga beatos, l. 8. c. 43. n. 2. eius bonitas mira in sacramento pœnitentiæ, l. 10. c. 13. n. 5. 6. & *seqq.* eius paternus amor, n. 7.
 11. Christi mansuetudo, l. 9. c. 8. erga peccatores, n. 5. & 6. aduersus Ierusalem, n. 7. erga crucifigentes, c. 9. toto. pro illis oratio plena stuporis, n. 1. 2. 3.
 12. Christi sollicitudo, præsertim in stabilienda fide; l. 10. c. 9. in declarando aduentu suo, n. 3. pro discipulis suis, c. 10. n. 1. 2. 3. pro Iuda, n. 4. pro Petro negante, n. 5. & discipulis à resurrectione congregandis, n. 6. & *seqq.*
 13. Christi sollicitudo pro discipulis euntibus ad Emmaus; l. 10. c. 10. n. 6. 7. & *seqq.* pro Thoma Apost. c. 11. toto. pro Ecclesia sua, c. 12. fusè, & c. 13. n. 7. eius amor vnians in incarnatione, l. 11. c. 7. n. 1. & 2.
 14. Christi laboriosus amor; l. 12. c. 13. eius causa venit in mundum, n. 1. ab initio actus virtutum exercet, n. 2. 3. & *seqq.* ante ortum ex vtero, & post, n. 5. & *seqq.* famu-
- latus eius parentibus exhibitus, l. 12. c. 13. n. 7. 8. Angelis mirabilis, n. 9.
- Christi laboriosa prædicationes, l. 13. c. 14. n. 1. & *seqq.* rursum famulatus eius, l. 16. c. 11. n. 1. & *seqq.* Christi labores sunt opera misericordiæ, l. 12. c. 14. toto. Christus totus misericors, c. 15. n. 4. & 5.
- Christi amor feruidus, l. 13. c. 11. in eius aduentu, n. 2. & *seqq.* quàm cito se hominibus impenderit, n. 5. feruens eius moriendi desiderium, n. 6. & 7. Rei conditionem accepit, n. 8. 9. eius dolor de peccatis, n. 11.
- Christi comitas in Eucharistiæ cō- uiuiō, l. 16. c. 12. n. 2. & c. 13. & *seqq.* eius in eodem humilitas, obedientia, mortificatio, l. 16. c. 15. n. 2. 3. 4. affectus commiserationis in eum, l. 16. c. 16. toto.
- Christi zelus contra Dæmones & idololatriam, l. 14. c. 7. toto. eiusdem in vitæ progressu, c. 8. per se dæmones, n. 2. perque suos expellit, n. 3. Christi & ritualis eius anthesis, l. 14. c. 12. n. 4.
- Christi zelus cōtra Scribas, & Phariseos, l. 14. c. 8. n. 3. pro templo Dei, n. 4. pro Iuda, c. 9. n. 1. pro crucifigentibus, n. 2. pro religiosi amicis, n. 3. consolando delinquentes, n. 4. & qui vitam religiosam instituunt, n. 5.
- Christi vigilantia, l. 15. c. 6. toto. eiusdem comitas, siue officio- sitas, in Eucharistia, l. 16. c. 12. 13. & *seqq.*
- Christianorum cor vnum & anima vna, l. 11. c. 6. n. 7.
- Cibus declarat effectum Eucharistie.

H h h h h

I N D E X

- stia, l. 11. c. 11. n. 4. & c. 13. n. 1. cibum inter & cibatum proportio, l. 16. c. 12. n. 5. intemperantia cibi amaror, l. 5. c. 19. n. 9.
- Claritas spiritualis pulchritudinis, l. 3. c. 6. n. 3. & 4. & maximè, c. 11. confertur corporeæ, n. 2. multiplex claritas corporea & spiritalis, n. 2. & 4. Claritas famæ, quæ est gloria, n. 4. & 5.
- Claritas in diuinitate inquiritur, l. 3. c. 12. Claritas Christi æterna, c. 11. n. 1. transfigurationis eius, n. 3. animæ spiritalis claritas, l. 3. c. 20. n. 4.
- in S. Clementem Dei prouidentia, & cura, l. 10. c. 16. n. 1. similis Moisaicæ, n. 2. vtriusque comparatio, n. 3.
- Cognitio necessaria ad amicitiam, l. 1. c. 1. n. 3.
- Comitas Amoris, siue officiositas, l. 16. c. 1. & 2. fusè, in conuiuiis, c. 12. n. 1. comitas Christi, vide *Christus*, n. 17. & 20.
1. Communicatio vitæ ad amicitiam requiritur, l. 1. c. 3. n. 1. quæ reperiatur inter Deum & homines, n. 2. 3. & *seqq.* in hac vita imperfecta est, n. 5. bonorum communicatio fouet amicitias, l. 1. c. 5. n. 1.
2. Communicatio quæ possit esse inter pauperem & diuitem, Deum & hominem, l. 1. c. 5. n. 2. & 3. Communicabilitas posterior est bonitate, l. 4. c. 2. n. 4.
3. Communicatio proprietas est diuini Amoris, l. 4. c. 4. n. 1. eaque tum necessaria, tum libera, n. 2. Amor communicationis iniciû, n. 3. Communicatio bonorum in spiritali cõnubio, l. 11. c. 15. n. 9.
- Concursus primæ causæ, l. 16. c. 5. n. 4. & c. 6. fusè.
- SS. Cõfessores, & Martyres, in mediis ætumnis, Amoris diuini dulcedinem degustarunt, l. 5. c. 23. & 24.
- Congaudendum, & congratulandum Deo, de summis eius bonis; & Creaturis de tanto Domino, l. 4. c. 2. n. 5.
- Coniecturæ de gloriæ cœlestis magnitudine, l. 8. c. 39. n. 1. & 6. & 7. & c. 43.
- Connubium spiritale, l. 11. c. 15. n. 9. & 10. quid differat à desponsatione, c. 17. n. 11. 12. 13.
- Conuersatio est continuata productio, l. 12. c. 12. n. 6. etiam in rebus permanentibus, n. 7.
- Contemplatio vniõ quædam est cum Deo, l. 11. c. 3. n. 5. explicatu difficilis, n. 6. & 7. eius effectus, n. 8. Meditationi succedit, l. 11. c. 17. n. 1. Est quies mentis cum suspensione sensuum, n. 2.
- Continentiæ asperitatem quid suauem reddat, l. 5. c. 24. n. 5. 6. & c. vide *Castitas*.
- Contritionis commoda, l. 16. c. 13. n. 3.
- Conuiuiorum mos, l. 16. c. 11. n. 1. Accommodatur Eucharistiæ, *ibidem*.
- Cordis ex amore diuino læsio & dilatatio, l. 11. c. 17. n. 7. eiusdem languor, defectio, vniõ, *ibidem*.
- Coriolani sera placabilitas, l. 9. c. 2. n. 2.
- Coronationis Christi crudele ludicrum, l. 7. c. 17. n. 19. præsentatio ad populum, n. 20.
- Creaturarum siue Entium quatuor gradus, l. 9. c. 11. n. 3. 4. & *seqq.*

R E R V M.

Crucifixio quantum tormentum,
l. 7. c. 17. n. 25. 26. 27.

Cupiditatis, siue concupiscentiæ
Amor, l. 1. c. 1. n. 5. & 6. non
procreat veram amicitiam, *ibid.*
Custodes Angeli, vide *Angelus*,
n. 3.

D.

Dæmones quàm iustè oderi-
mus, l. 2. c. 10. vt Deum &
nos oderint, n. 1. 2. 3. Dæmonum
mancia peccatores; magi præ-
sertim, n. 6. & 7. Damna à Dæ-
monibus Deus multipliciter im-
pedit, l. 10. c. 15. n. 5. 6. 7.

Dæmon in tentandò officiosus, l.
16. c. 9. n. 1. Idem adulter anima-
rum, & leno, l. 14. c. vltim. n. 6.
& 7. hostis vigilantia, l. 15. c. 5,
n. 1.

Damnati à charitate nostra omnes
exclusi, l. 2. c. 9. n. 6. & 7. & ma-
ximè, c. 11. ne si parentes quidem
fuerint, n. 2. & 3.

Danielis vigilantia, l. 15. ca. 4.
n. 2.

Dauidis & Ionathæ amicitia, l. 1. c.
1. n. 3. & l. 8. c. 2. n. 1. 2. 3. eius-
dem insignis patientia & forti-
tudo, l. 7. c. 6. n. 1. 2. & vtra in eo
præstiterit, n. 3. quanta à Saùle
pertulerit, n. 4. 5. 6.

Dauidis in Deum liberalitas, l. 8. c.
7. n. 4. 5. & *seqq.*

Dauidis mansuetudo, l. 9. c. 2. n. 1.
& c. 4. n. 9. erga Saùlem admi-
rabilis, n. 10. & 11. & c. 5. n. 1.
ideo inuenit Deum erga se pla-
cabilem. l. 9. c. 12. n. 5.

Dauidis amor laboriosus, l. 12. c. 5. n.
5. Diligentia eiusdem, l. 13. c. 4.

Dauidis zelus, l. 14. c. 5. n. 4. Da-
uidis vigilantia, l. 15. c. 4. n. 1.

Defectui omnia præter Deum ob-
noxia, l. 3. c. 4. n. 1.

Derelictio, signum odij in Deo, l.
14. c. 10. n. 11.

Desponsatio & connubium cum
Deo vt differant, l. 11. c. 17. n. 11.
12. 13.

Deus amicus idem & finis vltimus, 1.
l. 1. c. 2. n. 2. vera est eius cum ho-
mine amicitia; l. 1. c. 2. 3. 4. & c.
Deo vt bene velle possimus, n.
4. gemina Dei bona, *ibid.* posse
perfectè amari in hac vita, l. 2. c.
2. quàm dignus amore, c. 3. n. 1.

Dei pulchritudo Charitatis incita-
mentum, l. 3. c. 1. difficilis est &
audax eius explicatio, n. 3. & 4.
Dei diligendi duo summa capi-
ta, c. 2. n. 1. & c. Eminentè &
infinìtè continet omnes perfe-
ctiones, l. 3. c. 22. n. 3. & 4.

Deus omnisignorantiæ expers, l. 3. 3.
c. 3. n. 3. Dei scientia quanta præ-
beatis: n. 6. 7. quàm mirabilis,
n. 8. & amabilis, n. 9. eiusdem
adoratio, n. 10. Dei impeccabi-
litas vnde, l. 3. c. 4. n. 2. & 3.

Dei summum bonum, l. 3. c. 4. n. 4. 4.
tripliciter bonus est rebus crea-
tis, l. 4. c. 3. n. 2. 3. 4. 5. vt causa
efficiens, n. 6. & 7. vt finis vlti-
mus, n. 8. an vt forma, n. 3. Dei
cum luce septuplex comparatio,
l. 3. c. 13. toto.

Dei pulchritudo elicitæ ex Mundi 5.
pulchritudine, l. 3. c. 14. cœli em-
pyrei, c. 15. orbium cœlestium,
c. 16. Elementorum, c. 17. huma-
mani corporis, c. 18. Angelo-
rum, c. 19. animorum, c. 20. &
21. Christi, c. 23. B. Virginis, c. 24.

H h h h h ij.

INDEX

6. Deus sibi similia producit, pulchra pulcher, bona bonus, l. 3. c. 14. n. 2. eius pulchritudo quamvis aliā continet eminenter, l. 3. c. 22. Dei perfectiones omnes vna eademque res, l. 4. c. 1. n. 2. Ei debita laus omnium creaturarum, n. 4. etiam peccatorum, n. 5.
7. Dei bonitas quid sit, quāmq; amabilis, l. 4. c. 2. ea cognitio amoris necessaria, n. 1. est per se summè amabilis, n. 5. Deo congaudendum de summis eius bonis, *ibid.* & creaturis de tanto Domino, c. 3. n. 4.
8. Deus an propriè fortis, l. 7. c. 15. n. 2. maximè factus homo, n. 3. & *seqq.* vide & c. 18. n. 1. 2. Dei patientia quo modo intelligenda, *ibidem.* & n. 3. & 4. Deus ut ignis actuosus, l. 12. c. 12. n. 10.
9. Deus multipliciter loquitur hominibus, l. 11. c. 4. n. 6. cur minus audiatur, n. 7. auditur sine verbis, n. 8. Deus non aufert bona sua ab utentibus, l. 8. c. 12. n. 5. vlturus tamen ab usum, n. 6.
10. Deus solus potuit remedium afferre humano generi, l. 8. c. 26. n. 2. & Incarnatione tulit, n. 3. 4. Dei concursus cum causis secundis, l. 16. c. 5. n. 4. & c. 6. fusè, etiam cum malis, n. 4. an id pertineat ad eius iniuriam, n. 5. 6. 7.
11. Dei bonitas in sponsam vitiosam, l. 14. c. vlt. n. 8. 9. ei quam primū seruiendum, l. 13. c. 13. n. 6. 7. constanter & accuratè, n. 8. 9. Deus suos consolatione & desolatione probat, l. 14. c. 9. n. 5. & 6.
12. Dei dulcedo erga res inanimas, l. 5. c. 4. n. 2. erga animalia, n. 3. erga hominem, c. 5. n. 2. quam ostendit in eius productione, n. 3. 4. & 5. & educatione, n. 6. & *seqq.* in Israëlitis, c. 6. fusè.
- Dei dulcedo erga præcipuos amicos, l. 5. c. 7. in Abraham, Moysen, Ezechiam, Tobiam, vide suis locis. Quomodo res amatas dulces reddat, l. 5. c. 21. & faciles, n. 3.
- Deum liberalem reddidit amor, l. 14. c. 10. & *seqq.* eius tria summa capita, c. 10. n. 2. Dei liberalitas syncerissima, l. 8. c. 12. n. 2. & 3. & *seqq.* vide *Liberalitas.*
- Dei lenitas & placabilitas ex Ieremia declarata, l. 9. c. 10. n. 2. & *seqq.* erga Synagogam, ut sponsam, & mulierem repudiatam, c. 11. fusè, circa eam mansuetudinem admiratio, n. 4. & 5. Deus offensus prior pacem quærit, *ibidem.* & c. 14. n. 6.
- Dei placabilitatis exempla singulária, l. 9. c. 12. in gratiam Abraham, n. 1. Iacobi, n. 2. Moysi, n. 3. Hebræorum pœnitentium, n. 4. in Dauidem, n. 5. Salomonem, n. 6. Manassem, n. 7. 8. Nabuchodon. n. 9. 10. 11.
- Dei placabilitas, qui veniam peccatoribus anticipet, l. 9. c. 13. n. 1. 2. 3. & *seqq.* eadem similibus declaratur, c. 14. toto. vide *Mansuetudo, Lenitas, Placabilitas, & Christus*, n. 11.
- Dei sollicitudo & cura in malis à nobis auertendis, l. 10. c. 15. quæ sunt ab hominibus, n. 2. & 8. quæ à Dæmone, n. 3. & c. idque multis modis, n. 5. 6. 7. suorum curam gerit ab ipsa pueritia, c. 16. n. 4. 5. & *seqq.*
- Deus appetens vnionis cum homine, l. 11. c. 4. n. 4. Deus est in

R E R V M.

- omnibus rebus potestate, c. 14.
n. 3. præsentia, n. 4. essentia, n. 5.
an id ex amore, n. 6. & 7. Perso-
næ diuinæ sunt in homine, n. 8.
& omnia creata in Deo, n. 9.
20. Dei cum amicis suis vnio, & con-
iunctio singularis, l. 11. c. 15. nu. 1.
scilicet per gratiam, per quam
nouo modo est in anima, n. 5. ea
vnio magnum est amoris incita-
mentum, n. 7. 8. vide *Vnio*.
21. Dei ipsius amor promptus & fer-
uidus, lib. 13. c. 12. citò diligere
cœpit, n. 3. retinet constanter
amorem, n. 4. celeriter agit, n.
5. accuratè, & perfectè agit, c.
13. toto. Deus absconditus in
Eucharistia, l. 16. c. 12. n. 2. & 3.
22. Deus quomodo rei creatæ postha-
betur, l. 14. c. 10. n. 12. Dei zelus
ex vtroque amore, nu. 13. vide
Zelus.
- Deo an & quatenus conueniat Vi-
gilantia, l. 15. c. 7.
23. Deus verè Dominus, l. 16. c. 5. n. 1.
an ei conueniat officiosa comi-
tas, n. 2. & quomodo, n. 3. eam
prodit Hebræis, c. 7. fusè, ser-
uum agit apud eos, n. 8. & seqq.
Officiosus in Iosue, c. 8. n. 1. in
Dauidem & Eliam, num. 2. &
Esaïam, n. 4.
24. Deus officiosus in bonum anima-
rum, l. 16. c. 9. n. 2. stat ad cordis
ostium, n. 3. præuenit hominem
gratia, & agentem comitatur, n.
4. datque perseverantiam, n. 5.
- Diligentia vniuersè laudabilis, li.
13. c. 1. n. 1. est Amoris effectus, n.
2. & c. 2. n. 1. tres eius actus, c. 12.
nu. 2.
1. Diuinus amor Dulcis, l. 5. c. 1. n. 1.
eius descriptio, num. 2. filius est
Charitatis, n. 3. se prodit in pri-
mis in Eucharistia, l. 16. c. 14. n.
1. 2. 3. res amaras dulces reddit,
l. 5. c. 21. n. 1. & faciles, nu. 3. cur
melli & mannæ comparetur, c.
3. n. 2. 3. & 4.
- Diuinus Amor ingeniosus, l. 6. c. 2.
4. & seqq. varia eius inuenta, c.
4. n. 3. quid eum acuat, n. 4. item
fortis, patiens, liberalis, & c. vi-
de suis locis, & supra *Amor* 8.
9. & seqq. & *Deus*, num. 12. 13. &
seqq.
- Diuiñarum perfectionum idea, si-
milibus explicata, l. 3. c. 8. nu. 6.
& seqq. earundem consonantia,
& proportio, c. 10. n. 1. 2. & seqq.
- Diuitiarum amaror & spinæ, l. 5. c.
19. n. 4. & 6. earum amor inge-
niosus, l. 6. c. 3. n. 12. 13. fortis, l.
7. c. 3. n. 4. diligens, l. 13. c. 2. n. 13.
& l. 12. c. 2. n. 1. & 4. Vigilans, l.
15. c. 2. n. 1. 2. 3. 5.
- Diuortium peccatoris cum Deo,
l. 11. c. 15. n. 10. & à Deo amantiss-
simè reparatur, n. 10. & 11.
- Doctorem hominum vt Christus
egerit, l. 8. c. 28. nu. 8. quos do-
cuerit, n. 9. quæ illius docendi
ratio, n. 10. vide *Euangelium*.
- Dolor & labor amore hebescit,
nontollitur, l. 7. c. 3. dolore de
peccatis Christus patri satisfac-
cit, l. 8. c. 38. n. 1. & quàm inten-
sus esset, n. 2.
- Dominium hominis proprium, l.
8. c. 14. n. 1. & 2. quo cætera ca-
rent, n. 1. id congruit hominis
nobilitati, n. 3.
- Dorothea virgo & martyr, eiusque
solertia, l. 6. c. 18. n. 8. vide & c.
20. n. 3. Dorothei monachi vigi-
lantia, l. 15. c. 5. n. 3.

INDEX

Dulcedo diuini Amoris, lib. 5. cap. 5. num. 1. de eius dulcedine testimonia, cap. 3. num. 1. & 5. vide supra, *Diuinus Amor* 1.

E.

E Brietas spiritalis gemina, l. 11. c. 17. n. 5. 6. 19.

Ecclesia Respub. spiritalis, li. 10. cap. 12. num. 3. ei necessaria sunt Sacramenta, n. 3. 4. & *seqq.* de quibus ei Christus prouidit, *ibid.* Ecclesiae preces nocturnae, l. 15. c. 3. 5.

Ecclesia instar exercitus rectè constituti, cui necessaria sunt Sacramenta. lib. 10. cap. 13. Christi pro ea sollicitudo, num. 8. 9. & *seqq.*

Educationis bonae magnum beneficium Dei, lib. 8. cap. 20. num. 4. 5. 6. & 6. habet aliquando singularem quandam prouidentiam, num. 8.

Eleazari senis patientia, an maior quam Iobi, l. 7. c. 7. n. 3. 4. 5. cur praeferendus videatur Eleazarus, *ibid.*

ab Electis Deus multa patitur, lib. 7. cap. 18. num. 5. 6. & *seqq.* quaecumq; Deus patitur, in eorum gratiam patitur, num. 9. 10. 11. obligati sunt Deo supra opinionem suam, n. 11. 12. 13.

Elementorum singulorum pulchritudo, l. 3. c. 17. 4.

Eleemosynis magni peccatores salui fiunt, l. 8. c. 44. n. 5. eius defectu pereunt, n. 6. Eleemosyna propria est Christianorum, n. 8. Ea conuersi Ethnici, n. 9. & 10. suscitauit Tabitham, n. 16.

Eleemosyna honorat liberales eoram Deo, lib. 8. cap. 44. num. 17. auget rem familiarem, & 6. cap. 45. num. 4. & toto c. 44. & 45.

Eliae zelus pro Domino, l. 14. c. 5. n. 8. Deus in eum officiosus, l. 16. c. 8. n. 2. Eiusdem in Deum fiducia, n. 3.

Eremitarum asperam vitam quid dulcem redderet, lib. 5. cap. 24. num. 1. item aliorum religiosorum, num. 2. 3. 4.

Euagrio Deus soluit syngrapham Synesij, l. 8. c. 44. n. 15.

Euangelicae doctrinae necessitas, l. 8. c. 28. n. 6. mira eius efficacitas, nu. 7. eam per se Christus tradidit, n. 8. omnis conditionis hominibus, n. 9. quanta eius doctrinae praestantia, n. 11. & 12.

Eucharistia medium communicationis hominis cum Deo, l. 1. c. 3. n. 3. varia continet amoris Christi inuenta, l. 6. c. 14. & 15. eius varii fines, siue fructus, c. 16. n. 6. 7. 8. Alia in eadem diuinæ sapientiae inuenta, c. 17.

Eucharistiae confectio, singularis 21. dignitas sacerdotij, l. 8. cap. 23. nu. 4. 5. ibi Sacerdos dat nouum esse Deo, nu. 6. quàm id sit gloriosum, n. 7. & utile sacerdoti, n. 8. 11. 12. & gloriosum Deo, & utile toti Ecclesiae, n. 9. & 10.

Eucharistiae sacrificium, insignis 3. Christi liberalitas, l. 8. c. 32. n. 4. superat, antiquatque omnia alia sacrificia, n. 5.

Eucharistiae sacramentum alimonia animorum, l. 8. c. 33. n. 1. corporibus etiam prodest, n. 2. vide

R E R V M.

- Eucharistia* 8. præfertur fructui arboris vitæ, & mannæ, num. 3. communicat immortalitatem, & quomodo, n. 4. 5. 6. & c.
5. *Eucharistia* cibo diuinus spiritus datur, l. 8. c. 33. n. 7. mirabili Dei consilio, *ibid.* Hic cibus à stomachi fordibus non abhorret, ca. 34. fusè. Eius frequentatio prodit eximiam Christi liberalitatem, n. 4.
6. *Eucharistiam* Dominus ne improbis quidem negat, l. 8. c. 35. toto; itaque fieri oportuisse, n. 4. nunquam abest Dominus saluis speciebus, *ibid.* eius totum mysterium videbitur à beatis, l. 8. c. 40. n. 8.
7. *Eucharistia* curam nostram requirit, l. 10. c. 17. n. 5. in ea quæ Dei vnio, l. 11. c. 10. 11. 12. eius vnionis causa, c. 10. n. 1. respondet vnioni Incarnationis, n. 2. 3. & *seqq.* explicantur ea de re sancti Patres, n. 4. & *seqq.*
8. *Eucharistica* vnio non fit nisi per species, l. 11. c. 10. n. 8. & c. 11. non corporaliter, sed spiritualiter, l. 11. c. 11. n. 2. 3. per charitatis affectum, n. 4. prodest etiam corporibus, n. 5. 6. 7. l. 8. c. 33. n. 2.
9. *Eucharistica* vnio realis, cum selectis Dei amicis, l. n. c. 12. fusè, cuiusmodi sit, n. 2. & 3. quibus concedatur, n. 4. Christum in ea posse tangi actione intellectus & voluntatis, n. 4. 5. 6. quæ præ illo Christo fruitur, *ibid.*
10. in *Eucharistia* Christus fit principium bonorum actionum, l. 11. c. 13. n. 1. vt cibus & motor intimus, *ibid.* *Eucharistia* opus diuinæ misericordiæ, l. 12. c. 16. circa corpora, n. 3. & 4. eadem confert & recipit, *ibid.*
- Eucharistia* docet Philosophos ar- eana multa, l. 12. c. 17. n. 1. & opera misericordiæ spiritalia exercet, fusè toto cap. peccata deler, proque iis satisfacit, n. 5. consolatur afflictos, n. 3. peccata castigat, n. 4.
- Eucharistia* conuiuium, l. 16. c. 12. omnes ad id Christus vocat, n. 6. etiam imperfectos, n. 7. ac negligentes, n. 8. improbos quoque tolerat, n. 9. in ea instituenta prodidit zelum suum, l. 14. c. 9. n. 3. & 4.
- Eucharistia* varij gustus, l. 16. c. 13. 13. & *seqq.* contritionis, n. 2. & 4. dulcedinis, eiusque varia exempla, vt BB. Aloysij, & Stanislai, c. 14. n. 3. & 4. & testimonia, n. 5. & 6. & nominatim S. Cathar. Senensis, *ibid.*
- in *Eucharistia* apparet Christi humilitas, obedientia, & mortificatio, l. 16. c. 13. n. 2. 3. 4. commiserationis in eum affectus, c. 16.
- S. Euphrosinæ, & Eugenix transformatio, l. 6. c. 5. n. 6. & 7.
- Exempla potiora sunt verbis, l. 8. c. 29. n. 1.
- Exemplar perfectissimum esse debet, l. 7. c. 17. n. 1. Christus se præbuit perfectissimum exemplar omnium virtutum, & quàm id necessarium foret, l. 8. c. 29. n. 2. & 3. vide & n. 11.
- Extasis, Raptus, Suspendio, l. 11. c. 17. n. 2. & 3.
- Ezechias Rex dulciter à Deo dilectus, l. 5. c. 7. n. 4.

INDEX

F.

- F**Aciei humanæ pulchritudo ex
proportione, l. 3. c. 10. n. 6. vi-
de & c. 18. n. 2. & 3.
- Famæ claritas gloria est, l. 3. c. 11. n.
4. & 5.
- Familiaritas quatenus pariat, aut
non pariat contemptum, l. 8. c.
34. n. 5. & 6.
- Famulus Christi domesticus, li.
16. c. 11. n. 1. & 2.
- S. Felicitatis cura in morte filiorum,
l. 10. c. 7. n. 7.
- Ferocia quædam ingenia, lib. 9.
cap. 3. num. 5.
- Fervidus Christi amor, lib. 13. c. 11.
toto, diuersorum sanctorum, c.
4. 5. & seqq. Feruor in femina
mirabilior, c. 10. declaratur ex-
emplis, n. 2. 3. 4. & c.
- Fidem Christus studiosè stabilivit,
l. 6. c. 12. toto, & quam inierit
viam, c. 13. nu. 4. 5. 6. fuit stabi-
lienda miraculis, l. 10. c. 9. n. 7.
& seqq. propter difficultatem
rerum fidei, *ibid.* fides hæreti-
corum quæ, n. 12.
- Fiducia in Deum, l. 10. c. 4. n. 4. &
5. Eliæ, & Esaïæ, l. 16. cap. 8. nu.
2. 3. 4.
- Filiorum amor in parentes minor
paterno, l. 8. c. 30. n. 2. probatur
exemplis, n. 3. & 4.
- Filiationis diuinæ quod funda-
mentum, l. 8. c. 31. n. 4. vt Spi-
ritus Dei eius quoque filiis con-
ueniat, n. 5. vt peccatores fiant
filij Diaboli, n. 7. Charitatis of-
ficium in hac filiatione, n. 6.
- Fines varij vniuersi eiusdemque rei,
l. 6. c. 16. ex Dei sapientia, in na-
turalibus & supernaturalibus *ibid.*
- Flagellatio Christi, l. 7. c. 17. n. 17.
& 18.
- Fortitudo in agendo & patiendo
posita, l. 7. c. 1. n. 1. & c. 4. n. 4. vtra
fortior, n. 5. necessaria fortitudo
in hac vita, n. 3. fortitudinis hu-
mani, & diuini amoris disci-
men, l. 7. c. 5. n. 1.
- Fortis Amoris proleptica, l. 7. c.
1. n. 2. esse filium Charitatis, n.
3. quomodo fortis vt mors dile-
ctio, n. 4.
- Fortitudo in multis sanctis, præ-
sertim martyribus cernitur, l. 7.
c. 10. n. 1. in Apostolis; cap. 11. in
huius ætatis martyribus, c. 12. 13.
14. An in Deo locum habeat, c.
15. n. 2. habere in Christo, nu. 3.
& seqq.
- Fortitudinis & liberalitatis ad a-
morem eliciendum compara-
tio, lib. 8. cap. 1. num. 1. earum
cognatio, n. 2.
- S. Franciscus à Paula dulciter à
Deo dilectus, lib. 5. c. 14. num. 3.
eiusdem feruor & duricies, l. 13.
cap. 9. nu. 3.
- S. Franciscus Xauerus suauiter à
Deo dilectus, l. 5. c. 16. gratia
miraculorum insignis, num. 3.
& seqq. eius solertia pro bono
animarum, l. 6. c. 6. n. 3. sollici-
tudo, l. 10. c. 7. n. 4. & seqq. la-
bores, l. 12. cap. 9. 10. 11. eiusdem
mors, c. 11. 8.
- S. Franciscus Romanæ feruor, l. 13.
c. 10. n. 7. & 8.
- Fruitio non est inanimatum, lib.
8. c. 14. n. 9. & 10. neque bruto-
rum, c. 15. sed hominis, *ibid.*
- Fulgor diuinæ pulchritudinis, l. 3.
c. 12. n. 2. & c.

Fun-

R E R V M.

Fundamentum amicitiae quod, l. 1. c. 1. n. 2. & 4. cum Deo, c. 4. n. 5. variè in Scriptura repræsentatur, *ibid.*

Gaudium de divina visione, l. 8. c. 42. num. 4. gaudium sanctorum de gaudio singulorum, c. 43. n. 4.

Gedeonis diligentia, l. 13. c. 4. n. 6. Gemitus pro humani in Deum amoris tenuitate, l. 16. c. 21. n. 1. & *seqq.*

Gladiatores Christiani, l. 7. c. 10. n. 5. & 6.

Gloria est claritas famæ, l. 3. c. 11. n. 4. & 5. lumen gloriæ, c. 13. nu. 5. qualis & quanta gloria in Christi natiuitate appareat, l. 6. c. 9. n. 3. fusè. Gloriosum est vilia reddere gloriosa, c. 10. n. 5. & 6.

Gloriæ amor fortes reddit, l. 7. c. 2. n. 5. & 6. de gloriæ cælestis præstantia coniecturæ, l. 8. c. 39. n. 1. 627. 8. Ut ad intellectum pertinet, c. 40. & 41. & ad voluntatem, c. 42. Gaudium de visione diuina, c. 42.

1. Gratia diuina fundamentum amicitiae cum Deo, l. 1. c. 2. n. 5. explicatur, c. 8. n. 4. ut differat ab humanæ amicitiae fundamento, n. 5. Gratiae pulchritudo Deo gratior quàm naturæ, l. 3. c. 21. n. 3. aut quinis huius vitæ decor, n. 4.

2. Gratiā parui fieri prodigium est, l. 3. c. 21. n. 5. Gratiae Dei diuersæ extra amicitiam, l. 1. c. 8. num. 2. Gratia iustificans & habitualis, n. 3. & 4. est principium actionum supernaturalium, n. 5. residet in essentia animæ, n. 7.

3. Gratia euehit ad ordinem super

naturalem, l. 1. c. 8. n. 6. eius pulchritudo ut ornet animam, l. 1. c. 9. n. 1. & 2. corporis defectus tegit, n. 6. quantum ea sit beneficium Dei, l. 8. c. 20. n. 9.

Gratiæ pulchritudo parabolice declaratur, l. 1. c. 10. non cadit sub sensus, n. 5. similibus ostenditur quantum ornamentum sit gratia, n. 6. & 7. eius effectus ex collatione cum aqua viua, l. 1. c. 11. & l. 7. c. 9. n. 1. & 2.

Gratiæ diuinæ effectus ex collatione cum lumine, l. 1. c. 12. toto; & comparatione cum igne, l. 7. c. 9. n. 2. & 3. Gratia ubi resideat, l. 1. c. 15. n. 4. ei debetur omnium virtutum comitatus, *ibid.*

Gratiæ diuina nouo modo Deum in anima constituit, l. 11. c. 25. n. 5. eiusque essentia per eam unitur, n. 6. Gratiarum actio compendiaris, ex 12. proprietatibus Amoris diuini, l. 16. c. 19.

Gregorij magni liberalitas, l. 8. c. 9. n. 2. & *seqq.* eiusdem officiosus Amor, l. 16. c. 4. n. 3. & 4.

Gubernatio mundi, l. 12. c. 12. n. 8. etiam rerum minimarum, n. 9.

Gula ingeniosa, lib. 6. cap. 3. num. 7. & 8.

Gustus varij eihi Eucharistici, l. 16. c. 13. 14. & *seqq.*

H.

Heli sollicitudo pro Arca Dei, l. 10. c. 4. n. 1.

Hestheris & Hebræorum sollicitudo tempore Holofernis, l. 10. c. 4. n. 7. 8. Eiusdem Hestheris feruor pro Dei populo, l. 13. c. 10. n. 2. & 3.

liiii

INDEX

- Hilaritas comes liberalitatis, l. 8. c. 3. n. 4.
1. Hominis pulchritudo, l. 3. c. 18. cur ita factus à Deo, n. 1. est instar regis ciuitatis, c. 20. n. 3. Homo pluris est apud Deum quam omnia corporea, l. 3. c. 23. n. 1. & l. 8. c. 11. n. 10. 11. & c.
2. Hominis productio & educatio multa suggerunt dulcis Dei Amoris argumenta, l. 5. c. 5. fusè. vide *Dulcis-Amor*. Est præ Angelo Deo similis, l. 8. c. 11. n. 13. Hominum non pura est liberalitas, c. 12. n. 1.
3. Hominibus impenditur quicquid aliis rebus datur, l. 8. c. 14. n. 1. 2. & seqq. Homo Dominus & finis creaturarum infra se, *ibid.* Homini facta liberalitas, non ipsis, *ibid.* & c. 15. fusè. timetur naturaliter à brutis, n. 6.
4. Hominis status post peccatum, l. 8. c. 26. n. 1. naturaliter appetit vñiri Deo, l. 11. c. 3. n. 1. 2. & seqq. ei iungitur per orationem, n. 3. & 4.
- Honoris amor ingeniosus est, l. 6. c. 3. n. 11.
- Hospitalitas Abrahami, l. 12. c. 5. n. 3. & l. 13. c. 4. n. 3.
- Humilitatem Christus studiosè stabilivit, l. 6. c. 12. n. 1. 2. & seqq. & cur, *ibid.* Ipse est eius exemplar, l. 8. c. 29. n. 4.
- Humilitas & mansuetudo B. Virginis, l. 9. c. 7. in primis aduersus sponsum, n. 6. & 7.
- I.
- I**acobi Patriarchæ fortitudo, & labores duodecim, l. 7. c. 5. n. 3. 4. & seqq. quam officiosus ei ga Labanum socerum, lib. 16. c. 2. n. 2.
- Iacobi pueruli martyrium in Iaponia, l. 7. c. 14. n. 10. & 14.
- Iaponici martyres & confessores, l. 7. c. 12. 13. & 14.
- Idea diuinarum perfectionum, l. 3. c. 8. & seqq. fusè.
- Idolorum cultus, l. 8. c. 28. n. 5. Idola in Ægypto prostrata, l. 14. c. 7. n. 5. 6. 7. Christi in ea zelus, n. 2. 3. 4.
- Iehu contra Achab zelus, l. 14. c. 5. n. 9.
- Iephte in cæde filiz qualis zelus, l. 14. c. 5. n. 6. & 7.
- Ierusalem ingrata & crudelis, l. 7. c. 17. n. 15.
8. Ignatius à Loyola dulciter à Deo dilectus, l. 5. c. 15. toto, eius diuinæ visiones & visitationes, num. 2. & seqq. habet in potestate lacrymas, nu. 5. eius ingeniosa inuenta, l. 6. c. 5.
9. Ignatij sollicitudo pro Dei gloria, l. 10. c. 7. n. 1. 2. 3. labores eiusdem, l. 12. c. 8. toto, feruida initia, l. 13. c. 9. n. 8. & rigor pœnitentiarum, n. 9. & 10.
- Ignis pulchritudo, l. 3. c. 17. nu. 7. ignis diuinus tantus tam paucos calefacit, l. 11. c. 13. n. 3. & 4. Amor ignis est, ob celeritatem agendi, l. 13. c. 2. n. 2. cui timor famulatur, num. 4. Igneus Dei amor, idèoque actiuus, l. 12. c. 3. n. 3. & c. 12. n. 10.
- Ignorantia hominum, l. 8. c. 28. n. 3. circa res diuinas & propriam salutem, n. 4. Ignorantia in Deo nulla, l. 3. c. 3. n. 3. & seqq.
- Illapsus Dei in intellectum & yoc

R E R V M.

- luntatem, l. 11. c. 17. n. 8. qui Deū in vnione clarè non videt, n. 9.
- Imaginum cultus, l. 2. c. 5. n. 1.
- Imitationem virtutum suarum Christus optauit in nobis, l. 8. c. 29. n. 11. & 12.
- Immortalitas corporum an & quomodo Eucharistiæ debeat, l. 8. c. 33. n. 4. 5. & 6.
- Impeccabilitas solius Dei est, l. 3. c. 4. n. 1. vnde oriatur, n. 2. & 3. summum diuinæ naturæ bonum est, n. 4. eique naturalis, n. 5.
- Imperfectio nostrorum operum, l. 13. c. 13. n. 9.
- Imprecationes & maledicta, l. 2. c. 10. n. 7.
- Improbi, & inimici ex Charitate diliguntur, l. 2. c. 5. num. 2. & 3. cur difficilis inimicorum dilectio, *ibid.*
1. Incarnatio medium communicationis Dei cum hominibus, l. 1. c. 3. n. 2. multiplicem Dei sapientiam prodit, l. 6. c. 8. n. 2. 3. & *seqq.* causat amorem ex similitudine, n. 3. 4. 5. sicque factus homini amabilius, n. 6.
 2. Incarnatione factus est Deus homini consanguineus & affinis, l. 6. c. 8. n. 11. & 12. redditur homo honorabilis, nu. 13. facit ex homine Deum, l. 11. c. 8. n. 5. & coniunctum diuinitatis instrumentum, n. 6.
 3. Incarnationis varijs fines, sive Christi consilia in ea, lib. 8. cap. 27. num. 10. & 11. in ea ingeniosa Dei sapientia ostenditur, l. 6. c. 8. n. 2. 3. & c.
- Incredulitas à Christo & Apostolis valde reprehensa, lib. 10. cap. 9. n. 10. & 11.
- Indoles bona eximium Dei beneficium, l. 8. c. 20. nu. 1. 2. 3. vide *Manfuetudo.*
- Ingeniosa amoris inuenta, l. 3. c. 1. 20. n. 4. Ingeniosi Amoris physiognomia, & descriptio, l. 6. c. 1. ornatus corporis, *ibid.* & n. 3. & 4. cur Amor vniuersè sit ingeniosus, c. 2. n. 1. Platonis ea de re sententia, n. 3.
- Ingeniosa Dei sapientia, l. 6. c. 7. 2. meditatione eruenda, & tradenda populis, n. 3. qualia & quantalicia eius inuenta, in ordine naturæ & gratiæ, n. 5. 6. 7. ostenditur in Incarnatione, c. 8. n. 2. 3. & c. in Natiuitate, c. 9. 10. 11.
- Ingeniosa Christi inuenta in tota vitæ decursu, l. 6. c. 12. alijs eiusdem ingeniosi amoris exempla, c. 13. in Eucharistia, c. 14. 15. & c. ad conuersionem peccatorum, l. 6. c. 18. & in gratiam amicorum, n. 7. & *seqq.*
- Integritas pars pulchritudinis, l. 3. c. 5. n. 5. qualis in re spiritali integritas, c. 6. n. 2. difficile capitur, aut explicatur, c. 8. n. 3. inuestigatur in Deo, n. 4. & *seqq.* perquiritur similitudine absolutissimi principis, n. 6. 7.
- Intellectus beati cognitio clara est, l. 8. c. 40. n. 2. 3. eius obiectum Deus, nu. 4. Trinitas, & quidquid de Deo credidit, Incarnationem, Eucharistiā, n. 5. 6. 7. 8. Iustificationē animarū, c. 41. n. 2.
- Intellectus & voluntas vt vniantur obiectis suis, l. 11. c. 2. n. 6. & 7. cum quadam differentia, *ibid.* & c. 17. n. 8. 9.
- Inuentionem quid efficiat, aut iuuet, lib. 6. cap. 2. num. 1. 2. pluri-

INDEX

- marum rerum inuentio Ambri tri-
buenda, c. 3. toto.
- Inuenta diuini Amoris, l. 6. c. 4. n.
3. quid eum acuat, n. 4. discrim-
men inter inuenta vtriusque
amoris, n. 6. & 7. diuersa inuen-
ta sanctorum, c. 5. toto. recen-
tiora, c. 6. alia inuenta conge-
runtur, l. 6. c. 20.
- Inuidia vt à zelo differat, l. 14. c. 2.
n. 2. declaratur exemplo Iosue
& Moïſis, n. 3.
- S. Ioannes Baptista suauiter à
Christo dilectus, l. 5. c. 9. n. 1.
promptus eius amor in Deum,
l. 13. c. 5. n. 1.
- S. Ioannes Euangelista dulciter à
Christo dilectus, l. 5. c. 9. nu. 2.
Adoptatur in filium Virginis,
n. 3.
Ioannis Eleemosynatij pia in-
uenta, l. 6. c. 5. num. 8. 9. 10. eius
mansuetudo. *ibid.* liberalitas,
l. 8. c. 9. n. 7. & *seqq.* cum Deo
liberalitate certat, n. 9. liberali-
tas eiusdem patiens & mansue-
ta, humilis & prudens, n. 10. &
11. & l. 9. c. 6. n. 1. & 2.
- Ioannis Fernandij mansuetudo
quàm fructuosa, l. 9. c. 6. n. 3.
- Ioannis Fingensis in Iaponia mi-
rabilis fortitudo, l. 7. c. 13. num.
1. & 2.
- Iobi fortitudo ex Dei amore, l. 7.
c. 7. n. 1. eius cum dæmone pu-
gna gemina, n. 2. & 3. confer-
tur Eleazaro, *ibid.* liberalitas
Iobi, l. 8. c. 6. n. 5.
- Ionathæ in Dauidem liberalitas
eximia, l. 8. c. 2. n. 1. 2. 3. vide &
cap. 3.
- Iosephi Patriarchæ mansuetudo in
fratres, l. 9. c. 4. n. 3. 4. vnde or-
ta, n. 5. quàm officiosus in hero-
suos, l. 16. c. 2. n. 2.
- Iosephi cum B. Virgine suauissima
vitæ consuetudo, l. 9. c. 6. n. 5. 6.
& *seqq.* vide & l. 10. c. 8. n. 3. ze-
lus eius accuratius explicatur,
l. 14. c. 6. n. 1. 2. 3. & *seqq.* quàm
fuerit anxius pro sponsa graui-
uida, nu. 3. eiusdem in eam offi-
ciosa charitas, l. 16. c. 4. n. 6.
- Iosephus Anchieta, quàm dulciter
à Deo dilectus, l. 5. c. 13. toto. ve-
rùs thaumaturgus, *ibid.*
- Iosue suauiter à Deo dilectus, l. 5.
c. 12. n. 2. eius diligentia, l. 13. c.
4. n. 7. & 8. eiusdem sollicitu-
do in crimine Acham, l. 10. c. 4.
num. 6.
- Ira Dei modica, & magna, l. 7. c. 8.
n. 8. Ira contra viros bonos de-
cipit iratos, l. 9. c. 15. n. 9. Iracun-
diæ mala, l. 9. c. 3. n. 2. & *seqq.*
Iratorum descriptio, *ibid.*
- Isaïæ in Deum fiducia, l. 16. c. 8. n. 4
- S. Isidorus dulciter à Deo dilectus,
l. 5. c. 12. n. 3.
- pro Iuda Christi sollicitudo, l. 10.
c. 10. n. 4. vide & l. 16. cap. 11. n.
6. 7. 8.
- Iudæorum zelus non secundum
scientiam, l. 14. c. 4. n. 1. 2. 3. ser-
uile gentis ingenium, l. 16. c. 7.
n. 6. & 7. quàm suauiter à Deo
tractati, l. 5. c. 6. iidem ingratiſſi-
mi, l. 16. c. 7. n. 11. eorum mur-
mur & calumniæ, n. 12. rustici
mores, 13.
- Iudithæ sollicitudo pro suis, l. 10.
4. n. 8. feruor, l. 13. c. 10. n. 2. & 3.
- Iulij Cæsaris diligentia, l. 13. c. 1. n.
1. & c. 2. n. 12.
- Iustificaciones animarum beati vi-
debunt, l. 8. c. 41. n. 2.

R E R V M.

L.

- L**abor vi amoris, hebescit, non tollitur, l. 7. c. 3.
- Laboriosus amor, vide *Actio*, & *Amer Aethiops*, l. 12. in Abrahamo, c. 5. n. 1. & 2. item Isaaci, & aliorum Patriarcharum, n. 3. in Apostolis, c. 6. præsertim S. Paulo, n. 5. & 6. & Xauerio, c. 9. 10. 11.
- Laboriosus amor an in Deum cadat, l. 12. c. 12. n. 1. 2. 3. eius causa Christus venit in mundum, c. 13. n. 1. 2. fusè, eius cum Iosepho famulatus, n. 8.
- Lazarum Christus dulciter dilexit, l. 5. c. 11. n. 1.
- Lenitas in ignauiam degenerat, l. 9. c. 15. n. 7. ex nobis ipsis discenda, n. 10. lenes amantur, seueri contra, n. 11. illi sunt efficaciores, n. 12. 13.
- Leones duo Iaponij egregij martyres, l. 7. c. 14. n. 11. 13.
- Lex noua veteri præstat, l. 7. c. 9. n. 1. maiore sanctorum copia, n. 3. Doctorum & miraculorum, n. 4. vide & lib. 12. c. 6. n. 1. & 2.
- Liber Creaturarum, l. 8. c. 13. tradit omnem scientiam, n. 3. 4. 5. & c. & maximè docet amandum Deum, n. 9.
1. Liberalis amor potens ad elicendum amorem, l. 8. c. 1. n. 2. eius ornamenta, n. 3. liberalitas vniuersè conuenit amori, c. 2. n. 1. & c. 3. toto. huius liberalitatis causa, c. 4. n. 2. 3.
 2. Liberalitas diuini amoris, l. 8. c. 5. An possit exerceri aduersus Deum n. 3. aut pauperes, n. 4. posse esse erga vtrosque, & quomodo, n. 5.
 3. & c. liberalitas paruulorum, l. 6. c. 11. n. 4. quam Christus æmulatus est, n. 5.
 - Liberalitas Iosephi Patriarchæ, l. 8. 3. c. 6. n. 2. 3. 4. Iobi, Davidis, Tobia, vide suis locis. Israëuitarum largitas in Tabernaculum Dei, c. 7. n. 3. & maximè Davidis, n. 4. & seqq.
 - Liberalitas diuini Amoris in lege 4. Evangelica, l. 8. c. 8. n. 1. & seqq. eius regnum initio Ecclesiæ, n. 1. 2. 3. quanta sit liberalitas omnia propter Deum relinquere, n. 4. & 10.
 - Liberalitas Gregorij magni, l. 8. c. 9. 5. n. 1. & seq. & Ioannis Eleemosynarij, n. 7. 8. & seqq. liberalitas operæ & industriæ, n. 12. latronis liberalitas, n. 13. via est ad felicitatem, l. 8. c. 44. n. 2.
 - Liberalitas Dei latissimè patet, l. 8. 6. c. 10. n. 1. eius tria summa capita, n. 2. est maximè sincera, c. 12. n. 1. 2. erga abutentes perseuerat, c. 10. n. 2. & n. 3. 4. 5. Regia Dei liberalitas, n. 5. in homines præ brutis, l. 8. c. 11. n. 10. & 11.
 - Liberalitas cæteris rebus impensa, 7. impenditur homini, l. 8. c. 14. est enim earum Dominus, n. 1. 2. & c. Triplex Dei in homines liberalitas, c. 25. n. 5. Christi de se ipso liberalitas multiplex, n. 6. & in seqq. capp.
 - Liberalitas mutua Verbi Dei & 8. hominum, l. 8. c. 27. n. 9. Liberalitas Christi se dantis in præmiū, c. 39. 40. & seqq. coniectura pro ea, c. 39. n. 1. & 2. Ad liberalitatem incitamenta. l. 8. c. 44. n. 3. & 4.
 - Liberalitas prædestinationis signū, 9.

INDEX

l. 8. c. 44. n. 2. Deo debita titulo
gratitudinis, num. 7. propria est
Christianorum, n. 8. liberalitas
in pauperes est gloriosa virtus,
n. 11. Deum sibi obligat, n. 13.
Libertatis amor ingeniosus, l. 6. c.
3. n. 9. & 10.
Linguae abscissio casti amoris in-
uentum, l. 6. c. 5. n. 3.
Ludouici pueruli martyrium in Ia-
ponia, l. 7. c. 13. n. 8.
Luminis, vel Lucis septuplex cum
gratia comparatio, l. 1. c. 12. toto.
Lucis & Dei proprietatum pa-
rallelus, l. 3. c. 13. toto. Ad diui-
nam lucem aspiratio, n. 5. & seq.
Lunæ pulchritudo, l. 3. c. 16. n. 4.
Lux animi spiritalis, l. 3. c. 20. n. 4.

M.

M Achabæorum septem iuue-
num fortitudo, l. 7. c. 8. ma-
tris eorum eximia virtus, n. 5. 6.
& seqq. & n. 10. laboriosus amor.
l. 12. c. 5. n. 6.
Magdalene Iaponiæ illustre mar-
tyrium, l. 7. c. 13. n. 8.
Magdalena alia prunis ardentibus
coronata, l. 7. c. 14. n. 14.
Magi singularia dæmonum man-
cipia, l. 2. c. 10. n. 6.
Malisne liceat optare malum, &
quatenus, l. 14. c. 4. n. 8.
Manasses rex miram Dei expertus
clementiam, l. 9. c. 12. n. 7. 8.
Mancipiorum conditiones, l. 8. c.
27. Christo aptantur, n. 1. 2. 3.
fusè. In viris claris commiser-
ationem mouent, n. 6. & 7. vide
Seruum & Deus, 10. & 23.
Mancorum & debiliu consolatio,
l. 8. c. 19. n. 5. & 7.

Mannæ largitio ex officiosissima
charitate, l. 16. c. 7. n. 3. 4. & seqq.
eius mutatio qualis, n. 15. cur Dei
amor mannæ conferatur, l. 5. c.
3. n. 2. 3.

Manfuetudinis, & Placabilitatis 1.
idea in parabola prodigi, l. 9. c. 2.
n. 3. 4. 5. 6. quæ eius causæ, c. 3. n.
1. 2. 3. & c. constitutio corporis
valet ad mansuetudinem, n. 4.
& 7. propria insignium viro-
rum, n. 8.

Manfuetudo Moïsis in populum, l. 2.
9. c. 4. n. 6. & 7. & in sororem, n.
8. mansuetudinis exempla in le-
ge gratiæ crebriora, c. 5. n. 1. 2. 3.
Christianis plurimum commen-
data, n. 4. & 5.

Manfuetudo aliquorum Sancto- 3.
rum, l. 9. c. 6. vt Ioannis Elec-
mos. Apollonij, Fernandij, Pa-
phnucij, Petri Veronensis, Ca-
tharinæ Senensis, Ioannis, Ma-
tronæ Alexandrinæ, n. 8. alioru
religiosorum, n. 11.

Manfuetudo insignis Ioannis dis- 4.
cipuli Ammonis, l. 9. c. 6. n. 12.
& 13. mansuetudo Christi, l. 9. c.
8. & 9. vtilis fini seruatoris, c. 8.
n. 1. eiusdem figuræ & vaticinia,
n. 2. ideo dictus Ovis, & Agnus.
n. 3. 4.

ad Mansuetudinem inuitatio, l. 9. c. 5.
9. n. 7. pro ea oratio, n. 8. man-
fuetudo Christi orantis pro cru-
cifigentibus, n. 1. 2. 3. & c. man-
fuetudinis acquirendæ rationes,
& viæ, c. 15. toto. eius efficacia,
n. 12. 13.

Manus humanæ perfectio, l. 13. c.
13. n. 5.

S. Maria Virgo præ Sanctis omni- 2.
bus gratius ornata, l. 3. c. 24. n. 1.

R E R V M.

- vt Dei mater, n. 2. & ius quod-
dam habens in bona filij, n. 3.
oratio ad vtrumque, n. 4. & 5.
quàm suauiter à Deo dilecta, l. 5.
c. 8.
2. Mariæ Virginis spirituales deliciae
ante desponsationem, l. 5. c. 8. n.
3. in desponsatione, incarnatio-
ne, educatione infantuli, n. 4. &
5. & à resurrectione, n. 6. & in
Assumptione sua, n. 7.
3. Maria Virgo eiusque mysteria, ob-
iectum beatorum, l. 8. c. 4. n. 2.
& 3. singulariter diligitur, c. 4. 2.
n. 6. eius mansuetudo, l. 9. c. 7. in
conuersatione cum sponso, n. 5.
6. & seqq. alia exempla mansue-
tutinis eius, n. 9. 10. & maximè
in morte filij, n. 11. & 12.
4. Mariæ Virg. sollicita charitas, l. 10.
c. 8. de perturbatione Iosephi
sponsi, n. 3. de voto virginitatis,
n. 2. de filio suo, n. 4. 5. 6. in nu-
ptiis, n. 7. in passione, n. 8. eius
cum Deo affinitas & consan-
guinitas, l. 11. c. 9. n. 1.
5. Mariæ Virginis diligentia, l. 13. c. 5.
toto. quàm cito Deo consecra-
ta, n. 2. votum virginitatis eius,
ibidem. eiusdem officiosa chari-
tas, & S. Iosephi aduersus Chri-
stum, l. 16. c. 4. n. 6.
1. Mariam Magdalenam Christus
suauiter dilexit, l. 5. c. 11. n. 2. eius
pro fratre oratio, n. 3. Christi in
eam amor apparet in resurre-
ctione, n. 4. & ad rupem Salyo-
rum, vbi angelorum concentu
recreatur, n. 5.
2. Mariæ Magdalene feruidus amor,
l. 13. c. 7. repræsentatur in eius
conuersione, n. 1. 2. 3. &c. fusè
toto capite.
- S. Marinæ Metamorphosis, l. 6. c.
5. n. 7. Alia Marina Bungenfis,
cum Martina filia, l. 7. c. 12. n. 4.
5. &c.
- S. Marthæ sollicitudo, l. 10. c. 6.
n. 6.
- S. Martyrum cruciatus an, & quo- 1.
modo dulces, l. 5. c. 23. toto. mar-
tyrum veteris testam. peculiaris
laus, l. 7. c. 8. sine noui quoque, c.
10. præsertim S. Stephani, n. 2.
sunt verè victores, c. 12. n. 1. & 2.
- Martyres octo lento igne combu- 2.
sti in Iaponia, l. 7. c. 14. fusè, eo-
rum nomina, n. 5. Martyres Dia-
boli & Mundi, gladiatores, &
in singulari certamine pereun-
tes, l. 7. c. 10. n. 5. & 6.
- Maternitas diuina vnde pendeat, l.
11. c. 7. n. 6. & c. 9. n. 1. quanta sit
gloria, c. 9. n. 3. & 4. & quanta
hominis vtilitas, n. 5.
- Matrum in filios amor, l. 9. c. 7. n. 11.
- Mathatiz zelus, l. 14. c. 5. n. 10. la-
boriosus amor, l. 12. c. 5. n. 6.
- Mathematicorum inuentiones cui
tribuenda, l. 6. c. 3. toto, ibidém-
que Musicæ, Moralis, Metaphy-
sicæ, &c.
- Medæ ex Zelotypia crudelis fu-
ror, l. 14. c. 2. n. 8. vide & l. 15. c.
2. n. 2.
- Meditationis vtilitas, & delectatio,
l. 6. c. 7. n. 3. & 4. vide *Oratio*, &
Contemplatio.
- Mel amarum & mortiferum, l. 5. c.
1. n. 4. Melli & manne cur con-
feratur diuinus Amor, c. 3. n. 2.
3. 4.
- Merces beatorum multis nomini-
bus copiosa, l. 8. c. 43. num. 5.
Mercatores officiosi, l. 16. c. 9.
num. 1.

I N D E X

- Merita Christi data hominibus, l. 6. c. 13. n. 1. 2. & *seqq.*
- Metamorphosis sanctorum, l. 6. c. 5. n. 6. & 7. & nominatim S. Marinz, *ibid.*
- Michaël regulus Arimensis apostata vexat Christianos, l. 7. c. 14. n. 2. & *seqq.* Eiusdem ambitio profusa, l. 8. c. 3. n. 1. & *seqq.*
- Miles Christianus solerter virginis pudori consuluit, l. 6. c. 5. n. 4. ex S. Ambrosio.
- Minæ Domini ex zelotypia, l. 14. c. 10. n. 10.
- Miracula Christi ad stabiliendam fidem relata, l. 10. c. 9. n. 7. & *seqq.* quàmque necessaria forent, n. 8. 9. 10. Miraculorum S. Vincentij Ferrerij visipgens, l. 12. c. 7. n. 2. & 3. & Iosephi Anchietæ, l. 5. c. 13. toto.
- Misericordiæ opera Christi actiones, l. 12. c. 15. præsertim spiritalia, n. 2. nec deest corporeis, n. 3. & 4.
- Missa, vide *Eucharistia*, & *Sacrificium*.
- Mitis amoris descriptio, l. 9. c. 1. n. 2
- Morbidorum consolatio, l. 8. c. 19. n. 8.
- Mors an possit amari, l. 3. c. 2. n. 3. dulcis pro patria, l. 5. c. 2. n. 2. & 3. Mortis & dilectionis par fortitudo, l. 7. c. 1. n. 4.
- Mortuorum resurrectiones insignes, l. 5. c. 14. n. 1. 2. S. Philippi Nerij, & c. 16. n. 3. 4. 5. & c. ad 25. mortui ad vitam à Xauerio reuocati, *ibid.*
- Mortificatio corporis, l. 2. c. 8. n. 5. & *seqq.* eius meritum, & efficacitas, n. 7. mortificationum & Penitentiarum liberalitas, l. 8. c. 5. n. 9. & 10. mortificatio fructus Eucharistiæ, l. 16. c. 15. n. 1. ipsius etiam Christi in Eucharistia, n. 4.
- Moyse à Deo dulciter dilectus, l. 1. c. 7. n. 3. eiusdem cum Deo familiaritas, *ibidem*. & fortitudo, l. 7. c. 5. n. 5. & patientia duodecies tentata, n. 6. & 7. duplici ex capite æstimata, num. 8. eius maternus in populum amor, n. 9.
- Moyse mansuetudo in populum, 2. l. 9. c. 4. n. 6. & 7. & in soforem, n. 8. sollicitudo pro populo, l. 10. c. 4. n. 2. post adoratum vitulum n. 3. in seditione exploratorum, n. 4. & 5.
- Moyse cum S. Clemente comparatio, l. 10. c. 16. n. 2. 3. laboriosus Moyse amor, l. 12. c. 5. n. 4. zelus amicitia eiusdem, l. 14. c. 5. n. 2.
- Mulieris de ornatu sollicitudo, l. 10. c. 2. n. 9.
- Mundus opus diuinæ erga hominem liberalitatis, l. 8. c. 11. mundi epitome homo, n. 2. propter hominem tantum factus, c. 14. n. 4. & *seqq.* mundi productio, & conseruatio opus actiuos Dei amoris, l. 12. c. 12. n. 4. 5. 6.
- Mundi pulchritudo, l. 3. c. 14. n. 3. 2. ex omnibus pulchritudinibus partibus efflorescit, n. 4. & *seqq.* eius ex cælo contemplatio, c. 16. n. 8.
- Mundi præcepta qualia, l. 2. c. 3. n. 3. 7. An & quatenus diligendus, c. 9. n. 1. & 2.
- Munera conciliant amicitias, l. 8. c. 4. n. 5. easque fouent, l. 1. c. 5. n. 1. iratos mitigant, l. 9. c. 2. n. 7.
- Mutatio piscis in pernam, & aquæ in vinum

in vinum, l. 5. c. 15. n. 10. & 11.

N.

N Abuchodonosor cum be-
stis, l. 8. c. 27. n. 7. merces
illi data diuinitus, c. 39. n. 1. sin-
gularis Dei in eum misericor-
dia, l. 9. c. 12. n. 9. 10. 11.

Natiuitas Christi prodit ingenio-
sum Dei amorem, l. 6. c. 9. quàm
ea sit gloriosa, n. 3. & seq. fuscè,
& maximè, c. 10. & 11. prodit &
dulcem, l. 5. c. 20. n. 2. & fortem,
l. 7. c. 15. n. 7. & 8. & liberalem, l.
8. c. 27. n. 9. 10.

Natura nostra multorum opinione
fortior, l. 13. c. 9. n. 12. & seq. na-
turalia bona ex charitate diligi
possunt, l. 2. c. 5. n. 5. & 6.

Necessaria vitæ quibusdam sine
solicitudine contingunt, l. 2. c.
19. n. 9. non vni necessitati Deus
seruit, l. 16. c. 7. n. 14.

Negligentia & ingratitude mortali-
um, l. 7. c. 17. n. 15. negligen-
tiam seruorum Dei arguit cura
mulierum, l. 10. c. 2. n. 11. de ea
negligentia querela, l. 13. c. 12. n.
14. 15.

S. Nicolai Tolentinatis vitæ rigor,
l. 13. c. 9. n. 6. & 7. & consolati-
ones diuinæ, *ibid.* suavis Dei
in ipsum dilectio, l. 5. c. 12. n. 1.
audit per sex menses concen-
tum angelorum, *ibidem*.

Nobilitas humana quid sit, l. 1. c. 8.
n. 8. nobilium in singulari certa-
mine pereuntium deploratio, l.
7. c. 10. n. 5. 6.

Nocturnæ preces Ecclesiæ, l. 15. c.
3. n. 5.

O.

O Bedientia & subiectionis li-
beralitas, l. 8. c. 5. n. 8. eius
exemplar Christus, c. 19. n. 7.
obedientia num tollat liberta-
tem, l. 8. c. 36. n. 3. maximè vnit
prælato, & Deo, l. 11. c. 6. n. 3. 4.
5. prompta in Apostolis, l. 13. c.
6. n. 1. 2.

Obligare sibi Deum magna gloria,
l. 8. c. 44. n. 13. aut sanctum ali-
quem, n. 14. vide exemplum
Enagrij, n. 15.

Obligatio Deo debiti amoris ob
amorem eius in nos, l. 16. c. 20.
fuscè.

Oceani æstus Iosepho Anchietæ,
eiusque sociò famulatur, l. 5. c. 13.
n. 7. & 8.

Oculorum varij fines, lib. 6. c. 16.
num. 2.

Odium rectum sui cum Charitate
non pugnat, l. 2. c. 8. n. 4. fructus
est Eucharistiæ, l. 16. c. 13. n. 5.

Odor mirabilis corporis S. Tere-
siæ, l. 5. c. 18. n. 6.

Officiosus amor, l. 16. eius deseri-
ptio, c. 1. n. 1. & 2. qualis sit ex
Platone, c. 2. n. 1. in amore per-
fortiarum declaratur, n. 2. & 3. in
aulicis, ciuibus, militibus, &c.
n. 4. & 5. cur sit officiosus, n. 6.

Officiosa obsequia religiosorum, 2.
l. 16. c. 3. n. 4. 5. 6. & secularium,
n. 7. & aliquorum Sanctorum, c.
4. toto. officiosus amor ipsius
Dei aduersus Hebræos, l. 16. c.
7. fuscè.

Officiose Christus se omnibus ac-
commodabat, l. 16. c. 14. n. 5. &
maximè aduersus Iudam, n. 6. 7.

К К К К К

INDEX

3. & aduersus Thomam, l. 10. c. 11. toto. decet officiosum esse erga Christum, l. 16. c. 18. metu ingratitudinis, n. 2. & seqq.
- Olympiadu ex zelotypia crudelitas, l. 14. c. 2. n. 8.
- Opus sapientiam prodit artificis, l. 5. c. 4. n. 1.
- Oratione Deo vnimur, l. 11. c. 3. n. 3. & 4. orationis excellentia, c. 4. n. 1. quàm honorifica & fructuosa, n. 1. 2. nouem utilitates eius, n. 1. 3. oratio vitæ huius frigida, l. 11. c. 4. n. 5. & quid causæ, *ibid.* vide & n. 9.
- Orantium figura Iacobi lucta, l. 11. c. 5. n. 1. vim asferre Deo docetur exemplis, n. 2. 3. 4.
- Orium & Cessatio an ab amore sit, l. 13. c. 2. n. 5. & quatenus, n. 6. & 7.
- P.
- SS. **P**achomij & Palesmonis vigilantia, l. 15. c. 5. n. 2.
- Pantheræ innocia, l. 5. c. 13. n. 2.
- S. Paphnucij solertia, l. 6. c. 5. n. 5. mansuetudo in fœda calumnia, l. 9. c. 5. n. 4. & 5.
- Paruuli & infantes amabiles, l. 6. c. 11. n. 2. eorum mores, n. 4. placabilitas & liberalitas eorundem, *ibid.*
- Parabola filij prodigi, exemplar paternæ mansuetudinis, l. 9. c. 2. n. 1. 4. & seqq.
- Passio ipsa Christo dulcis, l. 5. c. 20. n. 5. & seqq. sapius in hoc opere vsurpatur in amore ingenioso, l. 6. c. 19. forti, l. 7. c. 17. toto. liberali, l. 8. c. 29. num. 9. 10. mansueti, l. 9. c. 9. n. 1. 2. & c. feruido, l. 13. cap. 11. nu. 6. 7.
- Paternus amor quàm liberalis, l. 8. c. 2. n. 4. 5. 6. & c. 30. n. 1. 2. Paternus Dei in nos amor, l. 8. c. 30. n. 4. & item Christi, n. 5. 6. & seqq.
- Pati pro alio magna amoris illecebra, l. 6. c. 19. n. 1. 2.
- Patientia diuini amoris in lege vetet, l. 7. c. 5. 6. 7. 8. fusè.
- Patientia Christi totius vitæ, l. 7. c. 15. & seqq. & l. 8. c. 29. n. 8. & c. patientia Dei erga peccatores, l. 7. c. 18. n. 3. & 4. & erga Electos, n. 5. & 6.
- S. Paulini inuenta ex Dei amore, l. 6. c. 5. n. 15. & 16. & l. 8. c. 25. n. 3. & 4. quidam officiosa charitas, l. 16. c. 4. n. 5.
- S. Pauli naturalis fortitudo, l. 7. c. 11. n. 5. eiusdem fortia pro Christo certamina, n. 6. & 7. sollicitudo, l. 10. c. 6. n. 1. & 2. in eius conuersione Christi pro Ecclesia sollicitudo, c. 15. n. 10.
- S. Pauli pro Donipolo labores, l. 12. c. 6. n. 5. & c. fœnor, l. 13. c. 6. n. 4. 5. eiusdem officiosus amor, l. 16. c. 4. n. 1. vigilantia, l. 15. c. 4. n. 3.
- Paupertas à Christo facta amabilis, l. 6. c. 11. n. 1. & alix item virtutes, c. 10. n. 7. pauperes, Dei trapezitæ, l. 8. c. 5. n. 4. paupertatis exemplar Christus, l. 8. c. 29. n. 4. & 5. is in pauperibus curandus, l. 10. c. 17. n. 6.
- Paupertatis votum vnit Deo, l. 11. c. 6. n. 5.
- Peccator nobilissimo è statu deiicitur, l. 1. c. 8. n. 8. eius exctitas, c. 12. n. 4. auget procliuatē suam ad peccandum, l. 3. c. 4. nu. 6.

R E R V M.

- pulchritudine abutitur ; cap. 18.
n. 4. eius peruersitas, l. 4. c. 3.
n. 9.
2. Peccatoris negligentia, & ingrati-
tudo, l. 7. c. 17. n. 12. Peccato-
rum conuersio variè procuratur
à Deo, l. 6. c. 18. & c. 20. n. 2. 3.
vide & l. 8. c. 24. n. 3. 4. 6. Dei
concurſu abutitur, l. 16. c. 6. n.
4. quàm id ſit indignum, nu. 5.
6. 7.
3. Peccator Deo nocet in rebus ſuis,
l. 7. c. 18. n. 3. Dei patientiam
maximè docet, n. 4. vt fiat filius
diaboli, l. 8. c. 31. n. 7. ad eius
reconciliationem tria requiri, c.
36. n. 4.
- Pelagiæ vanitas & cura ornatus, l.
10. c. 2. n. 10.
- Peregrinationes Patriarcharum, l.
12. c. 5. & Apoſtolorum, c. 6. n.
3. 4. & Chriſti, l. 16. c. 11. n. 3.
& virorum Apoſtolicorum, vi-
de *Xauerium*, & *Vincent. Fer-
rerium*.
- Perfectione diuinorum operum, l. 13.
c. 13. nu. 2. perfectiones creatæ
nullo numero ſunt ad Deum, l.
3. c. 12. n. 3. & 4.
- Perſeuerantia in vita religioſa, l. 10.
c. 16. n. 6. eam dat Dominus, l.
16. c. 9. n. 5.
- S. Petri fortis amor, l. 7. c. 11. n. 2.
3. 4. ſollicitudo, l. 10. c. 6. n. 3.
& ſeqq. & Chriſti pro ipſo, l. 10.
c. 10. n. 5. diligentia & feruor, l.
13. c. 6. n. 1. 2. 3.
- S. Petri Veronenſis in fœda calum-
nia manſuetudo, l. 9. c. 6. nu. 6.
& 7.
- Petri Teloniarj inuenta ex Dei
amore, l. 6. c. 5. n. 15. & 16. eiuf-
dem curatio, c. 18. n. 4. & 5.
- S. Philippus Neriſus excitat mor-
tuum, l. 5. c. 14. n. 1. 2.
- Phineis zelus, l. 14. c. 5. n. 3.
- Piſcis Xauerio famulatur, l. 5. c.
17. n. 7.
- Placabilitas à Chriſto exigitur, l. 9.
c. 8. n. 8. ea mira eſt, n. 9. ſit
occafio ſæpius peccandi, n. 10.
Chriſti aduerſus Synagogam
mirabilis, c. 10. n. 2. 3. & ſeqq.
eadem lenitas, ex alio loco Iere-
miæ oſtenditur, c. 11. fuſè.
- Plantæ vnius varij fines, l. 6. c. 16.
n. 3. 4. 5.
- Pœmenes Anachoreta, l. 6. c. 18.
num. 8.
- Pœnitentiæ ſacramentum prodit
Chriſti ſollicitudinem, l. 10. c.
13. n. 5. 6. & ſeqq.
- Pompei magni diligentia, l. 13. c.
2. n. 11.
- Postulatio Diuini Amoris iuxta 12.
eius proprietates, l. 16. cap. 22.
& 23.
- Præceptum Charitatis quos con-
tineat, l. 2. c. 1. poſſe in hac vi-
ta perfectè ſeruari, c. 2. eſſe iu-
ſtum, excellens, facile, neceſſa-
rium, c. 3.
- Præcepta Mundi qualia, l. 2. c. 3.
num. 7.
- Prædeſtinationis beneficium, l. 8.
c. 21. quantum ſit, n. 3 & 4. pij
affectus ad id beneficium, nu.
5. & 6. eius ſignoratio, cap. 22.
lata eſt ſententia, ſed præuiſo
vitæ fine, num. 2. eius aliquot
ſigna, num. 3. & lib. 8. cap. 44.
num. 2.
- Prædicationes Chriſti laborioſæ, l.
12. c. 14.
- Prælatorum bonorum officioſus
amor, l. 16. c. 4. n. 2. 3. & ſeqq.

I N D E X

- contra quam Dominorum lat-
corum, n. 4.
- Præsepe Domini gloriosum, l. 6. c.
10. n. 4. & 5.
- Primum in quoque genere regula
est reliquorum, lib. 3. cap. 19.
n. 1.
- Principis absolutissimi Idea, l. 3. c.
8. n. 6. & 7.
- Proportio in spiritali pulchritudi-
ne cuiusmodi, l. 3. c. 6. n. 2. quan-
ti ad pulchritudinem interfit, c.
9. n. 1. & 2. Proportio in maio-
ris minorisque mundi partibus,
l. 3. c. 9. n. 3. & 4. Proportio faciei
humanæ, l. 3. c. 10. n. 6.
- Proportio diuinarum perfectio-
num, l. 3. c. 10. n. 1. & continent
gratiam inæstimabilem, n. 4. de-
claratur similibus, n. 5. & pro-
portione cœlestis Ierusalem,
n. 7.
- Proprietates suis naturis respon-
dent, l. 3. c. 5. n. 2.
- Providentiæ diuinæ catena, l. 8. c.
16. n. 2. mundum per angelos
administrat, n. 6. peculiaris Dei
providentia erga aliquos, l. 10. c.
16. n. 4. 5. & *seqq.* mira Dei in
zelo Iosephi providentia, l. 14.
num. 3.
- Proximus ex charitate amandus, l.
2. c. 4. n. 4. & *seqq.* idem est Dei
amor & proximi, n. 7. & 8. mul-
tiplex amor, charitatis in proxi-
mum, c. 5. toto.
1. Pulchritudo amoris incitamen-
tum, l. 3. c. 2. n. 4. duo eius fun-
damenta, l. 3. c. 3. n. 1. ex purga-
tio defectuum, & additio perfe-
ctionum, n. 2. Pulchritudinis va-
ria nomina, l. 3. c. 8. n. 5.
 2. Pulchritudo materialis ex quibus
existat, l. 3. c. 5. quid sit, n. 3. duo-
bus tantum sensibus percipitur,
ibidem. & à quibus, n. 4. tribus
ex rebus existit, n. 5. Pulchritudo
spiritalis quæ, l. 3. c. 6. n. 1. ex qui-
bus existat, n. 2. 3.
 - à Pulchritudine terrena ad diui- 3.
nam assurgendum est, l. 3. c. 22.
n. 6. 7. eius descriptio, l. 3. c. 7. n.
3. 4. 6. varij circa eam affectus, n.
5. 7. 8. prima eius conditio decla-
ratur, c. 8. secunda, c. 10. tertia,
c. 12.
 - Pulchritudinis amor ingenuus, l. 3. 4.
c. 17. n. 2. In Deo est ut in cau-
sa, *ibidem.* Pulchritudo singulo-
rum elementorum, lib. 3. c. 17.
num. 4. & *seqq.* Angelorum,
c. 19.
 - Pulchritudinis cura muliebris, l. 10. 5.
c. 2. n. 9. & *seqq.* docetur in Pe-
lagia, & concubinis Assueri, n.
10. & 12.
- Q.
- Q**uadragesimæ tres Moïse, l. 11.
c. 5. n. 4.
- Querelæ Domini de populo suo, l.
14. c. 10. n. 6. 7. 8. & l. 9. c. 10. n. 2.
& *seqq.* fusè.
- Querela contra amorem proprium
in gratiam diuini, l. 16. c. 24.
- R.
- R**aptus, extasis, suspensio quid
sint, l. 11. c. 17. n. 2. 3.
- Raphaël Angelus, vide *Tabias*, &
l. 12. c. 4. n. 3.
- Reconciliatio peccatorum extra-
ordinaria, l. 8. c. 24. n. 3. & ordi-
naria, n. 4. 5. ex mira Dei facili-
tate, l. 9. c. 13.

R E R V M.

1. Religioſis viſ, l. 1. c. 1. n. 2. Religioſus in Deum liberalis eſſe po-
teſt, l. 8. c. 5. n. 8. 9. 10. & maximè,
n. 11. magis quàm ſeculares, n. 12.
poſſunt & in pròximum eſſe li-
berales, n. 13. eorundem libera-
litas in Deum, fuſè, l. 8. c. 8. n. 4.
& ſeqq.
2. Religioſa vocatio eximia Dei libe-
ralitas, l. 8. c. 22. n. 7. quàm mul-
ta beneficia ea contineantur, n.
7. 8. 9. plerique viri principes ac
mulieres facti religioſi, c. 8. n. 5.
& ſeqq. Religionum parens a-
mor vnicens, ſive ſocialis, lib. 11.
cap. 6.
3. Religioſa vita ſignum prædeſtina-
tionis, l. 8. c. 22. n. 4. reprobatio-
nis, l. 8. c. 22. n. 4. reprobationis
autem apoſtaſia, n. 6. Religioſa
vocatio ſingularis Dei prou-
dentia, l. 10. c. 16. n. 5. 6. eorum
ingratitude, n. 7.
- Reprobationis ſignum apoſtaſia,
l. 8. c. 22. n. 6.
- Repudiata mulier comparatur Sy-
nagoga, l. 9. c. 11.
- Reſurrexionis arcana beati vide-
bunt, l. 8. c. 41. n. 1.
- Reſurrexio Chriſti prompti amo-
ris indicium, l. 12. c. 11. n. 12.
- S. Romualdi feruor & vitæ duri-
cies, l. 13. c. 9. n. 4. corpus eius in-
corruptum 440. annis, *ibid.*

S.

Sacerdotium magna Dei libera-
litate datum hominibus, l. 8.
c. 23. duplex eius poteſtas, n. 1. 2.
3. in corpus Chriſti myſticum
& Eucharifticum. ea poteſtas
glorioſa etiam Deo, & vtilis

toti Eccleſiæ, n. 4. 5. 6. & c.
Sacerdotis poteſtas in corpus Chri-
ſti myſticum, l. 8. c. 24. & quàm
neceſſaria ſit, n. 2. 3. quem pec-
catori ſenſum ſacerdos procu-
ret, n. 5. quàm gratum Deo fa-
mulatum exhibeat, n. 7.

Sacramentorum inſtitutio Chriſti
liberalitas, l. 8. c. 32. n. 1. 2. 3. Ec-
cleſiæ neceſſaria vt Reipu. ſpiri-
tali, l. 10. c. 12. n. 3. 4. 5. & c. vt Ex-
ercitui, c. 13. fuſè.

Sacrificium Euchariftiæ, l. 8. c. 32.
n. 4. 5. ſacrificij actio in q. 10 po-
ſita ſit, nu. 6. religionem Chri-
ſtianam maximè nobilitat, n. 7.
Offeritur in gratiarũ actionem,
n. 8. & diuerſas gratias impe-
trandas, n. 9 & auertenda Dei
flagella, n. 10. & ſatisfactionem,
num. 9.

Salomoni Deus placabilis, li. 9. c.
12. n. 6.

Samſonis feruor & promptitudo,
l. 13. c. 4. n. 9.

Samuelis vigilantia, l. 15. c. 4. n. 2.

Sancti cenſentur in pròximis no-
ſtris, l. 2. c. 6. toto.

Sapientia diuina ingenioſa, l. 6. c. 1.
7. in rebus naturæ, & gratiæ, n.
5. 6. 7. oſtenditur in operibus
gratiæ, c. 8. circa Incarnationẽ,
n. 2. & ſeqq. circa Euchariftiam,
l. 6. c. 14. 15. 16. 17.

Sapientia Dei ingenioſa in conuer-
ſione peccatorum, l. 6. c. 18. n. 1.
2. & c. alia inuenta in gratiam
amicorum ſuorum, n. 7. & ſeqq.

Sapiens multos ſibi ſines pro-
ponit, l. 6. c. 16. n. 1.

Sapientia abſcondita Chriſtus, l. 8.
c. 28. num. 1. 2. manifeftanda
ignaris hominibus, n. 3. & 4. de-

INDEX

- dit se in doctorem hominibus, ibid.*
- Sapores varij cibi Eucharistici, l. 16. c. 13. 14. & c.
1. Satisfactio Seruatoris per Eucharistiam, l. 8. c. 32. n. 9. eius satisfactio sincera & libera, c. 36. n. 2. non obstante Patris obedientia, n. 3. satisfactionis tria munera, n. 4. ea in Christi satisfactione declarantur, c. 37. & 38.
 2. Satisfactionem Patri obtulit pro cunctis omnium mortalium culpis, lib. 8. cap. 37. num. 7. 8. 9. eiusdem satisfactio per internum animi dolorem, c. 38. n. 1. 2. & realem perpensionem, n. 3. 4. & seqq.
 3. Satisfactio officiosa eiusdem, l. 16. c. 10. n. 4. & 5.
- Sauilis pro Deo contra filium ze-
lus, l. 14. c. 5. n. 5.
- Scientia corporis defectus tegit, l. 1. cap. 9. num. 5. res est per se amabilis, l. 3. c. 3. num. 5. & lib. 6. cap. 8. num. 10.
- S. Scholastica suauiter à Deo dilecta, l. 1. c. 12. n. 2.
- Scribendi huius Operis causæ. Præf. n. 1. 2. utilitas huiusmodi scriptorum, n. 3.
- Sereni monachi vigilantia, l. 15. c. 5. num. 3.
- Seruitus voluntaria S. Paulini, & Petri Teloniarij, l. 6. c. 5. nu. 15. vide & c. 18. nu. 4. Seruendum Deo cito, constanter, accuratè, l. 13. c. 13. n. 6. 7. & c.
- Seruus Dei & hominum factus est Christus, lib. 8. cap. 26. num. 4. & 5. & toto cap. 29. Deus seruum agit apud Hebræos, lib. 16. cap. 7. num. 8.
- Seueritas minus prodest lenitate l. 9. c. 15. n. 12. 13.
- Simeonis Stylitæ seruor, l. 13. c. 8. n. 2. & seqq. eius ieiunia, orationes, mors & miracula, *ibid.*
- Simile simili gaudet, l. 3. c. 14. n. 1. & 2. Similitudo amoris & odij causa, lib. 4. cap. 5. num. 4. & lib. 6. cap. 8. num. 3. 4. & seqq. & cap. 11. num. 3.
- Similitudinem hominis multiplicem Christus affectauit in Eucharistia, l. 6. c. 14. toto.
- Simonis Fingensis in Iaponia mirabilis fortitudo, l. 7. c. 13. n. 3. 4. & seqq. & totius familiæ, nu. 6. & seqq.
- Singularium certaminum deplo-
ratio, l. 7. c. 10. n. 5. 6.
- Solertia amoris vniuersè latissimè patet, l. 6. c. 3. diuini Amoris aliquorum, vt Amphilo-
chij Episcopi, l. 6. c. 5. n. 1. Euphrasiz, n. 2. & aliorum consequenter.
- Solis orbis, l. 3. c. 16. n. 5.
- Sollicitudo quid proprie sit, l. 10. c. 2. n. 3. Solliciti amoris descriptio, c. 1. n. 2. Sollicitudo amoris probatur exemplis sacris, n. 4. 5. 6. & experientia, n. 7. & 8. in brutis quoque cernitur, c. 2. num. 13. & inde documentum, num. 14.
- Sollicitudo amoris an sit in beatis, l. 10. c. 3. n. 3. 4. & seqq. eius sollicitudinis exempla in Heli, l. 10. c. 4. n. 1. & Moyse pro populo, n. 2. & 3. Iosue, n. 6. Iudith & Esther, n. 7. 8. An in Deū, cadat, c. 14. n. 1. 2. 3. dedit eam parentibus, n. 4.
- Sollicitudo an Euangelio prohibeatur, & quatenus, l. 10. cap. 5.

R E R V M.

- n.1. & *seqq.* iungenda fiducia in Deum, n.4. & 5. exempla eius in Evangelio, & Apostolis Petro, Paulo, &c. l.10. c.5. num. 1. 2. & *seqq.*
- Sollicitudo Christi pro suis, vide *Christus*, n.13. pro Ecclesia sua, l.10. c.12. n.1.2. & n.8.9.11.
- Sollicitudo mundana, l.10. cap. 16. nu. 8. proborum quomodo sit pro Deo, c.17. n.1.2.3. pro Seruatore quæ, num.5. & 6. scilicet eius Eucharistia, & pauperibus curandis, *ibid.*
- Solutio debiti mortaliū à Christo facta, lib. 8. cap. 38 num.3. præsertim in passione & supplicio crucis, num. 4. 5. gratiarum actio pro satisfactione tam liberali, n.6.7.8.9.
- Somni & vigiliæ causa naturalis, l.15. c.2. n.6. & 7. quæ somnum conciliant, *ibid.* siue somnolentus Amor, n.7.
- Somnus in cælo qualis, l.15. c.3. n.3. miseria somni vitæ huius, num.4.
- Spiritus diuini communicatio est fundamentum filiationis & adoptionis diuinæ, l.8. c.31. n.4. & 5. datur per Eucharistiam, c.23. n.7. & 8.
- B. Stanislai Costkæ deuotio in Eucharistiam, lib. 16. cap. 14. num. 4.
- S. Stephani fortitudo, l.7. c.10. n.2.3. & *seqq.* Iudæorum in eum ingratiitudo, n.4.
- Sudor Christi sanguineus index feruidi eius amoris, lib.13. cap. 11. num.10. quomodo contigerit, num.11.
- Superbia morbus hominum per antiquus & perniciosus, l.6. c.9. n.1. & 2.
- Suspensio sensuum in contemplatione, l.11. c.17. n.2. vnde fiat, *ibid.* quid differat à raptu, & extasi, n.3. ad vñionem disponit, num.4.
- Suspiria & affectus ad beatitudinem, l.8. c.43. n.7. & 8.
- Synagoga olim Dei sponsa, & Dei in illam mira placabilitas, l.9. c.10. n.2.3. & *seqq.* eadem ex alio Ieremiæ loco demonstratur, c.11. vbi confertur repudiata mulieri, c.11. toto.
- T.
- T Amerlanes, l.8. c.27. num. 6. eiusdem ferox ingenium, l.9. c.3. n.6.
- S. Tereſia ſuauiſſimè à Deo dilecta, l.5. c.17.
- Terræ pulchritudo, l.3. c.17. nu.4. eiusdem contemplatio iucunda, c.16.8. & c.17.8.
- Thaumaturgus nouus, l.5. c.13. n.1.2.3. & 6.
- S. Thomas ſuauiſſimè à Christo dilectus, l.5. c.10. n.4. in eundem Christi ſollicitudo, l.10. cap.11. toto.
- Timor quis in cælo ſit, l.10. c.3. n.7
- Titì Bungenſis, totiùſque familiæ ſingularis conſtantia, l.7. c.12. n.4.5. & *seqq.*
- Tobias vterque dulciter à Deo dilectus, l.5. c.7. n.5. vtriuſque liberalitas, l.8. c.7.
- Triftitia Chriſti in paſſione, l.7. c.17. n.5.
- Troili Epifcopi tenacitas, l.6. c.5. n.9. eiusdem curatio, cap.18. nu.2. & 3.
- Tuffis ingenioſa, l.6. c.6. n.4.

I N D E X

V.

V Bera rectè comparantur a-
mori, l. 8. c. 4. n. 1.
Venix facilitas à Christo exigitur,
l. 9. c. 8. nu. 8. mira in Deo de-
monstratur, c. 13. toto.
Verbi incarnandi cū Angelis col-
loquium super ea, quæ isti fe-
renda essent apud homines, l. 7.
c. 15. n. 5. & seqq. Verbi gemina
relatio, l. 11. c. 9. n. 2.
Victoriæ celeritas, l. 13. c. 4. nu. 4.
& 5.
Vigilans Amor, l. 15. eius descri-
ptio, c. 1. n. 2. Vigilem esse cha-
ritatem, l. 15. c. 3. num. 1. patet in
Angelis, n. 1. quos sancti imi-
tantur, n. 2. Vigiliæ ac nocturnæ
preces Ecclesiæ, c. 3. n. 5. Ange-
licis suppare, *ibid.*
Vigilantia Davidis, l. 15. c. 4. nu. 1. &
aliorum Sanctorum, n. 2. 3. & c.
5. hostes vigilantia dæmones;
c. 5. n. 1. qua & vincuntur, *ibid.*
Vigiliæ & somni causæ natura-
les, l. 15. c. 2. n. 6. & 7.
Vigilantiam Christus verbo docet
& exemplo, lib. 15. cap. 6. toto.
pernoctat in oratione, num. 7.
& 8.
S. Vincētij Ferrerij amor laborio-
sus, l. 12. c. 7. fructus, & miracu-
la, n. 1. 2. 3. feruor & vitæ duri-
cies, l. 13. c. 9. n. 2.
Virtus fundamentum veræ amici-
tiæ, l. 1. c. 1. n. 4. corporis defe-
ctus tegit, c. 9. n. 3.
Vires corporeæ definitæ non spiri-
tales, l. 3. c. 22. n. 1. 2.
Visio beata quæ comprehendat, l.
8. c. 40. n. 4. 5. & 6. quàm opta-

bilis, n. 9. & 10. Visio beata &
infusa, l. 11. c. 17. n. 19.
Vltio zelum probat, l. 14. c. 10. n. 2.
Vniens amor, l. 11. eius descriptio, 1.
c. 1. n. 2. vnionem appetunt ina-
nima, c. 2. n. 2. & quæ vigent, n.
3. & quæ sentiunt, n. 4. & 5. &
quæ intelligunt, n. 6. vnio intel-
lectus & voluntatis cum obje-
ctis, n. 6. & 7.
Vnio perfectissima in hac vita, l. 11. 2.
c. 3. n. 9. Aliquorum Sanctorum
vnio cum Deo, c. 5. n. 5. 6. Vnio
Christi cum hominibus, in Eu-
charistia, l. 6. c. 15. toto. & l. 11. c.
12. fusè. Vnio Incarnationis ei
respondet, l. 11. c. 10. n. 2. 3. & 6.
Vnio hypostatica, l. 11. c. 7. n. 1. or-
do eius, n. 5. fit cum corpore &
anima, n. 6. est omnium intima,
& excellentissima, c. 8. n. 1. 2. 3.
4. Est amoris Dei in homines
argumentum, num. 7. & incita-
mentum, n. 8.
Vnio Virginis cum Seruatore, l. 11. 4.
c. 9. singularis Dei cū amicis
suis, c. 15. n. 1. quæ vnio magnum
est amoris incitamentum, n. 7.
declaratur similibus, n. 8. fit per
gratiam, estque spiritale connu-
bium, n. 8. & seqq.
Vnio suprema reseruata cælo, l. 11. 5.
c. 16. n. 1. summè optabilis & in-
separabilis, n. 2. ineffabilis, n. 3.
quæ coniici possit, n. 4. ex ea quæ
fit in terris intimis Dei amicis,
c. 17. toto.
Vnio mysticæ Theologiæ, l. 11. c. 6.
17. toto. quæ eam antecedant,
n. 1. quæ ad illam disponant, n. 6.
quomodo fiat ex parte Dei, n. 8.
ex parte animæ, n. 10. decem fru-
ctus huius vnionis, n. 14. & seqq.
Vnio

R E R V M.

Vnio hæc applicatur vnioni glorię,
l. 11. c. 17. n. 18. & cuiusmodi ea
sit, n. 19. 20. & 21.

Voluntas & intellectus quomodo
vniantur obiectis, l. 11. c. 2. n. 6.
& 7. Voluntas beata quos actus
eliciat, l. 8. c. 42. erga Deum
geminos, n. 2. & 3. vniri potest
Deo in hac vita, sicut in gloria,
non autem intellectus, l. 11. c. 17.
n. 8. & 9.

Voluptatis impurę amaricies, l. 5.
cap. 19. nu. 7. 8. eadem ingenio-
sa, lib. 6. cap. 3. profusa, lib. 8.
cap. 3. num. 1.

Vota vniunt, lib. 11. cap. 6. num.
2. 3. & c. olim Christiani Deo
vouebant bona sua, lib. 8. cap.
8. num. 3.

Vuindichindus Saxo, lib. 8. cap.
34. num. 3.

Vulgaria non delectant viros ma-
gnos, l. 3. c. 21. n. 2.

X.

X Auerius, vide *Franciscus*.

Z.

1. **Z** Elus & feruor quid differant,
l. 14. c. 1. n. 1. descriptio a-
moris zelotis, nu. 2. vulgarem
amorem zelo abundare, cap. 2.
zelus imitatio est, & contentio,
num. 1. est proprietas amoris,
num. 2. vt differat ab inuidia,
ibid.

2. Zelus geminus ex amore gemino,
l. 14. c. 2. n. 4. est vltor iniurię,
n. 5. eoque pertinet zelotypia,
n. 6. zelus ex amore amicitię,

n. 9. eius exempla, n. 10. similis
inuidię, cap. 4. nam. 8. Vide &
cap. 3. num. 3.

Zelotypia furor quidam est, l. 14. 3.
c. 2. n. 6. morbusque animi gra-
uissimus, n. 7. Eius cura in lege
Mosaica, *ibid.* tragici effectus
zelotypię, n. 8. in Olympiade,
Medea, & aliis, n. 8.

Zelotypia quando bona vel mala, 4.
l. 14. c. 10. n. 5. in Deo iustissima,
n. 6. terminatur in querelas, n. 6.
7. 8. est signum amoris, num. 11.
Zelotypia Iosephi sponsi Virg.
c. 6. n. 1. 2. & seqq.

Zelus diuinus humano præstat, l. 5
14. c. 3. n. 1. an sit etiam poten-
tior, n. 2. idem quoque geminus
est, n. 3. in martyribus agnoscitur,
ibid. diuinus zelus concu-
piscentię differt à naturali, l. 14.
c. 5. n. 1.

Zelus imprudens & imperitus non .6.
est diuinus, l. 14. c. 4. n. 1. qualis
Iudæorum fuit, n. 1. & seqq. fi-
liorum Zebedæi, n. 3. Carpi Cre-
tensis, n. 3. & seqq. primorum
Christianorum contra Paulum,
n. 6. vt corrigendus, n. 7.

Zelus amicitię diuinus, in Mo- 7.
se, lib. 14. cap. 5. num. 2. in Phi-
nee, num. 3. in Dauide, num. 4.
in Saule, num. 5. In Iephthę,
num. 6. & 7. in Elia, num. 8.
in Iehu, num. 9. in Machabæis,
num. 10. in Iosepho, cap. 6. nu.
1. & seqq.

Zelus-Seruatoris pro honore Eu- 8.
charistię, lib. 16. cap. 17. num.
1. 2. 3. maior quàm aliorum
sanctorum, lib. 14. cap. 7. num.
1. insignis contra Satanam, nu.
2. euertens eius simulacra, num.

LIII


INDEX RERV.

3. subditos ei subtrahens, n. 4.
Zelus S. Petri contra Ananiam &
Saphiram, lib. 14. cap. 6. num.
5. & contra Simonem Magum,
num. 6. & S. Pauli contra Ga-
latas, num. 7. & incestum Co-
rinthium num. 8. Et Elymam
magum, num. 9.
Zelum in ipso Deo esse, lib. 14.


cap. 10. ex Scripturis, num. 1.
2. contra hunc zelum quæ fa-
ciant, num. 3. respondetur fu-
se deinceps. zelus se minis &
vltione prodit, num. 2. & 10.
Zelus coniugalis iustus, l. 14. cap. 11.
11. num. 5. non ambitiosorum
& quare, *ibid.*

FINIS.

Biblioteka Jagiellońska



stdr0030922



Teobi Salianus S.
Iesu de amore Dei
Libri Sedecim

*Ex Libris
Bibliothecae
Regiae*